

个系



精學編

圖書在版編目(CIP)數據

儒藏. 精華編. 一〇六/北京大學《儒藏》編纂中心編. 一北京:北京大學出版社, 2008. 4

ISBN 978-7-301-11824-5

I. 儒··· II. 北··· III. 儒家 IV. B222

中國版本圖書館 CIP 數據核字(2007)第 175430 號

書 名: 儒藏(精華編一〇六)

著作責任者:北京大學《儒藏》編纂中心

責任編輯:謝丹雲

標準書號: ISBN 978-7-301-11824-5/B・0510

出版發行:北京大學出版社

地 址:北京市海淀區成府路 205 號 100871

網 址: http://www.pup.cn

電子郵箱: dianjiwenhua@163.com

電 話:郵購部 62752015 發行部 62750672 編輯部 62765691

出版部 62754962

印刷者:北京中科印刷有限公司

經 銷 者:新華書店

787 毫米×1092 毫米 16 開本 40.75 印張 553 千字 2008 年 4 月第 1 版 2008 年 4 月第 1 次印刷

定 價: 500.00元

未經許可,不得以任何方式複製或抄襲本書之部分或全部内容。

版權所有,侵權必究 舉報電話: 010-62752024

電子郵箱: fd@pup. pku. edu. cn

《儒藏》精華編第一〇六册

首席總編纂 季羡林

湯一介

總

編

纂

本册主編

孫欽善

龐

樸 孫欽善

安平秋

(按年齡排序)

(儒藏)精華編凡例

則的 爲儒 家經典 典籍的叢編。 、中國傳統文化以儒家思想爲中心。《儒藏》 和反映儒家思想、體現儒家經世做人原 收書時限自先秦至清代結束。

藏》中 一、《儒藏》精華編爲《儒藏》的一部分,選收《儒 的精要書籍

互見。 漢文寫作的儒學著作,編爲海外文獻部類 寫者一 已收入入選的個人叢書或全集者,僅存目録,並注 分類法分類,大類、小類基本參照《中國叢書綜錄》和 土文獻。傳世文獻按《四庫全書總目》經史子集四部 《中國古籍善本書目》,於個別處略作調整。 三、《儒藏》精華編所收書籍,包括傳世文獻和出 律收其釋文文本。 出土文獻單列爲一個部類,原件以古文字書 韓國、日本、越南儒學者用 凡單書 明

> 編,不改編,保持原書的完整性 五. 、對人選書籍進行簡要校勘。 和 獨 立 以對校爲主, 性

四、所收書籍的篇目卷次,一仍底本原貌,不選

爲 勘價值的版本爲校本。 主,酌校異同。 校記力求規範、精煉。 出校堅持少而精,以校正誤 確定内容完足、精確率

高的版本爲底本,精選有校

例,進行規範化標點。 六、根據現行標點符號用法,結合古籍標點通 專名號除書名號用 角號(《》)

外,其他一律省略。

落。 正文原已分段者,不作改動。 七、對較長的篇章,根據文字内容,適當 千字以内的 劃

分段

短文

般不分段

及其他有關情況。 及整理時所確定的底本、校本(舉全稱後括注簡稱 介紹作者生平、該書成書背景、主要内容及影響,以 八、各書卷端由整理者撰寫《校點說明》,簡 後略 重複出現的作者,其生平事蹟按 要

九、本書用繁體漢字豎排,小注一律排爲單行。

出

現

順序前詳

凡

例

《儒藏》精華編第一〇六册

經部 四書類

論語之屬

論語正義[清]劉寶楠 劉

員楠 劉恭冕

1

論語正義

〔清〕劉宗永 校點

二四八

一九五

一九五

六二

六二

二四八

二八三

三九

三四四

論語正義卷二十二 · · · · · · · · · · · · · · · · · 五七八	微子第十八 五五七	論語正義卷二十一 五五七	陽貨第十七 五二七	論語正義卷二十 五二七	季氏第十六 五〇六	論語正義卷十九 五〇六	衛靈公第十五 四七九	論語正義卷十八 四七九	憲問第十四 四三五	論語正義卷十七 四三五	子路第十三 四〇六	論語正義卷十六 四〇六	顏淵第十二 三八一	論語正義卷十五 三八一	先進第十一 三四四	論語正義
								後敘	玄《論語序》逸文		論語序 六〇四	論語正義卷二十四 ····································	堯曰第二十 五九一	論語正義卷二十三 ······ 五九一	子張第十九 五七八	

校點説明

過。 完成。 劉 已。」後因官事繁忙未成其業,而由其子劉恭冕繼續 户之見,凡以發揮聖道,證明典禮,期於實事求是而 薈萃而折衷之。 徵劉文淇齊名,人稱「揚州二劉」。 續爲卷七《雍也》篇以後,而全書也都經劉恭冕增訂 後七卷則是劉恭冕完成的。 陳立等相約各治一經,他發策得《論語》。 二八)、劉寶楠與劉文淇、梅植之、包慎言、柳興恩、 樓,江蘇寶應人。 論語正義後敘》云:「先爲長編,得數十巨册,次乃 寶楠早年問學於其叔父劉台拱,爲諸生時,與儀 除《論語正義》外,劉寶楠還著有《釋穀》、《漢石 一般認爲,前十七卷是劉寶楠獨自撰寫的, 寶楠(一七九一一一八五五),字楚楨,號 不爲專己之學,亦不欲分漢、宋門 清道光二十年(一八四○)進士。 也有人認爲劉恭冕所 道光八年(一八 劉恭冕 念

》等。

義補》、《何休論語注訓述》等。書院。除續撰完成《論語正義》外,還撰有《論語正齋。光緒五年(一八七九)舉人。曾主講湖北經心齋。光緒五年(一八二四—一八八三),字叔俛,號勉

計,全書共引用一百二十六位清代學者的 了前人尤其是清人的相關研究成果,有參考價 輯録已佚的東漢鄭玄《論語注》並加以 者,則先疏經文,次及注義。 以釋經,略者則 經文,則實事求是,不專一家。 加 有破舊注 以吸收, 《論語正 而自爲 有疑 義》除疏釋何晏《論語集解》外,又 問 新説 依經以 的 則 者。 加 補 辯 疏, 作者充分而全 書中各章的疏解,常 駁。 其 於注義之 據 有違失未可 校 點 、疏釋。 者 備 面 二百零七 地 初 者 吸收 值 以 引 全 步 則 統 的 從 據

義》過 煩 儀 時 種 者也没有忽視對 訓 瑣。 著 期 歷史事件以及人名、地 重 作 與史實考訂,尤其是對古代名物典章、風 分强 可謂 據的樸實學風,在注釋經文時 調 博 字 採 詞 經文義 衆家之長。 的 訓 釋與名物的 理 名的注釋 的 闡 該 釋。 書 突出 考 考證。 當 證, 然、《論語 偏重於文字 發 時 揚 同 常失 T 時, 俗 乾 之 正 作 禮 嘉

正。 國《 雪 本和排印本則有光緒十四年《皇清經解續編》本、 八六六),筆者經過考證,以爲當在同治八年。 校二十一 宗 録 條,藏浙江大學圖 數 種。 沂《論語 了三十條); 克輯 四 清 部備要》本、《萬有文庫》本和《諸子集成》本 《皇清經解 般 點《籀 人孫治 條, 認 正 爲《論 汪校十 義 廎 讓 此 校 遺 所校《論 外又 語 著 續 記》一 書館(一九八七年齊魯 正 五 輯 編》本對 義》初刻 條,側 有劉文興抄 存》中的《籀 卷, 語正 藏 重於内容上 初刻本的錯 義》共 南 於清 京圖 録 廎 代 有 的 同 書 讀 校 館 孫 治 書 書社 的 誤有所 記 詒 録 五 四 補 其 讓、 年(一 翻 中 出 + 注 僅 版 校 等 民 刻 輯 餘 補 孫 汪

義》,本次校 華書局於 在 數吸收孫詒讓前 經 疏。 主要參考書目及版本如下"「十三經」採 後 解續編》本(簡稱 _ 本次校 種 校 一九九〇年排印了 點 點 記中僅選擇了 以 參考了其中的 同 種四十 | 經 治 1 解 年 初 條 高流水點校的《論 他校成 刻 汪 本 宗 爲 沂的。 果。 底 本, 用 本 以《皇 清 書 他 阮 語

陳 語 出版社 局《叢書集成初 點校本,《墨子》、《管子》、《莊子》、《荀子》、《新 校刻《十三經注 局 叢 釋名》、《易緯乾鑿度》、《易緯 新編諸子集成》本,《國語》、《戰國策》、《山 春秋繁露》、《鹽鐵論》、《白虎通》均採用中 奇 刊》影 》、《廣雅》、《經典釋文》、《丹鉛 許 猷《吕氏春秋新校釋》本、《韓詩 維 影 遹 明 ∥韓 即 活 字 四 詩 編》本。 庫 外 本、《吕氏春秋》用上海 疏》本,「二十四史」採 本 傳 書》本;《説 集釋》本;《 其他、《晏子春 餘條校記(簡稱「孫校」), 續編》本」)爲對校本, 坤 文解 録》均 獨 鑿 斷》 外傳》用 度》、《孔 字》用 用 古 採 用 秋》用 籍 用 中 上 另外,中 華 中 中 中 海 華 海 出 子 華 經 書 語 書 古 版 四 家 局 局 校 īE 清 書 社 部 元

三

在此一併致謝。編纂中心李暢然先生對本書的校點也多有指正。輯陳新先生審閱,改正了不少錯誤。北京大學儒藏輯陳新先生審閱,改正了不少錯誤。北京大學儒藏

校點者 劉宗永

《古尚書》、《逸禮》皆有文無説。 《論語》,而以《公羊》屬立。嗣楚楨先生成進 時,魯共王壞孔子宅,得《古文論語》,蓋 之,爲若干卷,而楚楨先生旋下世。 别作疏義。 氏《尚書》,邵氏、郝氏《爾雅》,焦氏《 植先生病十三經舊疏多蹖駁,欲仿江 劉楚楨、包孟開兩先生赴鄉闈 經假讀竟,乃敘而論之曰:漢世《 士,宰畿輔,草未就,授哲嗣叔俛明經續 齊論》、《魯論》,篇次小殊,説亦略異。 齊》、《魯》,爲《張侯論》,而《齊》、《魯》師 道光戊子秋,立隨劉孟瞻、 孟瞻師任《左氏傳》,楚楨先生任 梅 孟 藴 張 論 瞻師 生 《孟子》, 禹 既從明 氏、孫 語 孝武 兩 兼 楚 師, 法 與 成 通 有

之注 明 有 或 蓋 易,而去取多 《集解》,名爲集諸家之善,其不安者頗爲改 淆。 明經者爲之拾遺補闕,繼承先業,故其疏《論 語駢枝》,精深諦確 彦,躬行力踐,世守勿替。 從父端臨公箸《論 義,既無 惜皇、邢二疏未能發明,末學膚淺,於微言大 生德於予」之義。 語》也,章比句櫛,疏通知遠,萃秦漢以 從端臨公受學,長益旁搜博覽,又得 汩没無考,其漢時經師單詞隻義,猶賴焉存。 闕,厥 中 朝儒先舊説,衷以己意,實事求是。 功經訓者,如謂「有子言禮之用」章,是 鄭康 庸 ,而三家師説 之説。 窺竊,於典章訓詁、名物象數,復多 用慨焉。 成 就《魯論》篇第考《齊》、《古》,爲 乖 夫子「五十知天命」,是知「天 ,義藴觕略。 告子游、子夏問孝,是言士 亦不可究矣。 楚楨先生先德本東林 ,雅爲通人所重。 然師授淵 何平叔等作 先生 通敏若 其 最 來迄 源 發 少 雖

句

之孝。 其藴。 期 越,疏漏淺謬,卒未覈正。 年,近甫輯成稾本七十餘卷,復橐筆遊楚、 此、皆先聖賢之旨、沈霾二千餘載,一旦始發 兄弟不可責善。 惑」,是魯行雩祭,樊遲舉雩禱之辭 有過之無不及已。立於《公羊》疏,勿勿四十 至詳確,以視江、孫、邵、郝、焦氏諸疏義,蓋 困窮」,是指洪水之災,堯舉舜敷治之。凡 南》」,是伯魚受室後,示以閨門之戒。 王既没,文不在兹乎」,是指所得之簡策言。 由,不可使知」,是夫子教門弟子之法。 地。「興於《詩》,立於禮,成於樂」、「民 朋友切切偲偲,兄弟怡怡」,是言朋友責善, 樊遲從遊於舞雩之下,問崇德、脩慝、辨 追維先哲,悔恧何已。 至《八佾》、《鄉黨》二篇所説 乘桴浮海」、「居九夷」,是指今高 謂「伯魚爲《周南》、《召 歲月如逝,寫定無 屠維大荒落余月 禮制,皆 「四海 以 门可使 文 問。 麗

凡

例

譜加 多同。 列於疏。 校 否則不引。 皇本、《釋文》本、唐石經證合者,始備引之, 故 石經及皇侃 唐石經删「臣」字。 予有亂臣十人」,以子臣母,有干名義 改。 要,悉從略焉 此 語 疏 ,殊爲非類。 校勘記》、馮氏登府《論語異文疏 其皇本所 所 高麗、足利本,與古本亦相出入,語 經文注文, 至山 引甚少。 至注文訛錯處,多從皇本及後 疏、陸德明《釋文》所載各本,咸 并鼎《考文》所引古本,與皇本 載注文,視邢本甚繁,非關 既詳見於《考文》及阮氏 其他文字異同,如漢唐 從邢 古本、高麗、足利 疏 本。 惟《 泰 本 伯》 为 因 證 有 人 與 元 涉 宋 據

> 舊,而 注以 墨守之失。 未可從者,則先疏經文,次及注義。 事求是,不專一家。 一三,於義得合,悉爲録之,以正向來注 釋經; 鄭君遺注悉載 用《 略者, 集 解》者,所 則 依經以 故於注義之備者,則 疏 内。 以 補 存 至引申 疏; 魏晉人箸録 其 經文,實 若説 有違 一疏家 義 失 據 之

及字句小異,均難備列,閱者諒諸 是則無可依據。 鏞、宋氏翔鳳 多,雖拾殘補闕,聯綴之迹,非其 ○鄭注久佚,近時惠氏棟、陳氏鱣、臧 咸有 今悉詳載,而原引某書某 輯本,於《集解》外徵 本真 **,** 而 引 氏 舍 頗

故 博稽同異,辨證得失。 説、文集,凡引《論語》有不同者,悉爲列入, 異文疏證》,於諸史及漢唐 也。 〇古人引書,多有 翟氏 灝《四書考異》、馮氏登府《論 既有專書,此宜從略 增減,蓋 宋 人 未 傳 檢及 注,各經 原 語 文

凡

例

文。翟氏《考異》既詳載之,故此疏不之及。賢説或爲孔子語者,皆由以意徵引,未檢原

宜擇取。(漢人解義,存者無幾,必當詳載。至《漢人解義,存者無幾,必當詳載。至

○引諸儒説,皆舉所箸書之名。若習聞短從長,同於節取,或祇撮大要,爲某某説。說而並加駁難,又嫌於葛藤。故今所輯,舍采其善而不箸其名,則嫌於掠美,若備引其《諸儒經説,有一義之中是非錯見,但

《經養說略》,疏中皆稱爵。《經傳小記》,先伯父五河縣學訓導諱寶樹箸先叔祖丹徒縣學訓導諱台拱箸《論語駢枝》,又先祖考國子監典簿諱履恂箸《秋槎雜記》,其語,未知所出何書,則但記其姓名而已。其語,未知所出何書,則但記其姓名而已。

論語正義卷

寶應劉寶楠學

學而第

甲乙之次第。」 亦有第,因其第次也。」《後漢・安帝紀》李賢注:「第謂有 東之次言,「第」則指竹簡言。《釋名・釋書契》云:「稱題 序》疏引《説文》:「第,次也。 孔子讀《易》,韋編三絶。當孔子時,諸弟子撰記言行,各自 案: 古人以漆書竹簡約當一篇,即爲編列,以韋束之。 成篇,不出一人之手,故有一語而前後篇再出也。《毛詩 撰之時,以《論語》爲此書之大名,《學而》以下爲當篇之小 此至《堯曰》,是《魯論語》二十篇之名及第次也。 弟」字下云:「韋束之次弟也。 第,順次也。 正 義曰:《釋文》及皇、邢疏本皆有此題。邢疏云:「自 一,數之始也。言此篇於次當一也。」 从竹布。」今本《説文》脱。 從古字之象。」疑「弟」指章 當弟子論 故

> 然《釋文》雖仍舊題,而云「何晏集孔安國」云 下。自注"「一本作「何晏集解」。」「一本」,必 云,其文兩見,則亦爲後世之誤説所惑也 六朝時人改題,誤以《集解》爲何晏一人作也 論語》舊題,止 「集解」二字,在 「學而第一」之

集 解 Œ

義 日 :

陸

德明《經典釋

文》載

異,故多寡迥殊。今但依《釋文》以存《集解》之舊,其 子篇敘》曰:「《論》四百八十六章。」較《釋文》少六章 所記之數。統計《釋文》各篇,四百九十二章,趙岐《孟 見本已删之也。漢石經則每卷後有此題,蓋昔章句家 即《集解》本。今皇、邢疏無 敘,無所取法,與《孟子》篇章迥殊。 小,各當其事,無所法也。」明謂《論語》章次,依事類 言人人殊,既由臆造,則皆略焉。 有離合錯誤,各記當篇之下。至後世分析移併之故! 《陽貨》篇二十四章,漢石經作廿六章。凡皆所據本 章。《衞靈》篇四十九章,依《集解》實爲四十三章。又 然《釋文》《先進》篇二十三章,依《集解》宜爲二十四 凡十六章正義曰:《釋文》舊有此題,其所據 「凡幾章」之題者,當由 又趙岐言:「章次大 而皇疏妄有聯貫 所

理所可取,則皆删佚,不敢更箸其説焉。 翟氏灝《考異》已言其誤。後之學者,亦有兹失。既非

人將 紨 久則人,學至乎没而 誦經,終乎讀 之大也。」又云: 也 象 П 之爲曰。」邢疏引《説文》云: 者 馬 省乎己, 省。《白虎通 説 教,覺悟 懌。」 。」與《説文》訓 П 气 學 曰 不臨深谿,不知地之厚也; 氣出 發 出 四教,順先王《詩》《書》 子 語,口 者以時 也。」所引《説文》各異。 「子者, 正 則 Ď: 也。 也」,又引《孝經》釋文云: 義曰: 知 禮; 上有氣,故曰字缺上也。」「學」者,《説文》云: 明 从教从门。 誦 「學惡乎始? 辟 男子之 同。 而 學 其 義 習 雍 行 之。 而 後 》篇: 《荀子· 無 者,皇 則始乎爲士,終乎爲聖人。 止 過矣。 時習之,不亦説乎? 通 也。 誦 「學之爲言覺 口,尚矇也。 稱,謂 日 習 禮樂以造士。 疏引《説文》云: 勸學篇》: 案:《王制》言: 惡乎終? 不聞先王之遺言,不 故不 段氏玉裁校定 以 詞 時,學無廢業,所 孔子也。」王 「從乙在口上,乙象氣。 也。 登 丸也, 高 臼聲。 君子博學 從口,乙聲,亦 曰 : 山,不 春秋教以禮 以 開口 其數則 覺 作「從口乙 樂 學,篆文斅 知 悟 日 真積 天之高 一知學問 Œ 吐 而 所 : (注) 崇 始 以 未 日 舌 樂, 時 象 爲 四 力 乎. 知 謂 參

子• 文》有 鄭箋云:「之,猶 前身中、年中二 數目,十年學書計,十三年學樂、誦 子所删定言之矣。「時習」 也。 習之學。 冬夏教以《詩》《書》。 以忘憂」,又稱顏回好學, 童,舞《象》。』並是就身中爲時也。 春夏秋冬。 家》言孔子當定公五年,已修《詩》《書》《禮》《樂》,即 夫子十五志學,及後不仕,乃更删定諸經。 春秋時,廢選舉之務,故學校多廢 「學而時習之」者,「時」是日中之時。」「之」者、《詩 士之適子,國之俊選皆造焉。」是《詩》《書》禮樂,乃貴賤 爾 凡學有三時: 雅 滕文公上》: 『春夏學《詩》、樂、秋冬學《書》、禮。』三就日 删定之後,學業復存。 説 釋詁 學已大成,始得 無「悦」,「悦 而日 *****: 時, 中晷刻亦得名時,引申之義 「説、樂也。」皇本凡「説 是就人身中爲時。 「不亦善乎?」趙岐 是也。」 而所學並日日修習,不暫廢也。 王大子、王子、群后之大子、 一是俗體。 雖貧不改其樂,皆是説學有然 此 出 者、《説文》: 凡篇中所言爲學之事,皆指 仕, 所 常 訓。 禮 二就年中爲時。 夫子自言「發憤 謂 (詩》、舞《勺》,十五年 《内則》云: 不 注: 先 樂崩 時 亦 進於 皆作 「不亦者,亦 《史記 壞。 説乎」者,《孟 四 也。 禮 時 悦 『六年教之 職 樂 卿 皇 也 中 此之由 忘食,]。 」此 孔 大夫元 一疏云: \pm 爲 今云 子 也。」 謂 《説 制 莪 時 也 夫

三

道

之曰誦。 篇卷也。」是也。 學,有操縵、博 須言其氏,人盡 言以曉人。 用竹爲版 不習乎」, 也。」「諷,誦 乎」者、《説 史記・ 習、學習之義。 皆得稱子,故此孔子門人稱師 也。」此用爲語助。 直言「子曰」者、皆指孔子。 ,故孔子不仕 「業,大版也。 同 端以 號 。」諷、誦皆是口習,故此注言「誦習」也。 門 》篇: 世家》: 訓 ,故亦名業。 見之也。 也。」《周官 文》云:「乎,語之餘 日 義 有朋自遠方來,不亦樂乎?【注】包 依 「子者,丈夫之通稱也。」與此 朋。 亦 退 知之故也。」「誦 「説懌」者、《説文》新附: 雑服 ○ 日 同。 『定公五年,魯自大夫以下皆僭離 而 所以 正 《説文》: ○注「子者」至「説懌」○ 修《詩》《書》《禮》《樂》。 覽・審己》注: 《曲禮》云:「請業則起。」注: 「學不廢業」者、廢者、 順 義 飾 大司樂》注:「倍文日 日 一藝諸 縣 以 宋 鐘鼓,捷業如鋸齒。」 事,此 「習,鳥數 其聖 也。」《 氏翔 習」者、《説 亦曰子也。 德著聞,師 注專以 「習,學也。」下章 廣 鳳《樸學齋札記》: 雅 飛 「懌,説也。」注 注 也。」引申 文 :: 邢疏 弟子彌衆,至 「誦習」言者 Ĕ 釋 義同。 棄 諷 範來世,不 義 曰: 但古 詁 也 云: 誦 「業,謂 簡 以 ·爲凡 【人爲 聲節 言尊 乎, 於 册 《説 令白 諷 傳 書 正 重 亦 以樂 也。 非 朋自遠」亦作 載 引 不亦 並常訓。 雅 秋 子》子濯 道 禮 易 有三、《論 有朋 也。 釋詁》: 中 作

亦舉

重

卑. 虎 詞

通

既以驗己之功修,又以得教學相長之益,人才造就之多,所 文「時習」是「成己」、「朋來」是 服,而遠者懷之,此大學之道。」然則朋來,正是學成之驗 按"宋説是也。 自 禮・表記》注:「方,四方也。」《爾雅 遠 !或本,後人乃改作「朋友」耳。《隸釋》載漢《婁壽碑》「有 ,是也。」「自遠方來 貴直》篇「有人自南方來」,句法極相 「朋」,即指弟子,故《白虎通・ 方,莫不受業焉。』弟子至自遠方, 彖傳》: 樂乎」者,《蒼頡 庸》云: 《學記》言:「學至大成,足以 孺子曰: 孟子以 語 「朋友」,疑《白虎通》本作「友朋」,即《釋文》所 「遠,遐也。」《淮 「麗澤兑。 「有朋」。 《釋文》云:「有,或作友,非。」考《白 日 「誠者、非 「得天下英才而教育之」爲樂,亦此 其 朋 一者、《廣雅 友自 盧氏文弨《釋文考 取 篇》: 君子 友必端 白誠 遠 南 方 以朋 己 「成物」。 樂, 來」,朋友之道 矣」,亦指「友」爲弟子。」 而 兵略訓》: 釋詁 辟 已 喜 友 •釋詁》:「來,至也。 雝 也 講 也。 即 化民易俗 》篇云:「師弟子之 但 證 習。」兑 ,所以 有 似。 「自,從也。」《爾 成物亦 與 「方者,地 朋 成城物 陸氏 説 也。」又《孟 自 者,説 || || || || 由 遠 近者説 也。」此 謂 義 成己 方 虎 也。 也。 作 氏 同 來 通 0 友 春

知

四

生進 之也。 達於天,爲天所知 記:「子曰: 德之稱也。 正義曰:「人不知」者,謂當時君卿大夫不知己學有成舉用 乎?」【注】愠,怒也。 所 於魯,以師道自任,開門 之内,二十五家爲間,同 里,朝夕坐於門。 云: 此 注 尤人,下學而上達。 人。」」又《論語》下篇: 《説文》同。「君子」者,《白虎通・ 夫子時,學校已廢,仕焉而已者多不任爲師,夫子乃始設教 禮 文與包同。 一 同 德脩業之大,咸括於此章。 「古之教者,家有塾。」注:「古者仕焉而已者,歸教於間 門 哀公問 非爲舊時家塾矣。 「不愠」者,鄭注云: 日 朋 『正己而不求於人,則無怨。 君之爲言群 同 ○正義 「君子也 門側之堂謂之塾。」孔疏: 門」者, 則 知我者其天乎!!正謂己之爲學,上 **三** 非 子曰: 人所能知,故 共一巷,巷首有門,門邊有塾。」 授業。 者,人之成名 人不知而不愠,不亦君子 謂 凡人 《文選 也。 同 愠、怨也。」《詩·縣》正義引 「莫我知也夫! 處 是故 洙泗之間,必别有講 有所不 子者,丈夫之通 號》篇: 古詩十 師門 學而 無所怨尤也。 也。」《禮 也。 上不怨天,下不尤 「或稱君子者,道 知,君子不怒。 不厭」,時習也, 九首》注引鄭 「《周禮》,百里 《 禮 不怨天,不 稱 夫子一 中 學 肄之 也。 庸》 記 當 注

而

畫

子。 傳: 列諸篇首。 云: 子恕之而不愠怒之也。」此即 不求備於一人,故爲教誨之道,若人有鈍根不能知解者,君 知不愠也,惟聖者能之也。 教學之法,語之而不知,雖舍之亦可,無容 又不熟悉,惟詳五業並授。 治天下,故惟守先王之道,以待後之學者。 「注言『人有所不知』,則是人自不知,非不知己也。 也; 地、牽譬引類、至忘寢食。」」此亦焦氏就注説證之。 人不知,因而愠之,矜也。 「樂詳,字文載,黄初中,徵拜博士。 此注所云,不與經旨應也 「愠,恚也。」恚、怒義同。 誨人不倦」, ○注「愠怒」至「不怒」○正義曰:《詩 朋來也,仁也; 其或難質不解 夫子生衰周之世,知天未欲平 《後漢 注義。 皇疏後一 遯 焦氏 儒 世 林傳 解云:「君子易事 十餘人,❶學多褊 不 循《論 ,詳無愠色,以 -見知 記 以 注引 不 者因以其言 語 而 愠 不 補 我所知 即 魏 悔,不 疏 實則 稱 緜 略 杖 君

凡在己上者。 孝弟,而好犯上者,鮮矣。【注】鮮,少也。 有子曰:【注】孔子弟子有若。 言孝弟之人必恭順,好欲犯其上 其爲 人也 者少 上 謂

⁰ 一十」上,據《後漢書》何焯校本脱「時有博士」四字。

體。

師,故 弟者,不兼兄言也。《賈子·道術》云:「子愛利親謂之孝, 稱子錯出也。 曰 : 反孝爲孽。弟敬愛兄謂之悌,反悌爲敖。」「悌」即 友。」此文不言友言弟者,友是兄弟相愛好,此則專指爲人 也。」「孝弟」者,《爾雅 其天地之德,陰陽之交,鬼神之會,五行之秀氣也。」又曰: 異孔子,不敢以事師之禮用之他人。觀曾子但言孔子德不 也。 人所記,而孔子弟子之於二子仍稱字,故篇中於閔、冉稱字 有子、曾子稱子,此必孔子弟子於孔子没後,尊事二子如 「人者,天地之心也,五行之端也,食味、别聲、被色而生者 《周官・典同》注:「爲,作也。」並常訓。《禮運》曰:「人者, '尚,而於有子無微辭,則非不服有子可知。當時弟子 曾子不可 在曾子之前。]案: 阮氏元《論 論 通稱子也。 雅 語 從 好 俗作也。 彊 犯上,而 釋文云: 「其爲人」者、《尚書大傳》注:「其,發聲也。」 ,其餘皆服之矣。 [語解》:「弟子以有子之言似夫子而欲師之, 計》: 至閔子騫、冉有各一稱子,此亦二子之門 曾子不可彊,非不服 「好犯上」者,皇 犯 「弟,本 •釋訓》:「善父母爲孝,善兄弟爲 好作亂者,未之有 勝 也。」《説文》: 作悌。」 故《論語》次章即列有子之 皇本、 疏云:「好,謂 「犯,侵也。」「鮮 有子也 高 麗本 也。 特以 「弟」俗 亦 正 心 欲 作 惟 尊 義 疏

可

惟

語

若」〇正義曰: 傳》:「有若,少孔子三十三歲。」《論語》邢疏及《禮 廢,卿大夫多世官,不復知有孝弟之道。 下,而不好犯上、不好作亂,可無疑矣。 有也」。《曾子立孝》云:「是故未有君而忠臣可知者,孝子 犯上。若不好犯上,而好作亂,知爲必無之事,故曰「未之 焉。皆令知有孝弟之道。 由禮,而亂臣賊子,遂至接踵以起也。 君子一孝一弟,可謂知終矣。」是言孝弟之人必爲忠臣 仕可知者,先脩之謂 之謂也,未有長而順下可知者,弟弟之謂也,未有治 友不相踰,又令知有事長上、處朋友之禮,故孝弟之人鮮 舍,學小藝焉,履小節焉。 於好犯上。 時世教衰,民知德者鮮,故孝弟之人容有犯上,故云鮮 者,鄭注云: ·人反物爲亂。」《十五年傳》:「民反德爲亂。」作亂之人,由 「作亂」者、《爾雅·釋言》:「作,爲也。」《左宣十二年傳》: 尟,是少也。」「尟」,正字。 引作 「四十三歲」。 好犯上,由於不孝不弟。 鮮,寡 皇本作「孔 也。」此 也。 裴駰 故曰孝子善事君,弟弟善 束髮,就大學,學大藝焉,履大節 而父之齒隨行,兄之齒鴈行,朋 安國注」。 《史記集解 本《爾 鮮, 魚名,出 雅 《史記·仲尼弟子 故古者教弟子,就外 》引鄭玄云「魯人」。 ○注「孔子弟子 春秋之時,學校已 釋 故事君事長,鮮 貉 詁 國 叚 説 檀弓 (借字。 事 文 》: ൬ 長 順

六

道。 書》以 衰。 子務本,本立而道 本與?【注】本,基也。 子 上則非恭 肅 位在己上。「凡」者,總舉之辭。 謂凡在己上者。蔡邕《獨斷》:「上者,尊位所存也。」亦謂 此 元《論仁篇》以 父兄,然後仁道可大成。 廣 道 本立而道生」者,李賢《後漢 務,趣也。」高誘《吕氏春秋・ 也。」《釋名・釋言語 」○正義曰: 出鄭氏《 務本,本立而 **《漢書** 」者,人所由行之路。 《詩》云: 「正其本,萬事理。」」《 犯上」爲「干犯君上之法令」,亦此注義所括 釋詁 順,故人能孝弟,必恭順於上也。 孔子弟子 董仲舒傳》「道者,所繇通 「原隰既平 「本立而道生」爲古逸《詩》。 「鮮少」者、《説文》:「少,不多也。」「上」者 生,出 生。』夫本不正者末必倚,始不盛者終必 目 道生。 》:「順,循 録》,今佚不傳。 也。」《大戴禮 ,泉流既清。」本 説 事物之理,皆人所由行,故亦 正 苑 基立而後可大成。 孝行覽》注: 郎顗傳》注:「立、猶定也。」 義曰:「務本」者、《説文》: 孝弟也者,其 「恭順」者、《説文》: 建本》篇:「孔子曰: 也。 循其理也。」注以 於治之路也 ○注 立 保傅》云: 愚謂 而道 「務,猶求也。」 丘光庭《兼 鮮 生。」阮 少」至 「務本」二 爲仁之 先能事 「《易》 是 恭 君 也 君 小少 氏 日 明 犯

者,謂之悖禮。 德言仁者,仁統四德,故爲仁尤亟也。 心。 仁」、「爲仁由己」、「子貢問爲仁」、「堂堂乎張也,難與 也。 則於君臣、夫婦、朋友之倫,處之必得其宜,而可名之爲道 昆弟、朋友,而父子、昆弟尤爲本根之所在。 孔子語者,七十子所述皆祖聖論,又當時引述各經,未檢原 句 仁民,仁民而愛物。」是爲仁必先自孝弟始也。 「仁之實,事親是也。 「夫孝,德之本也,教之所由生也。」德兼仁義禮 始」,敬亦本乎愛也。 意,言己與人相親愛也。 曰:「愛人」」,此「仁」字本訓。《説文》「仁」字從二人,會 力於仁」,亦是言「爲仁」也。仁者何? 仁矣」,皆是言「爲仁」。又「志於仁」、「求仁」、「欲仁」、「用 故「本立而道生」 文,或有錯誤故也。《中庸》言達道五: 故不愛其親 是古成語,而有子引之。 下篇「其爲仁矣,不使不仁者加乎其身」,「克己復禮 故《禮》言「孝子有深愛」,又言「立愛自親始,立敬自 而 以順則逆、民無則焉。 愛他人者,謂之悖德; 也。 孝弟所以爲爲仁之本者、《孝經》云: 「爲仁」,猶言行仁,所謂利仁彊仁者 義之實,從兄是也。」又 善於父母,善於兄弟,亦 《説苑》及《後 **念**孟 不在於善,而皆在 不敬 下篇「樊遲問仁、子 君臣、父子、夫婦 漢 子• 其 若人能孝弟 云 延 親 《孝經 離婁》篇: 篤 智,此不言 而 由愛敬之 「親 傳 敬 <u>\text{\text{\text{Z}}}{\text{Z}}:</u> 》皆作 親 並 他 於 爲 爲 而

根。 終是不仁。 成 也。 成」者,大猶廣也。 句之義。 之本,故君子先務此也。 所親而後及所疏,必先所重而後及所輕。]是知孝弟爲爲人 百善至,百邪去,天下從者,其惟孝也。夫論人,❶必先以 孝。夫孝,三皇五帝之本務,而萬事之紀也。夫執一術而 則弟可知。 則成功立行也。」案:「仁」、「人」當出《齊》、《古》、《魯 氏翔鳳《鄭注輯本》「爲仁」作「爲人」,云:「言人有其本性」 曰:《説文》:「本,木下曰本。 云:「仁之爲器重,其爲道遠,舉者莫能勝也,行者莫能 仁之難成久矣。 凡爲天下治國家,必務本而後末。」又云:「務本莫貴于 「德,雖得之,君子不貴也。」觀此,則不孝不弟,雖 最 句 鄭就所見本「人」字,解之爲「人之本」,與上文「其爲人 取數多者,仁也。 注訓「基」者、《説文》:「基、牆始也。」始亦本也。「大 心爲難 相應,義亦通也。 「與」者,語助 能 何者? 爲其大本已失,其末自不足貴也。 「百行」者,不一行也。《吕氏春秋·孝行》云: 故惟 人人失其所好,故仁者之過易辭也。」又 訓「生」爲成,此引申之義。《表記》云: 能 夫勉於仁者,不亦難乎?」是仁道 · 先事父兄,復擴充其本性之善,兼 辭。 鄭注又云:「孝爲百行之本。」言孝 「孝弟也者」云云,是釋「務本」二 ○注「本基」至「大成」○正 从木,一在下。」一在下,象其 有他 》異 善 宋 義 大 有 致

> 衆德,然後仁道可冀大成 也。 皇本以 「先能事父兄」二句 爲

包注。

説

X

篤,難於仁矣。」與此文義同。 若有未絶於仁也。《曾子立事》云:「巧言令色,能小行 《烝民》詩:「令儀令色。」彼文言「巧」、「令」,皆是美辭。 爲甚佞,則不仁可知。 色、足恭,左丘明恥之,丘亦恥之。」又《書・皋陶謨》云: 云「鮮矣仁」者,以巧令多由僞作。故下篇言:「巧言、令 休。」《左傳》載師曠善諫,叔向引「巧言如流」以 曰:「巧言,好其言語;令色,善其顏色。 巧言」至「仁 何畏乎巧言令色孔壬。」孔,甚也,壬,佞也。 .情欲信,辭欲巧。』《詩 也。」皆謂「好其 之,少能有仁也。」正義曰:《禮 雨無正》箋: 子曰:「巧言令色,鮮 也一〇 (言語 「巧猶善也。」《禮 然夫子猶云鮮仁者,不忍重斥之,猶 正 」,即《詩 義 曰: 雨 皇本「仁」上有「有」字。 無 「巧」、「好」,音義 正 》云「好言自 》:「巧言如流 表記》注: 矣 • 表記》:「子 仁!」【注】包 П 以巧言令色 皆欲 「巧謂順 美之。 也。 俾 相 令人 躬 Ħ 近 又 此 爾 而 處 而

夫 ,據《吕氏春秋》當作「故」。

0

説

詩

八

雅 所見本亦作「有仁」。 者,皆謂之顔。 本紀》作 齊語》章昭解: • 釋詁 「善色」,是「令」有善義。 「令,善 故注以「顏色」連文。 「顔,眉目之間。」引申之,凡氣之達於面 也。』《書 皋陶謨》「令色」、《史記 《説文》:「色,顔气 云「少能有仁」,似注 也。」 夏

信乎? 至旦 也 亦皆口 周 雅 教」、「絶四」、「四惡」、「五美」、「六言六蔽」、「九思」之類,則 友」、『三樂』、『三戒』、『三畏』、『三愆』、『三疾』、『三變』、『四 最箸者也。 且以數記言,使百官萬民易誦易記。《洪範》、《周官》,尤其 説》:「古 素不講習而 省吾身。爲人謀而不忠乎? 天爲 此以 爲 釋詁》: 曾子曰:【注】馬曰:「弟子曾参。」「吾日 授耳受心記之古法也。」鄭注 人簡策繁重,以 晝夜,故 省 日也」是也。 傳不習乎?」【注】言凡所傳之事,得無 《論語》以數記文者,如「一言」、「三省」、「三 「吾,我也。」《説文》: 傅之? 訓察, 一 本《爾雅 夜即名日。 《説文》:「三,數名。」阮氏元《數 正義曰: П 耳 相 釋 「吾日三省吾身」者、爾 傳者多,以目 「吾,我自稱也。」日行 詁 《周髀算經 與朋友交而 一思 説文》: 察己之所 注: 相傳 省, 「從 旦 者少。 不 \equiv 視 行

> 《禮 《説文》:「圣,同志爲友。 君,有 《左襄四年傳》: 也。 信,故曾子以不信自省也。 所 同志曰友。」「同門」義見前疏。 文》:「信,誠 合,亦得稱交,引申之義也。 也。」「誠」、「實」義同。 語 詩 也。」「爲人謀而不忠」者、《國策・ 也。」義亦近。 信 《説文》:「交,脛也。❷ 志同也。 ,申也。 • 檀弓》注:「與,及也。」此常訓。 四牡》傳: 象人之身。」《釋名 「忠者,文之實也。」楊倞《荀子·禮論》注: 「忠,誠 誠 心事之亦謂之忠。 言以 鄭箋《詩・ 也。 ❶「咨事之難易爲謀。」用內、外傳義也。 爾雅 相 「咨難爲謀。」《魯語》: 從人從言。 申 束,使 从大,象交形。」朋友與己兩人相會 釋詁》: 釋身體》云: 關 誠心以爲人謀謂之忠。 从二又。 雎》、注《禮 不相 「傳不習乎」者,「傳」謂 皇本「交」下有 與 會意。」《釋名 同 「身,我也。」《説文》: 違也。」五 朋 志」者,謂兩人不共學 相交友也。」義與鄭 魏策》注:「爲,助 友 鄭注云: ·坊記》並有 「身,伸也。 交而 「咨事爲謀。」《毛 倫之義,朋 不 「言」字。 釋言 同門 信乎」者 故臣之於 「身,躬 師 可 語 此 日 友主 也。 有 屈 《周 訓 同 朋 説 丽 伸

0

[「]四牡」,據《詩》傳當爲「皇皇者華」。

② 「脛」上,據《説文》脱「交」字。

同科。 《孝經》。《孝經説》曰:「《春秋》屬商、《孝經》屬參。」 義開門 言,即 子以《孝經》專門名其家,故《魯論》讀「傳」爲「專」,所業既 學」,可見好學最難。 説 專,而習之又久,師資之法無絶,先王之道不湮。 爲之也。 氏 祗言習也。 行也。」此正曾子以傳不習自省之證。 博之,患其不習也,既習之,患其不知也, 身,亦可謂守業矣。」又云:「君子既學之,患其不博也, 傳於己也。 言,是「專 可 知。 省,既以忠信自勗,又以師之所傳,恐有不習,則其好學 義不稱師命之曰叛」。 所專之業也。 庸輯鄭注釋云"「此「傳」字從「專」得聲、《魯論》故 孔子傳習之旨也。」包 《曾子立事》篇:「日旦 受徒者,編牒不下萬人,皆專相傳祖 故曾子以此自省。 宋氏翔鳳《論 鄭以《古論》作「傳」,于義益明,故從之。」如臧此 」與「傳 夫子言「十室之邑,必有 鄭注云:「《魯》讀「傳」爲「專」,今從《古》。」臧 《吕氏春秋》曰:「古之學者,説義必稱師, 一同謂 其於及門中,惟稱顔子好學。 語發微》:「孔子爲曾子傳孝道 師之所傳,而字作「專」者,所謂 所專之業不習,則隳 《後漢書· 氏慎言《論語温 就業,夕而 儒林傳》: 忠信, 習兼知行,故《論 自 既知之,患其不 ,莫或訛 而不如 故録》:「「專」 省 棄師 思, 「其耆名高 説 曾氏之 今曾子 雜 以 丘之好 與叛 則 省 没 而 叚 語 既 揚 借 用 其 曾 有 業。 雄

皆從《集解》,亦通。 傳而不習,則是以未嘗躬試之事而誤後學,其害尤甚於不 齋筆記》:「曾子三省,皆指施於人者言。 不妄傳致誤學者,所 忠不信也。」焦氏循《論語補 不講習而傳之」〇正義曰:「得無」者,疑辭。 南武城人。少孔子四十六歲。」○注「言凡所傳之事得無素 曾點,曾子父也。」《史記·弟子傳》: 子巫仕魯去邑,爲曾氏。 姓纂》:「夏少康封少子曲烈于鄫,春秋時爲莒所滅。 包,非敢定於一是也。 宋、包二君義同。《廣雅· 所謂 此《魯論》文既不箸,義亦難曉,故既取臧説,兼資宋 譊 議之學,各習其師 謂「温故而知 ○注 見《世本》。 釋詁》:「專,業也。」 疏》: 「弟子曾參」○正義曰:《元和 _ 0 「己所素習,用以傳人,方 此 新,可以爲師]也。」二 即 巫生阜,阜生皙 「曾子名參,字子輿、 傳亦我傳乎人。 論 郭氏翼《雪履 亦謂所專之 義 也。」案: 鄫太 即

一十六里有畸。唯公侯之封,乃能容之。雖大國之革車一乘。』然則千乘之賦,其地千成,居地方三百夫,夫三爲屋,屋三爲井,井十爲通,通十爲成,成出之政教。《司馬法》:"六尺爲步,步百爲畝,畝百爲之政教。《司馬法》:"六尺爲步,步百爲畝,畝百爲之政教。《司馬法》:"江天八國,【注】馬曰:「道謂爲子曰:「道干乘之國,【注】馬曰:「道謂爲

0

道。 官 傳》杜 賦,亦 爲井,井十爲通,通十爲 云: 本道路之名,人所循行。 敬信諸端。 Œ 亦通稱。 千乘,謂 三人,步卒七十二人。1公侯之封,乃能容之。 人所登車 子》, 義疑, 里之國,適千乘也。」融 百 千」者,數名。 説文》云:「椉,覆也。從人桀。」覆者,加乎其上之名。 也。 里之國也。 「《司馬法》云: 太宰》鄭 乘,四 包云「治」者,謂治之以政教,義與馬不異 注:「車曰乘。 不 从支从正,正亦聲。」「教,上所施下所效也。」政教即 諸侯也。」「國」者、《説文》云:「國,邦也。」《周 是過 ○注 亦 注言此者,明「敬事」云云,即所以道國也。 馬也。」趙岐《孟子・梁惠王》篇注:「千乘,兵車 謂之乘。 注 故 「馬曰」至「存焉」○正義曰:《説文》云:「政 《説文》:「千,十百也。」「乘」,本作「椉」。 焉。」包 兩 古者井田,方里爲井,十井爲乘。 「大曰邦,小曰國。」此對文有異,若散文 「步百爲畝,畝百爲夫,夫三爲屋,屋 存焉。 車駕馬,多用四。」故《儀 《三蒼》云: 成。 曰:「道,治 此政教亦是示人以必行,故 依《周 正義曰:「道」,皇本作 成 方十 禮》,包依《王制》、《孟 「椉,載 里,出革 也。 也。」《左隱元 千乘之國 車一 禮 雖大國之賦, 也。 ・聘禮》注 乘,甲 鄭 「導」。 此 得 者, 年 道 故 百 士 注 曰

> 也。 也。 **3** 之地並之,則廣十 井者,因夫間有遂水縱横相通成井字也。 夫目爲屋也。 賦田,以百畝地給一農夫也。 長百步爲一畝。 舉足爲跬。跬三尺也。 馬法》。 夫追論古者兵法,附穰苴於其中,凡 田 云: 亦不是過焉。」鄭 之者,以證千乘之國爲公侯之大國也。」皇疏云:「凡人一 「井十」當作「井百」。❷ 穰苴善用兵。 ❶「公侯方百里,井 謂爲屋者,一家有夫婦子三者具,則屋道乃成,故合三 並而言之,則廣一里。 此「六尺曰步」至「成出革車 屋三爲井,三屋 《周禮 畝百爲夫,是方百步也。 此 里、長 注 與 》司馬掌征伐。 邢疏云: (十,則) 兩舉足曰步,步六尺也。 馬 里 同。 也。 賦 並方之,則 夫三爲屋,則是方百里者三 「《史記》齊景公時,有司 里三百 出 又《公羊 謂爲通者、 革 一乘」,皆彼文也。 車 六國時,齊威王使大 百五十 步 方 乘。」 哀十年 也, 井十爲通,十井 謂爲夫者,古者 ,其地有三十 里 篇 耐 亦 也。 猶 號曰 · 傳 》 廣一步 此 長 注 名爲 百 疏 司 文 引 步 馬 引

0

「里」,據皇疏當作「步」。

8

[「]年」上,據孫校當脱「二」字。

語》注,疑不足據。『井十』亦非『井百』之誤。』❷「公侯」至「井百」,孫校:「《公羊》疏引鄭氏説不標《

居地 者四 也。 百里 成 復得半里,故云『方三百十六里有奇』也。」邢 然則向割方百里者爲六分,埤方三百里兩邊,猶餘 里者二,又方一里者五十六,是少方一 三百里,設法特埤前三百里,南西二邊,是方三百十六里 侯之地 三百里,唯有 三三爲九,則有方百里者九,合成方十里者九百也。 案:《周 也。 通 一百四十四。 則容千乘也。 百。 乘、甲士十人、徒卒二十人也。 故 方三百十六里有畸,伯子男自方三百而下,則 然西南角猶缺方十六里者一。 ,引而接之,則長六百里,其廣十六里也。 疆 今取方百里者 爲成者,共賦 云「唯 封疆方四百里, 出 方二百里; 禮・大司徒》云:「諸 今以方一里者二百五十六埤西 甲 九百乘也。 公侯之封 ± 又設法破而埤三百十六里兩邊,則每邊不 方百里者,有方十里者百。 人、徒卒二人也。 諸男之地 法 一而六分破之,每分得廣十六里、長 ,乃能容之」。 諸伯之地,封疆方三百里, 若作千乘,猶少百乘,是方百 乘成也。❶ ·, 封 公之地,封疆方 疆 方百里。」此千乘之國 方十六里者一,有方十 方十里者千,即 通十 其 《坊記》云: 里者二百五十六也。 (地有 南 爲 角,猶餘方 疏申馬説云: 若方三百 成 三百屋、出 五百 今半斷各長 則 「制國 莫能 諸子之 方 方 里, 是方 是千 里者 + 里, 里 里 不 容 諸 革 里 者百。 0 案: 也。

禮·大司徒》文,以 則方一里者百爲十乘。 此,乃多轇轕。 侯之制,皆方百里,伯七十里,子男五十里。」包氏據此以爲 凡二百一十國也。」又《孟子》云:「天子之制,地方千里,公 百里之國三十,七十里之國六十,五十里之國百有二十。 者百,則其賦千乘也。 百里賦千乘,故計之每十井爲一乘,是方一里者十爲一乘 乘,百里之國適千乘也」者,此包以古之大國不過百里,以 井」者,《孟子》云「方里而井,井九百畝」是也。 云「十井爲 者,謂夏之公侯、殷周上公之國也。 亦不是過焉」。」又申包説云:「云『千乘之國,百 過千乘。」然則地 大國不過百里,不信《周禮》 云『融依《周 注包、馬異説、皇、邢 包氏依《王制》云: 「凡四海之内九州,州方千里,州 每方十里者一,爲方一里者百,其賦十乘,方十 禮》,包依《王制》、《孟 從馬氏,則以千乘非百里 雖廣 爲諸公之地方 大,以千乘爲限,故 與乘數適 開方之法,方百里者一,爲方十 疏如文釋之,無所 》有方 五百 相當, 五百里,侯四 云『古者井田、方里爲 子》]者,馬 里、 故云『適千乘也 四 云『雖 所 容。 百 折 衷,後 里之封也。」 里之國 大國之賦 百里 從包氏 融 依 人解 以 《周 也 則 里 里 建 下

「共」,據皇疏當作「兵」。

以

爲可 乘也。 子産皆不合。 氏説,百井出一乘,則百里之國止有百乘,必三百一十 家也。」案:《司馬法》一書,未必真周公之制,所言與孟子、 分去一,又不易、一易、再易通率三夫,受六夫之地,是三十 徒二人。通十爲成,成百井、三百家,出革車一乘、士十人、 亦引《司 乘。」此 有奇乃有千乘,與《孟子》不合。 之國計有萬井,萬井而出車千乘,則十井出 里。」亦如《孟子》之説。 千取百焉。」是千里出車萬乘,百里出車千乘,十里出車百 士千人、徒二千人。』賈疏:『通,九十夫之地,宫室涂巷,三 徒二百人。 徒二十人。十成爲終,終千井、三千家,革車十乘、士百人、 「萬乘之國,千乘之家,千乘之國,百乘之家。 天子千里,大國百里,次國七十里,小國五十里。1又言: 求古録 《周 據矣。 禮 子産言: 馬法》云:『井十爲通,通三十家、爲匹馬、 》説 證 爲 十終爲同 也。 哀十二年《公羊傳 此 不 信《司馬法》何如信《孟子》耶? 最 可 天子 馬氏之説,則據 明最詳,故備録之。 信 同 紛 以開方之法計之,方里而井,百 圻 方百里,萬井、三萬家,革 紛 列國 詰 難, 》注言:『軍 《司馬 包氏合於《孟子》,是包氏 未定 同。 其説云: 法》。 圻方千里,同 是。 賦 鄭 + 乘矣。 《坊記》云: 近 注《小司 萬取千焉, 「孟子言: 人 井不過 車 士一人、 金 百乘 若馬 六里 方百 氏 徒 里 鶚

國二 乘,公徒三萬」,正與《司馬 千乘之賦。」然則 法: 至於丘乘之法,八十家而具七十五人,無過家 至出兵,而調發之數,惟用三十人,豈八十家所不能給哉 然後徧徵境内。』賈公彦《小司徒》疏亦云:『大國 取都鄙及諸侯。 『古者天子用兵,先用六鄉,六鄉不足,取六遂,六遂不足 六軍出于六鄉,大國三軍出于三鄉,蓋家出一人爲兵 又有炊家子十人,固守衣裝五人,廄養五人,樵汲五人,共 此言千乘之國,是畿外邦國也。 子畿内采地法,以甲生三人、步卒七十二人爲畿外邦國法 里,等于大國諸侯,必不然矣。 者,丘乘之本法;三十人者,調發之通制。 出 又三遂亦有三軍,三鄉爲正卒,三遂爲副卒,鄉遂出軍 士三人、步卒七十二人。 制 百人,馬牛芻茭具備,此豈八十家所能給哉? 車,都鄙出車 或 軍,小國一 一云兵車一乘、士十人、徒二十人,一云兵車一乘、 不 過 干 乘,家富 軍,皆出于鄉遂。 而不出兵。 都鄙 若諸侯出兵,先盡 固 不過 不 賈公彦以士十人、徒二十人爲天 出 法》合。』 孔仲達《成元年》『丘甲』疏云: 百 兵也。 乘。」今謂大 一乘車,士卒共七十五人 或謂《司 猶不止, 徧境出之, 是爲 此説得之。 三鄉、三遂,鄉遂不足 江慎修云:『七十五 馬 《魯頌》「公車千 夫 法 百 然則 乘, 人耳。 車 不知天子 三軍,次 都 乘 地 而 有 方 此 甲 兩 百

非穀 方里。 必然。 千乘乎? 易、再易通率三夫,受六夫之地,則三百乘且不足,安得 又何患其 **芻茭**,則尤野人所易得者 周禮》所以有五百里、 孟子》則 孟子》言頒禄,正 囿 故 ,涂巷園囿,三分去一。三鄉三 備 安足以 亦自不多。 É 則 等, 馬牛畜之民間,可 方里不必其形正 土,則亦不在百里之内 偂 禄 當人人訓練,家出 《孟子》言方里 不 地 不 固已除 地 為專言穀 不給乎? 用 均矣。 不知百里之國,以 方百 即 給用 井 惟 古者材木取之公家山 去矣。 里」等「方」字、皆如 田 乎? 蒐 土耳。 苟境内 也。 是言田 田 或又謂百 講 方,以方田之法算之,有 而井,百里、七十里、五十里皆以 故知 四百里之説,蓋兼山 頒 百 給 武 城 Ш 也。 里以 禄必均,若不 民用,不過暫 其 其 乃 郭宫室 人,不 大大國 川甚多,而封域 也。 行,又何不 出 日「地 田 里 且以八十家 税之田言 先儒三分去一之説,亦未 言,則 百 之國, - 爲厲 遂,又不出 一涂巷 是 里,其 方百里」者, 也。 林 去山 等,雖 出 民 Ш Ш 給 而 以 也。 JII 封 然則 非以封 11 之有? 而 無]1] 止百里]1] 供 林 車,又不易、一 疆必 林 附庸 禁,則 蒐田 有 出 若 九百 麓 Ш 百 定數 麓 大車 地 以 JII 車四 不 里 而言 域言 之用 一, 田 , 城 天下不 造車 畝 與 農 及 一之國 止 井計 郭 馬 税所 田 則 然 也。 涂 隙 也。 馬 此。 耳。 之 E 亦 巷 有 宫 不 通 講 也。 國 誠 事 禮 而 不 吕 謂 刑

難

但

出 口 袁 稱

事,一用 鄭氏謂 説、蓋《 是,百里之國豈不足於千乘哉? 但其作之之財,受于官府,故曰「不出車」,非 夫百畝」,「大國百里」也。 井,當有一千八百萬畝矣。 本字作「炁」,「惠也。 不必九百畝,百里之國亦不必九百 怎。 作使 以民爲本,故愛養之。」使民 信。」節用而愛人、【注】包 周 而 》以三等均之,其説 從古文之象。」《書 封 禮 信、【注】包曰:「爲國 》注及《詩 《孟子》言其略、《周禮 民 「使」者、令也、教也。 『隰皋,九夫爲牧,二牧而當一 疆 謂 》有『不易百畝』、「一易二百畝」、『再易三百畝』之 必 , 其 財用 以 全 其時,不妨 也。 亦 靈 非 「愛」、《説文》作「愛」,行貌。 臺序 廣長之里矣。 至當。 ٠ 從心 》注並 多士序》鄭注: 鄉遂之民皆受田 《孟子》但舉 奪農務。」正義 《左傳 》則詳言之也。 **死聲」**。 「民」者、《説 云: 者舉事 包氏之説可 [萬畝。 孟 口: 以 今經 井」是也。 民 時。」【注】包 井 子》言「一 不易之田 者,冥 必 民 節 以 文 ※: 典皆 衍沃,牧隰皋。』 敬 分田 ☐ : 通率 用,不奢侈 無 , 則 慎, 無疑矣。」敬 也。」「冥」亦 無知之稱。」 車 亦 民, 叚 是則一 必均、周 事 二井 也。 故曰「 别 與 有車乘 「愛」爲 百 民 衆 謂 曰 夫 畝一, 當 義。 氓 必 加 井 政

四

無

干; 傷財 並同。 也。 敗也,必在慢之。」「與民必誠信」 從支荷。」《釋名 姦智生則邪巧作。 儉之義。《賈子・道術》云: 用」至「養之」〇正義曰:《説文》云: 始,終始如一,夫是之謂大吉。 者舉事必 愛人」,「人」指民言。 八觀》篇: 生,生於侈,侈之所以 知之義。 》 箕 鄭 「敬慎」者、「慎 信於令,則時無廢功,信於事,則民從事有業。」○注「節 子張 且 節 前 事」是政令,政令所以教民,故注以 《荀子·議兵篇》:「慮必先事,而申之以敬。 害 日 用, 以制度,不傷財,不害民。」是人君 問 敬 民 禁侈泰,爲國之急也。」「國以民爲本」者,注以 宋 信 慎與民必誠信 入官》云: 也。 石 「國侈則用費,用費則民貧,民 · 釋言語》: 於君心 經 一亦肅警意也。 「奢侈」者,奢, 避 故姦邪之所生,生於匱不足, 諱 避下句 「奢侈者, 生,生 則美惡不踰; 敬 〇正義曰: 「敬,警也。 「費弗過適謂之節。」《易・ 作 凡百事之成也,必在敬之, 民 於無 」者,誠者實也,言舉事必誠信 下篇「執事敬」、「事思敬」,訓 欽 張 」字,故言「人」耳。 財之所以 度。 「節,竹約也。」引申爲節 也; 後 《説文》: 信於民,則上下不 恒自肅警也。」此 故曰 侈, 放此 「與民」言之。 不知 不足 汰 審 貧則姦智生 也。 度量 節 「敬,肅 0 匱不足之 也。」《管 用,必 注 慎終如 節 大 穀梁 爲 也 彖 衣 戴 致 其 注 國 語 苑 0 桓

語

而畢 爻 : 也。 之而 對曰: 亢, 晨 之,則怒之也。」」是皆言治國者當愛民也。 賦歛者 之勿怒。 本。 城郭也。《春秋》莊二十九年《左氏傳》曰: 作」之「作」。 義亦通。 此以下文言「民」,則「人」非「民」,故解爲大臣、群臣。 用』,注云:「大火、心星, 述何篇》解此文云:「人謂 四 政 『邑人三百户』,舉大數,謂天子上大夫受地 務,戒事 農失其時,則敗之也。 勿害,成之勿敗,生之勿殺,與之勿奪,樂之勿苦,喜 年 愛養」者,養謂制民之産,有以養民 見東 「治國之道,愛民而已。」曰: 「愛民若何?」曰: 理》篇: ,則奪之也。 傳 ○注 此治國之道,使民之誼 方,三 0 邢 也。」注云:『謂今九月、 「武王問於太公曰: 作使」至 民 疏云:「「作使民必 者, 務 多徭役以罷 始 君 畢, 之本 次角、亢見者、致築作之物。」『水 農 戒民 有罪者重其罰, 務」〇 也。」君 大臣、群臣。 以 民 也。 「治國之道若何?」太 力,則苦之也。 以 土. Œ 主 民失其所務,則 周 義 功 其時」者,謂 乎 EI: 事。」「火 + 乃爲愛也。 或 『凡土功 則殺之也 劉 作 月,龍 故 氏 視侯 或 二, 如 逢禄《論 見 築 勞而 以 訟 星 龍 都 也。 害 耐 民 《説 「利 角 動 重 之 致 見 邑 於 擾 公 爲

服 所 子 禮

四 上 據《穀梁傳 》脱「十」字。

國所宜戒 之大者。 治兵振旅,蒐苗獮狩,皆于農隙以 壞隨時修之,是動小工,不必須農隙也。 故僖二十年《左傳》曰 息。」若其門户 昏 作。』『日 Œ 而 栽」,注 春秋時,兵争之禍亟,日事徵調,多違農時,尤治 也。 至 道 而畢」, 云:『謂今十月,定星昏 橋城郭牆塹,有所損壞,則特隨壞時修之。 注 「凡啟塞,從時」是也。」案: 云: 日日 南 講事,謂講武事。 至,微 而中,於是樹 《左隱五年傳 陽 始 動 邢 此使 疏謂 故 板 幹 土 学言 民 功 損 脯

孝,出 大藝焉, 八歲 父子異宫,則「人」謂由所居宫至父母所也。 稱,謂人幼少爲弟爲子時也。 馬 汎 弟 十年出就外傳,居宿於外。』《大戴禮 弟子,後生也。」《大射儀》注: 日 愛衆而 而出就外舍,學小藝焉,履小節焉。 :「文者,古之遺文。」正義曰:「弟子」者,對兄父之 |則弟」者,《禮 子 履 曰:「弟子入則孝,出則弟,謹 事諸 大節 親仁。 兄、師 焉。」是 長皆弟 内則》云: 行有餘 出 順 謂 《儀禮• 也。 「弟子,其少者也。」「入則 就 力,則以學文。【注】 「異爲孺子室於宫中。」是 傅,居 教 •保傅》云:「古者年 (弟子先以孝弟者,孟 特牲饋食禮》注: 束髮而就大學,學 小學、大學 《内則》又云: 而 時 信 也。

子言 兄。 云: 教。 之賢者也。 亦通。 邪人,不使見惡行。 引申之,人在衆中,無以表異於人,亦得稱衆。 襄二十八年傳 浮貌。」引申爲普遍之義。 於事見、信於言見也。「汎愛衆而親仁」者、《説文》: 者,急辭也。 禮》、《内則》、《少儀》、《弟子職 者,皇疏云: 宜近正人,即此教弟子親仁之意也。 īE. 言,行正道,左視右視前後皆正人。 夫習與正人居,不能 輔翼之,使之與太子居處出 故於衆人,使弟子汎愛之,所以養治其血 也。 也。 「故孩提,三公三少固明孝仁禮義,以導習之也。 又使之親近仁者,令有所觀 「孩提之童,無 〕凌氏 是孝弟本人所自具。 《爾雅 猶生長於楚,不能不楚言也。」亦言教太子當孩提 《廣雅•釋詁》:「親,近也。」君子尊賢而 鳴 「行者,所以行事 「謹而信」者、《詩 喈 》引此文作 釋詁》: 《論 不 於是比選天下端士閑博 語 知愛其 解 「衆,多也。」《周 義 《廣雅 「氾愛」。 因弟子天性 人。 已畢之迹也。」《説文》: 民勞》箋: 》所述,皆其 親; 有 故太子乃目見 感 《説文》:「氾,濫 及其 釋言》: 餘 也。 「行有餘力則以學文」 力,謂 語 未 長 《大戴 氣,而導以善厚 法也 漓 也,無 謹 「汎,博也。」《左 僮子 而 有 「人三爲衆 「仁」則衆 猶慎 教導之、《曲 禮• 正事 道術 不 精力有 諸 · 知 也。」義 也。」謹 言 保傅 容衆 聞 汎 逐 敬 餘 則 正 其

論語正義卷

饒

六

以 四 子四教,先文後行,與此言教弟子法異也。 非 則無餘力不得學文可知。 國子以道,乃教之六藝:一曰五禮,二曰六樂,三曰 之遺文」而已。 子所學 遺文」〇正義曰: 者,文有理誼,非童子所知。 以學文」,亦是學幼儀既畢,仍令學文也。 也。』《曲 勺》,成童舞《象》。」是古教幼學之法。 日 教術所能徧及,故惟冀其博文,以求自得之而已。 計 載道,故注「道藝」連文,其義與馬氏並通也。 五馭,五曰六書,六曰九數。」是 ,朝夕學幼儀,請肆簡諒。 ,别有一書,如 禮 <u>*</u> 鄭注云:「文,道藝也。」《周官・保氏》: 人 凡文皆古人所遺,故言 (生十 《弟子職》之類,後或失傳,故祇言「古 车 先之以孝弟諸行,而學文後之 日 若教成人,則百行皆所當謹 幼 十有三年,學樂,誦《詩 學。」《内 「藝」爲六藝也。 此言 .則》 遺文」。 言有餘力學文, ○注「文者古之 「行有餘 <u> </u> 馬以 + Ŧī. 此夫 藝所 力則 ",舞 年 射, 養 弟 學

竭 子 學,吾必謂之學矣。」正義 節,不愛其身。」 其力; 卜商也。 子夏曰:「賢賢易色、【注】孔曰: 事君 言 以 與 能致 好色之心 朋友交,言而 其身;【注】孔 好賢則善。」事父母,能 日 《周 有信。 官 • 曰:「盡 太宰 「子夏,弟 雖 》鄭 日 未 忠 注

> 傳 焉。 《召南》,正始之道,王化之基,是以《關雎》樂得淑女以 也。」是「易」有輕略之義。 羊文十二年傳》:「俾君子易怠。」何休注:「易怠,猶輕 子,憂在進賢,不淫其色,哀窈窕,思賢才,而無傷善之心 人倫。 訓 也。」《説文》又云: 者。 猶言好 王氏念孫《疏證》引之云:「《論語》「賢賢易色」,易者如 人倫之始, 氏祖范《經説》、●管氏同《四書紀聞 親親、長長也。 力 云: 曲 惡食。 盡。 》引此文,顏師古注:「易色,輕略於色,不貴之也。」《公 禮記》: 「賢,有 从文舉杖。」「母,牧也。 是《關雎》之義也。」此「賢賢易色」,指夫婦之切 賢賢易色,明夫婦之倫也。 此文義得兼之。 德如 盧辨 故 「生曰父曰母。」《説文》:「父,矩也。 善行 好色也。」此 此文敘於事父母、事君之前。 注: 宋氏翔鳳《樸學齋札記》:「三代之學,皆 也。」「賢賢」者 「竭,負舉也。」負舉者必盡 「分地任力致甘美。」又《曾子大孝》云: 《曾子本孝》云:「庶人之孝也,以 訓 又《廣雅 亦通。 从女,象褱子形。 謂 《毛詩序》云:「《周 「事父母 於 •釋言》:「易,如 》略同。 人之賢者賢之, 能竭 《漢書 今案: 力,故 家長率 日 其力」者 夫婦 證。」 「竭」又 象乳子 李 南 也。 猶 配 也 明 尋 爲 君

^{● 「}經説」,據《四庫全書總目》當作「經咫」。

牡 崇云: 爲國 已事君也。 悲者,情思也。 卿、大夫有地者,皆曰君。」《説文》:「致,送詣也。」《詩 者、《儀禮·喪服傳》:「君,至尊也。」鄭注:「天子、諸侯及 四歲。』《集解》引鄭説 IE. 知喪。」董子所言正與此文義同。 志和而音雅,則君子予之知樂。 篇:「禮之所重者在其志,志敬 子夏以此人所行,於人倫大端無所違失,與已學無異,故云 也。」當時多世卿,廢選舉之務,雖不學亦得出仕,故有未學 身,稽留君 子不以私害公,不以家事辭王事。」是言事君不得私愛其 心傷悲。」毛傳云: 職而已矣。」是竭力爲庶人孝養之事也。」「事君能致其身」 人之孝、《孟子·萬章》篇言舜事云: 小孝用力,慈愛忘勞,可謂用力矣。」孔氏廣森補注:「庶 必謂之學」。 義曰:《史記·弟子列傳》:「卜商,字子夏,少孔子四十 ,從其初名之也。 「四牡騑騑,周道倭遲,豈不懷歸? 事也。 |吾必謂之學」者、《廣雅・釋詁》:「謂,説也。」 「必謂」者,深信之辭。 無私恩,非孝子也。 「雖曰未學」者、《廣雅・ 「思歸者,私恩也。 温國卜商」, 家語 · 弟子解》以爲衞人,與鄭《目 而節具,則君子予之知禮 志哀而居約,則君子予之 ○注「子夏」至「則善」○ 温是衞邑,稱國者,或 無公義,非忠臣也。 『我竭 《春秋繁露·玉杯 靡盬者,公義也。 釋詁》:「雖,詞 力耕田,供爲子 王事靡盬,我 · 四 君 傷

魏人耳。「言此好色之心好賢」者,●此以「易」爲更易,義爲魏文侯師,是子夏固嘗居魏,「魏」、「衞」同音,故誤以爲魏公。據《史記》及《吕氏春秋·舉難》《察賢》篇並言子夏録》合。孔穎達《檀弓》疏則云「魏人」。 又唐贈魏侯,宋封

涉迂曲,今所不從

也。 之中以生,所謂 静,頭容直,氣容肅,立容德,色容莊。」並言人當重慎之事。 《禮·玉藻》云:「足容重,手容恭,目容端,口容止,聲容 謂四重?』曰:「重言,重行,重貌,重好。 已仕未仕有君師之責者也。 嚴,又不能堅固識其義理。」正義曰: 【注】孔曰:「固,蔽也。 重則有德,貌重則有威,好重則有觀。」」是言君子貴 或問"「何如斯謂之人?」曰"「取四重,去四輕。」曰"「何 則不威」者,言無威儀也。 是故君子勤禮 子曰:「君子不 命 也。 · 勤 是以 禮 莫如 重,則不威。 有動 《左傳》劉康公曰:「民受天地 「不重」者、《法言・修身》篇 曰言人不能敦重,既 致 作 敬。」 禮 衞 義 威儀之則 北宫文子曰:「有 稱「君子」者,言凡 言重則有法,行 學則不 ,以定 重 無威 固 也

「此」,據上注文當作「以」。

0

鄙倍。 之威儀 此 焉 初 口 學,其蔽也亂 視、儼然人望而畏之,斯不亦威 口 下皆如是,是以上下能 E 信不好學,其蔽也賊。 \vdash 理」〇正義曰: 儀之事。 威 施舍可愛、進退可度、周旋可則、容止可觀、作事可 臣 威 知人之成德達材必皆由學矣。 儀 載,其矇未 象,聲氣可樂,動 而 則 以 「好仁不好學,其蔽 也。」又下篇夫子語子張 而愛之,則而象之,故能 可 説文》: 群物 下,以 雖厲聲色,綦刑罰,人莫畏之矣。 畏 ·其下畏而愛之,故能守其官職,保族宜家。 固, 不威由於不重,故言行輕薄之士,必 謂 斯 之威 知。 猶質陋 集 辨 重 鄭 好剛 解 矣。 注 譬如寶在於玄室,有所求而不見,白 有 厚也。」「敦 作 别 不好學,其蔽也狂。」是言不學之蔽,而 學 《曲禮》云:「固,謂不達於理也。」注《 也。」皆蔽塞之義。 儀 有文,言語有章。 存 好直 相 者, 也 而 固也。」又云: 愚。 可 義,非 心之白日 不好學,其蔽也絞。 象 有其國家,令聞長世。 曰:「君子正其衣冠,尊 好 謂之儀 而 亦 《中論·治學》篇: 知不好學,其蔽也蕩。 仍前所注之人。 不猛乎?」並言君 訓 厚, 也。」是其 「故君子在位 以臨 君 下篇夫子告子路 ○注「孔曰」至 故 有 注 君 其下,謂 以 不能遠 義 之威 好勇 敦 也。 法,德 下皆放 子有 臣 順 「民之 重 可畏 儀 日照 不好 其瞻 之有 暴 是以 有 義 慢 祭 連 好 威 行 臣 其

《曾子制言中》:「吾不仁其人,雖獨也,吾弗親也。」故 注並 憚, 也。 要 取 「不如己」 處,無益我者也。 言觀之,則「不如己者」即不仁之人,夫子不欲深斥,故 曰:「不如我者,吾不與處,損我者也。 雅 也。」「無」即 刊 如 不 辭 文。 「己、承戊、象人腹。」是「己」本象人形,故 之人,雖知所學,不能堅固, 師者 - 能堅 **| 引《中** 九經本亦 氣必不至輕惰若此矣。 己者。 難也。」正 云古文 所以然者,以此 釋言》: 詩 Ξ, 固 而 也。 論 能 天保 른 \mathbb{H} 「無」,隸省。 毋」爲「無」,然則 作「毋」。 過 自取 如, 義與 義 曰: 則 《吕氏春秋・驕恣》篇引仲 》傳: 「君子不友不如 吾所與處者,必賢于我。」由曾子 友者存,其所擇而莫如己者亡。 均 前 勿 人學若堅 《釋文》云: 異, 也。」「己」 《説 憚 固 《儀禮 亦略 改。」 堅 今不能敦重,無威嚴 文》: 無 也。」亦 一固,必 「毋」、「無」亦今古文異。 通 由 即我之别 深造之以 一己者, 士昏禮》、《公食大夫禮 毋, 注】鄭 毋 能篤 主 常 音無,本 忠 訓。 非 與吾等者,吾 之詞 行,其 曰: 人得 信 羞 道,而 稱。 虺 此 彼 日 : 亦作 也。」「癖, 容貌 以 自稱「己」。 主, 而 故知 無 不 識 説 大我 及 無。 能 其 重 文 ※: 親 友 顔 不與 周公 其學 周 自 祇 不 《廣 也 色 宋 爲 公 止 理 威

八

篇子曰 之也。 惡者 復言「無友不如己」,於意似重,或未必然。 皇疏云: 引申之義。 君子慮也。 以 篇:「太上不生惡,其次而能夙絶之,其下復而能改。」又下 意之過 改」者、《周官・調人》注: 以 之價也,亦無日矣。」又《韓詩外傳 不 云:「是以不主寬惠, 爲百行所主。」是言忠信在己不在人,其義較長。 注《吕氏春秋· 皇疏載一説云:「若結友過誤。 勿,無 證 如己者,須己慎者也。 可 有此義, 廣德也; 互證。 「所擇而莫如己者亡」之義,亦以過爲結友過誤,或漢 自 故李充云: 『若友失其人,改之爲貴也。』」案: 也。」《説文》:「改,更也。」並常訓。 ,即當改之,不可畏難,復依前行之也。 退之原也。」諸文並足發明此言之旨。 過 故李充云然。 下比,所以狹行也。 ○注「主親也憚難也」○正義曰: 注意謂人當親近有德,所謂勝己者也。 説文》: 而不改,是謂過矣。」皆言人有過 驕恣》篇引「無友不如己者,過則勿憚改」, 亦不主 「憚、忌 然則扶人不暇,將 然既知誤交,何難即 「過,無本意也。」《詩 難 猛毅。」韋昭 也。 不得善人,則改易之,莫難 比於善者,自進之階; 》南假子 從 心單 注: 一聲。 曰 : 言人行事,有非 誰 「主,猶名也。」 主 改,似不足爲 相 ・東山 《曾子立事》 一夫高 一過則 當速改也。 我哉? E 訓親者, 《周 「以忠信 然下文 難 比 高誘 也。」 勿憚 比於 語 所 吾

> 也」,是也。 難」就事言,「忌難 此注同許後義,亦通 」謂人忌畏之。 《詩 • 雲漢》箋「憚, 猶畏

鄭注: 之也。 之事。 事五世,有五乘之地者事三世,有三乘之地者事二 【注】孔曰:「慎終者,喪盡其哀。 凡附於棺者,必誠必信,勿之有悔焉耳矣。」」皆是言「慎終 殯,凡附於身者,必誠必信,勿之有悔焉耳矣。 三月而 死。」此對文異稱。 祭遷廟之主」。 周官 遠,猶久也。」並常訓。 誠」、「謹」義同。 《爾雅 君能 曾子曰: 《荀子· 「追遠」者、《説文》:「追、逐也。」《詩・鴛鴦》箋: 「老死曰終。」《禮記·檀弓》云:「君子曰終,小 司 尊彝 行 • 釋 此二者,民 禮 》言 詁 則 論》云: 《周官• 此文「追遠」,不止以父母言矣。 《檀弓》又云:「曾子曰: 四四 慎 「慎,誠也。」《説 時 言凡父祖已殁,雖久遠,當時追祭 終追遠, 間 「故有天下者事十世,有 化其德,皆歸 疾醫》: 祀」有 「追享」,鄭 「死終則各書其 民 文 》: 追遠 德 於 ❶『喪三日 歸 厚 「慎, 者,祭 康 也。 成 厚矣。」 世。」又 所 謹 注 民 盡 人日 以。 以 或 也。」 IE. 葬, 其 爲 者 тí 義

曰 :

敬。

0 曾子」, 據《禮 記 檀弓》當爲「子思」。

九

訓》: 備矣,順以備者也,其教之本與? 祀,教民追孝也。」又《祭統》云:「夫祭之爲物大矣,其興物 其所也。』《墨子・經上》: 歸厚」者、《樂記》云: 義 則 教之以尊其君長,内則教之以孝於其親。 自知感厲,亦歸於厚也。 衰微,民多薄於其親,故曾子諷在位者,但 諸臣服從。 ,而教生焉。 得其天性謂之德。」《穀梁僖二十八年傳》:「歸者,歸 崇事宗廟社稷,則子孫順孝。 是故君子之教也,必由其本,順之至也。 「德者,性之端 《禮·坊記》云: 「厚,有所大也。」當春秋時,禮 是故君子之教也,外則 也。」《 是故明君 能慎終追遠, 淮 「修宗廟、敬 盡其道,端 南 子 在 齊 上 祭 其 祭 民 教 俗

子禽問於子貢曰:「夫子至於是邦也,

以導之也

子言「民德」,民是對君之稱。

下。」「敬」與「謹

|同,即此文所云「慎」也。 言「君」者,以曾

蓋化民成俗,必由在上者

有

子曰:「敬爲上,哀次之,瘠爲

禮

雜記》云:「子貢問喪。

當

盡

哀,

祭當

盡

敬,

然

此

文「慎終」不

止以

盡哀

言

焉:

生則

養、没

則喪,喪畢則祭。

養則觀其順也,喪則觀

其

哀也,祭則觀其敬而

時也。

盡此三道者,孝子之行也。」是

其是與?

故曰:

祭者,教之本也已。」〇注

「慎終」至

「厚

也」〇正義曰:《祭統》云:「是故孝子之事親也,有三道

國。 林 ※: 贛。 之别稱也。 《説文》:「貢,獻功也。」「贛,賜也。」子貢名賜,字當 同。」《隸釋》載漢石經《論語》殘碑,凡「子貢」皆作「子贛 「挹,國也。 子魯太夫,故弟子呼爲夫子也。」「必聞其 是邦」者,夫子即孔子。 頁」者、《説文》:「問、訊也。」《釋文》:「貢、本亦作贛、音 之,與人求之異,明人君自與之。」正義曰: 之求之與?」【注】鄭曰:「言夫子行此五德而得 儉、讓以得之。 夫子之求之也,其諸異乎人 君自願與之爲治?」子貢曰:「夫子温、良、恭、 怪孔子所至之邦,必與聞其國政,求而得之耶,抑人 「子禽,弟子陳亢也。子貢,弟子,姓端木名賜。亢 必聞其政。 此對文,若散言亦通 「至,到也。」《廣雅 凡作「貢」,皆是省借,作「贛」則譌體也。「夫子至於 從邑丰聲。」《周官·大宰》注:「大曰 皇疏云:「禮,身經爲大夫者,得稱爲夫子。 求之與,抑與之與?【注】鄭 夫者,人所指名也。 • 稱 釋言》: 也。 「必聞 「是,此也。」《説文》: 其政 子者,孳也,人 」者、《説文》: 、政」者, ●《字 邦,小曰 「問於子 曰: 作

 $\overline{\circ}$

^{●「}必聞其政者」,據下文當爲衍文。

讓

尊

行

也。

有所得也。」《論

衡

知

實

》篇引

此

七年:

古

攘」,今經典亦假 攘,推也。」「讓,相

讓 責

爲「攘」。

譲也

。」凡「謙

德辟

良。」良

謂

心之善也。

爾

雅

釋詁》:

也。」今隸變爲「良」。

《賈子•

也。」下篇「子温而厲」,是「温

指貌言。

雅

釋訓》:「温

温,柔也。」《詩・

作「予足」,可 經作「予」,亦通

證也。

温

良恭

儉讓

用字。

温,仁也。」「温,水名。」義别。

則

抑

」、「意」音近義同,故二文互用。

子・禮容語下》作「意人」。又《詩

漢石經

「抑與」作「意予」。

案:

者、《穀梁定元年傳》:

就夫子 聞,

聞

也。」下篇云:「

政者,正

諮度之,故言

一必聞

其政」也。

難。」《左襄十三年傳》:「讓者,禮之主也。」《説文》: 「恭,肅也。」又:「儉,約也。」《易・象傳》: 「抑之言噫。」《釋文》引《韓詩》云:「抑,意也。」 有尊行於人,人親附之,則人告語之矣。」但 下篇「君孰與足」、《漢書・谷永傳 「求者、請也。」「抑」者、更端 道術》篇:「安柔不苛謂 經典悉叚「温」爲「昷」。 又《説文・彳部》:「得,行 《周語》「抑人故也」、《賈 燕燕》箋: 也。」時人君有大政 • 十月之交》:「抑 文解之云: 以得之」者、《説文》: 「求之與 「與」,猶言告也。 讓」、「揖讓」字當作 《説文》云:「浸,善 「恭,敬也。」《説 「温,謂 , 抑 温 「君子以 與 顔色 良 之辭。 之與 事,皆 此 恭 **爾** 石 其 儉 儉 之 和 皇 子禽。 故。 乎人之求之與」者、《公羊桓六年傳》:「其諸以病桓 所師保,安忍不以告焉? 遠臣乎? 賓《論語説》:「君 求,此假言即以夫子得之爲求,亦與人異也。 何休注:「其諸,辭也。」《説文》:「異,分也。」夫子原不是 且將不之保、「韓非・説難》是已。」「夫子之求之也」 迹有似於求而得之,故子貢就其求之之言,以 同,何也? 籍,不當復有陳亢子禽矣。 書必無不載,太史公亦斷無不録。 記 注「子禽」至 凡「讓」字作「遜」。皇本作「其諸異乎人之求之與也」。 人之政,則入人之國,無有疑且忌焉者,其視聖人如 『公子友如 ·東方之原。』毛傳:「原,大夫氏。」《春 論語》、《檀弓》,俱以陳亢爲孔子弟子,當是名亢字籍, · 弟子列傳》有原亢籍,無陳亢。 明夫子得聞政,是人君 籍、禽也、故諱籍字禽。 陳,葬原仲。」則原亢之爲陳亢信矣。 温良恭儉讓 蓋原氏出 名賜 所自擅者謂之政,常不欲使人與 0 於陳,原、 正義曰: 是誠於不干人之政也。 今之人求以聞人之政,不 明係王肅 與之,非夫子求之矣 否則, 亢言三見《論語》, 弟 陳 臧氏庸《拜經 同 《家語 蓋原亢即陳亢也。 竄人。 氏 也。 秋 》既有原抗,字 《詩 莊二十 原、 宋石經避 日記》: 明 陳之所以 《 漢 書 • 誠於不干 其 聞 陳風》: , 其 吴氏 得

諱

|《史

鄭

注

知

其

身

與?

己之素

之,況

聞

之

論 語 正 義

複,當是皇所增 亦齊人也。 而后陳子亢至。」鄭注「子車,齊大夫。子亢,子車弟。」則亢 三人,與申棖皆不以爲弟子。 子亢隸下,上與陳弃疾、 景伯、林放、陳司敗、陽膚、尾生高、申棖、師冕同列,又以 今人表》中中分陳亢、 端木賜,衞人,少孔子三十一歲。」皇疏本「陳亢也」句下有 《檀弓》: 字子禽也」四字,「名賜」句下有「字子貢也」四字,於文爲 「陳子車死於衞,其妻與其家大夫謀以殉葬,定 《弟子傳》: 陳子禽二人,與魯太師、公明賈、子 、工尹商陽、齊禽敖餓 「原亢籍,少孔子四十歲。」又云: 此不足據。」案: 者同 臧説是也。 列, 分爲 服 陳

又「觀, 【注】孔曰:「孝子在喪,哀慕猶若父存,無所改於父 孔 觀。」《毛詩序》:「在心爲志。」《廣雅 之道。」正義 乃 説文》:「物,終也。 觀其 曰:「父在,子不得自專,故觀其志而已。 「溲,沈也。」别一義,蓋假借也。 子曰:「父在觀其志,父没觀其行,【注】 諦 行。」三年無改於父之道,可 視 也。」《穀梁 曰:《爾 殁,物或從 受。」今字作「殁」,隸體小 雅 隱 ٠ 釋詁》:「在,存也。」《說文》同。 Ŧi. 年傳》: 《禮·坊記》注:「行, 釋詁》:「志,意 常視 日 謂孝矣。」 視, 非 父没 也。 常 \Box

疇。 傳 也? 改、古典所貴。」」二史所言、皆以無改爲孝、不復計及非道 者。 韶,悉皆削 不皇,亦重見先人之非。
《南史·蔡廓子興宗傳》:「先是 邪説出矣。]案: 年」云者,雖終其身可也。 非以不改爲孝也。 者,先意承志,諭父母於道。」此父在而改於其子者也。 見瞽瞍、夔夔齊栗、瞽瞍亦允若。 舜側微、父頑、母嚚、象傲、克諧以孝、烝烝乂、不格姦、祇 卿士,見諸王而命之以蔡,此改乎其父者也。 範九疇, 鮌則殛死。 其爲道也。 氏中《釋三 猶 大明世,奢侈無度,多所造立,賦調繁嚴 日 載。」郭注解「周曰年」云:「取禾一熟。」義本《説文》。 事也。」《爾雅 Ĭ, 興宗慨然曰: 蔡叔啟商, 惎閒王室, 其子蔡仲, 改行帥德。 昔者鮌湮洪水,汩陳其 『幹父之蠱,有子,考亡咎。』子三年不改父道 除。 九》曰:「三年者,言其久也。 若其非道,雖朝死而夕改可 自孝建以 • 汪説是也。 釋天》: 『先帝雖非 然則何以不改也? 禹乃嗣興,彝倫攸敘,天乃界禹洪範九 來至大明 「夏曰歲 自斯義不明,而後章惇、高拱之 《漢書·五行志》:「《京房易 五行,彝倫攸斁,天乃 盛德,要以道始終。 曾子曰: 『君子之所 末,凡 商曰 微役過苦 爲其爲道也。 何以不改也? 也。 祀 諸 制 周 不寧惟是,虞 何以 度, \Box 周公以爲 年, 至是 無或 不 知 ,思慕 唐 謂 其 界 存 是 洪 老 然 爲 汪 載 虞

乎? 襲。 道,可 則自漢以來,多不知 父母之養且不顧,安能觀其志? 則以爲觀人子之志行非也。 知之也。 父没、則觀父之行而繼述之。」與鄭、孔注義異。 問》引范祖禹説,以「人子於父在時,觀父之志而承順之", 於其善道」,謂但觀其志有善道,無行事可 事 云: 而 不須改,而莊子能繼父業,所以爲孝。 弛其親之過 莊子之孝,不改父臣與政爲難能,亦是因獻子之臣與政 善繼人之志,善述人之事」,觀其行之謂 説文》:「可,肯也。」○注「父在」至「其行」○正義曰:鄭注 潛研堂文集》極取范説,曰:「孔子之言,論孝乎,論觀人 ·無由己,可謂子矣。」」是「父在,子不得自專」也。 相承不變,世濟其惡,又安足貴乎? 《韓詩外傳》:「孔子曰:「昔者周公事文王,行無專制 「孝子,父在無所自專,庶幾於其善道而已。」此僞孔所 《禮》曰「視於無形,聽於無聲」,觀其志之謂也。 '謂孝矣。」」弛過敬美,正是「擇善而從」。 以經文「可謂孝矣」證之,其爲論孝不論觀人,夫人而 既曰 而 論孝,則以爲觀父之志行是也。 敬其美。」《論語》曰: 『三年無改於其父之 此義矣。《禮· 子之不孝者,好貨財,私妻子, 朝死而夕忘之,安能觀其 坊記》:「子云:"君子 若父之道有所未善, 「可」者,深許之辭。 也。 見也。 孟子 即夫子論孟 不論觀人, 錢氏大昕 朱子《或 論 「庶幾 又曰 事 親 本 斯 然也。 年

乎?」案: 改與不改、皆是恒禮、奚足以見人子之孝? 喪言,與此注同。「哀慕猶若父存,無所改於父之道」者,謂 諒闇不言,聽於冢宰,三年無改於父之道。」皆以三年 則三年不忍當也。」」又《漢書 之道。』傳曰:『則曷爲於其封内三年稱子? 緣孝子之心. 公》篇於《莊公》下,博士傳其説曰: 説"「按"《七略》"《春秋經》十一卷。』出今文家。 鄭、孔,而以范説附之。 者,惟曾子之養志足以當之。 爲大,以曾元之賢,僅得謂之養口體,則孔子之所謂 也。」此説於義似通,然居喪不敢改父之道,喪終自仍 「「升降不由阼階,出入不當門隧」。 人子居喪,猶若父存時,己仍爲子。 注以三年是居喪之期,故云「在喪」也。 無改於父之道,故以孝許之。 范説亦通。 但論孝即是觀人,既觀其行,而 ○注「孝子」至「之道」○正 ·師丹傳》丹上書言:「古者 如 鄭、孔義本不誤,故 是 皆若父存,不敢遽當室 若《曲禮》言居喪之禮 『子未三年,無改於父 而 以 宋氏 孝許之, 故知此注 翔 鳳 義 奚 養 《 發 繋《関 宜 尚未 曰: 知三 不 就 仍 其 微 改 居 志 可

《爲美。小大由之,有所不行。知和而和,有子曰:「禮之用,和爲貴。先王之道,

四

曰 : 指 無小大」、《詩 禮 諱 用 居不和也。」又《易・繋辭傳》: 與咊同。」「盉,味也。」「和 行也。」《説文》: 禮 不 和」。 登降揖 論 和 燕義》云「和寧、禮之用也」是也。 貴,尚也。」 一昭《晉 和 人之證 有威儀文物 貴和 語 以 《禮 」爲樂, 斯 注 爲貴,故以和行。」和 禮 《賈子·道術》篇: 「死亡謂之先。」《爾雅 <u>*</u> 此也。」《周 語》注: 讓,貴賤有等,親 而 節之, 祭義》云: 和是禮中所 每事從和,不 爾 也。 「先王謂聖人爲天子制禮者也。」《詩 故以 泮水》「無小無大,從公于邁」,皆以 雅 「用,可 貴, 《樂記》云: 亦 官 「美」言之。 釋 ,重也。」高誘《吕 不 禮者,履 詁 施 有,故行禮以 大司 可 是言 ,相應也。」三義略近,今經傳通 疏 「剛柔得道謂之和,反和爲乖。」 行也。」禮主於讓,故以和 以 有體,謂之禮。」《方言》: 行 曲 徒》注:「美,善也。」 禮非 一禮勝則 此者也。」《管子· 「小大」指人言。 「履以和行。」虞翻注: 禮爲節,亦不可行。」正 釋詁》:「王,君也。」戴氏 也 自也。」「自 《説文》:「龢,調 謂 樂、審矣。 離。」 氏 和爲貴。 注 春秋• 鄭 馬 注 與 曰 下篇 尊師 《論 皇、邢 心 離 並 一從 殷 術 「小大」 衡 也。 一禮 常 爲 君 其 》篇: 謂 人 用 注 疏 同 靁 用 訓 子 望 四 之 以 作 讀 知 析 義

所節 也。 有子於此章已明言之。 官 執兩端, 禹云「允執其中」,孟子言「湯執中」,「執中」即 $\vec{\Xi}$ 而 庸,夫子本之,故言中庸之德。 也。」凡事所可常用,故 子此章之旨,所以發明夫子中庸之義也。 居士云: 「上純用禮不行,今皆用和,亦不可行也。」」案: 不復用禮爲節 不知用和,故不可行 文。」是言人小大皆有禮也。「有所不行」者,謂人但循: 車 火史記 庸 名曰中庸者,以其記中和之爲用也。」注 品節斯之謂禮。」皇疏云:「人若知禮 · 輿、衣服、宫室、飲食、嫁娶、喪祭之分,事有宜適 不 · 大司樂》言六德: 中 常也。 倚 中 ,則知所中。 和 庸 非 强 禮 用其 中 哉矯 皆 書 用中 不 所 中 者,則 云: 立. -爲常道 以 於民」,「用 令中 行 中 和 君 於事 禮, 所謂 庸 非 而 臣 庸」又訓 其謂 也。」兩義自爲引 禮 故 不 亦不得行也。 朝 和、 不 禮 禮 流 廷 中 祇、 慎 和 以禮節之」者, 篇 子思本之,乃作《中 勝則離」者 尊 常。 則 庸 載 即 禮 而不 卑 之。 禮 非 中 孝、友,言中、 鄭君《中 貴 以 樂 流,强 用 賤 節 庸 所 中。 不履。」「 逸周 和, 也。 《説文》:「庸,用 之序,下 君子中 之也,則 以言「亦」者, 之倒 禮 哉 用中 嘉咨 庸目 而 《檀弓》云: 貴得 矯! 每事從 -庸」云: 和, 文。 録》云: 也。 物物 庸 舜、 及 禮 度 黎 中, 之中 舜咨 謂 又 有 《周 訓 舜 和 庶 和 立 知 而 言 有 沈

樂,即 此義 也。 漢石 經「亦不行也」,「不」下無 「可」字。

辱

禮,非 未合於義, 矣。」「思無悔言」,亦謂以義裁之。 矣。」又云:「言之必思復之,思復之必思無悔言,亦可 須視義而行之,故此言「近於義」也。 其親,亦可宗也。」【注】孔曰:「因,親也。 復,猶覆也。 反覆言之也。《曾子立事》篇云:「久而復之,可以 言》:「復,返也。」「返」與「反」同。 言語之信可 也。」《表記》云:「義者,天下之制也。」言制之以合宜 故 往來」,即反覆之義。 孟子·離婁》篇云:「大人者,言不必信,唯義所在。」是信 説文》"「近,附也。」「誼,人所宜也。」「義,己之威儀也。」 一字義別,今經傳通作「義」。《禮・中庸記》云:「義者,宜 失其親,亦可宗敬。」正義曰: 曰近義。 禮也。 有子曰: 人將不直 反 恭近 義不必信,信非義也。 以 覆。 其能遠恥辱,故 信 案:「復」、「覆」古今語。 於禮,遠恥辱 吾言, 人初言之,其信能近於義,故其後可 近於義,言可 吾雖欲復之不得 《説文》:「復,往 否則,但守硜硜之信, 日近禮 「信近於義、言可復 鄭注云:「復、覆 也。 以其言可反覆, 復 也。 【注】恭不 也。 《爾雅 也。 因不失 「恭 言所親 知 一來也。」 也。」 謂 近 其 者 注 也。 於 信 釋 合 慎 而

> 禮,遠 亦可宗敬也。 文上言「因」,下言「親」,變文成義。 侯卒,乃還」。《春秋》善之,是合宜不必守信也。 禮,以行之也。 矣》正義 知其人之賢不肖。 也。」「宗」有尊訓。 ○正義曰:《詩・皇矣》:「因心則友。」傳:「因,親也。」 「以其能遠恥辱,故曰近禮」,義同。 不去,抱柱而死」。 義也』者、《史記》尾生『與女子期於梁下,女子不來,水至, 疏云:「「義不必信」者,若《春秋》「晉士匄帥 本「宗」下有「敬」字。 侮,而不免恥辱。 云「觀其所愛親,可以知其人矣」,謂觀 由復言後觀之、蓋知其人言可反覆、曉其 也。」「辱,恥 恥辱」者、《廣 ⊟: 『《周禮》六行,其 桂氏馥《群經義證 也。」《表記》云: 否則 下篇云「恭而 若所親不失其親,則此人之賢可知 此言「宗敬」者,引申之義。 雅 是雖守信而非義也。」案:注以 雖 ○注「義不」至「近義」○ 釋 恭敬於人,不能 詁》: 四 無禮則勞」,亦此 遠,離 「恭以遠恥。」亦謂 》解 日 姻。 此注 《説文》:「宗,尊 ○注「因親」至「宗敬 其所親愛之是非 也。」《説文》: 中 近於義也。 注:「姻,親於外 <u> </u> 禮 師侵 或或 《曾子立 正義曰: ❶「≪詩 意 爲 云『信 齊,聞 近義是 恭 人 也 下 近於 祖 所 事 恥 故 故 則 此 皇 皇 邢 廟 注 非 齊 輕

「桂氏 馥」,據下文當爲「武氏億」。

0

六

親。」是 義,於注本得兼之。 交接之事。 妻。」邢、皇二疏俱失孔恉。」今案: 孔注「因親」,是通説人 非類?」《張説之碑》亦云:「姻不失親,官復其舊。」又徐鍇 書》引《南史》王元規曰:「姻不失親,古人所重,豈得 説文通論》:『《禮》曰: 姻 得 其作「姻」者,自由後世所見本不同。然婚姻之 爲親」。 皇、邢疏依注爲訓,未爲失恉 據 此,則 「姻不失其親。」故古文肖女爲 因 即 「姻」省 文。 野 1 輔昏 客 叢

簞

無求 也。 告飽也。 記 義 曰: 君子不當求飽。 以 再,大夫、士三,庶人食力無數。」注:「一食、再食、三食,謂 就 鄭 敏 活醬。」注: 曰:「學者之志,有所不暇。」敏 有道而 疾也。 《 禮 記 • 曲禮》注:「食,飯屬也。」《説文》: 安」者、《説 此章言君子當安貧力學也。 子曰:「君子食無求飽、居無求安、【注】 食力,謂工商農也。」又《公食大夫禮》:「賓三飯 正焉, 禮器》云:「有以少爲貴者,天子一食,諸侯 有道,有道德者。 文》: 故此言家貧者食無求飽,爲君子也。 飯 耐 可 止,君子食不求飽。」彼言禮食之事, 「尻,處也。 謂好學 正,謂 也 從尸 「食無求飽」者、《禮 於事 已。」【注】孔曰: 「飽、猒也。」猒者,足 几。 問其是非。」正 而慎於言, P 得 几 憪 居 安

古

擇良友而友之。 惡篇》:「夫人雖有性質美而心辯知,必將求賢師 也。」「 定其是之與非。 猶聽也。」邢疏: 也。」《周官》: 之」,夫子以教冉有, 氏循《論語 疾勤於事,不懈倦也。 疾」至「是非」〇正義曰:《説文》:「敏,疾也。」「敏於事」,謂 辭。 於仁義而不自知也者,靡使然也。」「焉」,「也已」,助 也,得良友而友之,則所見者,忠信敬讓之行也。 者、《學記》:「就賢體遠。」注:「就,謂躬下之。」《荀子・性 雅 不專以 食,一瓢飲,在陋巷,不改其樂者也。 漢石經 釋詁》: 「居,蹲 疾速爲重。」案: 補 也。」二字 「也已」作「已矣」,皇本作「也已矣」。 「安,定止也。」「無求飽」、「無求安」,若顏子 疏》:「敏 「家司馬各使其臣 得賢師 **易**• 「言學業有所未覺,●當就有道德之人,正 義 是亦貴疾 文言》曰 下篇「訥於言而敏於行」,訓 審也,謂 别。 而事之,則 焦説 今經 『問以辨之』也。」② 速可 以 與 審當於事 傳皆叚 孔 正於公司馬。」注:「正 所聞者,堯舜禹湯之道 知。 注 義 「就有道而正 《説文》: 居 相 也。 輔。 爲 聖人教 元 ○注 聞 而事之, 身日進 同。 「正,是 斯 爾爾 焉 敏 焦 行 之

0

覺. 邢疏原作「曉」。

⁰ 也上 ,邢疏原有「是」字。

今案: 若貧而樂,富 有「道」字,今各本脱去。 子傳》引「不如貧而樂道」,正與孔 字、《集解》兼采《古論》。 石經「道」字旁注。 者既得人所求,好生陵慢,是爲驕也。」「何如」者,何似 者,馬高六尺之名。 文》:「富、備也。 或從臽。」皇疏引 志於道,不以 如 「樂道閒居。」注引《論語》「子曰 古論》本有「道」字。 如」。」是二字義同。 未若」,猶言未如。 ? 子曰: 「 字。 東平王 作「樂道」,自是《古 子 《説文》: 貢 蒼傳》 日 貧 _; _ 注引 范 爲 而好禮者也。」【注】鄭曰:「樂 「貧,財分少也。」又:「讇,諛也。 陳氏鱣《論語古訓》云:「鄭注本無 可 日 人自高大,故亦稱「驕」。 《儀禮• 甯 《史記》所 皇本、高麗本、足利本並作「樂道」,唐 憂苦。」正 貧 也 厚也。」人財多,當無不備 並 日 鄭 下引孔 無 侕 論》。 「不以正道求人 據本蓋《魯論》,故無『道』字。」 【注】孔 道 無 有司 「貧而樂道」」。 載語亦是《古論》、《仲尼弟 字 《漢 日「能 義 諂 合。 ,與鄭本同。 日 : 徹》注:「今文『若』爲 書・ 曰:「未足多。 《文選 富 貧而 皇本「子貢」下 王莽傳》、《後漢 而 樂道」,是 爲 皇疏: 是《集解》本 無 諂 幽憤詩 下 也 也。」《説 驕 篇 「富厚 諂, 讇 孔注 П 道 驕 也 未 謂 何 有 也 0 0 禮 秋 貢 以 Z 之

達也。 苦」〇正義曰: 鄭不從《古》以校 子貢知引《詩》以成孔子義,善取類,故然之。往,告 斯之謂與?」【注】孔曰:「能 故無諂無驕者不能及之也。 不改其樂,樂亦在 已矣,告諸往 者,能自切磋琢磨。]子曰: 證《史記》,稍誤。 · 慎大覽》: ❶「古之得道者, 窮亦樂, 達亦樂, 所樂非 , 衆而以甯者, 天下其幾矣。」」是樂道 以貧而 |者、《毛詩序》云:「詩者,志之所之也。 曰:「《詩》云:『如切 道得於此,則窮達一也。 樂道。 鄭以 《魯》也。 而 其中矣」,皆不言 來,答以切 《坊記》:「子云: 知來者。」【注】孔 樂」即 至孔注是後 樂道,與《古論》同。 ○注「樂謂志於道不以 如 磋 如寒暑風雨之節矣。」❷子 賜 貧 磋, 琢磨。」正義曰:「《詩 樂道 也,始 而樂道、富而 人僞 「貧而 如 一好禮 曰:「諸,之也。 而 撰, 琢 在心爲志,發言 爲 好樂,富 義 可與 如 陳 人所 自 磨。』其 合吕 君 可 貧爲 援 言 通, 難 好 氏 侕 孔 詩 能 禮 憂 窮 故

《孝行覽》。 「慎大覽」,據《吕氏春秋》當作「慎人篇」。《慎人》篇屬

「如」、《吕氏春秋》原文作「爲」。「節」,原文作「序」。

也。 案:《毛詩 子貢能識此意,而引《詩 悟莫若子貢,故夫子進之以 之好學」。 好禮者,學問之功。 枝 自修也。」此本《禮記・大學》篇文。 以 器。」寶者,貴也。 爲 皇 也。」「往 玉之於琢磨也。 石之見琢磨也。」又《荀子·大略》云:「人之於文學也 玉謂之琢,石謂之磨。]郭注:「皆治器之名,謂治骨象玉石 玉也。」「磋」,謂治象差次之,使其平滑也。 磨」者、《衞詩 摩」、云:「一本作磨。」《説文》:「確,礱也,礪也。」意 摩」、「磨」即「確」之異體。鄭此注云:「切磋琢磨,以成寶 本 詩。」《 》據《爾雅》釋此文云:「蓋無諂無驕者,生質之美; 成器也。」又《釋訓》云: 並同 謂 來 書 」下、「來者」下均有「也」字。 爾 而七十子之徒,獨稱顔淵爲好學。 》傳云:「道其學而成也,聽其規 |猶言前後也。 微子》馬 雅》之義。 淇澳》篇文。《説文》:「切 《詩》曰「如切如 《爾雅• 夫子言『十室之邑,必有忠信,不如 注:「云,言 》以證明之,所以爲告往知 「如切如磋,道學也。 告」者,《 子貢聞 釋器》:「骨謂之切,象謂之磋、 此。 然語意 磋,如 也。」「如 廣 先從叔丹徒君《論語 知二,故能 ○注 雅 琢 渾融,引 「磨」、《釋文》作 釋 諫以自修,如 切 「往告之以貧 如磨」,謂 , 刌也。」「琢, 如 詁 顔淵而下,穎 告 如琢如磨 磋 而 往 來。」謹 如 告, 不 知 樂道 學 琢 發。 來 而 問 丘. 駢 治 猶 玉 如

樂道」〇正義曰:此句下當有「富而好禮」句。

云: 禦,此不肖主之所以亂也。」是言不知人之當患也。 無可患也。己不知人,則於人之賢者,不能親之用之,人之 皇本「人」字爲俗妄加無疑 爲可知也』語意同。『人』字,淺人所加。」案: 義雜記》:「古本作「患不知也」,與《里仁》「不患莫己知 不知人也」,俗本妄加字。今本「患不知人也」。」臧氏琳 「不患人之不己知也,患己不知人也」。 高麗、足利 論人》篇:「人同類而智殊 不賢者,不能遠之退之,所失甚巨,故當患。 也。」正義曰:《説文》:「患,憂也。」人不己知,己無所失, 患己不知人也」。《釋文》云:「『患不知也』,本或作『患己 但 子曰: 患己之無能 「不患人之不己知,患不知 知也。」「己無能 ,賢不肖異,皆巧言辯 知」,即未有知之義,則 《吕氏》 皇本有王 亂 皇本作 春秋 本亦 以 自 注 作 防

餘姚朱衍緒校刊

論語正義卷一

焉加」,稱

「天極」。

《周

髀算經

稱

北

極 樞。

《吕氏

春

寶楠 學

凡二十四章

爲政第二

集解

注云: 取 祇見北極,故舉爲言也。 極出地三十六度,南極入地亦三十六度,❶中國 處,名赤道極。 極,天之中,以 而衆星共之。」正義曰:《説文》:「譬,諭也。」《墨子・小 衆星共之。」【注】包曰"「德者無爲、猶北辰之不移 北極,天心,居北方,正四 》篇:「辟也者,舉他物而以明之也。」「辟」與「譬」同。 「北極謂之北辰。」此本《爾雅 子曰:「爲政以德,譬如 正四 稱北極者,對南極言之。 時。」天中 《楚辭• . 時。 即 天心。 謂之北辰。」郭璞曰:「北 天問》「斡維焉繫? 釋天》文。 北辰居其所而 天體園,此 成周洛陽之地,北 在赤道北 李巡曰: 爲最 天極 鄭 高

> **秋** 也。 西者,須視北辰以别心伐。」皆以「北辰」爲星名。 樞星也。」則以句陳爲極星,漢人已有此説。❸《繁露• 本》篇:「星莫大於北辰。」何休《公羊傳》注:「迷惑不知 爲句陳大星。案:《説苑· 等所言「極星」。 書》:「中宫天極星,其一 工》、《吕覽》稱「極星」者,此就人所視近北極之星,舉 大星。」明大星在北極中,非北極即 識別也。 .吕氏春秋》亦言「極星」,「極」即北極,北極非星 《周官・考工記・匠人》:「夜考諸 有始覽》稱 《周髀經》:「立八尺表,以繩繫表顛,希望北 天樞 陳氏懋齡《經書算學天文考》引許慶宗説 」,❷與「北極」、「 明者,太一常居也。」此即《考工》 辨物》篇:「璿璣 爲星 北辰 也。 極星,以 俱 謂北辰 《史記 IE. 體 天官 、句陳 朝 而 故《漢 而《考 夕。」 以 極 異 奉 爲 名 東 中

- 0 0 洛陽北極出地三十四度四十三分,則此非實測。」 「天樞」,孫校:「《吕覽》「天樞」乃訛文,不足據,說見王 「成周」至「亦三十六度」,孫校"「檢丁取忠《度里 一表》,
- 0 者爲璿璣,非以句陳爲極星也。《史記• 氏《讀書雜誌餘編》。」 説 星,不數天樞,故劉别 苑」至「此説」,孫校"「《説苑》以北辰、句陳、天樞 樞星於北辰也。」 天官書》天極

九

論

語正義卷二

郭守敬 卷 以 亦 語類》已言之。 以之爲標準耳。」案: 歲 爲天所在 星 精,上爲列星,或省作星。」《釋名 猶 歲差五十一秒,故梁祖暅之以儀準候不動 居 人附益,過矣。 極星之文,遂以 + 曰 書 一之削 東行。 求 度。 差,以牽牛爲冬至常星。 爲天樞,即 雅 北 天文 度有餘。 極 月冬至,日 辰之所 日 冬至子中,未嘗板定星度,北辰如何認定極星? 天有十二辰,自子畢亥,爲日月所聚會之次舍。 成 測 釋 極星 二十八宿統名恒星,句陳等星與恒星同 處, 志》云: 詁 曰黄道極 點 其實 謂 一離不動 也。 在矣。 宋沈括測天中不動 月畢 夏氏炘《學禮管釋》據《考工》、《吕覽》諸言 北極爲赤道極,左旋西行,其日月 北辰爲天樞,北極爲星名, 北 「所、兄也。」北辰居其所 北 北辰 辰 衆星共之」者、《説文》云: 與與 會 也。 陳説甚是。 極 處三度。 居其所 於丑 是 月 Ŧī. 無星 陳氏懋齡云:「古人指星 星, 五星同爲右旋東行 若以歲差之理言之,今時 · 必 第 |者、《三蒼 處。」又云:「凡天之無 則星度常差,不能執定一 有所當之星 Ŧī. 然北 處,遠極星三度有餘。 紐 釋天》云:「星, 星爲天之樞。」❶ 辰是 * Z 即陳氏所圖 且. 處,在紐星之末, 疑《爾 無星處、《朱子 宿。 「曐,萬物之 「所,處 而 漢初 度。 二 雅 五星,各 所 散也。 》爲漢 也。」 八宿 恒 星 在 距 在 不 以 元 箕 等 知 星 星 但 如 處 處 紐

> 本。 《公羊》僖三十二年注: 得以 時、天地人之政,而皆本於 正 來,是明一 所」爲人君居明堂之象,謂明堂爲政教 還繞北辰,若拱向之也。 樞,衆星 只爲動天左旋西 宗黄極。 各異,今亦未能詳之也。 列 治,王中無爲,以守至正。 拱」省,鄭 也。 十八名,積數七百八十三星。」自後諸史志及推測家言 位 德者,不言之化,自然之治,以無爲爲之者也。 差次自行。 布散也。」《漢 王者上承天之所 所 赤道西 統。 與 以 共 包所見 其 北 行, 是東行之度,以西行 行,恒星東行。 書 説是也。 辰 帶定七政恒 也。」鄭 本 天 「拱,可以手對抱。」 衆星列峙錯 爲,下 . 異。 蔡邕《 陳氏懋齡云: 文志 上法璇機 宋氏翔鳳《發微》云: 注云: 德。 以 説文》: *****: 《明堂月令論 IE. 星 右旋之度, 雖 書 經 其 以 拱, 而生。 有 一夜運 所爲,未 星 「拱, 斂手也。」何 「赤道宗北 齊七政。 所由 常 五官、二十 拱 宿中 轉 手 黄極以 赏 生,變 因 也。」 故 有 左旋 外 北 故 不 七 極, 官 明 八星 化 辰居 雖 以 日 赤 政 共」是 愐 所 凡 堂 恒 有 德 政 極 恒 居 成。 休 爲 由 其 爲 星 四 百

引者不可不覈檢本書也。」
う檢夏氏炘《學禮管釋》,乃知此疏沿夏氏之誤甚矣。
「漢書」至「天之樞」,孫校:「此引《漢志》與原文大異。

辭雖 東游 極北 周四 謂之北極。 幾 作 可 游 無爲而 作之則,則百工盡職,庶務孔修,若上無所爲者然,故稱 天下平。」「篤恭」者,德也,所謂「共己正南面 궁: 漠然無爲 育萬物,本 政皆本於德,有爲如無爲也。]又曰: ○正義曰: 樞之筦也。」○注 悖,德之符也。 名, 知。 也 璇 而天樞不移。」此注所本。 而皆筦於北 「《詩》云:「不顯惟德,百辟其刑之。」是故君子篤恭,而 一,微 游所極。 所極。」「北極樞」即北辰。 《後漢•天文志》注引《星經》曰「琁機謂北極」,此舜 治 以 ,意實同 ,常以夏至夜半時, 也。 也。 也。」案李説足以發明此注之意。 -義以 象北極。 李氏允升《四 據《大傳》言,其變幾微,故天文家咸以爲不動 其變幾 冬至日加酉之時,西游所極。 北辰不離於紫宫,而衆星循環,終古不忒 辰。 也 北 正萬民,本中 「德者無爲猶北辰之不移而衆星共之 辰之不移」者,《吕覽》云: 爲政不 皇本此 微 伏生《書傳》曰:「琁者,還也。 而 書證疑》: 所 北 注作 出於明堂,而禮 動 和以 極 《周髀》云:「欲知 者 《周髀》言有四 南游所極,冬至夜半時,北 「鄭曰」。 大,謂 制禮樂,亦 「既曰爲 「爲政以德,則本仁以 之琁機。」是 樂刑 政,非 日加卯之時 「極星 也。 《 禮 實有宰制,非 游,則非不移 政,四 北 無爲 共己以 生與天俱 故琁機 極樞 機 中 達不 也 者 庸 旋 舜

《左傳》「臣之業在《揚之水》卒章之四言」,趙簡子稱 者謂之爲言。」引此文,謂以 零句,有可述者,儒者肄業,雖不妨及之,要無與於弦 正也。 禮樂也。 叔 用,故不數之也。 百五篇爲孔子所取,與《世家》合。 秦而全者,以其諷誦,不獨在竹帛故也。」班《志》此 文志》云:「古有采詩之官,王者所以觀風俗、 據此,則三百五篇,夫子所删 缺。」又云:「三百五篇,孔子皆弦歌之,以求合《韶》、《武 取可施於禮義,上采契、后稷,中 記・孔子世家》:「古者《詩》三千餘篇,及至孔子,去其 『思無邪』。」 【注】 包曰: 數。」一言以蔽之、【注】包 雅》、《頌》之音。 遺 見《禮運》,兩見《論語》,皆綜大數以爲教也。 我以九言」,皆以 子 孔子純取周《詩》,上采殷,下取魯,凡三百五篇。 《詩》皆入樂,故可弦歌。 日 : 禮樂自此可得而述,以 「一言」者、《詩 詩》 句 三百百 爲 「思無邪」一 定也。 言也。 述殷、 曰: 歸 注 關雎 其三百五篇之外,單 夫子屢言『詩》三百 於 禮 案: 句 周之盛,至幽、厲之 正。」正 義 蔽 孔 備王道,成六藝。」 》疏云:「句 爲 《春秋繁露· 即 曰: 猶 一言 禮儀 知得失、 《漢書 當 義 也。 也。 篇 亦即 文以 一子大 之 則 歌 自 又 重 \Box 大 楚 引 古 之 遭 考 史

肆

數。 正者, 詩。」 邪。」《毛詩序》云:「詩者,志之所之也。 三百 故曰「思無邪」也。 漓,詞 能容之也。 者、魯頌 禮義,先王之澤也。」《禮 及其比音人樂,誦自瞽矇,而後王之法戒昭焉。 主於誦《詩 之人。」又曰:「《論語》之言《詩》獨詳,曰 心,而形之於言,以攄其懷抱。 莊 儉 云 正」〇正義曰:《賈子・ 塞」、「當」義同。 詩》也。 而好禮者,宜歌《小雅》。 王》篇: 又云:「故正得失,動天地,感鬼神,莫近於詩。」又 五篇,合笙《詩》六爲三百十一篇。 故變風發乎情,止乎禮義。 宜歌 有正變,而原夫作者之初,則發於感發懲創之苦心, 注 蔽 》者也。」今直曰「《詩》三百」,是論《詩》非 《頌》。 介以 當巡狩采詩,兼陳美刺,而時 顧氏鎮《虞東學詩》云:「詩者,思也。 駉》篇文。 猶 當 廣大而 言,曰 《廣雅 〇注「篇之大數」〇正義曰: 也一〇正 《説文》: 道術》:「方直不曲謂之正,反 樂記》: 王者必 静 釋詁》: 疏達 Œ 義 直 繫於作詩之人,不繫於讀詩 曰 : 改制。」亦一 「思,容也。」言心有所 發乎情,民之性 清廉 而 「師乙曰: 「蔽,障也。」〇注 鄭 信者,宜歌《大雅》。 注云: 而讓者,宜歌《風 此言「三百」是舉大 在心爲志,發言爲 誦,曰學,曰爲,皆 俗之貞淫見焉。 證。 『寬而静,柔 「蔽,塞 也。 今《詩》存 故俗有淳 思 發慮在 無 正 歸 也。」 論讀 止 念 邪 恭 爲 於 而 乎

> 雅》怨誹而不亂。」皆言《詩》歸於正 聲有哀焉。」《史記•屈賈列傳》: 於汙上,自引而居下,疾今之政,以思往者,其言有文焉,其 愆其止,其誠可比於金石, 《荀子•大略篇》:「《國風》之好色也。 直 而 慈愛者,宜 歌 《商 **%** ,其聲可内於宗廟。」《小雅》不以 温 良 《國風 而 也 能 傳曰:「盈其欲而 斷 》好色而不淫,《小 者, 宜歌《齊》。」」

詁 》: 此同。 格。 言民 諸異文當出《齊》、《古》。 此義亦通。 謂教之也。 【注】包曰: 教。」齊之以刑、【注】馬曰"「齊整之 免而無恥。 「導」。《釋文》:「道,音導。 一者,道之以德,齊之以禮,故 【注】格,正也。 知所尊敬,而莫敢不從令也。 恪,敬也。」於義並合。 子曰:「道之以 漢《祝睦碑》: 《 禮 《祝睦碑》作「導」作「濟」。 德, ·緇衣》云:「教之以德,教之以政。」文與 【注】孔曰:「兔,芮兔。」道之以 謂 「導 道 Œ 《爾雅• 濟以禮。」皇本兩 義曰: 德。」 齊之以 下同。」《説文》:「導,導 政、【注】孔 《漢書· 民 有 鄭 釋言》: 道」,如 恥 注此云"「 貨殖傳》: 又云: 而 且 曰 禮, 敬。」即本此文。 濟,益 道國」之「道 以 「有恥且恪。」 「道」字並作 刑 格,來也。」 「於是在 有 政 罰。」 也。」《釋 引也。」 謂 恥 德, 且 民 法

上

而 政 用

以 相 刑

刑

禁之。

參焉。

太

上

以

德教民,

成、

康之世是

也

子

ě:

「雍聞:

至

刑

無

所用

亦曰

注 :

罰

謂 周 文》

刑

剄

罰 〇 正

義

「罰」者、《説

哀樂之感,禍

者

,德教行

而

民

康

樂;

也。」彼言「遯」,此言「免」,義同。 緇衣》云:「夫民教之以德,齊之以禮,則民 「格,字或作格。」《書》「格於上下」、《説文》引 福之應也。」《家語 或導之以德教,或歐之以法令。 化之弗變,導之弗從,傷義以敗俗,於是乎用 取舍之極定於内,安危之萌應於外也。 漢《費汛碑》:「有恥且狢。」《方言》: ,信乎?』孔子曰:「聖人治化, 有遯心。」注 敺之以法令者,法令 「來」之義,皆 刑罰治之者積 故世 《大戴禮 詁 政,桀、紂之世 格」、「徦」字通。 至 而 以禮齊之。 主欲民之善同, 也。」「狢」、「徦」一字。 「格,至也。」「來」、「至」義 《廣雅•釋詁》:「免,脱 刑政》篇: 云:「格,來也。 禮察》篇: 不相應, 、刑罰。 是 其 也。 《説文》: 有格心。 「仲弓問 極 次以政導 而 導之以 刑 蓋段 而 「爲人主 至政 所以 罰積 民 遯,逃 借 哀 教之 格 必 於孔 無所 德教 使 而 《 爾 民 也。 戚 刑 計 民 民 御 刑折之也。 《書》曰: 教。 刑 刑 撻 官 也。」「舠、罰辠也。」二字義別、今經典多掍 日 諸 于禮而薄 之善御者,執轡如組 則 孔子曰:「以禮齊民,譬之于御則轡 子答衛將軍文子曰:「齊之以禮」 後 文》云:「辠之小也。」罰本小辠,制 不亦速乎? 民懼矣。]文子曰:「今齊之以 文並 馬 則 罰 擊之也」是也。 有刑,是以刑 矣。二《孔叢子 《廣 鞭也。 何? 司救》云:「凡民之有衰惡者,三讓 失道矣。』文子曰: 孔子曰: 『古之刑省, 今之刑繁。 足發明此章之義。 雅 『伯夷降典,折民惟刑。』 于刑,故民從命。 所以 執轡于此而動於彼, 夫無禮則 釋言》: 若徒轡 省。 佐 徳助 《白虎通 刑 無策, 今無禮以教,而齊之以 「齊,整 ,兩驂 民無恥,而 論 治 以 》篇: 順 如舞,非策之助也。 馬 ○注 今也廢 御言之,左手執 也。」此 Ŧi. 天之度 何懼哉?』孔子曰: 「仲弓 刑 刑》篇: ,則民恥矣。 正之以 謂 御之良也。 齊 ,刑猶弗勝,何 之以 禮 常訓。 也。 也 先禮以教之,然後 問 整之以 而 其 古之刑教 刑 法 「聖人治天下,必 尚 而罰。」 故 以 爲 用。 《説 刑,故民彌暴。」」 故 ,故苟免。」又「孔 刑 刑 懸 轡, 教,古有禮,然 刑

以禮

義治之者積

禮

豆義,以

者,莫如安審取

舍。

也。」謂

民思脱避

於罪

也。

以政,齊之以刑,則民

怨倍,禮

義積 也。

耐

民和親。

之善者異

同。

謂來歸於善也。

本

雅

釋

言

又《釋

作 雅 各,

假」,「假

徦

同

則

釋文》:

至也。」《

説文》:

假

木長貌。」於

訓 與

一敬一、

訓

爵賞者,示

有

有

是以先王

盛 古

吾 手

聞

無

而

右 轡

運 用

策 策 齊民

, 譬之于

刑以

止

刑

則

禮之有?」

刑

是以

以

與今之刑

中心。 子‧離婁》云:「惟大人爲能格君心之非。」 仁,愛人以及物。 三物 謂 日 所 格正也」〇正義曰: 勸 智、仁、 注意德屬人君,即上章「爲政以德」之意。 也 教萬民而 和,不剛不柔。 設 聖、義、中、 刑罰 賓興之」者 者,明有所懼也。」〇注 聖,通而 和。」此本《周官・大司徒》所謂 《漢書·刑法 此六德也。」鄭義與此注均通。 先識。 也。 鄭彼注云:「知,明于 義,能斷 志》顔師 「德謂 時 古注同。 宜。 鄭注云: 道德」〇 忠,言以 以 ○注 Ē 事。 德 鄉 義

使王大子、王子、群后之子,以至公、卿、大夫、元士之適子, 終。」六十而耳順、【注】鄭曰:「耳聞其言,而 惑。」五十而 【注】有所成也。 十」云云者,夫子七十時追敘所歷年數也。「有」之言又也 微旨。」七十而從心所欲,不踰矩。【注】馬 乎」之誤。 論語 志于學」,漢石經及高麗本「于」作「乎」。 矩,法也。 当 子曰:「吾十有五 引《詩》、《書》外,例作「於」,此變體爲「于」,必 《尚書大傳》: 從 知 ij. 所欲,無非 天 四十而不惑、【注】孔曰:「不疑 命、【注】孔 「古之帝王者,必立大學、小學, 而志于學,三十而立, 法。」正義曰:「十五」、「三 曰:「知 翟氏灝《考異》以 天命 曰: 之 知 其 始

異。 冬夏《詩》《書》,無五經之目。 以爲八歲毀齒,始有識知,入學學書計。 書》:「孔子言「三十而立」,非但謂 日 卅二。 詩序》云:「志者,心之所之也。」先兄五河君《經義説略 學知自居,故云「志于學」。 儀,上下之位。」《禮小戴》有《大學》篇,始「致知 十五者,人大學之年。 幼,學。」《論語》曰:『吾十有五而志于學,三十而立。』」 故十五成童志明,人大學學經術。 年十六爲成人,則成童是十五。 而出就外傅,束髮而就大學。」盧注: 見大節焉,踐大義焉。」《大戴禮・保傅》云:「古者年八歲 + 立,乃漢人舊義。 (漢書・藝文志》:「古之學者且耕且養,三年而 治國平天下」,皆所謂大節大義也。 志」、「識」同,即 少而 有三年始入小學,見小節焉,踐小義焉。 令白 《白虎通》引「三十而立」連上句, 畜德多,三十而 [虎通 辟 「默而識之」也,亦通。「三十」,漢石經作 故皇疏同之。 雍 》篇:「古者所以年十五人大學何? 《尚書大傳》言:「入大學,知君臣之 五經立。」又《吴志》吴主《與 「志」,如「志於道」之「志 班氏假五經以説所學之業 周時成均之教,春秋禮樂 《戴禮》與《大傳》傳聞各 五經也。」足知 故《曲禮》曰:「十年 「束髮,謂成童。」古以 夫子生知之聖,而 七八十五陰陽 則「立」謂 年二十人大學, 通 格物 「立」謂學 學 經,用 孫 《毛 也 》謂 備 則 日

行

故

德

之至,期

於同

天。

命中

庸

「仲尼

上律

必

能

知禄命

矣。

是故君子

知命之原於天,必

亦

則 以

知

命,無以爲君子。」此之謂也。」二文皆主

德命,意 故孔

知仁義禮

智,安處善,樂循

理,謂

之君子。

子

也。

故曰天地之性,人爲貴。

明於天性,知自貴於物

曰:「天令之謂命。人受命於天,固超然異

義禮智順善之心,謂之小人。《漢書

•

董

仲

舒傳》:

生,皆有仁義禮智順善之心。

「天命」者、《説文》云:「命,使也。」言天 「素隱行怪,後世有述焉,吾弗爲之 不知天之所以命生,則無仁 於群生,貴於物 「聖人之所以 徳命 曰:「不 天之所 天 禄 進 然後 命歷 勇者 惑。」 至三 知 對 諸 天 也。 時 命。 者 策 而 德 解 善 云: 得 也。 下襲水土,辟如 兹矣。」○注「不疑 令終,貴不踰法。 爲思誠者之事。 誠者不勉而中,不思而得。 順 行之,此聖人之知天命也。 此君子之知天命 天命生德當在我也。 天命矣。 知天命自任。 過」,則知天之所以生己,所以命己,與己之不負乎天,故 矣。 己爲天所命,非虚生也。 不負天命; 行,如日月之代明。」言聖人之德能合天也。 也。」《中庸》云:「誠者,天之道也。 而 相 「从,相聽也。」「從」與 通 及年至五十,得《易》學之,知其有得, 固執之者也。」夫子至誠,合乎天道 他日桓魋之難,夫子言「天生德於予」,天之所生是 也。 惟知天命,故又言「知我者其天」,明天心與己 不負天命,斯可 孟子言「天欲平治天下,舍我其 命者,立之於己而受之於天,聖 天地之無不持載、 也 皇疏引李充曰: 感」〇 示之易行,而約之以禮 是故知有仁義禮智之道,奉而行之, 知己有得於仁義禮智之道,而 正 蓋夫子當衰周之時 「从」同。 義 從容中道 「從心所欲 以 日 : 云「知天命」。 無不覆 《説 「自志學迄於從心,善 《禮·樂記》注云:「從 ,聖人也。 文》「疑 誠之者,人之道 不踰矩」者、《説 ,而言 幬 而 爲 誰」,亦 辟 知 能 自 教之例 ,賢聖不作 」作「程」, 惑 「不踰矩」,若 人所不敢 如 誠之者, 擇 謙言 天命者, 合天,斯 四 孟子 因 時 無 之錯 推 文 也 知 爲 在 辭 以 大 知 爲 而

吉凶、

也。

君子脩其德

命,

自

能安處

哲」與「愚 歷年,則

對

是生質之異而皆可

以爲

善

則

韓

詩外

傳

子 禄命

Ď:

不知

命,無以爲

君子。」言

使己如此也。《書·召誥》云:「今天其命哲,命吉凶

之事,能養氣也。

矣。」」此即「不惑」之事。

若孟子言「四十不動

心,則

其謂

三年

通

經,亦

是大略言之,不得

過

拘

年

十後

,則學立

而

德

成之事。

張栻《論語

解

立」爲立于道、立于禮、皆統於學、學不外道與

禮 數

也 也

爲聖人者,以其

有始有卒,常久日

新,必

積十年而一

成

章

而

後

達

也。」「四

+

不惑」者,子

티 :

「知

者

不

禮

中

庸

|子日:

善也。 也。 綽 此勉學之至言也。」案: 年,通致命之道,窮學盡數,可以得之,不必皆生而知之也。 曉。 也。 矩 聖人之道,一以貫之,故耳順也。」案: 焦此義與鄭異,亦 其善,無所違也。 以「耳順」爲聞先王之言,亦鄭義所包也。 德行,從帝之則,莫逆於心。心與耳相從,故曰耳順也。」李 「『耳順』,即舜之察邇言。 耳聞其言而知其微旨」○正義曰:《説文》:「恉,意也。」 巨」,云:「規巨也,從工,象手持之。 旨」、「惟」同。 ,盡天下之方也。」楊倞注:「矩,正方之器也。」《説文》作 惑,亂 釋詁》:「矩,常也,法也。」皆引申之義 ○注 皇疏引李充云:「耳順者,聽先王之法言,則知先王之 皇疏引王弼云: 「大《易》之數五十,天地萬物之理究矣。 順者,不違也。 「矩法也」〇正 也。 聞人之言而知其微意,則知言之學,可知人 0 學者自是其學,聞他人之言,多違於耳。 注 「天命 知 舍己從人,故言入於耳,隱其惡,揚 疏列二説,不知與注意合否。 義曰:《荀子·不苟篇》: 天命之始終」〇正 所謂「善與人同」,樂取於人以爲 廢 興 有期,知道終不行 矩或從木矢。」《爾 焦氏循 義 三 三 : 以知命之 補 「五寸之 也。」孫 注 疏》: ○注 意 難

曰:「魯大夫仲孫何忌。懿,益也。」樊遲御,子告孟懿子問孝。子曰:「無違。」【注】孔

之曰: 篇 : 《古》、《魯》之異。《説文》:「違,離也。」引申爲背棄之義 《白虎通·姓名》篇:「諸侯之子稱公子,公子之子稱公孫 子,當爲御者。 《説文》:「御,使馬也。」御者居車中,惟兵車 也?」子曰:「生,事之以禮,死,葬之以禮, 也。 言 當稱孟公孫,不言公者,省詞。《説文》云:「我,施身自 篇亦作「毋違」。 祭之以禮。」正義曰:漢石經作「毋違」。《論衡・ 【注】鄭曰:「恐孟孫不曉『無違』之意,將 也。」「對, 譍無方也。 公孫之子各以其王父字爲氏。」此孟孫本出公子慶父之後 又:「敦,戾也。」義亦近。《毛詩・車攻》傳:「御,御馬也。」 故 告之。 ,故言 「視輿馬,慎駕馭。」弟子事 從死在茻中。 「孟孫問孝於我, 「我對」 樊 也。 遲,弟子樊須。」樊 武氏億《群經義證》:「《吕氏春秋·尊 《士昏禮》注:「古文「毋」作「無」。」意此亦 《説文》: ,其中所以藉之。」**●**今隸變作「死」、 對,對或從士。」夫子述所告孟孫 「外,澌也,人所離也。」「羴,臧 師, 我 古禮如是。」「孟孫」者 對 遲 日 曰 **:** 居左。 「無 問於樊 違。」 樊遲弟 何 問 遲 謂 師 孔

❶ 「藉」、《説文》作「薦」。

考懿子爲僖子之子,嘗學禮於孔子,故孔子即以 惟是懿子之父仲孫貜、春秋》書其卒在昭二十四年。 是盡矣。」皇疏引衛瓘曰:「三家僭侈、皆不以禮也、故以 、孔子三十六歲,是貜卒時 而逆之,可謂禮乎?」「逆」與 備禮,生事葬祭不違乎禮 故君子敬始而慎終,終始如一。 臣之所以致重其君,子之所以致重其親,於 《祭統》云:「是故賢者之祭也,致其誠 。』《左文二年傳 「大順者,所以養生送死事鬼神之常也。」孔 故《論衡》引此文説之云: 生,人之始也。死,人之終也。 時,明薦之而已矣。 順於道,不逆於倫,是之謂畜。」「順道 事親也。」凌氏鳴喈《論 ,言事 》篇『三家者以《雍 也。 偶 親 ,樊遲尚未生。 《荀子· 記》 當以 禮 禮,則 「《檀弓》云『三家 「順 即 無不 禮論》云: 不求其爲,此孝子之 順乎親 相 告 》徹」,祭曆禮 「毋違者, 反。 順 今懿子問孝時 1 懿子以 語 是君子之道, 矣。」案: 解義》: 逆者,逆禮 終始俱善 祀,國之大 「禮者,謹 禮訓 禮 無 樊遲 視 大 《禮 違 信 也。 之。 也 桓 禮 緩。 同。 樊 謚 也。 仲無人,得兼之也。 弓》云:「幼名冠字,五十乃稱伯 與?」○注「魯大夫仲孫何忌 有樊遲 子 諸侯謚於天子,大夫謚於諸侯。 行 葬乃制謚。 不列其名,及此注但云「魯大夫」,亦 懿子梗命,致聖人之政化不行,是實魯之賊臣。 氏爲桓公子。 長稱孟,魯大夫孟 故以時長幼, 懿」爲謚也。 稱號所以有四何? 列 《遲與懿子同門,故恐懿子復問 ,故此孟孫得謚「懿」。 ,則亦爲之惡謚,幽、厲之屬是也。 額 《周 (傳》: 析 ,待也。 御 書 人爲二,不 而 「樊須字子遲,少 敘 法: 夫子備 號 《説文》云: 公子慶父之後又稱仲孫者,慶父本居 謚法解》:「 與 日 「遲」義合。 氏是也。」案: 伯 大行受大名,細行受細名。」若人 懿子受學聖門,及夫子仕魯,墮三 仲 告 法四 足 叔 以 據。 ○注 季 「謚,行之迹也。」《謚法解》: 柔克爲懿,温 生 時 孔子三十六歲。」「須 也。 事 《白水碑》謂須字子達,遲字子 懿謚 用 鄭 「恐孟」 葬 事先後,長幼兄弟之象也 《説文》: 仲。」《白 春秋時, 謚不 樊遲也 適 目 祭 也一〇正 長稱伯 者, 録》云: 至「樊須」〇正 不云「弟子」,當爲 天子崩,稱天以 和 虎 懿 孟 《史記 義 通 子 聖善日

於治

生死者也。

即 心

順 也。

禮

順

禮

故

無違禮

答之也。」方氏觀

語

」,葬僭禮

也。

八八佾 旭《論 禮義之文也。 人道畢矣。 夫以上

能

伯

禽是

也。

庶

• 日 或

尚

有

母

在

姓名》篇

禮

檀

長

也。」魯

孟

孟,其

禮

運 ※云:

無違者,無違乎禮以

者,是據禮言。

作

夫子告樊遲

事也

疏: 記

順即

順禮

也

即

違禮也。

與其忠敬,參之以

孝者,畜也。

「齊人」,《家

」與

額

仲

尼 日

義

如法,咸用

此

懿。」是

有

謚

《弟子

傳 都

語 弟子 解》及《左傳 》杜 注並云「魯人」。

注: 也。 也 伯 怒不至詈,疾止復故。」皆以人子憂父母疾爲孝。 不惰,琴瑟不御,食肉不至變味,飲酒不至變貌,笑不至矧: 憂。」」《禮記・曲禮》云:「父母有疾,冠者不櫛,行不翔,言 『《論語》曰:「父母唯其疾之憂。」故曰「憂之者子」。」則王 衡·問孔》云: 稱伯也。 義曰:《爾雅·釋詁》:「伯,長也。」武伯於兄弟次爲長,故 案:《孝經·孝行》章:「子曰:「孝子之事親也,病則致其 充、高誘皆以人子憂父母之疾爲孝。」「父母」字當略 憂。]【注】馬曰:「武伯,懿子之子仲孫彘。武,諡 淮 憂」爲「息」,又隸變作「憂」。 説文》: 至 南子·説林》:"憂父之疾者子,治之者醫。」高注云: 「孺子,孟懿子之子武伯彘。」疑「彘」是名,「洩」是字 言孝子不妄爲非,唯疾 同書 「母憂」〇正義曰:《左哀十一年傳》: 孟武伯問孝。子曰:「父母唯其疾之 「息,愁也。」「憂,和之行也。」二字義别。 《吕覽・義賞》篇注:「惟,獨也。」「唯」與「惟 謚法解》 「 「武伯善憂父母,故曰 剛彊直理」、「威彊睿德」、「克定禍 臧氏琳《經義雜記》: 病,然 惟 後 其疾之憂」。」又 使父母憂。」正 「孟孺子洩。」杜 經典多叚 ○注「武 | 論 同。 讀

> 爲孝也。 所憂,自能謹疾,不妄爲非,而不失其身矣。不失其身,斯 孰爲大? 注謂父母憂子之疾,此馬用《古論》義 亂」、「刑民克服」、「大志多窮」,皆曰「武」,是「武」爲謚 守身爲大。」守身所以事親,故人子當知父母之 也。 《孟子》云:「守 也。

稱。 之孝也。』《大戴禮・曾子本孝》云:「庶人之孝也,以力惡 君子不敬,何以辨?」「小人」即庶人。 語於士,則養未足爲孝。 食。」盧辯注:「分地任力致甘美。」、蓋庶人能養不能 經 | 云: 引之《經傳釋詞》:「「是謂能養」,「是」與「祇」同義。 所養,乃至於犬馬,不敬,則 馬,皆能有養。不敬,何 綜注《東京賦》曰:「祇,是也。」」《説文》: 曰:「犬以守禦,馬以代勞,皆養人者。一曰:人之 名偃。」子曰:「今之孝者,是謂能養。 不愛,豕畜之;愛而不敬,獸畜之。』」正義曰: 又《曾子立孝》云:「君子之孝也,忠愛以敬。」又云: 子游問孝。【注】孔曰:「子游,弟 「用天之道,分地之利,謹身節用以養父母,此庶人 故《坊記》言: 無以 以别乎?」【注】包 别。 「君子」則士以上通 「小人皆能 「養,供養也。」《孝 孟 一子曰: 子。 至於犬 敬, 其 姓 王氏 「食 故 言

而

字游

若

晉籍偃

荀

偃

鄭

駟

偃及此言偃

,皆字游。

本皆作

相出人也。

讀若偃。」是

「队」、「偃」聲同。

古

人名从

《説文》:「队

旌

聲。」漢石經於《子張》篇作「子斿」,「斿」即「游」省,「游」從 樂其耳目,安其寢處,以其飲食忠養之。」二文所言「養」,皆 經》又云:「孝子之事親也,居則致其敬,養則致其樂。」 能敬爲士之孝。夫子告子游,正以爲士之道責之矣。 禮・内則》:「曾子云:「孝子之養老也,樂其心,不違其 仲尼弟子列傳》:「言偃,吴人,字子游。 ·弟子解》作「魯人,少孔子三十五歲」。 ,則小人也。」「盡力」即 下篇子夏稱「言游」,又子游答夫子稱 是敬猶非至孝,特視祇能養者爲難耳。」「犬 ○注「子游弟子姓言名偃」○正義 與《曾子立孝》所言「君子之孝」同 《説文》:「游,旌旗之流。 「故母取其愛,而 旗之游, 从 《祭義》云:「衆之本教曰孝,其 見《廣雅・釋詁》。 敬可能也,安爲難。 以力致養之事、「無禮 蹇之兒。 君取其敬,兼之者 少孔子 從 少,曲 此常 從 安可 四 與《史》 偃之 放 十五 i E : 떼 **《孝** 訓。 明明 志 汓 能 即 垂 之。 有情。 子事親,但 之孝者,是謂能養,不敬,何以别乎?」故上孝養志,其次養 母所愛敬之犬馬,亦能養之,然祇能養 之,父母之所敬亦敬之,至於犬馬盡然,而況於人乎?』此 父母之犬馬,今亦能養之也。《内則》: 「父母之所愛亦 氏慎言《論語温故録》:「「犬馬」二句、蓋極言養之事 服養也。 伸,風木之悲累至。」皆用包義。 母,犬馬之養,已無所 氏奇龄《論語稽求篇》引唐李嶠《表》云: 前 夫勤勞,猶足以 者,不必芻豢也。 敬養兼至,故爲貴也。 「何以別」,謂何以別乎今也。 「从」,叚「偃」字爲之。 後兩説,前説以犬馬皆能養人,「養」則服事之義。 引《孟子》者,《盡心》篇文。 寧懷反哺,豈曰 後説以 .能養而不敬,則無以異於犬馬之服養人也。 順 「犬馬」喻父母,於義難通,自昔儒者多 禮; 以己之所有,盡事其親,孝之至也。 施。」宋王豐甫《表》云:「犬馬之養未 ○注「犬以」至「畜之」○正 若今之孝者,不過 歡菽飲水,足以致敬。 能養?」馬周《疏》云:「臣少失 **《鹽** 以 注二説外,又有三 鐵論• 「犬馬」喻人子,「養」爲 父母,不能 「犬馬含識,烏 孝養》篇: 能 養。 孔子曰:「今

馬」皆

默

名。

「别」者,分也。

也、卒爲難。

行曰養。

養可能

也,敬爲難。

養志之道,其不廢敬可知。

父也。」蓋士之孝也。

不敬也。

《孝經》又云:

力無

禮

義

 \exists

注

若

父 鳥 毛 人

漢石經無「乎」字。

違異,非也。 歲。」《家語

室」,是姓言

名偃

也。

愛

説。

包

雖至於父

敬

也

「善養

故匹

0

《公羊》何休注言:「大夫有疾稱犬馬,士稱負薪。 色,其 獲之類。 而 先兄五河君《經義説略》謂《坊記》「小人」即此章「犬馬」。 但似禽鳥知反哺已也。❸ 皆與《坊記》言通。 也。」束皙《補亡詩》:「養隆敬薄,惟禽之似。」爲人子者,毋 備 薪,皆賤者之稱,而大夫士謙言之。」《孟子》:「子思曰:「今 子》云:「乳彘觸虎,乳狗不遠游,雖獸 之文,謂 别」謂别乎今之孝者,此 知君之以犬馬畜伋也。」」然則「犬馬」謂卑賤之人,若臧 · 可 八次養 也。」此 此又一 《坊記》唯變「犬馬」爲「小人」,餘悉合此章義。 體。 引《論語》 貴其 説也。 體 諸説當與注前義並存。)以「不敬」句 ●不貪其 一説也。 〈養,體 翟氏灝《考異》引《坊記 與「能 畜,知愛讓其所生 順 心 養」句聯文,則 此又一説也。 和,❷ 犬馬、負 養雖 《荀 不

勞,有酒食先生饌、【注】馬曰:「先生,謂父兄。 也。」《説文》作「服」,云「用也」。 父 喻子夏,服勞先食,汝謂此爲孝乎? 饌、飲食也。」曾是以爲孝乎?」【注】馬曰:「孔 色難者,謂承順父母色乃爲難。」有事弟子服 母 顏色,乃爲孝也。」正義曰:《爾雅 子夏問 孝。 子曰:「色難。 《釋詁》又云:「勞,勤也。」 未孝也。 釋詁》: 【注】包日 服,事 承 其 子 順

> 皆謂人子也。 云: 饌,籑或從巽。」《禮經》凡言「饌」,注皆曰 謹案:《駢枝》説是也。《説文》:「籑,具食也。 二,皆謂年長者。 則佐長者視具。1長者即先生也,具即饌也。 冠笄者,昧爽而朝,問何食飲矣。 共具之。 先從叔丹徒君《駢枝》曰:「年幼者爲弟子,年長者爲先 并,重任分,班白不提挈。」皆是服勞之道。《曾子大孝》 敘。」又言"「歲事既畢,餘子入學。 所謂小學之教,則輕任 勞者、《尚書大傳》言:「人小學,知有父子之道,長 食之義。 曰:「先生,成人也。」皇疏云:「先生者,謂先己之生也。」」 「弟子」者七。 其二皆年幼者,其五謂門 説 文》: 「小孝用力,慈愛忘勞,可 是皆子職之常,何足爲孝? 勞, 竊謂服勞視饌,並言庶人之孝,視饌即 饌,具也。 劇 也。 《憲問》篇:「見其與先生並行也。」包氏 從 力熒省。」劇者,甚 有事,幼者服其勞, 謂 用力矣。」孔氏廣森《補 若已食,則退; 《内則》曰: 『男女未 「陳也」,「陳」即 人。 也, 有酒 言『先生』者 《論語 從食,算聲 言 能 若未食 食,長者 甚 養。 影中言 勤 幼 也。 生 之 服

0

0

[「]體」,據《鹽鐵論》當作「禮」

[「]體」,據《鹽鐵論》當作「禮」

[「]鳥」,據原詩當作「鳥」。

甚

曲。

説文》:

「曾,詞之舒也。」段氏注云:

「曾之言乃也。

詩》「曾

是不意」,『曾是

在位」,「曾是

在服」、「曾是莫聽」、

勤且恭, 文相偶。

可以爲弟矣,孝則未備也。」二義皆從鄭爲説

,於義

先生饌」爲句,言有燕飲酒 古文段「饌」爲「餕」。」孔氏廣

,則食長者之餘也。

有酒有

森《經學卮言》:

有事,弟子服其勞,勤

也。

又云:「《論語》魯「餕」、古「饌」,此則 《釋文》:「饌,鄭作餕。」 」皆訓陳,不言作「餕」, 有酒,食先生饌,恭也。 》解《論語》云:「《内 《禮記》之字於 注當云「今文 「讀當以「食 再設 事, 一每 氏 馬 作 明 裁 食 孝也。 食 親爲人子所難。 《吕氏春秋·孝行覽》: 於無聲。」此惟承順顏色者能之。 司馬光《家範》説此文云: 也。」蓋《集解 善養親之志者,必先和其色,故曰難 有愉色者,必有婉容。」又云:「嚴恭儼 色,與包異,義亦 言而後順之者也。」即此注意。 是也。」〇注「色難者謂 於管仲」,皆訓爲乃。 云:「孝子之有深愛者,必有和氣。 「籑」同,此又一義。 論語》「曾是以爲孝乎」,「曾謂泰 饌飲食也」〇正義日 謂 先生食,不言生者,省文。 鄭注此云"「言和顔説色爲難也。」以「色」爲人子之 》所 删 皇疏引顔 通。《内則》云: 脱 ○注 :《廣雅 趙注《孟子》曰: 承 「龢顔色,養志之道也。」是以 順 「色難者,觀父母之志趣,不 「孔子」至 延之日: 父母顔色乃爲難」〇 **《曲** 釋詁 《釋文》引注云:「曾 故《鹽鐵論》以養色爲次 山」、《孟子》「爾 「柔色以温之。」《祭法 「夫氣色 禮》云: 「孝也」〇正義曰: 有和氣者,必有愉色。 也。」即鄭 「何曾,猶 「籑,食也。」「饌」與 恪, 非 「視於無形,聽)和,則 義也。 事 親之道。」 何乃 何曾 Œ 情 義 志 ○注 色事 ·待發 也。」 比子 日 先 則 通

食餕

而盡之,末有原

也。」正義:「每

食無所

有

餘 而

也。」是「餕」有食餘

勿

復進之意;

故

或者

亦以

爲孝。」段

説文注》與陳略同。

則》曰:「父母在,朝夕恒食,子婦佐餕,既食恒餕。」注:

籑」作「餕」」,其説並是。

陳氏《古訓

禮》及《有司徹》注

並云:

「古文「籑」皆作「餕」。」

段氏

一饌」爲《古論》、鄭作

「餕」爲《魯論》,是也。

《特性

饋 玉

以 本

饌」不同。 初學記·

陳氏鱣《論語古訓》、段氏玉裁《説文》注並

士之達於學術者,未能 》:「庶人之孝。」夫子以

士之孝告子夏,故

示以色難。

孝部》引鄭

此

注云: 幾此也。

「食餘日

餕。」與

馬

注

謂

禮經》「饌」、「籑」當是各字,「饌

食餘之字皆作「籑」,未有作

饌

者。

又謂 禮》

禮經》皆從今文,而皆作「餕」。

疑《儀

而 省 其 子 私, 吾 亦 足 與 以 口 發。 言終日 口 不 也 不 違 愚。」【注】孔 如 愚 退

息必有 注》以 云: 處,觀其義方。」則省私亦觀人之法。 與 義皆略同。 還」者、《禮・檀弓》注: 水,象形。 弟子列傳》: 愚」下有「也」字。 文》:「愚,戆也。」顏子於夫子之言,鑽仰既久,欲罷不 所違難也。「不違」,則似不解夫子之言,故曰「如愚」。 者,無 疏引熊埋云:「 而自竭其才以學之。又且聞一知十,故能亦足以發也。 義曰:「終日」者,竟日 退 曰 (群弟子同居學中時也。 還 : 「回,古文回。 ,與二三子說釋道 「私」爲燕居獨處,亦通。 所怪問。 回,弟子, 回 居學。」居學,非受業之所,故言「私」也。 也非助我者也,於吾言無所不說。」孔彼注云: 左右岸也,中象水貌。」此顏子名字所取義。 注謂 「顔回者,魯人也。 既以美顔,又曉衆人未達者也。」皇本「不 「退與二三子説繹道義」,則 ○注「回弟」至「不愚」○正義曰:《仲尼 姓 於孔子之言,默而 回,淵水也。」「淵」下云:「回水也。 顏 也。 名 「退,去也。」《説文》作「得,却 義,發明大體,知 **◎**禮• 回 「終日」屬上爲句。 《周書・ 字子 學記》言:「大學之教,退 字子淵。」《説文》「煛」下 一説繹 淵, 識之,如愚。 官人解》: 魯 猶 人也。 其不愚。」正 私 「違」者,有 説釋」。 朱子《集 謂 「省其居 燕私, 察 不 也。 《説 退 能 下 皇 其 從 違

也。 其前占其後,以其見占其隱,以其小占其大。」則此「所以」、 常曰觀。』《爾雅・ 孔 觀其所經從。 安、【注】以,用也。 子之學也,人乎耳,箸乎心,布乎四體,形乎動静。 義」,凡所發明,於所言所行見之。《荀子·勸學篇》: 學者盡其理」是也。 其所安,此之謂視中 色,五曰觀隱,六曰揆德。」又云:「考其所爲,觀其所由,察 又曰:「用 王官人》云: 也。」「視」、「觀」、「察」以淺深次第爲義。「安」者,意之所 曰:《説文》:「視,瞻也。」《穀梁隱五年傳》:「常視曰視,非 蝡 也。」「開」有明義,故此注 「言回 而動,一可以爲法則。」 曰:「廋,匿也。言觀人終始,安所匿其情?」正 高誘《呂氏春秋・樂成》注:「安,習也。」《大戴禮 聞言即 子,曰:「 有六徵: 「内觀民務,察度情僞,變官民能,歷其才藝。」 解。」「解」,「説 人焉 視其 釋詁》:「察,審也。」《説文》:「察,覆 《釋名·釋言語 也。 日 言視其 廋哉? 觀誠,二曰考志,三曰視中,四 所 視中者,誠 「發明」連文。「大體 以, 」義同。 所 觀 人焉廋哉?」【注】 行 《荀子· 在其 其 用。 「發,撥也。 所 中, 由, 曲, 大略 此見於外,以 經 察 》所 猶 端 撥 其 言「大 而言 云「善 使開 日 所 文 言 觀 止 審 義

也。 在平時,皆爲始 同。《方言》:「廋,隱也。」「隱」即「匿」。《爾雅 至「其情」〇正義曰:云「廋,匿」者,趙岐《孟子・離婁》注 之事」,則《大戴》所云「以其前占其後」者也。 同 語 匿,微也。」「微」亦有隱義。 所 由,經」,並常訓。 ,終也。「所由」是前日所行事。 》此文「以」作「爲」也。 下 實該 由 「焉」、「安」一聲之轉。 句 ·句無 法。 「六徵」之用,故人無所匿 所安」,皆是 「哉」字,當是連上爲句。 ○注 也。 「以用」至 皇疏申注,謂 云「安所匿其情」者,孔以「焉」爲 「視中」,夫子取爲知人之法。 「經從」,據皇疏以爲「從來所經歷 安,猶何也。 「終始」者,「所以」是即日所行 「經從」〇正 即日 情 「所安」是意之所處,亦 與「禮乎禮」、「微乎微 也。 所行用之事」,故《大 義曰:「以,用」, 漢石經「人焉廋 ○注「廋匿 · 釋 詁 蓋此三 安

讀如「燖温」之「温」。 【注】温,尋也。 燅,於湯中瀹 燖」,或省作「尋」。 正義曰:《禮• 子 日: [] 肉 也。」《儀禮 温故 尋 中 案:「尋」正字當作「燅」。《説文》: 繹 謂故學之孰矣,後 庸》云: 故 而 者, 知新, 温 有 又 司 故而 知 徹 新 可 知新。」鄭注"「温, 者, 時習之,謂之温。」 以 乃 可 爲 **燅尸俎。」鄭** 以 師 爲 矣。」 人師

日

重義。 注: 與服虔解誼同。臧氏庸《拜經日記》以《論語》作「温故」,古 年《左傳》: 「若可尋也。」服注云: 「尋之言重也,温也。」鄭 燖。」❶今此義指彼記或讀之,故云『記或作燖』也。 哀十二 從今文也。《郊特牲》云:「血腥爓祭。」注云:「閻或 傳》與此古文皆作「尋」。 傳》曰: 「若可尋也、亦可寒也。」」賈疏云: 已得者,則温燖之,不使忘失,是月無忘其所能 也。」《穀梁莊廿九年傳》:「其言新,有故 文作「尋」,乃鄭注文與賈疏不合,非也。 引之者,證「燅尸俎」是重温之義。」案: 「尋」者、《論語》古文通用,至此見有人作「燅」,有火義,故 注:「燅,温也。 「故」之爲言古也,謂舊所學也。 温,煗也。」《山 温故」作「尋故」,鄭不破從「燅」,則亦依 「温故」。鄭君此章注文已佚,故就《中 「即湯谷也。」鄭注 言重用火爚之,即爲温也。 海經·大荒東經》:「有谷曰 古文「燅」皆作「尋」,記或作「燖」。 中 《論語》不破,至此疊古文不從彼 庸》讀 《廣雅 温 人於所學能時習之,故 如 據賈疏,是《古 燖 「尋」釋之,其義 也。」皇疏: 《廣雅・ ·庸》注爲引申之。 釋言》:「 温 「《論語》及《左 温 」者,「燖」有 也。 源谷。」郭 釋詁》: 令春 新, 知新 當 爲 初

間」,據上文當作「爓」。

0

盲瞽。 之以事 之訓 且能 時之得失。」是漢唐人解「知新」多如劉説。 衡 通達國體。」《百官表》以「通古今」備「温故知新」之義。 經師皆是也。」案: 稱先王者也。 也。 此言「温故」者、謂舊時所學、致事時猶能温尋、不使忘失。 必有德,故致事後有不爲師,或有不學而妄居師位者。今 以其爵爲之差,即是以其德爲之差也。 則 師矣」〇正義曰: 書傳》謂「大夫、士年七十致事」。 師者,亦使人法效之者也。」《文王世子》云:「師也 《禮 日 此 成帝紀》詔云:「儒林之官,宜皆明於古今,温故知新, 謝 劉氏逢禄《論語述何篇》:「故,古也。 日知所亡,足見其進德修業,髦而好學,故可以爲人師 知 記敘 温故 短》篇: 而 其 温 尋 喻諸 所亡也。」皇 |讀本字,故注以 爲 知新,可以爲師。 知新,謂通其大義,以斟酌後世之制作,漢初 博物 德者也。」古者家塾黨庠,師無定立。 「尋」者,「尋」 知古不知今,謂之陸沈,知今不知古,謂 劉説亦是。 《説文》:「줡,繹理也。」 通 疏此 人,知今温古,考前代之憲章,參當 言 「尋繹」連文。 與「燖」 亦同 古今不知,稱師如何?」孔穎 黄氏式三《論語後案》引《漢 鄭義。 大夫爲父師,士爲少師 同 即與 孔子時,大夫、士不 《禮 然 六經皆述古昔, 謂 ○注 「燅」同,不謂 温 紬繹理治之 王 無 温 制 「 釋 理 一尋」至 者,教 伏生 《論 $\bar{\Xi}$ 之

「繹理」也。此注蓋誤。

行也。 天下。措則正,施則行,復奚役役於一才一藝爲哉? 君子德成而上,藝成而下,行成而先,事成而後。 鄭注:「謂聖人之道不如器施於一物。」如者,似也。 器。」孔晁注:「周用之爲器。 本,則由明明德以及親民,由誠意、正心、脩身以及治國、平 其德於民無不化,於俗無不成。]案:此則學爲修德之本。 云:「察於此者,可以有志於本矣。」注云:「言以學爲本,則 以「孔子博學而無所成名」解之,即包此注義也。《學記》又 ○正義曰:《説文》:「器,皿也。」《周書・ 周其用。 子曰:「君子不器。」【注】包曰:「器 君子道無所不行。 至於君子、無所不施。」注「器者」至 故《禮 言器能周 ·學記》言:「大道不器。」 人之用也。」施 寶典》: 「物周 故 不 出者,各 知 孔 施 猶 所 疏 爲

子寡言而行,以成其信。」』《大戴禮 之。」【注】孔曰:「疾 行之,則言不可飾 不逮也」,「君子欲訥於言」。《禮・緇衣》:「子曰:「言從而 曰:漢石經「貢」作「贛」。 子貢問君子。 也。 行從而言之, 小人多言而 子曰:「先行其言而 下篇云「古者言之不出,恥 ,則行 曾子制言》篇: 行之不周。」正 不可飾 也。 後 君子 故君 躬 從 之

雖言不信矣。」然則小人雖多言,奚貴乎? 身,雖學不尊矣。 顧行,行不顧言,故易致多言。 之不周」〇正義曰: 先行後言。」又《立事》篇: 人,言必後人。」均與 不以誠立,雖立不久矣。 疾,惡也。 此章義相發。 「君子微言 周,合也,備也。 《韓詩外 ○注 而篤行之。 「疾小人多 傳》: 誠未著而好言 學 小人言不 行 而 言 慢其 必 而 先 行

兮。」王逸《章句 與比周。」杜注:「周,密 親愛人。」故「周」又訓爲親、爲密、爲合。《左哀十六年 爲比」〇正義曰:鄭亦有此注,孔所襲也。 傳言「小人」有二義: 知人之術,官人之方,皆必辨乎此矣。 泰驕及巧言令色足恭、鄉原皆必辨之,所以 周。J【注】孔曰:「忠信爲周,阿黨爲比。」正義曰: 忠信爲周。」《毛詩・皇華》《都人士》傳:「用之忠信, 小人」,則無德者也。 「周仁之謂信。」杜 子曰:「君子周 「比,俌 「周,合也。」是 也。』《齊語 夫子惡似是而非,故於周比、 謂微賤之人,一謂無德之人。 注:「周,親也。」《文十八年》:「是 也。」《離騷》: 而 不比,小人比 也。 「謂之下比。」韋注:「比, ○注「忠信爲周阿黨 「雖不周於今之人 阳 黨爲比」者、《爾 案:《魯語》: 正人心。 而 和 則 此文 而凡 同、 不 能 經

> 也。 周 爲比矣。 君子敬而無失,與人恭而有禮,四海之內皆如兄弟,故能 即 事,比也,引黨以封己、利己而 阿黨也。」《吕覽・達鬱》注: 失,無所可譏也。 密、爲合,是也。 曰"「君子有比乎?」叔向曰" 者,比而不黨。 反,正君子、小人性情之異。 也,以利合者 此所謂 周則忠信之謂,若非忠信,而但引黨以封己,是即阿 王氏引之《經義述聞》謂 「周」,彼文之「黨」即 夫周以舉義, 比 而譏此注爲失。案:王氏云: 也。 既以義合,得非 **《晉語** 比也; [si] 「君子比而 此 忘君 所謂 曲媚 「周」、「比」皆訓爲親、 舉以其私,黨也。」籍 ,别也。」」彼文之「比 「叔向 也。 「比」,文各相因 忠信耶?」此注 不别。 日 阿 黨 「以義合者 「吾聞 與 比德 、忠信 以 事 耳 周 爲 偃 君 相

故此章兩言其失。《釋文》: 思其義則 夏言「博學近思」、《中庸》言「博學慎思」,是學思不 不學而思,終卒不得,徒 尋思其義,則 ,德之理也。」爲學之道,明於古人所言之義,而 子曰:「學而 罔然無所 罔 然 得」〇 無所 不 得。」思 正 思 使人 義 :: 「罔,本又作冈。」〇注「學不尋 則罔、【注】包 精神 而不學則 《 賈子・ 疲 殆。 道 德 正義曰: 殆。【注】 因以驗 説 可 偏 廢 子

者

曰:

學

不

六

云: 思也。 注 則損脾,故精 不廣矣」。 無益,不如學也。」又《韓詩外傳》引子曰「不學而好思,雖 殆」○正義曰: 夫子言: 「吾嘗終日不食,終夜不寢,以 然也。」義皆可證。 疾。』《文選· 耳,曷足以美七尺之軀哉?」「人耳」、「出口」,即謂學而 學篇》:「小人之學也,人乎耳,出乎口,口耳 不思則不得也。」「不得」即此注「無所得」之義。 身心,故思足貴 也 貌。』《列子· 殆」字及「多見闕殆」,「殆 依義當作怠。」即本此注。 官,精神所在,是思屬心。 殆 「衣服在躬而不知其名爲罔。」鄭注:「罔,猶罔罔,無 其説亦通 疑 注言「罔然」者,凡稱「然」,皆形容之辭。《少 也」爲據。 是言徒 東京賦》: 周 神易 也。 穆王》篇:「秦人逢氏,有子壯而 致 思無益 ○注「不學而思終卒不得徒使人精 《孟子》曰: 疲 思而不學,則事無徵驗, 殆。」「殆」與 「罔然若酲。」注云: 也。 」皆訓疑,引何休《公羊》襄四 心之能思,即 王氏引之《經義述聞 趙注《孟子》「心之官」云: 心之官則 怠」同。 精神也。 思。 「罔然,猶惘 《釋文》云: 之間則四 疑而不能 《荀子 思 有迷罔 》謂此 則得 然思過 神疲 儀 思, 之, 勸 惘 之 寸 年 經 知 知 不 定

子 · 百:「· 攻乎 異端,斯害也已。」【注】攻

注云: 也。 歸」,謂善道雖殊塗而皆歸於善,是爲有統。 辭傳》: 也。 義别。 子不爲也。」《集解》以 下篇子夏曰:「 也。」又曰:「正其本,萬事理。」」「一本」,則善道之有統者 之事所以異者,以不一本也。 身」即是善道、「歸 子之行不同,或遠或近,或去或不去,歸潔其身而已。」「 也。」皇本「已」下有「矣」字。 五。」注"「攻,猶治也。」「善道」,謂正 曰:《考工記》:「凡攻木之工七,攻金之工六,攻皮之工 本也。」《孟子・公孫丑》注: 正 治 禮》、《樂》,爲教之途不一也。」又云:「「異端」謂 義曰: 也。 ,則非善道,故言「君子不爲」,則不攻治之也。 《説文》:「統,紀也。」《太宰》注: 「異端」者,其始既異,其終又異,不能同 「善道」即 今經傳多段「端」爲 「同歸而殊塗。」此注本之,而倒其辭曰「殊 善道 《説文》云:「耑,物初生之題也。」「端,直也。」二字 有 雖小道,必 統, 一即謂同歸 Ŧi. 經 故 「小道」爲異端。 殊 正典也。 有可觀者焉。 一岩」。 塗 「端者,首也。」《説文》:「害, 也。 ○注 《易》曰:「天下之動,貞 而 《後漢 同 《禮記 「攻治」 「殊塗」謂《詩 歸, 「統,猶合也。」《易 道。 泥 異 范升傳》: 致遠恐泥,是以 至「歸也」〇正 者,不通 「統」者,統 禮器》注: 端 '歸於善 孟子言: 不 皇 同 雜 主疏申此 也。 一天下 道 書 夫一 塗 端 於 • 也。 也 也 不 同

不 庸 所

及

用

其中

·於民

賢

與不

肖

皆能

行之。」按:

所謂

執

異端之技也。」是與此合。」按"「斷斷」、「專一」,即《中

經綸天下之大經,立天下之大本,知天地之化育。

夫焉

待?

無所倚

則平

也。

此釋

「兩端

而用

中」之謂

記》云:

「執其兩端,用其中於民。」鄭注云:

兩

端 也。

, 過

之「用中」、《大學》之「誠意」。

誠意而能天下平,用

中

而

已。」」疏云:「鄭注《大學》云:

斷斷

誠 「攻乎

一之貌

也。

他

也。

他 技,

奇

巧

異

端

也。

孔

子

日:

異

八端,

斯

害 專 之,蓋異端非僅空言也。

宋氏翔鳳《發微》云:

『公羊

文

- 傳》:

惟

介斷斷焉

無他技。」何休注:

「斷斷,猶

有述焉,吾弗爲之矣。」、「素隱行怪」,正是小道異端者之所 書令韓歆上疏,欲爲《費氏 絶之 令中 者 庸 技 **異** 與 有 實 之 能 也 # 爲 師 不 端之輕 已,止 氏外, 也。 道。 訓 老之害 中,用中是專 是以可與 可 言: 惑其説,是以異 命。 是以有動作禮義威儀之則,以定命也。 度之也。 孟子距楊、 及,即謂之異端。 殊塗」,猶言兩端也。 兩則 用,而異端之説轉勝,故異端之熾, 釋 時之近效。 「子莫執中。 有 過與不及 然其爲過不及之説,其 如後世楊、墨之言治國,皆 也。 又有二 Ī, 異 重,而後 異。 (立者,尤貴乎可與 執 墨 謂 此 焦 其 異 , 則 攻 一,與此注 説。 自聖人之道不明不 氏 ,則有輕重。 兩 解 中可 端即 其 端之技、至戰 欲楊、 循 端 「異 執中無權,猶 攻乎異端,即不能 (異端 孫 兩端。 而 補 用。 端」與《 奕《示 度之, 疏 專 墨之害 使吾 「善道 不 一」,猶言有統 權 必 民受天地之中以 集解》不 知 奇足以 兒 斯 道 也。 有 有 國 有統,殊塗同 執 咋 明, 韓詩外 編》:「攻,如 有過與不及,有害於用 無 兩端 兩端, 而 行, 一也。」權者,能 過 案: 則 韓子 益 動 用中 不 殊 異端之害人者 則 由 而 熾。」又 人之聽聞,其 傳 而 及 惟 宋 有所治而 闢 執 權 <u>*</u> 说權 於民,而 也 後立其中。 而 世 之, 中 佛、 攻 歸 能 生 攻 云 老, 無 君 自此注及宋 兩端 則 用 「别殊類 , 所 字、「已」 人惡之 之旨略 權 臣 執 用之之謂 有害 中。 或 《孟 上下 則 者 謂 當 中 巧 過 自 致 欲 命 中 用 者 則 中 於 或 攻 之。 止 子 佛 也 字 易 定 有 則

爲。

至後世有述,而其害何可勝言?

夫子故

弗爲以

端

爲雜書,乃漢人舊義,故鄭注子夏之言「小道」,亦

如

今諸子書」也。

《中庸記》云:

「子曰:『素隱行怪

後

以

而

多反異。

孔子曰:

子異

端,斯害也已。」」」是以

易》、《左氏春秋》立博

士。 攻

升曰:「今費、左二學,無有

本

同 深。

歸

也。」案:《范升傳》:「時

尚 或 學

言

人若不學

六

籍

Œ.

典,

而

於

諸

子

百

家,

此

則

爲

害

邢

疏

云:

異

端之書,

則 雜

粃

糠堯舜,戕毁仁義

是

也。

注「善道」云云言其理。

皇、邢疏

則以

諸

子百家

四七

不

者也。 利。 異。 黎民而至於殆。 若不執於兼愛,互相切磋,自不至無父無君。 序異端也。 不可」。 墨也。」又曰: 愛,又特舉一『子莫執中』,然則 其兩端用其中於民,則有以摩之而不異。 出。」有容而若己有,則善與人同,故能保我子孫黎民 之有技,若己有之,人之彦聖,其心好之,不啻若自 技也。』經文自發明之,云:「其心休休焉,其如有容焉。 止也。《大學》:「斷斷兮無他技。」鄭注云:「他技,異端 氏爲我,墨氏兼愛,端之異者也。 足以發明「攻」字之意。 錯,使紊亂而害於道者悉歸於義,故爲序。《韓詩》「序」字, 見《考工記》注。《小雅》:『可 繋辭傳》:「愛惡相攻。」虞翻云:「攻、摩也。」彼此切磋 相 媢疾不通,則執己之一端,不能容人,故不能保我子孫 惟執持不能 害; 剛柔相摩,則 各執 序異端 「斯害也已」,所謂使不相悖也。「攻」之訓治 「道衷於時 見,此以異 殆即害也,害止則利也。 通則悖,悖則害矣。 使不 相 相 觀 已,止也。 悖。」蓋異端 而已,故曰 而善。 己者爲非,彼亦以異己者爲非 以攻玉。」傳云:『攻,錯 凡執 孟子言楊子爲我,墨子兼 楊氏若不執於爲我,墨子 不相悖,故害止也。楊 「我則異於是,無可無 一皆爲賊道,不必楊 者,各爲 有以攻治之,即 有兩端則異,執 剛柔,兩端之異 是爲攻而 端,彼 所謂 其 也。」 而 此 人 爲 П 之 害 攻 互.

> 至理,故並箸之。 則善與人同,而害自止。 害 成矣。」焦氏此説 謂 二説與《集解》不同 攻治異端 而 不 爲 舉 而 廢百之道 焦説尤有

而

子》。 也。 云。 通,亦是也。 以上文言信、言仁例之,「知」當讀 初見夫子時。 能之,不能曰不能,行之至也。 吾語汝。 道篇》及《韓詩外傳》所述此文,並言「志之」,謂 言我誨女之言,女知之否耶? 「女」者,平等之稱。 之,不知爲不知,是知也。」【注】孔 且仁,夫惡有不足矣哉?』」據《荀子》,是 姓仲名由,字子路。」正義曰:《説文》云::「誨,曉教也。」 也 子路趨而出,改服而人,蓋猶若也。 故君子知之曰知之,不知曰不知,言之要也。 」、《釋文》云: 又《非十二子篇》:「言而當, 子曰:「由! 奮於言者華,奮於行者伐,色知而有能 案:《荀子》云:「子路盛服見孔子,孔子曰云 其云「言要則知」,「知」即 知 皇本「女」皆作「汝」。 也,如字,又音智。」音智,當即 誨女知之乎? 俞氏樾《平議》據《荀子・子 言要則知,行至則仁。 知 智」。 也,默 孔子曰: 「志之」 智 楊倞注引命 此章所言 而當,亦 誨女知之」者 字。 曰:「弟子 知之爲知 「知」與「志 此文「是 者,小人 能 知也。」 在子路 《論語 既 之日 知

知

人也。少孔子九歲。」 人也。少孔子九歲。」 人也。少孔子九歲。」 人也。少孔子九歲。」 人也。少孔子九歲。」 一「之」字。○注「弟子姓仲尊賢畏法,而不敢怠傲,是雅儒者也。」此即夫子誨子路之 「知之曰知之,不知曰不知,内不自以誣,外不自以欺,以是 此文,可見楊讀「是知」之「知」亦爲「智」矣。又《儒效篇》:

禄之語。 記》:「《詩》曰: 得禄之道。」正義曰:《仲尼弟子列傳》 其中矣。」【注】鄭曰:「言行如此,雖不得禄,亦 聞闕疑,慎言其餘,則寡尤,多見闕殆,慎行 師,字子張。干,求也。禄,禄位也。]子曰:「 危者,闕而不行,則少悔。」言寡尤,行寡悔,禄 之,其餘不疑,猶慎言之,則少過。 其餘,則寡悔。【注】包曰:「尤,過也。 古論》。 「學」,謂學效其 子張學干禄。 【注】鄭曰:「弟子,姓嗣孫 《大戴記》有「子張問入官」,即問干禄之意。 子張 是以 『干禄豈弟。」又曰:「干禄百福。」自古有干 請 法 學之,猶 也。 於義並 樊遲 請 通。 學 》作「問干禄」,此 殆,危也。 爲 倪 稼、爲圃之事 氏思寬《讀 疑 所 則 《魯 在 多 出 同 見 闕 名 書

《古今人表考》:「鄭《目録》謂陽城人,縣固屬 求也。 氏春秋·尊師》云: 「子張、魯之鄙家。」 考《通志 傳》:「顓孫師,陳人,字子張,少孔子四十八歲。」梁氏玉繩 其義亦善。「禄在其中」,謂在寡尤、寡悔之中,明禄不待外 尊隆恩,下以避害容身,慎之至也。」劉君以《春秋》釋此文, 也。 國之實書。 義。 固以多矣,有以守少,能無察乎?」」即此「慎言」、「慎行」之 者,猶慎言之,無所殆者,猶慎行之。《中庸記》所云「有餘 空也。」其義有未明、未安於心者,闕空之也。「餘」者,足 屬見者、錯綜之辭。「闕疑」者、《左昭二十年傳》注: 識言行爲己言行之則,故凡學者所以爲己也。 也。」「多聞」、「多見」,謂 也。」此常訓。 不敢盡」也。 也,心足乎是也。 「君子多識前言往行,以畜其德。」畜者,積也,厚 多見闕殆,謂所見世也。 劉氏逢禄《論語述何篇》:「多聞,如《春秋》采百二十 ○注「弟子」至「位也」○正義曰:《仲尼弟子 闕疑,史闕文也。信以傳信,疑以傳疑,慎之至 「寡尤」、「寡悔」,亦互文。 《荀子·王霸篇》:「故孔子曰: 『知者之知 「慎言其餘」、「慎行其餘」者,謂於無所疑 所學有聞 《春秋》定、哀多微辭,上以諱 有見也。 皇疏云:「悔,恨 《易 陳也。 言屬聞、 也。 彖傳》: 而《吕 氏 以 闕 列 所

Ŧi.

0

與古者得禄之道相同,明學者干禄當不失其道,其得之不 也。 正字。 來奔。」 禄,賢者隱處,多不在位。 尤、寡悔,即是得禄之道。 論定然後官之,任官然後爵之,位定然後禄之。」 蓋古者鄉 云: 當有「其餘不危,猶慎行之」二句,疑爲《集解》誤删。 尤之。」傳:「尤,過也。」「訧」、「尤」義同。 書》「報以庶訧」。 注「尤過」至「少悔」〇正義曰:《説文》:「訧,辠也。」引《周 文》同。 略 言行如此雖 》,顯 里 《説文》:「迂,進也。 一選之法,皆擇士之有賢行學業,而 位,爵次也。 司 有命矣。 「干,犯也」,義别。 張蓋 孫 馬辨論官材、論進士之賢者、以告於王而定其 福之爲言備也。 氏 其後,故又爲魯人。」「干,求」、《爾雅 出 不 陳公子顓 《孟子》 得 位定然後受禄。」故注以「禄位」連文。 今《吕刑》作「尤」。《詩・ 禄亦同 云:「古之人脩其天爵,而人爵從 《周官・大宰》注:「禄,若今月俸 孫。 《爾雅·釋詁》: 故鄭以寡尤、寡悔有不得 當春秋時,廢選舉之務,世 . 得禄之道」○正義曰:《王制 讀若干。」段氏玉裁説此「干求 《左》 昭二十 以舉而用之,故 「闕而不行」句下 五 「禄、福也。」《説 年 載馳》:「許 0 釋言 禄,而 「顓 卿 ○注 論。 持 寡 人 \bigcirc 孫

哀 公問 曰 : 何 爲 則 民服?」孔 子 對 之。」亦言古選舉正法

大用。 注 : 民不 有所受治,亦且畀之以位,未甚決絶,俾知所感奮 直 賢者隱處,雖有仕者,亦在下位,故此告哀公以舉措之道: 雅 《説文》云:「措,置 爲之也。《吕覽·先己》注:「服,從也。」《淮 侯。得稱公者,《白虎通·號 之也,言投於下位也。」案: 皆相近。 中褒其君爲公,心俱欲尊其君父」是也。 義曰: 夫子魯人,故哀公不稱 舉正直之人用之,廢置邪 曰 者居於上,而枉者置之下位,使賢者得盡其才,而不肖者 : 「服,畏也。」《荀子・王制》注:「服,謂爲之任使。」三訓 釋器》「鋁謂之錯」,義別。 「錯,鄭本作措。」漢《費鳳碑》「舉直措枉」,與鄭本 服。」【注】包曰:「哀公,魯 故下篇告樊遲以「舉直錯諸枉,能 舉直 稱「孔子」者,凡卑者與尊者言,當備書也。 一錯諸 枉 也。」「措」 則 春秋時 民 》篇謂「侯伯子男,臣子於其國 枉之人,則 「魯公」者,五等之爵,魯爵是 鄭 正 服 注云: 字,「錯」段 ; 世卿持禄 舉 君 「何爲」者,言何所 使枉 「措,猶投也,諸 枉 民服 謚。 錯 者直 ,多不稱 借 南 錯, 諸 其 而 字。 上。」正 直 。 即 猶 説 置 可 合 林 則 此 以

⁰ 昭二十五」,據《左傳》及《古今人表考》當爲「莊二十二」。

爲正 注: 作 世 義 不待須而廢」,即包義也。 才,不克爲此。《荀子·王制篇》「賢能不待次而舉,罷不能 舉言用之相反見義。 注亦言用也。 家》。 也。 舉」。 且哀公與三桓釁隙已深,夫子必不爲此激論也。 也。 包以邪枉之人,不當復用,故以 直 「某有枉矢哨壺。」注:「枉、哨,不正貌。」是「枉 ○注 公出孫越,故謚哀。 ,剛正也。」《左哀七年傳》: 《禮記·儒行》注「舉,舉用也」,謂舉而用之,故此 《説文》:「桯 「哀公」至「其上」〇正義 《説文》:「直,正見也。」《易・繋辭》韓 此 亦用人之一術,自非 邪 與夫子尊賢容衆之德,似不甚 曲 《説文》:「擧,對擧也。」今省 也。」「枉」即「趕」省。 ❶「正曲爲直。」是 「錯」爲廢置,與上句言 三 三 : 哀公名將,見《魯 人君 剛明有 爲那 康伯 **《投** 直

書釋 民 能,則勸。」【注】包曰:「莊,嚴也。 何?」【注】孔曰:「魯卿季 臨之以莊,則敬,孝慈,則忠, 敬其上; 地 季 而教 康子問: 不能者 君能上孝於親、下慈於民,則民忠矣; 以 勸 者, 則 「使民 以 民 與 勸勉。」正義曰: 也。」王 孫肥。 敬、 氏 忠以 康, 謚。」子 引 君臨民 舉善而 之《經 閻氏若璩《四 勸, 以嚴,則 傳 釋 如 日 教 詞 舉 不 之

君

H

名。 愛民。 云: 有君之威儀 公母弟公子季友之後,世爲司徒,故曰魯卿。 與此同義。 孝,故又云:「至孝近乎王,雖天子必有父。」又《表記》曰 者孝焉,幼者慈焉。」《祭義》云:「先王之所以 視也。」此常訓。 有「民」字。 教」,皆是趁辭。 文》:「教,上所施,下所效也。」顏師古《漢書 莊 「能,謂材也。」「舉善而教不能」爲一句。 「威莊而安,孝慈而敬,使民有父之尊,有母之親。」「孝慈 五:貴老,爲其近於親也,慈幼,爲其近於子也。」「貴老」是 康。 臨民亦如此,故廣言之。《左傳》:「衛 《謚法解》:「豐年好樂」、「安樂撫民」、「令民安樂」皆 ,嚴」,見《聲類》。 「以勸者,而 是康爲謚也。 王氏引之《經義述聞 《魏書·甄琛傳》:「慈惠愛民曰孝。」彼是泛言 ○注「魯卿季孫肥康謚」○正義曰: 魯季氏,莊 其 臣 勸也。」二訓 皇本「臨」下多「民」字,「 「孝慈」者、《荀子 畏而愛之,則而象之。 「君臨民以嚴,則民敬其上」者,包以 ○注 「莊嚴」至 》引以説 並 通。 《爾雅 大略篇》: 此 勸 文,義 漢魏人引「舉善 臣有臣之威儀,其 北宫文子曰: 敬」上、「勸」上 勉」〇正義曰: 釋 • 未盡也。 「肥」者,康子 「禮也者,老 詁 高紀》注 治天下者 臨 亦 而

哀」,據《左傳》當作「襄」。

0

《説文》:「慈,愛也。」《釋名·釋言語》:「慈,字也。」「字,愛樂,動作有文,言語有章,以臨其下。」是言臨民當以嚴也。可度,周旋可則,容止可觀,作事可法,德行可象,聲氣可下畏而愛之。」」又曰:「故君子在位可畏,施舍可愛,進退

以「得人」。仲弓爲季氏宰問政,夫子告以「舉賢才」,皆此見任用,故夫子令其舉之。下篇言子游爲武城宰,夫子詢時,大夫多世爵,其所辟僚佐,又皆奔走使令之私,善者不時,大夫多世爵,其所辟僚佐,又皆奔走使令之私,善者不物也。」《晉語》:「甚寬惠而慈於民。」是言下慈於民也。

師車駢馬,衣文駢錦。」此即是稱舉旌異之也。能敬長、憐孤、取舍、好讓、舉事力者,命於其君,然後得乘有此義。亦通。《尚書大傳》:「古之帝王,必有命民。民包氏慎言《温故録》據《後書·卓茂傳》、《魏志·徐邈傳》皆包氏慎言《温故録》據《後書·卓茂傳》、《魏志·徐邈傳》皆

大孝之辭。友于兄弟,善於兄弟。施,行也。所行爲政,奚其爲爲政?」《注》包曰:「孝乎惟孝,美云:『孝乎惟孝,友于兄弟。』施於有政,是亦曰:「或人以爲居位乃是爲政。」子曰:「《書》或謂孔子曰:「子奚不爲政?」《注》包或謂孔子曰:「子奚不爲政?」《注》包

《釋文》::「乎,崔本作于。」《列子·黄帝》篇:「今女之鄙至 《白虎通・五經》篇所引皆作「孝于」,皇本亦作「于」。 兄弟」,皆《逸書》文,東晉古文采入《君陳》篇。 《廣雅·釋詁》:「或,有也。」人無所顯名,則從略稱之,言 顯其名而略稱爲或。」案:《詩·天保》箋: 多有此句法。 神」、漢《語》「肆乎其肆」、韓文「醇乎其醇」相同。《法言》尤 羊》「賤乎賤」、《爾雅》「微乎微」、《素問》「形乎形」、「神 此乎?」《釋文》:「乎,本又作于。」《莊》、《列》二文以「于」 「孝乎」。 文》云:「孝于,一本作孝乎。」唐宋石經及他傳注所引皆作 有此人也。「奚」者、《蒼頡篇》云「何也」。「孝于惟孝,友于 爲「乎」,與《吕覽》同。 有 「于」,義則「乎」也。 「于,乎也。」《莊子・人間世》:「不爲社,且幾有翦乎?」 ·于」。《吕氏春秋·審應覽》:「然則先生聖于。」高誘注: 乎」,其説良然。 政道,與爲政同。」正義曰: 惠氏棟《九經古義》謂後儒據《君陳》篇改「于」爲 「施於有政」以下,乃夫子語。 案:「孝于」與下句「友于」相次,字宜 「孝于惟孝」,與《記》云「禮乎禮」、《公 竊謂此文「孝于」、「友于」,字雖 鄭注云: 「或之言有也。」 或之言有人,不 宋氏翔鳳《四 漢石經及

❶ 「稱字」之「稱」,據經文「舉善而教不能」當爲「舉」。

Ŧī.

經,又述其義爲《孝經》。

《孝經》者,夫子所已施之教也

弟爲爲仁之本,其爲人也孝弟,不好犯上,必不好作亂。

章之後,當亦以時相次。夫子定五經以張治本,而首

人有「不爲政」之問。

弟子記此章在哀公、季康子問孔子兩

孝弟之道明,而天下後世之亂臣賊子胥受治矣。

夫子表章

友。

孝友者,齊家之要,政之所莫先焉者也。

有子言:

孝

故

重

老

政,是亦爲政」。」案:

包説是也。

夫子以司寇去魯,故反魯

猶從大夫之後,且亦與聞國政,但不出仕居位而爲之,故

或

年

後

爲政也。」「依《白虎通》説,則孔子之對或人,蓋在哀公十一

五經有五常之道,教人使成其德行,故曰「施於有

書釋地 孔子曰:「《書》云: 『孝于惟孝,友于兄弟。」施於有政,是亦 冀行其道。 衆暴寡,天子不敢誅,方伯不敢問 定五經何? 語。」其説並是。東晉古文誤連 是亦爲政。」玩鄭敬所言,則「施於有政,是亦爲政」,皆夫子 録》:「《後漢書·郅惲傳》鄭敬曰:「雖不從政,施之有政 是夫子語顯 克施有政」,非也。 辨 證 自衛反魯,知道之不行,故定五經以行其道,故 有 》以上文引《書》作「于」,下「施於有政 孔子居周末世,王道陵遲,禮義廢壞,彊凌弱, 「于」、「於」字爲區别。 包氏又云:「《白虎通》云: 「孔子所以 「施於有政」爲《書》語,而 ,閔道德之不行,故周 包氏慎言《論語 作「於」, 温故 流 云 選 故曰 政 爾雅

政道,與居位爲政無異,故曰 爲政也,一本無一爲字。」○注「友于」至「政同」○正義 夫子爲木鐸」。 也」句下。 爲「岐」。《淮南· 友。」毛傳本《爾雅》,此注亦本之。《説文》:「施,旗 「妓, 戟 也。 閒居賦》注引包注"「政所施行也。」此逸文當在 ·釋訓》:「善事兄弟爲友。」《詩·六月》:「張 也。 皇本「是亦爲政」下有「也」字。 爲政之道,不外明倫,故但 讀與 (施同。」 較者, 布也, 行也。 脩務訓 ※ 注 「天下之無道也久矣,天將 「施,行也。」與此注同。 能明孝弟之義,即 《釋文》云:「奚其爲 經傳皆段 兒。」 仲孝 日 施 令文 施 以 有 行

行在《孝經》」。

「奚其爲爲政」者,言何

其居

位,

乃

爲

《吕氏春秋 車。 可者,言不可 轅端上曲鉤衡。」正義曰:《臣 張問行,夫子告以「忠信」、「篤敬」、「蠻 無軏,其何以行之哉?」【注】包曰:「大車,牛 曰:「言人而無信,其餘終無可。」大車 輗者,轅 子曰: 貴信》篇: 行也。 「人而」 端 横木以缚軛。 大車,柏 「故《周書》曰: 無信,不 車。 軌下》引鄭注云:「不知 小 小 知 車,羊車。」案: 車, 駟 其 「允哉允哉」,以言非 貊可行」,忠信屬言 可 馬 無 也。 車。 輗 【注】孔 下篇子 軏 者, 車 其

爲善,與後鄭義當同。 也。 車 羊車大矣。 謂 高六尺,牙圍尺二寸。 《考工記· 失也。「大車」、「小車」者、言人所乘車有大小 寧。 飾之車,今犢車 也。」案:《釋名》云:「 短 者,斧柄,長三尺,工人用以爲度。 柯,其渠二柯者三。 名·釋車》云:「車,古者曰車,聲如居,言行所以居人 不信,則器械苦僞,丹漆染色不貞。」皆言不信則不可 信 較六尺也」。 上 皆説 轂輻牙,惟 一柯有參分柯之一。 則百 穀 法,不可使令。 「羊,善也 是「 處官不信 福牙則長; 事不滿 柏」有大義。 車人》云: 而 ,善車若今定張 賈疏: 《論語 也。」又云: ,則少不畏長, 貴賤相輕。 是也。」 羊 羊 交友不信 車 車不 五分其輪崇,以其一爲之牙圍。」「羊車 「羊車較長七尺,下柏車較長六尺,則 柏車二柯。」是言柏車、羊車之制。 又 云: 柏車、柏 謂 柏 鄭司農云:「羊車謂車羊門也。」」玄 《釋名》又云:「立人,象人立也。 較雖長, 轂輻牙則小, 故得小車之名 用 大車 犢者, 言,惟言較而已。 車 君 ,則離散鬱怨,不 羊 車, 轂 爲柏車、小車 臣不信, 長 以 伯也,大也,丁夫服 車,羊,祥也,祥,善也, 較長七尺。」「柏車二柯」, 其爲 鄭注:「柏車、山 柯 則 小車 百姓 賞罰不信,則 爲羊車者,以 也 是知柏 能相親。 誹謗,社 此 也。 任之車 訓 車 車,輪 也。」 行之 較 輻 百 民 稷 ^ 羊 或 柏 柯 釋 立 易 雖 不

> 云: 戎。 車 車 車 驂 緧 注「大車」至「鉤衡」○正義曰:《考工 智,皆須信以成之。 注 鄭注以爲 謂《釋名》已先有此謬説也。 所駕名之也。」此謂以羊駕車,惟晉武淫昏之君 鹿 之説合。 日 也,則 心車輢較 轅 也。 其牛。」是大車駕牛也。 登阤,不伏其轅,必縊其牛。 亦是其制。」其説 「陽門 「言人而無信其餘終無可」〇正義 「轅、援也、車之大援也。」又謂之輈。 此注皆不及之者,亦是舉柏 也。」今謂之車杠。 駕馬宜輕,使之局 在前」, 小車駕馬 外向 平 「羊」、「陽 地載任之車」。 而鉤 日 陽門兩旁似 矣。 得之。《釋名》又云:「贏車、羊車各以 以駕馬 若人而無信,其餘四 」古通用。 轅 「軛」、《説文》作「槅」,云「大車掟」。 小也。」「駟」者四 《釋名》云:「小車,駕馬輕小之 有似 端」者,轅之前 又案:《車人職》别有「大車」 又小車有兵車,故 人也。」 毛氏奇龄《四 及其下阤也,不援其邸,必 車、羊車 鹿角,故 ☐ : 朝人》云:「是故 0 此與 人有 德終無可 以該衆車矣。 稱 馬 輈 端 鹿 前 書 , 所 人》注: 五常,仁義 也。 車。 鄭 改錯 一用之,不 謂 《詩》稱 車羊門 行。 兩 意 釋名 朝 服 車 以 兩 大 禮 羊 小

0

陽門 兩 旁 似 人, 據《釋 名 • 釋 車 》當 作 陽 兩 旁 似

日

則

詳

故

與

語

木。」疏· 脰。 者。」或體作「輨」、 者横也。 轅端著之。」 文》之「軶」,亦即謂 鉤 拘衡」。 釋名》: 輗 鉤」,是 日 (包異。 包以 輗 於凌氏焕所箸《古今車 横木,縛 》作 [軏]與包異義,鄭氏是也。 吾 一同。 非 四 是卓 「軏」。 申此注至爲明 轅 馬之車,中央一 輗 不如 「鉤」、「拘」同 槅 《周禮》「金路鉤」,故書「鉤」爲「拘」,杜子春 即鬲 轅 端横木,軏非 近世儒者若戴氏震、阮 此 大車 · 見。 著兩轅 端 車 注 枙 爲車輗者巧 張參《五經文字》以爲隸省是也。 也。 横 待 上 謂之鬲, 戴 也,所 木即 輗 氏 作 頭 曲 《説文》: 軏 車 震 僚。 轅 「棿 當是 衡 又别 也。 而 以 轅,先横 轅端 轅端上 曰 : 行, 也。 也 也, 扼 制圖 0 鄭注云:「輗穿轅端著之,軏 取 《説文》:「軥,軶下曲。」「軥」、 4 下 横 |《韓 「軶,轅前 輗 猶人之行不可無信 用咫尺之木,不爲 《説文》: 皇疏云: 頸 曲 考》,其略云: 蚖 木 曲 曲」之誤。 乃 一木於轅頭,而縛枙著此横 也。」轅端横 以 氏元皆能言包之非,而莫 木爲枙,縛 非 持 **車** 木, 縛 子 衡 轅端持衡者。」今《論 自明顯。 也。」「鉤衡」,皇本作 軛。 者。』不爲 「古時作牛車,先取 「輗,大車轅端 外 包以 用 著横木以 儲 木謂之衡。 「據許、 以解輗之制 説 戴侗《六書 軏 許與鄭合 包 也。 朝之事 咸 鄭説 即 「墨子 鄭 1讀爲 持 駕 説 · 説 所 解 因 4 衡 衡 0 端 衡 與 關

則

縛矣。 之恃以 木可隨异夫左右轉折,竊意衡鬲 相穿鑿,損當三四寸,加輗軏之横穿鑿,損又二三寸。 此即子雲用《論語》之義。 云: 「鞙 《説文》又云: 衡三東也。」●徐鍇曰: 杠端鑿孔,横木爲小杠 殺可知。 人,亦交接相持之關鍵 而 六尺之鬲, 上關 鍵則 與 、鬲必捩折矣。 引三十石之任。」 案:大車 ,懸也,所以 『閉次三:關無鍵,盜入門也, 横 鍵同 能引重者, 且轅端圍僅九寸餘,衡鬲圍 名輗軏。 木之中 若釘殺則 而當咫尺之輗 一義。 一鞘, ·, 俱 懸 然則其制奈何? 轅 縛軛 所存幾何? 整圜 焕案: 大車 加勢馬,即 所以 也。」徐 『乘車 ,鑿孔相對,以 ,故以輗軏喻信。]包氏以踰丈之輈 孔 引 縛 衡鬲横縛轅端,則 其曰拔 相 軏, 車 軛 對 小, 一鬲以 曲轅 靼。 氏 疏 可無事輗軏之持,又不 兩服 以 亦當 此 矣。 施 則 駕牛,小 靼, 軏 木 亦必如之。若兩材 拔 日 説 馬稍有左右,則 輗 爲衡, 直 如此。 爲衡 我 長釘貫 今之昇棺 阮 ,實合古制。 柔革 軏 貫而縛之,是爲 輗 氏 而 軏, 上 車 又引《太玄 也。 别鑽孔縛之。 後 《説文》:「鞻 非 之鍵 而縛之,其横 衡 行。 貴以伸 兩 用 以 《釋名》: 材相 獨龍 可 駕馬 信 今定轅 轅 知 之在 也。 牝 必 合 頸 轅 經 杠 其 牡 加 釘 且

衡」上 據《說文》脱「車」字。

語 Œ 義

五六

束。 於衡圍 頭 尺爲大車之輗。 中穿以受軏者不過四寸,知軏之脩亦四寸也。《韓子》言咫 之大小以著軏。 之軏,鄭《論語 之鍵,則車不行。 異,而於情事却合。 爲,❶事在金工,故《車人》不箸矣。」案:凌君博通《説文》及 用 端 軏」,足明 宋氏翔鳯《過庭録》云:「《尸子》云:「文軒六駃,是無四 戴、阮之説,甚確。 **衡之束轅、束軛言之。** 因 之制, 穿出。 兩轅兩朝,駕時乃旋以 與 是咫尺』者誤。」鄭氏珍《輪 ,車亦弗左右摇、《輈人》所謂 者,蓋軏植定在轅上,駕時 (轄同,轄爲鍵, 軏 横木下左右縛軛,是 , 輗又穿出著之, 故得有咫尺之度。 亦得鄭意 著時 《考工》不詳鬲圍之數,意大車任 是自上而下也。」宋、鄭二 》注:「軏,因轅端著之。」因,就也,謂 鄭注: 衡圍一尺二寸八分,其直徑三分之一,則 小者亡,則大者不成也。」此四寸謂 其謂輗軏用金,與《韓非子》用木之説 竊疑當是木質用金爲裏,如車輪之制 『輗,穿轅端著之。』云『穿』,當是兩 衡 亦 爲 朝穿鬲貫轅。 爲 軛 が鍵。 衡三束。 既 輿私箋》亦據鄭 但以衡中孔就而著之,若牛 活, 「和則安」也。」又云: 鍵 服 從 馬即 是《説文》之囊, 金,則 《太玄經》『拔我輗 説略同 重,其鬲圍 有 戴東原謂 轉 義解之, 輗 折, 軏 其分别 當 無 就 「軏之 朝 굸 以 當倍 輈 小 傷 統 軏 衡 寸 輗 車 轅 金 指

> 也。 志》: 秋·本味》篇: 秦之爲秦、漢之爲漢。」則 者,三代有天下之號。《論衡·正説》篇:「唐虞夏殷周,猶 也」,一本作「可知乎」,鄭本作「可知」,無「也」字。」夏殷 稱世」者,引申之義。 案:《説文》「世」 二引鄭注云:❷「世謂易姓之世也。 周者,雖百世可 也; 質禮變。」子曰:「殷 生,其變有常,故可 涑水,西 所 因,謂三綱五常,所損益,謂文質三統。」其或 注言此者,明子張是問後世禮也。 「鹽池,在安邑西南 子張問:「十世 周因於殷,禮所 南過安邑縣西。 「和之美者,大夏之鹽。」《水經・涑水 」作「卋」,云「三十年爲 「制度」者,制猶作也,度,法也 知也。」【注】物類相召,世數 預 知。 ,許慎謂之盬。」此即「大夏之鹽 可 大 損 以 安邑,禹所 知 益可 正 於夏,禮所損 夏 義曰:《太平御覽》五百 也?」 殷 知 周 問其制度變易如何。」 皆 《釋文》云: 都 也。 世。 也。 地 注】孔 名。 【注】馬 又引 此云「易 《 吕 益 曰:「文 二可 可 《地 》注 即即 氏 曰 相 繼 知 春 周 知 禮 姓 廿

「二」,據《太平御覽》當作「三」。

0

爲」下,據《古今車制圖考》脱「之」字。

⁶⁸

文,

殷

承夏, 益

而

其 夏

敝

則

蕩

而

不

静

勝

而

無

恥

周

以 時

有

損

者,如

尚

忠

而

其敝

則

惷而愚、

益可

知 反

也

者,據

時

篇目

可

′校數。

自周

以

後,

以

乎?

百

如

日 繼

鐵爲 者」,

錢。」「綴」 或之言

即

「斷」字。

皆能言之。

尚

存當

有篇目可校數也。

益之極,極於三王

, 亦

不

則知

今人以

「禮」字斷句

者

誤

也。

《説

文》:

益

也。」並常訓。

記

》集解引《樂記》鄭

注

「殷因

於夏,周

夏、殷絶句。

《漢

書

董仲

也。 虎 其

宋石

經

避諱「殷」作

「商」,下放此。

通•

號

》篇謂夏爲大、殷爲中、周

爲

至。

Ш

四

周也。」三代皆以所都

欽

對策日

或

周 饒

有

也。

《説文》:

「繼,續

笺:

周

岐 殷,

周

也。」《釋

名 名。

釋州國》:

周

地地 于

在

庚治亳、

是殷

亦

地

《詩

江

漢》:

則夏

是地

名。

殷

本

稱

商,在

今商

州。

及盤

庚

遷

之以

秋

始

者

此 繁 殷

· 或

人殷商並

稱。

如《詩

殷商之旅」是也。

又《中庸》言君子「考諸三王而不繆」,是夏殷 「殷因於夏,尚質,周因於殷,尚文。」」此 漢石經「損」作「損」,隸體小變。 是過也。」案: 夫子言夏禮、 舒傳》有「夏因於虞」之文、《史 地爲國號,如唐虞之比。 「以爲變易」句有訛字。 《御覽》引鄭注曰: 因於殷」,與杜讀 《漢書·杜周傳 喬而野、朴而 皆望文爲 也。 《書序》 「損,減 周受命。」鄭 爲變易。 殷, 岐 承 從 放殷, 山之陽, 遂 糸 「所 義,非 殷 淡 禮 讀 也。」 而 亦 令白 「其 经经 禮 司 所 禮 損 損 以 其 不 盤 稱 質。 可 日: 世 同 露 欲泰平也, 捨之而用他道, 亦無由至矣。」據《法言》此文, 則 可 者,謂禮也,言禮可以爲道之條貫也。 則 也。」是也。 繼堯,三聖相受而守 所損益者,其道 據天道以言人事 窮則反本, 敝 邢 百世可知」爲欲知後世,有明徵矣。 漢書·董仲舒 思反。 得 知之義也。 廢一 可 • 則 ,然其要歸以禮爲條貫。」下引此文云云,是言百 疏 聖人之言,天也。 楚莊王 故凡 知 知 利 E : 起,應之以貫。」楊倞注: 其 也。 而 禮 《白虎通·三教》篇: 有所損 巧、 「國家文質禮變、設若相承至於十 此則天地之理,陰 《荀子・ 一》篇謂 乎?]此以 秦已 《法言· 文 ?傳》 如 而 ,明所變易,亦天爲之矣。 益,皆是變易之道。 繼 新王必改制,欲 不)對策説此文云:「夏因於虞,而獨不 周 天論篇》: 而 慚 天妄乎? 爲子 矣,不待夏 五百》篇: 道,亡救敝之政也,故不言其所損 所 尚同 賊 張問 耐 也。」又云: 「三者 蔽。 「百王之無變,足以爲道 陽往 「無變,不易也。 後 「或問: 繼周者 禮 以 則 + 順 陳 來之義 而 如 三王爲損 承 世 雖文質廢起,時 天 氏澧《東塾類 治 順 周 欲 其 ,未欲泰平 「是以禹繼 志而 連 者, 者 知 不及夏以 有繼周者,雖 世, 環,周 也。」《春 一, 又 前 其不 明自 世數 + 益之極, 當 百 世之禮 則 . 驗 也。 世 王 顯。 救 、既遠 前 復 稿

貫

示

其 有

不

字。 編次之事。 日 通 此文説之云"「此言百王之用,以此三者矣。」是也。《白虎 時,不相 殊,非有變易則無所救其敝也。 大傳》曰:「王者一質一文,據天地之道。」《禮・三正記》曰: 者,有以素爲貴者。」素即質也。 其事,觀殷夏所損益,曰:「後雖百世可知也。」」則可知,即謂 相 也。 不足徵,一二世已如此,至十世則恐不可知,故問之。」又 易知,遠則 最 統」〇正義曰: 説適與《世家》闇合者也,故並箸之。 皇本「雖百世」下有「亦」 「質法天,文法地也。」」文質並是禮。 百王之無變」也。 承注。 爲 三綱六紀》云 「雖百 ○注「文質禮變」○正義曰:《禮器》云: 得 」案:如 至今周禮 沿 《史記·孔子世家》言:「孔子追迹三代之禮 樂。 難知,故極之十世之遠。 此當是安國舊義,與《法言》所解不同,而陳君之 世可 蓋 陳説,「百世可 + 尚 「所因」謂禮之無所損益者,即《荀子》所 三王異世,不相襲禮。]〇注 知」,謂此 世者,言 存,夏 所 「三綱者,何謂也? 因 殷 所損 其 知」,即「損益可知」,兩「可知 後 禮 極 亦 百世,尚 益 遠 《白虎通・三正》篇:「《尚書 有 是三 《禮·樂記》云:「五帝 也。 可考者, 所以有變易者,時異勢 觀孔子言夏殷禮,杞 事,故 後 可知夏殷以來之禮 世 謂 欲 「禮有以文爲貴 董 君臣、父子、夫 百世可 「所因」 知 一仲舒 前 世 對策引 至二三 知,信 ,編次 近 緊 謂 殊 宋 則

綱何? 三統之義如此。」案:《禮大傳》云: 也。 仲舒對策解此文,以所因爲道。 得五氣以爲常,仁義禮智信是也。」此三綱五常之義也。 得 禮智信也。 相 綱者,張也。」又云:「君臣、父子、夫婦,六人也,所以 以 月爲正,色尚黑,以平旦爲朔。 春爲正,殷以季冬爲正,周以仲冬爲正。」又曰:「夏以十三 案:《大傳》云: 謂 變,道亦不變」。董所云「道」即三綱五常之道。《禮大傳 不惑於事、見微知著也。 婦 自 云:「正朔三而改,文質再而復。」《尚書大傳》云:「夏以 本,亦有三統,明王者受命各統一正也。 雞鳴爲朔。 中 配,故六人爲三綱。」又《情性》云:「五性者何? 也。 人道始矣。 親親,尊尊,長長,男女有别, 也。 並此馬 故《含文嘉》曰: 一陰一陽謂之道,陽得陰而成,陰得陽而 禮者,履也,履道成文也。 仁者,不忍也,施生愛人也。 注義也。 立權度量,考文章,改正朔、易服色、殊徽 周以十 [王者始起,改正 皇 君 月爲正 信者、誠也、專一不移也。 一疏云: 爲臣 殷以十二月爲正 綱、父爲子綱、夫爲妻綱。」 ,色尚赤,以 「所損 朔,易服色。」夫正朔有三 「道之大原出於天,天 此其不可得與民變革 「聖人南面而治天下,必 智者,知也,獨見前 益謂文質三統 又《禮・三正 義者,宜 夜半爲朔也。」 ,色尚白 也,斷 序,剛 故人生 謂仁 稱三 聞

云: 此注作「馬曰」。 非 異 也。 五常各以類相招,因而不變者也。」又「世數」作「勢數」, 器 祇 械,别 則 如太昊木德,神農火德,黄帝土德,少昊金德,顓頊水 勢數相生者,謂文質、三統及五行,相次,各有勢數 事。 餘 可 衣服,此其所 知。 此注但言三統者,以服色等皆隨三統 又「召」作「招」、云:「物類相招者、謂 ○注 物 得與民變革者也。」變革即 類」至 「預知」() 正義曰: 而改,舉 是 皇 損益, 三綱 疏 本

言。 有所指。 也。」《禮・樂記》云:「臨 為,是無勇。」正義曰:《墨子·經上》:「勇,志之所以 義不爲,無 曰:「人神曰鬼,非其祖考而祭之者,是諂求福。」見 鬼之爲言歸 至「求福」 「衆生必 仕季氏,弗能救,是見義不爲也。 或謂季氏旅泰山,是祭非其鬼。 子曰:「非 邢疏言魯哀不能討陳恒,以爲無勇。 |○正義曰:《祭法》云:「人死曰鬼。」又《祭義 死,死必 也。」《説 勇也。」【注】孔曰:「義所宜爲而 其 文》訓 歸 土,此之謂鬼。」《爾雅 鬼而祭之、諂也。 事而屢斷,勇也。」此章所斥 同。 鬼 本 謂 説亦近理。 凡鬼神,得 人死 ,故鄭以祖 亦 (注)鄭 釋訓》: 通 舉 注「人 稱也 不 似之 似 考 皆 能 敢

> 祀。 云: 《公羊》成六年:「立武宫。」傳曰:「立者何? 鬼也。 凌氏曙《四書典故覈》:「祖考之祭,命于天子,如任、宿、 訓。 也。 當之。 非其鬼,皆因求福。 何休注:「時衰,廢人事 若魯之不毀桓、僖,季氏之以禱而立煬宫,皆非其鬼也。」案 句、顓臾司少皞之祀,蓼、六守皋陶之祀。 此注所言,亦其義也。 父。」「父死曰考,考,成也。 之禮。」是「鬼」、「神」義别。 請祀周公,衛成夢康叔曰「相奪予享」,乃命祀相 「神不歆非類。 《釋名·釋親屬》:「祖,祚也。 淫祀無福。」 其曾祖、高祖、遠祖、王考、皇考、顯考,俱得通稱祖考。 《周官》: 又尊卑有等,如《王制》、《祭法》所云「廟數有定」。 「大宗伯之職,掌建邦之天神、 《曲禮 然既非 而求 祖考爲其鬼、則非其 **※**云: 禮, 此注云「人神」者,散文得 亦言稿也。」❶此「祖」、「考」本 福於鬼神,故重而言之。」是 亦必不能 「非其所祭而祭之,名曰 祚物先也。 獲福。 若鄭伯以璧叚 八鬼爲 不宜立也。」 又謂 故《左傳 鬼 皆非 非 祖 之王 通 地 考。 淫 須 其 許 稱 示

田

德

,周而復始,其勢運相變生也。**」**

湘 鄉 曾 廣 鈞 校 刊

父死」至「槁也」,文見《釋名。 釋喪制》,非《釋親屬》。

0

論語正義卷三

寶應劉寶楠學

凡二十六章正義曰:漢石經同,惟二十」

作「廿」。

八佾第三

集解

字。」魯季孫得氏自文子始,以文子爲季友孫也。 孰不可忍也?」【注】馬曰:「孰,誰也。佾,列也。 天子八佾,諸侯六,卿大夫四,士二。八人爲列,八 八六十四人。魯以周公故,受王者禮樂,有八佾之 「子謂公冶長」、「子謂 《廣雅・ 「所以别子孫之所出。 季桓子僭 孔子謂季氏,「八佾舞於庭,是可忍也, 釋詁》: 於其家廟舞之,故孔子譏之。」正 「謂,說也。」言説季氏此事也。 南 容」並同。 凡氏或以官,或以邑,或以王父 「氏」者、《五 經 此文「季 異 下 義 篇 義

意如 言》: 樂也。 大夫遂怨平子,君臣謀之,而乾侯之難作矣。 書紀聞》: 言「兩階之間」,則舊説謂武舞在西階,文舞在 庭 下 在堂上,舞在堂下何? 萬以該羽籥,正以武先文也。《白虎通・禮樂》篇:「歌者 季氏。」「二人」,吴仁傑《兩漢刊誤補遺》謂當作「二八」。 二十五年傳》載此事云:「禘于襄公,萬者二人。其衆萬于 于太廟,萬入去籥」,言萬入在先,籥未入,故去之。《左昭 後興舞。 舞用干戚,謂之干舞,又名萬舞。 顓臾」,俱不名者,内大夫且尊者宜諱之也。 氏 止,而遂安然忍之,所謂「魯以相忍爲國」 云「是可忍」者,是,此也。《説文》:「忍,能也。」《廣雅 功。」案: 堂下即庭。 」是也。 及下篇「季氏 舊說舞有文武,文舞用羽籥,謂之羽舞,亦名籥舞,武 ,誠可謂輕舉而得禍,而其臣臧郈等之勸以逐者,皆爲 「忍,耐也。」「能」與「耐」同。 兩足相背。」今隸變作「舞」。 兩足相背,則舞者所立 周以武功得天下,故武先於文。《春秋》書「有事 「當其萬也,臧孫曰: 《淮南• 旅於泰山」、「季氏富於周 繆稱訓》:「禹執干戚舞於兩階之間。」 歌者象德,舞者象功,君子上德而 王逸《楚辭》「思古」注「堂下謂之 「是之謂不能庸先君之廟。」 宗廟之祭,樂成告備,然 當時君臣不能以禮 一者也。 公」、「季氏將伐 《説文》:「舞 夫昭公欲逐 東階,非 管氏同 矣 四 禁

爲僭。《穀梁》又引《尸子》説:「天子諸侯皆八佾,魯用六 仲對曰: 「天子用八,諸侯用六,大夫四,士二。 天法夏儛溢方,主天法質儛溢橢,主天法文儛溢衡。』《漢 瞶者。」案: 可忍,故孔子特發此言,寬弱主,罪逆臣,而深警當時之瞶 忍之人矣。 羽爲厲樂。」厲者減也。此禮家異説。 誰」、《釋詁》文。 意皆與《紀聞》合。 欽、晉元帝、盧諶、 道則可 二八爲十六人。 云:「天子八八,諸侯六八,大夫四八,士二八。」與 也。 》並謂天子八佾,諸公六佾,諸侯四佾。 八音而行八風也,故自八以下。」公從之。」《公羊》、《穀梁 五年傳》: 《春秋繁露·三代改制》篇:「主天法商制儛溢員,主 禮樂志・郊祀歌》亦作「溢」,則「溢」、「佾」通也。 八八爲六十四人,六八爲四十八人,四八爲三十二人, 然而季氏之惡,豈復可忍乎? ,謂季氏之惡可忍而不誅,則亂 管説是也。《後漢》荀爽對策及魏高貴鄉公、文 而觀《左氏》及《公羊》,則當時之人率以意 「考仲子之宫,將萬焉。 《白虎通 「佾,列」者,佾從人從 庾亮等,凡聲罪 ○注「孰誰」至 禮樂》、高誘《淮南 致討,皆用此文説之,其 「譏之」〇正義曰:「孰, 公問羽數於衆仲。 謂 臣賊子無 **育**, **育**當是排 服虔《左傳解 昭公制之不得 魯侯國,用六佾 齊俗訓 夫舞所 馬 而 《左 :列之 如 此 非 》注 誼 注 以 衆 爲 可 其 樂。 0

私

隱

節

《左氏傳》鄭伯納晉悼公女樂二八,晉以一八賜魏絳,是 羊昭二十五年傳》子家駒謂魯僭八佾,此或昭公時 夏》。」是魯祭周公得有八佾,其群公之廟自是六佾。 以周公爲有勳勞於天下,命魯公世世祀周 子之樂也。 賜之以重祭,朱干玉戚以舞《大武》,八佾以舞《大夏》, 也。《祭統》云:「昔者周公旦有勳勞於天下,成王、康 佾,故《左氏》言「禘于襄公,萬者二八」,❶「二八」,則 得有四佾,至平子時,取公四佾以往合爲八佾,而公止 以八人爲列。 舞所以節八音,八音克諧,然後成樂,故必以八人爲列。 佾十六人,二佾四人。《宋書・樂志》載傅隆 並云「六六爲行列」、杜預注《左傳》又謂 天子至士,降殺以兩。 二人,至士止有四人,豈復成樂? 朱干玉戚,冕而舞《大武》,皮弁素積,裼而 康周公,故以賜魯也。」又《明堂位》曰: 服氏之義,實爲當矣。 兩者,減其二列。 而深以服義爲允。 魯本六佾,季氏 六佾三十 預以爲一列又 公以天子之禮 議機 杜 六 所僭 成成 舞《大 氏, 脯 有二 此 Ē 大 又 **公**公 夫 引 減 用 謂 四 自 天

「萬者二八」,孫校:「襄廿五年《左傳》本作『萬 人」,此從惠棟、沈彤説改爲「二八」,非其原文。」 者二

非禮 立其 於群 以平子既僭,桓子當亦用之。 是季氏指平子。 廟 此注所云「家廟」,當即指桓廟,以公廟設於私家,故亦稱家 路爲宰臣也。」此以季氏爲康子,與此馬 孔子曰: 「是可忍也,孰不可忍也?」然不亡者以 若孔子既仕,行乎季孫,此等僭 君以《王制》爲夏殷禮 諸侯不敢祖天子,大夫不敢祖諸侯,而公廟之設於私家, 也。 廟, 也。 廟 「季氏爲無道,僭天子,舞八佾,旅泰山,以《雍 《祭法》則考廟、王考廟 《漢書・ 矣。 而以 由三桓始也。」公廟謂 大夫家廟 周公廟得用天子禮樂,遂亦於桓公廟用之。 劉向傳》季氏八佾舞于庭云云,卒逐昭公。 吴仁傑、管同説並合。 據《 則《祭法》爲周禮矣。 王 制 然此言於孔子未仕時可 皇考廟爲三,説稍不同。 是三 桓公廟,三家皆桓 制,必且革之。《韓 廟, 此注以爲桓子,意 注以爲桓子,皆是 昭 《郊特牲》云: 穆,與 冉有、 出,故因 詩外 》徹 太 也 季 鄭 祖

廟 歌之 、季孫。 三家者以《雍》徹。 以 《雍》,《周 徹 祭, 今三家 頌 • 亦 臣 作 工》篇 (注]三 此 樂。 名 家, 子曰: 天子 謂 仲 祭 孫、 於 相 宗 叔

猻

大略言之,不爲據也

*父天母地,爲天之子也。」皇本「穆穆」下 家。」杜注:「 【注】包曰:「辟公,謂諸侯 架爲室,前四架爲堂。 之間爲南北堂之中。 子」者、《白虎通・ 訓通異。 「撤」是俗體。《説文》「徹去」字作「勶」,云「發也」,與 章稱「三家」,文五見。 三家,以三家分三氏而統爲桓 家。」荀注:「承家,立大夫也。」《左桓二年 邪?」正義曰:《説文》: 故 之容貌。《雍》篇歌此 也。」《聘禮 者、《檀弓》注: 之義,立桓廟於家,而令孟孫、 維辟公, 也。 今三家但家臣 今經典皆叚「徹」爲「勶」。 一》疏 天子穆穆』, 卿大夫稱家。」三家皆桓族,季氏假 云: 「堂形四方而高。」《玉篇》:「堂,土爲 爵》篇云: 後楣以 蓋古 凡祭在室中, 《釋文》云: 者,有諸侯及二王之後 「家,居 而已,何取 | 者廟 南 「爵所以稱天子者 及二王之後。 奚 族故也。 叔孫宗之,故以氏族言則 日 寢同 堂 取 也。」《易 惟樂歌在堂,舞在堂下 「維」者、語助辭。 「撤,本或作徹。」案: 制 於三家之堂?」 堂凡四 此義而 皆 上章稱「季氏」,此 術「矣」字。 五架梁 傳》: 師 架,前 穆穆,天 作 · 何 ? 别子 諸 開 來助 之 以 楣 「堂」 於 屋 後 與 Ŧ. 爲 侯 或 徹 天 堂 子 棟 基 者 稱 宗 立 承

學 也。」《 也。」《穀梁傳》云「士造辟 也。」邵氏晉涵《正 公」至「堂邪」○正義 俎 云: 得歌之矣。 論 以 此 名。 叔 ○注「三家」至 上 《周禮 「佐王后,徹豆籩」。 周 與 , 貴 徹 士 成王祭文王 孫,叔牙之後。 淡 頌 《有司徹 豆 祭也。 一而歌 雍 徹俎,是 淮 毛詩序》: 人聲 》第二卷之首篇。 籩。 大祝》「既祭令徹」、《小祝》「贊徹」、《内宗》、《外宗 南 》徹 徹。 也。」《白 若《仲尼燕居》言諸侯饗禮,歌《雍 俎,有司徹之; 又《小師 是 主術》又言天子食,徹歌 ※注 注 諸侯相見亦得歌此詩 徹 樂歌,故 此 「《雠》,禘太祖 云: 饌 궁: 稱 樂」〇 一義》下 時 虎通》 日 : 其徹 孫者,公子之子爲公孫也。 》言王饗諸侯,徹 「徹室中之饌及祝、 「徹者歌《雍》。」 所歌 以堂言 文云: 《爾雅 《雍》詩 正義 而 俎,則薦俎之有司也。」〇注 Ĕ : 豆籩 詩。 言 日 之。 是也。 釋詁》:「后、辟、公、侯,君 《周 「辟,法也。 也。」鄭注:「太祖謂文王。」 歌 , 婦 在《臣工》,故爲《臣 仲 者 郊 官 人徹之。 也。 孫即孟 是天子 在堂上, 此詩。 歌此 皇 特 樂師》:「及 疏 佐食之俎。」徹 凌氏曙《典 牲 詩。 申 言爲人所取 孫,慶父之後。 ₩ ⊟ : 天子之禮,則 祭宗廟, 則 》以送賓、振 包 歌 《荀子 凡徹 臣 義 者 云: 歌 象德。」 故覈 一 質,皆 工》是 徹 Ι. 歌 者 「辟 一辟 》篇 率 正 法 兼 之 在

> 説與 爲天子容貌也。 祭,故統言「辟公」也。 仕 家臣」者,大夫稱家,故大夫之臣曰家臣,又曰 後 君,君 同。 百 於家曰僕」是 包異 辟卿士、「公」爲天下諸侯。 」謂夏後杞、殷後宋。 穆穆肅 百 故 均 辟 是諸 卿 得 肅 士 侯也。 通 也。 敬 助 指仕 矣。 也。」《 祭 《烈文》詩 二王後稱公,公故是二王後 王朝者, 者,訓 爾 曲 天子大祭,同姓異姓 雅 禮 相 釋 與 《雖 云 「烈文辟公」,鄭 天下 詁 爲 「天子穆穆」, 談詩 助 諸 無箋,則 穆 也。 侯爲 穆, 僕。 諸侯皆 義 内 美 是 一、箋以 與 外 見 也。」《釋 《禮 也。」「一 **刻** 穆穆 毛 兼 來 辟 傳 運 舉 文 助

訓 爲

訓

訓

 \pm

之貌 仁,如 行禮 僭 之其在人乎?」」又「對子張問,曰 而 行 濫 不仁必不能行禮樂」〇正 禮 樂。 也。」「歌樂者,仁之和 王者禮樂,其既 樂。」正 子曰: 樂 《仲尼燕居》云: 何 義 ?」【注】包 人 日 皇疏 不仁,則 而 不 云: 子曰: 也。」禮 義曰: 仁, 曰:「言 奈此 山此 樂所以 章亦爲 如 「制度在禮、文爲在 《儒 禮 師 樂 禮 人 行》云: 何 ,爾以爲 而 何 飾仁,故惟 季氏 乎?」〇 不 ? 仁,必 出 禮節 必鋪 人 也。 注 仁者 而 者,仁 几 不 季 筵 不 能 氏

樂也。 能 升降 能行禮樂。 之人,亡所施用。 自 本於事親從兄爲仁義之實,仁統四德,故此言不仁之人不 籥,作鍾鼓,然後謂之樂乎? 大夫出,而僭竊相仍,習非勝是,欲不崩壞,不可得矣。 行禮樂也。 言而履之,行而樂之,此仁者所爲。 酌 君子力此二者以南面 獻 酬 雖多材,祇爲不善而已。 酢 **《漢書** 然 不仁而多材,國之患也。」亡所施用,則 後 謂 翟方進傳》引此文説之云:「言不仁 之禮 乎? 而立,夫是以天下太平也。」 言而履之,禮也。 爾 以 當夫子時,禮樂征 爲 孟子論禮樂,而 必 行 綴 行而樂之、 兆 興 伐 不 推 羽

禮 子 之,節文以範圍之。 正義曰:「本」者,萬物之始。 之本意失於奢,不 以貫」。 與其易也,寧戚。」【注】包曰「易, 子 也,不豐也,不殺也 Ė: 也,不可多也,不可寡也,唯其稱也。」不同者,禮之差等。 曰:「大哉問 「禮不同、不豐、不殺,蓋言稱也。」」又曰:「先王之制 林 貫者,言以禮爲條貫 放問禮之本。【注】鄭曰:「林放,魯人。」 ,所以持情而 《荀子・天論》言文質「一 如 儉 ; 禮,與 也。 喪失於和易,不 先王制 合危也。」《禮器》云: 其 《禮運》云: 奢也,寧 禮緣人情 和易 廢一起,應之 「故禮之不同 如 也。 儉; 世 哀戚。」 事 言禮 喪, 而 孔 爲

文 》: 子聞其所問 秋》,欲變周從殷 周之所制 非 《大戴記·禮三本》云:「凡禮始於脱,成於文,終於隆。 者取之,所謂權時爲進退也。 野,朴而不文。」則以 賊 以 而要皆與禮之本相近。 者,質之至也。 家多失在不及中。 失禮,然過中失大,不及中失小,是故文家多失在過中,質 正,不失仁術也。 太一者,至質無文,然爲禮之本。 至備,情文俱盡; 本末之義、先後之序也。」事莫不先有質性,乃後有文章也 禮 .禮·三正記》曰:「帝王始起,先質後文者,順天地之道 而蔽; 貴得 勝之,則 文、周制作之舊,故夫子屢言「從周」。 「寧,所願也。」先爲與之,後復有所願,抑 中,凡豐 殷之敝蕩而 以修明之而已。 惟欲以 ,深美大之。 文質均有所敝,然二者相較,則 殺即 即 云「與其」,又云「寧」者,與,猶 其次,情文迭興,其下,復情以歸太一。」 質救文。 《表記》言:「周之敝利而巧,文而不慚 此 周 爲過中不及中 不静,勝而無恥,夏之敝意而愚,喬 義也。 尚 蓋禮先由質起,故質爲禮之本也 大之者,大其有維世之意,撥亂反 文,殷質不 然世變已亟,或猶 質有其禮,儉戚不足以當之, 春 林 放意亦欲 秋》今文家以夫子作《 當夫子時,奢僭失禮,大 也。 能 勝文,夏尚 過 從周者,從乎文 以質 中 不 慮從周 寧從其失小 揚之詞,不 救 許 及 文,故 中,俱 忠。 不足 《説 忠 耐 是

也。 或得鄭義,然少迂曲 失之簡略,故夫子以爲寧戚,言必盡哀盡禮也。」陳氏之言: 以「易」爲禮有餘。鄭此注但云「易簡」,未明其義。 戚 高誘注引此文。 此同。」謹案:《淮南·本經訓》: 與其哀不足而禮有餘也,不若禮不足而哀有餘也。」』義與 足,戚者哀有餘。《檀弓》:『子路曰:「吾聞諸夫子,喪禮 之義,故下文云『期悲哀,三年憂」,言其戚也。蓋易者哀不 連善居喪,三日不怠,三月不懈。」、「不怠」、「不懈」,即不弛 心浸以怠弛,則禮之本失矣。 轉相訓 張,皆夸大之意。「喪」者,《白虎通・崩薨》篇:「喪者,亡 者、爾雅 得已之思也。 人,俱言喪何? 《古訓》曰:「《檀弓》:「子思曰:「喪三日而殯。 ·易」者,先兄五河君《經義説略》:「《爾雅》:「弛,易也。」展 ,則禮之本也。 人死謂之喪何? 一誠必信,勿之有悔焉耳矣。」」時人治喪,以薄爲其道 ,則「易」 亦訓 釋詁 禮 《隋書·高祖紀下》「喪,與其易也,寧在於 欲言身體髮膚,俱受之父母,其痛一也。」 對喪言之,則 禮有其餘,未若於哀,則實之實也。」●並 弛。 「奢,勝也。」《説文》: ,未爲當也。 言其喪亡不可復見也。天子下至庶 言喪禮徒守儀文之節,而哀戚之 《雜記》:『孔子曰:「少連、大 禮 「處喪有禮矣,而哀爲主。」 謂 俞炎《書齋夜話》: 凡賓嘉 「奢,張也。」勝、 諸禮 凡附於身 也。 陳氏鱣 「易. 奢

> 不至此。」 世子林開之後」,皆出附會,不足據也。 干之後,逃難長林之下,遂姓林氏」,鄭樵《通志》謂「周平 不云弟子。其以爲魯人,亦當别有據。 字、疑是「具」字。 和説也。」陳氏鱣曰:「包以爲和易,意與戚相反,然世情 正義曰:《詩・何人斯》傳:「易,説也。」《郊特牲》注: 蓋相似也。」此亦可備一 蜀禮殿圖》以林放爲孔子弟子。 《檀弓》『喪具,君子 説。 ○注 鄭以《弟子傳》無林放,故 「林放魯人」〇正義曰 恥具」,「具」與「易」, ○注「易和易也」○ 《元和姓纂》謂 比 Ŧ

也。 通• 《爾雅·釋地》:「九夷、八狄、七戎、六蠻,謂之四 爲制名也,因其國名而言之耳。 方太陰鄙郄,故少難化。 注:「九夷在東,八狄在 也。」【注】包曰:「諸夏,中國。 禮樂》篇: 夷者,傅夷無禮義。 子曰:「夷狄之有君,不 「何以名爲夷蠻? 北,七戎在西,六 狄者,易也,辟易無别也。」《白 東方者少陽易化,故取名也。 一説曰 曰聖人本不治外國, 亡,無也。」正 名其短而爲之制 如諸夏之亡 蠻 在 南。」《白 海。」 義 日 北 非

上「實」字,據《隋書》當爲「情」。

0

禮儀,故名之。 天性柔順,易以道御。」此言「夷」爲善性,而 所 形之字。 國之人也。 國亡無也」〇正義曰: 禮,故不如諸夏之亡君,其政俗猶爲近古也。 禮樂之事,楚、吴雖迭主盟中夏,然暴彊踰制 吴主會,曷爲先言晉侯? 狄之有君,不如諸夏之亡。」言不當背也。」又《哀十年》,❷ 池之會,諸侯畢至,故言此以抑之。《襄八年》,❶鄏之會, 皆役屬焉。 夷無禮義」者,「僔」與 上。」主書者惡諸侯之君夷狄。」案: 云:「明其寔以夷狄之彊會諸侯爾,不行禮義,故序晉於 『公會晉侯及吴子于黄池』。 春秋》内諸夏外夷狄。 陳侯逃歸」。 蹲」、「跠」爲踞,即踞肆之義。 ·東方曰夷。』夷者, 柢也。 稱 説,以 《公羊成十五年傳》注:「諸夏、外土諸侯也。 宋、魯亦奔走其庭。 從久、從頁、從臼。 後説 何氏云: 包氏慎言《温故録》:「夷狄,謂楚與 爲 是。 諸者,非 「蹲」同、「夷」與 『加逃者,抑陳侯也。 成、襄以後,楚與晉争衡,東方小國 後漢 言仁而爲生,萬物柢地 不與夷狄之主中國 傳。『吴何以稱子? 主會也。 「禮義」即禮儀,言其俗但 白,兩手。久,兩足也。」此象 一之辭。 定、哀時,楚衰而吴横,黄 東 包説是也。 夷 「跠」同。 傳 《説文》:「憂,中 *****: 《白虎通 未能 \ 王 ○注 孔子曰:「夷 《廣 也。」何 此 而出,故 制 「諸夏中 為篇專言 》謂 雅 _| | | | | 秉周 吴。 》訓 僔 氏 謂 無

> 《説文》:「亡,逃也。 亡,本謂人逃匿,引申爲亡有之義 教之所及也。 之夏者,大總下上言之辭 夷狄在四 從人從込。」 3「霖,亡也。 遠 也。」 爲外國 稱 中 ·國者, 故謂諸夏爲中國矣。 自 我言之,王者 從亡無聲。」 政

六六

時。」 部》: 曰 : 也。 救與?」【注】馬曰:「旅,祭名也。 求,時仕於季氏。 在其封内者,今陪臣祭泰山,非禮也。 人所增字。 曰:「神不享非禮。 如 臚 鄭氏曰: 「被,力煮切。 林 「嗚呼! 季氏旅於泰山。 亦 放 陳 耶 ? 也。 「臚岱,季氏旅於太山是也。」師古曰 《漢書》班 臚、 曾謂 祭名。 欲 救,猶止也。」對 誣 旅聲相 泰山 而 林放 固 《論語》 祭 《敘傳》: 子謂冉有曰: 近,其 之。 尚 不 作「旅」。」《 知 如林 義 Œ 問 「大夫臚 曰:「不能。」子 義 禮,泰 禮,諸 耳。」案: 放乎?」【注】 日 冉有,弟子冉 廣 毫玉 「女弗 岱 山 侯祭 韻 之神反 篇 侯 间 旅 旅 山 伯 能 陳 作 川 僭 此 示

包

不

0

0

後

據《公羊傳》當作「七」。

十」下,據《公羊傳》脱「三」字。

⁰ 人」,據《説文》當作「」。

部

故賈疏 孫説所本。 官・大宗伯》「以貍沈祭山林川澤」,鄭注「祭山林曰貍」,似 炎云:「埋於山 **眄呼也。]取其助气,故以爲嗚呼。」古文作「於嗚」字,《口** 皇本作「不」。 郊祀。」亦作 玉、以璧,❶以庪置几 備也。』《爾雅• 宗伯》「國有大故,則旅上帝及四望」,是旅爲祭名。 祭」至「止也」○正義曰:《周官・掌次》「王大旅上帝」,《大 也。」大山即泰山。 大宗伯》云"「旅,陳也。 ·嗚呼,本或作鳥乎,音同。」《説文・鳥部》:「孔子曰:「鳥, 臚」。」是「臚」、「旅」音近,得通用也。 ……」。」《周官・司儀》「旅擯」,後鄭云:「旅,讀爲「鴻臚」之 臚」,當出《古論》。 *\frac{\times}{\times} 》所無,當由俗作「吟息」也。 《公羊桓十年傳》何注: 以 承 「升」即庪縣也。 《儀禮 詢 臚。 謂 《説文》:「弗,撟也。」撟之爲言,意有所不順 足曰 釋天》: 庪 • 覲禮》:「祭山川 縣 泰者,大之極也,俗或爲「太」字。「弗」, 《儀禮 《史記· 庪,埋 不 上,遥遥 「祭山曰庪縣。」李廵云:「祭山 當訓 陳其祭祀以祈焉。 胡氏培暈《研六室雜箸・答馬水 於山上曰 六國表》: 「弗者,不之深也。」《釋文》: 士冠禮》 爲埋 而 「嗚呼」者,歎辭。○注「旅 眂之若縣,故曰 陵升」,❷似李説所本。 「庪」當與《禮 縣。」辭不同 《説文》:「岱,大山 位 注"「古文『旅』作 在藩臣,而 禮不如 庪縣。 」孫 經 者,《周 鄭注 以黄 祀之 臚 於 0 0 後埋之證。 「祭山 川 日

部

其地者。」注:「魯人祭泰山、晉人祭河是也。」《祭法》云: 僭天子,非僭魯侯也。 值大故而用天子禮行之,故書曰一 則皆從略,故鄭君以爲不如祀之備也。 旅爲天子祭山之名。惟旅祭是因大故,先陳後埋,其他 伯》言「旅四望」,彼謂國有大故,天子陳其祭祀而祈之,則 瘞」,郭注云:「肆,陳之也。 故祭山又名旅。 山林中。」其説良近。 瘞埋是以牲玉埋藏於地中, 庪縣則有陳列之義。 有當而義無妨。 庪食」義同。 「諸侯在其地則祭之,亡其地則不祭。」《公羊傳》:「諸侯山 「祭山以黄玉、以璧庪置几上。」邢疏云:「縣謂縣其牲幣於 王制》云:「天子祭天下名山大川,諸侯祭名山大川之在 **胺縣」可證**。 後埋故亦得名埋。」今案: 按:《玉篇 《爾雅》云:『祭地曰 旅,臚陳之也。《山 但 蓋古者祭山之法,先庪縣 夫子謂冉求之言,其迫切當亦因此 《爾雅 》云:「皮,閣也。」「庪」同 陳牲 》、《儀禮 「旅」,與八佾 玉 海經 而後埋藏之。」此先陳 瘞埋,祭山 》、《周禮》三經,文各 胡説是也。《大宗 季氏旅泰山, 》凡祠山多言『肆 歌《雍》同 而 李廵云: 曰 庪 縣。」 後埋之: 「皮」,引 或 是 亦

以壁」之「以」、孫校爲「爲」。

孫校爲「丘」。

界,兩國 封 Ш 之,名曰淫祀。 雲,爲風雨,見怪物皆曰神」是也。 非禮」〇正義曰:神 言之,與此異 陪臣某 之臣,故爲重也。 之,凡重皆曰 爲非禮。 云:「獻也。 孝經》云「祭則鬼享之」是也。 救猶止」者、《説文》:「救,止也。」此常訓。 内也。 有不在其 云「時仕季氏」者,以夫子責之,知爲季氏家臣 「冉求字子有,少孔子二十九歲。」鄭《目録》云 」是也。 通得祭之。《禮》言大夫祭五祀,不及山 《禮器》云: 季氏稱「 封 從高省,日 也。 陪。 内者,則 下篇 淫祀無福。」明 云「冉有、弟子冉求」者、《史記・弟子列 《曲禮》「列國之大夫人天子之國,自稱 諸侯是天子之臣,諸侯之大夫,亦是天子 陪臣 者,《祭法》云「山 「陪臣執國命」,彼是大夫之臣對諸侯 「齊人將有事於泰山。」泰山 不 象進孰物形。」凡受人之獻亦曰 者、《説文》:「陪,重土也。」引申 祭也。」是言諸 神不降福,知不享之也 《曲禮》云:「非其所祭而祭 「享」者、《説文》作 林、 侯之祭山 Щ ○注 谷、丘 Щ 在齊、 JI 神不 陵 故祭 也。 百直, 皆 能 「魯 享。 云 享 曰 出 Ш 魯 在

【注】王曰:「射於堂,升及下,皆揖讓而相飲。」其争曰:「言於射而後有争。」揖讓而升,下而飲。子曰:「君子無所争,必也射乎。【注】孔

此禮。 在郊。 學,卿大夫於郊,士無臣,無所擇,故無大射禮。二曰賓射 者,將以禮治人,而恭敬、撙節、退讓以明之,故無所争 聲。」許君解「揖 不及天子及卿大夫者,文不備耳。《釋文》:「争,絶句。 得與於祭,不得數中者不得與於祭。」鄭説大射止 射者、諸侯將有祭祀之事、與其群臣射以觀其禮。 之,亦射於郊。 天子在治朝,諸侯則或在朝,或會盟在 射,天子、諸侯、卿大夫將祭而擇士,天子於射宫,諸侯於大 《説文》:「퇐,弓弩發於身而中於遠也。 正義曰:「争」者,競勝之意。 也。 文》所稱 讀以必也絶句。」然《射義》注引此文「必也射乎」四字連 也君子。【注】馬 論語 必也狂狷乎」、「必也親喪乎」、皆不以 從手咠 学 《論語》此文指大射。 四日 「鄭讀」、恐誤記也。 寸,法度也,亦手也。」《禮經》言射 如「必也聖乎」、「必也使無訟乎」、「必也正名乎」、 鄉射,州 聲。 三曰燕射,天子、諸侯在路寢,卿大夫、士 存二義,前 日手著胸日 長春秋屬民射於州序,天子、諸侯皆 日: 多 義則 「揖讓」者、《説文》云: 鄭氏《射義目録》云:「名曰 算 民有血 揖 飲 揖。」「攘,推 讓 少算,君子之所 禮同。 氣,皆有争心。 必也 竟,卿大夫士皆 從矢從身。 有 」絶句 也。 攘」,古 四 一稱諸 從手 數中 「揖,讓 ,則《釋 争。」 篆文 君子 日 也 讀 侯 襄 鄭 者 有 大 無 大

其 袒

上

而

升

飲

君

子

恥

決遂

執張弓。

不

無所

争。二云云,文與

飲,奄

也。

以

П

奄

而

飲」者、《説文》作

飲 惟

西 飲

階

上

無揖

, 則

用

致

爵

初。

此此 君

耦

第三

尊

者

也。

文

勝

則

亦 釋

執

弛 讓

賓筵》又云「下

有争」○正

射

則

有争

下,降

》,以「土揖」、「天揖」、「時 禮所以有揖讓者,所以尊人自損也。」凡賓主行 凌氏廷堪《禮經釋例》歷引《聘禮》、《士冠》、《士昏》、 》、《鄉射》、《公食大夫》諸文,皆 凡進上之義。 」是推手 《春秋繁露· 「升」者,「登」之借字。 一讓謂 (此同。 「歓」,云「歡也」。 勝者襲,說決拾 也。 門 以 之, 揖、 讓 引咽 厭 則 凡一 者, 異。 舉手 讓 飲 即 是 讓 揖 之也。」《射 鄭注: 揖 射 人,階則讓升也。 引手 以 禮 攘 段氏玉裁 升是 平 爵 並 皆 之異 射 官制象天》篇謂 一,謂 者, 衡 一爲推 是 則 是 「必也射乎,言君子至 也。 由 也。 推 争中。」 也。 亦 推 卻 《釋名·釋飲 義》「孔子曰: 階至堂,下是 手 手, 揖 手 有三 舉 」, 則 《説文》注以手 左手,右 令白 鄭注 讓 也。 《説文》:「登,上 手與 故 鄭 鄭與 而 解《 虎 讓之儀 氏 此揖 升 **鄉** 後 通 引 此 禮 周 加 降 許 義 飲 • 手 讓 弛 注 官 則 前 君 食》: 降 禮 禮,至 相 酒 弓 著匈 知 全 勝 讓 在 義同 揖 堂。 樂 禮 似 於 者 於 子 凡 升 긁 據 而 之禮。 日: 耦二 射 爵, 勝 子 日 而 云: 弓,特升飲, 事 番射揖讓之事,並所謂「君子之争」也。 遂命勝者執張弓,不勝者執弛弓,升飲如 左,交於階前,相揖。 立卒觶,進,坐奠于豐下,興 先升,升堂少右。 加 云 : 大射儀 者皆 洗觶 飲」,此鄭兩讀 所以尊尊 如 弛弓于其上,遂 取觶實之,反奠于豐上。 司 「鄭讀 「不鼓不釋。」三耦卒射如 番射後揖讓之事。 初, 射 若飲賓,諸 袒 升酌散, 義》云: 射命設豐,司宫士奉豐,坐 》之文,在 决遂, 耦 揖 亦 也。 揖 讓 無揖 南 執 升如 「故射者進 耐 ,義皆通。 若以 不勝者進,北 張弓。 以 公卿大夫耦不升,立 面 升下」絶 讓事,以 執殆。 坐奠于豐上。 耦第二番 初。 適次釋弓,襲,反位。 士爲公卿大夫之耦,不 《禮 不 司 退 ○注 句。」然箋《詩 揖。 勝者 射 士賤不敢匹 》又云: 升飲者如 周 初。 耦 射 還必 請 面 「言於射而後 不勝者先降, 出 皆 坐,取 後,所以 以 設于 司 襲,説 司 中禮 樂于 「司射 揖如 射命設豐,實 射命三

升階

皆是三讓。

鄉

飲

酒

成

節

也」是也。

車

也。」引申爲

篇

至階

,皆有讓

者。

也。

《聘記

注

三:

但

不著

匈耳。

此

鄭

説

階

時。

字,見

曲

禮

鄭

注

是手著

匈

與

攘

西

西。 勝

勝 也。

者

之弟

耦

及衆射

決 楹

負

其

文

爲

即

《禮經》之「厭

-0

云:

推手

日

揖。」鄭

六九

内

志

正,外體

直

公,公許,司

命

觶

如 射

初

猶挾一个,以

初,三

一耦卒

-飲。」此

僕

人師 與

繼

酌

射

升

飲者

相

豐上之解興,少

退

升

射,及階,勝

者

決拾,卻

左手,右

焉。 算少。」案:算多爲勝,算少爲不勝,於每耦射畢,各就算之 於射尤必君子之無争,非經旨。 争爲君子,故言於射而後有争也。 肄,至射時以不勝爲恥。 彼將安能以中?」二案:此則射中乃君子所尚,必於平時講 然後 籌八十者,略以十耦爲正。」凡人四算,一耦八算。 曰:《鄉射記》: 德行矣。]又云:「孔子曰:「射者何以射? 而發,發而不失正鵠者,其惟賢者乎? 射者各有算數。 求中即是争,即是争爲賢者,故曰「其争也君子」。 持弓矢審 固 「箭籌八十,長尺,有握。」注:「籌,算也。 每中則以算表之,若中多則算多,中 持弓矢審固 蓋不勝嫌於不肖,故君子必求中 然後 ○注 皇疏引李充、樂肇説,謂 可以 「多算飲少算」〇正 若夫不肖之人,則 言 何以 中。 聽? 此 皇 可 ·少則 <u></u>疏: 循 以 惟 聲 義 觀

盼 以 之二章,其下一句 越亏也。」「素」者、《説文》: 動目貌。 爲 一兮」者 絢兮。」何謂也?」【注】馬曰:「倩,笑貌。 子夏問曰:「『巧笑倩兮,美目盼兮,素 1,語助。 絢,文貌。 《説文》: 逸也。」正義曰: 此上二句在《衛風 「兮,語 「紫,白致繒也。」 所稽也。 倩」、「盼」、「絢」皆 引申爲凡物 從丂八。 碩 人》 象

多少計之。

絢。 毛傳: 詩》篇名,所以美莊姜也。 成章,故得稱「絢」。 章謂之絢。」蓋妇人容貌,先加他飾,後 注:「采成文曰絢。」是「絢」爲文貌。 云「黑色」,及此注以爲「動目」,皆屬異義。 同。 辭,意亦與毛同矣。 深遠,故子夏疑之。]〇注 上云「巧笑倩」、「美目盼」者,其美乃益彰,是之謂絢。 後世所用素粉矣。 此色然也」是也。 白 倩 飾之稱。 《字林》: 一以言巧,巧 戴氏震《孟子字義疏證》:「素以喻其人之嫻於儀容。 「倩,好口輔。」輔者,類也。 釋名 「盼,美目 即好 「素以爲絢」,當是白采用爲膏沐之飾,如 絢有衆飾,而素則後加,故曰「素以 《詩》傳又云: 也。 鄭君此注亦馬義也。 釋采帛 也。」與毛不異。 此注謂 「倩笑」至「逸也」〇正 注以《碩 $\stackrel{>}{\mathbb{Z}}$ 又物 「笑貌」者,「倩」是 「盼,白黑分也。」《説 人笑則口 人》詩有脱句,故 鄭注此文亦云: 不 加以素,至加 加 若《韓詩章句》但 《聘禮》「絢組」・ 飾 《碩人》者、《衛 頰必張 皆 義曰: 目 謂 素則 形容之 「文成 謂 動 之素 《詩 喻意 下 文

文。 也。 長。 一句逸」。朱子説:「此皆《逸詩》,非《碩人》文。」其義爲 喻美女 子曰:「繪 凡繪畫,先布衆色, 雖 有倩 事後素。」【注】鄭 盼美質, 然 後 亦 以 素 須 禮 分布 以 曰:「繪, 成 其 八閒,以 之。」曰: 畫 文

白立

耐

Ŧi.

色明,

禮

立

而

Ŧī.

德

純

老子不知,以爲忠信之薄。

以素成,忠信以禮成。

也。

愿則

愚諒

則

人可以學禮,何謂也?

故履初素, 賁上白。

文,故曰

「素以爲絢」。

太素者,質之始也,則素爲質。

五色之一色。

之仁義智信,必以禮爲之閑。

因素而悟禮。

注字作「繪」,義作「繢」,説見下惠氏士奇《禮説》。子夏疑 《詩》。」正義曰:《釋文》:「繪,胡對反,本又作績,同。」《考 工記》注、《文選・夏侯常侍誄》注並引作 素以爲絢」,夫子以後素惟繪事爲然,故舉以示之,子夏遂 禮後乎?」【注】孔曰:「孔子言「繪事後素」,子夏 蓋五色之黑黄蒼赤,必以素爲之介,猶五 以禮制心,復禮爲仁,禮失而采,禮云禮云。 素喻禮,故曰『禮後乎』。」子曰:「起 始可與言《詩》已矣。」【注】包 子言子夏能發明我意,可與 賊,不學禮而忠信喪其美也。 素者履之始,白者賁之終,然則忠信之 素也者,萬物之所成終而所成始 素者,無色之文,禮者,無名之樸。 忠而無禮則愿也,信而 宫立而五音清 且禮者五德之一德,猶素者 後素者,繪之功也,則素爲 故 日 「大文彌樸, 孚似不 「繢」。 甘立 而 是故畫 無禮則 案: 五味平 共 口: 今鄭 也 言 繢 諒 德 足」。 采,即青赤黄白黑,此注所云「衆采」也。 韋注: 以 注與此注義相足矣。 布之,爲其易漬汙也。」惟不爲衆采漬汙,乃可成文。 次。又云:「凡畫繢之事,後素功。」鄭注:「素,白采也。 白相次也,赤与黑相次也,玄與黄相次也。」是言布衆色 之,必非臆説。」按:《考工記》 之,而漢明復古。 删之耳。 繪。」鄭注:「繪讀曰繢。」鄭以裳用繡,則衣用 繡」,與鄭異矣。 許從《古論》,鄭從《魯論》,若然,則 引《論語》作 文》「繪」訓「五采繡」,與畫繢爲設色不同。 帪。」又曰:「畫繢之事,雜五色。」是「繢」爲畫文。 也。」此即畫繢之義。《考工記》:「設色之工,畫繢、鍾、 畫 「繢」。 美女雖有美質,須 」至「成之」○正義曰:《説文》:「繢,織餘也。 非不足也,質有餘也。「起予」者、《晉語 此注訓畫文,亦當有「繪讀曰繢」四字,作《集解 「起,扶持也。」漢石經「起予」下無 惠氏士奇《禮説》: 「繪」,而「繢」下無文。 **書** 所謂[班閒 加禮 素加而衆采以 以 成成之。 賦白,疏密有章』,康成 「畫繢之事,代有 言 書 日 洪氏頤 《詩 明 績雜五色」,五 許 月 ,采者禮之文也。 》所云「素」,猶之繪 解《論 星 《考工》云: 「者」字。 煊《讀書叢 辰, 然許君 績,故

聞而

解知

以

世

相

起

予者商

也。

予,我也。

孔

破讀 華

師傳。

色者 蓋

Ŧi.

目

覩 廢 時 從 作 采

「青

與

禮

語

爲「五

録

至《説

筐

日 注

畫

山

龍

蟲

雅 非 事 發」,亦發明之意 輕禮矣。 釋詁》文。 後 加 素 ○注「予我」至「言詩」○正義曰:「予我」、《爾 也。 言「發明」者,訓 美質須禮 以 成 「起」爲發也。 ,則子夏言 禮 顏子「亦足以 後」,重 禮 而

故不得 欲斟酌 焉。」」「夏時」、「坤乾」,皆文之僅存者。 得夏時焉。 禮,有宋存焉。』言祇有 猶賢也。 足故也。 殷禮,吾能言之,宋不足徵也。【注】包 士大夫。 才,不足故也。」正義曰:「文」謂典策,「 禮,吾能說之。杞、宋之君,不足以成也。」文獻不 禮 徵,成也。杞、宋,二國名,夏、殷之後。夏、殷 中 子曰:「夏禮,吾能言之,杞不足徵也 以其説箸之於篇, 損益以爲世制, 「孔子曰: 庸》云:「子曰:『吾學夏禮,杞不足徵也。 子貢所謂 我不 我欲觀殷道,是故之宋,而不足徵也,吾得坤乾 足則吾能徵之矣。」【注】鄭曰" 以 『我欲觀夏道,是故之杞,而 禮成之者,以此二國之君,文章賢 賢者識大,不賢者識 而文獻不足,雖能言之,究無徵驗 宋存,而 而 祇就 文獻皆不足徵 周 禮之用於今者,爲之考 夫子學二代禮樂, 小」,皆 獻」謂秉禮之賢 不足徵也,吾 也。 謂 吾學殷 又《禮 「獻, 獻 曰 也。 之

《春秋》亦本周禮也。 記 賢,以致去禮,故言俱不足徵以歎之。」〇注 雖 定而 君,不足與 顧杞之君不足與明之也。」注 後」○正義曰: 脅而變於夷。 王,自行其正朔服色,備其典章文物。 後,杞、宋於周皆得郊天,以天子禮樂 聘以定禮樂。」據《漢志》,是夫子此言,因修《春秋 仍人道,因興以立功,就敗以成罰,假日月以定歷數,藉 之國、禮文備物、史官有法、故與左丘明觀其史記、據行事 秋》,言爲《尚書》,帝王靡不同之。 皆在文獻,故文獻不足,則不能徵之。《漢書•藝文志》: 謂徵驗也。」此鄭存異本,視「徵,成」之義爲長。 禮存,則夏殷之禮可推而知,故通言考 尼思存前聖之業,乃稱曰 「古之王者, 善無徵,無徵不信 陳杞世家》: 存之。 成 世有史官。 中 也。」「成」、 宋三世内娶,皆非其國之故。 一庸, 鄭注《中庸》云: 「杞東樓公者,夏后禹之苗 》云「考 戴氏望《論語注》云:「王者存二王之 ,不信民弗從。」注云: 明 『夏禮吾能言之』云云。 左史記言,右史記 諸三王 禮運》云: 同義,亦 「徵,猶明也。 而 周室既微,載籍殘缺,仲 不繆」,以 也。 祭 周衰、杞爲徐、莒所 包此 一徴 其始 又云: 商也。 「徴或爲證 孔子傷其不用 事。 注 「徴成」至「之 周 吾能説夏禮 祖。 成 意 民之所徵 監 以魯周 也。 事 也。 上 二代, 受 周 ,爲《春 而 無賢 武 \pm 史 周

○注 遷東國,與齊魯地近。 宋爲二國名,夏、殷之後也。 之首子,而紂之庶兄也。 封之於杞,以奉夏后氏祀。』《宋世家》: 云: 指杞、宋之君、《禮運》注云: 也。」《詩· 周官・司尊彝》注 儀」通用之證。 儀 《説文》。 ,即是文獻不足。 字同。 爲「儀 君雖善 獻猶」至「故也」○ 「萬邦黎獻。」某氏傳:「 注 文王》「宣昭 《書・大誥》「民獻有十夫」,伏生傳作「民儀」。 」之段借,故曰 「《謚 「獻」本 善 無 此段氏玉裁説,見《尚書撰異》。 法 明 ≥ ⊟ : 《禮 「獻」讀爲「犧」,又讀爲「儀」,皆 「宗廟犬名羹獻」,與 微則 宋 》注與 義問」,毛傳: 正 代殷後奉其先祀,國于宋。」是 「猶賢」。 都 其 聰 義 商 一謂 獻,賢 杞初封,即今開封府杞縣,後 此 明 日 : 善不信 E, 注 睿 無賢君也。」又《中 《爾雅 《爾雅 相發。 即 智 也。」此注云「猶賢者」, 今歸德 也。 日 義, 微子 獻。」《書· 賢 言 釋言》: 釋 義 善也。」「義」、 君雖善,無 府 開者,殷 計》 絶遠。 治 鄭以 商 獻, 「儀,善 庸》注 丘 獻 咎 注以 帝乙 縣。 獻 杞 聖 明 繇

及群 矣。」【注】孔 廟之主,皆 子曰:「禘 曰:「禘 合 自 食 於 袷 既 之 太 灌 祖 禮、爲序昭 而 廟 往者,吾不 灌 者, 穆,故 酌 鬱鬯 毁 欲 廟 觀 灌 之 之 主 於

廟

」、「褅嘗」,互文見義。

此

與郊社

無與,

而

解

者多混爲一,

也。 以 后稷、文王異。 昔者周公郊祀后稷以配天,宗祀文王於明堂以配上帝。」郊 經》曰:「孝莫大於嚴父,嚴父莫大於配 其 之所自出,以其祖配之,而立四廟。」注:「高祖以下 之説,千古聚訟。 周之達孝,云: 父之義、《禮・三本》所謂「王者天太祖 是祭天,而以稷配。 而五。」《大傳》:「禮,不王不禘。 子及其始祖之所自出。」《禮記 《儀禮 行於夏與袷行於秋,在四時之閒 曰禘,至周以夏祭爲禴,而以禘爲殷祭之名,故言大也。 曰:《爾雅·釋天》云:「禘,大祭也。」言大祭者,殷人夏 逆 太 祀乎其先也。」又言: 祖配之。」始祖者,始封之祖。 祀、躋僖公、亂昭穆、故不欲觀之矣。」正 祖 稷之所自出者,嚳也。 以 · 喪服傳》:「大宗者,尊之統也。 降 神也。 「郊社之禮 禮,宗廟不得配天配 今求之《禮經》,參以諸儒之論,爲之説 既 宗是祭上帝,而以文王配。 灌 「明乎郊社 Ż 所 故《祭法》言周 後,列尊卑,序 以事 喪服小記》: 周 ,故《司尊彝》謂之「閒 王者禘其祖之所自出, 始 之禮 Ŀ 上帝也。 后稷, 帝 也。 天 也。 諸侯及其大祖 禘 ,則周公其人也 人禘嚳也。 則 《中庸》 此與宗廟之祀 昭 嘗之義。」「宗 宗 「王者禘其 以 義曰: 廟之禮 穆。 稷爲始 此周公嚴 -與始 》言武 褅 而 天天 所 孝 魯 祖 禮 祖

於袷。 舞《大武》,八佾以舞《大夏》。 禘是也。 有勳勞於天下,周公既没,成王、康王追念周公之所以 禘是天子宗廟之祭,魯得用之者,《祭統 之所自 是合已遷、未遷廟之主,祭於大廟,然止及始祖,不及始祖 君,干袷及其高祖。」 所紀、爾雅 袷從先君,數遭給則 褅 年喪畢,新主將人廟,有禘祭,謂之吉禘、《春秋》所書「吉 祭,故列於上,即《司尊彝》所謂 冬享先王。」鄭注以肆、獻、裸爲祫,饋食爲禘。 誤 名,禮無差降,誤也。《大傳》曰:「大夫士有大事,省於其 袷,五歲 先王,以祠春 矣。 魯也。」《 ,而欲尊魯,故賜之重祭。 是 也。 出。 惟 周 夫大嘗禘,升 :漢宗廟之祭,有祫無禘,故漢儒多以祫大於禘 有吉禘 明堂位 褅 官 又何休《公羊解詁》謂「禘,功 》所載,俱有禘無祫。 享先王,以禴夏享先王,以嘗秋享先 所謂 大宗 ¥ 則 五年再殷祭 袷下及大夫士,而禘則不王不禘。 袷,遭禘則禘」是也。 伯 亦有吉給,何休《公羊解詁》謂 歌《清 *: 季夏六月,以禘禮祀周公於太廟 以 外祭則郊社是也 廟 此天子之樂也,康周公,故以 肆 **※**, 「追享」、「朝享」也。 也。 劉歆遂以禘祫爲一祭二 獻 而管《象》,朱干玉 裸 禘大祫小,故《春秋 **₩** 享 臣皆祭」,是 其常祭則 先 王 ,内祭則大賞 昔者周公旦 其祭大於時 以 王, 天子三 三歲 饋 禮,禘 一戚以 勳勞 禘大 以 食 也 祫 烝 享

年傳》: 廟」。 郊禘禮 譏之。 夏而 有禘 樂也。 嶡。 本 于 自大夫,始 時閔公年幼,政在大夫,始僭用禘禮 禮,又歎周公其衰者,此夫子譏伯禽之失,不當受賜, 若然,魯大祭皆成、康 據魯稱之。 天子兼之。」此謂魯當禘祫之年,則廢 嘗禘」也。 弁素積,裼而舞《大夏》。 薦 牲 在 用 用 福衡。」「 禮,出 玉豆、 六月,而僖八年以七月,昭十五年以 升歌《清廟》,下管《象》,朱干玉戚,冕而舞《大武》,皮 白 若群廟未有 僖公賢君,復魯舊制,終僖公世,祇八年書「禘于 大故也。 納四夷之樂於大廟,言廣魯於天下也。」此周公廟得 牡 晉 # 自 雕篡; 踵前失而復僭之。 毛彼傳云"「諸侯夏禘則不礿,秋祫 尊 人曰: Ħ. 他國諸侯雖有特祀,不得名禘,且 載賞」即當祭, 成、 用 年 犧 《春秋 康所賜也。 爵用 『寡君之未禘祀。』」是晉亦有禘矣。 書其僭者,則 象 禘于襄公。」 所 玉琖仍雕, 》閔公二年: Ш 賜,而《禮運 《昧》,東夷之樂也;《任》,南 罍 福衡」即禘祭、《祭統 《詩 《春秋 鬱 意文、宣以 尊 是 加 用 群 閟宫》云:「秋 於群廟,故《春 以璧 二月,「吉禘于莊 左氏》昭 敢孔子言以 黄 廟 目 時 有 三月,定八年以十 散 後,禮 祭。 褅 灌 璧 矣。 十五年: 用 一用其 言 則不嘗,惟 角 樂征 玉 魯郊 》所 秋 諸 而 瓚 襄 俎 侯者 禮 云「大 書 載 大 + 魯禘 公 伐 亦 褅 蠻之 用 嘗 也 圭 而 梡

其

彝、蜼彝。 彝、鳥彝; 侯爲上也」。』又《周禮 如史公説,則不欲觀爲魯僭禘,此禘明 之矣。」周衰,禮廢樂壞,大小相踰,管仲之家,兼備三 有宜適,物有節文。 序,下及黎庶,車輿、衣服、宫室、飲食、嫁娶、喪祭之分,事 于堂,爲 至迎牲以後,朝踐再獻之時,則白牡山罍,兼用四代之禮 上,有雞彝、斚彝,備前代之器。 黄彝也。 大圭。」《郊特牲》曰:「黄目,鬱氣之上尊也。」鄭注:「黄目 「季夏六月,以禘禮祀周公於太廟。 灌尊,夏后氏以雞彝,殷以斚,周以黄目。」天子則 ,夫人灌爲再獻。 餘可以類推,故夫子曰: 有定制矣。 故 別記》: 又《雜記 覈 朝獻 》: 「天子 周所造,於諸侯爲上也。」正義云:『《明堂位》: 秋嘗冬烝,裸用斚彝、黄彝,追享朝亨,□裸用虎 今魯禘,灌用黄彝,不備前代之器,從諸侯禮也。 「宗廟有灌,天子諸侯之禮同 》言「七月而 《史記・ 是 宗 獻 仲尼曰: 「禘自既灌而往者,吾不欲觀 既灌之後,君 廟, 四 禮書》: 司 獻 禮 禘,孟獻子爲之」,則僭竊之失,不 尊彝》職曰: 『吾不欲觀之矣。』」案: 有 薦 九獻,魯亦如之。 「是以君 孰 諸侯但有黄彝,故曰「於諸 于 出 鬱尊用黄目 迎牲 室 在 爲 臣朝廷尊卑貴賤之 春祠夏禴,裸用雞 視殺,而 也。 群 饋 廟矣。 食 《明堂》 ,灌用玉瓚 君 是 薦 凌氏曙 五. 黄 莊 灌 位》: 血 秦之 歸。」 獻 爲 氏 腥 六 述 也。 過初盤 腥前 言此者 獻。 0 順 神、 簡 略。 也。 此 尚

月。

《郊特牲》疏引崔氏云:「周禮之法,宗廟以祼地爲始。」又 祀盛時,及神降薦牲,其禮簡略,不足觀也。 尸,是九獻。 爲歆神始,以腥爲陳饌始。」是血、腥前當有二始,鄭 引熊氏云:「凡大祭並有三始: 卿大夫、士,及餕而禮畢。」然則灌者,祭禮之始,故 矣」。」虞翻、王弼略同。 始。」鄭以灌後即迎牲視殺,而薦 言「獻之屬莫重於裸也」。 「盥而不薦。」馬融注: 、歆神與 獻尸食畢,而 明明 義非是。 降神,故孔子曰「禘自既灌 非 且聖人致敬 昭穆」者,父子之次也。 禘禮。 既 他祭同,未用禘禮,故 灌而 九獻之後,又有加 ○注 鄭 君 往 盡 注本 與夫人咸 往 禮,亦 「禘祫」至「之矣」〇正義 「盤者,進爵灌地以降神 一爲此 案: 非 鄭 斷不 全文,其義 禮 灌後禮文甚繁,不知何故以 此 酳尸,是 也。 祭宗廟以樂爲致神始,以 注 爵其閒,有獻祝宗、 《周 血 因 不數之也。 云:「禘祭之禮、 褅 薦 簡 耐 官 禮 腥 略 往 七 或 爲三獻四 自 而 小 獻 者,吾不欲觀 如 血 遂 宗伯》: 八 莊 祭祀之盛,莫 日 : 《易 云「不 腥 獻 也。 氏 始 所云 序 獻 獻之禮 自 此 賓 《祭統 欲 觀 賓、 則 乢 是祭 以 長 矣。 者 血 之 腥 致 灌 獻

亨」,據《周 禮 》當作「享」。

七六

辨 廟 桃之昭穆。」 昭之言明,穆之言敬。

穆也。 國之神位 稷之子爲昭,孫爲穆 注言此者,欲見禘給之禮,毀廟及群廟主皆合食於 ,傳至文王爲穆,武王爲昭,成王又爲 周 自 后

太祖 親疏遠近也。」「禘,諦祭也。」以序昭穆,當審諦之也。 靈恩說: 廟 故 一禘以審諦昭穆,序列尊卑。」禘者, 有昭穆,當序之也。《説文》:「給,大合祭先祖 諦也,第 故 也。

崔

是其義也。

《公羊文二年傳》:「大袷者何?

合祭也。

其

陰達於淵泉,灌以圭璋,用玉氣也。」注云:「灌謂以圭瓚 審諦昭穆也。 太祖。」此僞孔所本。 合祭奈何? 毁廟之主陳于太祖,未毀廟之主皆升,合食于 《郊特牲》:「周人尚臭,灌用鬯臭,鬱合鬯,臭 袷既合食,知禘亦合食,故祫禘並 一酌 當

則

以

鬯,始 灌。」灌尸即是灌神,故皇疏引鄭氏《尚書傳》注云「灌是獻尸, 乃得獻,乃 獻神也。」又《祭統》: ?祭酒以 灌 地也」是也。 「君執圭瓚 言鬱鬯者、郊特性》云 灌尸,大宗執 璋瓚 亞

上,故曰「亂昭穆」。

記 鬯。』《春官• 鬱合鬯」與下「蕭合黍稷」,皆謂二物。 》:「天子以鬯、諸侯以薰、大夫以蘭芝、士以蕭、庶 卣。」毛傳:「秬,黑黍也。 鬯人》注:「鄭司 鬯,香草也。 農云:『鬯,香草。』。《王 《詩 築煮合而鬱之曰 江漢》: 柜 人以 鬯 度

艾。」是鬯爲香草

也。

毛傳

「合而鬱之」,此

鬱」爲鬱積,不

以

鬱」爲草也。

《春官·

鬱人》:「凡祭祀賓客之裸事,和

篇 : 州也。 農云: 與「鬱」同,當即鬱金。 之華,遠方鬱人所貢芳草,合釀之以降神。 《説文》:「鬯,以髱釀鬱艸,❶芬芳攸服以降神也。」「鬱,芳 停于祭前。 説略同也。 也。」許以「鬯」爲芬芳,即毛、鄭以 鬱鬯以實彝而陳之。」注: 兼備異聞。 暢 「鬯者,以百艸之香鬱金合而釀之,成爲鬯。」均與 『鬱,草名。 爲百香之心。 十葉爲貫,百廿貫築,以煮之爲鬱。 鬱爲草,若蘭。」」二鄭並以鬱爲草,與毛異義 魯逆祀在文二年。兄弟異昭穆,今躋僖 惟 「鬱」爲百草之華,故《春秋繁露 十葉爲貫,百二十貫爲築,以 注義不從,故亦略之,不具釋焉 暢 其解「鬱」二説,前説與先鄭合,後説 「築鬱金煮之, |與「鬯」同。 「鬯」爲香草之義。 又《白虎通 以 一日鬱鬯,百 和 鬱,今鬱林郡 鬯 煮之錐中 酒 執 贄》篇 考 許 鄭 在 黜 司

子謂 也 曰 其 成人言 「答以不知者、爲魯諱。」知其説者之於天下 或問禘之説。 如 示諸斯乎 知禘禮之説者,於天下之事,如 子曰:「不知也。【注】孔 指 其掌。 【注】包曰:「孔 指 示 掌

色」,據《説文》當作「秬」。

0

本。 序爵 知。 作 中 邢 以 其事,爲臣不全。」《中 其義者君也, 義 禘也,發爵賜服,順陽義也。 國其如 而 注《中庸》云: 嘗之義,治國其 上 者,陽之盛也 仲尼燕居》: 一帝也; 也。 疏云: 在 逮賤也; 「示」。 之物、言其易了。」正 古 周 掌 ,所以辨貴賤 以仁昭 而 指 朗傳》: 中,易 故曰禘嘗之義大矣。 「寘」多作「示」。《易・坎》上六「寘于叢棘」,劉 復廣其説於天下,明 《詩·鹿鳴》「示我周行」,鄭箋「示,當作寘」是也 宗廟之禮,所以祀乎其先也。 諸 指 燕毛,所以序齒也。」又曰:「郊社之禮,所以 掌 其掌者,弟子等恐人不知『示 能 , 嘗者, 陰之盛也, 故曰 穆也。]又曰: 「子曰:『郊社之義,所以仁 「示,讀如「寘諸河干」之「寘」。 爲 「昔仲尼有言,治天下若寘諸 (如示諸 而已乎?」又《祭統 其事 知 也 力 者臣 庸》云:「宗廟之禮,所以序昭穆也。 者 序事,所以辨賢也; 掌手 也。」此 也。 義 :: 『明乎郊社之義,嘗禘之禮,治 !!」諸文皆禘説之可 於當也 治國之本也,不可不知也 爲王者之事,非 不明其義, 夫子諱魯僭禘,故答以 文無注, ,出田邑,發秋政,順陰 莫重於禘嘗。 》言四時之祭云: 明乎郊社之禮、 意 君人不全,不能 鬼神也; 諸 旅酬下爲上,所 掌。」此或 亦當同。 魯所 斯」謂 真,置也。 知者。 得 古者於 嘗禘之 指 知 表注 示何 出 禘 也 示 褅 事 宋 明 物 鄭 鄭

> 也。』《釋名・釋形體 物,故著此一句,言是時 指 者爲魯諱」〇正義 ,示也。」謂 人指有所 日 : 「掌、言可以 夫子指 向 孔以諱即逆祀之事 以 告 其掌也。」《爾 人也。 排掌也。」〇注 《説 文》: 雅 掌,掌 釋 「答以不 詁 中

知

三廟, 夫立三祀,日 士即適士,是謂 諸侯之中士、下士名曰 夏、殷雜,不合周制 寢。」大夫廟制與《祭法 廟,日考廟。 王考廟, 曰皇考廟。 祭祀之誠意,是也。 祭同。」正義曰:「 祭神如神在。【注】孔曰:「謂 病,而不自親祭,使攝者爲之,不 吾不與祭,如 二、庶 祭如 人立 昭 在、【注】孔安 族 庶士、庶人無廟。」此周制 穆, (萬, 日 祀,或 士之廟數,殷、周同矣。 與 祭如在」二句,朱子以爲此 是也。 不祭。」【注】包 《祭法》云:「大夫立三廟,曰 太 適士二廟,日 門,曰 立户,或 祖 官師者。 》異者、《鄭志》答趙 之廟 鄭注 行。 國 立竈。」又《王制 而 《王制》「士 曰: 上士二廟。」如鄭所言,上 適士立二祀, 曰門, 曰 = 考 廟 「言事死 致 祭百神。」子曰 曰:「孔子或出 士 也。 · 曰 《祭法》又云:「大 肅敬 王 主 商以 廟。 一廟」,云: 考 其心, 廟。 門人記孔 制》:「大夫 如事生。」 **至** 庶 「大夫祭 考廟, 人祭 官 制 師 **》爲** 行 或 於 \exists 不

庶

語 正 義

七八

又云: 云: 門、行屬地示,厲屬人鬼。 殷制不言有 子 母 之祭也,事 神之義,而引文有脱誤。 之而不專恃。 生,故聖人於鬼神也,畏之而不敢欺也,信之而不獨任, 重祭事。 天命鬼神。 際也,與察也。 大夫,亦止 制 此祭謂大夫有 Ŧī. 必有聞乎其容聲。 (祭法) 中 祀。 前將受命而使之。」〇注「孔子」至「 士立二祀, 庸 「祭之日,人室,僾然必有見乎其位。 (出」者,孔子仕時,如夾谷之會,隨君在外,是或出 <u>*</u> 漢 鄭 「進退必敬,如親聽命,則或使之也。」注云: 注: 孔子曰: 是周禮。 死 有三 事 地 知天命鬼神, 者如 或立 其公報有德也,幸其不私與人福也。」董釋祭 地者 無地之分。 死如事生,事亡如 祭然後能見不見。 祀也。 祀 事 『吾不與祭。 出户而聽,愾然必有聞乎其歎息之聲。」 一祀異 若《曲禮》「大夫祭五祀, 其 謂 生,稱諱如見親,如 《春秋繁露 無 司 ○注 地, 命 然後明祭之意。 也。 此文祭神統言五祀,夫子是無地 又《曲禮》云「士祭其先」,亦與周 也,中雷也 祭三耳。」孔疏 「言事死如事生」〇正義曰: 五祀中司命屬天神,中 祭神如神在。」重祭事如 事存。」《祭法》云: 見不見之見者,然後 祭義》篇:「祭之爲 「祭同」()正義日 ·門 見親之所愛。」又 周 明祭之意,乃 也,行 中鄭 歲 還 徧, 出户,肅 意,以 也, 「如居父 注以 文王 厲 也。 此 霤 孔 也 事 然 能 知 言 爲 及 事

今鄭注 之心無 《祭統》云:「是故君子之祭也,必身親涖之。 事暇可以祭」者,若祭時,至有事不 子曰: 『吾不與祭,如不祭。』」案: 《公羊》以土職卑,有公事 攝祭,與士異 可 故 牢,大夫先與有司於廟門諏丁巳之日。] 賈疏: 注:「士賤 廢祭同也。 不能使人攝祭,則廢祭也。 及此四時祭者,則不敢美其衣服,蓋思念親之至也。 不及兹四者,則冬不裘,夏不葛。」何 大夫有病,故皆得使人攝祭。 不 夫,有事,故使人攝祭,己未致其思念,如 公羊桓 也。 廢祭。 也。 若大夫已上,時至,唯有喪,故不祭。 雖使人也,君不失其義者,君明 由 輯 八年 若有公事及病,使人攝祭。 本 而致,故己有 職 《特牲饋食禮 皆 褻,時 傳》: 也。 據 示 疏列人,但 春日 至 事暇 致 所歉也。 肅敬 祠,夏日 》云:「特牲饋食之禮,不 可 注引《論語》者,謂孔子仕爲 與包此 其 以 則賈以孔子爲大夫,得使 祭,則 心」者,言己未與祭,肅敬 礿,秋 賈 得暇 八引《論 注:「士有公事,不 故 注 筮 文同 日 《論語 其 则 则 其 不祭。 嘗,冬日 語 義 不可 日 或 自 》注 有故則 故 矣。 注 鄭 1餘吉 賈即 然 也。」是 以 云云。」又 無 云『時 不 烝。 私 諏 則 事, 姓 引 與 廢 故 如 日。 使 名 孔 皆 至 少 ± 士

氏

也

鄭云

禮

言

其尊者。 祀之神,皆祭於奥。 賈。」是賈爲周王 子,王者之孫稱 喻君。 也,以 子求昵 王孫爲氏,本爲衛人,非自周出仕與鄭氏異義,非也。 今人表考》引《春秋分記》又以爲康叔子王孫年之後 神。』」正義曰:《御覽》五百廿九引鄭此注云: 世本》、《通志· 衛靈之臣,「王 》釋文: 謂 西 仕於衛也。」案: 「媚,説也。」《周語》「若是乃能媚於神」,韋 也? 喻近 獲罪於天, 「南隅」,亦節引也。 王 之,故 孔子拒 夫竈,老婦之祭。」所見鄭注非全文。《釋文》「奥, 孫 「意向日 臣。 賈 」【注】孔 微 問 王孫,故 孫賈治 氏 者孫也。 之 竈,以喻執 以世俗之言感動之也。」子曰 媚。」《御覽 日 族略 曰: 室西 《白虎通• 無 曰: 軍 》並以爲頃王之後。 所 一如 「南隅謂 《春秋》有 《爾 皇疏以賈爲靈王 與 旅」,是賈 禱 工王 (其媚: 1》引鄭 政。 雅 獲 也。」【注】孔曰:「天 姓名》篇: 罪 孫 之奥也。」又云:「明 釋宮》云: 王子瑕、論語 賈,執政者。 此 仕 於天,無 賈,衛大夫。 於奥,寧媚 注又云: 衛 也。 「王者之子 孫。 梁氏玉 「西南隅謂 三 王 所禱 宗 注同。 媚」者、《説 《廣韵 ~有 孫賈 欲 於竈 : 奥, 廟 繩《古 於 示 下篇 當 則 稱 使 及 \pm 影 衆 以 内 自 之 孔 媚 五. 曲 以 孫 王 記》注: 明文。 室 *: 注 也。

然。

何

周

出

無籩豆俎。」 注:「西壁,堂之西牆下。」按: 在廟門外 席于奥。」孔疏以爲逸中霤禮文,則 令》注亦云:「凡祭,五祀於廟,用特牲, 若祭竈、祭門、祭行皆在廟門外室之奥。 几于筵上,右之。」注云: 在門東南、北上。 及五祀皆祭於奥也。 是宗廟之祭在於奧也。 居,故凡祭亦於奥矣。 爲尊,故《曲禮》云:「爲人子者,居不主奥。」明 奥。』《説文》: 爨」、《論語》或言「竈」、「爨」、「竈」古今語 室中西南隅曰奥。 《周官・ 電,造也。 爨,今之竈。 若此言祭竈, 「舊説云: 東 此謂 南, 亨人》: 「奥,宛也,室之西 魚 宗廟之祭,尸卒食則設此祭以 造創物食也。」日用飲食之竈,其 宗婦祭饎爨,烹者祭饔爨,用 **廪爨在** 腊 主於其竈煮物。」《周官》、《儀禮 不見户 則 職外 Ŧi. 爨 《少牢饋 在 在 祀者、户、中雷、 其 「布陳神位 雍爨之北。」又《特牲》云: 廟 其 五祀,若祭户、祭中 明,所· 内饔之爨亨煮,辨膳羞之物。 門外 南 牲爨、 食禮》: 南隅。」《釋名 皆 也。 在秘 此注所云亦逸中霤 也,席 魚腊爨即 西 《少牢禮》云: 面 司 奥也。」凡室制以 有主 竈、門、行 故鄭注以爲宗 東面近南爲右。 宫筵于奥、祝設 饎 《釋名 有尸,皆先 雍爨。 爨 奥爲尊者 報功也。 雷 黍肉 在 亦於此 也。 宫室》: 地 西 《特牲 而已 》皆言 壁。」 牲 雍 釋 經 禮 **《**月 饎 爨 爨 無 宫 説 設 廟 所 奥

之前 也。 也。 即 爨祭於西堂下,饗爨之祭在廟門外,不言廪爨之祭,疑廪 非 也。 廟門外西室之奧。云「東面設主于竈陘」者,謂設主於東 之,更陳 設盛於俎南,亦祭黍三,祭肺心肝各一,祭醴三,亦既 奥,東面設主於竈陘。 之。」如鄭所説 祭饎爨、饔爨也。 云: 燔柴于奥。」夫奥者,老婦之祭也。 在 謂 南」者、盛謂黍稷盛之於簋。 『祀竈之禮』以下,皆逸中霤禮文。 月令》:「孟夏之月,其祭竈。」注: 饎 葅 初 其 「「奥」當爲「爨」,字之誤也,或作「竈」。 33, 竈陘 其於奧者,乃夏祭之禮,即此所云「媚奧」、「媚竈」也 藍之東,其黍稷等設於俎南。 設廟門 義 盆、 爨之别設者也。《禮器》:「孔子曰: 也。 瓶, 東 鼎 謂竈邊、承祭之物以土爲之。● 云『又設盛於 俎, 西 室奥之筵,准 云「既祭徹之、更陳鼎 炊器也。 向 ,是因祀 設 時 饌 執 於 人以爲祭火神,乃燔柴。 俎 明此 筵 乃制肺及心肝爲俎,奠於主西。 廟 者以 前, 《特牲》、《少牢》,鼎當陳於廟門 耐 祭先炊,非祭火神,燔柴似 祭爨,其祭即 皇氏以爲此祭老婦,盛於 俎 迎 尸 就 俎 , 如 鼎 「祀竈之禮,先席於門之 云「先席于門之奥」,謂 此惟三「祭黍」,❸或無 設饌 盛于盆 或 祀户之禮。」孔 肉 「臧文仲安知禮 於筵前 在爨室,不於奥 人 禮,尸 設 尊于 老婦,先炊 於筵 」者,筵; 卒 瓶 前 祭 食 疏: 盆 又 室 前 俎 面 徹 失 者 注 暴 而 0

> 子 ·• 者。 者,《 皆自用所定之本。 周 自。 且疑夫子盡禮亦是媚,故問夫子當明媚道也。 之,或無益也。 爲福也。 奥、竈本一 器》之文。 義》云: 與 稷 故曰「不然」也。 南,故設主向西。 盆瓶之祭不同。 出 也。」案: 禮記·大傳》注: 雖夏祭與盆瓶之祭不同,而竈神無異,故此注亦引《禮 仕 言罪人蹙鼻苦辛之憂。 經上》「皋,犯 衛, 「臧文仲燔柴於竈。」此注亦云:「夫竈,老婦之祭。」 奥則迎尸祭之。 神,時人以竈設主。 其下必有辨别之語,今已脱佚,無由 必有 疏 所 賈仕衛,有媚於衛君,故引人言以自 獲 云 《廣雅·釋詁》:「獲,得 《論語》「祭奧」、「祭竈」連文,指夏祭言 罪 鄭《駁異義》以竈神是老婦,老婦即 西西 禁也。」《説文》: 鄭 周 注《禮器》破「奥」爲「竈」、《駁 然, 室 王 即 尸 者。 如是也。」其言不是 秦以辠似皇字,改爲罪。」 門 者,人所象似,非 主者,神之所棲,親媚之,易 外西 臣 以 皋, 堂之室。 君 爲天故 也。」此常訓。 犯 法 也。 竈 假 神所憑,媚 則深斥之 詳 云「不然 在 天言之。 其 從 五. 廟 解 説 先炊 門東 賈 辛 經 矣。 説 從 異

祭」, 據 孔 疏原文當作 :「器」。

⁸ 0 0 三」,據孔疏原文當作「云」。 或」, 據 孔 疏原文當作

注引鄭 也。 雅 天喻君,言人有妄求於君,即是得罪。 臣 衛 故爲内 者,百神之大君 禱」,是禱亦祭名。 禱 卿可得 故云 ○注 者、《説文》云「告 釋詁》:「天,君也。」《左宣四 也 注 黿 (尚書) 故 奥内」至 内 喻 意孔子 喻近 也。 執 》云「奥,内也」,與 政」。 《繁露·郊祭》篇引此文,❶説之云:「 臣,當謂彌子瑕之類。 執政」〇正 事天不備: 或媚之也。 事 \bigcirc 求 注 福 「天以喻君」〇 也。 雖 義 年傳》: 奥居内 此注合。 百神猶 티 : 《周 《 文 選 • 官 無益 則 君,天也。」孔以 妄謂孔子主 奥在 竈 正義日 大祝》五 也。」是其 居外 赭 室西 白 馬 指外 南 爾爾 我 隅 賦 天 義 \Box

也。 孔子美之日 具。 即 章 代,當從之。」正義曰: 從周。』【注】孔曰: ·也。」《汗簡 民之心,稍稍制作,至太平而大備。 二代 事爲之制 禮樂志》:「王者必因前王之禮,順 子 曰:「周監於二代,郁 」謂夏、 「郁郁」 》謂《古論 ,曲爲之防,故稱『《禮經》三百,威儀三千』。 殷。 乎 文哉 郁 「監,視 語 《説文》:「代,更也。」言世相 郁」,文章貌。 郁」作 吾 從周。」案: 也。 戫, 郁 言 周監於二代,禮文尤 時 《説文》「鹹 周文章備 乎文哉 施宜,有所損 即 「鹹」省。 《禮·三本 於二 有 更 益 吾 變 漢 文

> 之後。 禮言。 何適矣!」」是言魯能 吾從周。」今亦指魯。 策」。方策者,魯所藏也。《中庸》云:「吾學周禮,今用之, 子謂周 分器有備物典册。 凡禮成於文,終於隆,故至備 周 「監、視」、《爾雅 《禮運》:「孔子曰:『吾觀周 禮盡 周公成文、武之德、制禮作樂。 承二代,有至備之文,故夫子美其文盛也。」 在魯。 典册即 又孔子對哀公言「文、武之道,布在 夫子此言「吾從周」,是據魯所存之周 釋詁 存周 《周禮》,是爲周所 禮也。 文。 情文俱 道、幽、 説文》: 0 注 祝鮀言伯禽封 監 盡 厲傷之,吾 監 賜也。 視 其 也〇 臨 次 魯, 故韓 情 下 魯, Ē 周 也。 舍魯 文迭 宣 其 義 方

曰 :

艦

,視也。」義微别,今通用

監

93

興。

 \vec{z}

伯 異。 門外之左右。 義曰:《考工記》: 子仕魯,魯祭周公而助祭也。」注 陳 「掌建國之神 子入太廟,望【注】包曰:「大廟, 氏矣《毛詩 劉向 疏 位,右社稷,左宗廟。」 「左祖 别 謂 録 爲 》謂 右社。」注:「祖、宗廟。」《小 殷 社稷宗廟 禮, 是 也。 「大廟」至「祭也」() 在 《王制》:「天子七 注 路寢西,與 궁 : 周 「庫 公廟。 門 周 内 官 雉 宗 孔 Œ

0

0

祭」,據 春秋繁露 》當作

太」, 據注文及下經文當作「大」。

謂: 祭也。 二十一爲乘田吏。 \overline{Z} 迭毁。」 廟,三 也。 材。 廟 屋 于宋,納于大廟」,臧哀伯 嚮,崇坫康圭,疏屏,天子之廟飾 何以稱大廟于魯? 十三年傳 大祖之廟而五。」鄭注以爲 魯之大廟,猶周明堂中之清廟也。 明堂位》: 禮,王者始受命 也。 行之。」言「孔子仕魯 「大夫冕而祭於公,士弁而祭於公。」是大夫、士皆助 羊人,凡祭祀,飾 乘田吏若牛人,凡祭祀共其牛牲之互, | 颗人之子,乃孔子少賤時之稱。 每 昭 朱子《集注》以 一周公是魯始封,爲魯大祖 魯,侯國,不得别立明堂,其一 事 三穆,與 「大廟,天子明堂,山 問。 「周公稱大廟,魯公稱 大祖 ,諸侯始封之君,皆爲太祖。 委吏若《周官》委人,共祭祀之薪蒸木 或 封魯公以爲周公也。」《穀梁傳》略 二之廟 羔,割羊牲, 此助祭在始仕時。 曰 : 」者,明 即 周 而 以 孰 制。 七。 清廟茅屋爲説 孔 節藻棁,復廟重檐 ,故廟曰太廟也。 子得 也。」阮氏 謂 《漢書 登其首。」皆有職於大廟 諸 世 故《左氏傳》『取郜大鼎 侯 孔子年二十爲委吏, 鄹人之子 室,群 切非常典禮,皆於大 入大廟 Ŧī. 閻氏若璩《釋 廟,二 韋玄成傳 與 元《明堂 公稱宫。 其 明堂以 以下 也。 昭 盆 《公羊文 刮楹 《雜記 五廟 簝以 知 論 穆 茅 周 地 同。 禮 待 君 蓋 達 公 與 而 0

> 縣東 是也。 注: 易、《論語》作 記 所治邑」○正義曰:《説文》云:「郰,魯下邑。 閻氏若璩《釋 示審 也。」 云: 者, 乎 ? 正祭,雍雍 祭器之事。」不 叔 曰 : 梁紇所治邑。 | 魯祭太廟用四代禮樂,多不經見,故夫子每事問之,以 不當復問。」子聞之,曰: 南莝 慎。 每,非 世家》: 漷 雖 莊氏述祖 水又逕 人大廟,每 **《論衡•** 知 城。」莝 肅肅 之,當 「孔子生魯昌平鄉陬邑。」「陬 一定之辭 地 「鄹」,當是或體。 知 魯國鄒 ,無容得每 影 《别記 城在 魯 知實 時人多言孔子 顧 僭 復問,慎之至 瑞屏 禮在 今曲阜,與 事問。」【注】孔 Ш 也。」「事, 》謂:「魯祭非禮,夫子此問即 》篇解此文云「不知故問 而 事問 説 西 群 南 公廟,不 杜注《 也。」〇注 流、《春秋 每 謂 鄒縣界。 事問 「是禮 犧 知禮,或人以 也。 《左傳》云: 牲 在 曰 服 正 當 太廟,莊 傳》所 聚孔子父叔梁 《水經 : |與「郰」偏旁互 器 在 義 也。」【注】孔 孔子鄉。」《史 及 鄹 宿齊時。 曰:《三 ,爲人法 謂 郰 禮 孔 氏 嶧 爲 邑在 儀 泗水 誤 Ш 子父 諸 知 蒼 也 也 若 禮

● 「玄」,原作「元」,避清帝玄燁詩,今回改。下同,不再

肅也。 説也。 人,故爲慎也。《繁露·郊事對》義正如此 子不知故問,然云「每事」,容亦有所已知者,今猶復問於 不足信。」段氏此辨甚是,然其誤自《潛夫》已然,亦非始王 文,始見王肅私定《家語》,孔氏《論語》注 引《左傳》「新築人仲叔于奚」證之,是也。 鄹大夫,故曰鄹叔紇。]是「鄹人」爲鄹大夫,漢人相傳 與孔此注同。 之,以出門者。」杜注:「紇,郰邑大夫,仲尼父叔梁紇也。」 言「魯縣,古邾國」,不爲孔子鄉,則鄒、郰地異,文亦異矣。 以鄒爲即叔梁紇邑。實則《説文》郰是孔子鄉,而「鄒」下但 疏引《論語 邾文公之所遷,叔梁紇之邑也,孔子生於此。』《左》昭 左襄十年傳》:「偪陽人啟門,諸侯之士門焉。 「謂郰人是舉所居之地,非爲所治邑。「鄹大夫」之 《左傳》孔疏云:「古稱邑大夫,多以邑冠人。」邢疏 ○注「雖知之當復問慎之至也」○正義曰: 》作「鄒人」,此由「鄒」、「郰」聲近,地又相接,故 《潛夫論・志氏姓》云:「伯夏生叔梁紇,爲 乃肅輩僞託者,似 段氏玉裁 郰人紇抉 注以夫 総説 九年 有 文 此

皮,能 中 子曰:「射不主皮、【注】馬曰:「射 曰 質; 和、志體 四 日 和 和,二日和容,①有容儀, 頌, 合《雅》、《頌》; 五日興武,與 有 三日 五善 主

> 也。 Ē 舞 設鵠之侯爲一,明設正鵠於一 仲師《射人》注釋三侯爲虎熊豹,二侯爲熊豹,與司裘職所 侯則共熊侯、豹侯。 則畫布爲獸形以爲正,皆不用 鵠」者也。 賓射則用采侯,畫布爲五采以爲正。 取獸革者謂之皮。」舊説禮惟大射有皮,所 中皮爲善,亦兼取和容 儀》:「公射大侯,大夫射參,士射干。」三經皆謂大射之侯 人》:「王以六耦射三侯五正,諸侯以 是。《司裘》:「王大射,則共虎侯、熊侯、豹侯,設其鵠。 諸侯亦棲皮爲鵠、大夫、士則畫布爲鵠。 大夫以三耦射一侯二正,士以 未有不設鵠者。 云:「梓人爲侯,廣與崇方,三分其廣而鵠居一焉。 同。 天子五重,諸侯三重,大夫、士再重。 司裘職主設鵠,故不言正。士卑,又不掌設其鵠,故鄭 天子三侯,以熊虎豹 大射之侯,棲皮爲鵠,鵠 卿 大夫則共 也。」正義曰:《説文》:「皮,剥 侯矣。 皮也。 皮爲之。 三耦射 、麋侯。 賈景伯《周禮》注云 四耦射二侯三正,卿 金氏榜《禮箋》辨 豻侯二正。』《大射 大射、燕射異同 外以采畫之,謂之 皆設 燕射之侯,天子 謂「皮侯、棲皮爲 言射 其鵠。』《射 燕射、鄉 者 不 凡侯, 但 諸 以 如

「和容」,孫校於「和」字加紅框,似表示此字衍。

0

禮射。 射 在鵠 義也。 貫不釋」, 記》所言 之禮,以親故舊朋友,張獸侯,與 鄉射之禮,所以習射上功,當張麋侯二正,與大射同。 之侯,尊卑皆張一侯。 明之,與《梓人》「三分其廣而鵠居一」數合。 記 爲貫穿也。 引賈景伯 諸侯麋侯、赤質。 言大夫、士布侯用 一四尺 **》**言: 也。 侯,審矣。 内,惟 《齊·猗嗟》詩: 凡畫者丹質。」熊麋虎豹鹿豕之侯,咸取名於鵠 能及侯, 日 凡禮射主皮,但主於中,不尚貫革,故《鄉 據鵠言之爲皮侯,據正言之爲采侯。」又云:「燕射 「武王克殷,貫革之射息。」此軍 IE. 注 熊侯」、「麋侯」云云、皆指燕禮、故 鄭 以 正在鵠内,故 「不貫不釋」爲主皮。 注: 正 「射有」 正 詩 則不中 Ŧi. 在 「貫 重 鵠外, 畫 大夫布侯, 畫以虎豹。 至 賓筵》疏引 · 鵠居 猶 ,則熊侯麋侯,棲皮爲鵠,對文見異矣。 「終日射侯,不出正兮。」 容也」〇正 皮, 《鄉射記》:「凡侯,天子熊侯, 中 非 《詩》以射不出正誇爲技蓺,則 -也。」明 其 而 也。 内 比 而 天子 於禮樂, 周 方二尺。」蓋 中 若不主皮者,則以人 燕射同 義 禮 諸 日 》鄭衆、馬 即 侯無 是貫 射貫穿,不可 亦 馬 歟?」案: 士布侯,畫 必 此注 鄉 金氏 假 此禮家相 取 非 射禮,《 則正侯同 侯中 融 之也。 據鄉射 射禮 引以 注皆 如 賈 金説 ,白質。 六 賓射 記 以 力或 鄉 以鹿 傳古 || 不 證 謂 金氏 疏 《樂 尺 言。 説 以 燕 射 爲 甚 正

釋」,既 外也。 之禮 前既 語 司 至主皮之射,説者尤爲聚訟。 注: [一日 杜子春讀「和容」爲「和頌」,謂 貌。」鄭康成曰:「和載六德,容包六行。」説「四曰和容」者 二曰容,三曰主皮,四 善」,謂五物爲善也。 此見《周官・郷大夫》之職。 以鄉射之禮五物詢衆庶、詢其稍能習者,以備後次之賓興 鄉 五曰興舞」者,即鄉射禮之以樂節射也。 皮」者,即鄉 未釋獲,但取其容體比於禮也,是爲第一次射。 雅 '射命曰「不中不釋」,蓋取其中也,故謂之主皮。 射 》注以主皮爲能中質,是也。 曰和二曰容」者,鄭司農曰: 》、《頌》。」 者,行 五物詢衆庶」,則五者固在鄉射禮之中,不在 云「和」、「容」,後復曰「和容」,人多不得其解。 蓋二 取其容體比禮、又取其節比 和,志體和。 射於鄉,所以 射 曰和二曰容]者 此皆因經文「和 禮之三 耦, 凌氏廷堪《鄉射五 曰 賓興賢 和 二曰容,有容儀。 及賓、 容, 五日 即 容」前 考《周官 五物者, 能。 是爲第二次射 能爲樂也。 「和謂閨門之内行,容謂容 主人、大 鄉射禮之三耦 於 興 後再 至射之明 樂 舞, 》明云「退 五事 也。 司 物考》: 見,故 夫、衆耦 此 射命 又 四 也。 比 五物之序 日,鄉大夫復 馬 射 日 於禮 四四 口「不鼓 彊 鄉 而以 融 也。 三日 馬 和 馬 皆 生 射禮 昔之説 日 論 云「五 容,合 氏《論 射 異 日 故謂 鄉 獲 和 和 語 也 射 而

曰 : 其節

引射

不主皮,

古之道 然則 射者 聽?

也。」

案:

賢者乎?』以樂節

即即

禮

射 耐

也。

比於樂也。

対別

應節

子 能 耳。

Ď:

「射者何以

循聲

· 中

謂三射也。

射

也。

又云「復,釋獲」,謂

也。

,更有此射者,此殊不然。

禮

經釋例》云:

射記》云「主皮之射」者,勝者又射,不勝者降, 意,故孔子歎之,以爲古禮仍有不主皮之射也。 則主皮,爲第二次射,不貫不釋可知矣。 射必三次者、《大射儀》注云:「君子之於事,始取 凡經所未言見於記者甚多,不獨主皮之射 課有功,終用成法,教化之漸也。」射用應節爲 比於樂,不待中爲雋也。」蓋古經師 射皆三次,不獨鄉射,即大射亦然,但節文小異 「案:《鄉射記》「始射,獲而未釋獲」,謂 再射也。 鄭注: 「不主皮者,貴其容體 不主皮爲第三次射,不鼓不釋, 《鄉射記》所云即指第二次射 於樂,故謂之興舞,取 爲上,中 發,發而不失正 於禮,節比於樂,不復措 凌説是 容 所 又云「復、用樂行之」, 也。 謂 侯次之,故 其容 時至春秋之末,鄉 也。 是爲第三次 1體比 相傳之解,指 則 竊以 或者謂 鵠者,其 似鄉射 節也。」又 於禮 射皆 其應鼓 論 難,孔 射 語 鄉鄉 也 唯 苟 初 之 比 器》:「詔侑武方。」注云:「「武」,當爲「舞」,聲之誤也。」 質四寸,居於正之内,是也。 即《鄉射記》所云「白質」、「赤質」、「丹質」也。 云二 禮射爲大射、賓射、燕射,不數鄉射,此 次 豹 也。 無 用 彼注以 者、《左氏春秋》「以蔡侯獻舞歸」、《穀梁》作 其所據《周禮》之義,亦可 者,此與杜子春讀同,以 而弓矢至焉。」質、的二名 禮 字當衍。 氏此注五物之詢 語 發彼有的。」毛傳: 鄉 也。 皮爲侯 ,與鄭異也。 》「射不主皮」當兼凡禮 ,則實射、 不及諸侯以下者,文見《司裘》,可 射 曰和,志體 ,此假天子大射之侯言之,明 「武」爲聲誤,馬 云「三曰主皮、能中質也」者、質謂侯中受矢之處 「志體」言 ,則鄭彼 燕射 云「天子有三侯,以熊虎豹皮爲之」者,天子 爲鄉大夫,且 亦當同,惜無文以明之。 和;二日 注 其體,「容儀 「的,質也。」《荀子·勸學篇》: 謂 以 此注以「武」與 「和」爲合,「容」爲頌 虎熊 射。 通 和容, 物。 也。 云 而凌 豹麋之皮 舉 云五五 四 」言其 有 鄉 鄭衆、馬融注《周 容儀 曰 射 氏專指 此 和 明 容 舞」同 三旦興 推 其 「主皮」亦棲 飾 諸 頌,合《雅》、《頌 者,「和 鄭 疏 耐 所謂 禮射 其 鄉 也。 「獻武」。 武,與 知 也。 注

之和

容、蓋

如

耦

射

也。

比

節也。

故

前

已言和 前

容,此

復

言

和

鄉射記》『禮射不主皮』。

射

者,正據

馬 論 鄉

射

記

议

若

然,《

得

通之也

於禮

其節

第三次射

而言,深得經意。

射但

以

不貫不釋爲重,而容體比

側

者、蓋

未

然 虎

也

以 皮爲

熊

則以二字

通

禮

並

以

「質的

張

此 舞

馬

自 也

用

同

又《禮

《實筵詩

容體

比

容」,「和

道也。 任也者家二人。」注云:「可任,謂丁彊任力役之事也。」是 科」〇正義曰:云「爲力、力役之事」者,爲猶效也,言效此 是也。 也。 之故,則主皮之射爲尚力。 時、徵發頻仍,興築無已,不復循三科之制,故孔子思古之 則公旬用一日焉。」亦以年分三科,皆此注義所具也。春秋 上下。豐年則公旬用三日焉,中年則公旬用二日焉,無年 上地、中地、下地有三科。又《均人》云:「凡均力役,❶以歲 家三人, 中地家六人,可任也者二家五人, 下地家五人,可 也。科,品也。」《周官・小司徒》:「上地家七人,可任也者 有上中下,設三科焉,故曰不同科。」注「爲力」至「同 科,古之道也。」【注】馬曰:「爲力,力役之事。亦 頌」、「興武」,於義未備,當用凌説補之也。爲力不同 三科焉」者、《説文》:「科,程也。」《廣雅・釋言》:「科,條 力役之事,即孟子所云「力役之征」也。云「亦有上中下設 若鄭注鄉大夫「五物」,以主皮爲張皮射之無侯,益 云「亦兼取和容」者,即一曰和,二曰容。不及「和 劉敞《七經小傳》不從此注,謂不主皮者,以力不同 其説亦通 非

定遠方燕昭 校刊

役」,據《周禮·均人》當作「政」。

0

正義卷四

寶應 劉 寶楠 學

《白虎 幽 反本。天下有道,則不失紀序,無道,則正朔不行於諸侯。 時,周 爲朔,殷以雞鳴爲朔,周以夜半爲朔。」謂夏用寅時,殷 朔。」《説文》: 天子,正朔不行,則天子不復告也。 自文公始不視朔,子貢見其禮廢,故欲去其羊。」子 日 曰:「羊存,猶 曰 **餼** 厲之後,周室微,陪臣執政,史不記時,君不告朔。」君謂 用子時也。 統焉。」《四時》篇:「朔之言蘇也,明 通•三正》篇: 子貢欲去告朔之餼羊。 賜也 禮,人君每月告朔於廟,有祭謂之朝享。 「朔,月 以 《史記‧歷書》:「三王之正若循環,窮 識 爾愛其羊,我愛其禮。」【注】包 其禮;羊亡,禮遂廢。」正義 「朔者,蘇也,革也。 日始蘇 也。」《書大傳》: 《漢書·五行志》: 【注】鄭曰:「 言萬物革 消更生,故言 夏以 牲 用 平旦 更於 <u>∃</u> 一周 魯 生 則 丑.

> 言之。 常事,又所至非 布教,司馬布政,司寇布刑之屬,皆常事 之屬,大使卿,小使大夫。 曰饔餼,曰稍餼,曰餼牢,曰餼獻,曰餼牽。天子之於諸 給賓客,或以牲牢,或以禾米,生致之皆曰餼。《説文》: 非諸侯所以禮於先君也。 道而敬行之,以示威於天下也。」又數夏桀、商紂之惡曰 布天下諸侯。』《孔子三朝記》曰:『天子告朔於諸侯,率天 國。』 先鄭司農云: 史》: 『正 能班朔。」」班朔即告朔。 衰,天子不班朔。」《律歷志》:「劉歆曰:「周道既衰,天子不 有行禮,有告事。 上告下爲文,不以下告上爲義。 又《十六年傳》曰:「天子告朔于諸侯。」然則告朔云者,以 『不告朔於諸侯。』《穀梁文六年傳》曰:『天子不以告朔。』 「氣,饋客芻米也。 先叔 歲 年以序事,頒之于官府及都 丹徒君《駢枝》曰:「『告』讀 行禮於諸侯,若頫問、 從米气聲。」或作「餼」。 國,故不使卿大夫而使微者,行之以傳 「頒,讀爲班。 《史記》言「幽、厲之後」,是統東遷 餼之爲言乞也,謂乞與也。凡供 告事於諸侯,若冢宰布治 天子所以爲政於天下,而 班,布也。 也。 ❶賀慶、脈膰、賵 如字。 鄙,頒 其見於經傳者 以十二月朔告 以其爲歲終之 《周 告 朔 禮 司 于 太 徒 邦 襘 侯

頗」,孫校爲「覜」。

0

語

正義卷四

八七

八八

也。 未失禮 謂「百縣」與「諸侯」互文。 説: 遽,達 不 何爲不言朔也? 也。」《穀梁傳》: 諸 之京師,受十二月之正。」此臆測,於經傳 能 謂 終也。」其説良是。 下「分命」、「申命」,則所謂 有 以 畢達。 月,猶朝于廟。」不告月,王朝之禮失也, 達,故以季秋行之。 司 侯謂之告朔,又謂之告月。《春秋》文公六年: 以 「《月令》季秋「合諸侯,制百縣,爲來歲受朔日」。 '循例供羊,至於定、哀之閒猶秩之。」謹案: 牢,或以特羊 天子不以告朔,而喪事不數也。」二傳意以天子閏月本 天無是月也,閏月矣。 十二月朔布告天下諸侯」,不知天下諸侯斷非 堯典》曰: 之以 也。 於義非也。❶ 左氏則以閏月不告朔爲非禮。 旌 《公羊傳》:「不告月者,不告朔也。 節 然後 「不告月者何也? 「敬授民時。」授時即頒官府 閏月者 · 而已。 《周官·太史》不言頒告朔在何時, 能 非如鄭説、秦以建亥爲歲首、於是歲 許氏《五經異義》: 周 幽 ,附月之餘日也,積分而成於月者 四方諸侯極於天下,必三月 且 「頒告朔於邦國 三王以 何以謂之天無是月? 速 焉。 後,不 不告朔也。 諸 告朔於諸 侯以 無徵。 左氏義長。 猶朝于 「諸侯歲遣 也。 其命數禮 都鄙 此説最 不告朔, 侯,而 天子頒 曷爲不 宋氏 之制 廟, 「閏月 非常 之 月所 蓋 魯之 鄭 翔 **先鄭** 魯之 大 而 確。 則 月 告 不 告 臣 後 注 鳳 其 或

> 朔 《左僖五年傳》「春王正月辛亥朔,日南至。 未言常月不告月也。 以後,天子不告朔」,此稍 行,而魯之有司猶供餼羊,故子貢欲去之。 故魯視朔之禮尚未廢。 是公在國時必朝正矣。 九年傳》「釋不朝正于廟」是也。 云「猶朝於廟」是也。 朔於明堂,諸侯則於廟耳。 堂。天子稱天而治,亦有聽朔之禮,與諸侯同。 於南門之外,諸侯皮弁聽 又謂之聽朔。 觀臺以望」,又《文十六年傳》「夏五月,公四 傳皆然, 告 則諸 者、將安所視耶? 無異義 侯 或不 《玉藻》: 也。 知有 諸侯視天子所頒 閏 十六年始書「四不視朔」,則明謂天子 其歲首行之,謂之朝 《春秋 也。 「天子玄端而朝日 朝 至定、哀之時,天子益微弱,告朔不 未審。 朔於大廟。」 正 於廟故又謂之朝廟、《春秋》所 至 即 》言文公六年 以 視朔。 襄公以在楚不得朝正,則 告朔爲 若然,則 者而行之,謂之視朔 當時 鄭 天子告於諸侯,三 注以 《駢 閏 東門之外,聽 春 正。《左襄二十 公既視朔,遂登 不視朔」,是 天子猶 秋 月不 枝 南門 特天子 》所 》謂 頒告 告月」 書 爲 幽 也 視 朔 Ŧ 聽 明 朔

0 誤駁。 之朔政布告天下, 先鄭」至「非也」,孫校: 非謂今年十二月布次年之朔 「先鄭説本謂 以 每年十 有二月

殷後,當 過爲魯別爲歷,非也。 所 言魯歷失閏,又言司歷過,是天子無頒朔事。 憭。 告朔于邦國,載在太史,而以 記 説 餼 文公猶朝於廟,其後朝廟未廢,當即殺牲以祭,何以仍名爲 朝廟、論 是受之天子,餼羊之禮,將安所施? 翔鳳《發微》本之,反以《駢枝》所言爲非。 按何君先引《禮》,至「比 天子命,君北面 月朔政于天子,藏于太祖 告月,而文公不視之也。 女」,皇本作 《舜典》所以言天子巡守,有 頒每月之朔,簡册繁重,容有錯亂,魯歷之過正緣於此。 》、《穀梁傳》之明文,而欲求之《左傳》所 ,而子貢且欲去之耶? 》亦引《駢枝》辨之,謂《左傳》天子無頒朔 〉當是《逸禮》,未嘗言告朔,何 又謂諸侯皆自爲歷,故晉用夏正,宋 用 語》統朝廟於告朔,以大告朔之禮」,則《春秋》言 殷 汝」。 正 而受之。 以 0 此 注 至晉用周 致 時」云云,似何君引申之義。 比時 何休《公羊》注: 廟。 難, 禮 其亦未達於理矣。 協時 人」至「其羊」〇正義曰: 「頒告朔 均 使 每月朔朝廟,使大夫南面 未 正,見《蟋蟀》之詩。 月、正日之事。 有司先告朔,謹之至 君直以己 當 宋君因 一非即 矣。 禮 用殷 唐 未言,過矣。 然君北面受朔 〕意補 告朔」,義更不 謂 石 ,諸侯受十二 事,舍《大 正。 案: 金氏鶚《禮 經 今以司 「以羊 人。 爾 諸侯受 《左氏》 祭 宋氏 宋 所 也。 鄭 頒 戴 此 作 爲 歷 是 引 奉

享

敬 ? 朔禮 《公羊》皆云祖 於經 是牲 四。 廢。 也。 太廟。 注 : 注非全文。 子,無爲用祭。 於廟,有祭謂之朝享也。 也」者,此鄭君以意説禮,非《禮》本文有如 朔,不必廢祭。 餼 紅無徵。 生日 鄭氏以視 云 子貢見其禮廢,故欲去其羊也。」❶考鄭此注,其 略,故用特牛。 其誤 《玉藻》: 性生曰餼」者、《聘禮》主國使卿 ,生也。」《春秋傳》: [餼也。 臧、宋輯本云:「牲生 且諸 也。 開即 朔爲告朔。 若告朔後有祭廟之禮,此直是 侯受朔政,行禮於天子,何得以 然餼是供 「諸侯聽朔 굸 至朝享,見《周禮 謂 魯自文公始不視朔,視朔之禮 禮, 太 祖 諸侯用羊,天子用牛與? 人君 給賓客,若己 即 廟。 於太廟。」鄭注 「餼臧石牛。」服虔亦云「牲 如 每 其 《穀梁傳》注以爲禰 月告朔 日 説,告朔 餼。 司尊 於 國宗廟 禮,人君 歸 秀 参 廟, 《周 亦是 饔餼五 職。 此也。 禮 祭 有 牲 行禮 一》、何 廟。 祭謂之朝 每 鄭 生羊爲 生 牢」, 己 以 月 廟, 廟 稱 誤 駁 生。 於 後 告 魯 其 者 餼 Ŧī. 天 非 有 遂 朔

明 此 臧 最審。」 凑集屬之於享下,殊誤。 ,以其告朔 宋」至「羊也」,孫校: 禮 略二句, 一諸 乃孔申鄭 朝 侯用羊云 享 用 義, 太宰、《玉 云乃指 宋于庭輯 一藻》説 告朔 本

0

告

通考》: 於四 乎? 供 諸侯禮,故疑天子當用牛,非有他證。 子明堂之禮。 告朔禮 省 廟。 鄭 享每月行之,又不得謂 踐 享,乃去禘祫不數,而以請禱、告朔足之,已自不倫。 所言天子月祭,從祖 經 牽合爲 補 祭乃薦新之祭,與告朔 是 凡聽朔,必以特牲告其帝及神,配以文王、武王。」此言天 文。 待賓客之用 此注爲然也。 《用兩大尊,再獻用兩山尊,其禮甚大,非朝廟可知。 遺 也。 異 若常月行之,亦可 時,各有攸當,何可混三者而一之耶?」金氏鶚《禮説 義 》亦謂: 聽朔 》謂 此專行之太祖廟,與 略,故用特牛」者,此無文,亦以意説之。 「祠、禴、 則月祭宗廟之禮 在明堂,月祭則在五廟。 其誤二也。 天子諸 朝 然其所云「天子用牛」者,止以《論語》餼羊是 非 烝、 廟 愚謂朝廟即視朔。 視朔所需。 嘗、 侯告朔 禮之小者。 廟下 云朝朔于廟。 四時之閒祀。」是秦氏、金氏皆 云「諸侯用羊,天子用牛與? 朝 追享、朝享,所謂 至考廟; 禮訖,然後祭於宗廟」, 廟 與朝廟 朝享截然不同,不知鄭君 何與? 其誤 而朝享裸用虎彝、蜼 不同。 諸 歲首行之,則爲朝正 朝廟行於每月,朝 侯月祭,自 今言朝廟不言朔者, 也。 與朝享祫祭又何與 究之《論 六享也。 云 秦氏蕙田《五禮 「魯自文公始 語 《玉藻》注 皇考 則《祭法 》餼羊,是 宗 彝,朝 況月 以其 |不以 且朝 享間 以下 何 廟 以 于 六

已後 月耳。 爾。 甲,用田賦,皆謹而書之。 廢,則必有分矣。 廢。 朝正于廟」觀之,可知襄公時天子告朔,諸侯視朔,其禮尚 案:二説皆足正《公羊》及鄭注之誤。 斷,書於前而諱於後,存其少而没其多,何以爲信史乎?」謹 數之,其爲不視朔者二十有六,而《春秋》横以己意爲之限 出 而況其廢乎? 朔也。」《論語駢枝》云:「夫謂文公始不視朔者,據《十六年 朔也。」果爾,則經不應有「四」字。 經有「四」字,必非遂不視 《文公十六年》: 「夏五月,公四不視朔。」不視者,二月至五 不 不視朔,可乎? 「夏五月、公四不視朔」之文言之也。 始 於《公羊》,彼欲遷就其大惡諱、小惡書之例,因 視朔,視朔之禮已後遂廢」者,萬氏斯大《學春秋 |本作「四」,見《公羊》文十六年疏所 遂廢」,則鄭固謂文公始不視朔也 鄭氏誤依《公羊》,不 如其説,自十六年二月公有疾,至十八年公薨,並 六月以後復如初矣。《公羊》云:「自是,公無疾不視 變古易常、《春秋》之所謹 四不視朔,曠也,始不視朔 曠四月不視朔,猶必詳其月數 始不視朔,豈得不書? 知 辨 Æ 其 夫四不視朔,而謂之始 以《左》襄二十九年「不 誤 引 四 也。 也。 然云「視朔之禮 廢 初 也。 又 税畝,作丘 而具書之 虚 鄭 案: 隨 造此 君此 曠之與 筆》: 閏 注 月

子曰:「事君盡禮,人以爲諂也。」【注】孔

有媚奥、媚竈之喻,亦以夫子是諂君也。有媚奥、媚竈之喻,亦以夫子是諂君也。時人以爲諂,疑將有所求媚於君,故王孫賈或更僭用禮樂,皆是以臣干君。盡禮者,盡事君之禮,不敢至「爲諂」○正義曰:當時君弱臣彊,事君者多簡傲無禮,曰:「時事君者多無禮,故以有禮者爲諂。」注「時事」曰:「時事君者多無禮,故以有禮者爲諂。」注「時事」

爲國。 公室四分,民 女叔齊曰: 忠。」俞氏正燮《癸巳類稿》: 君,故欲坊之以禮,三家爲尾大不掉之臣,故欲教之以 其在孔子將仕時乎? 言如何君使臣、臣事君,將欲求其説以救正之。 爲此言者, 公承昭公之後,公室益微弱,時臣多失禮於君,故公患之。 曰定,安民法古曰定,純行不爽曰定。」是「定」爲謚也。 昭公弟也。《周書・謚法解》:「大慮慈民曰定,安民大慮 忠。」注「定公」至「問之」○正義曰:定公名宋,襄公之子, 故問之。」孔子對曰:「君使臣以禮,臣事君以 【注】孔曰:「定公,魯君謚。時臣失禮,定公患之, 定公問:「君使臣 是先王維名分,絶亂萌之具也。」定公爲太阿倒持之 「禮所以守其國,行其政令,無失其民。」譏 食於他,不圖其終,爲遠於禮。 焦竑《筆乘》:「晏子曰:「惟禮可以 「君使臣以禮,禮非 ,臣事君,如之何?」 齊晏嬰爲其君 儀 也。 魯君 定 晉

之後,慕謙退之儀,是君不君矣。天地間容有迂議,然非孔之後,慕謙退之儀,是君不君矣。天地間容有迂議,然非孔公利。禮者,君令臣共,父慈子孝,兄愛弟敬,夫和妻順,姑然聽。君令而不違,臣共而不貳,父慈而教,子孝而箴,紀愛而友,弟敬而順,夫和而義,妻柔而正,姑慈而從,婦聽心疾首之言。孔子事定公,墮三都,欲定其禮。禮非恭敬心疾首之言。孔子告景公,欲其君君臣臣。若使定公承昭出退讓之謂。孔子告景公,欲其君君臣臣。若使定公承昭出之後,慕謙退之儀,是君不君矣。天地間容有迂議,然非孔之後,慕謙退之儀,是君不君矣。天地間容有迂議,然非孔之後,慕謙退之儀,是君不君矣。天地間容有迂議,然非孔之後,慕謙退之儀,是君不君矣。天地間容有迂議,然非孔之後,慕謙退之儀,是君不君矣。天地間容有迂議,然非孔之後,慕謙退之儀,是君不君矣。天地間容有迂議,然非孔之後,慕謙退之儀,是君不君矣。天地間容有迂議,然非孔之後,慕謙退之儀,是君不君矣。天地間容有迂議,然非孔之後,慕謙退之儀,是君不君矣。天地間容有迂議,然非孔之後,為其以為其之之。

淑者善也。后妃求此淑女以事君子,謂三夫人以下也 好仇,不爲淫其色也。 【注】孔曰:「樂不至淫,哀不至傷,言其和也。」正 之匹也。 亦國風也。 曰:鄭注云:「《關雎》,國風之首篇。 人,不爲減傷其愛也。」按:《關雎》爲《周南》首篇,《周 君子」謂文王。 爾雅》。 子曰:「《關雎》,樂而不淫,哀而不傷。」 鄭君先學《魯詩》,魯義今不傳。 后妃樂得淑女,有德有容,以共事君子,佐助宗廟 毛傳云: 「仇」與 「關關,和聲也。 寤寐思之,哀世夫婦之道,不得此 「逑」同,仇者匹也,「好逑」,言思與 樂得淑女以爲君子之 雎鳩,王雎也。」義 據毛説,「淑女」, 南

子之言也。

九二

曰:「《文王》、《大明》、《緜》,兩君相見之樂也。」《左傳》但 終,閒歌三終,合樂三終。」蓋樂章之通例如此。 「《宵雅》肄三。」《鄉飲酒禮》: ❶「工人,升歌三終,笙人三 曰: 《肆夏》之三、《文王》之三、《鹿鳴》之三。』《記》曰 篇義皆回穴難通,别爲之説曰:「《詩》有《關雎》,樂亦 已不用其舊義矣。 然,故不復定以遺後説。」是鄭注《論語》在前,其後注《詩》, 異。《鄭志》答劉琰問曰:「《論語》注,人閒行久,義或宜 而 傷其愛」者,減者損也,愛者心之所好也,言雖不得此淑女, 得此人」者,此 無傷善之心焉。 淑女以配君子。 之,求之不得,寤寐思服」也。 曰『《文王》,兩君相見之樂』,不言《大明》、《緜》。 字之誤也。當爲『衷』,衷謂中心念之。」彼注破「哀」爲 之祭祀,非爲淫于色也。 合樂、《周南》:《關雎》、《葛覃》、《卷耳》、《召南》: 關 衷」,則鄭以《關雎》無哀義也。 己愛好之心未嘗有所減傷,則仍是哀思。 雎》,此章特據樂言之也。 人即淑女,求之不得,故爲可哀也。「不爲減 憂在進賢,不淫其色。 是《關雎》之義也。」鄭彼注云:「『哀』,蓋 先從叔丹徒君《駢枝》以鄭注及《毛 「寤 《毛詩序》云:「《關雎 寐思之」,謂《詩》言「寤 古之樂章,皆三篇爲 此注云「哀世夫婦之道,不 哀窈窕,思賢才,而 與《詩》注 儀禮 《國語 《鵲巢》、 上》,樂得 寐 詩 傳 有 義 求

> 耳」也。 《八佾》此篇皆言禮樂之事。 屢得聞之,於此贊美其義。 記》「升歌《鹿鳴》」,亦以《鹿鳴》統《四牡》、《皇皇者華》也 以《卷耳》「維以不永傷」證 曰『美哉! 覃》之賦女工,與《七月》之陳耕織,一也。 也。 職也、《卷耳》哀遠人也。 哀而不傷者、《卷耳》也。 詩以求之,豈可通哉? 覃》以下,此其例也。 《采蘩》、《采蘋》。』而孔子但言『《關雎》之亂」,亦不及《葛 能哀能樂,不失其節、《詩》之教,無以加於是矣。 樂而不淫』,即《葛覃》可知矣。」謹案: 樂亡而《 哀樂者,性情之極致,王道之權 樂而不淫者、《關雎》、《葛覃》也 《關雎》樂妃匹也,《葛覃》樂得 他日又歎其聲之美盛,「洋洋岛 「哀而不傷」,其義甚精。 丽 《詩》存,説者遂徒執《關雎》一 關 雎》諸詩列於鄉樂,夫子 季札聞歌《豳 《駢枝 《燕禮 《葛 洲 輿

《論 「祭所以有主者何? 作「問主」、《古論》作 語》云「魯哀公問 哀公問社於宰我,正義曰: 主於宰我』云云。 「問社」。 言神 無 莊氏述祖輯本《白虎通》云: 所 依 據,孝子以 宗廟之主所以用木 此 有兩本、《 主 心焉 魯論

❶ 「禮」,據引文當作「義」。

從許

義

也

是

古

論

作

社

鄭 云謂 君

據《魯

論 作

問

君

謹

從《周禮

影説。

(論語 問

》所

之主繫心。

夏后氏以松、殷人以柏、周人以栗。」《周

「虞主用

桑,練

主用

栗。」無夏后氏以

松爲主之事。

字。

鄭

本作主。」《左》文二年疏:

主,謂社主。」皇疏:

以

爲社

主。」《禮器》、《祭法》疏引《五經異義》云《論語

用栗。

用栗者,藏主也。」何休注:「爲僖公廟作主也。

爲之者,木有終始,

又與

人相

似

也。

蓋題之以爲記,欲

知者。」《公羊文二年傳》:

「主者曷用?

虞主用桑

練

僖公主。」杜注:「王者,殷

之閒,易用栗也。

夏后氏以松」云云。《左文二年經

人以柏,周人以栗。」孔

桑者,取其名,與其麤觕,所以副孝子之心。

名主, 叚借之義也。《公羊》注言宗廟之主, 「狀正方, 穿中 公問社於宰我」云云,「今《春秋公羊》説:「祭有主者,孝子 「鄭《論》本云「問主」。」《釋文》:「社,如 從立主聲。」立者,交覆深屋 其他祭祀所以依神者、皆得 「案:《古論語》及孔、鄭皆 社主也。」鄭氏無駁 鄭此注云:「主,田 埋虞主於兩階 疏引此文 通》則 》義也 令後 主 》一哀 作 禮 許 用 主 功。 配 曰 : 土、田 案 : 注: 因復立其主,故問之。 亳社災。」李氏惇《群經識 受殷社曰亳社,亳者殷所都也。 也。 爲立社曰 制:「天子廣五丈,諸侯半之。」《祭法》:「王爲 虎 而 官》大司徒之職: 言「閒于兩社」,亦以勝國社 天子諸侯別有勝國之社,爲 稷,左宗廟」,右在西。 社、侯社在籍田 大社,王自爲立社曰王社,諸侯爲百姓立社 通 義則從《古 食於社 「田主,田神,后土、 《周 『共工之子句龍爲社 后土社神,田 人非土不立,故封 正憑焉。 社稷》篇: 頌 侯 故 社。」舊説大社 載芟序》云「春 [論》爲 亦 《説文》: 以 「邦國都鄙,設其社稷之壝 正稷神,主以 「王者 據《周官· 爲 社 社 劉 其説 主,亦 土 神 田正之所依 所以 神。二 小 向 社,地主 立社 矣 廟屏 》以爲哀公問宰我即 在 籍 頗 國社 小宗伯 别 有 東,對 據《左 近理。 田 是 依 ·, 示: 録 史記 《春秋》哀公四年: 社 戒,與 耐 依 在 神, 也 》謂 稷何? 有 祈社稷也」,則 庫門、 》「掌建國之神位,右 也。 周 在西之國社 故樹田神之主, 傳》,則 在路寢之西 鄭 土也。」又言 廟 從 禮 仲 굸 相近。 詩 示 雉 影説 尼 日國社,諸 田 爲天下 士。 人謂 而樹之田 門 弟 句 定之矣。 群姓 子 主」者 内 龍 在 故《左 之田 言 之右, 春 王 ·; 則 列傳》: 爲后土 此 立 社 求 「六月, 也。 秋 時 社 主。 《周 大社 而 祖。」 壇 侯 社 福 氏 也 蓋 周 白 后 社 王 自 日 之 報

央,達四方,天子長尺二寸,諸侯長一尺」。《白

虎

「方尺,或曰長尺二寸。」此其制也。

廟之象也。

今皆省寫作「主」。

説文》:「宝,宗廟宝祏

也。

問

主」,又引張、包、周等並爲「廟主」,凡皆《魯論

天下 周 云: 類稿》: 社 面。」如彼注所言,是夏后氏社樹、社 田 周 異 松柏栗,皆木名,所在有之,此謂社主所用之木也。 詁 稱 栗。」 【注】孔曰:「凡建邦立社,各以其土所宜之木。 氏 木 我不本其意,妄爲之説。 也。 宰予字子 社 義》曰: 主皆用柏,周 主,各以其野之所宜木,遂以名其社與其野。」注: 后。 ,謂若松柏栗也。 人都遭鎬 以 [設其社稷之壝而樹之田主,各以其野之所宜木。]明 鄭《目 皆栗社、 樹非栗。 正義曰:《白虎通》云:「夏稱后者,以揖讓受于君,故 「后,君也。」夏稱后復言氏者,當以世遠别異之也 松, 殷稱人者,以行仁義,人所歸往。」案:《爾雅 「侯國社主用木依京師,凡主皆 「夏后氏都河東,宜松也。 録》云: 我。」與 殷 、栗野, 宜栗也。」《大司徒》:「設其社稷之壝 又云: 人以 人社樹、社主皆用栗也。❶ 、齊闞止字同,故史公誤以宰予 「宰予,魯人。」宰我對 何勞名之?」俞氏之意,以松柏栗爲 若以松爲社者,則名松社之野,以别 柏 「遂以名其 周 人以栗,曰使民戰栗。」 因 社與其 周 主皆用 用 殷人都亳,宜 栗, 野。」若皆樹 然也。 俞氏正變《癸巳 松,殷人社樹 便 曰 云 《大司 死陳氏 「夏 使 而 $\widehat{\widehat{\Xi}}$ 所 栗 柏 民 樹 徒 也。 后 宰 釋 社 則 方 宜 之 經 戰 難

> 篇》曰: 木。 長,半大社之制。 之氣,故用石主,取其堅久。 鄭以社主用木,而《小宗伯》注又云「社之主蓋用石爲之」。 唯槐。」此皆社樹之制,不定是 尊 社用栗。1然則石主始於殷,周 訓》云:「有虞氏社用土,夏后氏社用 石。」鄭注及孔疏亦云然,故宋人據以爲説。 不以石,禮部以爲社稷不屋而壇,當受霜露風 石爲主,長五尺,方二尺,剡其上,培其半。 蓋者,疑辭。 主所用之木,其社 「夫社, 主而塗之, ❷鼠 而 識之,使民望即見敬之,又所以表功也。」又引《尚 其義視鄭爲長。 「大社唯松,東社唯柏 惠氏士奇《禮説》::「案:《宋史・志》: 從之。」崔靈恩曰:「地産 樹 則 《白虎通》云:「社 各以 因 自 託 其土之所宜,不 請令州縣社 也。 改以栗與? 南社 木,亦當以 燻之則木 唯梓,西 松,殷 一稷所 主用石,尺 人社 最 《韓非子》云: 先是州縣 以 與 其 焚,灌之則 社 實,故 雨,以 淮 社 有 土 用石, 唯 南 主 栗, 所 達天 社 同 社 何 宜爾。 周 4 社 書 齊 主 北 用 也 人 俗 用 廣 地 主 以 社 逸

⁰ 0 注可證。 木依神之主,其祭社陳 主 注 所」至 據《韓非子 此云鄭謂 「栗也」,孫 周社 外儲説右上》當作「木」。 校: 設之主則 、樹社主皆用栗,非。 「鄭以 松、 以 柏、 石爲之、《小宗伯 栗釋 田 主 一,謂 植

王

社

國

社

侯

社

主

用

石

賈

曾

又或鄭

以

禮

行軍取

遷

主 疏

則 不

社 是

俗

有石主。」社

故以

土

爲 廟

壇,石

立主,不宜空社

而

行,當如守圭有

非樹

矣。

鄭注《小宗伯》云:

四

之爲

主。」又云:

軍

出

取

社

主以

社

,奉主車」,《大祝

》所謂

説 爲

林 故

訓 國

塗之。

》、《説

問 堙 注

年《左傳》云「君以軍行,祓社釁鼓,祝奉以從」,定知社 《癸巳類稿》云:「社藏主石室。《左傳 而《郊特牲》言『大社必受霜露 是有壇無屋,其木主平時 『社主蓋用石。』案: ,其説甚是。 【太師宜 行、《小宗伯》所 瑑。 也。 不便於載, (漢以 擁社者,抱 明 取 土 師 後世 塗 惠氏謂 於社」。 鄭 殷石主,非 類,或 秦漢以後 焉 許慎云"「今 若《淮 意 後 |埋石不爲厘,號 「師 所 也。」 或 》莊十四 石 鄭 亦不可 謂 田 立社 主以 用 主始於殷 南子》殷 鄭以 以 藏於壇旁 祭 案: 社 で,載 謂 石 謂大社、 所 社 用 大 主,定 與? 風 示 主未 軍 年 抱 宗。」 俞 見 Ш 土 服 雨 氏 況 陽 社 主 師 正 人 而 者 近神皆 榆社 非 異 謂 問 並 樹 望 慕容皝遷于龍城 爲菆位。 不用命,則戮於社 立枌 虚 苑 樹 云 《莊子・ 木之茂者神 祀 爲用 見則 (,當以 誕不足信。 日 謂 也。 軍 以 神 「侮人之鬼者,過 榆 社 政理》篇並云: 社 社 立國. 位有 神 樹爲神,不别 有樹,不 加畏敬』 惠氏又云:「聖王建國營都 主。 用 惠説爲 人閒 在枌榆鄉。 爲 菆位者, 石 樹 屋樹 所憑,故古之社 主 社 引《檀弓》云: 世 神 如 ん然。 漢高祖 一也。」俞氏亦謂王 是 **》**云: 社 獨 也。 , 植 者。」《左傳》云:「 戦 社稷 樹 社 就 ,罰之所 「君亦見夫爲社者乎? 立主 國 然也。 松爲社主。 粉榆者 其 鄭 大。 社 |櫟無 社 禱 策 也。 謂 意 枌 而摇 樹 也。 故 揣 取 》神 施,豈 歲 「古之侵伐者不斬 榆 《説苑 之,與 孟 稷, 殷 用則 白 其 戰 久 叢、《莊 社 錢氏大昕《潛 子 石 (枝。)《韓非 榆 國 恒 蔡邕所謂 或 注 能 主 譏 侯以木爲社 爲 也。 [策》: 惠 依 能爲 ,必擇木之修茂者,立 家以 時 陳侵鄭,木 操於亡國之神? , 則 社。」《 子》櫟 樹 氏 奉 人 社 木。 謂 石 祟 恒 使 枌 徒 與鄉皆以 主不 勝 尊 淮 以以 榆 愚 社 研堂文集》答 篇 思 漢 國 樹 外儲 見夢 南 喬 爲 主,民閒 民 耐 祀。 之社 伐 高 有 木而 楚 便 鄉 木 表之,使 無知祠之 使 井 祖 神叢。」蓋 於 之類, 説

石室。

不免爲《淮南

》所惑。

社

以 石

與《論

語

三》文異

此此

自傳聞之誤。

義謂

「慮有非常火災」,

以

天地之氣」,故藏主於壇中石匰。

聞。

《春秋》:

鄭

入陳,『陳侯擁社』。

社 以 阤

宗者,社

主與遷

主皆載於齊車

者

此。 故

小宗伯》:

大師

立軍 爲

社。』《肆

主 載

軍

於

之説

患

社

鼠

。」是

古

樹

木

社

主

而

加

若後世

|五尺之石主,埋其半於地,即

持。

社

主

春

秋以

前

皆

用

木,

秦

惠氏謂 然則

秦漢後社主

一用石

名

, 非

自 云

樹

名焉

禱

文 所懼 張公室,問社於宰我,宰我對以 Ŧī. 爲記之也?」日 詞 正之意也。」皆本此文而附會之。 迫 迫 説: 木至西方戰栗。]案: 戰栗者、《 田 惠氏兼存社樹爲社主之説,於義難通。 閩 「戰栗」之對,胡安國作《春秋》傳引之,用《韓非書》之説: 夏后氏以松,松者,所以自悚動, 也 促; 粤閒 刑失其用,則 主,與王侯以木爲社主不同,説亦岐誤,今所不從。 「哀公問於仲尼曰: **卤部》云:** 也。 天失其道,草 「松猶容也,想見其容貌而事之,主人正之意也。 [時失其序,則 周 皇本「戰栗」下有 此 而不遠,主地正之意也。 爾 人以栗,栗者, 風 慄 雅 尤甚。 「 果,木也。 與「栗」同。 其權必喪,無以服萬民矣。 釋詁 木猶干 此言可 其施 一代以 必悖,無 「《春秋》記隕霜不殺草,李梅實,何 「也」字。 所以自 徐義即本此文。 「戰慄,懼 殺也。 犯之, 从木。 前 《黄鳥》詩: 無此 「使民戰栗」,蓋勸之斷 而況君乎?」是故以 夫宜殺 以 戰栗。」何休《公羊》注 方氏觀旭《偶記》: 復稱「曰 其實下垂,故从卤。 等 栗猶 殷人以柏,柏者,所以自 也。」戰 統 淫 萬象矣。 祀 戰栗,謹敬貌,主天 俞氏謂民閒以樹 而不殺 「惴惴其栗。」《説 也。 《白虎通 」者,箸其爲引申 本争鬭之名,人 哀公欲去三 據 以 錢 ,則李梅 君道 此言 》更云: 「宰我 栗爲 天 柏 徐巡 也。 桓 言 道 冬 猶 又 爲 則

記》: 之 曰: 陽 主。 桓 咎。 解説。」遂事 之木」〇正義曰:《公羊》疏謂《古論語 民之心,本非臆見附會。]〇注 傳 義 又社陰氣主殺、《甘誓》云: 『不用命, 戮于社。」《大司 及死乎」,至于三問。 在賢者必有小貞吉、大貞凶之戒矣。』愚案: 仲 止。」既往不咎。」【注】包曰: 云:「大軍旅,蒞戮于社。」是宰我因社主之義,而起哀公威 言,乃以爲可 日 : 日。 , 封 有惡,觀《左傳》記公出孫之前 尼 今觀孔注無社主義,蓋 則曰: 「知伯曰: 「「成事」、「遂事」,必 孔子非 ·向戍。」可爲《論語》「成事」之證。 則此社、 夫子時未反魯,聞宰我言,因 「成事 「成 ,殺,何, 宰我, 主之問與宰我之對,君 不諫、【注】包 事不説,遂 「女成二 不說、【注】包 也? 故 是其杌捏不安,欲去三桓之心,已非 歷 事,而後告予。」 事不 在聖人則能 言此 《集解 指 諫 曰: 「凡建邦立社各以其 三 遊於陵阪,遇 既 事 日: 者, 删 論之也。 「事已往,不 而 往 事已遂,不 節, 臣 處變, 事 言。 》及孔、鄭皆以爲 不 緣哀公與宰我俱 欲 密 注 咎。」其 失之矣。 使 已成, 語,隱衷 此 方氏觀 而不失其 左 慎 三事 武伯 時哀公與二 氏 其 自 可 不 襄 可 後 土所 與哀公 子 ,呼「余 可 旭 復 可 復 + 伐 寇 《偶 想 常 復 聞 諫 追 宜 年 正

日 不可 脱與 所過責 詁 宰我,亦使無禮於君者知所懲戒,而改事君矣。《爾雅 此以止之。 子 E 罪 致 没於魯也。」今案: 隱 日 往」,當指從前所行事。竊疑 白 説 語,謀 行也。」 ,遽欲逞威洩忿,冀以收已去之權,勢必 非 致 使昭公出亡。 ,是以夫子置社 虎通 言説以解之也。 復諫止之也。 ,經注似宜讀本字。 諫 討 「咎,病也。」《詩 廣 於 朝 雅 止 所謂 未發 互. 人亦曰咎。 諫 蓋知哀公之無能爲,而不可輕於舉事。 夕之故。 釋詁》: 明。」案: 洩,故 諍 「既往咎之」者也。 》篇: 哀公當時必援平子往事以爲禍本,而欲聲 主不論 《説文》:「諫,証也。」証者,正 「成事」、「遂事」,當指見所行 亦 「遂,竟也。」言其事雖將成,勢將遂 焦氏循 哀公未知 「解説」,「説」字,即 「諫者, ○注 不 伐木》傳: ○注「事已遂不可復諫止」○正義 顯 ,但指其事以責之,蓋已知公將不 言 既往 《補 事已成不可復解説」○正 閒也,更 耳。 疏》: 然而禄去公室,政在大夫, 使臣當以禮,又未 答 其 」指平子言。 對 也。 「説」讀若「脱」。 ,過也。」引申之,凡 立社之旨, 是非 不能 成 事不説」之 平子不臣 相 ,故夫子言 其失 事。 閒 本 能 此 革 雖責 用 有 竟 也。 「既 孔 更 有 釋 解 義 依

子曰:「管仲之器小哉!」【注】言其器量

《論學小 曰 : 矣。 仲 猶規矩準繩乎? 復安鄭而必欲迫之以兵,功未良成而 功 子曰:「小哉,管仲之器!」蓋善其遇桓公,惜 之器小哉! 不往救,損人之國而執其大夫,不救陳之患而責陳不納,不 衛之事,見存亡繼絶之義,而明年遠國之君畢至。 資,於柯之盟見其大信,一年而近國之君畢至。 未純,故當世多羞稱之。 王季、文王當殷世爲西伯 事》篇: 道 記》:「太史公曰: 小 也。」案: 驕矜失禮爲器小,無與於桓公稱霸之是非 振而自足而不脩德,故楚人滅弦而志弗憂,江、黄伐 衰微,桓公既賢,而不勉之至王,乃稱霸哉?」《新序 也。」《左》閔 也。 『齊得夷吾而伯,仲尼曰「小器」,請問大器。」曰:「大器 《春秋繁露 「桓公用管仲則小也,故至于霸而不能以王,故 正 記》 「霸」與 義 日: 自是日衰,九國叛矣。」《法言 事 元 《史記 伯 年疏: 功大者,必 先自治而後治人,謂之大器。]」此皆 管仲 精華》篇: 同,王伯之分,天子諸侯之異 世 「管氏,仲字,謚 今謂管仲器小,由於桓公稱 所謂賢臣,然孔子小之,豈以 管 伯豈不美之名哉? 晏 有容 「齊桓仗賢臣 列 傳》: 事功之量。 志已滿矣。 管伸 敬,名 之能,用大國 也。 先知》篇: 夷 堯則 其不能 特桓公伯 至於救 夷吾。」《 吾 程氏 故曰管仲 者 其後 天 霸,非 稱 爲周 以 而 陳 以 潁 瑶 「或 邢 也 矜 史 民 田 而 Ŧ. 上

九八

딩: 子• 分以 管仲故爲三歸之家,以 攝 之,以 管仲之不儉 朱 皇本「焉得儉」下 日 大器也。」蓋 得器小之説矣。 有 無 小者,未有不 天下而 謂嫁 歸具官,窮奢 功 能 大夫兼并。 《東周策》: 、驕其功,蓋不能容其事功矣。 小匡》篇: 而伐者 名 爲謂之大 管仲 不與,蓋舜、禹之德亦如天,亦即以天爲其器。 得儉?」【注】包曰: 日 蓋 管仲之相齊 歸。 堯 而 也。 當時 富 德 儉 「施伯謂魯侯曰:「管仲者,天下之賢人 得器小之説矣。」惠氏棟《九經 極侈以張其富,蓋不能容其富貴矣。 貴 如 享富貴者,必有容富貴之量。 有 其功大者,其伐 齊桓公宫中七市,女間七 今管仲家 儉。」曰: 乎?」【注】包曰:「或 有 天 而 「乎」字。 以管仲 淫 也, 猶 而 掩桓公非,自傷於民也。」《列子 者 兼 即 君 也。 以 也。 淫 臣備 ○注 爲大器者,故夫子辨之。」或 天爲其器。 小亦淫, 管氏 其 禮, 益驕。 「三歸,娶三姓女。 富貴 職,非 三歸 吾於管仲之不知 君 國 有三歸,官事 1奢亦 愈顯 君 塞門反站 夫器· 爲 至 事大,官各 ·儉。」正: 百, 奢。」 爲 者, 人見孔 小 古義》: 或 儉 其淫 舜、禹之有 者 並 人非 ,越 謂 義 未 禮,而 子 益 管 吾 《管 夫器 īE. 日 禮 有 之。 也 張。 有 不 小 婦 仲 楊 義 於 犯 不

《左傳》云:『衛太叔疾使人誘其初妻之娣,寘于犂 歸禮。 死,弟立,謂夫人曰 國之媵,或與夫人同 與先考説相輔。 有三庖。 也。」卿大夫、士一宫。 宫之夫人。」《公羊傳 否。」包云【三姓女」,非 人來媵」,十年「夏,齊人來媵」是 年「春二月,伯姬歸於宋」是也。 並夫人本國爲九女。 之,國三人,並后本國爲十二女。 侯娶妻班次 取女之事,包 一妾,不備姪娣, 一國各一次,故曰三歸。 之費。 妃 宫,如上妻。」管子則三人者皆爲妻。 俞氏正燮《癸巳類稿 桓 管子家有 古者夫家餘子受田懸殊,立 有三: 所 夫人諸文説之, 本 言不兼備也。 而雜引鄭文公娶于芋、姜、江 也。 適 行。 「衛,小國 本國之媵, 宮之費 《禮》云「命士以上,父子異宫」是 也 也。」謹案: 先考 《春秋》 以 《左傳》云: 姪 典 有西 也 則皆列 故曰 諸侯三 簿君 二妾同 也,不容二庖。」]今管 》成八年「冬,衛人來媵」,九 從夫人歸於夫家者 娣 也。 或後夫人行,九年「夏,晉 官,亦 ^令白 諸侯娶夫人,二 也。 兪秋 『焉得儉』。」 國驕淫之事,多娶異 其本國歸女爲一次: 虎 宫。 妻以 同 槎 天子娶后,三 妻,則多一 知 通 列女傳》: 姓媵 雜 諸侯之有三 嫁日偕行 《祭義》: 》謂 記 卿大夫 之,異 蘇、及魯 俞 天子 氏此 或 室家 而 媵 無三 衛 爲 姓 或 子 也 之, 宫 之 文 則 君 妻 則 媵 諸

節

四祭 亦即 侈之事。 仲相桓公,有三歸,侈儗於君。』《禮樂志》: 家。」孔子聞之,曰:「泰侈逼上。」』《漢書・公孫宏傳》: 蓋青衣,置鼓 以説昏制 老之後,則娶三姓女之説,可知其非矣。 比,故因晏子辭邑, 歸。」是又以「三歸」爲桓公所賜。 篇》:「昔吾先君桓公有管仲,恤勞齊國。 見其奢。 歸』,後云『家有三歸』, 七百分謗,而娶三姓女之説,或從此出 氏樾《群經平議》:「《韓非子·外儲説》:「管仲父出,朱 與諸 ,是謂不攝。」包氏慎言《温故録》**:** , 其家有三處也。 承此而言。 四 《雍 侯不再娶之禮相 也。 且美女之充下陳者,亦必三處如 古『歸』與『饋』通。 「臣貴矣,然而臣貧。」桓公曰: 諸 而 侯三祭三薦,大夫、士再祭再薦。」又云:『天 》徹,八佾舞庭。」由此數文推之,三 解三歸者,言人人殊。 歸。 管仲家有三處,一處有一 而景公舉 家有三處,則鐘鼓 庭 是所謂歸者,即以管仲言,謂自朝 有陳鼎,家有三歸。』先云『置鼓 違。 《公羊》注引《逸禮》云: 此事 故《左氏》備 蓋猶漢世賜甲第一 以止之也。 自包注外,有可紀者。 「《韓非子》: 也。 帷帳不移而具 下云『官事不攝』, 「使子有三歸 處之官,不相 身老,賞之以三 文譏之,不得 《晏子春秋 「陪臣管仲、 一,故足爲女閭 其賞之在身 歸當爲僭 「天子 「管仲 品 故足 管 之 季 之 兼 雜 而 而 援 同稱。 2 0 游 所 桓

攝

相

姓

俞

歸

嬰弗忍爲也,其宗廟養鮮。」終辭而不受。」《外篇》又云: 卿大夫,羊豕凡二牲曰少 子諸侯卿大夫,牛羊豕凡三牲 歸」爲地名,則《 灝《考異》、梁氏 子以三歸爲管仲之一惡,亦謂其侈擬於君。」案:《評 鮮」,而《外篇》言「賞以三歸」,則三歸爲以三牲獻無疑。 今夫子亦相寡人,欲爲夫子三歸,澤及子孫。」合觀内外篇 先君桓公有管仲,恤勞齊國,身老,賞之以三歸,澤及子孫 子老,辭邑,公曰:「桓公與管仲狐與穀,以爲賞邑。● 寡人請賜子州。」辭曰:「管子有 有功,邑狐與穀,以共宗廟之鮮,賜其忠臣。 歸」云者,其以三牲獻與? 温故録》二説,雖與此注異,亦頗近理,當並著之。 云,則三歸亦出於桓公所賜。 ,終日不歸」。 《晏子春秋•内篇》: 『公曰: 「昔先君桓公以管子爲 《管子》明言「五衢之民 玉繩《瞥 「歸」是民歸其居, 豈得爲管仲所 記》,據 牢。 故班氏與季氏之舞佾、歌《雍 日 諸侯之士、特豕。」然則二三 一美,嬰不如 大牢。 《管子・輕 《内篇》言『以共宗 樹下談語 天子元 重丁》篇以 今子忠臣 也。 士,諸 有,而 專 有一 若翟 議 務 廟 侯 惡 也 氏 之 吾 之 淫 晏

公」至「賞邑」,據《晏子春秋》爲衍文。

^{」,}據上文當作「平」。

築臺臨 在築臺 謂: 也。』、臣 飾,臺榭 坫」,又不及臺門 傳 臺 臺迎女事。 是遮甲 故管仲以三 傷於民。」此劉向誤解《東周策》之文。 附 桃夭》詩 癸巳類稿》云: 声而哭, 歸子矣 會 》言大夫曆 》所 此 説 「《國策》有宋子罕、齊管仲掩蓋君 爲 載崔 文 》: 辨 黨氏; 而障乙。」其説極辨。 地 攝司馬 乘 廣 則 故子罕以扑築掩之。 致確,足以 名 「之子于歸」是也。 政之所 馬 賦 杼、季平子、孔悝宫内之臺,皆是僭 天子諸侯本有觀臺在雉門上,故曰 雜舉亂 娶掩之。 耶 歸 臺門,不及管仲, 衛宣公納伋之妻, 篇: 飲厚也。」《八 「《管子・ 女嫁也。」婦 則管仲 杜 不及,唯子是匡。』仲故築三 「諫立扶臺。」則管仲 制,人之古典,殊爲不倫。 説 注 Œ 若齊桓 苑 《説苑》之誤。 未僭臺門 攝 權 善 觀 脩 云 解 非在多女,而 兼官 説 人以夫爲 * *\frac{\frac{1}{2}}{2} 齊桓之非在 者不察而舉魯莊 而 攝猶兼 Z 作 篇 也。 雜 新臺 而 一臺 「地闢 記 云一婦 非二 毛氏奇龄《稽求 禮, 家 也 榭 河 桓 實不築臺以 言 歸 仲以 故 上 女市女間之多、 天子六卿 相望,上 而國貧者, 者、《左氏 公 事。 人謂 一之非 一歸之臺 管仲 禮。 謂 謂 以 若秦穆 臺門。 築臺掩之, 其 公娶孟 管 昏禮 宋君之非 -臺明 嫁 故 嫁 仲 旅 下 傳 日 日 以 樹 郊 傷 諸 相 舟 姬 有 ^ 歸 矣。 任 篇 歸 特 左 登 築 侯 於 恕 輿 反 自 政

擊

職

猶

夫 | 云: 注: 録 》: 額。 也。」如 子下》言齊桓葵丘之令曰 者。」此大夫雍 經又云: 故祭祀之時, 之家,亦兼官可 注:「臣之奢富,儗於國君,敗亂之國也。」孔疏:「大夫若 必當兼攝。 攝,故此注言「國君事大,官各有人」也。 「下文司宫筵神席于奥、此又掌籩豆之等,故 豆籩勺爵。』注云: 相通 者,則 家也。』彼經又云: 兼官,況士 卿 司 疏但 「官事者、事謂祭祀、官謂助祭之官。 疏所言,有地卿大夫之家,尚是 空奉豕。」司 置官 是以諸 卿 甸 「司馬刲 謂 下 《禮運》云:「大夫具官,非禮 人 置 無官。 每 有 人陳 陳 官 知。 侯無亨人 以一 人, 小 鼎。 卿 羊 「大夫攝官,司 鼎者、《 僕隸爲司 士乃司 人,於情事 用兼攝 官兼 但置官多寡,宜量事之煩簡,未必 Ŧī. 「雍 鄭 司 人 人陳 士擊 注 官官 司 所 故甸 周 馬之屬官,今不使司空者 群 數 謂 禮 事無攝」,是諸侯之臣 '馬、司士兼其職 職,不 鼎 豕。] 疏 事。 下大夫 人陳 似不合。 五<u>。</u> 甸 甸 宫兼掌 《少牢 人掌供 得 鼎 疏 云: 兼官 Ŧi. 官官 冢 <u>궁</u> 也,是謂 若大夫事少,家 此 人 祭器 禮》云: 包氏慎 「案: 宰之屬, 大夫無 薪蒸,與 大夫不 也 各須 則 鄭 「按: 可 也。」 無 云攝官。」彼 知 具 地 亂 孟 《公食 一司 言《 周 能 甸 、烹爨 國。 故 卿 兼 疏 足 不 子 禮 備 云: 温 諸 宫 得 司 有 大 如 官 聯 夫 鄭 人 大 鄭 故 定 君 臣 兼 告 士:

地

君

至

禮 作

也一〇 國」。

Æ

義曰:

皇、

邢

疏

邦

皇本「孰不知禮」下有

也

字。

誤

在

兩

楹之閒

句下,今正

宋

輯

本

有

樹

屏

也

畢

則

各

反爵

於坫上。

今管仲皆僭爲

之

如

在

兩

楹之閒,若與鄰

國爲好會,其

獻

酢

之

禮

也

管

氏

而

知禮

孰

不

知

禮

正

君

爲

兩

君

之

好,

有

反

坫,

管

氏

亦

有

(注)鄭

曰:

人君

别

内

外,於門

樹

屏

以

蔽

得

禮

曰 **:**

邦君

樹

塞門,管氏

亦

樹

塞

爲隘,是過於儉者不中禮

也。

過儉爲不中

禮 冠

譏

其

不知禮。

又晏子豚肩不掩豆,

澣

衣

濯

而

儉不中禮,而晏子一

狐裘三十年,遣車

乘及墓

共

也。」儉是美德

而

或人以

不儉爲得

禮者、《山

或

人聞不儉便謂爲得禮

 $\overline{\bigcirc}$

正義曰:

《左傳

便

謂

爲得

禮

正

義

∃

皇

本「然則」上

有

曰

曰

或

以

儉

問,

故

答

以『安得

儉」。

或

温

故録

説

亦

通 同

然

則

管

仲

知

禮

不攝,蓋自 人與亨人聯

於

諸侯,

與三

歸

同 攝

爲宗

使

雍

職。」此

大夫祭

祀

官

, 見

於

經

本「人君别内外」十二字 廟僭侈之事。」案 乎?」【注】 》曰:「儉,德之 是,是 禮更酌 故不儉 義 曰: 之。 朝 字。 樞》之詩 傳 而 門。 聞 君 0 句 反 反,有子 可 不 注 考 不 漢 反 子以 0 在 坫 疑 儉, 者 邦 酌 坫 爲 包 石 知 刺 注 門。 爲之。 大夫以 行道。 注: 屏 也,而難爲上也。」《曲 侯。 以 外 子 位 周 注 也。 也。 蔽 首。 「罦罳謂之屏。」顔師古《漢・文紀》注: 蒼頡篇 人屏 自 》謂 爲樹。」 在 也,内屏不欲見内也。」《淮南 大略篇》: **郊** 路門 天子 言 刻之爲雲氣蟲獸,如今闕上爲之矣。」《廣 障。」是 以覆重刻垣 「罘罳, 爾 之疏 管氏樹塞門,塞,猶 簾,士以 每門闕殿 制 此皆諸侯之禮也。 特 雅 郭 外 當 以 好屏。 牲》云: ;璞注云: 是 應 而 屏 , 屏之遺象也。」 漢西京 罘 題 屏,牆 釋 所以 門 近 用 「天子外 宫》: 帷。」《雜記 含前 疏 墉之處,其形罘罳然。 土,故 爲 應門」。 者 也。」《明堂位 臺 别 正 禮 刻 皆有焉,於今郡國 屏謂 小 門 内 門 屏,諸侯内屏, 亦 也, 淤疏 外 牆當門 江 蔽也。 屏 稱 而 旅 之樹。《舍 也。 謂 氏 今 蕭 在 旅 「管仲 永《鄉 道 諸 人家 牆。 應 樹反站, 注言「人 中。」《説文》: 学注 也 門 侯 禮,天子外屏 主術訓 内屏 其 外 照 黨 旅樹而 人》 屏謂之樹 禮 廟 「罘罳 屏 圖考》: 壁 廳 合版爲之,亦築 在路門 注 諸 大夫之僭 君 屏 也。 是 前 日 謂之樹,今桴 丁, 云 : 「天子外屏 侯 用 其 亦樹 反 屏 雅 外 木, 謂連闕 以 諸 遺 坫 也。」《 屏 「屏 内 樹 以 有 屏 之。 象。 故 釋宫 侯 賢 門 天 禮 天 不 蔽 設 所 垣 内 子 明 欲 爲 於 子 大 以 古 曲 當 也 也 屏 夫 堂 ± 閣 所 見 IE.

0

門,屏

稱

命夫人,王背屏」,此當在路門内,或春秋時不如制矣。 反站,反爵之站,在兩楹之閒」者,《説文》:「站,屏 在 雉 門 内。 以 孔 流之説 爲 非。 然《吴 語 》謂 「越 也。」 王 云 人 升曰 注: 語 不 知 所

圭」,以 小。 制, 與站爲一 短垣, 垝者毁垣, 「垿」與 射、上遷於下、東坫之東南。」《既夕記》: 弁、緇布冠各 **圭。」此在堂下。** 禮圖 爾雅》: [順,齊于坫。] 此堂隅之坫在東者也。 也。 饌 喪禮》: 「土於坫 乃位 《於西坫上。」此堂隅之坫在西者也。《大射儀》: 且云以木與古制乖,非也。《大射儀》疏以承尊之豐 》謂「以木爲之,高八寸,足高二寸,漆赤中,制 皇 在堂下,故 物,亦 疏云: 五宫: 「牀第夷衾,饌於西站 一。」此庋食之坫在房中 非。 匴, 全氏祖望《經史問答》謂「《覲禮》「侯氏奠 「 坫, 太廟、 稍崇之。」是也。 一處。 《禮經》言坫甚多,《明堂位》:「崇坫 執以待於西站南。」注:「站在堂角。」 築土爲之,形如 宗宫、考宫、路寢、 「序」同。 反者,還也,致也,凡可以庋物皆 東西牆爲序,皆以同類 南。」《士虞禮》:「苴茅之 《士冠禮 也。 土堆。」其 内 「設棜於東堂下, 明 《周 則》説閣之制 堂,咸 》:「爵弁、 書 説 有 甚 作 殊庫 四 將 合。 皮 康 者 雒 SIT] 相

《聘禮 是亦宜尊于房户之閒,與 然則兩君燕飲,設尊亦必在東矣。 下 畢,主君享賓於廟,燕賓於朝,故云「爲好 圃 好 兩 者,主人所以敬客。 東楹之西。」房户閒正當東楹,東楹之西去楹不遠。 楹 諸侯坫或在尊北與? 言「兩楹之閒」,或言「東楹之西」,正所以 以「兩楹閒賓主行禮處,不得設坫於此」。 也。 會與燕禮同,尊于東楹之西,是又君臣 楹之閒明矣。 之閒」者、《説文》: 》、《郊特牲》諸文,可謂疏矣。 之?」其説甚有依據,視鄭爲優 「反站,反爵之站也。」站在尊南,言天子站在尊 爵」是也。 》説之:「《鄉飲酒》:『尊于房户閒。」《燕禮》: 站在兩楹閒,此無文,鄭以意言之。 本。 而 黄氏《日 《郊特牲》: 或者以《燕禮》爲諸侯與臣下行 主人位在 「楹、柱也。」謂堂上東西兩柱,當 尊以盛酒 抄》、全氏《經史問 東楹相當。 ❶「反站出尊,天子之廟飾 東階 爵者,飲器。 ,爵以酌酒。 兩君敵體,與鄉飲 Ė, 矣。 由是言之,反站不在 故設尊 别 禮,諸 會 無别。 答》據之以釋《論 歷引《士昏禮》、 其同 金氏鶚《禮 《韓詩 也。 此注 必在 侯 異 禮 來朝, 党 禮 事, 云「在 會 説「一 蓋 「尊 南, 者, 經 東方。 也。 可 前 説 類 或 則 混

爲反坫,反爵,其 反站。」是反站不止

事

也。

孔晁注《周書》以反站爲外向

室

南

⁰ 郊 特 牲 據下引《禮記》文當作 「明堂位」。

下,不在堂上。是大夫不得有反站,今管仲僭爲之。 奠爵皆于篚。 見《郊特牲 畢各反爵於坫上1者,文不具耳。 作階上拜,賓答拜。」是賓主飲畢,反爵於坫上也。 而云「酌 **站上,於西階上拜,主人於阼階上答拜。** 疏: 人,謂之酢; 也,遇也。 酬」,疑以 ,酌以酢主人。主人受爵,飲畢,反此虚爵於坫上。 熊氏云: 「主君獻寶、賓筵前受爵、飲畢、反此虚 主人 「酬」字爲是。 》疏。 主人飲畢,復自飲而後酌以勸賓,謂之酬 即君與臣燕,亦但設二篚以承爵,且皆在堂 酌 疏引此注作「獻酬」,此《釋文》引一本亦作 酒 進 賓,謂 大夫無站,以《鄉飲酒禮》考之,凡 之獻; 其實當飲畢。」案:熊説 賓 飲畢,酌 賓於站取爵,洗 酒 以 主人 爵於 進 邢 主

盛。 作, 下有「已」字,「成」下有「矣」字。 繹 節 放 年 明 縱 如 反魯後,即 翕如也;【注】太師,樂官名。 ,言樂始作 盡其音聲,純純和諧也。 從之,純 子語魯太師樂,曰:「樂其可 繹如 「樂正、《雅》、《頌 如 翕 也,以成。」【注】縱之以純如、繳 也;【注】從讀日 如,而成於三。 《孔子世家》述此文在哀十 》得所」之事,故云 皦 如 正義曰: 縱,言五音既 五音始奏,翕如 也、【注】言其音 知也: 皇本 「樂其可 知 如、 發, 也 始

作。 樂進也。」「欽」、「翕」聲相近。 不 下之樂皆作也。」云「純 播猶揚也,揚之以八音,乃可得而觀之矣。」上「始作」既單 注云:「文之者,以調五聲,使之相次,如錦 音。」注云:「六者,言其均皆待 而八音從之。』《毛詩》: 作,人皆翕如,變動之貌」者,莊氏述祖《别記》申此注云: 道》注:「純,不雜糅 應,使人皆變動。 言金奏,此云『從之』,則言八音可知。 意。」云「從讀曰縱,縱之,謂八音皆作」者,莊氏云:「「從」、 「《國語》云: 云「金奏,擊金以爲奏樂之節,金謂鍾及鎛」是 達。」案: 金作,人皆翕如,變動之貌。 知」,言樂正 「縱」通。《大司樂》: 「凡六樂者,文之以五聲,播之以 作,爲也。」言始爲此樂也。 雜 故爲和 純如,咸和之矣。 云「始作謂金奏時」者、《周官》: 而 「鍾不過以動聲。」章注: 也。 後 可 《樂記 樂進由是從之,以均五聲八音,而堂上 知 也。」咸者,皆也。 也。 皦如,使清濁别之貌。 如,咸和之矣」者,高誘《淮 「鼓鍾欽欽。」傳云:「欽欽,言使 審 云 鄭注云: 從讀曰縱。 「始作」 一以定和。」 言變動者,亦使人樂進之 五聲八音乃成也。」《大師 者,《 「動聲謂合樂以 「始作 謂 金奏始作,律 「鍾師掌金奏。」 人聲 縱之,謂八音 注 爾 謂 Z 繡之有文章 繹如,志意 雅 也。 樂聲相 金奏時。 審 云 聞 南 金奏 詁 吕 聞 堂 皆 審 而 原 相

0

四

别,可 之而後 謂「審 奏 夏》,樂闋後 之。」言樂至此而每變,足以致物矣。」宋氏翔鳳《發微》云: 矣,生則 條達也。 也。」「繹」、「驛」通。 《周 别 云: 和清濁。」注: 如 也。 其 五聲,宮之所 從」同「縱」,謂縱緩之也。 始作,是金奏《頌 月間 律、五聲、八音皆有清濁。 人聲也。」「 其 , 使 代 (清濁, [比物,謂雜金革土匏之屬也。] 言雜八音之器,而 莊氏 頌》「驛驛其達。」箋:「達, 辨其聲而知其義,故曰 清濁别之貌也」者,莊氏云:「鄭注《大司樂》云: 一以定和」也。 升歌。 而 惡可已 作 《樂記》云: 改 唯明者能之。」云「繹如,志意條達」者,莊氏云: 此 有 相 生。 「清謂蕤賓至應鍾 重人聲,其聲純 注 尋 獻 也? 一即 》也。 咸 酢 濁 續 言美心之感發,如草木之有生意,暢 旅 而 者爲角,清者爲徵、羽。」《樂記》: 「志意得廣焉。」《孟子》云:「樂則 繼以笙人,笙者,有聲無辭,然其聲 純 爲 惡可已, 不斷 酬 《儀禮·大射儀》: 如 諸節, 感」、「矣」爲「美」,非 之義, 人門而 絶, 又《樂記》:「比物以飾節。」注 「皦如」。 一,故曰 出地也。」《釋訓》: 故曰 則不知足之蹈之、手之舞 ,濁謂黄鍾至大吕。」❶ 而 謂 金作 後升歌,故 人聲既 一繹 繼以閒 「純 如。 , 其 如,即 (象翕如變動,緩 納賓後乃奏《肆 歌 此 而 日 是。 謂 三節 『繹繹,生 後 《樂記 「從之」。 人聲 與 云 皆 是十 樂 有以 「倡 凡 》所 用 笙 清 生 茂 皦 和

> 謂之正 備」, 《周南》、《召南》之風,鄉樂也,不可 云: 盈耳哉,亦暢言合樂之象。 可知」一語先出之。 容其象,而於合樂但言「以成」者,以合樂之象,已於「樂其 備」,大射有歌、 子所謂「樂其可知」及謂「然後樂正」者,並指鄉樂。 閒 于樂正曰: 則 矣。」案: 南》、《召南》,其猶 耳》、《召南》:《鵲巢》、《采蘩》、《采蘋》。 「以成」是合樂也。 雅 二歌三終,合樂三終,爲一備, 樂以 》,所 知正 「不歌、不笙、不閒,志在射,略於樂也。 歌。 成。 謂 宋氏依《禮 歌專 「正歌備。」鄭注: 合樂即 如鄉射不歌、不 雅 指 有 Œ 《論語》於金奏至閒歌,以 笙, 鄉樂。 頌》各得其所」也。 鄉 後言「師摯之始、《關雎》之亂,洋 牆 》 爲 樂 面 而 説 也。 而 不 《周 視鄭 笙、不閒 立 閒 子謂伯 必合鄉 也與?」 「正歌者,升歌及笙各三終 備 南》: 不 氏 亦成也。」鄭《鄉 合, 爲 略其正 而 魚曰: 《關 樂 確 鄉 一則子 有 合,鄉 圃 《燕禮》: 雎 此 射 李氏惇 後 也。」據此, **∀**, 四 人而 ·之重 則 「翕如」諸言 備 樂則 不略合樂者 節 不 葛 而 鄉 告 成 告 射禮》注 大師 覃》、《卷 不爲《周 《儀禮 後合樂。 群 樂 正 正 知孔 也 經 洋 故 形 知 歌 歌

[「]大吕」、《禮記・樂記》注作「中吕」。

[「]郷射」,據《儀禮・大射》當作「鄉樂」。

則告備。」注:「成謂 樛木》傳:「成,就也。」《説文》同。 閒歌、「繹如」爲合樂,不及宋説之備,故 聲之飭也。」❷又云:「比物以飾節 言》:「翕,熾也。」《文選・甘泉賦》注: 五音之别也。 云「五音始奏」者,《管子·地員》篇:「凡聽宫,如牛 止一人。 移於音聲,故不使有目者爲之也。」案: 知者爲太師、小師。」疏云:「以其無目,無所睹見,則心不 師,上士四人」,注云:「凡樂之歌,必使瞽矇爲焉,命其賢 曰:云「太師,樂官名」者,《周官》「太師,下大夫二人。小 也。」❶是樂之終爲成也。 小 訓 近 》不數金奏,以 音謂樂聲,節 凡聽徵,如負豬豕,覺而駭; 凡聽商,如離群羊; ,故此注以「翕」訓盛。 「皦」爲明也。義見《埤蒼》。 此所語太師樂,應指師摯,是太師爲樂官名 云「翕如盛」者、《説文》:「翕,起也。」《方 謂樂之節 「始作」爲升歌,「純如」爲笙奏,「皦 所奏一竟。」《燕禮記》:「三終,三成 凡聽 ○注 目 ○注「言其音節明也」○正義 也。 角,如雉登木以 「太師」至「如盛」〇正 凡聽羽,如鳴馬在野。」是 《周官·樂師》:「凡樂成 ,節奏合以成文。」言「明 《樂記》云:「文采節奏 「翕,赫盛貌。」義 諸侯樂官,太師當 置彼録此。 鳴,音 《詩 如」爲 鳴卵 疾 也。 以 義

儀封人請見、【注】鄭曰:「儀、蓋衛邑。封

鈴 爲舌則曰金鐸。」案:《鼓人》:「以金鐸通鼓。」注:「鐸,大 事奮木鐸,武事奮金鐸。」疏云:「以木爲舌則曰木鐸,以 將有新令,必奮木鐸以警衆,使明聽也。 得見也。」從者見之。【注】包曰:「從者,弟子 正、司烜氏、鄉師,皆有木鐸之徇。 求見也。「木鐸」者、《周官》小宰、小司徒、小司寇、士師、宮 道」下無「也」字。《爾雅・ 鐸,施政教時所振也。 之將喪亡耶? 人,官名。」曰:「君子之至於斯也,吾未嘗不 號 木鐸。」【注】孔曰:「語諸弟子,言何患於夫子聖 喪乎? 天下之無道也久矣,天將以夫子爲 孔子行者。 也。 令於天下。」正義曰: 振之以通鼓。 通使得見。」出,曰:「二三子何 天下之無道已久矣,極衰必盛。 《司馬》職曰: 皇本「斯」下「也」字作「者」,「無 釋詁》: 言天將命孔子制作法度,以 「請,謁告也。」言告夫子 鄭注《小宰》云:「古者 「司馬 木鐸,木舌也。 振鐸。」是武用 患 木 德 於 隨 文

0

[「]岩」,據《巻五18年三15年16三成」二者當互乙。「記」下,據《燕禮記》「笙入三成」注脱「注」字,「三終」、「記」下,據《燕禮記》「笙入三成」注脱「注」字,「三終」、

〇六

過蒲 通以 爲 謂: 引晉《地 東昌府聊 疑與此爲 金鐸 夫子五至衛。 昏,後易東明,宋元始改今名,則 在蘭陽西北二十里,即封人請見處。」蘭陽、祥符地本相 而 其 記 封人官名」〇正義曰: 今之鈴,中 舌用木,與 篇以木鐸 志》,不若「夷儀」 封縣,其 由 南 北。 》同 浚儀之名, 陳至衛之道,而邑非衛邑矣。」案:《明一 也 ,皆鄭 ,皆不出 浚 以 儀在開 浚 道記》曰: 漢縣計之,衛境止得長垣 城 爲金口木舌。❶ 宋地。 地 有舌 説 儀,今河南 金鐸全用金不同。 ,故云衛邑。」案: 縣 在蘭 文》: 衛 第 並 境 附會爲封人所官邑。 封, ,以繩繫之,摇 爲尤古矣。 一有夷儀故城。 而 使 陽之東,去浚儀更 漢屬 去魯司 「儀封人,此邑也。」《水經注》引 鐸,大鈴 儀 反 E開封府³ 邢疏云: 乎 封 陳 人在 衛。 其字從 寇,輒 留。 也。」 又《一 祥符縣。 今直隸順 之而 第 浚儀,當今祥符、蘭陽 李氏惇《群經識 陳留郡之長 司馬彪《郡國志》「浚 「鄭以《左傳》『入于夷儀』, 適 謂 與 金 ,多得封丘 統 出聲。二〇注 過 衛 儀 鄭 遠。 則 志 又「浚儀」始見《郡 曹 焦氏 同。 即 德府邢臺縣、 第 木 淡 而 儀封 考儀封,漢 鐸 宋 循《論 垣 統志》: 儀 亦是 將 法 而 封 小》 南 適陳 [] 爲 言 者 鄭 儀 燕。 丘 語 金 尤 侕 開 蓋 非 儀 閒 補 ~ 西 儀 П 學 陳 鐸 皆 山 名 自 衛 過 封 也 行 接 雖 疏》 注 東 或 城 此 東 邑 如 惟 仍 匡 府 在 征

> 注云: 之。 子 將發號令,必以木鐸警衆。」是木鐸爲施政教 爲失位,閻氏若璩説同 曰 : 人, 鄖 封人,當祇以 域者,亦如之。」注云:「畿上有 王之社壝,爲畿封而樹之。凡封國封其四疆,造都邑之封 並恐未然。 時。 而葉,復如 適 義 員見鱄設諸於公子光,齊豹見宗魯於公孟。 夫子聖德之將喪亡耶」〇正義曰:錢氏坫《後録》: 「將喪斯文」之「喪」。」即 三 三 : 衛。 不 言弟子爲紹介,通之於夫子,使得見之也。《左傳》 閻 得位 焦氏以爲由陳至衛之道,是指第三次至衛。 陽封人、呂封人、皆此官。 「聚土曰封。」其職則中士四人,下士八人。 《明堂位》: 第四 氏若璩《釋地》以 行 蔡 政, 云「封人、官名」者、《周官 將西見趙簡子,未渡河 而楚, 下士爲之。 退 而删 「振木鐸於朝,天子之政也。」注:"「天子 仍 反乎 《詩》《書》,正 亦通。 孔此 「喪」爲失位去國,是第 《左傳》潁谷封 衛。 義。 封 ○注「木鐸」至「天下」○ 夫子之至 ○注 ,若今時界矣。」又《序官 劉敞《七 而 禮樂, 反衛。 「通使得見」〇 封人》職云: 人,蔡封 儀 經小 \$ 時 所 設 第五如: 0 邑 《春秋 傳 注 不 此 人,蕭 次 「何 》以 若侯國 》,是 也。 知 假 陳 「掌設 適 患 正 設 在 而 一喪 衛 伍 封 言 何

[「]篇」下,據柳宗元《法言注》脱「注」字。

制 必 李軌注: 兹儒乎? 制作法度也。《中庸》言天子方議禮 封人蓋知夫子之終無所遇,而將以言垂教,故以木鐸爲喻 (春秋))爲天子之事,則知夫子所定之六藝,皆天子之政 法言》云"「天之道不在仲尼乎? 作 有所制,以 法度也 「莫如使諸 如將復駕 顯 天心,丘爲木鐸制天下法。」皆以「木鐸」爲 儒宣揚之。」《春秋緯》: 其所説, 則莫若使諸 仲尼駕説者也。 制 度、考文,孟子 儒金口而木舌。」 「聖人不空生 不在 亦以 也

位 案:《漢書·董仲舒傳》: 舜樂也,美舜自以德禪於堯。 傳》、《史記・舜紀》、《漢書・禮樂志》。 見《周官・ 也。」注: 舜樂名。 以 武》、「盡美矣、未盡 以 王樂,美武王以 征 伐 禪虞舜。 子 取 「韶之言紹也。 謂 大司樂》。 謂以聖德受禪,故盡善。《武》,武王樂也。 天 下,故未盡善。」正義曰:《樂記》:「韶,繼 韶 舜因堯之輔佐,繼其統業,是以垂拱無爲 此定功天下。 **≫**, 又作「招」、見《墨子・三辨》、伏生《書 言舜能繼紹堯之德。]又作「磬」, 盡 對策曰:「堯在位七十載,迺遜 善也。」【注】孔曰: 美矣, 又盡善,謂太平也。《武》,周 未盡善,謂未致太平也。」 又 盡 鄭此注云:「《韶》, 善 也。 「《韶》, 謂 而 干

> 之。 疏》: 美矣。 音美也。 平,非武所及,故《韶》樂獨盡美盡善。 日: 天下 於後人,故云「未盡善」。 民迪屢不静,餘風未殄,則 於兩階,而文多於武也。 文云云。 已。」」此正《武》樂不及《韶》之證。 雖甚盛德,其蔑以加於此矣,觀止矣。 箾》、《南籥》者,曰:『美哉! 仲舒此言即鄭君義。《左襄二十九年傳》:「季札見舞《象 『德至矣哉! 備德 '猶有憾,亦與《武》樂未盡善同也。 《史記・封禪書》言武王「天下未寧 『美哉! 治。 「武王末受命,未及制禮 未盡善者,文德猶少,未致太平。」此疏申鄭義, 也。」①注云:「樂以文德爲備 「又盡善也」,謂文德具也。 疏云: 孔子曰:「《韶》,盡美矣,又盡善矣。」此之謂 周之盛也其若此乎?」見舞《韶箾》者,曰: 大矣,如天之無不幬也,如 「舞以文德爲備,故云【《韶》盡美矣」,謂 謂武盡美矣者、《大武》之樂,其 善,德之建也。 是未致太平 作樂以致太平,不能 猶有憾。』見舞《大武》者 蓋 《樂記》:「干戚之舞 ,若《咸池》者。」下引此 虞舜之時,雜舞干 若文王未洽於天下 舜德既盛,又躬致太 若有他樂,吾弗敢 而崩」,其時殷之頑 也。 周 地 公成文、武之 之無不 焦 氏 不有 循 載 也。」 ※ 補 也 得 體 羽 請

非 則

德」,據《禮記 樂記 》當作「樂」。

0

〇七

〇八

又云: 德,即 仲舒傳》注: 所 箾 定天下,故樂其武也。」然則武兼文、武。《左傳》言「見《象 故詩人歌之:「王赫斯怒,爰整其旅。」天下樂文王之怒以 公之樂曰《酌》,合曰《大武》。 武也云爾。」《白虎通•禮樂》篇: 周 也 護》而文王作《武》。 稱。 故武。 》、《南籥》」,則文樂不名《武》也。 人德已洽天下,反本以爲樂,謂之《大武》,言民所始樂者 《春秋繁露·楚莊王》篇:「文王之時,民樂其興師 〇注「以征伐取天下故未盡善」〇正義曰: 成此未盡善之德 其實亦因武王樂得名,故《左傳》以《大武》爲武 「紂爲無道、諸侯大亂、民樂文王之怒而詠歌之也。 武者,伐也。 以其用兵伐紂,故有慙德、未盡 四樂殊名,則各順 也。 是故舜作《韶》而禹作《夏》,湯作 孔 天下始樂用之征伐行武,1 説 較 「周樂曰《大武》、《象》,周 量 文樂名《武》,當出周 於受禪 其民始樂於己也。」 征 善也。」即 顔師 伐,非 古《董 征伐 是。」 此 公 Ŧ

禮意。」案:「居上」者,言有位 哀,吾何以觀之哉?」正義曰 爲禮」、 子 Ď: 臨喪」,並指居上者言之。 居 上不寬,爲 者居 「寬」者、《 民 禮 邢疏 上 不 禮 云: 敬, 樂 書 所 此 臨 皋陶 自 章總言 喪 出 也。 謨 不

注

又云: 與? 通。 也。 則傷行而民弗尊。居上不寬,則傷厚 義,以寬爲仁德,敬爲義德也。 上不寬也。 攻其惡,不攻人之惡,非仁之寬與? 子張問仁,告之以寬,是寬爲仁 治 《周官 寬 也也。 而 「寬仁所以止苛刻也。」《春秋繁露・ 臨喪」,謂 此之謂仁造人,義造我。 栗」,鄭注 觀 臨喪則必有哀色。」或謂 鬯人》:「凡王弔臨。」《左傳》云: 一者,觀禮也。 以治人之度自治,是爲禮 謂 臨視他人之喪。 「度量寬宏」。 禮無足觀 是故以自治之節治人,是居 一禮」,謂 [《]曲 夫子言 ,斯懈於位 . 德。 臨」者哭臨,「 禮》云:「 而民弗親。」此先漢遺 《詩 不敬也。 自攻其惡,非義之全 仁義微》篇: 凡賓祭鄉射諸 寬 , 而 臨 則得衆」,其答 昊天有 民不 於周 臨 臨 爲禮不敬 喪 讀去聲。 不笑。」 ·可得 廟。」亦 成 命 而 禮

定遠方燕昭校刊

「用」,據《白虎通》當作「周」。

寶應劉寶楠

里仁第四 集解

凡二十六章

正義曰:《説文》:「擇,柬選也。」《後漢・張衡傳》:「衡作 里,是爲美。求居而不處仁者之里,不得爲有知。」 知?」【注】鄭曰:「里者,仁之所居。居於仁者之 子曰:「里仁爲美。擇不處仁,焉得

里」,亦作「宅」字。 擇,亦通。」馮氏登府《異文考證》引劉璠《梁典》「署宅歸仁 古文本作「宅」。惠氏棟《九經古義》:「《釋名》曰:「宅,擇 仁爲美,宅不處仁」,里、宅皆居也。」《困學紀聞》謂《論語 《思玄賦》曰:「匪仁里其焉宅兮!」」李賢注:「《論語》「里 擇吉處而營之。」是「宅」有擇義,或古文作「宅」,訓 ○注「里者」至「有知」○正義曰:《爾 爲

論語正義卷五

仁,焉得智?」夫仁,天之尊爵也,人之安宅也。 莫之禦而 豈不仁於圅人哉? 矢人惟恐不傷人,圅人惟恐傷人。巫 子·勸學篇》:「故君子居必擇鄉,遊必就士,所以防邪 不仁,是不智也。」」觀孟子所言,是「擇」指行事,沈説蓋 匠亦然。故術不可不慎也。孔子曰:「里仁爲美,擇不處 道,安得智乎?」案:《孟子·公孫丑上》:「孟子曰: 『矢人 云:「言所居之里,尚以仁地爲美,況擇身所處而不處仁 爲有知矣。鄭氏此訓與《論語》古文義合。皇疏引沈居 而近中正也。」今求居不處仁者之里,是無知人之明,不得 而不處仁者之里,不得爲有知」者,此訓「擇」爲求也。《荀 居民之法,故居於仁里,即己亦有榮名,是爲美也。「求居 如時考之。歲誘賢焉,則賢者親,不肖者懼。」是古有别地 屬而治之。然後賢民無所隱,暴民無所伏。 禮・王言》云:「昔者明王之治民有法,❶必别地以州之,分 雅•釋詁》:「里,邑也。」《説文》:「里,居也。」「仁之所居」, 「人」,此唐人避諱。「居於仁者之里是爲美」者,《大戴 「仁」當依皇本作「民」。《文選》潘岳《閒居賦》注「民」作 使有司日省

121

0 二「王」字、《大戴禮記解詁》作「主」。下《王言》篇之 「王」字同

此,於義亦通。

者異。 注: 美, 無欲而好仁,則與利仁者異,無畏而惡不仁,則與畏罪强仁 與仁同功,其仁未可 約、長處樂。《表記》:「子曰:「仁有三:與仁同功而異情。 民 曰: 仁,是與仁同功也,其仁未可知,故利仁但 過皆所不計,此 仁者安仁,知者利仁,畏罪者强仁。」」安仁是自然體 也。」《説文》:「爲,久遠也。」隸變作「長」。 .無欲而好仁者,無畏而惡不仁者,天下一人而已矣。...言 表記》: |利仁」者,知仁爲利而行之也。二者中有所守,則可久處 惟 必 ,使有恒産,既富必教之也。 故 性 驕 「久困則爲非。」不可以長 ·約,猶窮也。」不仁之人,貧富皆不可久處,故先王制 利 子曰:「不仁者不 佚。」仁者安仁,知者利仁。」【注】包 此惟安仁者能之。《中庸》云:「或安而行之,或利 仁 「子曰: 「中心安仁者,天下一人而已矣。」又曰 而行之。」正義曰:《墨子·經上》:「久,彌異 者 白 其仁可 體之,故 知也。 知,故 與仁同過,然後其仁可 謂安仁。」王曰: 直許之曰仁者。 · 可 以 「安仁」者,心安於仁也。 處樂。【注】孔曰: 久處約,【注】孔 《禮記 稱爲知 若利仁、 知 · 坊記》 也。 合, 知 仁爲 曰: 也。 又 强 功 時

> 之也。 傳》: 義同。 利行爲知,勉强行爲勇。 而 行之,或勉强 君子體仁,足以長人。」 《大戴禮·曾子立事》云:「仁 ○注「惟性仁者自然體之」○正 而行之,及其成功 聖人均要於成功,不以誠僞苛求 也。」彼文以安行爲仁, 者 樂道, 義 曰:《易 智 者 利道。」

能惡。 惡惡之,斯爲能好能惡也。」案: 迸諸四夷,不與同 肖,亦仁也。」〇注「惟仁者能審人之所好惡」〇正 與此文相發。 能容,以不能保我子孫黎民,亦曰殆哉!」惟仁人放流之, 情得其正,於人之善者好之,人之不善者惡之。 於人之善、不善有所不計,故不能好人惡人也。 宋石經、宋刻九經俱作 曰: 焦氏循《補疏》:「仁者好人之所好,惡人之所惡,故 於理,斯惟仁者能之也。 「人之有技,媢嫉以惡之,人之彦聖,而違之俾不通。 「惟仁者能審人之所好惡。」正義曰:「惟」,皇本、 子曰:「惟仁者能好人,能惡人。」【注】孔 必先審人之所好所惡,而後人之所好好之,人之所 《荀子·非十二子》云:「貴賢,仁也; 中國。 「唯」。 《禮記·大學》云:「《秦誓》曰 此謂惟仁人爲能愛人,能惡人。」 凡人用情,多由己愛憎之私 注説頗曲,姑依焦説通之。 若夫仁者 好惡咸當 爲能 義日 實不 賤不 好

《毛詩·采苓》傳:「苟,誠也。」皇疏云:「言人若誠能志於 經無「也」字,與《繁露》同。 志善而違於法者免,志惡而合於法者誅。」亦是此義。漢石 也。」又《鹽鐵論・刑德》篇:「故《春秋》之治獄,論心定罪。 故不棄亦不載,以意見之而已。「苟志於仁,無惡」,此之謂 不法,不可取,亦不可棄。棄之則棄善志也,取之則害王法 皆言之,爲宣繆諱獨弗言,何也? 曰:不成於賢也。其爲善 此亦當讀烏路。《春秋繁露・玉英》篇:「難者曰:爲賢者諱 曰:《釋文》:「惡,如字。又烏路反。」案:前後章皆言好惡, 曰: 仁,則是爲行之勝者,故其餘所行皆善,無惡行也。」 「苟,誠也。 子曰:「苟志於仁矣,無惡 言誠能志於仁,則其餘終無惡。」正義 ○注「苟誠」至「無惡」○正義曰:

也。」【注】孔

也。」古稱有爵禄者爲貴,無爵禄者爲賤,引申之義也。 反貧賤。此則不以其道得之,雖是人之所惡,不可 則仁者不處。」貧與賤,是人之所惡也,不以其 違而去之。 道得之,不去也。【注】時有否泰,故君子履道而 道得之,不處也。【注】孔曰:「不以其道得富貴, 子曰:「富與貴,是人之所欲也,不以其 正義曰:《説文》:「貴,不賤也。」「賤,賈少 富

《孟子·告子上》:「孟子曰:「欲貴者,人之同心也。人人 仁者好惡,有節於內,故於富貴則審處之,於貧賤則安守 貴人所欲,貧賤人所惡,亦是言好惡也。 至「去之」〇正 謂「非其道,則一簞食不可受於人」,皆此意。 處」〇正義曰:夫子謂「不義而富且貴,於我如浮雲」,孟子 《齊》、《古》、《魯》文異。《吕覽》注「居下」無「也」字,高麗 處」,此作「不居」。《論衡・問孔》、《刺孟》兩篇並同。」案: 覽・有度篇》注:「不以其道得之,不居。」畢氏沅校云: 在,雖貧窮甘之,仁之所亡,雖富貴去之。」並是此義。《吕 無貧窮,仁之所亡無富貴。」謝氏墉《校注》:「此言仁之所 身,所以不願人之文繡也。」《荀子・性惡篇》:「仁之所 飽乎仁義也,所以不願人之膏粱之味也。 有貴於己者,弗思耳。《詩》曰:「既醉以酒,既飽以德。」言 之。《坊記》所謂「君子辭貴不辭賤,辭富不辭貧」者 富貴則不處,不以其道之貧賤則不去,斯惟仁者能之。 「案:古讀皆以「不以其道」爲句,此注亦當爾。《論語》「不 「得之」爲句,畢校非是。○注「不以其道得富貴則仁者不 「不去」下亦無「也」字,當以有「也」字爲是。 且古讀 《後漢・陳蕃傳》、《鹽鐵論・褒賢》篇亦作「不居」,自是 義曰: 否者塞也,泰者通也。 若於不以 令聞廣譽施 君子履道,當 〇注 其道 於

可

_

之也。 티 : 仆。 也。 也。 仁者也,死於溝澮之間, 君子是「仁者安仁」也。《曾子制言》云: 變境,亦能依於仁行之,所以能審處富貴、安守貧賤也。 次、顛沛,變境也。 身,故君子無食頃違去仁道也。」案:終食之間,常境也; 仁,所以能審處富貴,安守貧賤也。 君子。」君子無終食之間違仁,造次必於 乎成名? 完,蔬食不飽,蓬户穴牖,日孜孜上仁。」君子去仁,惡 得 土地之厚,則得而有之,人徒之衆,則得而 顛 故君子無悒悒於貧,無勿勿於賤,無憚憚於不聞。 富貴而 違而去之,輒妄冀得富貴也。 沛必於是。」【注】馬曰:「造次,急遽。 「仁之難成久矣,唯君子能之。」」故此文言仁皆舉君子 仁既難成,故鮮 雖急遽、偃仆,不達仁。」正義曰:《表記》云:「子 ·君子無終食之間違仁」者,邢疏:「言仁不可 是故君子將説富貴,必勉於仁也。 反 貧賤 【注】孔 ,是不以其道得之,於此當以 君子處常境,無須臾之間違仁,故 能 成名。 曰:「惡乎成名者,不得成 ,其仁成名於天下。 君子知仁是美名,故終不去 《大戴禮 此君子是「知者利仁 • 曾子制言中》: 使之。 「昔者舜匹夫 昔者伯 夫二子者,居河 義 命自 舜唯以 顛沛,偃 夷、 布衣不 斯 安,不 名爲 叔 雖 是, 須 也 得 此 值 去 齊 造

項 : 旨。 濟之間 段借也。 於天下。 及釋文本 拔 跋也。」《詩・蕩》篇: 者。」言「造次」與此文義同 書 卻 並訓爲猝。案: 《易・夬》九四: 「其行次且。」《釋文》「次 次」,語之轉。「次」、「趚」古同聲,故《廣雅》「趚」、「造」二字 造,猝也。」王氏念孫 皆是思仁,此則爲「利仁」也。 謂「安仁」者也。若君子將説富貴,必勉於仁,又晝夜日夕, 貴,伯夷、叔齊則不以道得貧賤,而其仁成名於天下,皆所 倉卒也。」「倉促」與 「趚,倉卒也。」「卒」與「猝」同,趚之言造次也。 而自省,以殁其身,亦可謂守業矣。」案: 行不前也。」「卻 「本亦作「赼」、《説文》及鄭作「趚」,同七私反。 與 景十二王傳 ○注「造次急遽顛沛偃仆」○正義曰:鄭注云: 跋 非有土地之厚,貨粟之富 是故君子思仁,晝則忘食,夜則忘寐,日 偃 偃仆」者、《説文》「偃 同。 作 考之《説文》,「顛 僵 急遽 行」與「急遽」相反,文各有因 「顛沛之揭。」毛傳: 河 《疏證》:「趚、屏 《説文》: 間 義同。 獻 《説文》: 王德 曾子所言,最足發明此章之 「僵,價也。」義亦 僵也」,「仆, 《廣 也。 本訓頂,「沛 被 服 雅 」與 言爲文章,行爲 儒 字也。」《説文》: 「顛,仆; 術 釋詁》:「趚、屏 ,跋也。」 舜是以 顿也 造 「倉卒」、「浩 |爲水名,皆 次必 同 也。 旦 沛,拔。 馬 「造次 道得富 跋, 就 於 表綴 皇 《漢 業 蹎

廢。」又《表記》:「子曰: 覽・孝行》《自知》篇注:「加,施也。」「有能一 聲之轉。」《三國志・顧歡傳》引「其爲仁也」。「加」者,《吕 也。「矣」者,起下之辭。 爲仁實用 也,不知年數之不足也。 仁」者,申言爲仁之事也。 我未之見也。」正義曰:「其爲仁矣」,「爲仁」即用力於仁 於仁矣乎? 己,不如好仁者無以尚之爲優。」有能一日用其力 曰:「謙不欲 力不足者。」蓋有之矣,我未之見也。」【注】孔 仁者,無以尚之;【注】孔曰:「難復加也。」惡不 中道 【注】孔曰:「言惡不仁者能 言人無能 者,其爲仁矣,不使 而 子曰:「我未見好仁者,惡不仁者。 廢」。 其力。 日日 其 盡 惟力已盡,身已斃,而學道或未至,方是 廢 誣時人言不能爲仁,故云爲 用其力脩仁者耳,我未見欲爲仁而 我未見力不足者。【注】孔 也 由 「鄉 王氏引之《經傳釋詞》:「矣、也一 俛焉日有孳孳,斃而後已。」」並言 於年數不足,有不得 夫子言:「力不足者,中道 道而行,中道 不仁 使不仁者不 者 而廢,忘身之老 加 日用其力於 乎 加 不廢者 能 非 其 有 義於 曰: 身。 爾, 好 也 而

> 仁也。 足 ? 體質 如是而後謂之力不足,是誠不足也。 爲優,意以惡不仁者或是利仁、强仁,若好仁者,則 物以尚之也。」○注「言惡」至「爲優」○正義曰: 漢石經「我未見好仁」下無「者」字,皇本「用其力於仁」下 於仁,人必有耳,但我未之得見。「蓋」是語辭,不是疑 力不足自諉,是即夫子之所謂畫矣。 「乎」。〇注 曾」與「增」同,故注訓加。 者」字,又「力不足者」下有「也」字,「蓋有之矣」,「矣」作 好仁者惡不仁者」是就兩人説之。惡不仁者不如 (素弱,而自存其心志之所至,氣亦至焉,豈患力之不 一日者,期之至近而速者也。 故曰「我欲仁、斯仁至矣」、「一日克己復禮、天下歸仁 「難復加也」〇正義曰:《説文》:「尚,曾也。 皇疏引李充曰:「所好惟仁,無 「蓋有之」者,言此用 夫仁,人心也。 若此身未廢,而 注以 好 是 經 遽 辭 以

其黨」者,皇疏引殷仲堪曰「言人之過失,各由於性類之不當其所,則爲仁矣。」正義曰:皇本「人」作「民」。「各於之行,非小人之過,當恕而勿責之。觀過,使賢愚各知仁矣。」【注】孔曰:「黨,黨類。小人不能爲君子知仁矣。」【注】孔曰:「黨,黨類。小人不能爲君子知仁矣。」【注】孔曰:「黨,黨類。 机過,斯子曰:「人之過也,各於其黨。觀過,斯

明。 之。 仁也。 同。 即 也。」 所貪也; 乃是其失,若不能書 觀過之法,此爲莅民者示 張岱母年八十,籍注未滿,便去官還養。 傳》言嗇夫孫性私賦民錢,市衣進父。《南史·張裕傳》言 者焉。」案:《表記》此文最足發明此章之義。 知者利仁,畏罪者强仁。」注云: 其仁未可知也, 與仁同過, 然後其仁可知也。 爲仁也。 儉,雖有過,不甚矣。」明言仁道難成。 其所好,故仁者之過易辭也。」」注: 於容非」是也。 過者之仁, |至「仁矣」〇正義曰: 一亦常訓。 惟《吴祐傳》作「知人」,「人」與「仁」,通用字。 案注説甚曲,焦氏不免曲徇。 直 「燕王上書言: 利仁、强仁,功雖與安仁者同,本情則 者以 過者,人所辟也。 又子曰:「仁有三,與仁同 改邪爲義,失在於寡恕,仁者以惻隱爲 而孔以爲觀者知仁術,亦誤 焦氏 《表記》:「子曰:「仁之難成久矣。 循 子路喪姊 ,則非耕夫之失也。」此説「黨」字義最 《補疏 也。 《 禮 記 • 在過之中,非其本情者,或有悔 》申此注云: 皇侃 ,期而不除。」《後漢書· 「三謂安仁也、利仁也、强 云 仲 「辭猶解説也。 且知仁 功 尼 仁者雖有過,不失其 而異情。 「猶如耕夫不能 燕 「各於其黨,即 三傳皆引此文美 因 居》注: 《漢書・ 異。 觀 仁者安仁, 而 與仁同功 知,則 ○注 功者,人 誠 仁者恭 人人失 黨, 吴祐 外 過 耕 黨 類 戚 是 在

> 遠甚,故曰「可矣」。 之助。 道,已得聞知之也。 也。」《説文》: 聞 「夕」,言時至近,不踰一日也。 不 世之有道」也。 皇甫謐傳》載謐語,皆謂 闡 若不幸而朝聞夕死,是雖中 子 世 Ħ 之 : 「朝,旦也。」「夕,草 有 朝聞 道。 漢石經「矣」作 聞道而不遽死,則 《新序·雜事 正 道 義 日 夕 「聞道」爲已聞 「聞道」者,古先聖王 死 爾爾 也 也。 道 可 》篇載楚 雅 而廢 矣。 循習諷誦 从月半見。」「朝」、 ,其賢於 【注】言 詁 道 共 一, 非 Ŧ 將 事,《 爲德性 無聞 如 君子之 朝, 將 注 晉 早 至 也

死

四民之首。 及爲士,則不教也。」聖門弟子來學時多未仕,故夫子屢言 故士爲學人進身之階。 任事之稱也。 足與議也。」正義曰:《白虎通・ 義」,即此文所云「道」也。 志」、《孟子》言「士尚志」,又言「士志仁義」,「大人之事備仁 士,而子張、子 議 語 子曰:「士志於道而 也。」《廣雅· 其習於學,有德行道藝者,始出仕,亦謂之士。 故傳曰: 貢 亦問士,皆循名責實之意。 釋詁》:「議,言也。」「與」,是夫子 《荀子 通古今,辨然不,謂之士。]案: 士志於道,故當議道。 儒效篇》: 恥惡 爵》篇:「士者 衣惡食者, 匹 記言「士 一夫問 《説文》: --, 事 也 未

絶之也。不若人爲恥,忮害貪求之心必不能免,故言「未足與議」,以不若人爲恥,忮害貪求之心必不能免,故言「未足與議」,以之,夫子以道設教,故云「與」也。 士既志道,而以口體之養

記・ 子·君道篇》云:「天子四海之内無客禮,告無適也。」注讀 記》:「計於適者。」鄭 與事也。「無適」、「無莫」者、《釋文》云:「適,鄭作敵。 梁著《和 是言好惡得其正也。 注:「安適、主適也、亦敵也。 下「無所貪慕」,必亦鄭注之義。 爲敵。」由惠氏所引證觀之,是「適」「敵」通用。 鄭音慕,無所貪慕也。」惠氏棟《九經古義》:「《禮記 也,義之與比。」正義曰:言「天下」者,謂於天下之人 本鄭注。」竊謂「敵」當即仇敵之義,「無敵無慕,義之與比 群臣百官皆畔 莫、慕一聲之轉。《一切經音義・維摩詰經上》「適莫」 敵」,不知其義云何。 范雎傳》「攻適伐國」、《田單傳》「適人開户」、《李斯傳 子曰:「君子之於天下也,無適也,無莫 同論》云: ,不適」,徐廣皆因「征敵」之「敵」。●《荀卿 「夫事 鄭氏專就事言。 至《釋文》於「莫」字引「鄭音慕」,其 注云:「適,讀爲匹敵之敵。」《史 有違 莫猶慕也。』敵、慕二訓,當亦 而得 馮氏登府《異文考證》: 道,有順而失義,有愛而 《後漢書·劉梁傳》 鄭所見本作 · 雜 莫,

> 也。 厚也。 何 ? 厚薄也。 諸文解「適」、「莫」、皆就人言。 門開窗、號咷博求、得賢而賞、聞善若鶩、無適也、無莫也。」 子,情無適莫。」《白虎通・ 所失也。 之所在也。」案:無所貪慕,乃鄭君解「無莫」之義,與「無 有注云:「言君子之於天下,無適無莫,無所貪慕也 有義者,則與之爲親。」其義淺陋,不足以知聖言矣。 通》、《風俗通》皆如此解,則亦《論語》家舊説,於義並 也。」范氏意似以「適」爲厚、「莫」爲薄、故邢疏即云:「適 勸,罰一惡而衆臣懼。」《風俗通・十反》篇:「蓋人君 人之美。 此義當與鄭合。 爲害,若惡而爲美。❷ 至邢疏又云:「言君子於天下之人,無問富厚窮薄,但 以爲君之於臣,無適無莫,義之與比。 莫,薄也。」此與鄭氏義異。疑《李固傳》及《白 時潁川荀爽、賈彪,雖俱知名而不相能,燮並交二 是以君子之于事也,無適無莫,必考之以義焉。」 比,親也。 又《李固傳》:「子燮所交,皆舍短取長,成 君子與人無有偏頗厚薄,唯仁義是親 其故何乎? 諫静》篇:「君 皇疏引范甯曰: 蓋明智之所得,闇 所以不爲臣 賞一善而 「適莫,猶 唯 皇本 者闢 僞之 得 衆 隱 通 臣

- 「因」,據文義當作「音」。
- 「若」,據《後漢書》當作「有」。

適」句無涉,此注必妄人所增。

子

. 日 . 「

君子懷德、【注】孔曰:「懷,安也。」

民則 無恒 篇云: 畏法,故以刑齊民,不能使民恥也。《書·皋陶謨》云:「安 法,而 後驅而之善,所謂能知小人之依矣。 此德爲君子所懷也。小人惟身家之是圖,飢寒之是恤,故 必 善惡不善,勿能已矣; 治人者也,小人待治於人者也。 八家同 田 念在德也。《管子・心術》篇:「化育萬物謂之德。」又《正 思念也。」君子己立立人,己達達人,思成己將以成物, 惠。」正義曰:《爾雅・ 孔 小人懷土,【注】孔曰:「重遷。」君子懷刑、【注】 有道矣。 也。」《説文》:「土,地之吐生萬物者也。」先王制民之産, 曰:「安於法。」小人懷 産,因 惠,黎民懷之。」是小人所懷在恩惠也。 不致有匪僻之行,此君子所以爲君子也。 「愛之生之,養之成之,利民不德,天下親之曰 井,死徙無出鄉,必使仰足事父母,俯足畜妻子,然 [無恒 ○注 心,所思念在 懷安也 知所以待治於人,則先富後教,處 釋詁》:「懷,思也。」《説文》:「懷、 $\overline{\bigcirc}$ 正 土也。 惠。」【注】包曰:「惠,恩 義曰:《詩 知所以自治以治人 《爾雅 「懷刑」,則日儆於禮 ·釋言》:「土, 夫君子自治以 終風》雄 小人愍不 則 德。 所思 雉 之 好

> 同。 遷,黎民之性。」〇注「惠恩惠」〇正義曰: 爲重難也,亦懷居之意。 遷」〇正義曰: 作「懷,思也」。 揚之水》箋 《説文》:「惠,仁也。」 並 《爾雅 굸 以下句「安於法」例之,「思」字誤。 懷, · 釋詁》: 安 《漢書・元帝紀 也。」《 「遷,徙也。」言小人以遷 文選 登 《荀子 樓 賦 日: 注 「安 Ŧ. 引 一制》注 注「重 土. 此 重 注

也。 園。 亂世。 也。 下,所謂長國家而 義,不與民争利也。 然故民不困財 不息牛羊,錯質之臣不息雞 少、諸侯不言利害、大夫不言得喪、士不通貨財、有國之君 在位好利者箴也。「利」者,財貨也。 周 放,依也。 語 從士以上皆羞利,而不與民争業,樂分施而 而或專之,其害多矣。 《荀子·大略篇》:「故義勝利者爲治世,利克義者爲 子曰: 上重義則義克利,上重利則利克義,故天子不言 「芮良夫曰: 每事依利而 「放於利 資宴者有所竄其手。」皆言在上 務 財 若在上者放利而行,利壅於上,民困 「夫利,百物之所生也,天地之所載 用 · 必 而 行,取怨之道。」正 天地百 使菑 豚,冢卿不脩幣,大夫不爲場 行,多怨。」【注】孔 害並 物, 「怨」者、《説文》云「恚 至,故 皆 將取 民多怨之也 位者 義曰: 焉, 恥 宜 胡 積 日 知 可 此 重 爲

也? 也。 末利。」師古注: 賀等傳贊 注《天官・ **案**: 所怒甚多,而不備大難。」〇注 放縱,義亦通 引桓 食醫》、《儀禮・少牢饋食》有此訓。 放,縱 寬《鹽鐵論 也。」謂縱心於利也。 「桑大夫不師古,始放於 放依也」〇正 《漢書》公 説,放,依 義 \vdash

孫

曰: 父慈、子孝、兄良、弟弟、 謂人情? 生而患不作,故曰禮 讓然後少長貴賤不相踰越,少長貴賤而 子•五輔》篇:「夫人必知禮 也,故制爲禮以治之。 讓,去争奪,舍禮 忠,十者謂之人義。 血 何?」【注】包曰: 注】何有者、言不 氣,使之咸 「讓」者,禮之實; 子 故聖人之所以 曰:「能 喜怒哀懼愛惡欲,七者弗學而 就 於中 , 何 講信修睦,謂之人利,争奪 不可不謹也。」《禮記 如如 難。 以治之?」《左襄十三年傳》: 以 治人七情,修十義,講信修睦 和 禮者,所以整壹人之心志,而 「禮」者,讓之文。先王慮民之有 夫義、 也。 禮 禮 不能 ,然後恭敬,恭敬然後尊 何者 「爲國」者,爲猶治 讓 婦 爲 聽、長惠、幼 以 言不 或 禮 不 讓 乎? 能。 能 相 爲 禮 踰越,故 用 順、君仁、臣 何 運 》曰: 國, 相殺 禮。 何 謂人義 也。 抑 「君子 讓,尊 如 有 尚辭 亂不 制其 謂 正 **管** 「何 禮 ? 之 争 義

> 德。 言若無有。」是其不難也 傳》賈逵上書引此文作 之敝,恒必由之。」諸文並 子,是以上下無禮,亂虐並生,由 \Box 力以事其上,是以上下有禮而讒慝黜遠,由 ○注「何有言不難」○正義曰:《後漢・列女傳》注:「何有 《列女傳》曹世叔妻上疏引亦同。 讓,禮之主也。 及其亂也,君子稱其 世之治也, 能 、功以 足發明此章之義。 以禮 加 君子尚能 讓爲國,於 争善也,謂之昏德 小人,小人伐其 此疑出《齊》、《古》文異 而 不争 讓 從政乎 《後漢 其 也,謂 Ŧ, 人技以 何 小 劉 有」, 國 之懿 人農 憑 愷 家 君

兩位 所以立」,猶言患無所以立。 謂患不得之,皆語之急爾。 位,以馭其士」,注:「爵次也。」「立」者,立乎其 己知,求爲可 「公即位」,作 之,則人知己。」正義曰:《周官・大宰》: 患己不立」,當是以義增成。 位 」字與下二句 作「立」。 子曰:「不患無 「即立」、《周官・小宗伯》「掌建國之神位」,故 鄭司農云: 知 兩 也。」【注】包 「知」字,文法 位,患所 「古立、位同字。」患所以位 《潛夫論· 下篇「其未得之也患得之」,亦 或謂「立」與 曰:「求 例。 以 貴忠》篇引此文作 立 ; 「位」同,上二句 漢石 八則,「 善 位 道 不 經《春 也。 而 四 患 學 「患 日 莫 行 禄

患己所 而 必用己。 必貴己,能爲可信,不能使人必信己,能爲可用,不能 言之。《荀子·非十二子篇》:「君子能爲可貴,不能使 立」,就蒞官時言之。「不患莫己知,求爲可知」,就爲學 行,端然正己,不爲物傾側,夫是之謂誠君子。」皇本「己」 恥不能,不恥不見用。 以 故君子恥不脩,不恥見汙, 恥不信,不恥不見 稱 其位者 此 説 亦 是以不誘於譽,不恐於誹,率道 通。 案: 示 患 無 位, 患 使 所 時 以 人

之」者,焦氏循《雕菰樓集》曰:「孔子言『吾道一 與門人同 於天下之善,無不從之,是真一以貫之,以一心而容萬善 成己以及物也。 曾子曰「忠恕而已矣」,然則 「大舜有大焉,善與人同,舍己從人,樂取於人以爲善。」舜 參」、「森」音同。 「參」者,曾子名。 「唯。」【注】孔曰:「直曉不問,故答曰唯。」正義 子曰:「參乎! 隱惡 侍夫子,深知聖道,故夫子呼告之也。 而揚 孔子曰: 善, 其字子輿,則取三人同輿義也。 《説文》「森」字,「讀若曾參之參」,則 執其兩端,用其中於民。」 孟 「舜其大知也與! 一貫者,忠恕也。 吾道一以貫之。」曾子 舜好問 忠恕者何? 以貫之」, 二以 子 曾子時 日 而 好 貫

人。

未通於人,僅爲知之次,而不可爲大知。

必

如舜之舍

不至守一先生之言,執

而不博。

然多仍

在己,未嘗通

諸 ? 異,不與人同而與人異,執一也,非一以貫之也。 乎己,則嫉忌之心生, 貫者通也,所謂通神明之德,類萬物之情也。 也。 之人,共包圅於化育之中。 者,次乎一以貫之者也。 與?」曰: 謂子貢曰:「女以予爲多學而識之者與?」曰:「然,非 以善濟善,而天下之善揚, 是故人之有技,若己有之,保邦之本也。己所不知,人其舍 性,以盡人物之性,因材而教育之,因能而器使之,而 欲,人亦各有所欲,己有所能,人亦各有所能。 有聖人所不知而人知之,聖人所不能而人能之。 之所習所學所知所能,例諸天下之所習所學所知所能,故 其不齊,則不得以己之性情,例諸天下之性情,即不得 此所以大也。]又云: 「多聞,擇其善者而從之。 克己則無我,無我則有容天下之量。 舉賢之要也。 「非也。 予一以貫之。」聖人惡夫不知 知之爲知之,不知爲不知,力學之基 「孟子 嫉忌之心生,則不 多學而後 E. 致中和,天地位焉,萬物育焉 以 多見而識之,知之次也。」次 善化惡,而天下之惡 「物之不齊,物 多聞多見,多聞多見 有容天下之量 與 人同 惟事事 之情 知己 聖人盡 而 孔子又 而 也。 亦 作 與 欲 天下 有 隱 所 惟 出

字下有「也」字。

皆訓「一」爲專。

同。《後漢・馮緄傳》、《淮南・説山訓》、《管子・心術》篇

後漢書・順帝紀》,皆訓「一」爲皆。《荀子・大略》、《左》昭 一十六年、《穀梁》僖九年、《禮記·表記》、《大學》皆訓「壹·

《大戴·衛將軍》、《荀子·勸學》、臣道

孔子之道皆於行事見之,非徒以文學爲教也。

「一」與「壹」

謂之貫矣。」阮氏元《揅經室集》曰:「吾道

十王傳》云"「奉承貫行。」「貫」亦行也。《爾雅》"「貫,事

谷永傳》云:「以次貫行,固執無違。」《後漢書·光武

以從人,於是集千萬人之知,以成吾一人之知,此一以貫之 也。」事與行義相近,故事謂之貫,亦謂之服,行謂之服,亦 也。《荀子・王制篇》云:「爲之貫之。」「貫」亦爲也。《漢 [子曰:「吾道一以貫之。」I一以貫之」,即一以行之 以貫之,此言 未 而 子 中此者也。」《周 者、《周語》云:「中能應外,忠也。」《曾子大孝》云: 辭,唯恭於諾。」子出,門人問曰:「何謂也?」曾 之。《説文》:「唯,諾也。」《曲禮記》:「唯而不諾。」注:「應 經旨皆甚合,故並録存之。皇本「貫之」下有「哉」字。 爲專。 人。「子夏之門人問交於子張」,則子夏弟子也。「忠恕. 治任將歸」,皆是夫子弟子。 臣」、「門人欲厚葬之」、「門人不敬子路」,又《孟子》言「門人 人」者,謂受學於夫子之門之人也。下篇「子路使門 子曰:「夫子之道,忠恕而已矣。」正 「直曉不問故答曰唯」〇正義曰:「唯」即是答,故以「答」明 之義,自漢以來,不得其解。 亦謂壹是皆以行事爲教也,亦即忠恕之道也。」案:「一貫」 於子貢則略加問難而出之,卒之,告子貢曰「予一以貫之」, 識學聖人,而不於行事學聖人也。 行爲何道,故曾子曰:「夫子之道,忠恕而已矣。」」又云: 「子貢之「一貫」亦當訓爲行事,此夫子恐子貢但以多學而 道術》:「以己量人謂之恕。」《大戴記· 以貫之、猶言壹是皆以行事爲教也。 官・大司 徒》注:「忠,言以中心。」《賈 惟「曾子謂門弟子」,則曾子門 若焦與王、阮二家之説, 夫子於曾子則直告之, 小辨》云:「 弟子不 義 曰:「門 「忠者・ ○注 求之 ·知所 人 爲 知

學而識,成己也,一以貫之,成己以及物也。

僅多學而

多 識

「貫

貫、得其半、未得其全、故非之。」又《廣雅·釋詁》:

行也。」王氏念孫

言而可以終身行之者乎?」子曰:「其恕乎?」《里仁》

《疏證》:「《衛靈公》篇:「子貢問曰:「有

不足以盡,若曰我非多學而識者也,是一以貫之者也。

所以視多學而識者爲大也。

孔子非不多學而識,多學而

己從人,而

知乃大。

不多學,則蔽於一

曲,雖兼陳萬物,

衡無其具,乃博學則不能皆精。

吾學焉,而

人精焉,舍己

人,恕 子曰: 忠必 非 也。 事 能孝其父者,不敢言人父不能畜其子者, 欲立而立 此 也,君子忠恕,故 言忠恕之義最顯。 有餘,不敢盡 之,未能也; 四、丘未能一焉。 『忠恕違道不遠。 者,不敢言人君不能使其臣者。」」《禮 其兄者,不敢言人兄不能順其弟者, (中庸》之「誠」,即《大學》之「誠意」。 内思畢心曰 忠則 存皆是誠實。 君、未能 因 命中 恕 知 也。 無由 『君子立孝,其忠之用也,禮之貴也。 中, 可 庸》云: 水仁, 人,己欲 也; 知 恕,非恕亦奚稱爲忠也? 庸德之行,庸言之謹; 者 知中,中 中 所求乎弟以事兄,未能也,所求乎朋友 故 言顧行,行顧言,君子胡不慥慥爾?」二二文 相因 必 誠 《大學》:「所謂誠 能 恕即 所求乎子以事父,未能也; 所求乎 施諸己而 知 達 蓋忠、恕理 盡己之性,盡己之性,故能盡 恕 者,非自 以應實曰 而達人」。 無 爲 知 偏用之勢。 仁,引申之義也。 恕 不願,亦勿施於人。君子之道 必 成己而 本相通,忠之爲言中也,中之 知外 知恕。」《曾子立孝》篇: 己立己達,忠也; 意,毋自欺也。」即 有所不足,不敢不 知 知 已也, 爲人臣而不能 《説文》訓 誠者實也, 忠者亦實 而已矣」者,無餘之 中庸 外 爲人弟 必 所 是故仁者,「己 故爲人子 知 ₩ ⊟ : 以 德。」又 「恕」爲仁 成 而 人之性。 子 立人達 物 事 不 臣以 也。 是忠 勉 ; 先 而不 其 曰 能 日 君 曾 施 承

> 故門人聞曾子此言,不復更問矣。 故夫子言「忠恕違道不遠 辭。 也。」其注諸本並無,蓋後人所增 有《集解》,云:「 自 古聖賢 至德 「忠以事・ 要 道 上,恕以 皆不外 也。 忠恕之道即 忠恕 接 宋相臺· 下,本一 能 行 本、岳本此節下 忠恕便是仁 而 以貫之之道 Ε, 惟其

所予禄者,不食於力,不動於末,故利可均布, 爲小人。」見皇侃 此章,蓋爲卿大夫之專利 三倍之利者,小人所宜 人君子在列位者皆如是。 公儀子相魯,見其家織帛,怒而 曰:「君子喻於義,小人喻於利。」案: 「《大雅・瞻卬》: 注】孔曰: 利 具爾瞻。」爾好義, 拔其葵,曰:『吾已食禄,又奪園夫女紅利乎?』古之腎 曰:「棄貨利而曉仁義,則爲君子, 故詩人刺之,曰: 子 曰: 喻 「君子喻於義, 義 『如賈三倍,君子是識。』 箋云:『賈物 猶曉也。」正義曰: 疏 則 民向 與 知也。 「節彼南山 及周之衰,其卿大夫緩于誼 鄭箋意同。 者 「而發。 仁 君子知之,非其 而 出其妻; 俗 君子、小人以位言。 善 維石巖 包氏慎言《温 小人 曉貨利而棄仁義 董子對策曰: 如鄭氏説 爾 食於舍 好 巖 喻 利 而 宜 而 赫 民可家足 則 則 於 也 故録 茹葵,愠 民 「古之 利。」 論 師 向 孔子 而急 而 則 尹 語 邪 有

甯

民 于 而

利之辨 之位 爲利。 民則 也; 注 曰 : 子之治小人者,知小人喻於利。」〇注 小人利而後可義,君子以利天下爲義。 於富,驅而之善,必使仰足事父母,俯足畜妻子。 則治小人者必因民之所利而利之,故《易》以君子孚于小人 屬於禮義,則歸之卿士大夫。]案: 於禮義 子此言, 而 人,小人也。 「《荀子· 義不能禮義言。 俗 皇皇求仁義,常恐不能 《禮記·文王世子》注 「無恒 無恒産,因 而爲庶人行哉? 敗。 君子能孚於小人,而後小人乃化於君子。 , 則 前 ,明也。」「明」、「曉」義同 可知鄭説之約而該矣。 王制篇》: 由是觀之,天子大夫,下民之所視傚,豈 産而 舍利不言,可 歸之庶人,雖庶人之子孫,積文學,正身行,能 貴賤以禮義分,故君子小人以貴賤言, 有恒 無恒心」,小人喻於利 能禮義,故喻於義,不能禮義,故 「古者雖王公卿士大夫之子孫,不能 心者,惟士爲能」,君子喻 夫皇皇求利,惟恐匱乏者,庶人之意 以守己,而不可 同。 化民者,卿 《淮 焦 卿士大夫,君子也, 氏循 南 也。 大夫之意也。」觀 喻 孔 以治天下之小人。 《雕菰樓文 主 猶曉也」〇 子此 惟 術 於義 小 》《脩 言,正欲君 人喻於利, 儒者知 此教必本 可 也。 即 居 集》: 務 Œ 喻 賢 以 「若 訓 義 於 庶 屬 董 人 義 能

子曰:「見賢思齊焉,見不賢而内自省

注 子•脩身篇》: 自省也。」即此章之義。 也 省, 云:「齊,等也。」與包同 。」【注】: 察也,察己 包曰: 「見善 得 無 ,脩然必以自存也; 「思與賢者等。」正 ○注 然 也。」案:「省, 「思與賢者等」〇正義 見不善 察」, 義曰: 常 愀 鄭 訓 日 然必 注 ^ \bar{z} 荀 鄭 以

憂也。 憂矣。 也。 云: 云: 而不怨也。 勞我心」、「勞心忉忉」、「勞心慱慱」、「勞人草草」之類,皆 止之也。「勞而不怨」者,王氏引之《經義述聞》:「勞,憂 則又當恭敬,不 納善言於父母。見志,見父母志有不從己 違,勞而不怨。」【注】包曰: 撻 説文》云:「諫,証 之流 「父有争子,則身不陷於不義。」是父母 高誘 「諫者,間也,更也,是非相 《論 子曰:「事父母幾 皇 血」,非勞之謂 注《淮 侃 語》「勞 《曲禮 疏引《内則》「撻之流血,不敢疾怨」以爲證。 南 》曰『三諫而 而不怨」,承上「見志不從」而 敢達父母意而 也。 精 神 也。 謂以言 》篇 邢 曰:『勞,憂也。』凡《詩 諫, 不聽,則 昺 正之也。 間,革更其 疏 人幾 見志不從,又敬 遂己之諫。」正 曰:「父母 者、微 號 合白 泣 有過,人子當 行也。」《孝經 而 I虎通• 也。 使己以 隨之二,可 言 諫之色 當微 亦 》言「實 義 諫 勞 謂 日 諍 不 辱 案 謂

意,徑情直行,但欲遂己之諫,不計父母之恥怒也。 敬起孝,説則復諫;不説,與其得罪於鄉黨州間,甯孰諫。」 其志也。 有過,下氣怡色柔聲以諫 母尚和順,不用鄂鄂。」又《檀弓》云:「事親有隱而無犯。」 微。」《説文》:「幾,微也。」《坊記》:「子云:「從命不忿,微 是子諫父母,不從,當益加孝敬,思復進諫。 志有不從己諫之色」者,言父母志不可見,但見父母色,知 諫之辭,皆是善言,所謂「諭父母於道」也。 合鄭兩注觀之,是「微諫」爲和順之義。 《内則》所云「父母 鄭注云: 諫不倦,勞而不怨,可謂孝矣。」」「微諫」即幾諫。 憂父母之不從,更思進諫也。 忘;父母惡之,懼而無怨。」「懼」、「憂」義同。 而不怨也。」案:王説是也。《祭義》:「父母愛之,嘉而不 而不忘,父母惡之,勞而不怨。」「勞」與「喜」相類,亦謂 之事無涉,胥失之矣。《孟子・萬章》篇曰:「父母愛之,喜 之事,己當盡力服其勤,不得怨父母。」則又與上文「幾諫」 微諫」,當即本《坊記》。鄭彼注云:「微諫不倦者,子於父 幾者」至「之諫」○正義曰:《易・繋辭傳》:「幾者,動 「則又當恭敬」云云者,《内則》云:「諫若不入,起 「無犯,不犯顔而諫。《論語》曰:「事父母幾諫。」」 」是也。 皇本「敬」下有「而」字。 「納善言於父母」者,謂所 「見志,見父母 不可 勞而不怨,謂 遽違父母 此注 《祭法》 ○注 言 之 憂

而去之也。此與包注義別,亦通。

如《白虎通,諫而不逆。」鄭注:「順一而諫之。」「不逆」與「不違」義同。蓋不違亦是幾諫,非不敢違父母意遂不諫與「不違」義同。蓋不違亦是幾諫,非不敢違父母意遂不諫與《內則》所云不説則孰諫,必待親從諫而後已,己不得」對別人,以「不違」爲不去,如《白虎通・諫諍》云:「子諫父,父不從不得去者,父子也。《白虎通・諫諍》云:「子諫父,父不從不得去者,父子也。此與包注義別,亦通。

母 呼己得即知其處也。 知之。《曲禮》曰「所遊必有常」是也。」案:《玉藻》云:「親 【注】鄭曰:「方猶常也。」正義曰:皇本「不遠」上有「子_ 正義曰:鄭注《檀弓》、《禮器》並同。 老,出不易方。」義與此同。 字。《詩・板》傳:「遊、行也。」此常訓。 必有方者,亦非遠遊也。 呼己於甲處,不見,則使父母憂也。」〇注「方猶常也」〇 子曰:「父母在,不遠遊,遊必有 設若告云詣甲,則不得更詣乙,恐父 雖近,且必有其所常至,使家人 邢疏云: 「遊必有常所,使父母 吴氏嘉賓《説》: 方。」

之道,非心所忍爲。」正義曰:《釋文》曰:「此章與《學矣。」【注】鄭曰:「孝子在喪,哀戚思慕,無所改於父子曰:「三年無改於父之道,可謂孝

曰 : 不察也。 章,當是弟子各記所聞,故鄭注之。」案:《論語》中重 有《集解》,或有無者。」 露·祭義》篇:「孔子曰:「書之重,辭之復。 數章,自緣聖人屢言 》篇同 《釋文》云: 其中必有美者焉。」」○注「鄭曰」至「忍爲」○正義 重出。」陳氏鱣《古訓》曰: 「《學而》是孔注,今此是鄭注。本或二處皆 及此,故記者隨文記之。《春秋 「漢石 嗚乎! 經 亦 不 出 有 可 繁 者 此

耐

或云孔注,或云包氏,又作鄭玄語辭,未知孰是。 也。」〇注「孔曰」至「則懼」〇正義曰:《釋文》云:「此章注 養之方,盡 數而已哉? 樂以排憂,進歡而去戚者,其惟知父母之年乎? 其樂,病則致其憂。 以 也。」「懼,恐也。」皇疏引李充曰:「孝子之事親也,養則 其衰老則懼。」正義曰:「喜懼」者、《説文》云:「喜,樂 喜,一則以懼。」【注】孔曰:「見其壽考則 子曰:「父母之年,不可不知也。 將從之節,喜於康豫,懼於失和,孝子之道 貴其能稱年而致養也。是以惟孝子爲能達就 憂樂之情深,則喜懼之心篤。 豈徒 然則 喜,見 知 則 備 致 年 獻

也 【注】包曰:「古人之言不妄出口,爲身行之將 子曰:「古者言之不出,恥躬之不 逮

> 飾也。 其惡。」」義與此章相發。皇本作「古之者言之不妄出也」。 曰:「言從而行之,則言不可飾也,行從而言之,則行 也。」《釋言》:「逮,及也。」並 不及。」正義曰: 故君子寡言而行,以成其信,則民不得大其美而 爾 雅 釋詁》:「 常訓。 **◎**禮 躬,身也。」「逮,及 緇衣》云: 不 與

子曰:「以約失之者,鮮矣。」【注】孔曰:

鮮。 有過,其不甚矣。夫恭寡過,情可信,儉易容也。 記》:「子曰:「夫恭近禮,儉近仁,信近情,敬讓以行,此 奢則不孫,儉則固,二者俱不得中,而約可免憂患,故其 並通。」○注「倶不」至「憂患」○正義曰: 注 之道也。」武氏億《經讀考異》:「此凡兩讀。 曰:『敖不可長,欲不可 終於約者。 得六爻之吉,於豐廑日中之憂。 受以剥,節當位,受以孚。君子損益盈謙,與時消息,於謙 「失之者鮮矣」爲句。 俱不得中,奢則 約」,即「曾子守約」之「約」。趙氏佑 《易·象傳》:「天地不交,否,君子以儉德辟難。」《表 約而爲泰則無恒,泰而能約故可久。《 驕 又「以約失之者」爲句、「鮮矣」爲 佚招 從,志不可 禍,儉約無憂患。」正義 天道人事,未有不始於約 滿,樂不可極。」皆言約 《温故録》: 謂 以「約」爲句 約即 「賁盡 以此失之 曲 儉 禮 也

者,不亦鮮乎?」義與此文相證。

體。 難。」意與包同。 字異義同。 包 也」〇正義曰:《説文》云: 呐 訥 曰: 呐,舒小貌。」亦遲鈍之義。 《説文》:「白、言之訥也。」「白」在口部、「訥」在言部、 遲也。』《玉篇》引《論語 子曰:「君子欲訥於言 「訥,遲鈍也。 《檀弓》: 「其言呐呐然,如不出 言 「訥,言難也。」《廣雅・ 欲 》作 遲 《釋文》引鄭注云: 呐 而 _, 以 行 而敏於行。【注】 欲 呐 疾。」注 諸其口。」注: 爲 「訥」之或 釋 訥 「言欲 詁 遲鈍 *****:

有 公遇麥丘之封人,謂其善祝曰: 立,故德不孤。 子敬以直内,義以方外,敬義立而德不孤。」言内外皆有 集,良朋之來,皆所謂「有鄰」也。 孤」而已矣。」案:張解深合經旨。 《易・坤・文言》曰: 同 德則有德之人亦來歸也。 志相求,故 「至德不孤,善言必三。」義尤明顯。 「德立於己,則天下之善斯歸之,蓋不孤也。 子曰:「德不孤,必有鄰。」【注】方以類 不孤者,言非一德也。 必有鄰,是 以 《鹽鐵 不 「至德不孤,善言必再。」又 孤。 至於天下歸仁,是亦『不 論 《韓詩外傳》: Œ 論誹 必有鄰 義 曰: 》篇引此文説 張栻 如善言之 者,言己 齊桓 解 一君 聚, 所

> 之云: 報也。 證。 文也。 者,❶《周易· 曰:「德不孤,必有鄰。」夫施德者貴不德,受恩者尚必報。」 誠相與,則殊類可親; 之人同心歸之,若歸父母,故天瑞應誠而至。 王者,必有非人力所能致而自至者,此受命之符也。 亂臣在下也。」《漢書· 孤」〇正義曰: 是以「鄰」爲報,亦漢人舊誼,故並箸之。 是以德不孤焉,必有鄰也。」二案:《説苑・復恩》篇:「孔子 有鄰。」皆積善絫德之效也。」此引《論語 人於王舟」云云,此蓋受命之符也。 積善絫德」,即釋「不孤」義也。 「故湯興而 方謂法術性行,各以 言德行不孤矣,必爲人所報也。 乾卦・文言》也、言志同者相求爲朋 邢疏云: 伊尹至,不仁者遠矣。 以善接物,物亦不皆忘,以善應之。 董仲舒傳》:「臣 「「方以類聚」者、《周易・ 類相聚也。 孔子曰:「德不孤,必 皇 疏: 聞天之所大奉 ○注「方以」至「不 故殷仲堪曰:『推 未 云「同 有明 人同心歸之之 「又一云:鄰 《書》曰「白 君在 友也。」 志 上 相 繋解 上,而 天下 -使之 求 魚

疏矣。」【注】數,謂速數之數。正義曰:「疏」,遠也。子游曰:「事君數,斯辱矣,朋友數,斯

^{□ 「}同志相求」、《易・乾卦・文言》作「同氣相求」。

父偃傳》注並云:『數,責也。』《國策

秦策

》注『數讓』、「責

讓」,皆數其過之義。

《儒行》:『其過失可微辨,

而

不可

也

謂不可

面相責讓也。」俞

氏樾《群經平議

》説同。

又 面

曲

禮》云:

「爲人臣之禮,不顯諫。」故諫

有五

而

孔

君友之過。

《漢書

· 項

籍傳》陳餘傳》司馬

相如傳

下

· ※ 主

略

》辨之云:

如

鄭此説,則下「朋

友數」不

可

通

當訓

爲

正本鄭説,以

「數」爲數己之功勞也。

先兄五河君《經

義説

事

,君數,斯辱矣;

朋友數,斯疏矣。」此皆先哲之格言。」」

下莫與汝争能,女惟不伐,天下莫與女争功。」言偃又云: 當官者好自矜伐。 疏,故曰「上交不諂,下交不瀆」。」案: 吴氏此説與邢 也。」吴氏嘉賓《説 「數、鄭世主反、謂數己之功勞。」《隋書 疏矣。」雖引文有誤,而 蕭思話劉延孫傳論》:「夫侮因事 君子之交淡如水,小人之交甘 惟恐其辱,乃所以召辱,不欲其疏,乃所以取 相 注。 厭。 事君與交友皆若是矣。 諤上疏云"「舜戒禹云" *****: 邢 厭 疏 「「數」與「疏」對,《記》曰 思 云: 殊,榮禮 「此章明 其義亦與邢 自隔。 八爲臣 如 數者, 昵之至 神,敬 「女惟不矜,天 疏同。 醴。 結 李諤傳》: 子曰: 交當以 君子 『祭 由 《釋文》 事 近 疏合。 淡 不 禮 一時 疏。 君 於 以 欲 漸 注意。 聽兮]注並云: 義,如 雅 從其 義亦順,因並箸之。 諷。 廣雅•

疏必

相

思,狎

必

宋書·

云:

密焉者也。

成,小人甘以壞。

數」是也。

見《吕

. 9

慎行

訛,非 《左傳》宣二年『驟諫』服注,《 紹勳《拾義》申此注,謂 言速也。」是「數」、「速」音義皆相近,此注 「不顯諫」之義,朋友而數,則非所以「善道之」矣。」此 趨數,讀如促速。」《祭義》: 釋詁》:「數,疾也。」《樂記》: 是。 陳氏鱣《古訓 其於朋友則曰「忠告而善道之」。 皇本此注爲孔安國 釋詁三》、《小爾雅 「驟,數也。」驟 ○注 》引錢 「數者,疾諫也」,又謂: 數謂速數之數」○正義曰: 廣 「其行也 一楚辭 諫未 伯 説 有 「衛音趨數煩 悲回 廣言》皆訓「驟」爲 趨趨以數。」注: 不 速 致 數」,乃 辱 風》「驟 義不顯 事 者。」此説 君 「「數」有驟 而 諫君 備。 志。」 疏 數 當得 數之 注 胡 説 而 則 數 之 不 氏 爾 於 失

香 山 何 耀 章校 刊

論語正義卷六

寶應劉寶楠學

公冶長第五 集解

凡二十九章

治行正獲罪,罪非其罪,孔子以女妻之,將以大明衰世用刑分,會人也。姓公治名長。縲,黑索,绁,孿也,所子,魯人也。姓公治名長。縲,黑索,绁,孿也,所子,魯人也。姓公治名長。縲,黑索,绁,孿也,所子,曹人也。姓公治名長。縲,黑索,绁,孿也,所,其罪,世。」正義曰:「以」者,主婚之辭。「子」者,《儀以拘罪人。」正義曰:「以」者,主婚之辭。「子」者,《儀以拘罪人。」正義曰:「以」者,主婚之辭。「子」者,《儀以拘罪人。」正義曰:「以」者,主婚之辭。「子」者,《儀以拘罪人也。此公治名長。縲,黑索,绁,孿也,所子,曹人也。此公治長,「可妻也。 雖在縲绁之中,于謂公治長,「可妻也。 雖在縲绁之中,于謂公治長,「可妻也。 雖在縲绁之中,

子• 惠王下》:「係累其子弟。」趙岐注:「係累,猶縛結也。」《荀 此文作「累」、《淮南子・ 引《家語》作「字子張」,據史傳亦「字子長」。 皇疏及《釋文》 也。《家語》云「名萇」,邢疏引《家語》作「字子長」、《釋文》 唐石經作「絏」,張參《五經文字》以爲避諱偏旁。○注「冶 解鳥語,容或有之。 愚以《周官》「夷隸掌與鳥言」、「貉隸掌與獸言」,則以公冶 「縲」與「纍」同。凡索皆綴屬而成,故兩訓可互取。《史記》 文》無「縲」字。「纍」下云:「綴得理也。一曰大索也。」 引范甯曰:「名芝,字子長。」《白水碑》作「子之」,似又以 而又稱冶長者,猶馬遷、葛亮之比,凡兩字姓,得單舉一字 人。」《家語・弟子解》則云「魯人」,與此孔注合。《史記 長」至「罪人」〇正義曰:《史記·弟子傳》:「公冶長,齊 冶長解禽語食死人肉,致疑爲殺人,繫獄。 之枉濫,勸將來實守正之人也。」又引别書名《論釋》,稱公 「子之」爲字。諸説各異,當以史傳爲正。 ·長可妻也」,不連「公冶」爲文,故此注以公冶爲姓長爲名。 成相》:「箕子累。」楊倞注: 而謂因此獲罪,則傅會之過矣。「紲」, 氾論訓》「累紲」兩見。《孟子・梁 「累讀爲縲。」案:「累」即 **縲爲黑索者、《説** 邢疏斥其不經

[「]仁」、《大戴禮記解詁》無此字。

孔以 攣如。」馬注: 臣負覊紲。」 釋器》: 纍」之省。 使其衆男女别而纍」,皆以 從系世聲。 紲」爲孿者、《説文》: 「紲、纍索也。」《少儀》:「犬則執紲。」《左氏傳》: 令春 是 「攣,連也。」虞注:「攣,引也。」義皆可證。 秋左氏傳》「不以纍臣釁鼓」,「兩釋纍囚 「紲」亦繩索之稱。 緤, 紲或從枼。」《廣雅 「攣,係也。」《易・中孚》: 「纍」爲索也。 凡繫人繫物、皆謂之紲。 ·釋詁》「紲、系也。」 《説文》: 一紲,系 「有孚

子信其仁,以 女之異。 其心謹言,則當 聞《詩》也,❶一日三復「白圭之玷」,是南宫縚之行也。夫 近。《大戴禮· 容,弟子南宫縚,魯人也,字子容。 於 正義曰:《爾雅 戮,殺也。」《廣雅·釋詁》:戮,殺也,辱也,辠也。 獲罪 刑 思仁言義,則有臨民之德,當國 「昔時講説,好評公冶、南容德有優劣,故妻有己女、兄 戮。」以 子謂 聖 侃謂二人無勝負也。 人猶然,亦 南容,「邦有道,不廢; 爲 衛將軍文子》篇:「獨居思仁,公言言義,其 無道時,危行 其兄之子妻之。【注】王曰: 異 釋詁》:「廢,舍也。」此常訓。 姓。」盧辯 不得以公冶爲劣也。 注: 言遜,故可免刑戮 卷舒隨世,乃爲有智。 「謂以 有道時,必見録用也。 不廢,言見用。」 兄之子妻之也。」 以己女妻公冶 邦無道, 《説文》: 也。 義皆相 皇 而 「南 免 疏

> 通用 説與何忌於夫子,以事仲尼。」以南宫爲氏,故《世本》云 以南宫縚、南宫閱爲一 云 : 宫縚之妻之姑之喪,夫子誨之髽。」而《家語》又以「三 南容爲一人,此注又以南容、南宫縚爲 子列傳》:「南宫括字子容。」「括」又作「适」。 卒,故孔子爲兄子主婚。 引《家語》云: 以兄女妻南容,非 女。」疏云:「案:《左氏傳》「孟僖子將卒,召其大夫云: 圭」爲南宫韜之行。 「韜」與「縚」同。 足,乃求婚於顔氏徵在。」則孔子兄即孟皮也。 「仲孫玃生南宫縚」是也。」案: 括 絕,本又作韜。」則陸所見此注亦作 南宫」者,兩字氏,亦單舉一 時 在次耳 「南宫縚,孟僖子之子南宫閱也,字子容,其妻孔子兄 |義皆相貫,作「縚」作 字、《左傳》所云 , 則 「梁紇娶魯之施氏,生九女。 可 無意其間也。」「兄之子」者、《史記 謂 權其輕重,政是當其年 屬説」 人,而鄭君遂承其誤。 ○注「南容」至「子容」○正義日 适 字,故曰 即 仲孫玃即 一皆通用字。 南宫閱也,又名仲孫閱,又 南。 《論語》釋文亦云: 韜。 一 人。 孟僖子、世 《史記 其妾生孟皮,病 相 鄭氏《檀弓》注 《檀弓》: 史以南宫括 稱,而 鞱」與「容 孟皮此時已 閲 仲 嫁 本》誤 索隱 一復白 尼 事 南 屬 弟 非

● 「聞」下、《大戴禮記解詁》有「之」字。

名南 即 其誤顯然,此故不載其説也。 氏《賸言》以南宫适别爲一人,非是。 致 適周,見金人緘口,孔子戒以謹言,事 有儀法,不容誨也。 其女髽法,若是敬叔,則此姑者孟僖子妻也。 即 子在魯,族姓頗微,而敬叔爲公族元士,定已娶於彊家,豈 在弟子之列。 言》亦謂敬 德,謹言行而不廢於有道之邦者耶? 朝」,孔子謂「不如速貧之愈」。 孔子得以兄子妻之? 世本不可信明。 誤依《世本 敬叔、則未有載敬叔、不載懿子者。 南 宮説 宫縚也,敬叔即南宫括也。」以南宫括爲敬叔,亦誤 然《漢書·古今人表》分列南宫敬叔、南容爲二人,則 梁氏玉繩《古今人表考》、《史記志疑 叔 崇而 而 即曾受僖子命,與其兄懿子學禮孔子,然並不 其 《史記》、《家語》所載弟子止容一人,向使容 陸德明《釋文》、司馬貞《史記索隱 謚 錢可選箸《補闕疑 爲敬 至若《史記》、《家語》,各載敬叔從 又《檀弓》載 其字爲叔 又顔師古《漢書》注:「南容 若而人豈能抑權力而 與 「南宫敬叔反、必載寶 》曾列四 與容無涉。 南 南容與《史記 至縚妻姑喪,孔子誨 毛氏奇齡《四 宫 紹 疑以辨之,謂 》説略同。 無 世 涉。 族喪服 二家之論 》皆 》不合 自 惟毛 孔子 書賸 伸 沿 鄭 自 有 而 孔 用 君

不齊。」「君子哉若人! 魯無君子者,斯焉取子謂子賤,【注】孔曰:「子賤,魯人,弟子宓

乎? 亦治。 治。 子, 去 所友所師者言。 理 袪壅蔽矣, 所師者一人, 足以慮無失策、舉無敗功矣。 十有二人,所師者一人。」孔子曰: 『所父事者三人,足以 傳》同。 以見魯多君子,故云若魯無君子,子賤安所取 夫子以三得,終之以朋友益親,夫子贊美子賤能取人,而 也不齊爲之小,不齊爲之大,功乃與堯舜參矣。」《說苑 孝矣,所兄事者五人,足以教弟矣, 所友者十有二人,足以 以 力,任力者故勞,任人者故逸。」。宓子則君子矣。」《韓 秋・察賢》篇: 斯 》篇略同。 治之者。」對曰:「所父事者三人,所兄事者五 因 子賤 巫馬期以星出,以星人,日夜不居,以身親之,而 《新序·雜事二》:「魯君使宓子賤爲單父宰,子 請借善書者二人,使書憲書教品,魯君子之。① 巫馬期問其故於宓子,曰:「我之謂任人,子之謂 又云: (注)包 安得 然則夫子所云「魯之君子」,即指 「子賤治單父,其民附。 「宓子賤治單父,彈鳴琴,身不下堂 子賤爲政在能得人,故《説苑》又載子賤 此 曰: 行 若 而 學 人 行 者 若 之? 此 孔子曰:「告丘之所 正義 人 也。 日 : 法以 所父事 人, 所 如 合吕 魯 成 而 單父 無 賤 友者 詩 氏 至 其 兄 單 惜 君 政 治 又 告 事 外 任 父 春

0

[「]子」,據《新序》當作「予」。

南子・ 齊字子賤,少孔子四十九歲。」不言何國人。《家語・弟子 賤魯人弟子宓不齊」○正義曰:《史記・弟子列傳》: 用子賤,而子賤又能取人以輔其治,故孔子美之。①注「子 取斯?」美其德也。」《新序》與 之,使不得施其善政 者患之,請 文字》所引《論 六篇」,顔師古注:「宓,讀與伏同。」又或作「虙」,見《五 父使書,子 處」、「宓」俱 》始云「魯人」,與此注合。《漢書・藝文志》有「《宓子》十 泰族訓 賤從旁引其肘,醜則怒之,欲好 辭而 故孔子曰: 「君子哉子賤! 從「必」 語》釋文。 去,歸以告魯君。 得聲,未爲誤也。 也。」乃命有司 然《釋文》以作「宓」爲誤、則不知 《説苑》同 無得 魯君曰:「子賤苦吾 又或作「密」,見 擅 出 魯無君子者,斯 書則又引之。 劉 徵發單父,單 向,蓋魯君 「宓不 淮 經 安 擾 信 父 書

義曰: 器。 子貢聞孔子評 也 也 ?」曰:「瑚 。」【注】孔 夏曰瑚,殷 子貢問 夫子論諸弟子,非在 諸弟子,而不及己,故 曰: 曰 : 日 璉 璉,周 賜 也。」【注】包曰:「瑚璉、黍稷 言 女 也 日簠簋,宗廟之器貴者。」正 一時,記者以次書之。 器 何 用之人。」曰: 如?」子曰: 有此問。 非 也 「女器 皇 何 惠 疏 器 之 氏 謂

器 愐 黏者也。」「稷'齋也。」程氏 今此用瓦簋,祭天地及外神尚質,器用陶匏之類也。」則 爲文,則胡連亦瓦器。 簋。」馮見簋是瓦器,而《明堂位》以 胡 瓦器,而飾以 書》:「瑚以玉,簋以竹爲之。」祇以 瑚 車 引《禮器碑》,又引《司馬法》「夏后氏輦 器 事」、《明堂位》曰 棟《九經古義》: 有以木以瓦之異。《堯廟 竹,妄爲説之,無他證也。 坳 坳。 胡簋之器,其始也 舒散,今北人稱黄小米。 ,夏曰瑚,殷 連本瓦器,故後人又加土旁。 槤也。」其字從木,當是以木爲之。 碑》又作「胡輦」,古「連」、「輦」字通。」段氏玉裁《 ,周曰輜釐」,疑 也。 若《論語》言祭宗廟之器,本不用瓦,不得同彼文作 ○注 玉。 日 瑚 瑚 1 璉。」與 「夏后氏之四連」,皆不從玉旁。 **璉**」至 孟 胡 璉,當爲「胡連」。《春 郁修《 乃 輦 然《旊人》疏云:「祭宗廟皆用木簋 山 包 」皆取 貴者」〇正義日 野之木。」是其證。 碑》是 堯 馮氏登府《異文考證 瑶田 成同。 稷,今之高粱。」宗廟之祭,食用 廟碑》「瑚」字又作 車爲名。 (九穀考)説:「黍,穗似 祭 案:《考工記》: 《説文》云:「黍,禾 「四連」、「六瑚」、「八簋 外 「瑚」字從玉,「簋」字 《潛夫論· 神, 案: 日 秋傳 當用 余車,殷 鄭 《説文》: 注 ₩ El 陳祥道《禮 瓦 》考胡連 讚學》云: 云: 「煳」,可 故字 《説文》注 孔廟 「施人爲 「胡 日 屬 胡 簋 槤 之 稷 作 簋 禾 而 知 本 從 奴

制度如 制 外方,受斗二升」者,直據簠而言。 稷稻粱器。」 賈疏: 夏之四璉、殷之六瑚、今包、鄭注俱云夏瑚、殷璉、賈、服、 如簋 曰簠簋」者,鄭注《周官・舍人》云:「方曰簠,圜 已云「未聞」。 言女器若瑚璉者,則可薦鬼神,羞王公矣 注《左傳》亦言「夏曰瑚」,疑今本《明堂位》文有誤也。 稷 也。 此 而平下。 夫子言「賜 簠而鋭下。」則以瑚園璉 瑚 璉 爲 凌氏 璉受 盛 也 黍 「案:《孝經》云「陳其簠簋」,注云「内 曙《典故覈》引《三 達, 稷 升,漆 器 可 也 使從政」,故以 赤中, 其 方,未知何本。 制 蓋 若簋則内方外圜。」此其 之異 並亦龜 禮圖》: 同 形, 宗 鄭 飾 廟貴器比之。 《明堂 注 瑚 曰簋,盛 \Box 受一 明 以 位 白 堂 升, 周 位 》稱 金 杜 買 黍

尚 行中 才日 正義曰: 孔 弟 佞 曰:「屢,數也。 子,仲弓名,姓冉。」子曰:「焉用佞 給 佞。」下篇「惡夫佞者」、「無乃爲佞乎」, 人,行必先人,言必後人,或者以爲仁而不佞者。 ,見雍不佞,故深惜之。 ,屢憎於人。 或 《説文》云:「佞,巧讇高材也。」《曲禮》釋文: 日 雍 也 佞 不知其仁,焉用 仁 人 口 而 「禦」者、《爾雅・ 辭捷給,數爲 不佞。【注】馬 訓 ? 人所 佞?」【注】 同。 釋言》云 曰: 禦人以 憎惡。 仲弓,德 **雍** 當時 禁

> 給便敏 常訓。 術,日 又云: 記 • 有「也 外傳》:"「人之利口贍辭者,人畏之,畏之斯惡之。 鋭者多誕而寡信 篇 引申之義。 子篇》: 齊給便 數」至「憎惡」○正義曰:《毛詩・賓筵》傳: 《論衡 唐石經初刻作「其仁」,後磨改作「其人」。 「惡利口之覆邦家者。」」 __ 「進給而 弟子列傳》:「冉 不知 「毋取拑者、毋取口鋭者。 · 自紀》篇以仲弓爲冉伯牛子,《史記索隱》引《家 字。 「伯牛之宗族。」二説各異,當從《論 而無類。」注: 「捷給」者,捷速也,給足也。 不 《大戴禮· 其仁」,言以 0 讓 注 」、《説苑 利而 後恐不驗 雍 不順 雍,字仲弓。」鄭《目録》云: 「給謂應之速如供給者也。」《非 弟子仲弓名 保傅》 П 禮義。」注:「 尊賢 給 也」,皆謂 》篇「接給而善對」、《曾子立事 禦 人,不知 拑者大給利,不可 》篇孔子對 《荀子· 姓 П 冉」〇正 給,急也。」 辭 其 皇本末二句 人於仁 捷 衡》。 哀公以 「屢,數也。」此 性惡篇》: 給 義 也 魯 速 日 盡 何 子 取 《韓詩 注 用,口 如 急皆 日 + = 尾並 **©**史 語 也

之道 信。 【注】孔 未能 子使漆 信 曰: 者, 雕 未 開 開 能 弟 仕, 究 子 習。」子 對 也,漆 曰 : 説 雕 吾 姓 斯 開 注 名。 之 鄭 未 仕 日 能 進

也

以成 傳並 勘記》: 仕 伐,與其居官臨民謹畏之心,胥見於斯。其後仕與不仕,史 信者,有諸己之謂也。 簡《先聖大訓》又名憑、《家語・弟子解》又字子若、《白水 子弟子漆雕啟」證之,其説是也。《古今人表》亦作「啟」 謂上「開」本「啟」字,漢人避諱所改。 記•弟子列傳》: 疏 **琱刻**,以官爲氏者也。 唐宋石經皆作「彫」,邢本作「雕」,與《釋文》合。 者開也,故字子開。 ·雕」、「凋」皆叚借字。」案:依阮説,漆雕氏必其職掌漆 啟」字。」亦通。 蔡人」,亦誤也。 善其志道深。」正 ,非聖人之教。 》字子脩,皆妄人所造。 云:「答師 物也。」夫子謂「仁者,己欲立而立人,己欲達而達人」。 無明文。 宋氏翔鳳《過庭録》:「疑吾爲[启]字之訛,「启」即 「依《説 稱 《家 吾者,古人皆然也。」考答師 文》當作「琱」。 「漆雕開,字子開。」閻氏若璩《四 0 《中庸》云:「誠者,非自成己而已也,所 語》謂 仕進之道,恐未能究習,故云「未能信 義 曰: 此注以開爲名,作僞者之疏可知。 注 由開之言觀之,其平時好學不自矜 夫子使開仕,當在爲魯司寇時。 開 開「習《尚書》,不樂仕」。 鄭《目録》云「魯人」、《家語》則云 《釋文》:「雕,本或作凋。」皇 弟」至「究習」〇 凡瑚琢之成 引《漢・藝文志》「孔 Œ 稱 文 義 吾,僅見 阮氏元《校 則 書釋 ☐ : 夫不 日 」**,**啟 彫, 地 本、 楊 樂 史 此 皇 飾

者

日 子路亦謂 義。」是肅自爲附會。 作,猶能不失其義。 能信」,實以仕進之道未能究習,而 「三年學,不至於穀,不易得也。」即 「不仕無義、欲 王肅注《家語》云:「言未能 ○注 潔其身而亂大倫」。 善其 志 非不樂仕矣。 道深 此義 是開之言「未 正 明信斯 此 義 注雖 曰 : 子 書 僞

之勃海、《蘇秦列傳》指天津衛之海、《朝鮮列傳 《爾雅·釋詁》:「于,於也。」二字義同,故經傳通用。 王氏 《漢書・地理志》注:「浮,以舟渡也。」「于」,皇本作「於」。 《詩·七月》傳:「乘,升也。」「浮」者,《説文》云「氾 遼東者。 史公多言勃海、《河渠書》謂永平之勃海、《封禪書》謂登 鎏《四書地理考》:「浮海指勃海。」《説文》: 曰:「乘」、《説文》作「椉」、云「覆也」。 覆者,加乎其上 納百川者。」又云:「澥,勃澥,海之别也。」《潛丘劄記》:「太 其由與?」【注】馬曰:「桴,編竹木,大者曰稅,小 日梓。」子路聞之,喜。【注】喜與己俱行。 地理 子曰:「道不行,乘桴浮于海。 志》: 勃海之水大矣,非專爲近勃海郡 「玄莬、樂浪 武 帝 時 ●皆朝鮮、 者也。」案: 「海,天池 從我者 》指海之在 濊貉、句 也 正

書

⁰ 時 下, 據《漢書・ 地理志》脱「置」字。

是也。 也。 即 道 遊之後,然以意測之當是也。 望道之行也。 已久,其 乃去而之他 其 仁賢之化,可以行道也。」據《志》言,則浮海指東夷,即勃海 居九夷,有以也。」顏注:「言欲乘桴筏而 天性柔順,異於三方之外,故孔子悼道不行,設浮於海, 户之閉,婦人貞信不淫辟,可貴哉,仁賢之化也! 免爲民,俗猶羞之,嫁娶無所讎。 盗者男没人爲其家奴,女子爲婢,欲自贖者,人五十萬。 樂浪、朝 蠻 夷。 其 義,非泛言四海也。 日 《史記 (後浮 雅 忘 夫子當日必實有所指之地,漢世 由 諸 殷 《漢志》注釋之, 説文》: 時昭王又賢,葉公好士,故遂 鮮民犯禁八條,相殺以當時償殺,相傷以 懷 釋水》「庶人乘祔」, 海、居九夷皆不果行,然亦見夫子憂道之切,未嘗 道 國。 衰 世 第子 至楚,又不見用,始不 家》雖未載 「惠,説也。 最 其 必 後乃如楚,則 去,之朝鮮 言 則非遯 夫子本欲行道於魯,魯不能竟其 乘桴」者 | 浮海 從心從喜,喜亦聲。」今經傳 夫子言道不行,以 世 其欲浮海、 教其 幽隱 以 及 是以其民終不相盜, 楚 錢 得 民 居九 如楚以冀其用,則 雖 師 氏站 但爲世外之想可 以 已 説未失,故 蠻 適東夷,以其國 禮 居九夷,仍爲行 夷, 夷」二語 而 義 論 欲 而 語後 浮海、 庶 田 與中 穀償, 人 蠶 然東夷 爲 尚 自 録 織 居 或 在 能 無 作。 知。 處 用 有 欲 門 通 謂 周 九 是 通 雖 相 知

其義矣。 **《詩** 逸注: 同。 字或 同。 分别也。 **祔爲小**,則筏爲大 韋 小者曰桴」〇正義曰: 大小之殊,散文亦通稱, 南》釋文引郭璞《音義》云:「木曰 編竹本潛於河以運物也。 也。」《衆經音義》卷三:「筏、《通俗文》作廢、《韻 江 又作桴,或作柎。」諸字惟 作 方, 附也。」「方」與「舫」同。 舫 桴 淮家居 昭《國語 「喜」。 《方言》: 作 洲也。」孫炎注: 棟名。」別 臧、宋以爲鄭注佚文,或鄭 周 「楚人日 狩, 南》「不可方思」、《邶風》「方之舟之」,毛傳並 王逸《 皇本「 ○注 簰 ※ 注 樊本作 中 洲 「泭謂之簰, 喜與己俱行」〇 楚辭 由 謂 義。 編木曰附,小附曰桴。」分附、桴爲二,失 秦人曰 之薦。」《廣 下 此 柎。」《釋水》李巡注: 「方木置水中爲泭筏也。」《釋文》: 有 據人當 · 《詩 惜往 泭 故《方言》、《 也 橃。」「筏」、「艪」、「 南土名簰、北人名筏。」《楚辭 簰謂之筏。 編 「桴」是叚字,餘 日》注: 字。 《周南》釋文:「泭本亦 木以 時 周 雅 Œ 所 南》疏 用 義 0 稱 渡 簰, 釋水》: 「編竹木日 廣雅》, 其 注 别之。 日 也。」《 竹曰 師 引 筏,秦晉之通 桴 子 《論 説 併 編 皆同 筏,小筏日 爾 然 路 廣 瘅 也。 橃 語 竹 親師 列異 雅 木 泭。 木大者 並 音 集 《説 箱 以 注 筏對 名,不 釋言 同。 異 與此 渡 與 雖 作 文 》: 作 語 體 此 文 泭。 也。 相 日 云: ž 橃 也 也 狩 爲 周 筏 注 栰

微言, 是喜 我。 行,故 海親征公孫淵,綜 也。 微言故 得已之思,其勢亦不能行。 記 此本鄭氏。 鄭義,後則《集解》兼存他説 取 古字『材』、『哉』同。」注「子路」至「哉同」○正義曰: 望,故孔子歎其勇曰 言,故戲之耳。」一 患 爾雅 説文》: 材。【注】鄭曰:「子 貨殖傳》「山居千章之材」,並謂木也。 其義深隱,則 拒以無所取 •釋詁》「戲,謔也。」《三國 故夫子但 聞 也。 所 恤 而 「材,木梃也。」《周官・ 日 取 喜 也。 云云, 又云:「一讀「過」字絶句。」此《集解》後 微者、爾雅 也。 材 今見夫子使從浮 言 者,無 以 才。」繹 諫 曰微言,猶所謂隱語 子 無所取材爲桴以戲之,所以深悟 曰: 曰:「昔孔子疾時,託 過 曰:「由 過我。 二爲 所 一子 其辭義,亦謂桴材。 路 釋詁 子路 取 好勇 也。 路 信夫子欲 於 無所取哉,言唯取於己。 聞孔子欲浮 太過,「 · 吴志 · 信爲實然,則以 《釋文》:「「過我」絶句。」 桴 海,若夫子獨許己與之俱 也 太宰》「五曰材貢」、《史 材。 好 也。 「匿,微也。」微 我 勇 行,故言好 以 薛綜傳》權欲浮 無 乘桴之語 子 夫子浮海,是不 過 子 路伉直 所 作「才」者,段 海,不 我, 取 路 不解 材」爲 不 無 之也。 ,不解 季由 勇 者隱 夫子 復 解 注用 説。 所 顧 微 過 但

子碑》:「往才汝諧。」邢昺《爾雅》疏:「哉,古文才。」馮氏登府《異文考證》:「哉字從才,才與哉通。」崔瑗《張平以由從,不復取他人哉,言必不能也。云「古字材哉同」者,

文》:「 相合。 以終其身,死而後已,不自以爲及者也。 其心三月不違仁」,「吾見其進也,未見其止 自以爲及,是未死而先已,聖人之所不許 曰「仁以爲己任」,任之重也,「死而後已」,道之遠也。 由、冉有、公西赤之行,文子以爲一諸侯之相。 音,故《魯論》借用。」《大戴禮·衛將軍文子》篇子貢歷 梁武帝云『《魯論》作傅』。」陳氏鱣《古訓》曰:「「賦」「傅」同 記·弟子傳》作「季康子問」,當出 子曰:「由也,千乘之國,可 夫子者,則皆曰 『未知』,蓋曰 『吾未知其及焉否也』。]〇注 知其仁也。」【注】孔 也。」【注】孔曰:「仁道至大,不可全名也。」又問 「賦兵賦」() 賦 程氏瑶田 孟 斂 武伯問:「子路 **心也。」**顔 正 義 《論學小記》:「夫仁,至重 曰: 師 古《漢 鄭 注 曰:「賦,兵 「賦 書 仁乎?」子曰:「不 地 軍 《古論》。 理 賦。」 使治 志 賦。」正義曰:《史 ※注: 故有問人之仁於 也。 此孔所襲。 也。 而 其 《釋文》: 至難 」賦 故 與此章所 賦 言夫行恕 日 者 也,不 回 也,故 言 賦 也 知 説 如

土地 參國之一」,鄭以國爲上公之國。《周官・典命》:「公九 長家臣,皆名宰也。 從卪。」「宰」者、《公羊隱元年傳》:「宰者何? 不俟再問也。 正義曰:武伯更問求、赤於仁何如,夫子直告以二子之才, 邑,卿大夫稱家。 馬。」其所謂賦,皆軍賦也。」「求也何如?」子曰: 之老,請帥王賦。」又曰:「悉索敝賦。」又曰:「韓賦七邑。」 大都之城,方三里。」臧、宋輯本列之此文之下。 大小官多稱宰,如冢宰、大宰、膳宰、宰夫、宰胥、宰旅,及邑 至,至所止也。」「邑,國也。 不知其仁也。」【注】孔曰:「千室之邑,卿大夫之 又曰:「魯賦八百乘,邾賦六百乘。」又曰:「鄫無賦於司 旅之征謂之賦。 云「凡邑有宗廟先君之主曰都」,又云「先王之制,大都不過 ·求也,千室之邑,百乘之家,可使爲之宰也, 小司馬》注曰: ,其國家、宮室、車旗、衣服、禮儀皆以九爲節。」鄭注云: 所生之物以供天子也。」胡氏渭《禹貢錐 「千室之邑」者、《説文》:「室,實也。 「賦謂出車徒給繇役也。」《左傳》曰:「天子 《周禮 諸侯千乘,大夫百乘。宰,家臣。」 《左》隱元年 大司馬》注: 從口。 疏引鄭注《論語》云:「公 先王之制,尊卑有大小。 「賦、給軍 指 官也。」古凡 考《左傳 用者也。」 一周 從一從 時 軍

洫,則 也。 室涂巷三分去一,通不易、一 六井,二千三百四十夫之地。 甸 論室之多少也。 之世、動云書社幾百、蓋二十五家爲社、可知邑之大小、皆 遂以家計,公邑蓋以里計。 成宰爲孟氏邑, 郈宰爲叔孫氏邑, 非公邑耳。 賤爲單父宰,子游爲武城宰,皆公邑也。惟費宰爲季氏邑 除大夫之采邑,皆公邑。 皆公邑所出。 所受,公邑之萊也。《太宰》「九賦」,邦甸、家稍、都鄙之賦 故遂人授民夫以廛,田百晦,萊五十晦,餘夫亦如之。餘夫 遂人。《載師》「以公邑之田任甸地」,舉甸以該稍、 大夫如州長",在四百里、五百里以下,大夫如縣正,皆屬於 其餘之地制爲公邑,使大夫治之。在二百里、三百里以上, 殘注繹之,千室之邑謂公邑。 周官之制,天子自六鄉以外,分六遂及家稍、小都、大都 公城蓋方九里。」是大都三國之一,則 ,四甸爲縣,四縣爲都。]鄭注:「甸方八里,旁加 鄉遂之民,以七萬五千家爲定,其餘夫皆受田於公邑, 方十里爲 諸侯之國亦然。以魯言之,三鄉三遂之外 《周 成。 禮 四甸爲縣,方二十里。」縣二百 孔子爲中都宰,子夏爲莒父宰,子 「四井爲邑,四邑爲丘,四 諸侯之地,皆以 易、 以鄭意推《 凌氏曙《四 再易計之,爲一室受二夫 爲三 《司馬法》算之,宫 書典故覈》云: 一里矣。 家計。 王畿之地,鄉 故春 就 一里治 、縣、畺 <u>Fi</u>. 丘 君

方百里之義

也。

「廣輪」,猶言

廣長

,凡輪皆直行,此

據開

方

0

司

君引以注《小司徒》,知此采地一同亦其制也。賈公彦《小 井,三萬家,革車百乘,士千人,徒二千人。」此《司馬法》鄭 家,革車十乘,士百人,徒二百人。 家,革車一乘,士十人,徒二十人。十成爲終,終千井,三千 步百爲晦,晦百爲夫,夫三爲屋,屋三爲井,井十爲通 卿亦稱大夫,故鄭君此注及《雜記》注,並言大夫有百乘也。 也。」《坊記》云:「家富不過百乘。」兩疏以爲皆卿采邑,凡 至四縣爲都,乃稱都,故云「千室之邑」,其宰則如《周 也。」孔疏引《釋例》曰:「邑有先君宗廟,雖小曰 坊記》疏以爲百里正一同之制。《司馬法》:「六尺爲步, 徒》疏云:「謂之爲同者,取象雷震百里所聞同。」是 馬,三十家,士一人,徒二人。 !也。」案:《大學》云:「百乘之家。」鄭注:「有采 也。」鄭此注又云:「大夫之家,邑有百乘,采地 人四百三十一夫,共千二百夫。 或容有餘夫分授、杜氏注《左傳》「築郿」曰 出税人爲七百六十九夫,又旁加一 此則自井以上至縣,凡有城 然宗廟 通十爲成,成百井,三百 所在,則 十終爲同 云「千室之邑」, 雖 ,同方百里,萬 邑 曰 都,都而 都, 皆 禮》之 里,内 稱 **通** 尊之 地 同 同 邑。 爲 者 之 無 半。 弟子 百户,是方十里者一,或有千室,是方十里者三有餘 里半,有方一里者六,又方半里者一,則合十八家有餘, 里,小方二里半。 十里,小采方五里。 百里,其臣大采方五十里,中采方二十五里,小采方十二里 文》: 「東,縛也。」《釋名・釋言語》: 「東,促也,相促近也。」 使與賓客言也,不知其 「赤也何如?」子曰:「赤 小采方七里半。子方二百里,其臣大采方二十里,中 方十里。伯方三百里,其臣大采方三十里,中采方十五里 臣,其采地亦爲三等,各依其君國十分爲之。 有祇能仕於私家,於義未能備也。 「千室之邑」爲卿大夫采邑,不爲公邑,與鄭氏 法言之。❶ 論語》云『十室之邑』也。 侯方四百里,其臣大采方四十里,中采方二十里,小 公西華。 ○注「千室之邑卿大夫之邑」○ 有容 凡制地 男方百里,其臣大采方十里,中 人儀,可 方一 其中大小,各隨其君 仁 里爲井,井有三家。 使 爲 也。」【注】馬曰: 也 皇疏云:「舊説 行 束帶立於朝 人。」正

廣輪

縣

Œ

舉成 受田 之田

數 治洫

實

縣受田

Ē

義

日

注 似

異。

冉 以

上公地

方

Ŧī.

五 則

等

四縣爲都,

四井爲邑。

,固宜稱城。」案:

廣 輪」至「言之」,孫校: 「此説輪爲車輪,大誤。」

義 曰:

《説

「赤

若方

方 采

方

故或

有

也。

口

宫》: 衣服 玄端皆緇帶。 後加之大帶,則革帶統於大帶,故許於鞶曰大帶也。」戴氏 所 此 阼階之西,釋辭于賓,遂相君拜。 人廟門,擯者負東塾東上立,則在中庭。 立位則接賓時,陳擯於大門外,上擯近君,門東,西 此祇言朝者,亦舉 朝 者,乃緇帶也。」「立於朝」者,「立」與「位 清《四書典故考辨》:「凡冕服皆素帶,而爵弁、皮弁、朝服、 玉裁《説文》注云: 鞶立朝」,本此文,當爲《齊》、《古》之異。 命。」注:「上擯待而出,請受賓所以來之命,重停賓也。」又 云:「擯者入告,❶ 侯氏入門右,坐 禮經釋例》:「案: 敬 2但依聘禮言之,亦舉聘則他 也。 也。」「客,寄也。」謂他 「中庭之左右謂之位。」《左氏傳》「有位 繫繚於 禮 「帶,帶也,著于衣如物之繫蔕 行聘於廟,朝會、燕饗則於廟,或於朝,或於寢。 要,所以 爲擯相者當服皮弁,所謂 奠 圭, 「古有大帶,有革帶。 辭 《聘禮》: 以賅耳。 整束 玉。」注: 再 拜 國諸 其 「及廟門,几筵既設,擯者出 稽 衣, 禮可 凌氏曙《四 「擯者、上擯也。」《覲 首 侯及卿大夫也。 故曰 既受玉,退負東塾而 推知也。 擯 者謁。」注: 也。」漢《孫根碑》「東 東帶」。 至授玉時,上擯進 革帶以繫佩韍,而 鞶者,革帶。 同。 「束帶與賓客言」 書典故覈》: 《説文》: 於朝」,即 《爾雅 《釋 凌氏廷堪 「謁 面。 名 禮 猶 段 賓, 立於 立。 「其 釋 既 告 請 氏 釋

禮容 <u>+</u> 辭。 禮 》: 則 西 《襄七年》「衛孫文子來聘,公登亦登,叔孫穆子趨進 大」。 篇言「宗廟之事,如會同,願爲小相」,小相於聘禮則 也。 ○正義曰:《史記・弟子傳》:「公西赤,字子華,少孔子四 雜記公西赤事,與此章及下篇互證。 通矣。」謂門人曰"「二三子欲學賓客之禮者,於赤也。」」皆 以 曰: 『志通而好禮,擯相兩君之事,篤雅其有禮節也,是公 云,皆是無常之辭。 紹擯,此赤自謙之辭,故夫子曰「赤也爲之小,孰能 皆上擯之事也。」據凌氏言,此 擯辭,是之謂也。」孔子之語人也,曰:「當賓客之事, 難也。」公西赤問曰: 赤之行也。」孔子曰:「禮儀三百,可勉能也" 禮儀 歲。」公西,兩字氏。 若《 成三 E 明赤能爲上擯也。 「擯者出請 擯 告以天子 容主 年》「齊侯朝晉、將授玉、郤 一貌儀 事。』敖繼公曰: 前 主事 《大戴禮 辭, 「何謂也?」孔子曰:「貌以擯禮, 鄭《目 又案: 也。 欲親 《周 「與賓客言」,亦是上擯。 録》云 受之, 與言,當兼禮辭及無常之 「擯者、上擯也。」是相 衛將軍文子》篇: 官 ○注 「魯人」。 如 序官》: 克趨 賓客也。」又《聘 「赤弟」至「行 進 「容儀」, 「大行人中 威儀三千 日云 子 日二云 承擯 爲之 云 貢 下 則 禮

^{■ 「}告」下,據《儀禮・聘禮》脱「出」字。

爲行人」也。而皆主賓客。若子華使齊,即是行人之比,故馬以此「可使禮。」此指主國出聘,其使臣稱行人也。與擯相各是一職,大夫二人,小行人下大夫四人。」注云:「行人,主國使之

曰: 未能 也。 + 以明 也聞 注 亦足以發。 子好學,能有此詣。 茫茫也。」子貢言顏子有大智之德,己不敢視比之也。 也。」正義曰:「望」者、《釋名・釋姿容》:「望, 茫也, 遠視 子貢不如,復云『吾與 弗如 愈 愈,猶 盡其 子貢未能 優劣也。 君子之爲學也,原始要終,一以貫之。其在聖門,惟 「聞,本或作問字,非。」「知十」、「知二」,皆叚數多寡 猶 子謂子貢曰:「女與回也孰愈?」 【注】孔 也。 以 義 A 也。 發者,夫子所未言之義,即顏子所聞而知之者 也 知十,賜 勝也。」對 吾與女弗 《説文》云:「十,數之具也。」數始於一,終於 貫,故聞一 《釋文》云: īE. 夫子與回言終日,不違,及退,省其私, 義 曰 日 也 女俱不如』者,蓋欲以慰 但能知二。二者,一之比,言己 如也。」【注】包曰"「既 聞 「吾與爾,本或作女,音汝。」〇 鄭 賜 有 此 以知二。」子曰: 也 注,孔 何敢望回? 所 襲 也。 子貢 《釋 口 然 廣 顔

> 雅• 辨。 所以爲慰也。」 日 《鄭玄别傳》:「馬季長謂盧子幹曰:『吾與女皆不 與女」。此言我與爾雖異,而同言「弗如」,能與聖師 有自見之明,而無矜尅之貌,故判之以「弗如」,同之以「吾 又得發問之旨,故舉十與二以明懸殊愚智之異。 尼有言『吾與爾不如也』。」俱與此注義合。 志·夏侯淵傳》:下令稱之曰:「淵虎步關右 貢也」〇正義曰: |後漢・橋玄傳》: 魏武祭文「仲尼稱不如 釋言》: 「回爲德行之俊,賜爲言語 欲使名實無濫,故假問 愈; 《論衡 賢也。」「賢」、「勝」義近。 問孔 「孰愈」。 之冠,淺深雖 》篇:「吾與汝俱 子貢既審回 ○注 顏淵」、《三國 珠,而 所向 皇疏 夫子嘉 弗 既 賜之際 無前 如 引 品 如 齊見 也。」 然 顧 也 其 至

乎? 【注】包曰:「朽,腐也。 誅?」【注】孔曰:「誅,責也。 鏝也。此二者,以 子曰:「朽木不可雕也,糞土之牆不可 晝 ,日之出人,與夜爲界。」是 宰予晝寢。【注】孔曰:「宰予,弟子宰我。」 深責之。」正義曰: 喻 雖 江氏聲《論 雕,雕 施 工 日 猶 出後爲 琢 不成。」於予與 今我當何責 刻 語竢質》:「《説文》: 畫。」王 晝。 凡 曰:「朽 人雞 杇 於 鳴 也 何 汝 而

也。」案:《説文》:「褒,臥也。」其字從一,故所臥室亦名之。 起,宰我日 .釋名・釋宮室》:「寢,寢也,所寢息也。」是 出後 尚寢寐未起,故責之。」鄭注云:「 也。 寝,臥 畫非寢

息

三八

其宫室當亦有飾。 氏聯琇《好雲樓集》:「《漢書·揚雄傳》「非木摩而不彫,牆 夫達棱,諸侯斲而礱之,天子加密石焉。」此本《晉語 本。」又《廿三年傳》: 之礱之,加密石焉; 飾,「山節藻棁」。《穀梁莊廿四年傳》:「禮,天子之桷,斲 塗而不畫」,此正雄所作《甘泉賦》諫宫觀奢泰之事,暗用 語》,謂「晝」當作「畫」字。 爾雅 |周官・守祧》云:「其祧,則守祧黝堊之。」皆説宗廟之飾 論語》,可證畫寢之説,漢儒已有之。」案:《禮》言天子廟 釋宫》: 「牆謂之堊。」統廟寢言之。 鄭注《禮器》云:「宫室之飾,士首本,大 諸侯之桷,斲之礱之,大夫斲之,士斲 「禮,天子諸侯黝堊,大夫倉,士黈。」 侯白,隋人。」二讀與舊文合。 《周官 掌 蜃 又 李

> 詞》: 《玉篇》作「杅」,隸體小變。 「於予與何誅」、《釋文》云:「與,疑辭。」王氏引之《經傳釋 名・釋宮室》:「牆,障也,所以自障蔽也。」「杇」,皇本、《釋 「不可枵」。」「牆」者、《説文》作「牆」,云「垣蔽也」。 除先人之敝廬。」是除穢謂 糞釆也」。❷ 義亦得通也。 勝而知氏亡,輪奐頌而文子懼。意宰予畫寢,亦是其比。 館 異 文》本並作「圬」。《説文》有「杇」無「圬」,「圬」乃「杇」之俗 土」,猶言穢土。 夫子以「不可雕」、「不可杇」譏之,正指其事。 「糞,或作」真。」《説文》此篆作「叢」,云「棄除也,從艸,推 宫室。」亦當謂 飾,當是宫室中所用。 「與,猶也也。」「於予與改是」同。 胡氏紹勳《四書拾義》: 「雕」、皇本、唐宋石經並作「彫」,《釋文》: 古人牆本築土而成,歷久不免生穢,故 加 飾。 春秋時,大夫、士多美其居,故土木 《左襄卅一 糞,所除之穢亦謂 宋石經作「朽」,此形近之訛 年傳》: 「《左傳》云:「小人糞 ○注「宰予弟子宰 糞。 「圬人以 此則舊文於 此經「糞 《釋 時 E 華 塓

字,言其繪畫寢室。」周密《齊東野語》:「嘗見侯白所注《論

作「畫」字,所云「舊文」,或有所本。

寢

,梁武帝讀爲寢室之寢。

畫作胡卦反,且云當爲「畫」

夫畫居内且不可,矧晝寢耶?

韓、李《筆解》謂「晝」,舊文

李匡義《資暇録》:

0

時,故《禮》言「君子不畫居内,若畫居内,雖問疾焉可

也

我」〇正義曰: 宰我已見《八佾》篇,此稱宰予,予爲其名。

0

云:「共白盛之蜃。」注云:

「謂飾牆使白之蜃也。」此與黝堊

義」,當作「乂」。

⁰ 糞」,據《説文》當作「棄」。

責也。 則豫讓 姓名,人宫塗厠,欲以刺襄子。 也。」《司救》:「掌萬民之衺惡過失,而誅讓之。」注:「誅,誅 曰:《周官・太宰》:「八 瓦畫墁」,謂所墁之牆,雜畫之也。 杇人。《左傳》稱「圬人以時」是也。 刃之。」案:杇、槾同物異名,用以塗牆,故亦謂塗牆之人爲 杆,今本皆作「扜」,侯旰切,繆甚。 注》:「此器今江浙以鐵爲之,或以木。《戰國策》: 聲。」《金部》:「鏝,鐵杇也。 秦謂之杇,關東謂之槾。從木亏聲。」「槾,杇也。 木。」「腐,爛也。」「鳨,剥也。」「琱,治玉 **鏝謂之杇。」李巡曰:** 泥鳗,言用泥以鳗也。」《説 雕」、「彫」皆叚借字。 至 雅 维刀 也」〇正 刃其杆,曰:「欲爲智伯報讎。」」杆謂 畫 曰 「子,我 義 曰: 劃 是也。 「鏝一名杇,塗工作具也。」郭璞云: 「刻畫」,猶刻劃。《説文》「刻,鏤 也。」皇本此注爲包氏。 日 《説文》: 誅 文·木部》:「杇,所以塗也。 從金曼聲。」段氏玉裁《木部 襄子如厠,心動,執問塗者, 以馭其 「杇鏝」者、《爾雅・釋宮》: 《孟子・滕文公下》「毁 刃其杆,謂皆用木 「死,腐也。 ○注「誅責也」○正義 過。」注:「誅 也。」義並 朽, 死或從 ○注 「豫讓變 從木曼 涂 一相近。 ,責讓 而 厠 朽 獨 之

子曰:「始吾於人也,聽其言而信其

則

爲

此注證之。

不合。 指《詩 《大戴禮·五帝德》篇:「子曰:「吾欲以言語取人,於予邪 行, 今吾於人也,聽其言而觀其行。 使由不可使知」在「《詩》禮樂」章後,則 舞八佾」、「三家《雍》徹」章後,則「人」指季氏三家言。 篇説亦與此同。 子,使謹於言而敏於行耳。」皇、邢疏連上爲一章,與總章數 待是而後能,亦非緣此而盡疑學者。 改之。」」即此章義。《集注》引胡氏曰:「聽言觀行,聖人不 姦軌之人,無以逃其情矣。」是取人之術,當以言察其行. 其情者也。 竭行有成。」《説苑·尊賢》篇:「夫言者,所以 前 「子所雅言」在「學《易》」章後,則「所」字指《易》言。 發於宰我之畫寢。」正義曰: 改是。」【注】孔曰:「改是,聽言信行,更察言觀行 「以言取人,人飾其言, 則 》禮樂言。 ○注「發於宰我之晝寢」○正義曰:《論 能 是故先觀其言而揆其行。 指堂 愚謂前篇「人而不仁,如禮樂何」,在「季氏 「吾友張也爲難 一堂言 以行取人,人竭其行。 此 皆前 《逸周書 後章 能也」,在 特因此立教以警群弟 相發明之例,姑舉數 夫以言觀其行,雖 「可使 芮良夫解》云: 「堂堂乎張」章 由不可使知」 抒 衡• 飾言 其 於予與 匈 「民可 問 無 而 孔 庸 也 有

0

至明 魯伯。 仁。 棖、中黨爲二人。 雖有異, 索隱》: 慾者,勝人爲彊,有似乎剛,故或以爲疑。」○注「申棖魯人」 子考》引漢文翁《禮殿圖》有 能屈,所以 也 陶 굸 焉得剛?」【注】孔曰:「慾,多情慾。」正 今本《史記》云: 〇正義曰: 棖。」【注】包曰: 謨》: , 折 慾,坤 「剛,謂彊志不屈撓。」案:《説文》: 嘉靖九年,因 「棠,當爲棖。」①可證也。 也。 子 真宗祥符二年,封棖文登侯,黨淄川 漢《王 「申堂,字周。」本《史記·弟子列傳》,此作「堂」也。 而 剛 志不屈 曰 象,陰也。 能無慾也。 「棖」,或作「棠」,或作「堂」,或作「黨」, 音 而 政碑》: 則 塞, 「申黨,字周。」此 相 大學土張璁奏,存棖去黨, 玄宗開元二十七年,封 撓 彊 吾 通。 「申棖、魯人。」子曰:「 損之,窒慾也。 ,則富貴不 而毅。」是「剛」、「彊 「棄申棠之欲。」此 未 凌氏鳴喈《解義》: 詩 見 「申儻」,此作「儻 剛 唐宋以來,因稱名參錯,分 丰 》云: 能淫,貧賤 作「黨 者 損初益上,艮以止之。 俟 也。 作「棠」也。 「剛,彊 或 申黨召陵伯 」義近。 剛爲天德,故近 不能移,威武不 侯, 我乎 對 而 也。 朱氏彝尊《弟 義 曰: 棖 祀典 俱列 斷 曰 堂兮。」鄭 撓者,曲 也。」《皋 諸家文 也 《史記 始 從 或作 申 鄭 慾 祀 Æ 申 棖 申 注

> 也。 之譌。」諸説皆依鄭注作 如「庚」,與「棠」音亦不遠。 氏大昕《養新録》謂一 聞》引《家語 續又棖之别名。 云 考》亦以「儻」爲訛, 學紀聞》獨以 當以朱爲是。 伯厚所見《圖》 所傳《禮殿 日 文翁《石室圖》,無所謂棖與棠也。」是《圖》本止申黨一人: 中續一必有所據。 申 困 學紀聞 根,蓋孔子弟子申續。」又引《家語》: 《史記索隱》引《家語 「申棖,魯人,弟子也。」《論語》釋文及邢疏並引鄭 盧氏文弨《釋文考證》略同。 圖》有申黨,無申棖。」《文獻 》作「申績」,今本《家語》作 》作 「黨」爲傳寫之訛。 諸字皆由音近通用,莫知其何者爲正。 「《 史記 《史記索隱》引《家語》 「黨」,與 「繢」與「續」通、「繚」、「繢」兩字乃傳寫 「古文賡、續同聲」,《家語》「申 皆 未必然也。 索隱》謂 續。 朱氏彝尊 作 今本《家語》作 繚 臧氏庸 文翁《圖 梁 梁氏《人表考》云: **©**史 所見 氏 據字周 玉 申 記 《拜經日記 作「申繚」、《困 通考》亦云:「今考 繩 中 《圖》作「儻」不 索隱 · 績,字子周 禎 義, 《漢書古今人表 「繢」,則 申 續, 疑 根、 | | | | | | | | | | 字 續」蓋 申 周。」 傳 鄭 - 棠, 今 寫 學 此 《困 日 同 錢 似 注 讀

^{● 「}棠」,據鄭箋當作「堂」。

據。 弟子,或包不據《弟子傳》,以申棖 申 是根不疑,以「根」、「堂」聲相近。」案:小司馬此言正 周、論語 僞造申繚一人,以當申堂、公伯繚二人,因二人名姓雖異, 所見《家語 於情,故《樂記》言「性之欲」、《説文》言「情,人之侌氣有欲 以棖爲魯人,與鄭同。 注《論語》以申棖爲申堂,故云然也。」案臧説甚辨,當 弟子申續。』此「續」字乃後 續」,乃「繚」字形近之譌。 而字周則同,爲足以相混也。《論語音義》及《家語》作『申 周」下云:❹【《家語》有申繚字周。』❺然則司馬貞、張守節 『《家語》無公伯 之。」庸 『申堂』,鄭正據《仲尼弟子列傳》也。 **慾多情慾」○正義曰:** 續」,此又「續」字之轉誤。 繚、 《蒼頡碑》作「字子續」,此又因名續而妄爲之。 3 | 家語 申堂、公伯繚爲一人,而非孔子弟子,此包注 案: 》有申棖,鄭玄云:「申棖,魯人,弟子也。」蓋申堂 》並作「申繚」,蓋《家語 徐説 》有申繚、字周。」又《史記正義》於「公伯 繚,而 是 也。 有申子周。」❷又於「申棠字周」下 古無 漢魯峻石 《索隱》於「公伯繚字周」下云: 王伯厚所見本作「績」、今本作 人據誤本《家語》所改,當本作 《論語音義》引鄭云:『蓋孔子 「慾」有「欲」。 壁殘畫 、申堂爲非 》無公伯繚及申堂。 《索隱》曰:「申 象 欲根於 有魯棖。 一人也。 亦不云 Ŧ 性 - 堂字 至包 據 0 Ŧ 僚字 肅 可 而 以 依 鄭 肅 0 發 注

> 皆能節欲,能節故寡欲也。 者 雖有不存焉者,寡矣,其爲人也多欲,雖有存焉者,寡矣。」 情之賊,故孟子曰:「存心莫善於寡欲。6 也。 聖凡智愚,同 此 性情, 若不知節 即 同 此 欲, 欲。 則必縱欲而爲性 其 其爲人也寡 有 異者,聖 智

使不加 是物至而人化物也。人化物也者,滅天理而窮人欲者也 左, 所惡於左, 毋以交於右」, 即子貢此言之旨。 毋以先後; 欲無加諸 [孟子字義疏證》:「夫物之感人無窮,而人之好惡無節,則 所惡於上,毋以使下,所惡於下,毋以事上。 賜也、非爾所及也。」【注】孔曰:「言不能 子貢曰:「我不欲人之加諸 非義於己。」正義曰:《大學》言「絜矩之道」,云 所惡於後,毋以從前。 人。」【注】馬曰"「加,陵也。」子曰: 所惡於 右,毋 我也,吾亦 所惡於前 戴氏 以 止人, 交 震 於

0 0 0 0

6 6

[「]申」下,據《史記索隱》脱「繚」字。 「字」下,據《史記•仲尼弟子列傳》脱「子」字。

[「]棠」,據《史記索隱》當作「黨」。

字」下,據《史記・仲尼弟子列傳》脱「子」字。

[「]字」,據《史記正義》當作「子」。

[「]存」,據《孟子·盡心下》當作「養」。

記・ 宏曰: 裁改 故曰 所,此 吾亦欲無 其平,是爲好惡之節,是爲依乎天理。」程氏瑶田《論學小 者暴寡,知者詐愚,勇者苦怯,疾病不養,老幼孤獨不得 也」,此言「語相譜 也。」陵者,大阜有臨下之象。 焉,故夫子以『非爾所及』警之。」〇注「加陵也」〇正 自然者爲仁,生分别也。 自然之恕,聖人之行仁也。 堯、舜之仁,終身恕焉而已矣。 賊人以逞欲。 躬而思其情,人豈異於我? 於是有悖逆詐僞之心,有淫泆作亂之事,是故彊者脅弱, 人曰譄,亦 人」、「施」、「加 左襄十三年傳》:「君子稱其功以加小人。」杜注: 進德》篇曰:「仁者,人之德也。 「増」爲 「性之欲」。 大亂之道 「加,不得理之謂也。」劉知幾《史通》曰: 「承其誣妄, 加諸 日 加。 「譄」,云: 反躬者,以人之逞其欲思身受之情也。 一同義。 人。」此恕之説也。 也。 好惡既形,遂己之好惡,忘人之好惡,往 《論語 加也。」知「譄」、「誣」、「加」三字同義。 誠以弱寡愚怯,與夫疾病老幼孤 《説文》:「加,語相 ¥ 「鱛」下 子貢曰: 能恕則仁矣,不以勉然者爲恕 云云。 一人之欲,天下人之同欲 下篇云「己所不欲,勿 勉然之恕,學者之行仁也, 白「加 『我不欲人之加諸我也 自以爲及,將止而 馬融曰: 恕者,行仁之方也 也」,「誣」下 增加也。」段氏 『加,陵也。』袁 加,陵 義曰: 日 獨,反 情得 不進 施 加加 也, 誣 玉 於 往 其 衆

> 也。 必 來,聲色之誘,其由外至者,雖聖賢不能禁止之而 惡訐以爲直者。」皆得「加」字本義。」沈氏濤《論 無,況在中材以下? 義與不義,以不欲、無欲觀之。 旨所有。 『加諸』,蓋飾辭毀人之謂。」今案: 傷》曰: 重 以 遽非諸人也。僞孔此注,全失本旨 夫子之道,不過忠恕,故以爲非爾 加 諸。』韓愈《争臣論》曰: 「《舊唐書・ ○注 「言不能 僕固懷恩傳》: 君子知其然也,故但修其在己, 止人使不加非義於己」〇正 「吾聞君子不 其意自見,不必更 段、沈説又一 『共生意見,妄作 所及。 欲 若夫横 義,非 加 語 諸 使 言 孔 加 人,而 以其必 逆之 而 非 經 諸。」 注 \Box 不 義 注 辨

之禮、序《書傳》、觀殷、夏所損益、曰:「後雖百 云: 得 受以生也。 自大夫以下,皆僭離於 明也。文彩 夫子之言性與天道,不可得 書》、《禮》、《樂》,弟子彌衆,至自遠方,莫不受業焉。」又 而聞 「孔子之時,周室微而禮樂廢,《詩》《書》缺。 子貢曰:「夫子之文章, 也。 正 天道者,元亨日新之道。 形 義曰:《史記·孔子世家》言:「定公時,魯 質著見,可 正 道 以 故孔子不 耳 目 而聞 循。 可 仕, 退 得 也。」【注】章 深 性 微,故 而 者,人之所 而修《詩 世 追迹三代 聞 可 知 也 不 可

子論

六經

紀異

而

説就不

書。

是也。

書太史氏,始見《周易》。

易》,韋編三

絶。

翔鳳《發微》云:

年弟子得傳是學。然則子貢言「性與天道不可得聞」、《易》 矣。』」蓋《易》藏太史氏,學者不可得見,故韓宣子適魯,觀 子晚而喜《易》,序《彖》、《繫》、《象》、《説卦》、《文言》。 子博我以文」,此群弟子所以得聞也。《世家》又云: 教,弟子蓋三千焉。」據《世家》諸文,則「夫子文章」謂《詩 春秋》紀人事以成天道,故推見至隱。 此説本之汪氏喜荀、略見所著《且住庵文稿》。 「《易》明天道以通人事,故本隱以之顯, 故記夫子四教,首在於文。顏子亦言「夫 曰:「假我數年,若是,我於《易》則彬 孔子五十學《易》,惟子夏、商瞿 至春秋時,其學寖廢,夫子特修明 魯太師樂」云云,自衛反魯, 至天道命,不傳。 郁乎文哉 三百五篇,孔子皆弦歌之,以 古者《詩》三千餘篇,及至 術以造士,春秋教以 《詩》、《書》、《禮》、《樂》 禮樂自此可得而述,以 ! 《天官書》曰:「孔 吾 從周。」故《書 傳其人,不待 然後 宋氏 孔 孔 晚 彬 讀 禮 告。 化、健順、易簡,皆天道之説。 又《无妄·彖傳》:「大亨 傳》:「天道下濟而光明,地道卑而 於命。」又曰:「昔者聖人之作《易》也,將以 傳》:「一 與天道,則莫詳於《易》,今即《易》義略徵之。 章自謂《詩》、《書》、《禮》、《樂》也。」案: 以實之。 神明,通合天人之道者,莫著乎《易》、《春秋》。 血 正,天之命也。」與《臨·彖》同, 而 而 此言性也。 命。」又曰:「利貞者,性情也。」《説卦傳》:「窮理盡性, 曰:「成性存存,道義之門。」《文言傳》: 矣。」班氏以《易》、《春秋》爲性與天道之書,故引子貢之言 天行」,亦即天道,是並言天道也。 乾・彖傳》、《蠱 夫子之文章可得而聞,夫子之言性與天道不可 氣以生,有賢愚。」案: 不已也。』《繫辭傳》言天道 益謙,地道變盈而流 告非其人,雖言不著。』《漢書 陰 顔師古注以《易》、《春秋》爲夫子之文章者誤, 《臨·彖傳》:「大亨以正,天之道也。」《謙 陽之謂道。 彖傳》、《剥・彖傳》、《復 謙。」《恒 受血氣,則有形質,此 繼之者善也,成之者性 尤多。 則「天命」即 彖傳》: 上行。」又云:「天道 凡陰陽、剛柔、法象、 鄭注此云: 李尋 宋説亦是。 「乾道變化,各 傳 「天地之道 順性命之理 贊 天道 然子貢 彖

之,而以之爲教。

樂,冬夏教以《詩》《書》。

書》、《禮》、《樂》也。

古樂

正崇四

備王道,成六藝。」又云:「孔子以 求合《韶》、《武》、《雅》、《頌》之音。 子,去其重,取可

施於禮義。

樂正、《雅》、《頌》各得其所。

得

而

聞

然言 繫

辭

也。

日

幽

贊

以一

文一

質。

周

監二

代,

郁

》、《禮記

》自孔氏。

「語

性」字最

性

謂

人受

傳》所

言 又 以 變 久 盈

也。

恒

虧

以

至 性 又

Œ

五星 中以 寒暑之序 賢愚」者,賢愚,猶知愚,謂資質有高下也。 者也。」許言「性 皆善,惟人性則無不善。 色」,即形質。 父母,父母亦天地之象也。 者也。」案: 也。 以生,而喜怒哀樂具焉。 氤氲相成。 故曰人者 而剛 之誼 又言「性相近」者,言人性不同 七政動變之占。」案:《後漢書・ 善」爲「繼之」,「性」爲「成之」,則性善之義,自孔子發之。 了柔濟則 也。」五星,謂金木水火土之星。 生。 天氣下降,地氣上升,交在於中,故傳曰『人受天地之 人之生也,莫此爲先,所謂 堯典》: 包 氏汝翼《中 ,天地之心也。 ,以敬授民 性之於字,從心從生。 包説即鄭注 交氣流行,於是有寒暑、風 日 在璿璣、 人物各受血氣以生,各有形質,而物性 中。 爲陽气者 中 時,故以 庸 者,天地之交也。 玉衡以齊七政。」鄭注:「七政,日 説 《説文》云:「性,人之陽气。 「人受血氣以生」之旨。 赤子無知,而有笑有啼,有舞蹈奮 *: 天以動闢 ,對「情」爲陰气言之。 孟子云:「形色,天性也。」「形 日 「天道 ,皆近於善也。 性 月 桓譚傳》注引「動」作「通 人生肖天地,而心其最中 也。 五 陰陽 地地 星爲七政 先王觀乎天文,而 性也者,天地之交氣 雨、晦明。 以 天地交而 地 静 又注「天道 道 翕, 鄭又云「性有 柔剛 也。 《繋辭》以 血氣受之 人秉其氣 闢 人生焉。 陰陽 變 물: 動 性善 不 翕, 若 知 月 而 能 合

> 天道 漢書・ 益圖 言。 省焉。 之。 以私心斷決,未嘗不有悔。 《潛研堂文集》: 鄙儒之所言?』《後 之意,深遠難見,性與天道,自子貢之屬不得聞,何況淺 《周官· 帝問張禹以天變,因用吏民所言王氏事示禹,禹對: 氏《傳贊》引《論語》「天道」爲説。 向、劉歆,皆以五行説天道,而眭京等亦言七政災變,故 飛伏進退之類。 言天道。❶ 性與天道,不可得而聞也」。」《管輅别傳》: 「苟非性與 ,何由背爻象而任胸心?』《晉書· 人君見天道之變而占之,以觀其吉凶,反之人事 書,矯稱讖記,以欺惑貪邪,詿誤人主。」皆以吉凶禍 自分貢以下,不得而聞。 猶 此占問之意也。 馮異傳》: 占人》注:「占蓍龜之卦,兆吉凶。」是占合龜筮 復役機神於史籍。」 故鄭氏同之,其義備於《春秋》矣。 「臣伏自思惟以 説 説「性與天道」,猶言性與天合也。 書・ 文》 漢世儒者,若伏生、董生、翼 $\stackrel{\sim}{\Xi}$ 桓譚傳》:「天道性命,聖 國家獨見之明,久而益遠,乃 此亦漢儒相承之説。」宋氏翔 占 今諸巧慧小才技數之人,增 詔 又《前 視 敕 兆 紀瞻傳》: 戰 問 書・ 攻 也。 每 報 如 張禹傳》: 從 「陛下性 錢氏 ٢ 意。 人所 從 災 奉、 加 加 大 口 「成 ٥ 天 時 後 昕 難 見 異 劉 言 鳳 與 知 福 班 修

道

⁰ 禍」, 原 作 福」, 據《經解續編》本改。

行也。 不窮, 記 「天道元亨日新之道」者,元,始也。 故以「形質」言之,明有威可畏,有儀可象,故人耳目得以循 記》:「文采節奏。」又曰:「省其文采。」注以「文章」爲禮儀 文之所見,故注云「文彩形質著見」,以「文彩」釋「文」,以 而成章。』《孟子》云:「君子之爲學也,每不成章不達。」章是 章百姓。」鄭注:「章,明也。」與此注同。《易傳》云:「六畫 已矣」。 《漢書・ 乃大乖意旨。」是錢氏所引諸説,皆章懷所不取矣。母 誤,❷謂孔子之言性,❸自然與天道合。 傳》注云: ❶「《論語》云云,謂孔子不言性命及天道,而學者 《發微》亦本錢氏而小異,云: 言合也。 元《性命古訓 著見」釋「章」也。 合」,此漢儒誤解,不可援以爲訓。 世家》:「夫子之言天道與性命。」「性命」連文。 「大哉乾元,萬物資始。」此「元」爲「始」也。 故日月往來以成書 性爲人之所受以生,即鄭君「人受血氣以生」之義。 ○注「章明」至「聞也」○正義曰:《書・堯典》: **眭弘等傳贊》《外戚傳》注、《匡謬正俗》引並作** 後「言利與命與仁」,亦是合義。」今案"以 》謂爲安國真本,義或然也。 古無「彩」字,經典俱作「采」。《禮・ 夜,寒暑往來以成 「聖人言性合乎天道。 李賢《後漢書 亨,通也。 非惟失於文句,實 皇本、高麗本,又 四時 《易 也。 通則運 「與」爲 與,猶 乾 阮 外 **©**史 平 樂 也 有 氏 戚

> 也。 也? 鄭氏之據《春秋》言吉凶禍福者,義皆至精,當兼取之。 聞者也。《集解》釋「性」與鄭合,其釋「天道」,本《易》言之,與 則能知性,知性則能知天,皆夫子性與天道之言,得聞所 命,以「天道」爲至誠。孟子私淑諸人,謂人性皆善,謂 下,不可語上,故不可得聞。 皆不已之學也,皆法乎天也。 健,君子以自彊不息。」又曰: 無息」,引《詩》「維天之命,於穆不已」,蓋曰天之所以爲天 是天道也。不閉其久,是天道也。」《中庸》言天道爲「至 新之象。 四德,元亨利貞,此不言利貞者,略 《易》言「君子終日乾乾,夕惕若」。夫子贊《易》曰:「天行 此《詩》所言「天命」,據鄭箋即天道也。 孔子對曰:「貴其不已,如日月東西相 《禮記 • 哀公問》篇云: 其後子思作《中庸》,以「性」爲天 「剛健篤實輝光,日新其德。」 性與天道,其理精微,中人以 | 敢問 也。 天道 君子何貴乎天 聖人法天,故 從而不已也 不已,故 盡 有 未 道 心 誠 日

0 0

誤」下,據《漢書》注脱「讀」字。

[「]李賢」、「後漢書」,據注文當作「顔師古」、「漢書」。

[·]性」,據《漢書》注爲衍文。

[「]章懷」,據上文當作「師古」。

[「]爲學」、《孟子·盡心上》作「志於道」。

孔注異,亦通 爲人所稱道,子路 載,德譽愈尊。」其言當有所本,蓋子路當時有聲聞之一事, 包氏慎言《温故録》:「聞,讀若聲聞之聞。 倞注引此文,「蓋審其所知,即是欲行之,故不務多知 行。 勇、聞斯行之,其未及行,又恐别有所聞,致前所聞不能 曰: 云:「勿病無聞,病其曄曄。 前所」至「行也」〇正義曰: 《荀子·哀公篇》:「是故知不務多,務審其所知。」楊 「前所聞未及行,故恐後 子 路 聞 自度尚未能行,故唯恐復有聞。」此説與 ,未之能 昔者子路,唯恐有聞。赫然千 「有聞」,文章之道也。 行 有聞不得並 唯 恐 有 聞。 韓愈《名箴 行 【注】孔 也。」注 子路好 也。 並

【注】孔 好問曰文。」是「文」爲謚也。 圉。」圉 得間叔穀、穀生成 者。」注「孔文」至「謚也」○正義曰:「《世本》云:「孔 【注】孔曰:「孔文子,衛大夫孔圉。文,謚也。」子 曰:「敏而好學,不恥下問,是以謂之文也。」 子貢問 曰: 即孔 曰:「敏 叔圉 者,識 叔烝组 亦 稱仲 「孔文子何以謂之文也?」 之疾 **,** 鉏 叔 圉。 春 生頃叔覊,覊生昭叔起,起 也。 秋時 邢疏引《謚法》云: 謚 下問 法雖失實,然猶不 ,謂凡在己下 「勤學 達 生 生

> 説即此注言「凡」之旨。 貴下賤之謂,凡以能問於不能,以多問於寡,皆是。」案:俞在己下者」○正義曰:俞氏樾《平議》云:「下問者,非必以文,亦特表其行,明凡謚「文」,當慎之也。○注「下問謂凡較。」。故子貢問孔文子之謚,而夫子於公叔文子之謚輕謚「文」。故子貢問孔文子之謚,而夫子於公叔文子之謚

考異》: 公孫。 國。 皆是。○注「子産鄭大夫公孫僑」○正義曰: 高者,郭注《山 産,後人增加人旁。」案:《説文》: 所云「如都鄙有章,上下有服,田 也,仁者愛人,故又言「古之遺愛」也。「使民義」,則《集注 惠,則田疇能殖,子弟能誨,故夫子稱爲「惠人」。 曰:「子産,鄭大夫公孫僑。」其行己也 夫子表之。行己恭,則能修身,事上敬,則能 上也敬,其養民也惠,其使民也義。」正義曰: 君子」者,卿大夫之稱。 韋昭《晉語》注謂「子産,鄭穆公之孫,子國之子」, 《晉語》言公孫成子,成,其謚也。 子謂子産,「有君子之道四焉:【注】孔 「産者生也、木高日 海經》「長股國」,言「有喬國」,今伎家喬人 子産德能居位,合於道者有四,故 喬,有 有封洫,廬井有伍」之類 「僑,高也。」「僑」言人之 生長之義,故名喬字子 錢氏大昕《後漢 鄭者,周同姓 恭, 盡禮; 惠者仁 其 養民 事

魯大

夫臧

孫

辰

文,

謚

也。

蔡,國君之守龜,出

蔡

子

曰:「臧文仲居蔡、【注】包曰:「臧文仲,

兼存二義。高人之意。僑、産義合。高大爲美,故子産又字子美,此當高人之意。僑、産義合。高大爲美,故子産又字子美,此當蓋象此身。「喬」、「僑」通用。《左傳》「長狄僑如」,當亦取

地,因

以爲名焉。

長尺有二寸。

居蔡,僭也。」山

節

也。 舊,亦有白首如新。 城,在齊河西北二十五里。」即其地也。 嬰,平謚,仲字。] 晏者,地名,以邑爲氏。 記・管晏列傳》:「晏平仲,萊之夷維人也。」《索隱》曰:「名 字,解爲平仲敬人。 〇注 「晏姓平謚名嬰」 〇正義曰:《史 可久,所以難也。」孫説謂平仲與人交久,與鄭微異,亦得通 民不偷」,故稱平仲爲善交。 皇疏引孫綽曰:「交有傾蓋如 久而敬之。」據鄭説,則「久」謂久故也。「君子不遺故舊,則 官•大宰》:「二曰敬故。」鄭注:「敬故,不慢舊也。—晏平仲 **眚」,「執事有制」,「布綱治紀」,皆曰「平」。** 久而人愈敬之也。」此就所據本説之,實則當從鄭本無「人」 注】周曰:「齊大夫,晏姓,平諡,名嬰。」正義曰:《周 皇本作「久而人敬之」,疏云:「凡人交易絶,而平仲交 子曰: 「晏平仲善與人交,久而敬之。」 隆始者易,克終者難。 《謚 是「平」爲謚也。 《一統志》: 敦厚不渝 法解》「治 , 其道 而無 「晏

之罪 注 : 本藏天子廟中,故亦以天子廟飾居之。 日 記·龜策列傳》言「高廟有龜室」,又言「置室西北隅懸之」 春時,各以其物人于龜室。」注云:「六龜 【注】包曰:「非時人謂之爲知。」正 之廟飾也。」文仲諂瀆神物,以冀福佑,而不知其僭上無等 在文子家廟中。 器》所云「家不寶龜」是也。 直。」然則文仲得此蔡,即當歸諸周室,而不得私藏之。 書·食貨志》:「元龜爲蔡,非四民所得居,有者入太卜受 此其制也。 故藏龜亦於廟。 《周官·龜人》: 「凡取龜用秋時,攻龜 子下至士皆有蓍龜者,重事決疑,示不自專。」凡卜皆在 長,有知靈,能先知,故用爲卜。《白虎通·蓍龜》篇:「天 梁上楹,畫爲藻文。言其奢侈。」何 藻棁、【注】包曰: 虚。」如杜所言,則居蔡謂作室以居之,所謂龜櫝也。 「作虚器,謂居蔡,山節藻棁也。 ,必不爲神所相 《左文二年傳》説臧孫 《明堂位》曰: 「節者,栖也, 故 夫子不斥其僭, 乃文仲則儼爲己有,且以此 山 節藻棁,複 此事、云「作 有其器而 刻 義曰:龜者,介蟲之 其所置之處,亦必 鏤 如 各異室也。」《史 而 爲 其 但斥以不知。 廟重檐,天子 山。 無其位,故 知 虚器」,杜 也? 棁 者 《漢 用

陸佃説 名焉。 爲怪。 七寸,子龜五寸。」又云:「元龜爲蔡。」是蔡長尺二寸也。 龜。」又曰: 通 之楶。」《釋文》: 聚》引作「楶」,「楶」、「榕」一字。 不足辨,故略之。 氏此辨致確。 此 使妾織蒲於其中者? 全氏祖 未必然者。 已是二不知,不應概以作虚器,罪之曰 之禮,「山節藻棁」是僭天子宗廟之禮,以飾其居。 漢書• 山 用。 也。 也 節藻棁,實係天子之廟飾。 鄭注云: 與包略同。 而 望《經 0 然則山節藻棁 食貨志》: 論 以 臧孫則儉人也,天下豈有以天子之廟飾 Œ 語》釋文又云:「棁,本又作棳。」〇注 伯禽所受封之繁弱爲蔡别名,又名僂句,皆謬妄 蓋臺門反站、朱紘鏤簋、出 「國之守龜,其何事不卜?」是國君有守龜也。 義 史問答 其 「蔡,國君 日: 「楶,音節。」孫炎本作「節」,是「楶」、「節 、據《家語》以文仲世爲魯之守蔡大夫,又取 「節」與 「元龜岠冉,長尺二寸,公龜九寸,侯龜 左昭 臧 將何施? 文仲即 蓋亦不相稱之甚矣。 據 五年傳》: 之守龜 「格」同。 漢 人之説 臧 管仲僭用以飾其居,而 也。 孫 曰施之於居蔡也。]案: 案《爾雅· 陳氏鱣《古訓》、《藝文類 「吴蹶由曰: 辰, 龜出 自夷吾之奢汰,不足 則 見《左莊 不知也。」又云: 「居蔡」是 於蔡,故得 吾故知其必 釋宮》:「栭謂 「卜之以守 二十八 「臧文」至 自居, 如 僭 此, 臧孫 以 諸 則 無 而 爲 年 全 侯

監所糾 ^令白 之日 濟縣。 注以 櫨也。 蔡神龜出於溝壑。」高誘注與包、鄭同。 龜爲尺二寸也。 **櫨爲山也。」《三蒼》云:「柱上方木**曰 矣。」案: 俞此説甚可據,因 與「蔡」音相 卜問吉凶曰 解亦臆説。 或包、鄭所指龜所出之地名矣。 志》引之,謂今黄梅縣西南九十里曰 不當云「國君之守龜」,此稍誤矣。 諸侯一尺,大夫八寸,士六寸。」與《食貨志》異,然皆以天子 文。《説文》云: 〇正義曰: 虎 製。 「蔡」爲蔡國,薛瓚以「蔡」爲龜名,不取蔡國之説 通》引《禮 īĘ 大龜納錫,故 栭,屋 蓋楚語 鄭亦有此注,與包同。 製。 竊疑「蔡」當讀爲「飘」。《説文》: 《路史·國名紀》言:「蘄春江中有 近。 枅上標也。」鄭注《明 格 孔氏廣森《經學卮言》謂「蔡,蔡叔之蔡,即 但包既以蔡爲長尺二寸,則是天子守龜 • 也。 讀若贅。」龜者,所以卜問吉凶也,因 三正記》: 日 横櫨也。」欂 龜本荆州所貢,故沿襲其 蔡。」非 並箸之。 「蔡」爲「製」,猶以 天子 姬 姓蔡。 俞 植,柱 **%** 氏樾 |蔡山 堂位》云: 節 龜 ○注 枅, 《漢·食貨志》如 爲栭」者,本《爾 爲 南 上枅 王 伞 蔡, 西 「節者」至「奢侈 氏 名 議 接 説 | 塗《四 長 也 档。 製 「蔡」爲「煎 、語耳。 廣 山訓》:「大 Щ 蔡 濟縣 枅 Щ 尺二寸。 節 Ш 包 楚 書 爲 屋 製 即 人 氏 地 在 雅 謂 氏 欂 名 此 此 顔 河 玾 廣

爲斗拱,形 言之。 槉言其末」,亦未是也。 訓亦不異。 從弁,弁象其形,從門則爲門上之枅,與柱端之枅同,故其 枅正是一物,而段云「非一物」,誤矣。《爾雅》:「開 非 上 以 也 即 笮也,六名實一 南 交啎之處,置方木焉,使相接合,故謂之槉。〕案: 開字從門 槉。」郭注:「 注《靈光賦》曰:「栭,方小木爲之。 孴。」張載注云:「芝栭,柱上節。 方木。 次 曲 節 皆日 見言之,非 櫨 謂之笮。」合諸訓觀之,格 物。 也。 一也。」徐鍇《繋傳》:「斗上承棟者,横之似笄也。 (而小,故名之栭。]薛注《西京賦》曰:「栭,斗也。」張 一枅則樂也。 案:《説文》以 枅, 《釋宮》云: 斗又小於枅,亦方木也。 段氏玉裁《説文》注云: 如山 自 郝氏懿行《義疏》謂「楶槉 柱上欂也,亦名枅,又曰楷。」《説文》: 謂 陜 也。 物。 刻 以 曲 Ш 西 柱 枅加於柱,枅加於曲 王延壽《靈光殿賦 形 「栭謂之格。」合二事渾言之,許則 日 「栭」爲枅標。 頭者,節 於 格。」《廣 鄭注《禮器》云:「山 節 也, 栭也, 枅也, 欂 上 也。 也。 雅 方小木爲之,長三尺。」此 「有枅,有曲枅。 然後乃抗梁焉。」栭與枅 標者,枅上端也。 栭在枅之上。 斗拱者,山之形。」鄭 棁爲梁上楹」者,《爾 釋 物兩名,築言其標 宫》: 枅, 栭又加於 「芝栭攢 節,謂 櫨也 欂謂 枅者, 枅則 格 羅 刻 開 之枅。 柱 謂 柱 栭 以 枅 也 端 據 頭 門 與 載 築 之 析 柱 戢

室之制 傳》,皆是言桷飾。 僭之者,考「士首本」云云,見《穀梁傳》及《晉語》、《尚 僭者,以奢侈則僭可知。 戴蹲跪人也。」朱儒本短人,故短木亦稱朱儒。 《淮南·主術訓》:「短者以爲朱儒。」高誘注:「朱儒, 飾、士首本、大夫達稜、諸侯斲而礱之、天子加密石焉、無 廟飾,皆非文仲所當有之。」案: 誤。 山藻之禮也。]又云:「山 爲棁,亦與舊訓不合。 言之,非謂刻爲人也。 文也。』《釋名》: 者,短柱之稱。 以爲侏儒,鄭注《明堂位》亦云「畫侏儒柱爲藻文」也。 · 莙, 牛藻。」「藻」與「藻」同。 廟飾,山節藻棁,是於密石之外,又加此山藻之飾,與 》云:「杗廇謂之梁,其 徐鍇《説文繫傳》以楶爲梁上短柱,而以兩旁枝梧之木 不同 也。 故《禮器 「棳儒,梁上短柱也。」「儒. 山 鄭以桷飾如此 節、藻棁是二事,皆非文仲宫室中 《玉篇》:「棁,栭 「藻」者,水草。 逆注 鄭此注又云: 節藻棁,此是天子 上 楹 를 : 包以 謂之棳。」是 「藻棁,謂畫梁上短 鄭注《禮器》云:「宮室 ,則凡飾皆同。 「山節藻棁」爲奢侈,不 「山節藻棁,天子之 **爾** 也。」以棁爲窠, 棳 上當補 廟飾。」而 雅 在 高舉其形 梁 而又言天 上。 釋草》: 「侏」字。 柱 管 梁 郭 所 爲 宫 仲 之 似 F. 儒 大 畫 注

雅

子張問 日 「令尹子文、【注】孔 曰:「令 尹

子

有

,故夫子譏之。

年,全氏誤也。 在位,豈尚可以言忠?」案:子越亂在宣四年,非文十二 爲子上之後者,誤也。子上死,即有商臣之變,使子文是時 爲令尹。』則意者成嘉之後,子文嘗再起爲令尹,而仁山 傳》。文公十二年,子越之亂,追紀曰:『令尹子文卒,鬭般 之,大孫伯又繼之,成嘉又繼之,是後楚之令尹,不見於《左 讓於子玉,凡在位廿八年。子玉死,蔿吕臣繼之,子上又繼 望《經史問答》:「子文於莊公卅年爲令尹,至僖公廿三年 墓門》箋:「已,去也。」《南山有臺》箋:「已,止也。」全氏祖 以告新令尹,何如?」子曰:「忠矣。」曰: 子文,楚大夫,姓 文子三思而後行」,「雌雉,三嗅而作」,《孟子》書陳仲子 [三 忠事,未知其仁也。正義曰:「令尹」,楚官名。邢疏云: 無喜色,三已之,無愠色。 「三仕」、「三已」者,大略之辭。 「令,善也。尹,正也。言用善人正此官也。」「三已」者,《詩 「近利市三倍」、《詩》「如賈三倍」、《論語 「仁矣乎?」曰:「未知,焉得仁?」【注】但聞其 春秋傳》「三折肱爲良醫」,此不必限以三也。 如全此説,子文僅再仕、再已,而《論 齲 名 穀,字於菟。」三仕爲 汪氏中《述學》云:「《易 舊令尹之政,必 》『焉往 而不三 《論語》『季 令尹 語》云 黜 以

《吕氏春秋・知分》、《淮南子・道應》、《史記・鄒陽傳 《莊子》、《荀子》原係子文事,傳譌而爲叔敖。」其説是也 地又續》云:「孫叔敖之令尹,見《宣十一年》。 叔敖死 吏列傳》,皆以三仕三已爲孫叔敖之事。 勝」,范蠡『三致千金』,此不必其果爲三也。 故知三者虚數 咽一, 亦有所激然,非專小智之謂也。 仁」,乃高仁邪? 仁?《中 智人,其序篇引此二語。 音智,注及下同。」《漢書·古今人表》先列聖人,次仁人,次 家之事知無不爲,忠臣之至也。」《釋文》:「未知,如字,鄭 莊王時,約令尹僅七八年。莊王之賢,豈肯暫已叔敖? 已,與《論語》正合。 令尹,而有飢色,妻子凍餒,朝不及夕。」皆言子文三仕三 也。」案:《楚語》:觀射父曰:「昔鬭子文三舍令尹,無 記》管仲「三仕」、「三已」、「三戰」、「三走」,田忌「三戰」、「三 玉代己位而伐宋,以百乘敗 夫子許爲忠者,皇疏引李充曰: 之積,恤民之故也。」《潛夫論・ 此不可知其爲三 **論** 智 行 何謂 若《荀子・堯問》、《莊子・田 》篇: 也。 也? 《論衡 或或 《論語 而喪其衆。 對 :: E : 遏利》篇:「楚鬬子文三 「進無喜色、退無怨色、公 》「子文三仕」、「三已」、《史 若有人相語 然則 問孔》篇:「子文曾舉 固 仲尼日 不知如此,安得爲 閻氏若璩《四 大也。 日 未 然則 彼尚 知 子方》、 馬 仲尼 於楚 書 ※ 循 無 得 意 日 有

書·敘傳》作「於檡」,皆以音近通用。 乳兒也。 乳穀。」如氏曰:「穀音構。牛羊乳汁曰穀。」《廣雅 解詁》:「於菟、虎文貌。 詁》:「穀,生也。」曹憲《音》曰:「穀,春秋之 穀,烏菟。」《釋 文》:「穀,乳也。 乳穀,謂虎於菟,故命之曰鬭穀於菟,實爲令尹子文。」《説 动,淫于动子之女,生子文焉。 动夫人使棄諸夢中,虎 傳》:「初,若敖娶于迅,生鬭伯比。若敖卒,從其母 有「也」字。○注「姓鬭名穀字於菟」○正義曰:《左宣四年 ·倍叛之心接臧穀,猶且羞之。」楊倞注:「孺子曰穀。」《莊 《説文》:「虍、虎文也。」於菟與虍、聲近 菟、特聲義並同。 《論語》釋文"「穀,本又作穀。」《荀子·禮論》"「君子 动子田、見之、懼而歸,以告夫人、遂使收之。楚人謂 駢拇》: 賊夫人之子,不可謂仁也。」可補鄭義。 也,安得乃知爲仁乎?」二文皆讀 李充曰:「子玉之敗,子文之舉,舉以敗國,不可 穀,乳也。」「穀」、「穀」一字。《左傳》作「穀」,或係叚 於菟爲虎,此反切之權輿。 「臧與穀二人。」崔注同。 從子 受聲。」《漢書・敘傳上》:「楚人謂 虎有文謂之於菟,故牛有虎文謂 《説文》:「馀,黄牛虎文。 「穀」與「穀」同,若言 王氏引之《春秋名字 曹憲作「烏菟」、《漢 「知」爲「智」,與 而義同。」如 皇本「何如 讀若 • 釋 畜 謂 下 乳 于 智 鄭 0 可 傳》:「凡自虐其君曰弑。」《白虎通·誅伐》篇引《春秋讖》 曰:「弑者,何也。 稍

同。

子•

以

縣西北有崔氏城。」在今濟南府章丘縣西北二十五里,俗 古城。「弑」者、《説文》云:「臣殺君也。」《左宣十八年 也。《左襄二十七年傳》:「成請老于崔。」杜注:「濟東朝 崔子,無有可止者。」正義曰:「崔」者,地名,以邑爲 之爲名爲字,作僞者之疏可知。「崔子弑齊君,陳文 檡,❶字子文。」此注以「穀」爲名,「於菟」爲字,而不言子文 此説,子文爲字,亦是名字相應矣。《敘傳》云: 「文子避惡逆,去無道。當春秋時,臣陵其君,皆 也。」違之。何如?」子曰:「清矣。」曰:「仁 違之。之一邦,則又曰: 『猶吾大夫崔子 之。」至於他邦,則曰:『猶吾大夫崔子 子有馬十乘,棄而違之。【注】孔曰:「皆齊 矣乎?」曰:「未知。焉得仁?」【注】孔 夫。崔杼作亂,陳文子惡之,捐其四十匹馬,違 が故 也。」 而 日 如 去 氏 於

穀 據《漢書》當作「穀」。

稍試之。」是其義也。《釋文》:「弑,本又作殺。」《説

欲言臣子殺其君父不敢,卒候閒司

Ŧi.

誤字。 子弑君之事 側户出 同 當國世臣 立 執 盾 也 包 官 爲高。』今從《古》。」《論衡 夏五月乙亥,公問崔子疾,遂從姜氏。 之妻姜氏,「崔子因是,又以其間伐晉也,欲弑公以説于晉。 通。 以 則 魯論》作『高子』爲長。 . 惡矣。 - 輒擬 同義。 ·氏慎言《温故録》::「高氏爲齊命卿,與文子同朝者 國命者,皆與惡人爲黨,故 釋經之書 日 句 私。 將相長吏,猶我大夫高子也,安能别之。」亦據《魯論》。 齊君」,莊公名光。《左襄二十五年傳》言莊公通崔杼 溪雜箸》曰: 殺 然文子所至各國,亦 杼弑君,而《魯論》書『高子』者,責其不討賊 人以弑君之賊? 甲興、公踰牆、又射之、中股反隊、遂弑之」。 《春秋》,正名之書也,故言弑不言殺。 戮 其首句 文子去齊而之他邦 未聞聲罪致討 也。 也,故 也。」段 《論 自當作「崔子」、《魯論》作「高子」,則 或言弑,或言殺。」案: 以 氏 語》釋文:「崔子,鄭注云: 《左傳 玉 蓋弑君之逆,法所必討。 以以 裁 則下兩言 注 何至皆 别通》篇: 》崔杼 口「猶吾 《春秋》貶 ,其閒 궁: 事 或 如崔 述 「猶吾大夫崔子」,似以 證之, 大夫高子也」。」 欲 其 趙盾律之,宜與崔子 姜入于室,與崔子自 「仕宦爲吏,亦 子? 請 實 此 師 則 則 則 討 H 《魯論 而文子 弑 「《魯》讀崔 賊,而 三傳,述 殺 高子 一殺 也 正 ,與趙 《信 渉下 爲齊 亦何 陳氏 見其 高 得高 是崔 其 兩 爲 止 實 名

千駟 禮》云: 皇本作「違之之至他邦」。 鄭義。唐石經「棄」作 矣。 家」,皆指出車之數而言。 其采邑之大可 文云。此指其在廐之馬。」金氏仁山以十乘乃十甸之地 ○正義曰:《説文》:「棄,捐也。」「捐,棄也。」轉 卷,未可爲智也。 逢禄《論語述何篇》: 名須無,文者謚也。 以《古論》定《魯論》,亦以莊公時高子不當權要 清,純 清 「高子」 春秋》無所致譏,故宜從《古論》作「崔子」也。 乘是四匹馬,則十乘是四十匹馬。 者、《説文》云: 而所之無可, 則 潔也。」皇疏引李充曰: 而 「問大夫之富,數馬以對。」●故此言 指 誤。」 公馬之畜于官 知。 案 包 潔身而不濟世,未可謂仁 驟 非 「澂水之貌。」下篇「身中 陳 文子出 稱其亂,不 「時非有執政,且旋反國,故不録也。」 也。 「弃」,即古「棄」字。 説 者,非 《論語 陳文子有馬十乘,及齊景公有馬 ○注「捐 奔、《春秋》經傳皆無之。 微 異 「違亂求治,不 如甯子之能愚,蘧生之可 國馬之散 皆 其四十匹馬違 可 陳氏鱣《簡莊 乘之國」,及 得 《魯 「違之之一 在 也。」此 「有馬十 清」,馬 民 論 與與 污其 間 「陳文子」 相 》之義。 也。 訓。 集 趙 而 「百乘之 亦 乘 融 (身,清 盾異 》解 去之 邦」 劉氏 當得 《大 日 **《曲** 也 此 鄭

0

[「]數馬以對」,據《禮記·曲禮下》當作「以車數對」。

子采邑。蓋仍沿金氏之誤耳。
一謂多矣。閻氏《釋地》以開方之法計其賦十乘,而定爲文制。若侯國初試爲大夫者,畜馬乘。今文子有馬十乘,亦志》答趙商曰:「當八百六十四匹。」此言天子之卿大夫之者。鄭注甚明。《周官・校人》云:「家四閑,馬二種。」《鄭學》「畜馬乘」,謂士初試爲大夫者。「百乘之家」,謂有采地

季文子之忠於公室也。」皆言文子忠事也 忠乎?』《襄五年傳》: 季孫字也。 文, 謚 衣帛之妾,無食粟之馬,無藏金玉,無重器備。 皇本「再」下有「思」字。 文子將聘於晉,求遭喪之禮以行。 思。」正義曰:「三思」者,言思之多能審慎也。《左氏傳》言 斯可矣。」【注】鄭曰:「季文子,魯大夫季孫行父。 「斯」作「思」。」○注「季文」至「三思」○正義曰:「行父」者 『季孫於魯,相二君矣。妾不衣帛,馬不食粟,可不謂 也。文子忠而有賢行,其舉事寡過,不必及三 思而後行,此可證也。 季文子三思而後行。子聞之,曰:「再, 「忠而有賢行」者、《左成十六年傳》: 「季文子卒,宰庀家器爲葬備 顧氏炎武《金石文字記》:「唐石經 《説文》:「再,一舉而二也。」 後晉襄公果卒。 早 君子是以知 事寡過,不 「范文子 杜 預 無 注

子曰:「甯武子、【注】馬曰:「衛大夫甯俞。令恪十思,明恪之劣也。」」亦以文子三思爲賢,與鄭注意合。「恪輔政,大司馬吕岱戒之曰:「世方多難,每事必十思。」恪悟。」是三思乃美行。《吴志‧諸葛恪傳》注引《志林》曰:「恪輔政,大司馬吕岱戒之曰:「世方多難,每事必十思。」恪不得》:「曹季文子三思而後行,夫子曰:「再,斯可矣。」今君令恪十思,明恪之劣也。」」亦以文子三思爲賢,與鄭注意合。

正同。 汪廷珍説:「此有道,乃對禍亂而言,與「史魚」章兩「有 道亦祇就成公之世,無事之時。」樊氏廷枚《四書釋地 問答》云:「武子之事文公,其於《左氏 朱子《集注》以有道屬文公,無道屬成公。 故 武,諡也。」邦有道則知,邦無道 命,❶不答彤弓等事,皆所謂 及也,其愚不可及也。」【注】孔曰:「佯愚似實 曰 不可及也。」正義曰:「有道」、「無道」,不知 成公復國後,武子輔政,凡十餘年。 有道則 知 》無所見。)則愚。 也。 全氏祖望《經 其 宋氏 閒 如 則 其知 翔鳳《發 在 或謂 請改杞 補 何 時 引 可 史

❶ 「杞」、《左傳》僖公三十一年作「祀」。

永《春秋地理考實》。 相 南 處父聘於衛,反過甯。」杜注:「晉邑,汲郡修武縣也。」今河 恐不全也。 在失國,在不知人。 若 此運其知謀。 侯再得 微 於此乎?∫○注「衛大夫甯俞」○正義 春秋分紀》: 衛使甯俞來聘。」傳作 辭。 ,斯其能愚之實,足以脱乎亂世。 論其愚,當非有言可紀,有事可載也。 接,或本爲衛邑。 衛輝府獲嘉縣西北有修武故城,即古甯邑。 ,其國厪存,内外有枕戈之憂,上下無晏安之樂,武子於 從容大國之間,周 返 《左 國 乃前驅背盟,不言於事。 氏 斯 「甯武子,莊子速之子。」《左》文五年: 宛濮之盟,醫衍之貨,凡爲蓋臣,皆知及此。 》所 亦 知 載 以叔武之守而至於殺, 武子世食於此,故氏甯也。 矣。 甯 「甯武子」,是武子即甯俞。 武 旋 且 子 闇君 晉責 遭 罹 之側,譖 舊憾,興 或 非有聖賢之學,烏能及 難 日:《左文四年經》: 後於晉争訟,從坐 盡 蓋成公之無道,不 師 訴 忠竭 則甯氏之行,亦 皆 相 其地與 絶, 加 謀 説本江 其 程公説 刑 乃 晉 罰 衛 君 使 境 陽 氏 不 而 既 衛

子 日 狂 簡 簡 子 ・斐然 在 大也。 陳, 成 曰 : 孔 章,不 子在陳, 歸 與,歸 知 思 所 歸 欲 以 與 去,故 裁之。」【注】孔 吾黨之小 曰: 『吾堂

淮寧縣。《史記·孔子世家》:「孔子至陳。 見其鄉黨之士也。 趙 小子 召求之歸 爲一文兩敘。 歸之切屢見乎辭,故《世家》各隨文記之。 再有「歸與」之辭,前文見《孟子》,後文見《論語》,蓋夫子思 求,因誠曰: 狂 將大用之也。」是日,孔子曰:「歸乎,歸乎! 使使召冉求。 是歲魯哀公三年,而孔子年六十矣。 衛,將西見趙 小子狂簡,進取不忘其初。」於是孔子去陳, 陳,及吴侵陳,陳常被 差伐陳,取三邑而去。 之 「陳」者,國名。 知 注: 簡,斐然成章,吾不知所以裁之。」子贛知夫子思歸,送冉 小 所 在簡」絶句,鄭讀至「小子」絶句。」今鄭 子 「孔子在陳,不遇賢人,上下無所交,蓋歎息思歸 以 狂 裁 ,前所載爲錯簡復出。 簡 制, 「即用,以孔子爲招」云。」《世家》此 簡子, 臨 者 閻氏若璩《釋地續》以孔子此歎,興 冉求將行,孔子曰:「魯人召求,非小用之 《説文》云: 我 進 《周 當 取 寇。 河乃還,反乎衛。 歸 禮》: 孔子居陳三歲,會晉楚争彊, 於 以 大 孔子曰: 「陳,宛丘也。」今河 裁 道 「五黨爲州 之 安作 非也。 耳。』遂 「歸 季桓子卒,康子代立 穿 《釋文》: 與,歸 Ŧī. 又去衛,復 鑿 司馬貞《索隱》疑 過 歸。」 説已佚、《孟 州 以 歲 浦, 與! 吾黨之小 南陳 爲鄉。」 成 餘、吴王 文述夫子 「吾黨之 正 起於魯之 適 文 人章, 衛。 吾 州 義 如 故 更 府 陳。 日 欲 去 伐 夫 治 不

則必待聖人裁之而後爲得也。」案:《孔子世家》言陽虎亂 之狂。 吾黨之士也。」 衆,至自遠方,莫不受業。]是孔子年五十内,已修《詩 政 蓋能斐然以成章矣。 後有所裁定。」又云:「狂簡之士,雖行有不揜,而其志大, 節也。」張栻 所學已就,能 狂 不揜焉者也。」」趙注:「嘐嘐,志大言大者也。 重言 「古之 也?1曰"「其志嘐嘐然,曰古之人,古之人。夷考其行,而 夫子出 受孔子所修之業。當時洙泗之間,必有講肄之所,不皆從 《禮》、《樂》之文,固已付門人次序之矣。及聖人歸於魯,而 有文章貌也。」《爾雅·釋訓》注:「斐,文貌。」言弟子居魯, 人」,欲慕之也。 書》、《禮》、《樂》,非至晚年歸魯始爲之也。弟子受業,即 如琴張、曾皙、牧皮者,孔子之所謂狂矣。」「何以謂 、時, .也。」「斐然」者、《禮記・大學》:「有斐君子。」鄭注: 浙犬也。」 浙犬雄猛善發,故人之矯恣自張大者,亦謂 「孔子不仕,退而修《詩》、《書》、《禮》、《樂》。 《孟子》: 遊,故此在陳得思之也。 《論語解》:「方聖人歷聘之時、《詩》、《書》、 成文章可觀也。 此 「萬章曰: 夷,平也。 稱「吾黨」之義也。 至於義理之安,是非之平,詳略之宜 「敢問 考察其行,不能揜覆其言,是其 「裁」者、《爾雅 沈氏濤《論語孔 何 如斯可謂狂矣?」曰: 「狂」者、《説文》云: • 釋言》「裁 注辨僞 弟子彌 之狂 斐, 》誤

> 之。 也。 絶遠。 解《世家》之文,以 是以「不知」爲弟子不知也,於義亦隔。 得孔義,然亦謬矣。「妄作穿鑿以成文章,不知所以裁制 作穿鑿,申解『斐然』。 則不知而作,豈諸弟子所爲乎? 亦有爲之人,但務爲高遠,所言或不副其所行,非有所穿 案:下篇子曰:「不得中行而與之,必也狂狷乎?」是 字從文,古訓無不以爲文貌者。 狂者,進取大道 之當裁制,自不言可知。《世家》「不知」上有「吾」字,皇本 章,嫌己淺薄,不知所以裁之也。 也退」,即求亦自言「力不足」,是求之爲人與狷近,與 求,則《世家》此文下明言「子贛知夫子思歸」,又夫子言 簡、大」、《爾雅 裁之」下有「也」字。 孔子反魯,在哀十一年冬。 包咸《子罕篇》注曰: 沈君説未爲是也。 而不得其正者也。」沈氏濤《辨僞》云:「 釋詁》文。 「歸」爲冉 ○注「簡大」至「遂歸」○正義 蓋讀「斐」爲「匪」,匪 ❶「時人有穿鑿妄作篇籍者。」 「不知所以裁之」,謂弟子學 |求將歸,「吾黨之小子」亦 趙注《孟子》云: 今云『妄作穿鑿』,謬矣。 焦氏循 此正謙幸之辭。 云 《論語 「遂歸」者,終言 猶 非 補 「簡,大也。 也。 疏》: 其弟 此或 Ė 狂 狂 指 妄 斐 成 求 此 簡 子

「子罕」,據下注文當爲「述而」。

0

伯署其子爲西曹掾。」論者以爲不念舊惡。 惡,即夙怨也。 若有人犯己,己不怨録之,所以於人怨少也。」邢疏云:「不 之,若將浼焉」。其介如此,宜若無所容矣。 從邢疏,以爲人怨恨也。 勸劉勔殺王廣之,及勔亡,肅反依廣之,而廣之感且 故怨是用 書改錯》:「此「惡」字,猶《左傳》「周、鄭交惡」之「惡」。 於惡人之朝,不與惡人言。 且 念舊時之惡而欲報復,故希爲人所怨恨也。」毛氏奇齡《四 故憾也。 不忌,不念舊惡,蓋伯夷、叔齊之行也。」」皇疏云:「舊惡, 也。」並常訓。 竹,國名。」正義曰: 希。」【注】孔 「惡」字,並解作「怨」字。」案:毛説與皇疏合。 啓 [武帝: 「房景伯 子 人若録於故憾,則怨恨更多。 使 希。 爲 《大戴禮·衛將軍文子》篇:「孔子曰: 『不克 除清河太守,郡民劉簡虎嘗失禮于景伯 此 東 惟有夙怨而相忘而不之念,因之恩怨俱泯, 曰:「伯 必有實事 海 伯 太守。」史臣以 夷、 《爾雅·釋詁》:「念,思也。」「希,罕 夷、 朱子《集注》云: 叔 與鄉人立,其冠不正,望望然去 而今不傳者,張文檒曰: 叔齊,孤 齊 不 爲不念舊惡。 念 唯夷、齊豁然忘懷: 竹君之二子。 舊 「孟子稱其『不 惡, 然其所惡之人 南齊皇 惟 怨是 忽 然 甫 型賞, 」字當 《魏 則 肅 景 舊 用 立 此 曾 孤

> 竹城。 志》: 於「四荒」,郭注:「觚竹在北。」「觚」與 學紀聞》引胡明仲曰: 此義。○注「伯夷」至「國名」○正義曰:伯、叔,少長之字。 云:「伯夷、叔齊,孤竹君之二子也。」《爾雅 伯達、仲忽,亦名而已矣。」其説良是。 篇》。《史記索隱》亦同。 云:「允字公信,智字公達。 夷、齊,其名也。 立事》云:「朝有過夕改,則與之, 夕有過朝改,則與之。」即 能 謚法解》「夷」、「齊」並爲謚,然古人無以字居謚上者。 改即止,故人亦不甚怨之也。」案: 「遼西郡令支有孤竹城。」今永平府盧龍縣 皇疏謂:「伯夷名允、叔齊名致。」《釋文》 「彼已去國,誰 惟「智」作「致」,與義疏合。 夷、齊,謚也。 《史記 爲之節惠哉? 孤 集 同。 注 『亦是。 見《春秋少陽 釋 《漢 地 伯夷列 東有 》觚 《曾子 古 蓋 地 竹 《困 傳 列 孤 理 如

也。 醯以醬以酒。 楚乞師。」杜注:「乞,不保得之辭。」《説文》:「醯 義曰:「乞醯」者,乞猶求也。 諸 其鄰而與之。【注】孔 乞之四鄰以應求者,用意委曲,非爲直人。」正 子曰:「孰謂微生高· 從醬酒,並省。」「醬」與「醬 《左僖廿六年經》: 曰:「微生姓,名高,魯人 直? 或乞醯焉,乞 同。 「公子遂 酸 《儀禮 也。 作 聘 如

南

論》《説林》並載此事,高誘注云:「魯人。」則微生蓋嘗

與

日

記・ 如尾生,期而不來,抱梁柱而死。」《莊子•盜跖》篇: 之,此亦厚德,無所可譏矣。 生,而不知爲鄰,所以不得爲直。若乞諸鄰,而稱鄰以 之不爲直者,乞諸其鄰,而冒爲己物以與人,人知與之爲微 醬不必皆加以醯,故有芥醬、卵醬、醢醬、醯醬之别。 也。」古酸用梅、疑即加之於醯 高。」又曰: 遂以醢、醬爲一物,又謂古無醋,其説並誤。 大夫》所云「醯醬」,據注云「以醯和醬」,則是加醯於醬也 ○正義曰:《漢 (説文): 学注以 女子期於梁下,女子不來,水至不去,抱梁柱而死。」《淮 釋飲食》以醢多汁者爲醯,醯,籓也。 釋器》: 亦作盤。」《郊特牲》、《内則》、《天官》釋文同。 ❶「五味,醯、酒、飴蜜、薑、鹽之屬。」注云:❷「醯 即微生高、微生畝也。」《燕策》蘇代曰:「信 則》 醯穀爲陽, 醢肉爲陰。 酸 「信如尾生高,則不過不欺人耳。」蘇秦曰: 和 書・ 也。 用醯。」《釋文》: 醋也。」「醢」與「醯」同。《論語》釋 古今人表》:「尾生高、 關東謂酢曰酸。」「酢」即 ○注「微生姓名高魯人也 ,故醯味酸。 醯連穀言,是其以 **醯**,酢 惠氏士奇《禮説 也。」《周官 《士昏》、《公食 尾 乞諸其鄰而與 「醋」字。 生晦。」師 **赞爲之。** 如 尾 尾 文 則酸 《廣 《釋 《禮 「信 與 疾 生 生 古

> 典》「鳥獸孳尾」、《史記・五帝紀》作「微」,是其證 硜硜自守者,故當時或以爲直也。 「尾」與「微」通。 《書• 堯

禮

非也。 不失足於人,不失色於人,不失口於人。」《曾子修身》篇" 爲恭也。」臧氏庸《拜經日記》:「《表記》:「孔子曰: ○正義曰: 聖人,即指此文之類。○注「足恭便僻貌左丘 也。」《説文》:「匿,亡也。」亡,若「亡命」之「亡」,謂隱藏 之。」【注】孔曰:「心内相怨,而外詐親。」正 魯太史。] 匿怨而友其人, 左丘明恥之, 丘亦 「亟達而無守,好名而無體,忿怒而爲惡,足恭而 左丘明與孔子同時,而卒於孔子後。 《釋文》云:「一本此章有『子曰』字,恐非。」案: 丘亦恥之。【注】孔曰"「足恭,便僻貌。 「子曰」,與上章合爲一章。 《爾雅·釋詁》:「匿,微也。」《舍人》注:「匿,藏之微 子曰:「巧言、令色、足恭,左丘明恥之, 邢疏云:「便僻其足以爲恭,謂前卻俯仰, 蓋由傳寫脱誤,不當以 漢劉歆稱其好惡同 明魯太史 口 陸 左丘明 聖, 有 所見 義 「君子 而無 以足 者 日 也 恥 爲 無

2

疾醫」下,據《周禮 注疏》脱「注」字。

注」,據《周禮注疏》當作「疏」。

柔也; 常位 《索隱》曰:「孅 佞、卑 也。」「友便佞」,鄭玄曰:「便辯也,謂佞而辯也。」然則 巧避人所忌,以求容媚者。」「友善柔」,馬融曰:「面 毗。」正義曰:「夸毗者,便辟其足,前卻爲恭。」孔注言「足 毗 子•小匡》篇: 色,口柔爲巧言,斷斷然矣。」案: 臧説深得此注之義。 爲體柔,善柔爲面柔,便佞爲口柔,體柔爲足恭,面柔爲令 身,求得於人,曰體柔。」《論語》「友便辟」,馬融曰:「便辟, 以口饒人,是謂口柔,和顏悦色以誘人,是謂面柔,屈己卑 恭,便僻之貌」者,義當如此解。 色也: 「不失口」者,不巧言也。 爲有者也。」案:「不失足」者,不足恭也:「不失色」者,不令 「足恭而口聖」,「口聖」即巧言也。《詩・板》:「無爲夸 結 文王官人》篇: 謂 」與「給」同。 者 佞人足恭,善爲進退。」皆讀 a、足恭,而心刻深。」又《日者列傳》:「孅趨而 戚施,面柔也,夸毗,體柔也。」李巡注: 「巧言好辭、 「足恭,謂便辟也。」李賢《後漢書 君子弗與 趨, 「曹孫宿之爲人,巧佞卑諂,足恭而辭 《史記・五宗世家》:「趙王彭祖,爲 『華如誣,巧言、令色、足恭,一也,皆以無 也。 猶足恭也。」顏師 巧言令色,能 《爾雅·釋訓》:『籧篨,口 故《文王官人》三者並舉, 「足」如字。 小行 古《 崔駰傳》注: 而篤 漢 書 ,難于仁 皇疏引繆協 景十三王 言。 人巧 結。 便辟 柔者 矣。」 **《管**

> 《漢書·藝文志》:「《左氏傳》三十卷。 《左氏春秋》。」又《自敘》篇稱:「左丘失明,厥有《國語》。 官爲氏,則但當氏左,不當連丘爲文。 《史》、《漢》諸文不合。 案: 史公以「左丘」連文,則左丘是兩字氏,明,其名也。 序》:「自孔子論史記,次《春秋》,七十子之徒口受其 鄭引「足恭」説之。此義亦通。《史記・十二諸侯年 實鮮仁。」據鄭注義,則「給」如「供給」之「給」,謂足也。 給。 太史當止以士爲之。 官·太史》:「下大夫二人,上士四人。」侯國群臣 不知何因。解者援《玉藻》「動則左史書之」,謂 丘亦單稱左,故舊文皆言《左傳》,不言《左丘傳》。 魯君子左丘明懼弟子各有安其意,失其真,故具論其語,成 將樹反,見陸氏《音義》。 左與左丘爲二,作《國語》者左丘明,作《左傳》者别一人,與 日 子曰:「給奪慈仁。」」鄭注:「巧言、足恭之人,似慈仁、 「足恭者,以恭足於人意, 非也。 《仲尼燕居》: 而 左丘明雖爲太史,其氏左丘 不合於禮 左丘明,魯太史。 「恭而不中禮 亦 度。」此 恐 左丘明是以 非 讀 也。 秩差降 説者 足」爲 謂 《周 傳。 表 故 左 疑 之

子路曰:「願車馬衣輕裘,與朋友共敝之而顏淵、季路侍。子曰:「盍各言爾志?」

本無「輕」字,一 邕、云「朕意在車馬衣裘與卿共敝」,蓋用子路故事。 人誤加。J考《北齊書 篇「衣輕裘」而誤衍「輕」字。 皇、邢各本「衣」下有「輕」字。 何不各言之也。 勞事置 伐善,無 「輕」字旁注。 《管子・小匡》及《齊語》。 憾。」【注】孔 字。 説文》云: 鄭注云:「 釋言語》: 閻氏若璩 願,思也。」「裘」者、《説文》云:「裘,皮衣也。」「裘 注: 者,尚德也。」「侍」者、《説文》云:「侍,承也。」《 施於人。」正義曰:「季路」即子路。 凡 施 裘服毛在外,故 盍, 一四 勞。【注】孔 盍,何不也。」案:《爾雅 一侍,時 「各,異詞也。」夫子欲覘二子之志,故問 證 何 書釋地又續》: 也。 曰: 石經初刻本無「輕」字。 願」者,有 也。」「 唐邕傳》: 也。 《釋文》於「赤之適齊」節,音「衣」爲 憾, 何」與 是子路本用成語,後人涉 尊者不言,常於時供所當進 有 錢大昕云: 志 恨 曰:「不 加 阮氏元《校勘記》: 而未逮之辭。 也。 衣以襲之。 「何不」,語有詳略。 「季路長顔淵二十 顯祖 顔 自 嘗解服青鼠 • 釋言》:「曷, 石經 稱 淵 車 己 曰 : 衣裘猶衣 季者,少 馬衣裘」,見 爾爾 之善,不 輕 唐 雅 皮裘賜 」字,宋 《 雍 也 願 各 長 是古 歲 石 裳 無 即 盍 經 釋 其 者 釋 以 而 之志。 其功。 情。 从巾。 《禮記· 與 之」絶句。 于 南 疏

者,《 也。」 也。」

郭

名 先 稱。

顔

淵

無

朋友,於語意未晰。 之字、皆作「敝」、是從或義也。 依通行本增入,非其舊矣。」《白虎通 友之交,貨則通而不計,共憂患而 無「輕」字,四 「善」言德,「勞」言 「與朋友共」爲一 「輕」字,三證 施勞」者,朱子《集注》云: 自善也,謂之聖。不矜矣,夫故天下不與争 既反,而 云:「願以己之車馬 「伐善」 過行弗率,以求處厚。。《荀子·君子篇》: 詮言訓》:「功蓋天下,不施其美。」謂不誇大其 曾子言「有若無、實若 象衣敗之形。」「敝、帗也。 有而不有也,夫故爲天下貴矣。」二文所言,即 表記》:「君子不自 對文。 《唐邕傳》 此「衣」字無 證 也。 也。 句,「敝之而 皇 功。 禮記 今注 立疏 《説文》: 同。 《周 **Z**: 衣裘,與朋 音。 • 疏與皇本正文有「輕」字,則 言己與朋友共用至敝 「施者,張大之意。」案: 官 車 祭 是 大其事,不自 無憾」 虚,昔者吾友嘗從事於 「共,同 陸 統》注"「施,猶 馬 皇本作「弊」, 司 本 相救。」下引此文,至 衣裘共乘服。」是 友共乘服。J 無 勳 爲 曰敗衣。」今經傳 三綱六紀》云: 也。」又「冰,敗 「輕」字,二 句,似 尚 功 其 能 H 是 備而 (功,以 乃 著也。」《 「敝之」 勞 也。 耐 邢 證 通 致 是 皇 本 也 用字。 不矜, 美 施 衣 今讀 顔 善 訓 後 求 本 亦 勞 也 也 也 朋 處 淮 敝 用 敗 指 亦 邢 人 無

是,則老者安之,少者懷之,朋友信之。」據《韓傳》所言, 夷,則脩朋友之義; 少,年少也。」《韓詩外傳》:「遇長老,則脩弟子之義,遇等 記・少儀目録》:「少,猶小也。」趙岐《孟子・萬章》注:「人 器,使子貢無施其辨,子路無厲其勇也。」案:《孟子》云: 不愛也、無不敬也、無與人争也、曠然而天地苞萬物也。 十以上之通稱。 之。」【注】孔曰:「懷,歸也。」正義曰:「老者」,人年五 之志。」子曰:「老者安之,朋友信之,少者懷 勞之乎? 民非政所能免。 而不知也。 曰伐。」皇疏云:「願己行善而不自稱,欲潛行而百姓 襄十三年傳》:「小人伐其技以馮君子。」杜注: 顔子未得位,未能行其所志,故嘗以其 「以佚道使民,雖勞不怨。」孔子亦言「擇可勞而勞之」,是勞 不自」至「於人」〇正義曰: 若無」、「若虚」,即 「憾恨也」〇正義曰: 於義爲短,今所不從。 又願不施勞役之事於天下也,故鑄劍戟爲農 《爾雅 今但言不施以勞事,然則將可勞者,亦勿 遇少而賤者,則修告道寬裕之義。 無 伐」、「 ·釋詁》:「老,壽也。」「少者」、《禮 見《廣雅·釋詁 「伐」訓 無施 子路曰:「願聞子 」之意。 稱者,引申之義。 》,此常訓。 所願從事之也。 吾 友 「白稱 一謂 則 顔 故無 日用 其 ○注 **企** 子。 能 朋 如

> 事也。 也。」並與歸訓近。 言少者得所養教,歸依之若父師也 卹之道,義者之事也。 也」〇正義曰:《爾雅• 友」謂其年位與夫子等夷者也。 「民不求其所欲而得之謂之信。」竊謂子路重倫輕利,不失任 夫子仁覆天下,教誠愛深,聖者之事也。 顔子勞而不伐,有功 釋詁》:「懷,止也。」《釋言》: 信 |者、《禮| 而不德,仁者之 記 ○注 經 解》云: 「懷,來 「懷歸

見。 有 欺,自欺則非誠意矣。 此,所謂 於改過,尤亟亟也。 者好之、意之不善者惡之、惡不善、正是葆其善。 知,而己所獨知之之時也。 好色,此之謂自謙。 《大學記》云:「所謂誠其意者,毋自欺也。 過,莫能自責。」正義曰:「已矣乎」者,歎辭。 内自訟者也。」【注】包曰:「 言惡不仁之人,不使不仁者加乎其身,所謂 未見能自訟之歎。 能自見而内自訟,則如惡惡臭,必思所以去之。 子曰:「已矣乎! 「誠意者」如此。 故君子必慎其獨也。」獨者,人所未及 人凡有過,其始也皆藏於意,故 蓋改過爲學者至要,而亦至難。 夫子歎未見好仁、惡不仁者,及此又 否則,見其過而不能自 意有善惡。 吾未見 訟,猶 誠意者,於意之善 責也。 能 如惡惡臭,如 「内自訟 見 訟 已, 止 故君子之 其 言人有 即 者」如 過 夫子 能自 故 是 也 而 好

《廣雅・釋詁》:「訟、賽也。」「賽」即「責」字。也。○注「訟猶責也」○正義曰:「訟」訓責者,引伸之義。於所行事,所謂誠於中必形於外,人之視己如見其肺肝然慎獨不克致力矣。所以云「未見」者,察之於色與言,觀之

《釋文》云"「焉,如字,衛瓘於虔反,爲下句首。」皇疏引衛 學也。」此亦以「焉」屬下句,其義較衛爲順,當並箸之。 學,可使如丘也。」案:訓 《大戴禮·曾子制言》云:「是故昔者,禹見耕者五耦而式, 讀考異》:「焉,猶安也。 説云"「所以忠信不如丘者,由不能好學如丘耳。 斷,材雖美,不學不高。 斯可袪其所蔽而進於知仁之道。故子以四教,先「文行」於 意。案: 忠信者,質之至美者也。然有美質,必濟之以學, 過十室之邑必下,爲秉德之士存焉。」即此「必有忠信」之 井爲邑,井有三家,四井凡十二家。云[十室],舉成數也。] 不如丘之好學也。」正義曰:凌氏曙《典故覈》:「四 忠信」,行即行其所學也。《韓詩外傳》:「劒雖利,不厲不 子曰:「十室之邑,必有忠信如丘者焉, 安不如我之好學,言亦如我之好 「焉」爲由,其義甚曲。 故學然後知不足。」即此義也。 武氏億《經 苟 能好

香山何耀章校刊

論語正義卷七

寶應劉寶楠學

不足據。 正義曰:皇疏言《古論》以《雍也》爲第三篇。此僞本

雍也第六

集解

凡三十章

使南 **論** 亦兼天子、諸侯言之。古人爲學,皆以盡倫。 苑•修文》篇: 治,故位皆南面。 ○正義曰:《周 使南面者,言任諸侯治。」注 殊路》篇:「七十子皆諸侯卿相之才,可南面者數人。」 画。 子曰:「雍也可使南面。」【注】包曰:「可 面 「當孔子之時,上無明天子也,故言『雍 官·撢人》注"「面,猶鄉也。」人君嚮明而 者,天子也。」與包、鄭説 鄭此注云「言任諸侯之治」,與包同。《説 「可使南面者言任諸侯治」 微 異。 學也者,效 鹽 也可 鐵

之事。 謂: 差。 子弓是也。」子弓即仲弓。 舜、禹、而又有天子薦之者。故仲尼不有天下。」《荀子》 知,而極之治國平天下。 學也。學修於己,自能成物,而得勢以行其所學,故能措施 夫子極許仲弓,而云「可使南面」, 極之治國平天下。 不得位以行其道也。 其德能爲天子、諸侯而僅爲卿大夫,或僅爲士,則孔、孟之 爲能居其位。故夫天子、諸侯、卿、大夫、士位之差,即德之 矣」。大人以位言之,舉位則德自見,蓋德必稱其位,而 不能殺一無罪,此亦指天子、諸侯言之,故曰「大人之事備 旦假之以權,其不至於敗乃事者幾希。 而後學爲君,爲臣而後學爲臣,則當其未學,便已廢倫。 有事,而列於《大學》之目,此正言人盡倫之學。 若曰爲君 裕如,《中庸》所謂「道前定則不窮」者也。《大學》言格物 友,莫不各有當然之則,即莫不各有當學之事。舍人倫,無 也。 「聖人之得勢者,舜、禹是也。 其德能爲天子而爲天子,則舜、禹之由登庸 學之爲父子焉,學之爲 其答顏子問爲邦,兼有四代之制。 其不嫌於自任者,正其學之分内事也 《孟子》云:「匹夫而有天下,德必若 夫治國平天下,皆天子、諸侯之所 夫子議禮考文作《春秋》,皆天子 君 臣 焉。 聖人之不得勢者,仲尼 其辭隱,其義顯。 推 孟子謂士志仁義 之昆弟、夫婦、 蓋聖賢之學,必 而進 包、鄭 也 朋

均指諸 理 言。 ,可以爲卿。」彼自爲文,不足證此 謂爲卿大夫,不兼天子、諸 《文選・思玄賦》注引《論 侯,劉向 則謂 天子。 説雖不同,要皆通 語 侯, 摘輔 證引雖博,未免淺測 像 ĕ ⊟ : 「仲弓淑 也。 近之儒 明 清 聖

同時。 夫。 篇以接輿、桑扈並舉,「雽」、「户」、「扈」音近通用。 此説未可據也。《莊子・山木》篇「孔子問子桑寧」云云。 乎?」【注】孔曰:「居身故肅,臨下寬略,則可。」包 民,不亦可乎? 簡,故曰可也。」仲弓曰:「居敬而行簡,以 無見焉。」子曰:「可也簡。」【注】孔曰:「以其 曰:鄭注云:「子桑,秦大夫。」以公孫枝字子桑,故爲秦大 《大宗師》篇言「桑户與孟子反、琴張爲友」、《楚辭・ 云:「姓桑雽,名隱。」」《釋文》所載二説,以前説爲是。 曰:「伯子之簡,大簡。」子曰:「雍之言然。」正 異日,桑事又曰:「舜之將死。」」云云。《釋文》:「零,音 ,本又作事,❶音于。李云:「桑姓,雽其名,隱人也。」或 然《左傳》言子桑之忠,知人能舉善,並無行簡之事,鄭 仲弓問子桑伯子。 **《漢書** 古今人表》列於周 居簡 【注】王曰:「伯 而 顯王之世,非 行 簡, 無 乃 也 子,書傳 與孔子 大 涉江 臨 王 簡 其 至 能 逸

> 《楚辭 之意。 謂:「夫子雖不正言其居簡之失,而所謂可者,固有未盡善 子明於王道,而無以加仲弓之言」者是也。 己成物之學與隱士有異。 所指爲簡之事。當時隱者多是如此。 伯子易野,欲同人道於牛馬。仲弓曰:「大簡。」」此即孔 質美而無文,吾欲説而文之。」孔子去,子桑伯子門人不説 子不衣冠而處。弟子曰: 『夫子何爲見此人乎?』曰: 『其 者,易野也。易野者,無禮文也。孔子見子桑伯子,子桑伯 裎,効夷狄也。」《説苑·修文》篇:「孔子曰:『可也 公羊子」之例。 之美稱,上「子」字則弟子尊其師者之稱,如「子沈子」、「子 族略》以爲魯大夫者,亦非桑氏。 大舜之共己,行簡臨民即大舜之無爲而治。 而行簡,以臨其民。」居敬則有禮文,禮 文。」故曰文質修者謂之君子,有質而無文謂之易野。 曰:「何爲見孔子乎?」曰:「其質美而文繁,吾欲説而 》注謂桑扈爲隱士、與《莊子》李注同。 仲弓默契聖人之微旨,而分别夫居敬、居簡之不同 《楚辭》云:「桑扈贏行。」王逸注:「去衣 《説苑》所謂 伯 仲弓正之曰: ,毋不敬也。 |字下「子」字爲男 「仲弓通於化術, 此足見仲弓成 則《通 朱子《或問》 居 簡。」 志 「居敬 子 去其 敬 氏 即

❶ 「雽」,據《釋文》當作「雽」。下「雽」字同。

六四

儀可 觀。 夫子 則聯上爲一章。 或 居 用得其賢,衆職咸理。 民煩則散。」「煩」與「簡」相反。 寬大之治,有似疏略。 肅 本無「孔安國日」。 ○正義曰:王未考《莊子》、《楚辭》、《説苑》,又不從鄭,故 足知當日弟子類記,不爲無 伯子於孔子」云云,是以此節仲弓所言爲「可使南面」之證 云「未見」。 更 敬,而所行事又簡,在己已無法度可守,所行必至怠 臨下寬略則可」〇 所以 放誕無禮。 '觀,行簡則不大聲色。 又言「寬則得衆」,是亦尚行簡之意。 深許之。」此説 〇注 《説苑》云「雍之所以得稱 斯臨 「孔曰以 以「可」爲美辭, 正義曰:《爾雅 民亦必 《毛詩 此居敬行簡之所以爲可也。 亦 其能 是。 於以化民,民自能順帝則,又且 意。 綱紀廢弛, 簡故曰 夫子以「居上不寬」爲不足 匪風》傳: 皇 ○注 疏 非經旨。 此 可也」〇正義曰: 釋詁》: 節 而不可爲治矣。 「伯子書傳無見焉」 是故居敬則 「亨魚煩則碎,治 與 南面者,問子桑 上 ○注 「簡,大也。」 章 别 「居身敬 若不能 有 邢 惰 皇 威 疏

凡 短 日 人任情,喜怒違理。 命死矣。 「有顔回者好學,不遷怒,不貳過。不幸 哀 公問:「弟子 今也則亡,未聞好學者也。【注】 顏 淵 孰爲好 任 道,怒不過 學?」孔子 分。 遷 者, 對

> 家》: 子解》始云:「三十二而死。」●王肅注:「校其年,則顔 歲。 嘗復行。 孔子七十一之年。 魚之後。」按:《譜》孔子七十而伯魚卒,是顔子之卒,當 時,孔子年六十一。」李氏鍇《尚史》辨之云:「顔子卒於伯 顏子受命短也。 注:「天生顔淵、子路爲輔佐。 四年:「顔淵死,子曰:「噫! 「三十一」之文,不知所本,必係王肅僞撰。 記 夭,死之事,故死謂之不幸。]言不能免凶 移 噫! 矣。江氏永《鄉黨圖考》同。 麟而死,此 ·列傳》但云「蚤死」,夫五十以下 也。 年二十九,髪盡白,蚤死。」未箸卒之歲年。 | 河不出 天祝予!」西狩獲麟,孔子曰:「吾道窮矣。」」何 怒 當 正義曰:《説文》:「蚕,吉而免凶 亦天告夫子將没之徵。」又《史記· 其 圖 《史記•仲尼弟子傳》: 理,不易 雒 顔子少孔子三十歲,是享年四 不出 移 書,吾已矣夫! 也。 皆死者,天將亡夫子證。 臧氏庸《拜 天喪予。」子路死,子 不 貳 而卒, 「顔回少孔子三十 也。 過 」顏淵死,「天喪 也。 《公羊傳》哀十 經日記》: 者, 皆可 「短命」者,言 《家語 有 從夭從屰。 謂 不 孔子 之蚤 善未 | 史 + 日 回 世 時 死

176

❶ 「二而」,據《家語》原文當作「一早」。

顗傳》:「顔子十八,天下歸仁。」皆以顔子卒年爲十八,此 予!」及西狩 則或與《家 夭折,況臣愚陋 真異説,非可據也。 訓》:「顔淵夭死。」高誘注:「顔淵十八而死。」《後漢書 案:秦、漢人説顔子卒年,本多乖互。 《列子·力命》篇: 通義》並略同,但與李鍇説差少一年,今更無文定之也。 焉。」案:臧説甚核。 則孔子年七十,顔子正四十也。魯哀、季康之問,皆在哀十 伯魚卒時,孔子年六十九。 卒。』以核《家語》孔子年二十而生伯魚之説,尚不甚遠,則 子已四十也。 子路死,七十三孔子卒。 獲麟、子路死、夫子卒相後先。 言,故《公羊春秋》及《弟子傳》皆連言之,則顔子之死,必與 ·天祝予」,曰「吾道窮」,曰「吾已矣」者,皆孔子將没之年所 顏子之才,不出衆人之下,而壽十八。」《淮南子・ 年孔子反魯之後。 語 獲麟,曰: 》同 臨終上疏曰: 又《史記·世家》云:『伯魚年五十,先孔子 ,年過其壽。」」 亦以 未可 《三國志· 毛氏奇齡《稽求篇》、孔氏廣森《公羊 時顔子新卒,故聖人述之。 知 「吾道窮矣! 顔子少孔子三十歲,孔子七十,顔 也。 據《論語》,顏子死在伯魚之後, 『周晉、顔回,有上智之才而尚 皇 孫登傳》:「權立登爲太子, 孔子年七十一獲麟,七十二 本 顔子卒年未至三十三, 問 」, 夫曰 「天喪子」, 曰 一下有 「日」字。 有餘 精 郎郎 《釋 又 神 痛 中庸。 知; 中和也。 復見天地之心,益初至四互復,其《象》曰:「君子以見善 縮陵歷之異,水旱沴鬱之災,而於穆不已,不遠能復。 文》云: 得

傳》:「子曰:「顔氏之子,其殆庶幾乎? 子專以怒言之。《春秋》言 思誠之學,以人道合天道者也。 無過中之失。 過中,或不及中也。 吉。」」此注言「有不善未嘗復行」,即本《易傳》。 不依其類而違理矣。顏子好學,能任道,故善養其氣而幾 情,多致違理不中節也。 語有詳略,因涉彼文而誤衍『亡』字,當據《釋文》或本訂 謂:「既云『亡』,又云『未聞好學」,於辭複。 「易,遷怒也。」蓋喜怒當其理謂之類,類者比也。 七年傳》:「范武子曰: 是喜雖違理,不失爲君子。 ○注「凡人」至「復行」○正義曰:喜怒者,七情之發。凡人任 知之,未嘗復行也。」《易》曰: 「本或無亡字, 「遷,移」,見《廣雅・ 一善,則拳拳服膺而弗失之矣。」」當未擇時,不 及得善而服膺弗失,所以能不貳過。 《中庸》云:「子曰:『回之爲人也,擇 「喜怒以類者鮮,易者實多。」」杜 即 但喜雖違理,無所傷害於人,故 連下句讀。」俞 「君子善善及子孫,惡惡止其身」, 若怒,則不宜違理 釋言》,此常訓。 是故言天行者,不能 「不遠復,无祗悔, 氏 有不善,未嘗 樾《群 此與《先進 也。《左宣 過者,謂 **参** 若遷怒, 經 此 平 顔 ΙĘ 議 則 元 於

故

則

遷,有過則 顏子好學,亦能體復,故夫子《易傳》獨稱之。 改。 明 改過能 有益 也。 夫子學《易》,「可以 無大

之適 官 者、禮記 子問急不繼富。」【注】鄭曰:「非冉有與之太多。」 是請於夫子。「與粟五秉」,則冉有自以藏粟與其母也。 子」,據鄭注即冉有。 正 曰:「十六斛曰東,五東合爲八十斛。」子曰:「赤 六斗四升日釜。」請 粟,嘉穀實也。」粟本禾米之名,諸穀亦得稱之。 適齊」者、《爾 粟五秉」,則 與之釜。」【注】馬曰:「子華,弟子公西 時。 義曰: 鄉師 「十六斗曰庾。」冉子與之粟五秉。【注】馬 齊也,乘肥 子華使於齊,冉子爲其母請粟。 弟子類記之,以見聖人取予之際,各有所宜爾。 「使」者、夫子使之也。 》職: 月令》: 與 雅 賙 釜」、「與庾」不言數,是爲一釜 萬民之囏阨。」鄭司農 釋詁 「周天下。」注: 「周,謂給不足也。」《周 稱子者,冉有門人所記也。 馬,衣輕裘。 益。 「適,往 曰:「與之庾。」【注】包 此與原思爲宰,不必同 也。」 吾聞之也: 굸: 此 常 「賙,讀爲 訓。 《説文》: 赤之字。 子曰 「請粟」, 周 庾 中 一周 矣。 急 君 言 在

傳》: 氏震 成觳 曰 : 「庾」爲「籔」,正義反援《儀禮》正之,且以「庾」爲瓦器 康成但謂其音同「庾」、非謂「飯」即「庾」也。 禮記》云:「十六斗曰飯」。 璉《左傳補注》引戴説,又云:「案:「庾」、「簸」譌溷者,《聘 益 音聲相通,傳注往往譌溷。 工記·陶人》:「庾實二觳,厚半寸,脣寸。」注:「豆實 ○正義曰:《説文》: 鬴,鬴六斗四升也。」依《左氏》文爲説。 登于釜。」鄭注《桌氏》云: 之以爲鬴,深尺,内方尺而圜其外,其實一鬴。」《左昭 公西是兩字氏。 注 : 云「十六斗曰庾」,始混「籔」爲「庾」矣。 急」之「周」。」明 · 釜」爲「鬴」或字,見《説文》。《考工記》:「 ' 「 果氏爲量。 一斗四升。 「周急,謂周濟困急也。」〇注「子華」至「曰 鄭此注與馬同。 《補注》:「二斗四升曰 ,則觳受斗二升。 庾,讀如「請益,與之庾」之「庾」。」 戴 「齊舊四量: 蓋與之釜已當 周、「 鄭《目録》曰: 豆、區、 「斞,量也。」「庾」即 《史記·弟子傳》:「公西赤,字子華。 賙 釜、鍾。 同 四四 《論語》「與之庾」,謂於釜外更 庾,十六斗日 鄭注:「今文「飯」或爲「逾」。」 ,所益不得過乎始與。」馬 也。 1升日 「魯人,少孔子四十二歲。」 四升爲豆,各自其四,以 李賢《後 豆 四四 ○注「十六斗 「斞」字段借 籔。 元凱注《左傳 豆. 漢 《論語》 曰 書 「庾」與『籔 釜一〇 品 王丹傳 》包注: 四 \Box , 非 氏宗 三而 Œ 品 《考 庾 年 量 直 F

굸: 作「庾」。 器,尤爲臆説。」今案:《左昭二十年傳》:「粟五千庾。」賈逵 之最大者也。」 斛。」王氏念孫《廣雅疏證》: 説斞數太多,未 釜十曰鍾,當得六斛四斗。 庾。」❶文有譌錯,當據《考工》注文正之。 又《廣雅・ 包咸同。 \Box 聘禮記》:「十 庾。」此用《儀禮》今文,以 「十六斗爲庾。」此元凱所本。 「缶,庾也。」亦誤以 「區四曰釜,釜十曰鍾,鍾十曰斞。」釜爲六斗四升,則 《藝文類聚》八十五引鄭此注云:「六斛 《小爾雅·廣量》云:「二釜有半謂之庾。」其誤與 六斗日 知所本。 爲瓦器。 簸,十簸曰秉。」鄭注:「秉,十六 ○注「十六斛曰秉」○正義 「秉之言方也。 鍾十日與,當得六十四斛。 「庾」與「逾 又引《聘禮》曰:「十六斗 《魯語》「缶米」,韋昭 同 ,故直引 方者大也。 四升日 《聘禮 釋器 E. 量 解 此

《家語》云:「宋人,少孔子三十六歲。」金氏鶚《禮説 也。 受。」注「弟子」至「邑宰」○正義曰:《史記 百,醉。【注】孔曰:「九 原憲,字子思。」鄭《目録》云:「魯人。」司馬 孔子爲魯司寇,以原憲爲家邑宰。」與之粟 原思爲之宰、【注】包曰:「弟子原憲,思,字 百,九百斗。 弟子 辭,辭讓 貞《索隱 列 傳 影 九 依 不

> 《家語》,則夫子仕魯時,子思方十七八歲,未 注: 同。 百,九百斗」者,孔以意言之。 卿大夫,則無邑宰,直有家相者也。」賈氏此言最晰。 也。 卿,公山弗擾爲季氏費宰,子羔爲孟氏郈宰之類,皆爲邑宰 「孤卿大夫有采邑者,其邑既有邑宰,又有家相。 邑宰,明此 爲家邑宰。」與包此注合。 也。 爲中都宰,從中都宰爲司空,從司空爲司寇也。」案: 語》「三」字,當是「二」字之譌。」鄭此注云: 之説,未可據矣。 言孔子仕魯,不言采地,則 五十六歲去位。 五十二歲始仕魯,爲中都宰。五十三歲進位爲司空、司 陽貨、冉有、子路之等爲季氏家相 「官宰,家臣也。 云「原憲爲家邑宰」者、《晉語》云:「官宰食加。」章 包氏止就司寇言,舉最後之官,意中兼有司空,與鄭 「與粟」爲「食加」矣。 則此原思爲宰,蓋在孔子爲司空、司 ○注「九百」至「不受」○正義曰: 加,大夫之加田 止有家相,不得 「加田」,當謂采地。 《儀禮 胡氏 也。 紹勳 , 亦名家宰。 • 喪服》斬 《論語 《拾 有 「孔子初 邑宰。 任爲宰。 義 ĕ ∃ : 原 衰章 若魯三 若 憲爲 云「九 「原 仕 包、 孔子 寇 無 疏 昭 地 書

文,惠、宋輯本并無,此疑誤。」「藝文」至「曰庾」,孫校:「《類聚》八十五無引鄭注之

0

制 明 即下大夫,其家宰可用上士爲之。 《元史》言世祖取江南,命輸粟者止用宋斗斛,以宋一石當 斗。」正義云: 「六萬小斗,當今二千石也。」據此,知孔 當得四百畝之粟。 當爲九百斛。 十斗爲一斛。 九百石,則又不若是多。 食八人。1據江氏説,古農夫百畝,合今斗且得米二百八十 斗,折半爲米二十八石二斗。 自佃一畝,約收穀二石四斗,二十三畝半,收穀五十六石四 當今二十三畝四分三釐有奇,就整爲二十三畝半。今稻田 今七斗。是元斗又大於宋斗。 三斗當唐時一斗。宋沈括《筆談》云:「予求秦、漢以來度 反不及農夫所收之數,原思何又嫌多而辭之? 世 $\hat{\pm}$ 畝收粟 百八十九斗 亦 六斗當今之一斗七升九合。」是宋斗又大於 如孔注,以九百爲九百斗,止合元斗一百八十九斗, 有圭田。 孔 石 子 粟多至九百,必以量之最大者計之,則 何以 半計之,當得六百七十五 居 以 也。 魯 又曰 知 五十畝合四百畝,爲四百五十畝 江氏永《群經補義》云:『古者百 奉 爲 卿 九 粟 古制計粟以五 百 六 以下必 斛 萬。」《索隱》云: 人一歲約食米三石六斗,可 然則周時九百斗,合元時僅 也? 孟 有 圭田 當 子曰『上士倍中 石。 時 量,量: 孔子爲 圭 若以 田 「當 莫大於 或九百爲 Ŧi. 石 小 是 + 唐 合斛 司 九百 畝_, Ė, 子 六 以 畝 寇 斛 斗 漢 時 萬

> 禄耳。 粟不同也。 讓 因 斛,加圭田五十畝爲一百斛,共得九百斛。」案: 石有半,是百畝收百五十石,合得二百 至「爲黨」〇正義曰:《説文》: 人禄皆以粟,故注以禄解「粟」。 百家爲鄉,五百家爲黨。]正義曰: 當受無讓。」鄭 以與爾 王乎二句。 「辭,訟也。」二字義別,今經典多作「辭」。 國 無」訓爲不,連下讀。 無」,「以」通作「已」,「毋 並箸之。 也。士辭位,不辭禄。」案:《説文》:「毋,止之詞也。」古 石 [離邑]者,言鄉爲國 爲百二十斤,古無大斗, 鄭以「毋」字絶句。 鄰 亦通。 有位則 云「辭,辭 里 鄉黨乎?」【注】孔曰:「禄法所得, 曰:「五家爲鄰,五鄰爲 王氏引之《經傳釋 有禄, 讓不受」者、《説文》: 所附麗之邑 與 以」亦 武又異,而 義所當受,不得 武氏億《經讀考異 斛 連下讀 鼬 此與上章「請粟」爲私與之 粟不 國 也 義 詞 鄭注云: 斛。 足百 離 亦 》謂 如《孟 釋 邑 遜。 辭。 子曰:「毋 名 毋 里,萬二千五 斤,二斛約 四 「辤,不受也。 民 》謂 子》 百畝 惟 「毋,止其 所居也。」❶ 與 釋州國 胡説近理 注 辭 毋 無 爲 無」通 位 五 八八百 通 以 乃 重 家 作 則 無

0

居」,據《說文》當作「封鄉」。

五百 間,四 地之圖 變耳。」案: 鄙,五鄙爲縣,五縣爲遂。」注: 比伍之名,與國中異制,故五家爲鄰。」玄謂異其名者,示相 鄉,向 日 家。 Ŧi. 間爲族,五 經田 段借也 百 也。 鄉,萬二千五百家。」又《遂人》:「掌邦之野,以 家爲鄙 此則 野。 衆所 《周官 「鄰里鄉黨」,實兼鄉遂之制。 五家爲鄰,五鄰爲里,四 族爲黨,五黨爲州 向 ,今作黨。」 也。」《玉 大司 篇 據《説文》「黨從尚黑」,訓「不 徒 「鄭司農云: 鄙 「令五家爲比,五 五州 《廣 爲鄉。」注: 里爲酇,五 雅 「田野之居,其 》云「居 各舉二者 黨 酇 比爲 也 爲 土

之子,非 犂,名字都是相配。 文》:「釋,耕也。」「耕,雜 勿用 有人耕、牛耕二法。 又力兮反,耕犂之牛。」此六朝經師 汌 寧肯舍之乎? 者,角周正,中犧牲。 皇疏載一説:「 子謂 山川其舍諸?」【注】犂,雜文。 而 何? 仲弓,曰: 體 犂,或音梨,謂耕牛也。」《釋文》: 言父雖不善,不害於子之美。 惠氏士奇《禮説》:「犂牛爲耕牛,犂 孔門弟子,如冉耕字伯牛,司馬牛名 醇 騂 也。」互 而 雖欲以其所生犂而不用,山 犂牛之子騂且 角 繭栗, 相訓。 解誼之最可據者。 此 犂 天牲也。 即 | 黎|省。 騂, 角, 以 天牲 赤 雖 犂, 正義 《説 也。 欲 牛 古 而

用之山 弓德行亞於顏淵,觀夫子所以稱之者,其分 注: 使南 子之薦者。論匹夫之遭際,至於得國而 也。 《祭義》曰:「古者,天子諸侯,必有養獸之官。 者,舜、禹是也。 四瀆視諸侯,故有山川之喻。 其次之辭也。三代以 材,縱不用諸上帝, 牲者三:祭天南郊, 時公牛不足,則耕牛之犢, 必於是取之。」民間耕牛,非所以 者,故曰 欲勿用。 丹徒君《駢枝》云:「惠氏謂 何休云: 「别天牲,主以角。」故知騂且 者,故曰[山 云: 『若牧人無牲,則受布於司 遂人》所謂「野牲」、《 「子弓,仲弓也。」顏淵問爲邦,夫子告以四代禮樂。 面」,南 郊廟,大祀也。]1] 「山川其舍諸」。」夫既非禮 此義非也。 則 面者,天子也」。]1] 近於非 其舍諸」。 聖人之不得執者,仲尼、子弓是 山川次祀,亦豈得舍之? 山川, 次祀也。 禮 一也;宗廟,二也; 曲禮》所謂「索牛」是 又云「天下未有 下,世及爲禮,未有起畎畝之中 説者據 然天下 Ш 亦 《孫 JII 《説苑・脩文》篇曰『雍 在 不得 馬,使 此以 未 待祭祀,故欲勿用。 所 卿子》曰 有 取。 耕牛之犢 矣 7用騂牲 歆於上帝 爲 歆 其 角 ij, 望祀 於 Ш 《周禮 賈買牲而共之。」 Ш 爲天牲。」先從 也。 上 川 JII 量 聖 以 用 帝 五嶽視三公, 南 不得已 而有 《周禮 豈得享之? 可知矣。」 而 騂 犧 而 方 其 人 吐 也。」楊 羊 牲 吐 牷 Ш 非 之得 騂 於 於 祭牲, 川三 誤 禮 前 也 角 而 Ш Ш 倞 埶 可 天 思 之 有 故 JII 11

以

七〇

也。」誼 毁 騂。 騂 JII 卑 美」〇正義曰: 南方山 祀小,從所尚也。 大祀,四望爲次祀,山川爲小祀。自四望以上,牲色各依 長史劉繪議:「語云「犂牛之子」云云。 佟之奏: 【《牧 方者,以其祀大,宜從本也。 陽祀,祭天南郊及宗廟, 除 牛但舉南方,與 [望者,五嶽、四 ,不在陰祀之列,故鄭注《牧人》不數之。《 駢枝》謂 則 《駢枝》此義甚精。 殃咎之祭,非 顽 若在陰祀,則與黝乖矣。」佟之云:「《周禮 出别。 騂剛。」 騂 各從所 川用騂,是山川 《牧人》云「凡外祭毁事用尨」,外 謂 此山 有 今經典多叚 所徵 尚用 人》云: 云「犂,雜文」者,王氏引之《經義述聞》: 本周 瀆,其祀尊,故各用其方色。 川」爲山林川澤群祀之小者,與四望不同。 則《禮》、《論》二説,合爲一矣。」從之。」考 何説異。 之。 則 正 所 祭。 「陽祀用騂 當 亦用 尚,故此山 《明堂位 南齊 以 | 舍」爲 | 捨」。 陰祀,祭地北 《説文》:「市居日 《駢 何 其方之色,與四望大祭同 山川以下,牲色不見者, 謂 枝 祭祀志》: 》:「夏后氏牲尚 Ш 牲 》 爲 川得用之也。 川用牲,各從所 陰祀 然 未詳 ○注 祭兼 也。 郊及社稷。」 用黝牲。」鄭云: 0 Ш 若然, 有 「犂雜」至 建武二年, 舍。」「捨 JII Ш 以以天 Ш 合爲 四 黑,殷 Jij Ш Ш 尚。 望、 其祀 以其 前軍 地爲 望 陰 彼 III 犂 之 何 擇 謂 用 考 此 祀 Ш 尚 其 祀

> 《月令》曰:「命宰歷卿大夫至於庶民土田之數,而 豕 不犂也? 問: 犂牛之鞹與玄騂之鞹,有以異乎? 用。 純色」、引《論語》云云。據此、則「雜文」之訓、確不可易 篇:「髡屯犂牛, 與「犂」通。 《東山經》: 南 以共山林名川之祀。」則山川之祀,亦用 注:「犧,純毛。」則犂爲不純色者矣。 戒,以沈諸河,河伯豈 者。』則犂牛即驪牛矣。《廣韵》: 「驪」。 也 與 「犂」相對爲文。 騂 似 ,罷賓犒師,惡在犂不犂也。」此 》同。 對舉。 此正與《論 《禹貢》「厥土青黎」,《史記·夏本紀》作「青驪」。 虎。」「驪」與「犂」通。 其實、《論 曰:將致孝乎鬼神,不敢以其犂也。 然則犂牛者,黄黑相雜之牛也。《淮南·説林 「鱅鱅之魚,其狀如犂牛。」郭注:「牛似虎 犂者,黄黑相閒之名也。 語 《魯頌 既科以 語》「犂牛」即 **※** 羞 合。」今案:《法 楕, 其所從出,辭而不享哉?』『犧』與 閟宫》傳: 決鼻 「犂」之爲「驪」,猶「黎」之爲 是 而覊,生子而 「黧,黑而黄也。」「黧」亦 亦以犂 耕 牛。 「犧,純也。」《曲禮 《魏 故高注曰「犂、牛不 言 日: 純色,而 策 《東 牛爲雜 脩身》篇: 同。 山經》借 『驪,牛之黄 不純 文,與《淮 如 然則 賦 刲 尸 犧 羊 何以 者不 祝 学鄭 牲 文 刺 齋

0

[「]祭祀志」,據《南齊書》當作「禮志」。

辨正 能出 疑? 矣;《爾雅》「角 休《公羊僖三十一年傳》注:「禮,祭天牲角繭栗,社稷宗 與刀魚相似。」《釋名・釋形體》:「角者,生於額 者,角周正,中 省聲。」此即《草人》「騂剛」之義。「埲」,正字,叚「騂」字爲 説信不可易。 之,而稱子之美,必及其父之惡,長者所不忍言,而謂聖 小爲貴,故握大於繭栗,尺又大於握也。 角握,六宗五嶽四瀆角尺。」「繭栗」者,言其堅細。 云:「騂剛用牛。」注:「故書「騂」爲「挈」,杜子春「挈」讀爲 赤也。」《明堂位》:「周 騂」,謂地色赤。」案:《説文》:「 墡,赤剛土也。 从土,觲 「騂」, 既已可 驪,與 與《明堂位》「騂剛」,「騂」爲正字異也。《説文·馬部》 諸口乎? 皇疏云:「角周正,長短尺寸合禮也。」周氏柄 》云:「角爲周正。 若以雜文喻仲弓父行惡,無論此説全不可信 徐鉉新附字作「驛」,云:「从馬,觲省聲。」云「角 此 用,何必追溯所生,而以雜文爲嫌,致 「犂牛」字同實異,不得援以爲證 犧牲」者、《説文》:「角、獸 云「騂,赤也」者、《郊特性》云:「牲用騂,尚 然則以「犂牛」爲耕牛,以耕牛爲喻微賤,其 俯 仰 如《春秋》『鼷鼠食郊牛角』,則不 騂剛。」注:「騂,赤色。」《草人》職 日 **觭」,則不正** 此祭山川 矣。」此言角 角 也。 角 象形。 有 且 中《典 當用 角以 也。」何 且即 勿 騂 用 雖 角 周 人 合 故 角 細 廟 角 有 之 之 義也。 文 >: 也。 回

無

爲

疾,豈爲惡行? 墨祖愚,丘、翟聖賢。」以伯牛爲仲弓父,必有所本。 父。」《家語 賤者,微賤之稱。 弟子列傳》「仲弓,父賤人。孔子曰:「犂牛之子」」云云 雖不善,不害於子之美」者,此魏、晉人誤説。《史記・ 乎。」據王説,則此注「之乎」二字,即釋「諸」字也。 云「言父 之《經傳釋詞》:「諸,之乎也。急言之曰諸,徐言之曰之 度,然稍有偏損,亦爲不合用 頑舜神。 而不用,山川寧肯舍之乎」者,此言人欲勿用之也。 母犂犢騂,無害犧牲,祖濁裔清,不妨奇人。鮌惡禹聖,叟 〈家語・弟子解》乃云:「仲弓,伯牛之宗族,生於不肖之 賈侍中説,此非古字意。」古或以「羲」爲之。 「牲、牛完全。」凡鳥獸用於祭祀、皆謂之犧牲,引申之 騂角合禮,故言「中 伯牛寢疾,仲弓潔全。 》爲王肅所亂,不足取證。 可知《家語》及此注之謬 夫子亦自言「少賤」,非謂其行有不善也 犠牲」也。 也。 顔路庸固 《説文》: 《論 云「雖欲以其 一; 回 衡 傑超倫。 自紀》篇 , 宗廟之牲 王氏 伯牛寢 所 又《説 仲 生 孔 尼 引 犂

則日月至焉 移 時 子曰:「回也,其心三月不違仁。 而 不 變。 而已矣。」【注】餘人暫有至仁時,唯 正義曰: 顔子體仁,未得位行道,其仁 其 餘

謂 無

可知 月 月』者,三月 竟則移 變」〇正義曰: 暫」言之。 所 仁, 豈但 每 故 也。 施 曰「日月至」。 時。 日皆至仁也。 於人,然其心 亦 欲引 云「移時 時 ? 皇 時,爲天氣 疏 言「日月至」,則非終日終月不違仁,故 汲,故不言多時 云: 將以勗群子之志,故不絕其階耳。」 則能 0 |者,天有四時 一日皆至仁,非謂日一至也。 「既『不違』,則應終身。 注 不違,故夫子許之。 一變。 餘人暫有至仁時 也。 變尚能 ,每三月爲一 故苞述云:『顔子不 行之,則他 唯 日日 П 而止舉『三 時,過三月 月 移 時 積 至 時能 注以 日成 而 者, 不

違

政 從政 召冉求,冉求先歸,至此,康子始問三子從政。 傳》「晉之從政者新 從 曰:「求也藝、【注】孔 曰 曰 乎 政 (乎何有?」曰:「求也可 乎何有?」曰: 「由也果、【注】包 何有?」正 季康子問:「仲 賜 也達、【注】孔 一,以此 義曰 從政 由 曰: 曰:「□ 「從政」,謂 曰:「藝,謂多才藝。」於從 賜 可使從政 也 爲執政,非 果,謂 達,謂 可 使從政 從事 使 通 從 果 於政。 也。 於 政 敢 也與?」子 物 決 則由、 也與?」 也 魯人使使 理。」於 或 斷。」於 與 據《左 求之

> 者能 日: 藝。 可 古以禮、樂、射 也。」此常訓。 勇,故遇事明 也。」又引《蒼頡 也。」《一切經音義》引《爾雅 有知慮、多聞 仕 達謂通於物 季 知 注「果謂果 鄭亦有此注同,孔所襲也。 ·氏、並· 皇本「曰 治事,故皆可以從政。 訓才能。 在 夫子歸 理」〇 决,爲 敢 賜 識。 物 御、書、數爲六蓺,人之才能,由 篇》: 決 也 冉求自任,以爲小國三年,可使足民,其 達」、「日求也藝」,兩「日」上有「子」字。 强 斷 正義曰: 果 猶 魯後矣。 即是果,有 事也。 0 敢也。 「慄,憨也。」「憨」與 正 義 公孫丑以樂正子爲政,疑其 《儀禮 作 其可 果者 曰 : ○注 惈」,孫炎曰: 知 藝」本作「埶」,見《説文》。 慮即 能 使治賦, 爾雅 藝調 士昏禮》注: 任 事,達 是 多才藝」〇 文文 達 釋 亦 同 詁 者 以 多 「惈,決之勝 能 六 聞 此。 「達,通 蓺 明 子 識 出 事,藝 正 0 路 即 强 是 故 注

邑。 子十五 用 季氏邑。 之。」正義曰: 《論語》作「費」,或作「酇」。」〇注「費季」至「用之」〇正 季氏使閔 一歲。」 季氏 鄭《目録 不臣,而 《史記 子 騫 弟子列 其邑宰數 爲 「魯人。」《玉篇》: 費宰。 傳 畔,聞子騫賢, 閔 注】孔 損,字子騫,少 郝 曰: 魯季氏 故 費 欲

語

執 可

》篇載 其

此

知

僞

氏

元《校勘記》:

不

陸

我

有

我者,

夫,不食汙君之禄」。 氏《釋文》曰:「一本無『吾』字,鄭本無『則吾』二字。」阮 者,重來召我。 **序父之邑**,在今兖州 欲」至「召我」〇正義曰:《史記·弟子傳 以上章康子問三子從政觀之,此爲康子無疑。 左僖元年傳》: ··
祊城。 顧氏棟高《春秋大事表》: 善爲 則吾必 者 南蒯 矣。 閔子 「《史記》無「則吾」二字。」與鄭本同。 亦在 南七十里。」江氏永《春秋 以費伯之費與季氏之費合爲一、非 善 于 去之汶水上,欲北 毛 我 爲 公山弗擾之類。 「不仕大夫」,即 欽《齊乘》謂 魚臺縣,故城在今費縣西北二十 爲費宰, 府魚臺縣西南。 氏 「公賜季友汶陽之田及費。」是 我 辭 在汶上矣。」【注】孔 奇 辭 焉 龄 焉。 問政於夫子 改 錯 「伯國姬姓 【注】孔 説 $\stackrel{>}{\exists}$ 指此 令 如 「費邑有二: 季氏之費邑、 注所言,季氏當指 如齊。」正 不 地理考實》: 夫子 辭費宰言。 與與 曰: 復 》関損「 魯懿公之孫 召 不不 曰: 論 我。」 不 門 魯 義 語 欲 在 大夫 也。 多 仕 0 費 \Box 《家 里。 費 関 如 顯 大 復 爲 仕 今 爲 注 寧陽、 可知 州 上。 貢》: 故不欲仕。 諸 水所出 ○正義日: 云 本巖邑, 釋地 辭 言 人異 以 **引曾** 魯事

子

騫曰

季氏宰,託

使

康子。

伯 沂

帥 州

師

城

郎。

郎

府費縣治西

義

曰

氏邑

也

今之費縣治

後爲季氏之邑」。

邑宰數畔」

謂

出朱虚縣泰山 道有蕩』是也。」王 禄」,與上句「不仕大夫」,互文見義,明此大夫亦汙君之類, 其居喪未終,要經從政 季氏,即夫子已先爲 汶水經鉅平縣故城 「説令不復召我」,説即 同解,不受也。 閔子所指之汶,未知 也。」案: 汶水出西南, 東平閒 ,所謂君子之行有 東至安丘人潍。」是汶水有二。 而其先又經叛臣竊據,實恐難 《漢 彦 不得援「要經從政 也 ,則意汶上亦在嬴 和 毛説固是。 入維 書・ 日 氏昶説齊、魯往 `人濟。」「瑯邪郡 者 而西 季氏 地 亦通。 出 青州 則 理 解也。 萊 「南流。 確 不同 史,爲 然閔子 志》「 非仲尼之門不 無縣 在 之汶 0 何處 也。 」**,**謂 季氏 注 博。 泰 原 或謂 城東有魯道、《詩》所云「魯 也 來孔道 實不欲 朱 「去之汶水 Ш Ш 史傳稱 此 虚 司 説頗 人 任 郡 解 水 辭 論 濟者,徐州之汶也 職 下 此水經 萊 宰但 經 實在 」與 肯 語》「在汶」,指 臣季氏 近理。 吏。 故 · 日 : 蕪 其 仕大夫之家 辭之頗 下 汶水 上 原 以 「不食汙君 閔 由齊、 思辭 難任 東泰山 欲 子 閻氏若 티 : 、博、當今 與 注 北 祇 粟」之 故 曲 如 魯界 $\stackrel{\neg}{\approx}$ 以 \overline{Z} 矣。 齊 璩 汶 禹 之 求 己 觀 費

猶言北開 以木横直爲之,即今之窗也。 也。 向 寒,故令塞向。 内 皆譌「牖」,非也。」今案:《士虞禮》注: 喪禮》「寢,東首於墉下」,《喪大記 通明,至冬塞之。 東户西、皆南鄉。 明 壁也,以木爲交窗 馬 「日」也、非「户」也。 人,故孔子 士昏禮》「御 豳詩》之「塞向」,非有南牖、北牖之分。 也。」 Ź 也。 名。』《明堂位》『達鄉』,注: 日 病者恒居北 伯 窗 伯 必言「以木」者,字從片也。 喪大記》「寢,東首于北墉下」,注: 扇在内,故毛傳及《説文》以 牛 《士虞禮》、《明堂位》所云 牛,弟子冉耕。」包曰: 從 有 衽于奥, 牖 塞者,蔽 疾。 墉下。 《毛詩》傳曰:「向,北出牖也。」北或有穴 然《士虞禮》「祝啟牖鄉」,鄭注云: 執其手也。」正義曰:《説文》:「牖,穿 也。 牖所以見日。」段氏玉裁注:「交窗者, 媵衽良席,在東,北 子 或爲「北牖下」。」《釋文》: 也。 從片户, ·問之, 不 「牖屬。」是南牖 在牆曰牖 · 是北 甫。 》作「北墉下」,今本 自 古者室必有户 牆別 「牛有惡疾,不欲 牖 「向」爲北出牖、 「牖先闔後啟、扇 「啟鄉」、「達鄉」,即 譚 古人寢居在奥,故 在屋 執 有穴以 먇 長以爲「甫」上 謂 其手、 亦名向。 日 君 窗,此則 至冬時 通 來 有牖,牖 祝之時 明 「鄉 庸, 北 而 「墉」 $\hat{\pm}$ 注 牖 見 本 出 在 互. 名 氣

> 記》: 是北 移嚮 語 故遷於南牖下, 始遷北墉下,即君視疾亦然。 牖」一誤字,從而爲之辭。」案: 漏人,因而其處有屋漏之名。然則西北隅 社,屋其上而開 之人室西立東面,正得相對」。 「扉」、「酢」之義爲隱,是室隱處。 毛氏奇龄《稽求篇》: 鄭 又 「甸人所徹廟之西北厞」,❷舊解云「厞是屋簷也」,不爲門 論 牖一不能辨正 作 君 》特 語 所記 塘。 牖爲死 南牖下,東首,令君得南面視己」,與鄭注 「説者謂古人西北隅有扉,謂之屋漏。 文記之。 淋 則 别 「自牖執其手」者,包咸謂 牖。 經文必本 本, 《漢書 北牖 且, 夫子自牖 陸 耐 謂 氏 謂 「《郊特牲》云「亳社北牖」,謂喪國之 所以絶陽光而通 未爲作 作 「病者恒 病者居其下, 龔 「庸 勝 外 傳》: 就 毛氏奇齡謂 在北牖下,若君來視之時,暫 音 古人平時寢處皆在 非 而 若然,病 也。 惟喪事徹去其扉,爲日光 作 問 牛有惡疾,不欲見 勝 之。 牖 誤矣。」 孔 陰氣。 稱 病篤 疏 可 者遷 此是變禮 無扉,不必爲「北 東 所 知 方氏觀旭《偶 案:《喪大記 首西 陰生 爲牀 違異。 見 北 作 經 墉 面,與 奥,病 則物死 注 牖 室中 下。 故《論 非 皆是 人, 者, 也 君 ௱

- 「甫」下,據《説文》脱「聲」字。
- 「甸人」下,據《喪大記》脱「取」字。

0 0

惜

曰 :

斯人也而有斯疾也!【注】包曰:「再言之者、 手曰喪之。」命矣夫! 而劉孝標作《辨命論》,遂謂「冉耕歌其芣苡」。 以惡疾爲癩。 惡疾」,此包所本。《淮南子・精神訓》: 耕,字伯牛。」鄭《目録》云:「魯人。」《聖門志》、《闕里廣志 勝遷牖下是東首,與平時寢處無異,何言自居以死? 王莽詔使迎勝,勝以死自居」。 其使者則仍入户致詔,蓋亦知其非病矣。 恐使者知之,故遷於牖下,不令入室,以示不敢當尊之意。 《芙苢》之詩,謂『蔡人之妻傷夫惡疾,雖愚癩而不忍絶」。 「伯牛少孔子七歲」,不審何據。 付璽 牖下,東首,加 之甚。」正義曰: 「亡之、【注】孔曰:「亡,喪也。 「癘,惡疾也。」「厲」即 「伯牛」至「手 又案: 書。 禮,婦人有惡疾,去,以其癩也。 以《龔勝傳》觀之,伯牛遷牖下,亦當是東首。 遷 |延再拜。」蓋勝不欲仕莽, 僞辭以疾。 也」〇正義曰:《史記·弟子列傳》: 朝 服,挖紳。 《漢書 「癘」省。 斯人也而 **案** 楚元王傳》「蔑之,命矣夫」, 使者人户,西行,南 《弟子傳》又云「伯 死後遷牖下是南首,壟 毛氏奇龄《賸言》: 「伯牛爲厲。」《説 有 毛氏奇齡謂 疾 斯疾 从甚,故 正指是也。」 故《韓詩 也 持 毛説 面 牛有 而 中 古 》解 因 立 ! 其 惟 非是。 0 而 《新序・ 子

○注

誤

也。

致詔

西

南

《白虎通·情性》篇: ❶「命者何謂也? 桀,因囚拘之,君子引此文惜之,亦謂. 疾者,而斯人無之也。」案:吴説亦通。 無其事也。此「無之」,謂無其理也。「有斯疾」,必 之」〇正義曰: 致夭病,與哭顔淵同意。 逢世殘賊,若上逢亂君,下必災變暴至,夭絶人命。]下云: 使生者也。」又言:「命有三科。 《經句説》讀「亡」爲「無」,云:「《春秋傳》「公子曰無之」, 「冉伯牛危言正行,而遭惡疾。 (楚元王傳)注: 命也夫! 末」皆訓無。 有斯疾也。」」是則孔子此歎,蓋傷時無賢君,有道之士 節士》篇「末之、命矣夫」、本此文。 斯人也而有斯疾,命也夫!」當是《古論 「末」、「蔑」又聲轉。 注以疾甚知其將死,故曰「喪之」。 「蔑,無也。 ○注 言命之所遭,無有善惡。」 「亡喪也疾甚故持其手曰 孔子曰: 「命矣夫! 有 遭命以遇暴。 《史記• 無 《新序》言關 人之壽也。 其 理 弟子傳》曰 也 遭 吴氏 顔 龍 有 天命己 如如 命者 蔑」、 斯 師 此 逢 致 此 古 諫 斯 謂 英

曰 「賢哉,回 也 **箪食**,一 瓢 飲

情 性」, 據《白虎通 》當作「壽命」。

七六

《士喪禮》「櫛於簞」, 《説文》:「簞,笥也。 里,孔子廟北二百步。」《一 謂之巷,故《廣雅》兼列二訓。 篆文「巷」省。 道也。」又云: 篆文從郒省。」《廣雅· 《説文》:「鼬,里中道。 陝也。」「陝」與「狹」同。 文・□部》: 笥」至「所樂」○正義曰: 北,今顔子廟在焉。」此出後世傅會,不足依據。 孫説,見《經義述聞》。《寰宇記》: 畝之宫,環堵之室」。 口 衣之器也。」其字從竹、是簞、笥以竹爲之。 食,在陋巷,不改其所樂。」正義曰: 在陋巷,人不堪其憂,回也不改其樂。 也 」則止是小者,故許引《漢律》以 【注】孔 「匡,飯器,筥也。」筥者,籍之一名,容五升,則 古人稱巷有二義: 里中道謂之巷,人所居 「閻謂之衖。」「衖」爲「颸」之變體,「巷」則從 曰:「簞,笥 《漢律令》:「簞,小筐也。」」「笥,飯及 解者以爲街巷之巷,非也。 注: 釋詁》:「衖,尻也。」《釋室》: 從颭從共。皆在邑中所共也。 顔子家貧,所居陋 鄭注云: 統志》: 節,葦笥是也。」「笥」兼 顔子陋巷,即《儒行》所云「一 「簞,笥也。」此僞孔所本。 也。 「陋巷,在曲阜縣 「陋巷,在 「簞」爲小筐也。 《説文》云: 顏 陜,故曰「陋巷」。 淵 山曲阜 亦有用葦者。 樂道, 縣闕里 此王氏 ○注 陋 賢 西 0 大小, 雖 南 哉 《説 一衖 巷, 箪 阨 簞 東 念 亦

> 道也。 樂道也。」 道,自有所樂,故深賢之。」此注云「樂道」,與鄭同。 飲器,其容數未聞。 合卺。」鄭注:「合卺,破匏也。」《太平御覽》引《三禮 義》十八引《三蒼》云: 苞苴、簞笥問人者。」鄭注: 此小筐亦容 云:「卺取四升,瓠中破。」然則瓢亦是破瓠爲之,但 曰笥。」對文「簞」、「笥」別,散文通稱。 瓢瓠也」三字。 孟子· **簞、籚、籃,**筐也。」「匰」與 惟樂道 離婁》篇云:「當亂世安陋巷者,不用於世,窮 五 升矣。 ,故能好學。 案:云「瓢瓠」者,謂瓠爲瓢 鄭注云:「貧者,人之所憂。 「瓢、瓠,勺也。」《士昏禮》: 廣 雅 夫子疏水曲肱,樂在其中 「簞笥,盛飯食者。 「簞」同。 釋 器 《曲禮》: 皇本「簞笥 舸 匥、 匰 也。 「凡以弓劒 睘 而 《衆經音 「實四 也下 笥 此 趙 顔 也。」 淵 而 用 岐 亦 圖 方 有 樂 注 志 爲 爵

【注】孔曰:「畫,止也。 子曰:「力不足者,中道 女自止耳,非力極。」注 冉求曰:「非不説子之道,力不 「畫止」至 力不足者,當中道 而 「力極」〇正義曰: 廢。 今 一而廢。 女畫。」 足 也。 《説 今

❶ 「室」,據《廣雅》當作「宫」。

足也。 界限 也。 立,而 頓,不能復行則 章相發。 記》云: 畫者,非有以止之而自不肯前也。」南軒説即此注 矣,此則可言力不足也。 廢」者,如行半塗而足廢者也。 今冉求患力之不足,非力不足也,乃自畫耳。 特就冉求之言,指出真力不足之人以曉之。 力不足自諉?《里仁》篇夫子云:"「有能 夫子之道,蓋亦勉力之至。 若顏子大賢,猶言「欲罷不能,既竭吾才,欲從末由」。 人之力生於氣,而其爲學也 人不可 耐 畫 「爲仁未有力不足者,故仁以爲己任者,死而後已焉。 我未見力不足者。」若此言「力不足者,中道而廢」,蓋 諉於氣之不振,是自棄矣。 俛焉 不 「鄉道而行,中道而廢,忘身之老也,不知年數之不 是 「中道 能 , 界 故 日 前 也。 日 惡夫畫也。」李軌注同。 進 有孳孳, 而 止 勿學,故於學自 者,亦爲畫,故此注訓「止」。 象田四界, 聿所以畫之。」引申之, 凡有所 也。 廢」即是斃,惟斃不得不廢。廢,猶言止 俛焉,勤勞之貌。』《表記》之文,與此 斃而後已。」鄭注:「廢, 不然,而或止焉,則皆爲自畫耳。 然循序漸進,自能入德,奚至以 士之學聖人,不幸而死則已 有不已之功。 是故君子之爲學,日知所 ,則有志以帥氣。 凡人志道,皆必力 用 所謂[中道 其力於仁矣 張栻 《法言 聖門弟子, 喻 義。 志之不 力 論論 其於 極罷 《表 學 而 語

> 者也。 歸。 非力不足可知。 有力,將何用焉? 未亡,是力猶未盡,故夫彊有力者,將以爲學也。 亡,月無忘其所能,莫殫也,莫究也,期之終身而 力之既至,而學猶 當時,若顏子未達 冉求未至罷頓力極,而曰 注中「力極」二字似本《表記 未至,則是中道 力之既至,而學亦至,則希聖達天之詣 間,而遽以早死,是亦「中 「力不足」,則是自爲 而廢,亦不失爲賢 》注 르 舍學而 道 畫 而 身之 者之 廢 止

之誤 道。 ○正義曰:小人儒,不必是「矜名」,注説誤也。 君子、小人以廣狹異,不以邪正分。 教民者之稱。 儒。」【注】孔曰:「君子爲儒,將 爲「何曰」矣。《北堂書鈔》六十六引何休注文同,當是何晏 曰」、《弟子傳》集解引作「何曰」,足利本不載姓名,則亦以 日 民。」注:「儒,諸侯保氏有六藝以教民者。」《大司徒 則矜其名。」正 聯師儒。」注: 君子儒,能識大而可大受,小人儒,則但務卑近而已。 子夏於時設教,有門人,故夫子告以 「師儒,鄉里教以道藝者。」據此,則 義曰:《周官·太宰》: 以 ○注「孔曰」至「其名 明 四四 道; 日 小人爲儒 儒, 皇本作「馬 以道 爲儒之 儒 四四 得

子謂子夏曰:「女爲君子儒,無

爲

小人

不相 事不見卿大夫。」是滅明先受學孔子,與子游同門。 也。 姓,滅 耳乎,皆辭。」曰:「· 也。」言爲 子,孔子以爲材薄。 私謁。」案:《弟子列傳》: 正行,公事乃肯來我室,得與之語耳。 寧得賢人與之耳語與也。」注有譌脱,莫曉其義。 本或引作「爾」。 非公事未嘗至於偃之室也。」【注】包曰:「澹臺 邑。」子曰:「女得 人所經 「耳」訓 澹臺滅明者,孔子弟子,子游之同門 説文》注並以「耳」爲「爾」譌。 段云:「『耳』在古音一部,「爾」在古音十五部,音 混。」然唐、宋石經、宋本九經、岳珂本,此文皆作「耳」。 同 明名、字子羽。 子 由 語辭,不必從 在 游 也。」《周官 人所步走之道。 爲 師 門 武 「耳」、「爾」皆辭。 也。 城 既已受業,退而脩行。 爾」訓於此 有澹臺滅明者,行不 人焉 遂人》職"「夫間有遂,遂上有徑。」 一步 宰。 言其公且方。」正義曰:「耳」,他 「澹臺滅明、狀貌甚惡。 2道日徑」 《釋名 耳 爾,於此也。 注 矣。 乎?」【注】孔 _ 」者,《説文》:「徑,步 阮氏元《校勘記》、段 包 釋道》云: 也。 鄭注云:「汝爲此宰、 非公事不肯 日 步道 : 行不由领 此者,此 武 日徑。 徑,經 城 日: 來,言 徑,非公 又云: 由 同門 欲事孔 魯 武城 修身 義 「焉 徑, 也 道 無 絶 氏 下

似非 《史記·弟子列傳》: 久矣。 形勢不得爲非,使民無由接於姦邪之地,故晏嬰治阿 謂子羽、曾子同 人。』《大戴禮· 無 蹊徑者,以此也。」春秋禁書雖存,而官失其職,道禁之不行 爲盜之端遂萌於此。 細,禁奸於其微。 者禁之,有相翔者誅之,則寇盜 姦。」謂不由 故還系於正道。」康成亦云:「徑踰射邪趨疾,禁之所以 野之横行徑踰者」,《脩閭氏》「禁徑踰者」,皆其證。」惠氏 夷,而民好徑。」焦竑《筆乘》: 此 請,亦訓告。 奇《禮説》:「徑謂之蹊。《釋名》:『蹊,系也。 上,方直如棊枰。 「澹臺滅明,魯東武城人。」分别甚明。 在而非先王之道也。 即 南武城。 步 子羽獨奉而行之,以爲先王之道存焉 道 之徑。 正道,昌翔觀伺,將開寇盜之端。 ○注 據顧 衞將軍文子》篇注: 武城。 射邪趨疾,未必遂爲盜也, 行必遵之,毋得斜冒取疾。 祭 「武城魯下邑」〇正 氏棟高《春秋大事表》,在今嘉祥縣 野廬氏掌凡道徑,塞其塗,弇其迹 「曾參,南武城人。」「澹臺滅 義 「私謁」者,謂以私 《子羽傳》次曾子,省文但曰 道 「古井田之制,道路在 而 之端絶 不 徑。」《 「曾參、魯南武城人。」 義 矣。 顧氏炎武《日 E : 事謁 老子》: 君子絶惡 , 則 魯 《野廬氏》「禁 射疾則用之 而 也。 故横行 有 昌翔觀伺 大 明、武城 兩 步一趨 溝洫 知録 武城 謁 武 而 徑 道 於 城 訓 則 其 踰 士 之 甚

邑也。 然如 非公事不見邑宰,則其有以自守,而無枉己徇人之私 注》云:「不由徑,則動必以正,而無見小欲速之意可知。 絃歌鄉者,皆循名而失實也。 志》云:「武城 十里石門山下。」案:八十里説近是。《山東通志》引《闕里 有古武城,今故城在費縣西南九十里。 一云在費縣西南 曲 ·公且方」者,公謂不以私事至也,方謂行不由徑。朱子《集 阜爲西南。 《弟子列傳》: 在。」今以嘉祥之南武山 江氏永《春秋地理考實》引《彙纂》云:「《通典》: 有古石刻云:「仰視高山、俯聽流水。 在費縣 東武城與邾、吴接壤,在今費縣,於曲阜爲東 「澹臺滅明字子羽,少孔子三十九歲。」云 西南八十里,關陽川之旁,子游所 ○注「澹臺」至「且方」○正 爲武城,並東昌之武城縣爲 絃歌之聲,宛 费縣 口 義 宰 八

+

不進 孟之側。 功之,不欲獨 奔而殿,將入門,策其馬曰:『非敢後也,馬 孟之反賢而有勇,軍大奔,獨在後爲殿。 也。』」【注】馬曰:「殿 子 與齊戰,軍大敗。不伐者,不自伐其功。」 曰:「孟之反不伐。【注】孔曰:「魯大夫 有其名,曰:「我非敢在後 在 軍 一後,前 拒 曰 啟 敵,馬不 **线** 人 迎 日

之。 借。 取聲。 言。 舟之僑、宮之奇、介之推、公罔之裘、庾公之斯、尹公之他 也。 侯伐衞,大殿。 臀居人後,亦以其鎮重故名之。《左襄二十三年傳》:「齊 課吏有殿最之法,亦以居後爲殿也。」案:《詩•采菽》傳: 研堂文集》: 及清,孟孺子洩帥右師,師及齊師戰于郊。右師奔,齊人從 謂以矢策馬。《説文》:「敕,擊馬也。」「敕」、「策」同 容》:「奔,變也。有疾變奔赴之也。」「門」者,國門。《左哀 與此孟之反皆是。杜預《左傳》注:「之側,孟氏族也。」 能前進。』」正義曰:「之反」,毛本誤「子反」。 《司馬法・ 一殿,鎮也。」孔疏:「軍行在後曰殿,取其鎮重之義。」愚謂 奔」、《説文》作「舜」,云「走也」。 走謂速走。《釋名・ 姓孟,名之側,字之反也。」案古人名多用「之」爲語 年傳》説此事云:「抽矢策其馬,曰:「馬不進也。」」似 魯師 陳瓘、陳莊涉泗。 ○注「殿在」至「爲殿」○正義曰:《左傳》云:「齊伐 ○注「魯大夫孟之側」○正義曰: 之反爲大夫,亦 人之一身,臀居其後。 雖奔,而之反能在後結陳以行,所保全之功甚鉅 謀帥 「古文尻、臀字本作尻,殿從屑得聲,臀又從殿 商子游御夏之御寇。」是殿本軍制。 》篇「乘車大震」,「大震」即大殿,音相 孟之側後 軍後 人以爲殿。」錢氏大昕《潛 曰殿,亦取斯義。 鄭注 邢 漢 音 疏 以 引 叚

奔在後即爲殿也。開,爲軍先鋒,故在前也。注言此者,明啟殿皆陳法,非是開,爲軍先鋒,故在前也。注言此者,明啟殿皆陳法,非是「元戎十乘,以先啟行。」《司馬法》:「夫前驅啟。」「啟」訓故注云「軍大奔獨在後爲殿」也。云「前曰啟」者,《詩》:

之耳。 與宋公子朝爲二人。 宋朝謂宋公子朝也。 難 君《經義説略》:「美必兼佞,方可見容。 有公子朝,爲季札所説,許爲君子。 又通於靈公夫人南子,並見《左氏傳》,是其善淫也。 名鮀,字子魚。 祝、詛祝皆以士爲之。 免於今之世害也。」正義曰:鄭注云:「不有,言無也。」 而 祝 害也」〇正義曰:《周官》惟大祝是下大夫,小祝、喪祝、 ·祝」,即祝史。《説文》:「祝,祭主贊詞者。」〇注 善淫。 舵,衛大夫子魚也。 乎免於今之世矣。」【注】孔曰:「佞,口才也。 《左定四年傳》先言祝鮀,後言子魚。 子 曰:「不有祝鮀之佞,而 言當如祝 《古今人表》作「佗」,則 杜預注《左傳》未能晰矣。 朝初仕衞爲大夫,通於襄夫人宣姜, 鮀之佞,而反如宋朝之美,難乎 此祝鮀於衞不得偁大夫,注以 時世貴之。宋朝,宋之美人 昭二十一年,曾救 「鮀」同音段借字。 美而不佞,衰世 有宋朝之美, 鮀者,魚名,故 先兄 「祝鮀」 意言 衞别 Ŧi. 宋 甸 至 猶 河

> 也。 之。 之聖而隰朋之智」,「而」,皆「與」也。 同》「聞善而不善,皆以告其上」,●《韓子・説林》「以管子 子非不惡宋朝也,所以甚言時之好佞耳。」先兄此說,即 嫉之。 用,如,或也。 説與注異,亦通。 義也。王氏引之《經傳釋詞》訓「而」爲「與」,引《墨子・有 而已,何説之有? 不佞,豈容於衰世乎? 莊姜之美,衞人爲之賦《碩人》,而衞莊亦惡之。 如不必有可説之情,胡然而天,胡然而帝,祇見其尊嚴 故九侯女不憙淫,商辛惡之,褒姒不好笑,周 皆未是。 他家疑「而」爲不誤,或謂「而」、「如」诵 故夫子歎時世不佞之人,雖美難免。 蓋美者,色也。 「而」、「與」,聲之轉。 所以説其美者,情 美而 幽 注 夫 惡

開户以至堂。 謂 若有以問之也。 入要當從户。」正義曰:《説文》: 也?」【注】孔 出室也。 子曰:「誰能 宫室之制,外半爲堂,内半爲室。 《説文》:「户,護也。 上句言「誰」,下句言「何」,互 曰:「言人立身成 出不 由户? 半門 「誰,何 功 日户。 當 何 也。」言何 由 室有南壁,東 莫 一相訓。 道 象形。」《 譬 由 斯 人能 猶 出 道 出

^{● 「}有同」,據《墨子》當作「尚同」。

授而復 動, ❶ 莫由 切經 故刑 日用 不知由道,故夫子慨歎之。 易,故知人必由之也。 也?」、《繁露》此言,以道爲先聖傳授,明 道」,意與《禮器 禮,如入室不能不由户,故此文亦言出當由户。「何莫由斯 千,其致一也。 미 禮器》云:「禮有大有小,有顯有微。 故曰聖人天地動、四 `益、顯者不可揜、微者不可大也。 不用,刑不用則堯舜之功德。 行習 斯道 音義》十四引《字書》云:「一 動故能化,化故能大行,化大行放法不犯,❷法不犯 也。 ,無非是道,特人或終身由之而不知耳。 」者,莫猶非也。 故 孔 》同 未有入室而不由户者。」彼文言人行事必由 子 也。 曰:「誰 時化者,非有他也。 後人解「何莫由斯道」,謂人知由户, 《春秋繁露。 與《繁露》之旨不合。 《説文》: 能 出 扇曰 不 此大治之道也,先聖傳 「道,所 由 故經禮三百,曲 身之養重於義》篇: 大者不可損,小者不 户,兩 户 ? 雖 其見義大故能 行道 久遠 扇 何 莫 日 皇本「户」 也。」言人 無 《禮記 門。」「何 由 所變 斯 禮 道 \equiv

鄙 質彬彬,然後君子。」【注】包 略 也。 子曰:「質勝文則野,文勝質則史。 史 者,文 多 而 質 少。 曰:「野,如 彬 彬,文 質相 野人,言 半 文 之

下有「者」字。

也。 相勝。 萬民所望。」」案:此詩二章言「臺笠緇撮」,三章言「充耳 效法,而何以爲稱其位哉? 子者,以君子必用中于民。若文質偏勝,無以示民,民 彬,然後君子」,言非文質備,無以爲君子矣。 實則曰野曰史而已。 者言之。 德可任在位也。 侯、卿、大夫、士皆曰君子。 士。 實」,四章言「垂帶而厲」,又屢言「君子女」。 者,衣服不貳,從容有常,以 進於禮樂,君子也」,「君子質而已矣,何以文爲」,皆就有 文不行,能立能行,斯謂之中。 『彼都人士,狐裘黄黄。 貌。」正義日 子者,男子之稱也。 言都者,君子居國中也。 君子者,所以用中而達之天下者也。 當時君子非質勝文,即文勝質,其名雖稱君子,其 禮 此文「君子」專指卿、大夫、士。 有質有文。 夫子爲之正其名,究其義,曰「文質彬 其容不改,出言有章。 非 齊其民,則民德壹。』《詩》云: 有位而稱君子者,以其人有 《禮·緇衣》云:「子曰:『長民 君者,群也,言群下之所歸 質 詩 失其中則 者,本 意謂 古之長民者, 也。 偏, 禮 偏則 古稱天子、 無 君子 其無以 行歸 下篇云「後 本不 争,争 能 即都人 于周 立, 備文 無所 爲 琇 道 則 位 心 無

❶ 「義大」,據《春秋繁露》當作「大義」。

「放」,據《春秋繁露》當作「故」。

0

《釋文》引注「文質相半也」,無「之貌」二字。 注: 雅 質,與 從多,與彫彰同意。」案:「彬」,又作「斌」、《史記 彬,雜半貌也。」義同。 渾言未晰,莫曉其所主。 質無文,故言 其數是也。 所居,故謂其人曰野。 人。《仲尼燕居》:「敬 「彬」,古文也。 份份」。「彬」,古文「份」,從乡林。 「史謂策祝。」亦言史官辭多文也。 釋地》:「牧外謂之野。」《説文》:「野,郊外也。」野爲人 「斌斌多文學之士。」 此章義相 史官文勝質,則當時紀載或譏爲浮夸者是也。 鄙 乡者,毛飾畫文也。 發。 略」。 〇注 《説文》:「份,文質備也。」引此文作 《儀禮 而不中禮謂之野。」禮是文,野 夫子言 策祝文勝質,則禮所譏失其義、陳 「野如」至「之貌」○正義 「野哉由也」,亦謂其有 聘記》云: 飾畫者,拭而畫之也。 段注:「今《論語》作 是「史」有二。 「辭多則 鄭注: E : 儒 此注 人有 似野 史。 彬 **爾** 林

幸。」言非分而得,可慶幸也。〇注「言人」至「直也」〇正義曰:皇本無上「之」字。《晉語》:「德不純而福禄並至謂之免。」【注】誣罔正直之道而亦生者,是幸而免。」正義以生於世而自終者,以其正直也。」罔之生也幸而以生於世而自終者,以其正直也。」罔之生也幸而子曰:「人之生也直,【注】馬曰:「言人所子曰:「人之生也直,【注】馬曰:「言人所

亦通。 日: 惡,不關性也。 者,專務自欺以欺人,所謂「自作孽,不可活」者,非有上 則行主忠信, 「直」皆誠也。 不以欺人。《中庸》云:「天地之道,可一 可 誣 之生」,便是告子所稱「性不善」。 直。」鄭以「生也直」即夫子性善之旨,與馬不同。 必有天殃,其能免此者,幸爾。 至誠生物。 物不貳,則其生物不測。」「不貳」者,誠也,即直也。 罔」,本訓無。 生也。 也。」「罔」與「誷 皇疏引李充云:「人生之道,惟其身直乎?」言惟 此即馬義。 故《繋解傳》言「乾之大生,静專動 而天且助順,人且助信,故能 不誠則無物,故誠爲生物之本。 誣 ○注 者皆造爲虚無,故曰 同。 「誣罔正直之道 蓋直者誠也。誠者,内不自以 或謂經文「罔之」句,言無直 鄭此注云:「始生之性皆正 其實,性不善由 而 罔。 亦 言 生」〇正 **宝** 生 而盡 也。 直 人能存 篇 也。 然則「罔 若夫罔 義 於習爲 天地以 專」、 道 其爲 日 : 直乃 誷 罰 誠

曰:《尚書大傳》言:「新穀已人,優銀已藏,祈樂已人,歲事為,好之者不如樂之者深。」注「學問」至「者深」○正義如樂之者。」【注】包曰:「學問,知之者不如好之者不知,一子曰:「知之者不如好之者,好之者不

樂其有得於己也。故《論語》首章,即以「時習」之説示人。在其中」,亦是此樂,故曰「發憤忘食,樂以忘憂」。「樂」者,者」,明與不知有異也。至「好之」、「樂之」,更不多覯,故夫子於門人中,獨稱顏子好學。又謂「一簞食,一瓢飲,在陋子於門人中,獨稱顏子好學。又謂「一簞食,一瓢飲,在陋路」,與不知有異也。至「好之」、「樂之」,更不多覯,故夫與其有得於己也。故《論語》首章,即以「時習」之説示人。

問,是夫子所謂「下愚」,非惟「不可語上」,且並 可知夫子循循善誘之法。若夫性質既愚,又不能自勉於學 師古《人表》注解此文,以「中人」爲中庸,失之。 孔子罕言 謂中知矣。中人爲中知,則「上」謂上知,「下」謂愚也。 所答弟子、諸時人語,各有不同,正是因人才知量爲語之, 利、命、仁、性與天道,弟子不可得聞,則是「不可語 有「中知以上」、●「中知以下」之文。然則此兩言「中人」, 人表》列「知」、「仁」之目,亦引此文説之。《穀梁僖元年傳》 至「可下」〇正義曰:《釋文》:「上知,音智。」《漢書・古今 之所知也。 以下,不可以語上也。」【注】王曰:「上,謂上知 子曰:「中人以上,可以語上也。 中人 兩舉『中人』,以其可上可下。」注「上謂」 上。 不可 觀 顔 語

之矣。

周道。《左氏傳》:「季梁曰:「民,神之主也。是以聖王先 似也。「近人而忠」,即是務民之義。 事神,先鬼而後禮。周人尊禮尚施,事鬼敬神而遠之,近人 道尊命,事鬼敬神而遠之,近人而忠焉。殷人尊神,率民以 鬼神而遠之」者,謂以禮敬事鬼神也。《表記》:「子曰:「夏 夫義婦聽,長惠幼順,君仁臣忠,十者謂之人義」是也。 語》此文,統言「敬鬼神」。 「尊命」、「尊禮」、「尚施」,皆近人之事。 而忠焉。」」鄭注:「遠鬼神近人,謂外宗廟,内朝廷。」案: 勞苦而後得功,此所以爲仁。」正義曰:「務」,猶事也。 知矣。」【注】包曰:「敬鬼神而不黷。」問仁。 曰:「務所以化道民之義。」敬鬼神而遠之,可 「敬」者,禮數故言事,禮疏故言遠也。 「民之義」者、《禮運》曰「何謂人義? 父慈子孝,兄良弟弟, 「仁者先難而後獲,可謂仁矣。」【注】孔曰:「先 樊遲問 知。 子曰:「務民之義、【注】王 夫子所以告樊遲者,正是教之從 但事亦是敬,故《論 於鬼稱 周道與夏道,略 「事」、神稱 티 : 一敬 相

❶ 「元年」,據《穀梁傳》當作「二年」。

遅 : 亦黷。 之,乃命南 享,家爲巫史,無有要質。 及少皥之衰也,九黎亂德,民神 下有「子」字。 篇言「事君,敬其事而後其食」,義同。 餐兮。」先其事,後其食,謂治身也。」董子説此義至明。 後者不同焉矣。《詩》云:「飲之食之,教之誨之。」先飲 事 成 以 常,無相侵瀆,是謂絶地天通。」案: 度,民神同位。 知,皆居位臨民之事,意樊遲時或出仕故也。 而不瀆,故神降之嘉生,民以物享,禍災不至,求用不匱。 敬鬼神而不贖」〇 民, 禍福 後教誨,謂治人也。 難 嘉生不降, ❶「孔子謂冉子曰: 也。 而 「治身者,先難後獲。」以此之謂治身之與治民 示戒, 黷者,慢也。 後 獲」, 致力于 正重 而 唐石經初刻作「先勞」,磨改作「先難」。 終必歸於瀆祀,以長其諂慢之罪。 司 無 得 民 天以屬神,命火正 神。」亦 物以 瀆齊 也 《楚語》觀射父曰:「古者民神異業,敬 Œ 義曰: 謂 又曰:「坎坎伐輻,彼君子兮,不素 盟 享,禍災薦臻, 「治民者,先富之而後加 得 民匱於祀,而不知其福,烝 是舉夏、周道言之矣。 無 禄 遠者敬之,至不 有 也。 雜糅,不可 嚴 威 令春 世 黎司 衰則 竊以夫子此文論仁、 莫 秋繁露· 神 地以 盡 狎 神教興,其 其氣。 方物。 民 知所遠, 屬民 皇本 以則,不 教。」 仁 春秋時、 難」, 夫 使復 顓 問 義 人作 ○注 所 始 享 雖敬 語 蠲 頊 發 仁 下 亦 舊 受 其 無 食 樊 謂 先

孔

風 順受其正,修其在己而不爲无妄之求,斯可謂 免於患,斯惑之甚者矣。 如 俗 黄能、 ,競爲祈禳 實沈,多非 ,而不知所懲。 禮之祀。 惟知敬遠之義 在 究之獲罪 上者僭越 則吉凶 鬼神, 無等, 知矣 莫能 在下者習於 順逆, 徼 福 而

其才 壽考。」正義曰:皇疏云: 知者動、【注】包曰:「日進,故動。」仁者静。【注】 【注】仁者樂 已」〇正義曰: 文》:「静,審也。」「竫,亭安也。」義微别。 言之,所謂善言德行也。 爲智仁之用,壽、樂爲智仁之功。」案:夫子體備仁智,故 役得其志,故樂。」仁者壽。」【注】包曰:「性 當爲「竫」,今經典 *****,久也。」○注 曰:「無欲,故静。」知者樂、【注】鄭曰:「知 知 子曰:「知者樂水、【注】包曰:「知者樂運 以 治 如山 世,如水 《韓詩 「知者樂運其 通作「静」。 之安固,自 外傳》: 《爾雅 流 「樂水、樂山爲智仁之性,動、 而 「夫水者, 「壽」即「 才知以治 不 然 釋詁》: 知 不 已。二仁 緣理 動 動」省。 世如 凡 動 而 與「 愐 萬物 水 者 作也。」《説 行,不遺 《説文》: 動 流 樂 静 生焉。 愐 對言 者 者 不 Ш 多 白 静 知 能

⁰ 發_, 據《春秋繁露》當作「法

天地 貢問 脩業,日 走獸 〇正義曰: 固」、「不動」,即《外傳》「國家以寧」之義。 此注言「樂 山者,萬民之所瞻仰也。 之安固自然不動而萬物生焉」○正義曰:《韓詩外傳》:「夫 也。」」案此,則 下,句倨皆循其理,似義,淺者流行,深者不測,似智, 此 者。 者。 間 言之,即《外傳》「天地以 求概,似度,其萬折必東,似意。 蒙,不清以人,鮮潔以出,似善化,至量必平,似正, 百仞之谷不疑,似勇, 君子比德焉。 智 ,似有智者。 日 日 以成,國家以寧,此仁者所以樂於山 休焉,四 「者所以樂於水也。」《説苑・雜言》篇略同。 天地以成 防 有 『君子見大水必觀焉,何也?」孔子曰: 『夫水者 而清,似知命者。 如 孽孽 水運行不已,有進之象。 山」者,言仁者願 方益取予 遍予而無私,似德,所及者生,似仁,其流卑 ,群物以生,國家以寧,萬物以平,品物以 樂水」兼有數義,注渾舉其意,而以 而 動 而 莫之止 下之,似 綿 馬。● 成」云云之旨。 弱而微達,似察,受惡不讓,似 草木生焉,萬物植焉,飛鳥極焉, 其 歷 有 進 出雲道風,從乎天地之間。 比 險致遠,卒成不毁,似 ?禮者。 也 是以君子見大水,觀焉爾 德於山 即 君子自 其 蹈 ○注「仁者樂如 也。」《説苑》略同。 ○注 故 故 深 動 也。 强 樂山 不 不 日 疑,似 又云:「子 易 息 進 也。 治 故 進 其赴 盈 有 有 動 世 Æ 安 德 不 包 德 Ш 勇

> 耶 ? 也。 易・ 樂。 無非 孔子稱「仁者壽」,而顏淵早夭,豈聖人之言不信 身,是其且多且治。」《申鑒・俗嫌》篇: 外無貪而内清净,心平和而不失中正,取天地之美,以養其 其位。」思不出位,故能無欲。 無。 不至,而休嘉集之,壽之術也。《中 不傷物,上不違天,下不違人,處正居中,形神以和,故咎徵 動,自能以禮制心,而不稍過乎欲,故曰「無欲」。 欲故静」○正義曰:欲即聲色味臭安佚之欲,仁者所不 ○正義曰: *: 《春秋繁露·循天之道》篇:「故仁人之所以多壽 而 ○注「性静者多壽考」○正義曰:《説文》: 禮之欲也。 潁川荀· 象傳》: 2「水游至,習坎。 云「無欲 知 爽以爲古人有言,「死而不朽」。 「敦艮之吉,以厚終也。」「厚終」,謂當得 者能爲世用,不嫌自役,知 《易·彖傳》: 一者,仁者善制其欲,克己復禮。 君子以常德行,習教事。」〇注 ○注「知者自役得其志故樂 ❸、兼山,艮。 論 「仁者内不傷性 夭壽》篇: 有成 君子以思不 其身殁矣,其 「考,老也。」 功 而欺後 凡視聽 「或問 得 無 志 欲 者 者 故 無 人 出 言 能

傳

0

6

予一 據《韓詩外傳》當作「與」。

據《易 坎卦》當作「象」。

彖」,據《易 艮卦》當作「象」。

八六

劣耳。 者? 哉 ? 之壽,有聲聞之壽,有行仁之壽。《書》曰「五福,一 所致也。 「仁者壽」之驗耶? 又七十子豈殘酷者哉? 王,自稷至於周召,皆仁人也。 壽 此王澤之壽也。 善之理也。 壽,不過數十歲,德義立與不立,差數千歲,豈可同 道 也。 猶存 者利養萬物,萬物亦受利矣,故必壽也。 《詩》云:「萬有千歲,眉壽無有害。」人豈有萬歲 皆令德之謂也。 其夭者惟顔回,據一顔回 孔子曰「仁者壽」,此行仁之壽也。 故謂 若積善有慶、行仁得壽、乃教化之義、誘人而 幹以爲二論皆非其理也。 之不朽。 《詩》云『其德不爽,壽考不忘』,此聲聞之 北海孫翱以爲死生有命,非 夫形 體 固 君臣之數,不爲少矣,此 而多疑其餘,無異以 自 朽 弊消 夫壽有三: 孔子云爾者,以 亡之物 聞自堯至於武 顧其仁有優 有 曰壽」, 他 日 壽 人之 千歲 言也 與不 王 納 鉤 非 澤 於

時 齊可使如魯,魯可使 公大賢,周公聖人。今其政教雖衰,若有明君興之, 道。」【注】包曰:「言齊、魯有太公、周公之餘化。 □○正義 子曰:「齊一變,至於魯; 日 :: 齊」者,國 如大道 名也。 行之時。」注「言齊」至「之 周武王滅紂 魯一 ,封太師吕 變,至於 太 望

封,而伯禽亦能秉周公之教,以存王

迹。

故《説苑》、《漢書

案:周公雖封魯,猶仕

王朝,身未歸魯。

惟

命伯禽之國

之金,權於一車之羽,云金輕於羽也。」

來朝。 義,重廉恥。」 顔 龂 既益薄,長老不自安,與幼少相讓,故曰「魯道衰,洙泗之間 虚曲阜,封周公子伯禽爲魯侯,以爲周公主。 矜功名,舒緩闊達而足智。 不如魯者,太公之賢不如伯禽也。」《漢書 之道,弟子受業而通者七十有七人。 近正也。 之教化,故孔子曰「齊一變,至於魯, 不情,急之則離散,緩之則放縱。」又云:「周 太公治齊,修道術,尊賢智,賞有功,故至今其士多好經 故魯有王迹者,仁厚也。 先仁後義也。 此霸者之迹也。]周公曰: [太公之澤及五世。]五年, 於齊,是爲齊太公。 曰:「何治之疾也?」對曰:「尊賢,先疏後親,先義後仁也 伯禽與太公,俱受封而各之國。 **齗如也」。孔子閔王道將廢,廼修六經,以述唐、虞、三代** 周公問曰"「何治之難?」對曰"「親親,先内後外 瀕洙泗之水,其民涉度,幼者扶老而代其任。 此王者之迹也。」周公曰:「魯之澤及十世。」 師 古 注: 太者,尊 齊有霸迹者,武政也。 「魯庶幾 其失誇奢朋黨,言與行繆,虚詐 大之稱。 三年,太公來朝。 至 道,齊 是以其民好學,上 魯一變,至 説 地理志》:「初 苑 人不 興,以少昊之 其 民 政 於道」,言 如 齊之所以 理 有聖人 周公問 》篇: 伯禽 也。 術 俗

道 王化未歇,迨 歸 美伯 」者,其言殊有驗矣。 禽,與 此 沐聖人之教, 注歸 美周 公意同。 而 俗 益 臻 魯俗 醇 美。 雖 衰,而 蓋 所 洙 謂 泗之閒 至 於

與

經異 鄉飲 禮器 適 日 舊説同。 者,言爵 梓人所司,後世僞作,此 銅 工 禮 哉」,言非觚也。 日 二升日 花瓶 觚 也 》梓人制之。 無觚,是也。 爵,二升 〈義》: 酒之爵也。」段氏玉 「公用象觚。」注:「觚,有象骨飾也。」《説文》云: 子曰 升日 觚,三升曰 而 四 《 梓 觚 升 寡 「今《韓詩 腹起四棱,與《禮 日 盛酒之量。 爵二升曰 日 :人》疏 也,飲當寡少。 角 《宣和博古圖》載商、周觚三十五,其形如 觚 「觚不觚、【注】馬 聶崇義《三 輝,四 以 角 引 》説 觚 喻爲 觚〇 觸 《禮 升日 鄭 裁 哉 無疑矣。 也,不能 器制 禮圖 升 注《禮器》云:「凡 注 政不得其道 Œ 注不合。 角,五升日 謂 日 度》亦 義日 升 爵。 [》謂 鄉」當作 觚 云 自 H 觚 哉 」適,觸 曰: 爵,盡 觶。 云: 用木,惟用木,故《考 云「觚、禮器」者、《燕 且皆以金爲之,則 散。』《特牲記 升日爵二升 「禮」,鄉飲酒有爵 ,則不成。 觚 觶 罪 【注】「觚 也,足也 觚大二升。」《 觴, 過 適也 禮器,一 也 升 飲當 Ŧī. 日 注 注 二升 \Box 哉 觚, 升 觚 觚 爵 升 自 Ŧi. 引 今 觚 日 非

於酒」。 散。 過之名。 取 樂,而其洗奠享獻,惟 常寡少曰觚」 也。 觚, 毛 哉」。」又云: 義 用 無異矣。 人》「觚三升」亦爲「觗三升」,觗三則觚二,《周禮》與《韓 此許從《周禮》說以 作「三升」。 器》疏引《異義》載古 獻以爵而酬以觚」,「觚」是 謹案:《周禮 義。 説 也。 觚之失道也。」毛氏奇齡《改錯》云: 此 與 當於爾時用觚酌 馬 散 獻 《禮》注云「觚容二升」,取寡爲義。 王 注同。 今飲常 訕 故孔子曰「觚 而三酬 蓋 皇疏:「一 肅 也,飲不能 此 同 「不觚」非 「諸酒器皆有 則此觚命名,原與君子之稱「孤」、「寡」有 《周 《考工記· 可 不 則一 寡 補 獻 禮 辨《韓 獻 耐 馬 三酬 [| 周 **談** 豆矣」。 改 用 不 酒,而沈湎無度,故王肅 自節、爲人所 義 仍 之禮,賓主百拜, 觚」,言不知禮 制 禮》説,「觚 詩》之非。 稱 與 義 當 梓人》: 觚, 但 舊 而 紙」譌。 《韓 日 陳氏壽祺《疏 有注 亦以 不 [[觚], 豆。 獨 詩》異。 及觚 寡 謗訕 「爲飲器 云: 飲 觚 若觚二升,不滿 三升。 鄭《駁異 觗 本 名實乖矣,猶曰 者,此猶 「古制 也。 即 「孔子曰: 也。 常用 」即「觶」,則 此 許 失名 《詩》説所云「飲 「觚 證 君《異 獻 則 ,觚三升。』《 總名曰 器 義 曰「當時 》謂「二 明 以 燕禮 哉觚 實耳。」案: 並 命名,各 议 取 有 爵 「削觚 義 寡 哉」, 觚 耐 爵。 極 周 升 意 之用 豆豆 少 尚 沈 酬 《梓 禮 而 觚 司 有 以 並

新、

、

、 以 四 所 記 簡 班 事,削木爲之,蓋簡屬也。 0 記》所云「 注 歎」,即此 布也。」據此 面 爲之辭。 不 志 觚1八棱木,於其上學書。]又引《説文》云: 急就奇觚 云「操 注 同 觚 古 , 或 專 有 方爲棱,八棱 爲 異不 宋氏 有 所 以 八 一破 西 木 六面 念, 喻爲政 觚之士」,《西 都 面,皆可 尚 破觚 觚爲圜。]應劭曰: 觚 《説文》「柧、棱也。」「棱、柧 可 柧 翔鳳謂 觚 賦》曰: 與衆異。」顏師古注: 鯍 不 章一, 知,或 也。 則 ,則「柧」亦作 時 不 也。」竹木本一 爲圜」之比 六棱 不得其 爲机。」此 時 成 是徐氏《論語 柧 蓋 書。 調 Ē 成。」故 有 古 況于 亦名柧矣。 觚 觚 四 京雜記》「傅 之遺 觚 道則不 當有棱, 棱、 者, 大事 棱而棲金爵。」今俗猶呼小兒削 析言之,若散文 孔子歎 日 觚。 此 類,故 『觚,八棱有隅者。』《説文》通 語 八棱之異。 棱 亦 觚 也。 也。 隱義》語 成 也。 名實相 其後 哉 觚 孔子歎觚 《廣雅 觚,即 Ō 觚 介子 「柧」亦作「籲」。 此 王 以 者,學書之牘,或以記 Ĕ 也。」史游《急就章 哉」。 無 説 應 有 乖,於義得 此之謂。 義 好學 棱 義 麟 棱 亦 釋器》: 觚 通 日 當本 師 亦 觚,小 《補 「幡,書兒拭 角,故謂 通 俗文》曰: 名 書 爲 古之説與 政 稱 一,嘗 鄭亦 觚。 注 木 (者,正 器 其形或六 通 **第、籥** 簡, 《漢 耳。 故 棄 如《史 之 者 觚 師 \langle 與 是 木 書》 也。 也。 觚 舊 觚 釋 史 書 意 古 而 馬 心

往

所 其 分子不正 本。 如 Œ 人何? 政不得 成,猶彊名之。 注説 亦 當 有

同,並 然也? 乎? 之」者,徒傷其身無以 之」者,行仁道也。 我」至「所至」〇正義 焉。』其從之也?」【注】孔 必濟之,而於仁人尤所親念,故宰我設爲此問 王氏引之《經傳釋詞》謂 皇本「有仁」下有「者」字。「其從之也」,「也」皇本作 可 人於患難,故問有仁人墮井,將自 逝,往也。 難也。 也。 欺也,不可罔 釋詁 通。 欲極觀仁者憂樂之所至。」子曰: 宰 不可罔者,不可得誣 我問 俞氏樾 文。 ○注 君子可 言君子可使 「往視之」者,思所以 曰:「仁者,雖告之曰: 「逝往」 **平** 或謂 議 目 逝 也。」【注】馬 救 至「從之」〇正義曰: 謂 也 人,故不肯 「井有仁」即井 仁者無不愛也,故 也」、「與」、「 不不 往 井 視 有 罔令自投下。」正 可 之耳,不肯自投從 曰:「宰我 人」爲 陷 出之也。 也。 曰: 歟」同義。 也; 投 有人,「仁」與「人」 井中 可可 俞 下 氏 見 【注】孔 從 一逝,往 有 以 「不肯自 ,以見仁道 樾 欺 人有 何 『井有仁 仁道。 而 仁 伞 者, 者 出 義 患 . 為 注 「與」。 之。 之 可 必 曰 投 難 日 一從 其 字 使 不 濟 之 則

雅

至

子可欺以其方,難罔以非其道。」方者,義也。 不可以 子之見,是可逝也,可欺也。 下,非人誰與? 君子必信而從之。然非其道,則亦難罔之矣。 ○正義曰 逝」爲「折」,云: 不可罔者,知也。 非理陷害之。」此義亦通。 「可使往」者,言使往救之也。 色斯之舉,可以翔集。 「君子殺身成仁則有之,故可 宋氏翔鳳《發微》云:「夫滔滔天 磨而不磷,涅而不緇,是不可 ○注 公山、佛肸之往,南 《孟子》亦曰:「君 可欺」至 以義責君子, 得 蓋可欺者 而 「投下」 摧 折

乎? 夫固 學小記》:「天下達道五,而人之行百。 文考證》引《後漢· 以 可 再見,無「君子」字。」知此亦無有者爲得也。 記》:「君子乃成德之稱,不嫌其違畔於道。《顏淵 曰:《釋文》云:「一本無「君子」字,兩得。」臧氏琳《經義雜 以 弗畔矣夫!」【注】鄭曰:「弗畔,不達道。」正義 我之師也。 於何學之? 子曰:「君子博學於文,約之以禮,亦 **奥離者乎**? 而已往矣,其所存者文而已矣。 曰於文。 范升傳》亦無「君子」字。 其 八切於 吾 聖人賢人,先我而盡 心,而不可 其切於吾身,而不 以 程氏 馮氏登府《異 端弗學 》篇 瑶 道者也 文存則 田 此章 《論 可 矣

《詩》、《書》、《禮》、《樂》與凡古聖所傳之遺籍是也。文,所 學於文,則多聞多見,可以畜德而於行禮驗之。 若或聞而知之矣。 所美富者不同也。 所德者不同也。 以履之也。舜之大孝也,武王、周公之達孝也,其德同 以語之,呼我以喻之也。不啻相依焉,而攜我以舉之,掖 道存,道存則教存,吾學其文而有獲,不啻親炙焉, 無行 我以禮」,「約禮」即復禮之教也。 之於禮,是爲約矣。他日,顏子言夫子善誘,「博我以文,約 也,謂此身也。夫子告顏子以「克己復禮」。復者,反也,反 約者約束,非謂省約,與上「博」字爲反對也。「之」者,此 動之際。凡人能以所行納於軌物而無所違,是之謂 也,言人所可履行之也。 以載道而以禮明之者也。 亦若見而知之矣。 然徒事博文,而不約之以禮,則後世文人記誦之習,或有文 人非博學,無由 「致知格物」,「約禮」即《大學》之「誠意」、「正心」、「脩身」。 ,非君子所許 約禮,故夫子言誦《詩》三百,不足以 堯之文章也,夫子之文章也,其美富同 也。 徵之於文,而後堯與夫子之所美富者: 徵之於文,而後舜與武王、周公之所德, 是故學文不可緩也。」案:「博文」者: 後漢 禮箸於經曲之大,而慎於視聽 禮,即文之所箸以行之者也。 范升傳 是故「博文」即《大學》之 》引孔子曰: 禮也者,履 而 「博學 一獻。 詔 其 其 博 我 我

陷也,不可罔也。」

畔」專 違道」○正義曰:禮者,道之所以行也。 定自陳人于宋南里以叛」、《公羊經》作 經典多段 約之,弗叛矣夫!」又曰: 叛」,後磨改。 知。 以「約 但已博文約禮,由其外以測其內,亦可不致違道。 「畔」爲「叛」。 禮」言 《説文》: 也。 《左昭廿一年經》「宋華亥、向寧、華 「叛,反也。」「畔,田界也。」義 「夫學而 畔」即「叛」字。 不約,必叛 呼」。 人違道與否,不 唐石 **巡道也。**」 ○注「弗畔不 經 初 明 刻 異。 可 作 弗

子不 子路不說,故夫子誓之。 等以爲:南子者,衞靈公夫人,淫亂,而靈公惑之。 孔子曰:『吾鄉爲弗見,見之禮答焉。』』《法言·五百》篇: 寡小君欲見。」孔子辭謝,不得已而見之。 家》:「孔子自蒲反乎衞。 孔 或問: 予所否者,天厭之! 子見之者,欲因以説靈公,使行治道。矢,誓也。 「四方之君子,不辱欲與寡君爲兄弟者,必見寡 説,與之祝 子見 聖人有 南子,子路不説。 面稽首。 詘乎? 誓,義 夫人自 曰 : 靈公夫人有南子者,使人謂孔子 可 有。 天厭之!!【注】孔安國 疑 行道 帷中再拜,環 焉。 曰 : 既 正 非婦人之事,而 夫子矢之曰: 焉詘乎? 義曰:《史記 夫人在絺帷中。 佩 玉 曰 : 聲 璆然。 小君。 仲尼 弟 世

孔子,非無欲用孔子之意。子路亦疑夫子此見,爲 傳》云「大夫不見其夫人」,後世儒説,何 親獻,異姓則使人攝獻。 否。 大饗。 行道,而於心不説,正猶公山弗擾、佛肸召,子欲往,子路皆 亂,然有知人之明,故 由 杜預皆有是説。 凡同姓亦攝獻。 至諸侯大饗,大夫出,行裸獻 婦覿用幣」,謂大夫之宗婦以覿禮 亦並不因此妄行見禮。 記》云: 『非祭,男女不交爵。』亦並非相 惟祭則主婦獻尸,尸酢主婦,謂之交爵。 南子響夫子。 見,子路何爲不説? 敬,不詘如何?」《孔叢子·儒服》篇創爲異説,以 於南子所不欲見也,於陽虎所不欲敬也,見所不見,敬所不 禮。 毛説觀之,益知《孔叢》之謬,不足證矣。 故《禮 當時南子饗夫子,夫子亦弗獲已。 而既則交爵存,而饗獻亦廢。 正義》謂王饗諸侯及諸侯自相 毛氏奇龄《改錯》曰:「古無男女相見之禮」 孔仲達即非之,謂《禮》無此文。 是男女無相見禮,無覿禮,祇有交爵、饗獻 於蘧伯玉、孔子,皆特致敬。 且《論語》、《史記》但言見南子,不言 若夫人初至、《春秋經》稱「大夫宗 自繆侯、陽侯以同姓 禮。 人,非謂大夫亦同 同姓諸 至大夫覿幣,惟何 見即助祭,卿大夫 非祭則否。 如 饗 侯 果爾,則 傳 同 竊謂 有之,異 文足 而遭此變後 姓則后夫人 南 夫人與於 況 據乎?」 將詘 其 子 禮所應 故《坊 人也 請 雖 姓 身 見 淫 則

引繆播曰:

日

「天厭之者,言我之否屈

矢,誓

也。

否,不

也。 亂。

鄭

路不説爲疑夫子淫

之」,正與毛同。

天厭之」,或當時有此語。

笮也。」《禮記》「畏厭溺」,《左氏傳》「將以厭衆」,皆「壓」字。 引亦作「不」。《説文》「否」,從不聲。 故告以予若固執不見,則必觸南子之怒而厭我矣。 文》云: 『否者,不也。』 夫子以手指天,而 尼不爲已甚」,可知聖人達節,非俗情所能測矣。 》「所不與子犯共」,皆作「若」解。 不則天將厭我矣。」言南子方得天也。 夫子言「人而不仁,疾之已甚爲亂」,孟子亦言 「否,不也。」此言予若不用,是天將厭塞此 《考文》引古本正 毛解「天」字稍異。 而以「否」爲「鄙」,解爲鄙陋之行,反似子 紛紛詰難,均無當矣。 案:《釋名》云:『矢,指也。』《説 此注非全文,無 《論衡 《左傳》『所不與崔、慶』、《史 詞例與《項羽傳》「不者,吾 疑 ,乃天所厭 作「壓」。 也。 舊以此爲誓,正以「所」 問 高誘《吕 故「不」段「否」爲之。 孔 夫子知 由知 》篇説此文「天厭 曰:『吾敢 《説文》:「壓, 故《史記》直曰 也。」王 覽・貴因 其説。 子 鄭 毛氏奇齡 路不 天 弼 注 不見 皇 日 굸: 》 注 道。 即 説 仲 疏 肸同 去衞」。 孔子年方二十二,子路少孔子九歲,年方十三。 子是南蒯,欲張公室以叛季氏,夫子見之,與欲 孔子五十七歲,其 必獲天誅。 誓也。」李充曰: 皇本作「孔 不通,宜爲伯厚所斥矣。 靈公與夫人同車,使孔子爲次乘,招摇市過之。 欲因孔子以固輒位。子路以見之似有爲輒之意,而 指天也。 之惑,於義亦通。 己之往見,不過欲答其禮,而非爲求仕可 諸説,「矢」或訓「誓」,或訓 者,天厭之」,「厭」亦否也,言聖人與天同其 事所免也。」蔡謨曰:「矢,陳 正名」相反,所以不説。 厭絶」,其辭同 否泰有命,我之所屈,不 意。 則此見明 王氏崧《説緯》以此見在靈公卒後輒立之時,南 王應麟《困學紀聞》引陳自明説同。 安國 其説甚誕。 也。 曰「舊以 「夫道消運 非衛 在靈公時。 但師弟相言,不得設誓。 天未欲夫子行道,豈南子所能興? 輒 《史記》敘此文,下即云「居 南子者」,邢本 夫子則怒而矢之,謂予如 ○注「孔安」至「疑焉」○正 時可知。 用 「陳」,而「否」爲「否塞」,「厭 否,則聖人亦否,故曰 於世 也。 江氏永《鄉黨圖考》繫此事在 者,乃天命 夫子爲子路矢陳天命,非 至宋孫奕《示兒編》謂 同。 知。 「矢」當訓 厭之。 否泰耳。」參 《釋文》載《集

字相

似耳。」案:

厭

」與

壓

同。

記

屬將爲所虜」正同。

所,若也。

「子所不者」,「不者」,不見也。

哉?

指南子。

稽求篇》:「夫子矢之。

不説之比

非

因 南子

淫亂

而

有此

然南蒯叛時

其

い説

而

義

日

赴弗

擾

佛

犚

孔子醜之

與初

言

不正 衛月

餘 名 此

以解子

路 明

指

爲

一予所

」爲

觀 否 言

非

人

儒 解》本 無所偶。 因》篇:「孔子道彌子瑕見釐夫人,因也。」釐夫人即南子。 兩存證之。 乃何氏語 所傳陋説,以夫子爲詭道求仕,不經之談,敢於侮聖矣。 者,首舉孔以該馬、鄭、包、周諸儒之義。 淮南子・泰族訓》:「孔子欲行王道,東西南北,七十説而 拜經日記》謂 篇 皆 「孔子適衞,因嬖臣彌子瑕以見衞夫人。」此皆當 作 以以 故因衞夫人、彌子瑕而欲通其道。」《鹽 等 可見此校極確,今依以訂正。《吕氏春秋 「道國」章《集解》引包、馬説,又云「義疑」,故 以 「孔安國」下不當有「曰」字,「孔安國等以 爲 南子 者」,是「 舊」爲 「等」之譌。 「行道」以下四句 鐵 臧 論 氏 爲 貴 論 時 庸

鮮 肖者不得不及,此喪之中庸也。 諸 故 庸」,云:「庸 曰《中庸》者,以其記中和之爲用也。 至「適今」〇正義曰:《説文》: 先王之道廢,民鮮 《喪服四 久矣。【注】庸,常也。 庸」又爲常。 子曰:「中庸之爲德 制 常也。 》之篇曰:「此喪之所以三年,賢者不得過,不 洪氏震煊《中 能 用 行此 中爲常 道 庸説》: 中和可常行之德。 「庸,用也。」凡事所可 道也。」二説 久矣,非適今。 王者之所常行也。」「不得 也,其至矣乎 庸,用也。」注「君子中 「鄭君《目録》云:「名 相 輔 注 而 世 成 庸 常 亂, 用 常 民 證

> 九家 貴」。 也。 時中則能和,和乃爲人所可常行。 箸《易傳》。 爲六德,知用中之道,百王所同矣。 中,立賢無方。 法、則 矣。」此皆以「常」訓「庸」者也。 信,行無常貞,惟 子・不苟篇》曰: 言常謹也。」證諸《易·文言》曰:「庸言之信,庸行之謹。」 之行,庸言之謹」,鄭君亦注云:「庸,猶常也,言德常行 中庸之義是也。 過」、「不及」謂之中,「所常 「庸,常也。 一典」名,或以「範」名。 也。」案: 注 故讚舜之大智,曰「執其兩端,用其中於民」,「用 而子思作 刑、範、矩、 궁 : 所謂 謂言常信,行常慎。」故下文反之曰: 『言無常 「庸, 執中始於堯之咨舜,舜亦以 帝中 至《周官・大司樂》以中、 古訓以「庸」爲常,非平常之謂也。 庸、 『庸言必信之,庸行必慎之。』楊倞注云: 「中行」,行即 常也。 利所在,無所不傾者,❶是則可 庸》, 、恒、律、 《禮》篇或以「法」名,或以「庸」 益發明其 謂 行 夏、職、秩,常也。』《書》篇或 言 庸 《爾雅·釋詁》曰: 謂 常 也。 之庸。 説,曰: 以 故有子言「禮之用、和爲 夫子言「中庸」之旨,多 信, 所 謂 常 行常 和、祇、庸 「喜怒哀樂之未 命禹,其後湯 行 「時」即 者 以 即 謹。」《荀 時 「典、彝 謂 」名,其 常 、孝、友 「庸德 中一即 中 小人 用 也 也 是

^{● 「}者」,據《荀子》當作「若」,屬下讀。

能擇中 德也。 此注。 作禮樂」者也。 至德。 和 又甚則無所忌憚,如小人之反中庸,故曰「民鮮久矣」。 取法,賢知之所過,愚不肖之所不及,皆無所裁度以適於道。 以贊天地之化育,所謂「成己以成物」者如此。 之性,以盡人之性,盡人之性,以盡物之性,盡物之性,則可 中庸之爲德,皆人所可常用,而極其功能至於位育。 發謂之中, 人罕能久行。」鄭意謂當時 非適今」者,適,祇也。 也者,天下之達道 覆燾持載含宏者也。」下引《論語》此文。 民鮮能久矣。」」鄭注:「鮮、罕也。 《周官・師 庸 惟舜在位,能用中於民,民皆化之。 得善勿失,而無所用於民,所謂 發而皆中 世之衰也,上無明天子,下無賢方伯,民無所 氏》:「一曰至德。」鄭注:「至德,中和之 也。 節謂 命中 致中和,天地位焉,萬物育焉。」明 之和。 民亦能行,但不能久行。 庸》篇: 中也者,天下之大本 「子曰:「中庸,其 言中庸爲道至美,顧 有德無位,不 顏子未得位,但 「覆燾持載 故夫子贊爲 蓋盡己 義 至 也 _, 至 云 遜 矣 敢

聖乎 如 ? 子貢曰: 可謂: 堯舜其 仁乎?」子 如 猶 有 病諸? 博 i E 施 於 「何 【注】孔 民 事 而 能 曰:「君 於仁,必 濟 衆, 能 也 何 廣

下之治亂繫之。 礙而有所不通矣。 於理義有未能明曉,我於人有未能 事天察地,通乎人仁義之道,而後可 愛、「聖」訓通、並見《説文》、爲最初之誼。 萬物、淺深一體。 仁而左聖」以此,是也。 仁」,事猶爲也。 曰: 於人,並使人無乎不通,故夫子以爲聖,以爲堯舜猶病。 泰者,通也,治象也。否者,不通也,亂象也。 失,祇是不通已極耳。 人,則多所拂逆。 也,無阻礙也。 生,而春爲資生之原,長養不窮,故聖進於仁。」案:「仁」訓 内聖外王,總以仁及萬物爲言。 方者夏,夏之爲言假也。」假者,大也。 義》曰:『東方者春,春之爲言蠢也。 言之,明非仁者所能矣。 施 恩惠,濟民於患難。 皇本「如 有」作 是故通乎天地、陰陽、柔剛之道,而 博施 見《禮・樂記》注。 祇春爲生之本,而夏爲養之本。 桀、紂、盗跖之行,無惡不作,然推究其 如此者,以之自治,則行事乖戾,以之治 「如能」,「衆」下有 濟衆,無 是故天地交爲泰,天地不交爲否, 然則仁與聖,皆推心之恕,以長 毛氏奇龄《改錯》曰: 堯舜至聖, 《禮》所云『天子之立也 人不遂其欲 格被,是即我之疑 言博施濟衆,何爲於仁 以 産萬物者,聖 養而大之,仁也。 成己以成物。 猶 「者」字。 通之爲言無疑 病 其 通與不通,天 以 難。」 「《鄉飲 我性情 何 養祇 後 也 滯 若 Œ 事 可 總 聖 通 阻 我 養 則 南 酒 於 義 以 滯 遂

是博施 日: 仁本 誤 但 也。」亦據引申以成義。 男有分,女有歸」。 所終, 壯有所用, 幼有所長, 矜寡孤 賢與能,講信脩睦,故人不獨親其親,不獨子其子。 難, 則尚 囗。」【注】孔曰:「更爲子貢説仁者之行。方,道也。 惠」,言君無私德,能徧及也。《禮運》言「大同之治」,云「選 「其難」○正義曰:言「廣施」者,「博」 濟渡」爲言,「濟於患難」,若禹治水,益焚山澤之類。 濟,渡也。」「濟,成也。」「濟,益也。」三訓此文皆通。 入聖域,故孔子分别「聖」字,將「仁」字論之曰: 固 能近取譬,於己皆恕,己所 欲 」者,唐、虞二帝名。 而但言仁; 阮氏元《論仁》篇: 甚難能矣。 甪 在 達 濟衆,堯舜猶病其難也。《廣雅·釋詁》:「病,難 推暨時言。 原 而 同 達 故己 又以仁亦難及,而先言恕。 聖仁,孔子皆謙不敢當。 人。 達 此則可言「博施」矣。 仁道大成,方可稱聖。 達 當時有洚水、民苦昏墊、艱食鮮食。 人,達 「孔子論人,以 能近取 夫仁者,己欲立而立人, 亦爲通。 譬,可謂仁之方也 欲 獨廢疾者,皆有所養。 而 聖爲第一,仁即次之: 特聖爲成德之名,仁 施之於人。」正義 訓 《爾雅 故夫子視聖爲最 子貢視仁過高 廣也。 ○注「君能」至 · 釋言》: 「廣 所謂仁 使老有 注以 施 「堯 恩

> 之義。 也。 所本。 以交於左, 所惡於前,毋以先後, 矩之道」,云「所惡於上,毋以使下, 以爲「非爾所及」。 之道,故「恕」亦訓仁。 注「更爲」至「於人」〇正義曰:鄭注云:「方,猶道也。」此 「達」。」案:「立」謂身能立道也,「達」謂道可行諸人也。 如「三十而立」之「立」。達者,如「在邦必達,在家必達」之 之不厭」,己立己達也。『誨人不倦』,立人達人也。 欲達德行,亦必使人達德行,所謂「愛人以德」也。 己欲立孝道,亦必使人立孝道,所謂「不匱」、「錫類」也。 者,己之身欲立 「譬」也。 《孟子》云:「彊恕而行,求仁莫近焉。」即此「近取 《説文》:「恕,仁也。」如己之心,以推諸人,此 譬者,喻也。 所惡於左,毋以交於右」。 絜者,結也,挈也 ,則亦 他日 以己爲喻,故曰近。《大學》言「君子絜 立人,己之身欲達, 恕仁本一理,子貢未能至恕,故 所惡於後,毋以從前,所惡於右,毋 ,問終身行之,又告以恕,皆此教 ,即此所云「取 所惡於下,毋以事上, 矩者,法也 則 也 亦達 人。 又曰「爲 即 立 此 夫子 即 譬 己 如

定遠凌先甲校 刊

云

子曰:「述而不作,信而好古,竊比於我

論語正義卷八

寶應劉寶楠學

述而第七 集解

央於點對,則是舊爲四十章,不合言三十九也。 民源《考異》譏陸氏宜合者兩條,總題但減其一,以爲 高氏文弨《釋文考證》以舊三十九章爲《釋文》本,今三 十八章爲朱子本,則誤解陸氏原文爲後人校語也。翟 十八章爲朱子本,則誤解陸氏原文爲後人校語也。翟 十八章爲朱子本,則誤解陸氏原文爲後人校語也。翟 十八章爲朱子本,則誤解陸氏原文爲後人校語也。翟 大源《考異》譏陸氏宜合者兩條,總題但減其一,以爲 大源《考異》譏陸氏宜合者兩條,總題但減其一,以爲 大源《考異》譏陸氏宜合者兩條,總題但減其一,以爲 大源《考異》譏陸氏宜合者兩條,總題但減其一,以爲 大於點對,則是舊爲四十章,不合言三十九也。

傳。 其政道皆布在方策,所謂「古」也。下章云「子曰『蓋有不知 好古」。」是言夫子所述六藝事也。 典》,稱《樂》則法《韶》、《舞》,論《詩》則首《周南》。 綴周之 之也。」《漢書・儒林傳》:「周道既衰,壞於幽、厲,陵夷一 之,知之次也」」,「多聞」、「多見」,皆所學於古者。 故又言 而作之者,我無是也。多聞,擇其善者而從之,多見而 述堯、舜,憲章文、武。」憲,法也,章,明也。 法,至獲麟而止。蓋晚而好《易》,讀之韋編三絕,而爲之 禮,因魯《春秋》,舉十二公行事,繩之以文武之道,成一王 百餘年,而孔子興。究觀古今之篇籍,於是敘《書》則斷《堯 注:「今孔子謂其時,明孔子無位,不敢作禮樂,而但可 敢作禮樂焉。雖有其德,苟無其位,亦不敢作禮樂焉。」鄭 文」,皆作者之事,然必天子乃得爲之。故《中庸》又云: 我若老彭,但述之耳。」正義曰:《説文》云:「述,循也。」 老彭。」【注】包曰:「老彭、殷賢大夫,好述古事。 「今天下車同軌,書同文,行同倫。 雖有其位,苟無其德,不 「非天子不議禮,不制度,不考文。」「議禮」、「制度」、「考 「作,起也。」「述」是循舊,「作」是創始。《禮・中庸記》云: 皆因近聖之事,以立先王之教,故曰「述而不作,信而 故《中庸》云:「仲尼祖 堯、舜、文、武 述

藏 舉用。」則彭祖是堯臣也。 逸注謂彭祖以雉羹進堯,而堯饗之也。《史記·五帝紀》: 仲傀,是老彭爲殷初人。包氏此注當即本《戴記》也。 者,楚苦縣厲鄉 之後,滅於商。 謂彭祖、老聃,此老彭爲二人也。 云:「老,老聃。 不任以言。』《漢書・古今人表》列老彭於仲虺下。仲 大夫,官之教士,技之教庶人。 不能好,故言「篤信好學」也。 召公述之,亦曰「作《常棣》」矣。「信」者,知之明。 人,與包義異。 ○正義曰:《大戴禮・虞戴德》云:「昔老彭及仲傀,政之教 禹、 **好**古 春秋》是「述」,亦言「作」者,散文通稱。 書室之史也。 、皋陶、 夫子亦殷人,故加「我」以親之。 周守藏室之史也。」司馬貞《索隱》曰 夫子謙言不敢顯比老彭,故言私比 敏以 契、后稷、 求 《楚辭 之也 《漢書 曲 彭,彭祖。 又《張蒼傳》「老子爲柱下史」,蓋即藏室之 仁里人也。 伯夷 •天問》:「彭鏗斟雉,帝何饗?」王 ·敘傳》「若允彭而偕老兮」,師 若 《史記·老子韓非列傳》:「老子 然、《孟子》云 夔、 老聃,周之太史。」以老彭 龍 「竊」者、《廣雅・釋詁》云「私 揚則抑,抑則揚,綴以德行, 姓李氏,名耳,字伯陽 《鄭語》彭姓彭祖,爲祝融 、倕、益、 ○注「老彭殷賢大夫」 彭祖,自堯時 如周公作《常棣 孔 按: 也。 子 作 老彭,殷大 藏室史,周 ~春 不信,必 秋 而皆 古注 爲二 鄭注 · 虺即 謚 \Box

《論語 學,源 《易》之嗛嗛,一 關 事,不言而有教,非「居敬」而 絕去禮樂,兼弃仁義,曰獨任清虚,可以爲治。」案: 老子之 官。 書上下篇,言道德之意五千餘言而去。]又云:「李耳 其學以自隱無名爲務。 傳》云:「孔子適周,將問禮於老子。」又云:「老子修道 爲柱下史。」以彭祖爲商人,與《鄭語》及《五帝紀》不合。 義》引《世本》云:「彭祖,姓籛名鏗。 虚以自守、卑弱以自持,此人君南面之術。 自化,清静自正。」《漢書・藝文志》: 彭祖、老聃爲一人,説與包、鄭又異,尤未是也。《老子列 誘注《吕氏春秋 彭祖在堯時亦是史官,故夫子欲竊比此二人矣。《莊子 柱 云:「老子曰: 人周爲柱下史,則以彭祖爲數百歲人,並恐傳聞之誤。 下 ,關令尹喜曰:「子將隱矣,强爲我著書。」於是老子迺 歷記成敗、存亡、禍福、古今之道,然後知秉要執本,清 因 出 》謂彭祖於堯時封彭城,又云「即老子也」。 黄 以爲官名。」則 帝 「聖人處無爲之事,行不言之教。」無 故漢人多以 嗛 情欲 而四益,此其所長也。 老子 》諸篇以老彭、彭祖爲一人。 居周久之,見周之衰,迺遂去。 黄、老並言。 是 何? 周 史 也。 又曰:「聖人抱 「道家者流、蓋出 在商爲守藏史,在 既 及放者爲之,則欲 宋 合於堯之克攘 老子是 氏翔鳳 以老彭、 史官,意 邢 爲 爲天 無爲 於史 昺 而 至 至 周 高

也。 所録七十子之記,皆爲殷禮 祖爲殷人,則沿《世本》之誤,而以《三朝記》老彭爲二人,亦 雖生周代,而所傳之學,則《歸藏》之學,故歸之於商,尤信 親炙之義,且尊周史也。至《三朝記》稱商老彭者,以 也。」又云:「《論語》不曰「彭老」而曰「老彭」者,以老子有 是彊經就我。 而好古之明徵也。]案:宋君發明老子之學是也。 下知有之。」曰「帝之先」,曰「大上」,此推乎古而 紀。」此「信而好古」也。 清虚者之所及也。其書二篇,屢稱「聖人」,即「述而不作」 豐,修之於天下,其德乃普。」即「修己以安百姓」,非獨任 於家,其德乃餘,修之於鄉,其德乃長,修之於國,其德乃 善抱者不脱,子孫祭祝不輟。 又曰:「聖人無常心,以百姓心爲心。」又曰:「善建者不拔、 「兵者,不祥之器,非君子之器。」即「軍旅之事,未之學也」。 下式。」「一」者,誠也,誠爲敬,故「抱一」即「居敬」。又曰: 又曰:「執古之道,以御今之有。 其他謂孔子贊《易》,多取於《歸藏》,《小戴 又曰:「象帝之先。」又曰:「大上, ,則顯然違異,今皆删佚,不敢 修之於身,其德乃真,修之 能知古始,是謂道 其以彭 益遠者 老子

子曰:「默 而 識之,學而不厭,誨人不

從 謂 0

著之以誤來學。

卿」章「何有於我」,義同。 不倦也。」子貢曰:「學不厭,知也, 教不倦,仁也。 唯弟子不能學也。」」《孟子·公孫丑》篇:「子貢問於孔 知年數之不足,故能不厭於學也。 下篇云「多見而識之」,亦謂默識也。 須諷誦。 也。 倦,何有於我哉?」【注】鄭曰"「無是行,於我 任,「何有於我」,乃辭聖仁,不敢居之也。 下篇「出則事公 夫子既聖矣。」」觀彼文,則「學不厭,教不倦」,乃夫子所自 曰: 「夫子聖矣乎?」孔子曰: 「聖則吾不能,我學不厭 抑爲之不厭,誨人不倦,則可謂云爾已矣。」公西華曰:「正 之外,我無所有也。下篇「子曰:「若聖與仁,則吾豈 也」、《廣雅・釋詁》「券、勞也、止也」。「何有於我」、言二者 飽也」,引申之,訓足,訓棄。 獨有之。」正義曰:「 政乎何有」,「何有」皆爲不難也 他 正義曰:注有譌文,當以「行」字句絶,「我」字重衍。 人無是行,夫子乃獨有之。 「識」者、記也。 若博學無方,既非 《詩》、《書》、《禮》、《樂》,士之正業,皆 默」者,王逸《楚辭· 0 家有其書,則惟宜默識之也。 夫子自彊不息,日有孳孳,不 注「無是行於我我獨有 與上篇「爲國乎何有」,「於 「倦」,《説文》作「舜,勞 「厭」、《説文》作 惜 ·賢》注 仁且知 云「寂 敢? 狀 而 之 我 教

不可 也 樹下,魯諸儒講禮,鄉飲、大射于孔子冢,皆講學也。 學禮,執禮者詔之,冬讀書,典書者詔之。」曰學曰贊曰 之, 籥師學戈, 籥師丞贊之, 春誦夏弦, 大師詔之, 瞽宗秋 之」,「有朋自遠方來」,所謂「君子以朋友講習」也。 讓周旋,是以行禮,故其習之也恒與人共之。「學而時 以 之,則德日新。《大學記》所云「明明德 常以此四者爲憂。」正義曰:《説文》云:「修,飾也。」《廣 徙,不善不能改,是吾憂也。」【注】孔 效,其置顔色、出辭氣效,無留善。」亦言君子能徙 必皆有言,故於文「講」從「言」。 之,其師則從而告之。《記》曰:「小學正學干,❶大胥贊 者,汪氏中《述學》云:「講,習也。 《易•象傳》: 四術。《書》則讀之,禮樂同物,誦之歌之,弦之舞之。 ·斯須去身,故孔子憂學之不講。」「徙」、《説文》云「逐 釋詁》:「修,治也。」五常之德,人所固 此常 「君子之學如蜕,蟠然遷之。 子曰 訓。 「風雷、益。 「德之不修,學之不講 下篇云:「徙義,崇德也。」《荀子・ 君子以見善則遷,有過則改。」二 孔子適宋,與弟子習禮大 故其行效,其立效,其坐 習,肄也。 」是也。「學之不 有,當時修 古之爲教也 聞 曰:「夫子 義 學 義 不 大 禮樂 人習 也 詔 講 能 略 習 揖 治

或疏、致有斯失、故引爲己責也。

本貴能力行、故有取於風雷。否則習爲不善、而不復進於或疏、致有斯失、故引爲己責也。否則習爲不善、而不復進於。故夫子深憂之也。汪氏中《經義知新記》:「講字古常矣。故夫子深憂之也。汪氏中《經義知新記》:「講字古者貴能力行、故有取於風雷。否則習爲不善、而不復進於或疏、致有斯失、故引爲己責也。

爲舒之姿也。 「桃之夭夭」,即美舒義。 也。」〇注「申申夭夭和舒之貌」〇 居,退燕避人曰 尼燕居》、《孔子閒居》二篇。 「宴,安也。」「宴」本字,「燕」鳥名,蓋叚借也。 鄭本作宴。」案:《後漢・仇覽傳》引亦作「宴」。《説文》: 曰: 夭」同。 「申申、夭夭,和舒之貌。」正義曰:《釋文》云:「燕 子之燕居,申申如也,夭夭如也。 胡氏紹勳《拾義》:「《漢書·萬石君傳》:「子孫勝 《廣雅·釋訓》:「妖妖、申申,容也。」「妖 閒居。」此 《月出》「舒夭紹兮」,亦以「夭紹 皇疏 鄭《目録》云: 亦云:「燕居 正義曰: 退朝 皇疏引《詩 者 《禮記》有 退 而 【注】馬 處 朝 而 日 × Z 血 居 燕

[●] 上「學」字,據阮元《禮記•文王世子校勘記》當爲「樂」。

冠者在 之也温」。 世房中歌》: 馬注「申申」,亦訓「和舒」,失之矣。」案:胡説是也。 之貌。」此經記者先言「申申」,後言「夭夭」,猶《鄉黨》先言 七月陰氣成體,自申束。 踧踖」,後言「與與」也。 「申申 頭,雖 如」者,所謂「望之儼然」,「夭夭如」者,所謂 「敕身齊戒,施教申申。」《説文》:「申,神也。 燕必冠,申申如也。」師古注云:「申申,整 從臼,自持也。」是「申」有約束之 「申申」言其敬,「夭夭」言其和。 漢《安 即 勅

字,非。」

平,制 何事 非鬼告之也,精 諷誦習業,夜親見文王、周公旦 故有此歎。 知老之將至,至是血氣益衰,力極罷頓,無復從前之精專, 文》:「寢,寐而有覺也。」今省作「夢」。 宥》篇:「人之老也形益衰。」高誘注:「衰,肌膚消也。」《説 明盛時夢見周公,欲行其道也。」正義曰:《吕覽·去 見周公。【注】孔 而不達? 禮作樂。 子曰:「甚矣吾衰 《吕氏春秋 何爲而不成? 魯是周公之後,故周禮盡在魯。 而熟之也。」案: 曰:「孔 博志》篇:「蓋聞孔子、墨翟晝日 也! 子衰老,不復夢見周 一而問焉。 故曰精 周公成文武之德,致治太 而熟之,鬼將告之。 久矣吾不復夢 夫子日有孳孳,不 用志如此其精也 夫子言「舍 公,

句。皇本「公」下有「也」字。《釋文》云:「本或無「復」注、張載《正蒙》、楊時《資吾院記》。今讀或以「久矣」屬下「吾衰也久矣」爲句,見翟氏灝《考異》所引《呂覽・不苟》以文、武之道,成一王法,與周公制作之意同也。舊讀以魯何適」,又屢言「從周」,故綴周之禮。其修《春秋》,繩之

善,則拳拳服 也。 謂於仁人當依倚之也。「游於藝」者,《學記》云:「不興其 所以教國子,故鄭注《少儀》依用之。 含宏者也。敏德,仁義順時者也。 官・師氏》之文。 「德,三德也。 大學之道也。「德」者,《少儀》云:「士依於德。」鄭 曰:此夫子誨弟子進德修業之法。「道」者,明明德、親 人,故可倚。藝,六藝也。 杖也。德有成形,故可據。 藝。」【注】志,慕也。 言「據」者,據猶守也。《中庸》言顏子「擇乎中庸」 子曰:「志於道、據於德、依於仁、游 膺 一曰至德,二曰敏德,三曰孝德。」此本《周 而弗失之」,即據德矣。 鄭彼注云:「至德,中和之德,覆燾 道 不可體,故 不足據依,故曰游。 依,倚也。 孝德,尊祖愛親。]三德 《論 「依仁」,猶言親仁, 志之而已。 語 仁者功 业 文義 施 注 當 Œ. 民 於 於 口

《大韶》、《大夏》、《大濩》、《大武》也。 注云: 從 也。 訓 游」〇正義曰: 嬴不足、旁要。」」唐石 諧聲也。 表、 矢、參連、剡注、襄尺、井儀也。 五御,鳴和鸞、逐水曲 云: 五 游。」然則游者,不迫遽之意。《少儀》言「士游於藝」,鄭 游焉。」鄭 藝,不能 御, 政,而以爲不足據依,亦異乎吾所聞 舞交衢、逐禽左。 「五禮,吉、凶、賓、軍、嘉 禮樂不可斯須去身,故周公自稱「多藝」。 道不可 五日六書,六日 「藝,六藝也。 樂學。」 九數,方田、粟米、差分、少廣、商功、均輸、 體」,「德有成形」,皆清虚之論,不可 「興之言 《説文》云: 又云: 經 六書,象形、會意、轉注、指事、 故 九數。」亦本《周官・ 曰 喜 游 五禮,二曰六樂,三曰五射 也 君子之於學 「據,杖持也。」「依,倚 也。 作「遊」。 歆 也。 六樂、《雲門》、《大咸 鄭司農云:「五射、白 游 也, ○注「志慕」至 謂 藏焉修焉 閒 保 暇 夫子言藝能 氏》。 無 也。」並 以 事 解 方程、 假 、過君 彼 四 此 於 息 \exists 借 文 常 注 彼 之 馬 日

也 焉。」【注】孔曰:「言人能奉禮自行束修以上,則 誨 之。」正 周 子 曰 : 官 義日 膳 自 大 》: 行束修 凡 修 肉脩之頒賜 與 脩 以 同 上,吾未嘗 謂 ,皆掌之。」《腊人》: 以 脩爲 摯,見其 無 誨 皆 師

同義。 鄭注: 年 弟 日: 爲成人,十五以 而 年。 若然,則十五以下未能 脩謂年十五以上也。二李引鄭注,所以廣異義。 漢•延篤傳》注:「束脩謂束帶脩飾。 束脩者、未嘗有所教誨。」是「束脩」爲 者五,爲脡者十,故謂之束。」取其與「東帛十端而 脡脯也。」以非一脡,故須束之。 之法,左朐右末執之。 縮 之而施薑桂 惟君束脩仁知。《幽州刺史朱龜碑》: 禮薦脯五膱。 掌乾肉,凡田 也 ,與鄭義同。 根其本性。』《隸續・ 退。」委擊者,委於地 『湛自行束脩, 訖無毀玷。』 《隸釋·謁者景君 劉炫傳》:「後進質疑受業,不遠千里,然嗇於財,不行 ,乾燥而縮也。」《曲禮》云:「以 《北史·儒林傳》:「馮偉門徒束脩一毫不受。」《隋 「屈中曰朐。」此弟子行束脩於其師,亦當如 日 鍛 獸之脯 上可 若《後漢· 凡作脯之法,皆以條肉中屈之,五 脩。」《釋名 以 腊膴胖之事。」 金恭碑》: 稱「東」者、《少儀》疏云: 也。 行擊見師,故舉 和帝紀》「束修良吏」、《鄧 《後 行摯,故 釋飲食》: 漢 孔氏廣森《經學卮言》: 「束脩聰。」皆 脯脩置者,左朐右 《曲禮 伏 鄭 鄭 其 注: 「仁義成於束脩,孝 湛傳》: 注《論 摯禮。 「脯 所行之摯以 **※**云: 薄析日 又曰 以 杜 語》曰:「東 「童子委摯 「束脩,十 人年十六 李賢 膱則 東 墓表 五匹 脩。 置脯 詩 脯, 表其 爲胸 末。」 薦 《後 者 脩 湛 脩 棰

嚴,故 解《論 是誣鄭矣。 皆以約束修飾爲義,而其字與「脩」通用。 也。 義與《古》同,段「悔」字爲之。 之。」案:《魯論》義不箸,包 也。 並 義引孔 日 論》,則「束修」不謂脯脡。 《易》曰 「悔吝」者,言乎其小疵 誨 慢藏誨盜」、《釋文》引虞作「悔」,二字同音叚借,疑《魯論 胡廣傳》「使束修守善,有所勸仰」、《王龔傳》「束修勵 馮衍傳》「圭潔其行,束修其心」、《劉般傳》「束修至行」, 故 是夫子教思之廣、雖未行束脩、亦誨之矣。 以 能 ,魯讀爲悔字,今從古。」包氏慎言《温故録》:「案《魯 ○注「言人能奉禮」

○正義曰:注義不明、《書·秦誓》正 漸 又曰「震、无咎」者、存乎悔。 時覺其有悔。 語 束修,不 進也。 此 》此文,且舉李賢「束帶修飾」之語 注 至闕黨童子,則使將命,互鄉童子,與其潔己, 云「束帶脩飾」,當是 恐人以束修即可無悔,故言[未嘗無悔]以 觸羅網」、《鄭均 自行束修以上,謂自知謹飭砥礪,而學 説但以意測。 鄭以《古論》義明,故定從 傳》「束修安貧、恭儉節 此注脱文,其義即李賢 聖人戒慎恐懼,省 ,以爲鄭義 後之儒者,移以 《易· 鄭注云: 繫 辭 亦然 察 節 整 海 傳 曉 維

子曰:「不憤不啟,不悱不發。舉一隅

所本。

神, 也。 同。 蜀石經「一隅」下有「而示之」三字、《文選・西京賦 《述何篇》:「聖人之言,皆舉一 篇》:「有法者以法行,無法者以類舉,以其本知其末 舉 其 作 人於學有所不知不明,而仰而思之,則必興其志氣,作其精 曰:《方言》:「憤,盈也。」《説文》:「憤,懣也。」二訓義同。 之,無物不在。」謂不書多於書也。」皇本、高麗本、鼂 約而旨無窮。 「經營四隅。」高誘注:「隅猶方也。」一隅三隅合爲四 從支启聲。」下引此文。 此 言,必待其人心 不以三 左知其右,凡百事異理 類,則不復重教之。」正義曰:《説文》云:「啟,教 則 一隅則可知三隅。 「反」者,反而思之也。 《荀子・大略 痛 故其心憤憤然也。 《文選 皇本「則」下有「吾」字。○注「孔子」至「教之」○正 識 思之深 隅反,則不復也。」【注】鄭曰: 方 嘯賦》注引《字書》曰:「悱 言》:「 董子説《春秋》云:「不能察,寂若無, 也。 憤憤,口 菲, 怒 下篇夫子言「發憤忘食」,謂憤 説 而 又「隅,陬也」。《淮南 相守也。」是其義也。 則 俳 悵 舉 悱,乃後啟 也。」「菲 隅而俟人之以三隅反, 隅 以 ,心誦也。」「誦」 語之,其人不 與 發爲 悱 一孔 原道 説 劉 同。 子與 之。 氏 公武 隅,故 訓 於 注 深 故 以 逢 也 一疑 人 廣 心 引 察 文 其 如

以

注 端,但 而筮 教喻也,開 不發,躍如也。」引者,引其緒也。 深,不敢不專心致志也。《孟子·盡心下》云:「君子引 之。」「力不能問」,故口悱悱也。 之悱悱憤憤,然後啟發也。」《記》又云:「力不能問,然後 復重 教之。 用力於思,而未得其義,乃後啟發爲説之,使人知思之宜 本鄭訓。 雅 舉 悱 「弟子初問,則 者,此勤 即《説文》「悲」字,當得之。 釋 隅」之義也。 蒙》彖云: . 爲學者開發大義而已,亦不事事使之通達 詁 《學記》曰: 作 而弗達。 **《學** 師 悲」、《説 ❶「初筮告,再三瀆。 而功寡,學者之災也。 ·記》所 告之以事義。 「不復重教之」者,言教之既不深思 開而弗達則思。」注云:「開 「時觀而弗語,存其心也。」注云: 文》無 謂「語之而不 悱 《玉篇》:「悱,口悱 當心憤憤口悱悱時, 又《學記》云:「故君子之 字,新 不 思 瀆則不告,利 心其三隅 瀆筮則不復告 知,雖 附 據 鄭 舍之可 相 注 況以 謂開 也。」並 補 貞。」鄭 :悱。」此 欲令 則不 己是 也」。 發 反 或 「使 解 此 事 而 語 疑

弓》云:「食於喪者之側,未嘗飽也。」注:「助哀戚也。」毛氏者哀感,飽食於其側,是無惻隱之心。正義曰:《檀子食於有喪者之側,未嘗飽也。【注】喪

思

而得之,亦所以利

義而幹事也。」

此注繫於後,與《釋文》所見本不合。奇齡《稽求篇》謂《檀弓》所記即夫子事。皇本連下章而

○注 答臨碩云: 也。此惟弔哭在前則然,若已歌而後聞他人之喪,則弔哭 事,是也。 於人,是日不樂。」毛氏奇齡《稽求篇》謂《檀弓》即指夫子此 琴瑟。」《曲禮》云:「大夫無故不徹縣,士無故不徹琴瑟。」 聲與樂齊作也。 亦有「也」字。 正禮所宜矣。 哀樂之心無常。」 一日之内亦不得歌也。 注:「故,謂災患喪病。」此弔人之喪,既以情親哀哭之故 也。」「歌,詠也。」《毛詩・園有桃》傳: 哭或歌,是褻於禮容。 子於是日哭,則不歌。 日」至「禮容」〇正義曰: 鄭注《檀弓》云: 謂一 皇本「日」下有 《釋文》云:「舊以 何休《公羊》注引《魯詩》傳:「大夫、士 言 日之中,既以哀事哭,又以樂而歌,是爲 人既以哀事哭 《曲禮》:「哭日不歌。」《檀弓》:「弔 正義曰: 「君子哀樂不同 也 皇本此 字。 爲别章,今宜 則竟 《説文》云:「哭,哀 【注】一日 曲 注脱 論 合樂曰歌。」謂 衡 日 日。」又《鄭志 當常有 感類 合前 之中, 章。 哀 心 H 人 或

「彖」,其下引文爲蒙卦卦辭,此字當衍。

0

徒

必

也

子

Ė

與爾有是」矣。 稱孔子「可以 維世之意,欲易無道爲有道也。 無道則隱」,此明人出處之正法。 得志,澤加於民,不得志,修身見於世。 於夫子爲三軍將,亦 止,謂 説之云: 大國 搏; 兼善 藏」,但言「用之」,「舍之」,不復計及有道、 一,唯 臨 「三軍。 爾有 子 天下。」即此義。 孟子謂: 「舍之」即可以止也。 暴 「言顔淵 事 我 謂 河,徒 與 顔淵 是夫。」【注】孔曰:「言可行則行, 而 虎 仕則仕」,謂「用之」即可以 子 顏 子路曰:「子行三軍 $\overline{\pm}$ 懼,好 涉。 馮 路 道 淵 曰:「用之則行,舍之則 窮不失義,達不離道。」又云:「古之人 河,死 見 施於世而莫之用。」是「行」、「藏 同。」正義曰:《新語 Œ 當誰與 孔子 案:下篇夫子言 謀 義 日 日 : 而 獨 顔子合符聖德,故夫子言 而 己 成者也。」【注】孔 此惟時中之聖能之。 美 「好謀」者,好猶善也。 無 同,故 若此云 顏 悔者,吾不與 淵, 窮則獨善其身,達 發此 仕 「天下有道則見, 「用之則行,舍之 以 慎微》篇引 也,「可以 則 爲己勇。 無道者 問。 誰 藏,唯 與 暴虎, 」皆指 曰: 孟子 可 ? 也。 止 Œ 此 **企**左 二 我 至 則 是 止 文 日: 爲 無 語 淜 軍。 之段借。

則

則

道

我

與

則

止

卿。」是大國三軍也。 決也。」《釋文》:「馮亦作憑。」皇本同。 好謀無決。」「無決」即是無成。 猶定也,定即決也,《三國 三:仁廢則文謀不足,武 襄 搏」云:「空手執也。」「徒涉」云: 治賦之才,故問 涉」○正義曰:《夏官・序官》:「凡制軍: 足。」是行軍當用謀也。 死,善死者不亡。」」案:《逸周書 暴虎,徒搏」,「馮河,徒涉」,並《爾雅·釋訓》文。 舟渡河也。」《玉篇 注》云"「王者行 四 「善爲國者不 年傳》: 王六軍,大國三軍,次國二 「咨難爲謀。」《説文》: 「馮」、《説文》訓 夫子行軍將誰 師,善師 師,以 「夫子爲三軍將」,即命卿矣。子路 焦氏 「徒涉 志·郭嘉傳》: 者不 全取 廢則 循 馬行疾」,别 「好謀而成」,即是好謀 陳, 勝, 日 與,冀己有 勇謀不 《補 「無舟 軍 淜。」今 武 「慮難 不 善陳者 疏》 小」國 紀解 以 Ŀ 足, 楫。」《説文》: ○注「大國 「好謀 輕 日 「袁公多端寡 經 萬有二千五百 所 不戰,善戰者不 備 一義 謀。」戴氏望《論 敵 典作 能 軍 廢 「謀有不足 爲 軍 以 上。 而 則 郭 自 將皆 事 成」,成 至 見 注 謀 耐 淜 傳 也 要 徒 者 命 能 不

爲之。【注】鄭 子曰: 富而 曰:「富貴不可求 可 求 也 雖 而 執 得之,當修德 鞭之士,吾 亦 以

居 求,然後爲之也。 引此文説之云:「故阨窮而不憫,勞辱而不苟,然後能有致 莫不受業焉。」此「孔子不仕」,謂「不可求」,「修《詩》、《書》、 不仕,退而修《詩》、《書》、《禮》、《樂》,弟子彌衆,至自遠方, 陪臣執國政,是以魯自大夫以下,皆僭離於正道。故孔子 子世家》言: 「定公五年,陽虎囚季桓子,季氏亦僭於公室, 田 未有不仕而能富者,故官愈尊,則禄愈厚。求富即干禄也。 鳳《發微》云:「《周官・太宰》:「禄,以馭其富。」三代以上, 鞭者,孟子云「仕非爲貧也,而 也。」「勞辱」即謂 「富而可求」,謂 此出《古論》,以「富貴」連文,「而」與「如」義通也。宋氏翔 人之道。」正義曰:《史記·伯夷列傳》引· 得之。若於道可求者,雖執鞭之賤職,我亦爲之。」 如不可求,從吾所好。」【注】孔曰:「所好者,古 、禮》、《樂》」爲「從吾所好」。 孔子自述出處之際,故以兩 |吾」字明之。」案:宋説與《古論》義合。《説苑・立節》篇 卑,辭富居貧。 ,其職與執鞭之仕同也。

●【不可求」,爲時不可仕。《孔 其時可仕,則出而求禄。 惡乎宜乎? 「阨窮不憫」,則從吾所好也。 執鞭,言雖勞辱之事,亦不可苟,當視可 有時乎爲貧。 抱關擊柝」。 孔子爲委吏、乘 「富貴如可求」, 今此言「富而 爲貧者,辭 但言爲執 尊

> 云。 也。 嘗不欲仕也,又惡不由其道。」即此義也。 「執鞭爲賤職 注:「趨辟,趨而辟行人,若今卒辟車之爲也。 禄在其中」、「學也禄在其中」之旨。 「於道可求」,謂仕之道 文》:「鞭,或作硬,音吾孟反,非也。」「吾亦爲之」,一本無 可求」,謂時可仕,兼己亦爲貧,故但可爲執鞭之士也。 人,子男則二人。」又云:「凡誓,執鞭以趨於前,且命之。. 者,鞭是刑具。《書》「鞭作官刑」是也。 《周官·條狼氏》: 言,亦《古論》義也。 「掌執鞭以趨辟。王出入則八人夾道,公則六人,侯伯則四 「者」字。○注「富貴」至「爲之」○正義曰:鄭以「富貴」連 ·亦」字,「之」下有「矣」字。 言士之賤也。」據《序官》,條狼氏是下士,故稱「賤」矣。 言己雖修德,仍視道可仕否也。孟子云:「古之人未 子之所慎:齊,戰,疾。【注】孔曰:「此三 修德以得富貴,即夫子言「寡尤、寡悔」 「如不可求」,皇本「求」下有 孔子曰云 《釋

云:「慎,謹也。」「齋,戒潔也。 者,人所不能慎,而夫子獨能慎之。」正義曰:《説文》 「齊」二文錯見。《祭統》云:「及時將祭,君子乃齊。齊之 從示,齊省聲。」經典「齋」、

0

事 聽,思齊則成,志齊則盈。 苟慮,必依於道。 耳不聽樂,故《記》曰「齊者不樂」,言不敢 爲言齊也,齊不齊以 由 道。」」此之謂也。 八:「《傳》曰:「居處齊則色姝,食飲齊則氣珍,言語齊則信 三日以齊之。」又云: 人有疾,當慎養。 也。 入其腠理。」即此 也。 《説文》云:「戰,鬭也。」慎戰,謂 《禮器》云: 慎疾者,所以守身也。 手足不苟動,必依於禮。」《韓詩 義也 苦酸辛甘不遺,形體有衰,雖在經絡,無 「子曰:「我戰則克,祭則受福。 致 「及其將齊也,防其邪物,訖其耆欲 齊者 五者齊,斯神居之。」並言慎齊之 也。 故散齊七日 「臨事而懼,好謀而 《金匱要略》言: 散其志也。 以定之, 蓋得其 外傳 心不 致齊

十六歲,三十七歲自齊反魯。」《説苑 三十五,昭公奔於齊。 味。」曰:「不圖爲樂之至於斯也。」【注】王曰: 曰:「孔子在齊,聞 韶》音」云云。 皇本「韶」下有「樂」字。《史記・孔子世家》言「孔子年 子 在 齊 不 江氏永《鄉黨圖 聞 圖 《韶》,三月不 作《韶》樂至 習《韶》樂之盛美,故忽忘於肉 魯亂, 孔子適齊,與齊太師 考敘》:「此適齊爲孔子三 於此。 知 修文》篇:「孔子 肉 此,齊。」正 味、【注】周 語樂,聞 至 義

齊聞 肌 於齊 肉味也。 秋時,陳公子完犇齊。 言孔子「學之,三月不知肉味」。「學之」二字,即安國故 周 味」〇正義曰:《文選·嘯賦》注引此注爲「周生」,或當 别是感痛之義,與上文不貫,似非是也。 圖」者,言《韶》樂之美,非計度所及也。《釋文》:「爲、樂 齊郭門之外,遇 曰:「爲,作」,常訓。注以「此」爲「齊」,言此《韶》樂不意 亦即此注所云「聞習」也。 丁公之不血食也。」此就《釋文》所載或本爲義。 並如字,本或作嬀,音居 憤忘食也。《説文》:「味,滋味也。」「圖,畫計難也。」「不 方作。」」此相傳夫子聞《韶》樂之事。 正,其行端。 「不知肉味」之下,正以贊美《韶》樂,所以聞習之久,至不 嬀,陳姓。 與周生能識別也。 膚而藏骨髓 也。 《招 》,三月 若以「爲樂」作「嬀樂」,「至於斯」爲陳將代齊,則 此王誤解。《漢書·禮樂志》:「夫樂本情性,浹 夫子蓋知齊之將爲陳氏,故聞樂而 孔子謂 不知 雖經乎千載 嬰兒,挈 6年日: 肉味。 「聞習」者,謂聞而習之。 陳,舜之後、《招》樂存焉。 危反,非。」包氏慎言《温 ○注「爲作」至「此齊」○正 「趣趨之! 日 ,其遺風餘烈尚猶不絶。 壺,相 「不圖爲樂之至於斯」,美之 與俱行, 「不知肉味」,猶言發 ○注 趣趨之! 其 《孔子世家 「周日」至「肉 視 深 然 故孔子滴 精, 痛太公 故録 ...此句 韶 至 其 也 》樂 春 至 義 時 知 承 心

一〇六

蔑以加於此矣,觀止矣。」」是言《韶》樂至美也。大矣! 如天之無不幬也,如地之無不載也。雖甚盛德,其善。又《左傳》:「吴季札見舞《韶箾》者,曰:『德至矣哉!甚也。」以「不圖」句爲美,義勝此注。上篇子謂《韶》盡美盡

帥 堅執王父命而辭父命者相反。 事 終於餓死,故問怨邪。 吾將問之。」入,曰:「伯夷、叔齊,何人也?」 是父命立之,及父死,不復拘執父命而讓國伯夷,與衛輒之 正義曰:《説文》云:「諾,뾆也。」引夷、齊者,借二子以 孔子以伯夷、叔齊爲賢且仁,故知不助衛君明矣。」 曰 而 曰 公薨而立孫 爲猶助也。 也。 「得仁,又何怨?」【注】孔曰:「夷、齊讓國遠去, 師圍之。 "「古之賢人也。」曰"「怨乎?」曰"「求仁 「夫子不爲也。」【注】鄭曰:「父子争國惡行, 冉有曰:「夫子爲衛君乎?」【注】鄭曰: 蓋輒之立及拒蒯聵,是以王父命辭父命。 故問其意助輒不乎。」子貢曰:「諾, 輒。 衛君者,謂輒也。 後晉趙鞅納蒯聵於戚城,衛石曼姑 以讓爲仁,豈有怨乎?」出, 若伯夷,則又遵守父命而終 衛靈公逐太子蒯聵, 然叔 齊亦 正衛

> 公卒。 檃括「古之賢人也」、「求仁而得仁」二句義,非本作「賢仁」。 於他子,且君没於吾手,若有之,郢必聞之。 傳》索隱、《文選》江淹《雜體詩》注引並作「又何怨乎」,疑古 何怨」下有「乎」字。《左傳》哀三年正義、《史記 阮氏元《校勘記》、皇本、高麗本、《考文》引古本、足利本「又 皇本「曰」上有「子」字,「賢人」作「賢仁」。惠氏棟《九經古 之誠,其心無非求仁,而即得仁,尚何所怨乎?《公羊》疏 争國,不得已而讓,皆不能無怨。惟夷、齊之讓,出於親愛 蒯聵之是非耳。云「怨乎」者,言伯夷不得立,叔 子詢其人爲何如,蓋欲以知夫子之爲衛君與否,而 太子蒯聵得罪君夫人南子,❶出奔宋。《哀二年》: 本如此。○注「爲猶」至「不乎」○正義曰:"《詩・鳧鷖》: 義》引下鄭注「賢且仁」,以爲古本「賢仁」之證,不知鄭注乃 解《論語》此文,以爲夷、齊適周,怨周王不用其言,非矣。 讓國不受,與衛蒯聵之棄父命而争國者相反。 《釋文》:「「吾將問之」,一本無「將」字。」「曰古之賢人也」, 「福禄來爲。」鄭箋:「爲猶助也。」《左定四年傳》言衛靈公 夫人曰:「命公子郢爲太子,君命也。」對曰: 且亡人之子輒 故子貢於二 伯 齊或恐兄 兼 夷列 以 明

0

[「]四」上,據《左傳》脱「十」字。

衛輒四

年,此

問

當在

其

時。

0

注「夷齊」至「怨乎」〇

Ĕ

0

父之命。

當時臣民安之,大國助之,而夫子亦且爲公養之

蒯聵負罪出亡,已絶於衛,故輒得申王

仕,故冉有疑夫子爲衛君也。

夫子於哀六年自楚反衛,爲

無適子者立適孫。

説,故此注言「靈公逐蒯聵」,又言「立孫輒」也。 尊王父也。」二傳所言,自是衛人當日所據之義。

周人之法

鄭依爲

受也。 輒,以 世子 職出 之王父也。 逐蒯 之子也。 父有子,子不得有父也。 在。』乃立輒。」又《經》書:「六月乙亥,晉趙 穀梁傳》:「晉趙鞅帥師納衛世子蒯聵于戚。納者,内 職而 不以家事辭王事,以王事辭家事,是上之行乎下也。」 蒯聵于戚。 聵于戚。 伯討 奔及輒立拒父始末也。 不以父命辭王父命,以王父命辭父命,是父之行乎子 曼姑之義,爲固可以拒之也。 何用弗受也? 然則曷爲不立蒯聵而立輒? 立輒。 也。 信父而辭王父,則是不尊王父也。 三年春,齊國夏、衛石曼姑帥 此其爲伯討奈何? 戚者何? 然則 輒之義可以立乎? 以輒不受也。 齊國夏曷爲與衛石曼姑帥 衛之邑也。 《公羊傳 輒者曷爲者也? 曼姑受命乎靈公而 以輒不受父之命,受 **曷爲不言**人于 蒯聵爲無道,靈公 「晉趙鞅帥 日 師 鞅 可。 帥 圍戚。」此 其弗受,以 師 其可 師 納 蒯 衛? 師 納 衛 弗 奈 聵 立 韋 衛 蒯 世 焉? 夷。 高」,即引此文説之。 日 :

何 ?

戚?

國」,是兼絶之也。 皆爲仁也。《左僖八年傳》:「能以國讓,仁孰大焉?」○ 隱於首陽山,采薇而食之。 「父子」至「明矣」〇正義曰: 不言蒯聵争國,而曰「父子 國,終於餓死之事也。 武王已平殷亂,天下宗周,而伯夷、叔齊恥之,義不食周粟, 國人立其中子。 《史記· 伯夷曰: 「父命也。」遂逃去。 及至,西伯卒,武王東伐紂。 伯 夷列傳》:「父欲立叔齊。 於是伯夷、叔齊聞 何休《公羊解詁》謂 伯夷能順乎親,叔齊能恭其兄,孝弟 遂餓死於首陽山。」此即二子讓 叔齊亦不肯立 西伯昌善養老,盍 伯夷、叔 「輒雖得 及父卒,叔 齊叩馬 正,非義之 而逃之, 齊讓 而 諫 伯

【注】鄭曰:「富貴而不以義者,於我如浮雲,非己之 疏也。」《詩・召旻》: 有。」正義曰:《説文》云:「飯,食也。」「疏,粗也。」●「粗: 孔子以此爲樂。」不義而富且貴,於我如浮雲。 在其中矣。【注】孔 子曰:「飯疏食飲水,曲肱而枕之,樂亦 「彼疏斯牌。」鄭箋: 曰:「疏 食,菜食。 疏,麤也。 肱,臂也。 粸

粗 據《說文》當作「通」。

❶段氏玉裁《説文》注 衣惡」是也。 「稷與黍稻粱校,則 「糲米與 粺 米校 ▷, 則 稷 糲 爲 爲

米也 粗。』《喪服傳》「食疏食」,注「疏猶麤也」是也。 粗。」《國語》「食粗 方用爲常食,比粱黍爲賤也。 蔬」。」皇本作「蔬」,因孔注致誤。《説文》云:「枕,臥所薦 |言「疏食」,皆謂糲米,亦當兼稷言之。 《釋文》云:「「疏」,本又作 稷,今之高粱,北 案:《論語

大過。 我數年,若是,我於《易》則彬彬矣。」」彼文作「假」。 五十而知天命,以知命之年,讀至命之書,故可以 無大過矣。」【注】《易》:「窮理盡性,以至於命。」年 繫》、《象》、《説卦》、《文言》,讀《易》,韋編三絶。 子曰: 正義曰:《孔子世家》:「孔子晚而喜易,序《彖》、 加加 我 數年, 五. + 以學《易》,可 曰:「假 《風 以 俗 無

配中《周易學》云:「文王爻辭,惟九三言人事。《傳》則言 彬也。《世家》與《論語》所述不在一時,解者多失之。 學之,明《易》廣大悉備,未可遽學之也。 田」,是「加」、「假」通也。 以璧假許田」、《史記・十二諸侯年表》作「以璧加魯・ 息。」子蓋三致 行、言學、言進脩,无在非學也。 於《易》則彬彬矣」。「若是」者,竟事之辭。 竟,復述從前「假我數年」之言,故曰:「假我數年,若是,我 意 焉。 子 曰「五十以學《易》」,而 夫子五十前得《易》,冀以五十時 《象》曰: 及晚年贊《易》既 一君子以 言惟假年,乃彬 於 自 易許 姚氏 每 强 桂 不

貴,視之如浮雲然,明無所動於心也。

劉氏逢禄《述何

與

輒

篇》:「此因上章而類記之。不義之富貴,不特蒯聵

石曼姑之受命於靈公,皆不義也。」❷○注「疏食菜食

者、《説文》:「浮,汎也。」「雲,山川气也。」孟子謂「行一不

「不義而富且貴」者,謂不以其道得富貴也。「浮雲」 道得於此,則窮達一也,爲寒暑風雨之序矣。」斯其

義,殺一不辜而得天下,孔子不爲」。 故孔子自言不義之富

達

也。

秋・慎人》篇:

「古之得道者,窮亦樂,達亦樂,所樂非

窮 春

通

義·窮通》卷引《論語》亦作「假」。《春秋》桓元年

「鄭伯

首者。」「樂亦在其中」者,言貧賤中自有樂也。《吕

氏

之臂。」

入,臂上也。

肱,古或從肉。」《廣

雅

釋親》:「肽,

謂

0

也。

疏爲菜之通名,不爲粗惡,孔此

注 誤

也。

《説文》:

疏。

《禮記

月令》云:「有能取疏食。」注「菜曰

疏

是

肱 也

臂也」〇正義曰:

《説文》無「蔬

」字,疑古菜食之字

亦作

即即

糟, 鄭 箋當作「糲」。

劉氏」至「義也」,孫校:「《述何》義鑿,可删。」

消也。 論》。 可知 子尚周 讀 彪碑》:「恬虚守約,五十以斆。」此從《魯論》,「亦」字連下 承無過 者,言乎其小疵 學爲聖也,非 變七之九,象其氣之息也。 九,陰變八之六,亦合於十五,則彖變之數若一。 《易説》曰: 今從《古》。」此出鄭注。 是以自天祐之,吉无不利。 主變通,故學之而可與適道 而天地之道著,天下之理得。 是故君子居則觀其 也。」案:《魯》讀不謂學《易》,與《世家》不合,故鄭從《古 ,當無小疵。 所從生,用 矣。」案:「學《易》可以無大過」者,易之道,皆主中行, 戴氏望《論語注》:「「加」,當言「假」,假之言暇。 也。 故大一取其數以行九宫 流四方,故言「暇我數年」也。「五十」者,天地之數。 易 《釋文》云:「學易,如字,《魯》讀「易」爲「亦」, 徒趨吉避凶已也。 無過可補,而云「可無大過」者,謙言不敢 也。 五用十以學《易》,謂錯綜變化以求之也。 陰 象 无咎者,善補過也。」夫子聖德, 陽,合而爲十 而 惠氏棟《九經古義》:「《外黄令高 玩其 陰動 吉凶者,言乎其失得也。 ,可與立權也。 聖之所以 四四 解,動則觀其變而玩 有天地即有易,既作《易》, 而退變八之六,象其氣之 正 五之謂道。」陽變七之 四 維皆合於十五。 爲聖,求 《繋辭傳》云: 陽動 諸《易》而 其占。 而進 悔 既 時 Ŧī. 自 學 吝

子所

雅言,【注】孔

曰:

雅

言,正

言

也。

死。 者,成己成物之學。 皆易數,亦備一 既濟,定六位,正王度,見可不遇大過之世也。」此以 音、 曰:《易·説卦》文。 中,上下皆陰,故 六律、七宿 聖人使陽升陰降, 由 義。 《雜卦》曰「大過,顛也」。 此 作焉。 「至命」,則所以 ○注 「窮理」者,致 由復出 易 大過 窮 震,自 理 於 消 盡 盡 知格物之學。 臨 性 息爲 人事而 而 以 泰,盈乾生 至於 + 顛 川陽 月 達天道 命 卦, 息,萬 虚 _ E 陽 五十 一井,終 伏 性 陰

象》、《傳》,必曰

以以以

者,學之謂

也。」又曰:「學《易

《書》、執禮必正言其音,所以重先王之訓典,謹末學之流 之。 《詩》、《書》、執禮、皆雅言也。【注】鄭曰:「 失。」又云:「昔者,周公著《爾雅》一 必 氏觀旭《偶記 執禮,皆雅言也。 「言執」〇正義曰:《詩》、《書》皆先王典法之所 《駢枝》曰:「夫子生長於魯,不能 不 王典法,必正言其音,然後義全,故不可有所 正言其音。 誦,故言執。」正義曰: 「所」字,即指《易》言。 影謂 鄭以 「樂在《詩》、禮之中」是也。 此略本焦氏循《補 雅 訓 正,故僞孔本之。 此承上章「學《易》」之言而 乃不獨《易》也,若《詩》、《書》、 不 篇 魯語。 疏》説。 ,以釋古今之異言 先從叔丹徒 惟誦 ○注「讀 不及樂者,方 在,故讀 一、詩》、 諱。 先」至 讀 類記 禮 先

通方俗之殊語

也,

義,正

而實辨,言協

而

志

通。

爲言夏也。《孫卿・榮辱篇》云:「越人安越,楚人安楚,君 書名,聽聲音,正於王朝,達於諸侯之國,是謂雅言。 撫邦國諸侯者,七歲屬象胥諭言語,協辭命,九歲屬瞽史諭 聖人,正名百物以顯法象,別品類,統人情,壹道術。 ,故以《雅》名,列國之音不盡正,故以《風》名。 也。」五方之音不同、皆以近正爲主也。 《詩》之有《風》、《雅》也亦然。 綜集謡俗,釋以雅言,比物連類。 王者就一世之所宜,而斟酌損益之,以爲憲 然而五方之俗不能彊同,或意同而言異,或 劉熙《釋名》曰: 其後事爲踵起,象數滋生,積 「爾,昵也, 昵,近也。 王都之音最 使相附 王之所以 雅之 名定 上古 漸 雅, 近 增 《考異》云:「古者,學禮行禮,皆有詔贊者爲之宣唱 其言,恐事亦失正也。」 使無失錯。若今之贊禮官,其書若今之儀注。 禮之,婦人執其禮。」」諸文皆言「執禮」,與此經同。 禮,執禮者詔之。」《雜記》曰:「女雖未許嫁,年二十而笄」 日,執《書》以次位常,凡射事,執其禮事。」《論語駢枝 執。《周官·大史》:大祭祀,宿之日,讀《禮》、《書》,祭之 聞》引葉夢得曰: 禮亦有讀,但此執禮是在行事時,故言「不誦」也。 曰:「執猶掌也。 「不諱」亦雅言之一端,故舉以明之。 「《詩》、《書》不諱,臨文不諱。」注云: 執禮謂詔相禮事。《文王世子》曰: 『秋學 「蓋古者謂持《禮》、《書》以治人者,皆曰

故曰《爾雅》。 言同而聲異。 法,所謂雅也。 加,隨時遷變。

正

以 諸梁,楚大夫。 憂,不知老之將至云爾。」 【注】孔曰:「葉公,名 ·女奚不曰: 其爲人也,發憤忘食,樂以忘 答。」正義曰: 葉公問孔子於子路,子路不對。 「發憤忘食」者,謂好學不厭幾 食采於葉,僭稱公。 不對者,未知 子曰 忘食也

詩

禮,皆用雅言,然後辭義明達,故鄭以爲義全也。

用官韻,又居官臨民,必説官話,即雅言矣。

《曲禮》云:

後世人作

執 而 王

西都之雅音,固未盡廢也。夫子凡讀《易》及《詩》、《書》、

東遷,下同列國,不能以其音正乎天下,故降而稱

《風》。

發明鄭義,至爲確矣。

周室西都,當以西都音爲正。

平

也,積靡使然也。」然則「雅」、「夏」古字通。」謹案:《駢枝

.儒俗篇》云:❶「居楚而楚,居越而越,居夏而夏,是非天性

是非知能材性然也,是注錯習俗之節異也。」又

子安雅。

以

「禮不誦,故言執」者 「爲其失事正。」鄭

《困學紀

翟氏灝 校呼

於此而不

IE.

⁰ 俗」, 據《荀子》當爲「效」。

僞孔矣。 守邑大夫皆稱公。」則以公爲僭稱,漢儒已有是説,不始於 成公、白公。 此葉公亦是四命之孤,非因僭稱也。 鄭注《禮・緇衣》云「葉公,楚縣公」是也。《鄉飲酒禮 今縣治二十里。據《左傳》,葉公是縣尹,非食采之邑。 傳》稱「沈諸梁」、《莊子釋文》云:「姓沈,名諸梁,字子高。」 家》「其爲人也」句下,有「學道不倦,誨人不厭」二句。 注《吕覽・察微》篇、《淮南 命也。」若然,則諸侯臣得稱公,故《左傳》有邢公、棠公、商 杜預《左宣三年傳》注:「葉,楚地,南陽葉縣。」❶其故城距 五年傳》:「葉公諸梁之弟后臧,從其母於吴。」《哀十六年 路」云云。計夫子時年六十三四歲,故稱「老」矣。又《世 年,孔子自蔡如葉,葉公問政」云云。 舍也。」是夫子忘老之意也。《孔子世家》言「齊景公卒之明 忘身之老,自彊不息也。《荀子・勸學篇》:「真積力久則 大國有孤四命,謂之公。」《士喪禮》注:「公,大國之孤四 至」下有「也」字。 人,學至乎没而後 樂以忘憂」者,謂樂道不憂貧也。「不知老之將至」者,言 「未知所以答」者,子路以己之知不足知聖人也。 此也。 ○注「葉公」至「以答」○正義曰:《左定 故學數有終,若其義則不可須臾 · 覽冥訓》並云:「楚僭稱王,其 「他日,問孔子於子 然高誘 ※注: 皇本 故

子曰:「我非生而知之者,好古,敏以求

承,且以勸勉人也。 承,且以勸勉人也。 承,且以勸勉人也。 「報」,勉也。言黽勉以求之也。説本朱氏彬《經傳考證》。 皇本「敏」下有「而」字。○注「言此者勸人學」○正義曰: 皇本「敏」下有「而」字。○注「言此者勸人學」○正義曰: 之者也。」【注】鄭曰:「言此者,勸人學。」正義曰:

問 義。 所 欲以深戒人君,當修德力政,不諱言之矣。「奡盪舟」,《憲 地震、山崩之類、皆是災變、與怪不同、故《春秋》紀之獨詳 骨節專車之屬,皆是因人問答之,非自爲語之也。 也。」此常訓。《書》傳言夫子辨木石、水土諸怪,及防風氏 禮·曾子立事》篇:「君子亂言而弗殖,神言弗致也。」即 弑君,子弑父。神,謂鬼神之事。 異也。力,謂若奡盪舟、烏獲舉千鈞之屬。 》篇文,説具彼疏。「烏獲」,見《孟子・告子下》。 趙岐 不忍言。」正義曰:「不語」,謂不稱 ○注「怪怪」至「忍言」○正義曰:《説文》云:「怪,異 子不語怪、力、亂、神。【注】王曰:「怪,怪 或無益於教化,或 道之也。 亂 至日食 令大 謂 臣 戴 此

❶ 「南」上,據《左傳》注脱「今」字。

言]者,解不言亂事也。] 反德爲亂,亂莫大於弒父與君。」故舉以釋之。 皇疏: ·無益於教化」者,解不言怪、力、神三事也。 云 「或所不忍 「古之有力人也,能移舉千鈞。」《左宣十五年傳》: 云云 一民

之内,何求而不應哉?」《釋文》:「「我三人行」,一本無 賢尚勝,故託斯言以厲之。夫三人之行,猶或有師,況四海 與「不善」,謂人以我爲善不善也。 高麗本、《考文》據古本、足利本「三」上並 彼二人皆爲吾師。《書・洪範》云:「三人占,則從二人之 吾則改之。是吾師也。」與此文同義。」案:如錢説,是「善」 録》:「《左傳》子産曰:「其所善者,吾則行之,其所惡者, 曰:「三人」者,衆辭也。 本無賢愚,擇善從之,不善改之,故無常師。 言。」此之謂也。皇疏引王朗曰:「于時道消俗薄,鮮能 而從之,其不善者而改之。」【注】言我三人行, 人以我爲善,我則從之,二人以我爲不善,我則改之。 是 「得」,與《釋文》本合。 子曰:「三人行,必有我師焉,擇其善者 「必得我師焉」,本或作「必有」。」唐石經及皇本、 「行」者,行於道路也。錢氏坫《後 馮氏登府《異文考證》:「案:何 我並彼爲三人,若彼二 有「我」字。「有」 正義 崇

> 通也。下篇子貢曰:「夫子焉不學? 非謂一人善一人不善也。 本無賢愚,其有善有不善者,皆隨事所見,擇而從之改之, 師」〇正義云:注似以「行」爲「言行」之「行」。 三人之行 至「有」作「得」、《史記・世家》亦如此。」〇注「言我」至「常 注、邢疏並云「言我三人行」、《穀梁》范注亦云「我三人行」。 子曰:「天生德於予,桓魋其如予何?」 既從其善,即是我師,於義亦可 而亦何常師之有?」

生。 年,當魯哀三年。 主於司城貞子家。」《宋世家》則以孔子過宋在宋景二十五 予,桓魋其如予何?」是此語爲夫子答弟子之辭。《世家 樹。孔子去。弟子曰:「可以速矣。」孔子曰:「天生德於 曹適宋,與弟子習禮大樹下。宋司馬桓魋欲殺孔子,拔其 生德於予」也。《史記・孔子世家》云:「孔子去衛過曹,去 曰:《書·召誥》云:「今天其命哲。」是人之知愚,皆天 性,德合天地,吉無不利,故 【注】包曰:「桓魋,宋司馬。 天生德者,謂授 云:「是歲,魯定公卒。」爲定十五年。 在湣公六年,當魯定十四年。 夫子五十知天命,知己有德,爲天所命,故此復言「天 《陳世家》及《十二諸侯年表》又以孔子至 傳聞異辭,未知孰是。 日『其如予何』。」正 又云:「孔子遂至 我 以 所 聖

陳

桓 注 夫子聖 性,是天所授,雖 此夫子據天道福善之理,解弟子憂懼之意。 ご至「予何」○正 「聖性」者,孟子以 義日 遭困 堯、舜爲性之言,性成自然也。 阨, 桓 無損聖德,故曰「吉 魋 即 向 魋 稱桓 者,向是 若微 無不

服

而過,則又知命所宜然矣。

乎爾。 之,所謂「中 曰: 聖人知廣道深,弟子學之,既不能及,故夫子亦 乎」,又「吾無」下有「所」字。 爾」與《詩》之「俟我于著乎而」、《孟子》「然而無有乎爾」, 故弟子疑有所隱也。 不盡其材。」注謂師 不與爾共之者,是丘之心。」正義曰:《學記》云:「教人 子學之不能 【注】包曰:「二三子,謂諸弟子。聖人知廣道 .則亦無有乎爾」,俱齊、魯間語辭。」皇本作「以我爲隱子 ,故夫子復以 子曰: 二三子以我爲隱乎? 下篇「予欲無言」章義同。 吾無行而不與二三子者,是丘 人以下,不可 及,以爲有所隱匿,故解之:我所爲 無隱 有所隱也。 「行」者,謂所行事也。 「與」猶示也, 一解之。 語 上 ○注「聖人」至「之心」○ 也。 夫子以身教,不專以言教, 明我之心,凡所爲學,無不 趙氏佑《温故録》::「『乎 乃弟子則疑夫子 吾無 深 也。」 有所 不教 Ĕ 弟 隱 無 義

也。」《説文》:「隱,蔽也。」與「」」同。「」,匿也。象迟曲隱乎? 注此義亦通。「隱匿」者,《爾雅・釋詁》:「隱匿,微欲與二三子共之,但二三子未能幾此耳,疑我爲隱,不亦過

蔽形,讀若隱。」

教弟子先行後學文不同。 行,故曰忠信之人,可以學禮。此四者,皆教成人之法,與中以盡心曰忠,恒有諸己曰信。人必忠信,而後可致知力凡博學、審問、慎思、明辨,皆文之教也。「行」謂躬行也。質,可舉以教。正義曰:「文」謂《詩》、《書》、《禮》、《樂》,子以四教:文,行,忠,信。【注】四者有形

物也。 《大戴禮·五義》篇:「所謂聖人者,知通乎大道,應變而不 窮,能測萬物之情性者也。」是言聖人無所不通,能 恒矣。」【注】孔曰:「難可名之爲有常。」正義曰 矣。亡而爲有,虚而爲盈,約 君子者,斯可矣。」【注】疾世無明君。子曰 也。」《韓詩外傳》:「言行多當,未安愉也, 「善人,吾不得而見之矣,得見有恒者,斯可 子曰:「聖人,吾不得 《禮記 哀公問》篇: 「子曰:『君子者,人之成名 而 而 見之矣;得 爲泰,難乎有 知慮多當,未周 成己成 見

事。 故 然 也。」案《中庸》云:「君子之道,闇然而日章, 小人之道, 的 久於其道,而忽不知人於聖賢之域,此夫子之思有恒 水之既平而終不盈 出 進 稱於水曰「水哉! 굸 善人,故有恒爲學者始基也。 風,恒,君子以立不易方。」非有恒,無以爲君子,即無由 密 有進鋭、退速之過,況其下者乎? 泰,以淺深取義。 人爲聖人之次也。 「有恒」者,有常也。 《易・象傳》: 人於室。」「人室」者,人聖人之室。 言踐迹,然後人室,是善 善人」者,下篇夫子答子張,言善人之道:「不踐迹,亦不 虚」者、《續漢・五行志》:「虚、空名也。」「盈」者、《説文》 中而涓 也。 也。 雖的然而日亡。 而日亡。」君子是有 滿也」。 《易》曰:「浚恒之凶,以求深也。」始而求深,在賢者尚 若不篤實,則虚夸。虚夸之人,必不能有常心而久於 故學者始但求小德,得 是篤厚君子、未及聖人也。」此聖人、君子之分也。 涓不息也。 「泰」者、《易・序卦傳》「通也」。 李氏光地《劄記》説:「有恒,是篤實之 也。 水哉」,爲其德至實,不舍晝夜,盈科後 的然,即亡而爲有諸象也。 終則其中未有,●有若無,實若虚,如 恒,故 惟如是,是以能常德行而習教 能 兩加「子曰」者,言非一時也。 闇 一善則拳拳服膺如水,雖 然 夫子有川上之歎,而 而 日 章; 亡有、虚盈、約 小 宋石經避諱 人是無 「雷 恒 事, 未 意 爲 呕

> 義同。 文》:「恒,心之常也。」《易・彖傳》:「恒,久也。」「久」、「常」 侯言之,所謂「上無明天子,下無賢方伯」也。 《考證》謂《釋文》所云爲後人校語也。 之爲有常」○正義曰:《爾雅・釋詁》:「恒,常也。」《説 〇正義曰: 注以聖人、君子、善人有恒,皆指當時天子、諸 前章合。」案:皇本正與前章合,不爲别章,或如 恒 作「常」。 《釋文》云: 「亡,如字。 此 ○注「疾世 舊爲别章,今宜 ○注「難可名 盧氏 無明君 文弨 與

制 鄭義也。 者,一 文》:「綱、維紘繩也。」《考工記》注: 屬著綱。 云:「作大綱横遮於廣水,而羅列多鉤著之,以取魚也。」 百三十四引鄭注云:「綱,謂爲大索横流 ,欲改經字也。《釋文》:「綱音剛,鄭本同。」「綱」字本可 竿釣。 子釣而不綱、弋不射宿。【注】孔 王氏引之《經義述聞》謂「綱」爲「網」譌,此不解 弋,繳射也。 網者,爲大網 宿,宿鳥。」正 以横 絶 綱 流,以 ,連侯繩也。」皇 義 屬釣。」案:《説 E: 繳 繋 曰:「釣 御 釣,羅 1. 覽》八 即 疏

❶ 「有」,據李光地《讀論語劄記》當作「大」。

用也。 射」矣。《説文》:「宿,止也。」言鳥棲止巢中也 以弋飛鳥。」彼注言「矰矢」爲「結繳於矢」,即此注所云「繳 飛鳥也。 僞孔此注亦是用鄭義。 者,列也,言非一鉤也。「繳」者,《説文》:「繳,生絲縷也。」 當作「繋鉤」。《文選・西征賦》注引此注正作「鉤」。「羅」 淇」是也。注言「一竿釣」者,對大綱有多鉤言之。「繫釣」 鐵絲爲之,以繳繫於竹竿之首。《詩》云「籊籊竹竿,以釣于 釣,故釣亦名鉤。《廣雅·釋器》「釣,鉤也」是也。 至「宿鳥」〇正義曰:《説文》:「釣,鉤魚也。」以鉤取魚謂之 故在天子、諸侯則三驅,在士則不綱、不射宿。」○注「釣者」 客則釣弋,蓋在禮所必然焉。古者貴禮不貴財,不欲必獲 自爲之,所以敬也。 不音,陸氏之意,亦恐人誤作「綱」矣。● 增矢茀矢,用諸弋射。」注"「增矢,弓所用也",茀矢,弩所 「天子、諸侯爲祭及賓客則狩,豈無虞人之供? 結繳於矢謂之矰。矰,高也。茀矢象焉。二者皆可 從隹、弋聲。」「弋」即「惟」省。《周官・司弓矢》: 狩之事大,而非士所得爲,故爲祭及賓 「弋,繳射」者,《説文》:「惟,繳射 物茂卿《論 鉤以 語 耐 徴》 細 躬

【注】包曰:「時人有穿鑿妄作篇籍者,故云然。」多子曰:「蓋有不知而作之者,我無是也。

也。 徵之,此可見聖人慎審之意。《漢書·朱雲傳贊》:「世 殺其恩,與情俱也。」此夫子修《春秋》,證之於所聞所見 所傳聞九十六年。於所見微其辭,於所聞痛其禍,於傳聞 桓、隱,君子之所傳聞也。 君子之所見也。襄、成、宣、文,君子之所聞也。 有傳聞。有見三世,有聞四世,有傳聞五世。故哀、定、昭 露·楚莊王》篇:「《春秋》分十二世以爲三等:有見,有聞 所逮聞也。 之」是也。《公羊哀十四年傳》:「《春秋》何以始乎隱,祖 見未廣,又不能擇善而從之識之,斯於義違失,即爲「不 聞,擇其善者而從之,多見而識之,知之次 述雲事多失實,則爲「不知而作」,「作」是作述,解者或爲作 朱雲言過其實。蓋有不知而作之者,我無是也。」謂世人傳 而作」矣。「擇善」貫下「多見」,故邢疏云「多見,擇善而 曰:「不知」者,不知其義也。 也。」【注】孔曰:「如 又夫子言夏、殷之禮、皆能言之,但以文獻不足,不敢 所見異辭,所聞異辭,所傳聞異辭。』《春秋繁 此者,次於天生知之。」正 所見六十一年,所聞八十五 無所聞見,必不能作。 僖、閔、莊 惟 年 之 知 聞

❶ 「綱」、《經解續編》本作「網」,是。

是次於生知也 下篇子曰:「生而知之者,上也; 事 自居學知,故言「我非生而知之者,好古,敏以求之者也」。 注:「次,猶貳。」○注「如此者次於天生知之」○正 誤 也。 廣 雅 釋 詁 * 次,近 學而知之者,次也。」夫子 也。」《 儀 禮 特 牲 義 曰: 饋 食

州項 日: 文 在陳州商水縣。 北 合鄉故城,即 子見」八字爲一句。 皇疏引琳公説 記》注:「童,未成人之稱。」《學記》注:「成童,十五以 曰: 也。」是「僮」、「童」義別。 而 鹿邑之外有互 ,當即滕縣東之合鄉。 有童子來見孔子,門人怪孔 互鄉,不知所在。《元和郡縣志》謂滕縣東二十三里 城縣北 辛 互鄉, 互. 鄉 難 互鄉。 男 鄉名也。 里,並有互鄉。 「此鄉有一童子難與言」,以「互鄉難與 鄉城,前 與言,童子見,門人惑。【注】鄭 有皋 方氏以智《通雅 非經旨。 顧 曰奴,奴曰童。」《人部》:「僮, 氏祖禹《方輿紀要》謂在今嶧 今經典俱段「童」爲「僮」。 其鄉人言語自專,不達時 代因立互鄉縣。」又《明 又《太平寰宇記》: 又《困學紀聞 ○注「互郷」至「見之」○正 》謂 子見之。」正 互鄉名古廧里,今在 》引王無咎 徐州沛縣、 義日 《禮 統 志》謂 縣 言 上。 未 · 雜 굸: 《説 宜。 睢 陳 西 有 童 冠 義

何》云: 日: 《鄉飲酒義》注: 璞《方言》注: 潔也,不保其往也。」【注】鄭曰:「往猶去也。 甚?【注】孔曰:「教誨之道,與其進,不與 子來見。子曰:「與其進也,不與其退也,唯. 州 人之爲行,或有始無終,或先迷後得,故教誨之道,潔 甚」也。 義也。「唯何甚」者,唯、語辭。 進,故宜與之。 正義曰: 何休《公羊》注: 「去惡就善曰進。」 童子來見是求 虚己自潔而來,當與之進,亦何能保其去後之行?」 怪 宜」,謂其俗鄙固不信人言也。言「怪孔子見之」,明非怪 地理家好牽附,恐他説亦多類此矣。 年,此後未見有析置互鄉事。」則無咎之言,閻氏已深斥之。 書》、杜氏《通典》、《隋・ 我見此童子、惡惡一何甚。」人潔己以進、與 言從今以往也。 諸 説 「潔」,唐、宋石經並作 「春秋列國進乎禮義者與之,退則因 不 同。 「保,言可保信也。」〇注 與孟子言「來者不拒」意同。 「絜,猶清也。」「保」,猶「保辜」之「保」。 閻 氏若 皇疏引顧歡曰: 『璩《釋 地理志》鹿邑名縣始隋開皇十八 地 「絜」。《説文》無 夫子不爲已甚 續 *\frac{\circ}{\times} 「往,謂 「言語自專,不 「往猶去也。」〇正 「余因《新》、《舊唐 前日之行。 而貶之,亦 劉氏逢禄《述 ,故云「唯 「潔」字。 其退 達 則 其 何 與 夫 郭 何 此

禮爲仁」,即此義。 一子曰:「仁遠 乎 哉? 我 欲 仁,斯 仁 至子曰:「仁遠 乎 哉? 我 欲 仁,斯 仁 至子曰:「仁遠 乎 哉?」 我 欲 仁,斯 仁 至子曰:「仁遠 乎 哉? 我 欲 仁,斯 仁 至子曰:「仁遠 乎 哉? 我 欲 仁,斯 仁 至

> 【注】孔曰:「以司敗之言告也。 《左傳》曰:「陳、楚名司寇爲司敗。」陳有司敗,本《論語》此 之。」於禮巫馬期當答揖,此不言者,略也。 故揖而進之也。皇疏云:「揖者,古人欲相見前進皆先揖 爲介。人俟於庭,及夫子退,期當隨行,而司敗仍欲與 人道宏,故受以爲過。」正義曰: 夫子見陳司敗,巫馬 告。子曰:「丘也幸,苟有 子,名施。相助匿非曰黨。魯、吴俱姬姓。 黨乎? 傳》。《周書·謚法解》:「容儀恭美曰昭。」 孔子 退,揖 官名。「子西歸死司敗 不昏,而君取之,當稱吴姬,諱曰孟子。」巫馬期以 巫馬期而進之,曰:「吾聞君子不黨,君子亦 而知禮,孰不知禮?」 【注】孔曰:「巫馬期,弟 進也」,「取」作「娶」。《釋文》:「娶,本今作取。」《説文》: 杜與僞孔同,與鄭異也。 君取於吴,爲同姓,謂之吴孟子。 」與「晉魏絳歸死司 昭公名禍,見《左襄三十一 諱國惡,禮也。 過,人必知之。」 寇」語 皇本「進之」作 同。 禮同 杜 聖 君 期 姓 注

論語正義卷八

❶ 「一」,據《左傳》文公十年爲衍文。

譣也。 旗」。 不取同姓, 子解》則云「陳人」。「姬」者,周姓。魯是周公之後,吴是泰 非 諱曰孟子」者,吴姬,猶齊姜、宋子之比。 姻不通者,周道然也。」是周禮同姓皆不昏也。 傳》曰: 伯之後,故云「俱姬姓」也。 《禮•坊記》篇: 「子云:「取妻 本字,凡作「期」皆叚借也。 語下》作「子期」。 旗。」而「期 玉繩《人表考》云:「《説文》:「施,旗也。」故齊樂施字子 有巫馬,「掌養疾馬 宣十八年傳》云:「吴國,今吴郡。」今江蘇蘇州府治。 娶,取 |吕氏春秋・具備覽》亦作「巫馬旗」。 此文作「期」者,梁氏 昭公之夫人也。」稱孟子,諱取同姓,蓋吴女也。 巫馬施,字子旗,少孔子三十歲。」《漢書·古今人表》及 巫馬」至「孟子」〇正義曰:「巫馬」者,以官爲氏。《周官》 禮 ,故諱稱吴孟子。《公羊》十二年:「孟子卒。」傳云: 《戰國策》「中期推琴」、《史・魏世家》作「中旗」,皆其 婦也。 繫之以姓而弗别,綴之以食而弗殊,雖百世而昏 以厚 」與「旗」 鄭豐施亦字子旗,見《左昭十六年傳》注。「旗 從女從取,取亦聲。」「吴」者,國名。 别 定四年「子期」、《吕覽・高義》注作「子 也。」故買妾不知其姓,則卜之。」又《大 |古通。《左》昭十三年「令尹子旗」,《楚 而乘治之」是也。《仲尼弟子列 鄭《目録》云「魯人」、《家語・弟 昭公知娶同姓爲 「當稱吴姬 何休注: 杜 傳》: 注《左 ○注

宋女明矣。 子本未仕。 子氏至自宋」,今《春秋》猶稱「夫人至自吴」,則稱「子」不爲 子爲宋姓,則以吴女詭稱宋女。若然,舊史所書應稱「夫人 孔疏謂:「依《春秋》之例,當云「夫人姬氏至自吴」,魯諱同 國。 本不當有遺失。」然則君有過惡,亦人臣之責。 静》篇: 人極,此滅也。 禮也」者,《左僖元年傳》文。 《公羊隱二年傳》: 言「吴之長女也」。」然則子是女子之稱。 其文,故經無其事是也。 姓,但書「夫人至自吴」。」仲尼修《春秋》,以犯禮明著, 死亦略云[孟子卒],不書[夫人某氏薨]。孟子蓋其且字。] 注:「吴、魯同姓也。 記》云:「魯《春秋》去夫人之姓曰「吴」,其死曰「孟子卒」。」 魯昭公始也。」注云:「不告於天子,天子亦不命之。」又《坊 者,昭公謂之也。 之。」據何注,則吳孟子乃昭公所稱。 昭公諱而 雖不諱 「所以爲君隱惡何? 謂之吳孟子、《春秋》不繫吳者,婦人繫姓 ○注「諱國」至「爲過」○正義曰: ,猶不繫也。不稱夫人,不言薨,不書葬,深 既未得 其言人何? 《禮・雜記》云:「夫人之不命於天子,自 諫而爲君諱,故注以爲道 昭公取焉,去「姬」曰「吴」而已。 賈逵《左傳解詁》:「言「孟子」,若 内大惡,諱也。」《白 君至尊,故設輔弼,置諫官 《論語》所云「謂之」 而杜注《左傳》以 云 宏也。 昭公時,孔 「無駭率師 虎通 静 國惡 全去 不 《坊 繫

始。今得司敗見非,而我受以爲過,則後人不謬,故我所以之後,遂承信我言,用昭公所行爲知禮,則禮亂之事從我而是稱己同於爲臣之義。皇疏云:「若使司敗無譏,則千載記》:「善則稱君,過則稱己,則民作忠。」此夫子言「有過」,

冀其善益嫻熟,故使人倡,乃後和之也。 (注】樂其善,故使重歌而自和之。正義曰:孫氏奇逢《雅》、《頌》則善矣。《説文》:「咊,相應也。」今作「和」,偏如孫此說,是「與人歌」爲教弟子樂也。合《韶》、《武》、《雅》、《頌》之音。」」為我此說,是「與人歌」爲教弟子樂也。合《韶》、《武》、《雅》、《頌》則善矣。《説文》:「咊,相應也。」今作「和」,偏不能以為,是一個人。」,一後和之。正義曰:孫氏奇逢漢其善益嫻熟,故使人倡,乃後和之也。

强爲文莫。」又《方言》曰:「侔莫,强也。北燕之外郊,凡勞吾未之有得。」【注】孔曰:「莫,無也。文無者,猶吾未之有得。」【注】孔曰:「莫,無也。文無者,猶子、之未能也。」正義曰:先從叔丹徒君《駢叔》子曰:「文莫,吾猶人也。躬行君子,則子曰:「文莫,吾猶人也。躬行君子,則

子·公孫丑》篇:「子貢問於孔子曰:「夫子聖矣乎?」孔子不能學,況仁聖乎?」正義曰:「爲之」,謂爲學也。《孟弟子不能學也。」【注】馬曰:「正如所言,弟子猶好不能學也。」【注】馬曰:「正如所言,弟子猶曰:「孔子謙,不敢自名仁聖。」抑爲之不厭,誨人曰:「孔子謙,不敢自名仁聖。」抑爲之不厭,誨人曰:「若聖與仁,則吾豈敢?【注】孔子曰:「若聖與仁,則吾豈敢?【注】孔

❶ 「叔」,據文意當作「枝」。

○正義曰:學不厭,教不倦,即是仁聖。 注義非是。 字,與《論語》異。『薄乎云爾』亦然。」○注「正如」至「聖乎」 何足與言仁義也云爾」,趙注以爲絕語之辭,「爾」當讀如 爲有,正此經確詁。「云爾」,即「有此」之詞。若《孟子》「是 也。」經傳「介」字,後人皆改作「爾」。《廣雅・釋詁》訓「云」 紹勳《拾義》:「「爾」,當作「命」。《説文》云:「命,詞之必然 義相發。 日: 知 知 聖 也, 則 鄭注云:「《魯》讀「正」爲「誠」,今從《古》。」胡 吾 教不倦,仁也。 不 能 我學不 仁且智,夫子既聖矣。」」與此 厭 而 教不倦也。]子貢曰: 「學 氏 章 木

則此有「病」字非。」吴氏嘉賓《論語説》:「父兄病而子弟於鬼神。」子曰:「有諸?」【注】周曰:「言有此禱於鬼神。」子曰:「有法。」」【注】孔曰:「子路失指。『禱爾于上下神祇。」」【注】孔曰:「子路失指。『禱爾于上下神祇。」」【注】孔曰:「子路失指。『言不之。《誄》曰:「孔子素行,合於神明,故曰「丘之禱久矣」。」正曰:「孔子素行,合於神明,故曰「丘之禱久矣」。」正曰:「稱文宗」、「子路共調、「孔子素行,合於神明,故曰「丘之禱久矣」。」正曰:「稱文宗」、「於、為語説》:「父兄病而子弟於鬼神。」(於、

《説文》:「祇,地祇。 段借用之。 吾坐席不敢先,居處若齋,食飲若祭,吾卜之久矣。二子路 覽》引《莊子》曰:「孔子病,子貢出卜。 者,「爾」是語辭。《漢書·郊祀志》:「孝武皇帝始建上下 祇」。」疏曰:「生人有疾,亦累列其德而爲辭。」故引《論語 哀公誄之。」或曰誄、《論語》所謂「《誄》曰: 曰:「誄,謂積累生時德行以錫之命。《春秋傳》: 此《論語》所引,自有一書名《讄》,與「誄」異訓,然經典不妨 累功德以求福。 以取必於鬼神也。」翟氏灝《考異》: 命之,使勿敢言,況請之乎? 禱 十九引舊注云: 之祀。」顏師古注:「上下,謂天地。」天神曰神 語》義當作「讄」,通作「誄」,當是《古》、《魯》文異。 「禱爾于上下神祇。」是知「誄」、「讄」通也。」據翟説,是《論 文以相續。又《小宗伯》: 言纍省聲。」重文「纝,或不省。」又「誄,謚也。 此不當使病者知也。 故《周禮 《論語》云:「讄曰: 「誄,大神之辭也。」《困學紀聞》: 提出萬物者也。」《太平御覽》五百二 大祝》:「作六辭,其六曰 周 「禱祠於上下神示。」注引讄曰 公之册祝,自以 子路之請禱,欲聖人之致齊. 禱爾于上下神祇。」從 「《説文》:「讄,禱也 孔子曰:「子待也 爲功,雖祝史皆 禱爾于上下神 從言耒聲。」 地 「《太平御 「孔子卒、 神曰祇 誄。」注 禱爾

素恭 請禱 恭肅於鬼神,自知可無大過,不待有疾然後禱也。 鬼神知其無罪,故曰禱久矣。」案: 夫子平時心存兢業,故 《論衡·感虚》篇亦云:「聖人修身正行,素禱之日久,天地 行合於神明」○正義曰:鄭注云:「孔子自知無過可謝,明 夫子問古有此禮否,故引《誄》篇之辭以對,爲失夫子本旨 不足之意。 否,意以子路或有因 請於鬼神之事」〇正義曰: 「子路失指誄禱篇名」○正義曰:「指」與「旨」同。 「禱,謝過於鬼神。」謂謝過以求福也。 可 肅於鬼神,且順子路之言也。」 僞孔此注當略本之。 「誄禱」當讀斷,與《説文》「讄,禱」訓同。 以參 禱 請於鬼神」〇正義曰:「請」者,請 鄭注云: |觀。」皇本「丘之禱久矣」,「禱」下有「之」字。 而 「觀子路曉 請禱 夫子問已有此禱請於鬼神之事 也。 此正夫子戰戰兢兢,常若 禱禮否。」又一義。 ○注「言有此禱 ○注「孔子素 福也。 言此者, 子路疑 ○注 鄭注

順也。」引《書》「五品 僭上,儉則不及禮。 也,寧固。」【注】孔 奢則不孫,儉則 不愻」。 固,随 曰:「俱失之。 今 也。」正義曰: 通作「遜」,或省作「孫」。 固。 奢 不 《説文》: 與其不 如 儉,奢 愻 孫 則

所以止子路。

有僭上之失,儉但不及乎禮,無他失也。○注「俱失」至「及禮」○正義曰:禮貴得中。奢則過禮

而

《詩·宛丘》:「子之湯兮。」毛傳:「湯,蕩也。」王逸《楚 熙曰:「君子坦爾夷任,蕩然無私。 文》引注更云: 【注】鄭曰:「坦蕩蕩,寬廣貌。 介於得失,故長爲愁府也。」 句》引作「蕩」。 名焉」,包曰:「蕩蕩,廣遠之稱。」與此「寬廣」訓同。 易俟命,無人而不自得,故心體常安。下篇「蕩蕩乎民無能 「坦蕩」至「憂懼」○正義曰:《説文》云:「坦,安也。」君子 子曰:「君子坦 二字音義本同,故鄭仍從《古》。 「《魯》讀「坦蕩」爲「坦湯」,今從《古》。」 蕩 蕩, 長戚戚,多憂懼。」 小人馳兢於榮利,❶耿 小 人 長 皇疏 戚 戚 引 辭 《釋 居 注 江

變」章義疏云「所以前卷云「君子温而厲」是也」,則皇本此今本同,不作「君子」,疑有脱誤。觀後《子張》篇「君子有三子德行,依此文爲是。」阮氏元《校勘記》:「案:今皇本仍與《釋文》云:「一本作「子曰」,皇本作「君子」。案:此章説孔《釋文》云:「一本作「子曰」,皇本作「君子」。案:此章説孔《程文》法而 安。 正義曰:

❶ 「兢」,據皇疏當作「競」。

永定張惟康校刊

論語正義卷九

寶應劉寶楠學

泰伯第八 集解

凡二十一章

喪之後,遂斷髮文身,三讓也。三讓之美,皆隱蔽不著,故喪之後,遂斷髮文身,三讓也。三讓之美,皆隱蔽不著,故以天下讓,民無得而稱言之者,所以爲至德生聖子文王昌。昌必有天下,故泰伯以天下三讓於生聖子文王昌。昌必有天下,故泰伯以天下三讓於生聖子文王昌。昌必有天下,故泰伯以天下三讓於生聖子文王昌。昌必有天下,故泰伯以天下三讓於生聖子文王昌。為為無得而稱焉。」【注】王曰:「泰伯,以天下讓,民無得而稱焉。」【注】王曰:「泰伯,以天下讓,民無得而稱焉。」【注】王曰:「泰伯,至

獨知。 讓 之?」仲曰:「刑有所謂矣,要於扶微者,可以立季。」季遂 曰: 歷。 而受之。」二説亦漢儒所傳,與鄭氏異。 斷髮文身,以隨吳俗。 立而養文王,文王果受命而王。孔子曰:「太伯獨見,王 薨,季之吴告伯、仲。 古公曰: 「我世當有興者,其在昌乎?」長子太伯、虞仲知 曰太伯,次曰虞仲。 不從太王命立己爲嗣也。《史記·周本紀》:「古公有長子 昭 始知終而能承志矣。』』《論衡・ 季又讓。 伯,西伯曰文王。」此文即鄭氏所略本也。《韓詩外傳》云: 古公欲立季歷以傳昌,乃二人亡如荆蠻,文身斷髮,以 人無德而稱焉。」案:《左僖五年傳》:「太伯、虞仲,太王之 「太王賢昌而欲季爲後也。 也。 ,王季不聽。三讓,曰:『吾之吴越。 吾刑餘之人,不可爲社稷宗廟之主。]王季知不可,權 「我死,汝往讓兩兄。 古公卒,季歷立,是爲公季。公季卒,子昌立,是爲西 伯見父志,季知父心。故太王、太伯、王季,可謂 太伯不從,是以不嗣。」虞仲即仲雍。「不從」者,謂 伯謂仲曰:「今群臣欲我立季,季又讓,何以 太姜生少子季歷,季歷生昌,有聖瑞 伯、仲從季而歸。 太王薨,太伯還,王季辟主。 彼即不來,汝有義而安。』太 太伯去,之吴。太王將死,謂 四諱》篇:「太伯人吴採藥 吴越之俗,断髮文 群臣欲伯之立季 太王薨後,季 太伯再 讓 處 季

議? 反, 爲子,故其美隱 則凡讓國者,或出於好名之念。 蔽不著」者,案:《孟子》云:「好名之人,能讓千乘之國。」然 猶歎爲至德,則 稱之,是謂 家,立爲國主」。 髮,從荆蠻之俗。 位,季必不受,故因太王病而託采藥以行。 非尋常人士所及者。 兄,則篤其慶,載錫之光。」觀 此 使 赴之,必屢促之,而太伯 作邦作對,自太伯、 若以奔喪反國,則本爲適長,理 讓 宜 太伯 价、仲 義,亦爲未達。 攝 使 獨自歸乎? 主 季歷 病而 且後既反國,則其始之採藥荆蠻,夫何爲者? 斷 :俱不隨 主喪, 託采藥出,生不事之以 無 載錫之光」。 置 季 亦王季厚明之所致矣。 蔽。 喪 《外傳》之言,於是爲疏矣。 死不葬之以禮,二讓也, 勢不容復返,故季不得已而受讓耳。 《太伯世家》言「荆蠻義之,從而歸之千餘 汎觀諸説,惟鄭爲允。《詩・皇矣》云: 而 事 心歸. 王季。 皇疏引范 或 友愛如太伯,固早知之。 事 將季遂偕逝乎? 當時民雖 決然不返。 於不問 維此王季,因心則友。 此, 應嗣立,群臣何敢興立季之 甯 則 惟太伯以讓之故,幾不得 ,而 禮, 説 無稱, 知王季恭兄之誼,必 有 往吴告 及免喪之後,文身斷 一釋。 其云「三讓之美,隱 讓 而歷世久遠,夫子 也; 斷髮文身,示不 及太王没,季歷 抑將受伯、 伯 太王殁,太伯 其後釋 知其父殁遜 太王薨而 仲 :之理。 《論衡》 則友其 傳 仲 云: 一帝 之 不 世 有 設

也。 也? 矣。 測。 冀以 也。』《孟子・公孫丑 下之念,豈其然乎? 王始居邠,及狄人侵之,去之曾不啻敝屣 以及文王,此自冀興其國之意, 時更延數世, \equiv 而有此深思遠防哉? 仲雍子爲己後爲三讓。 也。 自在免喪後從俗之時。 背,事爲不經」。不知端委治禮,乃君吴後事,其斷髮文身 鄭氏「隱蔽」之旨,輕爲譏彈,又謂 事,其迹甚著,不可得 可 隱蔽不著」之義也。 用 一讓」爲季歷、文王、武王,以武王始得天下故也 又案: 夫泰伯既君吴,雖立後,亦僅爲吴國之嗣,於周 至孫自立説 遜國,豈復以 荀子 使 日 此自美泰伯之德大言之耳,明泰伯 季 歷 鄭 正論篇》: 主 甫有天下, 豈得 本《周紀》,謂文王有聖表, 祭,祀 ,則弃太子位爲一 「不經」爲嫌? 》篇言「伯夷、伊尹與孔子、 然而夫子必言「泰伯以天下讓 而隱 「隱蔽」謂其美,非 不祭之以禮 此亦未爲得 「天下者,至大也 兩事判然,毫不相 讓、二 蔽 也。 非 併 讓 - 有所覬 晉孫盛著《三讓論 讓,不赴喪爲二讓,不 計之? 凡此之論,未足爲鄭 「斷髮之言,與《左傳》相 與鄭同,三讓則 理也。 讓 謂 也。」 而 ·非 故 覦 其 背。 太王 是 至 聖人 嗣周 於天下 謂 讓。 此即 又以 范 得百里之地 有所動於天 辱 欲 莫之能 能 甯 蓋 鄭 身遯 前 也。 然使 讓國之 有 立 文 孫 君 何 素 害 氏 天下 王 釋 所 與 迹 太 以 云

下讓 隱。 王季。 雍可 讓。 堯 下而讓之人,是謂 金履祥《通 論 愐 泰伯」 後漢. 君之、皆能 》及《劉祐傳》引經並 一舜,莫難於泰伯及周之服事。 此 若夫仲雍偕兄遜國,亦是至德,此不及者,表泰伯則仲 故弟子記此篇 ,謂終以 至「德也」〇正義曰: 皆注説之誤。 是泰伯有利天下之心,且讓迹甚著,復不得言其讓 丁鴻傳》注。 《釋 鑑前編》: 天下遜也。 文》: 以 朝 諸侯,有 「以天下讓」。 以 得, 「儀禮三遜,謂之終遜。」然則三以 邢疏引鄭作「得」,誤也。 至渾言三讓,不分節目,亦尚可 作 論泰伯 本 閻氏若璩《四書釋地》取之,即 「德」,皆是段 天下」,即此義 亦作德。」鄭 注言昌必有天下,故泰伯讓於 始,以 古之以天下讓者,莫大於 若禹雖傳世,而其始亦是 論堯、舜、文王及 「德」爲「得」。 此注即 也。 其德能 作 又《丁 「德」,見 ○注 鴻傳 禹 有 通 終 此 天 天

【注】葸,畏懼之 紋,紋刺也。」正義曰:「恭」、「慎」、「勇」、「直」,皆德行之 而 無 無 子 禮 禮 曰 猶 則 不 可 亂 恭 貌。 行 直 而 言慎 無 曲 而 禮 禮》所云: 無 而 則 禮 不 勞, 以 則 禮節之,則 慎 絞。 「道德仁義,非禮 而 【注】馬 無 禮 常畏懼。 則 日 葸 不

王

仁 其蔽也 也。 漢 • 《魯靈光殿賦》云:「心怨怨而發悸。」並字異 爲言久也。 皆化之,起爲仁厚之行,不偷薄。」正義曰: 鄭注云:「絞,急也。」與馬義不異。 鄭注此云「慤質貌」,與畏懼義亦相近。 下之一合而軋己也。』《漢書・ 之給,勇而不中禮謂之逆。」與此言「勞」、「葸」、「亂 成。」又云:「人 上文不相屬,宜别爲一章。「故舊」者,故之爲言古也,舊之 ○正義曰:「絞」者,兩繩 葸焉,近於不説其言。』《荀子 也。」《仲尼燕居》云:「敬而不中禮謂 「鰓,音「慎而 王氏念孫《疏證》:「《大戴禮・曾子立事》云: 『人言善 ○注「恵畏懼之貌」○正義曰:《廣雅・釋言》:「恵,慎 杜 君能厚於親 故舊不遺,則民不偷。」【注】包曰:「興,起 根傳》「好絞直。」君子篤於親,則民 絞。」《韓詩外傳》:「堂衣 《周 無 有 官 禮則葸」之「葸」。 禮則 屬,不遺忘其故舊,行之美者,則 大宗伯》: 安,無禮則 相 交之名,故引申爲 刑法志》作「鰓」,蘇林注 議 以 若以子貢 危, 兵篇》: 「諰諰然常 鰓鰓,懼 下篇云:「好直不好學 賓射之禮,親故舊 之野, 故 日 ○注「絞絞刺 貌 恭 禮 而義同。」案: 言之絞。」《後 而 者 也。」王 乖 不 舊説 不 刺 可 中 興 義近 之義 恐 而 此 延 也。」 不 禮 也 於 朋 壽 學 民

日 也。 其親,故舊無大故,則不棄也。」與此文義同。《毛詩・ 睦,友賢不棄,不遺故舊,則民德歸厚矣。」是言民化於上 序》云:「自天子至於庶人、未有不須友以成者。 屬」,意皆兼之。「遺忘」者,連文爲訓。《孝經》疏引劉 屬》云:「親,襯也,言相隱襯也。 傳皆假「篤」爲「竺」。 友。」注 寇》注「故謂 不偷薄」者、《説文》云: 爾雅・釋親》篇有宗族、母黨、妻黨、婚姻。 君」言之。《禮記・大傳》云: 興」訓起,見《爾雅·釋言》。 》云:「政不旅舊,則民不偷。」 《緇衣》云:「上好仁,則下之爲仁争先人。」此之謂也。 「遺,謂意不存録也。」下篇周公謂魯公曰:「君子不施 《説文》:「竺,厚也。」「篤,馬行遲鈍。」義異。 三: 「王之故舊朋友,爲世子時共在學者。」《小 舊知也」是也。 ○注「興起」至「偷薄」○正義 「媮,薄也。」「偷 郭忠恕《汗簡》載此文,「篤」作 「親者、屬也。」《釋名 「君子」,指在位者,故注以 屬,續也,恩 」與「媮」同。 此注所云「親 相連 親親 續 伐木 釋親 今經 也。」 日 **齊** 炫 以 司

於父母,不敢毀傷,故使弟子開食而視之也。」《詩》予手! 【注】鄭曰:「啟,開也。曾子以爲受身體曾子有疾,召門弟子曰:「啟予足! 啟

後。 引或説「跢」與 當出《古論》。「路」與「誃」音同,義亦當不異。段氏玉裁注 《説文》:「誃、離别也。 敢毁傷之意,皆所以守身也。詩文在《小旻》篇。毛傳: 文》「启,開也」、「啟,教也」,義别。 故曾子呼弟子啟其手足,以疾重預戒之也。 也。」「門弟子」,謂曾子門人也。 孔 冰」,傳云「恐陷也」。○注「啟開」至「之也」○正義曰: 志下》:「登遐,三公啟手足色膚如禮。」是啟手足在既卒之 「乃今日後、我自知免於患難。 而 云: 者,欲使聽識其言。」正義曰:《廣雅·釋詁》:「召,呼 戰戰,恐也。兢兢,戒也。」又「臨淵」,傳云「恐墜也」,「履 •四諱》篇載此文「開予足,開予手」,以訓詁代本字也。 曰:「此言《詩》者,●喻己常戒慎,恐有所毀傷。」 今而後,吾知免夫! 曾子既預戒之,又引《詩》言,自道其平日致謹其身,不 『戰戰兢兢,如 「哆」同。 讀若《論語》「路予之足」。」作「路」, 哆,開 臨 深 也,開 淵 小子!」【注】周 禮男子不絶於婦人之手。 小子,弟子也。 今經傳通作「啟」。 如 即 離別之義。 履 薄冰。』【注】 司馬彪《禮儀 呼之 日 《説

❶ 「此言」,阮元刻《十三經注疏》本《論語注疏》互乙。

傷」也。 之事 傷,自今日後,當無有患難致毁傷矣。「患難」,謂刑辱顛隕 徑,舟而不游,不敢以先父母之遺體行殆也。」皆言「不敢毁 是以有憂色也。」」又曰:「一舉足不敢忘父母,故道 謂全矣。」故君子頃步之不敢忘也。 今予忘夫孝之道矣,予 矣。父母全而生之,子全而歸之,可謂孝矣。不虧其體,可 之曾子,曾子聞諸夫子,曰:「天之所生,地之所養,人爲大 足瘳矣,數月不出,猶有憂色,何也?」樂正子春曰:「吾聞 其足,傷瘳,數月不出,猶有憂色。 門弟子問曰: 「夫子傷 不敢毁傷。』《大戴禮•曾子大孝》篇:「樂正子春下堂而傷 有「父母全而生之,亦當全而歸之」二句。 疾致有毁傷,故使視之也。《後漢•崔駰傳》注引鄭此注, 君以「啟」爲開,甚合古訓。 論》之意,當謂身將死,恐手足有所拘攣,令展布之也。 鄭 受身體於父母」句下。《孝經》云:「身體髮膚,受之父母, 疏證》引此文,謂「啟」與「晵」同,此亦得備一解。 又《説文》:「晵,視也。」《廣雅·釋詁》同。 王氏念孫 ○注「乃今」至「難矣」●○正義曰:曾子知未有毁 而以爲開衾視之,未免增文成 就義測之、當在 蓋恐以 而不

曾子有疾,孟敬子問之。【注】孟敬子,魯

也。 子是大夫,故告以君子之道。「容貌」者,《説文》:「頌,貌 貌」是也。」案:古有容禮,晉羊舌大夫爲和容,漢天下郡 當,故叔向曰「貌不道容」是也。絫言則曰「容貌」,「動 也。」「臭,頌儀也。貌,籀文。」段氏玉裁注:「頌,即今之 籩豆,禮器。」正義曰:宋石經避諱,「敬子」作「欽子」。 存。」【注】包曰:「故子忽大務小,故又戒之以此 說之,則無惡戾之言入於耳。」 籩豆之事,則有司 色,能矜莊嚴栗,則人不敢欺詐之,出辭氣,能 出辭氣,斯遠鄙倍矣。【注】鄭曰:「此道 動容貌,斯遠暴慢矣,正顔色,斯近信矣, 子,言我將死,言善可用。」君子所貴乎道者三: 哀,人之將死,其言也善。【注】包曰"「欲戒 大夫仲孫捷。曾子言曰:「鳥之將死,其鳴也 有容史,又魯徐生善爲頌,後有張氏亦善焉。頌即容也,亦 「容」字。凡容言其内,貌言其外。 動容貌,能 濟濟蹌蹌,則人不敢暴 析言則「容」、「貌」各 《慢之; 謂禮 正 順 顏 敬 敬 而

「難矣」,據注文當作「患難」。

0

也; 也, 發。 順 之始,在於正容體,齊顏色,順辭令。 交言語,故三者相次而言也。」案:《禮記・冠義》云:「禮義 處,故君子謹之。子夏言君子三變:「望之儼然」,謂容貌 必 色聲衆有美焉,必有美質在其中者矣,貌色聲衆有惡焉 也,言足信也。」《大戴禮•四代》云:「蓋人有可知者焉: 逆之名也。」邢疏云:「人之相接,先見容貌,次觀顔色,次 者,《史記·樂書》: 之禮,《曲禮》、《玉藻》及賈子《容經》言之詳矣。 出人,若「聲容静,氣容肅」是也。 散 天下儀象而望之,不假言而知宜爲人君者。」並與此文義相 、毛詩・終風》傳:「暴,疾也。」《説文》:「慢,惰也。」「鄙倍 韓詩外傳》: 鄙,狹也。」「倍」與「背」同。 色」謂凡見於面 有惡質在其中者矣。」是容貌、顏色、辭氣,皆道所發見之 文兼貌言之也。 ,而後禮義備。」《表記》云:「是故君子貌足畏也,色足憚 發 即之也温」,謂 「有司」者,有,語 而安中者,言 「故望而宜爲人君者,容也; 也。「辭氣」者,「辭」謂言語,「氣」謂 顔色也,「聽其言也厲」,謂 「顔色」者、《説文》以 也; 「鄙者,陋也。」趙岐《孟子・盡心》注: 解。 久 司,主也。 而可觀者,行也。 《荀子•大略》注:「倍者,反 卿大夫容貌、顔色、辭氣 《説文》云:「司,臣司 容體正,顏色齊,辭令 「顔」謂 近而可信者,色 故君子容色。 辭氣也。 「暴慢」者 眉 目之閒 鼻息 貌 又

遠。 辭。 之。 案 : 身,則怠惰慢易之節不至,修禮以 準。」又《桓沖傳》云:「臣司存閬外,輒隨宜 字連讀。 碑》:「庀徒揆日,各有司存。」翫其文義,皆當以「司存」二 禮》以「有司」爲士所自辟府史以下。 也。」」與此傳聞略異。 吾語女! 之義,非其朔也。《説苑・修文》篇:「曾子有疾,孟 書·儒林傳敘》云:「齊氏司存,或失其守。」 益可以 書·崔琦傳》:「百官外内,各有司存。」《文選· 士屬吏,謂君命之士。二者皆通稱「有司」。 事 \exists 人之屬。「存」者、《爾雅・ 人掌四籩之實」,「醢人掌四豆之實」,則 「存存,在也。」孫氏志祖《讀書脞録》:「蕭山徐鯤云: 於外 曾子曰:「鳥之將死,必有悲聲。 此訓「在」爲察,故「司存」二字連讀。 鄭注《檀弓》云: 若夫置尊俎 禮有三儀,知之乎?」對曰"「不識也。」曾子曰" 者也。」《廣雅 故《晉書・ 君子修禮以 ,列籩豆,此 職 「敬子、武伯之子、名捷。」此《釋文》 ○注「孟敬子魯大夫仲孫捷」○ 立志,則貪欲之心不來; 釋言》: 官志敘》云"「咸樹司 釋詁》: 有司之事也。 有 仁義,則 司,臣 「在,存也。」《釋 注《特牲》以 君子集大辟,必 「有司」即 自漢後儒者 也。」鄭 君 忿争暴 處分。」《北 據《周官》「箋 子雖 存,各題 思 有 注《士 籩 頭 亂 禮 不 證 《後 訓 司 陀 之辭 正義 往問 孳生 矣。 能 以 有

之。」此三代之異飾也。 賈疏謂:「鄭依漢禮器制度知之。」《明堂位》:「夏后氏以楬 器謂之梪,❶從木豆。」「豆,古食肉器也。 之登。」然則籩亦是豆,特以用竹異其名耳。《説文》:「木 之行,行必有檢。 禮》言大夫行容濟濟,士行容蹌蹌,皆美盛之貌也。 以禮正之,「出辭氣」,謂以禮出之。「能濟濟蹌蹌」者,《曲 文言「道」即禮也。「動容貌」,謂以禮動之, ○注 豆,殷玉豆,周獻豆。」注云:「楊,無異物之飾也。獻,疏刻 注《周官・籩人》云:「籩,竹器如豆者。 義曰:《爾雅·釋器》:「木豆謂之豆,竹豆謂之籩,瓦豆謂 倍」屬在己者言,與《説苑》合,亦通。 論·志學》篇:「君子口無戲謔之言,言必有防,身無戲 而狎也。」即此注義也。《集注》以「遠暴慢」、「近信」、「遠鄙 云:「捷,本又作踕,同。」《説苑》作「孟儀」,疑「儀」是字。 「此道」至「於耳」○正義曰:《説苑》云「禮有三」,是此 故雖妻妾不可得 異飾故異名。 而 ○注「籩豆禮器」○正 黷也,雖朋 其容實皆四升。」 從口,象形。」鄭 「正顔色」,謂 友不可 命中 得 謔

「技,報也。言見侵犯不報。」昔者吾友嘗從事於寡,有若無,實若虚,犯而不挍。【注】包曰:曾子曰:「以能問於不能,以多問於

能也。」〇注 「人不善我,我亦善之」,即「不校」之意。 顔子言志,「願無伐善,無施勞」,亦此「若無」、「若虚」之意。 猶不足也,故人願告之而不倦。《易》曰: 「君子以 猶虚器歟? 好問好察邇言者,此也。《中論・虚道》篇:「人之爲德,其 愚婦可與知能,而聖人或有所不知不能,故以大舜之知,猶 「寡」,言人平時莫己若者也。 斯矣。」【注】馬曰:「友謂顏淵。」正義曰:「不 「犯而不挍」,是言其學能養氣也。《韓詩外傳》引顔子曰 功常前人,而人後之也。」《中論 行之。我之所有,既不可奪,而我之所無,又取於人,是以 恭其容貌,不以逸群之才加乎衆人之上。視彼猶賢,自視 「今也則亡」意同。 大則大識之,小則小識之,善無大小,咸載於心,然後 人。』《詩》曰:「彼姝者子,何以告之?」君子之於善道也 「昔,猶前也。」曾子言時顏子已卒,故稱「昔者」,與孔子言 「狡報 器虚則物注,滿則止焉。故君子常虚其心志, 皇疏引江熙曰: 也言見侵犯 《中庸記》言天地之大,愚夫 》所言,與此章相 不報」○正義曰:《小 稱 「吾友」, 言己所未 鄭注《檀弓》云: 發。 能 虚 前 舉 與 受 而

「器」,據《説文》當作「豆」。

0

尺年十五者,以其國中七尺爲二十對六十,野之六尺對六 十四已下亦可以寄託,非謂六尺可通十四已下。 當時以爲身短,而孟子、荀子咸言五尺爲童也。 尺計之,當今三尺六寸。六尺是幼少,故晏子長不滿六尺, 子人與? 【注】大節,安國家,定社稷。奪者,不可傾奪。 五,皆征之。」賈疏引鄭此注申之云:「鄭言「已下」者,正 有一義,今經傳皆通用「託」字。「六尺之孤」,以古六寸爲 部》引作『侂」。《説文》「侂」、「託」俱訓寄,而從人從言,各 孔曰:「攝君之政令。」臨 「六尺之孤,幼少之君。」可以寄百里之命、【注】 大夫》之職:「國中七尺以及六十,野自六尺以及六十 無父之辭。 曾子曰:「可 鄭注云:「六尺之孤,年十五已下。」《周官 君子人也。」正義曰:「託」、《玉篇・人 以託六尺之孤、【注】孔 大節而不可奪 稱「孤」者 鄭必知 曰: 也。 · 鄉 君 六 謂 有

民」也。 《禮・緇衣》:「《甫刑》曰: 「苗民匪用命。」」注: 「命 尺之孤」謂幼君,「百里之命」謂 命。」《禮·中庸》注引《孝經》説:「命,人所稟受度也。」「六 也。以魯語》:「諸侯朝,修天子之業命。」注:「命,令也。」 字,今本下文亦衍。」〇注「攝君之政令」〇正 讀「君子人與君子也」七字爲句,亦上有「人」字下無「人」 庸《拜經日記》:「義疏曰:「此是君子人與也。」又引繆協 才德能稱其位,故重言「君子」以美之。《釋文》:「「君 經傳「敚」皆作「奪」。「君子」者,卿大夫之稱。曾子言此 文》:「奪,手持隹失之也。」「敚,彊取也。」二字義微别,今 也。」此常訓。 五」,脱「已下」二字,當據《鄉大夫》疏補。 十五,晚校五年,明知六尺與七尺早校五年,故以六尺爲十 曰:「非君子之人與君子者,孰能要其終而均其致乎?」蓋 也」,一本作「君子人也」。」是《釋文》原本無「人」字。 不過百里,象雷震百里,所潤雲雨同也。」「不可奪」者,《説 五也。」此疏説鄭義甚明憭。 百里之命」,謂 攝」,猶兼也,代也,言君幼,凡政令皆臣攝治之也。 此義亦通。 「百里」者、《白虎通・封公侯》篇:「諸侯封 民命也。《書・多方》:「大降爾四 ○注「大節」至「傾奪」○正義曰:「大 《大司 民命,猶《秦誓》言「子孫 徒》疏引此注謂 《説文》:「寄、託 義 謂 臧 或謂 户 日 : 或 政 Æ 民

故知不可 社安危存亡也。 秋 節 , 殺 一猶 忠廉》篇言: 身出生以徇之。」即此注意。 大事,故注以國家社稷言之。 傾 奪。 能安國家社稷,則不得以利害移,威武屈 「忠臣之事君,苟便於主,利於國,無敢 傾」者、 覆 也, 謂 覆 明此 而取之也。 「大節」所關,在宗 **~**日 氏 春

也。 能勝 遠。 故當爲己任。 民於倉卒也。」是德被群生爲仁。 所擔持也。」《表記》云:「仁之爲器重,其爲道遠。 溺,振民於難。』《後漢書 士雖先未仕,後或有爵位,當任事也。《祭義》鄭注:「任 正義曰:《白虎通・爵》篇:「士者,事也,任事之稱也。」言 毅,然 重乎? 以仁爲己任,重莫重焉! 乎?」《表記》之文,與此章互證。 也,行者莫能致也,取數多者仁也。 【注】包曰:「弘,大也。 三國志 後能 曾子曰:「士不可以不弘毅,任 死而後已,不亦遠乎?」【注】孔曰: 負重 《中庸》云: 邴原傳 任,致遠路。」仁以爲己任,不亦 》注引孔融曰: 一誠 荀爽傳論》: 者,非自誠己而已也,所以 死而後已,遠莫遠焉!」 毅,彊 仁者,性之德,己所自 惟勉於仁,故士貴弘毅 「仁爲己任、授手援 「誠仁爲己任,期紓 而能斷也。 夫勉於仁者,不亦 重 舉者莫 士弘 而 有 道 成

則 民也。 是謂士之志,任重故貴能弘,道遠故貴能毅也。 許矣。孟子謂士志仁義,「大人之事備」,此言「士弘毅」,亦 斃者,身之終也。 者,不倦之意。是仁以爲己任者也。 違仁」。《表記》:「《小雅》曰:「高山仰止,景行行止。」子 之大德曰生。」德即仁也。《中庸》云:「天地之道,可一 下惠皆爲仁。仁者,天德,故仁爲乾元。《易傳》云:「天 夫匹婦有不被堯、舜之澤者,若己推而内之溝中,其自任 知,以先覺覺後覺。予,天民之先覺者也,予將以斯道覺斯 物也。」孟子述伊尹之言曰:「天之生斯 也毅强而能斷也」〇正義曰:《爾雅 也,不知年數之不足也。 曰:『《詩》之好仁如此。 地之道,皆是至誠,故有不已之德。 而 天下之重也。」故孟子稱爲「聖之任」。 盡也。 天而行,故於仁亦當無一息之閒,故曰「君子無終食之閒 **,勝也。」《説文》:「毅,有決也。」** 非予覺之而誰也?」又述其意云:「思天下之民,匹 其爲物不貳,則其生物不測。」不貳者,誠 惟斃而後已,則未斃而先已,非聖賢之所 俛焉日有孳孳,斃而後已。」」孳孳 鄉道而行,中道而廢,忘身之老 釋詁 人受天地之中以生,當 年數有盡,不能不斃。 又謂伊尹與伯夷、 民 也,以 「弘,大也。」 ○注「弘大 先 知 覺 言 天 地 柳 後

子曰:「興於《詩》,立於禮,成於樂。」

曰: 者,禮 《勺》,成童舞《象》。二十而冠,始學禮,舞《大夏》。」又《王 也。 樂隨禮以行,禮立而後樂可用也。《大戴禮·衛將軍文子》 法教之、學《詩》之後即學禮、繼乃學樂。 制盡失。聖門弟子自遠至者,多是未學。 十二人。」六藝,兼《易》、《春秋》言之。身通六藝,則 以《詩》、《書》、《禮》、《樂》教,弟子蓋三千焉,身通六藝者七 義而視諸體,成之以文德。 自古相傳教學之法。 制》言造士之教,云: 年出就外傅,朝夕學幼儀。 教,其教惟以《詩》、《書》、《禮》、《樂》。 所以立身,樂,所以成性。」正義曰:《禮·内則》云:「十 書》禮樂以造士。 書》言政事,成德之後自學之也。 詩》,立於禮,成於樂之實效也。《易》與《春秋》,夫子不以 注)包 「《詩》有六義,本于性情。 《大戴》所言,正此文實義。又《孔子世家》言:「孔 「吾聞夫子之施教也,先以《詩》世,道者孝弟,説之以 也。 曰 文德者,樂也。 興,起 春秋教以禮樂,冬夏教以《詩》《書》。」並 也。 夫子時,世卿持禄,人不由學進, 「樂正崇四術,立四教,順先王《詩》 人室升堂,則能興、能立、能 言 蓋入室升堂七十有餘人。」❶體 修身當 十有三年學樂,誦《詩》,舞 陳 述德義,以美治而 程氏廷祚《説》引李氏塨 《論語》不及《書》者 先 九學《詩 蓋《詩》即樂章,而 夫子因略本古 禮 刺亂 故學 興於 成 者 子 者

身也。 《詩》。下篇云:「《詩》可以興,可以觀,可以群,可以 立也。 步,由禮則雅,不由禮則 處,由禮則 用心之術,由禮則理達,不由禮則悖亂。 美教化,移風俗。」則學《詩 感鬼神,莫近於《詩》。 邇之事父,遠之事君。」《毛詩序》云:「故正得失,動 相承,終始相生,倡和清濁,迭相爲經。 德性以定,身世有準,可執可行,無所摇 昏喪祭射鄉相見,禮之事也。 主於興也。 嗟歎舞蹈 曰:注以「立於禮,成於樂」皆是修身,故言修身當 不化,樂之所以主於成也。]〇注 諒之心生,易、直、子、諒之心生則樂,樂則安,安則久而. 其 (用皆切於己。 《樂記》云: 論倫無患,樂之情也,欣喜歡愛,樂之官也。 `則振奮之心,黽勉之行,油然作矣,《詩》之所以 和節,不 恭敬辭讓,禮之實也,動容周旋,禮之文也,冠 説之,故言之而長。 「是故先王本之情性,稽之度數,制之禮 由 禮則 先王以是經夫婦,成孝敬,厚 夷固。」是學禮可以立身,立身即脩 》能修 墊 陷 事有宜適,物有節文,學之而 生 身 「言修」至 疾。 也。 長言之不足,至形 容 《韓詩 學之則易、直、子 奪,禮之所以 飲食衣服 貌 「成性」〇 態 外傳》: 度, 動 進 人倫 天 小大 主於 静 先 正 退 地 怨 居 於 趨

❶ 「入室升堂」、《大戴禮記解詁》作「受教者」。

能成性。成性亦修身也。皇本末句作「孔注」。
男女之理,皆形見於樂,故曰樂觀其深矣。」是樂以治性,故律小大之稱,比終始之序,以象事行,使親疏、貴賤、長幼、相奪也。然後立之學等,廣其節奏,省其文采,以繩德厚。氣不怒,柔氣不懾,四暢交於中而發作於外,皆安其位而不義,合生氣之和,道五常之行,使之陽而不散,陰而不密,剛

之民也。 能立能成者也。 子蓋三千焉,身通六藝者七十有二人。」身通六藝,則 子。《孔子世家》言:「孔子以《詩》、《書》、《禮》、《樂 禮》言其事云「説之以 其説是也。 之子孫,不能屬於禮義,則歸之庶人。」「庶人」即民也是也 而 詩》、禮、樂言,謂《詩》、 書》、《禮》、《樂》教之,則此所謂 注】由,用 不 自七十二人之外,凡 能 子 知。 謂之「民」者、《荀子・ 曰:「民 愚謂上章是夫子教弟子之法,此「民」亦指弟 也。 正義曰: 其能興能立能成,是由夫子教之,故《大戴 可 使 可 義 凌氏鳴喈《論語解義》以此章承上章 用 禮、樂,可使民由之,不可使知之。 使由之,不可使知 而視諸體」也。 未 而 能 不 通 可使 王制篇》: 「可使由之,不可使知之」 六藝者,夫子亦以 知者,百姓 此則可使知之者 「雖王公士大夫 能 》教,弟 之。 《詩 日 能 用 興

聞之,使民心晰焉 迷。」昔之君子,道其百姓不使迷,是以威厲而 者以「民」爲群下之通稱,可使 謂「民」也。《禮・緇衣》云:「夫民閉於人而有鄙心。」 終身由之而不知其道者,衆也。」」「衆」謂庸凡之衆,即 終始輕重。 號,取之瞑也。 人道也。《春秋繁露·深察名號》篇:「民者, 瞑也。」民之 教,務使人從之。 鄭 所 不見也。 曰:「示我顯德行。」故道義不易,民 故形其仁義, 謹其教道 定法,其説似是而非。 「言民不通於人道 子·盡心》篇:「孟子曰:「行之而不著焉,習矣而不察焉 將恐不能致思,妄有解説,或更爲訾議,致侮 後言「愚者」,正以「民」即愚者,非泛言萬民 君雖泛説人道,其義亦未爲誤。 履,小人所視」,言其明也。」據《外傳》之文,則先王教民 此注云:「民,冥 《詩》曰 若皆使民知之,則愚者以己爲知道 「冥」、「瞑」皆無知之貌。 周 若皆知其本未,則愚者或輕而不 而知 而 (也,其 道如 心鄙詐,難卒告諭。」 之,則道不迷 ,使民目晰焉而見之,使民耳晰 《韓詩外傳》: 砥 見 ,其直如矢」,言其易也,**「**君子 人道 由 不可使知,乃先王教 蓋《詩》、禮、 遠。 不由 而 由,從 「《詩》曰:「俾民 民 注 也; 即 志 也。 先釋「民」爲冥 不惑矣。 此章之義 也, 聖言 禮樂不明,民 刑厝不 樂,皆不 「本末」,猶 而輕視之, 言 也。 行。 王 用 詩而 民之 注 此 外 者 **《孟** 詩 也 設 説 言 不

肖之不及。」是言民不可知道也。 然雖不知而能日用,則聖 惠氏棟《周易述》:「見仁見知,賢知之過。 日用不知,愚不 仁,知者見之謂之知,百姓日用而不知,故君子之道鮮矣。」 君子陽陽》傳,亦常訓也。《易·繫辭傳》: 非 人鼓萬物之權 圍之中,而不可使知其義,故曰「君子議道自己,而置法以 教之,教之而可使知之也。若其愚者,但使由之,俾就 概不使知者。 ○注「由用」至「能知」○正義曰:「由,用」,見《詩 ,故《易傳》又曰 故家立之塾,黨立之庠,其秀異者則 「顯諸仁,藏諸用」。 「仁者見之謂之 於範 别 爲

言此人作亂,由疾之甚者使之然也。 (三人,當以風化之。若疾之甚,是益使爲亂。」與包略同, 原之人而患疾己貧賤者,必將爲亂。」人而不仁, 原之人而患疾己貧賤者,必將爲亂。」人而不仁, 原之人而患疾己貧賤者,必將爲亂。」人而不仁, 原之人而患疾己貧賤者,必將爲亂。」人而不仁, 有勢位 (之人,當以風化之。若疾之甚,是益使爲亂。」人而不仁, 是正氣之正義曰:「好勇」者,是血氣之强,又不知安於義 所則放辟邪侈無不爲己,故爲亂也。不仁之人,未有勢位 (之人,當以風化之。若疾之甚,是益使爲亂。」人而不仁, 是正人,當以風化之。若疾之甚,是益使爲亂。」人而不仁, 是正人,當以風化之。若疾之甚,是益使爲亂。」與包略同, 是正人,當以風化之。若疾之甚,是益使爲亂。」與包略同, 是正人,當以風化之。若疾之甚,是益使爲亂。」與包略同, 是正人,當以風化之。若疾之甚,是益使爲亂。」與包略同, 是正、一之人,當以風化之。若疾之甚,是益使爲亂。」與包略同, 是正、一之人,是不知安於義

善; 卑者貴, 人衆兵强,守之以畏者勝, 聰明睿智,守之以愚者 之以恭者榮, 土地廣大,守之以儉者安, 禄位尊盛,守之以 三握髮,一飯三吐哺,猶恐失天下之士。吾聞德行寬裕,守 誡之曰:「往矣! 者十人,所友見者十二人,窮巷白屋,所先見者四十九人。 《韓詩外傳》:「周公踐天子之位七年,布衣之士,所贄而師 書 言周公之德,以驕吝爲戒也。 弟,成王之叔父也,又相天子,吾於天下亦不輕矣。 驕而且吝,則天下賢士至者寡矣。 時進善百人,教士千人,官朝者萬人。 也棄不才,則賢不肖之相去,其閒不能以寸」,是即吝也 聲音顏色,拒人於千里之外」,是即驕也。「中也棄不中,才 是自矜其才,「吝」是靳己所有,不以告人。孟子謂「訑訑之 俗作恡。」此《釋文》亦云「吝,本亦作恡」,從俗作也。 旦。」正義曰:《説文》:「吝,恨惜也。」《玉篇》:「悋,鄙 其餘不足觀也已。」【注】孔曰:「周公者,周公 博聞强記,守之以淺者智。 寤敬》篇: 子 i 曰 : 「不驕不怯,時乃無敵。」此周公生平之學, 「如有周公之才之美,使驕且吝, 子無以魯國驕士。 惠氏棟《九經古 夫此六者,皆謙德也。」」是 成王封伯禽於魯,周 吾文王之子,武王之 當此之時,誠使周公 義》: 然一沐 騙

周公才也? 皇本「使」上有「設」字,「已」下有「矣」字。者。」云「其餘」者,言雖有餘才,亦不足觀,況驕吝者,必無所以裕制作之原也。 夫子因反其語,以誡後世之爲人臣

子曰:「三年學,不至於穀,不易得也。」

治,皆 大比,則帥其吏而 能者。」又「使民興賢,出使長之, 使民興 禮·鄉大夫》職:「三年則大比,考其德行道藝,而興賢者 志。」疑古「志」、「至」二文通也。 至闇也。」又云:「是王者之至也。」楊倞注並云: 鄭氏,又謂「至」宜當作「志」。 案:《荀子•正論》:「其至意 已乃翻爾束帶。」亦解「穀」爲禄,與鄭義合。 埃之外,皭焉氾而不俗。 也。』《隸釋· 注云:「穀,禄也。 【注】孔曰:「穀,善也。 言人三年學,不至於善,不 州長》職"「三年大比,則大考州里。」《遂大夫》職"「三歲 釋言》。 用爲鄉遂之吏,可 言必無也,所以勸人學。」正義曰:《釋文》引鄭 漢孔 趙岐《孟子·滕文公上》注:「穀,所以爲禄 興甿。」據此,知古者賓興,出 彪 易,鄭音以豉反。」案:「穀」訓禄,本《爾 碑》: 以得禄,此 郡將嘉其所履,前後聘召、蓋不得 「龍德而學,不至於穀。 胡氏紹勳《拾義》云:「《周 三年定期也。若有不願 能,入使治之。」 朱子《集注》從 使長,入使 至當爲 浮 游 塵

> 字。 年 歲獻貢士於天子。1注云:「三歲而貢士。」據此,知侯國亦三 親師,七年視論學取友,謂之小成,九年知類通達,彊立 中年考校。 舉與國子同。 徒試用之,可爲進士者,司馬能定之。 鄉遂大比,志不及此。蓋庶人仕進有二道: 可爲選士者, 徒, 曰選士, 小成者,則由司徒升國學。 故曰「不易得」。」案:胡説亦足補鄭義。 反,謂之大成」。若侯國取士,亦三年一行。 之,任官,然後爵之,位定,然後禄之。」此爲王朝之官,而 論官材,論進士之賢者,以告於王而定其論。 正論造士之秀者,以告於王而升諸司 司徒者,不征於鄉,升於學者,不征於司徒,曰 ○注「穀善也」○正義曰:《爾雅·釋詁》文。 取士也。 司徒論選士之秀者,而升之學,曰俊士, 後人躁於仕進,志在干禄,鮮有不安小成者 年視離經辨志,三年視敬業樂群,五年視博習 小成七年,大成九年。 《王制》: 「命鄉論秀士,升之司 如《學記》『比年人學 司徒升之國學,其選 馬,日 皇本「也」下有「已 《射義》: 進 論定,然後 1造士; 士; 司 一諸 大樂 馬 升 而 司 官

【注】包曰:「言行當常然。危邦不入,始欲往,亂邦人,亂邦不居。 天下有道則見,無道則隱。子曰:「篤信好學,守死善道。 危邦不

善,故君子恥之。 辭。 殉 所以安身正命者也。 非所以守死,非所以善道,而其實亦由學之未至。 道之事。 之無歉於身,無愧於心而已。「不人」、「不居」云云,皆言善 亦即此所謂 生。」案:《孟子・ 所以求道。 其學,斯不惑於他端,故夫子亦自言「信而好古」也。 貴 道不得行,以身從道,守道而隱,不聞以正道從俗人也。」即 立命也。」又云:「盡其道而死者,正命也。」修身即是盡 兆。」邦有道,貧且 不 篤 居,今欲 「有道則見,無道則隱」之義。 焉,恥也。」正 ,固也。」《子張》篇 「天下有道,得行王政,道從身施 邦有道,是必賢者多在上位,若己貧賤,嫌於己之道 天下無道,以身殉道,未聞以道殉乎人者也。」趙 蓋危邦或人,亂邦或居,與夫隱見之不得其宜,皆 皇疏云:「守死善道者,寧爲善而死,不爲惡 去。 善善 道」。 盡 亂 邦無道,是必在位無賢者,或賢者不得 心》云"「殀壽不貳,修身以俟之,所以 謂 《孟子・ 君子日有孳孳,斃而後已,凡以求 義曰:「篤信」者、《爾 「信道不篤」,即謂不固 賤焉,恥也; 臣 弑 君 盡心》云:「天下有道,以 前言「天下」,後言「邦」,互 子 弑 ,功實也; 父。 邦無道, 危 也。 雅 者 • 天下無道 篤信以 將 釋 故學者、 詁 富 好 亂 道 H. 施 未 岐 道 道 學 好 之 丽

《大戴禮 訓失道,風俗淫僻,百姓流亡,人民散敗,曰 難,而不辟外難。」然則亂邦雖已仕,猶當去之,況未仕乎? 曾子居武城之類。《禮・雜記》云:「内亂不與焉,外 子不入也」是也。「亂邦不居,今欲去」者,謂居 貴焉,恥也」。」○注「言行」至「之兆」○正義曰:「言行當 賢失志,於是則以富貴相詬病矣。 不以功,竊國而貴者有之,竊地而富者有之,姦邪得願,仁 教衰,黜陟之道廢,諸侯僭恣,大夫世位,爵人不以德,禄人 者爵尊, 功小者其禄薄, 德近者其爵卑。 之制爵禄也,爵以居有德,禄以養有功。 恥其失隱見之正,而不能善道也。《中論 其 一,百事失紀,曰亂也; 辟也。」注:「謂卿大夫也。」《春秋公羊傳》亦云:「君子辟 益不可入,故下篇子路述夫子言云「親於其身爲不善者,君 人謂入居其地,皇疏以爲入仕,殆非也。 然」者,謂不以世有道無道異也。「危邦不入,始欲往」者: 禄者,此也。 别其人之德也, 見其禄,則知其人之功也。 (用,若己富貴,嫌於 盛 孔子曰:「邦有道,貧且賤焉,恥也。」文武之 德》云: 「是故官屬不理,分職不明,法 以 地宜不殖,財物不蕃,萬民飢寒,教 道 殉人,故君子恥之。 故孔子曰「邦無道 危邦不入,則亂邦 功大者禄厚,德遠 爵禄》篇:「古 是故觀其爵, 危也。」此注 古之君子貴爵 「恥之」者 止其地,若 政不 患弗 富 以 内 Ħ. 則

獸,長邪苟利,不知義理。」皆言亂邦之事也。兄相誣,知交相倒,夫妻相冒,日以相危,失人之紀,心若禽理》篇:「故至亂之化,君臣相賊,長少相殺,父子相忍,弟「亂」爲「臣弑君,子弑父」者,舉大亂言之。《吕氏春秋・明

首也。 以飭歸。」皆以 記》曰:「始奏以文,復亂以武。」又曰:「再始以著往,復亂 叔丹徒君《駢枝》曰: 而美之。」正義曰:師摯,疑即「子語魯太師」之名。 太 盈耳哉!」【注】鄭曰:「師摯,魯太師之名。始,猶 有 師摯識《關 閒有合,是爲一成。 子曰:「師摯之始、《關雎》之亂,洋洋乎 周道衰微,鄭、衛之音作,正樂廢而失節。 始亂對舉,其義可見。 雎》之聲,而首理其亂。 「始者,樂之始,亂者,樂之終。 始於升歌,終於合樂,是故升歌 凡樂之大節,有歌有 洋洋盈耳,聽 先從 《樂 魯

> 淫」。 亂同。 歌言人,合樂言《詩》,互相備也。「洋洋盈耳」,總歎之也 歌。」《儀禮·燕》及《大射》皆太師升歌,摯爲太師,是以 謂之始,合樂謂之亂。 鄭、衛,二國名。 本而稱之。《爾雅・釋詁》:「首,始也。」故「始」有 王時人,意此師摯即其人也。夫子時,樂部有其遺聲,故因 廷堪《禮經釋例》、程氏廷祚《論語説》並略同。 笙、閒在其中矣。 自始至終,咸得其條理,而後聲之美盛可見。言始亂,則 者,舉上以該下,猶之言《文王》之三、《鹿鳴》之三云爾。 南·鵲巢》《采蘩》《采蘋》,凡六篇。 『師摯之始』也。合樂、《周南・關雎》《葛覃》《卷耳》、《召 上,皆衛土。 「師摯」至「美之」〇正義曰:下篇「大師摯適齊」,鄭以爲平 治之也。 《爾雅·釋詁》:「亂,治也。」《説文》:「亂,治也。 《禮·樂記》言桑閒、濮上之音爲亡國之音。 曰理也。」●凡樂之終,咸就條理,故曰「亂」。 從屬。」又「屬,治也。 他國亦習其音,故正樂皆廢 其後俗皆淫佚,音不由正,故夫子言「鄭聲 孔子反魯正樂,其效如此。」謹案: 凌氏 《周禮• 幺子相亂, 受治之也。 太師》職:「大祭祀、帥 而謂之【關雎》之亂. 而失節也。 終爲亂者 桑閒、濮 乙,乙 據注 首 讀若 瞽 訓 升 登

「日」上,據《説文》奪「一」字。

0

其美也。 知王道之易易明」,其時鄉樂尚未失正,不得有鄭衛亂之, 故知鄭義有未合也。 知鄭義不然者、《關雎》諸詩,列於鄉樂,夫子言「觀於鄉而 作「亂」爲叚借矣。云「首理」,則他詩亦依次理之可知。 云: 師 義 , 則 「煩 獨能識 師 《漢書・ 摯之始、《關 之,而 從支,從屬,屬亦聲。」然則鄭以此文作「敵」,今 延篤傳 首 「洋洋盈耳,聽而美之」者,言聽而知 理其亂。 雎》之亂」八字爲 注: 「洋洋,美也。」 此 亂 |即《説文》「敠」字 句。 言正聲既 失 今

當存誠以進於善,不得作僞以自欺也。 凡人慤謹,則爲善也。 吾不知之矣。」【注】孔曰:「言皆與常度反,我不 悾悾 人宜謹愿」○正義曰:《書・顧命》:「在後之侗。」某氏傳: 知之。」正義曰:鄭注云:「愿,善也。」《廣雅・ 曰:「狂者進取,宜直。侗,未成器之人,宜謹愿。」 《莊子· 庚桑楚》篇: 在文王後之侗 而 子曰:「狂 Ш 不信、【注】包曰"「控控、怒也、宜可信。」 木 》篇: 能 稚。」焦氏 侗然乎。」《釋文》:「《三蒼》云: 「侗乎其無識。」《釋文》: 而不直,侗而不愿、【注】孔 此章示人當守忠信,雖生質未美,亦 循《 補 疏》 以 爲 ○注「侗未成器之 僮」字之段 「侗,無知貌。」 釋詁》同 「殼直 借

> 爲蜮,則不可得。」 惑。」此夫子於失常度之人,不能知之也。《詩》云: 亂。」又云: 子·不苟篇》:「君子愚則端慤而法,小人 與常度反我不知之」〇正義曰: ○注 控者當信,此常度也。 空, 慤也。 氏春秋·下賢》篇:「空空乎其不爲巧故也。」高誘注: 注:「悾悾,誠慤之貌。」《廣雅・ 也。」與包義同。 貌。」「殼 謹」義近。 「控控慤也宜可信」〇正義 巧,故僞詐。」「空空」與「悾悾」同。 即 「未成器」 「端慤生通、許僞 慤 《後漢書·劉 省。 今皆與常度反,故不能知之。 者,言其人蒙稚,未能 廣 雅 瑜傳》: 釋訓》: 日 釋言》: 生塞,誠信 狂者當直,侗 鄭注云:「悾悾 「臣悾悾推情。」李賢 愿 「悾悾,誠也。」《吕 生神,夸 愚 慇也。」「慇」、 ○注「言皆 成 者當愿, 控 則 器 毒 用 , 誠 爲 誕 賊 一空 也 鬼 牛 荀 殼 而

中 所能。 於己、恐復失之也。 「如不及」者,方學而如不及學也。 外入,至熟乃可長久。 正曰:「學自外來,非夫内足。 子曰:「學如不及,猶恐失之。」【注】學自 ○注「學自」至「失之」○正義曰: 如不及,故日 如不及,循恐失之。 知所亡。 「猶恐失」者,既 恒 不 懈 皇 一疏云: 恐失,故 惰, 乃 正 得 學有 月 義 其 無 曰 用

則不失,如不及,則能及也。」」「如不及」者,已及也,「猶恐失」者,未失也。言能恐失之,

則之。 用於耕耳。」孟子引此兩節,皆以證堯、舜得人。 下而不與焉!」堯、舜之治天下,豈無所用其心哉? 下得人難。孔子曰:「大哉,堯之爲君! 賢使能,爲無爲而治之本。」案: 賢才化無事,至道興矣。己仰其成,何與之有?」此直指任 之。 又云"「爲天下得人者,謂之仁。是故以天下與人易,爲天 孔子曰:「舜、禹之有天下也而不與焉。」]王充《論衡》云: 與焉!」【注】美舜、禹也。言己不與求天下 公》篇:「堯以不得舜爲己憂,舜以不得禹、皋陶爲己憂。」 云:「舜、禹有天下不與,謂賢人讓于朝,小人不争于野,以 「《漢・王莽傳》: 『太后詔曰: 舜承安繼治,任賢使能,恭己無爲而天下治。 巍巍乎,舜、禹之有天下也而不與焉! 巍巍,高大之稱。 無所用其心」,明用心於得人也。 蕩蕩乎,民無能名焉! 子曰:「巍巍乎,舜、禹之有天下也而 正義曰:毛氏奇齡《稽求篇》云: 選忠賢,立四輔,群下勸職 君哉,舜也! 毛説是也。《孟子・滕文 然則以「不與」爲任 」一
劉
是
《
崇
譲
論 惟天爲大,惟堯 巍巍乎,有天 故又言堯 故孔子曰 而 亦不 得 不

「巍,高也。」《説文》同

群臣曰:「舜、禹之事,吾知之矣。」」當時援舜、禹以文其奸 賢使能,乃此文正詁。 逆,大約皆以爲不求得之矣。巍巍爲高大者,《方言》: _: 趙岐注《孟子》云:「德盛而巍巍乎有天下之位,雖貴盛 下,復任人治之,而己無所與,故舜復禪禹,禹復禪 也。」又《文帝紀》注引《魏氏春秋》云: 能與益。 不與」爲不與求也。 與」爲加多之義,殊爲迂曲。 仲尼盛稱堯、舜巍巍蕩蕩之功者,以爲禪代乃大聖之懿事 魏篡漢得國、託於舜、禹之受禪、故平叔等解此文、以 舜巍巍之德,言德之大,大於天子位也。」趙 《魏志·明帝紀》注引《獻帝傳》云: 必言「有天下」者,舜、禹以受禪有天 ○注「美舜」至「之稱」○正義 「帝升壇,禮畢,顧 益 也 不 以

【注】包曰:「蕩蕩,廣遠之稱。 言其布德廣遠,民無 唯天爲大,唯堯則之! 【注】孔曰:「則,法也。 也 化 能識其名焉。」巍巍乎,其有成功也!【注】功成 美堯能法天 隆 ,高大巍巍。 其立文 子曰:「大哉,堯之爲君也! 垂制 而 行化。」蕩蕩乎,民 又著明。 焕乎,其有文章!」【注】焕,明 正 義曰:人受天地之中以 無 能 巍巍乎, 名焉

天以 化〇 生,賦 文章,故皆言「有」以箸之。 强。 繁露•立元神》云:「天積衆精以自剛,聖人積衆賢 子》引此章爲得人之證。 易,故夫子此言止稱堯 子,故名曰天子。 授民時。」欽,敬也。 《書・堯典》云: 息,故舉舜敷治之。 而行之。 下治,蓋取諸乾、坤。」然則古聖所以成德布治,皆不外 象於天,俯則觀法於地。」又言:「黃帝、堯、舜,垂衣裳 之子也」是也。 未有能違天而能成德布治者也。 故自天子至於庶人,凡同 則 也。」是其義 ,等畫物也。]等者,齊等,畫者,界也,皆所以爲法 法之也。 天所以剛者,非一精之力,聖人所以强者,非一賢之 Œ 氣成形,故言人之性必本乎天。 義曰: 顧自堯舜以前,書缺有間。 下文「分命」、「申 也。 《易·繫辭傳》言: 「乃命羲和,欽若昊天,歷象日月星辰,敬 《白虎通 則 堯則天,其德難名,所 若,順也。 舜又使益、使禹諸人,乃成盛治、 法。」《爾 也。 蓋任賢致治,亦則天之事。 在覆載之内者,崇效天,卑法 ○注「則法也美堯能法天而行 當堯之時,洪水汎濫,災 爵》篇「王者,父天母地,爲天 雅 歷,數也。 命」,皆言敬授之事,故 人皆承天,而君爲天之元 「包羲氏王天下,仰 釋 又舜是堯舉,德 本乎天,即 詁》文。 可名者,惟 象,法 《説 也。 當法天, 《春秋 文 》: 放《孟 成 言順 以 則天 無 則 患 而 也。 地 功 能 自 未 以 觀 天

戴禮• 禮義。 《説文》:「功,以勞定國也。」此功爲治業功成,而民化乃隆 將何生? 其名」者,名者,德之名。 龍 載堯以來,自授時外,若親睦、平章、作《大章》之樂。 又《大 有文章也。」「廣大」釋「伴」,「文章」釋「奂」,故 也。 大巍巍」○正義曰:《孟子・滕文公》疏引此注作「孔曰 姓日用而不知所以然,夫又何可名也?」○注「功成化隆 者自罰,善者自功,功成而不立其譽,罰加 須而名分形焉。若夫大愛無私 皇疏云:「夫名所名者,生於善有所章而惠有所存,善惡相 「蕩蕩」言廣遠,明其德上下四方無所不被也。 之歷數在爾躬。」在者,察也。 明。 天之驗也。 矣」同。《詩・ 定時成歲,允釐百工,庶績 變教舞」,皆是立文垂制之略,可考見也 ○注「焕明也其立文垂制又著明」○正義曰: 五帝德》言堯事云「黄黼黻衣,丹車白 「其立文垂制又著明」者,上世人質,歷聖治之,漸 至堯、舜而後,文治以盛。 故則天成化,道同自然,不私其子而君其臣。 ○注「蕩蕩」至「名焉」○正義曰: 卷阿》: 「伴奂爾游矣。」毛傳: 民無能識其德,故無能 咸熙」。 言當察身以事 ,惠將安在? 又載籍尚存,故《尚書》獨 其後年 而 耆禪舜曰: 天也。 馬,伯夷主禮 至美無偏 「巍巍」言高 不任其刑 民 伴奂, 廣 識其名也。 焕 「焕」與 無能 皆 得 堯法 天 名 知 爲 大 高 百 N

經,是東晉古文亦無「臣」字。

惠氏棟《九經古義》謂

臣」字,乃後人據晉《大誓》以益之,誤。

○注

皆無「臣」字。

本無「臣」字。

字,然疏云:「亂,理也。

旁添「人」字,其《襄二十八年》仍無「臣」字,可證也。 余有亂十人,同心同德。」《成二年傳》:「《大誓》所謂「商 十四年傳》: 萇弘引《太誓》曰:「紂有億兆夷人,亦有離德。 人之。諸文與《論語》古本無「臣」字,故《論語》釋文云: 适,其一人謂文母。」正義曰:李氏光地《榕村語 公奭、太公望、畢公、榮公、大顛、閔夭、散宜生、南宫 稷、契、皋陶、伯益。」武王曰:「予有亂十人。」 「子有亂十人」,本或作「亂臣十人」,非。」皇本雖有「臣」 「『舜有臣』二句,亦是夫子語,如《微子》篇『逸民』節亦然。」 ,周十人同」者,衆也。」又《襄二十八年傳》: 叔孫穆子 後人於《尚書》、《論語》及《左》昭二十四年皆 唐石經於《尚書》、《論語》及《左傳》凡四見 人而天下治。【注】孔曰:「禹、 我有共理天下者,共十人也。」則 治官者十人,謂周公旦、召 「予」者,予周也。《左昭二 故東晉《太誓》采此文 「禹稷契皋陶 《論 録》: 據石 語 兆 險詖私 亂。 之。《北史·齊后妃傳論》:「神武筆興齊業,武明追蹤 之治效也。 輔佐君子,求賢審官,知臣下之勤勞,内有進賢之志,而 「二南」之詩,多言后妃德化。《毛詩·卷耳序》云:「后 公,不知其説何本。「其一人謂文母」者,據下文言「婦 《舜典》言舜命禹宅百揆,棄爲稷,契爲司徒,皋陶作 「《關雎》之化行,則莫不好德,賢人衆多也。」皆言文母佐周 知之也。文母即大姒,文王妃也。周之王業,始於内治,故 惟號叔不在十亂之數。陶潛《群輔録》「十亂」有毛公,無榮 有若泰顛,有若南宮适。」《晉語》重之以周、召、畢、榮諸人 尚克修和我有夏,亦惟有若虢叔,有若閎夭,有若散宜 治事,即鄭注所言「治政事」也。《書•君奭》云:「惟文王 記》:「樂之官也。」注:「官,猶事也。」又「天地官矣」注 也。」與馬注同,當是《古論》家舊義。云「治官者」、《禮 母、周公、召公、大公、畢公、榮公、太顛、閎夭、散宜生、南宫适 鄭注云:「亂,治也。 爲虞,此五人才最盛也。 伯益」〇正義曰: 稷即后稷,名棄,當時以官稱之曰 武明即 謁之心,朝夕思 後人疑文母不當在「十亂」,而以武王妃邑姜當 神武妻婁氏,似以「十亂」有邑姜。 武王言我有治政事者十人,十人謂 念,至於憂勤 ○注「亂治」至「文母」○正義曰: 也。」《兔罝序》云: 隋、唐人已 士,益 稷 人 生 司 也 周 文 妃

民離

案:武王語乃伐殷誓衆之辭。

【注】馬曰:「亂,治也。

舜

有臣

Ŧī.

曰:「武王有亂十人。」亦本《大誓》。

不

者,離 上,而 引作「桑林之下」。又《潛夫論・遏利》篇:「信立於千載之 以身禱于桑林之際。』《太平御覽・皇王部》七、《禮儀部》八 之際」者,際,猶下也,後 者五人,及周之盛亦但九人,是其爲才難可 才是極難,當堯、舜時,比户可封,不乏有德之士,而此稱才 之極能。 公自稱「多才」,夫子亦言「周公之才之美」,然則才是聖賢 奇、檮杌、饕餮爲不才子。 以八元、八愷爲才子,即禹、皋陶、伯益諸人。 者,古語。 閒。 然乎? 人有德能治事者也。 際者,堯、舜交會之閒。 九人而已。【注】孔曰:「唐者,堯號。虞者,舜號 爲此説, 人而已。 比於周,周最盛,多賢才,然尚有一婦人,其餘 ·名傳乎百世之際。」是「際」有下、後之義。 夫子此言 德而言才 亦 故《孟子》言「爲不善、非才之罪」,明才無不善 《廣雅·釋詁》: 唐、虞之際,於斯爲盛。 人才難得,豈不然乎?」正義曰:「才難」 知 7,固非。 何 所受 《易傳》以人與天、地爲三才,《左傳》 也。 也。 即 人之賢否,以才不才别之。又周 以 「才,道也。」古之所謂才,皆 斯,此也,言堯、舜交會之 有德爲有才,亦非 孔子曰: 淮南子· 脩務訓》: 才難, 有婦 驗 又以渾敦、窮 也。 也。 人焉, 後之論 「湯旱, 不 唐 · 其 也 虞 言

秦,漢之爲漢。 重本不忘始,故以爲號,若人之有姓矣。」又云: 號,義當如此。 樂也,言天下有道,人皆樂也。」此注以唐爲堯號,虞爲舜 者,號也。 堯號虞者舜號」

○正義曰:《白虎通・號》篇:「或曰唐、虞 淳不能别,並不言有《論語》古文,而韓、李《筆解》亦絶無 書·衛恒傳》但言其祖敬侯寫邯鄲淳所傳之《古文尚書 《螺江日記續編》載餘姚邵在陬説,衛氏古文「婦人」作「殷 也,然而違其正實,失其初意。 者、唐、虞、夏、殷、周者、功德之名、盛隆之意也。 地之名。堯以唐侯嗣位,舜從虞地得達,皆本所興昌之地 篇久已無存,任氏何從見之?」此均知其妄也。 人」,以今所傳石經,惟前 人、膠鬲之説。 人」,韓退之指爲膠 於斯爲盛」八字爲一句,此説亦通。 唐 婦 與」,引《孟子》「麒麟之於走獸」云云爲證,謂 虞之下,至周乃爲盛也。 服也。 唐,荡荡也。 從女持帚 **《論衡•** 近任 秦起於秦,漢興於漢中,故曰 氏啟運《四書約旨》謂漢石經作「殷 鬲。 灑埽 蕩蕩者,道德至大之貌也。 正説 四 翟 也。」婦人, 篇與 王氏引之《經義述聞》訓 》篇: 氏 唐、虞、夏、殷、周,猶秦之爲 灝《考異》辨之云: 後 「唐、虞、夏、殷、周者,土 四篇略 「婦人」者、《説文》: 據馬、鄭義 有其 唐、 説 猶 ○注 文、《泰伯 其立義美 秦、 即 虞之際 《尚書 「於」爲 虞者. 文母。 唐 「《晉 者 殷

南兼梁荆

在

西,故 一者、《書

日

西 西

伯

是

也。

包

必先言「文王爲西

文王爲西伯

紂」至「至德」 〇正 舊本皆爲「參」字。

義曰: 紂淫亂事,詳《史記·殷本紀》。

伯戡黎》鄭注「文王爲雍州之伯

又「周之德」,皇本無「之」字。○注「殷

書・伏湛傳》述此語、《文選・典引》注引此文並作「參」,則

H

周」者,明服事之誠,武王與文王同,故統言「周」也。

釋文》「參,七南反。

本又作三。」皇疏本亦作「參」。《後漢

之小心」。故此極美文王有至德也。然不曰「文王之德」而 事上也,雖有庇民之大德,不敢有君民之心,仁之厚也。」」 以異,故夫子均歎爲「至德」也。 時實有得天下之勢,而猶以服事殷,與泰伯之以天下讓無 舜封之於虞。」即今山西蒲州府虞鄉縣是。 又下言舜、禹、文王、周公之事,云「有君民之大德,有事君 謂至德也已矣。」【注】包曰:「殷 三分天下有其二,以 而有聖德,天下歸周者三分有二,而循以 謂之至德。」正義曰: 衡》是也。 又《堯典》: 鄭《詩譜》云: 服 「嬪于虞。」皇甫謐云:「堯妻、 周得群才,故能三分有二,其 事 《表記》云:「子曰:「下之 「唐者,帝堯舊都之地。」今 殷。 紂淫亂,文王爲 周之德,其 唐、虞皆地名。 服 可 事 也。 襄四 亦無損於至德也 之服事,非畏殷 殷,即欲殷有以撫之。

殷

故

西

伯

太原晉陽是。

《論

引此文,李賢注:「閒 神,祭祀豐潔。」惡衣服 子推禹功德之盛美,言己 曰 食而致孝乎鬼神、【注】馬曰:「菲 「損其常服 子曰:「禹,吾無閒然矣。【注】孔 以以 ,非也。《孟子 盛 祭服。」正義曰: 而 不 致美乎黻冕、【注】孔 能 復 離婁》篇: 閒 厠 ,薄也。 《後漢・ 其 閒 「政不足閒 ご非 曰:「孔 殤帝紀 致孝鬼 飲

是故文之終服事也,至德也。武之不終服事也,紂爲之也 武王,而紂淫亂日益甚,是終自絶於天,不至滅亡不止 三分有其二也。《毛詩 冀、青、兖屬紂,此依九州約略分之,九州而有六州,是天下 解》:「維三月既生魄,文王合六州之衆,奉勤 伯」,繼言「三分有二」者,明三分有二在爲西 而朝聘乎紂。」姚氏配中《周易學》云:「三分有二 者,鄭《詩譜》謂雍、梁、荆、豫、徐、揚。 孔疏申之,以爲其餘 惟是冀紂之悔悟 年傳》:「文王帥 心也,亦 非日 此文王之憂患所以獨深也。]案: 殷 ,俾無墜厥命已爾。 ·四牡》傳:「文王率諸侯撫叛國 之畔 「吾姑柔之,俟其惡盈 或 以 事 紂。」 《周 終文之世 伯 於商。」六州 後也。 書 以 而 」, 暨 程 服 取 **企**左 也 平

龍 言 頸 之轉,以韋爲之。 後。 從黹犮聲。」按:蔽膝之市,當以「市」爲本字,蓋古文如此 《發微》云:「《説文》:『市,鞸也。 也。 股。」箋云:「芾,大古蔽膝之象也。 也。」是蔽前爲衣之最先者,故祭禮重之。 篆文改爲「載」,經典又假「黻」爲之,又假爲「芾」,又假爲 韍,篆文市,從韋從犮。」《説文》又曰:「黻,黑與青相次文。 「禹,吾無閒然矣」,「若由也不得其死然」,「然」字並與 ·鮄」,故《明堂位》「有虞氏服韍」,鄭注云:「韍,或作黻。」 論語》稱 章。」 載葱衡。 五寸,肩革帶博二寸。」據箋意,知芾專繫冕服言之,故亦 度》注云: 『古者田漁而食,因衣其皮,先知蔽前,後 .義。」鄭注云:「黻,祭服之衣。 「黻冕」。 天子朱市,諸侯赤市,大夫葱衡。 「穆公召縣子 後王易之以 亦 注 訓 云: 非。 『黻冕』,此假 宣十六年《左傳》以 明堂位》:「有虞氏服 寸載, 王氏引之《經傳 布 其制:上廣一尺,下廣二尺,長三尺,其 ,而問 帛,而 祭服 「黻」爲「韍」,當訓爲蔽膝。 然。」鄭注: 之鞸也。 猶 存其蔽 釋詞 黻冕命士會」,當是希冕而 上古衣蔽前而已,市以象 冕,其冠也。」宋氏 韍,夏后氏山,殷火,周 「然之言焉也。」《論 冕服謂之芾,其他服謂 舜始作之,以 前者,重古道,不 從巾, 然 猶 《詩》:『赤芾 焉 象連帶之形。 也。 易・ 尊 祭服 檀 忘 知蔽 翔鳳 馬 語 弓 乾 在 本

字。 子 • 冕,各以其等爲之,而掌其禁令」,則大夫以上,冠 者、袞冕、驚冕、毳冕、希冕、玄冕也。 是 祭 又云「火、龍、黼 並舉。《左傳》「袞、冕、韍、珽」,亦以「冕」與「韍」連言。 弁者,必言轉,是知韍與冕俱重也。 禮》:「陳服于房中,爵弁靺韐,皮弁素鞸,玄端爵鞸。」言冠 下廣二尺,法天一地二也。長三尺,法天地人也。』《士冠 爲百王不易。 卑,彰有德也。 冕》篇曰:『紼者,蔽也,行以 之意。 禹 「黻、祭服之衣。 衡,❶士韎韐。 服 「紱」即 湯 《易•困》九二:「朱紱方來。」鄭注:「天子制用朱軷。」 楊朱》篇:「禹卑宫室、美紱冕。」「紱」與 名 至周 舜作韍以尊 黻, 「韍」無疑也。 故 增 紼以韋爲之者,反古不忘本也。 以 以爲祭服之衣也。」按: 天子朱紼,諸侯赤紼。1又云:「天子赤 赤者,盛色也。 冕,其冠也。]正以黻爲衣蔽 黻」,則言裳之一章。 畫 祭服 文, 後 《周官》:「弁師掌王之五 ,故祭服 王 彌 蔽 飾 是以聖人法之,用爲紼 前 宜稱黻冕。 也。」 者爾。 至十二章之黻,罕與冕 「諸侯及孤卿 按: 至鄭注 宋 有 「彌 前 説 事,因 ^令白· 飾 「韍」當 之制。 論 是 上 虎 冕。」五冕 也 語 廣一尺: 通 以 大夫之 通 即 紱 得 是 又唯 别 致 服 列 下 尊 紼 美

0

[「]天子」下,據《白虎通》脱「大夫」二字。

云:

 $\bar{\Xi}$

之吉服,祀昊天上

帝

則

服大裘而

冕。

祀

五

帝

如

言之,明黻是祭服之衣,冕是祭服之冠也。

名,冕亦是冠,故注云「冕,其冠也」。

「其」字承上句

《周官

司 亦

服

夏又别稱

收」。

此文云「黻冕」者,從舊名之爾。

胡曹作冕。」注:

冠, 絭也。

所絭髮,❶弁冕之總名

王》傳:

「冔,殷冕也。

夏后氏收而祭,殷人冔

寸。」言人人殊,不知竟孰是也。

《王制》:

「廣七寸,長八寸。」董巴《輿服志》云:

制 餘 寸,則前低於後一寸也。

《周官

,蓋約略言之,未細核耳。

衣之以布,上玄下纁,垂旒者也。」《白虎

《而後仰,故謂之冕也。」大、小夏侯説

前 通 免」爲「俛

之義。

范

| 甯《穀

梁傳

》解

云:

「冕謂以

《也,由

由乎

兹

免。」謂 「俛」同。

禾至成熟下

屬也。」鄭君以「皇」爲冕,則「冔」、「收」亦是冕。《毛詩・文 `皆長尺六寸,廣八寸,天子以下皆同。」應劭《漢官儀 「胡曹,黄帝臣。」則自古冠通名「冕」,至 夏后氏曰收,周曰冕。」《世本》云: 而祭,周人冕而祭。」注云:「皇,冕 叔孫通《漢禮器制度》云: 弁師》疏以爲前低 也。」是冠爲首服之大 垂,滋益俛也。 稱》篇言禾云: 从月免聲。」「 「有虞氏皇而祭 「廣七寸,長尺二 垂四寸,後垂三 紼冕》篇: 《説文》: 木爲 「祭服 冕 及 同 「前 幹 寸 此 之堂。 之。 其他廟寢亦皆卑可知矣。 明同實而兩名。」《考工記・ 作 禹 鬼神」與「菲飲食」相對、「致美黻冕」與「惡衣服」相對、「盡 宫室,謂此一尺之堂與?」此鄭舉明堂以説禹卑宫室之制 義曰:「菲 之致美,指此類也。 十有二,玉笄朱紘。」此周人之制,當亦依仿古禮爲之。 冕,祭禮稷五祀 云:「宫謂之室,室謂之宫。」郭注: 成,成閒 曰 而 王之五冕,皆玄冕朱裹,延紐 時雖未備有 薄 :「方里爲 盡 享先王則袞冕,享先公、饗射則驚冕,祀四 力乎 字。 周堂高九尺,殷三尺,則夏一尺矣。 有 一訓薄,相 曹 洫, 溝 衆制,要冕爲祭服所用矣。《弁師 井,井 潔 則希冕,祭群 洫 」者,言粢盛犧牲 廣 ○注 承云然。 深 閒 禹 有 八 「菲薄也致孝鬼神祭祀豐潔」〇 李氏光地《論語 满, 匠人》注 尺。」正 吾 《史記 五采,繅十有二就,皆五 小祀則玄冕。」是冕皆 溝 無 「皆所以通古今之異 」皆豐 廣 義 閒 云: ·夏本紀 深 日 : 然 潔 四尺。 明 **爾** 劄記》:「「致孝 相參之數,禹卑 矣。」【注】包 也。 堂者,明 》述此 望 雅 卑 山 十里 111 釋 文, 祭 政 采 則 宫 語 服 室 即 爲 禹 正

象其上

「免」與

《管子·

小

冕。

故《説

文》云:「冕,大夫以上冠

也。

0 所 下, 據《說文》脱「以」字。

二仞 成閒 遂。 井者,方一里,九夫所治之田也。三夫爲屋,一井之中,三 深之制,即本《匠人》。 皆所以行水。 之伐,廣尺、深尺謂之毗。 井也。《冬官》:「匠人爲溝洫,耜廣五寸,二耜爲耦。 文》:「減,疾流也。」别 伊 紀》:「卑宫室,致費于溝減。」此當出《古論》。《詩》: 者。 制 屋九夫,三三相具,以出賦稅,共治溝也。 曰:《孟子・滕文公上》: 川 民不得平土而居之。 力 洫 /溝洫」, 滅。」毛傳: 容 ,然後四隩既宅,民得安居,是則卑宫室 ,不知包氏説同否也。 」正字,「淢 謂之澮。 廣八尺、深八尺謂之洫。 九夫爲井,井閒廣四尺、深四尺謂之溝。 居無求安,而奠萬姓之居是急也。」案:《史記 甸 亦是與「卑 甸 方 《論語》舉 專達於川、各載其名。」是毗 「淢,城溝也。」《釋文》引《韓詩》作「洫 」叚借字。 八八里, 宫室」相 出 禹決九川 鄭注《匠人》云:「此畿内采地之制 溝 義。 賦 又《地官・ 「方里而井,井九百畝。」是方里爲 《夏紀》「溝淢」,亦用叚字。 税, 田首倍之,廣二尺、深二尺謂之 洫」以賅其餘耳。 ○注「方里」至「八尺」○正 對。 緣邊一 方百里爲同,同閒廣二尋、深 距 當洪 遂人》云:「夫閒 四 里治 海,乃 水未平,下巢 洫。」 是言溝洫 方十里爲成,成 而盡 遂、 復濬畎 方十里爲成 包言溝洫 溝、洫、 力乎溝 • 夏 「築城 有遂 澮 上 一耦 《説 澮 窟 廣 義 本 洫 距 _

黑《

澮

也。 之中,十澮之水並入於川 曰「百夫有洫」也。 夫有溝」,不可謂二十夫之閒,故變「閒」言「夫」也。 以爲百畝。 制不同也。 《匠人》文異。 洫之分布千夫中者,故曰『千夫有澮』也。 夫,流入於洫,洫之長如溝,縱承十溝,十溝之水皆入焉,故 夫閒,東西之閒也。其南北之閒,則溝横連十夫,故曰「十 人》職云云,鄭氏注以南畝圖之,則遂縱溝横 取鄭氏。❶ 近歙儒程氏瑶田著《溝洫小記》,以遂人、匠 千夫有澮,澮上有道。 遂上有徑。 横; 而川周其外焉。 鄭氏謂『九澮而川 毗流於遂,故遂縱。 今略著其《遂人匠人溝洫異同考》於此: 後人説此文,於經注未能博 南畝者,自北視之,其畝 + 鄭氏以爲鄉、遂、公邑之制,與《匠人》爲采地 夫有溝, 案: 洫之水入澮,澮長十倍 周其外」,恐不然矣。 萬夫有川 畝,長畝也。 溝 ,故曰「萬夫有 Ŀ 遂在兩夫之閒,故謂之『夫閒』。 有 畛。 川 横陳於南 上有路 百 夫 夫之田,析之百毗 川。 通,故益多轇轕。 有 繪十之横貫萬夫 於洫,而 人制同文異,不 以 渔, ,洫縱澮横,九]1] 澮横,川 也。 達于畿。」與 Ŀ 洫 有 南畝,故 上 溝經十 横 1路,以 有 《遂 承 自 涂。 +

0

人、匠人制同。 近歙」至「鄭氏」、孫校: 亦未嘗不取鄭君之説。 「程氏《溝洫 小 此大誤。」 記》並不 謂 遂

「十夫有溝,百夫有洫,千夫有澮,萬夫有川」,但

其事

相同 足

,厥名斯稱矣。

又案:《匠人》、《遂人》兩篇,文義

命之曰「兩山之閒」,以例澮

在同

| 閒, 洫

在成閒,溝

在井

閒 閒

澮當兩同之閒,故曰「同閒有澮」也。

澮達於川,川在

Ш

受遂水者也。

亦不嫌「成閒」之稱,溷十成之横者,其横亦溝之在井閒

洫十之含萬井爲一同,十洫之水咸入於澮

而受畖水者也。

十井,不嫌「井閒」之稱,溷十井之縱者,其縱亦遂之在屋閒

溝十之含百井爲一成,十溝之水咸

入於

承之,井中無溝,溝當兩井之閒,故以「井閒」命之。

其長連

洫

, 洫縱當兩成之閒, 故曰 「成閒有洫」也。

洫之長連十成

而

皆互相

者

也。

「夫閒有遂」,見遂

在兩夫之閒,兼辭也

就小水人

文者,蓋自有義,不宜襲用《遂人》之文矣。遂流井外,溝横 鄭氏猶以「遂者夫閒小溝」釋之,遂非不在夫閒,而記變其 **畖横,順其畝之首尾,以行水入於遂,故遂在田首。** 之毗」云云,案: 毗在一夫百畝中,物其土宜而爲之。 達於畿,安得有縱路,復有横路耶? 屋者,三夫相連綿如屋然,但疆之以别夫而已。不若《遂 夫三爲屋,三夫田首同枕一遂,遂在屋閒,非夫閒也。 人》夫爲一遂,以受畖水,此所以别夫閒而言[田首]也。 澮但言九,亦考之不察矣。《匠人》「廣尺深尺謂 其横者,則二 萬夫閒 井田 南畝 謂之 而 此古人造言之法,出於自然,治古文者可求而得之也。」 Ш 首謂之洫,同首謂之澮」矣。 首,溝在井首,洫在成首,澮在同首,當云「井閒謂之溝,成 言遂,則曰「屋閒謂之遂」矣。 閒謂之溝,成閒謂之洫,同閒謂之澮」,兼辭也。若以 千夫之閒,二萬夫之閒」矣。「田首謂之遂」,偏辭也。「井 以 大水言之,偏辭 兼辭言溝洫澮川,則必曰「二十夫之閒,二百夫之閒,二 之閒」,難舉偏辭,故溯洄 也。 若以偏 相從, 辭言遂,則曰「一夫有遂」矣。 惟澮所專達之川,則 以偏辭言溝 澮 洫

洫 澮 則

遂 在 兼

田

之道也。

瑞 安 孫 治 讓 校 刊

四 七 溝亦皆以

「閒」言

必日

論語正義卷十

寶應劉寶楠學

子罕第九

集解

三十章」,謂合「不忮不求」與上「衣敝緼袍」爲一章 説本孔氏廣森《經學卮言》。 凡三十一章正義曰:《釋文》於下更云「皇

之和也。 郤缺釋《夏書》三事有「利用」也。 訓,故此注本之。 寡能及之,故希言也。注「罕者」至「言也」○正義曰: 者,義之和也。命者,天之命也。仁者,行之盛也。 「罕,希也。」轉相訓。《左襄元年傳》:●「穆姜曰:「利,義 爾雅・釋詁》云: 「希, 罕也。」《毛詩・太叔于田》傳云:: 子罕言利與命與仁。【注】罕者,希也。利 利物足以和義。」」《易・文言傳》同。此相傳古 「利物」者,物猶事也。 穆姜言「作而害身,不可 若《左文七年傳

> 《象辭》,如云「利見大人」、「利建侯」、「利用侵伐」、「利用 爲哉?,利所以爲義之和者,和猶言調適也。義以方外,若 言之。人未有知其不利而爲之,則亦豈有知其利而避之弗 涉大川」、「利有攸往」、「利西南」、「利執言」、「利用爲大 禴」、「利用享祀」、「利用祭祀」、「利用刑人」、「利用獄」、「利 有似於利而亦避之,則以不合乎義,即爲不利也。 義之富貴如浮雲,禄之以天下弗顧也,繋馬千駟弗視也,雖 身,雖有似於不利而亦趨之,則以合乎義,即爲利也。 不利也、即不義也。然而急君父之難,赴蹈水火而不顧其 利,當趨而趨,當避而避。其趨者,利也,即義也,其避者 曰:「言義必及利。」韋昭曰:「能利人物,然後爲義。」此即 但言義不言利,則方外而不能和,故利爲義之和。 利即戎」、「无攸利」,皆言「不利」也。利與不利,古人皆質 作」、「利出否」、「无不利」,皆言「利」也。如云「不利爲寇」、 師征邑國」、「利用爲依遷國」、「利用賓于王」、「孚乃利用 謂利」。 「利物足以和義」之誼,此即「利」字最初之誼。君子明於義 「不利涉大川」、「不利有攸往」、「不利東北」、「不利賓」、「不 而《易・彖》以「元亨利貞」爲四德,其見之《彖辭》、 若小人 《周語 視不

0 「元」,據《左傳》當作「九」。

260

則反是。 利,不復知有義矣。 利,或君子所視爲義,所視爲利也。 謂罕言者,孔子每謙 明之變,烏足識乎性命哉?」正以「命」爲禄命也。 故以「利」承「罕言」之文,而於「命」、於「仁」則以兩「與」字 者,皆子所罕言,而言「仁」稍多,言「命」次之,言「利」最少。 子之罕言哉? 故夫子罕言利,則以其理 今《論語》夫子言「仁」甚多,則又群弟子記載之力,凡言 今案:夫子晚始得《易》,《易》多言「利」,而贊《易》又多言 曰:「死生有命,富貴在天。」「有命」、「在天」,互文見義 (史記 仁」皆詳書之,故未覺其罕言爾。 命」,中人以下,不可語上,故弟子於《易》獨無問答之辭。 論語論仁》篇:「孔子言仁者詳矣,曷爲曰「罕言」也? ·外戚世家》:「孔子罕稱命者,難言之也。 **書** 小人知利不知義,故喻於利。 皇疏云:「命,天命,窮通夭壽之目也。」是「命」爲 故其所謂利,或君子所視爲不利, 召 此解經説文字所當知世變也。 誥》云:「今天命吉凶,命歷年。」下篇子夏 至戰國,而孟子且辭而闢之,豈特如夫 不敢自居於仁,亦不輕以仁許人也。」 精微,人或誤習其説,而惟 君子知利不外義,故喻 時至春秋,君子道 而其所視爲不 利、命、仁三 非通 沅 知有 氏 所 幽 元

達巷黨人曰:「大哉孔子! 博學而無

黨。 法。 無能名」也。」案:博學無所成名,惟聖人能然。 儕之於師列耳。 要也。 則仲舒所云「不學而自知」者,正以童子未學而即知爲學之 子·修務訓》、《論衡·實知》篇皆言項橐七歲爲孔子師,然 黨人,姓項,名橐。」並本《古論》。 注:「孟康曰:「人,項橐也。」」又皇甫謐《高士傳》: 承之以謙。 執射乎? 所成名。」【注】鄭曰:「達巷者,黨名也。 亦博學,而總有所專主,故執一藝以成名,乃中人爲學之正 孔子」,即「大哉堯之爲君」,「博學無所成名」,即「蕩蕩乎民 之則天,故門人援達巷黨人之言,以明孔子與堯同。 質潤美,不待刻瑑,此亡異於達巷黨人不學而自知者也。」 童子也。《漢書・董仲舒傳》對策曰:「臣 記・孔子世家》作「達巷黨人童子」,此安國故以 聞之,謂門弟子曰: 《大戴 此黨之人美孔子博學道藝,不成一名而 夫子本無常師,聞此童子之言而商所執,故後 禮 吾執御,欲名六藝之卑也。」正 吾執御矣。」【注】鄭曰: 曾子立事》云:「君子博學 焦氏循 《補疏》:「孔子以「民 吾何執 《國策・秦策》、《淮 ? 聞良玉不瑑,資 而孱守之。」又 「聞人美之, 無能名 執御乎? 五百家爲 若常人雖 義曰:《史 「黨人」爲 已。二子 達 「大哉 人遂 堯 南 巷

當 所居。」滋陽,今屬兖州府,此出方志附會,未敢信也。 又不及他藝,是御於六藝爲卑。 夫之子,長曰能御矣,幼曰未能御也」。 記 曰:《一統志》:「達巷在滋陽縣西北五里,相傳即達巷黨人 以示爲學當施博而守約也。 博學而終無所成能,故就己所學射御二者求之,祇當執御 子博學而算焉。」算,選也,即此所云「執」也。 云: 人之譽己也。 夫子所學。此時聞黨人譽己,恐門弟子惑於美譽,專鶩爲 言年十五學射御,❶二十博學,三十博學無方,是射御久爲 卑也」○正義曰: 夫子謙言但當執 徧,不可 名」者,言非一技之可名也。 在王畿。 •曾子問》:「子曰:「昔者吾從老聃助葬於巷黨。」」其地 博 學 而 翟氏灝《考異》疑即此巷黨,亦未必然。 無方,好多 御爲六藝之卑,故《曲禮》、《少儀》皆言「問大 而稱,故云「無所成名」也。」〇注 而 無定者,君子 ○注「達巷」至「而已」○正義 皇疏云:「孔子廣學,道藝 一藝以成名,不敢當黨 弗與也。」又云: 子長以能御許之, **◎**禮 聞 「不成 内 人」至 《禮 則 君

布以 爲之。 (注)孔 子曰:「麻冕,禮也。 純, 曰:「冕,緇 絲 也。 絲易成, 布 冠 也。 今也純,儉,吾從 故 古 從 者績 儉。」正 麻三十升 義 日

> 鄭作側其反。」❸「側其」之音爲「緇」,其實鄭依古字作「紂 六升布,❷則太密,非所容矣。 是細密難成,故不如用緇帛之儉也。 古布幅廣二尺二寸,以二尺二寸布廣之度,容二千四百縷 俗爲文。一升八十縷,三十升是二千四百縷,鄭依漢制,推 綖。」此冕用麻之制也。 取天地之色。」又云"「冕以木爲幹,以玄布衣其上,謂之 疏:《論語》「麻冕」,蓋以木爲幹,而用布衣之,上玄下朱 冕所以用麻爲之者,女工之始,示不忘本也。《左》桓二年 虎通 「純」當爲「緇」,黑繒也。 「三十升」者,鄭注《喪服》云: 「周冕而祭」,又曰「殷冔、夏收而祭」,此 「登」爲「升」,俗誤已行久矣。然則此云「三十升」,亦是依 「八十縷爲升。」「升」字當爲「登」,登,成也。今之禮皆以 麻 者 , 縛冕》篇: 「,枲麻, 績其皮以爲布,而 「麻冕者何? 鄭此注云:「績麻三十升以爲冕。」 《釋文》: 冕用之, 周宗廟之冠也。 蔡邕《獨斷》謂用三十 「純,順倫反,絲也 三代宗廟之冠也。」 故 曰「麻冕」。 《禮 合白 一

0

[「]五」,據《禮記•内則》當作「三

[「]六」,據《獨斷》爲衍文。

[「]其」,據《釋文》當作「基」。下「側其」之「其」亦當作「基」。

黑繒 見也。

緇

布

対し已明。

鄭之意,實以「純」字與 名之。「緇」、「紂」爲古今字,鄭 是也。」賈公彦《周官・媒氏》、《儀禮・士冠禮》疏言鄭破 經文絲帛分明而色不見者,以黑色解之,即 文,人不經見,故先讀從今字而爲 色」者,則爲「紂」字。 純當爲緇」,是緇可爲帛色,而賈以緇但爲布色,非矣。 純當爲緇,古文緇字,或作系旁才。」《周 「絲衣」解之,雖不破字,亦是讀 《昏禮》:「女次純衣。」注云:「純衣、絲衣。」如此之類 「緇,帛黑色也。」 宋氏翔鳳《發微 《祭統》「純服」、《昏禮》及《士冠 《玉藻》孔疏云: 」相似,故致誤。 '實緇字也,古緇以才爲聲。」此 而云「據布爲色」者,則爲「緇」字,「據帛爲 ·冠」之文。 若色見而絲不見,則不破 稱古用麻,今用純 與 緇 》謂 「紂」相似,故讀從之。 孔疏異,似非鄭君之旨。案: 本 鄭 ·謂黑帛,其後布之黑色者,亦得 且 讀 《禮• 「鄭讀純爲緇,其例有異。 以 緇 此 緇 即 注訓 「紂」,以 「緇」也。 布 玉藻》: 緇 ,則絲可 冠代 布冠 黑繒 與他處注文可 麻冕,而 官 「純」字,以 讀 「純組綬。」注: ,然鄭以 禮》「純 且言「緇」則 知也。 , 而 爲緇。 鄭 ·媒氏》「純 但 破讀 破 「紂」爲 以色不 冕直 「純」爲 衣」,注 如 義爲 止 《説 二爲 《論 緣 云 若 互. 爲 古 讀 廢 階 作階下,北 異國之君亦 凌氏廷堪《禮經釋例》: 從 也 語 之陋矣。 緇 者,今易之以純,純 緇撮。」毛傳:「緇撮,緇 之。」注: 棄不用 「緇」,似爲僞孔所本。 下,禮 Ĭ I 布冠、禮經 ,豈可通 如 之。 乎?

絲。

見 語

,故讀純爲緇。 》云「今也純」。 紂

一篆與

純

之例,與孔同。

《士冠禮記》曰:「始冠,緇布之冠也。 笠,緇布爲冠,古明王之時儉且節 至「從儉」○正義曰:《後漢・ 『今也純,儉。』」此許解《論語》用本字,不煩破讀 「重古始冠',冠其齊冠。」《詩·都人士》云: 純爲絲者、《説文》: 》所載,判然各别,而 是黑繒,斷 不知宋君何 拜下 布冠。」鄭箋:「都人之士以 陳玄傳》注引此 純, 無儉於緇布 禮 也。」 以 也。 絲 掍 也。 如 而 此說。 則緇布冠是 太古冠 一之,可 今拜乎上, 從系,屯聲。 冠之理。 注作「何晏」。 ○注 布, 知 作 臺 齊 冠之儉 且 臺笠 ¬ 僞 冕 皮 則 日 泰 者 與 緇

射》,主人獻公,主人自酢於公,獻畢,二人媵爵于公,皆 禮者,下拜,然後升成禮。 再拜稽首,此 雖違衆,吾從下。」【注】王曰:「臣之於君 之恭也。」正義曰: 面再拜稽首,立。 士大夫於諸侯 廷堪案: 「凡臣與君 司 時臣 臣 也。 「拜下」者,謂 Œ 與 安賓,司 《覲 君 行禮,皆堂下再 驕泰,故於上 行禮, 禮 郊勞行享,侯氏 Œ 如 於堂下 升酌散,亦 《燕 禮 拜稽 拜。 一》、《大 拜 首 也。 今

拜,此 門左,公再拜,賓辟,再拜稽 賓,賓再拜稽首。 拜稽首。 此皆與異國之君行禮也。 北 禮 歸饔餼,士介則北面再拜稽首。 庭,再拜稽首。 覿及士介覿,亦皆入門右,奠幣,再拜稽首。 禮 皆拜于庭者,是臣與君行禮,皆堂下再拜稽首也。 拜稽首,許諾。 君,士大夫則奠摯,再拜稽首。 皆 亦 命,賓介皆再拜稽首。 成拜。 降階 》,公舉媵爵爲賓舉旅行酬 再拜稽首也。」又云: 面 記 》賓覿,先請以 》若他邦之人,則 影若私 再 全乎爲臣 拜 再 稽首。 廷 使卿致館,賓再拜稽首。《公食大夫禮》使大夫戒 拜 獻,賓再拜稽首。 堪案: 稽 首 《聘禮》命使者,使者再拜稽首,辭。 禮畢,主國之君勞賓介,賓介皆再拜稽 者 明 臣禮見,人門右,北面奠幣,再拜稽首。 此皆與異國之使者行禮, 此 也。 臣與君行禮,皆拜于堂下,不辭,不升 日 使擯者還其摯,賓再拜稽首,受。 諸 ,賓拜賜 《覲禮》賜侯氏舍,侯氏再拜稽首,亦 「凡君待以客禮,下拜則辭之,然後 侯 若 於天子 《聘禮》主君使卿郊勞,賓北 君以 首。 《公食大夫禮》大夫納賓,賓人 ,賓降西階下再拜稽首。 拜 《燕禮》、《大射》命賓,賓 客禮 拜饔餼,皆再拜稽首。 侑賓後,賓入門左,没雷, 也。 食與侑幣,皆再拜 待之,如《燕禮 士 相 而尊其君命,故 見 介送幣于 禮 《士相 》始 使者反 一》、《大 稽 公命 面 見 《聘 《聘 首 首 成 中 介 見 再 再 于

爵 爵 即 《大射》:「數獲後,飲不勝者,若飲公,則 于堂上者也。 《覲禮》執 辭之,於禮若未成然。」又賓勝觚于公,公爲士舉旅行酬 觚于公,酌散,下拜,公降一等,小臣辭,賓升,再拜稽首。」 辭,則聞命即升。 升乃拜,是以不言成拜。」《燕禮》:「賓媵 拜,下亦未拜。 又「實升,酌膳觶,下拜,小臣辭,賓升,再拜稽首。」注:「下 行酬,公立卒觶,賓下拜,小臣辭,賓升,再拜稽 注: 「太史辭之降也。」此皆先拜於堂下,君使人辭之,復拜 侯氏車服,侯氏降兩階之間,北 請罪,「王勞之,再拜稽首。 氏降階東,北面再拜稽首。 降洗,升,酌膳,降拜。 小 「不言成拜者,爲拜故下,實未拜也。 而言。 等,小臣正辭,賓升,再拜稽首。」此皆降而未拜,君辭之, 升堂再拜稽首,故不云升成拜也。 ,則下席再拜稽首。 臣 辭 賓升成拜。 《燕禮》、《大射》: 主行 又如《燕禮》、《大射》:「公舉媵 覲,「侯氏坐取圭,升,致命。 凡下未拜有二:或禮殺,或 注: 受爵,但 小臣辭,賓升成拜,受酬者亦 升 「無算 擯者延之曰升,升成拜」。 擯 成 者延之日升,升成拜。 拜 一降席,不云降階者, 復再拜 面再拜稽 爵 《士相日 命 下不 所 侍射者降拜,公降 稽 賜 輒 見 君親辭。 王受之玉。 首,升成 首 禮 拜, 所 爵爲賓舉 也。 賜者 》若君賜 禮 首。」注: 指 先 殺 興 拜」。 君 也。 覲 無 王 時 然 宵 受 算 > 親 旅 賜 畢 侯 君 首。

此

皆拜于堂

上

禮

殺

故

也。

又

歸

饔

餼,「大夫東

醴。

《公食大夫禮

*:

賓卒

食,「揖

讓

如

初,升,

賓再

壹拜送,凡賓不降,

階

上答再拜稽首。

又賓不降,壹

《聘禮》:

降階未拜,異國之君親辭之,即升拜也。

饌,公以 賓階

束帛侑賓,賓皆降拜。

公辭,賓升,再拜稽

首。

上再拜

稽首」。

《公食大夫禮》:

異國之君,使人辭之,然後升成 大射將終之時,「公有命徹幂 而升堂甫拜,故卒爵不復 殺故也。」《燕禮》、《大 以客禮待異國之臣 賓祭正饌,賓祭 上再拜稽首者 禮賓、公 升,公西 臣辭 拜 注謂 拜 首。 面 面 東 皆 受 皆 此 稽 加 拜 致 再 成拜」。 成 該之。 即 下,及君辭,復升成拜。 于公,公爲士舉 指 受爵,當拜於堂下。 拜乎堂上,故孔子非之。 子 同,蓋待異國之臣,其 使升堂,明 階,東 成拜,亦 聘 命,賓降階西 無復下拜,及 日 稽 酬。 禮 **艏首**,拜中之一。 時,君弱臣彊,凡 寶問卿,「賓東面致命,大夫降階西,再拜稽首 •大祝》:「九拜,一 燕禮,舉一 」與「餚」同。《説文・手部》: 〇正義曰: 面再拜稽首、公降、再拜」。 《燕禮》所云「公舉媵 今隸變作 如見其君也。 此使者奉其君命,以客禮待異國之臣,故降拜,升 禮有終。」則賓降拜,公亦降拜,唯稽 以例 众君 辭, 再 旅 拜 拜」。 「升」字從皇本 行酬」,即 其餘耳。 稽 應於堂下拜者,不復循 許 時臣驕泰,故拜於堂上。」注所云 復 首。 禮 意據《周官 日 八升,成 至于《公食大夫禮》卒食後,「賓 ○注「臣 當時則於授爵之際,已拜於堂 稽首。」賈疏: 鄭此 有加焉爾。」案: 大夫辭 臣 其 爵爲賓舉旅 拜 禮 注云: 酌 補 之於君 之禮, 也。 酒獻君 1》先言 **撵**,頭 升 注"「答之也。 邢 禮 成拜」。 酬 疏 行禮者下拜然 「稽首, 故 申 酢 行酬」,又「賓媵 日 「稽首」, 凌説 至地也。」頭 爲 ,臣之於君 授爵,當 酢,君酌 臣 注 驕 禮之正 Ŀ 亦 臣 甚 首與 泰 有「升」 介 拜君 覈。 故 也。 賓辭 不辭之 如 拜 再 舉 酒 賓 法。 酬 至 於 答 禮 而 當 拜 上 禮 升 以 周 夫 酢 臣

也。

《聘禮》主

君禮

賓,「受幣降拜,公辭,升,再拜

稽

拜稽首。」此先降階拜。

私

覿,賓授幣,「降階東,拜送,君降

等辭,栗階

亦然。 君以

《公食大夫禮》:

「賓升、公當楣再拜、賓降西

北面答拜。

擯者辭,賓栗階升,不拜,命之成拜階上

北 階 則 再

卿大夫皆降西階下,北面東上,再拜稽首。

公命小

降

,亦殺其禮也。

唯燕禮、

蓋 射

前酌散之時,已降階拜,因君辭 》賓媵觚于公,大射飲公,凡卒爵 爵,降席下奠爵

再

拜

稽

首。」疏

云:

旅

酬

以

前 受公

爵

拜,升成拜。

至此不復降拜者,禮

皆于階

小

臣

辭,不升成拜

明雖

醉正臣禮

也。

凡此瑣節雖不

同

客禮待之,故拜于堂上也。

又案:

公答再拜,大夫皆辟」,

此則君雖辭之,亦不復升拜。

者必升成拜也。 下 拜 或下未拜 臣 禮 , 君辭, 乃升拜 之正 注説未晰 其 下 拜 ,皆禮之殺,非謂凡行禮,下拜 而 君 待 以 客 禮 辭 復 升 成

身。 下引 羊》昭十二年 毋 何?」」何休注:「此夫子欲爲後人法,不欲令人妄億錯。」 在 意度也。」毋意,即毋測未至也。」案:段、王説同。《公羊 王氏引之《經義述聞》:「《少儀》:「毋測未至。」注曰:「測 心音,察言而 古 固 論語》「毋意」,「不億不信」,「億則屢中」,其字俗作「億」。」 而不自作,處群萃而不自異,唯道是從,故不有其 【注】無可無不可,故 必、【注】用之則 」者,禁止之辭。 此文云云,即是以 正義曰:《説文》:「絶,斷 「伯于陽者何? 子絶四: 也,如 曰:「子苟 知 割截也。」言子有絕去四事,與人異也。 疏 意 毋意、【注】以道爲度,故不 也。」段 知 「子絕四者,備於鄭 毋即絶 之,何 公子陽生也。子曰:「我乃知之矣。」 行,舍之則 「意」爲億度也。 氏 也。 以不革?」曰: 血無固 玉 絲也。」《釋名·釋言語》: 裁注:「意之訓爲測 《説文》云:「意,志也。 行。 藏,故 注。」今此 毋 《釋文》:「意,如 如如 我。 無 專 爾 【注】述 注已 必。 所 任 度,如 不 《公公 意。 佚。 毋 從 知

> 讓善於天也。」又云:「以億逆爲意而去之,是也, 非 字 之,非也。」 去之,非也。 而 意而去之,非也。 比 也。 ·, 或 去之,非也。 也, 禮毋固, 時中也, 仁毋我, 與人爲善也。 於力反 莊氏存與《説》: 以足己爲我而去之,是也, 非。」「於 以 以 窮固 適莫爲必而去之,是也, 爲 力」之音, 「智毋意,先覺也; 固 耐 去之,是也, 亦是 讀 以修己爲我 億」,陸 義毋必,義之與 以 以 貞 善則稱親 固 果 不 以 断爲 當 擬議爲 爲 而 固 以 必 爲 而

既没,文不在兹乎?【注】孔曰:「兹,此也。 之未喪斯文也,匡人其如予何?」【注】馬曰: 者,本不當使我知之,今使 喪斯文也,後死者不得與 文王雖已死,其文見在此。此,自謂其身。」天之將 夫子容貌與虎相似,故匡人以兵圍之。] 曰:「文王 行。 陽虎。陽虎曾暴於匡。夫子弟子 曰:「文王既没,故 後尅爲夫子御,至於匡,匡人相 子畏於匡、【注】包曰: 孔子自 謂 我 後 「匡人誤圍夫子, 知 於 死。 之,未欲 斯 顏 文也,【注】孔 言天將 與 尅 共 時 喪 識 又 七也。」天 喪此文 村。 與 虎 以 又 俱 爲

處。

王

也。」正 ○注 未欲 文王 子曰云云。 子於衛靈公,孔子去衛 斯文,久當湮没,必不令夫子得之。 在兹,即道在兹,故《孟子》以孔子爲聞而知之也。 存方策。 没』云云。」是孔子此語 不弔者三: 畏、厭 當傳之, 畏,懼 有戒心」也。 指之辭。 載 在 如予何者,猶 《左》僖十五年: 喪斯文,匡 死 「匡人」至「圍之」○正義曰:匡邑見《左氏傳》,凡有數 此事於魯定十三年,時孔子年五十六也。「兹」者,有 陳 也。 也,恐也。」夫子見圍於匡,有畏懼之意,猶《孟 一義日 留 夫子周遊 匡 長 下兩言「斯文」,「斯」、「兹」同義。 後死者既與於斯文,是天未欲喪斯文可 匡人拘孔子益急,弟子懼。 人 垣 人若因畏而 縣 人必 欲 説 溺 西 言奈 奈 文》云: ,以所得典籍自隨,故此 不能 南 是 我 諸侯 爲解慰弟子之辭。 ,將適陳,過匡 也。 何我也。 何? 此 違 死,亦 一 畏,惡 盟 匡 天害己, 《史記·孔子世家》: 于 爲 言 稱畏。 牡 衛 其 丘 「後死者」,夫子自謂 也。」《 天之未喪此文, 邑 云云。 致使斯 不 也。 遂次于 《禮 孔子曰: 能 廣 江氏永《先聖圖 文元 • 檀 指而言之。 五日,顏淵後, 違 雅 文遭毁 文武之道,皆 匡。 天 弓》 年》: 釋 『文王既 「或譖孔 以 天將 杜 知。 子》言 失 詁 害 則 死 注: 也 文 天 己 我 衛 喪 Mij 後 言》: 也。 0 伐 此 宋 取

所

其

孔達侵鄭,取 陽虎暴匡之事,求之衛、 閻氏若璩《釋地》、顧 得去。」則以匡爲衛邑。 家》言:「匡人圍孔子,孔子使從者爲甯武子臣於衛,然後 殺陽虎,孔子似之,因圍孔子。」亦以匡爲宋邑。 匡,衛邑也。」案:《莊子》以匡爲宋邑,宋人即匡 子遊於匡,宋人圍之。」《釋文》引司 缺于承筐。」❶杜注:「宋地,在陳留襄邑縣西。」此 出自陽虎,是虎實帥師。 在軍,不得專制。 乂襄邑西三十里有古匡城,皆爲子畏於匡地,蓋兩説 | 匡爲鄭邑, 衛取之也。 作「衛」。 「子畏於匡」之匡,舊説不 以 「案:《春秋傳》公侵鄭取 釋 憾,而 綿、 《説 王 **訾及匡。」杜注** 苑 凡過衛不假道 城 氏棟高《春秋大事 適缺, 雜言》篇言:「孔子之宋匡 《寰宇記》謂長垣西十里 宋,皆無可考。 又《十 當 虎與 侵鄭時,匡本 匡 年 僕顏尅就 三 , 反穿城 在 《莊子・秋水》篇: 定公六年,是 馬彪曰:「宋,當 在 表》專 潁 毛氏 「叔 而 鄭鄙邑,必欲爲晉 11 其穿垣而人之。 躪 孫 新 奇齡 主 其 彭生 汲 《史記 地 人,不必 長 有 時 縣 匡 簡 ~四 垣 其 匡 ||爲宋邑 會 季 東 並 邑 作 北。 令皆 氏 子 晉 書 城 存 將 世 改 雖 膡 以

作「匡」。 孫」,據《左傳》爲衍文。 「筐」,據《左傳》及上下文當

子路 也! 甲者進曰: 志》云 年已爲衛所取 子到匡 辭以 當獻公世已滅,而武子仕文、成之世,豈得與孔子時 謂夫子使從者臣於甯武子,然後得去,此傳聞之誤。 感之以絃歌,不待自辨,而匡人已知其非陽虎矣。《世 若。」子路歌,孔子和之,三終而圍 陽 詩外傳》: 恐魯終不能有,則仍屬鄭耳。 匡、戚之田于衛」,其後復屬鄭。 人。」」此即圍師人城之事。」案:毛説甚近理。 世家》作「顔刻」、《弟子列傳》無尅、刻名,但有顔高,字子驕。 世家》此文,毫不足據。 世 虎,而以 家 《莊子》言:「宋人圍孔子數匝,而絃歌不輟。 愠怒, 夫《詩》《書》之不習,禮樂之不講,是丘之罪也。 「匡城在扶溝縣西」,扶溝與新汲壤正相接,實一 圍 一郭外, 顔尅 「顔尅 或彈琴 我 「簡子將殺陽虎,孔子似之,帶甲以圍孔子舍。 奮戟將下。 「以爲陽虎也,故圍之。 爲陽虎,則非丘之罪也, ,而不能得其田,故《文八年》「晉侯使解揚 E. 而釋難,分一事爲二,尤屬臆説 舉策指匡 一昔 吾人此、 孔子止之曰:「由,何仁義之寡裕 《索隱》又謂夫子再阨匡 一穿垣 杜謂匡在新汲東北 至定六年,乃爲魯所取,然 由 解。」此是當日實事。 彼 曰:「往與 今非也,請 缺 命也。 也。」』《琴操》: 陽貨正 此匡在 子歌,我 辭退。」《韓 而《一 幾何,將 人,或設 相 顔尅 吾 文元 甯 從 值 孔 家》 地 統 ? 氏 蓋 和 非 此

日:

乎哉? 不多也。【注】包曰:「我少小貧賤,常自 「固天縱之將聖,又多能 執事,故多能爲鄙人之事。 知我乎? 吾少也賤,故多能鄙事。 固縱大聖之德,又使多能也。」子聞之曰:「太宰 或宋,未可分也。疑孔子多能於小藝。」子貢曰: 其多能也?」【注】孔曰:「太宰,大夫官名。 詁》:「高,乃亭之譌,亭、刻同聲,❶古字通用。」其説並是。 惠氏棟《九經古義》 太宰問於子貢曰:「夫子聖者與? 凝 高 即 尅。 君子固不當多也。」正 也。」【注】孔曰:「言天 王氏引之《春秋名字解 君子 或吴 多 何

■ 二「亭」字、孫校把下部的「丁」加紅框。

時,與子貢語、《十二年》「公會吴于橐皋」時,與子貢語

, 其 夫子之聖。惟吴大宰,則《左氏傳》哀七年「公會吴于鄫」

後,過曹適宋,於時有桓魋拔樹之難

,宜無冢卿

向子貢私

十九娶于 幵官氏之女,時子貢猶未生,

則年五十

六去衛

則

年 觀

旭《偶記》:「鄭以爲吴大宰,蓋以夫子雖兩居宋,但

鄭注云:「大宰是吴大宰嚭。」僞孔兼存吴、宋。

方氏

卿

同

於天子,魯則羽父求大宰,鄭有大宰石

臭,

楚有

大宰 備

2 0

簿君《秋槎雜記》説:「天子六卿,冢宰亦曰

大宰。

宋

六

者,官也。」又《大宰》注:「變冢言大,進退異名也。」先考典

似以

「縱之」爲句。

|至「小藝」〇正義曰:

聖之方也。《風俗

通•

子舍子貢之言,而但言「大宰知我」,明知我多能也。 增大山,不益其高,且爲不知。」」此子貢與大宰嚭論述聖德 增夫子乎?』對曰:「夫子不可增也。 事之。夫子其猶大山林也,百姓足其材焉。1大宰曰: 之。」大宰嚭曰:「子不知,何以事之?」對曰:「唯不知,故 見大宰嚭,大宰嚭問曰:「孔子何如?」對曰:「臣不足以知 子之多能爲聖者,亦吴人也。」案:《説苑・善説》篇: 是鄙事,君子且不貴,況聖人乎? 固是天縱,多能亦是天縱,子貢此言,可謂智足知聖,故夫 之證,而大宰之爲吴大宰嚭,益信。 云:「肆也,言不爲限量也。」李氏光地《論語劄記 僬僥氏三尺」之語,於是曰「善哉聖人」。 宋皇瑗于鄖」時,又與子貢 皇本「大宰知我」下有「者」字。 |家》吴客聞夫子 | 防風 窮通》篇引「固天縱之,莫盛於聖」, 鄭《周官目録》云: 蓋避聖之名而示人以學 「縱」者,朱子《集 夫賜其猶一累壤,以 是前 氏骨節 語,故定爲吴大 「冢,大也。 此固 專 》説: ○注 車」, 有以 一子貢 多能 子 注 聖 大 宰 夫 及 多能 大聖 聖,即將聖也。 射、御皆是小藝,大宰所指稱也。 能於小藝」者,正以禮、樂是藝之大,不得爲鄙事 將者,且也。 聖也。」案:《荀子・堯問篇》「然則孫卿懷將聖之心」,亦謂 將」、❶「我受命溥將」之「將」,並訓爲大。 辭,無疑辭也。 亦多矣。」此相傳夫子多能之事。 子之通,智過於萇弘,勇服於孟賁,足躡郊菟,力招城 語,非問子貢,不若吴大宰親問子貢爲得實也。「疑孔子多 吴、宋,或即暗據《列子》之文。 然則丘博學多識者也。」一宋是商後,故亦稱 大夫,故此 子商,蓋散位從卿,列國之僭 商大宰見孔子曰: 也。 也」〇正義曰: 《論 注以大宰爲大夫官名 不言已聖,言且聖者,以 衡 注 錢氏大昕《潛研堂文集》:「《詩》「有娥 實 亦微誤。 「丘聖者與?」孔子曰: 知》篇: 注以「固天縱之將聖」爲句,亦通。 ○注 2子頁曰: 制 今不從者,商大宰是與夫子 也。」謹 《淮南子·主術訓》: 「言天固縱大聖之德又 大宰以多能爲聖,但 也。 爲孔子聖未就也。 **参** 案: 「故天縱之將聖。」 子

宰。

《史記・孔子世

「聖則

敢?

商

此 丘

注 何

兼存

惟

書、

散位從卿,

即

是

仲

尼》篇

秋「公會衛侯、

娥」, ,據《詩 長發》當作「娀」。

實知」 據《論 衡 》當作「知實」。

大

方

有美

關,能

孔 數

然則將聖者,大

孔

多能 十五。 夫」訓同。 子・非相》注:「鄙人,郊野之人也。」鄙即是賤。 徒,用給徭役,不自執事也。 從此注訓大聖。 時 之時、未能知天命至耳順也、則謂之且矣。 子從知天命至耳 ,殆三十、四十之時也。」案: 爲鄙 ○注「我少」至「多也」○正義曰: 至哀十二年,則已七十,而云在三十、四十之時,誤 「君子」者,則有德堪在位者也 人之事。 子貢初與大宰嚭語,在哀七年,夫子年六 ·順,學就 《周官 知明,成聖之驗也。 遂人》: 夫子少小貧賤,始習爲之,故 「故」與 居官則有府史或胥 <u>一</u> 五 「固」通,「將聖」,當 鄭爲鄙。」《荀 當子貢答大宰 未五十、六十 下篇「鄙

之。 注: 牢名僅見此。《左昭二十年傳》:「琴張聞宗魯死,將往弔 用也」〇正義曰:《莊子・則陽》篇:「長梧封人問子牢。」子 章「少賤」、「多能」語同,故類記之。 曰: 不見用,故多技藝』。」正義曰:此引弟子述孔子語,與前 『孔子弟子琴張與宗魯友。』《七十子》篇云:『琴牢,衛人, 「琴張,孔子弟子,字子開,名牢。」孔疏:「《家語》云: 仲尼曰: 「牢,弟子子牢也。 曰:「子云:『吾不試,故藝。」」【注】鄭 「齊豹之盜,而孟縶之賊,女何弔焉?」」杜 試,用 也。 ○注「牢弟子子牢也試 言孔子自云『我

> 《莊子》作子琴張,無作琴牢者。琴牢字張,始見《家語》,乃 碑》琴張、琴牢並列。 牢」,王氏念孫《讀書雜志》以「琴牢」爲「琴張」之誤。云: 琴張爲子張,並沿舊説之誤。 杜預同誤。《史記· 非子張、服氏之辨最確。 丘侯,改贈陽平侯,則皆由《家語》之説誤之矣。 足憑也。 王肅僞撰。 「《人表》所載,皆經傳所有。《左傳》及《孟子》皆作琴張 張,鄭、賈之説不知所出。二案: 趙岐注《孟子・盡心》亦以 傳》云:「子張少孔子四十餘歲。」孔子是時四十,知未有子 賈逵、鄭衆皆以爲子張即顓孫師。 字子開,一字張。」則以字配姓爲琴張,即牢曰「子云」是也。 武,用」者、《爾雅·釋詁》文、《説文》同 莊子・則陽》釋文引司馬彪云:「即琴牢,孔子弟子。」與 自《家語》琴牢之名出, 後人據《家語》以改《漢書》。」其説良然。《白水 仲尼弟子列傳》無牢名,當是偶闕。 此及《左傳》杜注皆爲《家語》所惑,不 而子牢 《漢書・古今人表》有「琴 唐贈琴牢南陵 非琴張,則鄭 服虔云:「案"《七十子 此 伯、宋贈 竊謂琴張 注最 當 云

夫問於我,空空如也。我叩其兩端而竭焉。」者,知意之知也。知者言未必盡,今我誠盡。有鄙子曰:「吾有知乎哉? 無知也。【注】知

篇:「空空乎其不爲巧故也。」「空空」並即「悾悾」。 來問夫子,其意甚誠慤,故曰「空空如」。 禮•王言》篇:「商慤,女憧,婦空空。」《吕氏春秋•下賢》 「叩」者,反問之也。 夫子應問 曰:「有 兩 同。 《釋文》: 不窮,當時之人遂謂夫子無所不知,故 端 鄙 以 夫來問 鄭 語 彼注云:「悾悾,誠 之,竭 因鄙夫力不能 「空空,鄭或作悾悾。」此與 也。」段氏玉裁注引此文, 於我,其意空空然。 盡 所 知,不爲有爱。」正 皇疏以爲虚空,非 問,故反問 **慤也。」《大戴** 此鄙夫 而 我 似 前 詳 以 告 篇 此 則 意也。」 也。 一誠盡 皆有所宜,得所 無功之説進,不 哉」也,又云「無 夫」下有「來」字。

也。

義 ::

發事之終

始

(注)孔

謙言「無知」也

悾悾

而

不

· 信

之也。 愛,無父也,乃禹手足胼胝,至於偏枯。 所疑之兩端 其中於民」之「兩端. 也。 微末,故「末」有始義。《説文》:「耑,物初生之題也。」是 詐僞之風起,不行又無以 訂 有疑 之俗甚,不行又無以 ,楊朱爲我,無君也,乃曾子居武城,寇至則去。 即 焦氏循《補 也。 《説文》云:「訂,扣 「叩」字。 故先叩發其 ,而窮盡其意,使知所向焉。 疏》:「此兩端,即《中庸》「舜執其兩端,用 鄭注云:「兩端,末也。」凡事物之始,皆 也。 使 兩端,謂 使民 鄙夫來問,必 民 知 懲。 知 勸。 先還問其所疑,而後 理 有所疑,惟 財 伸 蓋凡事皆 旌善也,行之則 枉 也 ,行之則 也,行之則 墨子兼 有 有 兩端 兩 即其 頭 端 會 刁 起

如

聖人體道爲度,無有用意之知,故先問弟子云「吾有 以此爲治,通變神化之妙,皆自此 箕斂之流出,不行則度支或不足。 舜執之,執此 」○正義日: 行 宜 知也」, 據僞孔注亦似有「來」字。 也,用之,用 則 則爲中,孔子叩 皇疏云:「知謂有私意於其間 國 威 明己不有知意之知也,即是 將不 此 振。 也。 兩端 之,叩此也,竭 凡若是,皆兩端 議兵也,行之則 處則以 而宜之也。」皇 ○注 此爲學,用 之知 「知者」至 之, 也。 本 竭 知 生 也 平 則 此 而 事

書 書 圖 記 阿》傳:「雄曰 卦是也。」正義曰:《説文》云: 夫!」【注】孔 今天無此瑞。 爲 龜 曾子 何 顧 龍 子 曰 : 命》曰: 物, 銜 天圜》篇「羽 負 及 而 鳳,雌曰凰。」此對文,若散文通稱鳳。《大戴 所 **出** 河圖 曰: 出 吾已矣夫者,傷 鳳 之形。 此依《中候握 聖人 鳥不至,河 圖 蟲之精 《左傳 出於河,帝 ,受命, 者 「鳳,神 序》疏 河 日 不得見也。 紀 則 王聖 不 鳳 》爲言。 鳳 引 鳥 出 者之所受。」不 鳥 鄭 是 也。」《毛 圖, 説 至 也 宋氏翔鳳 河河 吾 鄭 河 河 詩 圖 出 注 己 圖、 《尚 圖 矣 以 洛 卷

乎! 至」、《周語》言 解此文,即備二義,其實後 明 不行,迺歎曰「鳳鳥不至」云云。」此以 陵夷二百餘年而 命,得 吾已矣夫!」自 莫不畢至, 大豐美,四海之内聞盛德 時,群生和而萬物殖,五穀熟而少木茂,天地之閒被潤澤而 莫敢不壹於正 書》言「《簫韶》九成,鳳凰來儀」,《左傳》言「少皞氏鳳鳥 命」,謂受天之命,躬致王 夫子此歎爲己不得受命之故。 正百官 疏 君 上 西西 舒傳》對 文引《 儒林傳》: ,與董氏異,當由《古》、《魯》不同。 狩 天命之也。」歎息而後 旅, 泣曰: ,正百官以 獲麟」後。 而王 論 策 日 : 語 ,而亡有邪氣奸其間者。 「周之興,鸑鷟鳴于岐山」,賈逵《解詁 「周道既衰壞於幽、厲,禮樂征伐自諸 悲可致此 道終矣。 天也 孔子興。 「故爲人君者,正心以正朝廷,正 正萬民 則 ○注 此 命也! 鄭 物, 説 而皆徠臣,諸福之物,可致之祥, 也。 「聖人」至「是也」〇正義曰: 孔子曰: 『鳳鳥不至,河不出 ,正萬民以正 以聖德遭季世 一義勝也。 息志。」❶與仲舒説同。 當爲《論 而 鳳鳥至爲聖王之瑞. 《易坤鑿度》: 身卑賤不得 鳳鳥不至,河 語 「吾已矣夫」爲己不逢 一四方。 《孔子世家》載 故《論衡 是以陰陽調 》注 ,知言之不用 也。 致 四方正 「仲尼偶筮 無 也。」是董 圖 漢 問 至。 而 朝 又《漢 書 影以 故 孔 侯 此 廷 遠 而 風 一受 圖 》篇 出 尚 爲 適 文 嗚 其 以 以 道 雨 近 董

傳 : 鸞鳳 河 取 此言河圖者、蓋《易》理寬宏、無所不法、直如《繫辭》之言 卦,謂之河圖。」孔疏: 之説、最近事理者也。 所至彌遠,德彌精,所至彌近。」是鳳鳥 宜,近取諸身,遠取諸物,于是始作八卦。」都不言法河圖 「伏羲氏仰則觀象于天,俯則觀法于地,觀鳥獸之文與地之 繼天而王,受河圖 夷玉、天球並列東序、當是玉石之類、自然成文。 于河。」是河出圖爲聖瑞也。 火英,圖書虵皆然也。」又《坤靈圖》: 井天乃清明,圖乃見。」」又云:「夜不可見,水中赤,煌煌 日,青變爲赤,赤變爲黑,黑變爲黄,各各三日,河中水安 稽覽圖》:「孔子曰:「天之將降嘉瑞,應河水青三日。 昔二皇鳳凰至於庭,三代至乎門,周 法已自多矣。 出 「河圖八卦,伏羲王天下,龍馬出 别 圖 名 洛出 則 知上古之時鳳常 書, 亦何 聖 ,則而 人則之。」若八卦 妨更法河圖 《漢書• 云「河圖八卦」者、《書・ 畫之,八卦是也。 至 書 也。 五行志 也? 顧 《淮 河,遂則其 「聖人受命,瑞應先見 不 命》有河圖,與 室至乎澤。 則 》劉歆以爲伏義 至爲聖 南 且《繋辭》又云: 易・ 河 子 圖 顧命》某 一瑞也。 (文,以 繋解》云: 繆 餘 此元俞 稱訓 復 大玉 彌 何 青 畫 《易 麤 所 氏 氏 如 四

[●] 上「息」字,據《易坤鑿度》當作「訖」。

此 商人因之曰《歸藏》,伏羲氏得河圖,周人因之曰《周易》。」 注》:「連山氏得河圖,夏人因之曰《連山》,歸藏氏得河 之,河圖文不皆具八卦,此特假伏羲事言之耳。 禹、湯、皆受河圖,亦不獨一伏羲。」由《書》疏、《後案》説 而 取 河 略本《山 也?」王氏鳴盛《尚書後案》:「蓋八卦是伏羲所受河圖 圖不止是八卦。 海經》,足知三《易》多法河圖 《書》傳所載古帝王,如黄帝、堯、 姚信《易 舜 圖 推

作「縗」,與《説文》合。 文》:「縗,服衣。❷ 愐 聲。」《廣雅・釋詁》:「濟,緁也。」「濟」、「寮」同,古字本 目所接遇,非以禮往來也。 此夫子哀有喪,尊在位,恤不成人。」正義曰:「見」,謂 也,大夫之服。 少,必作,過之,必趨。【注】包曰:「冕者,冠 衰 「見之」與「過之」,文相儷也。《説文》:「齊,緶也。從衣齊 整齊之也是 即 《釋名·喪制》云「齊,齊也。」❶言緝其衣裳之邊 子見齊衰者、冕衣裳者與瞽者,見之,雖 「縗 」省。 也。 瞽,盲也。 論語》釋文:「衰,七雷反。」其字或從系 長六寸,博四寸,直心。 《喪服記》:「衰長六寸,博四寸。」《説 賈公彦《喪服記》疏: 前言「見」,後復言「見之」者,稱 作,起也。 「衰綴於衣,衣 從系衰聲。」是 超,疾行 也。 作 際

> 異。 斬言。 服》:「卿大夫之服,自玄冕而下如孤之服。 禮,齊衰有三年、杖期、不杖期、三月之異,所謂 削幅,裳内削幅。」言「凡」者,明五服皆有衰也。 統名爲衰。」《通 弁而下如大夫之服。」此上下通制,故 論》作「覍」、《魯論》作「冕」,字本相似也。」案:《周官 字。』「冕、大夫以上服也。 氏鱣《古訓》:「《説文》:「覍,冕也。 斬衰服重,齊衰服輕、《論語》是舉輕以該重矣。 《釋文》: 者」,舉齊以兼斬也。」由江說推之,則此文「齊衰」,亦當 江氏永《鄉黨圖考》:「案: 言縫之邊幅向外 衣上,婦人同爲一服,故上下共稱也。」《喪服記》:「凡衰外 在衣則衣爲衰,在裳則裳爲衰。 冕,音免。 《説文》以冕訓「覍」者,散文或通稱也。 《喪服傳》:「斬者何? 鄭本作弁,云『魯》讀弁爲絻,今從《古》」。」陳 典》引雷次宗説:「衰者,當 也。 内削幅者, 從冃免聲。 Ŧī. 服 不緝也。 男子離其衣裳,故衰獨 言縫之邊 斬 從兒,象形。 四 侯國同之。 絻,或從系。』蓋《古 齊者何? 齊,第言「見 幅 鄭依《古論》作 士之服,自 心六寸 向 外削服 四 内 冕弁 緝也。」 齊 也。 布 齊 者 也 也 司 兒 衰

「喪」上,據《釋名》脱「釋」字。

0

❷ 「服」上,據《說文》脱「喪」字。

也。 取服之。 其服,非 之」,謂行出其前也。 祭後當稅冕,仍藏公所也。《曾子問》:「尸 私家,非禮也。」是冕弁皆藏公所,大夫、士行禮時,於公所 皆作合手狀矣。其延下當上鋭下圜。案:《雜記》:「大夫 爲之,謂之皮弁,以韎韋爲之,謂之韋弁也」,然則此三弁, 似弁,不特弁下無旒,及前後延平,異於冕也。考《釋名 冠禮》疏:「冕者,俯也。低前一寸二分,故得冕稱。 槃,大也,言所以自光大也。」任氏大椿《弁服釋例》:「《士 知新記》並謂夫子見冕衣裳,是見其人當服此者,不必真見 夫、士皆下之,尸必式。」「出 冕而祭於公,士弁而祭於公。」又《禮運》:「冕弁兵革藏於 弁則前後平,故不得冕名。」」案: 爵弁既以弁名,則其 冕」不可以該「弁」,猶之「齊衰」,言「齊」可 弁如兩手相 弁」者,「冕」、「弁」義 ,所以攀持其髮也。」鄭注《士冠禮》云:「弁名出於槃。 若然,夫子得見冕衣裳者,意即在公時所見。 |則不得該「齊」也。 也。 故《孟子》以夫子去魯,不稅冕而行爲微罪,明 錢氏大昕《潛研堂文集 合 拚時 也。 閻氏若璩《釋地三續》、汪氏中《經義 雖 《白虎通·紼冕》篇:「弁之爲言攀 以爵韋爲之,謂之爵弁,以鹿皮 兩 通,但 一謂出 廟門,非謂出大門在 |言「弁」可 》亦疑冕是祭服,非夫 弁冕而出,卿 以 該「斬」,若言 該「冕」, 其 (狀當 其爵 道上 過 助 大 言

禮,四十始仕,此童子得服冕或弁者,春秋時,世卿持位,不 裳或朱或素也。「少」謂年少也。《史記・孔子世家》: 與 文,裳刺繡 之服,自玄冕而下如孤之服。」是大夫有玄冕。 下如侯伯之服,孤之服,自希冕而下如子男之服,卿大夫 服,侯伯之服,自鷩冕而下如公之服,子男之服,自毳冕而 大夫以上冠也。」《司服》云:「公之服,自衮冕而下 作「趍」。○注「冕者」至「行也」○正義曰:《説文》云:「冕 嫌 齊衰、瞽者,雖童子必變。」以童子爲少者,此安國 冕爵弁服皆紂衣纁裳,皮弁服素衣素裳,韋弁服則衣靺韋 下曰裳。」《説文》:「常,下裠也。 相應也。 「絻」譌。 鄭彼注云:「弁経者,如爵弁而素,加環絰也。」此以「冕」爲 統之。《古論》作「弁」,疑即《司服》所云「弔事之弁経 衰,服之重者, 絻,服之輕者。 皆在他邦、袒免。」先儒以爲免象冠,一寸,用麻布爲之。 子 有年少已貴仕也。 燕居所見,遂據《魯論》作「絻」,以 「免」同。《士喪禮》:「衆主人免于房。」《喪服記》: 「裳」者,在下之服。《毛詩・七月》傳:「上曰 絻與齊衰,同爲喪服,亦是彊別爲義,不必與經旨 而 己。 ·瞽」爲盲者、《説文》:「瞽,目 皇本「少」下有「者」字。宋石經「趨 舉其至重與至輕者,而 裳,常或從衣。」於禮,玄 冕 即 「絻」之譌,「絻 玄者,衣 但 如 故 「朋友 有 王之 服 五服 衣 也 齊 無

步,疾行曰趨。」《爾雅·釋宫》:「門外謂之趨。」門外行,可 平合如鼓皮也。」與司農合。「作,起」,見《説文》。《鄉黨 牟子,今謂之瞳人。 疾走也。 各據一義也。❷《釋名・疾病》云: 者,蓋「瞽」有二:一是有眹而無眸,一是並眹無之。 而無牟子。 也。」「眹,❶目精也。」今謂之眼珠。 「必變色而作」、《先進》「舍瑟而作」,訓 趨,走也。」《釋名·姿容》云: 《曲禮》鄭注云: 鄭司農《周官》注云:「無目眹謂之瞽。」與許異 許意「瞽」、「盲」二字同義,皆是有眼 「行而張足曰趨。」 ●「兩脚進曰行,徐行曰 ❸「瞽,鼓也。 又「盲,目無牟子也。」 並同。《説文》: 瞑瞑然目 許、鄭 珠

也

雖 禮 文章開博我,又以 正 然善誘人、【注】循循,次序貌。誘,進也。言夫子 高,鑽之彌堅。【注】言不可窮盡。 忽焉在後。【注】言恍惚不可爲形象。 以 ·欲從之,末由也已。」【注】孔曰:「言夫子 、欲罷不 此 顔 道進勸人,有所序。 淵 喟然歎 能。 禮 既 □:【注】喟,歎聲。 節節約我,使我欲罷 竭 吾才,如有 博我以文,約我以 所立卓 瞻之在前 夫子循循 「仰之彌 而 不 能,已 既 爾 以

> 德。」注引《論 循」,或作 不可見也。 貌」。「瞻之在前」,謂夫子道若可見也,「忽焉在後」,謂 孔子,積累歲月,見道彌深也。」「瞻」者,《爾雅・釋詁 云: 與「仰」同,謂舉向上也。「彌」,《説文》作「镾」,云「久長 者、《説文》:「仰、舉也。」《廣雅·釋詁》:「卬,嚮也。」「卬. 竭我才矣。 夫子之善誘,猶 「堅,固也。」《論衡・恢國》篇解此二句云: 「鐫」,當由《齊》、《古》文異。「堅」者,《爾雅・ 瞻,視也。」「忽」者、《左傳》「其亡也忽焉」,杜注「忽, 0 「鑽,所以穿也。」漢《嚴發碑》: 《儀禮・士冠禮》注:「彌,益也。」「鑽」者、《説文》 「恂恂」。《後漢書 邢本、《集注》本,「忽焉」作「忽然」,誤。 其有所立,則又卓然不可及,言己雖蒙 語》「夫子恂恂 不能 及夫子之所立。」正義曰: 然善誘人」。 趙壹傳》:「失恂恂善誘之 「鐫堅仰高。」「鑽」作 又《李膺傳》注 「此言顔子學於 釋詁 仰 循 速 終

0

[「]眹」,孫校:「【眹】出新附。」

⁰ 「許 意」至「義也」,孫校"「許、鄭所説"联」,并不以爲目 劉説非。」

疾」上,據《釋名》脱

姿」上,據《釋名》脱「釋」字。

者,能 同。 有高岸 精微者,不敢必知,不可灼見,故以「如有」形之。《韓詩 兹苦也、祇其所以 樂,然亦有苦乎? 由」爲 子之所仰、 博文、約禮,即善誘之法。 語》,復云「恂恂,恭順貌」,與鄭注《鄉黨》「恂 邕《姜伯 論語》「卓爾」,此亦《齊》、《古》異文。 韓勅修孔 本》並以 》孔子與子夏論《書》云: 或 煬帝紀 故翟氏灝《考異》、馮氏登府《異文考證》、臧氏庸《鄭注 也。 謂 志 後 精 淮碑》、《後 絶望者, 史・王琳傳》、《魏書・ 微者 有 廟禮器碑》「連彈之思」,錢氏大昕《養新録 所 步 「恭順」之訓亦本鄭氏, 法言 卓爾」者、《説文》:「卓、高也。卓、古文阜。」漢 》用此文,亦作「恂恂」。 鑽者也。 **隲傳》、《孟** 深 也。」《 谷 學 爲樂也與? 言絶於瞻望也。 日 漢 泠泠然如 外 顏苦孔之卓之至也。 行》篇: 「罷」者,孫綽云: 子》「明· 傳 郭泰傳 先博文,後約禮,所謂循循也,顔 》所云「既 「丘嘗悉心盡志,已入其中, 此 」是「卓爾」,乃言夫子之道 顔不孔, 堂」章章指引文並同 論》、《宋書 高允傳》、賈思伯傳》、《隋 既 則謂 其《趙壹傳》注先引《論 此探下文「欲從」、「末 立 立」,與此文所言 而已矣。 雖得天下不足以爲 鄭注云:「卓 鄭本作 「猶罷息也。」「才 · 禮 或人瞿然曰: 恂,恭慎 志》載 「恂 不能 恂 爾, 》謂即 見 晉 立 」矣。 又 貌 絶 其 前 外 極 袁 蔡

輯

乎? 居,周 發,躍 姚氏配中《一經廬文鈔》:"「道也者,萬物之奥,所以變化 露 之高者美者,與此文言「立」義亦同也。「能者從之」, 之蟄以存身」,至精者也,至變者也,至神者也 用。 「可與立、未可與權」, 「神而明之、存乎其人」, 「苟非其 者見之謂之知,百姓日 凝成萬物,使各終其性命者也。 「欲從」者,欲從夫子之所立也。 獨立也。 處,誠知小之將爲大也,微之將爲著也。 能者難以從之,即 不 可 同 道不虚行」。 適,此則道之權也。 爲拙工改 及 ·二端》云:「小大微著之分也,夫覽 巽 也,何不使彼爲可幾及而 如 知進退存亡 流六虚,上下无常,剛柔相 孟子• ,伏也, 也。 雖欲從之,末由也與,此之謂也。」揆董所言,亦 廢 中 唯聖人則巽以行權。 盡心》篇: 寂然不 繩墨,羿 道 而立,能者從之。」」「中道而立」,亦 而不失其正者,其唯聖人乎? 此所言 知變化之道者,知神之所爲 動,感而 用 「公孫 不爲拙 而不知。 「欲從」、「末 \mathbb{H} 日孳孳也?』孟子曰:「大 遂 射變其彀率。 三 三 : 通天下之故。 是以仁者見之謂之仁, 聖不可 易,不可 巽,人也,精 其爲道· 「道則高矣,美矣,似 吉凶未形,聖 求 由」也。 及,故聖但 爲 也 微 典 屢遷,變動 ,聖人之所 細於 君子引 義人神以 (要,唯 其 故孔子 令春 謂 無 唯聖 獨 一人所 變所 端 秋 謂 明 而 立 蛇 致 人 不 知 以 之 繁 不 道 不 不

十而 極深 故知絶域之高堅,未可以力至也。」○注「言恍惚不可爲形 陵,有形之堅,雖金石可鑽。 見其止矣」。「末由」、《史記・世家》作「蔑繇」、「蔑」、「末. 所欲,不踰矩」,「從心所欲」,即 道,自以竭力學之,終不可幾及,故有此歎。 文》:「喟,大息也。」或作「嘳」。「歎,吟也。」顏子贊美聖 聲轉,「繇」、「由」今古文異。 從、末由,而終是欲罷不能,故夫子又言「回,吾見其進,未 前可瞻 絶塵」,則夫子之「所立卓爾」也。 服習既久,故舉其所已知者以自明,求其所未知者以自勉。 有所立卓爾」,謂禮之所立,無非道也。 道者,在此時矣。 夫子馳亦馳,夫子既奔逸絶塵,而回瞠若乎後矣!」」「奔逸 「末由 「大」、「化」、「聖」、「神」,皆是其詣意。 莊子・田子方》篇"「顏淵曰" 『夫子步亦步,夫子趨 立。 」○正義曰:皇疏引孫綽曰:「夫有限之高,雖嵩岱可 而 也。 而 研幾也。」案:姚氏之論聖道精矣。 夫子「七十從 志學即博文也,立即立於禮也,亦即約禮 忽焉在後 惟欲從、末由 道不外學,學不外禮。夫子十五志學,三 也。 ,故仰鑽既竭,而彌高彌堅也,在 此顏子之未達 ○注「喟歎聲」○正義曰:《説 若乃彌高彌堅,鑽仰所不逮 「變動不居」之謂。 「回瞠若後」,則「欲 顏子此言,所以 顔子於博、約之教, 閒 ○注 也。 「言不可 也。 然雖欲 孟子言 亦趨 從、 窺聖 如如 心

> 牽則和。」《繁露·基義》云:「凡有興者,稍稍上之,以 《學記》云:「故君子之善喻也,道而弗牽。」又云:「道 也。 惚」亦 恍即 象」〇 秀。」《詩・摽梅》傳: 「誘」、《説文》:「差,相 「循,順行也。」順行則有次序,注就本字爲訓,亦 Œ 「忽」俗。 「怳」俗。 義曰:《説文》:「怳,狂 《老子道經》:「道之爲物 ○注「循 ❶「誘,進道也。」❷「道」與 循」至 訹 呼也。 貌。 所 從 序一〇 引申爲 ム美。 惟 正 誘,或 無定 義 怳 「導」 曰 : 惟 之 忽。 遜 從 得 而 同 辭。 説 弗 通

心、非今日也。」無臣 詐 弟子行其臣之禮。」病閒,曰:「久矣哉,由之行 二三子之手乎! 天乎? 且予與其死於臣之手也,無寧死於 人爲臣。【注】鄭曰:「孔子嘗爲大夫,故子路欲 也! 子疾病、【注】包曰:「疾甚 【注】孔曰: 【注】馬曰:「無寧,寧也。 而 少 爲有臣。 差 曰 閒 曰 病。」子路 吾誰欺 言子路久 使 有 欺 門

● 「摽梅」、《經解續編》本作「野有死麕」,是、

❷ 「進」、《詩》傳無此字。

往,使人心説而安之,無使人心恐。」即進勸人法也。

禮葬。 喪禮 欺天,故云欺天乎。」鄭注云:「大夫退死,葬以士禮, 子,門 召孔子,孔子將反魯,適於道路中得疾也。 道路」之語。 退,當以士禮葬。 夫廢其事,終身不仕 之位,則不得以大夫禮葬,故宜以士禮葬也。《王制》云「大 以大夫禮葬。」案:年老歸政曰致仕。 也。 時 臣而爲有臣」,「爲」即是「僞」,謂無臣而僞有臣也。 曰:《爾雅·釋詁》:「詐,僞也。」《説文》:「詐,欺也。」「無 禮 死於道路乎?」【注】馬曰: 之手乎!」且予縱不得大葬,【注】君臣禮 天下人皆知我無臣 鳳《鄭 '司其事者,謂之有司,本不爲臣,今用大夫禮,是僞有 葬,有二三子在,我寧當憂 僞所 》,雖有夏祝、 若大夫退,是君疏斥己,或己避位弗仕。 人 注輯 也。 以 爲欺,故曰「吾誰欺? 蓋孔子自知必反魯也。]今案: 本》云:「按: 就 商祝、 今子路用大夫之禮,故夫子責之。 使 川則 我 ,死以士禮葬之」是也。 有 人不可欺。 御者、徹者、擯者、奠者之屬,皆暫 此爲孔子未反魯事,故有「死於 臣 而 死 「就使我不得以 棄 其手,我 今日立之,此政是遠欲 欺天乎」。 其爵未失,故從大夫 於道 「大葬」,謂 此當是魯以幣 路乎?」 寧 夫子去魯是 死 皇疏 既去大夫 葬。 於 考《士 致 君 弟 魯復 宋氏 云: 正 允, 子 臣 子 臣 義

隔; 者,以弟子情益親也。 乎」〇正義曰: 知,愈也。 用己, 有二三子在,不憂棄於道路,明 言,則臣不及弟子也」。 有閒隙。」《文王世子》:「文王有 爲臣助治之。○注「少差曰閒」○正義曰:《方言》:「差 用士禮。今子路尊榮夫子,欲用大夫喪葬之禮,故使門人 曰:夫子仕魯爲司寇,是大夫也。 事爲過計也。 將命以制作以教萬世,故決不死於道路,亦兼明子路豫 「間,猶瘳也。」〇注「就使我有臣而死其手我寧死弟子之手 亦當得歸魯,不致死於道路。 <u>日</u> 君臣之義也 也。」「加」、「甚」義同。 孔子嘗爲大夫故子路欲使弟子行其臣 弟子無方,無方則親 以大夫禮葬 大葬,謂用大夫禮葬也。 南楚病愈者謂之差,或謂之閒。」郭注: ○注「疾甚曰病」○正義曰"《説文》"「病 有臣死於臣手,禮也。 也。 故皇疏云「在三事同,若以 夫子言己 也。 又云:「臣 鄭此注云:「病謂疾益困 所以然者,以天未喪斯文,必 ○注 二三子亦能葬其師,不必迫 大夫稱 雖 疾,旬有二日乃間。」注: 及去魯,以微罪行,宜 未必 禮就 「就使 君 夫子願死於弟 復見用,以 養有方,有 至 」者,對臣言之。 之禮」〇 路 乎!〇 禮大葬。 親 「閒,言 也。」〇 子手 方 察 Œ 疾 正 則 而 降 X

注

加

子貢曰 「有美玉於斯 韞 賣 而 藏 諸

以

義

通 •

商

賈》篇:

「商之爲言商也,商其遠近,

度其有無

通

0

人禡韻,古無是也。」竊謂下句「待賈」,亦謂待賈人。 《白虎

之所得,買者之所出,皆曰賈。

方之物

故謂之商

也。

賈之爲言固

也,固其有用之物,以

待 四

者也,賈音古。」先典簿君《秋槎雜記》:「《儀禮・聘禮》: 也。」段氏玉裁注:「賈者,凡買賣之稱也。 古。」是舊讀「賈」有「古」音,即賈人也。 玉必經賈人之證。」謹案:《論語》釋文: 「賈人西面坐,啟櫝取圭。」注:「賈人,在官知物價者。」古 【注】包曰:「沽之哉,不衒賣之辭。 沽諸?」【注】馬曰:「韞,藏也。 物茂卿《論語徵》云:「善賈者, 賈人之善 韓子買諸賈人,既成賈矣。」此沽 「善賈」,喻賢君 俗又别其字作「價」,别其音 沽之哉! 時夫子抱道不仕,故子貢 得善賈,寧肯賣 《釋文》:「匵,本又 昭十六年《左傳》: 「善賈,音嫁,一音 《説文》:「賈,市 引伸之,凡賣者 我待賈者 也。 我居而 雖 有賢 之 行 覽• 不 明 則 觀餘論》。段氏以買賣皆可云「賈」,「沽」是叚借字。 至 民 而 俗别作「櫃」。○注「沽之」至「待賈」○正義曰:《太平御 也。」即本馬注。「裹」、「藏」同 「《論語》「沽之哉」,鄭康成亦音故。」此就鄭義爲音。 篇》引「求善賈而及諸」、《説文》云:「秦以市買多得爲及」。 也。」《白虎通》引《論語》以 上下句皆言「采」矣。《説文》:「匵,匱也。」「匱,匣也。」今 言「藏」者,古人自有複語,若《詩》「采采芣苢,薄言采之」, 「韞藏」至「匱中」() 待價」,明爲後人所改矣。「沽」,漢石經俱作「賈」,見《東 日閉 疑也。」此與包、鄭義異,似亦通也。 待價者。」與包此注同。 作「及」亦通。 來,以求其利者也。 沽 珍寶部》三引鄭 是衒賣 關, 商 旅不行。』《論語 也。 此當出《齊》、《古》異文。 皇 此注云:「寧有自衒賣之道乎? 正義曰: 疏 行曰商,止曰賈。 引 「沽之哉」,乃反言以決絶之辭 王弼曰: 證 義。 鄭注云: 》曰:「沽之哉 「止賈」亦當作「待賈」,今作 「韞」既 「重言「沽之哉」,賣之 《説文》: 「韞,裹也。 《易》 《群經音辨 訓藏,經下文又 曰:「先王以

作櫝。」通用字。

人重玉,凡用玉必經賈人,況鬻之乎?

「宣子有環,其一在鄭商。

君,亦待聘乃仕,不能

枉道以事人也。

借美玉以觀夫子藏用之意。

賈。」❶正義曰:君子於玉比德。

也。

求善

賣

而

也。

藏

匱中。

沽,賣也。

我待價

者

耶?」子曰:「沽之哉!

亦作「待」。 行」,據下正義文當作「待」。 阮元刻《十三經注疏》本

「衙,行且

我居

賣,

責

○注

巡

毫玉

賣 也。 《御覽》引鄭作「待價」,字之誤。 從行從言。 衒,行賣也。」包、 衒,或從 鄭均 玄。」 云「居 0 顔 師 古 而 待賈」,亦似 漢 書 東 方 音 朔

朝鮮。 記 理志》,而意更顯。 道義存焉。 邑無淫盜,門不夜扃,回頑薄之俗,就寬略之法。 包九夷。』《魏策 惟 年,故東夷通以柔謹爲風,異乎三方者也。 苟政之所暢,則 海」疏。 乃欲行道於外域,則以其國有仁賢之化故也。 欲居九夷」與「乘桴浮海」,皆謂朝鮮。 曰:「君子居之,何陋之有?」【注】馬曰:「九 夷,東方之夷,有九種。 淮南 ·君子居之,何陋之有?1亦徒有以焉爾。」此本《前漢 九夷在 李 子欲居九夷。或曰:「陋,如之何?」子 始其國俗未有聞也,及施八條之約,使人知禁,遂乃 斯 《後漢書·東夷列傳》:「昔箕子違衰殷之運,避 齊俗訓》謂泗上十二諸侯,率九夷以朝越王勾 東,故泗 仲尼懷憤,以爲九夷可居。 惠王 「楚破南陽九夷,内沛,許、鄢 上諸侯得以率之。 「九夷」者,夷有九種,朝鮮 用 張儀 君子所居則化。」正義曰: 之計, 南取漢中, 《戦國 夫子不見用於中夏, 或疑其陋,子 特九夷之一。 秦策》: 説見前 包九夷 陵危。」《史 行數百千 日 子 制 「楚 踐 浮 地 地

> 夷。 有 飾,五鳧更,六索家,七東屠,八倭人,九天鄙,皆在海 曰:皇疏云:「東有九夷:一玄菟,二樂浪,三高麗 子言,非孔子自稱爲君子。」〇注「九夷」至「則化」〇正 貴,衣冠禮樂與中州同,以箕子之化也。 朝鮮,能 然,則正或人所譏,夫子不應欲居之矣。 九夷者,皆叚借稱之。況楚地之夷,其風俗獷悍,至今猶 事記》據《 鄢 陋,人不知禮儀 欲居九夷」之言。案: 吕氏誤也。 九種: 郢。」《索隱》曰 玄菟、樂浪、高麗,皆朝鮮地。」❸《後漢・ 推道 《索隱 曰畎夷,干夷,方夷,黄夷,白 訓俗,教民禮義田蠶,至今民飲食以籩 》說,以爲孔子在陳、蔡,相去不遠,所以 也。 九 何異孫《十一經問 夷 即 屬楚之夷 南方曰蠻。 [對》: 也。」 夷,赤夷,玄夷,風 「陋」者,言其 「君子居之」,指 ❷吕氏祖謙《大 東夷傳》:「夷 「箕子受封 其稱夷、稱 , 四 中 豆爲 地

0

[「]或」上,據《說文》脱「衙」字。

著《墨子閒詁》。」 故子欲居之,非海外諸夷也。《索隱》説近是。詳余所故子欲居之,非海外諸夷也。《索隱》説近是。詳余所

[《]禮記•王制》正義。」 「皇疏」至「朝鮮地」,孫校:「皇疏本李巡《爾雅》注,見

中國 夷,陽 周 故君子居之,則能變其舊俗 自然也。』《孟子・ 九之爲言究也,德徧究,故應德而來亦九也。 海。《《白 類言也。 也 ,皆得名之,與皇疏 夷,故孔子欲居之也。」此謂 虎 **爾** 通 雅 禮 釋 盡心》篇: 樂》篇: 地》: 所指略異。 「九夷、八狄、七戎、六蠻謂之四 東所以 習以禮儀,若泰伯君吴,遂治 「君子所過者化,所存者神。」 夷之九種,凡 九何? 蓋 皇疏以 蓋來過者九。 非故爲之,道 地言 在海 漢 中及居 傳 以

知。 有舞容,故稱《頌》。 也 其音爲正 者,正也,所以正天下也。 風》、《雅》、《頌》,此不及《風 雅》,故降而稱《風》。《風》、《雅》皆以音言。 頌》各得其所。」正義曰: 頌 以 》各得其所。【注】鄭 是時,道 舞容言之也。 子 注 鄭 而稱《雅》 日 日 衰樂廢,孔子來還,乃正之,故《雅》、 吾自 至 》焉。 丁其 此 蓋《風》、《雅 阮氏元 所。 衛反 至 周 平王東遷,政 》者,舉 皇本「反」下有「於」字。 室西都爲政治之所自出,故以 0 《釋頌 魯, 曰:「反魯,哀公十一年 正 》但絃歌笙間 義 然後樂正、《雅 》義。 日 : 雅 》、《頌》,則《風 皇 教微弱,不能 孔子正樂,兼 本此 惟三《頌》始 「頌」者,容 注 作 包 雅 || × 有 復

九。 日。 也。 也。 君 《雅》之錯入他所,與他《雅》之錯入此所者,皆謂之正《雅 其所」。 者乎?』《周官· 世衰微,幽厲尤甚。 謂天子養老,登歌《清 謂大嘗、禘 惟《頌》亦然。 詩 飲酒禮其所 理 衛反於魯」云云,謂當時在者而 久。 《詩》。 有謬亂不正,孔子正之。」則 頌》。」以正 相 其篇第也。 ,則以 孔子尚 《後漢書• 見之樂歌 然此三所,不止 部者,所也。 「反魯」在 又云:「正樂,正樂章也,正《雅》、《頌》之人樂 乃從而 一《雅》分數所 ,歌《清廟》,則嘗、禘又其所。 也。 周 樂爲在 《清廟》祀文王,則祀文其所 毛氏奇龄《四 ,則養老與君 流 范 正之,則 哀十一年冬,見《左氏傳》, 太師 又用之鄉射禮、 遊 如《鹿鳴》一《雅》詩,奏於鄉飲酒禮 升傳 知命時,誤也。 觀, 禮樂之書 廟》, 《 鹿 》先鄭注 與 》奏 曰: 至 鳴》,又有《四牡》、《皇皇者華 先正諸 而《仲尼 聯數 於知 相見禮 書改錯》不從鄭説,謂正 二鄭皆以《雅》、《頌 亦云: 稍稍 復 命,自 「《詩 燕禮,則 《雅》之在 雅》合 重雜亂者也,惡能存其 燕居》且 無 《鄉 廢棄。 非 》、《書》之作,其 時禮 衛 飲酒禮》注云: 其 鄉 反 又且《文王世子 也。 所,總謂 所。 諸所 魯, 樂自 謂 射、燕禮 孔子曰:『吾 時 《清廟 孔子 然而《祭統 此 迺 者 諸侯 》得所 必夫子當 之「各 ·, 並 IE. 年 亦 樂 《雅 出 來已 其 則 部 非 爲 六 正 + 此 所 整 頗 自

曰 : 其中 頌。 故曰 覈。 侯,而 時專 之,確乎鄭、 爲《雅》 真,有不如 文以《雍》徹, 若其他雜見,如 中 詩言也。 義亦通。 武 義》謂大夫以《采蘋》爲射節,士以《采蘩》爲射節。 今不傳矣。 風 内則》人學,亦復十三舞《勺》,成童舞《象》。 亦 》舞《勺》又舞《象》。 『或問: 五聲十二律 有《雅 正和平者 得 包氏慎言《敏甫文鈔》以《雅》、《頌》爲音,與毛又異,而 而其被之於樂 定 祭禮謂大祭迎尸。 》,多哇爲鄭。 雅》、《頌 所。 樂正而律與度協、聲與律諧、鄭、衛不得而亂之、 今都録其説云: 書 小《頌 是 、衛不能人也。』由是言之,樂有樂之《雅》、《頌 《詩》有 兹但 而《仲尼燕居》謂大饗賓出,亦以《 而必 合 統 》以律同。 則俱曰 《肆夏》爲《時邁》一 就 諸 不可者,所謂正也。」毛氏之論,視鄭 六義: 《詩 《雅》、《頌》二詩之首,約 `則《雅》中有《頌》,《頌》中有《雅》,《風》 節 請 令勺 問 目 《雅》、《頌》焉云爾。 也,或《雅》或鄭,何 》之《風》、《雅》、《頌 《采蘋》、《采蘩》,燕禮用之,而 本。 「《論語》、雅》、《頌》以音言 日 本之性情,稽之度數,協之音律, 》即《酌》詩、《象》即 正 風, 其 日: 出 曰 賦 詩,饗禮,天子所以享元 人, 黄鍾以生之,中 , 曰 , 如 比 漢 後 也? É 》以 略大概 樂 《維清》詩,而 揚雄《法言 《雍》徹。 興, 是樂各有 體別,樂之 録 曰 : 曰 名 祭禮 正以 雅,曰 如 色, 非 中 令大 此 剣 平. īE. 以 爲 所 祀 而

後世 暑則 性情不正, 乎草木。1然則《韶》、《夏》亦云《雅》、《頌》,豈 君 並稱,則《風》詩之在樂,可名《雅》,而又可名《頌》矣。 虞》、《文王》。《墨子》謂《騶虞》爲文王之樂,與《武》、《勺 也。 《齊》,風也,而皆曰《雅》。 此五篇皆《風》也,而名之爲《雅》者,其音雅也。 鳴》、《貍首》、《鵲巢》、《采蘩》、《采蘋》、《白駒》、《伐檀》、《騶 不調乎《雅》《頌》者,不可以爲樂。」然則《雅 南 虞》,八篇可歌。』《鵲巢》、《采蘩》、《采蘋》、《伐檀》、《騶虞》、 亦皆然也。 云: 『八篇廢,不可歌, 雅》、《頌》之律。 頌》之謂哉? 邠風》也, 詩 臣 》有《詩》之《雅》、《頌 《漢·杜變傳》「雅樂四曲」,有《鹿鳴》、《伐檀》、《騶 公日《頌 非 以睦、父子以親。 泰族訓》 無《 音律不調 雅》、《頌》之詩,而 而《籥章》吹以 《大戴禮 曰:《雅》、《頌》之聲,皆發於辭、本於情, 又曰: 『言不合乎先王者,不可以 詩 性情 而可《雅 ·投壺》云:「凡《雅》二十六篇。 即《 正 七篇《商》、《齊》可歌。』《商》,頌 故《韶》、《夏》之樂也、聲乎金石 養老息物則 雅》、《頌》亦不得 音律調 由是言之、《雅》、《頌》者 者 》可《頌》,《邠風》然,知十 不能 固 不 與《雅》、《 雖《風 可 曰《雅》, 比 而 》亦曰 同 頌 爲《雅》、《頌 》、《頌》自 第二《雅》 也。 吹以 》並稱者, 雅》、《頌 《投壺》又 爲道; 七月 迎 .,通 送 《鹿 也 Ŧ. 故 名 寒

習不 皆《雅》、《頌》也。 聲應相保,細大不踰。 性。 君子以 三百篇之於《雅》、《頌》,不 篇,孔子皆弦歌之,以求合乎《韶》、《武》、《雅》、《頌》之音。』 王者,聖人有取焉。 之。』《周南》、《召南》,莫非先王所制 於前,所以養仁義、防淫佚也。 子、諸侯聽鐘磬,未嘗離於庭,卿、大夫聽琴瑟之音,未嘗離 天子博采而協比以音律,則 天子躬於明堂 雅》、《頌》,猶禮之威儀。 頌》,其果以詩分乎? 先王所制, 無 經傳多格 聞 而 形,形而 故 同 律 雅 謙 云《雅》、《頌》之音理 故博 不 調 退爲禮 《頌 也。 而不通矣。 而本之性情,稽之度數 采 不爲道,不 二臨觀 》之音,目 風 太史公《樂書》曰: ,減損爲樂,其如此 以《詩》之《雅》、《頌》爲樂之《雅》、《頌》, 俗, 《史記 而萬民 協 使 能 《樂記》曰:『故人不能無樂,樂不 不以詩分乎? 比聲律 人聽之而志意得廣、心氣和平者 視威 威儀以養身、雅》、《頌 無亂, ·必盡 咸滌蕩邪 俱 而 儒林傳》言: ●『詩》三百 曰《雅》、《頌》。 夫淫佚生於無禮,故聖人使 民正。」夫州異國殊,風 儀之禮。」由 合也。 故 以 凡 制《雅》、《頌 也。 補 ,協之聲律,不 ,則莫非《雅 穢,斟 短移 作樂者, 其合乎《雅》、《頌 《樂書》又言: 以爲州異國 酌飽滿 化 是言之,樂之 樂之《雅》、 助 之聲 所 》、《頌 》以養心。 流政 以 悖於先 以 一殊,情 節 飾厥 以 业 一天 也 教 樂。 道 Ŧi. 《大戴 者也。 0 章 既 曰: 周

耳

乖

則

能

非

此,而 故《風》不流。《關雎》、《葛覃》、《卷耳》,正所謂節 婚姻之禮,故男女有别。 之制法也,因民之所欲,而爲之節文者也。 也,聲則非 次,非有所錯,然洋洋之盛,必待孔子正樂之後。 者,即謂之《雅》、《頌 「孔子論而定之」者,謂定其聲律,非謂整齊其篇 「《雅》《頌》相錯」者,謂聲律之錯,非謂篇章錯亂 吾自衛反魯,然後樂正、《雅》、《頌》各得其所。」」班 亦可知。」 起,音律以 衰,王官失業、《雅 「師摯之始、《關雎》之亂,洋洋乎盈耳哉!」《關 》所言,杜夔所傳, 《雅》、《頌》之不係乎《詩 然使以鄭聲弦之歌之、則樂者淫、哀者傷矣。」明 也 乖, ,故曰惡鄭聲之亂雅樂也。 先王《雅》、《頌》皆因之以亂。 ※ 頌 豈其謬哉? 故 因其好音,而 《伐檀 相錯,孔子 》可知,「得所」之非整理其 也,《齊 《漢書• Œ 論 《雅》、《頌》之聲 而定之。 淮南 因其好色, 屯, 禮樂 ĕ ∃ : 亦 而不 次 也。 蓋 詩 志》云: 日 氏 故 也。 自 《雅》。 「先 》則 雎 使 而 所 所 \Box 新 篇 流 子 謂 謂 王 聲 是

子 日 : 出 則事公卿 則 事 父兄 喪 事

儒 林 傳」, 據《史記 》當作「孔子世

飲酒義》: 以事父兄也。 不廢夕。 疏 酒 出 于其君。]夫子此言「事公卿」,則已仕魯時 子,次國三卿,二卿命于天子,一卿命于其君, 言章也,章善明理 國無公,惟有孤,故孤亦號爲公。」《白虎通・爵》篇:「卿之爲 謂之公。」胡氏匡衷《儀禮釋官》:「天子有三孤,副三公。 不 也。」下篇説夫子事云:「唯酒無量,不及亂。」 曰:「困,亂也。」正義曰: 亂其性也。」案:「何有」,言不難有也。 仕朝廷 敢不 ○注 ·勉,不 賓出,主人拜送,節文終遂焉。 ,則盡其忠順以事公卿也。 「困亂也」〇正義曰: 「降,説屨升堂,脩爵無數,飲酒之節 若有喪事,則不敢不勉力以從禮也。 也。」《禮・王制》:「大國三卿,皆命于天 酒 困 《鄉飲酒禮》注:「大國有孤,四 何 「困」訓亂者,引申之義。 有 於 人居私門 我 知其能 説見前 也。 哉?」 朝不廢 小國二卿,命 則 邢 安燕而不亂 疏云: 默識 盡其孝悌 未嘗爲 注】馬 朝 《鄉 言 莫 章 大 命

者 本及《文選 流。」注「包日」至「之流 夜。」【注】包曰:「逝,往也。 言凡往也者,如 非 一之辭 子在川上曰:「逝者如斯夫! 明 秋興賦 君子 》注引此 進 德修業,孳孳不已,與 注 義 作 Ξ: 「包」,與邢 皇本作「鄭注」。 本同。 水 不舍晝 相 似 川 凡 高 也 麗 之

> 其不 諸。 者; 者; 露 與? 取爾。上此即「滿而後漸」之義,亦前意之引申。 語 與夫子言「逝」義同。 子章指》云: 混,不舍晝夜,盈科而後 于水, 曰水哉! 後漸」,則又一意。 川上曰,"「逝者如斯夫! 之,既似武者; 千仞之壑,人而不疑,既似勇者; 清净,既似知命者,不清而人,潔清而 法 》以證「似力」一節,非以論全德也。 言 循溪谷不迷,或奏萬里而必至,既似 盈科後行,既似持平者; 息 是以仲尼 山川頌》篇:「水則源泉混 日 且 有是哉,滿而後 學 知 行 「言有本不竭, 其 》篇: 在川 咸得之生,失之而死,既似有德者。 有本 水哉! 《孟子·離婁》篇:「徐子曰: 上曰: 也。」「 或 逝者, 漸者 問 進,放乎四海。 何取於水也?」孟子曰 不舍晝夜。」此之謂也。」董引《論 『逝者. 進 如 無 循微赴下,不遺小 往]1] 其水乎?」《法言》所 本 混 曰 之流」、《詩 如斯」,明夫子 也,言往進也。 則 水。 沄沄, 晝 物皆困於火,而 涸。 至《法言》所 出,既似善化 或 知者; 虚聲 有本者如是,是之 日 夜不竭,既 爲 過 其 天保》文。❶ 障 故趙岐 「仲尼 ·閒, 此 實, 不舍 **奉** 防 源 語 謂 謂 君子 孔子 水 既 Ш 進 獨 秋 似 似 泉 滿 晝 亟 而 恥 混 稱 在 勝 赴 察 力 繁 夜 能 而

[「]天保」,據《毛詩》當作「常武」。

《地官・序官》注:「川、流水。」

見好 士大夫有德者。」 德 於德也。」即 如 渠參乘,出 記 疾 也 正義日 好 時 孔子世 則此 色 德如好色者也。」於是醜之,去衛過曹。 人薄 子 陳 則 古義以刺今,不説德而好色也。」鄭注: 語 曰:「吾未 棄邪 《坊記 ,使孔子爲次乘,招摇市 於 此注文所本。 在定十四 家》言:「孔子居衛,靈公與夫人同 德而 而反正矣。」〇注 》注解此文云: 厚 年。 於色, 見 《史記 好德 《毛詩序》: 故 「疾時 集解》引李充曰: 「疾時 發 如 過之。 此 好 「 女 曰 人厚於色之甚 人薄於德而厚於色 言。 色者也。」 孔子曰:『吾 正 雞鳴,刺不 是歲一魯定公 車、宦 義 「德,謂 「使好 三 三 : 而 者 注 ^ 賢 好 德 未 雍 史 薄

之。 其前 也。 地 平 者, 山 地 據 功多而善之。 者其功 【注】包曰:「簣,土籠也。),雖覆 子曰:「 其 進 欲 加 進 雖已多,未成一簣而 功, 「譬如 而 簣,進,吾 與 雖 之。 見其志不遂,故 始覆一 爲 山,未成一 正 義 簣,我 往 日: 也。」【注】馬曰:「平 此 中 爲 不 勸 道 不 Ш 以 簣,止, 人進於道 與也。」譬 止 其 者,我 謂 功 積 少 土 吾 而 不 爲 德。 止 如 薄 以 Ш

> **孟** 焉。❶ 焉; 能 志能 已,期於成也。 誤。 所以 木不 籠 與 騏 ○注「簣土」至 猶爲棄井也。」《大戴禮 山」,亦用 也。 如垤而進,吾與之; 禪經上》注引此文並作「匱 包注互備。 驥 復與之也。 也。」皆異名同物。 子• 積水成淵,蛟龍生焉; 「勸人進於道 折; 遂與否,若見志不遂 盛土。」又《禮樂志》注:「織 簣」,《 故不積 躍,不能十步; 盡 鐭 此文,蓋 心》篇:「有爲者辟若掘井 漢書 而 《禮·中庸》云「故天之生物, 《廣雅 蹞步,無以 「與也 不舍, 「見其志不遂故不與」者 德」者 叚 禮 借 」○正義曰: 金 顔 樂志》、《後漢 如 駑馬十駕,功在不舍。 釋器》:「簣、篣、笯、簝、籯、篝、笭 也。 石 師古《王莽傳》注: 明 • E: 至千里; ,則其功終不能就。 可 勸 積善成德, 而 人進於 《荀子· 鏤。」二文並 學》云:「積 止,吾已矣。二即 唐《化度寺碑》「資覆 草爲器。」「草」,疑 鄭此注云:「簣,盛土器。」 不積 道 宥 德, 班 而 掘井 小 坐 神明 ,明己設教,當觀 固 當 流 篇 與 土. 九 傳 必 「匱,織: 如 此 成 自 如斯之人,不 鐭 無 軔 爲 因其材 注 章義 此 孔 Щ 得 而 以 加 Щ 達 章異文。 竹爲器 舍之,朽 成 聖心 不及泉 風 積 子 責 摩 「竹」之 相 江 而 土 雨 以 多 日 發 河 其 循 興 羅

「循」,據《大戴禮記補注》及《荀子》當作「備」。

焉。故栽者培之,傾者覆之」,此之謂。

然後語之。 之時。 【注】顏淵解,故與之而不惰;❶餘人不解,故有惰 惰 言無所不説,説者,解也。 惰 惰 也。 ,憜或省阜。」「不敬」,則 ·嫩也。」〇注「顔淵」至「之時」〇正 子曰:「語之而 《學記》云:「古之教者,時觀而勿語,必力不能問 正 義 語之而不知,雖舍之可也。」舍之,即惰矣。 曰:《説文》: 夫子與顔子言終日,是「語之不 有懈倦之意。 「憜,不敬也。 不惰者,其 義曰: 顔子於夫子 《廣雅・ 從心, 嫷 口 也 釋詁 與? 省聲。 *: 語

 \vec{z} 見其止 惜之甚。」注「包曰」至「之甚」○正義曰: 説文》:「惜,痛也。」《楚辭・惜誓序》: 「顔淵死後,孔子有此歎也。」 子謂 也。」【注】包曰"「孔子謂顏淵進益未止 顔淵 日 「惜乎! 吾見其進也,未 「惜者,哀也。」皇 皇本作「馬 注 , 痛 疏

艸謂 實者有矣夫!!【注】孔曰:「言萬物 成 '者,喻人亦然。」正義曰:《説文》:「苗,草生於田 穀 子曰:「苗而不秀者有矣夫 也 倉 頡篇》: 「苗、禾之未秀者也。」何休《公羊》 有 生 秀 而 而 不 者。」 不 育

> 邢 舊義。 焉。」漢、唐人説皆如 朝以前,人皆以此節謂爲顏子而發,自必《古論 子悱卒、爲《客喻》云: ❸「秀而不實,尼父爲之歎息。」」是六 궁 「不幸短命」之記,「苗而不秀」之喻。」禰衡《顔子碑》云: 也。 語》謂王戎之子萬有大成之風,苗而不秀。 尼悼顏淵苗而不秀,子雲傷童烏育而不苗。』《文心雕 穀不順成也。 爲稃而成實,實即稃中之仁也。 『亞聖德,蹈高蹤,秀不實,振芳風。』李軌《法言》注云: 「仲 莊 茂」、「秀」義同。 疏云"「此章亦以顏淵早卒,孔子痛惜之,爲之作譬。」説 『苗而不秀,千古斯慟。』皆以此爲惜顔子。 《説文》: 十八年 案: 漢《沛 注 翟氏灏《考異》:「牟融《理惑論》云:『顔淵 「采,禾成秀也。」凡禾黍先作華,華瓣 0 相范 唐玄宗《顔子贊》: 苗者 此。 君 墓碣 禾 皇疏云: 也。 苗而不秀,秀而不實,謂年 生 一茂而 「又爲歎顔淵 日 秀而 苗 不實,顔 秀日 《梁書》徐 不實, 禾。」秀即 語 而 爲 氏 得 譬 暴 家 世 收 也。 顛。 無 相 勉 説 即即 龍 慟 傳 因 有 采 新

^{●「}與」,據經文當作「語」。 阮元刻《十三經注疏》本亦作

[「]客」上,據《梁書・徐勉傳》脱「答」字。「二十八」,據《公羊傳》注當作「七」。

喻人早夭也。人早夭,故成德亦有未至。漢書・章帝八王傳贊》:「振振子孫,或秀或苗。」皆以此章曰:《法言・問神》篇:「育而不苗者,吾家之童烏乎?」《後並得之。○注「言萬物有生而不育成者喻人亦然」○正義

博學無 十無聞,更無望於六十矣。 也? 衰」,縱能加功,進境有限,況《王制》又云「六十不親學」,五 老自五十始。 子愛日也。」胡氏紹勳《拾義》:「人至五十爲老年,是以養 記》云: 無善聞於人也。 慧,爲人所畏。 至年壯老,學力復充,故人常畏服之。 獨美也。「不如今」,謂不如今日之可畏也。 囗。」【注】後生,謂年少。 馬知」者、《論衡 大戴禮•曾子立事》篇:「三十、四十之間而無執,即無執 五十而不以善聞,則無聞矣。」與此文義同。 子曰:「後生可畏,焉知來者之不 だ方し。 四十、五十而 「時過然後學,則勤苦而難成。 學至有聞 《曲禮》云「五十曰艾」、《王制》云「五十始 無聞由於無藝,藝謂所學之業也。 ·實知》篇解此文,以爲後生難處是 , 早 則定於四十以前 無 據《内則》『二十博學不教,三十 正義曰:「後生可畏」,謂生質 聞焉,斯亦不足畏 學貴不失時,故君 遲則定於五十 人少 無聞 《禮 時 如 有 調 也。 也 今 學 曰 聰

已」。」皇本「可畏」下有「也」字,「已」下有「矣」字。以前,断不定於五十以後。因直決之曰「斯亦不足畏也

者寡。 也。 也。 那 改也。 乎 ? 肖者知慕之。説之者衆,而用之者鮮, 訓》:「故聽善言便計,雖愚者知説之。 繹,從而不改,雖聖人亦無如之何矣。 貴。」【注】孔曰:「人有過,以正道告之,口無不順 「爲貴」〇正義曰:「法」者,「灋」之借字。 詁》:「懌,改更也。」「繹」、「懌」古多通用,《詩・板》、泮水 曰:《釋文》「語,於據反」,謂告語之也。《方言》:「悛、懌 謹敬之言,聞之無不說者,能尋繹行之,乃爲貴。」説 之、能必自改之、乃爲貴。」異與之言、能 而不繹,從而不改,吾末如之何也已矣。」正義 》釋文並云「繹,本作懌」,《頻弁》釋文「懌,本作繹」可 「法語之言」、「巽與之言」,言者祇 郭注《方言》引此文,是訓「懌」爲改,與馬注異,亦得 子曰:「法語之言,能無從乎? 自山而東或曰懌。」郭注引「懌之爲貴」。《廣雅・ 所以然者何也? 釋之爲貴。【注】馬曰:「巽,恭也。 不能反諸性也。」〇注「人有」至 慕之者多,而 稱至德高行,雖 此二術,故 《淮 《説文》:「灋,刑 南 子 改之爲 謂恭 説 無 原 行 而 之 説 孫 從 不 道 不

二七六

抽引其理也。 言,人感我柔順,不能不説也。 迹相卑下也。」是「巽」有恭義。 之,人畏義而服,故口不能不順從。 引申爲典則 也。 ○正義曰:《易・巽・象傳》:「順以巽也。」虞注:「巽,外 釋,抽絲也。」《方言》: 平 -之如 「繹,陳也。」此本《爾雅・釋詁》,其義未詳 銓度之稱,故此注「法」爲正 既尋繹之,則能行之可知,注義自爲引伸也 从 水、 廛。 「繹,理也。」絲曰繹之,是「尋繹」謂 0 所 人有過,我以恭遜謹敬與之 以 《説文》:「潯,繹 觸 〇注「巽恭」至「爲貴. 不 直 道也。 者,去之,從 用正 理 道告 也。 去。

教,一事時或再言,弟子重師之訓,故又書而存焉。」」義曰:皇疏云:「此事再出也。范甯云:「聖人應於物作憚改。」【注】慎所主友,有過務改,皆所以爲益。正子曰:「主忠信,無友不如己者,過則勿子曰:「主忠信,無友不如己者,過則勿

正義日 夫已上則有妾媵,庶人無妾媵,惟夫妻相 夫」者、《爾雅· 奪而取之。 也。」【注】孔曰:「三軍雖衆,人心不一,則 帥 |者,「衛」之借字。 匹夫雖微,苗守其志,不可得而奪 「三軍可奪 釋詁》: 「匹,合也。」《書 帥 《説文》: 也,匹夫不可 堯典》疏: 衛,將 兀。 其 衝 其 名既定,雖 將 也。」「匹 「士大 也。 帥 志 可

> 人,不得已也。」是言行軍貴一心也。 子·始計》篇:「道者,令民與上同意,可與之死,可 也,而志不可奪也。」〇注「三軍」至「取之」〇正義曰:《孫 逢世,上弗援,下弗推,讒諂之民,有比黨而危之者,身可危 也,是以生則不可奪志,死則不可奪名。」」又《儒行》云: 可 以人爲衛,故遇彊敵可覆而取之。 之死將者也。 單 「士輕其將而有歸志,塞易開,險可邀而 生,而不畏危也。」又《九地》篇: 「儒有今人與居,古人與稽,今世行之,後世以 散,莫有鬭志,故其將可奪而取之。 得而奪也。」《禮·緇衣》云:「子曰:『言有物而行 亦 通 謂之匹 死將,謂 夫、匹婦。」鄭 奪取 軍 注 云: 將 「故善用兵者,攜手若 而 匹夫守志,志有一定,不 致之死也。 兀 若衆心不一,則 《吴子• 夫之守 取。 志,重於三軍 爲楷。 三軍之帥 論 將 士卒 與之 適弗 有格

恥者,其由 曰:《釋文》云:「弊,本今作敝。」皇本及《説文・衣部 弊 子曰:「衣敝 《釋文》引鄭 也與? 注: 緼 【注】孔 緼,枲也。」《藝文類 袍, 與衣 口 「縕,枲著」。 狐貉者 聚》三十五 立 而 Œ 不

「慶」,據《説文》當作「廌」。

類。

於時人已服裘,子路猶衣敝袍也。

《汗簡

》引《古論

語

》「貉」

作

貈」。

《説文》:「貈,似

狐,善

「狐、貉」,二獸名。

袍爲褻

衣之明證也。」案:

袍是春秋二時之服,若袷褶之

屬。』《論語》「紅紫不以爲褻服」,鄭

注

Ξ: 者,

「褻服

,袍襗。]此

雅•釋言》:「襺,袍也。」互相訓。

「絮,敝縣也。」「袍」者,《説文》:

衣緼無文。」師

古注:

袍,丈夫著下至跗者也。

|深衣釋例》:「《喪大記》:「袍必有

袍,褻衣。」蓋袍

衣之制,特

燕居

便

服耳。

故云『褻

禮》:「著組繫。」注:「著,充之以絮也。」

《周官・

玉

府 爲

注 深

云:「燕衣服

巾絮寢衣袍釋之

古今語異也。」案:《韓詩外傳》:「士褐衣緼著,未嘗完也。」 之纊及舊絮也。」李氏惇《群經識小》:「古無木綿,著皆以 「曾子褐衣緼絮,未嘗完也。」《漢書·東方朔傳》: 《玉藻》注所云「今」者,指漢末而言 「緼,亂絮也。」皆以「緼」爲絮。 蓋鄭與孔異,故《釋文》引之。 袍,包也,包内衣也。」任氏大椿 漢則以精者爲綿,而粗者爲纊, 纊謂今之新綿也。 · 玉藻》:「纊爲繭, 《釋名·釋衣服》云: 表,謂之一稱。」注: 「袍,襺也。」《爾 盧氏文弨 緼 若亦 釋 組爲 謂 《説 今 文 於亡肉家。」師古注:「緼,亂麻也。」「著」猶言藏也。《土 系也。」又「襺」下云: 袍」並爲燕居之服矣。 鄭箋以「于貉」爲邠民自取,非也。 爲公子裘。」「貉」、「狐」、「貍」,皆公子之裘,《詩》文參互 之名,别一義也。 以爲北方豸種。 連文者,皆當作「貈」,今字作「貉」,皆叚借。 睡。」引《論語》「狐 麻之異名。 永《鄉黨圖考》謂狐貉之裘爲褻裘。 温,則 「百工商賈,不敢服狐貉。」則「狐」「貉」並貴者所服。 「緼」是「枲」可知。 注與鄭異,亦 先鄭《職方》注: 《詩・七月》:「一之日于貉,取 貈之厚以居」。 以 ○注「緼枲著」○正義曰: 通。 絮 《漢書 日 《説文》: 補 「北方曰貉。」是貉乃夷狄 《春秋繁露·服制 段氏玉 以 蒯 則 緼 通傳》: 温 此 E 裁 文「狐 袍。 , 紼也。」「紼, 亂 注 貉」,《 謂 「束緼請 别 貉 凡 彼 枲 狐 絮」言 與 説 狐 篇

江氏

貍

文

絮爲之。

絮,絲餘也。

古以新綿爲纊,舊絮爲鰛。

袍。」注云:「衣有著之異名也。

訓

「枲」,則

與孔

甚異

矣。

《 禮

考證》以作「絮」爲正。

覽

四

百八十二引鄭注

枲

並

作

絮」。

「是道 尚復 害也。臧,善也。 疾貪惡忮害之《詩》。」子路終身誦之。 有美於是 不忮不求,何用不臧?【注】馬曰: 也,何足以 者,何足以爲善?」正義曰: 言不忮害,不貪求,何用爲不善? 臧?」【注】馬曰:「臧,善也。 「終身」者 子 曰 : 岐

者

編

列傳 自足。 智者不爲非其事,廉者不求 勢位而 又云:「安命養性者,不待積委而富, 爲禍先。 忮。」師古曰:「忮,意堅也。」義並相近。 傳文。《説文》:「忮,很也。」《漢書·甯成傳》:「汲黯爲 後頓抑之,謂「何足以臧」,是自異其枘鑿,不可通也。」又 蒙,作疏者始以引《詩》爲美子路,又以「終身誦之」爲聞譽 已,則亦何足以臧哉? 不求』二言,猶南容一 節之日 言常 古本多一章者,正分『不忮不求』以下矣。」案:《仲尼弟子 《詩》者小,故語之曰『不忮不求』,是或一道也,然止于是 不忮不求」即爲善也。 故非道而行之,雖勞不至, 注 誦 「忮害」至「之詩」〇 注疏本三十章、《釋文》則云「三十一 顯, 既重誣賢者,且夫子先既取《詩》詞「何用不臧」,而 之將 誦。」孔 「衣敝 唯 德義暢乎中, 不求 終身也。 組組袍 氏廣森《經學卮言》:「子路終身常誦「不 利 者 爲 日三復「白圭之玷」。 誦」者、《周 尋省舊注,絕不與上「衣敝緼袍」相 節,無 《韓詩外傳》: 無 正義曰:「忮,害」、「臧,善」,並 而無外求也。」三 非其 害,不求 非其有而求之,雖强不得。 「不忮不求」二句,亦 有,是以害遠 官 福 名號傳乎世者,不待 者爲無 「夫利爲害本,而 大司樂》注: 「何用爲不善」, 章」,竊疑陸 節皆引《詩 子以其取 禍。」又云: 愐 名彰 以 || 不 也。」 |所見 證 明 聲 於 故 福 毛 而 忮

> 也。 境也。 足爲善也 善 風 謂己有禍患,不謂傷害人也。 貪惡忮害之《詩》」者,「貪惡」謂貪求之惡。 鄭《詩》箋云:「言君子之行,不忮害,不求備 忮不求,何用 「不忮」與馬同,「不求」與韓、馬異,或本《齊》、《魯》説。 也」,見上注,此當衍。 雄雉》 克伐怨欲不行,可以爲難,尚未可以爲仁也。 譬若富者無驕,貧 》篇文。❶ 不臧」。 ○注 揆韓之意,似以 「尚復有美於是者」,言學道 「臧善」至「爲善」○正義曰: 者無諂,尚未若富好禮 此 義與馬 不害 不 由於不求也。 ·同,並 「《詩》」者、《衛 於一人。」 、貧樂道 得 是皆未 通 無 臧 也。 疾 害 止

 $\vec{\Xi}$ 子之正,不 【注】大寒之歲,衆木皆死,然 處治世,亦能自修整,與君子同。 歲則衆木亦有不死者,故須歲寒 赛」,云「凍 四時 子曰:「 也,從人在 苟容。 終日 歲寒,然後知 歲,取歲星 正義曰:「歲 ٠, 下, 以 行 茻 後 寒 薦覆之,下有仌」。 次也。」《説文》「寒」作 松柏之後 知 而 在 者,孫 後 松 濁 柏 别 世、然 之。 小 炎《爾 彫 彫 傷。 後 喻 雅 也。 凡 知 平 君 注

❶「衛」,據《毛詩》當作「邶」。

益篤。 冠軍; 傳》:「歲寒、然後知松柏之後凋。 子路之言。」案:此又見《風俗通·窮通》篇。《説文》云: $\bar{\Xi}$ 名• 事 恩、客猶若此、則又況乎生貧賤者哉? 也。 不寒,無以知松柏 子隘窮而不失,勞倦而不苟,臨患難而不忘細席之言。 至「苟容」〇正義曰:《玉篇》:「寒,冬時。」是「寒」乃歷歲氣 柏之茂也。 義之士,爲不然爾。 《淮南子•俶真訓》:「夫大寒至,霜雪降,然後知松柏之茂 凋,半傷也。」「彫,琢文也。」義别,今多通用。 「《莊子・讓王》篇: 釋天》: 據難履危,利害陳於前,然後知聖人之不失道也。』《潛 注必言「大寒」者,極言之耳。《荀子・大略篇》: ,喻亂世,喻勢衰,義均得通。 故歲寒,然後知松柏之後凋也。」諸説或以「歲寒」喻 廉頗、翟公,載盈載虚。 交際》篇: 陳蔡之隘,于丘其幸乎?」乃子厄陳、蔡時,謂 「寒,扞也,扞格閉塞不通也。」翟氏灝《考異》 「昔魏其之客,流於武安,長平之吏,移於 事不難,無以知君子。」《史記·伯夷列 恩有所結,終身無解, 「天寒既至,霜雪既降,吾是以 夫以四君之賢,藉舊貴之夙 注就亂世言。 舉世汙濁,清士乃見。」 惟有古烈之風,忠 心有所矜,賤 ○注「大寒 知松 君 歲 而

子曰:「知者不惑、【注】包曰:「不惑亂。」

己不能成天性也,懼己惑之憂不能免,天命無惑焉。」辨,故不惑,定心致公,故不懼。若乃所憂懼則有之。憂義曰:《申鑒・雜言下》:「君子樂天知命,故不憂,審物明仁者不憂,【注】孔曰:「無憂患。」勇者不懼。」正

賦此詩者,以言權道反而 適道,未可 思其反,何遠之有? 遠也。夫思者當思其反。反是不思,所 自見者,●其室遠也。 室是遠而。」子曰:「未之思也夫! 重之極。 道,未必能有所立;雖能 適,之也。 有次序, 斯可見矣。正義曰:「與」者,以也。《淮 有?」【注】逸《詩》也。唐棣,移也。華反而後合。 子曰:「可與共學,未可 `「唐棣之華,偏其反而。 雖 與立,可與立,未可 學,或得異端,未必 言權 以言思權 後至於大順。思其人而 有所立,未必能 可 知,唯 而 能 與 不 不得見者,其 之 知思 豈不 適道; 與權。」【注】 道; 以爲遠。 權量 耳。 爾思 何遠之 雖 可 思 其 能 與 道 輕 南 之 能 不 之

「自」,皇疏本及阮元刻《十三經注疏》本皆作「得」。

子

口

試問 資益 文可通 者, 也。 也。 讀 翩 注 反經而合道也。 增 故 立功、立言。」戴氏震《孟子字義疏證》:「蓋同一所學之事, 唐棣之華」云云者,此引《詩》,言以華之反而後合,喻權之 翩 出 引此文作「棠棣」。 益其心志之明,使全乎聖智者,未之盡也,故未可與 未可與立。 與 翩, 》引《晉書》「偏 其反矣。」《桑柔》詩: 皇疏云: 「木謂之榮,草謂之華。」此 韋 、適道 道責於身,不使差謬,而 何爲而學? 高誘《淮南子》注曰:「道,仁義之善道。 氾 ,故曰「共學」。 至適道立權,各由人所自得,故不曰 與」,即 昭 稱, 論 義 未 訓 周 故 亦 「言偏 可 通 語 《説文》云: 守道卓然,知 孔子 以 以 矣。 《春秋繁露· 注: 作 其 立 也。 者,明 志有去道 也; Ė 「翩」,似 「唐」、「棠」通用字。 而 翩 「學」者,業之所同 可 者 「旟旐有偏。」《釋文》: 司 翩 唯 「萼、榮也」,是也。 常而 以 其 動 觀其守道,能不見奪者寡矣, 以 語 晉 竹林》篇、《文選・ 甚遠者矣,求利 立、未可 (道偏 唐棣 共學矣,而 摇 助 不知變,由精義未深 書》無此文。 不 之辭。 與 是 休 木,亦 止 與 八常反 權。」」「與」、「以 之意。」然 皇疏 未可 《爾雅• 講習切 言 也。」朱子《集 立,謂立 《角弓》詩: 禄聲名者是 以 云: 「偏,本亦作 偏 廣絶交論 華 適 其 磋, 則 道 一一一世不 」者,散 反 釋草》 ,所以 權。」 彼 也; 偏 而 德 共 此

篇 : 也。 與 舜、 二十四年、《中庸》、《法言》爲證。 字屬句末」,歷引《左傳》僖二十四年、宣十二年、成八年、 以夫字屬上句。」高麗本讀正同。 可 武帝紀》注、《説苑・ 故 由 也。《法言· 多「哉」字。 也。」《釋文》:「未,音味。 論 也。」馮氏登府《異文考證》: 爾 「可與適道、未可與權」、《筆解》作「可與共學、未可 述何篇 諸 讀,有咏歎淫泆之趣。 也。 此 與適道,未可與 思,室是遠而」者,言凡思 》引與《筆 文王者爲他 或曰可 注 權 JI 人豈不 然後 相 雖曲 發。 「夫子以 以適他與? () 解 問道 知 》同。 - 思權? 輕重。」焦 而 道。 玉 通 》篇: 「適之」至「之極」〇 權」,謂今文錯簡。 篇 諸 君子 此當 思 權謀》、《北周 ×: 海則 爲未 「或問道。 元 氏循 權 曰適堯、舜、文王者爲正道、非 ĪĒ. 又謂「古人釋《詩》之詞多以「夫 由後人隨 或作末者,非。 貌 其 由 而 思者,不欲 如 稱 「《縣》詩 説權 人而 不 諸。」宋咸 其 他。 武氏億《經讀考異 錘 室奥遠 其説良然。 日 書 日 不得 意引入,非今文有錯 也。」《 道 正 塗 《唐文粹 IE. 也 宇 諉 注: 見 雖 義及《三國 權之於稱也 義曰:「之」者, 故 者, 孟 文護傳論 咎 夫,音符。 曲 者,其居 也。」劉 於室, 子 通也 他 皇本「有 》馮用 耐 異 通 梁 一無不 與立; 誠 〉謂 端 氏 諸 志 室 惠 之《楮 並 之至 也。 逢 夏 遼 Ŧ 下 如 則 通 襄 讀 作 魏 簡 禄 遠

之力也。 誤。 棣以 小。 常,權 要術》引《豳風・七月》篇義疏 之輕重以轉移之,得其平而 赤色,食之甜」正同。 棣之類。 又常棣、棣二木、皆見《詩》。 棣 體 有,其華或白或赤,六月中 疏》云:「唐棣,奥李也。 「棠」當作「常」。《爾雅 白 棣樹,亦似白棣,葉 名雀李,一名車下李,爲棣之屬。乃《論語 ,神而明之,存乎其人,不可豫設,尤至難者也。」○注 至 唐棣、棣。 棣,樹也。」如 實白 五月始熟,自關西、天水、隴西多有之。」案: 元恪謂 陳疏又云: 而 小雅》之「常棣」、《七月》之「鬱」,皆即赤棣歟? 「見矣」〇 後經正。」皇疏引王 若然,則此注所云「唐棣,移」,「移」字亦 不轉移,則隨 而得名,赤棣如郁李,其實正赤。 常棣、移」。 正義曰: 李而小,如櫻桃正白。 「《説文》:「移,棠棣也。」「棣,白棣也。」 則《論 如刺 物爲低昂 》邢疏引陸璣義疏云: 「唐棣、移」者、《爾雅 一名雀李,亦曰車下李,所在 熟,大如李子,可食。」此與《齊民 以棣之名專屬唐棣,而 榆葉而微園,子正 一弼 曰: 語 止 陳氏奂《毛詩疏》謂《爾雅 『鬱,樹高五六尺,實大如李 》疏引 ,而不得其平,故變而 物增 「權者,道之變。 「唐棣」,必是 損 今官園種之,又有 愐 稱則 郁李一名奥李, 赤,如 具許 》邢疏引《義 釋木》文。 長平,轉 「常棣」之 以 「棣」之誤 變無 郁 慎 常 棣爲 不失 而 Ш 李 \exists 》當 唐 移 皆 白 常 而 0 0 篇: 皇 禮 + 由

《公羊》義也。 恒寒恒燠 故反寒爲暑,反暑爲寒。 善,故反而 者,法也。 周章傳》、《北周·宇文護傳》引《論語》解之並爲「反經」,用 耳。」牟氏此説得之目驗,與許慎 尺,其華初開反背,終乃合并。 制宜,權 郝氏懿行《義疏》引牟願 此「唐棣」也。」案" 而後合,是華反而後合也。」高誘《 反而至大順,亦用權之道 有 一年傳》:「權者何? 疏云:「夫樹木之花,皆先合而後開。 「《春秋》之常辭也,不予夷狄而予中國爲禮。 報而樂有 量 ,則爲咎徵。 法久不變則弊生,故 輕重 後 有善。 焦氏循説權曰: 反,此 無常 陳説是也。 不變則道不順,故反 反經所以 形勢,能 禮減而不進 和説: 反乎經,然後有善者也。」《後漢 日月運行,一 所謂 「説者疑於經不可反。 合醜反善,合于時 0 郭注 爲權。」《春秋繁露・竹林 但 反其法以通 所稱 即今小桃白 其樹皮色紫赤,不似白 淮 「無常形勢」也。 則消,樂盈而不反則放 爾爾 南子》注云: 寒 「白棣」,當無異 雅 唐棣之花, 而 议 暑,乃爲順行: 之;不變則 後至於大順。 唐 ,其樹高 棣 適。 《公羊 權 似白 至邲之 則 夫 經 義 因 先 楊 開 楊 不 桓 是 事

「璣」,原誤作「機」,逕改。下同。

「願」,孫校作「廷」。

善戰。 魚、浣布以灰、夫物固有以賤理貴、以醜化好者矣。智者棄 棣之華,反而更合。孝子事親,和顔卑體,盡孝盡敬。 指。 小、清濁、疾徐,必相應也。 也」之注。 是不思」,陽固《嫉邪詩》「反是不思,維塵及矣」,皆「未之思 經注之義。毛氏奇龄《奇求篇》:❷「《毛詩》「不思其反,反 父祝則名君,勢不得已,權之所設也。」二説皆足發明此章 溺 於理而後行焉。《易》稱「巽以行權」,《語》稱「可以適道,未 矣。」劉勰《新論· 遠之有?」由是觀之,見其指者,不任其辭,然後可與適道 偏其反而。豈不爾思,室是遠而。]子曰:「未之思也夫,何 盟不如不盟 戰,偏然反之,何 一而取長,則才可致,賢者激濁以見清,則士可用。 也,則攬髮而拯之,非敢侮慢,以救死也,故溺而捽之。 與權。」權者,反於經而合於道,反於善而後有善。 清濁相 「未之思 非精心達思者,其孰能知之?《詩》云:「棠棣之華, 不義之中有義,義之中有不義,辭不能及,皆 若相反之思,則王符《潛夫論》有云「夫長短、大 反 ,然而有所謂 也 而實相成,見思反之意。」又云:「嘗讀《王祥 夫! 也? 明權》篇: 何遠之有?」此正 曰: 善盟; 然攻玉以石,洗金以鹽,濯錦以 《春秋》無 ❶「古之權者,審其輕重,必當 戰不 通 如不戰,然而有 辭,從變而 以 貴 賤、 好 移。 醜、長 孔子 及其 若唐 在 所 於 謂 故

可

者,謂先反後順也 之思」是思 此正取《唐棣》是篇以反作正之一證也。」案:如毛説,「未 弟信讓通屬之,而終之曰:「未之思也夫! 橝不饗祀。 使不澣濯,不含斂,不沐棺椁,不起墳塋,家人不送喪,祥 傳》,知祥以漢、魏遺老,身爲三公,而卒預晉禪,心嘗愧恨 雖不奉朝請,不立殿陛,而終不自安。 反,亦即是思權, 雖不用古法,而反經行權,期合于道,故既以孝 與此 注説亦正合。 故於臨殁時,屬後人 何遠之有?』 云「次序

劉 「勰」,據文意當爲「桓譚」。

0

日 短

0 奇求篇」之「奇」,孫校作「稽」,是。

寶應 寶楠學

鄉黨第十

正義曰: 皇疏言: 「《古論》 议 《鄉黨》爲第二 篇。」此僞

本,不足據。❶

集解

各以類從。 凡一 皇、邢 章正義曰: 疏别爲科段,當有所受。 此篇雖一 章,而其閒事 今略本 義,

之,分爲二十五節

鄉黨,對朝廷言之也。」王氏瑬《鄉黨正義》說: 其大名, 黨者, 舉其中所屬之一也。 圖考》:「諸侯五十里内爲三鄉,亦如天子之制。 【注】王曰:「恂恂,温恭之貌。」正義曰: 孔子於鄉黨,恂 恂如也,似不能言者。 孔子雖居國都,亦 江氏永《鄉黨 「孔子生於 鄉 者,舉 日

語正義卷十

如此。」其在宗廟朝廷,便便言,唯謹爾。 先人也。鄉黨,父兄宗族之所在,故孔子居之,其容貌辭氣 三家文異。《集注》云:「似不能言者,謙卑巽順,不以賢知 詢。」「悛」與「逡」同,亦與「恂」 化之也。」可知此文「鄉黨」兼彼二地矣。」鄭注云"「恂 陬邑,遷於闕黨而設教焉。 如鄙人,口不能正辭。」《索隱》曰:「《漢書》作「恂恂」,音 廷便便。」與《索隱》合。《史記•李廣傳贊》: 有本作「逡逡」,音七旬反。」漢《祝睦後碑》:「鄉黨逡逡,朝 心,則能恭慎。 恭慎貌。」案:《説文》:「恂,信心也。」信者,實也。 行孝道。 其於鄉黨、遜遜如也。」亦音義相近、當由《齊》、《古》、《魯 居於闕黨,闕黨之子弟畋漁分,有親者得多,孝以 《史記・世家》載此文、《索隱》曰:「恂 故《新序》云: 『孔子在州里,篤 一同,並聲近字。 「李將軍悛悛 《劉脩碑》: 人有信 【注】 恂 恂

廟》云:「宗者,尊也; 鄭 有室何? 云: 「在宗廟朝廷、謂助祭於公與見君時也。」《白虎通·宗 曰:「便便,辩也。 所以象生之居也。《爾雅 廟者、貌也、象先祖之尊貌也。 雖 辯而敬謹。」正義曰: 釋宫》:「室有東西 《集注 所以

0 此僞本不足據」,孫校"「此未必傷。」

一八四

庭也。 治朝 子,雨霑服失容, 外。」亦可見路門外是平地無堂。《曾子問》:「諸侯旅見天 朝 以 是燕朝 皆平地 之位可見。 日 亦 早。」此説 地,無堂階 内朝 云 「外朝,路寢門之外 凡言庭者,皆廟寢堂下 朝者,見也。」《周官 一朝,亦 稱朝 治 注 治朝,在路 E 也。 廟。 據 朝 太僕》云: 《左傳》「韓獻子從公立于寢庭」,即是從公於内朝, 無堂。 注即 路寢庭。」路寢即 對 朝位亦平 稱内朝。 《文王世子》公族「朝于内朝」, 舊説 東 燕 朝」即朝夕以朝。 故謂之朝廷。 治 西 朝,則 門内者曰燕朝,又曰射朝。 聘禮》:「使者夕幣 惟路 諸 朝 箱 侯三 者 地、不獨治朝、外朝矣。 燕朝 則 也。 寝朝 治朝 玉藻》諸 廢。』明在廷中 東 朝,在 庭」是也。 江. 朝於路寢之庭。」注《文王世子》云: 大宗伯》注: 堂西 燕寢 亦 有堂有階。」案: 也 氏永 廷者,平地也。 稱外朝。 侯 庫門外 時見君謂之朝, 堂 若治朝、 别 「朝服 圖考》: 也。 于朝, 觀《司 寝 也。」又曰: 者曰 以日 《文王世子》「其 朝,猶早 白 而 外 時管人布幕于 「治朝、外朝皆 則 士》路門左、路 虎 外朝 言「庭」,明朝位在 朝皆無堂,則 三朝朝位皆平地。 若以治朝、燕 金氏鶚《禮説 鄭注《 燕射 視朝於内朝 通 因 「外朝、 也、欲 • 之朝 在 令文王 而見君之地 朝 雉 覲 門 也 其 治 世: 亦無 寢門 來之 門 在 朝 是 内 云 子》 朝 外 則 平. 若 右 對 者

傳:「平平,辯治也。」《韓詩》作「便便」,是「平」、「便」、「辯 南靴 朝 爲之内庭,三堂之深,當爲七十步。」此義或得之。 之庭也; 之。 广,廷無堂, 也 廟 音近義同。 君不常至,治朝禮略,君臣不能多言。 瑬《正義》引楊隨安説: 外朝之廷也。 文 || 云: 是舉治朝以賅燕朝矣。 工記》: 「市朝一夫。」夫,百步也。 庭 諸諸、便便,辨也。」「辨 書》「平章百姓 玉篇》: 每 ,或於路寢。 耐 事問 自來解者、「庭」、「廷」二文多混。 」,鄭作「辯秩」,伏傳作 朝 名之日 庭, 路門至應門百步,治朝之廷也, 庭, 與 又簿正祭器。 0 宫 廷 下大夫言, 而 注「便 此爲天子之制,其諸侯則無文以明之。」王 堂階前也。」是庭雖平 夫子便便言,當在燕朝。 、伏傳作 但 中 所 爲平地, 也。二廷, 謂 便辯 朝 「諸侯之堂七雉,三分其廣,以 便 於朝廷 廷 也」〇正義曰: 「辯章」、《史記 辯」同 故 也。 便」、《史記 「便秩」。 朝 侃 其文從廴。」 中 「庭」 侃 則 謂 也。」庭 對 堂下至路門百步, 如 問政 辯論之也。 地 與 《詩》「平平左右」,毛 《禮 也 必必 凡議政事, 「廷」字有别。 》作 然則 應門至皋門百 《爾雅 世家》作 有 案: ; 述儒行,是言辯 説》又云: 「便章」。 有堂階 堂,故 與上大夫 此文 金説是 夫子於宗 釋訓 朝 辯 皆於燕 外 而 其 「平秩 内朝 「《考 朝 文從 辯 其 後 廷 《説 也 H 名

羊傳

徒;

馬

司馬之下,惟置一小卿,小 崔氏云: 孫爲司徒,叔孫爲司 大夫五人, 小國二卿,皆命於其君,下大夫五人。]孔 下大夫五人; 朝。」案: 朝」、《論語》「朝,與下大夫言」,「與上大夫言」,皆指治事之 之左右,如今午門朝 視朝之禮甚簡。 崔氏云: [三卿者,依周制而言,謂立司徒兼冢宰之事,立 視之。」 ,蓋以卿大夫議朝 中正 是君未 治 兼宗伯之事,立司 注。 空之下,亦置二小卿,一是小司寇,一是小司空也, 事之所,即 秦説亦通。 『謂司徒之下,置小卿二人,一是小宰,一是小司 則 之 王氏鎏《正 臣 視 貌 次國三卿,二卿命於天子,一卿命於其君,下 。」正 朝 朝 既 時 匠 朝 在君先。 也。 馬,孟孫爲司空。」『下大夫五人』者, 政於此 義 《王制》云:「大國三卿 房矣。 而 義》: 人》所謂『外 日 : 空兼司 退,君 《玉藻》云: 據下 司 \(\int\) \(\int\) \(\int\) \(\int\) ,故亦得名朝。 康成箋《詩》以 秦氏蕙田《五 馬也。二案: 適路寢聽政,臣適諸曹治事。 寇之事。 文,「 制》「上大夫卿」,「下大夫 九室」是 朝辨 君 在 故《左傳》云:「季 二爲 也。 禮 崔説本何休《公 色始人,君 治事之所爲私 ,皆命於天子, 曲禮》『在 通考》: 視朝,則 其室在 「古者 疏: 朝言 治朝 日 此 出 言 者也。 云: 見 司 制 是 未至,而 爲 也。 》所謂 則

朝

諸

臣

而

言,誾

誾

如

也。

注】孔

曰:

侃

侃,和樂之

貌。

習

誾

證》以爲此《古論》。 臧孫世爲此官。定公時,臧氏不見經傳,意其時 爲大司寇。 大司寇矣。 司寇,是下大夫,而 有群司矣,此與小卿 五大夫下仍有大夫,當是分職治事者,如周官大小卿下之 餘大夫不稱小卿,故云「大夫繼而東上」。」 胡氏培翬《正義》:「五大夫爲卿之副貳,故謂之小卿。」又 儀》:「卿席賓東,東上。 Ŧī. 「上大夫」,後「下大夫」,《聘禮 寇職虚,故孔子得爲之。 上,於三卿中又自分上中下,《王制》有 人」,是諸侯之上大夫即卿 「諸侯大夫,不止五人。惟三卿下五大夫謂之小卿 是《魯論 不及上士以下者,統於下大夫也。 五大夫對三卿爲下,於五大夫中 . 賤者先盈,故先與下大夫相見,進 「當其上大夫」、「當其下大夫」是也。」案:《大 案:司寇爲司空兼官,孟孫居之, 上大夫職尊,孔子所事下 據與言爲先後、《古論 《孔子世家》及趙岐 胡氏薰 並 下大夫也。 小卿賓西,東上,大夫繼而東上。」 傳者虚張聖功,以爲孔子實爲 《鄉黨義考》據《魯論》,謂貴 而 注 無 引同。 中 夫子仕魯爲小司空、 大夫 》則 大夫,則 《孟子》注皆謂孔 馮氏 據爵之秩次書之。 ·又自 Ŀ 也。 由 《世家》此 一卿、中 而 登府《異 其小司寇,則 胡説推之, 與上大夫相 與孔 分上下,《王 臧氏式 卿 卿、下 子 對 文考 文先 大夫 同 微 其 子 者 是 列

是非 故注 樂爲難。 蓋事上不難於和樂,而 論 書 並本此文。《説文》「侃」訓剛直,於此義不相應。 安傳》: 詁 而言言斯。」注:「言言,和 0 此 説文》: 注】馬曰:「 難 注 注本以「中正」詁「侃侃」、「和樂」詁 侃 也。 訓 衎衎, 張敞傳》「衎衎履忠進言」、《後漢・樊準傳》「每燕食則 侃 衎,樂也。」《説文》:「衎,喜貌。」❶「侃」、「衎 「侃」爲 冒置 」通作 侃 間, 方説非是。 言不妄諧俗,故注以「中正」解之。 和樂之貌誾誾中正之貌」〇正義 並通 和 衎 君在 「衎」,故訓和 和樂,謂 説而諍 衎,得禮之容。」又《唐扶頌》「衎衎誾誾 而」爲「侃」,但文雖互通,義則各有當也 一視朝 君在, 踧 中 也。」或省作「言」。 侃 正爲難,接寮屬不難於中 敬貌。」與許義近。 樂。 爲「衎」之段借也。 也。 踖 「誾」有諍義,故 踧 如 踖, 「誾誾」,傳寫倒 也, 恭 《玉藻》: 日 : 故 與 方氏東樹説: 静者,辨論 《後漢 爾爾 之 與 訓 Ė 貌。 如 雅 「二爵 若《漢 古 中 也。 誤。」 而 E 通 與 和 其 袁 釋

> 須踧踖 案: 安舒也。」義皆可證。 《漢書·敘傳下》:「長倩懊懊。」注引蘇林曰: 貌。」即本馬注。《説文》: 踖,敬畏也。』《詩 平易也。」「踖,長脛行 「言爨竈有容也。」亦謂恭敬之容。 縮小之貌。」《孟子》: 士。 蹙」、「蹙」、「趺」並與 群臣當君揖時 當此之時 又不得急速。 ,則臣皆起 節南 ,皆須還辟,故有此容。 「踧」同。 也。 威儀」,猶容儀,「中適」,猶言得宜 「曾西蹵然。」注: 與 Ш 一恭敬之貌,故孔 「趮,安行也。」「懙,趨步懙懙 ¥: 與, 曰踧 《楚茨》:「執爨踖踖。」毛傳: 「蹙蹙靡所騁。」鄭箋: 猶 徐徐也 踖。」《 廣雅 鄭此注云: , 所 「蹵,猶 子踧 《説文》: 以 踖 恭 「踧踖,敬恭 釋訓 懊,❷行步 蹩踖也。」 而 如 「踧 安 「蹙蹙 也。 也。 也。」 也 行 「跡 雖

子爲魯司寇,攝行相事,非相國事也。 子,孔子安得攝之? 使迎之。」正義曰:《説文》: 以手曰招,以言曰召。」江氏永《群 君 召使擯、【注】鄭 所 謂「攝 日 「召, 評也。」王逸 行相事」者,攝相禮之事,若 經補義》: 君 召 當時魯政,專自季桓 使 擯者,有賓客 「《史記》謂 **紹** 魂序》: 孔

朝

辨色始

入,君

H

出

而視之。」此

時

君

正

在 日

朝

故

以

在

」爲視

朝

皇

疏:

君

視之則

揖

卿大夫,

而都 馬

揖 君

0 0

懊」下,據《漢書

• 敘傳》注脱

「懊」字。

與,威

儀中適

之貌。」注

「君在」

至「之貌」〇

正

義

日

玉

藻》云:「天子皮弁以日視朝,諸侯

朝服

以

視朝於内

朝。

喜」上 ,據《說文》脱 「行」字。

²⁹⁸

導也。 禮 行禮 之,臣與賓君行禮用旅擯。 將幣,亦兩君相見也。 辭。」據此,是兩君相見用交擯,故惟主君郊勞及將幣行之。 之臣相爲國客,及大夫郊勞,旅擯,三辭。 郊勞,交擯,三辭。 諸公相爲賓,主國五積,三問,皆三辭,拜受,皆旅擯。 孫通傳》「大行設九賓」,即九擯也。 省作「賓」。《史記・廉蘭列傳》「設九賓於廷」、《漢書・ 僧,亦作賓,皆同。」《孔子世家》正作「儐」。《説文》:「儐· 進」及「賓退復命」, 以特召者,承擯兼 子知禮,特使爲擯 夾谷之會,孔子相 也 也 禮》云: 鄭 一,其位 注《司儀》謂賓介亦稱擯者,依經立文,叚借之義也。 ,則擯者四 用旅擯也。 旅擯,猶《覲禮》言「傳擯」也。 從人,賓聲。 「卿爲上擯,大夫爲承擯,士爲紹擯。」注云:「紹,繼 相 承繼 人 而 交擯者,敵體之禮; 子男也 攝 而兼相。 是也。『君召使擯』,亦是有賓客來,重 出 及將幣,交擯,三辭,車逆,拜辱。 擯, 儐或從手。」是「擯」、「儐」一字,或 攝相事也。」案:《釋文》:「擯,本又作 上擯事也。 也。 若五積、三問,是主國遣卿大夫爲 `則擯者三人。」此依《周官・大行 主君,公也,則擯者五人,侯伯 大夫當爲承擯,何待於召? 其聘禮則君待使臣,亦君與 「揖所與立」,擯事也, 《周官・司儀》云: 在主曰擯,在賓曰 旅擯者、君臣 及將幣,旅擯,三 相 諸公 主君 行之 《聘 凡 一趨 介。 臣 叔 所 孔

> 傳辭。 《禮經釋例》引敖繼公説:「諸侯禮,賓擯當用三人。 用七人。侯伯之國五人,子男之國三人,擯介皆得相當。❸ 以明貴賤也。」然則聘賓至多不過七介,故《禮器》云「七介 覲天子之禮,非謂群侯兩君相見,及遣使行聘賓介用九 擯、旅擯同用九人。」案:《大行人》言「介九人」,乃上公朝 見交擯之數,先鄭注無明文,後鄭謂亦用九人,其賓介則 謂七人,則反踰於天子之數,其不然也明矣。● 至兩君 而康成謂「交擯各陳九介」,亦非也。 以相見也」。 也。❷《聘義》云: 諸侯同天子之制爲疑,而先鄭注《司 人》言之。 後鄭以交擯傳辭、旅擯不傳 若然,是天子諸侯禮,賓擯數 既上公賓介七人,則意主擯如爲上公之國,亦 「聘禮上公七介,侯伯五介,子男三介,所 儀 辭,故其 先鄭以交擯、旅擯 》謂主擯九人,後 同 也。 (注《司 凌氏 猶 廷 皆 X 交 相 鄭 以 堪

0

8

人,無主擯之説。」「而先鄭」至「明矣」,孫校:「先鄭《司儀》注止云公有九

之數。但五等有差降,不皆九人耳。」「至兩君」至「九人也」,孫校:「兩君相見,亦如見天子

行人》職有明文,此誤。」「既上公」至「相當」,孫校:「擯介數必無正等之理,《大

不失。 林曰: 必 爲臚陳,故有「但陳擯位,不傳辭」之説,蓋不然也。」謹 在其不傳辭哉?」康成讀「旅」爲「鴻臚」之「臚」是矣。 於其所尊,弗敢質,敬之至也。」又曰: 傳。」然則臚 設九賓,臚句傳。」「賓」與「擯」、「臚」 **先鄭異也**。 鄭以旅擯之禮,上擯面賓請事,不須承擯、紹擯傳辭,説與 六尺。 至末擯 上擯東南,西面,各自次序而下。 相去也,公之使者七十步,侯伯之使者五十步,子男之使 駢枝》説即先鄭義。 旅,讀 所宜 龙旅擯? ,雖以君命辭之許之,然 *\frac{\times}{\times} 「上傳語告下爲臚,下告上爲句。」莊周曰:「大儒臚 若五積三問,及郊勞,君不在行,而上擯輒自 上擯出請事, ,亦相去三丈六尺止。 「賓出次直闑西,北面,上擯在闑東閾外,西面 且《論語》此文有復命事,明是聘賓用旅擯而 此旅擯耳,不傳命。 「鴻臚」之「臚」,陳之也」, 愚竊謂旅擯行於國中,上擯往來傳君 先從叔丹徒君《駢枝》曰"「《叔孫通傳》"「大行 擯猶傳擯 進,南面揖賓,俱前。 吴氏廷華《儀禮章句》謂:「不傳辭 也。 《聘義》曰: 無往 上介在賓西北,東面,承擯在 揖而請事,還入告于公。」此 還之節 末介、末擯,旁相去三丈 謂 與「旅」,古今字也。 陳 「三讓而後傳命,安 「介紹而傳命,君子 擯 ,直情徑 賓至末介,上擯 位 也。 命,於 行 其 詣 注 左右 賓請 禮 案: 而訓 似 ~ 聘 蘇 其 非 尚 何 者

> 門也。 氏《擯 門外,主君立大門内,不出限,行旅擯 此篇紀夫子行事,而考之《春秋》,夫子仕魯時,無諸侯大夫 六尺」,門容二徹參个,旁加各 朝」,謂 相見行交擯禮,君 主君不出門限也。 内。」《聘義》云:「君親拜迎於大門之内。」 禮,君立大門内,從孔説 賓也。」●其説與鄭小異,以孔疏爲長。 辭之禮。 禮》疏謂諸侯至主國大門外,主人及擯出門相接,行交擯三 主君乘車出大門而迎 擯,三辭」下云:「車逆拜辱,賓車進,答拜。」注謂既三 揖,既左右揖,知有 出大門外,降車行將幣,交擯三辭,禮竟,復升 介傳命圖》仍依鄭君《朝士》注「外朝在大門外」也 應門,天子之中門,諸侯則曰雉門,其説 外朝也,在大門外。 是將幣之時,主君已在門外。 必 傳解 旅擯是君與臣行禮、君不出限,則 出 賓,是將幣 限 無疑矣。 也。 可 鄭注《聘禮 知。 《聘禮》云: 步。 時,主 **《**司 又 案 此據《考工記 儀 禮。 》説 孔 一君尚 若然,是主君 《聘 於「諸侯將幣, 「公迎賓於大門 疏 則 旅擯 江氏 又謂 知旅擯之禮 在 禮》「 亦誤。 門 永《圖 聘禮 相去三丈 車 内。 淡 賓 向 故江 爲應 至 兩 先 賓 前 辭 至 仰 曲 交

車

0 · 説甚誤。」 至「迎 賓 也」,孫校: 「將幣在交擯三辭之後。

此

大射 漢書 此文。

○注

謂夫子盛

字」義同。

引鄭此注云: 舟從殳。」殳,令舟旋 「艴」見《古論 也。」嚴者,敬也。 《齊》、《魯論 孔子爲司 「足躩,盤 「足躩盤 儀》「賓辟 、【注】孔 包云「盤辟」者、《説文》: 交擯, 義》謂: 何武傳》:「 氣貌 引 使大夫。 許意與鄭似異實同 氏 勃 辞貌 臣 勃 水《圖 寇,亦是大夫,故 語》。 》與?」《説文》:「孛, 痹也。」人色 痺者, 盛也 也。 聘用 辟 注: 如 曰 「晏子嘗聘魯,而 」○正義曰:《説文》: 矜莊 貌。」正 句, 《玉藻》「色容莊」,注謂: 大夫以 考》謂: 槃 竊謂『孛』亦《古論》異文。 者也。 旅擯、《論 廣雅 辟 必 辟雅 貌 變色。」 作 逡 也。」案:《吕覽• 義曰: 爾爾 小聘往來,不書於《春秋》。」又 拜。」「槃 遁不敢當 釋訓》: 字」一 聘 語 ,蓋許言其形,鄭言其義也。 「般,辟 問 出聘亦不書。」其説並 雅 念北 此 《春秋》不書,晏子未爲卿 足 之禮, 作「艴」。 文專指 堂書 躩 盛。」即 釋言》: 與「般」、「盤」並 也。 勃勃、盛也。」「勃」、 「躩,足躩如也。」本 大聘爲 如 鈔 重言》注: 象舟之旋。 也。 旅 勃如戰 此 《汗簡》云: 般, 擯 禮 作「勃」者、 注意。 聘 【注】包 儀部》七 還 使 色 色。」 矜 卿; 也。」 《書 同。 是。 勃 從 (注)鄭 鄉不能 擯,亦 注: 達主,當右其手,右 擯在東南也。 擯 恐其以他事至,不欲自承以 至傳辭之法,在朝禮 北,故《聘禮 前,却得兩鄉之而 儀 左立者是紹 俛 辟 鈔 其 之義。 承擯復揖 字。 「謂擯相傳解時 仰, 在承擯 咸正 ○注「揖 衣 揖 擯, 》疏謂 則自 前 而傳與 所 東南, 後,襜 與 左至 上 則 而 擯 末 承 望

嚴

説文》兩

曰:

如

也

禮 儀 部 》七引鄭 立,左右手, 此注 云: 躩 如, 衣 逡 前 巡 後 貌。 襜 逡 巡, 如 亦 也 盤

也。

小

聘

事。

江.

聘爲問

群

經補

君

朝用

當左其手,則左臂縮而右臂伸,右者隨之而 北上。」是以南北爲左右,東西爲前後。 「凡行人之儀,不朝不夕,不正其 曰:「揖左人,左其手,揖 江氏永《圖考》: 右立者是上擯,每一 已。」據此,則 上擯位次宜稍 肱短而左肱長,則左者亦緣之而右矣。 也,不正 擯,末 上擯奉主君之命,問 如也。」正 「如也」〇正義曰: 介在 承擯 人來詣己也。 擯與末介, 東鄉,不 上介西北,末介又在 「擯者,雁行立於東方, 稍在後 擯介雖東西平列 在承擯 義 日 傳 正 右人,右 ,爲東南 解 東 西,得 其傳主命達於賓 西 主 皇本「左右」下 上 西 鄉常 則 面 夫子時爲 賓所以來之意 一擯揖 左。 相直 宜揖 以轉身望 也 亦不背客。」 以其手。 , 而 其傳 視賓主之 而傳與承 一, 則 也。 承 面之所 推 承 資命 向末 西 之紹 介 **同** 擯 · 有 承 西 面

襜襜 引江熙曰: 裳有後裾,乃向 乃向棖闑之閒矣。 之後背東,手之右首既左,則面西者可移之左,而背之負繩 之前後,亦與爲轉移也。 其首,及揖畢而仍仰立,故曰「一俛一仰」。 已,始命紹擯入復於君,而君出迎賓也。 事,遞傳至賓,賓辭遞傳至上擯,上擯述 介揖 是爲三辭,主君乃進 擯復傳於承擯,遞傳至賓。 復遞傳以至於上擯。 介,上介乃傳以告於賓,賓稱己所以來之意,以告於上介, 耐 而 含風 傳 問 兮。 揖 之 也。 兩手,衣裳襜如動也。』《楚辭· 車衡之閒矣。」「襜 洪慶善《補 手之左者既右,則背東者可移之右,而 末 車 上擯以告於君 介 迎 揖 江氏永《圖考》:「衣之前面西,衣 賓也。 賓對主君又辭,賓終請不獲辭 而 注 傳 與 其聘禮,則 襜 襜」,動摇之貌。 承 襜, 君 介,承 君命辭之,至不 辭不敢 衣 當擯者揖時,必 揖分左右,故 動 介 上擯述君 貌。」 揖 九歎》: 當,而 而 趨 故皇 傳 命 命上 進 與 「裳 疏 衣 俛 獲 請 上

經補義》: 于階,二 孫賈趨進』是 謂之進。 翼 如 也。 讓。 趨 者,行 公升二等,實升西 也。 注】孔 進, 《聘 步 謂 而 廟 曰: 禮》云: 前。 中 相 言 ^②左 禮 時。 端 「納賓, 傳 楹 好。」 西, 》所謂「公孫傁趨 非 賓人門左。 迎賓人門 東 Œ 面 義 E : 擯 者退 江氏 時,人門 三揖,至 進」、「王 永《群 中 庭 不

爲備 禮 》: 當趨。 也。』《釋訓 語 進」是疾趨 足無移。]又曰: 身須小折,而頭直手足正。 舉 徐趨接武,大夫徐趨繼武,士徐趨中武,其行皆足不 授幣時,擯者自廟門外進至中庭,亦是趨進,當並數之, 也。」案:此亦見《聘禮》,所謂 箱,擯者退,負東塾而立,及公將侑幣,擯者進 必有辭,辭無常者,不能記, 云: 時急遽, 所釋之辭云「子以君命在寡君、寡君拜君命之辱」是也。 賓致 江氏據《聘禮》爲說,是 進」在此時,謂從中庭進至阼階,而 前 「擯者,從中庭進至阼階西,有數十步,不宜紓緩,故 曳踵 矣。 命,公左還, 食聘賓也,始賓升,擯者在中 ○注「言 趨則急遽,或至垂手掉臂,難其容,故特記容。 行 《典故覈》又云: ,謂之圏豚行。 也。」「 步 心必趨。 端 翼翼, 「端行頤 好〇 翼 北 如 鄉。 恭 禮 也。 」、《説文》引作 也。」 正 不 擯 「凡趨 雷如矢,弁行剡剡 言趨 義 曰: 《玉藻》曰: 日 凌氏曙《典故覈》:「《公食 者 恭敬 辭有常者,不必記也。」今案: 疾趨。 進。 「禮賓」也。 有二法: 省文也。」又《鄉 爾 釋辭于賓,以 公 則 庭,釋辭相拜,公退 其步不繼武 當楣 端 雅 「疾趨 趩 正 如, 竊又意,士 釋 再 可 曰 起 拜。」 知。 詁 則 相幣 徐趨。 種。」 此 八欲發, 相 黨圖 出《古 賈子《容 中 是趨 公拜 所 此「趨 離 謂 武, 介 君 趨 大 而 也。 考 地 旧 之 覿 進 是 趨 進

《公食大夫禮

》言:

「禮賓畢,公送于大門内,再拜,賓

迴首曰顧。」賓退所以不顧者,不敢當盛,且以示有終

賓及上擯復命事

也。

《説文》:

「顧,還視也。」《詩

匪風

賓出,反告,賓不顧,於此,君可以反路寢矣。」下引此文云 客對。君勞客,客再拜稽首,君答拜,客趨辟。』《聘禮》云: 及中門之外,問君,客再拜對,君拜,客辟而對。 復白君:『賓已去矣。』」正義曰:《司儀》言聘事云:「出 賓於大門外,則送賓亦於大門外,故但有告辟,無命上擯送 還一辭。」考彼文言辟是賓退,告辟則 《司儀》言諸侯相朝、云「及出,車送,三請三進,再拜, 案:《司儀》言君送賓在中門之外、《聘禮》言在 公問君,賓對,公再拜。 送,賓不顧。」注云:「公既拜,客趨辟,君命上擯送 請事,賓告事畢,擯者入告公,公出,送賓及大門 一進、欲遠送之也。三還三辭,主君一請者,賓亦 以微罄之容,飄然異然,肩狀若流,足如射 鄭注謂君命上擯送賓出者,謂出大門外 :「賓不顧矣。」【注】鄭曰:「復 注云"「三進、請賓就車 公問大夫,賓對。 上擯之事。 也。 公勞寶,賓 君問大夫, 箭。」賓 主君迎 主君 一大門 命, 每 上擯。 賓退皆不答拜,不答拜,則亦不顧矣。 《士冠》、《士昏》、《士相見》、《有司徹》及此朝聘禮爲言,知 者拜,去者不答拜。」歷引《鄉飲酒》、《鄉射》、《特牲饋食》、 賓客退皆不顧。凌氏廷堪《禮經釋例》:「凡拜送之禮,送 揖讓,而退不顧,退禮略也,示難進易退之義。」又《有 送于外門外,再拜,賓不顧」。 不顧。」又《聘禮》言聘賓問卿 而孔子已攝上擯,則承擯當已别遣人爲之。 矣。」案:孔子本爲承擯,及入廟相禮,出大門送賓,皆是攝 有無未可知,惟孔子是攝上擯 有二事: 一告賓不顧,一告賓請明日有事于大夫也。 「上擯送賓出,賓東面而請之,擯者反命因告之。」是復命時 又云:「《聘禮》云:「賓請有事于大夫,公禮辭,許。」注謂 「《鄉黨》記復命,若非君有命,何以謂之復命乎? 徹》:「尸出,侑從,主人送于廟門之外,拜,尸不顧。」則 「賓不顧」,無命上擯送賓,及擯者復命之文者,文不具耳。」 惟公送賓出時 承擯、 紹擯皆在 面 鄭注《公食大夫》云:「初 卿 則 及 召是特召,君命爲 介面 如如 卿畢,「賓出,大夫 江氏永《圖考》: 初賓來時之禮

再拜。

擯者出

退

,必復命曰

趨

賓三還三辭,告辟」。

請

車

内,是二禮文同。

云。

「飲身。」正義曰: 人公門,鞠躬 此及下節言孔子爲聘賓事也。「公門 如 也 ,如不容。 【注】孔 日

尤

重 時

當

經但言

凡 司

悉同。 字,非 門」,則以朝門賅廟門也。 也。 又云: 門,有雉門,有 孫 之貌也。」案: 國 威 應門,天子中門; 考》云:「天子之室有皋門,有應門,有路門; 者,諸侯之外門、中門 故皆言[如]。 庭稱公,即此公門爲廟門,奚不可者? 云 由外朝至庫門内,復入雉門也。二者皆爲公門。公者,君 《太史公自序》:「務在鞠躬,君子長者。」《漢書 也。 (此同。」案: 《疏 「公」,衍字也。 《曲禮》『大夫、士出人公門』,彼據己國,此 也。 亦同 證 『公皮弁迎賓于大門内,大夫納賓,賓入門左。』則賓 彼於「執圭」下言「人門」, 案:《聘禮 作 **刿**此 《書鈔 也。」王氏引之《經義述聞》以「入門」爲廟門, 窮 《聘記》 《聘 文説之云: 路門。 史記 ・禮儀部 <u>\tilde{\</u> 雉門,諸侯中門。 記》注引此下文 廣雅• 》雖雜説孔子行事,其文不必 《聘禮記》『執 即 皋門, 『賓皮弁聘,至于朝。』朝 韓長 庫 且以《詩》言「公庭萬舞」觀之,廟 釋 一踧踖、 》七引鄭此注云: 門 訓》: 孺傳贊》: 天子外門,庫門,諸 雉 門也。 鞠躬,皆雙聲以 匆 自 「執圭,鞠躬如 圭人門,鞠 異其名,殊其制,辨等 指廟門。 匑 「斯鞠 而王氏以「公」爲衍 戴氏震《三 謹敬 諸侯之室有庫 鞠 躬 躬君子也。」 《論 也。」王氏 躬, 在 與《論語 如 馮奉世 稱所聘之 侯外 形容之 也」,《釋 庫門外。 自歙歛 語 朝 也」,正 》「公 三門 門。 傳 念

> 贊》: 足也。 同。 中 身」。 危懼貌。」義可證。 解,則當云「躬鞠如也」,方與「色勃如也」,「足躩如也」句 孫氏志祖《讀 蒼》,謹敬貌也,音穹窮。」❷則 爲 言 孫《廣雅疏證》謂 合矣。」案:「 曰:「立,即 老子》云: 後漢書·張衡傳》注 鞠 「賓及廟門、公揖 門, 段又引《魯世家》「匑 窮」。 「鞠躬履方。」顔 《説文》云: ○注 行 盧氏文弨《鍾山札記》、段氏玉裁《説文》注説 「歙歙爲天下渾其心。」《釋文》引顧 不 「歛身」〇正義曰: 鞠 書脞 「位」也。 履 躬」義 孔 録》: 閾。 「匎,曲脊也。」「鞠」、「匎」音同。 「如不容」者,言謹畏之形,若無 義與『匑 人,立于中庭, 師 爲謹 「歙,歛也」,二字訓同,亦謹敬之義 下文「復其位」,承此言之。 古注 蓋 【注】孔 匑 敬。 匑」同 鞠 云: 如 躬與 「鞠躬」者,「 畏 注以 鄭君以 「鞠 曰: 其説 \然」,●: 賓 踧 躬 鞠 立接 踖 閾, 恐未必然。 爲 謹 爲 徐 敬貌。」 歌歛之貌」者 例。 匑 西 廣云:「見《二 門 歛, 塾。」注云 匑」之段借。 注: 限 若作 《聘禮 皆當 王 所 躬」爲 歙 立 Œ. 氏 容 曲 歙 不 念 厠 身 讀

[「]匔匔」、《史記·魯世家》作「匔匔」。

❷ 「穹窮」、《史記集解》作「窮窮」。

宫》云:「橜謂之闑。」又云:

樴

在

地

者謂之臬。」郭

「即門

也。」案:

「闑」、「臬」字同

以

豎一木,名之爲棖。

根以禦車

過,恐觸門也。」「闑

詩箋云:

「棖,門梱上木近邊者。」皇疏云:

闑東,

亦

不得

中門

以

此

文例

之可

知

矣。

棖

由

[関右。] 孔

疏謂右

在東。

此爲臣人君門法。

闑 也。

東。」「私事」

即

私

覿

是

也。

常曲

禮》云:「大夫士出

其聘賓私覿

則與臣入君門同。

爲「人不中門」。

《玉藻》云:「公事自闌西。」注謂聘

賓,賓由所立處稍進身,向東,復轉身向北

口

知

中門爲尊者之迹,人臣人子皆當辟之。

立

毫玉

藻》云:

「賓入不中門。」蓋擯者自

廟門

例之,知聘賓亦東面。

《曲禮》云:「爲人子者,立不中

説,賓是東面。

案:《雜記》:「弔者即位于門西,東面

近西塾之地,立少俟,此

立不知何面

,胡氏培翬《正義

賓與主人同

至廟門

接,近

也。」西塾,在

廟

門之外,所

謂

門

側之堂謂之塾

雅

釋宫》:

「棖謂之楔。」鄭注《玉藻》云:

在其東南,西上,西於門。」注:「賓立門外,不當門。」以 行不當帳闡之中央。」經言立法,鄭君兼行言之者,行謂 ,而君先人以省内事,故賓在門外闑西, 木爲之,置於門中,以 《玉藻》云:「私事 「門左右兩撻,各 「棖,楔也。」《丰》 ,由闑西入門,是 鄭此注 彼入門 」者、《釋 者,《爾 , 其 影 門。 享 注 出 也。 人 굸: 是 此 介 蔡 由 君 自 請 去兩闑 中 出 其 門,不踐閾。」「踐閾」即履閾 而鄭 相沿 皆 文集》中。 拂闑相似矣。「履」者,踐也。 以彼文例之,此孔子爲聘賓入廟門,當亦自闌西,與 闑西」者也。 也。 闑,大夫中棖與闑之閒,士介拂棖。」注云: 其 遂謂兩闑中 圃 也。」《曲禮》疏亦云: 爲界别。 共國耶? Ę 一則不净,並爲不敬」是也。 焦氏之誤 ,判然異路,何 人,嫌於中門。 《儀禮》賈疏謂 云「夾闑」者,謂 也。」此説人公門之法,君臣同行 君入必中門,上介夾闌,大夫介、士介雁行於後, 其説雜見所箸《禮記補 與閩,而别設門限。 皇 案: 閾即門限,不得分爲二門,是一 履」、「踐 閒有閾,兩闑 ,所當辨 疏 君入中門,臣辟君,故用 굸 有二闑、誤矣。 至人臣貿然直行, 若有兩闑 門 正 上介行闡 「中央有闑。」是皇、 並 者也。 中 謂 外無 央 蹴 又謂 有 ,則君行兩闑之中,臣行棖闑 焦氏循惑於賈疏「二闑」之説 彼疏云 其上,解爲度越, 《曲禮》云:「大夫、士出人君 竊謂 疏》、《群經宫室圖》、《雕 閾,以 不 與 闑 《玉藻》云: 云履云踐,是度越之, 闑 凡門皆有閾,然門啟 而與君同 通 「所以爾者,一 上擯 以 雁行法。 車 門,亦 、孔謂 硋 行,至 門, 此 行 「君人門' 中 闑 所 門 兩 謂 亦無據。 闑,故 門, 掩門,則 東 上介拂 謂「公事 止 扇 兩 則自 相 有 八上介之 且 君 之 夾 交 非 至 由 菰 示 相 闑 高 闑 時 也 見 不

之位也。 叔丹徒 闡者,門中所植之木,與門限别,故鄭注《曲禮》以 **案**: 梱。 也 曲 之位。」王氏《正 事 包 橜,不用許説。 也 注: 也。 其閾或寬以庳,故行者多至踐履其上,夫子則以 人門左,北 也」、「閾、門榍也」。《繋傳》云: 或去其閾 揖、既 庭,乃與主君並行,故以過位爲節。 ,梱也,門限也,五名實一 彌至,容彌蹙 曰 《説文》「限」下云:「一曰門榍也。」然則柣也,閱也,榍 「閾,門限。」邵氏晉涵《正義》:「柣,《説文》作榍,云「限 ○注 中 士冠禮》注:「閾,閬也。」《曲禮》注: 庭 君《駢枝》曰: 曲 過 主君先人門右,即中庭之位俟賓,賓後人門左,及 面西西 閾門限 據 以 北 君之空位。」其言似不足者。 鄭 通 面 注 上,三 義 也。」鄭 車 揖。」 過位,色勃如也,足躩 》引胡縉曰: **香** 行。 「過位者,過主君之位,廟門之内中 此即《論語 揖,至於階。』注: 禮 此注云: 惟 義曰: 》及賈 廟 物。 門 《釋宮》云: 疏 「《聘禮》: 不 過 但《説文》訓 「榍所以爲限閡。」閾 所釋, 》注所云『北面 行 位 車 謂 「君與賓 而色勃如,足躩 則中 故 「賓人門左, 人門 「闖,門限 閾 「柣謂之閾。」郭 · 庭 常 如也、【注】 「闌」亦る 右北面 正義曰: 君揖之位 設 也,入門將 南 不履爲敬 「闑」爲門 而 北之中 爲 也。」 不 介皆 亦名 君 閫 如 去 庭 從 揖

也。 讓之禮,即有應對之辭 已久」,不復追改矣。 而 皆見《聘記》,尚不足爲據耶? 黨》言禮,雖不盡爲《周禮》所有,然若此節及下「執圭」節 廟,在己國朝君,非 君 隨 臣畢,退適路寢,臣適私朝治事。 君門由闑右」者也。 詳,但引申鄭注則未然。 揖之後,必過君揖之位也。」今案: 二,賓主三揖時,君位在 之位,故云「人門右北面君揖之位」也。 時賓在左、君位在中庭之右。 人門左,北面西上,既曲,則賓主俱北面揖,當碑又 人門而左,則鄭注「過位」所云「入門右」者,據君言之。 庭」者,其位在 也 注 治朝揖群臣之位,故曰 至路寢之庭,或升路寢之堂議之。 其曰「人門右」者,謂人雉門之右,所謂「大夫、士 論 一分庭 語》不 據《聘記 碑南,當庭之中。 在 北 在他國行聘 由是北面行至治朝之廷,君視朝 設 「過位」所以有言者、、駢 是也。 》者,鄭 碑, 右而居前,賓 蓋 「君揖之位」。 是 統鄭注全觀之,知以爲 注《論 由是三讓升階,則 鄭 聘 ○注 也。 行聘之時,公人門而右,賓 注 若有政事當議者,君 禮 胡説即本《駢枝 語 《聘記 「過君之空位 必 所 其 在 ~ 知 此則 左而 聘 云「公揖 由 鄭 前 》引《論語 治 禮 説 鄭義 稍退 所 朝 君 枝 不然者 謂 人 行 過君 * Z 在朝 人 居後, 路門, 一,臣 O 影而 「人閒 立 业 臣 有揖 命 於 Œ 非 揖 出 朝 所 義 文, 在 行 賓 群 揖 君 故 立 中 行 臣 加

連 爲

步以 涉。

重

蹉

跌

也。

連

步,謂

足 前 足躡

相

隨

不

上於東階

級 上

> 等 則

也。

涉

等聚足,謂

等,賓升西楹西,東面」,是賓升階後君

堂

碑

》俱引作「瓊」,用

正字也。

「升堂」者

也 猶 證

齊」與

寶

同。

《漢書

朱雲傳》、唐

盤。《管晏列

傳

。」 謹案:

之言。]]又引「《戰國策》:

能

攝

,猶整也。」《襄

十四年

傳》:

「書於伐

堂高七尺,見《禮器

《聘禮

主人與客讓登,主人先登,客從之,拾級聚足,連步以上。 自攝整。』《既醉》「朋友攸攝」,《正義》云: 節言「衣前後襜如」者,皆是自然合禮,不假手爲 賓執圭升堂,此時衣之下齊整齊,故曰 先右足,上於西階,則先左足。」注云:「拾當 》: 「晏子戄然,攝衣冠。」皆「攝」訓 『攝衽抱几。』《弟子職》:『攝 》言「賓至于階,三讓,公升二 《士冠禮》「攝酒」, 一空位 一 等。 秦,攝 也。 氣 等,後足從之併 相 貞觀 升,登也。 攝齊者, 似 過 舉 《曲禮》云: 「攝 也, 不息 也。」《曲 中《孔 足登階,齊 此 者, 攝 注 鄭 注 摳 諸侯 子 更動 齊 , 整之 收歛 云: 궁 者 衣 注 禮 廟 衣 共 所 下」即 雅• 云: 之患,不 枝》斥此注 者、舉也。 即 此 事於堂」,則 約鄭注之文,愚輒憶他書引此文,亦以 云: 也。」「摳、繑也,一曰摳衣。」段注疑 庭」,庭即路寢之庭,疑鄭此 語 其氣,若呼吸俱泯者,蓋氣容宜肅也。 足連步之禮異矣。 越 此 曲禮 息,喘也。 等, 是謀聘,似 則鄭義以爲常朝也。 文,是賓主升階 「屏氣自静,以俟君言也。」「俟君言」,謂 鄉黨》云:「孔子與君圖 釋詁》:「屏,藏也。 「栗階不過二等。」注云: 此注 謂之栗階。 必摳 「兩手摳衣,去齊尺。」注云: 云: 即席摳衣,下去地尺,若此摳衣,當相似矣。 「衣下」。 從心從自 此「升堂 衣 是臆測。 也。 「拾級聚足,連步以上,自不致有傾跌 法 摳 燕 衣、裳得 屏 此 謂之攘,攘 是 自 禮記》云:「凡公所辭 ○注 聘寶禮 陳氏壽祺《左海 氣」者、《説 也。 摒,除也。」義皆相 亦聲。」案: 文釋 事於庭,圖 「衣下」至「衣也」〇 「左右各 通稱也。 《書鈔 亦當同。 「其言似不足」之義。 謂之揭 「繑」爲「矯」字之譌。 文 》: 自 《士相見禮 一發 「齊,裳下緝 爲鄭注 禮 《説文》:「攝,引 經 事於堂。」説者 即 若急趨 ,揭謂之撅。 鼻 辨 儀 「屏,蔽也。」《 而升堂。」則 也。 近。 部》七引鄭 》謂 所圖事之言 也。 皆 鄭 君 《説文》: 栗 正義 》疏引《論 夫子屏 圖 也。」「裳 云圖 命 階。 失容 E: 子 事 以 則 與

也。」正

義 曰:

《駢

枝》云:

攝, 飲也, 整

(注】孔

曰:「皆

重

慎

也。

衣下

日

齊,

廣

又

有

攝

易發揚,故以

收

歛

整

飭

爲難。

本。 日:

攝

齊

升堂,鞠

躬

如

也

屏

君

退

適

路

寢,

則

治朝

之位

虚,

故

 \exists

矯 騈

持

注

圖

於

爲

等也 踖 父母 降堂受。」注 Ŀ. 不 則九尺之堂,其階 義 大夫堂五尺, 階五等, 士堂三尺, 階三等。」 胡氏 賈、馬説: 爲下文之目。」「等」者,階之級 西 者、《聘禮 也 氣,下 降 升堂見君 塾 踐 》引程瑶田 》廟見、「婦降堂取笲菜」,注: 如 一等也。 也。 ,不涉 即 廉以升堂也。」張惠言云: 」是也。 【注】孔曰:「没,盡也。 也。 等,逞顔 階舒氣, 堂 廉 《駢枝》云: 》云:「賓降介逆出,賓出 而反以 「天子堂九尺,階 不 所謂 也。 云: 《士冠 【注】孔 撅 ,侍坐於君子,暑 《公食大夫禮 「降堂、謂 摳 「盡等不升堂」者,當是盡 故 色, 「階三等者,連堂廉 止八等,七尺者六等,五尺者四等,三尺 禮 衣爲敬乎? 怡 曰: 「聘享每訖 》「降三等」,注云:「下至地。」疏 怡 怡 來 怡 如 止階 九等; 也。」 如 也。 時 》食實、「受醬涪等,皆 「降三等而下至地 「降堂、階 上。 也。 即即 下盡 毋 所 此可知其不然也。」 寒裳, 命曲 没階, 諸 一,謂 出 過 則 而言。 侯堂七尺,階 廟門 【注】孔 階。」復其位 位。」 禮》「拾級」,注 堂 賓出 避 Ŀ 廉 其 以俟命、「出」字 趨進 不敬 也。」婦 正義曰: 上 若除堂 廟門,仍 廉下之等,而 曰: 也。 也 ,則凡 培量《正 人無 自作階 七等; 「先 獨 翼 廉 \pm 踧 奈何 接 出 級 出 階 言 如 降 昏 引 於 屏

《論 者, 門位堂階之容,一 云: 《經義雜記》:「《史記・ 《釋文》云"「「没階趨」,一本作「没階 云: 同。 即 「人公門」至 序之中。 退,負序。」西楹西已當階,又三退,然後負序 序之西。 室答問 也。」《詩・瞻卬》箋: 「没階」者, 詁 上。」則此 在 階 爲階 之事 階之上等,接簷下,爲盡階不升堂。」今案: 語》同。 趨前之謂 「賓降立于階西,當序。」西階在西序之東,東階當 「復聘賓之位 胡 「怡怡 君 ,自堂而 則 《聘禮》: 階上北直房户,其兩階相去,亦 文 以 「《鄉射禮》:「賓降, 在 謂 ,樂也。」《說文》: 其 「私覿」,皆説聘問之事。 出降 也。 曲 堂 降西 説 出 廉 禮》、《士 ,廟門之外接西塾之位 爲 記執圭之容 至階 舊 上 「賓升西 階盡等,下 然。 又可 有此字, 「階,所由上下也。」洪氏頤煊《禮經宮 等」之義也。 世家》作「没階趨進」、《聘禮 廉, 一相見 胡 知。 即 楹 又云:「賓降 爲降堂。 「怡,和也。」「樂」、「和」義 非 禮 也。 西,東 蓋 · 至 立于西 誤。」「 **》**疏 堂之界。 地 《聘 「怡怡」者、《爾 引 也。 面,公當楣 而分言者,一 復 禮記》: **趍進」,誤。」臧** 階 並 階 也。」謹案: 以 《説文》: 其位」者、《 有 東西四筵之地。 西 一等,在二 庪 等,乃爲 進」字。 程氏、 , 則 爲限,庪 當 賓 再拜, 階 西 人門皇 階 [序。]又 雅 記所 必當 張 降 注 氏 賓二 私同。 節 趨 氏 以 在 階 枝 白 進 引 琳 楹 陛 釋 之 前 東

升堂 及包、 爲 進」,此不必復記矣。 鳳《發微》以爲擯禮,不知擯者本不升堂,且上節已言 與《聘記 國與君謀聘,則 説 聞 枝 釋之,惜其先注 儀。」是此節爲聘禮 云。 也。 正焉。」注云: 氣,舍息 於外者,故注明之。 再三舉足,自安定乃復趨也。 左 義,今皆刊落,不欲繁溷學者耳目焉。 趨朝之事,不應中 並 」○正義曰:上文言「屏 洲 海經辨 讓 又注「及門 念趨,謂 始明。 孔注皆以 稱其精審,厥後胡縉亦略本之,此可無疑者矣。 ,將授 也。」「舍」與 》言「賓入門升堂」亦不合,則知陳説非也。 》據鄭注 志趨。 同 審 「皇,自莊盛也。 以與平時 此節 時 正焉」句云: 行步 論 |凌氏廷堪《禮經釋例》、王氏引之《經義 《聘記 語 明 下 圖 隔以爲擯,而復言趨朝也。 爲 也。 説既多岐,而其中門位、堂階,又人自 「舒」音同,「舒」與 》時,未能據之也。 階,發 議 明載之記中,而鄭君 趨朝。 事 政事何異? 於庭、於堂」之言,謂是孔子於己 孔子之執圭, 》云:「下階,發氣怡焉。」注: 息」,息即氣也。 氣怡焉,再三 「容色復故,此 然上節言「朝」及「君在 讓,謂舉手平衡也。 孔子之升堂,鞠躬如 且孔子在本國圖 〇注 鞠 古義湮晦,至《駢 「逞」 舉足,又趨,及門 躬 即以《論語 皆 顔色是氣之見 「先屏」 如也」云 心變見於威 義 陳氏壽祺 同。 志猶 宋氏翔 |至「如 也」云 己,已 鄭 「發 事, 文 趨 云 方 君 述 念

剡

言》:「 「下階」者、《釋言》云「降,下也」。 「逞,解 也, 快 也。」《説文》: 逞 通 也。」義 俱 相 近。

君

圭。 璧皆徑五寸。」案: 九寸。 聘。」注「鄭司農云:「瑑有圻鄂瑑起。」」又《考工記》「瑑 圭皆長七寸。 子執穀璧,男執蒲璧。」注云:「桓圭,蓋亦以 者何? 璋八寸,璧琮八寸,以 及諸侯交相聘,則用瑑圭。 伯》:「王執鎮圭。」又云:「公執桓圭,侯執信圭」 自潔,珪之爲言潔也。 正義曰:《説文》:「圭,瑞玉也。 珪。 此謂上公之臣,執以頻聘,享用璧琮於天子及后也。 使 上」,亦即「上圜」。 聘問 諸侯朝天子,及諸侯相朝並執之。 「信」當爲「身」,身圭、躬圭,蓋皆象以 又云「剡上爲圭」。 執圭,鞠躬 珪者,兑上,象物始生,見於上也。 鄰 穀、蒲二玉,蓋或以穀爲飾,或以 國 執 此 如 持 即 頫聘。」注云:「瑑,文飾也。」疏云 上兑,陽也,下方,陰也。」「上兑」即 凡諸圭形,當略相同。 君 也,如不勝。 瑞圭也。 《白虎通・文質》篇:「珪以爲 之圭。 《典瑞》云:「瑑圭璋璧琮,以 上圜下方。」古文「圭」作 《考工 鞠 躬 若使人聘於天子 者,謹 【注】包曰:「爲 萬物之始,莫不 玉 人形 《周官· 桓爲瑑飾,長 人》謂之「命 伯 蒲爲 慎 爲 執躬 之 瑑 瑑 至。」 大宗 若兩 飾 飾 圭 圭

聲。」上 東 也。 侯之珠,不飾以銀黄。 之圭何以異 者、頻問之圭璧、六瑞則不瑑也、故曰「大圭不瑑、美其 康 以 帝紀》注: 寸。 諸 廟門,公揖人,立于中庭,賓立接 之事,是爲瑑書之八體,大篆小篆,亦以此取名焉。 **瑑飾者以此。** 桓、信、躬、穀、蒲之文也,不知桓、信、躬、穀、 也。」康成依漢禮 圻 爲飾 功 | 與其彩,非瑑飾之文。故曰「和氏之璧,不飾以五彩, 面坐,啟櫝取圭,垂繅不起,而授上介。 成存疑,故屢加「蓋」詞以箸之。惠氏士奇《禮説》:「瑑 侯 の無飾 [也。]案:《説文》:「瑑,圭璧上起兆瑑也。 凡諸侯之臣頻聘,不得執君之桓圭、信圭之等,直瑑爲 祀 自 山川 也。 起兆 相 「封圻」之「圻」,所以界别内外也。 聘,亦執之。 其不然乎?」案: 「圻岸,圻堮也。」「堮」、「鄠」字同,當謂刻圭凸起 乎? 康成謂六瑞亦是瑑飾,但不爲桓、躬等之文,此 瑑,即 造賓客,皆日 《山海經》:「圭璧十五,五彩惠之。」惠 而言,遂謂六瑞皆瑑。 説 先 者又謂 鄭 其質至美,物不足以飾之。」六 侯伯之臣,宜六寸。 瑑 素功。 惠説 頫 起」之義。 聘之圭璧,有圻 (西塾。 是 素功者,設色之工。 也 「兆」、「垗」 擯者出請 《聘禮 如其説 上介不襲,執圭、 李賢《後漢 子 蒲 男之臣 三言: 鄂 則與 從玉,篆省 ,乃玉之形 命, 瑑 説 起, 賓及 賈 者 猶 瑞 頫 宜 畫 字。 無 明 隋 質 人 謂 繢 飾 無 聘 四

舉之。 《聘記》云:「上介執圭,如重,授賓。 中 歲 使大夫問於諸侯 義。〇注「爲君使聘問鄰國執持君之圭」〇正 人之。 門,鞠躬焉,如恐失之。 平衡,故鄭解《聘記》「升堂讓」,云「謂舉手平 凡 亦訓問,見《詩・采薇》傳及鄭君《禮》注。 以爲記執圭異説,此與《論語》文悉合。 授志趨,授如争承,下如送,君還而後退。」又云:「執圭 之器則上衡,國君則平衡。」衡者,衡於 玉。」此行聘時,實執 致命,公側襲,受玉於中堂與東楹之閒。 左,三揖,至于階,三讓,公升二等。 屈 「凡執主器,執輕如不克。」注云:「重慎也。」「重慎」即敬 七引鄭此注云: 君即 相問 繅 也。 授賓,賓襲 鄭云 《書鈔・ 也, 位,大國朝焉,小 久無事,又於殷 殷 「異説」者,謂記者非 相 禮儀部》七引鄭此注云: 聘 「如不勝者,敬之至也。」案:《曲 日 執 也, 聘」是 圭。 主以 世 朝 皇且 國聘焉。」案: 相 也。 擯者 者及 致君命 朝也。」注云: 行,人門主敬,升堂主慎。」 《大行人》云: 入告 而 也。 相 人也。 聘 賓升西 出 賓入門皇,升堂讓, [《]曲 聘問 也。 辭 心也。 作《記》者采孔子事 小 玉 執 **《**書鈔• 禮》云:「執天子 [®]曲 賓降,公側受宰 父死子 不異 楹西,東 ,納賓。 諸 **圭謂以** 聘 衡也」是 此 禮》云「 義 圭 侯之邦交 日 執圭 ☐ : 問。 立 禮 禮 故注 面。 賓 君命聘 曰 **※**云: 儀部 亦當 入門 聘 殷 世 也 將 賓 兼 注

不過平衡也。」云「不敢忘禮」

平下之别。

孔子執圭上如揖

聘

禮

記》「授如

也。」「尚」與「上」同。

臣授玉於君,

舉

踵

皆是君物,故使者受圭於朝,及聘畢返國,致玉於君 争承」者,言趨而授玉,其禮宜速,與此言「如揖」,各具 江氏永《圖考》曰:「古之揖,如今人與人相拱手,有 絳侯周勃世家》「太子勝之尚之」、《集解》引韋昭曰: 河閒孝王開傳》:「上案其罪。」注:「上,奏上 郊特牲》「尚用氣」,注:「尚謂先薦之。」《史 争承」,彼文之「授」,即此文所云「上」也 縮」、《説文》無「蹜」字、「縮」下云: 君圭」之文,或以命圭當之,非 如戰色,足蹜蹜 者,是解「下」,謂 ,與天揖推手小舉者相 君之圭」者,凡 《詩》:「蹙蹙靡所 ○注「上 授,不敢忘禮 也。 行。」正義曰: 亦是奉上之。 瑑 下 如 圭 ·堂 雖 授玉爲上 如」至「踵 璋 騁。」鄭 有 似,此 壁 Ē 並 循 琮 也 授 高 見 前曳踵 舉足,齊如流。」注云: 如車 云: 則趾 也。」案: 足曳踵,則 同,慎懼之義。 恐辱君命也。」是注佚文,當在 别自爲義,非也。 玉」,即《聘記》所謂 通。 更云:「《魯》讀「下」爲「趨」,今從《古》。」案: 送物與人,與此言「授」同也。 玉 言「如」,故從《古》作「下」。 舉 踵 户」,與「趨」音近,故《魯論 不 前曳踵行」者、《説文》: 「執主器,操圭璧,則尚左手,行不舉足, 「上如揖」,即賓入門後,三揖至于階之事。「趨 脚後也。 「行不舉足,重慎 輪曳地而 踵相接,順遞而行,故舉前足,則曳後踵隨之。 敢忘禮 縮 舉 縮 前 衣之齊如水之流 如 ,猶 足,曳後 若執器 行,故 恐 也。」注 如 魯一 授 「志趨」,從《魯論》爲説,與下兩「如」字 辱 云車輪曳踵。」又《玉藻》: 行時 時 卷 也。 踵,則 君 三 云 也。 命 轉 禮儀》七引 「著徐趨之事。」又「圈 車輪,謂 則不得舉足,但 「循,順 錢氏站《後 《聘記 者, 後 》作「趨」。 矣。 也。 《鄭注輯本》「不敢忘禮」句 足不舉 敬 懼 孔子執圭則 豚之言若有 也 影了下 行 行不 有 此注云: 也。」兩足不 失隊,遺 句 故 鄭以 録 下。 絶 》謂 如送」,「 云「行不舉 起 地 趨 車 「下」字古音 前 「如」、「而 執 也。 所循。 勃 然,此 輪曳踵。」注 而 敬 君 拽 授 豚 能 與 龜玉 羞 如戦 後,使 《曲 送 疏 玉 行,不 分 辱 不舉 足」。 徐

也。」又《禮記 者、《後漢書· 戰色,敬也。

足

蹜

蹜

如

有

循、舉

前曳踵

注】鄭曰:

上

如

揖

·授

玉

宜

敬;下如

而

授

不

煩 如

蹜

蹜」、《玉藻》作

縮

日

蹴也。」「蹴」

與「蹙」一

字。

縮小之貌。」縮小亦不敢自肆意。

正義曰:「授玉」,謂

賓升堂東面

授

玉

Ŀ.

如揖

下

·如授。

勃

聘

禮

解

者誤會此

注

於鄰國。」與

包義

同。

云

執

持

當

謂 下

趨

禮 步 也 儆 色

其

踵

趾

相

接

旋

轉

如

卷

故

爲

卷

豚

言

其

《聘記

* Z

將授

志

趨。」注

云「志猶

念也。

謂 卷

審 而

蹈半跡得三尺也,「大夫繼武」,謂跡相及也,「士中武」,謂 行二,故《聘記》言「授如争承」, 有循」爲「志趨」之證,與《玉藻》注所云 「及享,發氣焉盈容。」注云:「發氣,舍 「徐趨」之法,「君及尸行接武」,謂 推鄭君《玉藻》及《聘記》注 縮」爲廟門内執玉行步之容。 夫子大夫,當用繼武,故舉 從其説,非鄭君之旨。 惟舒武,舉前曳踵。」 壁,有庭實。」 也。」此則 所以用徐 【注】鄭 執 行 爲舒武 循 即 圭」全 步 行 此 也。 士 義 也 義 男則降 既 云: 敢當禮之盛也。 氣盈容,不若初之變色耳。」夫圭獻其德,璧獻其情,圭以 禮 記》諸侯相朝、公、侯、伯皆以璧帛享君、琮錦享夫人。 者 者,下奉上之辭。」《聘禮》言: 享君後以琮享夫人,其禮與聘享君略同。 者,貴盡志也,於是有容色云爾。 主皆裼而不襲。 也,使者有襲衣之儀。 信,璧以交歡。 舒 圭 「古者致物於人,尊之則曰獻。」何休《公羊》隱五年注: 「庭實」○正義曰:「享獻 四享」爲「三享」,而使人於諸侯但用一享,禮之殺 出請。 聘而享也。《覲禮》「四享」,是諸侯見天子之禮。 有容色,正對「勃如戰色」,謂身容、手容、足容 解。 」言之者,鄭以上公及二王後,享天子用圭,見《小行人 獻 用琥以 也。 江 氏 賓裼,奉束帛加璧享。 永《圖考》: 從高省,日 繡,璜 聘使之將入也,主君有辭玉之禮。 《書》曰: 至於享,則擯者請事而不辭。 以 襲者,以其玉所藉 輔,皆 象進孰物形。」《周 聘 」,《釋詁》文。《説文》作「亯」 「享多儀、儀不及物。」言乎盡 執 圭 不 聘畢,賓出 用 擯者人告,出許。」是 享 案: 圭。 執 聘君後以璋聘夫人: 璧 此 也。 嚴 一、公裼 官・ 注 ○注 與 至於享,則 「用圭 聘禮之人門 和 玉 如 亨 微 **降** 初 府 也 璧, 鄭注以 異。 、獻」至 者,不 立, 聘禮 注: 惟 聘 獻 享 擯 發

跡閒

容跡也。

是皆圈豚行也。

節

而以

足

蹜蹜

如

徐趨

」義合。

《玉藻》言

孔子之執圭」云云。

鄭以

志趨

即

「徐趨」,故引

前

曳踵

行,即

是

跡相及

也。

是足蹜蹜如有循在授玉之時,蓋授玉當徐趨

也。

者,以

君行一

臣

氣

也。

孔子之於享禮有容色。」案:

「舍」與

舒

同

謂

顔

色

注。

是

圭亦享禮所用

,鄭君廣言之也。

庭實」者,實於庭

IE.

義

日:

(聘記

日

獻

也。

聘

禮

·, 既

聘

而享

用

圭

執 注 相 江 也。 趨

玉常度,與授玉

時用徐趨不同。

蓋舉前曳踵,

「不趨者,主慎

也。

惟

舒者,

重

玉

器,

尤慎

爲

徐趨、名

同

而

法

異

也。

享禮,

有容色。

見禮

凡執幣者不趨,執

玉者則

氏永《圖

考》、王氏鎏《正

義》並

賈氏《聘記》疏解「足縮

見

既享,

乃

以 覲

私

禮

見。

愉 覿

愉,

顏色

和。」正

義

Î.

鄭

注說

也。

私

覿

愉

愉

如

郊

特

牲

굸:

朝

大

夫之私

非

禮

也。

大夫執圭

īfīi

0

受皮者,自後右客,賓出當之,坐攝之,公側受宰幣皮,如 書鈔·禮儀部》七引鄭此注云:「皮馬相閒也。」此句 庭西上,奠幣,再拜稽首。」是諸侯享天子,亦有庭實 「賓人門左,揖讓如初,升致命,張皮,公再拜受幣。 「如人右首而東」者,如人左在前皮右首者,變於生也。 皮爲主而用皮也。」此相閒之義也。 「凡庭實,皮馬相閒可也。」注云:「閒猶代也 入設,亦參分庭一,在南。 毛在内,不欲文之豫見也。 「庭實,奉東帛,匹馬卓上,九馬隨之, 「庭實,皮則攝之,毛在内, 人,左先。」注 畜獸 也。 「坐攝之」者,象受於賓 「自後右客」者,從東 攝之者,右手並 同類,可 或 【注】鄭 《聘 以 言『則』者,或以馬 云: 虎 禮》言設庭 豹皮並 以 隨 内攝之者, 曰:「覿, 相代。」疏 人,不 有馬 内攝 當 也。 執 實 士 前 並 人 在 入門 節。 覿。 周時 私 聘享,「私事自闑東」,「私事」謂 之事,故稱 覿,私見也。」《説文》無 臣不敢私見於主國 聘禮則以 爲乎諸侯之庭? 部》七引鄭此注云: 交之事,臣爲君行禮,同於爲賓。 賓,賓禮辭聽命。」及醴賓畢,復請覿,是既享後仍 禮》言,聘享畢,「賓奉束錦以請覿,擯者入告,出 和」〇正義曰: 使,所以 (周禮),以 禮見」下。 《論語》無文、略之也。 '儒者議禮之言,先言「朝覲」,後言「大夫執圭 右,北面奠幣 其訓「見」者作「價」,意許以 申 朝聘之私覿皆爲非禮。 信 臣聘得行私覿,未爲失禮 私 《聘禮》云: 也。 也。 「覿,見」、《釋詁》文。 不 爲 再 君也。 《玉藻》云: 敢 用東帛乘馬者也。」此佚文當在「乃 人臣者無外 拜 私 稽首。 「覿」字,而 「賓覿,奉束錦,總 覿, 以 私觀爲以私禮見者。 君 以 擯 命聘, 私覿是也。 「公事自闑西。」「公事」謂 交,不 此則臣於君行禮 致 者辭 鄭注云:「其 也。 儥 愉 《荀子·大略 敬 也。 則有私見。」是鄭 即 」下引《論 敢 賓出 ○注 貮 而 乘馬,二人贊 觀」矣。 君 書 庭 | 覿見 | 至 擯者坐取 也。」案: 君親來,其 鈔 實 語 有醴 聘享皆 而使」,謂 辭

則以

云:

云:

「當國有馬

而無虎豹

皮,則

用

馬。

土物

有宜,君子不以所無爲

禮。

記。」①又云: 兩手相鄉也。 足,左手並執後足。

之,人設也。」注

云:

「皮,虎豹之皮。

有庭實」下。

《聘

禮》云:

行 也。

也。」又《覲禮

《聘記

_| | | | |

凡

庭

實,隨

私

覿,何

此

方來,由

客後

西,居其左受皮也。

右首

而東。」「張

」者,釋外足見文也。

記 一,據《聘禮 》注當作「也」。

作

私

私

色 據

據《聘

請 賓

醴

非

公家

邦

禮

儀

以

右, 受。 序,振幣,當東楹, 引此文。 彼注云: 者、爾雅· 告。」告者,告之於君,明群幣亦君供之矣。 告。」注云: 覿所用之幣,宜亦君爲供之。《聘禮》云:「有司展群 人於諸侯,得行私覿。 之使者,共其幣馬。」注云:「使者所用私覿。」彼謂天子 大夫介、士介亦有私覿,禮略同。 乘馬者,四馬。 鄭注《士冠禮》云:「束帛,十端也。 升,公西鄉,賓階上再拜稽首。 君降一等辭。 左,西上。公揖讓如初。 賓禮辭聽命,牽馬右之,人設。 出,有司二人牽馬以 ,馬出。」此賓請覿之禮,有束帛乘馬也。 牽馬自前西,❶乃出,賓降,階東拜送,君辭,拜 「容貌和敬。」與 許意以「愉」爲「媮薄」字,其引《論語》乃别義,《説 「群幣,私覿及大夫者。 釋詁》: 擯者曰:「寡君從子。」雖將拜, 《聘禮》言「二人贊」,即扣馬者也。 北面。 愉 從, 私覿之馬,校人供之,則諸侯聘賓私 出 此注互證。 樂也。」《聘記》: 升,公北面再拜,賓三退,反還負 士受馬者自前還,牽者後,適其 門,西 公少退,賓降, 賓奉幣入門左,介皆入門 面 《夏官·校人》云:「凡國 十端一 于 有司, 《説文》: 東 塾 「私觀,偷偷焉。」 南。 「愉愉,顔色和」 載幣者,自 東,故言東也。」 東帛即東錦。 起也。 出公側受宰 「愉,薄也。」 擯 賓 競後 者請 幣以 栗階 展白 受, 也 使

文》此例甚多。段注疑爲薄樂,非是。

盱眙吴炳祥校刊

「馬」下,據《儀禮・聘禮》脱「者」字。

正義卷十二

寶 應 劉 寶 楠 學

采帛 袍襗 衣飾; 之類也。 者,見凡君子宜然也。 不 王 服 似 飾 衣,正 故, 衣 者 曰:「褻 釋 也。 齊 不 君子不 皆不 時 紅紫草染,不可 器 以爲 服 服 莽紺袀服。」 案 : 玄纁所以爲祭服,等其類 紺, 服, 無 以 領 《説文》: 紺, 含 緅 所 爲 以 私 也。 者, 袖 青也。」不兼赤言, 施。」正 飾 居 緣 紺 三年 蔡邕《獨斷》: 衣。」紅紫不以 服,非 青 也。 「紺,深青而揚赤色 爲褻服 鄭 緅 而 注 義曰:「君子」,謂孔子,變言之 飾 練, 紺 含 云: 公會之服,皆不正。 、【注】孔 赤 者,齊服,盛 丽 以 已。 色 「紺緅、紫玄之類也、紅纁 緅 也。 也。 袀 略 飾 飾 也。 曰: 衣, 紺 許 爲 謂 绀緅木染,不可爲 繒 也。」《釋名 純 色以爲飾 褻 爲 _ 劉 也。」約者,玄 緣 漢 服。 義 其 也。」褻 書 λ 同。 似 日 【注】 褻 衣 Ŧ. 衣 緅 衣 釋 尚 喪 莽 廣

字,意 黑,故 少矣。 《士冠禮》云:「爵弁者,其色赤而微黑,如爵頭然,或 氏》疏 青之色近黑也。」《説文》又云:「紫,帛青赤色也。」段 黑。」而《巾車》注又云:「雀,黑多赤少之色。」辭不同者, 緅。」鄭以 則爲緅。 涅。」涅即今阜礬之類。 也。 人之黑,比玄緇爲淺,故爲微黑, 三人爲纁,五人爲緅。」注:「染纁者三人而成,又再染以 讀若讒。」許以纔微黑比於紺者,紺色深青,與黑相 氏玉裁《説文》注謂紺即今之天青,又名紅青,以《考工 I. 「帛爵頭色也。 黚 鍾氏》言染羽法: 記 與一組 紺 此注以紺爲玄類也。 緅 點,淺黄黑也。 「纁人黑汁爲紺」之義爲非。 者,青 《廣雅》云:「緅,青也。」《字林》云: 鍾 「緅」,今《禮》俗文作「爵」,言如爵 氏 「爵」爲俗文,則以「緅」爲 同。 即「纔」之或體矣。 》疏引 赤之色, 從系,毚聲。 淺黄即近赤之色,黑即近深青之色也 「以朱湛丹秫,三月而熾之,淳 淮 但 從黑,甘聲。 南 《墨子 深 青 《説文》無「緅」字,「纔」下云: 説 近 Ш 令士冠 日 黑 節 ,而於赤爲多,是爲黑多 訓 微黑色如紺。 用 故 其説良是。 讀若染繒帛 Œ 》篇: 訓 字。 以以 禮》注云: 紺 涅 者又 「緅,帛青色, 許 頭色也。」又 黚 染 以 紺 黑 爲 但深 纔,淺. 束 「赤 纔 也。 近故 而 黑。 則 緅 漬 』《説 爲 謂 青 注 而 黑 黚 之。 也 也 段 五. 微 近 鍾 於 考

論

語

正義卷十二

四

紅。 之。 其 祭服之色,而紺緅紫爲玄類,紅爲纁類,亦是相等,故云 鶚《禮説》:「玄色是黑而兼青,非赤黑之色。」引六證 染,紅紫用草染」者,案:《大司徒》:「土會之法: 相氏》:「玄衣朱裳。」皆謂衣用玄,裳用纁也。 公子裳。」傳云:「朱,深纁也。 紅爲纁類。 謂之纁。」縓、赬、纁皆赤色,故説者謂縓即紅,而此注 象天,則必黑而兼青。」其説固是。 者,在緅緇之閒,其六人者與?」是鄭義與毛、許 氏》言「五人爲緅、七人爲緇」、不言六人、注云:「凡 「玄,黑而有赤也。」《説文》云:「黑而有赤色者爲玄。」《鍾 紫,皆近黑色,故鄭此注以爲玄類。 《説文》又云:「紅,帛赤白色也。」段注謂「如今之粉紅桃 説文》:「栩,其實阜,一曰樣。」陸璣《詩疏》:「徐州人謂櫟 玉藻》注"「冕服玄上纁下。」《詩・七月》" 青 類 物宜阜物。」先鄭以爲柞栗之屬,今世閒以柞實爲阜斗。 其尤可據者,則《周髀經》云:「天青黑,地黄赤。 」當作「黑」,甚是。 也 案《爾雅· 既 《説文》云 與 祭服色類,則 釋器》: 纁, 然許 「一染謂之縓,再染謂之赬,三 淺絳也」,「絳, 意或以 亦不得 祭服玄衣纁裳。』《周官 然非毛、許、鄭氏義 青 《毛詩 用之矣。 亦 近黑矣。 大赤 「我朱孔陽,爲 · 七 鄭以玄纁是 紺 也」是 合。 山林,其 月》傳: 緅 紺、 玄色 用 亦以 玄以 金氏 以 也。 也。 緅 等 木 方 染 明

春暴練 《圖考》曰 《士冠禮》「爵弁服」有「靺韐」,「爵弁」是祭服,鄭 《左海經辨》引此注,解之云:「《染人》「掌染絲帛。 衣純以績,具父母衣純以青。1孔子少孤,母存,宜純以青 暖。」則後世俗變,且以紺緅爲衣,不獨用爲飾 得有草木染矣。 爲「緅」俗文,而 案:陳説非是。 蓋草木染者,可 術也。」是鄭意以染絲帛如染羽法,用朱湛丹秫,不用草木 莀。」《掌染草》注作「紫茢」,此紅紫爲草染也。 以染赤。」「茹藘,茅蒐」,郭注:「今之蒨也,可以染絳。」絳 草類當非紺緅所用也。 草》:「勤 也。 染卓。」案: 阜即黑色。《掌染草》注所云「象斗」,即阜斗 色與祭服相似 赤皆紅類也。 爲杼,或謂之爲栩,其子爲阜,或言阜斗。 此木染之可考者, 紺緅所用 ,夏纁玄,秋染夏。」注云: ,鼠尾。 欔,烏階。」郭注並云: 「飾必用正色。 而不可用,非謂其爲草木染 又「藐, 茈草」, 郭注: 「可以染紫, 《墨子· 「韎」爲祭服之韠。茅蒐所染,則 蓋木染草染,乃言紺緅四者所受之色,其 施 之他物,祭服等則 又《釋草》:「蒤,虎杖。」郭注: 節 《深衣》篇云: 用 》篇: 當取此。 「冬服 當 「可以染阜。」但爲 『具父母、大父母 以 紺 其 丹秫染也。」今 而 又《爾雅 鍾氏 緅之衣, 殼爲汁,可 也。 不可用 陳 鄭以 君以 》則 氏 凡染 名茈 輕 壽 氏 祭 爵 也 可可 祺 永 Ħ. 服 釋 以

則服五采,雜閒色」,則謂閒色不可用者,誤也。

飾

緣」者、《爾

雅

釋器》:

純

謂之緣。」郭注:「衣緣飾

説文》:

塚,

衣純也。」《玉藻》云:

「緣廣寸半。」《深

「純袂、

緣

純

邊,

廣

各寸半。」注:

純

謂

緣之也。

人争買之,賈十倍,其貴紫有由來矣。《哀十七年》: 「衛渾 |藻》云:「衣正色,裳閒色。」《荀子・正論》言天子「衣被 齊桓公有敗素,染以爲紫,下令貴紫 意夫子不以爲飾,當指深衣 《戰國策》曰:「齊紫,敗 「紅是赤白,爲南方閒, 杜注: 服紅 紫也 謂純 尚紫 一爵爲 爲冠 案: 也。」 **企**曲 衣 緣 衣 有 古文作「紺縓」,今文作「紺緅」,孔本古文,鄭本今文也。 作「縓」,不作「緅」矣。」錢氏坫《後録》: 飾。]即孔所云[三年練以 衣黄裹縓缘。」注云:「小祥練冠、練中 錢氏大昕《潛研堂文集》:「孔氏經文當是「縓」字,《爾雅 之閒謂之 褶。」注云:「即衫也。」《説文》:「襦,短衣 作之用六尺布,裁足覆胸背。」《方言》:「汗襦,江 之衣也。《詩》謂之澤,受汗澤也。 袍在外,澤在内,皆爲褻也。 注:「袍,褻衣。」《詩 説衣裳,舉其重者以例之耳。 帶、轉、矢服、席亦有飾。 曰 表裏共三寸矣。」《釋文》引鄭注《既夕禮》云: 袂,謂其口 云「一染謂之縓」,即孔所云「一人」也。 衣」〇正義曰:《鍾氏》言「五人爲緅」,無「一人爲緅」之文。 一袴,脛 「褻、私服。」《字林》: 「澤,褻衣,近污垢。」《釋名・釋衣服》: 「汗衣近身,受汙垢 純,裳邊側曰 衣也。」「褰,袴也。」皆褻服之類。 也。 綼,下曰 緣,緣 「褻,衷衣也,又云重衣也。」《喪大記 也。 無衣》云 緣也。」是言衣裳飾也。 《論語 飾 緣邊,衣裳之側。 衣」者 毛傳: 「褻衣爲袍襗」者、《説文》: 「與子同袍」,「與子同澤」, 》此文,當兼有之。 也。 或曰鄙 「澤,潤澤 然則孔 衣,以黄爲内,縓 《檀弓》云: 「《論語》此有兩本, ○注「一人」至 袒,或曰 飾 廣 本經注皆 也。」鄭 各寸半、 又冠 衣領 淮、 「練,練 鄭君止 羞 也。 、屨 南 袂 袒 今 則 П

者雖鮮

紫 皇

是黑

灬赤,爲

北

方閒。」解者據之,因

謂

閒

色不可用。

疏以紅紫爲閒色,引穎子嚴説:

玉

徵

《圖考》又曰:「按:

孔子言『惡紫之奪朱」,當時

飾

,則紺緅絶非閒色而可

知。

鄭

義以爲類祭服者,信

而

又爵韠亦用

亦

有漸。

玄冠紫矮,自魯桓公始。

素也,而賈十倍。」蓋

良夫紫衣狐裘,太子數其三罪殺之。」紫衣居

「紫衣,僭君服。」可見當時君服紫。」王氏鎏《正義》:

聞,亦必有爲褻服者。」此皆謂當時褻服

用紅

服

,冠重於衣,衣用正色,冠必不用閒色。

其義足裨鄭

氏所未言。

但以

紺鄉爲閒色,則爵弁用

不

純采。」亦説深衣之制。

江

爲人子者,父母存,冠衣不純素。

孤子當室,冠

母

没,則 *\frac{\times}{\times}

惟

純以

素。

紺緅

不

飾

,猶之紅紫不服耳。」案:

褻服。 굸: 《集解》乃 覽》八百十九引鄭此注云:「縝,單也。 氏 出 石經、《五經文字》皆作 而 正 深衣,故曰「非公會之服」,與下文稱「褻裘」同。 施」〇正義曰: 即「緅」,或孔以緅紺色近,得比同之也。 至以紺爲齊服,《禮》無明文。《玉藻》云「齊則爵韠」,「爵 十三月而練」是也。 喪有練祭也。 緣。」與《檀弓》同。 文,此説 縓綼」,則「縓」爲喪飾。 服調 .玉裁《説文》注以「袗」爲正,「紾」爲叚借,「縝」爲俗。 出之,加上衣。」正義曰: 釋天》:「暑,煮也。 「縓謂之紅。」紅 縓舉其名,紅舉其色,説與鄭異,則孔所傳本異也。 朝祭諸服,在外者也。 【注】孔 稍誤。《喪服記》:「公子爲其母練冠麻,麻 《後人妄改。」今案:二錢説是也。 練即小祥之祭。《喪服四制》云「父母之喪、 「褻」訓私居者,引申之義。 曰:「暑則 《士喪禮》「公子爲其妻縓冠」,又記 孔謂 赤色相近也。 「紾」,皇本作 《説文》云: 熟如煮物也。」「袗」、《釋文》及唐 縓 單服。 」即是紅,不可爲飾,又不可爲 「當暑」者,謂 當暑,袗絺綌,必 「三年練」者,謂三年之 「縝」,邢本作「袗」。 「縓,赤黄也。」《廣雅 締絡,葛也。 暑月單衣葛,爲其 ○注「褻服 當暑時 私居之服,即是 但 孔 此義 本 也。 非 表 必表 亦 至 衣 真 《釋 《御 通。 所 而 段 有 縓 古

之」者、「之」是語 葛也。 之。《喪大記》:「袍必有表,不禪。」注云: 此文,説之云:「亦爲其褻也」是也。 締給近親身之衣,形或露見,故言「褻」也。《喪大記》注引 緝績之一如麻枲,其粗者,則如今之黄草葛也。「形褻」者, 詩 可 無别加衣,若出行接賓,皆加 褻,皆當表之乃出。」是鄭以「出」爲 之衣,次則春秋加袷褶,夏加絺綌,冬加裘,又次各加裼 以表之,乃成稱也。」「禪」與「單」同。 給外,故稱表其衣,亦是單衣無裏。 文》:「葛,絺綌草也。」「絺,細葛也。」「綌,麤葛也。」段 言之也。「單衣葛」者,以葛 形 又次上加禮服。 「必表而出之,若今單衣也。」案:單衣,即裼衣。 云:「振讀爲袗。 黄衣」,皆論裼衣。 單 褻也。」案: 葛覃》傳: 《玉藻》「振絺綌」與「表裘 加上衣,故云「必 「縝,單」者,《玉藻》: 「葛所以爲 此文「必表而出」,與下文「緇衣」、「素衣」、 辭,皇本無「之」字。 衫,單也。」單謂衣無裏,對給褶之有裏者 裼者,所以充美,燕居不裼, 表而出』也。」即 絺 上衣。 爲絲 絡。 」連文,注云: 絡,用 精 振 出門。 鄭據目見,故以「今」明 當暑絺綌可單 《御覽》引鄭注又云: 古人之服,先著親身 ○注「必表而 日 締絡 絲,麤 爲 鄭 「袍,褻衣,必 皇疏云: 不人公門。」 單 義 日 衣 也。 故可 裼衣在 給。」《説 也。 者 出 出 云「出 在 形 單 則不 注 毛 加 家 H. 衣 注

裘,至於朝服 祭用冕服

亦

用

羔

裘

即

是

君臣

君 即

用

緇

衣爲裼

《司

裘》

疏引鄭此

注

,解之云:「

卿

於君之服

」者、《玉藻》注:「冕服、絲衣也。

中衣用

帛。

任氏大椿《弁服釋

例》謂

用緇帛

裘,若今稱紫羔矣。 大曰羊。」《説文》: 之黑者曰滓,此色然也。」是也。

《詩·羔羊》傳:

「羔,羊子也。」經傳凡言「羔裘」,皆

〈説文》:「緇,帛黑色也。」《釋名・釋采帛》:

助

±,

一用爵 也

弁。

君祭

服冕服

羔裘,卿

「緇衣羔裘爲朝服,又爲卿大夫、士祭 祭服同服羔裘也。」是 ,是卿大夫助祭 「緇,滓也。 大夫弁冕用 小小日 衣之在 其臣,朝 素。」素 弁,委 也。 大夫 謂 上衣 云: 君 服 禮 羔, 《司 外 於 黑 泥 異 羔 諸 服 鄭注 通。 牲饋 色。 禮 》: 也。 傳 服 云: 以裼之。」注云: 用 由 下大夫之臣。J孔氏《詩· 白韋鞸也。」《特牲饋食記》言「朝服緇 也。」「韠」者,蔽膝,以韋爲之。 衣」者,謂 此 謂 侯之朝服 士韠有異者 朝服既用素轉,知裳亦是用素。《詩 上服 純 亦羔裘,唯豹 朝服之緇轉推之、是謂士轉不與裳同色也。 毫玉 「朝服十五升,去其半而緦。」故知上衣是布也。 物,臣下之,故用 云: 「朝服羔裘用裼」者、《玉藻》云:「裘之裼也,見美也。」 食》之「緇韠」,疑當爲「素」,涉 而鄭云「素裳」者、《士冠禮》又云: 「主人玄冠朝服,緇帶素韠。」即此注 也。 「 豹 飾 藻 袒 素裳也。 ,其服 《詩》「緇 略也。 一而有 ,緣以豹 解 社,與 緇布 「飾猶褎也。」《詩・ 此 衣曰 注 秦氏蕙田《五禮通考》不 衣 緇帶」者,鄭注《士冠禮》云: 皮也。」又《唐風》云: 衣之宜兮」,即 豹 君異」者,禮,朝 裼,必覆之者,裘褻也。」「 謂 而 袪。 緇衣 素裳 助 君 《玉藻》云: 祭用 》疏謂 緇 鄭注《士冠禮》云: 帶 朝 鄭風 》云: 上 謂 士助 素鞸 鞸」,注云:「緇韠者 服 服 緇 朝 誤 「素轉,轉從裳色。」 君 服 「羔裘 帶 素冠》篇所云「素 一者, 祭,則鞸 「羔裘豹袪。」 所本,惟不言裳 矣。 ·用鄭説 上 臣 「羔裘豹飾。」 而誤,其 衣。 同 鄭 此 豹 鄭 卿大夫 服。 此注不言 緇 用 又云 飾 「黑繪帶 「素鞸 《雜記 謂《特 《士冠 緇 緇,亦 布 説 但 衣 傳 朝 君 亦

裘》

》疏以爲冕服者,弁、冕得通稱也。

玄冠是黑色,其

貌 服

以

日視朝。」又《司服

凡甸

,冠弁服。」注云:「冠·

,諸侯以爲視朝之服。」

然則玄冠

朝服,即

冠

弁服。

及中衣皆用緇布爲之。

緇亦黑色,所謂「衣與冠同色」

耳。」案:《士冠禮》:

「玄冠

朝服。」注云:「諸侯與

裘者,必緇衣爲裼。

卿大夫朝

服

亦羔裘,唯

豹

袪,與

侯之朝服

,其服緇布衣而素裳,緇帶素韠。

諸

侯之朝

緇衣羔裘,諸侯視朝之服

,亦卿大夫、士

祭於君之服

中衣言,亦稱上衣。

緇

衣羔裘,正

義

E E

鄭

注

加 上

於上者

即裼 義

衣

也。 説

又謂之中衣,其外

又加

禮

服

衣」〇

IE

日

文》:

「衰,上衣也。」上

衣

謂

之。 文不可 小祥而爲之黄給裏也。」此 裏,不謂裼衣。 云: \vec{z} 魔裘,諸 袪可知。 用豹皮與? 之緣,是爲袂末。 衣,以黄爲内。」疏云:「黄裹者,黄爲中衣裹也。」又云: 青裘用玄綃衣爲裼、狐白裘用錦 揜餘一尺,裘制如長中,袂末亦宜揜餘一尺。 言素衣,皆謂白絹也。」此素衣是皮弁服之裼衣。《司服》注 云: \overline{z} 聘禮 説文》: 繒」者、《説文》云: 玉藻》誤以裹爲中衣,而「以帛裹布」 「皮弁之服、十五升白布衣。」上服 「羔裘豹褎。」傳云: 「以帛裹布、非 袪, 説文》云: 〉注引《論語》俱作「麛」。 通 侯視朔之服。 袂 「麛,鹿子也。」《論語 矣。 素衣麑裘,正義曰: (末也。) 」案卿大夫朝服 《檀弓》云: 爾 「麑,後麑獸 深衣袂末,續緣 雅 禮 箋云: 「繒,帛也。」《詩・素冠》疏: 也。 釋 其臣則 「褎猶袪 潤 彼 稱 羔裘用豹袪,則祭服羔裘 在 練,練 謂 也。」 青新 位 裏」,爲給褶之衣 此 》字當作 . 鹿, 袷褶,不得用帛爲 衣爲裼同。 卿 也。 鄭注云:「素用繒。 廣寸半。 注 别 衣黄裹。」注云: 大 褎絞 出 牡麚,牝麀,其子麝。」 與「玄綃」、「錦 用布而裼用帛, 陳氏奂疏云: 夫之服 《詩 義。 「麛」, 段 衣以裼之。」案: 長衣、中 鄭君《玉 羔裘》疏引作 若然、《玉 此餘一尺,乃 也。」 「凡經傳之 麂 也。 其 布 衣袂 「練中 一袂 」字爲 衣」諸 藻》、 鄭 衣之 與 素衣 亦豹 下 故 一藻》 注 狐 末 П 章

喪服 爲裼。 言絞。 也。 白,君 服,而 祭,以送終也。」注云:「素服,衣裳皆素也。」」案:皇疏二 蜡祭百物之神,皮弁素服也。 凶荒之服既輕,故裘用鹿子。 國有凶荒,君素服,則群臣從之。 兼有視朔聘享,鄭君止言 夫子之服。 耳。」任氏大椿《弁服釋例 鄭 專説君視朔之服,其裘同: 語》文,説之云:「皮弁時,或素衣,其裘同,可知也。」素 豻,胡犬也。 子 太廟。」皮弁以白鹿皮爲之,衣與冠同色,故用白布衣 魔」,或 義不合。 靡裘青 江氏永《圖考》謂夫子無魔裘,記者廣言諸侯 ,則大鹿爲裘 服麝裘用 楊衣用 其説視皇爲勝。 疑絞衣或爲春秋時制,不能如古,故夫子仍用 後人據今本改之也。 豻 其用素衣,正以矯時. 《玉藻》疏引皇氏云:「素衣爲正 褎, 絞,蒼黄之色也。」又《聘禮》注引《玉 白 絹, 純 絞 也。 物,臣下之,用青豻爲褎。 衣以 亦與上服 《檀弓》云『鹿裘,横長 若然,則《論語》「素衣麑裘」,實爲 裼之。」注 》謂絞衣,經不多見,記 `則謂君臣凡視朔聘享,同 視朔」 故 鹿子文勝於大鹿 相稱 毫玉 《郊特牲》云:『皮弁素服 是舉一 人絞衣之失耳。 故孔子魯臣, 藻》云: 矣。 云:「君子、大夫 麛裘之色, 端。 皮 \ 祛」是· 記 《玉藻》: 皇 介以 也。 亦服之也 疏云: 者不 者亂 皮弁服 禮 藻》、《論 或云大 當 聽 也。 服 士 素 應 言 則 爲 魔 亦 朔 也 亂 與 衣 於

連言之耳。」二疏並暗

據鄭氏。

邢

衣魔

虎裘爲蜡

祭服

也

但

玉

藻》言

黄

衣以裼之」,有

裼

衣

以二

張

弛,文武之道」。

先王

重

視此

禮

黄

衣黄冠,祭於

告 謂 也。 則

用

黄

衣狐裘,大蜡則皮弁素服。

二者不同

以

禮運》云「昔者仲尼預於蜡賓」是也。」邢疏云: 裘。」黄冠草服,言祭以息民,象其時物 》言歲十二月,天子大蜡 臘祭黄衣,其上更無上服 裘爲息民之祭矣。 謂皮弁素服連言者 時臘先祖之服也。 也,於是勞農以休息之。 助蜡祭,亦隨 此文狐裘配上衣,裼 裘黄黄然, 義曰: 黄衣 一藻 》: 其事相 裼 黄冠, 衣,當 都 取 君 鄭 人士》等 狐 狐 著 温 注 「息民 次,故 即 草 孔子 都 裕 黄 굸 裘 補 裘 指 衣 衣 X 服 既 而 云 服。」鄭 聘禮亦用黄衣狐裘也。」今案: 者,皮 禮 》: 又甚 爲息民之服,非 服,不必以 凌説爲確。 卻 廷 我 用 用狐黄,裼之宜黄衣。 然 必 也。」兵事象火,故其服上下皆赤。 弁服也,玄端服 廣,又多係大禮 玉藻》云:「一命緼 也。 有上 堪 未主兵、《鄉黨》無爲記之。 于狐駘」是也。 黄 人禮 衣狐裘,象衣色故也。』《襄四年傳》云: 輕,何得與緇衣素衣等 「君使卿韋弁歸饔餼。」鄭注:「韋弁**,**兵服也。 章同類,取相 一衣,而《郊 注云:「以 金 經 氏鶚《禮説》: 輕重相衡。 釋例》先有此説,但止言兵服 但鄭氏主蜡祭之服 無據 亦 特牲 用之。 而 韎 然則韋 近耳。 也。 載。」鄭注:「緼、赤黄之閒色、 黄 韋爲弁。」又以爲 《詩·羔羊》疏云:『兵事韎韋衣,則 注 又且「與於蜡賓」,明見《禮運 衣 緇 《周 《雜記》云「子貢觀於蜡」,夫子 狐 弁以黄 臘 其服蓋 服並 裘 衣 祭黄衣」,其 官 然則金氏之據《聘禮 止 以 羔裘, 宜 到乎? • 有 黄衣狐裘爲韋弁服 衣 韋布以爲 司 上服 亦兼存。 息 狐裘,有確 服 素 民之祭 *, 衣裳韎 赤黄,其 衣麂 》云:「凡兵事章 竊謂 上更 言 衣 「臧之狐 蓋此言夫子雜 裘 1聘事, 黄 無 而 爲 證 (内之裘,宜 用 , 其 衣狐 上 素 赤黄 矣。 服 ,所謂 》,則 而 則 裳。」是 用 而 人表, 敗 裘 實較 夫子 皆 未 服 其 色。

也。」注:

云

「祭謂既蜡

臘先

祖 夫

Ŧī.

祀

語》云:

「黄

衣狐

據鄭《禮

注二文,則

固

謂

黄

衣狐

士

》詩

狐

裘黄黄」,謂長民者之服。

亦狐黄矣。

皇疏云:「孔子爲臣

之色,季秋而草木黄落。」是

也。

畢,「黄

衣黄

冠

而

祭,

息

田

也。

野夫黄冠。

日:

『黄衣狐裘。』」又《郊特牲

衣以裼之。」注云:「黄衣,大蜡

亦

云:

「都人之有士行

者,冬則衣

狐

鄭此注不言爲

何服,文有佚

也。

毫玉

狐裘,取

心温裕

耐

己。

温,煖

也。

裕

厚

也。

《詩

弁 韋 禮 最 必

韎

注】孔

曰:

服皆中外之色

相

稱

也。」正

亦

通。

但

郊特牲

》「素服」,

是皮弁上衣,不

指

素服爲上衣,其裼衣亦得用素」,斯爲得之。

氏

之 聘

半。 深衣。 温。 先祖 中 篇》:「絬,堅也。」《廣韻》注: 知。 制 皆二尺二寸,而屬幅與身正方,又加緣寸半,爲二尺三寸 行禮時,有升降上下,長則不便於行禮也。 欲其文,與褻服之狐裘異。褻裘長,則禮服之裘宜短,以其 是庶人之裘,非君子所服也,唯宜狐貉而已。 補「衣堅也」三字於「絬」篆下。 稱」者,示表裏當如 也」〇正義曰:「外」是上服,「中」即裼衣也。 袂 玉藻》云:「犬羊之裘不裼。」注謂庶人無文飾。 絬」者,同音段借。 絬衣長,短右袂」,此當出《古論》。 也 」者、《説文》云:「袂、褎也。」「褎、袂也。」凡衣之制、 《深衣》曰:「袂之長短,反詘之及肘。」《玉藻》曰: 揜尺。」謂長衣、中衣,又繼深衣之袂揜一尺,此袂之定 五 短右袂,便作事。」正義曰:《説文》「絬」下引《論! 褻裘長,短右袂。 祀, 深衣所以襲裘者,犬羊之裘不裼,褻裘亦不裼也。」 胡氏紹薰 亦 不 得 《拾義》:「《説文・ 疑 也。 爲 江氏永《圖考》:「褻裘,即狐貉 鄙 賤 《論語》止言中衣,以言中則 矣。 【注】孔曰:「私家裘長主 「堅絬。」皆本《説文》古本。」因 又謂《論 0 注 口部》: 段氏玉裁注謂: 服 皆 語》自訓私服作 褻裘之外,當服 「右,助 中 禮服之狐裘 外 「中外 然則犬羊 之色 也。 **三**王 外可 色 相 裘。 語 袂 从 相 稱

其短。 取也。 尺,若今衰矣。 夏氏炘《景紫堂文集》極取胡説。 形。」單言「手」不言「右手」者,明「又」爲兩手之統詞,不 或不如禮,故夫子正之。」孔注以「短右袂」爲便作 之裘爲短,故曰「短右袂」。今案: 深衣本有定制 衣有緣無裦,若今人之齊裦袍,故襲裘亦無裦,其制 末揜餘一尺,另用裘與布爲之,若今袍之有衰頭也。 尺與禮服之褎而言。 世俗所謂手褎也。 字。袂獨短者,或較禮服之裘稍短,或因褻裘之長而 爲「又」、「右」本從又聲。「右袂」之「右」、即「又」之同音借 禾。」●「叔、拾也。從又、未聲。 力、又。即以《又部》他字證之,如「秉,<

东東也。從手 止作「ナ」也。言「又」可兼「ナ」。《説文》:「又,手也。 「佑」字,「右」字之「右」,古止作「又」。 猶「左手」之「左」,古 口。」《又部 孔注泥於「右」字立説,遂使後人疑夫子衣不中度。」 從又耳。」不分十、又矣。 亦 深衣則緣而已。」然後知古人之衰,繼袂之 有「右」字,解 褻裘即深衣之裘。 《玉藻》注云:「長衣、中衣繼袂揜 汝南名收芋爲叔。」「取,捕 義 竊意「右袂」之「右」,當 略 又申其義云:「右袂,即 同。 短右袂,對長中繼 古有「右」字, 事。 春 較 秋時 適 惟 有 持 深 揜 形 讀 分 無

0

[「]手」,據《説文》當作「又」。

艮》六四「艮其身」,在

艮

是貴服

七月

鄭以 狐 地 貉

貉

《繁

退之度三尋り

是

也。

頸

以

確。

其説云:「人自

頂

以

下、踵

廬人》: 『凡兵無過三

皆是。

氏引之《經

義

述聞》解

得之。古人衣不連裳,夫子製此寢衣,較平時 如《左傳》「被組練三千」,「楚靈王翠被」、《孟子》「被袗衣」, 有半。」「衾,大被也。」此處寢衣之制,解者多端,惟 云:「今小臥被是也。」案:《説文》:「被,寢 燕衣服者,巾絮寢衣袍襗之屬。」鄭解燕衣 【注】孔曰:「今之被也。」正義曰:「寢衣」,鄭注 鄭以衣被通稱、恐人不曉、故言「臥被」以明之。 巾絮袍襗,晝所服,寢衣,夜所服,故此注以 案:《弟子職》:「凡拚之道,攘袂及肘。」即 「小臥被」者,對衾爲大被言之。 時,必仍舒之,人作事皆是如此、《論語 「寢衣」亦誤,而 一其身。」鄭注曰: 趾」、「艮腓」之上,「艮輔」之下、 玉府》: 以 下,股以上,亦謂之身。 有寢衣,長一 右手之理,或又謂 上,總謂之身。《考工 解 「掌王之燕 「人長八尺,與尋 「長一身有半」最 衣 凡衣可曰 也。 所 服 服 謂 許 》不應記 長 卷袂使 身 寢衣爲 之衣稍 卷 爲 衣 服。 鄭義 近 右 被 有 Ŧ. 身 身 袂 篇: 賓客。」 孔注同。 則舉中 舉中 露 之厚者爲之藉也。 坐其上,大夫再重。 厚以居」爲坐褥,良是。」案: 段借字。 不言小被,則與衾混。《廣雅·釋器》: 尺計之,得四尺又五寸,一身又半之長也。」案: 也。 今尺度之,中人頸以下、股以上,約 衣略如襦與? 衣當至膝。 [居]字有坐義。 居 .坐,吾語女」、《孟子》「坐,吾明語子」,「居」、「坐」互出, 「一之日于貉,取 服 爲 -而言。 再加九寸,爲一身之半,則二尺七寸矣。 制》篇: 燕居,「狐貉 耐 正義曰:《説文》引此文作 鳳氏韶《 言 狐 《急就篇》注:「短衣曰襦,自膝以上。」然則 《涣》六三「涣其躳」,荀注「體中曰 矣。 貉之厚以居。 「百工商賈,不 ○注「今之被也」○正義曰: 閻氏據此及《小戎》詩『文茵』,謂 故《象 《經說》: ○注「在家以接賓客」○正義曰: 爲燕居之裘,即 至冬時氣寒,故夫子於所居處,用 彼狐狸、爲 傳 「《論語》『居,吾語女』,《孝 Ĕ: 鳳説是也。 敢 艮 【注】鄭 公子裘。」知 服 狐 有 其 狐 上 身,止 所 貈 貉。」《豳 「寢衣,衾被也。」 尺八寸,一身之長 稱 古人加 」,「貈」正字, 曰: 一褻 孔 諸 狐貉 船」是 在 後。也。 以古六寸爲 亦本鄭。 躳 詩 如

之衣。

小臥被也。

長,寢

時著之以臥。

《周官

半。

之。 短。

緣情測義,胡、夏爲長。

必

然無事

之作事

,兩手皆欲

其便, 豈有單

用

也。」

躳

亦

也。

以

王説

寢

寢

貉

經

則

家

以

接

與

然

席於

而 之

狐

舉其 設者,設事 結佩,右設佩。」結者,結其綬不使鳴,故謂之「不佩 左,事 子於玉比 帶 佩 者,「左」、「右」謂佩 於此月喪竟,得 大祥,中月而禫,無所不佩。」禫者,除喪之祭,在二十七月 無所不佩。 非 有 時,亦但服犬羊之裘矣。 夫子燕居 去,除」,此常訓。 佩 玉藻》云: 喪,則 也。 佩 也。 衣也。」去喪, 陪 (至重 者,謂 佩在 凡 從人凡巾。 也。 ,則止言「喪」矣。 德馬。」注云: 備 右。 佩 謂天子以至士。」又云: 佩必系於大帶也。 亦不服 「凡帶必有佩玉,唯喪否。」注云:「喪主於哀,去 言其非 從巾者,其 佩 也。 所 《玉藻》言世子之禮,云:「君在,不佩 用佩也。 無所不 宜 此 至《玉藻》又言 佩必有巾,故從巾。」段氏玉裁注:「大 玉行 言喪既除 佩 裘,故鄭以 物,有陪貳也。」此以音 故 也。」正義曰:《説文》云:「佩,大帶 列。 皇疏云: ○注「去除」 端也。」案:《釋名 佩。 《間傳》曰: 謂 王氏鎏《鄉 從人者,人所利 則 喪與災眚。」則 「接賓客」解之,明未 皆佩 【注】孔曰:「去,除也。 「君子無故 「既接賓客,則其上亦應 佩 至「佩也」〇正 玉, 也。 「期 黨正義》謂爲身之 右徵 凡設佩,玉佩 而 求義,亦是 用。 小祥,又期 凶 玉不去身,君 角, 釋衣服》: 1荒亦去 左宫羽 從凡者 玉 義曰 接 玉,左 賓 也 也 飾 而 客 在

佩非 也。 雙璜、 用 環 貫一玉曰琚,下貫一玉曰璜,其間 《弁服釋例》: 佩 也。 左右 亦不事者,未必然也。 禮,當佩瓀玟。 魯之意也。 象環者、初學記》二十六引《三禮圖 之中一組,中貫一玉曰 五寸,謙不比德,亦不事也。 者,視之文色所似也。 綬。」注云: 而 「純」當爲「緇」。 象環矣。 五寸。」孔氏《玉藻》疏 綦組綬,士 山 《玉藻》云: 道途所宜 玄玉而朱組綬,大夫佩水蒼 夫子爲士,佩瓀玟。 非 衝牙,玭珠以納其間 也。 「衡牙居中 象環以比玉佩 至與列 云 佩瓀玟 「考《大戴禮 ,故别製象環以爲之飾。 反魯後,從大夫之後,自仍佩水蒼玉,不 「所宜佩」 「佩玉有衡牙,天子佩白玉 綦,文雜色也。 國 而緼 君 鄭注《間傳》云: 瑀,下貫一玉曰 央,以前 亦有此説。 臣 綬 仕魯爲大夫,宜佩水蒼玉 者,言爵 組 相 者, 瑀 其事佩則不妨設之,鄭 保傅 綬。 環取 見行 琚以雜之。」蓋佩 所以 後 緼,赤黄 孔子 玉 有尊卑, 皆以 》篇云:『上有雙衡,下 禮 可 觸 而 蓋孔子謙 **∀** ⊟ : ¬ 貫 循 ,則大夫去國,宜 也 純 佩 「無所不佩,紛 組貫玭珠。」此其 衝牙,旁二組,各 佩 而 環者,還 組 象環五 也。 當 無 玉 玉 孔子去魯 綬,世子佩 而玄組綬、公侯 視禮 相 窮。」任 有 不比 孔子佩象 承受者 山 上有衡,衡 寸 也。 所 玄、 德, 而 君以 宜 氏大椿 而 不 义 水 綦 從 佩 復 瑜 用 也。 爲 復 忘 玉 制 中 蒼 組 之 有 玉

用,夫子則以事佩便於事用,故與玉佩並垂爲飾,即僞孔此 此皆事佩、爲子事父母之飾。 遭、大觽、木燧。」注云:「必佩者,備尊者使令也。 父母,左右佩用,左佩紛帨、刀礪、 ,以象骨爲之。 管,筆疆也。 刀礪,小刀及礪礱也。 知,故舉 有 金燧,可以取火於日。 縫 之也。 惟 意人子當室後,事佩或不復 遭,刀鞞也。 事 帷 佩言之。 制 非 裳無 小觽、金燧,右佩玦捍 正 帷 幅 殺 如 小觿,解小結 裳, 《内 木燧,鑽火也。」 帷 也。」正義曰: 也。 必 則》 捍謂拾也 殺 非 紛帨, 帷裳 之。 也。 子 二月。 服也。 也。 궁: 可 不 武,可以擯相,可 直,下齊如權衡以應平,故先王貴之。 衣,連衣裳而 以運肘,袂之長短,反詘之及肘。 相連,此深衣衣裳相連,被體深邃, 「續,猶屬也。 以治軍旅。 衽,在裳旁者也。

觿貌

如錐

言可以捍弦也。

注

所

云

「備」者,

得

兼

拭物之佩巾也。

屬。」鄭以

玉

佩

人所

易

身也。 同。 使婦 所以 爲之,不著其節 幅 者,謂深衣也。 鄭注云:「帷裳,謂朝祭之服,其 説文》: (注)王 後 人不 自障帷也。」《説文》、《釋名》各具一義。《鄭語》:「王 鄭注《喪服》云:「祭服、 四幅。」襞積若今人百褶, 朝 曰: 「帷,在旁曰帷。」《釋名 祭之裳,襞積無數,以人要中寬狹不一,各就所宜 幃而譟之。」韋昭注:「裳正幅曰幃。」「幃」 「衣必 也。 殺之者,削其幅,使縫 有殺 深 衣」者, 朝 服,襞 於要間收攝其布 鄭氏《禮記 釋牀帳》云:「帷,圍 積無數。 齊倍要者也。」 目 録》云: 凡裳, ,使狹以 與 前三 案: 帷 也。 深 著

> 也。 領,如今小兒衣領。 也。 鄭以非指深衣言者,亦以深衣不帷裳,而朝祭服外更無餘 祭服外,祇有深衣爲諸侯大夫士之所服,庶人更用爲吉服 之服也。 衡,短毋見膚,長毋被土,續衽鉤邊,要縫半下,絡之高下, 玉藻》云:「夕深衣,深衣三袪,縫齊倍要,衽當旁,袂可以 肘,袷二寸,袪尺二寸,緣廣寸半。」注云:「三袪者,謂 深衣者,用十五升布鍛濯灰治,純之以采。 裳六幅,幅分之,以爲上下之殺。 鉤邊,若今曲裾也。 《深衣》云:「古者深衣,蓋有制度,以應規矩,繩 袂圜以應規,曲給如矩以應方員,❶負繩及踝 自士以上,深衣爲之次,庶人吉服 純之以采者。」孔 繩,謂裻與後幅相當之縫也。 三分要中, 完且弗費,善衣之次也。」 疏云: 制十有二幅,以應十有 減 屬連之,不殊裳前 故謂之深衣。」案: 以 給,交領也。 故可以爲文,可 一以益下,下宜 餘 ,深衣而已。」又 服 則 善衣,朝 Ŀ 古者 衣 下 以 以 注 寬 朝 裳

員」,據《禮 記 深衣》爲衍文。

0

П

四

以單 幅各 裂也。 制 襟取皆名者,言兩襟對開 襟者。❷ 對襟,其書愚未之見。 不數之也。 幅 也。 賢之法服 考誤》、陳氏澧《東塾類稿》皆不謂然。 屬 自 旁,始用斜裁。」陳云: 下之殺,則是邪裁,又以十二幅專屬裳。 深衣上下同制,故《禮經》言之獨詳。 縫 中 長。 衣則 之數 前觀之則又掩去内幅,故亦不數之也。」二君之説,視鄭 也。 《雜記》「繭衣裳」,注云: 布爲之。 衣中二幅 一,爲四幅,合前後凡八幅。 也。 又夏氏炘《學禮管釋 裳左前後縫合,而右有鉤邊 凡衽者,或 垂 也。 《爾雅》:「衣眥謂之襟。」《説文》:「眥,目 而放之,屬裳則縫之以合前後,上下相變。」案: 紩下齊倍要,中齊丈四尺四寸。 衣前之右,别 衣用 給尺二寸,❶ 有綿者曰 ,袂二幅 正 殺而下,或殺而上,是以小要取名焉。 幅,故裳之中幅 夏君極稱之,謂古服皆作對襟, ,凡四幅。 「深衣制十有二幅, 一繭、 有外襟一 , 亦如目匡之對開 圍 日 》引董彦輝《深 之二尺 「若今大襴也。」釋名: 袍, 裳中正幅二,兩旁斜裁之 通衣裳數之,則爲十有二 裘曰 幅,然自後觀之則不見 一幅,以其在内不見,故 亦以 四 鄭君謂裳幅分之爲上 寸,三之七尺二寸。 江云:「深衣者, 褻衣,皆與深 近人江氏永《深衣 Œ 衣考誤》謂深 衽,謂裳幅所交 此 裁。 也。 通 惟衽 衣裳數 又謂 匡 衣同 在 深 也 無 襹 衣 之 聖 衽 衣 揜 裳

> 之。 邊。 殺之,大小得其宜。」則 服。」正義曰:《白虎通• 冠,不以弔。 曰:《説文》:「縫,以鍼紩衣也。」《詩・ 或有不用斜裁,而 無襞積,必 對襟矣。 亦如丈夫服袍方也。」明丈夫服袍是直領邪直而交下,即是 領」即是直襟。 則鉤邊當謂左右裳幅,前後縫 之襜褕。」「直裾」 屬 也。 《鹽鐵論・ 明夫子深衣必用古制 衣裳上下 此亦視鄭説爲合。 有兩旁斜裁倒縫之衽,方能 散不足》篇言: 故《釋名·釋衣服》云:「直領 即 相聯 【注】孔 作襞積於裳者,故特記「非帷 直襟,直襟即 屬 「殺縫」,謂縫之所殺 也。 紼冕》篇: 曰: 也。」〇注「衣必有殺縫 江氏永《圖考》曰: 「庶人之服,直 合, 「喪主素,吉主玄,吉凶 日 對 襜 而 襟。 「所以有冠者,蜷也,所 褕。」《説文》: 非 羔羊》傳: 别 上 其説甚悉。 有 狹下廣。 也。 邪直而交下. 領無緯。」「直 幅在右爲鉤 縫 「深衣,裳 羔 裳,必 ō 意當 直 裘玄 若然 ,言縫 īE. 裾 異 謂 義 殺 時

袷 據《玉 藻 》注當作 一社」。

0

0 小異。」 當襲之。 夏君」至「揜襟者」,孫校:「古服皆對襟,此説極謬 憲問 》篇疏又謂 禮服右衽, 深 衣對

弔者 變也。 名也。 玄冠是通上下,故舉「諸侯視朝」以包卿大夫、士言之。 **瑧飾與韋弁、皮弁同。** 鄭注:「或謂委貌爲玄冠。 朝之服。」 羔裘則君用純,臣 冠之笄,有纚有總有髦。 纓,大夫、士綦組纓。 冠與武别。 氏大椿《弁服釋例》: 冠,委貌也。」此鄭 袒括髮,子游趨而出,襲裘帶絰而入。」注云:「於主人變乃 以羔裘是朝服,已見上注,故此不言也。 檀弓》云: 後漢. 争」,云「問終也」。《史記集解》引賈逵曰: **帐持其髮也。」《說文》:** 吉 冠 服 所弔者朋友。」疏云:「凡弔喪之禮,主人未變之前 輿服志》注引《石渠論》: 案: 有法制 而 「曾子襲裘而弔,子游裼裘而弔。 冠武異材,冠纓異材。 弔。 冠 ,從寸。」❷鄭注此云:「玄冠,委貌,諸侯視 稱玄者, 吉 用豹袖,是此羔裘玄冠爲朝服 が所據。 服 「玄冠,一日委貌,廣二寸,以繒爲之, 纓之有飾者曰緌。 謂 衡縫内畢緣邊,居冠屬武,非燕居則 此其制也。」凡朝服、君臣同服、其 羔裘玄冠,緇衣素裳。 《士冠禮記》:「委貌,周道也。」 謂冠梁與 一冠,豢 委猶安也,所以安正容貌。」任 「玄冠朝服,戴聖曰: 也,所絭髮,❶弁冕之總 天子朱組纓,諸侯丹組 武 皆用黑繒爲之也。 「弔」者、《説文》作 有安髻之笄,無 「問凶曰弔。」 主人既小飲 又袒去上 也。 鄭 玄 又 以 固

以

所謂 加 諸侯、卿大夫皮弁加経,謂之弁経。 侯、卿大夫皮弁服,士玄冠朝服。 與衰,咸視主人爲節。 説,以此爲大歛後之弔服。 經。 云: 而 朝服,而加武以経,又掩其上服。 服,以露裼衣,則此「裼裘而弔」是也。 弁経,其衰侈袂。」注云:「弁絰服者,弔服 不免也。」」此鄭説始死及小歛時之弔服 絰。」注:「始死,弔者朝服裼裘,如吉時 「襲裘帶絰而人」是也。 禮箋》云: 加武與帶絰矣。 絰 焉。 《論語》曰:「羔裘玄冠,不以弔。」」《禮記 「凡弔事,弁經服。」注云: 錫衰、總衰、疑衰」是也。 《雜記》: 「弔服錫衰、總衰、疑衰,皆有經帶。 「小飲環経,公大夫士 武,吉冠之卷也。 未小飲,吉服 又《喪大記》: 『弔者襲裘,加 至成服以後,則用衰麻、司 「弁経者,如爵弁而素, 是弔 既小飲,天子爵弁 若是朋友,又加帶, 士則易玄冠爲素委貌 而 服 加武者,明不改冠,亦 主人既變之後,雖 有四 往,天子爵 也。 也。 一也。」謂 也。」 [變也。 《周 小 雜記 官 弔 孔 弁服,諸 此 者 金 疏 改 加 司 主人 加 氏 武 襲 則 引 加 凡 服 絰 服 絰 榜 舊 環 裘 帶 此 著

- 所」下,據《說文》脱 「以」字。
- 從」上,據《說文》脱「故」字。

六

節 《檀弓》正可互證。 問於孔子曰:「禮乎?」夫子不答。 深衣,故羔裘玄冠,夫子不以弔,正指始死時之弔服而言。 死,易深衣。 云:「夫子曰:「始死,羔裘玄冠者,易之而已。」羔裘玄冠, 是小歛後大夫之弔服,而鄭注《司服》引《論語》説之,不知 既成服 衣。 死,羔裘玄冠者,易之而已,汝何疑焉?」」《家語》此文,與 始死,則易去朝服,著深衣,故云易之。」考《問喪》云: 衰,其尊卑之差也。」案: 弁,與士同也。 始死,扱上衽。」注:「上衽,深衣之裳。」又《既夕》注 夫子不以弔。」孔疏謂:「養疾者朝服,羔裘玄冠即是朝服。 羔裘玄冠乃始死之弔服,不得在小歛之後。 大歛同服,凡有三變。 求之經傳,金説爲允。 家語・子夏問》篇:「季桓子死,魯大夫朝服而弔。 總衰,爲大夫士疑衰。 也。 如主人仍用朝服,當時弔者亦用朝服 則 夫子不答子游之問,正以舊禮本是如此,不能 弔 皆孔疏所本。 者 主人於親始死,易朝服爲深衣,弔者方用 亦服 蓋當時大夫亦用朝服爲弔服,不 衰 而 舊説弔服凡有四變,金説則小 諸侯、卿大夫弔服錫衰,士弔服 往。 既是主人深衣,則弔者亦可 天子爲三公六卿錫衰, 他日又問,夫子曰:「始 所謂 《禮記·檀弓》 弁經服,依 「視主人爲 子 用 謂 爲 遽 親 歛、 責 深 皮 游 服 始 禮 疑 諸

無飾。 弔者以 月必朝服 於理未達矣。 將不謂之弔乎? 服爲弔服,於心末安故也。 朝。」聽朔亦謂之視朔,視朝亦謂之聽 允。 者,冠弁服也。 曰: 臨人凶,示助哀也。」是吉凶當異服也。 冠,不以弔」爲小飲後弔服,則小飲之前,羔裘玄冠以往者 服或緇布冠與? 主玄也。 云:「奠以素器,以生者有哀素之心焉。」注:「哀素,言哀痛 玉藻》曰: 故不相弔也」五字。 先從叔丹徒君《駢枝》曰: 「吉月,月朔也。 無禮 凡物無飾曰素。」是喪主素也。 《白虎通• 而朝,禮 「諸侯皮弁以聽朔於太廟,朝服 也。 ○注「喪主」至「異服」○正 《集注》以爲孔子在魯致仕時之禮,其義 始死,弔服 且小飲後,亦豈有用朝服以弔者? 也。 自來解者誤依鄭《司 喪服》篇: 吉月, 孔子述之,而七十子之徒記之也。 朝 服,皮弁服。」正義 深衣之裘,當用狐貉爲之,其首 用深衣,此特夫子之制 必 可玄冠不以弔者,不以吉 「《鄉黨》,記禮之書 朝 朝。 服 禮祭服皆玄衣,是吉 服》注,以「羔裘玄 而 皇本「異服」下有 雖有 以日視朝於 義曰:《檀弓 朝 日 在朝、 【注】孔 亦以 也。 朝 此 在 服 吉 内 甚 服 實 朝

^{■「}喪服」,據《白虎通》當作「崩薨」。

事

未

能

合矣。

月朔

僅

次。

其説似是而非。

而

行之。

視朝也,故曰『吉月,必 時,自以已見君,遂不復朝也。 者、《天官・大宰》「正月之吉」、《地官・黨正》「孟月吉日」、 吉」鄭注「「吉」當爲「告」」爲證。 言之也。」謹案: 丹徒君此説,亦備 族師》「月吉」,皆日之善者。 春秋》書「閏月不告月、猶 不以月廢日,不以大禮廢小禮也。 服而朝,卒朔然後服之。」是其義也。 惟視朔爲每月常行,人所易忽,故人臣或於視 諸侯受而藏之祖廟,每月朔,朝廟而視之,然後 然王謂「吉月」爲「告月」之譌,引《緇衣 於内朝與,故以其服别之也。 蓋告朔乃天子之禮,天子告朔於諸 딩 : 視朔者,一月之禮也。 見聽 服 稱 而 周以夜半爲朔,其時早矣,卒朔而 「吉月」,取令善之義,必謂月朔 朝 治國 朝」,何也? 服 朝於廟」是也。 而朝」,明不以 政 列則 今改「吉月」爲「告月」,於情 日之善者,不必 同。 又謂 義。 티 : 既 古無稱 《玉藻》記孔子之言 視 視朝者, 告 朔 王氏引之《經義 但言朝, 朝服,對 廢 朔則 曰「卒朔然後 , 則 朔日爲吉月 爲朔 也。 疑於不 朝 則 日 》篇 皮弁 侯, 於 日 一之禮 不 未 朝 也。 廟。 尹 可 朔 歲 知 朝 復 頒 而 IE. 所本。 服」。 視朔之禮,君臣同用皮弁以朝於廟 言諸侯「皮弁以聽朔」,疑鄭以《論語》此文指朝廟言之。 疏引熊氏説,亦以爲皮弁服。 改「吉月」爲「告月」,乃王氏説,非《駢枝》有此言。 王勗人之意蓋如此。」案: 謂「吉人爲善,惟日不足」。 則「吉」訓善,亦可訓始。 《爾雅》:「元,始也。」「元」又訓善,故天子之善士名元士, 之。 月之吉」,鄭君以周正朔日解之。《族師》「月吉」,鄭君 司 辛卯」爲月朔也。 稱「吉」,亦失之拘。 服,未有以皮弁爲朝服者 服皮弁服」〇正義曰: 禮,義自優。 月朔日解之。《詩 徒》《鄉大夫》《州長》《大司馬》《大司寇》《布憲》皆言『正 此相傳之古訓 秦氏蕙田《五 《曾子問》: 但 間劉以 夏氏炘《學禮管釋》: 「諸侯相見,必告于禰, 禮通考》:「皮弁自 也。 [吉]訓善,不訓始,然亦 「月吉」倒文稱「吉月」,猶《詩 小明》「二月初吉」、毛公亦以 鄭注云: 「吉月」爲「告月」,輕改經字,則 「, 何 故凡始月始日,皆以「吉」名之,所 夏氏從《集注》,以 故履端於始,尤其爲善之初,先 也 蓋因鄭此注 「朝服,皮弁服也。」此僞 蓋 也。 皮

朝於廟與,朝

述聞》從之。

無

其曰

「朝

朝」,不已晏乎?

也。 者,

年之禮也。

日

朝

之異,其爲君

臣

相

《周禮

大宰

》 大

有

始

義

朔

日 以

解

||

朔

月

弁

天子視朝之服

皮

弁服,

朝

服

自

朝

然皮弁不得言

朝 蓋 朝

服

而

出視

朝。

○注

朝

孔

뻬

誤

也。

毫玉

藻

此節

爲孔

子

非

八

服截 裘純 玄端 潔清也,以布爲之。」案:「親身衣」,即汗襗襦袴之屬, IE. 齊,必有明衣,布。 際,尤所宜謹。」然則朝服當指冠弁服,用玄冠緇 弁服甚明。」孔氏廣森《經學卮言》: 服 服 以 潔清,故 上下同之。 明衣裳用布。」注云:「所以親身,爲圭潔也。」《既夕記》: 明衣裳用幕 玉藻》稱『朝 也。 在朝 則 義曰:《御覽》五百卅引鄭 卿 [然異名,不相叚借,況皮弁爲天子之朝服? 色、大夫羔裘豹袖、二端無大分别、故謂之朝服也。 有玄裳、黄裳、雜裳之别。 必卒朔 君臣同 稱 大夫視私朝之服。 「明衣」。 其不同 布,袂屬幅,長下膝,有前後裳,不辟,長及觳 服 而視朝,然後脱皮弁而服朝服,則朝服 服,而皮弁綦飾有 而 朝,卒朔然後服之」。 者,惟諸侯白舄,大夫士白屨,諸侯之羔 「衣」者,上下服之通 【注】孔曰:「以布爲沐浴 二者似皆可 注云: 獨冠弁爲諸侯君臣之朝服, 五采、三采之不同。 「觀《儀禮記 明 衣,親 稱 夫告朔之服,皮 稱。 朝服 身 ,而不然者 衣, 所 衣素裳矣。 》皮弁與 喪禮》: 稱名之 衣。」 玄端 因 以 非 其 朝 皮 弁 自

髮

禮》: 云: 也; 《玉藻》又云: 故舉 衣,此注 沐浴有明衣,亦是暗據彼文,但 後襲尸之服,鄭 景衣加於外以禦塵,猶明衣爲親身以遠污垢,其制之意同, 也。」「浴,洒身也。」《論 「將適公所,宿齊戒,居外寢,沐浴。」是凡 浴者、去身垢也。」 爲 「浴用巾, 挺用浴衣, 設明衣裳。」彼文言明衣裳爲浴 況 直以 也。 「君衣布晞身。」是浴竟有布衣之也。 明 ○注 君以 衣」爲 爲 以 去浴 沐浴衣,誤矣。 布爲 衡 衣而衣之,是也。 沐 《喪禮》之「明衣裳」 譏 浴 日参 衣 篇 O IE 《説文》云: 「沐者,去首 義 齊宜沐浴 僞孔 日: 毫玉 不 以 「沐,濯 爲 士 生 也 浴 喪 垢 人

休 歙 寧張 洪 嗣 祖 銓

之制,

蓋

如明

衣,加之以爲行道禦塵,令衣鮮明也。」鄭

意以

潔清

故均稱明

衣耳。

《士昏禮

姆

加

景。」注

云: 但

以

同

一線、場、緇純。」此襲尸之服、與生人明衣必異制。

治 校刊

論語正義卷十二

寶應劉寶楠學

子之變食,或特牲而不餕餘焉。]案:《莊子·人間世》:「顏 餕餘也。 皆特殺,與平時常饌 謂朝時用一太牢,並日中、夕皆食之。至齊時,則日中及夕 言,耕籍前五日,王人齊宫,飲醴。 可以爲齊乎?」曰:「是祭祀之齊,非心齊也。」」據《周 回曰:「回之家貧,惟不飲酒、不茹葷者數月矣。 若此,則 覈》云: 變食,故加牲體至三太牢。」案:古人日三食。 ○正義曰:《周官・膳夫》:「王日一舉,王齊日三舉。」注: 「鄭司農云:「齊必變食。」」賈疏:「齊謂散齊、致齊。 |莊子》言「不飲酒」也。「不茹葷」者、《禮・玉藻》注: 齊必變食、【注】孔曰:「改常饌。」注 「變食者,謂盛饌也。 《國語》曰:「大夫舉以特性,士食魚炙。」然則夫 異,所謂「變食」者也。 君子敬其事則盛其禮,故不 醴味醇淡,與酒不同,故 凌氏曙《典故 王日一舉, 改常饌 齊必 語

也。 徴矣。高誘注《呂覽・孟春紀》引「齊必變食」二句,云: 也,不晝夜居於内。」注:「内,正寢之中。」《玉藻》云: 不齊,不居其室。』《禮記・檀弓》曰:「君子非致齊也,非疾 記》:「士處適寢。」又云:「有疾,疾者齊。」注云:「適寢者 坐安,此跪坐之别也。」案"「居」與「凥」同,「居」即是「坐」, 地而坐於足,與跪相似。 味,飲酒不至變貌。」齊時或可飲酒,則謂齊禁肉食,於古無 言人子「養疾皆齊」,而《曲禮》言「父母有疾,食肉不至變 葷爲肉食,而凡齊皆禁用之,與《禮》意悖矣。 路者,志不在於食葷。」「端衣玄裳」,即是齊服。 者, 薑及辛菜也。」《荀子·哀公篇》: 「夫端衣玄裳, 絻 於路寢。」路寢,正寢也。 公所宿齊戒,居外寢。」外寢,正寢也。《穀梁傳》云:「公薨 言「遷坐」者,謂所居之處耳。 【注】孔曰:「易常處。」注「易常處」○正義曰:《説文》: 「自禋潔也。」「禋潔」,亦不餕餘之意。 | 聖,止也。」「坐」,古文「聖」。《釋名・釋姿容》:「坐,挫 葷,葱薤之屬也。」不飲酒,不茹葷,是異常饌。 骨節挫屈也。」江氏永《圖考》曰:「古人之坐,兩膝 寢疾居正寢,正也。 但跪者直身,又謂之跽。 胡氏培翬《燕寢考》:「《既夕 居必遷坐。 《大戴禮·盛 《士喪禮記 解 跽危 楊 者誤以 「將適 倞 而 注 耐

經》: 寢。 所云「齊、居必遷坐」以此。 之,則成膾。」又《内則》云"「肉腥細者爲膾,大者爲軒。」注 切肉也。」《釋名・釋飲食》:「膾,會也。 足與議,故於食膾皆不厭精細也。 厭 食不厭精,膾不 爲主,以期神明之享,故改常之食,遷居齊室也。」齊室即適 燕寢,至齊必遷居正寢。」今案:皇疏引范甯云:「齊以敬潔 德》篇云: 而切之爲膾。」注云:「聶之言牒也。 白,異切之,乃會和之也。」《少儀》云:「牛 厭 。」是「侍御」爲米之極精矣。 也。」 至於士,常居皆在燕寢,惟齊及疾乃居於正寢。《鄉黨》 ,極也。」夫子疏食飲水,樂在其中,又以士恥惡食爲不 既居在適寢,則宿亦在適寢。 「糲米率三十,粺米二十七,鑿米二十四,侍御二十 ❶「糈用五種之精。」郭注以爲「五穀之美」。《九章算 韋注: 言不待精細者而後屬厭也。」案:《周語》:「不可 「此天子之路寢也,不齊不居其室。」古者自天子 「厭,足也。」《晉語》:「民 厭細。 孔注云:「易常處。」蓋常處在 正義曰:張栻《解》:「「厭」當 「膾」者、《説文》云: 「精」者,善米也。《東山 《論語》無文,從可知也。 先藿葉切之,後報 細切肉,散分其赤 志 與羊魚之腥,聶 無 厭。」韋 「膾,細 注 切

> 「胺,敗也。」《釋器》:「餲,臭也。」「胺」、「餲」一聲之轉。 「餲,食敗也。」「饐」與「餲」爲淺深之異。《廣雅 雅•釋器》:「饐謂之餲。」郭注:「飯饖臭。」《説文》:「饐 《爾雅》云:「魚謂之餒。」郭注:「肉爛。」《説文》「餒」下「一 本誤倒。」○注「魚敗曰餒」○正義曰: 謂 氏玉裁《説文》注:「皇侃云:「饐謂飲食經久而腐臰也,餲 飯傷溼也。」「餲,飯餲也。」《字林》: 郭注以爲「臭腐」。○注「饐餲臭味變」○正義曰:《爾 「敗」者、《説文》云「毀也」。《爾雅・釋器》:「肉謂之敗。」 也。」《釋文》:「餒,本又作餒。」《史記·世家》作「餧」。 義曰:朱氏彬《經傳考證》解此文云:「「而」與「若」同 臭味變。」魚餒而肉敗,不食。 文》:「膾,本又作鱠。」食饐而餲、【注】孔曰:「饐 之也。」李氏惇《群經識小》謂其制與今之肉絲相似。 云:「言大切、細切異名也。 ·經久而味惡也。」是則孔注本作「饐,臭。 膾 者,必先軒之,所謂 (注)魚 「饐,飯傷熱溼 皇本此注作「孔曰」。 餲,味變也」今 敗 · 釋詁 日 餒。 聶 猶與 也。」 《釋 而 餲, 正 段 切

^{■「}東山」、據《山海經・中山經》當作「中山」。

之節。」此孔所本。

爾雅

廣雅・釋詁》作「餁」,同。

言》:「飪,熟也。

徐、

、揚之間曰飪。」《説文》:「飪,大熟也。」

鄭注《文王世子》云:「飪,生熟 摶者謂之糷,米者謂之糪。」

朝、夕、日中時。」注

者,是别其不可食者,則所謂者皆臭味也。冷毛,毛長總結 失生熟之節。」不時,不食。【注】鄭曰:「不時,非 釋詁》:「鯘,敗也。」《釋器》:「鯘,臭也。」義訓並同。 皇本作「臰惡」,此後出俗字。《周官・内饔》職: 般臂,螻。」注云:「腥、臊、羶、香,可食 失飪,不食。【注】孔曰:「失飪, 「失飪失生熟之節」〇正義曰:《方 螻,螻姑臭也。」」賈疏引此文「色 正義曰:「色惡」、「臭 交睫腥,「腥」當爲 鄭司 皆謂 《廣 夏, 交 而 郭注: 時者、《玉藻》云:「諸侯朝服以食,特牲三俎,祭肺,夕深 四時者、《白虎通》云:「王者平旦食、晝食、晡食、暮食。」三 有分别。 云: 泉,是謂蚤食,次於桑野,是謂晏食。」並是食時之證。」又 朝。』《孟子》云:「朝不食,夕不食。」《淮南子》云:「臨於曾 夕之時而食也。《禮・内則》云「孺子食無時」,則成人以 有常時也。 《偶記》:「《左傳》卜楚丘云:「食日爲二。」是一日之中,食 祭禮: 腥法上古, 爓法中古, 熟之爲腍進, 後世之食。 物亦有之。肉之過熟者,亦謂糜爛。半腥半熟者,謂之爓 熟,有不熟。不熟者,尤害人也。《爾雅》惟言飯之失飪,肉 上,食必有時也。《詩·蝃蝀》傳云:「從旦至食時爲 未熟言。○注「不時非朝夕日中時」○正義曰: 方氏觀 人之食,不可不熟也。」案: 生」字。《説文》:「姓,不熟也。」江氏永曰:「失飪,有 「鄭以朝、夕、日中爲三時,亦大略言之。 「糷,飯相 天子食則四時,諸侯三時,大夫以下惟朝夕二時 閻没、女寬云「或賜二人酒,不夕食」,謂不及 著。 糪,飯中有腥。」「腥 過熟無傷於人,夫子不食,專指 |與「姓」同, 其實貴賤猶 若生 纹 即 旭 過

毳,羶。

犬赤股而躁,臊。

鳥皫色而沙鳴,貍。

豕盲眂而

睫,腥。

黑脊而

惡」、「臭惡」説之。

農云:「庮,朽木臭也。

屋」,聲之誤。

肉有如米者似星。般臂,臂毛有文。

皫,失色不澤美也。

沙,澌也。

味也。

辨腥、臊、羶、香之不可食者:

牛夜鳴,則庮。羊冷毛

其臭焦。中央土,其臭香。

秋,其臭腥。

冬,其臭朽。

惡」,謂凡生熟物色味有變也。《月令》:春,其臭羶。

色惡,不食。

臭惡,不食。

 \Box

魚

敗

日

餒」。❶

論

語》釋文引

字

書

作「餧」。②

二一一飯 」字,據《説文》當作「餧」。

0

餧」,據《釋文》當作「鮾」。

書? 以 冬生蔥韭菜茹 中」者,舉日中則朝夕可知,惟《既夕》之「饋」,當無日 師 中 湯沐之饌,如他日。」注云: 果食未熟,不粥於市。」又《漢書 羊僖三十三年傳》: 抑 疏 以 今注云「朝夕」,不言「日中」者,或鄭略之,亦有日中也。 禮,不過三舉,則天子三食可知。《既夕記》: 餕。』是也。」今案:《周官·膳夫》: 人而夕,慈以 食者、《内則》云:「由命士以上,昧 言祭牢肉,互相挾。」則特牲、三俎在朝時,日中又餕之。 衣,祭牢肉。」 鄉黨》云: 爲此 賈釋鄭 後説是也。 整等爲殷人,或者殷禮天子四時食也。 ·時」爲上下通禮 死後略去日中,直有朝夕食也。」此賈據鄭注 記 皆 異 義。 不時 也。 「不時,非 注: 旨甘。」又云:「父母 今臧、宋輯本列 疏云「一日之中三時食」,此句未知爲鄭 之物, 覆以屋廡,晝夜熊藴火,待温氣乃生。 何異爾? 「天子言日中,諸 ,非有四食、三食、再食之異。 「十有二月,實霜不殺草,李梅實,何以 有 朝、夕、日中時。」一 傷於人,不宜以奉供養。」《後漢 不時也。」《王制 饋, 人注中,稍 · 召信臣傳》:「大官園種 朝夕食也。」疏云: 侯言夕; 在, 爽而 「王齊日三舉。」齊是盛 朝 朝 失闕疑之意。 日之中三時 夕恒食,子婦 經傳多略。 天子言餕,諸 慈以旨甘。 燕養、 「五穀不時 《論語 朝、 「鄭注 夕、 饋 中,賈 信 《公 日日 太 羞 注 食。 日 或 臣 佐 日 侯

物乎? 禮》: 臂,主人俎用肩 肺,主人俎脊、脅、臂、肺,肩尊臂卑,是 通。 皆須時迺上。」」二説並爲「不時」,解者多據以釋此文,亦 彊 者,不特大祭祀有之。」凌云: 臂、臑、膊,及三脊三脅,凡十一體,所謂諸子「正六牲之體 之事,必先辨體名。 氏奇齡、凌氏廷堪並主其説。 脅、臂、臑之屬,禮有正數,若解割不得其正,則不食也。」毛 食,其割法略得同矣。 正 羊豕也。安,平也。 於肵俎,末在上。 曰: 書 割 也。」彼文是言祭禮割法。 熟,或穿掘萌芽,味無所 裂也。」《周官· 鄧 「魚膾,非芥醬不 割不正,不食。 「牢心舌載於肵俎。 皇后 傳曰: 紀》: 「非其時不食。」自今當奉祠 則尊卑倒置,即爲割不正。」此 詔 舌皆切本末,亦午割勿没。」注云: 平割其下,於載便也。 少牢禮辨羊豕,必 EI: 内 邢 饔》注: 「凡供 疏云: 食。」正 心皆安下切 不得其醬,不食。 至 賈疏引此文説之,則意孔子 如如 ,而夭折生長,豈所以 毛云:「此與《周 薦新味,多非 割 割,肆 鄉 義 曰: 飲 不正 上,午割 分前 正數也。 酒,賓俎 解 《爾雅 謂 也。」《少牢 凡割本末, 陵 體後體,自肩 折 廟 其節,或 説亦 勿没。 禮 脊、 解 及 若賓俎 学 牲 【注】馬 釋 給 脅、肩、 順 通 言》: 御者、 體 割烹 食必 牢 其 饋 時 鬱 脊 但 用 載 食 育 養

失。

相 醢

制

閒,如 以其物濡 葵菹嬴醢 鹽。」又《周禮》「韭菹醓醢 義曰:《説文》云: 怒於色,庶幾不失聖人氣象。]〇注 不食,微示其意,後自知設醬得宜矣。 配食之醬如醯醢 通言,賈未誤也。 也。」《周 鄉黨》文爲誤 ₩ E 羹兔醢,麋膚魚醢,魚膾芥醬,麋腥醢醬,桃諸、 , 箔菹雁 , 豕胾, 芥醬, 魚膾, 亦有不能盡割以正者,聖人惟食其正者耳。」又《群經 故相 説者多以 牲體爲 「醬者,醯 《内則》「牛炙醢、牛胾醢、牛膾、羊炙、羊胾醢、豕 食 官 醢而食之。 ,脾析蠯 配而 醢 肉惟 割 筍 膳夫》注:「醬,謂 《内則》「濡 ,則《少牢》文上言「切」,下言「午 裁膾爲切べ少牢 設,皆所謂「得其醬」也。 醢鹽梅之總名。 **菹魚醢」之類。** ,皆不設,此家人進食者之小過,夫子偶 取其方正者,則不正之割,自不來前矣。 醢 江氏永《圖考》曰: 醬, ,蜃蚳醢,豚拍魚醢,芹菹兔醢,深蒲醓 蓋此節乃侍御陳設者之失,非烹調之 雉 醢也。❶ 兔,鶉鷃」一 雞 ·昌本麋臡,菁菹鹿臡 醢 醬,濡 醯醢 此皆必以氣味相 》所云是切 酒以 古人設食皆以 「魚膾非芥醬不食」〇正 節。 「凡割切皆當有法 魚卵醬」條 也。 凡此皆未嘗形於言、 和醬也。」「醢,肉醬 殺與醢並 又如「腶 汪 菲 氏垣《四 割 ,茆菹麋 實此,失之 割」,割、 譏 醢 梅諸、 脩蚔 宜,或 設 與 賈 食 殽 書 疏 臡 醢 則 性 卵 炙 補 肉 詮 切 引 相 0 炙、牛 臡、 矣。 IE. 肉

義

脯 醢 凌謂

義 體

之明其義云:「以《公食禮》考之,初設正饌,次設 「「肉雖多,不使勝食氣」,爲食禮言之也。 《中庸》云: 饌有牛俎 亂」,爲燕禮言之也。」胡氏培暈《研六室文鈔 氏「小食」之訓解《論語》,非也。 《吕氏春秋・孝行覽》: 氏玉裁説《魯論》作「氣」、《古論》作「既」,用假借。 氣」,即五穀之氣。 汪説甚備。 「餼」。」是「既」、「氣」 節飲食、肉雖多、不使勝食氣。」正用《魯論》此文。 義曰:氣,猶性也。 雖 鹿臡三 《説文》:「既,小食也。 濡雞 胾、 多,不 、牛鮨、 、羊俎、豕俎、魚 濡 者盛於豆,此下大夫六豆 「既,讀爲餼。」 此注 魚 有失,則 使勝 羊臐、羊炙、羊胾、 但言 人食肉多,則食氣爲肉所勝,而 通用。 食氣。 《周官 「魚膾芥醬」,亦 失飪之事,非 俎、腊 《論語》云:「不使勝食既。」」段 注《聘禮》云"「古文『既」爲 量」猶度 瘍醬》: 俎、 唯 不膮、 腸 酒 陳 也。 胃 也。 以 無 設之不 是舉一 豕 俎、 「惟酒無量,不及 量 加 炙、豕胾、 五氣養之。」「五 凌氏廷: 》亟稱 膚 饌 俎 備 不 以 有 加饌。 。 酷 牛 也。」案: 概 凌説,爲 及 或援 堪 或以 膷、 其 魚 醢 鄭 説 亂 餘 4 麋 īF. 注 許 傷

醢」,大徐本《説文》作「盬」。 段玉裁注本作「醢」。

於義稍 節,而 酒」,即 賓,立 肉可 俱 聘 下拜,明 雅 市 以 所謂「無量」矣。 公取媵爵酬賓,禮亦盛矣。 時 堂上東楹之西者,兩方壺,尊於堂下門西者,兩圜壺。 謂「以穀爲主,不使肉勝食氣」也。 親設之,賓初食稻粱,三飯即止,卒食黍稷,不以醬湆,是 酤, 廣 未可 所執 鄰國,鄰國食之燕之。 獻賓,賓酢主人,主人自酢,主人酬賓,二大夫媵爵于公, 》各舉 脯 雅 不 司 不及亂]乎? 不 宿酒 隘。 是醴酒 知。」案: 脯 謂 其一 釋詁 雖醉,正 正以安賓,脱屨升席, 多與? 賜 食。 鐘 蓋 也。 耳。 常食 ,不應夫子不食。 人,明雖 凌氏此説甚核。 然而 臣 《周 酤,賣也。」「酤 正 然 如 禮 曰 買 酒 義 然則此節或夫子嘗言其禮如 而 賓朋 官 也。 君 日: 黍 醉,不忘禮 日 夫子一守《禮經》,記者因 稷 燕 萍 賓 『無不醉』,有命徹幕,則必降階 而獻 也。」《説文》具二義。 六簋,宰夫設之, 氏》: 沽 解而 飲 ,

晏坐盡歡,至於爵行無算,真 然則「沽酒」,當謂買酒 」爲買賣通稱、《説文》、《廣 與 亦 卿獻大夫後,復作樂以樂 然凌主禮食,不兼常食, 出,鐘人爲之奏《陔》, 得備 也。 幾酒 又以《燕禮》考之,尊 酤 物盡 此非 謹酒。」注云: 同。 歡 所 稻 《説 也。 謂 粱二簋 此, 以 文》云: [爲記之, 沽 宿之 或 醉 也。 酒 公公 幾 出 爲 則 於 初 所

官 也。 也。 辣,多食生内熱之疾,故不多食。 弗食。」」此引《論語》作「酤」、《御覽 齊禁葷物,薑辛而不葷, 官》:「腊人掌乾肉,凡田獸之脯腊膴 也。』《釋名 酒之惡者。」梁此説 酒 日 曰 人趁文不分别也。 正》注作「酒 志》:「王莽居攝,羲和魯匡言: (詩))日 脯 酤」,本字,「沽」,水名,叚借字。 久,味少變也。 脯。《内則 苛 ,所謂析乾牛羊肉也。」市脯不食,亦恐其不精潔,且恐 「不過 司兵》注「功沽上下」義同。 夫《詩》 《論語》孔子當周衰亂 察沽買過多 無酒酤我」,而《論 飽。」正義曰: 據承平之世, 有功沽之巧」。 釋 飲 牛 非時 不撤 食》: 亦通。 《説文》: - 脩肉 者。」 脯 薑食、【注】孔 脯 酒酤 但 語》曰 撤 ,酒酤在民 故不去。」不多食。 是 田 「市,買賣所之也。」「脯 酒當云「飲」, 疏云: 搏 周 在 」,宋九經本作 豕 「百禮之會,非 也。 因思《論語》「沽酒」,當是 時 官,和旨便人,可 酤 脯 梁氏玉繩《瞥記》: 陶弘景注《本草》、 有 「功 酒 胖之事。」注云: 乾燥 資産部 麋 ,薄惡不誠,是以 酤 不食」,二者非 脯 沽, 酒。 曰: 相 而云「不食」, 影 謂 搏 漢 酒不 徹 脯。」注 著 善惡。」《夏 撤 亦作 書 【注】孔 也。」《周 ,去也。 以 行。 云: 薄析 乾 祝 《酒 酤 薑 食 疑 相 相 辛 肉 古 而 御 貨 反 故

曰:

庪薑而已。」 薑亦葷也。 坐于君子,君子問夜,膳葷,請退可也。」故不徹葷者,禮也。 醢葷菜則不徹, 庪以備時食, 所以優尊者也。 知孔子之已有閣與其站也與。 庪食之閣,大夫于閣三,士于站 亦爲「葷」,對文「葷」、「辛」異 撤去之。《玉藻》注謂葷有薑,此言「薑不葷」者,散文「辛」 良,久服去臭氣,通神明。」是其功用有益於人,故每食餕不 也。」《本草經》:「乾薑主逐風、濕痺、腸澼、下痢,生者尤 以下爲禮食常食之節,於義更合。《説文》:「虇,御濕之菜 不葷故不去」○正義曰: 朱子《集注》以「明衣」、「變食」、「遷坐」爲齊禮,「食不厭精 不多食」,皆齊禮。 事文類 説,與 惟 聚 》皆如 孔子以爲葱 鬒之類氣皆濁,不若薑之清,則所 酒 無 量不及亂」一例。」〇注「齊禁葷物薑辛而 此 解。 故孔解此爲「齊禁葷物」,但不去薑耳。 《集解》從孔説,以「食不厭 閻 氏若璩《釋地》:「不多食,承上 也。 0 凡食畢,鼎食則徹,于造脯 姚氏鼐《經説》:「古者有 大夫七十而有閣,則未 《禮》:「夜侍 精」至

日 所 得牲體,歸 , 出 祭於公,不宿肉。【注】周曰:「助 三日,不食之矣。【注】鄭曰: 則 以 班 賜,不 留神惠。」祭肉 「自其家 不 祭於君, 出三 祭

與

之也。 牲體當亦準此矣。《曲禮》云:「凡祭於公者,必自徹其 皆用左者,右以祭也。 羊左肩七箇,犆豕,則以豕左肩五箇。」注:「折,斷分之也。 賜之,以均神惠。 胙。」脈、膰、胙,皆祭肉名。 天子諸侯祭畢,助祭之臣,皆 傳》曰:「天子有事繙焉。」」今或作「燔」、作「膰」。 也。 官·大宗伯》於兄弟有脹膰,異姓有賀慶。此互文,明兼 吾猶可以止。」本篇云「人太廟」,皆夫子助祭之徵。 與於蜡賓。」《史記・世家》:「魯今且郊,如致膰於大夫,則 之。」然則助祭之臣,亦得各獻俎肉,《禮》所云「賓俎」者也 俎。」疏云: 法,云:「其禮大牢,則以牛左肩、臂、臑折九箇,少牢,則 文》:「胙,祭福肉也。」《左僖九年傳》:「王使宰孔賜 注:「助君祭也。」是大夫、士有助祭之禮。 肉 0 《少儀》此文推之,凡天子諸侯所班之胙,是依牢禮爲之,其 (君賜之胙,同名爲脤膰,故江氏永以膰肉不至爲「賓俎」。 正義曰:"《雜記》:「大夫冕而祭於公,士弁而祭於公。」 過 生曰脤,熟曰膰。」《説文》:「鐇,宗廟火孰肉。 三日不食,是褻鬼神 《穀梁定十四年傳》:「脹者何也? 「此謂士助君祭也。 即此注所云「牲體」也。《少儀》言致膳之 羊豕不言臂臑,因牛序之可知。」由 之餘。」注 若大夫以上,則君使人歸 「助 《禮運》: 俎實也,祭 祭」至 《春 又《説 「仲尼 齊侯 《周 惠 有

謙也。 祭祀之餘於君子也。 賤者,頒有先後,故必二日 肉之禮,所以云「不出三日 面,再拜稽首,送。 儀》:「爲人祭日致福,爲己祭而致膳於君子曰膳 日 皆於祭日旦 祭公不宿之肉,當兼君賜 祭畢,乃頒所賜肉,及歸賓客之俎。 體」,當專指賜胙,不及歸俎,或是舉一以例之耳。 脹。」「受脹」,謂受君賜,「歸脹」,則君使人歸之賓俎 而《左昭十 出三日不食」之文,正申明 :無暇致胙,又禮賜君子與小人不同日,自諸父兄弟逮及 ,故不可再宿。 凡膳,告於君子,主人展之,以授使者於阼階之南, 肉不堪食,必爲人所棄,是褻鬼神之餘,爲不敬矣。 祔練言告,不敢以爲福膳也。 六年傳》亦 明行事,至天子諸侯祭之明日又祭,謂 反命,主人又再拜 〇注「自其」至「之餘」〇正義曰:《少 攝主言致福,申其辭也。 云: 而徧,合前祭日爲三 」者,卿大夫祭後又祭曰賓尸,本 及己所獻之俎。 「不出三日」之故 爲 嗣 大夫,喪 則 展,省具也。」此致祭 稽 胙肉之來,或已三 首。」注: 祭 注言「所 有 日 職,受脈 自祭言膳, 也。 「此皆 凡殺牲 , 袝練 之繹祭。 得 過三 也。 南 致 日 牲 歸

爲語。」是「言」、「語」義别,此文互見之也。《書鈔·禮儀言曰言,論難曰語。」《禮·雜記》注:「言,言己事。爲人説食不語,寢不言。正義曰:《詩·公劉》傳:「直

部》七 祭與養老,更有合語、乞言之禮。 及、日常如此、故記之。若禮食相 王氏鎏《正義》引任啟運曰:「當 引鄭此注云: 「爲其不敬。 明 會,豈 食時, 但行禮時則語,食時自不 當食寢 無應對辭讓之文? 心在於食,自 非言 語 時 不他 也。」

鄭注 語也。」 與 《内則》別有「芼羹堇荁葵薇」 本「疏」 襄二十九年傳》:「飲食必祝。」注:「祝,因祭祝也。 氏此説,用《魯論》義,得之。 小》:「「心」字从八弋,篆文作「炓」,與「瓜」相近而誤。」李 - -汁者也。 食之羹,如雞犬兔及菜羹,皆 也,汁汪郎也。」《爾 日 鬻,五味盉羹也。 「疏食」相 云 「孔子窮於陳、蔡之閒, 「齊,嚴 雖 作「蔬」,誤。 「《魯》讀「瓜」爲「必」,今從《古》。」李氏惇《群 凡肉汁和以鹽菜爲鉶羹,不和鹽菜爲大羹。 疏 儷,則但謂 做敬貌。 食菜 、羹、瓜 雅 小篆作羹。」《釋名· 「菜羹」者,以菜爲羹也。 三物雖薄,祭之必 • 藜藿之類耳。 釋器》: 」之類,彼是禮食。 祭, 藜羹不糁。」「糁」 臧氏庸《拜經日記》: 和米屑作之。 「肉謂之羹。」言煑 必 「瓜」、《魯論》作「必」。 齊 釋飲食》:「羹,汪 如 敬。」正義曰: 《吕覽• 也。 《説文》云: 此文「菜羹 即 米 《論語 注 《公羊 肉之有 慎 屑 經識 其 人》 也 孔 皇

不祭

也。」《玉

藻》云:

唯

水漿不祭,若祭

爲已

偞

之詳矣。《公食大夫禮》:「魚腊醬溍不祭。」注

云:「不

祭

,非食物之盛者。」疏云:「以

其有三牲之體,魚腊醬湆非

共祭。」此通言祭食之禮,義具彼注。

日

籩豆之閒,或上豆,或醬湆之閒。

凌氏廷堪《禮經釋例

》言

凡祭皆出少許,置之

事鬼神上帝,皆從其朔。」此以祭之,所以

報

功不忘本

也。

春官·大祝》:「辨九祭:一曰命祭,二曰衍祭,三曰炮祭,

周祭,五曰振祭,六曰擩祭,七曰絶祭,八曰繚祭,

九

日

范金合土,以炮以燔,以烹以炙,以爲醴酪,以養生送死,以

頭忖也。」錢氏站《後録》:「上環是疐間,下環是脱 論》,此蓋用《魯論》之文,以證傳中「必祝」,後人誤據今本 此瓜祭之説,鄭之所以必從《古》與?」案:從《古論 《玉藻》云:「瓜祭上環,食中,棄所操。」注云:「上環 有二種:一果實,一殺實。 鄭所以從《古》者,「瓜」字義 劭公止通今學,不當引《古 忖即刌字, 刌之言切 此是果 華處。 亦 》則 也 可 卑。」注云:「水漿,非 側皆反,非也。孔云「三物」,亦從鄭作「瓜」。 薄祭之必敬」○正義曰:「齊」者,整肅,故訓嚴 之容,所謂不敢以 子家居,所食雖極之疏 祭「觶漿」是也。」據此,是盛物方祭,非盛物或可不祭。 降也,卑微有所畏迫也。 君則祭之。」疏云:「言食於敵體之人。 非薄 盛 廢禮者也。 食菜羹,亦必祭之。 饌 臣於君則祭之者,《公食大夫禮 也。 祭之爲大,有所畏 ○注 若祭水漿,爲 一齊 嚴敬 又必致其

通。

改之。」案:

臧校是也。

 \Box

疏食菜羹瓜

祭」是也。」何

迫,

臣

於

大脈

食瓜者必祭用上環,而食其中忖。

食所以

《有祭者、《禮運》曰:「昔者先王未有火化、食草木之

食,即《曲

禮》所

削 瓜

瓜也」。

皇本作「苽」,此形近之誤

祭」字

當

爲

句。 굸

實,鳥獸之肉,飲其血,茹其毛。

後聖有作,然後修火之利,

知。 席。 次列成文。 筍 有蒲越、稟鞂、《玉藻》有蒯 中神坐之席,不言席身所用。 莞者,蒲類。繅者,削蒲蒻展之編以五采。 諸侯制同。 之筵席通矣。」謂散文「筵」、「席」得通稱也。《禮器》云: 也。」謂以席藉之於地也。 「諸侯三重,大夫再重。」據《司几筵》,天子亦三重,則天子 席、《玉 凡席之名、《司几筵》有莞、繅、次、蒲、熊,又有葦、 故《春官·序官》注云:「鋪陳曰筵,藉之曰席,然其言 席不正,不坐。正義曰:《説文》云:「席, 府 柏者,鄭司農謂迫地之席,康成謂椁字磨滅,藏 天子諸侯同是三重 》有 衽 席 越 即 席、《尚 凡先設迫 蒲 又《禮器》有越席,《郊特牲 越。 ,則士與大夫亦同是再重 書》有篾席、 稾 地 鞂 者爲筵,後 者 次者,桃枝席有 用 底席、豐席 禾穰爲之。 加 者 柏 爲 藉

敬。

今人讀

貌

物

雖 敬

肅

夫

或

有正席之禮。 席 以布爲之,加於席上。 者,刮湅竹席。 蒯 曲 有所移動 者,草名。 禮》云:「主人跪正席,客跪撫席而辭。」可 偏斜也。下文云「君賜食,必正席,先嘗之。」 篾者, 析竹之次青爲之。 夫子於席之不正者,必正之而後坐也。 筍者,析竹青皮。 凡皆諸席 異稱也。 衽者,臥席,其字從衣,疑 底 「不正」者,謂設 席,即 知凡坐時,皆 蒲 席 豐

之義。」所云「六尺」,亦大略言之。《王制》云:「五十杖於 春秋• 此文「飲酒」,亦是公酒。 之人,與下「鄉 家,六十杖於鄉,七十杖於國,八十杖於朝。」此行鄉飲,年 云:「此篇前後凡有四事: 六十以上有杖,即注所云「老人也」。 云:「鄉射、 族師》疏云: 説文》云: 杖者,老人也。 出,孔 異用》云: 鄉 子從而 人飲酒,杖者出 「杖,持也。」《曲禮》注云: 飲酒數事,爲國行禮,不可斂民,故得公酒。」又 人儺 州 「孔子以六尺之杖,諭貴賤之等,辨疏親 長、黨正 後 鄉 同。 出。」正義曰:稱「鄉人」者,言同 人 《周官 飲 ○注「杖者」至「後出」○正義曰: 有飲酒禮 一則三年賓賢能,二則鄉大夫飲 酒 之禮 ,斯出矣。【注】孔 酒正 主於老者。 皆得官物爲之。」然則 《禮 「杖可以策身。」《吕氏 》有「爲公酒者 鄉飲酒 老 》義疏 者 曰: 」**,** 疏 鄉 禮

則一 鄉之屬也。」又有别解云「或則鄉之所居州、黨,鄉大夫親爲 鄉人飲酒而出 鄉學之士將升者賢者爲賓,其次爲介,其次爲衆賓,皆是 禮主於養老。 謂之饗。 州序」之飲,同得爲鄉飲酒。 「飲酒」亦稱「鄉」者,黨、鄉之細,與州長「以禮 少者爲之,不得有杖者也。《禮》言「六十杖於鄉」,夫子與 者,與州長習射飲酒,無關養老。 知此「鄉人飲酒」爲黨正蜡祭飲酒也。 正》「正齒位」之禮解之,與此經有「杖者」同是敬老之事,故 四豆,八十者五豆,九十者六豆,所以明養老也。」注以《黨 十者立侍,以聽政役,所以明尊長也。 酒於序,以正齒位。」《鄉飲酒義》第五節云:「六十者坐,五 敬老。《黨正》職云:「國索鬼神而祭祀, 也。」方氏觀旭《偶記》:「此經云「杖者出,斯出矣」,是主於 尚齒之禮。 而言之,皆謂之鄉飲酒。 中 年一 ·賢者,三則 《説文》:「饗,鄉人飲酒也。 飲也。」段氏玉裁《經韵樓 以禮賢能,《鄉大夫》之職所謂「以禮禮賓之」者 「賓興賢能」之文,見於《鄉飲酒義》者,乃 後杖者,則 州長習射飲 鄉則三年一飲,州則一年再飲,黨 時爲立侍之衆賓可 酒 康成云: 也, 其賓賢能之鄉飲酒,則 四 集》説: [則黨 六十者三豆,七十者 若鄉大夫飲國中 「謂之鄉者、州、黨 從鄉食。 則以禮屬民,而 正 鄉 蜡 知。 祭飲 會民而 飲酒禮,古 會意。」其 《黨 酒。 射於 Œ 賢 用 總

是既醉 爲節。 語 又《族師 中 可 云: 矣」,所以 主人焉」是也。 》,蓋未是 民間自爲飲酒之事,其禮亦非養老,解者多援以釋《論 有盛德者。」是賓賢能 也。」注云: 「明日· 《雜記》云:『子貢觀於蜡,曰:「一國之人皆若狂。」』 而出 》有「春秋祭酺」、《詩・鳧鷺》箋有「祭社宗燕飲」、 爲異於人。」案: 息。《司正記》云: 之時,不復有先後之次,此夫子「杖者出 「先生不以筋力爲禮,於是可以來。 蜡祭飲酒,初 之禮,不主養老,故惟蜡飲近之。 方説即此注意。 雖 「徵惟所欲,以告于先生君子 ĭΕ ム 位,及其禮末,皆 《鄉飲 君子,國 酒 斯 以 禮 醉 出

「難問」之「難」, 寒氣。」」段氏玉裁《周禮漢讀考》:「案:「儺」,杜子春讀爲 難,以達秋氣。 春之月,命國難,九門磔攘,以畢春氣。 春「儺」讀爲「難問」之「難」,其字當作「難」。 注 : 階。」正義曰:《周官・占夢》云:「季冬,遂令始難敺 儺 「難,謂執兵以有 驅 鄉 逐 人難 疫 鬼。 季冬之月,命有司大難,旁磔,出土牛,以送 而鄭從之。 朝 恐 服 難卻也。 驚 而 先 故《占夢》、《方相氏》注皆云『難 祖,故 立 於阼 故書「難」或爲「儺」。 朝 階。 服 仲秋之月,天子乃 而 立 【注】孔 《月令》:「季 於 廟 之阼 曰 杜子 疫。」 :

> 卻。 南 于阼。」注云:「裼,强鬼也,謂時儺,索驅疫,❶逐彊鬼也 鬼。」段氏玉裁《周禮漢讀考》謂:「鄭從《古論》作「難」, 氣也。」「此難,難陽氣也。」難,皆當讀乃旦反。」案: 用叚借,未必爲誤字矣。《郊特牲》:「鄉人楊,孔子朝服立 爲「獻」,亦聲近之誤。」案:「儺」、「獻」既由聲近,「獻」字或 酒。」注: 亦爲「獻」也。 音,則當是乃多。 淆譌,音形俱失。」案:乃旦、乃多,一音之轉。 若以古正 牲》、《鄉黨》皆音乃多反。淺人反以「儺」爲敺疫正字,改易 竿》「儺」字之音。 宗依杜「難」音乃旦反,是也。 人改之加偏旁耳。 《舜典》「而難任人」,「難」亦謂屏卻之。 《魯》讀爲「獻」,今從《古》。十二月,命方相氏索室中, 「難」。 時 於《月令》「季春」、「季秋」、「季冬」注云:「此 譙 則訓》高 「獻,讀當爲「莎」,齊人語。 周《論 阮氏元《校勘記》:「《郊特牲》:「汁獻涚於醆 誘注:「儺,猶 語》注: 故《隰桑》以阿、難、何爲韻, 陸氏無識,於《方相氏》、《月令》、《郊特 《方相氏》疏引《論語》正作「難」。 「儺,卻之也。」並 戚衮音乃多反,乃《詩 除 也。 聲之誤也。」此讀「儺」 「儺」,讀「躁 鄭此注云: 同 杜、鄭之義 而 魯讀 難,難 難」之 儺 劉 逐疫 淮 昌 竹 後 陰

「索」下,據《禮記•郊特牲》注脱「室」字。

0

及人。 祀。」注: 亦曰 鬼名則曰禓,言驅除此鬼則曰儺,其後叚鬼名以爲祭名,則 祭也。 曰: 得大陵積尸之氣,氣佚則厲鬼亦隨而出行。」「季冬」注 則厲鬼隨 索室驅疫,逐强死鬼也。」此驅疫鬼稱「楊」之證。 道上也。」案: 氣右行。 本作「獻」,與《魯》讀同。 寵」,顔師古注:「裼,道上之祭也。」蓋驅逐彊鬼而祭之於 「裼」或爲「獻」,或爲「儺」。」段氏《説文》注疑 陰氣右行。 季春」注云:「陰寒至此不止,害將及人。 楊」爲「儺」,大誤。 鄉人楊」,言於儺時驅逐疫鬼,又兼驅逐楊,故即以「楊」名 獻」、「難」差近。 獻」、「儺」音理遠隔,記當本是「裼」字,從示易聲,則 ~。 「裼,自爲彊鬼之名; 所以及人者,陽氣左行。 《説文》:「裼,道上祭也。」《急就篇》「謁楊塞禱鬼神 此月之中,日行歷昴。 「微者、殷之八世孫也、楊者、强死鬼也、謂 《太平御 而 出 此月之中,日 任説是也。 行。」「仲秋 其説似是而非。 覽》五百二十九引《世本》云:「微作裼五 「楊」從易聲,自讀如「傷」也。 作「儺」,與《古論》同。 但彊鬼即疫鬼,不必分爲二。 儺,自爲攘祭之名。 」注云: 歷虚、 此月宿值昴、畢,昴、畢 昴有大陵積尸之氣,氣佚 危, 「陽暑至此不衰,害 任氏大椿《弁服釋例 虚、 危有墳墓四司之 所以及人者,陰 《郊特 《禮記》別 「易」聲 徐仙民 《月令》 時難, 性》言 亦將 云: 》説 言 亦 音 與 與

《論語 時 立于阼,存室神也。」注云:「存室神,神依人也。」疏云: 立於廟之阼階」〇 性》文與《論語》同 禮》注:「阼,猶酢 「阼,主階也。」《儀禮·鄉射禮》注: 月解之,又引《方相》文爲證矣。「阼階」者,《説文》云: 者,趁辭,非季夏亦有儺也。 廋 時作方相氏以難卻 冒 以索室歐疫。」注云:「方相,猶言放想,可畏怖之貌。 掌蒙熊皮,黄金四目,玄衣朱裳,執戈揚盾,帥 氣,爲厲鬼, 人,故云大難。」據此. 「大」者,以季春唯國家之難,仲秋唯天子之難,此則下及 「於阼」,本或作「於阼階」。」臧氏琳《經義雜記》: 也。 也。」此以方相氏兼 驅逐彊鬼,恐己廟室之神, 》疏反主季春,非也。 冒熊皮者,以驚歐疫癘之鬼,如今魌頭也。 將 隨 彊 也。 正義曰:《郊特牲》: ,亦無「階」字。」○注 凶惡也。 陰 ·則三儺惟季冬之儺通於上下,而· 有三難,而季冬爲大難。 出 東階,所以答酬賓客也。」《釋文》: 害人也。」 《論語 《周官》:「方相氏,狂夫四人。 ,時有驚恐,故著朝服立于廟之 《月令》季冬「命國難」。❶ 》儺在季冬,故鄭以十二 孔疏於 「阼階,東階。」《士冠 「恐驚先祖故 「鄉人楊,孔 「季冬」云: 百隸而 稱 時難, 「《郊特 子朝 朝 四 詩難 服 時 索 蒙 服 而

^{■「}冬」,據《禮記・月令》當作「春」。

手,首與凥平,故荀卿言『平衡曰拜』。 下堂而受命。」己使卑於君,受命既在堂下,則拜送 尤爲敬也。 皆空首也。」據王説 著地者爲「空首」。 於他邦,亦當有物,「人」指朋友言。皇疏以 或聞彼有事,使人問之。 首」爲「跪而拱手,首俯至手」,故對稽首之頭著地,而以不 《大祝》以「空首」爲「拜,頭至手」。 者,敬也。 ·人」爲鄰國之君,非也。 遺」、《曲禮》「凡以弓、劍、苞苴、簞、笥問人」是也。 「經中不見有「空首」之文,以或言「拜」,或言「拜手」, 其首空懸,故曰空首」。 「褒」讀爲「報」,報拜,再拜是也。」凡拜有奇有耦 問 「七曰奇拜,八曰褒拜。」鄭大夫云:「奇拜,謂 人於他邦, 《曲禮》:「君使反,則拜送於門外。 正義曰:《説文》:「問,訊也。」己或有事問 王氏鎏《正義》以「空首」爲 ,則此文「再拜」當爲空首之再拜矣。 凡問人,有物以表意,故「問」亦 再拜 「再拜」,即《禮》之「空首」。 三説不同,以 而送之。【注】拜 段氏玉裁釋「拜」,以「空 但以手據地,故曰拜 王爲允。 「問」爲聘問 「首俯而 己使歸,則 此問人 亦 送 親者 王又 鄭注 不至 必 一拜 使 訓 在

「其時使者不答拜,鄭注《儀禮》云「凡爲人使,不當其禮」送不出門,以彼例此,知亦不出門矣。江氏永《圖考》曰:主人展之,以授使者於阼階之南,南面再拜稽首,送。」是拜堂下,異於君使反送之禮矣。《少儀》:「凡膳,告于君子,

是也。」

《坊記》並同。《説文》:「饋,餉也。」《周官・玉府》注:「古 云: 《詩》「酌言嘗之」,與此文「不敢嘗」,皆謂飲之也。 字。 之。 藥從中制外,故當慎也。」案:「饋,遺也」者,鄭注《檀弓》、 肉之賜,弗再拜。」弗再拜,則祇用一 丸散之類。「拜而受之」,謂空首奇拜也。 養其不足者。 藥養其病。」注:「養,猶治也。 其故,故不敢嘗,禮也。」正義曰:《周官·疾醫》: 者致物於人,尊之則曰 類,用一拜,與前再拜異也。 「饋,遺也。 《説文》云:「嘗,口昧之也。」引申爲飲食之義。 曰:「丘未達,不敢嘗。」【注】孔 康子饋藥、【注】包曰:「饋孔子藥。」拜 五藥,草、木、蟲、石、 拜受,敬也。 獻, 通 《釋文》引 曰「丘未達」,言不服之義。 行 病由氣勝負而 日 穀也。」此 拜。 饋。」「拜受,敬也」者 一本無「而」、「之」 「饋藥」,亦酒 《玉藻》云: 「饋藥」,當爲 生,攻 曰:「未 鄭此 以 其 而 肉之 受 知

曰 : 文》:「遺,唯季反。 注「饋孔子藥」〇正義曰:皇本作「遺孔子藥也」。《釋 注》引楊氏曰:「未達,不敢嘗,謹疾也。必告之,直也。」○ 病宜以此藥服之、《曲禮》「醫不三世,不服其藥」是也。 達猶曉也,言不曉此藥治何疾,恐飲之反有害也。 上當有「饋」字,即邢疏所據本。 云「拜受」,亦似經文無「而」、「之」二字。 「丘未達」云云者, 「故」,猶言性 「大夫賜,皆拜受於家。」故此「拜受」爲敬也。 也。 本今無此字。」案: ○注「未知其故」○正義 無「遺」字,則「孔子」 服者,言 據鄭 《集

馬。 則不徒問人,此即《釋文》一讀之義。 也。 歸。」正義曰:《説文》:「廄,馬舍也。 《汗簡》引《古論》作「旮」,即「卺」省。 《釋名・釋宮室》: 焚,燒也。」《左氏傳》:「人火曰火,天火曰災。」二者皆稱 廏,知也。 「傷人乎」絶句, 揚雄《太僕箴》: 【注】鄭曰:「重人賤畜。 廄焚。 邢疏云:「「不問馬」一句,記者之言也。」《釋文》: 知,聚也。 子退朝,曰:「傷人乎?」不問 一讀至「不」字絶句。」此誤讀「不」爲「否 「廢焚問人,仲尼深醜。」以問人爲醜 牛馬之所聚也。」《廣雅· 退朝,自君之朝 ○注「退朝自君之朝 **管**,古文。從九。」 釋言》: 來

> 退也。 來歸 爲家廢矣。 新延廢書於《春秋》,此「廢焚」亦當書之。 僕箴》引此文,亦似指公廄,均與《雜記》異。 廄焚,孔子罷朝,問人不問馬,賤畜而重人也。」又揚雄《太 貢》篇:「孔子爲大司寇,國廄焚。」《鹽鐵論·刑德》篇: 云:「拜,謝之。」是「廄焚」爲夫子家廄之證。《家語 鄉人爲火來者。拜之、士壹、大夫再,亦相弔之道也。」注 來歸,明此「廢」爲夫子家廄矣。《雜記》云:「廄焚,孔子拜 □○正義曰: 夫子仕魯爲大夫,得有馬乘,故鄭以「退 《少儀》云: 「朝廷曰退。」言臣自朝廷歸爲 今既未書,知 但是公廄,則 朝 爲 • 子 自朝 官

《説文》、《字林》並作「胜」,云「不熟也」。」案:《説文》: 「牲」,今從《古》。」考《説文》「牲,牛完全也」,引申爲凡獸畜 星見食豕令肉生小息肉也。」此别一義,而 或兼有餕餘,故不敢以薦。 正義曰:「食」是熟食、雖爲君賜、然來自外閒、恐有不潔 之。【注】孔曰:「薦其先祖。」君賜生,必畜之。 君惠也。 生」、故多段「腥 君賜食,必正席,先嘗之。【注】孔 既嘗之,乃以班賜。」君賜腥,必熟 爲 胜 字。 「腥」者、《釋文》云:「腥音星 鄭此注云: 「《魯》讀「生」爲 與「胜」同从 曰:「敬 而

彼爲大禮,三者一

時

俱致,則

賜之禮

,在歸饗餼後,所

謂

聘禮

第

爲

鄰

國

君之所

賜

其

假

而 日

未核。

《聘禮記》:

設扃鼏、膷、臐、膮,蓋陪牛、羊、豕。」牲之已亨者謂之飪。 也。」凌氏廷堪《禮經釋例》:「君賜食,即《聘禮》所謂 云「養也」。《集注》云:「畜之者,仁君之惠,無故不 [器於大夫。]注:「腥餼不祭。」則明與此篇「腥」異矣。 餼也。」王氏瑬《正義》:「按:凌氏以「君賜」當聘禮,似 .鼎,二列。」牲之未亨者謂之腥。 西羊豕,豕西牛羊豕。」注「餼,生也。」是牲之生者 又歸聘賓、「餼二牢,陳于門西,北 「賜饔,惟羹飪,筮一尸,如饋食之禮 》所謂「腥」也。 「始養之日 「燕與時賜無 獨薦飪耳。 腊,設于阼 「畜」者、《詩・我行其野 賜 腸胃同鼎,膚、 義 鼎當内亷,東面,北上。 未 生」,泛説平 《聘禮》:「歸賓饔餼 賅 君賜 飪 畜,將用 -階前 數」也。 與腥,皆饔也。 意者,此爲尋常小 若本 生 之日 即《聘 國之君 西 鮮 時 魚、鮮 然以君賜 面 不 牲 禮》所 面 南 有所 飪 敢 必 了》傳 腊 陳 東 上 蓋 是 鄭 言 精 殺 《爾雅 官 君, 賜 若有將食者,則俟君之食,然後食。」又《玉藻》云:「若賜之 祭則先飯矣若爲君嘗食然」○正義曰:《士相見禮》: 不言「徧嘗羞飲而俟」者,以言「飯」,則餘可知。 此因君賜而薦,如嘗新,先薦寢廟,不爲祭禮也。 當得兼之。 藻》:「酒肉之賜,弗再拜。」並謂平時所賜。 肉事,則 賜予,其 有嘗羞者 食而君客之,則命之祭然後祭。 之食,則君祭,先飯、徧嘗膳飲 若爲君嘗食然。」正義曰:「先飯」,先嘗食之,謂 頒賜於人,恐褻君惠之意。 賜 「君惠」統三句言,惠即賜也。 肉脩,則饔人共之。」注云: ,惠也。」所見本異。 膳夫》: 君祭,先飯。【注】鄭曰:「於君祭,則 •釋詁》:「薦,進也。」此常訓。 聘禮 儀亦當準此。 則 ○注「敬君惠也既嘗之乃以班賜」○正 「凡肉脩之頒賜,皆掌之。」《内饔》:「凡王之好 俟君之食然後食,飯飲 外 君 賜 亦 證之以 己承君賜當先受之。 佸其 ○注 《初學記·人事部》引何曰: 中 孔 「好賜,王所善而賜之。」《玉 而俟。 子賜 也。」 「薦薦其先祖」〇正義曰: 先飯,辨嘗羞飲而俟。 而俟。」是 _ 案: 鯉 君命之食, 凡 事及穆公饋 祭,進熟食曰 王

如

飪

腥

二牢

鼎二七,

無鮮

魚

鮮

牲之殺者曰饔

也。

4

以

當碑,南

陳。

牛、羊、豕、魚、腊、

飪 謂

牢,鼎九,設於西階前

陪

也。

君賜腥

即即

《聘

禮

《論語》此文

義曰:

氏

是

也。

天

子 思

鼎

「餼

也。

凡牲,殺

曰

響,

生日

以言「牲」

爲

行

禮

時

所稱。

此

《周

官

庖

人》注:

牲」,故從《古論》作「生」也。

二禮文同,特

若

薦

○注「於君

食

黍稷

也

先飯

矣

侍食

於

若未嘗,不敢

禮,疏 所同; 嘗食也。」案: 此言『君祭、先飯』,則是非客禮也。 禮待之,則得祭。 君嘗食者」是也。 前之食嘗之,故曰「先飯」,且徧嘗飲而俟,即注所云「若爲 語》「君祭,先飯」,正以無膳夫在旁,君祭之時,夫子先取 徧嘗膳飲而俟,此則代膳夫之職,若爲君嘗食然也。 則於君祭之後,或於已承君命祭之後,取君前之食,先 者,俟膳夫嘗食畢,君已就食,命臣食而後 後,取己前之食, 於膳夫之有無無與也。 是不以客禮待之。 **儗於君,是以客禮待之,不命祭,則臣不得祭,臣統於君.** 《士相 君命食然後食」之文,詳略互見,正可參考。 先飯,示 則後祭。 庶羞 説稍 見》無 命祭不命祭,禮之所異。 泥。 則 爲 若臣 飲 君 君 命祭不命祭、《論語》無文,不得遽指爲非 嘗 鄭注《士相見》云: 客之」及「命祭」之文、《玉 ,俟君之徧嘗也。 雖得祭,又先須君命之祭,然後敢祭 侍君而 食 邢疏云:「若敵客,則得先自祭。 命祭者,於已祭之後,皆 故但有命食,而無命祭,二者皆爲侍 也。 惟有膳夫則不命祭者,於君祭之 此謂 賜之食,則不祭; 君 命祭,則君祭後臣 與之禮 將食,猶進食 「君祭、先飯、於其祭 故不祭而先飯,若爲君 食。 藻 食也。 若賜食 飯飲飲 **※**無 膳 蓋 謂 謂 命 而 君 膳宰 進 無膳夫, 亦祭,禮 食 降等之 俟。 而 庶 祭 禮 以 《論 食 飯 食 也 羞 也 客 客 君 俟 之 及

既 臣

> 臣 而 有膳宰、無膳宰定禮之隆殺,則有膳宰爲君嘗食,己 臣 嘗食,故此侍食得爲君嘗食之也。 無膳宰也。 侍食乃通名,客禮、 此則鄭注之誤不祭專爲侍食、又以客禮爲無膳夫也。 云: 有故,或設饌未畢, 祭之後,不命臣祭,臣取己前之食,飯飲 後敢祭,及臣祭畢,乃爲君嘗食以俟也。 無膳夫,君祭後,臣即 專侍食之名。 食也。」據注,以有膳宰,臣不得祭,爲用臣禮而不祭,遂 「不祭,侍食不敢備禮也。 食,臣先嘗之,忠孝也。」又注「若有嘗羞者」云云下,注云: 食」。」此注 膳宰嘗食,則臣 皆可代嘗,則鄭注 禮。 俟,正似客禮。 「雖見賓客, 今乃故反其説,亦理之所未達矣。 未誤。 蓋君禮食及平時常食,皆膳宰嘗食,然或 於是斷爲兩節,有客禮 不嘗 猶 無膳宰,則己爲君嘗食,同於膳夫,正 又於《玉 或監視加 臣禮分於命祭、不命祭,不分於有膳 不敢 所謂 食。 應祭,猶不敢備禮,故須君命之祭 備 「忠孝」,不嫌於越職矣。 不嘗羞,膳 藻》「賜 周 禮 饌,未得侍列,旁近之臣 也。 禮 》「膳 食」至 侍 嘗 夫授 宰存 食 食雖膳夫之職 、臣禮之分。 先飯 臣禮 則 而俟,名爲 祭 若然,《 也。 正不祭。 品 則有膳夫,君 」云云下,注 飯 嘗 膳 食,王 飲 客禮 若 但 侍 ,然凡 利 不知 皆 膳 君 膳 必 宰 食 似 飲 以 得 宰 伙 則 得 將 將 73

祭」也。 爲不敬,故曰「不可」者。」❷彼文言饗是己前之食,故已食 先飯,後亦可命祭。《玉藻》云:「侍食於先生,異爵者,後 記者,則見客於君者也。 之《經義述聞》:「《士相見》所記者,侍食之常禮;《玉藻》所 亦 不可更祭。 客禮,王氏且是之,誤矣。若然,《淮南· 但言「先飯」,其後命祭不命祭,俱不可知,而邢疏遽斷爲非 者嘗食也。」然則先飯後,不妨更取己前之食祭之。 祭先飯。」疏云: 亦通。至以邢疏「非客禮」之言爲是,則未然。 與見客於君之禮所異者,祭不祭耳,其餘則同。」王氏此説 以上文常食,已言「授祭,品嘗食」,故此不須言也。 而後饗則可,先饗而後祭則不可。」高誘注:「饗猶食也。 以爲「非客禮」,足以正鄭、賈之失。」又云:「侍食之常 「君祭」也。 無不可。 ❶「凡王祭祀,賓客食,則徹王之胙俎。」不言「嘗食」者, 二者不同,鄭 若先爲君或長者嘗食,後更取己前之食祭之, 客禮則 「此饌不爲己、故後祭,而 臣 注 亦得祭,故《玉藻》言『命之祭,然後 賈疏 常禮則臣不祭,故《士相見 彊合之,非也。 説 先飯者,示爲尊 山訓》:「先祭 《論語 凡客禮,雖 《論語》 王氏引 洲 》但言 禮, 疏

疾、君視之。東首、加朝服、拖紳。【注】

寢。 紳。 下,亦取十一月一陽生於北,生氣之始也。」毛氏奇齡《稽求 死於適室。」此記云「適寢」者,寢、室一也。 北墉下。」注:「將有疾,乃寢於適室。」疏: 親視疾及遺使來問之事。 記》:「君於大夫疾,三問之,士疾,一問之。」《荀子・大略 使人或親自問之,故曰「無算」。 篇》:「君於大夫,三問其疾,三臨其喪; 包 《雜記》云:「卿大夫疾,君問之無算,士一問之。」此通 無算」爲遺使、未然也。 曰:「夫子疾,處南牖之下,東首, 東首者,鄉生氣之所。 绅,大带。不敢不衣朝服見君。」正 《既夕記》:「士處適寢,寢東首於 蓋三問之後,若病未愈,君 墉下者,墉謂之牆。 賈疏以「三問」爲君自行 於士一 「《士喪》云:「士 若不疾,則 加 其 義曰:《喪大 問一 必在 朝 臨。 服, 北 在 亦 説 得 拖 而

《論語》與《儀禮》及《喪大記》皆云「寢東首」是不問遷臥與《内則》子婦事舅姑,亦「請衽何趾」是也。若君來視疾,則南首」是也。老者更臥,如《曲禮》少事長上,「請衽何趾」,無不東首者,惟大禮易衽,如《昏禮》「御衽于奥,則北趾而

篇》:「《玉藻》:「君子之居恒當户,寢恒東首。」是平時臥

寢

[「]宰」,據《周禮》當作「夫」。

[「]者」,據《淮南子》高注當作「也」。

鄭注 是也。 仍服玄端。 之文見於《曲禮》、《内則》,非必爲老者之更臥也。 皆作「拖」。 時齊服玄端,人來視疾亦然。 者皆齊 新衣是朝服者,據《司服》,士之齊戒服玄端,則疾者與養疾 衣者,謂更加新朝服。《喪大記》亦云: 『徹褻衣,加新衣。』 衣垢汙,爲來人穢惡之。」疏云:「徹褻衣,謂故玄端。 加於衾上也。 首」,則 君,故《論語 意所適,亦無定鄉。 之間,負西 「新衣」 拖」、「 三: 疾在平時當受生氣,曾面君 《説文》: 令東首 也。 扡 但《禮》言「寢恒東首」,明亦有不東首者,故「請 兼取謹終之義,蓋寢臥本以東首爲正也。 ,明服玄端矣。」案: 「徹褻衣,則 而 「拖」、《釋文》作「扡」,云「本或作拖」。皇、邢 及臨死,徹去玄端服,加以朝服,則二《禮》所云 》特箸其文。 阮氏元《校勘記》:「石經「拖」作「扡」。」案: 1者,以 向 字,本字作 《既夕記》云: 「拕,曳也。」《易・ 東,故 室 惟君來視疾,必正東首之禮,且 所加者新朝服矣。」必知褻衣是玄端 一制尊 當東首以 若《既夕記》、《喪大記》所云「寢東 挖, 西。 以 「徹褻衣,加新衣。」注云: 疏語推之,人平時 君來視疾,易以朝服, 君苟 故 示面 訟》上九鄭注:「三拖,三 而受生氣乎?」案: 《漢 入室則 君之意,並 書 龔勝 必 在 服深衣,疾 傳 非受 奥與 加 》作「拕 病者 君去 可 毛 生 屋 加 「故 者, 衽 惟 本 新 面 説 氣 漏

勝何以 之體 也。 義也。 使 以 東首於北墉下」,室中以奧爲尊,君視臣疾,儘可主奧,不 下,欲令南面視之」是也。 子自牖執其手」,故解此爲南牖下也。 户 勝傳》:「莽遣使者奉璽書印綬立門外,勝稱病篤,爲牀 與「袉」同,袉即是裾。 文作「袉紳」。 比士爲長,今無文以明之。《説文》又云"「袉,裾也。」引 士禮推之,此拖紳之下至足,餘一尺五寸。其大夫紳制, 下四尺五寸,分爲三分,紳居二分,是爲三尺。若然,則 游曰:「參分帶下,紳居一焉。」」孔疏謂人長八尺,大帶 謂引紳於心下垂之。《玉藻》云:「凡侍於君,紳垂。」此 至「見君」〇正義曰:云「處南牖之下,東首」者,《漢書 加之也。」皇 問 南 中西南牖下,東首, 錢氏站《後録》據《士昏禮》「纁裳緇紽」,紽爲裳緣,謂 疾 面爲尊。 上,而牽引大帶於心下,如健時著衣之爲。」案: 《玉藻》云:「紳長制,士三尺,有司二尺有五寸。 居牖下 無 數 疏 党將 若因君視疾之故而遷牖下,則君視大夫及 段注謂許所見本作「袉」,叚借爲「拕」字 云 · 也 ? 展爲遷 「孔子 蓋伯牛有惡疾,恐人來視己,不便 加朝 此則穿鑿,非其理矣。 動耶? 既 然《既夕記》、《喪大記》皆 服挖紳。」文前篇 病,不 能 必不然矣。 復著 皇疏引樂肇 衣,故 「伯牛有 然則 ○注「夫子」 加朝 伯牛、 日 言「寢 拖 服,覆 疾, 南 紳 壟 子 牖 此 當 其

之。 大帶之垂者謂 《説文》訓同。 上服用二 重也。」《禮》有二帶: 室,故遷於牖 牖下」,其義已明。 傳誤爲「北牖」,故解此爲 於牖下,皆禮之變,不可以解此文也。 王氏鎏《正 帶,深衣用 下。 《玉藻》注云: 之紳, 義》: 龔勝不欲仕莽,辭以 注言 革帶之垂者謂之厲,革 革帶而 「紳爲帶之垂者,又即爲大帶之名。 一大帶,以絲爲之,一革 「南牖」者,以《喪大記》「北墉下」, 南牖」也。 己。 「紳,帶之垂者也。 朝 服 不敢當尊之意,故 云 拖紳, 室中止 「紳,大帶也」者, 帶又謂之鞶。 則不必有革 帶,以皮爲 一牖 言其屈而 但言 亦

曰 : 駕,顛倒衣裳而走,禮也。」〇注 其官召之也。」《荀子 俟駕而行,然則孔子非與?』曰: 注:「俟,待也。」又《萬章》篇:「萬章曰:「孔子,君命召,不 以三節,二節以走,一 (孟子・公孫丑 命,出 説文》: 君 命 行而車駕隨之。」正義曰:《玉藻》云:「凡君 召,不俟駕 駕 篇: 馬 **汽在軛中** 節 「《禮》曰:「君命召,不俟駕。」」趙 以趨,在官不俟屨,在外不俟 大略篇》: 也。 行矣。 「軛 「出行而 「孔子當仕有 加 「諸侯召 於馬頸 【注】鄭 車駕隨之二〇 馬 其 曰: 臣,臣 官職,而 在 軛中 「急 車。」 正 不 則 義 俟 以 岐 召 趨

> 爲駕車。 家人必亦速駕,隨出及之。 可知大夫不可徒行, 而 此承君命 召,急迫 先行,其

於館 所在殯之,不迎於家也。 館 志》: 尸焉」,所謂殯也。 廟 云「呼而殯之」者,此釋經「曰」字,其殯資皆出自夫子,就其 不謂己殯迎之也。 歸」者,雖非館 朋友之恩。 與前篇别出。 '生於我乎館,死於我乎殯。」」彼謂 殯,死在棺,將遷葬柩,賓遇之。」《士喪禮 ,皆當停柩于何所? 也。」朋友死,無所 也。 問: 人太 朋友死,無所歸,於我殯。 廟,每事問。 無所歸,言無親 皇本有鄭注云:「爲君 亦殯之。 《檀弓》:「賓客至,無所館。 館 而 答 曰: 殯之者,殯之而已,不於西階也。」 若館而殯之,不於西階,則但殯之 《檀弓》、《論 歸,曰: 正 朋友無所歸,故呼而殯之, 昵。 義 日 : 「於我殯。」【注】重 館 Œ 若此者,當迎彼還己 助祭也。 語》 而 義曰:《説文》云: 此 殯之,此 文互 注 弟子 「棺在 相 類記 太 夫子 則 足。 廟,周公 肂 行 無 日 中 所 歛 鄭

也

獻車 曰:「不拜者,有通 馬 朋 者執策綏。」又云: 友之饋 雖 車 財 之義。」正 馬 「效馬效羊 · 非 祭 者右牽之。」《坊記 肉 義 曰:《曲 了,不拜。 禮 * Z (注)

孔

正義卷十三

車 「父母在,饋 ,饋之重者,車馬不拜 獻不及車馬。」是 則他 饋 朋 自 友饋 非祭肉皆不拜 禮 有車 馬 可知 也。 夫

寢不尸,【注】包曰:「偃

臥

四體,布展手足似

知。 仰仆皆曰 死無所主,以是爲主,故曰終主。」即 之形。」「屍,終主也。 布展手足似死人」○正義曰:《書鈔・禮儀部》七引鄭此注 容。』《釋文》:「依注當作「客」。」皆其證。 儀。」夫君子物各有儀,豈以 石經亦作「客」。 疏」,或「容」爲「客」字。 《莊子・天地》篇: 「此謂德 正義曰:《釋文》云:「「居不客」,本或作「容」,羊凶反。」唐 死人。」居不容。【注】孔曰:「爲室家之敬難久。」 ·客」。案:「容」、「客」二字,形近易譌。《祭義》「容 眠當欹而小屈」,謂足小屈也。 偃臥」者、《説文》: 「惡其死也。」義與包同。 義 曰: 今養生 偃。 《書鈔• 亦 四 臧氏琳《經義雜記》: 如 體 禮儀部》七引作「鄭注」。 此 「偃,僵也。」《左傳》: 從尸死。」義同。段氏玉裁注云:「方 説 謂二手二足也。 0 私 《説文》云:「尸,陳也。 注 居廢乎?」是當從陸 夫子曲 孔 日 此注所謂「死人」也。 「邢疏云: 『不爲容 爲 肱而枕,則側臥可 皇疏言人臥 「偃且射子鉏。」凡 室家之敬 ○注「偃臥 臧氏琳 日 難 法,云 象臥 人之 以 氏 四 二謂 久 遠 作 體

因一家之人,難久以客禮敬己也。」

詁》: 服,説見前《子罕》篇。《洪範》:「貌曰恭。」恭者,禮也。 親習之人,亦變容待之者,哀敬之異於常時也。 素 注以「禮」釋之,與「必變」亦互文。 「數相見」。或謂褻爲私居,非也。 數相見必當以貌禮之」○正義曰: 黨》篇亦然」五字,疑亦鄭注。今輯本全載鄭注如 曰:「褻,謂數相見,必當以貌禮之。」正義 五字爲陸氏語。 云【《魯》讀「弁」爲「絻」,今從《古》」。《鄉黨》篇亦然。」「《鄉 「見」上有「子」字。《子罕篇》釋文云:「「冕」,鄭本作「弁」, 親狎。」見冕者與瞽者,雖褻必以貌。 「狎,習也。」《説文》:「狎,尤可習也。」●夫子於 見齊衰者,雖狎 ○注「狎者素親狎」○正義曰:《爾雅 必變。 「褻」與 「冕」與「絻」同,亦是 【注】孔 「狎」同,故 曰: ○注 **E** 前, 【注】周 狎者 皇本 則此 解 褻 素 故 爲 謂 所 釋

曰: 服 者 阮氏元《車 送 凶服者式之,式負版者。 死 之衣物。 制圖解》: 負版 「輿前 者,持 衡木謂之式。」自注: 邦 國 【注】孔 之 圖 曰: 「《考 Œ 凶

0

於禮

器

圖。 則

此《司

約

》所

謂

小

約

劑

書

於

丹圖

籍」,

即

典

籍

之「籍

孟

子言諸

侯

如民

約

書於户

П

圖;

地

約,則

書於

土

地

圖;

器

民、户口、車服、禮器、皆

人也。」「圖籍」者,

惠

氏

士奇《禮

形正方也。

鄭此注云:「版謂邦國圖籍也。

百名書于方。」策以

竹爲之,方以木爲之。

身,以手伏軾,《曲

禮

》所謂

「撫式」是也。

説文》:「軾,車

前也。』《釋名·釋車》:

「輔、大也。

片」,非也。

版

「版,判

(也。」判木爲片,名之爲版。

之形,在前可憑式者,固

是式。

左右曲·

尺三寸,其兩旁居輢板上,則須揉治而

識之。

T.

記

≫ ⊟ :

三三分

其

隧,

在

前,二

在

後,以

揉

策。」鄭注:「方,版也。」《聘禮記》:「百名以上書于策,不及 式所敬者也。」古人車皆立乘,若有所禮以爲敬,則微俯其 可憑左手,右人可憑右手者,亦是式。」案:「式」又作 二在後,則輢深也。江氏永《圖考》:「式是揉木作 「以其廣之半,爲之式崇。」是式長與輿廣等,崇于軫三 又名方。《中庸》云:「文武之政,布 有圖,丹書之以爲信,謂之丹 説》:「古者邦國土 段氏玉裁改「判」爲 去其籍,晉有籍 向後,接兩輢,左人 「負版」者、《説文》 稱方者,當謂 負之者,賤 在前 其式。こ又 者與?」 約,則 所伏以 地、人 戴。 在 ,即式 圖。 氏 隸 書 其 方 曲 盛饌, 【注】孔曰:「作,起也。 也。 者矣。 子式圖籍,非式所負之人,若其人,不過 籍兼方策二者 禮 夫子必變色而 饌變。」此侍長者食禮。 主人之親饋」○正義曰:《曲禮》云: 故解爲手持,亦引申之義。 曰賻」,皆送死者衣物也。 空亡也。」《穀梁傳》「乘馬 曰:《説文》:「凶,惡也。」《釋言·釋言語》:「凶,空也,就 文「見齊衰必變」已言之,此不應 版籍之版,乃喪服之版。 雖負販者,必有尊也」之「販」,則 正義》引葉少蘊云「喪服有負版」,翟 隸」,謂隸於官府有職業者也。 》疏云: 「負」訓持者、「負」本義置之於背,而圖籍非可負之物 亦不起 翟氏及或説並誤。 「饋謂進饌 矣。 起,所以敬主人也。 而 《曲禮》云:「侍食於長者,主人親饋,則 言, 也。」有盛饌,當兼親饋,若不親饋,雖 啚 籍 若食於同等者,雖盛饌,或不起。 則不知喪 曰賵,衣衾曰襚,貝玉曰含,錢 哀敬死者,故送死者衣物亦式之 敬主人之親饋。」注「作起也敬 非 〇注 有盛 止 《周官》謂之胥徒,鄭以 「凶服」至 通 重述。 物, 注言「主 血饌,必 服 衢市賈 「食至起。」注云:「爲 申 負 公巽謂式負版者,非 賤 版 鄭 或又讀 隸人耳。 即 義 人親饋 變色而 將有不勝 圖籍」〇 者 二衰之制,上 未 爲《曲 」者、《曲 能 王氏 備 Ē 作。 爲 禮 矣。 財 禮 鎏 夫 義

三三九

拜

而

食

主人不親

饋

則

不

拜

而

食。」《坊記

主人親饋則客祭,主人不親饋則客不祭。

雖美不食焉。」據此,則親饋乃爲禮盛,不祇在食品之多備 故君子苟無 故 食 禮 禮 知。 軨效 「君出就車,僕并轡授綏。」疏云: 「正立」者,正身而立,不必皆四 駕、奮衣由右上。」言僕由右上,則 「綏有二: 正 凡乘車 也。 曲 是正綏, 者,當由 禮》又云: 疑君 左

四

銘》: 執綏者,防有攀陟傾跌,故注云「所以爲安也」。 「把」與「靶」同。 「正位受綏,車中 綏系於車中,人將升車,援之以上。 内顧。」「正位」即正立。 崔駰《車左 言 一受綏 所以

云:

《玉藻》云:「孔子食於季氏,不辭,不食肉而

漁。」注

之升;

一是副緩,儗僕右之升。」《説文》:「緩,車

中

把

「以其待己及饌非禮也。」《雜記》:「孔子曰:「吾食於

少施氏而飽,少

施氏食我以禮。

吾祭,作而辭曰:「疏食、

不足祭也。」吾飧,作

耐

辭

曰:「疏食,不敢以傷吾子。」」」此

儀也。 賈子《容經》:「立乘以經立之容,左持綏而左臂詘。」是其 陳祥道《禮書》: 「其既登也,正立執綏。」引《左 傳

文别言「車中」,則正 范鞅逆魏舒,請驂乘而持帶」爲證。 立執綏 非 在既 升後矣。 案:此言「升車」,下 陳 説 似 是而

烈〇

Œ.

義

曰:「敬天之怒」、《詩

板

》篇文。

《爾雅

釋

日

「敬天之怒。

風疾雷爲烈。」注「敬天之怒風疾雷爲

即

少施氏親

饋爲禮盛

迅

雷風烈,必變。

【注】鄭

者,謂自僕手受綏而執之也。

升車

在

左,故

於車

左銘之。

物者也。」「烈,火猛也。」《方言》:

「烈,暴也。」「迅」、「烈」二

雷之急激者謂霹靂。」《説文》云:

「雷,陰陽薄動

雷雨

生

「迅,疾也。」此常訓。

《釋天》云:「疾雷爲霆。」注

云:

文本通稱,故

注互言之,日

「風疾雷爲烈」也。

《玉藻》云:

若有疾風迅雷甚雨

,則必變,雖夜必興,衣服冠而坐。」

非。 車中,不内顧,不 · 疾 言, 不 親 指。 【注】包

曰: 穀。」 「車中不内顧 正義曰: 鄭 注云: 者,前 「《魯》讀「車 視 不 過 中 衡 内顧」,今從《古》。」 軛,傍視 不 過 輢

案 : 鄭從《古》作「不内顧」,與下二句 例。 漢·成帝紀贊

何 ? 此文亦用《古論》。 仰即觀天,俯即察地,前聞和鸞之聲,旁見四方之運 《白虎通 車 旂 篇: 車中 ·不内 |顧者

引

綏,所 升」者、登也。 升車 以爲安也。」注 ,必正立,執綏。【注】周曰:「 凡升 車,皆自車後。 「必正立執綏所以爲安也」〇 曲 禮 || 云: 必 僕展 正 Œ 立

 \Box

執

本亦作 容。」段 以爲注, 言傷 爲 車中内顧。」李善引《魯論語》及崔駰《車左銘》「車中内 能常正,若轉顧見之,則掩人私不備,非大德之所爲,故不 也 此 語 記》:「《文選》張平子《東京賦》云:「夫君人者,黈纊塞耳, 包氏是《魯論》,當作「内顧」,無「不」字。 右皆有板,而缺其後以升下,則與今之後襠車略同。」按: 也。」案: 在車上言易高,故不疾言,爲驚於人也。 上,若無事,虚以手指麾於四方,是惑衆也。 ·箴闕旅賁,内顧自勅。」《車後銘》云:「望衡顧轂,允慎兹 親」,疑即「妄」字之誤。❷ 賦》及注俱增「不」字,此但知今所讀之本,而不知 也。 》之本無「不」字也。 車教之道。」亦《古論》説。 戰」○正義曰:皇本作「輿中」,云「車牀名輿」。《釋文》 疾 升在車上,不迴頭内顧 也」。 若膺云: 興 故 正以《魯論語》作 「親」字義不可 衛瓘曰『不掩人之不備也」。」又云:「疾,高急也。 中」。 車 上既高,亦不得手有所親指點,爲惑下人 「觀此 江氏永《圖考》曰: 崔駰《銘 一章,益 解。 内内 鄭彼注云:「爲惑衆。」蓋人在車 皇 [《]曲 也。 顧一, 疏: 可 着 證 禮》云: 所以然者,後人從己,不 三章。 與 内 **汽車** 「按車輿之制, 此 猶 左銘》之爲「内 盧氏文弨《鍾 故繆協云『車行則 合也。 其《車右銘》云: 「車上不妄指。」 後 ○注「車中」至 也。 乃刻 顧 ,前與左 《魯論 "迴 本 山札 顧 顧 於 顧 2 0 云: 九

居前之一,承較者也。 《魯論》「内顧」,今本亦妄增「不」字。 辭,正是收視反聽之義。 即此注之義。《東京賦》以「黈纊塞耳,車中 《魯論》説,今本亦多「不」字。」案: 前視不過衡軛,旁視不過 過輢轂」也。」邢疏: 不過衡軛之類也。 轅端也。 字,經注兩不相合,可謂謬矣。 之《論語》,亦無「不」字。 師古注云:「今《論語》云『車中内 矣。」」又案:《漢書 魯論》爲説也。 丈九尺地也。 「升車,必正立,執綏,内 若前視,不得遠,故《曲禮》云『立視五巂』。 「式視馬尾」,馬尾近在車 包氏慎言《温故録》: 旁,謂兩邊 「《曲禮》云: 成 轂 帝 《集解》用包注,而後人妄增「不 輢轂,與此不同。」然則 在 説 紀贊》:「升車 箱外 顧。 者云云, 也。 又《漢書 「立視五萬,式視馬尾,顧 不 當 '顧』。 《車後 輢豎 掩不備,不見人短。」亦 人兩邊 皇疏 乃 包 在 「《風俗 内 • 成帝紀贊》注引 Œ 銘》「望 牀 申 車 咸 顧者,説 立,不内 ,故云「旁視 内顧」,相比 欄 注云:「 注, 箱 間 兩邊,三分 通• 工衡顧轂 是 師 也。 包亦 古所 者以 .傾。 過 衡軛 Ŧi. 並 萬 譽 不 爲 見 是 依 爲 顔

- 「迴顧」之「顧」,皇疏作「頭」。
- 「袰」,从女,與「妄」形近。」「親疑即妄字之誤」,孫校:「絳帖摹《詛楚文》「親」字作

也。 視,則言「仰不上于面」。 之度,三丈三尺,則此注所謂「前視不過衡軛」也。《埤 尺而大之,六六三十六,三丈六尺。」即此是也。 不過轂。」注云:「立,平 寸, 駑馬之衡,高六尺有七寸。」以中言之, 衡高七尺七寸, 説見《大略篇》。楊倞注以爲臣於君前視法,殆未然。 寸爲三尺。 不過衡軛耳。」案:邢疏本於《曲禮》孔疏。 總爲十六步半,則在車上得視前十六步半也。 三六十八,得一丈九尺八寸。 人長八尺,則高與人目略平,故曰 前視不過衡軛」者、、禮》言中人之制,此言聖人之行,前 車輪一 「乘車之輪,六尺有六寸。」五六三十,積尺爲三丈,積 所謂 「國馬之衡,高八尺有七寸, 衡視也,國 周爲一規,乘車之輪,高六尺六寸,徑一圍三, 則五巂之袤,三丈三尺。《荀子》: 君綏視,言「俯不 -視也。 互相備也 五規爲九十九尺,六尺爲步, 巂 猶 「前有錯 田馬之衡,高七尺有七 規 也 下于帶」; 謂 衡,所以養目 陸佃《埤 輪 「立視前 而此注云 按《荀子》 轉 大夫衡 之度。」 五傷 雅 雅 六 視

之。」翔 不專指雌雉 正義曰 色斯舉矣、【注】馬 而後 言。 此二句 集。 王氏瑬《正義》引真德秀説: 先經起義,乃記者之辭。 【注】周 曰:「見 曰: 迴 顏 翔 審 不善, 「色斯舉矣 觀 泛説 而 群鳥, 後 則 下 去

《竹邑侯相張壽碑》:「君常懷色舉,遂用高逝。」《堂邑令費 也。 此。 得其時,故歎之。 正 猶鳥也,駭則舉。」哀六年《公羊傳》曰:「諸大夫見之,皆色 進易退之義。 之,三嗅而 翔 正 色斯高舉。』」案: 鳳 也,翔而有集,色斯而舉。』《議郎元賓碑》: 多以「色斯」二字連讀。《論衡・ 然而駭。」何注曰:「色然,驚駭貌。」義 斯,猶色然,驚飛貌也。《吕氏春秋·審應》篇:「蓋聞君 謂人色,色有不善,則鳥見之而飛去也。 辭 去之速也。 木上也。 碑》: 義曰: ·而退」,雖相見聚會之間,猶謹諸此。」案:真説即君子難 即 言彷徉也」。 王氏引之《經傳釋詞》:「色斯者,狀鳥舉之疾也。 曰 **:** 是「審觀」, 「色斯輕翔,翻然高絜。」《費鳳別碑》: 「功成事就 《説文》: 集,雧或省。」引申爲凡鳥所止處之稱,故注訓 翔而 作。 山 ○注「見顔色不善則去之」○ 後 故增 王説 梁 《曲禮》鄭注:「行而張拱曰翔。」注以 「翔,回飛也。」《釋名•釋言語》:「翔,徉 集,就之遲 (注)言 子路以其時 雌 成 亦通。 其 雉 義。 山 ○注 也。 時 梁雌 《説文》又云: 哉 定賢》篇: 物,故 迴 古人所謂 時 雉 翔 與此 得 哉 審 人去危就安,亦 共具之,非 觀 其 相近也。 三二揖 「翻署色斯。」 「大賢之涉 正義曰: 八時,而 而後下止 **雧**,群 子 而 進, 亍 迴 共 不 色 世 人 子 如

也。

集注

<u>*</u>

劉

聘

君

曰

「嗅

當

作

「狊」,古閴

反

張

小,不欲夭物,故復釋之。」「揜」即是「拱」。 又作「供」。」皇本作「供」。 則今本重者,乃《釋文》所載 傳》注、《太平御覽》九百十七並引此文,「時哉」二字不重。」 述經,俱兩言「時哉」。 氣通天論》: 意,不苟食,故 山梁」之義,與鄭同異不可 橋 爲 審己》篇: 對雄爲鳥父言之。 注並云: 「拱,執也。」意者,雉正倦 羽 良。 《釋文》云:「『時哉』,一本作『時哉時哉』。」皇、邢 《説文》云:「梁,水橋也。」「橋,水梁也。」山梁則 「粱」。 族部》並 以 通 鄭 而旋即釋之,於是雌 「膏梁之變。」又《通評 《淮南 굸 人行 「梁,粱也。」是「梁」亦通 「故子路揜雉而復釋之。」高誘注: 三 引作「拱」。 孔子 也。 嗅 阮氏元《校勘記》:「《後漢書 而 齊 雌 雉者、野鳥。 Щ 作 俗 《藝文類聚· 行,見 知。 雉」者、《説文》云: 訓 起 案: 本也。 也。 飛,子 雉 今解者多爲 「芻豢黍梁。」《素問 作 雉 虚 駭然驚顧 Œ 《釋文》又云:「共,本 食梁粟 拱 《爾雅》、《説文》具 實論》: 路 義 「粱」。 揜 鳥部上》、《太平御 是 曰 : 而 也。 也。」是 執之,此 《釋文》: 「高梁之疾。」 《爾 「橋梁」,其 遂振 《集解》不釋 雌 《吕氏 「所得 雅 迅 班 鳥 鄭 而 亦 <u>П</u> 者 疏 起 隨 春 固 載 13: 説 生 以 Ш 論》云: 孔子。 **橋**,魚 雉 0 即 臭」。 翅 也。 是

其名。 也。 澗中 王砅

亦

通。

《述何篇》:「孟子曰: 《五經文字》此字尚作「臭」也。 臭,臭亦聲。」説文無 禮,而歸之時中,禮以時爲大也。」〇注「子路」至 久,可以速則速,聖之時者也。」《鄉黨》篇孔子言行 録》以爲孟蜀刻字經三寫,不能無誤,其信然矣。 文》訓「犬視」,亦驚顧之意。 也。」何注本此。」案:《説文》: 正義曰: 「嗅」正字。 時月之味,故馳逐驅拍 日 唐石經「臭」字左旁加「口」作 見《爾雅》。」」考《爾 嗅,謂鼻歆翕其氣也。」焦氏循 『利爵之不醮也,成事之俎不嘗也,三臭之不食也 須,鳥曰臭。」並動走之名。 皇 疏 《集注》引石經又作「戛」。 云:「子路不達孔子『時哉』之嘆,而謂 「嗅」字,「嗅 『可以仕則仕 雅 其字與「臭」相似,故相沿譌 遂得雌雉,煮熟 然《玉篇》已引作 「 齅 釋 即 ,可以止則止,可以 뾆 臭 「狊」字從目從犬、《説 ,以鼻就臭也。 補 * : 「嗅」,則 別體 疏》 錢氏 潤 而 「《荀子・禮 進 大昕《養 後 E 「齅」,「 劉氏 人所 釁, 以以 从鼻从 皆準 起 久則 供 嘆 逢 人 齅 改 也 平. 禄 日

盱 胎 吴 炳 和 校 刊 **秋**

覽

詁

三四四

論語正義卷十四

寶應劉寶楠學

先進第十一 集解

説。朱子《集注》則「德行」章、「回也」章、「論篤」章皆章云「或别爲章,今所不用」,亦是依《集解》,故不用或章。然《集解》本各自爲章,故不引鄭説,則此所云「二章。然《集解》本各自爲章,故不引鄭説,則此所云「二章、然《集解》本各自爲章,故不引鄭説,則此所云「二章、八二十三章,

後輩。禮樂因世損益,後進與禮樂俱得時之中,斯禮樂,君子也。 【注】包曰:「先進、後進,謂仕先子曰:「先進於禮樂,野人也,後進於

别章,凡二十六章。

《書》禮樂以造士。 野人,粗略也。」鄭此注文不備,莫由知其義。 愚謂此篇皆 用人之法,皆令先習禮樂而後出仕,子産所云「學而後人 學,見大節焉,踐大義焉。 十有三年使入小學。見小節焉,踐小義焉。年二十入大 王大子、王子、群后之子以至公、卿、大夫、元士之適子, 後禄之。」《尚書大傳》:「古之帝王者,必立大學、小學,使 於王,而定其論。論定然後官之,任官然後爵之,位定然 升諸司馬,曰進士。司馬辨論官材,論進士之賢者,以告 皆造焉。凡入學以齒,大樂正論造士之秀者,以告于王,而 大子,王子,群后之大子,卿、大夫、元士之適子,國之俊選 此也。《禮·王制》云:「樂正崇四術,立四教,順先王《詩 此文,則「先進」、「後進」皆謂弟子受夫子所施之教,進學於 軍文子》篇:「吾聞夫子之施教也,先以《詩》世。」盧辯注引 説弟子言行。「先進」、「後進」即指弟子。《大戴禮 古風,故從之。正義曰:鄭注云:「先進、後進,謂學也 從先進。」【注】將移風易俗,歸之純素。 君子矣。 大師取大學之賢者,登之天子,天子以爲左右。」是古 先進有古風,斯野人也。」如用之,則吾 春秋教以禮樂、冬夏教以《詩》《書》。 小師 取小學之賢者,登之大 先進 衛將 Ŧ 近

皆世

爵

禄,

生

而

富貴,以

爲民

上,是謂

君子。

説皆得

之。

旧

進 自

」、「後進」指弟子,而以 盧辯《戴記》注發之,而後

進

」爲仕

進,以

「從先進」

人莫之能省。

至邢

疏 但 爲

知

先

素,猶依注説爲之。

宋氏翔鳳《發微》謂先進

,爲士民

有德 歸淳

者,登進,爲卿大夫自野升朝之人,後進,謂諸侯、卿大夫

也。 質,子貢即深斥之。 稱爲「彬彬」、所稱爲「從周」者不合。 則 尚質之論,皆是救 代,郁郁乎文哉! 野,文勝質則史,文質彬彬 子同時人。 疏 稱後進爲君子,是其禮樂俱能因 文,文勝 進」,是「進」有仕義。 樂正論造士之秀者,以告于 子,尚未爲是。 以 筴,傳以告後進。」又云:「故傳之簡筴,傳以告後世人。」是 也」〇正義曰: 後進與禮樂俱得時之中」者,「與」即 一禮樂因世損益」者,禮樂隨風俗爲盛衰,故質勝當救之以 先進」、「後進」謂人之先後仕者也。 甯從儉從戚,亦以 申此注,謂先進當襄、昭之世,後進當定、哀之世,皆謂 進 若顯然舉 」爲仕進,「 當救之以質,是於文質二者之中,或 案: 夫子論文質,甚貴時中,故曰「質勝 中 故略本 以「先進後進爲仕先後輩 先進」爲殷 時之法。 吾從周」。 道稱爲君子,而不欲從之,則與平 若如 二者俱不得中,故甯從質勝,不從 《管子· 諸 此注所 義 ,然後君子」。 如奢 主,曰 別爲釋之。 法,「先進」、「後 宙合》云: 此文亦是得中之文,其 云 儉易戚,俱爲失禮。 世損益 進士 則 下篇棘子成欲棄文從 言「輩」者、非一之辭。 「於」字之誤。 夫子正 」、《孟子》言「治 ○注 ,得時之中 「是故聖人傳 」者、《王制》言 又言「周 進 先進 與棘子成 損 俱 或 監 也。 不 言夫子 至 益 文勝 夫子 有爲 之簡 時 文 兼 於 也 則 弟 夫 則

書也。

當時子路

冉有皆已仕

,未遑禮樂,而夫子以禮樂爲

且以

「有民人社稷,何必

讀

書乃爲學」。

讀書者,讀禮樂之

多是未學,故亟亟以禮樂教之。

出

成於樂」,即是從先進。

而冉求則以「禮樂願俟君子」,子路

所云「興於《詩》,立於禮

子、冉求諸人,又云「文之以禮樂,可爲成人」。

此四人先已

仕,若文以禮樂,則亦後進於禮樂之君子也。夫子弟子

之稱也。

觀子路問

【成人,夫子答以臧武仲、孟公綽、卞莊

卿大夫皆世爵禄,皆未嘗學問。

及服官之後,其賢者

思

野人者,凡民未有爵禄之稱也。

爲禮樂之事,故其時

後進於禮樂爲君子。

君子者,卿

大夫 則 政

者

也。

其國之俊選,不嫌有卑賤,故王大子等入學皆以

齒

所謂

「天子元子視士」者也。

夫子以先進於禮樂爲野

春秋時,選舉之法廢,

重,故

欲從先進,變當時世爵禄之法,從古選舉正

制

也。 人

用之」謂用其人也。

後進於禮樂,雖亦賢者,然朝廷用

當依正

制,且慮有不肖濫入仕途也。

此章之義,沈薶千載,

三四 Ŧi.

四

六

見,而奚其可哉

子據《論語 葉公兼治之。」夫子自陳如蔡,就葉公耳,與蔡國無涉也。」 諸梁致葉於負函。」●《十六年傳》云:「葉公在蔡,蓋故蔡邑 如 蔡地皆屬於楚。 在哀四年自陳適蔡時 間 至陳、蔡之間。 陳相近,新蔡在陳南。 始封在今汝寧之上蔡縣,其後平侯徙汝寧之新蔡縣,皆與 陳、蔡之閒」,言閒者,兩地相接之處。 考》以爲在魯哀四年。 世家》敘於吴伐陳,楚救陳,軍 仕 【注】鄭曰:「言弟子之從我而厄於陳、蔡者,皆不及 蔡 隔 進之門而失其所。」正義曰:陳、蔡之厄、《史記・孔子 如 絶,亦不得言陳、蔡之間也。 州來之蔡城,在今鳳陽府壽州北三十里,與陳相距,中 子曰: 江説甚覈。 》以爲自衛如陳,在魯哀二年。江氏永《鄉黨圖 按《四年傳》云: 「從我於陳、蔡者,皆不及門也。」 哀二年十二月,蔡昭侯畏楚,遷於吴之州 是時楚昭王賢,葉公又賢,夫子欲用楚,故 然《史記》亦自可從。 ,指故地上蔡言之耳。 夫子哀二年至陳,若非適蔡,則不得 其言曰: 「楚左司馬販、申公壽餘、葉公 於城父後,在魯哀六年。 「《孟子》云「君子之厄於 然則絶糧 陳即今陳州府。 先從叔丹徒君《經 陳、蔡之間,當 蔡既遷,則 朱 故 蔡

> 乎? 案: 武子臣於衛,然後得去。 於陳、蔡之間,無上下之交也。」「無上下之交」,即此 陳、蔡者,故注以爲不及仕進之門。《孟子》云: 「者」字。○注「言弟」至「其所」○正義曰:孔門弟子無 此年復有一冉有從夫子也。尤氏侗《艮齋雜説》引陳善 秋·慎人》篇有宰予,此外皆無考。 家》,有顔淵、子貢、子路。《弟子列傳》有子張。 他國相隔,則亦爲陳、蔡之間矣。」當時從遊弟子,據《世 而陳、蔡之間,據新遷之蔡言,蓋其地距陳雖遠,然中間 論》所謂「黎丘」,蓋即州黎之丘也。 救陳,軍於城父,使人聘孔子,於是絕糧陳、 年,蔡遷於州來。 傳 「不及門也」。 曰:「陳、蔡從者,豈止十人? 患難之時,何必分列 云,合此爲一章,然冉有於魯哀三年爲季康子所召,不應於 小記》: 《鹽鐵論》:「孔子能方不能 斯知鄭説未敢從也。」「皆不及門也」,皇本「門」下 「《爾雅》、《淮南》有 《孔子世家》言匡人拘孔子,孔子使從者爲 四年,孔子自陳適蔡。 雖甯武子非孔子同時人,然必有 州黎丘、注:「今在壽春」 圜,故飢於黎丘。] 哀公二 此直從《史記》在六年。 鄭氏以下章「德行」云 三歲,吴伐陳,楚 蔡之間。 「君子之厄 ○ 吕 《鹽鐵 所云 四 縣。」 仕 有 科 辨

⁰ 下「葉」字,據《左傳》當作「蔡」。

門矣。」 所樹 注云: 厄也。 子代父當門, 卿士之私 群弟子仕進得以維護之。今未有弟子仕陳、蔡,故致此 子將之荆,先之以子夏,申之以冉有,可知夫子周遊,亦賴 適子。]卿之子稱門子,是卿以門名。 政令。」注云:「正室,適子 宗伯》:「掌三族之别,以辨親疏,其正室皆謂之門子,掌其 東門襄仲,宋有桐門右師,皆上卿爲軍將者也。」《春官・小 以門名。」注云:「帥,軍將。 於卿大夫之私朝也。 之取法於前也。」鄭以「門」爲卿士之門,則「及門」者,謂仕 使子貢如 從者臣衛之事,誤以屬之甯武子耳。及陳、蔡之厄,孔子亦 者也。 「鄭六卿及其大夫門子皆從鄭伯。」注云:「門子、卿之 「卿士之職,使爲己出政教於天下。 焦氏循《補疏》申此注云:「《堯典》「闢四門」,鄭氏 楚。 朝在國門。 軍將皆命卿,古者軍將蓋爲營治於國門,魯有 則 楚昭王興師迎孔子,然後免。 稱門子。 《周禮 魯有東門襄仲、宋有 也。 其仕于卿大夫之門,謂之及 以門名者,所被徽識如其在門 •大司馬》:「辨名號之用,帥 將代父當門者也。」《襄九 卿當門,以門名。 桐門右師,是 言四門者,亦因 又《檀弓》言夫 適 後 困 之。 路。 也。 語 :

德行: 顔淵、閔子騫、冉伯牛、仲弓。 言

語。 子以與孔子並稱。 騫孝格其親,不仕大夫,不食污君之禄。 子平時所論列,不必在從陳、蔡時。《弟子傳》先政事於言 列傳》:「孔子曰:「受業身通者,七十有七人。」皆異能之士 之方中》傳: 子貢善爲説辭,冉伯牛、閔子善言德行。 在心爲德,施之爲行。」顏子好學,於聖道未達一間。 語,當出《古論》。《周官·師氏》注云:「德行,内外之稱 所書,並從孔子印可 鄭氏非,辨見前疏。 前章。」」盧氏文弨《考證》曰:「「鄭云」,當作「鄭氏」。」案: 學:子游、子夏。正義曰:《釋文》云:「鄭云:「以合 命,升高能 「我於辭命,則 德行: 此四子爲德行之選 此九者、皆是辭命、亦皆是言語。 言語: 宰我、子貢。文學: 子游、子夏。」是此四科爲夫 宰我、子貢。 賦,師 顏淵、閔子騫、冉伯牛、仲弓。 「故建邦能命龜,田 不能 旅 冉伯牛事無考,觀其有疾,夫子深歎惜 也。」是言語以 皇疏云: 能 而録在 誓 也。 政 Ш 《論》中也。」《史記・仲尼弟子 《孟子·公孫丑》篇:「宰我 「此章初無「子曰」者,是記者 事 111 能施命, 能 説, 辭 冉 命爲 皇 喪 有、季路。 仲弓可使南面,荀 作器能銘,使能 疏 紀 政事: 孔子兼之,曰: 重。《毛詩 引范甯曰: 能 誄 冉 祭 有、季 · 定 閔子 祀 言 文 能 造

之選也。 與 者,以表業分名,其餘各以所長從四科之品也。」案:王説 科者,各舉其才長也。」又曰:「弟子才不徒十,蓋舉其 觀之,是子游、子夏爲文學之選也。 文章傳、性與天道亦傳、是則子夏之功大矣。」由沈、朱二文 蓋自六經删述之後、《詩》《易》俱傳自子夏。 言、《詩》《書》《禮》、樂》,定自孔子。 合禮可知矣。」朱氏彝尊《文水縣卜子祠堂記》曰:「徐防之 四,而其不足於人者,惟縣子「汰哉叔氏」一言,則其畢生之 飲東階」,以暨「陶」、「詠」、「猶」、「無」諸節,其間共一十有 禮弗決者,必得子游之言以爲重輕。 禮自見。 解」,子貢「利口巧辭」,是宰我、子貢爲言語之選也。 此事,亦是舉彼一端以例其餘。《弟子列傳》宰予「利口辨 語 言「求也藝」,「由也果」,「可使從政」,是冉有、季路爲政 一子,皆子夏之門人。 〈言《詩》。《儀禮》則有《喪服傳》一篇。 謂 賓主 鄭康成謂《論語》爲仲弓、子夏所撰』。特《春秋》之 今讀《檀弓》上下二篇,當時公卿大夫士庶,凡議 沈氏德曆《吴公祠堂記》曰: 相 解。 對之辭也。」 夫子則曰「《春秋》屬商」。 蓋文章可得而聞者,子夏無不傳之。 范以當時最重邦交,故「言 皇疏引王弼曰:「此四 發明章句,始於子夏。 故自論「小飲户内,大 「子游之文學,以習 又嘗與魏文侯言 其後公羊、穀梁 夫子又稱其可 語 夫子 當 美 事 指

雅

得與游、 清。 不免以辭害義矣。 是 也。 曾參之孝,有虞不能易,原憲之清,伯夷不能閒,然不 徐幹《中論 夏列在四行之科,以其才不如也。」此則故爲苛論 智行》篇:「人之行莫大於孝,莫顯於

故無窮難之辭。是以能獨獲亹亹之譽,爲七十子之冠。」 回 子言子夏爲「起予」,正以質疑問難,義益可明也。 也。」「左」即佐,此訓益者,引申之義。 發,增益於己。」注「助益」至「於己」〇正義 説。」【注】孔曰:「助,益也。 幹《中論· 「相説而解」,此注云「聞言即 復之,雖不説,亦不彊争也。」「不説」,猶言不解。 「説釋」之「説」。《曾子立事》云:「問而不決,承間觀 [也非助我者也,於吾言無所不說。] 顏淵達於聖人之情 釋詁》:「助,勴也。」「勴,佐助也。」《説文》: 子曰:「回 智行》篇: 也非 「仲尼亦奇顔淵之有盛才也,故曰: 助我者也,於吾言 解」, 言回聞言即解,無可起 亦以 教學本是相長,故夫 解 訓 説 《學記》云 無 曰:《爾 説 助, 也。 所不 色 如 而 左

順 母 兄弟,動静盡善,故人不得有非閒之言。」正義曰: 昆弟之言。」【注】陳曰:「言子屬上事父母,下 子曰:「孝哉,閔子騫! 人不間於其父

車,失轡,父持其手,衣甚單。 騫兄弟二人,母死,其父更娶,復有二子。子騫爲其父御 令,務使親所行均含於義,人乃無非間其親之言,是乃得爲 親於不義,則人必有非間其父母昆弟之言。 不間於其父母爲孝,臣以下不非其君上爲忠。」又云: 「知 間也。」《後漢・范升傳》: 升奏記王邑曰:「升聞: 言與? 子」至「之言」〇正義曰: 人謂 傳:「昆,兄也。」《爾 欺我,去無留。」子騫曰 手,衣甚厚温 盡善」,或即指此。《藝文類聚·孝部》引《説苑》云: 無間於其父母昆弟之言者,以其不苟從令也。 音近假借也。 閔子稱字者,夫子述時 [從令,則過大矣。]二者皆引爲從令之證。 耐 然則閔子之孝,在人無間於其父母昆弟之言。 事之於家,三年,人無間於父母昆弟之言。」〇 兄曰罤。 舉方正,對曰:『昔曾子問從令之義,孔子曰: 」善閔子騫守禮不苟,從親所行,無非禮者,故無 ,即謂其婦曰:「吾所以娶汝,乃爲吾子,今汝 《亢倉子· 從眾弟。」「緊」是本字,「晜」是隸省,「昆 雅 人所稱也。 釋親》: 母 順道》篇:「閔子騫問孝於仲 焦氏循 在 父則歸,呼 子單,母去四子寒。」其父 「晜,兄也。」《説文》: 補 昆 疏》:「《漢書 者、《毛詩 其後母兒,持其 蓋以從令而致 惟不苟於從 陳注「動静 . 子以人 人所以 一是何 葛藟》 「閔子 注 杜 一周 言 尼 則 可 鄴 0

而

退

默然。 굸: 父母昆弟爲孝。 使人間非父弟,萬世不滅?」是漢世説此文,皆謂人不非 豫止,既無如何,宜避不行。 叟與象使舜治廩浚井,意欲殺舜。 母昆弟之言。」虞舜大聖,隱藏骨肉之道,●宜愈子騫。 間閔子之言,乃無非間 孝也。「不」字作「無」字解,自明人無非閒之言,不是無 事,閔子不從父令,則後母不遺,是其上事父母,兩 衡·知實》篇: 乂不格姦。若恭世子不肯傷公之心,不言志而死,非可 正指此事。 其後母與兩弟亦感之可知。 無愠心。 友克全,尤非尋常不苟從令可比。 「母悔改之後,至均平,遂成慈母。」可 故曰孝哉閔子騫,一言其母還,再言三子温。」依 而恐母遣而兩弟寒,是下順兄弟。 是所謂「動静盡善」也。 「孔子曰:「孝哉,閔子騫! 陳君此注,義正然也。 其父母昆弟之言也。」今案:《 則此一不從父令而諫,一家孝 何故使父與弟得成殺己之惡 孔子稱其孝,兼言兄弟 舜當見殺己之情,早 閔子之孝,不啻大舜之 《韓詩外傳》載此 爲焦説取 人不問於其 於是父感之 弟温 其 瞽 論 非 言 諫 煖 此

南 容三復「白圭」、【注】孔 曰: 「《詩》云:

道 據《論衡》當作「過」。

二字,當出《古論》。《大戴禮·衛將軍文子》篇:「獨居思 復此四語,而注云「讀《詩》至此,三反覆之」者,是據初讀 玉有瑕,不訓缺也。「不可爲」者,「爲」,治也。 也」〇正義 子妻之也。」言「一日三復」者,猶子路終身誦之也。 仁,公言言義。其聞《詩》也,一日三復「白圭之玷」,是南宫 兄之子妻之。正義曰:古人言數之多自三始,故此稱 云:「玷,缺也。」《説文》:「刮,缺也。從刀占聲。《詩》曰 縚之行也。夫子信其仁,以爲異姓。」 盧辯注:「謂以兄之 『白圭之玷,尚可磨也。 「白圭之乩。」、義與毛同。 〈論語解》:「谨言如此,則谨行可知。」○注「詩云」至「言 「三復」也。《仲尼弟子列傳》「三復「白圭之玷」」,多「之玷. 讀《詩》至此,三反覆之,是其心慎言也。」孔子以其 ,其後遂日誦以爲戒也 曰:「稱《詩》云」者、《大雅・抑》篇文。 今《詩》段 斯言之玷,不可爲也。」南容 「玷」爲「赳」。「玷」訓 南容一日 毛傳 張栻 時

亡」下有「未聞好學者」五字。皇疏:「此與《哀公問》同,而子」,鄭本同。」案:皇、邢本皆有「季」字。又皇本「今也則亡。」正義曰:《釋文》云:「「康子問弟子」,一本作「季康曰:「有顔回者好學,不幸短命死矣,今也則曰、「有顔回者好學,及與學?」孔子對季康子問:「弟子孰爲好學?」孔子對

君唯無言、言必盡、於他人則否。」」是其證 也。」案: 疏後説是。《大戴禮·虞戴德》云: 公是君之尊,故須 子因答以箴之也。 答異者,舊有二通: 具答。 康子無此事,故不 _ 云 而 緣哀公有遷怒、貳過之事,故 康子是臣 煩言也。又一云: 爲卑,故略以 「子曰:「丘於 相 哀 孔

勘記》曰:「《釋文》至下文「無椁」始作音,是陸氏所據本亦 篇疏。 **椁。]子曰:「才不才,亦各言其子也。** 無此四字也。」《説文》云:「樟,有木亭也。● 從木,亭聲。 從大夫之後,不可徒行也。」【注】孔曰:「鯉,孔 死,有棺而無椁。 可以徒行」,謙辭也。」正義曰: 顔子卒年,據《公羊傳》及 子之子伯魚也。 曰:「路,顏淵父也。家貧,欲請孔子之車,賣以 (聖蹟表),載於哀十三年,時夫子年七十一也。 《史記·孔子世家》當在子路之死及獲麟之前,故 顏淵死,顏路請子之車以爲之椁。 【注】孔 「以爲之椁」,高麗本、足利本無此四字。 孔子時爲大夫,言『從大夫之後,不 吾不徒行以爲之椁,以吾 説詳 阮氏元《校 江 雍也 鯉 也 作

0

[「]有」上,據《説文》脱「葬」字。

子》、《淮南》皆

傳聞

之誤,本不

爲

據。

鯉

髪盡

蚤死。

於恩猶不然,況賢聖乎?」案:

鯉也死,有棺

而無椁」。

未死,假言死,從《左氏》、《穀梁》説。

《穀梁》同《左氏》説。

謹案:

魚之死,年已五十。

爲設言者,意以《史記》言顏淵少孔子三十歲,至二十九 則伯魚之生,夫子年正二十二三,爲昭十一、十二年,其死 顔子少孔子三十歲」,前人謂「三十」爲「四十」之譌,而 在哀公十一年,夫子年六十九。江氏永《聖蹟表》差後 《五經異義》:「臣子先死,君父猶名之。 「宋督弑其君與夷、及其大夫孔父。」先君死、故稱其 姓解》云:「孔子年十九,娶宋之 幵 又《列子》、《淮南子》皆以顔子夭死。 《左氏》説「既没」,稱字而不名。《桓二 則鯉死應在顏子之後。 據《喪大記》,士有雜木椁。 死是實未葬前也。 鄭駁是也。 《論語》稱『鯉 「才」謂顏子,「不才」謂 五十,先孔子死。」《家 玄之聞也、《論語 槨之爲 言廓 死 虎 既在 官氏,生伯 通 許君必謂 不知《史記 設言死,凡人 孔子曰[鯉 也死」,時 白顔子 崩 薨》篇: ,所以 但 前 而 魚。」 鯉 顔 尝云 歲 列 言 實 子 則 伯 死 也 開 子 • 其間 賵者,蓋以乘馬束帛。 徒行。 椁也。 也。」《周官· 之當否,且知夫子於顏淵誼 有賵,而顔路復請子之車以爲椁, 之車以爲椁,不嫌於自請者,《公羊隱元年傳》「喪事有 語》:「吴子使來好聘,發幣於大夫,及仲尼。」亦以孔 召孔子歸,自必復其爵而不居位,若大夫致仕者然,故但 子弗行」者也。 之爲言完,所以藏尸令完全也。」《説文》: 故夫子於舊館人之喪,説驂以贈。 從大夫後矣。 大夫之後、《孔子世家 輦」,皆謂步行也。 掩尸。」「有棺無椁」,亦因貧之故,所謂 徒」。 論語 公孫 加 易・ 》非爲設言可 《王制》云 恩 孔子初仕魯爲大夫,及去位,從士禮,其後魯人以 厚, Η. 》 章 宰夫》注:「凡喪,始死,弔 則 賁》初九「舍車 既從大夫之後,與聞國政 「徒」、《説文》:「起,步行也。」今經傳 有賻 一句: 「君子耆老不徒行」是也。 「吾不徒行以爲之椁」,言未嘗賣 知。 焉。 禮 》所以言「魯終不能用孔子」也。 車馬曰賵。」是賵喪之禮,本有車 棺 喪 《春 事 者,《 厚,不妨以 而徒」、《詩 秋 不外求,不 談 哀 白 今此顔子死,夫子必 痛迫 武 虎 氏 通 而含襚,葬 有 情 故 切,不遑計及於禮 子 棺 告也。 其禮 可 黍 畜有馬乘,不 來求賻。」 案: 崩 稱 苗 關 薨 無其財, 貸 》 我 顔路請 也。 》篇: 趙 而赗 而 車

當

死」,是已死稱名。

伯

魚。

史記

世

家 》云:

伯

魚年

家貧,不

能備椁,故顔路爲之請耳。

皆

君 以

所

「棺

徒

以

爲 我 作

語

本

廓

辟

土,無令迫棺

也。

所以有棺槨何?

所以掩藏形惡也。

語

》皇本作

槨

」,與「椁」一字。

合白

賈

疏

贈

岐

《孟

馬 賵

亦

爲

悦

子

時

從

椁也。 爲 云: 字,「不可」上有「吾以」二字,「徒行」下無「也」字。 車,孔子不與,亦是不合求,故抑之也。」由賈此言,顏路請 求 名鯉而字伯魚。」案: 孔子六歲。1. 〇注「鯉孔」至「辭也」〇正義曰: 曰:「《家語》:「顔由,字路,孔子始教於闕里而受學焉。 無繇,字路。 顔」至「作椁」○正義曰:鄭注云:「欲得賣之,以爲顔淵作 至以鯉死爲比,則亦視顏子猶子矣。 車,禮有未合。 子財多,不當求下,財少可求,故明皆不當求。」顏路請子之 云 云: 鯉,孔子之子伯魚也。」此僞孔所襲。 【大夫,謙言從大夫之後」,顯然謬誤,其爲僞託 ,求則皇皇傷孝子心。」「蓋通於下」,何休云:「爾者嫌天 「禮本爲有財者制,有則送之,無則 魚之生也,魯昭公以鯉魚賜,孔子榮君之貺,故因以 隱公三年《公羊》文云: 顔路,顔回之父。」此僞孔所襲。 路者,顔回父,父子嘗各異時事孔子。」《索隱 夫子以其哀迫,不欲深責,而但婉言告之。 顔子卒時,夫子久不居位,而注云「時 「喪事無求,求賻 皇本「吾不」下有「可」 《家語 《弟子列傳》: 致 哀 而已。 非 本姓解 無疑 鄭注云: :禮。]何: ○注 不 一路 少 顔 當 休

傷之聲。」天喪予! 天喪予! 【注】天喪予者,顔淵死,子曰:「噫! 【注】包曰:「噫,痛

書・ 貌。」《詩・噫嘻》傳:「噫,歎也。」 得則不興。 顔子不幸短命死矣,此亦天亡夫子之徵,故曰 今天生德於夫子,復生顔子爲聖人之耦,並不見用於世,而 人爲能當之,自宰我、子贛、子游、子夏不與焉。」 ○注「噫痛傷之聲」○正義曰:何休《公羊傳》注:「 注:「言失其輔佐也。」蓋天生聖人,必有賢才爲之輔佐 若 喪 董仲舒傳贊》:「劉歆以爲伊、吕乃聖人之耦,王 己 也。 故顔淵死,孔子曰:「噫! 再 言 之 者, 痛 惜 之 甚。 天喪余!]唯 正 義 「天喪予」。 噫 曰 : 顔 咄 師 此 者不 漢

字。 案: 弟子。 爲?」正義曰: 孔 也。」從者曰:「子慟矣。」曰:「有慟乎? 慟 曰:「不自 煄」,「煄」 字從 皇本「日有慟乎」,「曰」上有「子」字。 ○注「慟哀過也」○正義曰: 顏淵死,子哭之慟。【注】馬 隨孔子往顔淵家,有見孔子哀甚,故云「子慟矣」。 動 當即 |得義 知己之悲哀過。」非夫人之爲慟 皇疏云:「孔子往顔家哭之也。從者,謂 慟 此即是哀過,鄭與馬不異 省。 鄭注云: 《説文》無「慟」字。 慟, 又「誰爲」下有「慟 變動容貌。」亦以 日: 働 (注) 而 哀 碑多 誰 過

顏淵死,門人欲厚葬之。子曰:「不

馬義。 爲葬,師與 者 是亦視回猶子。 皆同顏子事夫子猶父矣。 友以死之義也。《史記·弟子傳》: 夫子言「自吾得回,門 事夫子猶父,故曰 之: 民生於三,事之如一。 葬」者,謂 葬,我不得 子 予猶父也,予不得視猶子也,非 葬之,故不聽。 미 於人者 無椁,有葬而爲之厚葬,則非也,以其得已 人日親」。❷ 二三子 ,賻之亦惟其稱焉耳。 」至「云耳」○正義曰: 也。」【注】馬曰: 。」【注】禮,貧富各有 也。 吴氏嘉 義 凡 大友説 如 唐石經 及夫子没,門人心喪三年,若喪父而無服,則 葬 割 此。 賓《説》: 事 止 驂 惟不能 求 上, ●非 竭 門人厚葬之。 「子在,回何敢死」。 必 初刻 豐 不 財 「言回 備 得 以 鄭注:「顔路欲聽門人厚葬之。」同 止門人之厚葬,終心自歉,故深 其厚葬,故云耳。」正義曰: 猶子」下「也」字作「曰」。 喪具稱家之有 使顔子死無附身以 也。 助 己 然夫子喪顔子,若喪子 宜。 父生之,師教之、君食之。」顏子 之可也,是非得已 耐 ○ 晉 自有父,父意欲 後受,苟 顏 語 淵 *: 子曰: 家 則同於父母在,不許 可 無 樂共子云:「成 貧,而 我也,夫二三 也。 以 然 飲,無 已 也。 而 君子所以 聽門 門人 而 禮 口 已 ○注 而 有 附 有 無 也 人厚 欲 故 棺 棺 賻 厚 服 言 視 厚 責 單 曰 受 而 以 喪

> 生也。 曰「君子之愛人也以德,小人之愛人也以姑息」。」 「周之亦可受也,免死而已矣」。夫子之視顔子,視之猶 彼門人者以其生之所不受者而與之,是死之也。 故 其

故録》: 不至。 所不當死。 神之義矣。 見孝友不敦於父兄,而愛敬能達乎宗廟者也」,則盡乎事 孝子爲能享親。 事人而推之,故生則盡 正義曰:「事人」,若子事父、臣事君是也。 【注】陳曰:「鬼神及死事 事 ,則神可知。 鬼?」「敢問死。」曰:「未知生,焉 季路問事鬼神。 則子路之問,不爲不切。 「禮有」 死非 進而問死 五經,莫重於祭。 或以 云『事鬼也,莫非教天下之事人也」,『吾 季 ,路所難,莫難乎其知之明、 「事鬼」下脱 欲 養,死則盡 知處死之道也。 子曰:「未能事人,焉 難 明, 夫先王之事鬼神,莫非 古之所爲事鬼神者,嘗 「神」字,非 享。 語 之 惟聖人爲能饗帝 無 人有所當死,有 也。 **、益,故** 焉 、處之當。 能事鬼」,言 趙氏 知 不答。」 死 化《温 能 然 惟 鬼 未 由 無

鬼

0 0

割 疏本作 制。

[「]益」。 「日」、《史記 • 仲 尼弟子 列傳》分别 作

事亡如事存」,孝之至也,所謂「能事人」、「能事鬼」也。「人之 事鬼也。 之矣: 「務民之義」,即所以事人,「敬鬼神而遠之」,即所以 當是彼文誤引 注引馬融注曰 也。」所謂「知生」、「知死」也。」皇、邢本、唐宋石經「敢問」上有 不立乎巖牆之下,盡其道而死者,正命也, 桎梏死者,非 以害仁,有殺身以成仁」,所以教知死也。 生也直,罔之生也幸而免」,所以教知生,「志士仁人,無求生 而 生無以立命,死適爲大愚而已,則盡乎知死之義矣。 夫之諒爲名者,皆惟其知 至於命,歸於得正而斃。 日」字。 死 非 可 夫孝者,善繼人之志,善述人之事。 ○注「陳曰」至「不答」○正義曰:《世説 預期之事,故爲反其所自生。 「死事難明,語之無益,故不答」,與此陳注 其不敢以父母之身行殆,不 生。 敬吾生,故重吾死也。 君子之窮理 孟子曰:『知 「事死如事生 ·簡傲 盡性,以 子嘗言 敢以 否 命者 IE. 同 》篇 則 命 兀

曰: 也; 子少子路六歲,而先閔子者,閻氏若璩 其 「樂各盡其性。 冉有、子貢,侃 死然。【注】孔 閔 子 侍 側, 誾 行行 曰: 誾 侃 ,剛彊之貌。」「若由 不不 如 如 得以 也; 也。 壽終。」正義 子路, 《釋地二 子樂。【注】鄭 續 行行 》謂以 也,不 日 如 関 德

勘記》: 如也。 誤也。 從仁。 序,是 賦 四賢才德足用,不必專言子路。 通。 而誤。 貌」,與許君解「侃」爲剛直義同。 作「侃侃」,故並訓 路侃侃如也。」」此引作「侃侃」,是正字。 氏誤記。 子」。《説文》「侃」下引「子路侃侃如也」,疑作「子貢」,或 決 有「日」字。 衎」。〕案:宋説亦通。 「若由也不得其死然」,皇本「若」上 侃」,及此下文「冉有、子貢侃侃如也」,並當爲「衎衎」,假借 淮 「悦」爲「樂」。 也。 性 南子・精神訓》注亦引作「孔子曰 惟 ,剛柔不齊 也。 子 曰 : 蓋《古文論 **伯**,古文信。 始以聲相 「樂」字,鄭注已釋之,斷非「曰」字之誤。 「《文選 注 宋氏翔鳳《過庭録》: 皇本「閔子」下有「騫」字。 孫奕《示兒編》:「「子樂」,必當作「子曰」,聲之 樂各 「若由也,不得其死然。」」」與孫説合。 知由也不得其死,則何樂之有?」阮氏元《校 ,惟各盡其性 近, 幽 盡 爲 語 通 從川,取其不舍晝夜。 其 而轉「曰」爲「悦」。 和 》「冉有、 賦》及《座 樂 性行行剛 也。 , 斯 「《説文解字》:「侃 子 鄭 右銘 「若」者,逆料之辭,不能 有所成 彊之貌 貢侃 注《論語》「行行, 「行行」疑涉下文「衎 》兩注並引了子路 冉 侃 立 又以 有」, Ō 有無「日」字皆可 如也」,本作『衎 可 《論語》曰:「子 鄉 Œ 義相 唐石經 同歸 黨》篇之「侃 義 夫子是 三 三 : ,剛直 於善 近, 而 剛 作 强 案: 凡 也 衎 冉 轉

終」〇 抗足而 朱子《集注》云: 訓 ,自然速禍也。」J 正義 剛 前 彊, 也。 此 漢《孫根 會意。 皇疏云: 「樂得英才而教育之。」又一 《釋名 碑》: 後 果死 「行行義勇。」〇注「不得 釋姿容》:「 衛難也。 兩脚 袁氏曰: 義, 進日 亦通。 道 行 以 行行 行 直 壽

行

邪

惡公恃此伐己,故於己事後率魯人卑其閈閎,俾後之君失 門。」長府,今不知所在,意其與季氏家實近,公居焉 公弱私之心,深有契矣。」 所憑恃 異》:「長府、蓋魯君别館 攻權臣,必先據藏 意而攻之。《論 府。」杜注:「長府,官府名。」「九月戊戌,伐季氏,遂 財貨曰府。 何 乃 注】王曰: 復 ? 閻氏若璩《釋地》:「《左傳》昭二十五年:「公居 更 ,其心尚可問乎? 改作?」子曰:「夫人不言,言必有中。」 何必改作?」【注】鄭曰:「長府,藏名也,藏 人爲長府,閔子騫 「言必有中者,善其不欲勞民改作。」正 仍,因也。 語 》鄭注: 貨 財 一凌氏鳴 之府,庶 ,稍有蓄積,可備 貫,事也。 閔子能爲微辭 「藏財貨日 喈 可 曰 解 結士心。」 府。」又意公微弱,將 因舊事則 義 「仍舊貫,如之 諷 騷警之所。 之, 疇 翟 則與聖人彊 昔 氏 可 昭 也,何 灝 出 季氏 人其 於長 公當 《考 不 義

> 藏名。 爲疑。 詔曰: 也。 大用。 云: 之獻金玉、兵器、文織 案:諸説略有異同, 舊貫,何必改作?」臣以爲諸所繕修事可減省。」郎顗 曰 : 也。 世矣,隱民皆取食於季氏,復爲長府以重勞之,是爲淵驅 公欲伐季氏,而先居長府,必其地爲君常 御者勿繕治。』注: 録》:「案:長府,宮館之屬,非藏名也。 居是伐季氏矣。 亦以『長府』 爲宮館,義 「掌受九貢、九賦、九功之貨財、 「夏禹卑室,盡力致美。 閔子故婉言以諷之。 稱「魯人」,衆也,是時三家皆欲之。」包氏慎 「惟德薄,不足以充入舊貫之居。 《周 凡四方之幣獻之金玉齒革兵器,凡良貨財人焉。」2 魯人爲長府 官・ 玉 定、哀之間,三家因欲 一府》職 應劭曰:「舊貫者、常居也。」此足爲證 ,蓋欲擴其舊居 惟閻氏 、良貨賄之物,受而藏之。」《内 **云** 與 元 《後漢書 得之,而 又魯人爲長府,閔子騫曰:「仍 「掌王之金玉 帝 詔共 以 ❶良兵、良器 義 合符 壯 改爲之,將以弱所 亦未 《漢書・ 觀 郎 所臨幸,故人不 其令諸宫館希 元好好 瞻 契, 顗傳 盡。 不 兵器。 魯君 元帝紀 ,以待邦之 蓋府 可 言 易 顗 失民 府》職 《温 凡 自 引 上 也 王 是 經 書 魚 數 以 幸 故 恃 昭

- 財」, 據《周禮》當作「賄」。
- 財 據《周禮 》當作「賄」。

0 0

耶? 氏 其謀。 之不疑耳。 至 府去季氏家近,亦非是。 欲伐季氏,亦斷無仍居長府,蹈此覆轍,而煩三家之重慮之 之所恃。 夫昭公居長府,以伐季氏,其事已無成。定、哀即 子稱其「言必有中」也。 之謀,路人皆知,閔子所言正指其事。 但仍舊事,略加繕 季氏而不敢發,故居於長 内,而爲兵器貨賄所藏。 藏外府。 又《外府》: 虞之備。 人爲長府,正是昭公居之,因其毀壞而欲有所改作,以 魯人」指三家,在定、哀時爲長府者,欲改爲之,以奪魯君 論語》書之曰「魯人」,明爲公諱,且非公意也。 □改作□○ 且既患公復居 何所 如包説、長府是别宫、非藏名、則昭公居長府 宋樂祁知魯君必不能逞,而閔子亦言「仍舊貫」,言 但季氏得民已久,非可以力相制,故子家覊力阻 然則玉府掌兵器,亦當在内。 取 昭公伐季氏,在廿五年,孔子時正居魯,則知魯 念意耶? īΕ. 邦布及王 義 治, _□ 長 諸説於情事多未 府,何不 何必改作? 若如翟説,「魯人」指季平子,凌説 長府自在公宫内也。 説 后 府、欲藉其用、以伐季氏、且以 魯君左右多爲季氏耳目,公欲伐 文》: 世子祭服。」是兵器藏内 毁壞之, 「府, 以諷使公無 然其辭微而婉,故夫 文書 能 魯之長府 圃 合。 反從 臧 若閻 ○注 也。」 而 當時伐季 妄動 修 自是 長 氏 以 府, 為不 以 伐 治 府 也。 使 不 廣 長 季 也 在

> 雄《將作大匠箴》云「或作長府,而閔子不仁」,用《魯論 義益明,故鄭從之。 「仍」、「仁」音相近也。」 在舊貫,改作是不仁也。 也。」臧氏庸《鄭注輯本》釋云:「《魯》讀「仁」字爲句,言仁 氏念孫説「貫」訓行,亦通,見前「一 者,凡居財貨曰府。 藏之府。 「《魯》讀「仍」爲「仁」,今從《古》。」 惠氏棟《九經古義》: 皆稱府也。 釋宫》: 許祇言「文書」者,舉 府, 「仍,因」,「貫,事」,並《爾雅 舍也。」 故《周官》玉府、内府、外府,又大府、泉 府, 義雖通而 聚 也。 以例之也。 貫」章疏。 稍迂。《古》作「仍」字: 凡 財 賄 鄭云「藏財 釋詁》文。 兵器、文書 鄭 注又云: 易 貨 Ŧ. 皆

府

雅

路。 郭璞注 樂》篇:「瑟者,嗇也,閑也,所以懲忿窒欲,正人之德也。」 孔子言爲賤子路,故復解之。」正義曰 【注】馬曰:「升我堂矣,未入於室耳。 曰:「子路鼓瑟,不合《雅》、《頌》。」門人不 子曰:「由之瑟,奚爲於丘之門?」【注】馬 子曰:「由也升堂矣,未入 爾雅》云:「長八尺一寸,廣一 尺八寸,二十七弦。」 門人不解,謂 ^余白 於室 虎通 敬子 也。 禮

⁰ 臧 」、《説文》作「藏」。

邵氏 紂以 淺深。 與郭異。 中以爲本,務生以爲基。 不歸於北。 聞之,曰:『信矣! 喻 俗通》又言「今瑟長五尺五寸」,皆是依仿古制,不能 王公以爲笑。 焉,至今王公述而不釋。 者,乃亂亡之風,奔北之爲也。 夫然者,乃治存之風,安樂之爲也。 奚不謂由: 由堂,至入室則已觀止,故夫子言「善人之道」,亦以入室爲 棟之間爲南北堂之中。」則後楣北爲室與房矣。 皇本作 也。 中正之感,不加乎心, 本,務剛以爲基,故其音湫厲而微末,以象殺伐之氣。 天子好慢 憂哀悲痛之感,不加乎心,暴厲淫荒之動,不在乎體。 晉涵《正 《説苑・修文》篇:「子路鼓瑟,有北鄙之聲。 《聘禮 「由之鼓瑟」,似因注誤衍。 頌瑟長七尺二寸,廣 「夫先王之制音也,奏中聲爲中節。 南者,生育之鄉,北者,殺伐之域。 義》引《禮圖》雅瑟廣長與郭注同,惟二十三 》疏云:「後楣以 彼舜以匹夫積正合仁,履中行善,而卒以興。 淫荒,剛 由之不才也。」冉有侍,孔子曰: 『求爾 厲暴 故其音温和 紂爲北鄙之聲,其廢也忽焉,至今 温儼莊恭之動,不存乎體。 賊 南 昔舜造南風之聲,其興也勃 一尺八寸,二十五弦。 而 日 卒以滅。」今由也 堂。 「升堂入室」,喻學道 彼小人則不然,執末以 而居中,以象生育之 堂凡四架,前 流入於南 凡入室必 故君子執 匹夫之 而《風 畫 孔子 夫殺 楣 和 與 弦 有

《樂書》云:「樂之《雅》、《頌》,猶《詩》之威儀。 能保七尺之身哉?」冉有以告子路。 志意得廣,心氣和平者,皆《雅》、《頌》也。」 身、《雅》、《頌》以養心。 篇,孔子皆弦歌之,以求合《韶》、《武》、《雅》、《頌》之音。」又 曰:《雅》、《頌》以音言。 鼓瑟,夫子責之之事。 食七日而骨立焉。 小人不能耳,陷而入於斯。 徒,布衣之醜也。 既無意乎先王之制,而又有亡國之聲,豈 孔子曰: 『由之改過矣。』 ●此相傳子路 ○注「子路鼓瑟不合雅頌」○ 聲應相保,細大不踰,使人聽之而 《史記·孔子世家》: 宜矣,夫子之言也。」遂自悔,不 子路曰: 「《詩》三百 『由之罪 威儀以 正 也 養 Ŧi.

【注】愈,猶勝也。 下有「乎」字,「過猶不及」下有「也」字。 子貢越席 ○正義曰:《仲尼燕居》云:「子曰:「師 曰:「然則 也過,商也不 子貢問: 而對曰:『敢問將何以爲此中者 師 「師與 愈與?」子曰: 及。」【注】孔 正義曰:皇本「問」下有「曰」字,「賢 商 也孰賢?」子 曰:「言俱不得 ○注「言俱不得中」 爾過而商也不及。」 過 也?」子曰:「禮 猶不及。」 티 : 中。」 師

❶ 「之」,據《説苑》當作「知」。

乎禮 禮制之中也 者過之,不肖者不及也。」其下即引顏子之「擇中庸」,舜之 曰 : 孔子,子張彈琴成聲,曰:「不敢不及。」子夏彈琴不成聲, 俱違禮也。」案: 執其兩端 「不敢過也。」可見。《中庸》云:「道之不明也,我知之 知者過之,愚者不及也。 大禮 所以制中也。」」鄭注: ,用其中於民」,明過與不及,皆有所失,故惟以 敏鈍以氣質言。 道之不行也,我知之矣。 觀子張與子夏除喪而 過與不及,言敏鈍不同, 賢 見

收也。」《爾雅·釋詁》:「飲,聚也。」二字訓義並同。 此可 主而 之。 故曰「季氏富於周公」。 季氏四分公室,己取其二,量校所入,踰於周公賦稅之數, 鼓 氏宰,爲之急賦稅。」子曰:「非吾徒也,小子鳴 魯,取民之制,不過什 鼓聲其罪以責之。」正義曰:「季氏富於周公」者,周公封 而攻之,可也。【注】鄭曰:「小子,門人也。 知季氏之富也。 不克舍此,可乎?」何休注:"「時季氏邑宰至于千乘。」 【注】孔曰:「周公,天子之宰,卿士。 冉求爲季 季氏富於周公,而求也爲之聚歛而附 聚斂」者、《説文》: 《公羊》定八年:「 自後宣公税畝,已爲什而取二。 「聚,會也。」「飲 「或曰: 弑千乘之 胡氏 鳴 益

> 在。 其薄。 書 先王制 田 雖以田 冉有曰: 「君子之行也,度於禮,施取其厚,事舉其中,斂從 國老,待子而行,若之何子之不言也?』仲尼不對! 賦,使冉有訪諸仲尼。 民財以增之。」「增」即附益之義。《孟子 徵歛之厚。 《大學》引孟獻子曰「與其有聚歛之臣,寧有盜臣」,其下言 紹勳《拾義》解 曰:「求非我徒也,小子鳴鼓而攻之,可也。」」趙岐 曰:「求也爲季氏宰,無能改於其德,而賦粟倍他日。 季氏,魯卿季康子。」案:《左哀十一年傳》: 附 「長國家而務財用,必自小人」,「小人」即指聚斂之臣言。 賦。」《魯 益」者、《説文》:「坿、益也。」「附」 哀帝紀》: ❶「武有衡山、淮南之謀,設附益之法。」亦 若欲苟而行,又何訪焉?』 弗聽。 土,藉田以 賦,將又不足。 如是,則以丘亦足矣。若不度於禮,而貪冒無厭,則 語 鄭注此云:「求,冉有名也。 》載此事: 「聚」字爲「驟」,謂 力而砥其遠邇,賦里以 曰: 『丘不識也。』 三發, 卒曰: 且子季孫若欲行而 「仲尼 私 於冉 急於飲取 十二年春王正月,用 有 季氏富矣,而 人而量其有無,任 離婁》篇: 與「坿」同。 法 季氏 公,亦 「汝不聞 則周公之典 備 **,** 而 欲以 「子爲 孔子 私 孟子 求聚 注 《漢 解 \mathbf{H}

0

[「]哀」,據《漢書》當作「武」。

鼓

乎税 力以 苟欲犯法,則苟而賦,又何訪焉?」」何休《公羊》注解 也。 周公」以譏之也。 傳》,以 者,若今漢家飲民 賦」云:「田 是夫子欲以周公所制賦法,正季氏之失,故此文即言「富於 召公是也。 之,其次子世守采地,官於王朝爲卿士,春秋時 左莊二十九年傳》:「凡師有鐘鼓曰伐。」《魯語》: ~,聲其)注「周 所言周公不合。 則 子以爲「賦粟倍 救止其事,故夫子深責之。見凡爲人臣,當以道事君,不 無則已。 畝 大大而 先王以爲足。 皇本「而附 止,亦冀季孫聞善言能改悟 之制 賦 公天子之宰卿士」〇正 議 爲軍制 也。」《昭 謂 此注知不然者、《春秋》内、外傳皆舉問 其老幼。 也 其歲,收 益之」、「之」作「也」、「鳴鼓」下無 井之田。 ,誤矣。 若泛指天子之宰,便爲回遠,且 倍 錢以 他日」,「粟」即 ○注 若子季孫欲其法也,則有周公之藉矣。 + 之爲言大略之辭。 田 於是乎有鰥 七 田 鳴 用田賦,自是季氏之謀,特冉子不 年 爲率矣。」何 賦者,飲取其財物也。 井,出稷禾、秉芻、缶米,不是過 ·傳 鼓聲其罪 義 曰: 也。 財 寡孤 日 物也。 有食之,天子伐鼓 「鳴 解 以貴之」〇正 疾,有軍旅之出 周公封 賈 「賦」爲 鼓」,謂擊 (逵、杜 倍他日」者,倍 所 魯,元子嗣 財 言用 預 稱周 伐 與内、外 公典藉 子鼓使鳴 而 物 義 解《左 用 二, 而 備 曰 田 公公、 字。 則 于 鐘 賦 徵 \mathbf{H} 同。 愚。 也。 陰也。 義。 文 若深疾冉有,實正季氏之惡。」 社 墨

也。 可 能 孟

者,與季氏不能聽,冉有不能 克剥,而 也。」按董生之言,知魯有季氏,世 攻之、朱絲而脅之、爲其不義 己,無敢 責讓多用鼓也。 ,諸侯伐鼓于朝。」杜注謂 日 宋氏翔鳳 陽 食亦然。 有 有用田賦之事。 滅陰者,尊壓卑也 加也。 《發微》云: 皆下犯 《説文》:「攻,擊也。」此 大水者, 上,以 是亦卑 「《春秋繁露》曰: 陰 ,固其義也。 天子責群陰,諸 也。 救, 滅陽 賤 傷貴 厥 勝尊、賤傷貴,不義之至 一卿專 此亦《春秋》之不 也。 罪惟 政,禄去公室. 逆節也 陰滅陽 雖大甚,拜請 均, 訓 『大旱者, 侯自 故 責 鳴鼓 者,卑 者, 故 [貴], 引 畏 鳴 而 申 强 鼓 勝 陽 是 之 禦 而 之 尊 而

喭。」正 鈍。」師 過。」 誠實也。」案: 子》「再拜便僻」,是「便僻」與「再拜」連文、 柴也愚、【注】弟子高柴,字子 參也 師 義曰: 也 由 也辟、【注】馬曰: 辟」,朱子《集注》: 也 魯,【注】孔曰: 此節亦夫子所論,而 %。 便辟,猶盤辟。 【注】鄭 一辟 「子 曰: 武氏億《群經 「魯,鈍 便辟也。 張 「子路之行, 不署「子曰」,與前四 才過 羔。 也。 人,失 義證》: 即 謂 愚, 曾 習於容止 《漢 在 子 失 愚 書 「案: 性 於 邪 直 畔 何 遲 之

曰 : 段氏玉裁注:「《左傳》「魯人以爲敏」,謂 季羔,見《左傳》。 傳》:「高柴字子羔,少孔子三十歲。 莽」皆即此。 正義曰: 鄭氏爲是。 語》作「子高,齊人,少孔子四十歲」。 業孔子,孔子以爲愚。」《集解》引鄭玄曰「衛人」。 乃『諺』之俗字。」〇注「弟子」至「之愚」〇正義曰:《弟子列 皇本「辟」作「僻」,此依馬注誤改。 其後四子德成學立,故子貢答衛將軍文子,咸稱其美行矣。 趨,子張氏之賤 武傳》「見所舉 一吾欲以容貌取 「盤」亦「便」之轉。」案: 魯」近狷,「師」、「喭」近狂,●故夫子願與之進於禮樂也 儒林傳》注: 「魯,魯鈍也。」國多山 「三十」、「四十」積畫 《説文》云:「魯,鈍詞 阮氏元《校勘記》: ○注「子張才過人失在邪僻文過」○正義曰: 愚直」,謂如古之愚者直也。 『蘇林曰:張氏不知經,但 者, 槃辟 儒也。」《大戴禮 人,於師也改之。」皆可證。 《檀弓》作「子皋」。「皋」與「羔 《荀子· 雅 相亂。 水,民性樸鈍。」按: 拜 「《説文》有「諺」無「喭」,「喭」 也。 非十二子》云:「禹行 「衛」、「齊」二説亦異,當以 · 五帝德》云:「孔子曰 服 《論 「喭」、《書・無逸》疏 虔 子羔長不盈五尺,受 高既爲氏,不當又爲 日: 語 鈍 能 ○注「魯鈍也」○ 「行禮 Ě 盤辟 人也。《釋名 「椎魯」、「鹵 「参也魯。」」 竊謂 子羔亦稱 爲禮 容 同。 拜 「愚」、 容。」 《家 而 也 引 舜

> **《**書 與「畔 義 曰: 注以 近相通。」 叛换。]劉淵林注: 書 畔援」,箋云: 怙惡之行,不可以儗子張。 敘傳》注作「無然畔换」。 僻 無逸》云: **嗲」同。** 《釋文》云「畔喭」,皇本、《釋文》所見本並作 釋 辟 一畔 焦氏 一,非 「乃逸乃諺。」僞孔傳: 援,跋扈也。』《韓詩》云: 『叛换,猶恣睢也。」「换」、「援」、「諺」,聲 八循《論 是。 經文作「僻」,但 語補 ○注「子路之行失於畔喭」○正 《文選·魏都賦》云:『雲撤 疏》: 「《 大雅 「叛諺不恭。」「叛諺 邪 『武强也。』《漢 僻 文過,乃小人 皇矣》『無 「吸喭」。

虚 懷 知 是 空匱而樂在其中。 而 中也。 道 道者,各内有此害。 非、蓋美回 貨殖焉,億則屢中。【注】言回 子 曰: 深 遠。 以聖人之善道,教 不 口 所 虚 以 也其庶乎? ن بن 勵 賜 不 賜 不受教命,唯 其於庶幾 能 也。 知 數子之庶 道 曰: 屢空。 每能 子 屢 財 庶 貢 幾, 猶 貨是 虚 幾 雖 賜 每 中 聖 無 猶 也, 殖,億 者, 道 不 數 不 一受命 **雖** 子 唯 至 空 之 於 回 猶 度 數

❶「師」、《經解續編》本作「辟」。據經文及文義,

作

也。

雅

釋

詁

殖,

積

俞説

亦

近

理。

若然

則

殖 廣

長

也。」子貢貨殖

謂

居

以聖門高弟,亦復爲之。

陶朱、

「不受命而貨殖」。

《管子・

乘馬

得列於《太宰》之九職,故不曰「商賈」,而曰「貨殖」。 貨。」以《周禮》考之,質劑掌於官,度量純制掌於官,貨賄· 古者四民各習其業,未有兼爲之者,凡其所業,以爲命 公以貨殖立傳,而首列子貢,有開必先,在子貢固不得 若夫不受命於官,而自以其財市賤鬻貴,逐什一之利,是謂 於朝,鄭則商人之一環必以告君大夫,蓋猶皆受命於官也 至於市,而不爲官賈。」此其濫觴與? 「凡民自七尺以上,屬諸三官。 「「其庶乎」,未明指其所庶若何,以下文「不受命」 子貢學於夫子,而又貨殖 下至春秋之世,晉則絳之富商韋藩木楗以過 也。」《周 白圭之徒, 理 貨 蘇説是 義 「其庶乎」,仍 》篇 曰: 故《吕氏春秋 財 三 三 : 而 非 非 農攻粟,工攻器,賈攻 以 幸 語 不受命而 生 蘇 中 也。 蓋不屬於官,即不 「賈知賈之貴賤 由此 殖 氏 也 命謂 秉 雖 蕃 謂 起 國《四 非 殖一, 上農》篇 何? 億, 庶幾 也。 禄 天 命也。 度 子貢 命 俞氏 所受 書 而 太史 韋 聖 也 求 而 昭 道 辭 之 也。 論 師。」毛傳:「空,窮也。」引申之,凡貧窮無財者,亦謂之空。 殆庶幾乎?」謂庶幾於道也。 幾,尚也。」又云:「庶,幸也。」《易・ 榮。」以「不受命」爲辭禄,與《貨殖傳》「子貢仕衛」不合, 皇疏引殷仲堪曰:「不受矯君命。」江熙曰: 蓋《論衡 時,故貨殖多,富比陶朱。」又云:「子貢善意,以得貨 而貨殖焉,億則屢中」,罪子貢善居積,意貴賤之期,數 則屢中」即承上「貨殖」言。 班 至國君無不分庭與之抗禮 瓢 衛、發貯鬻財曹、魯之閒、七十子之徒最爲饒。 皇本「億」作「憶」。 史記 屢 回 意」,字異義同。 《傳》全引此文,而以 飲,在于陋巷。 也其庶乎?]字,「得其時」解「中」字,此漢人解誼之最顯然可 地 ○注「言回」至「心也」○正義曰:《爾雅・ 廣》云: 议 伯夷列傳》:「然回也屢空,糟 「意貴賤之期 「夫賤 屢空。 《貨殖傳》云:「子贛既學於仲 子贛結駟連騎,束帛之幣,聘 《漢 不周 「賜不受命」二句爲孔子所譏,是「意 書 賜不受命而 |解「億」字,「數得其 知 《論衡·知實》篇:「「賜不受 貨 貧 然孔子賢顏淵 《詩 殖 不 傳 妨 繫辭傳》「顏氏之子,其 貨殖 》、漢《陳 節 行 南 焉, 山 ※ 糠不厭。」《鹽 顔 而 「賜不受濁世之 意則 度

日 :

如

此也。

《平議》:

「古者商賈皆官主之。

對觀之,蓋即

指受命而言。」案:

譏子贛, 日

屢

中。」

而顔淵

食 仕 作

碑 尼

引 退

並

而

享

諸

侯, 所 簞

是 偶 病

富 然

亦 亦

不 所

知 以

道

者。 虚

雖

不

窮

不

is.

也。

正

壓節掌於官。

淵屢空,不爲

鐵

得

其

時

數 '據者

釋言》:

「庶 非

「不宜空我

尼 曰: 不賢; 事 假經設誼,依託象類,或不免乎「億則屢中」。」此明謂億度 也。」案:《漢書·眭宏等傳贊》: 之,二君皆有死亡。 非能先億度之也。 貨」者、《説文》:「貨,財也。」「億度是非」者,謂於事理之是 首陽矣。」」是漢人解「屢空」皆爲空匱。 玉高,其容仰。 理,注説亦非無本。 「賈逵母病,此子無人事於外,屢空,將從孤竹之子於 孔子不容,不爲不聖。」《後漢・ 「賜不幸言而中,是使賜多言者也。」」此憶中之類 魯定公受玉卑,其容俯。 皇疏云: 君爲主,其先亡乎?」是歲定公卒。 「故《左傳》: 「漢興,推陰陽之災異者 賈逵傳》: 子貢曰: 注前説是也。 「邾隱公朝魯,執 一帝 「以禮觀 謂馬 「財 仲 防

學禮樂之事也。 户之跡,而 所行之道,當效前言往行,以成其德,譬諸人室必踐陳涂 而可以爲善人,乃問善人當何道以自處也。 正義曰: 追舊迹而已,亦少能創業,亦 不人於室。」【注】孔曰:「踐,循也。 子張問善人之道。子曰:「不踐迹,亦 孔氏廣森《經學卮言》: 後 循 循然至也。」案:孔説是也。 善人質美未學,故必進於禮樂,乃可入室。 「問善人之道,則非問何如 不 入於聖人之奧室。」 言善人不 故子告以善人 踐迹」者,謂 但 循 堂

> 責。 侯言。 行。色莊者,不惡而嚴,以遠小人。言此三者,皆可 乎?」【注】論篤者,謂口無擇言。 子 文》:「迹,本亦作跡。」《説文》:「迹,步處也。 未能成,所謂「不入於室」也。《漢志》所云,於義亦通。 爲邦百年,仍不能興禮樂之事,故僅可勝殘去殺,若仁道 亦同也。 於室,然猶百年勝殘去殺矣。」據《志》此言,以「善人」指 民以德教,變而化之,必世然後仁道成焉。 以爲善人。正義曰:邢疏云:「此亦善人之道也,故同爲 人爲國百年,可以勝殘去殺矣。」言聖王承衰撥亂而起,被 漢書 曰:「論篤 當是異時之語,故别言「子曰」也。」案: 夫子言善人不得 速,籀文迹从速。」●並不作「跡」,是「跡」乃「迹」俗 上篇言「聖人」、「善人吾不得見之」,彼言「善人」,義 刑法志》:「孔子曰:「如有 王者以德教化民,制禮作樂,功致太平。 是與? 君子者乎? 王者,必 君子者,謂身無鄙 至於善人,不入 世而後仁。 蹟,或從足 色莊 若善 《釋 者 善

章。 蓋此三者皆可謂之善人,然容有似是而非者與乎其間,故但 見之,及此言及善人,舉所見論篤、君子、色莊三者以當之。

「擇」與「殬」同,敗也。彼作「擇行」,謂無敗行。「善人」○正義曰:「口無擇言」、「身無鄙行」,約《孝經》文。爲疑辭。或言「與」,或言「乎」者,文法之變。○注「論篤」至

爲義? 不特失承順之道,並 求也問聞斯行諸,子曰聞斯行之。 赤也惑, 華 問:「聞斯行諸?」子曰:「聞斯行之。」公西 焉可也。 力行,君子善則歸親,苟有所爲而合於義,稱父母或兄之命 在,而夫子答之與答子路異,此赤所以惑也。 之失而正之。」正義曰: 鄭曰:「言冉有性謙退,子路務在勝尚人,各因其人 行之?」【注】孔曰:「當白父兄,不得自專。」冉有 救乏之事。」子曰:「有父兄在,如之何其 敢問。」【注】孔曰:「惑其問同而答異。」子曰: 「求也退,故進之。由也兼人,故退之。」【注】 Ė 一,由 子路問:「聞斯行諸?」【注】包曰:「 但子路有聞即行,其中有宜稟命父兄而迫不能待, 若必待稟命,而或爲父兄所阻不得行,是亦奚得 也問 其所行或因急遽而未合於義,此夫子 聞 斯行諸,子曰有父兄在。 觀公西華之問,冉有亦當有父兄 夫聞義即當 聞 賑 斯 窮

教也者,長善而救其失者也。」 失則止。 之,亦因其所失正之,不能同也。《學記》云: 退 誠非子道,亦用包説。」〇注「言冉」至「正之」〇正義曰:「謙 船而還」。裴松之引《論語》「有父兄在」之文,謂琮輒散父財 父兄許之,乃稱父兄與之,不聽即止。 弓》:「未仕者,不敢税人。如税人,則以父兄之命。」注云: 諉者,不患其不稟命,但慮其逡巡退縮,而爲之不勇耳,夫子 所以抑之也。 教者必知之。人之學也,或失則多,或失則寡,或失則易,或 全琮以父命「齎米數千斛,到吴市易」,琮悉以賑贍大夫,「空 在,如之何其聞斯行之也?」「包咸之説,蓋出於此。《吴志 不得許友以其身,不得專通財之恩。 文集》:「《曲禮》:「父母在,不許友以死,不有私財。」《檀 多端,注必指賑窮救乏者,舉所重言之。錢氏大昕《潛研 得其異同,亦可謂善學者矣。「如之何其聞斯行之」,皇本 所以進之。二子之問,非在一時,而公西華之窺聖人,有 「不專家財也。」《白虎通》云:「朋友之道,親存不得行者二: 行之」下有「也」字。 」者,「謙」與「慊」同,不足也。冉有、子路各有所失,夫子教 此四者,心之莫同也。 至冉有,固自言「説子之道」而以「力不足」自 ○注 「賑窮救乏之事」〇正義曰:義 知其心,然後能救其失也 故《論語》曰:「有父兄 友饑,則白之於父兄 「學者有四失 堂 事

之未死 虎 遇 後顏子來見,夫子喜出望外,故直道心之所疑,初不料顏子 戟,然亂離之時,或不幸而死於非命,此亦人事所恒有。 其爲匡人所殺。 匡人之難,相失在後。 父也。」此周、秦人解誼之最古者。 淵 畏?』孔子畏於匡,顔淵後。 曾點曰:「無乃畏耶?」曾點曰:「彼雖畏,我存,夫安敢 也,其有師者可 春秋·勸學》篇:「曾子曰: 『君子行於道路,其有父者可知 友以死。」顏子事夫子猶父,故云「子在,回何敢死」。《吕氏 在,己無所敢死也。」正義曰:《曲禮》云:「父母在,不許 相 難而 曰:「子在 而誤圍之,非真欲殺夫子。 失,故在後 :「子在, 子 \Box 畏於匡 「子在」,何也? 至顏子之對夫子曰「子在 ,回何敢死?」顏回之於孔子也,猶曾參之於 知也。」曾點使曾參,過期而不至。人皆見 口 也。二子: 雖在顏子必不輕身赴鬭,如子路之愠怒奮 , 顔淵 何 敢 夫子必心焉望之,望之而不至,則 티 : 蓋以夫子狀類陽虎,匡人疑爲陽 死?」【注】包 後。 孔子曰: 「吾以汝爲死矣。」顏 此直俟其細詢踪跡 「吾以 【注】孔 蓋顔子隨夫子行,忽遇 ,回何敢 女爲 曰: 曰:「言夫子 「言與 死」,夫夫子 死 審其 矣。」 孔 及 疑 子

> 不合。 死。 也。 敢就死,自必潛身遠害,或從他道迂行,此其所以 之不輕於一死,顏子蓋真知之,故曰「子在」。 不待夫子自辨,而聖德光箸,匡人已知決非陽虎矣。 静,自足知之。 「先」字之誤,或以「子在」爲「在圍中」,「死」爲「赴鬭」,皆 甲,忠信篤敬,蠻貊可行」。 聖賢往 惟知子在,故顔子獨後,惟顔子獨後,而夫子又疑 迹及其心事,可 《書》傳言「夫子弦歌 按文而得 此豈陽虎之所能爲者? 不 之。 輟, 曲三 他 説以 而因子在不 一終,而 相失 「死」爲 夫子 在後 王 爲 人

「言 【注】孔曰:「子然,季氏子弟。自多得臣此二子,故 問。【注】孔曰:「謂子問異事耳。 曰 問之。」子曰:「吾以子爲異之問,曾由 止。今由與求也,可 安足大乎?」所謂大臣者,以道事君,不可則 備 季子然問:「仲由、冉求可謂大臣 臣 弑父與君,亦不從也。」【注】孔曰"「問爲 數 而 己。」曰:「然則 謂具臣矣。」【注】孔 從之者與?」子 則此二人之問 與求之 與? 曰:

故曰 旅泰山 也。 逆。」正章 問」,曾猶乃也。 從 以去就争也。《公羊》莊二十四年「曹覊」下傳云:「三諫不 從可也,大從罪也。 君之法。 顯諫,三 可則止」者,謂事君當以正道。 此古文出六朝 仕爲行道,道不行,義不**可** 正以道,故季子然以「大臣」許之,而夫子斥之者,以其不能 臣三人,雖無道不失其家。 從惡也。」包氏慎言《温故録》:「《韓詩外傳》云:「大夫有諍 大臣者,以道事君 ,遂去之,君子以爲得君臣之義也。」注云:「孔子曰: , 静不從得去何? 之。「止」,謂 占皆 有諤諤静臣者,其國昌。」」依此,則二子事季,亦能匡 「異」者,謂 當 義 曰: 以 諫而不聽,則逃之。《白虎通•諫静》篇: 從 劉敞《春秋意林》: 所 《雍》徹 時所製。 《釋文》云:「思,古文『臣』字,本今作『臣』。」 欲。❶ 去位不仕也。 異人也。 見王氏引之《經傳釋詞》。「以道事君,不 ,然而不亡者,以有冉求、季路爲宰臣也。 不可 大臣者,其任重,其責厚,小從罪也,大 以屈尊伸卑,孤惡君也。」並言大臣 言二子雖 「大臣」者,謂公卿大夫爲諸侯佐者 若顏淵、仲弓之類。 則 素餐,所 季氏爲無道,僭天子,舞八佾, 「具臣者,其位下,其責薄,小 止。」此之謂也。 [《]曲 若君所行有過失,即以道諫 禮》云: 從 以 其主,亦 申賢者之志,孤惡君 「爲人臣之禮,不 「曾由與求之 不從得去者 不與 「諸侯之 為大 所 事 主也。 0 數。 則

臣

正

臣

選》注四十七引《論語摘輔象》曰: 遂欲弑父與君哉? 者多矣。 萌,故曰「具臣」。 然亦弟子之一。」戴氏望《論語注》:「疑子然即季襄。」〇注 ○注「子然季氏子弟」○正義曰: 此言,明二子尚能 之是狗而已,履霜堅冰之不戒,馴至蹉跌,以至於從人弑 從,何必由、求而能之? 也。」夫二子非黨惡之臣,然不能直伸己志,折 「具,共置也。」《廣雅・釋詁》:「具,備也。」大夫家臣,當有員 謂子」至「大乎」〇正義曰: 」,並不合。○注「言備臣數而已」○正義曰:《説文》云: 此二子仕季,亦但備數,任職事,不能如大臣 《漢書·翟方進傳》:「爲具臣以全身。 如荀彧、劉穆之之徒,其始從曹操、劉裕之時,亦豈 守正, 張栻《論語 惟其漸浸順長而勢卒至此耳。」案: 夫子 亦 曾不知順從之臣,其始也,惟 所以警季氏,使無自陷大逆也 解》: 注以 宋氏翔鳳《發微》云: 『子然公順多略。』知季子 或曰: 「異」爲「異事」,「曾」爲 弑父與君,亦 奸人僭 能匡正· 《文 竊之 利 君 害

子路使子羔爲費宰。 子曰:「賊夫人之

從」下、「欲」下,阮元刻《十三經注疏》本分别有「君」、 一字。

邪

不可 注: 所 增。 增 子。 不釋郈,則 宰,故欲任子羔治之。」案: 【注】孔 非土不立,非穀不食。 今時里社是也。」「稷」者,穀神。 社稷」者、《祭法》云: 者,民謂庶 誤,莫之能正 有郈鄉,今山 是 讀 賊 在 害。」子 書 「大夫不得 《史記· 張守節《正 習之,亦學也。」子曰:「是故惡夫佞 亦作 知所見本無「費」字。 (注)包 曰: 然後爲學? 而祭也。 人在 包 ,路曰: 郈 弟子傳》作 「疾其以 耶? 東東平州東境也。 周 幸」。 曰: 特 義》引 官, 馬、 立社,與民 故封土立社,示有土也。 人謂群 所 「子羔學未熟習,而 戴 鄭諸家所據本皆作 當闕 「大夫以下,成群 有民人焉, 土地廣博 括 口 氏望説: 」【注】孔曰: 「使子羔爲費、邱宰」。 給應,遂 地志》,釋郈在 有 疑, 戴説頗近理。 《漢 族居,百 司 各就文解之也。 皆 《白虎通· 子路以墮郈 不可偏敬也。 地理 「《史記》「費」字,後 己 所 家以 非 有 以 志》: 「言治民事 佐宰治 立 鄆城宿縣,未言 而 社 使爲 費」,豈當時已文 然《論語集解 社,曰 上 不 稷 稷,五穀之長. 社稷》篇: 東平國無 則 後,不可 知 政, 《論衡 焉, 事 「有民 (窮。)正 五穀衆多 共 置社 立 也。 所 神,於 者。」 何 鹽 以 無 人所 人 「有 》亦 社, 人 必 鄭 爲 費 良 縣 藝 義

旨。 壇,並 釋》: 故立稷 聞以政學者也。 愛人,傷之而已,其誰敢求愛於子? 吾子愛人則以政,猶未能操刀而使割也,其傷實多。 否?』子皮曰: 學進,故子路言仕宦亦不以讀書爲重也。 書者、《詩》、《書》、《禮》、《樂》之統名。 凡舉民事時皆同 是其正祭,不煩廣説他事也。 於社甚多。 無稷,而後世遂社稷分壇,失古義矣。」案: 稷者社之細是也。 長 亦愈知治矣。]子産曰: 曰:『不學而能 二,言稷必兼言社,言社不必言稷,而稷 哀公問於子夏曰: 也。 《左氏傳 無稷壇。 社稷,皆祀 歲再祭之何? 而祭之也。 《白虎 「愿,吾愛之,不吾叛也。 自 安國保民者、未之有也。」」即夫子此 子 若果行此,必有所害。」」與夫子 矣。 通》 王莽官社之外復增官稷,光武 土 社稷共祀於 稷 皮欲 『必學,然後可以安國保民乎?』子夏 神 者得 祇舉求報言者,以 讀書」 也。 春求秋報之義也。」夏氏炘《學 不可。 使尹 陰陽 土爰稼 者、《説文》云: 大夫祭社稷,亦是春求秋 何 中 人之愛 爲邑。 壇。 和之氣 穑,社 僑聞學而 於時 歷考諸經傳 在其中。 子 人,求利之也。 社稷皆土神, 使夫往 與 而 世卿 産 《韓詩 (稷不 讀 天子諸侯 用 曰:『未 此 後人政,未 而學焉, 持禄,不 尤 誦 州治 能 鄭 多,故 外傳》: 只 語 書 氏 分 意 子之 言 求 行 之社 禮 知 也。 所 而 有 同 報 夫 由 謂 可 爲

佞事,云「禦人以口給」,給謂應之速,如供給者也。 敗」、「害」義近。 「所 「窮」謂理窮也 以 爲賊 害」〇 ○注 「疾其」至「知窮」〇正義曰: Œ 義 曰:《説文》云: 「賊,敗 「遂」猶 上篇言 也。

成也。

或言「侍側」,此 饉。【注】包曰:「攝,迫也。 或 路率爾而對曰:【注】率爾,先三人對。「千乘之 哉?」【注】孔曰:「如有用女者,則何以爲治?」子 曰:「女常居云,人不知己。」如 長,故難對。」居則曰:『不吾知 爾,毋吾以也。【注】孔曰:「言我問女,女無以我 曾参父,名點。」侍坐。子曰:「以吾一 爲之,比及三年,可使有勇且 ,攝乎大國之間,加之以師旅,因之以 「侍坐」者,謂四子侍於夫子坐側也。 , 冉有少夫子二十九歲, 公西華少夫子四十二歲, 惟曾 子路、曾皙、冉有、公西華【注】孔 夫子哂之。【注】馬 獨言「侍坐」,明四子亦坐 迫於大國之間。」由 曰: 或 知方也。【注】 知 也!』【注】孔 也。 「哂,笑。」正 上篇或言「侍」, 爾 子路少夫子 日 曰:「晳, 則 何 長 以 乎 也 饑 義

年。」所謂 子・儉武》篇云: 百人,旅,五百人,師,二千五百人,軍,萬二千五百人。 師爲軍。 發論,誘之盡言,以觀其才志何如耳。 「無」同,皇本作「無」。「以」,用也。 四子,不欲多引年,故謙言「一日也」。「毋吾以」者,「毋」與 皙年無考,其坐次在子路下,是視子路 熟爲饉。」郭注:「凡草菓可食者,通名爲蔬。」邵 此皆先王所因農事而定軍令者也。」「因之以 注:「伍、兩、卒、旅、師、軍,皆衆之名。 也。」「軍之五百 「『率』,本又作『卒』。」是「率」、「卒」二字通用。「加之以師 爾」,注同。《莊子・人間世》注:「率然附之。」《釋文》: 自言身老,若四子,則年力未衰,宜爲世用,故就其平居 老,無人用我也。《釋文》云:「「吾以」,鄭本作「已」。」鄭 《説文》云:「二千五百人爲 旅」者謂己國有征討及他國來侵伐者也。 「毋以我長之故,已而不言」。 五人爲伍,五伍爲兩, 以起軍旅,以作田役,以比追胥,以令貢賦。」鄭 因」也。 人爲 「師之所處,荆棘生焉,大軍之後,必 《爾雅 旅。 四兩爲卒,五卒爲旅,五旅爲師,五 從 釋天》云: 師。 汄 已,止 從从。」《周 從帀從自。 也。 言此身既差長,已衰 「穀不熟爲饑 「率爾」,皇本作「卒 年稍後。 兩,二十五人; 官 「加」者,益 似紆曲。 饑饉」者、《老 自 小 氏晉涵《正 四 夫子長於 司 市衆 徒 夫子 卒, 也 意

時,已 義》: 省 列 字皙,奚容箴字子皙,又狄黑字皙。 從黑、箴聲。 或 績」,三考凡九年,乃行黜陟。子路言甫及三年初奏績之 民之卒伍而用之。」是三年乃大比之期。 行徵令。及三年,則大比。 鄉之衆寡,六畜、車輦。 《周官・小司 文》:「飢,餓也。」義稍别。 謂之饉,五穀不收謂之饑。」《墨子》以「五穀不收」爲「饑」, 爲名,其實五者皆爲饑也。 之大饑,又謂之大侵。」此以穀人多寡分立差等,兼取 升謂之饑,三穀不升謂之饉,四穀不升謂之康,五穀不升謂 合於雅訓 穀梁》、《墨子》各具一義。 傳 可 《論語 「《穀梁襄十四年傳》云: 使治賦」也。 有成功。 也。 「曾蔵,字皙。 矣。」案: 「比及三年」者,比,近也。 》曾皙名點,則同音叚借字也。」〇注「言我問 古人名 鸈字哲。」段注: 徒》云: 蓋子路長於治軍旅,故夫子亦言「千 穀不熟、 ○注「皙曾參父名點」○正義曰: 「乃頒比法於六卿之大夫,❷使各登其 曾參父。」《説文》: 辨其物,以歲時人其數,以施政教, 今經傳通用。「由也爲之」者, 《墨子・七患》篇:「一穀不收 大比則受邦國之比要,乃 《釋文》:「饑,鄭本作飢。」《説 疏不熟皆可 ●「一穀不升謂之嗛,二 「蔵」、「箴」皆「黵 《弟子列 見《廣雅・釋詁》。 又《書》言「三載 黯 名饉。 雖 傳 哲 《爾雅 而 《弟子 黑 曾蔵 乘之 會萬 荒 穀 淡及 也。 之 女 考 饉 不

> 讓。 「教以禮誼之謂也」,與鄭注及此注同。 逸章句云: 『攝葉,不舒貌。』 迫蹙,故不舒。」 〇注「方義方 楊倞注:『隘, 望,不得急遽先三人也。 顧 於文未順。 相 之教民,必立貴賤之倫: 法 ○正義曰: 蹙』與「迫」同。 疏》:「《荀子·禮論》云:「其立哭泣哀戚也,不至於隘攝。」 爾 篇:「卒然問曰。」「卒」、「率」義同。 三人對」〇正義曰: 女無以我長故難 掩 也。」「禮法」即是義。 而對。」案: 望而對,非禮也。」注云: ○注「攝迫也」○正義曰:「迫」謂 勇力不相犯,故力同一 《廣雅・ 又難對之義,非經所有,並非是。 四子以子路爲年長,自當先對。 窮 《楚辭 也。 對」○正 釋詁》:「方,義也。」鄭注此云:「方,禮 「率」者,輕速之意。 攝 《漢書·禮樂志 經使不相陵,德義不相踰 哀時命》:「衣攝葉以儲與兮。」王 ,猶戚也。」此「戚」即 又其言自負太甚,故夫子以 義 而意和 一禮尚謙 日 注意 也。」是其義也。 《曲禮》:「侍於君子,不 也。 迫近也。 吾 《司馬 不顧望,若子路率 《孟子・梁惠王 》引此句,解之云 以二字爲倒詞 ○注「率爾先 「蹙」字、「窮 法》云:「古 焦氏循《補 但 ○注「哂 材技 亦 爲 當 顧

0

[「]十」上,據《穀梁傳》脱「二」字。

❷ 「卿」、《經解續編》本作「鄉」,與《周禮》原文合,是。

問樓 已。 謂。 禮 典》曰: 十」,「宗廟之事,如會同」,「如」字並與「與」同義。 引之《經傳釋詞》云:「如,猶與也,及也。 國之四竟,以正方計之,有此數也。 正義曰:「爾何如」者,謂其志何如也。「方六七十里」者,謂 已,謂衣食足也。 禮樂,以俟君子。」【注】孔曰:「求自云能足民而 謙 如 至矧爲度,過此則壞顏且失容,故曰「笑不壞顏」,非微笑之 聲。」《説文》無「哂」字,作「弞」爲正,「矧」是叚借。 氏翔鳳《過庭録》: 笑則見。」《釋文》: 笑」○正義曰:《曲禮》: 如作 退,言欲得方六七十,如五六十里小國,治之 ?」對曰:「方六七十,如五六十、【注】求性 鄉 緩 求也爲之,比及三年,可使足民。 飲酒禮》: 哲亦以夫子有異常笑,故問之爾。」「水 「與」, 曰 ❶「脩五禮、五玉、三帛、二生、一死贄,如五器。」《儀 子 是 其 秦 『公如大夫人。』《史記・虞卿傳》: 地如 「《説文》「弞,笑不壞顏曰弞。 證 「矧,本又作哂。」是 若禮樂之化,當以待君子,謙 毋 「笑不至矧。」鄭注: 如」、「與」聲 予,孰 吉?」』《 「如五六十里」者,王 「哂」與 相 「方六七十,如五六 近, 新 「齒本日矧,大 序 故 矧 ! 如如 從欠引省 善 《書 同。 凡笑以 謀 如 爾何 一趙 也。」 訓 其 堯 而 王 氏 宋 爲 0 國。

學焉。 事,謂祭祀也。 子、男五十里」。《周官·大司徒》云:「公五百里,侯四 性」至「而已」〇正義曰: 焉。」【注】鄭曰:「我非自言能,願 秋時,列國兼併,小國見侵削,不能 里,伯三百里,子二百里,男百里。」與《王制》、《孟子》不同 性謙退也。《王制》、《孟子》皆言「公侯方百里,伯七十里 民,亦須以三年計之也。 衣食足而知榮辱,廉讓興而争訟息,故三載考績。」然則 亦待三年者、《漢書·食貨志》云:「三年耕 蓋《周官》言封域,《王制》、《孟子》專就出税之田言耳。 「與」、「與」亦可訓爲「如」。」「足民」者,謂使民財 也。 君之禮。」正義曰:「宗廟之事」,鄭注指祭祀。 「 赤 ! 衣玄端,冠章甫,諸侯 宗廟之事,如會同 爾 何 諸侯時見曰 如?」對 冉求能治大國,而祇言小國,是其 皇本「民」下有「也」字。 會, 日 曰 : ,端章甫 視 如 殷 制,故有此六十里 非 朝 頫 學爲之。 之 日 則 服。 同。② 曰能之, 餘 願 小 爲 年 宗廟 ○注「求 用 胡氏 端,玄 相,謂 小 一之畜 足 也。 相 願 紹 之 > 足 百

端

相

堯典」,據《尚書》應作「舜典」。

⁰ 頫」,孫校改作「覜」。

相 必

會矣。 壇,則 者,則 官一可 也。 會 會 襄四年傳》云: 鶚《禮説 勳 餘 日 月,公及諸 頓子、胡子、滕子、 侯、宋公、蔡侯、衛侯、陳子、鄭伯、 見于郤地 如「不見宗廟之美,百官之富」,言「宗廟」可該禮器,言「百 舉「宗廟」不言「朝聘」,舉「會同」不言「壇坫」,皆 祀,宜主朝聘而言。 「會」、「同」二字本義,原止二人相合。 1,故以 同一解 ※ 拾 君聚會稱會同之證。 「會,對也。」《説文》云:「同,合會也。」「合,合口也。」是 相 會同難 `該朝廷也。」案: 會同 義 「宗廟」爲朝聘可 此會同之小者也。 見于郤地,可謂之會,則相見於宗廟之中,亦可謂 會同 兩君 日 之大者也。 侯 「案: 會。」《春秋》所書「公會某君于某」,皆兩君 嘖 盟 「宗廟之事,祭祀 相 」言之。』《爾雅・ 【《文王》,兩君相見之樂也。」杜注以「諸 于皋 有煩 見。 會同之禮 薛伯、杞伯、 下言「如會同」者,會同不在 言, 鼬。」傳云:「衛子 胡説是也。 知。 《左定四年 孔 十餘國聚會,所 莫之治 疏云: 至於十餘君聚會,不于廟 ,非必諸 如會 小邾子、齊國夏于召 在 也。 朝 釋詁》云:「會,合也。」又 同」者,如 許男、曹伯、莒子、邾子、 其中。 經》云:『公會劉子、晉 大夫士助祭,無用端 侯 而設享, 《曲禮》云:『諸 會同於天子 其 謂 使祝佗從。」」此 行敬子言於 獨 「嘖 此經不 ,猶與 是 有煩言」者 一廟 而· 亦二 互文見義。 也。 也。 陵。 得 在 靈 君 金氏 而 相 侯 指 **企** 壇 Ŧi. 之 服 公 于 見 相 聚 侯 祭

> 所服,於諸侯無涉。 旨。 篇: 會同 見言之。」又云: 段氏玉裁注:「凡 愚以下文言「宗廟會同」明宗廟有專 稱 云: 同。』《春秋 故曰「宗廟會同 之名,故《説 委」、杜注: 詞 端, 與」,王義自優。 也。 一會同 貴有言語之才以爲 非 非 「齊頃公即 其 「端章甫」者,鄭君注爲「諸侯視朝之服」,然此 「諸侯會同,賢 自是同音段借。 更端詞。」案: 公西華志於禮 也。 事也,故曰「宗廟之事,如會同」。 繁露 「禮衣端 文 惟 非諸 位九年,未嘗 兩 ф 「如」字作指 衣及裳,不邪 而宗廟之事,必 竹林》篇: 爲主、賢賢 部》「輸」 《説文》云: 金説是也。 君 正無殺,故曰端。」●今案: 侯而何」? 相 樂,則其所謂「會同」者,必指 相 凡朝祭之服、皆用 , 若 見 下日 兩 自 點詞 肯 「會同之事; 也。 君 殺之幅 《左僖八年傳》云:「不 在宗廟之中,爲 「褍,衣正 相 自注: 宗廟之事不一,而 如 與 「正幅裂」。 據此 與會同之事。」《王道 見 胡 指之事, 王 氏以爲 則 日 一氏訓 諸 幅。 IE. 長 禍。」《 文,明 「如」字乃指 大者主 於禮樂者可 幅, 與 朝 則 從衣 今經傳皆作 「褍」是 聘,乃 諸侯之事 通 列 左 」者義 如訓 得 耑 是相 國 小。」又 兩 傳 端 IE. 異

0 説,非杜注也。」 杜 注 至 一故日 端」, 孫 校: 此 《昭 元 年 シ孔 疏 引 服

接也。」此亦舉玄端以例其餘耳。

朝

未曉。

《釋名·釋衣服

袂雖侈,仍用正幅,何妨得有端名?

幅爲之。大夫以上之袂,加半幅

據。

袂,亦以鄭氏爲誤。

謂男子五冕服、五衰服皆端,惟弔

等矣,無大夫、士之辨也。

尺二寸而屬幅,是廣袤等也。

侈之者,蓋半而益

端、素端。」康

成

注

云:「端者,

,取其

服

一士之服

自

皮弁而

下,

如

至玄端服不同

,而其爲端則

同,何

義》:「古時布廣二尺二寸。

端

用

正

故

《樂記》言

魏文侯端冕而

色

《荀

亦

近 也。

於

黄。

相

近。

如 與

雖

鄭 朱

裳,

蓋

叮

知 經

設。

素

積」,

唯

其

鞸。」

服

置

裳

三. 七 二.

飾

甫 表明大夫也。 궁 : 也; 云「絻 貌者、言委曲有貌也。 同,未之聞。《白虎通• 夏后氏質,以其形明之。三冠皆所服以行道也,其制 貌 弁可知。 端,賓如主人服,贊者玄端從之。」賈疏云: 明文、舊説謂「君臣同服」。 裳,則玄裳非但爲上士所服矣。 裳,而云「玄裳」,纁、玄色近,玄即纁也。❶ 朝聘會同 玄端爲士之正服,擯者玄端爲朝服。 「如主人服」,别言「玄端」,則與主人不同可知。」然則主人 直以意爲之説。 同 亦當用皮弁,而朝與會同皆爲皮弁可知。 「委,猶安也,言所以安正容貌。 章甫,殷道也; 爲玄冠 章甫者,尚未與極,其本相當也。 一月爲正,萬物始萌小,故爲冠飾最小,故曰委貌。 耐 乘路」,則爲天子冕服,蓋冕服亦 然朝服當云「委貌」,今云「章甫」者,以章甫 ,則凡士之爲擯者, 也。 「甫」或爲「父」。 《郊特牲》、《士冠記》並云: 案:《士冠禮》:「主人玄端爵轉,擯者玄 毋追,夏后氏之道也。」鄭注《士冠記 殷統十二月爲正,其飾微大,故曰 紼冕》云: 《聘禮》賓主既同用皮弁,則 自助祭外,皆用朝服,而 毋,發聲也。 朝聘會同 「所以 章,明也。 合之《論語》此文,有 夏統十三月爲正,其 謂之委貌何? 通 擯 天子冕服 名端。 此於經無徵 相之服, 追,猶 「委貌, 「擯者,不言 殷質,言以 當 堆 周 之異 與 非 經 有 用 也。 周 擯 章 委 道 委 無 玄 皮 纁

> 篇:「子貢曰:「志通而好禮,擯相兩君之事,篤雅其有禮節 周 冠 **擯禮,禮以擯辭,是之謂也。」孔子之語人也曰:** 儀三千,則難也。」公西赤問曰: 也,是公西赤之行也。 相之事,則 曰:「赤也束帶立於朝,可使與賓客言也。」與賓客言,是大 諸侯有宗廟會同之事,己爲小相,佐 前代之制,而用爲謙言,此亦理之未可達矣。 言「小相」可也。 疑其與《禮》不合,又以子華爲謙。 章甫之冠。 夫子與子華乃舍周之委貌,而服殷冠,是畔民 「端章甫」,皆當時禮冠用章甫之證。 用六代禮樂,當時本有章甫,爲大夫,士之冠,故夫子冠 制稍有大小之差,班言其形,鄭君兼釋其義,互 最大,故曰毋 (赤言) 魯人誦孔子,亦云「衮衣章甫」。 及此子華又言 追。 「小相」爲謙可 未有舉其禮服,而亦謙不敢 毋 孔子曰: 追 者,言其追大也。」案: 知。 「何謂也?」孔子曰: 禮 《大戴禮 夫子華能爲大相 儀 若當時未有此制 助 三百 君 也。 ,可勉也; 「小相」者,言 衛將軍 用,且 也。 「當賓客之 此則三 上篇夫子 相備 未 乃 文子 「貌以 , 而 聞 解 20威 而 耳。 以 謙 者 代

疑

⁰ 0 云「緇、 勉」下、《大戴禮記解詁》有「能」字。 纁 玄」至 玄色近』。 「纁也」,孫校: 「纁」乃傳寫之誤。」 「纁、玄色甚遠、 此 説 誤。

不巡守

則

六服

朝。

朝 守。

禮既畢,王亦爲壇,合諸侯以

命政

命之政,

如 盡

王

巡

殷 見,四

方四時分來,終歲

則

「有事 則

,而會,不協

而盟」是也。

殷,猶衆也。

十二歲,王

如

0

《春秋傳

既

朝覲,王爲壇於國外,合諸侯而命事焉。

注:

若大同則有常期:春,東方六服 宰》:「大朝覲會同。」注:「大會同或於春朝,或於秋覲。 也。」」」觀此,則子華爲相,是自道其實。然舊時解此節,以 於國外而命事焉。」又《大宗伯》:「時見曰會,殷見曰 不言「宗」、「遇」,有宗、遇可知。 秋冬,司農云「舉春秋即冬夏可知」者,❶經直云「大朝覲」, 朝,當秋來即是秋覲,當夏來即是夏宗,當冬來即是冬遇。 地又續》、凌氏廷堪《禮經釋例》皆斥其謬也。 宗廟」爲天子之宗廟,「會同」爲諸侯見天子之禮,「端章 時見者,言無常期。 」爲諸侯時見、殷見,則皆見天子之禮。《周官 侯當服裨冕,不聞 [冬夏可知。]疏云:「大會雖無常期,當春來即是春 門人曰:「二三子欲學賓客之禮 夫赤自思爲諸侯,其妄已甚,而會同 注以「宗廟之事」爲諸侯廟祭,而 用玄端章甫,宜閻氏若璩 諸侯有不順服者,王將有征討 盡來,夏,西方六服 在國行朝禮訖,乃皆爲壇 ○注 一四 者,於赤 宗 盡來 同。 書釋 • 廟 大 舉 解 之 之 大相。 相 鄭誤注,今不用也。 事 是其禮也。 而 統謂之相。 禮,或舉地,或舉事 也。 己。 《小司寇》「擯外朝」、《司士》「擯治朝」、《太僕》「正 邢疏曰:

春秋,則

禮,諸

甫」爲諸侯之服。

至「之禮」〇正

義

日

會同

事

通

矣。」

謂

徧。」疏云:「若不當朝之歲,則不須行 其當朝之歲者,則於國中春夏行朝宗於王朝,受享 朝覲 於國 中,直 壇朝

《雜記》云:「大夫冕而祭於公,士弁而祭於公。」此 於廟,秋冬則一受之於廟也。《大行人》云:『十二歲,王乃 擯、次介、末介之大夫、士耳。」案: 間,士介拂棖。』則卿爲上介,大夫爲次介,士爲末介也。 士爲紹擯。」《玉藻》云:「君入門,介拂闑,大夫中棖與闑之 巡守殷國。」若王無故則巡守,若王有故,六服衆皆同 云「願爲小相」者,謙不敢爲上擯、上介之卿,願爲承 也,會同二事也,端章甫謂視朝,三事也。三者皆 諸侯視朝之相無明文。 凌氏曙《典故覈 ,或舉服。 「小相」,在主國曰擯,賓國曰介,擯 「《聘禮》云:『卿爲上擯,大夫爲承擯 》云:「案: 古人文法互見如此。]案: 《周官·大宰》「贊聽治」,是 依鄭注,兼有朝祭之相 鄭注云云,蓋宗 成廟中之 擯 須 廟 此 紹 介 此 相

「秋冬司農云」,孫詒讓《周禮正義校勘記》: 説,不當云[司農云]。」 有奪文,「司」當作「同」,「農」字疑衍。 此 注並非先鄭 「【秋冬」下

對。 歎 雩之下,歌詠先王之道,而歸夫子之門。」夫子喟然 者、《説文》云:「鼓,郭 Œ. 冠者五六人,童子六七人,浴乎沂水之上,風涼於舞 者,季春三月也。春服既成,衣單袷之時。我欲 浴乎沂,風乎舞雩,詠而歸。」【注】包曰:「暮春 春者,春服既成,冠者五六人,童子六七人, 也。」【注】孔曰:「各言己志,於義無傷。」曰:「莫 者,投惡之聲。」子曰:「何傷乎? 亦各言其志 如 位 鼓, 出音曰鼓。」此字虚實兩義。 周官》 注】孔 義曰:朱子《集注》 以方鼓瑟,故夫子先問 皆 鐘鼓」字從 鼓瑟 舍瑟 小 小 曰:「置瑟起對。 「吾與點 相 師掌教鼓、鼗、 希 而作,對曰:「異乎三子者之撰。」 則 ,【注】孔 諸 _| | | | | 鼓 也。」【注】周曰:「善點獨 侯 也。 視 非 「四子侍坐,以齒爲序,則 朝 柷、敔、塤 求、赤,而後及點也。」「鼓瑟 从屮又。 曰: 也。 亦 撰,具也,爲政之具。 毛晃、岳珂並分「鼓舞」 有 一思 方氏觀 相 可 所 又象其手擊之也。」 簫、管、弦歌。」 知。 以 旭 對,故 《偶 點, 記 音希。」 知 點當 爾 字從 時。」 |《爾 注 希 得 何 鏗 次

對,敬異事也。 詮之言善也。」案:《廣韻 前不言者,從可知也。 令之坐是也。 己坐,亦得坐。 蓋君子有問於己、皆當起對,對畢就 引《論語》「裑爾,舍琴而作」。」案: 本改正。 瑟。」則點之侍坐鼓瑟,必由夫子使之。」其説並是。「 瑟,未有口歌。」又云:「《少儀》云:『侍坐,弗使,不 雅 云:「侍坐於君子,君子問更端,則起而對。」鄭注: 曰:『裑,琴聲。 「《論語》釋文云:「鏗,苦耕反。 爾」、《玉篇》引作 琴」字。此文孔注云「投瑟之聲」,「投瑟」必「投琴」之誤 **身**」與 釋文》所云「投琴」,即本孔注也。 舍琴而作」,下文云『本今作瑟』者,後人所增 一鏗爾,舍琴而作」。」大徐本作「舍瑟」。 段氏玉裁注依 釋樂》云: 「銵」同。 又「轉」下引此文,段氏亦改「舍琴」。 若然,此三子承夫子之問 若夫子問「六言六蔽」,子路起 君子必令復坐。」此舉問異事,當如前之敬 「徒鼓 口莖切。」《玉篇》曰:『裑,口耕切,琴聲』 《説文》小徐本「摼」下云: 持 瑟謂之步。」 爾一。 「撰」,鄭本作「僎」,云: $\stackrel{>}{\exists}$ 《廣雅 「詮,善言也。」本鄭義。 投琴聲。」是則陸氏本作 注 由段所引,是古本皆作 坐。 「作」,起也。 謂 釋言》: 獨 若對 作 並 之。 「讀若《論 應 而對 未畢 一銵, 語。 僎 作 其説 曾點 愐 君子 讀 《廣 《曲禮 擊 「離席 後 日 云: 也。 執 但 陳 韻 語 氏 鏗 琴 鼓 水

注

壇,壇 酒食也。 子陽也,成於陰,故二十而冠。」「童子」者,人年十五以上爲 魯縣故 中。」引申爲遲晚之訓,故此春盡言莫春也。 爾,更有甚矣。 成童,此則未冠者也。 春』。」《説文》無「暮」字,「茻」下云:「日且冥也。從日在茻 僞孔訓爲 改字也。〕案:鄭以點爲謙言,故夫子云「何傷」以解之。 「亦各言其志」,一本作「亦各言其志也」。」今皇、邢本皆有 **僎」,或爲「全」。」是「全」、「僎」本通,故讀「僎」爲「詮」,** 를 : 人也。 ·而冠。 % 古訓 「得」字。 三字。 「所以有冠者何? 常,莫不貴德示成。 高三丈,曾點所 「沂水出沂山 城 「沂水出魯城 **₩** 《魯》讀「饋」爲「歸」,今從《古》。」案:《水經 禮所以十九見正而冠者何? 故《曲禮》云:「二十曰弱冠。」」《白虎通· 紼冕 「莫春」者,舉時所值言之。《釋文》:「本亦作『暮 南。 「爲政之具」,是正點自負有異三子,視子路之率 《儀禮》鄭《目録》云:「童子在職居士位,年二 「《鄉飲酒禮》「遵者降席」,注:「今文「遵 沂 以此知鄭義精審,多若此也。《釋文》云: 水北 ,沂水在魯城南。 東南尼丘 欲 「浴乎沂,風乎舞雩,詠 對 冠者, 蜷 風 稷 禮有脩飾文章,故制冠以飾首 舞 似門,亦 處也。」尼丘 Ш 也,所以 山西北, ●平地發泉, 日 等門。 雩壇在其上。 漸二十之人耳。 **帐持其髮也。** Ш 門 即 皇本「冠者」上 南 而歸 鄭 隔 注 所 水 」者,鄭 饋 有 流 云 饋 别 男 人 非 爲 沂 雲 經 泗 0 官 城 Ш 南

云:

Ŧi.

也

成

《説文》:「雩,夏祭樂於赤帝,以祈甘雨 《齊乘》以魯沂爲西沂水也。 農云:「皇舞,蒙羽舞。」玄謂皇析五采羽爲之,亦如帗。」是 粤,或從羽,雩,羽舞也。」《周官·司巫》云:「若國大旱,則 雩祭有樂舞也。 皇舞,帥而舞旱暵之事。]注云: 帥巫而舞雩。」又《女巫》云: 有樂舞,故曰「舞雩」。 水。《哀二年》「取 武陽之冠石山者,亦謂之沂水,在今兖州府費縣,俗呼 匯爲駱馬湖,又南 北一百七十里,雕崖山接蒙陰縣界,南流至江南宿遷縣 言「壇高三丈」,其遺蹟 語》所謂「浴乎沂」即此。 「沂水在今曲 女巫》疏引《春秋考異郵》云: 此水在魯城 一者,就雩壇所在言之。 阜縣 雩壇在沂 東 人運 南二里,西 沂西田」是也。」案:齊之沂水在東,故 南,歷 也。 河。 《爾雅 齊 城南西,右 水上 《書》「淮、 亦有沂水,今沂州 「旱暵則舞雩。」《舞師》云: 饋爲饋 雩壇者,雩時爲壇設祭於此, 顧氏棟高《春秋大事 人滋陽縣 ,鄭自舉目見言之。 「旱暵之事,謂雩也。 釋訓》: 「雩者,吁 酒食」者、《周官 注 沂 泗 境,合于泗 也。 舞 其义」是 水,鄭 嗟求雨之聲。」 號雩也。」《周 從雨,亏 府沂 注 也。 表 止 水, 水 水 云 又 小 縣 聲 魯 北 論 司 出 沂 西

Ш 山」,據《水經注》衍 一「山」字。

伯》: 也。 記 《魯論》作 訓 **零祭或亦用** 則 指 雩,秋八月亦雩。 雩。」又曰: 此言之、涉水不浴、雩祭審矣。 也。 出 雩》篇解此 《古文論語》,當本作「饋」,徐廣所見一本是也。《論衡 詠 按: 吾與 「童子」,雩祭樂人也。 「浴乎沂」,涉沂水也,象龍之從水中 「春」謂 非 也。 酒食觀之,當以雩祭有酒食事矣。 而 《論 弟子列 春雩廢,秋雩在 祭也。 周之四月,正歲二月也,尚寒,安得 1論》。 王仲任説 點也。」善點之言, 四月 以 蒼龍 「風乎舞雩」,風 衡 饋 「歸」,依本字釋之、《少儀》「燕遊曰歸 文云:「魯設雩祭於沂水之上。「暮」者,晚 「龍見而雩。」啟蟄、 説 説《論》之家以爲浴者,浴沂 也。 食享先王。」鄭 昏見東方,在 當時今文《魯論 黍稷與? 傳》「詠 與 % 論語 「春服既成」,謂四月之服成也。「冠 鄭 春祈穀 君 而歸」,徐廣曰: 业 故靈星之祀,歲雩 同 鄭君此處注,雖殘佚不完,然以 歌也。 欲 雨 條 異 注: 正 以雩 最 影最 不 ,秋祈穀實。 歲 言 當。 可 《春秋左氏傳 「詠 盛 四 龍見,皆二月 祭調 知。 也。 月,始舉雩祭,故《左傳 饋 而饋」, 其 食者, 「一作「饋」。」史 云「説 和陰陽、故與之也。」 其以雩在正歲二月, 宋 「饋」、「歸」字通 浴 水中也。 祭也。 當今靈星,秋之雲 氏 詠歌 著 而風乾身? 翔 《論》之家」,當 》曰:「啟 有 鳳 也。 」是也。 黍 ,饋祭也,歌 孔子 一稷。」 《發微 風,乾身 春 二月 Í. 者」、 公采 蟄 然 **©**史 饋 也。 用。 明 而 由 則

曾皙託 雩。 祭 記 服既 者。 心也。 子八九人」者,蓋是天子雩也。」又《周 旱,則帥巫而舞雩。」是也。《春秋》説云:「冠者七八人,童 不言男女。 雩。] 疏云: 經》:「秋大雩。」注:「使童男女各八人,舞 特異三子,並與孔子問 中出,禮自外作,故孔子獨與點相 浴沂,言祓濯於沂水,而後行雩祭。 鞀鞞至柷敔皆作 甚而作,故其數多,又兼男女矣。 以」,言何以爲治。 成」,言時已暖也。 「若四月正雩,非 龍 也。 見 《論語》「暮春」,春盡爲暮,已 月令》: 彼言「暮春者,春服既成」,明魯人正雩,故其數少, 成,童子 而 點之志,由鼓瑟以至風舞詠 志於此。 雩帝,爲壇南郊之地,雩五精之帝,配 雩」, 今此書見於經 『《論語》「冠者 「仲夏大雩帝 杜 六七人,冠者五六人。」兼 注 直 , 曰盛樂, 凡他雩用歌舞 孔子問: 以 若以《魯論 然建巳之月,亦 有男巫女巫。 爲「建 意反矣。」又云: 巴」。 如如 用盛樂。」注:「雩,吁 ·非 五六人,童子六七人」,與 正雩也。 》所説,則 或 若 是以 契。 按"《論 知 不可 將 饋,樂和 啟 蓋三子者之僎 爾 唯樂不可以僞爲,故 四 蟄 《司巫》職云: 官 凡脩雩者 點 浴水中而風 月,故云『春 則 則 而 語 有此等。」又 有遺 《公羊桓 而呼雩,故 何 民聲 以先帝 已。 夏 司 》曾哲云: 以 正 巫 世之意,不 也。 天子雩 哉?」「 郊 嗟 禮節 皆爲 求 天 也 疏 「若大 乾 此 樂 謂 五 服 雨 云 而 身。 何 由 既 之 民 非

也。 鄭 備

注曰: 用禱 樂,故 帝,諸 星角、亢、晨見東方。」《周語》單子曰:「夫辰角見而雨畢」, 雖早,禮有禱無雩。 用雩禮,若不旱,則不雩,與《春秋》書秋雩之義合。 周之秋三月之中而旱,亦修雩禮以求雨」,則謂秋時 雩正祀在五月,不在四月。 樂,乃命百縣雩祀百辟卿士有益於民者,以祈穀實。」此 語》「舞雩」爲雩祭。」今案: 君 祀 列 》謂 建 龍,以 不雩,惟秋旱得用雩禮。 沈氏禱《孔注辨僞》解「龍見而雩」,云:「案:古以 言春夏冬用禱者,指小旱言之,若旱甚,亦是用 春、夏、季夏、 又以「浴」爲祓濯,亦較 ,則以漢禮誤解周制也。 「凡土功,龍見而畢務。」注謂:「今九月,周十一月,龍 「仲夏之月,令有司爲民祈祀山 戌之初,寒露節也。」「天根見 周 侯以 《論語 辰 (人一歲再祀,春以二月,秋以八月,是謂秋 角,大辰蒼龍之角。 下雩上公。」疏云:「正 星 》云「舞雩,詠 度考之, 、秋、冬雩祭之法,或董氏言旱甚則 此説四月正雩之外,若冬春夏有旱,但 龍 而歸」是也。」以上 星昏見,蓋在三月。《春 宋説雩在 鄭注以爲《禮 (論 而董氏《春秋繁露·求雨 又鄭注《月令》謂周冬及春夏 角 衡》「涉 雩 而 星 川百源、大雩帝、用 正歲四月,非二 水 則 名 水」之訓 涸」, 也。 非 》文有失,又云「凡 惟 三事,皆明 注曰 見 歌 舞, 者, 爲確。 秋 有零爲 兼 「天根 朝 因早得 而《論 月, 然。 零禮 見 左 有 [《]月 角 》篇 《論 氏 以 甚 盛 餘 0 案:

衡

IE

雩之正祭自在 見,至四月祭之,未爲不可。 傳》「龍見」,此經「暮春」,則周之雩月,夏正三月也。」今 龍星見而始雩。 鄭亦以四月雩祭,經無明文,疑不能定。 星昏中,非初見也。《詩 門右星入角,距西五度; 月。』三月火見,豈容龍見反在四月? 氏傳》梓慎曰: 「火見、於夏爲三月、於商爲四月、於周爲 諸星皆在九月朝見,每差五日,其在 草本節解」,注曰: 亢氐之間也。 而雩」是與?」正義曰:「言「是與」者,爲若不審之辭。」是 上帝也。』箋曰:『《月令》: 孟春 初昏,南門正。』《大衍議 始降。」「火見而清風戒寒」,注曰: 「駟見而隕霜」, 沈説甚覈。 四月。 謂 , 注 曰 : 然《左傳》郊、雩、嘗、烝,備 寒露 蓋漢以四月爲正雩,故服、鄭因之。 「本、氏也。 雨畢 沈君以 「駟、天馬房星 》謂"「立夏在井四度,昏角 左星入角,距東六度。」是四 一之後 周 頌 龍見在三月 經 謂寒露 Ħ. 「祈穀於上帝」,夏則 云「龍見」,非云「始見」。 噫嘻序》: 『春夏祈 日,天根 「謂霜 三月昏見亦然。 也。 之後十日 《夏小正》:「四 考《漢舊儀》,夏則 降之後。」是 固是,然三月 謂 朝 列四時之祭, 建戊之中 見。』「本 故 龍 見 穀 月 , 南 月, 定左 則 於 角 見 Ŧi. 龍 耐

也 而 與雩異,原書亦無雩文。」 董氏」至 則 然」,孫 校"「董子《求雨》篇所云乃禱 扶 而 八九亦合七十二人。 七則合七十二人之數。 爲民祈農報功。」、然則冠者、童子,皆是舞人。 祭,舞者七十二人,冠者五六三十人,童子六七四十二人, 御覽・禮儀部》:「《漢舊儀》曰:「禮后稷於東南,常以八月 五人,或六人也。「六七人」者,或六人,或七人也。《太平 宜。」又《春秋繁露・求雨》篇言春雩之制,「祝服蒼衣 處位次主,而爲之牲器時服。」韋昭解:「時服,四時服 也。』《國語 恩解此文,亦從《論衡》,云:「「春服既成」,謂雩時 會,於義遠隔,今並削之,不欲滋後世之疑也。 欲 非 據《月令》「仲夏大雩」之文,而又未能定,故云「與」以疑之, 八人,服青衣而舞之」是也。 《月令》且 冠者」疑即祝類,「童子」即雩舞童子也。「五六人」者,或 疑夏無雩祭也。 遂以《論語》所云「五六」、「六七」以巧合之也。又漢《唐 逐季氏,即昭二十五年秋七月上辛、季辛兩雩,此皆附 「春夏祈穀。」鄭以夏無祈穀,故舉雩祀當之,亦是暗 四遠童冠,摳衣受業,五六六七,化導若神。」此以 云「仲夏大雩」,而 楚語》:「在男日 至沈君以 疑漢晉時,雩禊之制,本用七十二人, 又晉張協《洛楔賦》: 調周 「浴乎沂」爲浴土龍,點言志爲 今案:由《繁露》文觀之,此 覡,在女曰巫。 無夏雩,豈其然乎? 「童冠八九。」 予友柳 是使制 而五六、六 ,小童 色所 神之 所 氏興 服 詩

> 也。 階三等曰壇。」故《絲衣》篇曰「自堂徂基」,又云「自羊徂牛 以爲農祥晨見而祭,王充以爲二月祭,並非稷正。要之,靈 秋求實,一歲再祀,蓋重穀也。 早也,於禮舊文曰雩。● 雩之禮,爲民祈穀實也。 史,令天下立靈星祠。」張晏曰:「龍星左角曰 洪丞相書》指七十二子,失之遠矣。 言 自 是漢制,宋君亦誤以爲周禮。 之説,當是《詩》古文家舊説也。」今案: 鼐 星之祭,即《左傳》『龍見而雩』。 龍星,「龍」與「靈」,聲之轉。 《漢書・郊祀志》: 「高祖 衣》,繹賓尸。 童 「壇謂築土起堂。」何休《公羊莊三年傳》注:「土基三尺,土 詠是歌《詩》,所歌蓋《絲衣》篇也。 志 是勤恤愛民之意。 鼎及鼎、兕觥其觩、旨酒思柔」、皆饋酒食之事。 冠爲曾點弟子,是《魯論》之説。 晨見而祭之。」《論衡・祭意》篇曰:「靈星之祭,祭水 以 諷當時之不勤民者。 高子曰:「靈星之尸也。」』《論衡 其時或值天旱,未行雩禮 《家語 竊以《古論》解此節爲雩 春以二月,秋以八月。」張晏 **零祭有壇。** 而《隸 《毛詩》篇 宋氏翔鳳《發微》云: 弟子解》: 靈 釋 星一歲再祀,乃 蔡邕《獨斷》: 》載員興宗《答 天田 義曰: 影以 故點即 春求雨 曾 則 則高子 靈 『絲絲 農祥 星爲 詔 祀 疾 時 御

❶ 「文」,據《論衡》當作「名」。

之「祓除」即《女祝》之「檜穰」。 始於宫闈,東京則沿爲民俗。 民皆絜於東流水上,曰

洗濯

三月上巳,張樂於流水。』《續

漢

「莫春爲季

月

爲

注

包

日」至

《周官

大 起

爾,投

瑟

記

》載:『戚夫人正月上辰出

今三月上巳如水上之類。1蓋鄭舉漢法以況周 秉蘭草,祓除不祥。1則亦以爲溱、洧之淫俗,非鄗、洛之盛 同蔡氏《章句》之説。沈氏濤《十經齋文集》云:「考祓禊 之既成,將祓除於水濱。」又云:「攜朋接黨,童冠八九。」亦 ,於古無徵。《晉書・束皙傳》言「周公卜成洛邑,因流 《周禮·女巫》「掌歲時祓除釁浴」,注:「歲時祓除 「鄭國之俗,三月上巳,之溱、洧兩水之上,招魂 也。」《論語》「暮 「季春,天子始乘舟。」蔡 禮志》、《續漢志》注 舞雩爲禮教,正與《論 祓除,去宿垢,爲大絜。」是西漢 ,池邊盥濯,食蓬餌以祓 《 禮 古祓禳皆除惡之祭。《女巫 此文,又誤會《古論》之義 《論 張協《洛 禮儀志》:「是月 河 月令》:「九門磔禳,以 曲」。 語 春者,浴乎沂」,今三 》所 襖賦 出吴均《續 謂 制。 補 「浴乎 × 引《韓 《西京 顧 衡 上巳,官 邕《章 祥邪。 》所 沂, 續 新 齊 , 如 魄 詩 雜 諧 水 之 服 風 云 各别。 安凶 畢 也。 牲以禳於四方之神,所以畢止其災。」《周 正 仲,末月爲季。 聲」者,投亦置 以 儺之禮。 訓 徒,秉火祈福 招弭,以除疾病。」注: 三月」者,莫,晚也, 司馬》「撰車 對」也。《説文》:「僎,具也。」「僎」與「撰」同。 〇正義曰: 也。」稀從希聲,希有鮮少之義。 而蔡邕、張協之徒, 「之門」〇正 對,故鼓琴略緩,而 春 建子,以十一月爲歲首, , 抑更事乖前典。」案: 一禍也。 氣。」注謂:「昴有積尸大陵之氣,佚則 ○注「思所以 此則蔡、張誤會《古論》之旨,妄以「祓禊」當 後世 注以 招弭皆有祀衍之禮。」杜篤《祓禳 義曰:《筆解》引此注 徒」,謂 猶 也。 「祓禊」,即 此三月是春末月,故言「季春三月」也。 存古 置訓 對故音希」〇正義曰: 具車 「投瑟」,當作「投琴」。 且以《論 季,少 制。 其音稀疏也。 招 徒也。 「舍」,「起 沈説是也。 其遺俗,與舞雩爲請 也。 魏晉以後,但 招福 而 語 仍 具者, 凡 》「舞雩」當之、匪 也。 蓋 用夏令,則莫春謂建 作「孔曰 四 訓 點聞夫子問己,而 ○注 時,首月爲孟,次 備也。 弭,讀 《月令》「磔禳」 「作」,故云「置 《説文》云: 以 禮 置瑟」至 絲 爲 厲 鋞

曰 :

記》,不足爲據。

《宋書

以 禮

泛泛酒。

秦昭王三月上巳,置

酒

月上

已祓禊於水濱,蓋

出於此。

「乘舟, 楔於名川

竹 賦

觴

詠

爲樂

特

義

異

古

雨

祈

穀

實

者

即

敉,敉,

也

》謂巫

一成之

男巫》:

隨

而

出

行

磔

以

當

舞雩。

《 月 令 》:

乎舞雩之下」。」以浴沂、風

調和陰陽」之旨合。

乃漢人解

時

禮

教不行,欲修之,孔子

善焉。

辰

月

周

「稀, 疏 「舞雩

一之聲

思

所

瑟

三八〇

宗廟會 後。 之,非也。 侯 如 故笑之。」唯求則非邦也與? 安見方六七十, 之。【注】包曰:「爲國以禮,禮貴讓,子路言不讓 也。 符傳》: 言魯人時正舞雩,點往其下,得風涼適體也。《後漢書·王 曰:「亦各言其志也已矣。」曰:「夫子何 舞雩之下,詠歸高堂之上。」」與此包注意同,爲《魯論》説 凡單給皆是春服,故注舉以言之。 衣。」注引《字林》,與《説文》同。 今人稱裌衣,亦給之轉聲。 由也?」曰:「爲國以禮,其言不讓,是故 善其能樂道之時,逍遥游泳之至也。」二子者出,曾哲 《説文》云:「袷,衣無絮。」《史記・匈奴傳》: 單」同。《玉藻》云:「禪爲絅。」凡衣有裏曰給,無裏曰 之事,與子路同。 五六十而非 軍 惟「風」字作「諷」,或係段借。 曾晳曰:「夫三子者之言何如?」子 0 給」者、《夏小 同,非 ○注「善點獨知時」○正義曰:皇疏引李充云: 「仲長統欲卜居清曠,以樂其志,論之曰:「諷於 諸侯而何? 邦也者? 正》云: 徒笑子路不讓。」赤也爲之 「二月,往耰黍,襌。」「禪」 唯 李賢注以《古論》之義解 (注)孔曰: 「風涼於舞雩之下」者 赤則非邦也與? 「服繡給綺 「明皆諸 禪。 哂 哂 與

> 何」。」皇本、唐石經初刻,均 「宗廟之事如會同」,非。「諸侯而何」,一本作「非諸侯如之 知,因云「今本無」。《釋文》又云:「「宗廟會同」,本或 記・三年問》「焉」字,《荀子・禮論篇》皆作「安」。 字」。盧氏文弨《考證》曰:「古「焉」、「安」二字通用。」《禮 也。「安見」、《釋文》作「焉見」,云「焉,於虔反。本今無此 侯之事,安見不能爲大相? 而二子之言皆讓,故無可 之。言方六七十,如五六十,安見非邦? 祇言能爲小相,則所言皆讓,與子路異,故夫子反言以 皆爲邦之事,而求祇言能仕方六七十,如五六十之小地,赤 赤」二語,皇、邢疏皆謂「夫子語」,是也。 作「吾子」,「曰爲國以禮」,「曰」上有「子」字。「唯求」、「唯 誰能爲大相?」正義曰:「夫子何 小 小」、「大」下各有「相」字。 `,孰能爲之大?」【注】孔曰: 與《釋文》一本同。 哂 由也」,皇本「夫子 「赤謙言小相耳, 夫子以求、赤所言 宗廟會同,皆諸 校者不 又皇本 譏 明 議

高郵夏崇術校 刊

0 「王符」,據《後漢書》當作「仲長統」。

論語正義卷十五

寶應劉寶楠學

顔淵第十二 集解

凡二十四章正義曰:《釋文》云:「「子路無

宿諾」,或分此爲别章。」

《後漢書•安帝紀》:「夙夜克己,憂心京京。」《鄧皇后 「大尉鄧彪海内歸仁,爲群賢首」。 「一日克己復禮,天下歸仁」者,言己誠爲仁,人必知之,故 紀》:「接撫同列,常克己以下之。」《祭遵傳》:「克己奉公。」 文,約我以禮」,「約」如「約束」之「約」,「約身」猶言修身也 也。」轉相訓。 「仁矣」〇正義曰:《爾雅・釋詁》: 禮,則外諧而内無怨。 仁。」並以「歸仁」爲稱仁。《禮記·禮器》云:「故君子有 師友歸仁。」《後漢書・郎覬傳》:「昔顔子十八,天下歸 悖者,祇稱名也。」」今案:《漢書·王莽傳贊》:「宗族稱孝 高,「將軍誠召置幕府,學士歸仁」。 後漢和帝皇太后詔 則「歸」亦祇是名謂之義。 先教諭云:『漢長安令楊興説史 求篇》:「《禮記・哀公問》:「百姓歸之,名謂之君子之子。」 能歸仁,己得成名也。言「天下」者,大之也。毛氏奇齡《稽 辱于乾谿?」」是「克己復禮爲仁」,乃古成語,而夫子引之。 有志:克己復禮,仁也。 入,饋不食,寢不寐,不能自克,以及于難。 懷仁」即「歸仁」。「懷」、「歸」並訓稱也。 何敞傳》:「宜當克己,以醻四海之心。」凡言「克己」,皆如 此訓約者、引申之義。顏子言夫子「博我以 故物無不懷仁,鬼神饗德。」鄭注 信善哉! 言甚夸大,而不嫌於僭 楚靈王若能如是,豈 「克,勝也。」又「勝,克 ○注「克己」至 仲尼曰: 古 稱 以 也

勿聽 也。 者如此。 之事,所接於吾者, 篇及賈子《容經》所載,皆是其禮。 聽言動,古人皆有禮以制之,若《曲禮》、《少儀》、《内則》諸 之。」正義曰:「勿」者,禁止之辭。 敏 曰: 視 無禮,至 視聽言動而先反乎禮,謂之「復禮」。 功伐而言。 炫援以解《左傳》「克己復禮」之文,意指楚靈王多嗜慾, 日 人,故爲仁由己不由人也。 禮•中庸》云: 己」爲私,並失之矣。 約身」之訓。 消請事 制 山此 民之情,不能制 非 知 禮 吾之口 此乃復也。 四 其必 《春秋繁露 勿 斯語矣。」【注】王 乃邢 者,克己復禮之目。」顏淵 聽,非 《法言》謂 有條 而勿言,制吾之心而 「齊明盛服,非禮不動,所以修身也。」蓋視 流即 自 目,故請 其欲, 顏淵曰:「請問其目。」【注】包 能 援以解《論語》。 禮 「復,反」者,反,猶歸也。 天 有以 「勝己之私之謂克」,此又 道施 勿言,非 使之度禮。 制吾之目 動」, 問 》篇: 之。二子 曰: 惟能克己復禮,凡非 視聽言動,皆在己不在 猶 「夫禮 勿行。 禮 非謂己先有私,己先 而勿視 行也,謂所行 朱子《集注》又直訓 目視正色, 敬事 勿動。【注】鄭 曰 : 體 所謂克己復禮 此 情 制 口 語,必 非 吾將 而 吾之耳而 耳 防 義 事 雖不 禮 聽 亂 有所 也。 勿 行 IE 者 禮 誇 劉

> 明, 人 》: 矣。 聲,口 千,卒難周 學,皆有數記,所以備循習,戒遺 勉成德行,而不使不仁者加乎其身也。 聽名,故不可不慎也。」然則視聽言動,古人皆致慎之,所 聽淫,日離其名。 訓 必有之也。 注言「條目 君子反情 語》單子論晉侯事,曰:「步言視聽,必皆無謫,則可 旦 目鼻口、心知、百體,皆由順 諸事也。 目 者,如 淫樂慝禮,不接心術; 視遠,日絶其義; 「四日巫 食正味, 」爲要。 以和 備、故請問其目。」是「目」 人目 」者,非止一 鄭注 ○注「知其 目。」 身行 其 有 궁: 志,比 夫目以處義,足以踐德,口以庇信,耳以 注 所 Œ 云: 公欲 識 道,非 目,當有細數,若木枝條也。 足高,日棄其德; 必 别 類 知其 也。 有 目 惰慢邪辟之氣,不設於身體。 以 奪 條 成其行。 謂事 正以行其義。」即此 ク要。 之情 凡 目故請 忘。 行 」爲事之要。《周官 顔回 衆,筮其要所當也。」亦 事,撮舉總要謂之目 所 故此注言「條目」,知 問 姦 以 《樂記》云:「是 言爽,日 意以 之 () 聲亂色,不 安 く 其情 禮 有 Œ. 反其 文所嚴非 也。」《 古人爲 義 以 百 留 **E** 知 使 聰 周

耳

禮

如 仲弓問仁。 承大祭。 【注】孔 子 曰 : 曰 出 : 「爲 門 仁 如 之 見 道,莫尚 大賓, 使 乎

民

子》言仁者「得民之心有道,所欲與之聚之,所惡勿施

己所不欲,勿施於人」,則己所欲,必又當施諸人。

故君子之道,忠恕而已矣。」由《外

傳》此言觀之,

故《孟 爾也

匡天下。

衣食也。

焉,則知天下之欲富足也。

門」,又言「大賓」,故知是尊於己也。「承」者,《説文》云: 賓」,見謂往迎賓也。賓位尊於己,故稱「大」也。凡迎賓之 記》誤也。「出門」,謂出大門,與人相接晤時也。 無怨。」【注】包曰: 禮,賓降等者於門内,賓敵者或尊者皆於門外。此言「出 證》以爲《古論》,然前後章皆是問仁,不應此爲問政,《史 曰:《史記・弟子傳》作「仲弓問政」。 夫。」仲弓曰:「雍雖不敏,請 敬。」己所不欲,勿 承,奉也,受也。」「如承大賓」,●「如承大祭」,言仁者能敬 「在邦,爲 施於人。 諸 在 侯。 事斯語矣。」正 馮氏 邦 在家,爲 無怨,在 登府《異 「如見大 卿 文考 家 大

是也。

翟氏灝《考異》:

「《管子・小問

》篇引語

曰 :

非

其

亦古語。

「在邦」謂

仕

觀下篇子張

季及夫子引之。傳言「承事」,此言「使民」,文略不同 聞之,出門如賓,承事如祭,仁之則也。」」亦古有此語,而臼 畏人,故能愛人也。《左僖三十三年傳》:「晉臼季曰:『臣 施」猶加也。《韓詩外傳》:「己惡饑寒焉,則知天下之欲 己惡勞苦焉,則知天下之欲安佚也。 知此三者,聖王所以不降席 己惡衰乏 而 也。 熊,雨,不克葬。 《温故録》:「《公羊》宣七年:❷「冬十月己丑,葬我 注云: 作仞。」案:「仞」是叚借字。 「行仁難,言仁亦不得不難。」正義曰:《釋文》: 犂。」曰:「其言也訒,斯謂之仁矣乎?」子 於諸侯之邦、「在家」謂仕於卿大夫家也。 欲,勿施於人,仁也。」是「勿施」二句 訒。」【注】孔曰:「訒,難也。 牛,宋人,弟子司 人,故人亦愛之,無可復怨也。」 『在家』指卿大夫,失之矣。 曰:「爲之難,言之得 士,夫子告以『在邦』、『在家』可證。 乃者何? 司馬 「訒,不忍言也。」此注文不備,莫曉其義。 牛問仁。 難也; 庚寅,日中而克葬。」傳:「而 曷爲或言而、 子曰:「仁者,其 《汗簡》引《古論》作 在邦、在家無怨者,言仁者愛 無 訒 包注以「在邦」指諸侯、 乎?」【注】孔

承」,據經文當作「見」。

或言乃?

乃難乎

者

· 何 ?

難 而

小君

頃

包氏

【慎言

一数」。

「訒,或

曰:

言

也

七」,據《公羊傳》當作「八」。

仁也。 須涕泣 日 此 記 子以爲仁。」案:包説或得鄭義。 事,必須訒而言之。」蓋訒而言,正所以致其不忍之情,故夫 傷恩也。 景公,而爲害於公。 夫易言仁者,不行之者也。 也。」「認」與 《説文》:「訒,頓也。」「頓」 有「已」字。 之」也。「斯謂之仁矣乎」,皇本「斯」下有「可」字,「矣乎」上 重,心有所不忍,而不能徑遂其情,故言之亦多重難。 起孝子之情也。]案:依何氏意 也。」注:「孔子曰: 云:「訒,不忍言也。」説與何氏同。 注不知何本。 ,舉者莫能勝也 此以「言」爲言仁,則上文「其言也訒」,謂仁者不 仲尼弟子傳》:「司馬耕,字子牛。」是牛名耕,不名犂, 《荀子· 而道。 皇疏引江熙曰: 而魋之不共,上則禍國,下致絕族,爲之弟者,必 ○注「訒難也牛宋人弟子司馬犂」○正義曰: 一訒 正名篇》: 徐遵明《公羊》疏申解《論語》云:『言難言之 ○注「行仁難言仁亦不得不難」○正義 ,行者莫能致 同。 「其爲之也難,言之得無訒乎?」皆 牛憂之,情見乎辭,兄弟怡怡,不以義 「《禮記》云: 犂 「外是者謂之認。」楊倞注:「認,難 與「鈍」同 爲宋 行仁,然後知勉仁爲難,故不敢 也。 桓 ,似訒者謂 若然,則「爲之」,猶言「處 魋 牛之兄桓魋,有寵於宋 勉於仁者不亦難乎?』 此訓 「仁之爲器重,其爲道 弟, 故 其辭之委 難」者,引伸 曰 宋人。 鄭注 輕 曲 所 **《**史 言 之 煩 以

輕言也。」案此注亦通。

《爾雅・ 懼」之義。 懼。」正義曰:皇本作「斯可謂君子已乎」。〇注:「牛兄 懼?」【注】包曰:「疾,病也。 惡於志,君子之所不可及者,其惟人之所不見乎?」鄭注 牛來學於夫子時也。 教,遠失此經之旨。 夫子解以「不憂不懼」,是教牛以待越人者待兄也。 兄爲亂,常致憂懼,乃人倫之變,人情之所萬不能已者,而 我,則己垂涕泣而道之。」如此乃爲親親,乃爲仁。 孟子謂:「越人關弓射我,我談笑而道之, 謀亂,有覆宗絶世之禍,牛爲之弟,豈得漠然無動 至「解之」〇正義曰:「不憂不懼」,即「仁者不憂,勇者不 憂懼,故孔子解之。」曰:「不憂不懼,斯謂 懼。」【注】孔曰:「牛兄桓魋將爲亂,牛自宋來學,常 「疚,病也。 子已乎?」子曰:「内省不疚,夫 司 馬 釋詁》文。 注謂牛憂懼,夫子以「不憂不懼」解之。 君子自省,身無愆病。」 牛 問 《禮·中 君 云「自宋來學」者,據桓魋未作亂,司 ○注 子。 「疾病也」〇正義曰:「疾,病」, 庸》云:「故君子内省不疾,無 子 曰 自省無罪惡,無可憂 : 君 其兄關 子不 何 夫桓 悖義 今牛 弓 於 憂 之君 而 心 何 不 馬 傷 因 射

憂而

子夏 當其時。 惇《群經識小》:「案: 天。 之,陳成子亦召之。 魋復奔齊,牛 寬牛之憂。 望注云: 貴在天」,則與無兄弟之憂何與焉?」案:錢說是也。 夏述所聞之言。 文爲證,乃以[何患無兄弟]足成之。 親。」正義曰: 内皆兄弟也。」君子何患乎無兄弟也?【注】 注》鄭曰: 曰:「君子 禄 死矣。」「有 曰 : 君子敬而無失,與人恭而有禮! 命》、 司 「此文自「死生有命」至「四海之内皆兄弟也」,皆子 「牛以 故死生富貴,子夏以解其意。 馬 明有 ❶《辨祟》篇引此文皆作「孔子語」可 「商聞之矣"『死生有命,富 牛憂曰:「人皆有兄弟,我獨 「牛兄桓魋行惡,亡無日,我爲無兄弟。」 復致邑 「商聞之」,謂聞諸夫子也。 魋 命 疏惡而 命當 蓋牛以無兄弟爲憂,故引「四海皆兄弟」之 故,喪其世禄,出奔他國,故稱天言命以 謂 因過 丽 向魋既奔衛,牛致邑與珪而 順受,其正在天,非 禄 適吴。 命 友賢。 魯,而卒於魯郭門之外。 也。 吴人惡之而 「有命」、「在天」互文見義。 九 州之 若但云 『死生有命、富 未幾而卒,則或以 人所 人,皆可 錢氏大昕《潛研 反。 能 趙 適齊。 證。 四海 爲。」李氏 此憂 簡子 貴 無。」 以 戴 《論 之 在 想 氏 禮 召 及 0 向 則雖汝 敬

包

巢伐魋,不克,欲質大夫以入,不能,亦入于曹,後遂 《左傳》云:「宋桓魋之寵害於公,公將討之。未及,魋先謀 死亡之事也。」案: 公,公知之,召皇司馬子仲及左師 惡亡無日我爲無兄弟」○正義曰:邢疏云:「案;哀十四 蘇子卿《古詩》注並引此文,有「爲」字。」〇注「牛兄桓魋 不合,對門不 故曰「我爲無兄弟」,明不專指魋一 曰:「敏其行,修其禮,千里之外,親如兄弟。 若行不敏,禮 執仁立志,先行後言,千里之外,皆爲兄弟。 苟是之不爲 弟」,言四海之内,皆與吾親如兄弟也。 言上》:「曾子門弟子或將之晉,曰:「吾無知焉。」曾子曰 兄弟」〇正義曰: 爲」字。 「何必然往矣! 魋遂入於曹以叛。 而無失」, 親,庸孰能親汝乎?」《説苑 阮氏元《校勘記》: 調修 通 有知焉謂之友,無知焉謂之主。 矣。」並 Z 魁弟尚 注以與人雖當恭而有禮,然人不皆賢 以 民叛之,而奔衛,遂奔齊。」是其行惡 敬,無 與此文義 有子颀、子車,並 「《鹽鐵論》「和親」章及《文選 所 放 向巢,以命其 失也。 人言。 相 發。 雜言》篇:「夫子 《大戴 ○注「君子」至 皇本「皆」下 一黨惡。 四 禮 海 徒 之内皆 且夫君子 曾子 攻 魋兄 來奔 桓 氏 白 年 行 有 兄

禄 命」, 據《論衡》當作「命禄」。

又牛正 嫌有四夷荒遠 周 以 兄 仍夏制,有九州。 弟不賢爲憂, `故但舉中國,以「九州」言之。 故 以 見《職方氏》。 「疏惡」、「友賢」言 注以經言 之。 四四 九

是舉 愬不 告 之所及者遠 行志》引《論語》「 而 不肖者,分明黑白也。』《漢書・ 謂明。」、《春秋繁露·五行五事》篇: 言任用賢人能不疑也。《荀子 非 行 皮膚外語、非其內實。」浸潤之語、膚受之愬不 之言,如 周 也。 不行焉,可 命之朝,遠四 但 焉 書 争明謚 .爲明,其德行高遠,人莫能及。」正義曰:「明」者 子張問 行焉,可 從言 可 謚 水之浸 告之矣。 法 謂遠也已矣。」【注】馬曰:「無此二者, **蹄聲**。 凡民情 解 謂 [佞而放 明。 明 愬 謂 潤 矣。」 鎙 《説文》: 一譖訴 作 事 **,** 漸 子 曰 : 明也已矣。【注】鄭曰:「踏人 諸極。 諺 訴」,當爲「諺」或體。 無 觀 或從言朔。 不行曰明。」然則夫子答子張,亦 以 不周 班 成之。」馬曰: 「譖,愬也。 孔子曰: 《志》 五行志》: 知 解蔽篇》:「傳曰:「知賢之 「浸潤之譖,膚受之 也。)所言, 恕,諺 「視曰明。 《漢書 「浸潤之譖,膚受之 從言朁聲。」「 「故堯、舜舉群賢 是 或從朔心。」《五 「膚受之愬, 明」謂 遠」者,言明 明者,知賢 劉 向傳 知 諺 人。

萌。 殘賊 聽顯 之口; 常不覺也。「皮膚外語、非其内實」者、《説文》: 言「譖 隱,遠者不塞,所謂『辟四 者 膚,籀文臚。』《釋名·釋形體》: 不可欺掩之也。 由 愬,不官而衡至者,君子慎之。」是衡 君 枉 如 禽犢之請, 濅 **漫**,濱也。」「漫,積 讒邪之所以 本無情實 而 心多疑所致。 盛則正士消。」由向此言觀之,凡人君信 或譖之,則賢 」本水名,此作「浸」,即「濅」之省。 《漢書 至? 幽,重明退姦進良之術。 加累之譖,君子不用;隱忌雍蔽之人,君子不近; 「事浸淫聞於上。」顔師古注: 」者、徐徐用言來説己、如水漸漬、久之生潤 持不斷之意者 即有一二宵小,妄施譖愬,而人君知人之明,終 君子不許。 而徒爲皮膚外 並 梅 人退而 進 福傳》: 多疑即是不明也。《荀子·致士篇》: ○注「譖人」至 者, 也。」「潤 由 開群枉 凡流言、 善政還。 「博覽兼 上多 門、明四 語 ,益也, 瀆 疑 之門。 朋黨比周之譽,君子不 故曰 流説、流事、流謀、 心,既 「膚,布也。 夫執 内實」〇 聽 目」也。」如此,則 「浸淫,猶言漸染也 謀及 「膚受」。 聽顯幽,乃 狐疑 也。」《 讒 已用 邪 Ē 廣 疏 進則 之心者,來 賢 譖愬之言,皆由 漢 布在 義 賤, 雅 人 以其 書 衆賢 「臚,皮也 而 令深 絶 濕, 表也。」 流 釋 行 《説 在 高 讒 潛愬之 退,群 詁 善 · 。 此 賊 者 Ŧi. 文 不 流 財

與馬説 受,非 曰 : 受,謂皮傅之,不經于心匈。」即馬 氏、陳氏皆各辨之。 所引《論語 類 注 是馬義勝也 謂得皮膚之言而受之,不知其情核者也。」正《戴憑傳》注 後漢·張法滕馮度楊傳論》:「膚受之言互及。」李賢注: ,而未引鄭注之文。 「《後漢・ 内實如此。《文選·東京賦 「謂受人之訴辭,皮膚之,不深知其情核也。」」按: 小異,似 》注之義。此與馬注一 戴憑傳》 是鄭注。」今案:皇疏 然聽者既已受之,奚有不行之明? 注 今《戴憑傳》注以「受」爲聽者所受。 『《論語》孔子曰:「膚受之訴。 「膚受」爲喻言不同,故皇 》:「末學膚受。」 義也。 亦 謂馬 陳氏鱣《古 此 注 注: 與鄭不 「膚 訓 此 終

後制國 先?」曰"「去兵。」子貢曰"「必不得已 矣。」子貢曰:「必不得已而去,於斯三者 人皆有之。 死,民無信不立。」【注】孔曰:「死者,古今常道, 去,於斯二者何先?」曰:「去食。 王制》云:「冢宰制國用,必於歲之杪。五穀皆入,然 子貢 用。 用地小大,視年之豐耗。 問 治邦不 政。 子曰:「足食,足兵,民 可失信。」正義曰:「足食」者, 以三十年之通 自古皆有 信之 制 而 何 或

遂; 藏。 境出之。」]今案: 兵」注引《司馬法》曰:「弓矢圍,殳矛守,戈戟助。」兵本 用,量人以爲出。」又云: 遂,鄉遂不足,然後徧徵境内。1賈公彦《小司徒》疏亦 鄉遂出兵而不出車,都鄙出車而不出 説》:「天子六軍,出于六鄉, 有六軍,諸侯上國三軍,次國二軍,下國一軍。」金氏鶚《禮 執兵之人爲兵,始於秦、漢,非也。 兵」,又《襄元年》「敗其徒兵於洧上」,皆謂士卒也。 器,因而執兵之人亦曰兵。《左》隱四年「諸 云:「兵,械也。 用,有餘蓄,則藏穀以 蓄曰急,無三年之蓄曰 『大國三軍,次國二軍,小國一軍 『丘甲』疏云:『古者天子用兵,先用六鄉, 「足兵」、「去兵」,兼有兵器與人。 足國之道,節 人爲兵也。又三遂亦有三軍,三鄉爲正卒,三遂爲副卒 六遂不足,取 有餘則藏之,以待凶而頒之」是也。「足兵」者、《説文 用 从卅持斤,并力之貌。」《周官・司右》「五 裕民 兵制 都鄙及諸侯。 備凶荒。 而 國非其國也。」《荀子・ 咸有 「國無九年之蓄曰 善臧 定 大國三軍 其 額,所 《周官・倉人》云「掌粟人之 若諸侯出兵,先盡三鄉三 餘。」是足食 ,皆出于鄉遂。 顧氏炎武《日知録 《春秋穀梁傳》: 兵。 以 出 患不 孔仲達《 于三鄉。 六鄉不足,取 不足, 侯之師,敗 足者,容民 富國 由 猶不止, 徧 於能 成 蓋 「天子 元年 》謂 云: 家出 此 制 鄭 或 貧 文

饑

設 者乃去也。 但 也。」言「國彊」者,明夫子此言爲國貧弱言之。 政,故子貢言「於斯三者」。 國」,亦云「敬 事,則民從事有業。」咸以信爲政要,故夫子言「道千乘之 不踰,信於名,則上下不干,信於令,則時 折衝乎千里之外,此之謂也。」又《晉語》箕鄭對晉文公曰: 是以兵革不動而 情」,而「晉車千乘」,「衛車甫及其半」,皆由兵不足之故。 寡,不及出 言三者本不宜去,若不得已,如國凶 春秋冬夏;其博有萬民 云: 故 人信之。若夫暑熱凍寒,遠若邇,非道邇也,及其明德也 信於君心,信於民,❶信於令,信於事。 閟宫》又美魯僖,可見當時兵多不能足也。 民」字當略讀。 .須民信之,不煩言「足食」、「足兵」矣。 ·騋牝三千」,詩人以美衛文,「公車千乘,公徒三萬」, ,此雖空有兵籍,實則不足。 「其禮可守,其信可復,其跡可 軍之數。 「去兵」謂去力役之征。 事而信」也。 「信」謂上予民以信也。《大戴禮・王言》 威,用利不施而 又平時 也, 「民信之」與「足食」、「足兵」爲三 鄭注云:「政有此三者,則國彊 如飢 武 事多未講, 觀公孫輒言「魯有名 而食,如 親,此之謂明王之守也。 履。 《周書 札禍裁之類,政不及備 「不得已而去」者、 其於信也,如 信於君心,則美惡 車甲 渴 而飲。 糴匡解》: 無廢功; 朽頓,備防不 民信之」者, 若本彊國 下土之 信於 四 而 年 時 無

> 貧窮。 也。 立」,言民所最急者,信也。 能立國,雖箕鄭亦知此義矣。 是乎民知君心,貧而不懼,藏出如人,何匱之有?」可 饑,公問於箕鄭曰: 能守,況更值不得已而兵食皆將去之乎? 故信者,上所以治民之準也。 如手足之衛身,子弟之衛父兄,雖值危難,其猶可以 可譏,民心終未能忘; 禍難,不過人君國滅身死,然自古人皆有死,死而君德無 去,故曰「自古皆有死,民無信不立」。 償,信誠匡助,以輔殖財。」是凶 謂去兵之後,勢猶難已,凡賦稅皆蠲除,《周官·均人》所謂 其時雖輕徭薄賦,然食政猶未去,所謂 凶札,則無力政,無財賦,不收地守地職。」又發倉廩 也。 則 去兵而有食與信,與民固守,自足立國也。 兵備不制。」又云: 《周 自古皆 書・ 有 大匡解》: 死,必 『救饑何以?』對曰:「信。」」又云: 雖死之日,猶生之年,況民戴其上, 不得已,食 「男守疆 「農廩分鄉,鄉命受糧,成 皇疏引李充曰: 鄭此注云: 苟無 荒 , 戎禁不出 去食也。 又可 信、雖足兵、足食、猶 明去兵、去食,極 「凶年則寡取之」者 去 「言人所特急者 也。」「民 若信,則終不 《晉語》云: 。」是凶歲去兵。 「朝聞道夕死 「去食」者 無 濟。 知信 年 以 一晉 是 不 其 可 不

民」,據《國語》當作「名」。

0

食

「無信」作「不信」。 於斯」爲絶句。」又「去兵」下「子貢曰」,皇本無「子貢」二字,本「民信」上有「令」字。《釋文》:「『於斯三者」,一讀『而去而無有不死之人,故有殺身非喪己,苟存非不亡己也。」皇孔子之所貴。 捨生取義,孟軻之所尚。 自古有不亡之道,

鞟。虎豹與犬羊别,正以毛文異耳。今使文質 舌。【注】鄭曰:「惜乎,夫子之說君子也! 貢曰:「惜乎,夫子之説君子也! 爲?」【注】鄭曰:「舊説云:棘子成,衛大夫。」子 貢惜其説君子爲易言,雖追悔之,無及於舌也。「文猶質 子」,棘子成或聞其語,妄以君子但當尚質,不必用文,故子 爲」,「無以爲也」,訓義並同。 見王氏引之《經傳釋詞》。 豹之鞟,猶犬羊之鞟。」【注】孔曰:「皮去毛曰 出,驷馬追之不及。」文猶質也,質猶文也。 者,何以别 成」作「城」。 棘子成曰:「君子質而已矣,何以文 虎豹與犬羊耶?」正義曰:「棘子成」,皇本 「何以文爲」,「以」,用也。「爲」,語助辭。 下篇「雖多,亦奚以爲」,「何以伐 夫子言「文質彬彬,然後君 駟不 過言 虎 及 説 同

> 《説文》作「糴」,云「皮去毛也」,與《詩》疏所引異。然 字。 質猶文」者,禮無本不立,無文不行,是文質皆所宜用,其 稱大夫皆爲夫子也。 棘子成即棘子後也。 有微、箕二子,外膠鬲、棘子。」●疑棘子本殷人,衛居殷 賢人。」又云:「是棘子。」《鹽鐵論•相制》篇:「紂之時,内 遥游》「湯之問棘也」,皆可證。 《莊子》釋文引李云:「湯 革其猶」。《列子・湯問》篇:「殷湯問於夏革」、《莊子・ 子成」,「棘」、「革」通用。 著所自也。《漢書・古今人表》、《三國志・秦宓傳》作 「鞹」、《説文》亦引作「糶」。又「犬羊之鞟」下,皇本有「也」 其皮各有所用,如文質二者,不宜偏 也。」此文「虎豹之鞟」喻文、「犬羊之鞟」喻質。 易・象下傳》:「大人虎變,其文炳也,君子豹變,其 爲「革」,凡去毛不去毛皆得稱之,不必專主去毛一訓。 者,皮也。」《詩·載馳》正義引《説文》:「鞟,革也。」今本 重等也。「虎豹」、「犬羊」皆獸名。 ○注「舊説云棘子成衛大夫」○正義曰:稱「舊説」者: ○注「惜乎」至「不及」○正義曰" 知爲大夫者,以子夏云「夫子」,當時 如《詩》「匪棘其欲」、《禮器》作「匪 鄭注云:「鞟,革 有 廢置也。 虎豹犬羊, 皇本作 《周 都, 逍 時

「外」下,據《鹽鐵論》脱「有」字。

皮亦無所别也。 謂棘子成同文於質,無所分别 於舌,過誤一 文》云: 曰:注以「文猶質」,「質猶文」即説棘子,故解爲「文質同 駟馬不能及,不可得悔也。」〇注 駉, 成,雖駕馬追之,亦無及也。 乘也。」《詩 然棘子棄文用質,非有文質同之見,注此 清人》箋: ,故喻以虎豹犬羊咸去毛,則 「皮去」至「羊耶」〇 「駟 四馬 《緇衣》注 也。」言 Ĕ 云 義 出

是穀收 畝爲用二也。 當在十二年 用兵於邾,又有齊警,此所以年饑而用不足也。」愚謂 作飢。」舊有 足,君孰與不足? 百姓不足,君孰與足?」 也?」【注】孔曰:「二謂什二而稅。」對曰:「百姓 下之通法。」曰:「二,吾猶不足,如之何其 何不也。周法: 什一 何?」有若對曰: 【注】孔曰:「孰,誰 秋薄, 哀公問於有若曰:「年饑,用不足,如之 用田賦之前,故云「二,吾猶不足」,明據宣公稅 未至成災,抑因用不足,故爲此言。 若在哀十 説云: 但哀公十二年以前、《春秋》未書年饑,疑 「哀公十二年、十三年,皆有螽,連年 也。」正 「盍徹乎?」【注】鄭曰: 而税謂之徹。 義 曰: 《釋文》云:「饑,鄭本 徹,通也,爲天 「盍, 此問 徹 當

之極也。 也。 用。 《荀子·富國篇》: 而 其 敘者,貨之源也 者,財之本也; 與不足」者,言貨財皆出於民,百姓足用,君亦足用也。 之事、惟必欲取二、則民散賦缺、不足用耳。 不足用也。 燮《癸巳類稿》: 如「取與」之「與」。 姓不足,君孰與足」者,言百姓不足用,君亦不足也。「與」, 云:「姓,人所生也。」民不一姓,故稱百焉。 老謀至計,蓋用非 「荒政十二:二曰薄征。」故有若於饑年言徹足用,此 故爲豐財之禮。荒政務在使民得食,君卿從無年饑不足食 力役之征。 一年後,則與「二,吾猶不足」之文不合,殆未然也。 上不憂不足。 和,節其流,開 蓋徹者,米粟之征。 穀出不過藉,以豐財也。」亦言民足食,則賦役之用 故禹十年水,湯七年旱,而天下無菜色者,十年之 《宣公十五年》: 民有食而後能 垣節倉廩者,財之末也; 「哀公言「年饑,用不足」,用者,布縷之征 如是,則上下俱富,交無所藏之,是知國計 其 等 米粟也,徹非賦役也。」「百姓」者、《説 《漢書・谷永傳》「與」作「予」,通用字。 「下貧則上貧,下富則上富, 源 賦 而 府 庫 言徹,則年饑之民庶足食,君 時 輸賦役,有若請 棋 者 『初税畝。』《左傳》云: 酌焉。 ,貨之流 潢然使天下必 也。 百 姓 留 故 「百姓足,君 時 《大司 故田 民 明 和,事 主必 食以 俞氏 野 非 有 業得 孰 縣 百百 餘 供 禮 與 或 正

其子富

法」〇

作矣。」《穀梁傳》亦云:「古者什一而藉。」《孟子》云:「夏后 仰而食之。 什一,大貉小貉。 寡人貧。1孔子曰:「《詩》云: 養有度,則得承受於天地,而不離饑寒之患矣。 之積,二十七年而有九年之儲,雖涔旱災害之殃,民莫困窮 不過十畝。 也。」《淮南子・主術訓》:「夫民之爲生也,一人蹠耒 後、年穀復孰 急,無三年之畜謂之窮乏。 ·何謂也?」孔子曰:「薄賦斂,則民富矣。」公曰:「若是,則 · 撓於其下, 侵漁其民, 以適無窮之欲, 則百姓無以 「魯哀公問政於孔子。 什一者,天下之中正 履地德矣。」二文並 而父母貧者也。」」與此章問答正同。 Ē 由 故國無九年之畜謂之不足,無六年之積謂之憫 年之食,率九年而有三年之畜,十八年而有六年 中 時有涔旱災害之患,無以給上之徵賦、車 義 此觀之,則人之生憫矣。 ,而陳 田之獲,卒歲之收,不過畝四石。 **E** 什一 邢 積 疏 有餘,是無它故 者,天下之中正也。 足發明此文之旨。 궁: 也。 對曰:「政有使民富。」哀公曰 故有仁君明王,其取下有節,自 「《公羊傳》曰:「古者什 「凱悌君子、民之父母。」未見 多乎什一,大桀小桀。 夫天地之大計:三年 焉,知本末源 什一 《説苑·政 ○注「周法」至 妻子老弱, 行而 若貪主暴 流 一馬、兵 一而耕, 寡乎 之謂 被 頌 理 聲 而 天 國。 而税。 0 制 中税一也。 \mathbb{H} 常,故曰「初」。 氏 五. 》孔疏云: 一十而

和 君

而

耕而餘

革之費。

流亡也。

貢者,什一而貢一夫之穀。 已十畝取一矣、《春秋》魯宣公十五年「初税畝」,又履 之通法。」言天下皆什一耳,不言畿内亦什一也。」《詩 畿之内所共多,故賦稅重,諸書所言『什一』,皆謂畿外之 三,甸稍縣都皆無過十二,漆林之征二十而五」者,彼謂 足」,謂十内稅二,猶尚不足。則從宣公之後,遂以十二爲 畝,更復十收其一,乃是十取其二,故此哀公曰「二」,吾猶 以七畝助公家,耕百畝者,徹取十畝以 也。』趙岐注云:『民耕五十畝者,貢上五 云"「古者公田之法,十取其 少同,❶故云皆什一也。」《書》傳云「十一」者多矣,故 ,畿内用夏之貢法,税夫,無公田。 故此鄭玄云:「什 而《周禮 貢,殷人七十而 故《冬官・匠人》注廣引經傳 一周 言初税十二,自宣公始也。 制 載 有貢有 師》云「凡任地,近郊十一,遠郊二十而 一而税謂之徹。 助,周 助。 通之二十 一。」謂 助 人 者,九 百 十畝 邦國 ·夫而 畝 爲賦。 徹 夫 而 畝; 内取 而論之,云:『周 用殷之助法,制 税二夫,是爲什 而税一夫之田 徹 通 諸書皆言十 耕七十畝者 也。 其 雖 實皆 異名 爲天下 舊 法既 什 其 杜 義 預

義」,據《孟子》趙岐注當作 「而」。

什一 何 子》,宋均之説《樂緯》,咸以爲然,皆義異於鄭,理不可 儒 其言取《孟子》爲説,而失其本旨。 爲 助,對畿内之貢爲異外内也。 諸侯皆助者,以諸侯郊内之地少,郊外助者多,故以邦國爲 貢、郊外助矣。 是自治其田,貢其税穀也。 使與國中不同也。 説助法井别一夫以入公也。 畝,同養公田。 又云: 「方里而井,井九百畝,其中爲公田。 國亦異外内之法耳。」是鄭解通率爲什一之事也。 民之力以治公田,又使收敛焉。 公田,不税夫。 百 而《食貨志》云: 遂謬。 則 一畝,公田八十畝,❷是爲八百八十畝,餘二十畝爲廬舍。] 明。 ,通率爲什一 爲正。《孟子》云: 鄭據其言,以什 言「井九百畝,其中爲公田」, 何休之注《公羊》,范甯之解《穀梁》,趙岐之注《孟 貢 而鄭 也。 公事畢,然後敢治私事,所以别野人也。」是 「井方一 (者,自 助法既言百畝爲公田,則 正言畿内用夏法,❶邦國用 如鄭之言,邦國亦異外内 治 「野九夫而 里,是九夫。 而 其 助則 徹爲通外内之率,理則然矣。 云「别野人」者,别野人之法, 所受田 史傳説助貢之法,惟《孟子》 九而助 諸侯謂之徹者, 税 班 貢 固既 八家共之,各受私田 則中 一,國中什 其税穀。 一,貢則什 有此言 央百畝共爲公 使自賦 八家皆私百 則 助法,以 通其率以 諸侯郊内 一。」是邦 助 《孟子》 由 者,明 者 而貢 是群 通 爲 借

> 《孟子》注爲然。 義爲長。 然《孟子》云 以 貢,郊外助 案:《詩》疏引申鄭 畝半爲廬舍之事。 云: 此皆諸儒之謬。 之,安得謂之「同養」也? 共理公事,何得家分十畝自治之也? 公矣,何得復以二十畝爲廬舍也? 法。」姚氏文田 人私矣,則家别私有百二畝半,何得爲八家皆私 田 「勶」下云 爲賦也。」與 不得 「井税一夫,其田百畝。」是鄭意無家別 家取十 《稼人》職云:❸「巡野觀稼。 一發 因 「徹者,徹也」,就本字爲訓 也。 《求是齋稿》謂飲法即徹 趙 訓 畝 鄭於《匠人》注云:「野九 岐 劉熙注《孟子》云:「家耕百 徹 也。 趙、 義同。 義甚詳辨,然鄭氏以 俗以鄭説同於諸儒, 爲 劉 又言「八家皆 以 通」,近儒亦不從之, 若二十畝爲廬舍, 案:《説文》則 徹 爲取 言「同養公田」,是 私 法。 若家取十畝,各自 百 似 或即 以 徹法爲諸 是又失鄭 畝一, 夫而税 不 蓋徹 年之上下出 徹 公田十 則家二畝 畝,徹 煩叚借 「勶」之段字。 則 本 而 無常 百畝 多 百 一。」此箋 訓 以 旨 取 侯 畝及一 畝 額 郊 則 通 + 矣。」 也? 半 趙 八 皆 歛 惟 鄭 畝 岐 内 亦 治 家 屬

0

稼人」,

據《周禮》當作「司稼」。

[「]夏」,據《毛詩》孔疏當作「貢」。

② 「八」,據《漢書·食貨志》衍。

爲 即指宣公税畝之事,至哀公違有子之諫,復用田賦,比什二 據鄭上注云「周制什一而税」,則此「二」爲什而取二矣。 曰:《匠人》疏引此注作「鄭曰」,或鄭亦有注而僞孔襲之。 何若,其義終難明也。 其法度可通萬世 異 見《孟子》,即以 通。 通 通」之義。 益重。 (,則謂 豐凶及君民計之,合百畝 陸康傳》:「夫什 其取於民,無不通計可 諸 宜乎至孟子時,亟亟以薄賦飲爲仁政 侯 鄭君但言「通率什 郊 《載師》「任地」證之,王畿内外,既歛法各 而 内、郊外, 飲法不同, 亦 行也。」此與鄭君訓同義異,且未言徹制 ○注「孔曰二謂什二而稅」○正義 而税,周謂之徹。 知。 而以十畝之人爲税,此「徹 一」者,欲明徹 至郊内貢、郊外助,不獨文 奚疑 徹者,通也。 制與貢 也? 也 《後漢 助 巡訓 此 言 相

《詩・小雅》也。祇、適也。言此行誠不可以致富,也。」『誠不以富,亦祇以異。』」【注】鄭曰:「此義,見義則徙意而從之。」愛之欲其生,惡之行徙義,見義則徙意而從之。」愛之欲其生,惡之子曰:「主忠信,徙義,崇德也。【注】包曰:子民間崇德辨惑。【注】孔曰:「辨,别也。」子張問崇德辨惑。【注】孔曰:「辨,别也。」

也。 詞 内無知人之明,外有毀譽之蔽,鮮有能至當而不易者。」謹 形容譬況之辭。 之欲其死」,猶之「進人若將加諸膝,退人若將隊諸淵」,皆 情愛惡之也。先從叔丹徒君《駢枝》曰:「「愛之欲其生,惡 其生,惡之欲其死」者,言其人非有可愛可惡之實,己但任 篇注云:「主,親也。」言於忠信之人,親近之也。「愛之欲 訓多協韻以便蒙誦。」案:「崇德」者、《爾雅・釋詁》「崇,高 氏嘉賓《説》:「「克己復禮」、「崇德辨惑」,皆古之言也。 適足以爲異耳。 也」〇正義曰:「辨,别」,亦常訓。 三句下,各有「也」字。 文》云:「惑,本亦作或。」案:《説文》:「惑,亂也。」「惑」、 愛忽惡,是好惡未著,故賢不肖亦不能辨,非惑而何?《釋 案:《樂記》云:「著則賢不肖别矣,著猶明也。」孔 「所好得其善,所惡得其惡,則賢不肖自然分别矣。」今此忽 或」爲古今字。 `以起「惑」字,非兩意也。」又云:「人情之偏,愛惡爲甚 謂於人之有德,尊崇之也。「主忠信」者,鄭於《學 皇本「崇德也」,無「也」字。 既欲其生,又欲其死,覆舉上文而迫笮其 取此詩之異義以非之。」正義曰: 「誠」,《毛詩》作「成」。 《説文》:「辦,判也。」 「愛之欲其生 ○注 疏 「辨别 云 而 古 旲

「辦」,據《説文》當作「辦」。

《毛詩》作「成」,亦「誠」之叚借。 《詩 卿。 義以非此之惑也 注「不可以致富」。 女亦適以此自異於人道,言可惡也。」「不足以得富」,即 之間,乍賢乍佞,豈不甚哉? 訟 經文「愛之欲其生」四句之意。 欲其死,是惑也。」」觀此文所引,其義益明。 欲生之,一欲死之」,謂 當有常」者,言愛惡不失其理,則能有常,不至變異 非之」〇正義曰:《詩・ 判、 王尊曰:「尊以京師 ・小雅・ 鄭彼箋云:「女不以禮爲室家成事,不足以得富也。 賊亂既除,豪猾伏辜,即以佞巧廢黜。 一尊之身,三期 别 一義同。 我行其野》之句也。」文較 惟「成」、「誠」二字,各就文爲訓。 注 廢亂,群盜並興,選賢徵用,起家爲 一念欲生之,一念欲死之。 愛 惡」至「惑 關雎》疏 孔子曰:「愛之欲其生,惡之 《漢書·王尊傳》公乘興等 自異人道即是惑,故取其 引此 也」〇 備。 注首句 正義 「祇,適」,毛傳 ○注「此詩」至 三 三 : 也。 云:「此 此總釋 「愛惡 其 實 此

對 陳恒制齊,君不君,臣不臣,父不父,子不子, 君 。」公曰:「善哉 ,臣臣,父父,子子。」【注】孔曰:「當此 齊景公問 政 於孔 信 子。 如君不君,臣不臣, 孔子 對 티 : 之時, 故以 一君

氏乎! 共,父慈子孝,兄爱弟敬,夫和妻柔,姑慈婦聽,禮也。 曰: 則身不陷於不義」。」此君臣父子稱名之實也。 者, 繵堅也, 屬志自堅固。父子者, 何謂也? 【注】孔曰:「言將危 不亡,則 於路寢。 慎,而治亂之紀也。」《左昭二十六年傳》:「齊侯與晏子坐 矣。」又云:「同異之分,貴賤之别,長幼之義,此先王之所 當位,則下不踰節,而上不苟爲矣,少不悍辟,而長不簡慢 秋·處方》篇:「凡爲治必先定分。 以法度教子。子者,孽孽無已也。 子」,言君當思所以爲君,臣當思所以爲臣,父當思所以爲 六紀》篇: 父,子當思所以爲子,乃深察名號之大者。 公,名杵臼,莊公異母弟,見《史記 父不父,子不子, 唯 謚法解 禮可以已之。 國其國 陳氏雖無大德,而有施於民。 公歎曰:『美哉室! 「君臣者,何謂也? 》:「布義 也已。」公曰:「善哉! 在禮,家施不及國。」」又曰:「君令臣 行剛日 也。 雖 有 陳 其誰有此乎?」對曰: 景。」「君君,臣臣,父父,子 君,群也,下之所歸 粟, 氏 故《孝經》曰『父有争子 君臣、父子、夫婦、六者 果滅 吾得 後世若少惰,陳氏而 齊太公世家》。 齊。」 是可 《白虎通·三 而 父者,矩 正 若 食諸?」 ○ 日 義 何? 心。 日 : 丁其 君令 氏 《周 景

謬。 兆已見,故注云然 和遷齊康公海上,自立爲齊侯,是陳氏滅齊也。 書·武五子傳》言: 乃爲陳恒。〕案:狄説本《孔子世家》。 觀此,益知僞孔之 昭二十六年《左傳》。 脱字。」〇注「當此之時陳恒制齊」〇正義曰:黄氏式三《後 傳》並作「豈」,與皇本合。《太平御覽》二十二引「吾惡得而 二十五年。 案》引狄惺菴曰:「孔子至齊,在景公三十一年,當魯昭 食諸」。「豈」、「焉」、「惡」三字義皆相近,疑今本「吾」下有 食諸」、云:『本亦作「焉得 也。」晏子所言,正與夫子答齊侯意同。 而 愐 吾得而食諸」。」案:《史記・仲尼世家》及《漢書・武五子 廩雖多,吾不得食也。」即此注「將危」之意。 .順,夫和而義,妻柔而正,姑慈而從,婦聽而婉,禮之善物 不違,臣 「皇本、高麗本「吾」下有「豈」字。《釋文》出「吾焉得 ○注「言將危也陳氏果滅齊」○正義曰: 顔師古《漢 共 踰年,即反魯。 而 不貳,父慈而敬,子孝而箴,兄愛而友,弟敬 ❶「父子君臣之道不立,則國必危亡。 無宇之子,乞之兄也。 乞卒,子代之, 是時陳氏爲武子開,字子彊,見 而食諸」,焉,於虔反。 阮氏元《校勘記 陳氏至太公 景公時,其 本今作 公 而

子曰:「片言可以折獄者,其由也與?」

兩。 中篇引作「折則刑」,是「折」、「制」字通。《説文》:「利,裁 【注】孔曰:「片,猶 告浮事者。」「單辭」皆謂片言也。 紀》:「永平三年,詔曰: 清于單辭。 半冰。」注引如淳曰: 鄭注即讀「片」爲「半」。 注云"「片,半也。 讀折爲制,今從《古》」者,《吕刑》「制以刑」,《墨子・尚同 「斯,斷也。 義,非鄭别有注也。 「半」,義亦從之。 《説文》:「片,判木也。 折,断也。 六百三十九引鄭注 偏 信 兩者,兩造具備也。 一言 惟子路能取信,所言必直,故可令斷獄也。」案: 以 民之亂,罔不中,聽獄之兩辭。」是獄辭有單 从斤蠿艸。 折 獄 故《釋文》所載「片,半」之訓,即是櫽括 《魯》讀「折」爲「制」,今從《古》。」《御覽 者,惟子 「半言爲單辭」者、《書・吕刑》云: 云:「「片」,讀爲「半」,半言爲單辭 旧偏也。 「半,讀曰片。」此其證也。 《漢書·李陵傳》:「令軍士人持 从半木。」「片」、「半」一音之轉,故 譚長説。 明察單辭。」《朱浮傳》:「有人單辭 單 則 路 聽訟 一人具 可。」正義 折,篆文斯从手。」「《魯 必 「折,斷」者,《説文》: 須 解。 兩 日 : 辭 《後漢·光 《釋文》引鄭 以 「片」既 定是非, 「明 武 有

「傳」下,據文意當脱「注」字。

獄」,即 土。」此 後 辯答之辭于其中,即今兩造兩口 牒 子路,自不敢欺,故雖片言,必是直理,即可令依此斷獄 忠信能取信於人也。 中,無煩改讀,故定從《古》也。 也。 控,故無須對質,如此乃可令斷獄。 與 折 契不兩具,則謂之不能舉契,亦不治,如《春秋》晉聽 寇禁凡不 費券,即 禁民獄。」先取兩券而合之,使兩造獄詞各書其半,即 改錯》: 駁》云: 「王叔氏不能舉 説文》: 廣 理。 鄭義略同。 契,必得兩具。 與訴牒也。 雅 从 惟子路明決 云「斷 折獄也。 刀 釋詁》: 古折民獄訟 獄者, 「獄,确也。 未。 獄」,謂決斷獄中所訟事也。 剨 然鄭言 及 其契,王 埆 ,古文「制 「制、折也。」《大戴禮・保傅》篇「不中 聽獄後,復具一 鄭以作 也。 券不兩具,即謂之單詞。 自坐不 單 从狀从言。 「所言必直故可令斷獄」者,言人既信 · 必 「子路能取信 解 囚證於角 叔奔晉」是也。 用兩辭 折 可斷 直,不俟上于 如 作制 此。」 ,在他人豈能之?」案:毛説 「惟子路能取信」 供 書契而兩分之,使各録其 故 二犬所以守也。」鄭《異 核之處。 此 義同 也。 周 明子路以忠信感人,不 故所言必直」,本非誣 與 官 朝 折 是半券半契,總 是折獄之法,前 而《古論》出 耐 毛氏奇齡《四 單詞不治,如 《周 斷 司 遽斥之是 寇》以 禮》謂 者,言子路 音 訓 £ 相 今告 之圜 兩劑 于 自 訟 也。 也。 近。 無 制 司 券 義 壁 書

《大戴禮·子張問入官》篇:「行事勿留。」注:「凡行 辭 僞 孔 注 别章。」《文選》江淹 不 「子路行直聞於天下,不敢自道其長, 可 誡之辭。 伐之國。」注"「 所載或本合。 勿稽留之。」即此義。 使訟者受覊累之苦。 之不可宿。」注:「宿,久留也。」 也。」引申之,有久義。 疏 行,故無留諾。 信 止 宿猶」至 敢從。 所載孫綽説同。 ,即可斷獄者,惟子路爾,凡人少能然 爲法,故若所言必直,方可令斷獄, 如 恐 毛氏所 臨 亦與鄭同。 並與豫義相近。 時多故,故 「豫諾」〇正義 子 云 路 然夫子口中 宿,猶先也。」《公羊桓 明決 其於折獄亦然。 無 孔穎達《 焦氏循《補疏》即 雜體詩 宿 《釋文》云:「子路無宿諾,或分此爲 此子路忠信之事,故記者類記於此 己 不豫 諾。 <u>日</u> 漢書 也。 毛氏奇龄《四書 諾。 書 不應稱 》注引上有「子曰」字,與 《管子 【注】宿, 原 • 韓 諾」者,應也。 鄭之意, 蓋折獄 吕 正 安國傳》: 刑》疏引 義 「子路」,或本非。 元年傳》注: 依爲説, 地圜 日 否則, 妄稱彼短。 猶 也。」此與《論 亦 定,即予開釋,不 改錯》: 豫 以 篇 説文》: 此文,説之云: 義涉 仍 「孝文寤 也。 片言 子路有 「宿定 須 兩 折 宿者,先 迁 子 宿 得 《釋文 一辭矣。 集解 曲,所 語》皇 獄,不 政 路 於兵 所 聞 其 事 篤 即 止 征 注

也。 及季康子使 作「不豫諾」, 也。 ,子何辱焉?」對曰"「魯有事於小邾,不敢問故,死城下 據《左傳》小邾射要子路盟,而子路辭之,是不許諾也。 此 彼不臣 正不豫諾之證。」案: 冉 謂 而濟其言,是義之也, 有謂曰: 不先許 也,正 「千乘之國,不信其 所謂「然諾不苟」者、急則 此注亦通,但 由 弗能。」是終不 與 八折獄 盟, 而 事無 信子之 許諾 輕 涉, 諾

故不用以釋經

不敢 乎!』無情者不得盡其 二日 前。」 無實者多 《周官 等。」必 記 盡其辭,大畏其心志,使誠其意不敢訟。」《大戴禮 色聽,三日 「吾猶人」者,言己與人同,但 Œ. 子 義 曰: 「凡人之知,能見已然,不能見將 大學》云:「子曰: 小司寇》云: Ė: 虚誕之辭,聖人之聽訟與 也 「聽訟,吾 氣聽 使 聽 訟 無 四四 以 一者,言 訟 解, 五聲聽獄訟: 日 乎!」【注】王 大畏民志。」鄭 「聽訟、吾猶 耳 猶 聽其 聽, 人也。 Ŧi. 能聽訟,不 所訟之辭 人同 日 ,求民情。 目 耳。 【注】包 人也,必也 然。 聽。」此皆聽訟之 注 一曰:「 必使民無實者 以 禮者,禁將 能使無訟 「情猶實 判 口: 化 日 曲 使 之在 辭 直 無訟 也。 「與 也。 聽, 也。 然 禮

意矣。 施德 注: 之前 可 異法也。 勝殘去殺,必俟百年; 邪之心。 其情而明則務義。 訟,吾猶人也,必也使無訟乎!」導之以德,齊之以禮! 訟,吾猶人也,必也使無訟乎!」此之謂也。」《潛夫論 地。 正 爲 訟。」又《酷吏傳》注: 教化之所致。」二文並 化》篇:「是故上 起敬於微眇,使人日徙善遠 與 朝能者,故祇言「必 生 ,堅如金石; 「言使吾聽訟,與衆人等,然能 難知也。 人共者,弗獨有也。」是「與人等」可 爾豈顧不用哉? ,則能使其絶於争訟。」並 ,而法者,禁於已然之後。 ○注「與人等」○正義曰: 《史記· 夫若此者,非律之所使也,非威刑之所彊也,此 若夫慶賞以勸善 行此之信,順 聖故不 孔子世家》云: 民親愛則無相害傷之意,動思義則 「言使我獄訟,猶 也 言無訟 王者必世而後仁,皆須以 然如曰 」以期之。 務 治民事,而 罪 如 由於德教,此最 禮云禮云,貴絕惡於未萌,而 以 而不 四 是故 刑 言聽訟吾與 「無訟」爲夫子自許,失 時, 「孔子在 顔師 先以 罰 自 法之用易見, 以 處此之功,無 知也。 務治民 凡 古《漢 知 德義化 懲惡,先王 人耳。 位 聽 書 是難能 孔 心,故 之,使 訟,文辭 歲年,非 子日 而禮 賈誼 無異 一執此 而 私 曰 ,務 正 其 之所 立 無 如 「聽 傳 『聽 聖 之 有 無 姦 厚 德 政 可 乃 如 天

三九七

倦; 道御之,雖 之起事則不成。」○注「行之於民必以忠信」○正義曰:《大 戴禮·子張問入官》云:「故不先以身,雖行必鄰也;不以 攸暨。』《管子・形勢解》: 券」,轉寫作 工記》注: 位,「卷」即「倦」之省。 六引鄭此注云:「身居正位,不可懈卷。」是鄭以「居」爲居 忠。」【注】王曰:「言爲政之道。 外内不相應,則無可取信者矣。」 行之於民,必以忠信。」正義曰:《北堂書鈔》三十 張問 「券,今倦字也。」疑《書鈔》所引鄭注本是「懈 服 「懈卷」也。 必强矣。 政。子曰: 《釋文》云:「倦,亦作券。」鄭君《考 故非 《詩·假樂》云:「不懈于位,民之 「解惰簡慢,以之事主則不忠,以 忠信,則 「居之無倦,行之以 居之於身,無得 無可以取親於百 姓 懈

本有「君子」、皆因前篇致誤。《釋文》云:「「博學於文」,一本作「君子博學於文」。」案:皇畔矣夫?」【注】鄭曰:「弗畔、不違道。」正義曰:一年矣夫?」【注】鄭曰:「弗畔、不違道。」正義曰:一年矣夫?」【注】鄭曰:「弗唑於文、約之以禮、亦可以弗

美,不成人之惡。」《大戴禮·曾子立事》篇:「君子己善,亦人反是。」正義曰:《穀梁隱元年傳》:「《春秋》成人之天日:「君子成人之美,不成人之惡,小

爲也。」
爲也。」
爲也。」

「與決之善也,已能,亦樂人之能也。君子不前人之過,以此所有之。」

「以有過者,方畏人非議,我從則與之。」

「以有過者,方畏人非議,我從則與之。」

「以有過者,方畏人非議,我從則與之。」

「以有過者,方畏人非議,我從則與之。」

者 日: 與此章義相發。 仁,則大夫忠而士信,民敦,工樸,商慤,女憧 篇:「上者,民之表也。 子對曰:『政者,正也。 者,正也。子帥 爲,百姓之所從也; 義。《大戴禮·哀公問》篇:「公曰:「敢問何 道也。」經傳省作「率」,叚借作「帥」。 文,並作「子率而正」,皇本亦作「而正」。《説文》:「 / [] 先 正」,趙岐《孟子章指》、《史記·平津侯主父列傳贊》引 曰:「康子,魯上卿,諸臣之帥也。」正義曰:「子帥 ,明帥諸臣同歸於正,百姓孰敢不正也。《史記· 魯 有三 季康子問政於孔子。 卿, 季孫爲司徒,是 ○注 君 以正,孰敢不正?」【注】鄭 「康子魯上卿諸 表正,則何物不正? 所不爲,百姓何 君爲正,則百姓從政矣。 上卿 故爲 孔子對 「帥,佩巾也」,别一 臣之帥 從?」又《王言 諸 臣之帥。 ,婦性 謂爲政?』孔 故君先立 也〇 君之所 平 正 津侯 言此 政 此 以

樹直表而得曲影者也。」即此注義。主父列傳贊》:「夫三公者,百寮之率,萬民之表也。未有

子也。 侯貪則大夫鄙,大夫鄙則庶人盗。上之變下,猶風之靡草 毛伯求金於諸侯、《春秋》譏之。 此言「竊」者,互相訓。 者、《説文》:「賞、賜 多情慾。言民化於上,不從其令,從其所好。」正義 此 夫犯上之禁不可以爲安也。 俗,無盜賊之罪,莫敢犯大上之禁。 天下曉然知夫盜 夫無流淫之行,百吏庶人無怠慢之事,衆庶百姓無姦怪之 也。」然則民之竊盜,正由上之多欲,故夫子以「不欲」 勗康 爲盜。」當康子時,魯國多盜,故康子患之。「雖賞之不竊 曰:《説文》云:「盜,私利物也。」《左文十八年傳》: 由其道,則必遇其所惡焉。 人不可以爲富也,❶皆知夫賊害之人不可以爲壽也,皆知 一苟子之不欲,雖賞之不 章義相發。 季康子患 《荀子·君子篇》:「聖王在上,分義行乎下,則士大 張栻《論語 盜 有功也。」盜自中出曰竊。上言「盜」, 《説苑•貴德》篇:「周天子使家父 , 問 解 是故刑罰綦省而威行如流。」與 》引張横渠曰:「假設以子不欲 由其道,則人得其所好焉,不 於孔子。 故天子好利則諸侯貪,諸 竊。」【注】孔曰: 孔子對 「竊賄 「欲, 日 竊之

> 也。 物,下必有甚者矣。」 文》不載,此云「情慾」者,從俗作之。 情,故《説文》云:「情,人之陰氣有欲者也。」「慾」字,《説 子「民有菽粟如水火、焉有不仁」之意、於義亦通。 足乎此,則不欲乎彼,此古人弭盜之原也。」案:此説即 之物賞子使竊,子必不竊。 篇亦云::「下之事上也,不從其所令,從其所行。 從之。其所令反其所好,而民不從。』注云:『言民化君 曰: 「堯舜率天下以仁,而民從之,桀紂率天下以暴,而 欲」上無「之」字。 不足,則不見可欲而盜心息矣。 君若好貨,而禁民淫於財利,不能正也。」」案:《緇衣 ○注「欲多」至「所好」○正義曰:欲生於 故爲政者,先乎足民,使民 蓋盜生於欲之不足,使之 邢疏云:「《大學》 皇本 上好 無所 不 是 行 孟

草上之風,必偃。」【注】孔曰:「亦欲令康子先自欲善而民善矣。君子之德風,小人之德草。以止姦。」孔子對曰:「子爲政,焉用殺? 子就有道,何如?」【注】孔曰:「就,成也。欲多殺就有道,何如?」【注】孔曰:「如殺無道,以

「知」上,據《荀子》脱「皆」字。

子爲政之德若風,在下小人從化之德如草。《韓詩外傳》: 德風,小人之德草」者,邢疏:「此爲康子設譬也。 善,復申言不必用殺之效也。 也。 有司之罪也。 並 理》篇引此經,說之云:「王者尚其德而布其刑,霸者刑德 殺」者,言子爲政,當以德化民,不當先用殺也。《說苑 正 夫民爲不善,則是上失其道。 善矣; 吏能爲善 爲安,因是民也 「子欲善而民善」者,言子苟欲善,雖無道之民,亦化而爲 非貴其拘之囹圄 上。」正義曰:《説文》:「殺,戮也。」《釋名·喪制》云: 政 王者有易政 申韓》篇:「所貴良吏者、貴其絕惡於未萌、使之不爲非 罪人曰殺。 |凑, 疆國先刑而後德。」《鹽鐵論·疾貪》篇:「百姓不治 教闇而不著,百姓顛蹶而不扶,猶赤子臨井焉,聽其人 若此 偃,仆 ,則何以爲民父母? 有父子訟者,康子欲殺之。 殺、竄也、埋竄之使不復見也。」「子爲政、焉用 而 《春秋》刺譏,不及庶人,責其率也。」又云: 而爲治。」又云: 無易國,有易吏而 ,則民必能爲善矣。」是其義也。 而刑殺之也。」皆言爲民上不貴用殺也 加 草 以 風 上陳之教而先服之,則百姓 賈誼《新書・大政下》云: 故君子急於教、緩於刑。」又 無 「故君能爲善,則 不 無易民。 仆 孔子曰: 者, 故因是國 猶 未可 民之 吏必 「君子之 在上君 殺 化 能 也 也 政 於 0 爲 而

> 而東。」 「偃仆」至「於上」〇正義曰: 「尚,本或作上。」案:《孟子・滕文公》篇亦作「尚」。○注 此注云「加草以風」,亦訓「上」 證 子·宥坐》則在夫子爲司 從風矣。」」疑「父子訟」即 「仆」、「伏」義同。 「夫上之化下,猶風靡草, 也。 皇本「德風」、「德草」下並 趙云「尚、加也。」以風加草,莫不偃伏也 寇時。 此康子所指「無 東風則草靡而西, 一爲加 趙注《孟子》云:「偃,伏也。」 傳聞異辭,要亦爲此文合 有「也」字。《釋文》云: 也。 《説苑• 道」之事,然《荀 西風則 君道》篇: 草

【注】馬曰:「常有謙退之志,察言語,見顏色,知其也者,質直而好義,察言而觀色,慮以下人。皆能有名譽。」子曰:「是聞也,非達也。 夫達邦必聞,在家必聞。」【注】鄭曰:「言士之所在,好必聞,在家必聞。」 【注】鄭曰:「言士之所在,子張問:「士何如斯可謂之達矣?」子子張問:「士何如斯可謂之達矣?」子

[「]喪」上,據《釋名》脱「釋」字。

以

若無所疑 學,疑則問,欲行則比賢,雖有險道,循行達矣。今之弟子, 所違阻。 僞,故以仁之美德而色取之,不顧其行違也,身居於仁,而 子略同,皆謂謹身篤行,不求聲聞者也。 病下人,不知事賢 於曾子曰:「夫士何如 不求名譽,名必歸之。 之爲人樸質正直,而行事知好義也。「察言而觀色,慮以下 多。」正義曰:「達」者,通也,通於處人處己之道,故行之無 疑。」在邦必 者,色取仁而行違,居之不疑。【注】馬曰:「此 人」者,言心存敬畏,不敢忤慢人也。 在家」,謂士之仕於邦家者也。 感闇,終其世而已矣,是謂窮民也。」」曾子之論達,與夫 欲,其知慮常 「孔子爲 人假仁者之色,行之則違,安居其偽 【注】馬曰:「謙尊而光、卑而 所謂「忠信篤敬,蠻貊可行」,即達義也。「在邦」、 也。 魯 如 聞,在家必聞。」【注】馬曰:「佞 攝 此以得 欲 ,恥不知 相 以下人。」●在邦必達,在家 朝 ,則可以爲達矣?」曾子曰:「不能 《大戴禮·曾子制言上》:「弟子問 七 名譽,是之謂聞。 而又不問,欲 日 而 誅少正 「質直而好義」者,謂達者 如此,則攸往咸宜,雖 不可瑜。」夫聞 郭。 若夫聞者,多是虚 作則其知不足,是 《荀子· 門人進 而 問 人黨 不 宥 日 必 也 自 坐 則 0 卯兼有之。 非而澤。 一夫少 Œ

言佞

達。

所

色,不敢有加於人,是常欲以下人,所謂「君子無衆寡、無 聞即爲達也。皇本「夫達」、「夫聞」下無 爲仁,夫子恐其於仁亦是色取,故於聞者亟斥之,且恐其以 好爲聞人,故讒説殄行,不免震驚朕師也。子張堂堂,難 必聞,在國必聞,色取仁而行違」者耶?」以莽之姦邪 聞乃聖人所深惡。《漢書·王莽傳贊》:「王莽始起 乎?」孔子曰:「人有惡者五 故能察言觀色,更下人也。 有」至「下人」〇正義曰:「謙退」者,言達者常有謙退之志 成、哀之際,勤勞國家,直道而行,動見稱述。 折節力行以要名譽,宗族稱孝,師 足以反是獨立,此小人之桀雄也,不可不誅也。」」觀 險,二曰行辟而堅,三曰言僞而 而知之,當順情以 卯,魯之聞 此五者,有一於人,則不得免於君子之誅 故居處足以聚徒成群,言談足以飾邪營衆,强 施也。 人也。 「志慮」者,志之所慮也。 「知其所欲」者,言於 ,而盜 夫子 辯 友歸仁。 爲 竊不 四日 政 與焉。 而 記醜 「也」字。 始 及其居 誅 豈所謂 [在 而 之, 博 人既 日 ○注「常 位 而 察言觀 得 五 心 此,則 外 亦 輔 察觀 E 達 無 少 政 戚 與 家 正 順 而 失

作「志」。 知,阮 元 刻 一十 Ξ 經 注 疏 本 作 「志」,下 疏 文

亦

非

辭》。 ○注 日: 注: 以 句 〇正義曰: 同,卑退也。」「尊」、「撙」、「僔」音義並同。 是。《大玄・玄瑩》篇:『故君子内正而外馴,每以下人。』其 之「慮」,言察言觀色,大氐以下人也。 皆鑄金錢矣。」「無慮」與「大氐」同,古人自有複語耳。 大,無敢慢」者也。 止言「慮」。 ·慮」,即「無慮」,亦猶大氐也。「慮以下人」之「慮」,乃「無慮 明 法即本之此。]案:俞説甚是。然馬注亦未誤,此當並存。 「無慮,都凡也。」《漢書・ 若君子則衆好必察,不致爲所惑也。 禮。』《荀子· 「朋黨比周,故能在家在國皆有名譽。」即本馬義。 「謙尊而光卑而不可踰」○正義曰:此《易・謙卦 尊者,卑約也。 此解邦、家必聞之故、言所稱譽之者、皆是佞 《賈誼傳》:「慮無不帝 仲尼篇》: 俞 《曲禮》云:「故君子恭敬,撙節退 氏樾《平議》云: 「恭敬而僔。」楊倞注: 食貨志》曰:『天下大氐無慮 馬以「志慮」説之,非 制 按 而天子自爲者。』 顏師古《王莽傳 ○注「佞人黨多」 《廣 雅 「僔與撙 釋 亦或 訓 彖 讓

也。 之處,有壇 脩慝、 治惡爲善。」子曰:「善哉問! 樊遲從遊於舞雩之下。 【注】包曰:「舞雩 墠 辨 樹 惑。」【注】孔 木,故 下 可遊 曰:「慝,惡也。 焉。」曰: 先事後得, 敢 脩, 問崇 治

也。 雅 之而敗焉,走之齊。」是不忍一朝之忿,忘身以及宗廟,惑之 以發問。 崇德而徒雩也。」戴氏望《論語注》云:「《春秋》昭 累也。」《論衡・ 哉?」是攻人之惡,不知攻其 駒曰:「諸侯僭於天子,大夫僭於諸侯。」公曰:「吾何僭乎 公不用子家覊,失民失政,以致出奔,是不能崇德也。 督弑其君與夷及其大夫孔父。」《公羊傳》云:「及者 造人,義造我,所謂「躬自厚而薄責於外」也。「忿」者,《廣 攻,猶責也。《春秋繁露·仁義法》篇解此文,謂君子以仁 韻,如湯禱桑林以六事自責也。「攻其惡,無攻人之惡」者 德、脩慝、辨惑」者,此當是雩禱之辭,以「德」、「慝」、「惑」爲 攻其惡,無攻人之惡,非脩慝與? 「秋七月上辛,大雩。 忿,忘其身,以及其親,非惑與?」正 「舞雩之下」者,明時魯雩祭,樊遲從夫子往遊其下也。 崇德與? 聚衆以逐季氏也。」 樊遲從遊,有感昭公孫齊之事,因 釋詁》云「怒」也。 事,勤也。 明雩》篇: 【注】孔 先勤求賢者,任之以政,乃能得民。 季辛,又雩。」傳曰:「又雩者,非 「以及其親」者、《春秋》桓二年:「宋 「樊遲從遊,感雩而問 曰:「先勞於事,然 惡 也。 昭 公不從其言,終弒 後 ,刺魯不能 廿 義曰:言 得 Ŧi. 朝 子家 報。」 年: 何? 「崇 之 昭 雩

惡,非法所得。」《周官・環人》「察軍慝」注:「慝,陰姦也。」 曰:《左僖十五年傳》:「於是展氏有隱慝焉。」杜注:「隱 壝,樹之田主,各以其野之所宜木」。 之,即爲墠也。 故城南雩門之外。」此注兼言「墠」者,壇外平地,時亦 南郊之旁。』《水經・ 此説,本之宋氏翔鳳《發微》,與《論衡》刺魯之義極合。 甚 自然之辭,尤不合。 注 木,此雩壇亦當有樹木可知。 又「雩宗」,注云:「水旱壇。」《月令》「雩帝」,注云:「爲壇於 木」〇正義曰:《禮・祭法》注云:「封土曰壇,除地 本無「攻人之惡」,「無」作「毋」。○注「舞雩之處有壇墠 也。 先勞於事然後得 與「修」同。 時哀公亦欲去三家,故微其辭以危其事。]案: 知有樹木者、《周官・大司徒》言「設社稷之 《廣雅・ 泗水》注言:「魯雩壇高三丈,在 報」〇 釋詁》:「修,治 正義曰:注説非。 ○注「慝惡也脩治也」○正 社稷是壇,有所宜之 也。」此常訓。 解「後」字爲 日 墠。 戴 除 魯縣 皇 0 義 治 樹 氏

曰

廢 枉,能使枉者直。」【注】包曰:「舉正 曰:「知人。」樊遲未達。子曰:「舉直錯 置 邪 樊遲問仁。 枉 之人,則 皆 子曰:「愛人。」問 化 爲 直。」 樊遲 退,見子 直之人用 知。 之, 夏 諸 子

> 也。 遲未達,當更有問辭,今無文者,略也。 國,其君雖知人而不能官人。遲之未達,職此之由。」案 翔鳳《發微》云:「《書》曰:「知人則哲,能官人。」自世卿專 子·君道篇》: ●「子貢對夫子問,曰:「知者知人,仁者愛 篇:「孔子曰:"仁者莫大於愛人,知者莫大於知賢。」」《荀 理,不敢復問,故退見子夏告之也。 枉者直」者,言舉爾所知之直者,錯諸枉者之上,即是 人。」」是愛人、知人爲仁、知之大用。 不仁者遠矣,仁者至矣。」正義曰:《大戴禮・王 錯諸枉,能使枉者直。」何謂也?」子 曰:「言舜、湯有天下,選擇於衆,舉皋陶、伊 下,選於衆,舉伊尹,不仁者遠矣。」【注】孔 下,選於衆,舉皋陶,不仁者遠矣。 「富哉言乎! 釋文》: 「錯」、《釋文》引或本作「措」。 鄉 「鄉,又作曏,同。」《説文》云:「曏,不久也。」不久 也吾見於夫子 【注】孔曰:「富,盛也。」舜 而 問 樊遲又未達夫子所言之 知,子 「樊遲未達」者,宋氏 「鄉」,皇本作「嚮 「舉直錯諸 Ė 湯 夏 在,能 尹, 有 有 曰 舉 言 天 直 則 使

君」,據《荀子》當作「子」。

曰 : 尹 陶 高陽氏才子八人,有庭堅。 世,爲其秉政久,恩德廣大。 所以昏亂,社稷之所以危亡,故皆録之。」隱三年何休説 肖於位,輒退絶之,以生過失。 而 鳳《發微》云:「子貢知孔子之意,必堯、舜、禹、湯之爲君, 堯、舜,皆有聖德之義是也。 文》所云「尹治」者,就文説之。若《白虎通》説顓頊、帝嚳、 衡 下大夫爲之。《左文五年傳》:「皋陶庭堅。」又《十八年傳》 名士師也。疑「師」字誤衍。 鄉,叚借字。」「富哉言乎」,皇本「言」上 者,言日 孫子・用間》篇合。 禮、公卿大夫士、皆選賢而用之。 氏世,立王子朝; !後能盡用人之道,以垂百世之法。 ",尹治天下者。 號庭堅也。 《公羊》隱元年何休説:「當春秋時,廢選舉之務,置不 『汝作士。」、《孟子・萬章》篇亦云:❶「皋陶爲士。」不 「皋陶爲士師,號曰庭堅。」案:《書• 近 也。 伊尹,湯臣。 阮 從人從尹。」疑 氏 齊崔氏世,弑其君光。 元《校 擊爲名,則尹爲字,可 杜注: 《説文》「伊」字注:「殷聖人阿 勘 鄭注《尚書》謂 《周官》有士師,屬大司寇,以 小人居之,必奪君子威 記》 至於君臣忿争出奔,國家之 「伊」是氏,「尹」是名。 「庭堅,即皋陶字。」是皋 卿大夫任重職大,不當 曏, 故言選舉之事曰」云 有「是」字。 正字。 舜典》:「命 君子疾其末,則 「伊尹名摯」,與 信也。 繒, 宋氏翔 俗 皋陶 鄭 《説 字。 故 注

遠。 聞之: 詩傳: 之。 舉 軍,且爲大傅。 擇」,常訓。 皋陶、湯舉伊尹、而後用人之法備。 舉皋陶,湯舉伊尹,皆不以世而以賢,以明大法。《漢書》王 舉 衆讒不能退無罪。」此《春秋》譏世卿之義。 也。《左宣十六年傳》:「晉侯請于王,以黻冕命士會 必 ○正義曰:《左襄七年傳》:「正直爲正,正曲爲直。」《小明 令。」即《論語》之義。 人,無益於民,此《伐檀》所爲作也。 吉言:「堯、舜不用三公九卿之世,而舉皋陶、伊尹,不仁者 正其本,見譏於卒者,亦不可造次無故驅 皆化爲直可知。 直錯枉之法不行,有國者宜以不知人爲患,故子夏述舜 也。』《漢書· 今俗吏得任子弟,率多驕驁,不通古今,至於積 明君案見勞授賞,則衆譽不能進無功,案見惡行誅 禹稱善人,不善人遠。 「能正人之曲曰直。」曲者,枉 「不仁者遠」,言不仁之人,自知枉 於是晉國之盜逃奔于秦。 劉向傳》: ○注 「富哉言乎」,富者,備也。 「言舜」至「至矣」〇正義曰: 向 此之謂, 上封事 也。 宜明選求賢,除任子之 ○注「舉正」至 i E 也夫!!!杜 枉爲直者所正,其 逐,必因其 「故賢人在上位 羊舌職曰: 蓋卿大夫世 曲 必如 注: 一, 皆 「爲直 過 將中 選 遠 舜 功 卒 則 去 治 則 絶

[「]萬章」,據《孟子》當作「盡心」。

者直也。

仁者至」之義。其不仁既知遠去,必亦化而爲善,故能使枉伊尹,不仁者遠而衆賢至,類相致也。」」即此注「不仁者遠,則引其類而聚之於朝,在下位,則思與其類俱進。故湯用則引其類而聚之於朝,在下位,則思與其類俱進。故湯用

師良友在其側、《詩》、《書》、《禮》、《樂》陳于前,棄而爲不善道,所以輔成己之仁。」正義曰:「文」,謂《詩》、《書》、《禮》、《樂》也。「以文會友」,謂共處一學者也。《爾雅·釋益,所以輔成己之仁。」正義曰:「文」,謂《詩》、《書》、之教也,時教必有正業,退息必有居學,故君子之於學也,之教也,時教必有正業,退息必有居學,故君子之於學也,之教也,時教必有正業,退息必有居學,故君子之於學也,之教也,時教必有正業,退息必有居學,故君子之於學也,之教也,時教必有正業,退息必有居學,故君子之於學也,之教也,時教必有正業,退息必有居學,故君子之於學也,以文德方。

文皆在德也。《爾雅・釋詁》:「會,合也。」亦常訓。者鮮矣。」○注「友以文德合」○正義曰:「文德」者,言所學

高郵夏崇雅校刊

四〇五

語 IE. 義

四〇六

論語正義卷十六

寶應劉寶楠學

子路第十三 集解

凡三十章

『説以使民,民忘其勞。』」請益。曰:「無倦。」 曰:「先導之以德,使民信之,然後勞之。《易》曰: 子路問政。子曰:「先之,勞之。」【注】孔

鄭力報反。」陳氏鱣《古訓》曰:「鄭讀若郊勞之勞者,即《孟 之,所謂「其身正,不令而行」是也。《釋文》:「勞,孔如字, 也, 欲民之速服也者, 莫若以道御之也。」皆言政貴身先行 之始也。」又云:「君子欲政之速行也者,莫若以身先之 民,必躬親之。」《大戴禮・子張問入官》篇:「故躬行者,政 此上事,無倦則可。」正義曰:《禮・月令》云:「以道教 【注】孔曰:「子路嫌其少,故請益。曰『無倦』者,行

> 説之。」「不了」,謂説有未盡,故此注以爲嫌少也。 曰:《曲禮》:「請益則起。」注:「益謂受説不了,欲師 《易》者,《兇・彖傳》文。○注「子路嫌其少故請益」○正義 不嚮義,勞也。」又曰:「君子勞心,小人勞力,先王之訓也 忘善,忘善則惡心生。沃土之民不材,淫也, ●瘠土之民莫 之,故長王天下。 夫民勞則思,思則善心生,逸則淫,淫 敬姜曰:「昔聖王之處民也,擇瘠土而處之,勞其民而用 夫子告以「擇可勞而勞之」,即此注所云「勞之」也。《魯語》 〇正義曰:下篇子夏曰「君子信而後勞其民」,子張問政 終,故答其問政,皆以「無倦」告之。」〇注「先導」至「其勞」 文《四書通》曰:「子張堂堂,子路行行,皆易銳於始而怠於 率教,不用刑趨勢迫也。「無倦」、《釋文》作「毋倦」。 子》「放勳曰:勞之來之」意也。」案:「勞之」者,勸勉民,使 文,雖與鄭異,亦得通也。「導之以德」、《爲政》篇文。引 自上以下,誰敢淫心舍力?」並言政尚勞民之誼。 孔注此 則 炳

【注】王曰:「言爲政當先任有司,而後責其事。」赦 仲弓爲季氏宰,問政。子曰:「先有司,

0 淫」,據《國語》當作「逸」。

物也。 也。 萬邪 刑賞任人,當爲邑宰事也。 敢 有賢才,可自辟舉爲己輔佐。 其智能,多其教詔而好自以,若此,則百官恫擾,少長相越, 是與驥俱走也,必多所不及矣。」又云:「人主之車,所以乘 居於車上而任驥,則驥不勝人矣。 善難,任善易,奚以知之? 司 皇疏獨謂「仲弓將往費,爲季氏邑宰」,則以夫子所言得專 小 也。」有司或有小過,所犯罪至輕,當宥赦之,以勸功褒化 也。」觀此,是凡爲政者,宜先任有司治之,不獨邑宰然矣。 無遺。」正義曰:「宰」者,大夫家臣及大夫邑長之通 (注)孔 曰 赦小過」者、爾雅・釋詁 私 信任之,使得舉其職也。 過, 蔽之也。 言小過赦,明大過亦不赦可知。 並 起,權 察乘物之理,則四極可有。 舉 曰:「女所不知者,人將自舉其所 舉 · 賢 爾 威 宋氏翔鳳《發微》云: 所 才。」曰:「焉 分移,不可以卒,不可 知 爾 「有司」者,宰之群屬。 人與驥俱走,則人不勝驥矣, 《吕氏春秋·審分覽》:「凡爲 所 「赦,舍也。」《説文》:「赦,置 若有盛德之士,更升進之,不 不 知賢 不知乘物而自怙恃,奪 人主好治人官之事,則 知, 「自世卿世大夫,而舉 「賢才」,謂才之賢者。 以教,此亡國之風 人 才而舉之?」 其 知,則賢才 舍諸?」 言先有 稱。

> 諸」之説也。 進。 皋陶、湯舉伊尹、皆「舉爾所知」也。 人。」禹曰:「惟帝其難之。」此「焉知賢才」之慮也。 賢之政不行,故仲弓獨質其疑,以求 正義曰:此謂先任以官,而後予之以事,非經恉 以知其人爲要。」○注「言爲政當先任有司而後責其事」○ 《易》曰:「拔茅茹以其彙,征。」此「爾所不知,人其 是先有司者,必以舉賢才爲本,舉賢才者,必 公其信。 不仁者遠,則 皋陶 日 仁 如 在 者 舜 舍 咸 舉 知

也。 《古論》家説,受之安國者也。 爲讓。 記・孔子世家》:「是時,衛公輒父不得立,在外,諸侯數 公養之仕,知衛君將留用孔子,故子路舉 苑・正諫》作「止之」,是「待」、「止」同義。 記・孔子世家》作「止孔子」、《魯語》「其誰云待之」、《説 「衛君」者,出公輒也。「待」者,下篇「齊景公待孔子」,《史 先?」【注】包曰: 曰:「衛君待子而爲政」」云云。 也正名乎!』【注】馬曰: 《春秋》: 子路曰:「衛君待子而爲政,子 而孔子弟子多仕于衛,衛君欲得孔子爲政。 「哀二年 問 夏,晉 往將 趙 「正名」者 「正百事之名。」正義 何所先行。」子曰:「 是 鞅 帥 Œ 名指 師 何 ? 納 時孔子在 蒯聵之事,此 衛 以問 世子蒯 正世子之名 也。 將 衛,爲 子 日 必 奚 史 于 以

〇八

爲,遜 而已。 戚。」孔 我 有 即 子郢之言「有亡人之子輒在」,忠貞如子郢,在輒未立時,已 然則於蒯聵何尤焉? 卓子之死,夷吾兄弟相繼而歸,不聞以 歸者,亦不一矣。 之歸有名,而衛人之拒無名也,況諸侯之子得罪於父而仍 特以得罪而 公雖怒,而未嘗廢之也。靈公欲立公子郢 傳》累稱爲太子 以其本是世子,未得衛國,無可褒貶,故因而書『世子』耳。」 者,晉人納之,世子告之,是正世子以示宜爲君也。 孔子以世子稱蒯聵 孫之義 心所欲言。 廢之意而不果,又有明文矣。 世子之名可知。 此,是世子之稱、《春秋》不以爲非而存之,則此「正名」, 迫於南子,不能迎立蒯聵 避弗居斯已耳。 既爲世子,則衛人所不可拒也。」全氏此論,實 疏: 以 出亡,則聞 世子者,父在之名。 王父命爲辭 愚謂《春秋》之義,世子繼體以爲君。 」,固 晉之亂也,夷吾奔屈,重耳 有明文矣,不特此也。 全氏祖望《鮚 則 乃輒儼然自 故孔子之正名也,但正其世子之名 喪 其當爲 而奔赴,衛人所不可 是輒不以 則 靈公所立 惟蒯聵未嘗爲靈公所 蒯 **觭亭集** 惟 立,當 職父既死矣,而稱 世 如 得罪 子 叔 時必 子 齊及公子郢 而 無疑矣。 其出亡之後,靈 而晉人拒之也。 正 蒯聵 奔蒲,及奚齊 郢辭,則 名論 援無 拒 也。 《春秋 ₩ ⊟ : 觀 適子立 爲 觀 之所 輒計 先得 靈公 於 蒯 世 廢, **全** 公 聵 0 子

> 矣。 糾也。 《太史公自序》云「南子惡蒯聵,子父易名」,謂不以 世子」、「鄭世子忽復歸于鄭」,稱世子,明 稱「曩日世子」也。 世子,世子還國書 受,以尊王父也。」注:「甯不達此 者,有伐也。 貴,非世子也。」」又傳曰: 公廢之」,是也。若君薨,有反國之道,當稱「子某」,如 之言外矣。《穀梁哀二年經》注: 世子,而輒繼立也。 帥 稱 此矛楯之喻也。 命,受之王父也。 不 正之,而輒之不當立,不當與蒯聵争國,顧 師圍 敢以 蒯聵爲世子者? 江熙曰: 世子稱 今稱「世子」,如君存,是《春秋》不與蒯 戚, 明是待蒯 何用弗受也? 「鄭世子 蒯 然則從王父之言,傳 聵 信父而辭王父,則是不尊王 复」。 稱蒯聵爲「世子」,則靈公不 ,則輒 名之顛 所以蒯 聵以 忽反正,有明文,子糾 若靈公廢蒯 既立後,假以王父之命,其 「納者, 寇仇,其不以世子稱 倒,未有甚於此 職人戚,衛命石曼姑同齊國夏 以輒不受也,以輒 義。 「鄭君曰 内弗受也。 似 聵 江熙曰:「齊景公廢 失 立 Œ 「蒯聵欲殺母,靈 矣。 輒,則 名思義,自 也。 者。 一父也。 但 帥 職得反 命 蒯 經 明 於公 夫子 蒯聵 不受父之 師 正 輒審矣。 聵 蒯 誰 而 審 , 則 其弗 立明 齊子 子 聵爲 不 後 可 亟 敢 矣。 得 爲 得 欲 拒 衛 納 有

觭」,據全氏文集,當作「埼」。

非其位。

非其位則 未爲誤

董

生此論,

也。

衛

出

公未嘗拒父也。

衛

靈公生于魯昭公二年,其卒年

应

0

爲《春秋》所危。

則

之, ●《春秋》危之, 吴王僚是也。」案: 仲舒以 得其真矣,非子路之所能見。 兵主,而先國夏者,當是夫子特筆。 其意以父得罪王父,雖其子,得申王父之命以辭父也。 始,而引宋繆公、吴王僚説之。 知王父之命,固行之於父,而辭父之命,豈爲子者所忍言? (春秋))危之,宋繆公是也。 哀三年經》:「齊國夏、衛石曼姑帥師圍 ,所以兩治之也。《春秋繁露·玉英》篇謂:「一元者,太 正蒯聵之罪,而又存蒯聵世子之名於《春秋》,以正輒之 而又争國,不可以莫之討 知元年志者,大人之所重,小人之所輕。 名之正,興五世,五傳之外,美惡乃形,可謂 竊謂以王父命辭父命,乃衛輒所據之義, 公卒後,亦 危,故夫子正名之旨,必非子路 衛輒雖如《公羊》説,亦是受之靈公,而 經 惲氏敬《先賢仲子廟立石文》曰: 傳兩 也。 稱世子,則謂君薨稱世子,無 非 非其位而即之,雖受之先君, 注 夫宋繆受之先君而非其位 其位 皆引 故託於齊國 蓋蒯聵得罪於父,暨父 江 不受之先君而 熙説,是 戚。」此 夏以爲伯討 正 是故 明是 也。 名 所能見。 當 先正 自 治國 衛爲 鄭 即 不 忽 之以 公即出公輒。 之至也。孟子曰:「孔子於衛孝公,公養之仕。」先儒 衛,而果有孔悝之難。甚矣! 已久,且以國養父,未爲不可,故以子言爲迂。其後孔子 内,名之不正,莫甚於此,故有正名之論。 故子路曰「衛君待子 輒之六年,自楚至衛,輒年可十七八歲,有欲用孔子之意 五年,此十五年中,絶無動 居於戚,及至出公十四年,始與渾良夫謀人。 而君位之定已久,勢不可爲矣。 時 歲之童子即位,則拒蒯聵者非輒 +七年中,必有不忍其父之心,孔子以爲尚可與爲善,而 公輒論》亦云:「靈公薨時,輒至長亦年十餘歲耳。 春,圍戚,衛之臣石曼姑等爲之,非出公也。」夏氏炘《衛 姬,度出公之即位也,内外十歲耳。 Ė 南子在堂,其不使之人明矣,輒不得自專也。 正名,惜乎優柔不斷,終不能 而 蒯 聵爲其子,出公爲其子之子。 孔子在衛凡六七年,輒能盡其公養,則 而爲政」。 静,則輒之以國養可知。 聖人之大居正,爲萬世 孔子以父居於外,子居 考蒯聵於靈公四十二年 也。 用 二年,蒯聵入戚。 孔子耳。 蒯聵有殺母之罪,斯

始也。

罪 以 死

之端在正名。

之者非

也。」

案:

范

甯

蒯

聵

先

有

姊

反國之道,非矣。

其反正,而於莊

「之先君」上,據《春秋繁露》脱「不受」二字。

設

也

輒

果 欲 此 謂

74 〇九

於

凡在

戚者十

孔子於

及輒漸長

以十

出

而子路意輒定位

74 0

篇 不曰假。」季孫悟,告宰通曰:「今以往,君 使人假馬,其與之乎?」孔子曰: [吾聞君取於臣謂之取, 損焉,正名而已。」言因事之實,無所加損,但正其名而書之 名家之説之所由著也。 在 位 鷁」,則先其「六」。 聖人之謹於正名如此。」毛氏奇龄《稽 如其真,不失秋毫之末。 日 爵位之名。 何所先行」〇正義曰:「往」,謂 兵 「名不正,則言不順。」●《春秋 名」〇正義曰:《禮·祭法》云: 必也正名乎!』《春秋繁露 公孫龍》、《毛公》諸 拒 不 不同,禮 假。1孔子正假馬之言,而君臣之義定矣。 《左氏傳》曰: 惲氏、夏氏此言,亦屬持平,故附著之。 《韓詩外傳》:「孔子侍坐於季孫,季孫之宰通曰: 『君 父, 「《漢・藝文志》謂:「名家者流,蓋出於禮官。 可苟爲鈲析,且從來有名家書,如 而 亦異 孔 《穀梁僖十九年傳》:「梁亡,鄭棄其師,我無加 子 數。 猶 至 唯 孔 篇,俱以 衛, 子 器與名,不可以 若漢後儒者,猶尚名,曰名物,曰 故名「實石」,則後其「五」,言「退 . Е 且 處之六七 堅白 》辨物之理,以正其名。 「必也正 往居位也。 「黄帝正名百物。」百物即 深察名號》篇: 同異 年,何 名乎!二凡辨名 假人。」此 辨名義爲辭 《鄧析》、《尹文子》、 ○注 有 ○注 取 以爲孔 《論語》曰 謂之取,無 「孔子曰 Ē 指 問問 古者名 百事 稱 子? 謂 名物 往 此 名 之 所 求 將 則 與 百

> 也。 書 文。 名。 節 準繩也。 義,曰 人》:「九歲屬瞽史、諭書名。」注: 文字少,直曰名; 訓》曰:「《周禮 於策。」孔子見時教不行,故欲正其文字之誤。」陳氏鱣《古 毫釐纖悉,皆有分部,❷其文甚著。 存《晉史》,約四 本,而荀卿、莊周輩皆非之,然終不能易其論也。」其《序》尚 論名理,謂「名者,所以列同異、 而生,故更稱曰字。 名,今曰字,使四方知書之文字,得能讀之。] 賈疏: 文 ,而百凡事爲,莫非是名。」鄭此注 《聘禮》曰:「百名以上。」」此注引《禮記》者、《聘 古者曰名,今世曰字。《禮記》曰:「百名已上,則書之 也。 彼云『百名以上書於策,不及百名書於方』,注: 名象, 孔子曰 今謂之字」。 而浸尋失真。 五百言,極言隱顯、 外史》: 後代文字多,則 「必也正名」云云。 正其名字,使四方知而讀之也。」《大行 賈 至晉 「掌達書名於四 疏引此 明是非、 時,魯勝 日 「書名,書之字也。 注 虚 字。 則是稱名之名,祇是一 以 墨子著《辨經》以立 云三正 實、 證, 注 道義之門、政 字者,滋也。 同 《墨辨》 是文字通謂之 方。」注: 異、真似之辨 名謂正 古 禮記 古 書, 書 化之 滋益 字 深

⁰ 0 部」,據《論語稽求篇》當作「剖」。 孔子」至 不順」,此 字乃《春秋繁露 實性》篇文。

之迂

氏固篤信《公》、《穀》「以王父命辭父命」之説,宜其解「正 則與安國旨趣 然馬注《古論》而但渾言「百事」,不用《世家》,依衛事言之, 正文字是正名之 孰能原析之乎? 引孔子語。 名」不及衛父子争國事 之毫釐,差以千里」。 足」之論,「晉師己亥渡河」有「三豕」之文,非夫大聖至明, 新字韶》、江式《文字表》、《北齊書·儒林傳》李鉉《字辨》俱 是隋以前俱鄭學。」梁氏玉繩《庭立紀聞》引《魏書》世祖 言視之也。 本,與删《詩》《書》、定《禮》《樂》,同一垂教萬世,不可以空 敘》引此二句,是許君同以爲文字。」又云:「正名乃爲政之 古文爲正。 名。」臧氏庸《鄭 「孔子曰:「必也正名乎!」名謂書字」云云。《釋文敘 ·君子於其所不知,蓋闕如也」,即史闕文之意。 也 《隋·經籍志》小學類《正名》一卷』、《敘》云: 今案:《風俗 病時不行,故衛君待子爲政,而子以是爲先也 稍 奚 注 異 其 一端,鄭 《論語》「名不正,則言不順」。 輯 , 抑 本》釋云: 正?【注】包曰: 故糾其謬曰正失也。」亦與鄭同。 别 也。 君此義,亦馬注 通·正失》篇:「樂正后夔有『一 有注爲《集解 子 「孔子書字,必從保氏 路曰: 》所 「有是 百 删 一迁 事」所 供耶? 《易》稱『失 《説文解字 , 猶 (哉,子 得 遠 包 若鄭 》同。 所 也。 也。 《造 蓋 掌 事,必 今由不 也。 而訓 則 不 不 也 孔 ·興 ; ·順 • 民 日 校《釋文》者,或以 「于」爲狂 無

貌。」是「于」、「迂」義近,字亦通用。 王》:「其臥徐徐,其覺于于。」司馬彪注:「于于,無所知 于。」孔疏:「于,音近迂, 其身以善其君乎?」鄭注:「于,讀爲迂。」又《檀弓》: 子於其言,無所苟 可言也,言之必 移風,二者不行,則有 言孔子之言遠於事。」子 「迂,鄭本作于,云:『于,狂也。」」案:《文王世子》: 【注】包曰:「君子於其所不 可得而明言,所言之事,必 「野,猶不達。」君子於其所不知,蓋 知正名之義,而 言不 禮樂不 所措手足。 -順,則 興, 可行也。【注】王曰:「所名 而已矣。」正 則 事 淫 迂是廣大之義。」《莊子·應帝 謂 注】孔 刑濫罰。」故君子名之必 刑 不 日 之迁 罰 成; : 「野 曰:「禮 不 鄭以 遠。」名不 事 · 中 可得而遵行。」君 知,當闕 哉 義曰: 不成 「正名」爲正文字・ 由 以 刑 也 《釋文》云: 安上,樂 罰不 則 正 而 勿 「于則 冗況 禮 則 闕 中 注 據 樂 Ż 如 于 以

,狂者,疏濶之意,或鄭亦讀

此「于」爲「迁

「狂」 爲

「枉」之誤,或以

間。 字讀。 辠也。」「罰,辠之小者。」「罰」是小辠,則 疑之意。 聲之轉。 鳳《過庭録》:「《荀子・大略篇》:「言之信者,在乎區蓋 之誤,均須改字,殆未然矣。 之中也。」」今案:《後漢書 禮 蓋不言。」「丘」,古音同「區」,「丘蓋」即「區蓋」,「區」、「闕」 也。」●如淳曰:「齊俗以不言所不知爲丘蓋。」❷「丘蓋」, 重字,「申申如」、「「夭夭如」是,或疊韻雙聲字,「踧踖如」、 敘》注云: 爰制百姓于刑之衷。」孔子曰:「刑罰不衷,則民無所厝手 〈釋文》云:「中,下仲反。」孫氏志祖《讀書脞録》:「中,當如 掌受士之金罰、貨罰。」注: 荀卿》書作「區蓋」。 鞠躬如」、「蓋闕如」是。蓋,舊音如割。 「闕如」連文者、非也。」「刑罰不中」者、《周官・ 『疑者丘蓋不言。』蘇林曰: 『不言者,不言所不知之意 鄉士》: 疑則不言,未問則不立。」《漢書·儒林傳》:「疑者丘 刑罰之所重 故曰「蓋闕如也」,與「踧踖如也」同辭。 《論語》之「蓋闕」,即《荀子》之「區蓋」,爲未見闕 「《論語》言「如」,或單字,「孛如」、「躩如」是, 『獄訟成,士師受中。」鄭司農云:「中者,刑 者 「丘」、「區」、「闕」三字雙聲。」宋氏翔 中。 《吕刑》一 「蓋闕 「罰,罰贖也。」《説文》:「刑,罰 梁統傳》:「上言曰: 如 篇言「中」者十。 者,段氏 刑」爲辠大可 **《漢書** 玉裁《説 讀《論語》 職金》: 經經 儒林傳》 H 《周 知。 罰 之 或 文

> 焉。 云: 孝出治,父子之倫爲重也。 下平。」又曰:「瞽瞍底豫,而天下之爲父子者定。」王者本 失亂,與此文意同。黄氏式三《後案》云:「王道不外彝倫 威怒,有司必誹怨矣,牛馬必擾亂矣。 實,而事多不當其用者,故入主不可以不審名分也。 興」、「刑罰不中」、皆推言「名不正、則言不順」之失。言者、 措。」《説文》:「措,置也。」「措」本字,「錯」假借字。 「無所錯手足」者,「錯」,皇本作「措」、《釋文》:「錯,本又作 而家人莫重於父子。 之亡也,名之傷也,從此生矣。」《吕覽》此言名不正,則刑罰 物,群牛馬也。 人於此,求牛則名馬,求馬則名牛,所求必不得矣。 所以出令布治也。《吕氏春秋·審分覽》: 「夫名多不當其 不敢自安,是無所自措立手足也。」案:「事不成」、「禮樂不 足。」衷之爲言,不輕不重之謂也。」」「衷」與「中」古字通 「刑罰既濫,故下民畏懼。 故名不正,則人主憂勞勤苦,而官職煩亂悖逆矣。 不正其名,不分其職,而數用刑罰,亂莫大 孟子曰:「人人親其親,長其長,而天 治國者不正一家父子之名,而 刑罰之濫,所以跼天蹐地 百官,衆有司 而因 也, 或 萬 用

[「]齊俗」至「丘蓋」、《漢書》注作「齊俗以不知爲丘」。「不言」至「意也」、《漢書》注作「丘蓋不言,不知之意也」。

欲正 遠也。」○注 之序,樂莫大於父子之和,刑罰莫大於不孝。 深,其移風易俗,故先王著其教焉。」 義。《呂覽・先己》篇: 也」〇正義曰:《説文》:「趏,避也。」此云「猶遠」者,引申之 之不成甚矣。故治世之要務,在彝倫攸敘。]〇注「迂 《孝經》云: 阻 國之父子,無諸己而求諸 室而不成矣。 「樂也者、聖人之所樂也,而 「安上治民,莫善於禮, 孔曰 至「濫罰」〇正義曰:皇本作「包 禮樂刑罰,事之大也。 「寡人以爲迂言也。」高誘注: 人,則 移風易俗,莫善於樂。」 可以善民心。 一己多忌諱之私,而 禮莫大於父子 三者失,而事 其感人 注。 猶遠 迂,

情。 學爲 義, 哉 焉 應。」夫如 五 穀 用 則民莫敢 樊 【注】孔曰:「情,情實也。 日 稼? 圃 樊遲 須 稼 , 樹 也 是,則四方之民襁 請學稼。 【注】包 曰:「吾不如老圃。」【注】馬 ! 菜 不服,上好信,則民莫敢 蔬 L. 曰 好禮,則民莫敢不敬; 日 圃。 子曰:「吾不如老農。」請 樊遲出。 禮 義與 言民化於上,各以 信 負 足 其 子 子曰:「小人 以 人成德, 而 曰:「樹 至 不 上 何 矣, 用 好 用 實

於事 以爲布陳於國家刑法者,則舉義法也,主之所極然帥 《荀子·王霸篇》: 古者四民各有恒業,非可見異而遷。 《孟子·滕文公》篇「有大人之事,有小人之事」,與此同 也。 學稼 美惡不踰; 也。」是上好義,則民服 而首鄉之者,則舉義志也。 故能成其德教,而行其政令。] 是上好禮 觀,進退可度,以臨其民。 至,安用此學稼圃之事,徒潔身而 己以及成物,己欲立而立人,己欲達而達人。但當志 多不在位,無所得禄,故樊遲請夫子學稼學圃,蓋諷子以 「闢土植穀曰農。」當春秋時,世卿持禄,廢選舉之務,賢 云:「農,耕人也。」今字作「農」,隸變。 「君子言思可道,行思可樂,德義可尊,作事可 云:「舊爲小人,爰暨小人。」是「小人」即 人之事,而行義達道,以禮義信自治其身,而民亦嚮 《書·無逸》云:「知稼穡艱 則 以 民從事有業。」《禮運》曰 教 民 信於名,則上下不干, 乎? 「之所與爲之者之人,則舉義士也, 負者 也。 是以 《晉語 以 如是,則下仰上以義矣,是綦定 器 其民畏而愛之,則 日 信於令,則 》箕鄭曰:「信於君心,則 難,則 廢義哉? 襁。」正: 故天不愛其道 若士之爲學,則 《漢書 ",則 知小人之依。」又 老農、老圃之稱。 義 時 民 《孝 日 法,容 無廢功; 咸 食貨志》: 經》 知 而象之。 《説 ,地不愛 敬 化 群 於 由 文》 也 也。 大 成

之譌。 注 衣。 文》注 學 犯罪之實也。 好惡之誠,無所欺隱,故曰情實。 稷 作襁,同。」張參《五經文字》曰:「作縕,非。」段氏玉裁《説 學爲圃」下有「子」字。 上能修禮體信。 其實,人不愛其情。 作「負子」。又引李充曰:「負子以器。」則「負者」乃「負子 曰 蔬曰圃。」與此訓同。 菜曰圃。」❶《周官・大宰》「九職」,「二曰園圃,毓草木。」注 蔬 達順故。 道多繦緥。」高注:「縕,樓上 樹果蓏曰 稻麥也。 日 襁」、《弟子傳》集解引作「負子之器曰襁」。 .圃爲因教民,是逆探下文爲此語,殆未然也。 「種穀曰 圃」〇正義曰: 《説文》「襁」字,乃淺人妄增。」〇注「樹五穀曰稼樹菜 **云** 説文》: 此順之實也。」「愛」者、隱也。 「《五經文字》非也。古「縕」、「緥」字從系,不從 圃。」蓏兼有菜蔬。 《詩 稼。」是凡樹穀曰稼也。《説文》:「圃,所以穜 ○注 是上好信,則民莫敢不用情也。 伐檀 「樹」與 則是無故,先王能修禮以達義,體信 禮義」至「日 ○注「情情實也」○正義曰:「情. 「襁負」、《釋文》云:「縕,居丈反,又 一》傳: 類 也。」段注: 「」」同,謂種植 「種之日 《 禮 記 • 繩 下篇 襁」○正 也。」❷又《直諫 「《吕覽 稼。」《周官・ 「如得其情」,亦謂 射 人不隱其情 義曰: 義》注云: 也。 皇 明 「負者以 五穀,禾黍 一疏引注、 注以 》篇注: 理》篇: 皇本「請 一樹菜 司 學稼 由 |者, 稼 器 亦 所 於 以

> 《漢書·宣紀》注: 强葆之中。」《索隱》曰:「「强葆」,即「襁褓」,假借用之。」 吧裹兒負之背也。」皆各據所見言之。 小兒繃兼有絡繩,蓋 之。」皇疏云:「以竹爲之,或云以布爲之。 統名縕,後起之義也。《史記·魯周公世家》:「成王少在 布爲之。」李賢《後漢書·清河孝王慶傳》注: 之,廣八寸,長二尺。1乃謂其絡,未及其繩也。」案: 於背,其繩謂之媼。 經, 樓格繩。」「樓」即「縷」,「格」即 「襁,即今之小兒繃也。」李奇曰: 高説最 分明。 「絡」,織 《博物志》云: 縷爲絡 今蠻夷猶以 以以 「織 以以 繒 顔 以 負之 帛 師 縷 布 爲 繒 古 爲

【注】專,猶獨也。 百。」是學《詩》有誦弦歌舞之法。 節之曰誦。」謂 使於四 「誦《詩》三百, 「以樂語教國子興道諷誦言語。」注:「 子曰:「 方, 但以樂聲節之,不用樂也。 不能 誦《詩》三百,授之以政,不達, 弦《詩》三百,歌《詩》三 正義 專 對,雖 曰:「誦《詩》」者、《周官 此但及誦《詩》者,主於口 多,亦奚以爲? 倍文曰諷 《墨子· 一百,舞《詩》三 大司 公孟 ,以聲

「所以」,據《説文》行。

0

0

「褸」下,據《説文》段注及《呂覽》高注脱「格」字。

炳文《四 黄氏式 不能爲用,雖多,亦奚以爲也?」案:「多」,謂《詩》三百 君命,其能專對矣。」此事正可舉 有治位之坐,土階三等,茅茨不翦,樸椽不斲者,猶以 國,不受賓主對答之辭。 使受命不受辭,辭 事。」《聘記》云: 者。」注曰:「「顓」與「專」同。 敬,厚人倫,美教化,移風俗。」是《詩》之理 〇正義日 之者勞,居之者泰,吾君惡有臺?」若此者,使者可謂 上九重之臺,顧使者曰: 詩》教然也。 應對 也。 準,故不受之也。」此即專對之義。 傳》『聘禮,大夫受命不受辭 , 尋 ,則專之可也。」二案: 繹其義恉也。 賓客 三《後案》以 「使於四方能專對」者,謂得《詩》温柔敦厚之教,則 《左襄十九年傳 通 也。 《韓詩外傳》: 「辭無常,孫而説。」注云: 「古者遺使,有正有介。 閻氏若璩《 必順 「多」指未删之詩,誤。 《毛詩序》云:「先王以 《漢書 且説。」疏云:「謂受君 「齊有臺若此乎?」 使者曰: 必不受辭者,以其口及,則言辭無 《釋地又續》: 》服注:「專,獨也。」此常訓。 「齊景公使人於楚,楚王 專對,謂應對 ,出竟,有可以安社稷 王莽傳》: 證。 鄭注云: 「孫而説」,亦所習於 正使不能達 「專,擅 ○注 「孫,順也。 可 選儒 是 無 通 經 「誦習 命,聘 方, 專猶獨 也。 政事,故宜 夫婦 生能 能 **利國家** 即《公 「吾君 則 此 成 不辱 謂爲 與之 于鄰 大夫 專其 顓 道, 也 也。 胡 對 介 孝

耶 ? 使助之。 爾,先王遣聘,只使者一人足矣。 此 助 蓋應對之事,使者固多,而上介次介末介,亦非 訓 如 獨之義。① 正 使 自 能 致 閻氏若璩《釋地又續 辭,不假 衆介之助,是謂 胡爲而從以上介及衆介 》非之,云: 能 專 ·噤無 對。 果

即

羊 能 達

語

一者、《聘禮》一篇可見。」

讀

深刑重罰而姦不止,其上不正遇民不信 令而民化,誠在令外也。 己,求諸人,古今未之聞也。 是故人主之立法,先自爲檢式儀表,故令行於天下。 也,無法也。 下者不廢於上,所禁於民者不行於身。 術訓》:「是故有諸己不非諸人,無諸 民不犯,躬率以正而遇民信也。 弘傳》:「上古堯舜之時,不貴爵賞而民勸善, 雖令不從。」【注】令,教令也。 三云云。 子曰:「其身正,不令而行; 故禁勝於身,則令行於民矣。」《繆 變法者,非無法也,有法者而 聖人在 同言而民信,信在言前 末世,貴爵厚賞 上,民 正 己不求諸人,所 義曰:《漢書 遷而 所 也。」《淮南子 不 謂 心化, 稱 用 其身不 亡國,非 不重 訓 與 而 情 無 民 以先之 也。 刑 法等。 不 孔子 公孫 無諸 無君 立 Œ 罰 勸 司 於 È 而

助, 據 經注及文義當作「專」。

0

曰

揮 而 四 也。 塞,徐方既來」,此之謂也。」諸文並足發明此章之旨。 令教令也」〇正義曰: 而四海賓者,誠德之治,已形於外。 匡天下者,求之己也。孔子曰云云。 韶聖》篇:「令者,教也,所以導民人。」 動 唱 於 而不 上; 和 不 應於下 動 而不隨 者, 《説文》云:「令,發號也。」《鹽鐵 ,中必有不全者矣。 情 與 令殊 也。」《 先王之所以拱 故《詩》曰『王 新 序 夫不降 ○注 猶 揖 雜 允 指 席 事

曰: 日: 大陸子方曰: 「何以見魯、衛之士,並見二國之政俗,末 賤而以魯爲多君子,與季札稱「衛多君子」,辭若 變,至於道」,而五至衛國,則有「三年有成」之語。 傳》:「皆啟以商政。」注: 方氏觀旭《偶記》: 子,惟周公、康叔爲相睦也。」」是周公、康叔爲兄弟最睦 王同母少弟也。」《左定五年傳》: 記 兄弟,康叔睦於周公,其國之政,亦如兄弟。」正 世家》: 皇本無「也」字。 「魯,周公之封。 子曰:「魯、衛之政,兄弟 「周公旦者,周武王弟也。 「包注不就衰亂言。 ○注「魯周」至「兄弟」○正 衛,康叔之封。 「皆,魯、衛也。」又夫子嘗言「魯 ❶「公叔文子曰:「大姒之 案:《左氏定四 衛康叔名封,周 周公、康 也。」【注】包 義曰 又論子 轍。 叔 也 世 齊 年 史 義 既 武

荆

意。 日: 正 政 猶賢於他 如魯、衛德比均,周公、康叔猶二 用《魯論 「大馮君,小馮君,兄弟繼 朱子《集注》就衰世言 國。」更 語》。 漢世之解如此。」今案: 證之《漢 ,則語涉詼謔,非其理矣。 書 踵相 馮 奉 君。」「政 因 循 世 傳 聰 方説深得 人 如魯、 明 賢 歌 知 立與 衛」二句 惠吏民 經注之 野 王

子 • 飾也。 己合禮,不以儉爲嫌也。 「魯亦有公子荆,哀公庶子。見《左哀二十五年傳》。 驕盈之戒,故言「苟合」、「苟完」、「苟美」。 其家能治,不爲奢侈,故曰「善」也。」「有」者,有 矣。』」正義曰:云「衛公子荆」者,金氏文淳《蛾 矣。』少有,曰:『苟完矣。』富有,曰: 荆 仕衛得禄,終致富有。 》特加「衛」以别白之」是也。 與蘧 説符》篇: 子謂: 公子荆處衛富庶之時,知國奢當示之以 暖、史鰌並爲君子。」始有,曰: 衛公子荆: 「羨施氏之有。」張湛注: 「完」者,器用完備也。 「苟」者,誠也,信也。 「善居室。 「善居室」者,皇 「有,猶富也。」公子 言其意已足,無 【注】王 「合」者,言 財也。 「美」者,盡 儉,又深習 疏 『苟合 術 一芍 - 篇 故 曰: **参** 居 ≫謂 美 論

語

⁰ Ħ, 據《左傳》當作「六」。

發、公子朝,曰:「衛多君子,未有患也。」」此注所本。 氏 所 復歉 也。 ○注 荊 適衛、説蘧瑗、史狗、史鰌、公子荆、公叔 與 遷瑗史鰌並爲君子」○正義曰:《左

> 民 富

民 相發明。」今案:《管子・治國》云:「凡治國之道,必先富 於君子之塗,是謂章化。」按:悦此語,與孔子「富教」之説 化之廢,推中人而墜於小人之域,教化之行,引中人而納 加君子,化其情也,桎梏鞭朴,以加小人,化其形也。 故在上者,先豐民財,以定其志,是謂養生。 悦云:「人不畏死,不可懼以罪,人不樂生,不可勸以 此問答略同,或傳聞之異。 篇:「子貢問爲政。孔子曰:「富之。既富,乃教之也。」」與 孔》篇、《風俗通義・十反》卷,並作「冉子」。」《説苑・建本》 阮氏元《校勘記》:「《春秋繁露・仁義法》篇、《論衡・問 焉?」曰:「教之。」正義曰:「冉有」,皇本作「冉子」。 焉?」曰:「富之。」曰: 冉有御。」子曰:「庶矣哉!」【注】孔曰:「庶,衆 民 言衛人衆多。」冉有曰:「既庶矣,又何 子適衛,冉有僕。【注】孔曰:「孔子之衛, 富則易治也,民 貧 則 孫氏奇逢《四書近指》:「漢荀 難 治 「既富矣,又何 也。 奚以 知 禮教榮辱,以 其然也? 若教 善。 加 加 民

> 衆」、《爾雅·釋詁》文。《説文》:「 度,屋下衆也。」 曰:《説文》云:「僕,給事者。」御車亦以給事,故通 教之誨之。]王事具矣。]〇注「孔子之衛冉有御」〇正 庠序,修六禮,明十教,所以道之也。《詩》曰:「飲之食之, 篇》:「不富,無以養民情,不教,無以 身飽,凶年免於死亡,然後趨而之善,故民之從之也輕。」 明君制民之産,必使仰足以事父母,俯足以畜妻子,樂歲終 治也。」亦言爲政宜先富民也。 宅,百畝田,務其業而勿奪其時,所以富之也。 富民當制民之産,民得恒産,乃易教也。 (周官))有「大僕」、「戎僕」。 貧則危鄉輕家,危鄉輕家則敢陵上犯禁,陵上犯 則安鄉重家,安鄉 重家則敬上畏罪,敬上畏 ○注 《孟子・梁惠王》篇: 「庶衆也」○正義 理 民性。 《荀子・大 罪 立大學,設 故家五 則 ⊟ : 易 禁則 稱 「是故 治 庶 也 略 明 畝 難

然歎曰: 記・孔子世家》云: 年有成。」【注】孔曰:「言誠有用我於政事者,期月 在 而 居衛時 可以行其政教,必三年乃有成 子曰:「苟有用我者,期 『苟有用我者、朞月而已、三年有成。』」是此語 故次於 「適衛」章之後。 「靈公老,怠於政,不用孔子。 當春秋 月而已可也,三 功。」正義曰:《史 時, 孔子 爲 喟

略同。 者,期月而已可也,三年有成。」成此功也。」然則三年有成 人王者,不外此術 兼有富教之術。 辱,廉讓生而争訟息。 周年謂之期年,又謂之期月,言十二月至此一合也。 尚爲兄弟,故夫子去魯後,獨 稘,復其時也。 ·食貨志》:「民三年耕,則餘一年之畜。衣食足而知榮 會者,合也。 故上章載夫子與冉有語,備文見之。 從禾其聲。」「期,會也。 也 復其時,仍合於此月也。 故三載考績。 久居衛,願治之也。 孔子曰:「苟有用 從月其聲。」訓 積月成年,故 《説文》: 凡善 《漢 我

也。 年,可以勝殘去殺矣。」言聖王承衰撥亂而起,被民以德教, 能無殘暴之人。」案:「居中」者,對下「王者」言之,上不及 中,不踐迹,不入室也。此人爲政,不能早有成功,百年乃 法志》:「孔子曰: 迹,亦不入於室」,此注本之。 王者,下不同時君,故言「中」也。 曰:「古有此言,孔子信之。」正義曰:鄭注云:「善人居 殺矣。』【注】王曰:「勝殘,勝殘暴之人,使不爲 去殺,不用 子曰:「『善人爲邦百年,亦可以勝殘去 如如 刑 殺 有王 也。」誠哉是言也。」【注】孔 一者,必 而以人室喻王者、《漢書・ 世 上篇言「善人之道,不踐 而 後仁。 善人爲國 惡 百 刑

而

刑,言「去殺」,明諸輕刑未能免矣。 其政治足以勝之,使不爲惡,故亦不至用刑殺也。 室,不能早有成功,故必期之百年也。 百年勝殘去殺矣。 變而化之,必世然後仁道成焉。 也」〇正義曰:《説文》:「殘,賊也。」《孟子・梁惠王》篇: 「賊義者謂之殘。」言善人爲邦百年,殘暴之人不能 此爲國者之程式也。」並謂善人既未入 至於善人不入於室,然 ○注「勝殘」至「殺 盡絶,但 殺是 重

必適當 受命而有天下。 下之民能仁也。」鄭以周之王業,肇基大王,歷三世至武 成王乃致太平,由承殷紂敝化之後故也。」案:《御覽》四 年,則以周承殷紂之後,俗敝已久,難可卒化,與尋常受命 六年,乃制禮作樂,功致大平。 十九引鄭此注又云"「聖人受命而王,必父子相承,而後天 王、武王,賢聖相承四世。」又云:「周道至美,武王伐紂,至 乃成。」正義曰:臧、宋輯本鄭注云:「周自太王、王季、文 曰:「三十年日 王,其事勢 子曰:「如有王者,必世而後仁。」【注】孔 君,故兼父子計之。《荀子·大略篇》: 有 不同 武王承大亂之後,勝殷未久而崩,至成王 世。 也。 如有受命王者,必三十年仁 云「必父子 由 成 相 王上 承」者,以三十年 溯大王,多 「文王誅 有 王 政 歷 百

進業日 必世 養而 餘九年食。 仁政有成功也 使民無寇盜; 和洽,制禮興樂,災害不生,禍亂不作。」是世爲三十年也。 曰:《漢書·平當傳》引此文,解之云:「三十年之閒 包説乃探原之論,可補鄭義。 以德教,變而化之,必世然後仁道成焉。]義亦略同。]案: 禮義化導之。言「必世」者,量民力之所能,不迫切之也。 故王者初起,必先制田里,教樹畜,使民家給人足,然後以 辱,廉讓興而争訟息,故三載考績。 三考黜陟,餘三年食: 書·食貨志》云:「三年耕則 時,民已能 四,武王誅二,周公卒業,至成、康則案無誅已。」亦 受命」者,受天命也。 刑法志》亦引此經,解之云:「言王者乘衰撥亂而起,被民 後教。 而後仁」,繇此道也。」案:依《志》言「必世後仁」,蓋謂 登。 再登曰平,餘六年食。 食者,民之本。 然後以德化流治,禮樂成焉。 貧富兼并,雖皋陶制法,不能使彊不凌弱。 故無誅 「仁政乃成」者,言民化於仁,是上之 也。 飢寒並至,雖堯、舜在上,不能 ○注「三十」至「乃成」○正義 餘 包 氏 一年之畜,衣食足 慎 三登曰太平,二十七歲 言《温 故曰「如有王者、 故録 而 謂 道德 「《 漢 知 成 榮 王

子 曰:「苟正其身矣,於從政乎何 7

周

不能 云 「如正人何」也。」 言爲政當先正其身也。 正 其 身, 如 正 皇疏云: 人 何?」正 「其身不正,雖令不從,故 義 日 : 政 Œ 也

朝。 馬曰: 也。 正義曰:《釋文》云:「周生烈曰:「君之朝。」」是此 此子所以問冉有退朝之晏。」〇注 視私朝,然後朝君,猶當辨色之時,則家臣之退,自然宜蚤 注:「揖其臣乃行。」《玉藻》又云: 記》:「《禮·玉藻》云:「揖私朝,煇如也。 「凡朝無晏退之禮,晏則必問。 解者謂「晏」爲「旰」之叚借,亦通。 者、《説文》云:「晏,天清也。」此文訓日暮,當是引申之義 之。」正義曰: 冉子即冉有。 曰 : 有政,非常之事。 生 武子曰:「何暮也?」」與子 也。 「何晏也?」對曰:「有政。」子曰:「其 如有政,雖不吾以,吾其與聞之。」【注】 冉子退朝。 【注】周曰:「謂罷朝於魯君。」子 「政者,有所改更匡正。事者,凡行常事。 鄭注云「朝於季氏之私朝」,與周 我爲大夫,雖不見任用,必當與 稱「子」者,著其爲師也。 《國語》: 問 周 「朝,辨色始人。」案: 毛氏奇龄《稽求篇》: 正同。」方氏觀 日謂罷 生異。 登車則有光矣。 「范文子暮退 朝於魯君」〇 方氏觀旭 「周」爲 旭《偶 晏 事 先 聞 於 如

四

政 年傳》:「季氏欲以田賦。使冉有訪諸仲尼曰:「子爲國老。 然猶從大夫之後,故云「我爲大夫,當與聞之」。《左哀十一 有改更匡正,當集衆卿大夫並議之。夫子反魯,雖不見用 事小,而政亦是事,故云「非常之事」。 在正寢門外。 君之公朝也。 氏若璩、毛氏奇龄、宋氏翔鳳,皆以鄭注爲然。《魯語》云: 政、在臣爲事。」是「政」、「事」各别。 待子而行。」」是其證也。 是。」陳氏鱣《古訓》謂「其事」,「其」字即指季氏。 康子辭於朝而人。」注云:「辭其家臣。」是其證也。 語》:「公父文伯之母如季氏,康子在其朝,與之言,弗應 地,無朝魯君之事。其朝於大夫之私朝者,《左氏襄三十年 俟於黨氏之溝。」可見家臣從大夫之公朝,僅得俟於朝中之 自卿以下,合官職於外朝,合家事於内朝。]韋注:「外朝, 偶記》: 也,所云「家事」謂事也。 「爲政、事、庸、 「鄭伯有嗜酒,朝至,未已。朝者曰:「公焉在?」《魯 「案:《左氏哀十一 故云『其事也』。』與馬注異。《左昭二十五 ○注「政者」至「聞之」○正義曰: 馬以政大 内朝,家朝也。」此冉子退朝,即是大夫内朝, 力、行、務,以從四時。」杜注:「在 鄭注云:「君之教令爲政,臣之教 年傳》: 但「政」、「事」對文異,散文亦 《魯語》所云「官職」謂 「季孫使冉子從於朝 政既非常之事,故或 自餘若閻 從鄭説 君爲 年

所行之謂之事。」此與鄭義又異。然承奉君教、仍是君事、行合於法度、經國治民之屬、皆謂之政。臣下奉教承旨、作其義矣。《魏書・高閭傳》解此文云:「政者、君上之所施其義矣。《魏書・高閭傳》解此文云:「政者、君上之所施其義矣。《魏書・高閭傳》解此文云:「政者、君上之所施以。故仲弓爲季氏宰問政、而《詩》亦言「王事」、是「政」、

子對曰:「言不可以若是,其幾也。【注】王 則可近也。」正義曰:皇本「如知爲君」下無「之」字。 乎?」【注】孔曰:「事不可以一言而 易。」如知爲君之難也,不幾乎一言而 矣,如之何憂之長也?」授天子策一矣。 太史、太祝,斯素服執策,北面而弔乎天子曰:「大命既至 詩外傳》: 永主天命,畏之無疆,厥躬無敢寧。」授天子策二矣。 曰:「以其大要,一言不能正興國。幾,近也。 「敬之,夙夜伊祝,厥躬無怠,萬民望之。」授天子策三矣。 一言可以興國。」人之言曰:『爲君難,爲臣 定公問"「一毫而可以興邦,有諸?」孔 「傳曰:「言爲王之不易也。」大命之至,其太宗 曰 : 「敬享以祭 如 興邦 有 曰: 此 不

瞽獻典,史

獻書,師箴,瞍賦

矇 誦

,百工諫,庶人

君言,有所違背也。

《周語

<u>*</u>

「故天子聽政,使公卿至於

則

近一言而

喪國。」正義曰:

「違」者,背也,言臣下不從

善、無違之者、則善也。

所言不善,而

無敢違

之者,

不幾乎一言而喪邦乎?」【注】孔曰:「人君所言

莫之違也,不亦善乎?

如不善而莫之違也

樂於爲君,所樂者,唯樂其言而不見達。」如其善而

爲君,唯其言而 可以若是,其幾也。 人之言曰: 『予無樂乎 曰「一言而喪邦,有諸?」孔子對曰:「言不 若虚《論語辨惑》:「『其幾也』三字,自爲一句。 經文兩「其幾也」,皆三字爲句。 「天子南面受於帝位,以治爲憂,未以位爲樂也。」《詩》 「天難諶斯,不易惟王。」」○注「以其」至 言祇是大要,不能正興國,此釋「言不可以若是」之 「幾,近」,《爾雅 」並訓近。 然有近之者。」孟氏夢恂《四 一莫予違也。』【注】孔曰:「言無 釋詁》文。《易》「月幾望」、《詩 此謂有一言近於興國也。 舊注文亦是作兩句説。」 「興國」〇正 書辨疑》: 一言得失 王氏 義 謀。 也。 傳 違爲非也。 援琴撞之。 然數曰:「莫樂爲人君,惟其言而莫之違。」師 酌 失」也。」 安、惲忠鯁之怫心、甘諛詐之從欲、不聞其失、以致 患所伏,而人莫之告。 也。」、《韓非子·外儲説》:「晉平公與群臣 語,近臣 盡規,親戚 曰: | 啞!

何遽至於興喪?

文也。

維其幾矣」,「幾

日:

子 • 何 ? 《韓非子·難》篇:「葉公子高問政於仲尼。 在 悦近而來遠。」」又曰:「葉都大而國小,民有背心,故曰「政 正義曰:《釋文》:「蒸,舒涉反。 「業」爲唐人避諱所改。「本今作葉」,則宋人校語 悦近 耕]仲尼對曰: 葉公問政。子曰: 柱》篇: 而來遠。」」言使近民歡 「葉公子高問政 『善爲政者,遠者近之,而舊者新之。』」語 於仲尼 「近者説,遠者來。」 本今作葉。」盧氏《考證 説,則遠人來至也。 曰:「善爲政者若之 仲尼曰:『政在 是 币 义

大

私。 子。 異 之,遠者歸之。」 德臣忠,父慈子孝,兄愛弟敬,禮義章明。 義,飾父子兄弟夫婦之義,飾男女之别,别疏數之差,使君 至。」又云:「愛施俱行,則説君臣,説朋友,説兄弟,説父 義 愛施所設,四固不能守。」又云:「愛施之德,雖行而無 同。 内行不修,則不能朝遠方之君。 管 子 版 法 解 元 衆 者, 是故正君臣上下之 愛之則 如 此,則近者親 親 , 利 之則

利。 後中 接民而以義變應,寬裕而多容,恭敬以先之,政之始也。 不道以遠。」又云:「道以數年之業,則民疾,疾則辟矣。」注 也。」此常訓。《大戴禮·子張問入官》篇:「故君子莅民、 孔 云: 妨 利 大,則大事不成。」正義曰:《爾雅·釋詁》:「速,急 曰:「事不可以速成,而欲其速,則 「使成數年之業,則民困矣。」《荀子·致士篇》:「臨 和 『莒父,魯下邑。」」子曰:「無欲速,無見小 欲速則不達,見小利則大事不成。」【注】 便國 子夏爲莒父宰,問政。 察斷以 年與之始,三年與之終。」並言爲政不可欲速也。 益民也。 輔 之 政之隆也。 爲政者見有大利,必宜興行,但不可 然後進退誅賞之,政之終 【注】鄭曰:「舊 不達矣。 小 利 説 然 事

> 無。 今青州府之莒州。莒父之邑,蓋以莒子始封得名耳。]案: 春秋時, 莒子遷於城陽。 在萊州府高密縣東南,乃莒子之都,而子夏所宰之莒父也 單父是也。今爲沂州府莒州地。』《山東通志》云:「莒始封 高《春秋大事表》:「莒係以「父」,魯人語音,如梁父、亢父、 言之。 魯正西將八百里。 寅、士吉射據朝歌,晉人圍之,魯與齊、衛謀救之。 晉,助范氏,故懼而城二色。」閻氏若璩《釋地》:「是時,荀 秋》定公十四年: 説云莒父魯下邑」〇正義曰:稱 忠,大忠之賊也。」並與此文義相發。《釋文》:「毋欲, 不得,不去小忠,則大忠不至。 覽·勸勳》篇:「利不可兩,忠不可兼。 見於小耳。 通志》與《大事表》異。《通志 本今作無。」皇本上字作「毋」,下字作「無」。 其實,杜氏備晉之説,本屬臆測,難爲據也 《大戴禮 「城莒父及霄。」杜注:「莒父,魯邑。 則莒父屬魯之西鄙。」 四 漢始封劉章爲城陽王,置莒縣,即 代》篇: 》較可 「舊説」者,著所自也。 故小利,大利之殘也, 好見小利妨於政。」《吕 不去小利,則 此 亦 據杜注 ○注「舊 朝 顧 氏 約 歌 大利 小

曰:「直躬,直身而行。」其父攘羊而子證之。」葉公語孔子曰:「吾黨有直躬者、【注】孔

人必素以直稱者,故稱「直躬」。

仲弓」,是「躬」、「弓」古多通用。

陳寔殘碑》:

注,是鄭本作「直弓」,必出《古》、《魯》、《齊》異

攘

, 盜也。

孔子語,故當其爲令尹而誅之。」案:宋説是也。

不誅,異者。

蓋其始,楚王不誅,而躬以直聞於楚。

以爲直于君而屈于父,執而罪之。」《呂氏春秋•當務》篇: 篇:「楚之有直躬,其父竊羊而謁之吏。 令尹曰:「殺之。」 中矣。」正義曰:《説文》云:「證,告也。」《韓非子・五蠹 誘注:「謁,告也。」宋氏翔鳳《過庭録》:「兩書所記,一誅 之爲信也,一父而載取名焉。」故直躬之信,不若無信。」高 淮南•氾論訓》注亦云:「直躬,楚葉縣人也。」躬蓋名,其 將誅矣,告吏曰:「父竊羊而謁之,不亦信 我鄉黨有直人名弓,父盜羊則證其罪。」據 「寔,字仲躬。」史傳雜書《蔡中郎集》並 信且孝而誅之,國將有不誅 「直」舉其行,「躬」舉其名。 鄭以「弓」爲人名,高誘 「異哉! 「吾黨之 直在 文。 直躬者 鄭 葉公聞 直躬 乎? 此 《隸 其 作 注 者 其私矣。 攘子證,其心則陷於欲博大公之名,天下之人皆枉己以 無差等之教也。其端生於意、必、固、我,而其弊必極 公無私」。 隱何? 罪。」是也。《白虎通·諫静》篇:「君不爲臣隱,父獨爲子 可知。 皆勿坐,父母匿子等,殊死以下,皆不上請。 父母匿孫,殊死皆上請。」足知漢法,凡子匿父母等,雖 母之于子,雖有罪,猶若其不欲服罪然。」何休注引此文,說 諱匿。《公羊》文十五年:「齊人來歸子叔姬,閔之也。 犯。」鄭注:「隱,謂不稱揚其過失也。」蓋子之事親,當 與君臣異也。 母,妻匿夫,孫匿大父母,皆勿坐。 爲子隱,未聞父子之相坐也。」漢宣詔曰:「自今子首 母之於子,雖有罪,猶匿之。 之云「所以崇父子之親」,是也。 諫,諭父母於道,不致有過誤。 直躬,猶狂 隱 」者、《説文》云「蔽也」。 皇疏云:「今王法則許期親以上,得相爲隱,不 以爲父子一體,榮恥相及。」明父子天屬,得相隱 而 此非過公之言,不及公之言也。 接 此一人也,獨能一公而無私,果且無私乎? 輿、 程氏瑶田《論學小記》:「人有恒言,輒曰「一 盜 跖 之比。 《檀弓》云:「 豈不欲服罪? 僞 若不幸而親陷不義,亦當 《鹽鐵論・周秦》篇:「 孔 其父母匿子,夫匿妻,大 以 爲 直 此一視同仁,愛 事 身 子爲父隱,父 蓋皆許 親 而 有 行 ·`, 非 隱 於 其 殊 匿 時 而

乎?」荆王聞之,乃不誅也。 父誅而代之,不亦孝乎?

孔子聞之,曰:

請代之。

楚有直躬者,其父竊羊而謁之上,上執而將誅之。

【注】周曰:「有

因

而

盗曰攘。」孔子曰:

直者異於是。

父爲子隱,子爲父隱。

四

聖

父

父

其 匿 死 父

父

爲

無

因 攘 出於其心之誠然。 無意、必、固、我於其中者也。 孔子之言直躬也,曰『父爲子隱,子爲父隱,直在其中』,皆 然而有分者,則辟子之私也。 謂 文釋之云: 日 言以私行其公。是天理人情之至,自然之施爲,等級界限, 差等,而仁之不能一 私者,事事生分别 止,時而子私其父,時而弟私其兄。 爲,自然之等級,自然之界限。 之公乎? 人之所難。 也。 也。 也。」即此注 攘」○正義曰:高誘《淮南》注云:「凡六畜自來而取之曰 《儀禮• 郭注皆謂 公也者,親親而仁民,仁民而愛物,有自然之施 因 若人之所易,果且易人之所難乎? 有因而盜」之義。 來而盜 喪服傳》之言「昆弟」也,曰「昆弟之道無分 因,緣」。案: 也,人人生分别也。 不誠,則私焉而已矣。」〇注 視也。 日 攘。 此之謂公也。 如其不私,則所謂公者,必不 子不私其父,則不成其子。」 行乎不得不行,止乎不 儴 與 《爾雅• 自人視之,若無不行其 無他,愛之必不能 攘 非「一公無私」之 釋詁》: 同。 「有因 果且 樊孫引此 儴 一而盜 得 得 仍 不 謂

之夷狄、無禮義之處、猶不可棄去而不行。」正義曰:人忠。雖之夷狄、不可棄也。」【注】包曰:「雖樊遲問仁。子曰:「居處恭、執事敬、與

雅 書 復禮爲仁」之意。「恭」、「敬」、《説 「居處」, 釋詁 五行志》:「内曰恭,外曰敬。」 謂所居之處。 》:「恭,敬 也。」二字 執」, 猶 行 訓 也。 同。 文》俱訓 此 此 章所 對 文 言 「肅」。 稍 亦「克己 異,《

果,硜 日: 「敢 謂已仕者也。 【注】鄭曰:「行必果,所欲 焉。」曰:「敢問其次。」曰:「言必信,行必 士,富而不以道,則恥之,貧而不以道,則恥之。」皆言士所 不爲也。」《曾子制言上》:「夫行也者,行! 小人之貌也。 爲。」使於四方,不辱君命,可 曰 行己有恥」者,皇疏云: 貢問今之從政。 「故君子不貴興道之士,而貴有恥之士也。 問其次。」曰:「宗族稱孝焉、鄉黨 「行己有恥、【注】孔 子貢問曰:「何 硜 然小人哉! 聘使之事,士爲擯相, 抑亦其次,言可以爲次。」正 從政者,士之從仕於大夫 「言自行己身,恒 如 行必果敢 斯 抑 曰: 可 亦 故言 謂之士矣?」子 可 有恥 謂 爲之。 以爲次 一使 有可 士矣。」 禮之謂 者,有 於四 恥 而 義 夫有 硜 曰:「士」 之事,故 爲 方。 也。」又 硜者 稱 政 曰 恥之 也 弟 又

是舊 案: **婣有學者」,以次而升于大學。**

士之造就

春秋之時,卿大夫皆世官,選舉之法已廢,

此,

文所

法,故子贡復問「今之從政」,明前所舉皆是

也。

孝

稱

弟

即

孟

子

所

謂一

鄉之善

士。

此

雖 昔

德

行 有

之 然

0

時

鄉師

選之法言。

自

比

族、黨、 化《温

六鄉、

六遂

皆

字。

也。 《周

别一 禮

義。

趙氏 間、

故録》:

一此

偁,揚也。」《廣雅

釋訓》:

「偁,譽也。」今經典通

用

玄孫, 也?

痛,有會聚之道,故謂之族。」「稱」與「偁」同。

一家有吉,百家聚之,合而爲親,生

之上矣。

「宗族」者、《白虎通・

宗族》篇:

「宗者何謂

禮儀應對之節。

君之美,延其

于四

方。」則

爲不辱命也。

《聘義》云:

見凌辱

《毛詩序》云:「《皇皇者華》,言臣出使,

小宗能率群弟,

通

其有無,所

以

紀

理

族人者

也。

族

族者、凑也、聚也

,謂恩愛相流凑也。

宗者,尊也,爲先祖主者,宗人之所尊也。

恥

事

也。

示 也。

辱

君

命」者

君

命己

出

使,當守禮達

解,不

者聘而誤,主君弗親饗食也,所以愧厲之也。」「誤」者,謂 藝」,黨正「各掌其黨以屬民,正齒位」,族師「掌書其孝友睦 、鄉大夫「各受教法於司徒,以教其所治,考其德行道 當春秋時,最重邦交,故能不辱命,乃爲士 相親愛,死相 大宗能率小宗, 上凑高祖,下至 ,必由此爲正。 以鄉舉、里 《説文》: 立學。 者何 言 也? 能 使 稱 使 猶 哀 失 揚 君 同。 悻。 仗義,義有不得必信其言,子爲父隱也; 乎」,義異訓同 徑,堅確之意。 子・公孫丑下》: 所 信,行不必果。 視乎義。義所在,則言必信,行必果,義所不在,則言不必 義,而但守小忠小信之節也。 從,則能出 儒道之極,與 道篇》以「入孝出弟」爲人之小行,「志以禮安,言以類從」爲 亦能行之,而非爲士職分之所盡也,故以爲次。 美,然孝弟爲人所宜 「大人者,言不必信,行不必果,唯義所在。」明大人言行皆 憨 爲次」○正義曰:「果」與「惈」同。 欲行者,義若親在,●不得以其身許 即 《論語》作「悻」,當出《齊》、《古》異文。 孫奭《音義》: 敢 字。 使不辱君命矣。 此章義相發。 反是者爲小人。趙岐《孟子》注云:「大 小人賦性愚固 《史記 皇本作「必敢爲之」、「必」下脱「果」字。 「悻悻然見於其 「悻悻,字或作 盡,不必待學而 樂書》「石聲硜」、《樂記》作 志以禮: 『言必信,行必果』,謂不度 《孟子· ,故有此貌。 面。」趙 悭 《蒼頡篇》:「惈,憨也。」 安, 能 煙。」**案:** 友也。」「硜 離婁》篇: 則 故夫質性之善者 有不能得果行 知 注 下篇 ○注「行必」至 所 引此 恥; 「烴」、「硜 《荀子・子 「鄙哉硜 孟 文作 硜」,《孟 言 子曰 石 以 硜 硜 類

義 據《孟子》趙岐注 行

磬」。 云: 貌。 子・至樂》篇: 注: 交論》作「不可算 此當出《齊》、《古》異文。 略 者。 正義曰:「斗筲之人」,言今之從政,但事聚歛也。《釋文》 次」,注是檃括經文。孔氏廣森《經學卮言》:「疑鄭所據本 硜。」」是「誙」、「脛」、「掔」、「硻」並與「硜」同 師古曰: 名 如此。」非也。 懿行《義 ·噫,心不平之聲。筲,竹器,容斗二升。算,數也。」 鹽鐵論 噫! 同。 「撰,讀曰算。 「算,本或作筭。」案:《説文》:「筭,長六寸許,計歷數 本又作脛脛。」《漢書·楊敞傳》:「脛脛者未必全也。」 从竹从弄。」「算,數也。 釋樂器》: 《説 《漢書・公孫賀傳贊》:「斗筲之徒,何足選也?」 疏》 「脛脛,直貌也。」《爾雅・釋詁》:「掔,固也。」郝氏 斗筲之人,何足算也?」【注】鄭曰: 文 %: 雜論 曰:「今之從政者何如?」子曰: 「掔轉爲硻。《玉篇》:「硻,口耕 「誙誙乎如將不得已。」釋文引李云:「趣死 「磬,罄也。 作「何 磬,古文從亞。」是 也」。 算車 ·徒,謂數擇也。」是「選」、「算」音近 《周官 足選哉」,❶「選」、「算」一聲之轉。 《詩·柏舟》「不可選也」,朱穆《絶 从竹从具。 其 聲罄 大司馬》: 「硜」即 罄然堅 讀若筭。」二字義 「撰 也。 「磬」 緻也。」《莊 車徒。」 抑 切,别 字。 亦 鄭 其 作 釋

> 也。 「籍」字。 「斗,十升也。象形。 从竹去聲。」又《廣雅・釋器》:「 盛餅筥也。今建平人呼筲音鞭鞘。」「簇」即「筥」字,「筲」即 言》:「簇,南楚謂之筲,趙魏之郊謂之筈簇。」郭曰:「簇 下云:「飯筥也。 斗二升,此「筲」與「觳」同,盛黍稷約同之。 「豆實三而成觳。」《昭三年》:「晏子云:四升曰豆。」則 彼注云:「筲,畚種類也。 又有「菅筲」,以菅草爲之。 故云「竹器」。《儀禮・既夕》云:「筲三:黍、稷、麥。」下文 故不具釋。或鄭亦有注、《集解》删佚之耳。「筲」字從竹 有所不足,故不能平也。「斗」、「筲」皆器名。《説文》: 通 下云:❷「一曰飯器,容五升。」「筥,簼也。 用。 《説文》:「凵,盧。 ○注「噫心」至「數也」○正 《説文》「筥,簼」,據段説,「簼」當作「籍」。《士昏 受五升,从竹稍聲。 有柄。」鄭以「斗」是量名,人所共知, 飯器。 其容蓋與簋同一觳。」賈 亦得名筲者,草竹同類也。 以柳爲之。 螇缺,筲簇也。」《太平御 義曰: 秦謂筥曰籍。」「籍 象形。 从竹吕聲。《方 案《説文》「籍 噫」是歎聲。 笑, 口 疏 **穀受** 云: 心 或

選」、《鹽鐵論》作「算」。

⁰ 0 籍」,據《説文》當作「籍」。

覽 筲受一斗 孫賀等傳贊》注,及《文選•王命論》注引《漢書音義》,並 禮 後言「筲」,筲量宜更小於斗,則作五升爲是。 言筲容數各異。 本爲飯帚,又爲箸桶,皆是別義,與《論語》無涉。 育八,盛容二升」,或後世大小異制。 映 》引《纂文》云:「嵠缺,大莒也。」據此, 亦殺,不必定容斗二升。 《説文》云: ,皆即筲之異名。 ,則謂筲斗同量,非矣。 」數,計 宋氏翔鳳《過庭録》以爲《論語》先言「斗」, 用以盛飯,故與「斗」連稱。 也。 今案:《後漢書·禮儀志》更云 「算,數」、《爾雅・ 若顔師古《漢書·公 則 筥、 《既夕》用筲, 簇、 惟 圃 莀、 釋詁 許、鄭 簎 蘆、 以

乎 孚化萬邦,中庸鮮能,故不得隱怪,鄉原又不可與,故 行,則 狂 欲得此二人者,以時多進退,取其恒 也。」【注】包曰:「 狷乎。」案: .益》三、四稱「中行」,謂孚中以行,可與之自治治人也。 《論語解義》云: 子 曰: 【注】包曰:「中行,行能得其中者。 欲 得狂 《説 不不 狷 文》無 者。」狂 · 得 中 「中行者,依中庸而行者。 狂 者進取於善道,狷者守節無爲。 狷 者進 |字,「環」下云: 行 而 取, 與之,必也 狷者有所 一。」正義曰: 「疾跳 在《易 言不得 也。 狂 不 · 復 凌氏 必 爲 狷 中 曰 也

急也。」 也。 有所必爲者矣。 行傳序》:「孔子曰:『與其不得中 不絜者,則可與言矣。 中正之大道也。 人。 謂狂矣?」曰:「如琴張、曾皙、牧皮者,孔子之所謂 豈不欲中道哉? 性褊急,則有所謹畏不爲也。《孟子・盡心下》:「萬章 子》作「獧」,其實當作「懁」。」今案:「 줞」與「急. 於周全之道,而取 言「古之人」,欲慕之也。 之人,以狂獧次善者,故思之也。 不潔之士而與之,是獧也,是又其次也。」」趙岐注:「中道 而與之,必也狂獧乎! 曰:「孔子在陳,何思魯之狂士?」孟子曰:「孔子不得 「何以謂之狂也?」曰:「其志嘐嘐然,曰「古之人,古之 「狷」、《孟子》作「獧」。 惯, &也。 屑,絜也。既不能得狂者,欲得有介之人,能恥 夷考其行,而不掩焉者也。 段 氏 从心睘聲。 玉 裁 既 狂者能進取,覆者能不爲不善,時 諸偏至之端者也。 不可必得,故思其次也。」「敢問何 注 云 云:「獧、 進 是獧人次於狂者也。」《後漢書 大徐别增 取,亦 狂者進取,覆者有所不爲也。 讀若絹。」段注:「《論語》「狷」,《孟 考察其行,不能掩覆其言,是其 將有所不 狷, 嘐嘐,志大言大者 「狷」篆,非。」又《心 狂者又不可得,欲得 庸 古 必 然則 今字。 也 取 狂狷乎。」此蓋 者矣。」○注 有 所不爲,亦 今《論 同。 色也。 無中 狂 賤 如 部》: 語 ~ 污行 獧 矣。」 斯 孔子 不 中 》作 將 失 狂 重 道 道 問 者 可

者」至 之無舉,刺之無刺,同乎流俗,合乎污世」,與狂狷者異矣。 不顧時俗之所宜而合之也。 中,然皆可與之,此夫子所以思有恒也。 知 知其所失,易反之於中道,故願與之也。《禮 之人或進或退也。 孟 引鄭此注云: 能進取,亦自不爲不善,故云「無爲」。「時多進退」,謂 之,曰: 道之不行也,我知之矣。 子所稱狂者之言「古之人、古之人」也。 ,狷近愚。 恒 「聖達節、次守節、下失節。」」 0 彼言「道不行」,即謂中庸之道。 「狂者仰法古制 正義曰: 狂狷雖未得中道,然其性情恒一,使人 知者過之,愚者不及也。」狂 左氏傳 若鄉原則閹然媚世,所謂 ,不顧時俗。」「仰法古制」,則 * 狷 曹子 者慎 《詩 「不顧時俗」,言 臧 守 日: 中庸》云: 知愚雖未 載馳》正 節, 「前志 雖 無 非 義 得 恒 不 有 近

鬼 鄭 可 能 日 神禱 事無形,以舞降神者也。」《公羊隱四年傳》注:「巫者,事 以 曰:「言巫醫不能治無恒之人。」善夫!」【注】包 對文異,散文通。 「善南人之言也。」正義曰: 作巫醫。』【注】孔曰:「南人、南國之人也。」 子曰:「南 解 以 治 病 請 福 人有言,曰:『人而 者 《周官》:「司巫,中士二人。男巫無 也。 男 日 覡, 《説文》:「巫,祝也。 女日 巫。」案:「巫」、 無 短,不 女

事 之人爲之。 《物理論》:「夫醫者,非仁愛不可託,非聰明達理不可任 能 能爲也。 文》: 龜 達幽。「觀此,則巫醫皆抱道懷德,學徹天人。 性命吉凶之數,處虚實之分,定順逆之理,原疾量藥,貫微 非廉潔淳良不可信。 在 而又能齊肅衷正,其智能上下比義,其聖能光遠宣朗,其明 是巫醫皆以士爲之。 注 示 古之遺言與龜筮猶不能知也,而況於人乎? 數,女巫 云:「子曰:「南人有言,曰:「人而無恒,不可以爲卜筮。」 其德能仁恕博愛,其智能宣暢曲 純 既厭,不我告猶。」《兑 女曰巫。 光照之,其聰能聽徹之。 恒 而祭祀,是爲不敬。 食醫,中士二人。疾醫,中士八人。瘍醫,下士八人。 「醫,治病工也。」《周官》:「醫師,上士二人,下士二 [其德,或承之羞。] 「恒其德偵 猶 無數, 《楚語》:「古者民神不雜。 道也。 解者或以 是使制神之處位次主,而爲之牲器時服。」楊泉 其師, 言褻而用之,龜厭之,不告以吉凶之道 世有傳授,故精其術,非無恒之人所 中 古之用醫,必選名姓之後。」又云: 巫醫爲賤役,非也。 命》曰: 士 事煩則亂,事 四 如是,則明神降之。 人。」是 「爵無及惡 解, , 婦 男 民之精爽不攜貳者 知天地神祇之次,明 人吉,夫子凶。」」鄭 神則 女皆 《禮記・ 德,名 難。」《易》曰 《詩》云:「 稱 故必以 巫 在男日 也。 立 緇 而 有 《説 衣

言不能以巫

醫自治,必不能爲人治疾也。

《緇衣》注

<u></u>

不可

爲卜筮,言卦

兆不能見其情,

定其吉凶

也。」「不能見

0

子・立言》篇引《論語》 皆能治疾,獨不能治無恒之人,故無恒者不可以 德之人不可事神,故云「事神則難」。 之而不可得,是不可爲卜筮明矣。又下文引《説命》,言惡 不常厥性,故雖以龜筮之先知,猶不能知其爲人,而況於凡 之人」,未知所本。「巫醫不能治無恒之人」,言巫醫之事, 人,猶《詩》言「東人」、「西人」之比。 》與《論語》,文異意同,當由記者各據所聞述之。. 蓍曰筮,二者皆有守職,宜以有恒之人爲之。 無恒之人 使事鬼神,又難以得 夫龜筮既厭其人,不告以卦兆吉凶,此其所以不可 支允堅《異林》又疑「巫」即「筮」字,古通用,尤妄 祭祀、是不敬 「南人」至「之人」〇正義曰: 下文引《詩》,言正以無恒之人,雖欲褻用 將 語》同,故具釋之,可互明也。《金樓 》作「不可卜筮」,此誤以《緇衣》文合 立以 純 鬼神也 福也。 猶皆也。 爲正,言倣傚之疾,是 「純」或爲「煩」。」案: 惡德之人使事煩 言君祭祀,賜諸 《禮記》疏以爲「殷掌卜 此正不可爲卜筮之 「南人」,爲南國之 作巫醫。 臣 事 事 爵, 龜 皆 煩 《緇 毋 日 則 如 《易 德 變而既濟定,所謂「聖人久於其道,而天下化成」也。 張氏惠言《周易虞氏義》:「《恒》九三: 「不恒其德,或承之 凶。 曰 : 互證。 其情, 張 羞 羞,貞吝。」卦變成益三,上失位,三宜立不易方,則上亦 不恒其德之象。 書‧馬援傳》注: 所容也。」 言無恒之人,無所容身,將承羞 上公注: 「或,常也。」」案:《易・象傳》云: 「不恒其 不爾或承。」鄭曰:「或,常也。」《老子》:「湛兮似或存。」河 必承,而云「或」者,或,常也,言羞辱常承之也。《詩》: 氏以 而後貞,雖正猶吝。」此鄭、虞《易》義以互 ,坤爲恥,三不守乾,則二四與爲坤,故或承之羞。 • 無恒之人、《易》所不占。」正義曰:皇疏云: 「不占而已矣。」【注】鄭曰: 定其吉凶」,正言龜筮不 恒卦》之辭。 「不恒其德,或承之羞。」【注】孔 或 指 又互體爲兑,兑爲毁折,後或有羞辱也。」」 四 「恒卦巽下震上。 與皇 言德無常, 一疏訓 能 常 知

人乎?

爲卜人筮人也。

是

,●而以

與惡德之人也。

民

亂。

衣

也。

惡德,無恒之德。

無恒之人也。

與

此

注

可

曰:「此

則

羞辱承之。」子

「《易》所

以

占

古

羞

辱

「無

證。

以其文略與《論

○注

上「是」字,據《禮記》鄭注行

示

同

似 皇 體

疏説勝。

解之也。

惟 承

至 乾爲

不

鄭玄注云:

「巽爲進

退

辱

也。

《後

漢

無

恒之人,誤 行,以恒爲吉。 吉,夫子凶。」此則有恒之人吉凶皆占之。《象傳》云: 而終吝,故命 無吉,故云「或承之羞,貞吝」。 注 人貞吉,從 周官・ 「易所」 義,所謂「《易》無達占」也。 夫子制義而從婦人之貞壹,雖恒德亦爲凶也。 占人》注: 至「不占」〇正義曰: 一而終也。 《易》亦不占之也。 義者,宜也。 「占蓍龜之卦兆吉凶。」無恒之人,有 夫子制義,從婦凶也。」婦人貞壹之 言不必信,行不必果,惟義所 鄭注《緇衣》以「夫子凶」爲無 《説文》云: 六五云:「恒 吝者,羞也。 「占,視兆問 其德貞,婦人 惟無恒,雖 此别是 也。 婦婦 貞 M

和 生之,若以同 夫和實生物,同 君子、小人之異也。 者,人之所同欲也。 體,故不同。 日 小 人所嗜好 。」【注】君子心 和 子曰:「 因義起 然不同因乎義,而非執己之見,無傷於和 者 裨 同 則不 同, 則 君子和而不同,小人同 由 同, 利 繼。 和, 民務於是,則有争心,故同而不和。 《鄭 盡 生。 一乃棄矣。 然 然 以 語》史伯曰:「今王去和 各 義者,宜也。 其所見各異,故 他平他謂之和,故 争利,故 故先王 曰「不 各適其宜、未有、 以 土與 能 曰「不 和一。 金木水火 豐 而 而 長 取 同 正 而 同。 不 此 利 物 方 義

> 以聰耳 傳》: 也。 高下、 后於異姓,求財於有方,擇臣取諫工,而講以多物,務 九歌以相成也。 聲亦如味,一氣、二體、三類、四物、五聲、六律、七音、八風 無争心。 否 臣 齊之以味,濟其不及,以洩其過。 和如羹焉,水火醯醢鹽梅,以烹魚肉,燀之以薪,宰夫和之, 亦同也,焉得爲和?」公曰:「和與同異乎?」對曰:「異。 類 而能用之,和樂如 人,行姟極。故王者居九畡之田,收經入以食兆民。 合十數以訓百體。 雜 一亦然。 而有可焉,臣獻其可以 也,而與劇同。 以 聲 「齊侯論子猶云:「惟據與我和夫?」晏子對曰:「據 出 成百物。 ,正七體以役 人、周 先王之濟五味、和五聲也,以平其心,成其政也 無聽,物一 君所謂可而有否焉,臣獻其否以成其可, 疏以 是以 清濁、 天奪之明,欲無弊,得乎? 一。夫如是,和之至也。 出千品,具萬方,計億事,材兆 相 無文,味一 心,平八索以成 和 濟 小小大、 Ŧi. 也。 味以調 去其否。 、短長、 君子聽之,以平其心,心平德 無果,物 口,剛四支以 君子食之,以平其心。 疾徐、哀樂、剛柔、 是以政 人, 建九紀以 不講。 成而不干 於是乎先 一《左昭二十年 衛體,和 王將 物 立 君 純 周 收 所謂 棄是 和 王 六律 德 訓 君 聘 經 同

0

同之不可也如是。」 否。 和。 若以水濟水,誰能食之? 今據不 然, 君 所 謂 可,據 亦 若琴瑟之專壹,誰能聽之? 日 可; 君 所 謂 否,據 亦 日

惡著 也。 止取 曰 : 正義曰:善人善己,惡人惡己,是此人真善,而我之善善明 疏依鄭爲説,則 異,道理勝於前 若鄉人之善行者善之,惡行者惡之。」與善人同,復與惡人 即以爲惡也。 貢又曰"『若一鄉之人皆惡此人,此人何如?』子曰"『未可 可即以爲善。 文,徐彦疏:「「一鄉之人皆好此人,此人何如?」子曰: 「未 善善明,惡惡著。」正義曰:《公羊莊十七年傳》注引此 善者惡之。」【注】孔曰:「善人善己,惡人惡己,是 反是,而善人惡己,惡人善己,是此人真惡,而我之惡 「與善人同」以下四句,非也。○注「善人」至「惡著」○ 「未可也。 「未可也。」「鄉人皆惡之,何如?」子 子貢問曰:「鄉 何者? 何者? 「朋黨」、「孤特」,亦皆鄭注之義。 ,故知是「實善」云云之説備於鄭注。」案: 不如 此人或者行與衆異,或孤特矣。不 此人或者行與衆同,或朋黨矣。」子 鄉人之善者好之,其不 人皆好之,何 如?」子 宋氏輯本

易事也。」○注「度才而官之」○正義曰:《大戴記・子張問 公謂魯公曰:「無求備於一人。」」求,即責也。 人官》篇:「短長,人得其量,故治而不亂。」 言》篇:曾子曰:「夫子見人之一善,而忘其百非,是夫子之 ○注「不責備於一人故易事」○正義曰:《微子》篇云: 不可以不誠事也。 説」解之,非矣。《荀子・大略篇》: 道,則不説也。」不以其道即是佞媚,即 道,所以難説,使人器之,所以 人」,皆謂居位者。《釋文》云:「説,音悦。」謂 也,及其使人也,求備焉。」正義曰:「君子」、「小 之。」小人難事 也,及其使人也、器之。【注】孔 「禮不妄説人。」鄭注:「爲近佞媚 「不責備於一人,故易事。」説 説之不以道」四句,即申釋易事難説之故。 子曰:「君子易事 而易説也。 故曰君子難説,説之不以道,不説也。」 而難 易事也。 説之雖不以道 也。 「知者明於事,達於數 之不 説也。【注】孔 是妄説。 《禮記・ 君子,説之不以 曰:「度 以 蓋不可説以 投以所好 道,不 《説苑 曲 孔疏以 才而 禮》云 一,説 曰 一周 也 説 官 其

子曰:「君子泰而不驕,小人驕而不

乎不驕,不知其拘忌正其驕矜也。 慢,斯不亦泰而不驕乎?」衆寡、小大,則君子達之於世也. 者,通而治也。」《子張》篇云: ❶ 世,小人自以爲是,而不據通之於人。 疏》:「案:泰者,通也。 實自驕矜。 泰。』【注】君子自 云「縱泰似驕」,然實非驕也。 無敢慢,則無驕可知 「泰」訓通,見《易・ 注「君子」至 縱 泰, 序卦傳》。《漢書・劉向傳》:「泰 君子所知所能,放而達之於世,故 「驕矜」〇正 似 小人所知所能,匿而不露,似 驕 「君子無衆寡,無小大,無敢 而 君子不自矜,而通之於 不 騎 此驕泰之分也。」今 義 E. 小人拘忌, 焦氏 循 補 而

樂也。

剛 曾子言士當弘毅也。 近 無 不得爲剛,是「剛 訥於言」之「訥」,故曰「仁者,其言也訒」。 毅 | 於仁。」注「剛無」至「於仁」○正義曰: 古以爲 欲。 也。 「周昌,木强人也。」《酷吏傳》:「尹齊,木强少文。」顏 子曰:「剛毅木訥近仁。」【注】王曰: 毅,果 《漢書 「强直如木石」,是謂 敢。 」爲無欲也。「果敢」,謂作事見義必爲,故 周 勃傳》:「勃爲人木强敦厚。」《張 木,質樸。 《中庸》言「力行近乎仁」,力行,即 「木」爲樸質無文也。 訥 遲 鈍。 上篇言申棖 注云「遲鈍」,謂 有斯 訥 四 剛, 周 者, 欲 即 謂 傳

若加文則成仁矣,故曰近仁。」案:「加文」者,謂文以禮賢注云「訥,忍於言也」是也。 李又云:「四者,皆仁之質,其言遲鈍,不致妄説也。《後漢書・吴漢傳論》引此文,李

馬曰: 《釋文》:「偲,音絲,本又作愢。」《集韵》云:「偲,或作愢。」 大義」也。 明,故釋之曰「朋友切切偲偲,兄弟恰恰」,所謂「七十子之 子語止此。 則「偲」、「愢」一字。「切切偲偲,怡怡如也,可謂士矣」,夫 兄弟以恩合,處之各有所宜,此盡倫之事,非凡民不學者所 七、《藝文類聚》二十一、《太平御覽》四百十六引此文,並有 阮氏元《校勘記》:「《文選 能,故如此乃可稱士也。 朋友切切偲偲,兄弟怡怡。」正義曰:朋友以義合: 日 : 「切切偲偲、恰恰 子路問曰:「何如斯可謂之士矣?」子 「切切偲偲,相切責之貌,怡怡,和順之貌。」 皇本「兄弟怡怡」句末有「如也」二字,高麗本同 當時皆習見語,故夫子總言之。 「斯可謂之士矣」,皇本無「之」字。 求通親親 如 也, 可 表 謂 》注、《初學記》十 士矣。【注】 記者恐人不

0

[「]子張」,據《論語》當作「堯曰」。

怡」、「節節」當彼「偲

偲

也

定本「熙熙」作「怡怡」、「節

節

義,其聚集切切

節節

然。

切

切節節

者,皆

切磋勉勵之貌。

「兄弟之多則尚恩,其

聚集則

熙熙然。

朋友之交則以

「兄弟尚恩,熙熙

然,

朋友以義,切切節節然。」孔疏

論語》云:

「朋友切切偲偲,兄弟恰恰。」此「熙熙」當彼「怡

以爲 注: 所能 兄弟亦不可 責勉之義。 以 切」至「之貌」〇正義曰:《説文》云:「切,刌也。」引申之,凡 與「怡」,音義略同。 友之道也。父子責善,賊恩之大者」。 合夫子此語觀之,是 敬」與「做 如 物相摩按謂之「切」,故「切」有責訓。 「切,責也。」《實憲傳》注:「切切,猶 喻 而遠其所不能 ,兄弟憘憘,朋友切切,遠者以貌,近者以情,友以立其 朋 字。」《大戴 友切 同 《爾雅 責善,當時諷諭之于道,乃得宜 磋 謂 相 做戒 **案**: 釋訓》:「丁丁嚶嚶,相切 禮 正。 苟無失其所守,亦可與終身矣。」「憘 曾子立事》篇: 也。 《廣雅 孟子言「父子不責善」,「責善,朋 鄭 注云:「切 釋訓》:「切切 《後漢書·陳忠傳 勤 「宮中雍 切、勸 勤也。」勤勤,亦 也。 直也。」郭注 競貌。」 ○注 雍, 敬也。」 外焉 切切 勸

節

注云: 節然有所限制 亦近之。 作「偲偲」。 疑 節,亦狀其聲之相似 「熙」、「怡 「節節熙熙」是 節 節者 即 依 」義同,「節」、「偲」聲轉,俗 謂限禁也。」朋友 也。 1,限制 《論 語》, 《詩 《古論語》,「切 也。 則 《荀子 卷阿》疏引《白虎通 俗 本 ·誤。」此 相 勉,不使爲非,其 彊 切 怡 國篇》: 疏 怡 本 所 亦 是 載 不 「内節 》説鳳 《魯 傳 誤 言 論 也 甚 雄 語 告 於 明 解者 人。 》,説 鳴 語 晰 節 日

因

但

티 : 日: 今作「戎」,隸省。 考,五年則再考,七年則三考。 數爲約者,皆取諸奇,若一、若三、若五、若七、若九。 務農講武之法。」吴氏嘉賓《説》:「七年,謂其久也。 兵攻戰也。」與包義同 數之究也。 正義曰:朱子《集注》云:「教民者,教之以孝弟忠信之行 矣。」【注】包曰:「即,就也。 「中年考校。」」〇注 「即,就」,此常訓。 子曰:「善人教 古人三載考績,三考而後黜陟,皆中間 《御覽》二百九十六引鄭此注云: 《説 即 文》:「咸,兵也。 就也戎兵也言以攻戰」〇正 民 故三年爲初,七年爲終。 七年,亦可 戎,兵也。 言 从戈从甲。」 以 以 攻 即 可 凡以 年 戎 就 記 而

雅 順 競

釋詁》:「怡,樂也。」「和」、「樂」義同。

《毛詩

常

棣

即 即即

切 和

責之意,鄭與馬同

也。

又云:「怡怡,

謙

順貌。」謙

《説

文》云:「怡,和也。」「台,樂

也。」《爾

子曰:「以不教民 戰,是謂 棄之。」【注】馬

官

之。 也? 之。 教 對晉文語, 已亡,無由知其説,然古人教戰,未始不教以禮 鄭别,則 氏翔鳳輯本鄭《論語注》謂 存不忘亡,安不忘危。」徐彦疏云:「何氏之意,與鄭别。」宋 簡徒謂之蒐,三年簡車謂之大閱,五年大簡車徒謂之大蒐。 也。」何休注:「孔子曰:「以不教民戰,是謂棄之。」故比年 午,大閱。大閱者何? 民孰以爲君哉?」據彼文,則此言「棄之」,亦謂棄其師 「所謂教民戰者,習之也。」」《公羊桓六年傳》:「秋八月壬 正義曰:「習」,謂肄習之也。 而用之,謂之殃民。」」與此同意。 之。」正義曰:「棄」,謂絶去之也。 曰: 孟子・告子下》:「魯欲使慎子爲將軍。 宋公兹父卒,兹父之不葬,何也? 民戰,是謂棄之。」則言「教」,而二者已賅之矣。 故《孝經》曰:「先王見教之可以化民。」《論語》曰: 故《白虎通· 言 以其不教民戰,則是棄其師也。爲人君而棄其師,其 鄭謂教民以禮義,不謂教民習戰也。 用 雖霸國急用其民,亦必示之義信與 不 習之 一教》篇云:「教者,效也。 民, 簡車徒 使 「何以教民爲習戰,而疏謂 之攻 范甯《穀梁集解》:「何休曰: 也。 ○注「言用」至「棄之」○ 《穀梁僖二十三年傳》: 戰, 何以 失民 必 孟子曰:「不教民 書? 破 也。 上爲之,下效 敗, 愚 義。 禮, 其失民何 蓋以罕書 謂 是 觀子犯 而 鄭 謂 《周 注今 後 何 也。 棄 用 與

> 説,非 謂棄之。」兵者凶事,不可空設,因蒐狩而習之。 此,則鄭與何同。 治兵,人曰振旅,皆習戰也。 之陳。」鄭注:『兵者,守國之備。 大司馬》: 如 宋君所測 『中春教振: 《公羊》疏所 也 旅 司 四 云何 馬以旗 時各教民以其一 孔子曰:「以不教民戰,是 與鄭别」, 致 民,平 或鄭别 削 凡師 焉。」觀 陳, 有 出 如 日 戰

同 邑王儒卿校刊

論語正義卷十七

貫應劉寶楠學

憲問第十四 集解

凡四十四章

> 引此注作「鄭曰」。 者不行,已近忠恕,但可以求仁,不可遽謂仁也。 不能有益於人,未能立人達人,所以孔子不許爲仁。」案四 忌」當讀斷。○注「包曰」至「爲仁」○正義曰:《史記集解》 有恚怒之意,「忌」則衹心有所諱惡,故爲小怨也。注文「怨 印》傳:「忌,怨也。」展轉相訓。故「怨」亦爲「忌」。但「怨. 勝也。」「剋」與「克」同。《説文》:「忌,憎惡也。」《詩・瞻 也」,謂以肩任事也,引申之有勝義。《爾雅・釋詁》:「剋 之爲貴。」○注「克好」至「小怨」○正義曰:《説文》「克,肩 不苟爲難。』《荀子・不苟篇》:「君子行不貴苟難,唯其當 《管子•法法》云:「行有難而非善者。」又云:「行必思善, 上有「子思曰」三字。「可以爲仁矣」,「矣」與「乎」同義 之難,未足以爲仁。」正義曰:《史記·弟子列傳》「克伐. 爲難矣。仁則吾不知也。』【注】包曰:「四者行 伐其功,怨,忌,小怨,欲,貪欲也。」子曰:「可以 阮氏元《論仁篇》:「此但能無損於人

當」至「士也」〇正義曰:士志仁義,大人之事備,不得但懷【注】士當志道,不求安,而懷其居,非士也。注「士子曰:「士而懷居,不足以爲士矣。」

居,惟 居,乃偷安而無意人世者,故孔子警之。」 事於四方也。 敗名。」吴氏英《經句説》:「士初生時,設弧於門左,爲將 耽樂之是從也。 膂力方剛,經營四方,士之志也。 《左僖三十三年傳》: 0 懷與安, 若繫戀所 有 實

> 而 所

同。 訓,故 危難。 害。 釋此爲長。』」○注「順言以遠害」○正義曰: 注:「危,高也。」凡高多致險,故又有險難之義。 文》: 「危,在高而懼也。」《莊子・盜跖》篇: 猶高也。 邦有道,得行其志、申其説,故可厲言行也。 厲言行也」〇正義曰:《詩・民勞》傳: 曰:「正行以善經、言孫以行權。」○注 行言孫。」【注】孫,順 「危,厲也。 高言高行皆見危」者,此 錢 正義曰: 行貴有恒,不以有道無道異也。 「危」亦爲「厲」。 子曰:「邦有道,危言危行,【注】包曰: 民 注 坫 兼 據時高言高行者皆見危,故以爲諭也。」案: 《後録》 二義,爲引申矣。 邦有道, 《廣雅 可以属言行也。」邦無道,危 「孫星 「危」謂 也。 「諭」猶言也。 •釋詁》:「厲,高也,上也。」 衍 厲 日: 危難也。 行不隨 ~ 「危厲也邦有道 「厲,危也。」展轉 廣 雅 高言高行,皆見 「去其危冠。」李 俗, 鄭與包意亦 鄭注云: 》一危,正 「順言」者,無 順 戴氏 言 鄭所 以 危 望 也 可 《説 遠 云 相 以 注

> 於遠害之旨哉? 漢、明之末,學者知崇氣節,而持之過激,釀爲黨禍,毋亦昧 下平,不用則安其身、《春秋》之道也。」二文與此注義相發。 世逾近而言逾謹矣。 上,智不危身,故遠者以義諱,近者以智畏。 長,不稱其所短,以爲成俗。』《繁露·楚莊王》篇:「義不訓 無所避之,則崇其美,揚其善,違其惡,隱其敗,言其 違犯也。 《荀子· 臣道 此定、哀之所以微其辭。 篇》: 「迫脅於亂 時,窮居於暴國 畏與義兼, 以故用則 天 則 所

令是也。 故君子必辨。」又曰:「故仁言大矣,起於上所以道於下,正 必非誠士也。故君子之於言也、志好之、心安之、樂言之。 相篇》:「法先王,順禮義,黨學者,然而不好言,不樂言,則 見,而此云「必有」者,就人才性所發見推之也。《荀子・ 無厭。」又《性惡篇》:「仁之所在,无貧窮,仁之所亡,无富 勇,勇者不必有仁。」正義曰:德不以言見,仁不以勇 德。 【注】德不可以億中,故必有言。 子曰:「有德者必有言,有言者不 起於下所以忠於上,謀救是也。 故君子之行仁 仁者 必 必 有 有 非

⁰ 上「三」字、《經解續編》本作「二」,據《左傳》是。

○注 可以無言億中,故必有言也。」案: 但逞血氣之彊,故知有言者不必 言,仁必有勇」之旨。 獨立天地之間 天下知之,則 「德不可以億中故必有言」〇正義曰: 而 不畏,是上勇也。」二文並足發明「德必有 欲與天下同苦之, ●天下不知之,則傀然 若夫有言者或但口給以禦人,勇者或 有德,勇者不必有仁也。 注義甚 晦, 邢疏云:「德不 邢 疏解之亦

不憭

皆王。 若人!」【注】孔 夫。 子。」正義 南 康 之,因其室而生奡。 俱不得其死然。【注】孔曰:「适,南宫敬叔,魯大 溝 而 所 油,稷播百 !有天下。」夫子不答。 【注】馬曰:「禹盡力於 宫适出。 殺。 羿,有窮國之君,篡夏后相 南宫适問於孔子曰: 适 E. 意欲 此二子者,皆不得以壽終。」禹、稷躬 南宫者, 穀,故曰躬稼。 子 曰 : 以 禹、稷比孔子、孔子謙、故不答也。」 曰: 奡多力,能 氏 「君子哉若人! 也。 賤 不 閻 氏若 義 禹及其身,稷 「羿善射,奡盪 陸地行舟,爲夏 之位。 而貴有德,故 璩《釋地續 其臣寒浞 尚德: 及 後 「古者 日 后 世, 哉 稼 少 君 殺

> 紀 ※: 無也。 《論語 文 · 嚳時射官之名,則意羿之後世襲其職。 衝殺爲盪陣,其鋭卒謂之跳盪,别 年, 澆伐斟鄩, 大戰於濰, 覆其舟滅之。』《楚辭·天問 康時所稱之羿,皆是舉其官矣。 聲。《弓部》:「芎,帝嚳、东官,夏少康滅之。 部》:「羿,羽 於宫」,正謂此。」《釋文》:「适,本又作括。」《説 宫,有北宫。 命士以上,父子皆異宫。 「覆舟斟鄩,何道取之?」正謂此也。」又云:「古人以左右 《楚辭・天問》注引「奡」作「澆」,此聲近通用字。 體省變。 「湯,猶盪滌也。」古「盪滌」字祇作「湯」,「盪」字,《説文》所 噌 》曰:「写善鉃。」」案:「写」、「羿」一字,今作 顧 許所據《論語》,當出安國《古文》。其以「芎」爲帝 上 氏炎武《日 健兒歌曰: 世之氏某宫者,應各以所居之宫。 之 羿風,亦古諸 知 録》: 「丈八蛇矛左右盪,十盪 故 《儀禮》言有東宫,有 「《竹書紀年》:「帝相二十七 侯 「奡」,舊音工到反。 也。 天文 帥謂之盪主。《晉書 念》 凡在堯時,在夏 日 射 注引晉 師。 從弓开聲 應劭「或 西 「盪」、《説 + 宫 文 「羿」,隸 ·決無 從 灼 王逸 羽 有 日 氏 羽 开

舟,

苦」下,據《荀子》脱「樂 一字。

^{穴」、《經解續編》本作「介」,據《説文》是。}

澆用 氏。 姚 子弟也。 鳴 之,逃奔有虞,爲之庖 歸于有仍,生少康焉。 過、澆殺斟灌,以伐斟鄩,滅夏后相。 滅豷于戈,有窮由是遂亡。」又《哀元年傳》: 鬲氏,收二國之燼,以滅浞而立少康。 而亨之,以食其子。其子不忍食諸,死于窮門。 慝,以取其國家,外内咸服。 浞行媚于内,而施賂于外,愚弄其民,而虞羿于田。 獸,棄武羅、伯因、熊髡、尨圉 窮石,因夏民以代夏政。 終」〇正義曰: 之義,知有天下以 尊者諱,故不答。 前。」「盪舟」蓋兼此 左襄四年傳》: 魏絳曰:「昔有夏之方衰也,后羿自鉏遷于 "階《解義》"「 而 師,滅斟灌及斟鄩氏。 浞因羿室,生澆及豷。 邑諸綸。 伯明后寒棄之,夷羿收之,信而使之,以爲己相 有田一 注以适爲南宫敬叔,誤。 适 徳服 夫子善其不斥言時事,得古人援古諷 疾時君好力戰,不修民事 義,與 正,以除其 爲仍牧正, 惎澆能戒之。 成,有衆一 ,不以力服也。] 〇注 恃其射也,不修民事,而淫 蔡姬之乘舟蕩公者不同。」凌 恃其讒慝詐偽,而不德于民, 處澆于過,處豷于戈。 而用寒浞。 羿猶不悛,將歸自田,家衆殺 害。 旅,能布其德而兆其謀 后緡方娠,逃出 虞思於是妻之以二 少康滅澆于過,后 辨見《公冶長》疏。 寒浞,伯明氏之讒 伍員曰: ,而問。 「适南」至「壽 靡奔 澆使椒 靡 樹之詐 夫子爲 昔 自 自 有 於原 寶 求 有 杼 使 鬲 今 氏 有

聞》: 之以戒舜。南宫适舉之,亦先羿、奡而後禹、稷 奡。]乃知丹朱、奡爲兩人名。 按此文上云「丹朱傲」,下又云「傲虐」,傲雖凶德,一言足以 若丹朱傲,惟嫚遊是好,傲虐是作,罔水行舟,朋 亦非所謂澆者、奡在禹稷之前、與堯時羿並世。 也。 傑《兩漢刊誤補遺》:「陶、唐、夏后氏各有一 吴説,是以《論語》之羿,即堯時羿 南宫适言「奡盪舟」,則罔水行舟之事。 盡之,何至申言之乎? 爲射官,又皆不得其死,故世或以爲一人,正自不然。 「逢蒙學射於羿,思天下惟羿爲愈己,乃殺羿。」此堯時 水行舟」語附合之,此則誤解《書》及《論語》之義矣。 奡爲澆,甚是。 過、戈,循禹之績,祀夏配天,不失舊物。」此其事 以 『奡盪舟』。 收夏衆,撫其官職。 寒浞虞羿于田,殺而亨之,此有窮后羿也。 「《説文》:「奡,嫚也。」引《虞書》「若丹 按《書》有「罔水行舟」之語,則「奡盪舟」者、恐 而云「陸地行舟」,似假《書・ 使女艾謀澆,❶ 陸德明于『丹朱傲』云: 「朋淫」云者、指此兩人言之。 也。 使 奡 季 王 在禹前 羿。 杼 朱奡」、《論 應麟《困 益稷》所云「罔 誘 也。」案: 《書》稱「毋 二人俱 淫于家」。 孟氏書: 豷。 也。 「字又作 故禹舉 學 遂 耐 注 語 紀 如 奡 嘗 羿 以 滅

0

[「]謀」,據《左傳》當作「諜」。

夫丹朱非不得其死者, 孔氏於《尚書》、《論

此奡盪舟之事,即.

語

》俱

以

陸

代周

二説皆是

而周説尤辨。

之。」此丹朱罔水行舟之事,即《孟子》「從流忘反」之義也。 宫适之問意,本在禹、稷,故語分賓主,非以時代先後爲序 之,無不得其死之説。「傲」之爲「奡」,古字通用。 堯時之羿。《淮南子》稱其有功於天下,死爲宗布,人皆祀 朱見洪水時,人乘舟,今水已治,猶居舟中,使人額額 之,不知「盪舟」與「罔水行舟」本是兩事。 文》:「奡,嫚也。」引《書》「若丹朱奡」,並不是人名。 漢書・古今人表考》不從吴氏、王氏之説,謂「澆」、「奡」、 竹書》「帝相二十七年, 澆伐斟 斗南既以丹朱、奡爲兩人,指爲羿奡之奡,王伯厚又疑 經識小》、趙氏翼《陔餘叢考》,並從吴説。 指丹朱,總以「罔水行舟」之語而 ,則以《論語》之羿、奡,即《人表》所載 ,而謂奡即丹朱,豈可通乎?」今案: 周氏柄中《典故辨正》亦云:「逢蒙 古人以左右 《春秋傳》所謂「家衆殺之」者, 孫氏志祖《讀書脞録》、 孔 地 鄩,大戰 氏廣森《經學卮言》: 行 丹」解 [衝殺 於潍, 爲盪陣之義也。 鄭康成曰:「丹 之,遂啟後誤。 覆 梁氏玉繩 其 傅會 舟滅 推 至南 李氏 《説 一丹 行 注: 《舜典》:「帝曰:『棄,黎 稱 《書》義異,許氏固不誤 比。 長,故以名官 貢》亦言「辨土作貢」,是禹治水兼及農事,故曰 曰:「盡力溝洫」、《泰伯》篇文。 奡嫚之義無涉,故箸其文於「讀若傲」之下。 嫚」之證,故下云「讀若傲」。 庳,富貴終身,何爲有不得其死之事? 敖、然《堯典》言「象傲克諧」,則象後亦感化爲善,故封之有 譚書》曰:「昆弟相嫌,未若重華之于象敖。」」今案:象固 象敖。」象爲人傲很,因以爲號,若共工稱 朱與敖是二人,敖即 「子濬畎澮 舟』者也。」自注:「《管子》曰: 《論語》「奡盪舟」,此兼存異義,謂《古論》叚 (説文》「奡,嫚」,是本訓。 禹 一稷,正 「時讀曰蒔。」此注云: 漆書古文作「奡」。《論語》「奡盪舟」,即所謂「罔 以 距 ,稱后稷焉。」案: 諷 JII 時 ,暨稷播,奏庶艱食鮮食,烝民乃粒。JI《禹 君 象也。 當 也。 盡 民 播 心 其引《書》「丹朱奡」,正 阻 0 《帝繋》曰: 民 明「奡」、「傲」一也。 殖 『若敖之在堯。』劉景升《與 飢,汝 注 适之言乃降祥 《書·皋陶謨》云:「禹 事 即 「禹 也。 播蒔也。 后稷 盡」至「答也」〇正 注 則知孔説亦誤 「瞽叟産 康回 謂 播 「奡」爲「澆」,與 時 降殃之理,其 稷者,五穀之

也。

論語》「奡盪舟」,即

即謂丹

朱。」二説並與僞孔異。

鮫

稱 重

檮

杌

水行

華及

殺羿之羿,乃是有窮之君。

第九列之羿、浞、奡也。

傲」三字,古多通借,

以

禹稷比

孔

百

穀。」

「躬稼

也

又下引

爲

奡

也

則《論語

》與

日

者

子」,誤。 故君子道其常,而小人道其怪。」 未必不危也, 汙僈突盜,常危之術也, 然而未必不安也。 數,故《荀子•榮辱篇》云:「仁義德行,常安之術也,然而 舉之,是賤不義而貴有德也。 義者不得其死,有德者皆有天下,此天道福善禍淫。 福,有德者不得福,或反得禍,變數也。 ○注 賤 不義 而 貴 有德 若夫不義者不得禍,或 |故曰君子」() 君子不以變數疑常 正 義 日 适兩 反得 不

有不仁也。 解。」是小人必無有仁也 猶不得爲仁,即克伐怨欲不行,亦言「不知其仁」,故雖君子 備。」正義曰: 也,以小惡爲无傷而弗去也,故惡積而不可掩,罪大而 而仁者也。」【注】孔曰:「雖 子曰:「君子而不仁者有矣夫,未有小 《易·繋辭傳》:「小人以小善爲无益而 仁道難成,故以令尹子文之忠,陳文子之清 日君子,循 未能 弗 不可 爲

欲愛即勿勞,不能忠即勿誨。 所忠,必 誨乎?」【注】孔曰:「言人有所愛,必欲勞來之,有 子曰:「愛之,能勿勞乎? 欲教誨之。」正義曰: 故夫言者既竭懷以達誠, 此爲勞者、誨 忠焉,能 者表也。 不 勿 聞

> 乎? 乎? 《隰桑》,趙孟曰:「武請受其卒章。」」杜注曰: 「誨」義相近,故「勞」、「誨」並稱。 《説文》云:「勑,勞勑也。」今通用「行來」字。王氏引之《經 者,勤思之也,正此處確詰 之見規誨。」二案:王説足以發明此注之義。 矣,遐不謂矣。」箋曰:「謂勤 有諫君之義何? 而勿勞乎?」「而」與「能」古字通。《白虎通義》:「臣 官之於百姓,若慈父之於子也。 義述聞》解此文云:「《吕氏春秋》高注:「勞,勉也。」「勉」與 云:「勞,憂也。」又《里仁》篇「勞而不怨」,即憂而不怨。 「竭力而勞萬民。」《氾論訓》: 規誨」意似重。 亦宜原心以容直 忠焉,能勿誨乎? 1自注《小雅· 忠焉,能勿誨乎?」。襄二十七年《左傳》: 『子 竊疑「勞」當訓 盡忠納誠也。《論語》曰:「愛之,能 也。 ○注「言人」至「誨之」○正義 也。 「以勞天下之民。」高誘注 憂」。 《鹽鐵論·授時》篇:『縣 忠焉,能勿誨乎? 愛之, 孔子曰:「愛之,能勿 《 淮 隰桑》篇:「心乎愛 南 「趙武欲子産 精 「勞來」與 神訓 産 所以 i? 麺 绺

神 鄭 國將有諸侯之事, 谌,鄭大夫氏 子曰:「爲命,裨 名也。 則 使乘車 謀於 谌草創之、【注】孔 野 以 則 適 獲,謀 野,而謀作盟會 於 則否。 曰: 굸: 記・

一謂 屈

增損之。」蓋以

增

《廣雅

釋詁

字。

也。

從井刅聲。

創

|爲「刱」也。

原列傳》:

也。」「草創」者、《釋文》云: 即一人。「諶」當從火作「煁」。《毛詩》傳: 官・大祝》注、《後漢書・皇后紀下》注引《風俗通》並作 「裨」,鄭本作「卑」,見《群經音辨・乡 竈,與子産相終始,而裨諶更不見。 以爲號。更此四賢而成,故鮮有敗 「創制」之字當作「刱」。」案:《説文》::「刱,造法刱 《漢書・古今人表》作「卑湛」。凡作「卑」,與鄭本合。 潤色之。」【注】馬曰:「世叔,鄭大夫游吉也。 《左傳》於襄三十一年再見裨諶 讀若創。」是「創」、「刱」音同,故《論語 「草」者、言始制之、若草蕪雜 「屬草藁未定。」「修飾」者,朱子《集注 論之,行人子羽修飾之,東里 江氏聲《論語竢質》:「裨諶、裨 造謀,世 子羽,公孫 飾 訓「飾」,以 「「創」,依《説文》此是「創 也」,謂增美其辭 叔 復 治 揮。 考其論議,正是 「損」訓 而 部 論 ***** 事。」正 子産居東 「煁、烓竈也。」 之,詳 ,使有文采可 修」也。 鄭司 以 也。 後但 義 曰: 農 電,當 而 人 **《**史 痍 里, 潤 《周 影段 卑 審 業 有 觀 外 明命有常也。《左傳》言子産使子羽多爲辭令,則於禮命 比。 也。 盟所受於主國之命,其語皆有一定,故《聘記》云「辭 「二曰命。」注:「鄭司農云:「命、《論語 子大叔即世叔,「世」、「大」通用,如 以鮮有敗事。北宫文子所謂 馮簡子使斷之,事成,乃授子大叔使行之,以應對賓客。 傳》:「子産之從政也,擇能而使之:馮簡子能斷 厥宅里。」○注「謀於」至「之辭」○正義曰:《左襄二十一年 莊十九年傳》:「聘禮,大夫受命不受辭。」命者,凡聘問 稍異耳。 言子羽、裨諶同是草創,子大叔則受而應對,與《論語 於子羽,且使多爲辭令,與裨諶謀以適野,使謀可 獲,謀於邑則否。 姓、班位、貴賤、能否,而又善爲辭令,裨諶能謀,謀於野 大叔美秀而文;公孫揮能 産所使。 也。 ,更多爲辭以爲之備,即《論 「謀作盟會之辭」,此釋「爲命」文也。 ○注 鄭之爲命,皆子産主之。 「謀於野」、「謀於邑」,謂謀於野之人、邑之人也 稱「東里」者,美之,故詳之。 世 叔 」至「爲號」○正義曰: 鄭國將有諸侯之事,子産乃問 知四國之爲,而辨於其大夫之族 有禮也。」並此注所本。 語 》所言

諶」。

湛」、「諶」通用字。

則名竈字煁矣。

之。

行人,掌使之官。

因

討,治也。

裨諶

既

子

之辭。」世叔

討

其裨谌、

世叔、子 吕刑

羽,皆

子

《書

*

大事;

游吉,游眅之子。 「爲命」者,得兼

見

有

惟

傳 是 告

四

或

之爲

則

否,而

「世子」亦稱「大子」之

》所謂爲命。』、《公羊 《周官·大祝》:

無常

子·仲尼》篇:「鄭之圃澤多賢,東里多才。」多才即謂子産 同,故字子羽,若魯大宰翬字羽父也。 會同之禮儀,及時聘會同之事。 禮·秋官》有大行人、小行人,皆大夫也,掌諸侯朝覲宗廟 論整理。」理亦治也,謂整比其辭而治之也。 掌使之官」,謂掌其爲使之官也。」「公孫揮」,「揮」與 左襄二十二年傳》。❶ 「因以爲號」者,謂人以是號之也 討 ,治」,本《説文》。 則諸侯之行人亦然。 「東里」,里名。 邢疏云: 鄭注云: 故云 | | | | | | | | | | 量 《列 討

人也,不如管仲。 氏駢邑三百,飯疏食,没齒無怨言。」【注】孔 哉彼哉,言無足稱。 以 食邑三百家,管仲奪之,使至疏食,而没齒無怨言, 曰 曰:「惠,愛也。子産,古之遺愛。」問子西。 「彼哉 其當理也。」正義曰:《荀子·大略篇》:「子謂子産惠 :「伯氏,齊大夫。 :「人也。【注】猶《詩》言「所謂伊人」。 或問子産。子曰:「惠人也。」【注】孔 彼哉!. 【注】馬曰:「子西,鄭大夫。 管仲之爲人,力功不力義,力知不力仁, 或曰楚令尹子西。」問 駢 邑,地 名。 齒,年也。 管仲。 奪伯 티 : 伯 彼 氏

> 異。 失爲仁。 《大射儀》、《公食大夫禮》及箋《詩·匪風》,皆有「人偶」之 讀如「 仲與同位皆相親愛,而伯氏以罪見奪,非管仲有私忿,故不 體》:「人,仁也。仁,生物也。」是「人」有「仁」訓。 「仁者,人也。」注:「人也,謂施以仁恩也。」《釋名 語。 偶,猶言爾我,親愛之辭。《孟子》曰: 「仁也者,人也。」謂 酒前上,時人偶之。」亦謂尊異也。」阮氏元《論仁篇》: 漢時常言。 賈誼《新書·匈奴》篇曰: 『胡貴人更進,得 曰:「每門輒揖者,以相人偶爲敬。」又注《中庸》曰:「人也 庭録》云: 辭。」莫知所屬,近輯本皆列入「人也」之下。 「人偶同位之辭。」此乃直以「人也」爲「仁也」。」案: 仁之意即人之也。《論語》「問管仲,曰人也」,鄭氏注 位,而管仲爲非常人,故曰[同位人偶之辭]。 野人也,不可以爲天子大夫。」與此文褒貶不同,蓋傳聞 宋、阮二家釋之各異,以阮説爲近。 《詩·匪風》疏引鄭注《論語》云:「人偶,同 「相人偶」之「人」。」言相尊敬,故曰『相人偶也』。 朱氏彬《經傳考證》: 「以非常之人,偶然得之,謂之人偶。 「孔子於子産稱其惠、於管 《禮·表記》云: 宋氏翔鳳《過 鄭注《聘禮 言同是 位 人偶之 鄭 釋形 此 以 鄭 日 管 注 佐 之

❶ 「二十二」、《經解續編》本作「三十一」,據《左傳》是。

「兩《論

业

廣韻

Ŧi.

真》:

彼,哀也。

論

語

西

意同

蓋

魯

0

亂,故孔子思速去之,與《公羊》言『趣駕』,語

虎曰:

「夫孺子得國而已,如丈夫何?」睋而,曰:「彼

既駕,公斂處父帥師

而至。」何休注

티 :

望

哉!

彼哉

」爲無足稱也。

宋氏翔鳳《過庭録》:「《公羊傳》:

「陽

之列,當軸處中,括囊不言,容身而去,彼哉彼哉!」亦是以

注以爲無足稱也。

《鹽鐵論·

雜論》云:

「車丞相即

周、

魯

紀,故

王封之。

之貪庸,不能啟悟昭王,使早黜退之,知孔子大聖,又沮

其後召白公至,喪身禍國,斯其智仁皆無可

子西有遜國之美德。

昭王復國

,改紀其政,亦有大功,故

子西雖功足録,然以囊

瓦或

昭

人俱字子西,故注兼存其義。

實則鄭子西無行事可

稱,楚

人問之也。「彼」者,爾汝之稱。

義

聞之,出涕曰:「古之遺愛也。」」○注「子西」至「子西」○古之遺愛」○正義曰:《左昭二十年傳》:「及子産卒,仲

Ĕ

尼

曰:鄭子西即公子駟之子公孫夏,楚子西即公子申,二

見公歛處父師,彼哉!」趣駕。

而日

「彼哉」,再言之曰切遽意。」●「彼哉」,

言彼地不可久

處

禍

將

及

也。

楚令尹子西之治國

一足以

招

也 子

《釋文》:「蔬,本今作疏。」皇本同。

仲稱其仁。

觀伯氏

之没

齒無怨,

則仲之仁可

知。

故子路、

疑其非仁,

而孔子特信之。」案:

朱説與阮同,並鄭

義

○注「惠愛也子産

「曰」,據《公羊傳》注當作「者」。

「書社三百即駢邑三百」,孫校:「此似不當并爲一事。」

注: 郡 疏》:「《天官・大宰》『八柄: 有 駢 部。」杜云: 也。 從鄭説,若然,則「書社 也。 言》:「《左傳》襄二十七年:「唯卿備百邑。」百邑者,四 家,而受二夫之地,是定税三百家也。」孔氏廣森《經 涂巷、山澤三分去一,餘有六百夫地,又不易再易,通 家,一成之地也。 之制。」是不分大國 爲齊下大夫也。《雜記》注云:「諸侯之大夫,邑有三百户 也。」鄭以大國下大夫與小國下大夫同制 「奪謂臣有大罪,没入家財者。」蓋伯氏時有罪,管仲没其家 小國之下大夫,采 臨 邑即 乘,四成者,四 郱 「《前志》齊郡 大夫 一成,卿 孔云「駢 朐,有古郱邑。 井十爲通 城 此 是 地。 也。」「齒,年」、《廣雅 が 邑地名」者、《説文》:「郱,地名。」段氏 ,通十爲成。 「駢」即「郱」字。 在東莞臨朐縣東 乘之地 四 臨朐,應劭云「有伯氏駢邑」。《後志》齊 小國。 成, 地 按:《春秋》莊元年: 成所以三百家者,一成九百夫,宫室 方 三百」,謂書駢邑社中之人三百 近於「卿 也。 四百井者,四 彼疏引熊氏云:「下大夫三百 成,其 六日奪,以 蓋侯國上卿采地如 今山東青州 南。」齊 禄四 定税 釋詁 大夫」之文。 取 》同。 「齊師遷紀郱、 ,故此注以三百 馭其 成 其 百家,故 地。 也。 府 貧。」注 臨 焦 成出 胸 然則 氏 諸 是。」今 縣 循 家皆 學卮 百井 於 百 伯 玉 革 東 云: 《補 鄑 裁 南 氏 家 車 家 户

> 篇 仲之自奪也。 氏」,以自奪爲文,蓋管仲執政,桓公奪邑以與管仲,無異於 管仲削其邑,非奪以自益之謂也。」今案:《論 卮言》亦云:「此「奪」,義如「八枋」之「奪」。 「當理」謂治獄得當也。 財 故 「制斷五刑,各當其名,罪人不怨,善人不驚,曰 注云「當理」。 特其奪當理,故能使伯氏不怨。 《廣雅 此管氏所以爲法家之冠矣。」《經學 理,治也。」 治獄之官名理 蓋伯氏 《管子・正 語 》言「 刑。」 有罪 奪伯

者,後其易者,富之而後教之也。 也。 子,然後驅而之善,故民之從之也輕」。 怨、無驕也。《孟子》謂 下「貧而無怨」爲一章。 齒 正義曰:習鑿齒《漢晉春秋》: 而 輕者,易也。 無怨言,聖人以爲難。」焦氏循《補 子曰:「貧 言此者,明在位者當知小人之依,先其 而 「制民之産,仰足事父母,俯足畜 若然,則「無怨」、「無驕」,謂 無怨,難; 「昔管仲奪伯氏駢邑三百,没 富 疏 驅而之善,則 耐 》謂 無 習氏 驕 所 易。」 使 引 之無 無 • 驕 妻

爲滕、薛大夫。」【注】孔曰:「公綽,魯大夫。 老 魏 無職,故優。 皆晉卿。 子曰:「孟公綽爲趙、魏老則優,不 家 臣 滕、薛 稱 老。 小 公綽性 國,大 夫職 寡 欲,趙、魏 煩,故不可爲。 貪賢,家 可 趙 以

《春秋傳》云

「大夫家臣

《士昏禮》:「授老鴈。」注云:「老,群吏之尊者。」賈

(疏云:

稱老,是以《喪服》公食大夫以貴臣爲室老。❶ 「執臧氏老」、《禮記》云「大夫室老」皆是。」是家

畢魏,因以爲氏,子孫亦仕晉執政,故曰「趙、魏皆晉卿」也

孝者,功次稍遷,未嘗治民,職不辦。 民謹樸易治。令鉅鹿尹賞久郡用事吏,宣即以令奏賞與恭 北當上郡、西河、爲數郡凑、多盜賊。 正義曰: 皇本「夫」下有「也」字。 《釋文》:「綽,本又作繛。」《汗簡》引《古論 「繛,緩也。 綽,繛或省。」「優」者,饒也。 《漢書·薛宣傳》:「頻陽縣 而粟邑小,辟在山中, 其令平陵薛恭,本縣 亦見《説 》同。

換縣。 以功舉。」」是言爲趙、魏老當以德,爲滕、薛大夫當以才,故 爲」〇正義曰:《史記·仲尼弟子,列傳》:「孔子之所嚴事於 則爲棄人矣。此君子所以患不知人也。」○注「公綽」至「可 里,今解州芮城縣河北故城是也。」晉滅魏,以其地賜大夫 之先與秦同姓嬴,至造父始封於趙,今直隸趙州地,其後入 魯孟公綽。」是孟公綽爲魯人。 晉,仕爲卿。 有功也。《集注》引楊氏曰:「知之弗豫、枉其才而用之, 「昔孟公綽 二人視事數月,而 魏,國名。 優於趙、 《括地志》:「魏故國在芮城縣北 魏,而不宜滕、薛,故或以德顯,或 兩縣皆治。 云「大夫」者,以意言之。 宣因移書勞勉之, 趙 Ŧī.

能

之後。 十里。」 臣無事,所以優也。」滕、薛、二國名。 者,言務多賢也。 南十五里,有古滕城,即滕國也。」又云: 薛,任姓,奚仲之後。 皇疏云:「趙、魏賢人多,職不煩 《彙纂》云:「今兖州府 滕、周文王子錯叔 「薛城在滕縣 雜, 故家 南 縣 四 西

臣稱老也。下章言「公綽之不欲」,是性寡欲也。

「 貪 賢

之盛也。」」是成人爲成德之人,最所難能。 子曰: 「成人之行,達乎情性之理, 通乎物類之辨, 知幽 《説苑•辨物》篇"「顔淵問於仲尼曰" [成人之行何若?] 馬曰"「孟公綽。」下莊子之勇、【注】周曰"「卞邑 【注】馬曰:「魯大夫臧孫紇。」公綽之不欲、【注 魯四人,是降等論之,故言「亦可」也。 義,飭躬以禮樂。 之故,睹遊氣之源,若此而可謂成人。 大夫。] 冉求之藝,文之以禮樂,亦可以 人矣。」【注】孔曰:「加 子路問成人。子曰:「若臧武仲之知 夫仁義禮樂,成人之行也。 之以 禮樂,文成。」正義 《禮 既知天道,行躬以仁 此告子路,但 禮器》云: 窮神知化,德 爲 日 成 禮 明

食」, 據《儀禮》賈疏及《喪服》文當作「士」。

0

四 Ŧi.

通

敵,獲 之姓、蓋曹叔振鐸之後、支庶食采於下、因以爲氏。 **嘗學問,若能文以禮樂,是亦後進於禮樂者也。** 莊子有刺虎事、《國策 北。」將軍 之曰:「此塞再北。」又入,獲 之,國君辱之。 詩外傳》: 曹國之地。 故辨正》云:「《路史•國名紀》、《氏族大全》並以卞爲莊子 卞莊子,不敢過卞。」是莊子仕卞爲大夫也。 里。」是卞爲魯邑也。 國卞縣。」王氏瑬《地理考》:「卞在今兖州府泗水縣東五十 邑大夫」○正義 夫臧孫紇」〇正義曰: 謂之成人。」」是備禮樂乃可爲成人。 備也。』《左氏傳》:「子大叔曰:「人之能自曲 也 者 小 猶 一甲首而獻之曰:「此塞一北。」又入,獲一甲首 而 具 體 止之。 死。』《新序・ 而 「卞莊子善事母、母無恙時、三戰而三北、交游 也。 鄭樵《通志》嘗辨之,則知卞姓之説誤也。」《韓 塞責焉。 及母死三年,魯興師伐齊,莊子請從。 三 三 : 體 莊子曰:「三北以養母也,是子道 不 《左》僖十七年:「會于卞。」杜注: 備 吾聞之: 《荀子·大略篇》:「齊人欲伐魯,忌 ・秦策》作「管莊子」,「管」、「卞」古字 武仲,文仲之子, 紇其名。 義勇》略同。 ,君子謂 甲 節士不以辱 之不 首而獻之曰"「此 成 《史記 於時四子已出 人。 生。」遂反敵、殺 設 ·陳軫傳》言 周氏柄中《典 直以赴禮者, 之不 ○注 ○注「卞 當 然卞非 也。 「魯大 仕,未 塞 而 遂 猶 魯 卞 今 \equiv 獻 赴 非 不

> 母」,亦 《魯》爲長。」〇注 書・ 永説略同。 意,當以陳軫 同,並傳聞之異。 「齊侯不敢過下」,與《左傳》「齊侯圍 「弁」,篆體作「妕」,隸變作「六」, 注:「《楚語》「魯有弁、費」, 伯之喪,下人以告。」則下爲孟 名。」速遂塞海陘而還。」是孟莊子有勇名。 侯圍成,孟孺子速徼之。 始末,不見於《左傳》,疑即 「弁嚴」,其實 「弁」、「卞」一字。」周氏柄 人有其母死而孺子泣者」,即此卞也。 | 塗 四 [以爲號,若合左師、苦成叔之比。 用 杜欽傳》「小弁」作「小卞」、《東方朔傳》以「卞莊子」爲 皆 證 書 言 地 莊 也。 案 : 對秦惠王言 子 理考》: 勇 惟《外傳》言莊子赴 孟莊子以孝稱, 加 鄭注此云「秦大夫」,不用周説。 事 之以 也。 陳 軫 禮 孔 「管莊子」,則卞莊子爲秦人。 齊侯曰:「是好勇,去之以爲之 孟莊子也。 樂文成」〇正義曰: 説君,不必定引本國之人,從 氏 謂孟孫、季孫也。「冕弁」之 廣 氏之私邑,非無稽 森《經 而《外 下本魯邑、僧弓》「弁 因變成「卞」。 成」, ①「去之」之文不 敵而死,又《荀子》言 《襄公十六年》: 《左傳》: 學 中《典故辨正 傳》言「莊 , 卮言》: 或嘗食采於卞 「齊歸孟 言加 卞 言言。」 原鄭 子 故《漢 影 莊子 以 自 王 之 事 江

0

氏

成」,據《左傳》當作「邸」。

雖久,至今不得忘少時之言。」 可次於成人。 樂,乃得成文,故曰「文之以禮樂」。 時」者,以久要或由少及老也。 書其文於簿書,故謂要爲約也。」「平生」猶言平時,注言「少 計曰會。」《宰夫》:「掌官灋以治要。」注:「古者凡有約,則 以要會。」鄭司農注:「要會,謂計最之簿書。月計曰要,歲 臨難毋苟免。]案:此皆謂忠信之人也。 義似較長。 「授命」,猶言致命。 字,蓋夫子移時復語也。 猶少時。」正義曰:皇、邢疏以「曰」爲夫子語,《文選》曹植 以爲成人矣。」【注】孔曰:「久要,舊約也。平生, 不苟得。見危授命,久要不忘平生之言,亦可 者何必然? |責躬》詩注、沈約《别范安成》詩注引此文,「曰」上有「子」 廣雅・釋言》:「要,約也。」《周宮・小宰》:「八曰聽,出入 ○注「久要舊約也平生猶少時」○正義曰: 見利思義、【注】馬曰:「義然後取, 《集注》引胡説,獨以爲子路言,於 皇疏云:「言成人平生期約 《曲禮》云:「臨財毋苟得, 曰:「今之成人 雖未文以禮樂,亦

不言、不笑、不取乎?」【注】孔曰:「公叔文子,子問公叔文子於公明賈曰:「信乎夫子

笑,人不厭其笑,義然後取,人不厭 以此注爲第二説,是疏不從此注。 足以兼之。二〇注 謚貞惠文子,而止稱「文」者,鄭彼注云:「不言貞惠者,文 也。 叔文子,衛獻公之孫,名拔,或作發。」孔疏"「按"《世本》" 「也」字。 不取,豈容如此乎? 皇本「其言」、「其笑」、「其取」下俱有 説者,當如此也。」云「豈其然乎」者,謂人所傳不言、不笑 爾。」義與此同。皇疏云:「其然者,然如此也。言今汝所 三年傳》:「申豐對季武子曰:「其然。」」杜注:「其然,猶 公明氏,賈名也。「時」謂時當言也。「其然」者,《左襄二十 其得道,嫌不能悉然。」正義曰:「公明賈」,疑亦衛人。 子曰:「其然? 豈其然乎?」【注】馬曰:「美 衛大夫公孫拔、文諡。」公明賈對 『發」者,以《左傳》作「發」,故云。」案:據《檀弓》,公叔文子 『衛獻公生成子當,當生文子拔。』拔是獻公孫也。或作 夫子時然後言,人不厭 ○注「公叔」至「文謚」○正義曰:《檀弓》注:「公 「美其得道嫌不能悉然」〇正義曰: 皇疏 曰:「以 其 言 樂然 告者 其 取。 後 過

不要君,吾不信也。」【注】孔曰:「防,武仲故邑。子曰:「臧武仲以防求爲後於魯,雖曰

兖州 章:「要君者無上。」〇注「防武」至「要君」〇正義曰: 君」。」正 正 注: 防城。」宋防既爲魯 年》「取防」,此 東北六十里,世爲臧氏食邑,臧紇以防求後,即 棟高《春秋大事表》:「《隱九年》:「公會齊侯于防。」杜 不要君,吾弗信也。」」與此言「要君」義同。 害 出 爲 六十里,有故平昌 者,絕武仲於魯也。」案: 不辟邑!」乃立臧爲。 「在瑯琊華縣東南。」按魯有兩防,此所謂東防也,在今費縣 表記》: 也,知 奔邾, 》謂此即近費之防、《史》、《漢》「防」、「房」二字多通用 後 「莒邑城陽平昌縣西南有防亭。」今青州府 府金 立 季 義 鄉縣 子曰: 不足 自 後 E: 孫還,未至,卒于房。」顧氏炎武《左傳杜 邾 也。 所謂西 西 也,非 如 汪氏烜《詮義》:「以者,不當以 北。 事君三 魯 防亭。」按: 防,使 有,欲别於臧氏之防,故謂之西防, 襄 又《昭 防 敢 公二十 也。 「要」,約也,言約君如己所 私 違 爲 紇 請, 芮守先祀, 五年》: 「 莒牟夷以 而不 以 杜 致 如 大蔡 Ξ 注:「高平昌邑 顧說,是魯有三防。 防而奔齊。 出 年,武 一竟,則 納 請, 仲 利禄 《孝經》「五 曰: 無廢二勳,敢 爲 此 安邱 防來 脈西 也。 孟 此。 一 也。 所謂『要 氏 **介。**]杜 縣西 人雖曰 南 《隱十 《定 所 求 非 於魯 解 顧氏 在 有 注: 刑 譖 也。 也。 能 補 Ŧī. 今 西 南

> 之。 門之關以出 亂,不使我葬。』季孫不信。 《左氏傳》載此事云:「孟孫惡臧孫,季孫愛之。 下,皆傳文。臧爲,武仲之異母兄,宣叔娶于鑄 辟,藉除于臧氏。 孫人哭,甚哀,多涕。 ·大蔡」,龜名。 「二勳」謂文仲、宣叔 立 一後」者 孟氏又告季孫。 謂 ,奔邾。」是武仲爲孟孫所譖 立 一爲己 臧孫使正夫助之,除於東門,甲從己而 後。 季孫怒,命攻臧氏。 孟氏閉門,告于季孫曰:「臧氏將 《禮 臧孫聞之,戒。 · 云 爲 人後者爲之子」是 也。 乙亥,臧 冬十月,孟 「自邾 孟孫卒,臧 所 生 如 紇 防以 者 斬 氏 也。 視 將 爲 鹿

足以 爲美德。《毛詩序》曰:「主文而譎諫、言之者無罪, 聞 也。 而 楚以公義,責包茅之貢不 謪 臣 者, 詐也。謂召天子 而 不 召君,不可 戒。」 文公名 譎也。」正 「《説文》:「譎,權 不正也。」齊桓公正而不 子曰:「晉文公譎 鄭 重 注 曰: 耳。 以 義曰: 訓。 齊 「譎 桓 詐也。 」訓 「晉」者,國 故 而 諫, 公名 書 使諸 入,問 曰: 詠 而 小 歌 侯朝之。 詐 不正、【注】鄭 白。 名, 依 天王 昭 譎。」【注】馬曰: 則 違, 爲惡 王 周 \pm 狩于 南 不 成 氏 德 征不還 直 仲 引 王 訓 之《經 弟 河 尼 諫。」《鹽 叔 陽 權 日 日 聞之者 虞 是 則 義 所 「伐 亦 是 謪 正 以 可 沭 挂

則 則

南

恥辱以 親也。」「法」與「正」同義。 桓公正 文密而不舉。」高注云:「齊桓 也。」顏注曰:「法而不譎者,言守法而行,不能用權以 小節,大節廢也。」語義與 晉文公譎而 守正爲齊桓之所長,權 哀姜薨于夷。 諸 而不 行權 力畊 繆稱》篇: 生之意,即晉文之譎諸侯以尊周室,不足道,而管仲蒙 有 權 孫根碑》:「仲伯撥亂, 經但云「晉文公譎 存亡,不足稱也。」《遵道》篇:「晉文公譎而不正,齊 而不譎,所 所 譎 侯在 諸侯 而不能守經,齊桓能守經而不能行權,各有所長 正,齊桓公正而不譎」, 》篇:「昔 短 也 也。 不可 ,尚歸之,以 不正,亦是 在 「至德,小節備,大節舉。 《鹽鐵 可 以然之域者,謂之大德。 由不同 孔子曰: 管 以 仲 然之域者, 論 以 齊 此相似 嘉其譎 譎爲齊桓之所 ,俱歸於霸。」《漢書· 奉鉅經耳。」是也。 權 法而不譎, 蔡足譎權。』《春 桓 語 「齊桓公法而不 譎 有大節,小節疏 公正」,其 儒》篇"「今硜硜 伯, 譎,權也。 而惜 ,皆謂各得其一 謂之小德。 而 其不 古人以爲齊桓之過, 范 義 短,較 氏 齊 已明, Œ **桓舉而不密,晉** 正可知矣。 大德無踰閉 秋繁露 以 《論語 强 經也。 小 譎。」以 也。 然甚明。 鄒 然守一 大亡。」《安 德 何 偏 陽傳》: 影晉文 晉文有 也。 出 須又言 玉 言晉 爲 免其 人 《淮 英》 道 者 不 然 渦 可 **春** 之貢。 應劭《 0 子。 是五 同。 以權 霸也。 文

引尾

文能 公譎 也。 謂

Œ.

亦

各

平

相

論

《丹鉛録》曰:「文公之功多於桓 聖人之權衡也。 不譎」爲《魯論語》。 於桓公、義則害於桓公、 人久見及此。 莊王,皆無興微繼絕,尊親王室之功。」是以譎正爲歎譽,漢 晉文譎而不正。」至於三國,既無歎譽一 「正」字皆當作「金」,同「法」。 人罕見「金」字,就「法」有「正」義,遂改「金」爲「正」。 「不正」、「不譎」乎?」 齊桓公法而不譎」。 秋》不以功蓋罪,不以事掩義,不以名誣實。 孔子稱「民到於今受其賜」。 惟宋以「正」當作「金」,作「正」爲後人所改,此 許兩義解「譎」,此「譎」字當以 《風俗通》:「《春秋》説齊桓、晉文、秦繆、宋襄、 晉文爲踐土之會,修朝 齊桓九合一匡,率成王室,責彊楚之罪,復菁茅 先晉文後齊桓 善用譎則爲權,不善用譎則爲詐。 今作「正」者、蓋《古論語》本作「金」、後 「法」,古文作「金」,是班書所引「法 宋 氏翔 名盛於桓公, 法者,聖人之經法也。 者,明行事終歸正 鳳 聘 公, 《發微 之禮,納 又 曰: 罪亦多於文公。❶ 權爲義。」案: 言。 實則衰於文公也 「齊桓 襄冠帶,翼 而繆公、 鄒 正 桓 也。 Ę 近臆 陽 公得江 而 故許 譎者 傳》 襄公 不 楚 楊 宋 譎 莊 測 説 慎 天 君 兩 作 速 而

公」,據楊慎《丹鉛録》當作「桓公」。

ZЦ 四 九

興矣。 王所。 國,年六十二。何休《公羊》注亦云:「時晉文公年老,恐霸 乎?」楊氏此論,尤能持平。 可以訓。 不敢爲者也。 不加王人,文會畿內則伉矣,盟于虎則悖矣。 侯朝王,●以諸侯見,且使王狩。」是晉文用譎詐之事 年而亡,又十九年反國,實止三十六歲,又八年而薨。 文公求霸過亟,殊爲可疑。 譎,若衡雍召王及執衛侯之類,此亦安用譎爲耶? 正爲先,必以正不行,乃始用 表桓公五禁,而不及晉文,余謂文非桓匹,豈一人之私言 桓公之所不忍爲者也。 黄 至于衡雍,作王宫于踐土。 功不成」云云,則暮年行事,或不能不欲速而行權耳。 春秋》僖二十八年:「夏五月,盟于踐土。」後書:「公朝于 史記·晉世家》言文公奔狄時,年已四十三,又十九歲 譎者」至「正也」〇正義 而 不 此桓公之所不肯爲者也。 冬,會于温。 用以伐楚,文公則謂 文公爲元咺執衛侯,則三綱五常於是廢矣。此又 桓公甯不得鄭,不納子華,懼其獎臣抑君,不 天王狩于河陽。」《左傳》云:「晉師還 觀此,則吾夫子正譎之論,孟子獨 日 : 會于温 《左氏》内、外傳謂文公生十七 非 權。 鄭 蓋譎雖爲權,然君子行事,以 致秦不足與楚争,楚抑 以「譎」 桓公會則不邇三川, 故如城濮之戰,不厭其用 ,討不服也。 」爲詐,蓋不予之也。 此桓公之所 是會也 大約 ○注 盟則 而 也。 而 反 秦

> 故傳言正也。」據此疏,則鄭亦有注,與馬同 故馬、鄭指之。 而不譎」,指謂伐楚。 土其地,不分其民,明正也。」楊疏: 《穀梁僖四年傳》:「侵蔡而蔡潰,以桓公爲知所侵也。 不復,寡人是問。」此齊責楚之辭,以王事爲言,故近 苞茅而不入,王祭不供,無以縮酒,寡人是徵。 桓行事類此者多,馬據一 譎而不正」,亦同鄭説。 仲尼云云,見《左傳》。 其實侵蔡不土其地,不分其民, 此侵蔡亦言正者,伐楚是責正事大, 范甯於《穀梁》「會踐 ○注「伐楚」至 端言之。《左僖四年傳》: 「《論語》稱「齊桓 譎 也」〇正 土」注云「所謂 昭王 亦是正 南征 義 正 一公正 楚貢 E : 也。 不

仲不死。]曰:「未仁乎?」【注】孔曰:「齊襄 忽 納 吾、召忽奉公子糾出奔魯。 齊人殺 子小白出奔莒。襄公從弟公孫 立,無常。 子糾。 死之。」子曰:「桓公九合諸侯,不以兵車, 子路曰: 小白自莒先入,是爲桓 鮑叔牙曰: 『君使民慢,亂將作矣。』奉公 「桓公殺公子糾,召忽死之,管 無 公。 知 無 殺襄公。 乃殺 知。 子糾,召 魯伐齊 管夷

❶ 「朝」、《經解續編》本作「召」,據《左傳》僖二十八年,是。

時議 也。

子》、《荀子》、《韓非子》、《越絶書》、《説苑》,皆是如此 母魯女也。 管仲之力也。 以大概言之。 諸侯,五合大夫」,❷皆計實數,與此文同。 言晉悼公「八年之中,九合諸侯」。 又祁午謂趙文子「再合 國」,則以漢文是兄,淮南王是弟,不敢斥言殺兄,故改兄作 長得爲君,是爲襄公。」《史記・齊世家》:「襄公弟次糾,其 書》並云:「兵車之會三,乘車之會六。」與《管子》互異,均 云:「兵車之會六,乘車之會三。」《史記・ 《公羊》以桓公爲篡,《穀梁》以桓公爲不讓,亦以糾是桓兄, 齊桓,衛姬之子,有寵于僖。」則公子糾與桓公爲異母昆弟 齊僖公生公子諸兒、公子糾、公子小白。 「日未仁乎」,此起子路問詞,故加「曰」字。 顔師古注引韋昭曰:「子糾,兄也。 周、秦、漢人言糾兄桓弟,自《管子》、《史記》外,若《莊 ·非也。「九合」者,合,會也,謂合諸侯也。《左氏傳》 誰如管仲之仁?」正 次弟小白,其母衛女也。」《左昭十三年傳》: 惟漢薄昭 《穀梁莊二十七年傳》:「衣裳之會十有一, 如其仁! 上淮 南王長書言「齊桓殺其弟以 義曰:《管子·小匡》篇: ❶ 如其仁!」【注】孔 言弟者,諱也。」是 僖公卒,以諸兒 《管子·小匡》 齊世家》《封禪 皇疏以 即 爲 反 0 又爲後人增亂,莫可究詰。 知所指。 穀指「一匡」。「一 鄭氏,以意知之也。 不能救,則無以宗諸侯。 合,並葵丘數之,亦止有八耳。 小」,據《管子》當作「大」。 匡」是管仲功,可有陽穀,豈九合不可

序當立也。

鄭不數柯而以明年爲始,則以十四年鄄會始也。十五年又 愛民也。』《論語》言九合不以兵車,則爲衣裳之會。 丘以前,去貫與陽穀,固已九合矣。」考柯會在莊十三年冬, 未嘗有歃血之盟也,信厚也。兵車之會四,未嘗有大戰 鄭氏此處亦無注,惟《釋穀梁廢疾》略存其義,而 今案:鄭云:「自柯之明年,葵 解者莫 也

劉意以《穀梁傳》言貫之盟有江、黄,管仲謂爲近楚遠齊,齊 鄭不據之者、《穀梁》疏引劉炫以爲貫與陽穀非管仲之功 首止,七年盟甯毋,❸九年會葵丘。 黄。二會非管仲意,故鄭數九合,去貫與陽穀。 江滅黄,桓公不能救,故君子閔之。 又陽穀之會,亦有 會鄄,十六年盟幽,二十七年又盟幽,僖元年會檉,五年 愚案:鄭注《論語》「一匡天下」,以 桓公不聽,遂與之盟。 其二年會貫,三年會陽穀 是葵丘以前,止有 其後楚伐 此劉申釋 江 陽

五」,據《左傳》昭公元年當作「三」。

毋」、《經解續編》本作「母」,下「寧毋」之「毋」同。

陽穀 兩郵 謂 觀 桓會不致,安之也。 内與,不日,信也。」范甯《集解》: 衆之辭也。」是北杏之會,諸侯尚未許桓爲伯也。 之伯也,將以事授之者也。 以 在 九合去陽穀之言相背,此疏家之失,非鄭指也。若然,鄭數 失,不得因此而謂 柯之盟始。」其明年 侯、宋公也。 十三年春,齊人、宋人、陳人、蔡人、邾人會于北杏。 疏家不能辨正,而「 疑《穀梁 同盟于幽」,傳云: 冬,公會齊侯,盟于柯。 4柯後一 前,已有九合」也。 此 江、黄遠 郭? ,則桓伯始於柯 兩幽、煙、貫、陽穀、首戴、甯毋,正符九合之數。 「同盟 》疏 年,甯毋在葵丘前二年,故云「自柯之明年,葵丘 來就 于幽, 所引《釋 其曰人何也? 合 去陽 盟,正是管仲之力。 貫與陽穀非爲衣裳之會也。 會 經 「于是而後授之諸侯也。 穀 桓 而 廢疾》「去貫與陽穀」五字,當是誤衍, 匡」指陽穀,亦並載其義,而不知正與 今就《穀梁》爲鄭疏之。 鄄 書 成於鄄 盟不日 則 同 曹劌之盟也,信齊侯 又明 鄭 曰:可矣乎? 始疑之。 以 ,故鄭亦不數柯,而云「柯之 年 ,信之也。 則 會鄄,皆謀 「桓公之信,著於天下,自 王 成爲伯 其後齊不能救,雖爲桓 爲陽穀,先自矛盾 何疑焉? 信其信,仁其仁。」 矣。 推齊爲伯。 未乎? 舉人, 傳云: 齊侯得衆也 二十七 也。 反覆思之. 傳又云: 桓非受命 桓 莊 年 是齊 鄄 盟 又 又 雖 公 會 竊

解。 爲桓極盛,亦於是始衰,故鄭不數葵丘,已有九 至檉謀救鄭,首戴謀甯周,甯毋謀伐鄭,皆無異辭。 乎桓公之志。」此桓盛會,亞於葵丘,九合 妾爲妻。」《穀梁》曰: 而無援也。 之」之言,然閔其不能救,非不肯救也,且以哀江、黄之服 不召而至」,雖《穀梁傳》有「楚伐江滅黄,齊不能救,君子閔 至貫之盟、《左傳》云「服江、黄也」、《公羊傳》謂 本信起乎柯之盟也。」皆以 皆來。」又云:「九合諸侯,一 會、幽之盟,諸侯莫不至焉。 云: 而合,壹匡之而匡,① 之盟,「莊公與曹劌皆: 明 《釋廢疾》傳寫有「去貫與陽 謀伐楚也。」《公羊》曰: 年」,則明指 「柯之盟,齊不倍盟,天下諸侯翕然而歸之。 今綜各説,以附 此固無損於齊伯。 九 合爲始鄄 於後。 「桓公委端播 皆從此 懷 劍劫盟 「無障谷,無貯粟,無易樹子,無 矣。 九合在柯後,知鄭説非 《穀 匡天下,功次三王,爲五伯 穀五 爲陽穀之會、貫澤之盟,遠 生矣。」《新 《吕氏 《梁》疏 至陽穀之會、《左傳》曰 二云云。 字,而 笏而 春 引 下云: 朝諸 秋 劉 申 序 當數之無疑 炫 鄭 侯,諸侯 貴信》篇 者 謂 雜 「夫九 江 也。 有 遂 事 人、黄 無 爲郵之 至葵丘 洮 不 , 》篇 據矣。 皆 合 言 與 得 自 長 以 柯 其

● 下「匡」字,據《吕氏春秋》當作「聽」。

與

猶

數也

,言數

陽

穀

故

得

爲

九

也。」僖

九年「盟

于葵丘.

0

「《穀梁》疏引鄭《釋

廢

疾》云:『去貫

與陽穀。」或云:

毋。』凡十一會。

鄭不取北

説

也。

盧氏文弨《釋文考

證》從陸氏

而

元年會檉,二年會貫,三年

會陽穀,五年會首戴,七年

會郵

,十五年又會鄄,十六年會幽,二十七年又會幽

語

》釋文云:

取北杏及陽穀,爲九會」,則有貫與葵丘,又一説

也。

僖元年會檉,二年會貫,三年會陽穀,五年會首戴,七

甯毋,九年會葵丘,凡十一會。《論語》皇疏引范注謂

四 非

康

成

有傳誤之言,此

范

甯解十三年會北

此正理之所

宜

,何乃以

爲

傳誤? 説也。

且究是傳誤,亦爲

劉

立,不發喪而告難于齊。

桓

王室也。

襄王定位

而 後

發

喪。」其

時

叔帶

作難,襄王

爲兵車,合於鹹、牡丘、淮

爲四會。

《左傳》云:

管仲也。

葵丘以後用兵車,管仲死也。

其説

謂洮會在僖

八年

,明年會葵丘

丘

以

當貫、陽穀之數,且

以《穀

於梁傳 也。

洮

會兵

車爲誤。

書

延篤傳

》注同

用劉説·

凌氏曙《典故覈

年會鄄,十五年又會鄄,十六年會幽,二十七年又會幽, 「范甯注云:「十三年會北杏,又會柯,十四 杏及陽穀,爲九。」則有柯、貫二 公奉王命以兵車會諸侯謀之, ,葵丘以前皆衣裳,用 案:《穀梁》言洮 「會于洮,謀 小變其説 杏,十 「鄭不 淤 會 年會 陸 懼 李 , 僖 義 甯 從 氏 不 會 賢 首止、 二説: 之? 義以服諸侯。 者,當無爲所惑矣。 傳》桓公「糾合諸侯」文同。❶ 侯專指葵丘。 萬斯大《學春秋隨筆》以莊二十七年會幽 皆劉難,楊疏所不從矣。 去公子結,則惟有齊、宋二國之會,安得數之?」是前二 異 桓、宋公盟爲九。 注,盧誤記有注。 會,又一説也。 鄭有貫無陽穀,互誤。」陳氏鱣《古訓 疏 台氏 公羊》之文,故指陽穀。」然則鄭 (時而數爲二,則首戴之會亦可爲二也。 云: 春秋 甯毋、洮、葵丘 其數柯與葵丘,顯與鄭義不合。 或云:葵丘會盟異時,故分爲二。 『《論語》「一 勿躬》篇: 朱子《集注》以 諸 **案** 侯皆來就桓會盟,不用兵車驅迫之也 凡諸 先師劉炫難之云:「若以葵丘之盟 匡 「不以兵車」,「以 北杏在柯會前 鹹 天下」,鄭 述鄭,未符厥指。 爲九。 「桓公令五子皆 若劉敞《意林》以 異義錯出,難可通曉,後之學 九」與 羅 不 注 巡《路 據 , 柯 不 》略同 之 「糾」通,與《左僖九年 |者 數 會不數,北杏安得數 又鄭《論語 而 史》以 任 貫 至《穀梁》疏 或取公子結 用 ,則有柯、 其事,以受令於 始幽終淮 指 並 離會不數, 而 也。 數陽 陽 檉、貫、 第九次合諸 穀 桓公假仁 穀, 者, 》此 、陽穀 陽 盟 爲 文無 鄄 與 陸 鄭 又 穀 九 一説 盟 齊 列 會 言 據

九 據《左傳》當作「二十六」。

管子。 績 納 雍 無 仁小者也。」○注「齊襄」至「死之」○正義曰:「襄公立,無 説,深得楊子之意,其與《論語 語》,其中所云「如其富,如其富」、「如其智,如其智」、「如 從弟也。 常」至「出奔魯」,見《左莊八年傳》。 寢,如其寢」,皆不予之辭。 爲「均」,亦通。 氏引之《經傳 用人,成此伯功,所以 諸侯,一匡天下,不用兵車,管仲之功也。」然則管仲能知 新序 仁其仁」者也 爲仁」,而言 重言「如其仁」者,九合諸侯,功齊天下,此仁爲大。 廩殺 知,則 也。 鮑 叔帥 言管仲 桓 雜事》篇:「夫管仲能知人,桓公能任賢,所以九合 僖公母弟夷仲年 年九 無知弑襄公,遂自立。《左傳》云: 公自莒先人。秋,師及齊師戰于乾時,我師 師 如 釋詞》: 但 合諸 來言曰: 公及齊大夫盟于蔇,齊無君也。 俞 胡氏紹勳《拾義》據《廣雅· 論其 其仁」,明 氏樾《諸子平議》謂:「《法言》是擬《論 侯, 「如,猶 事 (論語 「子糾,親也,請君討之。 功 所生之子,故此注以無知爲襄公 匡 可 則「如其仁」如其仁」,蓋不許其 專據功業言之、穀梁傳 天下 》歸美管仲 乃也。」此訓最當。 也,不必論 》本旨不必合也。 皆 襄公,僖公之子。公孫 夷吾 也。 其仁也。」俞君 與 「如其仁」者,王 「九年春,齊人 Ŧī. 釋言》訓 夏,公伐齊 子之能 蓋不直 鄭注 管、 死節 》所 召 云: 也。」 如 售 言 敗 此 其 云 人

> 死也。」 子聞之,曰: 管仲謂召忽曰:「子懼乎?」召忽曰:「何懼乎? 好善,大夫殺無知,高、國先陰召小白,魯亦發兵送子糾, 囚 死臣,子其勉之。]乃行人齊境, 之右、雖然、殺君而用吾身、是再辱我也。 死,將胥有所定也。 匡》篇:「齊請管仲、召忽於魯,魯君乃遂束縛管仲與召 公載温車中馳行,又有高、國應,故得 報魯、魯送糾者行遲、六日至齊、小白已入立、爲桓 使管仲别將兵遮莒道,射中 也 ,鮑叔受之,及堂阜而税之。」《史記・ 請 受而甘心焉。」乃殺子糾於 「召忽之死也,賢其生也。 今既定矣,令子相 小 白 自刎 生實。 「帶鉤。 而 先入立。」《管子· 齊之左,必令忽 死。 召 齊世家》: 管仲之生也 小白佯死,管 忽死之。 子爲生臣,忽爲 管仲遂 小 吾不 公。 賢 白 仲 相 忽 桓 請

惠。 于今受其 天子微弱,桓公帥諸侯以尊周室,一 公、霸諸侯,一 子糾,不能 微管仲,吾其被髮左 子貢曰:「管仲 賜。【注】受 死,又 匡天下。【注】馬 相之。」子曰: 非仁者與? 其 賜 者, 衽 矣。 爲 正 曰:「匡, 不 天下。」 【注】馬 被 管仲 桓 髮 一公殺 左 正 相 民 衽 曰 桓 公 到

無此

禮

但

編髮被之體

後

也。

《左僖三十二年傳》: ❶

初

0 0

結也。」禮,男女及時,則結髮於首,加冠笄爲飾,戎狄

世言之也。

「吾」者,吾中國

也。

「被髮」者,皇疏云:

被被

鄭

此

注

迫脅諸侯,雖後亦序之爲伯。

固

守之意。

不嫌稱聖也。

持其政。」然則霸者,諸侯之長,所以爲政之名也。

與之,非明王之法不張。

霸,猶迫也,把也。

伯轉聲爲霸,故其字亦作「霸」。

也。」諸侯受命爲一

政

云:「天子衰,諸侯興,故曰霸。

身下之,任以國 牙郊迎,釋其囚。

政,號日

仲父。」是管仲相齊事也。

鄭

桓公禮之,而位於高、國之上。

之。」《列子・力命》篇:

桓公遂召管仲。

正義曰:《左莊九年傳》:「管仲請

囚,鮑叔受之,及堂阜

歸而以告曰:「管

夷吾治

於高

微

無也。

無管仲,則

君

不

君,

臣

不 臣

,皆爲夷狄

伯也,行方伯之職,會諸侯,朝天子,不失人臣之義,故聖人 教,故其字作「伯」,或作「霸」也。」案:《説文》:「伯,長 謂「天子衰,諸侯興,故曰霸」者,即據周五霸皆當衰 固守王者之政教,以令於諸侯,此文王爲西伯 春秋時,如齊桓、晉文,先未受命,恃其國彊 州諸侯之長,謂之州伯,又謂之方伯。 然伯道未純,故聖門羞稱之。 《白虎通・號》篇:「霸者・ 霸者,把也,言把持王者之 傒,使相可也。」公從 魯歸之,齊鮑叔 迫脅諸侯,把 鮑叔牙以 把持者、 注 而 言也。 則衣前幅掩向右,領左,則衣前幅掩向左。 不左衽,而何夷夏之别乎? 服、喪服,左右皆有衽,即深衣之裳左旁亦有衽。 之右腋之裳端,以垂於下,此深 藻》「衽當旁」釋此文。 服,亦無深衣,止隨俗所好服之,而多是左衽,故夫子舉 及《釋名・釋衣服》所云「直領」,即指深衣而言。 衽,深衣則用對襟,❷對襟用直領,故《鹽鐵論• **裣、爲襟。必言「交」者,謂領兩頭相** 詁》:「衽,衣襟也。」「碒」、「襟」一字。 平王之東遷也,辛有 云「續衽鉤邊」者,江謂「在左旁,縫之以合前後」,則凡裳無 也。」交領即交衽。蓋衣領下屬於衣前右幅,通稱爲衽、爲 及百年,此其戎乎? (論語》「左衽」,名同實異。 「左衽」者、《説文》:「衽,衣 裣也。」「裣,交衽也。」《蒼頡 毛氏奇龄《四書改錯》、江氏永《鄉黨圖考》皆據《玉 適伊 其禮先亡矣。」」是被髮爲戎狄俗 彼「衽」是掩縫之用,長二尺五寸,綴 川,見被髮 《論 是知《玉藻》之「衽當旁」,與 語 衣之制。 》當用《説文》、《蒼頡 三交,周 而 《聲類》:「襟,交領 祭 然江 於野者,曰: 人頸 中夏禮服 考朝服、 也。 散不足 《玉藻》所 戎狄 領 無禮 皆右 右 也 爲

三」、《經解續編》本作「二」,據《左傳》是。

深 衣則 用對襟」,孫校: 「深衣對襟説未是。

指葵丘 之,叛者九國」。 丘之會,壹明天子之禁,《穀梁傳》及《孟子》並言其 傳》亦云: 公曰:「無障谷,無貯粟,無易樹子,無以妾爲妻。」」《穀 謂鄭據《公羊》。 桓 齊桓率諸侯,令天下知尊周室,故曰一正天下。 謂 本「衽 乃戎狄之俗,楚雖南夷,未有此制。 矣。」是故弃桓之過而録其功: 桓 志。」「志」者,志在尊周室也。 人、黄人會于陽穀。」傳云:「此大會也,曷爲末言爾? 爾雅・釋言》: 聲 功,當訓「一」爲皆也。 Œ 南伐楚,北 幽王後 」字、「九」字皆是計數,則鄭義爲長。 類 王國也。 」作「袵」,係俗體。 》諸 也。 匡」不據之者,《公羊傳》言「葵丘之盟,桓公震而 ,南夷與北 訓 「桓公委端 以 解 伐山 周自東遷,王室微弱,天子之尊與諸侯無異 之矣。 義言之,馬、鄭説皆通。 桓伯之衰自此始。 案:《公羊》僖三年: 「皇, 匡, 正也。」《詩·六月》「以匡王國」, 戎,孔子曰:「微管仲,吾其被髮左 夷交侵中國,不絶 搢 《漢 : 笏而 鄭注以「一匡 ○注 書 朝諸侯、諸侯皆諭乎桓 「国正」 此桓大會,故鄭指之。 以爲伯首。」案: 韋 賢 鄭依《公羊》爲言,故不 傳 歆之言亦趁辭耳。 至「天下」〇正 」指陽穀。《穀梁 「秋,齊侯、 如綫。 》引 劉 然「一匡」、「九合」 《漢書• 歆 《春秋》紀 説 被髮左 馬氏統 宋公、 郊祀志 謂 盛。 義 後葵 公之 日 衽 疏 桓 毛 矜 而 梁 江 論 衽 齊 周

也,自 注 滅棄禮義,馴至不君不臣也。 人中國,必用夷變夏,中國之人既習於被髮左衽之俗,必 髮左袵,人面獸心,其與中國殊章服,異習俗,飲食不同 「微,無」,常訓,見《詩 前説,則六朝人解義。 會,令諸侯云云,天下皆從,故云「一 人莫之知。二則漢儒皆以「經於溝瀆」爲召忽事。 之美義也。 鳳《發微》云:「《中論・ 言匹夫匹婦 言召忽不當死。」正義曰: 死 臣之義未正成,故死之未足深嘉,不死未足 經,經 語不通。」故知其人君不君、 利所在,不知禮義。」《傳贊》云:「夷狄之人,貪而好 事既難,亦在於過厚,故仲尼但美管仲之功,亦 勠 議曰: 死於溝 匡 經於溝 天下 仲尼比爲匹夫匹婦之爲諒矣。」《後漢書 謂 「召忽親死子糾之難 凡庶之人。 漬中 謂 瀆 定 也。 襄 而莫之知也?」【注】王 • 式微》傳。《漢書 ○注「微無」至「夷狄」○正 知行》篇云:「召忽伏節 王 爲天子之位 管仲、召忽之於公子糾, 臣不臣也。 顔 豈若匹夫匹 夫一婦,當 師古《漢書 ,而孔子曰 匡」者也。 也。 注言此者,見 相 • 匈 敘傳》注:「凡 配 婦之爲諒 に匹。」宋 説 奴傳 「經於溝 死難, 《子罕》篇 説 謂 多非 義 陽 指 利, 日 鄭注 應劭 氏 夷 \exists 穀 一芍 瀆 君 言 不 臣 亦 狄 被 之

按:《論

語》言召忽「經

死溝

瀆

自

而

死」,傳聞

各

異。

莫之知」者,言無

功

年:

而

有之。要之,生寶、笙瀆、句瀆與溝瀆是

宋,壤地相接,各得有其

隅,復以聲轉

而

異

地,而

春

秋

爲曹地

其

(境與

魯相

錯,

亦得

有魯

地。

又《左傳

焉。

按句陽故城在今曹州府治北三十里,即

穀丘

也。

秋 句

》之穀丘、《左傳》以

爲

句

瀆之丘

矣。

縣

處

其

陽

丘

不同。

·穀丘,宋地。』《左傳》作「盟于句瀆之丘」。

,即穀丘也。』《水經·濟水》注:「濮水又東,與句

字,瀆音豆。』《論語

》作『溝瀆』,蓋後代聲轉而字異

史記》作「笙瀆」。

《集解》:

賈逵曰:

「魯地

同。

兀

夫匹婦以

,信也。』《爾雅

釋詁

云元

一夫不

可

奪

匹

夫者,所

謂

獨

行之士,

惜

顧天下者

也,非 志」,則

以

兀

夫爲賤

云:「《左傳》:「乃殺子糾于生寶。」杜注:「生寶,魯地。」 `瀆首受濮水,枝渠于句陽縣東南,逕句陽縣故城南。」《春 「齊囚王豹于句瀆之丘。」或其時曹將亡,齊亦侵其 《桓十二年》:「公會宋人、燕人盟于穀丘。」杜 鄒誕生本作「幸瀆」。「幸」、「笙」聲相近,笙 言許人,必踐其言,是之謂諒。」《發微》又 而《管子·大匡》言「人齊 「亮,信也。」「亮」與「諒」 而非之。「諒」者、説 杜注:「句瀆之 句瀆也。」《索 其字 績爲人所 ,故諸文 齊、魯、 故 瀆 家 己之 也。」 則 縣 注 合。 地 六 在 氏 如 無管仲 篇: 諒 以其功爲賢於召忽之死矣。 先 與不死,各自有見。 下,吾不生也。 子糾之傅。 雅·釋地》「水注谷曰溝,注澮曰 猶繁也。」《荀子・彊國篇》: 知 生 破,宗廟滅,祭祀絶,則死之。 命,奉社稷以持宗廟,豈 立而不濟,是吾義也。」管仲曰:「夷吾之爲君臣也,將 曰:『百歲之後,犯吾君 正成,故仲雖不死,未足多非 之瘠。」與此注合,皆不以 經。」《史記・田單 經,縊也。」「經死於溝瀆中」,此以溝 也。 王衣冠禮樂之盛,未淪於夷狄。 則 也 「管子者,天子之佐,諸 齊國利; 之功 注 雖糾於次當立 「經經」至 而 夷吾死 兄與我,齊國之政也,受君令而不改,奉 背君 傳》: 仲志在利齊國,而其後功遂濟天下,使 事讎、貪生失義、又遠不若召忽之爲 「當死」()正義 ,則齊國不利。

二觀此,則二子之死 「遂經其頸於樹枝。」《索隱》: 命而 死 溝瀆爲地名也。 而 侯之相 然有管仲之功 也。 「救經而 糾哉? 廢吾所立,奪吾糾也,雖得 非此三 未即 瀆」是也。 《管子·大匡》云:「召 也。 故聖人以「仁」許之,目 位而 日 引其足也。」楊倞注: 一者,則 夷吾之所死 濱爲田間水道,《爾 死之則不免爲溝 死,君臣之義 管仲、召忽,舊爲 晉 ,則可不死。 夷吾 《説苑·善説 語 生。 者 中 夷吾 承 尚 經經 社 生 稷 君 所 天 忽 未 中 雉

四 五七

臣中之爲大夫者也。毛氏謂「臣大夫」三字不得分、殊泥。 尊者爲大夫,次亦爲士。故此别之云「大夫僎」,明僎爲家 閻氏若璩《四書釋地》略同。今案:家臣之中,爵秩不同 「不辱社稷」等例。《檀弓》:「公叔文子卒,其子戌請謚於 撰。』《先進 葬。」蓋仕於家曰家大夫,仕於邑曰邑大夫,而統爲臣大夫。 不分。《檀弓》:「陳子車死於衛,其妻與其家大夫謀以 氏臣,新登于公。」」又《經問》引先仲氏説,謂「臣大夫」三字 公」,則家臣升大夫之書法耳。 《左傳》: 「子伯季子初 氏奇齡《四書賸言》:「臣大夫即家大夫也。其曰「同升諸 矣。」【注】孔曰:「言行如是,可謚爲文。」正義曰:毛 並爲大夫,同升在公朝。」子聞之曰: 「可以爲文 「文」有六等:稱 (漢書・古今人表》作「大夫選」,則漢人讀不以「大夫」連 慈惠愛民」,「愍民惠禮」,「錫民爵位」,並無「修制交鄰」, 臣」字也。 撰」亦通用也。 【注】孔曰:「大夫僎,本文子家臣,薦之使與己 公叔文子之臣 》篇:「異乎三子者之撰。」鄭作「僎」,是「僎」、 「僎」作「選」,通用字。《釋文》云:「僎,本又作 錢氏站《論語後録》:「案:《周書·謚法》 「經天緯地」,「道德博厚」,「學勤好問」, 大夫僎,與文子同 升 爲孔 諸 殉

君。君曰:「夫子聽衛國之政,修其班制,以與四鄰交。衛國之社稷不辱,不亦文乎?」」靈公之論,不本典制,故夫子國之社稷不辱,不亦文乎?」」靈公之論,不本典制,故夫子舉「決意以僎因文子薦之,同升於公爲大夫。經言大夫僎舉行與文子同,文子乃升進之於公,與之同爲大夫。」即本注義。

《釋文》云:「「子曰衛靈公之無道」,一本作「子言」,鄭本 《周書・謚法解》「亂而不損」、「好祭鬼神」皆曰「靈」。 同。」案:皇本作「子曰」。 是,奚而不喪?」孔子曰:「仲叔圉治賓客, 本有「久」字,然考疏文,無「久」字,此後人所增 之謚,當取「亂而不損」矣。朱子《集注》云:「喪,失位也。」 爲當亡?」正義曰:記「子言」者,謂子與康子言及之也 喪?」【注】孔曰:「言雖無道,所任者各當其才,何 祝鮀治宗廟,王孫賈治軍 「曰」字,邢本從鄭作「子言」。「言」字是也。 子言衛靈公之無道也。 李賢《後漢書· 旅。夫如是,奚其 康子曰:「夫如 明帝紀》注 又「無道」下皇 衛靈 亦是

子曰:「其言之不怍,則爲之也難。」

作哉! 之誤。 之意,「戰戰」即 委位不求讓,稱己不疑伐,而讓人無懼情。 稱:「其言之不怍,則其爲之也難。」察皇甫規之言,其心不 此文當作「誰」,今通用「怍」字。己所能爲,即是「内有其 義曰:《説文》:「怍,慙也。」「祚,慙語也。」段注謂《論 之也難」。」案:盧引《論語》,未知何本。或「作」即是| 其言必有振厲奮起之色。言不奮起,則行必觀望,故曰「爲 氏杰校云:「所引《論語》,當讀如《史記》「作作有芒」之 禮・曾子立事》篇盧注引「其言之不作,其後爲之難」。嚴 其實者爲之難。」正義曰:皇本作「則其爲之難」。《大戴 免於戾矣。」盧注: 狄,身全於邦家也。」此引文以「不怍」爲美詞,與馬義合。 言之不怍。」此即馬義。《後漢書・皇甫規傳論》:「孔子 「作」。」包氏慎言《温故録》:「案:作,起也。 勇於有爲者, 曾子立事》云:「是故君子出言以鄂鄂,行身以戰戰,亦殆 注】馬 皇疏引王弼曰: 嚴、包二君但就文説之。○注「怍慙」至「之難」○正 日: 夫其審己則干禄,見賢則委位。 「作, 慙 「爲之也難」之意 「鄂鄂,辨厲也。」竊謂 也。 「情動於中而外形於言,情正實 内有其實,則言之不慙,積 故干禄不爲貪,而 「辨厲」即 故能功成於戎 不作 而後 作 語 也。

不懈」,「平易不訾」,皆曰 不與者半。以魯之半加齊之半,可克也。」公曰:「子告季 弱久矣,子之伐之,將若之何?」對曰:「陳恒弑其君,民之 君壬於舒州。孔丘三日齊,而請伐齊三。公曰:「魯爲齊 辭語之而止。」正義曰:《左哀十四年傳》:「齊陳恒 【注】馬曰:「孔子由君命之三子告,不可,故復以 孔子曰:「以吾從大夫之後,不敢不告也。 當告三子。君使我往,故復往。」之三子告,不可 公曰:「告夫三子。」【注】孔曰:「謂三卿也。」孔 公曰:「陳恒弑其君,請討之。」【注】馬曰:「成 有爲無道者,臣弑君,子弑父,力能討之,則討之可也。」《白 言。』」與此文略同。 孫。」孔子辭,退而告人曰:「吾以從大夫之後也,故不敢 子曰:「以吾從大夫之後,不敢不告也。君 子,齊大夫陳恒也。將告君,故先齊。齊必沐浴。」 曰『告夫三子』者。」【注】馬曰:「我禮當告君,不 《公羊僖元年傳》:「上無天子,下無方伯,天下諸 陳成子弑簡公。 壬即簡公名。《周書・謚法解》「一德 簡」。 孔子沐浴 此當取 「平易不訾」爲謚 而朝,告於哀 弑 此 其

響應。 乎? 之請 豈孔 吴氏嘉賓《説》謂: 得之三子,而大服齊人。 若皆勇鋭之士。移檄遠近,聲罪致討,四鄰諸侯,必有聞風 家臣將之。 也。 王者 虎 其説未爲無理矣。 恒執君、弑君之事,當時無一 忌,斯亦亂世之一治也。 誠 不可見諸實事者哉?」案:魯自四分公室,兵衆皆在三家。 而更定其嗣。 仗義討賊乎? 觀陽貨、弗擾且能以其衆畔,而冉求、季路獨不可出其兵以 高《春秋大事表》:「魯之兵權在三子,三子之兵權在家臣。 ;使哀公奮發有爲,許夫子之請,討則奉辭伐罪,夫子必能 通 《春秋傳》曰 子 諸侯之子,篡弑其君而立,臣下得誅之者,廣討賊之義 誠得哀公一言聽許,委夫子以兵權,空魯國之甲,使 縱不能梟陳恒之首,亦當誅當日之推刃於齊君者, 當日奉魯君之命,命家臣出其卒,而三子敢或梗令 征 然魯君臣釁隙雖深,終不敢 伐》云: 此時子路雖仕衛,而冉有自在。 如此,則國威可振,周道可興矣。 孔子能使由、 「《論 「臣弑君,臣不討賊,非臣也。」」顧 「《春秋》絶筆於獲麟,即以是年夏有 魯三家與齊 語》曰: 而惜乎哀公之終不能用孔子也 則 ,求墮費、郈,而三子靡然聽從, 人敢正其罪 「陳恒弑其君,孔子請 舉而兩國之權奸皆有 陳氏 情事 加 刃於其君,未始非 相 ,故弗忍更書之。」 同,故不可夫子 加以樊遲、 豊空言而 討之。」 :所顧 氏 有 陳 棟

> 義曰:《史記· 逆 者,言臣當統於君也。 公所,宿齊戒,居外寢,沐浴。」是見君齊必沐浴也。 齊」爲言,明此文「沐浴」亦因齊而設。 禮於常朝不齊,此重其事,故先齊也。 芑,歸乎田成子!」」此史家從後記之,或「成」字誤衍爾 即 文》云:「「之三子告」,本或作「二三子告」,非也。」第二 也。 正義曰: 云:「沐,濯髮也。」「浴,洒身也。」○注「我禮」至「復往」○ 「不敢不告也」,皇本無「也」字。 文》引足利本同。下「告夫三子者」、「之三子告」並同。《釋 「告夫三子」,唐石經、皇本、高麗本「三」上有「二」字。 夫子之清議 陳恒謚也。 也。 《釋文》:「弑,本又作殺,同音試。」案: 注意謂夫子此語 有以維持之也。 其《世家》上文云:「齊人歌之曰: 齊世家》: 一君使往 ❶「田常卒,常謚爲成子。」是成子 是退 此 而 ○注「成子」至「沐浴」○ 春 復往 語 秋》之作,所爲不能 人 故《玉藻》云: 也。 」者,示君命己不敢 注據《左傳》「三日 「不當告三子」 皇本作「殺」。 「嫗乎采 《説文》 將 《考 以 IE. 已

子路問事君。子曰:「勿欺也,而犯

論語正義卷十七

其君」。 其君何足語仁義,是爲不敬」。 有犯而無隱。」若隱即爲欺矣。 又嫌其意不明,故更云「而犯之」。《禮・檀弓》云:「事君 又季氏伐顓臾,子路力未能諫止,故此告子路以「勿欺」,而 正義曰: 争。」正義曰:皇本「也」作「之」。 之。」【注】孔曰:「事君之道,義不可欺,當能犯 與此言「欺 注以「勿欺」即謂能犯顔諫争也。 一同也。 子路仕季氏,夫子恐其爲具臣。 又言「謂其君不能者、是賊 ○注「事君」至「諫争」○ 孟子言「齊人謂 顏 諫

乎耳,箸乎心,布乎四體,形乎動静,端而言,蝡而動,一可稱説以求知於人也。《荀子·勸學篇》:「君子之學也,人之。」注「爲己」至「言之」○正義曰:「徒能言之」,謂己但能人。」【注】孔曰:「爲己,履而行之,爲人,徒能言子曰:「古之學者爲己,今之學者爲

物也。諸文並與此注義合。

物也。諸文並與此注義合。

おの。

は爲法則。小人之學,人乎耳,出乎口。口耳之間則四寸以爲法則。小人之學,人乎耳,出乎口。口耳之間則四寸以爲法則。小人之學,人乎耳,出乎口。口耳之間則四寸以爲法則。小人之學,人乎其,出乎口。口耳之間則四寸以爲法則。小人之學,人乎其,出乎口。口耳之間則四寸以爲法則。小人之學,人乎其,出乎口。口耳之間則四寸以爲法則。小人之學,人乎其,出乎口。口耳之間則四寸以爲法則。小人之學,人乎其,出乎口。口耳之間則四寸以爲法則。小人之學,人乎其,出乎口。口耳之間則四寸以爲法則。小人之學,人乎耳,出乎口。口耳之間則四寸以爲法則。小人之學,人乎耳,出乎口。口耳之間則四寸以爲法則。小人之學,人乎耳,出乎口。口耳之間則四寸以爲法則。

玉。 【注】言夫子欲寡其過,而未能無過。 賓主禮也。「與」,猶授也。「夫子」者,大夫之稱。○注「伯 爲?」對曰:「夫子欲寡 玉衛大夫蘧瑗」〇正義曰: 者,善之也。言使得其人。」正義曰:孔子於衛,主蘧伯 曰:「使乎! 大夫蘧瑗。」孔子與之坐而問焉,曰:「夫子何 此時孔子去衛,伯玉使人來。 蘧伯玉使人於孔子。 【注】孔曰:「伯 使乎!」【注】陳曰"「再言『使乎』 《陳留風俗傳》:「長垣縣有蘧伯 其過 使雖微者,必與之坐,爲 而未能 使者出。子 玉,衛 也。

鄉,有 曰: 居修省不自滿假之意可見。 亦以此言「寡過」、「未能」非爲所受之辭,故爲使得其人也。 爲永歎之辭。」與此注違,亦未必合經旨。 曰:段氏玉裁《經 衹爲謙辭。 非。」觀此,是伯玉欲寡過而常若未能無過,亦是實語,其平 也。』《淮南子・原 於是之而卒詘之以非也。 論語 論衡 ·莊子·則陽》篇:「蘧伯玉行年六十而六十化,未嘗不始 吕覽• 成子。」〇注「言夫子欲寡其過而未能 「使乎! 「子曰:『誦《詩》三百,使於四 蘧 問孔》篇:「孔子曰:「使乎! 召類》注: 伯 曰:「非之者,非其代人謙也。」」此當時駮義,不 玉 ○注「再言使乎者善之也言使得其人」○正義 冢。 使乎!」言其當權事制宜,受命而不受辭。」 韵樓集》:「「使乎使」三字逗,下一「乎」字 道訓》:「蘧伯玉年五十而知四十 「伯玉,衛大夫,蘧莊子無咎之子瑗,謚 日 新 未知今之所謂是之非五十九 鄉 使者直對以實,能尊其主,非 有 蘧 亭。 方,不 使乎!]非之也。 疑 無過」〇正義曰: 蘧 能專對。」孔子 《漢書・藝文 本 以 邑 氏 九 也 説 年 非

曰 「君 子 子曰: · 思不 不不 出其位。」【注】孔 在 其 位,不謀 其, 曰:「不 、政。」 曾 越 子 其

> 其外。 職。」正 位也。」與此章義相發。 乎夷狄,素患難,行乎患難。 上不怨天,下不尤人。」鄭注: 位,不陵下; 亦未可知。」案:《禮•中庸》云:「君子素其位而行,不 子又引以證「不在其位」之語,故不署「象曰」、「子曰」二字, 疑《象傳》多『以』字,或古原有此語而夫子引以作象辭。 試,故藝。」」正同。」又曰:「「思不出位」係《艮卦》象辭。 故曾子引夫子贊《易》之詞以爲證。 素富貴,行乎富貴; 義 i 在下位,不援上。 毛 氏奇 齡《 稽求篇》: 素貧賤,行乎貧賤,素夷狄,行 「「不願乎其外」,謂思不出 君子無人而不自得焉。 正己而不求於人,則 「夫子既 此與牢曰「子云「吾不 言 位分之嚴 無怨。 世 其 上

「而」作「之」、「行」下有「也」字。
《禮・雜記》云「有其言而無其行、君子恥之」、《表記》云「君と,雖記》云「有其言而無其行、君子恥之」、《表記》云「君此與《里仁》篇「古者言之不出、恥躬之不逮」、語意正同。

自道也。」正義曰:「自道」者,言夫子身能備道也。《孟不憂,知者不惑,勇者不懼。」子貢曰:「夫子子曰:「君子道者三,我無能焉:仁者

子》引子貢語 也 ,以夫子「仁且知」爲 既 聖」,皆所謂 知 足知

作

責

【注】

孔

曰:「、

比

方 人

也。二子

俗易而意異也。〕案:《三國志・王昶傳》: 昶《戒子書》曰: 聞之事,有實有虚,或有妄謗人者,今世遂以謗爲誣類,是 語》:「厲王虐,國人謗王。」皆是言其實事謂之爲謗。 改,亦是諫之類也。」《昭四 謗人而自治。」孫氏志祖 也賢乎哉」,言汝己身果皆賢乎? 本作「謗」,謂言人之過惡。」盧氏文弨《考證》:「《古論 日 如此,況庸庸之德而輕毀譽哉?」❶以「方人」爲毀,是亦讀 子貢方人。 曰:「吾之於人,誰 曰:「不暇 方」爲 夫毀譽,愛惡之原而 庶人謗」。 ·謗」字作「方」,蓋以聲近通借。 子 賜 「謗」,用 也 比 《正義》云:「謗謂言其過失,使在上聞之而自 賜 方 賢乎哉? 方人也。」正義曰:《釋文》云:「「方人」,鄭 也賢乎哉? 鄭義 毀誰譽。 也。 禍福之機 《讀 暇」者、《説文》云「閑也」。 我則不暇。」以聖人之德 如有所譽,必有所試。]又曰: 年傳》: 書脞録》説此文云:《左傳 夫 也。 子貢言人過惡,故子曰「賜 我 而謗人也, 夫我則不暇 則 是以聖人慎之。 『鄭人謗子産。』《國 不暇。」【注】孔 皇本 ,猶當 孔子 但傳

> 夏孰愈。夫子亦未斥言不當問,是正取其能比方人也。 方者。」是「方」訓「比」也。 文何反譏之? 爲學道之益。 也」〇正義曰:《莊子・田子方》篇:「魯多儒者,少爲先 「賜也賢乎 我夫哉, 夫子嘗問子貢 注説誤。 我則不暇」,文有誤。 學以相俌 與回 孰 而成,故朋友切磋,最 愈、又子貢問子張、子 ○注「比 方 此 生 人

也。」【注】王曰:「徒患己之無能。」正 「患己無能也」。 子曰:「不患人之不己知,患 義曰: 其 皇本 不 能

《荀子·非相篇》: 禮 • 傳》:「上以方進所舉應科,不得 爲賢乎? 或 者,是賢乎?」【注】孔曰:「先覺 此文意同。 注:「逆詐者, 曾子立事》篇:「君子不先人以惡,不疑 子曰:「不逆詐、不億不信、抑 「先覺」者, 詐與不信, 未容施行, 已覺之也 謂 時反怨人。」正義 以 聖人何以不欺? 詐 意逆猜 人也。 用 逆 曰:《漢書 曰 : 詐 逆, 人情 廢 聖人者,以己度 正 迎 人以不信。」與 古,是 法。」 也。」《大 亦 翟 顔 先覺 常 方 師 戴 能 進 古

德」,據《三國志》當作「徒」。

0

者 氏文弨《考證》:「古「怨」與「寃」通。」 謂「反受怨責」,非也。 以「先覺」即逆億,故云「是安能爲賢乎」。 「反怨人」,皇疏 物而不惑,以此度之。」〇注「先覺」至「怨人」〇正義曰: 也。 度 也。 故以人度人,以情度情,以類度類,以説度功,古今 類不悖,雖 久同理。 《釋文》云:「「怨」,本或作「冤」。」盧 故鄉乎邪曲 而不迷,觀 于雜 注

與 ? 發 鄭作「丘何是」,本或作「丘何爲是」。」「栖栖」者,邢疏云「猶 煖。」李善注:「棲遑,不安居之意也。」《詩・六月》云: 得言棲。 而 皇皇也」。 名,當以齒長故也。 名。」孔子曰:「非敢爲佞也,疾固 曰:「病世固陋 六月棲棲。」毛傳: (碑)作 (A) 故因以爲東 (A) 之 (A) 。 字,則 微生畝謂孔子曰:「丘何爲是栖 無乃爲佞乎?」【注】包曰:「微生姓,畝 「西遲」。 《文選》班 案《説文》:「為,鳥在巢上也。 栖 ,欲行道以化之。」正義曰: 毛傳:「棲遲,遊息也。」凡人行緩急,皆 亦「心」或體也。 《釋文》云:「「丘何」,或作「丘何爲」, 固《答賓戲》曰:「棲棲遑遑,孔席不 棲棲,簡閱貌。」義亦同。 棲,爲或作木妻。」●「棲」與 《詩》「可以棲遲」,漢《嚴 象形。 也。」【注】包 夫子周流無 微生稱夫子 日在る 栖 者 方

> 日: 字。」翟氏灝《考異》引鄭曉説,以畝、高爲一人,畝名,高字。 行道以化之,不得不干人主。 但爲口才以説時君,故曰佞也。 愚未敢以爲然。 表》作「尾生晦」,師古曰: 已,不安其居,所至皆以禮義之道陳説人主。 「對」字。 · 愛類》篇:「賢人之不遠海内之路 ,非以要利也,以民爲務者也。」 「固陋」者,昧於仁義之道,將以習非勝是也。 ○注「微生姓畝名」○正義曰:《漢書·古今人 ○注 病 世固陋 即微 此自明栖栖之意。 「孔子曰」,皇本「曰」上有 欲 生畝 行道以化之二〇正 ,而時往來乎王公之 也。 「晦」,古「畝」 微生疑夫子 《吕氏 夫子 欲

馬也。」《莊子・馬蹏》篇釋文:「驥,千里善馬也。」謂驥 威儀。』《集解》節引此注,文不備耳。《説文》云:「驥,千里 異。 日 鄭注云:「驥,古之善馬。德者,謂有五御之威儀。」與此 日: 行千里,此其力也。 當云:「驥,古之善馬。 「徳者、調良之謂。」 子曰:「驥不稱其力,稱其德也。」【注】鄭 《周官 正義曰:《太平御覽》四 德者,調良之謂,謂 保氏》職「五馭」, 有 鄭司 百三 五御之

朝 秋

⁰ 作」《説文》作「從」。

謂御者之容。驥馬調良,能有其德,故爲善馬。人之稱之云:「五馭:鳴和鸞,逐水曲,過君表,無交衢,逐禽左。」此

當以

以 或終于不報。 忍而不報。 此告或人以報怨之道宜以直也。 則民有所勸; 報徳。」正義曰:「報」者、《廣雅・釋言》:「報,復也。」《玉 情者,亦何所取哉? 時之可報而報之耳。 又云「以怨報 身之仁也,以怨報德,則刑戮之民也。1又曰:「以 德。」此朱子所指。 寬身之仁」,所謂厚於仁者也。 老子書》。」案:《道 報 人之性情,未有不樂其直者。 德 ? 或 Ħ 夫含忍而不報,則其怨之本固未嘗去,將待其 也,答也。」朱子《集注》云:「或人所稱, 【注】德,恩惠之德。 怨」矣。 以怨報怨, 是其人之於世,必以浮道相與, 以 《禮 「德經》「恩始」章:「大小多少、報怨以 德報 至於蓄之久而一發,將至於不可禦, 以 吴氏嘉賓《説》: •表記》:「子曰:「以德報怨 直 則民有所懲。」」與此章義 報怨,凡直之道非 怨,何如?」子 雖是寬仁而 以直不必不怨,故《表記 至於有怨,則欲使之含 以 以 直報怨 直者不 不可 一,視吾 · 日: 「. 無所用其 德報 爲 匿 以 法,故 相 ,則寬 今見 怨而 心 德, 發。 何 德 何

> 教人以德報怨,是教人使爲僞也。 以理勝之者,亦直以其心之能自勝也。 報德者曰「以德」,欲其心之有餘德也。 之,德期於不忘,故報怨者曰[以 忘怨而不報之,亦直 如 耳。 吾心不能忘怨,報之直 也,雖不報,固 也 既 直」,欲其心之無餘怨 烏乎可?」 非 報 有所 則 直之反爲僞。 其心不能 可 匿 矣。 以 忘 怨期 矣。 忘怨,而 於忘 苟 也 能

也。 學而 「孔子不用於世而不怨天,人不知己,亦不尤人。」下 故問。 年春,狩于大野。 子立文垂制以教萬世,故儀封人言「天將以夫子爲木鐸 視之,曰: 夫子當衰周之世,天未欲平治天下,而但生德於己,正使夫 世人莫我知故也。 知 其莫知子也?」【注】子貢怪夫子言何爲莫知己 曰 唯天知己。 我者,其 包氏慎言《温故録》:「《史記・孔子世家》:「哀公十四 子曰:「莫我知也夫!」子貢曰 上達。【注】孔曰:「下學人事,上知天命。」 子曰:「不怨天,不尤人。【注】馬 麟 也。」取 天乎?」【注】聖人與天地合其德,故 正義曰: 叔孫氏車子鉏商獲獸,以爲不祥。 鄭 之。 注云:「尤,非 「莫我知」者,夫子歎己不見用,由 曰: 「河不 出 也。」「尤」即 圖 洛 不出書,吾已 :「何爲 就 曰: 仲尼 省

乎? 矣夫! 事而已矣。」」」又云:「仲尼悼禮樂廢崩,追修經術,以達 聞前哲首務,務于下學上達,佐國理民,有云爲也。」是上達 取則,故曰「下學而上達」。 乎?」據《史記》此文,「莫知」之歎,蓋發於獲麟之後。 子?」子 動 此天之知夫子也。於是喟然而歎曰: 『天以至明爲不可蔽 貶纖介之惡,人事浹,王道備,精 下之民各得其所,而道不行。 道,此上達之義也歟?《春秋》本天以治人。 年之中,以爲天下儀表。 者,謂達於佐國理民之道。 則「不怨天」者,知天之以己制作爲後王法也。 衰道廢,孔子知言之不用,道之不行也。 者,人事之厄,天所命也。 道窮矣! 春秋》,罪 説苑• ?」天地而尚有動蔽,是故賢聖説於世而不得行其道,故 至公》篇:「夫子行説七十諸侯,無定處,意欲使天 何爲 顔淵死,孔子曰:「天喪予! 曰:「不怨天,不尤人,下學上達,知我者其 」喟然曰: 我者其惟《春秋》,故曰「知我者其天乎」!」案: 而 食? 「莫我知也夫!」子貢曰:「何爲莫知 地以至安爲不可危乎? 貶天子,退諸侯,討大夫,以 達,通 孔子在庶,而褒貶進退,王者所 史公《自敘》曰:『董生云: 退而修《春秋》,采毫毛之善 和聖制,上通於天而麟至 也。 」及西狩獲麟,曰: 張衡《應間》曰:『蓋 是非二百四十二 知我者其惟 『不尤人』 地何爲 達 一周 一吾 然 天 王 Ŧ. 而

> 災異 其德」○正義曰:《易·文言傳》文。 於天道而畏威。」此雖譬引之辭,然亦謂人君精誠格天,則 意同。 作《春秋》之旨。 知 自降之福。是「上達」爲上通於天也。 人君下學而上達,災消而福興矣。」顔師古注:「上 道」,即是上通於天也。 云:「「下學上達,知我者其天乎?」 通精曜 我者其天乎?」亦以此節爲獲麟 並作也。 蓋《春秋》本天治人。 夫子曰: 學通於天,故惟天知之。 《漢書 「不怨天,不尤人。 包説「夫子上達於佐國理民之 五行志》: 而發。 ○注「聖人與天地合 《論語 「劉向以 也。」與 「下學上 下學 撰 而 達,謂 《説 考讖》 爲,如 達」爲 上 達。 苑 通

也 於公伯寮,吾力猶能肆諸市朝。」【注】鄭 孔 譖 之。有罪既 「夫子固有惑志【注】孔曰:「季孫信讒,恚子路。」 吾勢力猶 也。 曰:「魯大夫子服 與,命也。 公伯寮愬子路於季孫。【注】馬 伯察,魯人,弟子也。」子服 能 刑,陳 辨 道之將廢也與,命也。公伯寮 子 路之無 其尸曰 何忌也。 罪 肆。」子曰: 於 季 告,告孔子。」曰: 孫,使 景伯以告【注】 之誅察 道之將 曰: 而 曰: 愬 行 肆

後謂之命也。

君子以義安命。

故其

心常泰;

小人以智力争

0

施,而

人嘗以智力知命矣,力不能争,則智邀之,智力無可

當然而 子路而·

不

可

違者,義

也。

天道之本然而

貧富貴賤

天未欲行道,此自命所受宜然,非關寮愬。

言此者,所以

止景伯之憤也。

行廢皆天所命,若天不廢道,雖寮有愬,季孫且不聽之。 使之,今子路被愬,是道之將廢,而己亦不能安於魯矣。

也。

命不可知,君子當以義知命矣。

命所不有也。

故進而不得於命者,退

而猶不失吾義也。

凡義所不可,即以

當時必謂子路此舉是彊公室,弱私家,將不利於季氏,故季 也。」是「於公伯寮」四字當連上爲句、言夫子疑於寮之言 得失死生之有所制而不可彊也,君子與小人一 「將行」、「將廢」者,子路墮都是夫子 張氏爾岐《蒿庵閒話》云:「人道之 皇本於「公伯寮」下有「也」字。 不可争者,命也 有惑志 _, 並 • 仲 理。 語 若 然 小 爲 慰 信 聖門蟊螣,請罷其從祀。 後安之。故聖賢之與衆人安命同也,而安之者不同 爲準也,而以義爲準,故雖力有可争,勢有可圖,而 伯 曰:《世本》: 無公伯寮,有申繚字周。 字子周。」不云「魯人」。 注「伯寮魯人弟子也」〇 命,不必一於義也,而命皆有以制之。 故聖賢之於命,一於義者也。 爲請也,亦曰「義所不在耳」。 之可緣也。 於公伯寮,未嘗無景伯之可恃也。 之,曰[義之所不可也]。義所不可,斯曰命矣。 無可奈何,而後安之者也。 命,故其心多怨。 伯寮」者,猶「冶長」、「馬遷」之比。 生景伯。」則景是謚也。 臧氏庸《拜經日記》譏其僞造,是也。 孟子之於臧倉,未嘗無樂正子之可力爲辨 「獻子蔑生孝伯,孝伯生惠伯,惠伯生昭 衆人之於命,亦有安之矣。 或馬別有據也。 正義 ○注「魯大夫子服何忌也」○正 蓋以申繚 邢疏: 聖人之於命安之矣,實 曰公伯 安義,斯安命矣。 義所不在,斯命所不 「《左傳》哀十二年:❶「吴 於衛卿,未嘗無彌子 一人當申堂、公伯寮 《弟子傳》:「公伯 ,複姓,見《廣韵》。 制之至無可 《家語·弟子解 明程敏政以 大約 衆人之於 故 也。」〇 奈何 孔子 退 不 皆 有 伯 以 僚, 知 而 矣。 其

之。

朱子《或問》以爲在墮三

都、

出藏甲之時,説

頗

近

也。 僚

疑

寮

即是疑子路。

子路以忠信見知於人,不知寮何所得愬,而季孫且

通用字。

「夫子」,謂季孫。《弟子列傳》:「夫子固

尼弟子列傳》作「僚」、《索隱]

》引别本又作「繚」、作「遼

有公伯寶。」今作「寮」。《九經字樣》謂爲隸省。

《史記

孫

有惑志。

夫子言道

其如

命何?」正義曰:《説文》:

寶,從穴)。

《論

「二」,據《左傳》及阮元《論語校勘 記 》當作「三」。

四六七

刑 與《論語》注同。《魯語》云「大刑用甲兵,其次用斧鉞, 子南于朝,三日,子南之子棄疾請尸,亦以陳尸三日故 注 陳之原野,小 而妻妾執。」」注:「肆,陳尸也。 不肆,是周制殺人有陳尸三日之法。 戮》云:「凡殺人者,踣于市,肆之三日。」惟殺于甸師氏 日。」《縣士》云:「協日刑殺,各就其縣,肆之三日。」又《掌 三日。」又《遂士》云: 然後使季孫誅寮,以國之常刑殺之也。 力能與季孫言也。「辨子路之無罪」,欲令季孫知寮之愬 士,止應云「肆諸 漢《魯峻石壁畫七十二子象》有子服景伯。 檀号》: 鄉士》疏引《論語》注云:「大夫於朝,士於市。 説文》「肆,極陳也」。 曰肆」○正義曰:「勢力」者,言景伯是孟孫之族,當有勢 何,景伯名。」然則景伯單名何,而此 用刀鋸,其次用鑽管, 「其死刑,大夫以上尸諸朝,士以下尸諸市。 囚 景 「杞梁之妻曰: 「君之臣不免於罪,則將肆諸 伯 者 致之市 市」,連言朝耳。」此鄭注文爲《集解》删佚。 伯 曰: 「協日就郊而刑殺,各於其遂,肆之三 《周官· 朝。 「何 薄刑用鞭朴,以威民也。 Ŧī. 也 刑之次,① 鄉士》云:「協日刑殺、肆之 立 大夫以上於朝,士於 後 故《左傳》載楚殺令尹 於魯矣。」」杜 注云「何忌」,誤 「陳其尸曰肆」者 是 無 ○注「吾勢」至 隱 三處:野 公伯寮是 也。」韋 故大者 注 市 市。」 也。 굸: 朝 也 昭 中 者

> 弓》 疑。 《王制》云:「刑人于市、與衆棄之。」無殺人于朝及肆朝之 朝後市,市朝一夫」、《周官・郷師》「以木鐸徇于市朝」、《檀 元公舊典也。 不言「肆朝」,或以事不經見,故不載之,抑後周所增制 地刑之肆之,未爲不可。」此説深爲得理。 而 者,❷與《魯語 與 文,説者以《王制》爲殷禮。 市,亦以安于職卑。 孔 朝 止言「肆市」,不言「肆朝」。 郤于朝,明以職尊故肆朝也。 苟有重罪宜肆者,則士肆市,大夫肆朝,而士以下各于其 有爵者,則殺之于甸師氏。」「有爵」當謂大夫以上職 疏即云「以其賤故也」。 市。 遇諸 毛氏奇龄《經問》謂: 章與鄭 市朝,不反兵而鬭」、《奔喪》「哭辟 又案: 》及《論 同。 據《左傳 古人言「市朝」有二 是鄭以大夫肆朝、士肆 語》、《左傳》之文不同。 其後董安于 「刑士於市,刑大夫于甸 然《周官》鄉、遂、縣士及掌戮 且《掌戮》又云:「唯王之同 》楚殺令尹子 若晉尸 縊 雍 解:《考工記》「面 若然,則《周官 子與 而 南 市朝」、《孟子 死,趙 市 于朝,又晉尸 説者多以 有明徵 叔魚于市 孟尸諸 師 矣。 非 氏 爲 尊 族 亦

0

^{● 「}之」,孫校改作「三」,據《國語》孫校是。

上,云謂大夫以上,非鄭義。」「且掌戮」至「職尊者」,孫校:「《掌戮》有爵,謂命士以

次、介次也,若今市亭然。」此即是「市朝」,與《論語 量度禁令,以次敘分地而經市。」注云:「次,謂吏所治舍思 夫」,未知所本。 「若撻之于市朝」、《史記・ 市朝」爲二,各别也。 市中 官治之所。 公伯寮是士, 《司市》云: 孟嘗君列傳》「日暮之後過市 而 「掌市之治教政刑、 《廣 (韵)稱 爲「魯 此 大 文 朝

上,違 從辟人之士也,豈若從辟世之士哉?」「辟人」即「辟色」,當 高注引此文、「辟色」作「避人」。《子華子・神氣》篇 秋·先識覽》:「凡國之亡也,有道者必先去,古今一 子,所去三」,亦云「其次」、「其下」與此文義同。《吕氏春 辟,有此四者,當由所遇不同。《孟子・告子下》言「古之君 其次辟色【注】孔曰:「色斯舉矣。」其次辟言。」 時兩稱之。 「違世」、「違地」、「違人」。 【注】孔 而 避」。 臣。」其次辟地、【注】馬曰:「去亂 1地、違人皆其次,似以優劣論之,與《論語》意不同矣。 《説文》:「避,回也。」《蒼顏篇》:「避,去也。」賢者所 子曰:「賢者辟世、【注】孔 曰:「有惡言乃去。」正義曰:「辟」,皇本作 高誘或亦隨文引之耳。 後篇桀溺謂子路曰:「且 《子華子》以違世爲大 曰: 國, 世 適 主 治 而 邦。」 莫 與 亦 也。 得 其 言

之「作」。 主也。 《管子·宙合》篇:「賢人之處亂世也, 朱張、柳下惠、少連也。」《後漢書·黄瓊傳》注引注云云,即 之誤也。」皇疏引王弼曰:「七人,伯夷、叔齊、虞仲、夷逸' 連,辟色者,荷蕢、楚狂接輿,辟言者也。 「七」當爲「十」字 齊、虞仲、辟世者, 同,此注無所分别,當以義難定故也。 義曰:復稱「子曰」者,移時乃言也。 「作」,如「見幾而作. 沮、桀溺、丈人、石門、荷蕢、儀封人、楚狂接 矣。」【注】包曰:「作,爲也。 言,謂不善之言,或言有失禮也。 國如錙銖,不臣不仕。] 〇注「有惡言乃去」 〇 注「世主莫得而臣」〇正義曰:世主,謂當世之主,明 其爲不利彌甚,故退身不舍端,修業不息版,以待清明。]○ 僇,而功澤不加,進傷爲人君嚴之義,退害爲人臣者之生. 可以無及於寒暑之菑矣,非爲畏死而不忠也。 抑以辟罰,静默以侔免。 爲之者」謂爲辟世、辟地、 《儒行》云:「儒有上不臣天子,下不事諸 ○注「作爲」至「接輿」○正義曰:「作,爲」,常訓 荷蓧、 辟之也猶夏之就清,冬之就温焉, 長沮、 辟 色、辟 桀溺,辟地者; 爲之者凡七人,謂 子曰 言者也。 知道之不可行 鄭注云:「伯 作 七人所爲 夫强言以爲 Ē 柳下惠、少 者 侯。 義 曰: 輿。」 夷、叔 七 則 雖 非 長 惡 不 Œ 分 沈

又改「七人」爲「十人」,世遠義失,難得而折衷焉。弼所本。陶潛《群輔録》數七人,前説本包,後説本王、鄭。《風俗通・十反》篇:「孔子嘉虞仲、夷逸,作者七人。」即王王弼説。蓋鄭、王據孔子以前人,包據孔子同時人。應劭

開閉 子知 注。 開閉者,故其職云「掌授管鍵」 東,而 外門也。 者,子路時自魯外出,晚宿石門也。 【注】晨門者,閣 官》司門是下大夫,又每門下士二人。 夫授之下士。然則此「晨門」即謂下士在門開閉者矣。 《説 有 釋地》謂 洙水北流,逕孔里,又西 是知其不可而爲之者與?」【注】包曰:「言孔 七門,次 也。」文小異。 又《張皓王龔傳論》注引《論 世 南人石門。 子路宿於石 不 晨門,主晨夜開閉者。」此引見《後漢書·蔡邕傳》 此即子路宿處是也。 南第 可爲而彊爲之。」正義曰:「子路宿於石門」 二門 人也。 門右結石爲水門,跨於水上。」閻 外門,當謂郭門也。 名石門。」此似指城 門。 子路曰:「自孔氏。」曰 南,枝津出焉。 ,以啟閉國門」。 《太平寰宇記》: 晨 語》注: 門 鄭注云:「石門、魯城 賈疏謂下士是 曰:「奚自?」 《水經·洙水 「晨,主守門,晨夜 門, 又西南逕瑕丘 「授」者,下大 恐未然。 「古魯城 氏 ※ 注: 在 若 《周 門 凡 城 璩

> 即 即此意。 易也。」「易」者,治也。 文 ※: 疏:「昏時閉門,則此名閽人也。 篇夫子云:「吾非斯人之徒與而誰與? 者,謂知世衰亂不可與共事,而猶冀己見用爲治之也。下 守石門。」皇本「晨門」上重「石門」二字。 司城郭諸門 人》:「王宫每門四人。」注云:「閽人,司 以居相近,人所習知,故不舉名字也。 士傳》:「石門守者,魯人也。 詁》:「晨,早也。」晨門職司晨夜之啟閉,故稱「晨門」。 | 晨門] 也。 閣 人也。 「晨,早 ○注 皆以時事爲名耳。」案: 則名司門。 昧 「晨門者閽人也」〇正 爽 也。 言丘之與易,正以天下無道之故 從 注以閽人例 臼 亦避居不仕,自隱姓名,爲魯 辰。 晨時啟門,則 辰 閽 「晨門」,非謂「晨門 人爲主宫門之稱,若 「知其不可 時 義 昏晨以啟閉者。」 天下有道,丘不與 「孔氏」猶言孔 也。」《爾 曰:《周 《論語 而爲之 雅 官 》謂之 《高 曹 閣 釋

已。 己 曰 心,謂契契然。 知也,斯己而已矣。【注】此磴磴者,徒信己 :「有心哉,擊 言亦 子擊磬於衛,有荷 無益。 既而 深則厲, 磬乎 曰 : ! 【注】蕢,草器 鄙 蕡 淺 而過孔氏之門者, 則 哉,硜 揭 。」【注】包 硜 乎 也。 日 有 莫

末之難矣!」【注】未知己志而便譏己,所以爲果。 《孟子・告子》云:「我知其不爲蕢也。」趙注:「蕢,草器。」 《論語》注云:「子擊磬者,樂也。蕢,草器也。 中文也。「孔氏」,皇本作「孔子」。《御覽》五百七十六引 爲辟地,不爲辟世,或隨文變稱與? 織草爲器,所以盛土也。」上篇言「爲山,未成一簣」,「蕢」、 人辟世也。「有心哉」,善其音有所病於世。」不言注爲何 義。《説文》:「 , 古文)。 文》:「「荷蕢」,本又作「何」。」《漢書・古今人表》作「何 末,無也。無難者,以其不能解己之道。 人,諸家皆以爲鄭注。 、漢書・何武等傳贊》:「以一蕡障江河。」李賢注:❶「蕡. 病」猶患也 簣」同。 以衣涉水爲厲。 其 必以濟。 又「磬,樂石也。 《説文》「何,儋也」。「何」本字,「荷,夫蕖葉」,别 (本在人心之感於物也。) 夫子感時衰亂,其心 注云「荷此器,賢人辟世者」,鄭注上章以 知其不可,則當不爲。」子曰:「果哉 憂 也。 揭,揭衣也。 象縣 虡之形,殳擊之。籀文省爲殸。」 禮 《説文》:「擊,攴也。」「攴」即「扑. 樂記》云: 《論語》有荷史。」則許所見 言隨 「樂者,音之所 「有所病於世」者: 世以行己,若過 正義曰: 荷此器,賢 「荷蕢 寓於 由 《釋 生 壁 0

水

也。 音。 言其所見小也。《檀弓》「末之卜也」,曾子曰「微與」,詞 考證》:「「果哉」六字爲句,自成韻語。 **蕡之言,亦「天下有道則見,無道則隱」之意。** 己」同。」唐石經尚不誤。「斯己」者,言但當爲己,不必 荷蕢有「莫己知」之語。」《釋文》:「「莫己」,音紀。下「斯 家》繁此事於三至衛時。 云: 知」者,言人莫知夫子而用之也。 「磬」。然則磬是以聲名之矣。《釋名・釋樂器》: 於哀心,其聲衰減,抑而不揚,故荷蕢以爲鄙也。 又有言也。 人,即孟子所云「獨善其身」者也。 朱子《集注》讀「斯己」爲 「鄙,否也。 以」,非是。 「硜,古文磬。」《史記・樂書》:「石聲硜。」今《樂記》作 鄙,狹也。」《樂記》云: 「噍,踧也。」踧,猶踧踖,不安舒之貌。 其聲罄罄然堅緻也。」「罄」與「磬」、「硜」並通。「莫己 荷蕢聞知其聲,故善之也。 「鄙哉硜硜」者,謂音也。 小邑不能遠通也。」趙岐《孟子· 「深則厲,淺則揭」、《衛詩・匏有苦葉》文。 「其哀心感者,其聲 蓋靈公老,怠於政,不用孔子,故 「既」,終也,卒也。 翟氏灏《考異》云: 《釋名・釋州國 「末」,無也, 殺,減 朱氏彬《經 噍以 盡 《説文》: 也。 心 殺。」注 言荷蕢 蔑也。 **√** 世 注: 意 傳 爲

「李賢」,據《漢書》注當作「顔師古」。

本三家 則揭。 《廣雅・釋訓》:「絜絜,憂也。」「絜」、「契」同。 義矣。 磬聲也。 適 濟 揭 第 以上爲涉,繇帶以上爲厲。」《爾雅》釋「厲」字具二義, 爲」○正義曰:《爾雅・釋水》云:「濟有深涉。 己,人不能知而用之,故不能有益於人。 硜者徒信己而已言亦無益」○正義曰:「此硜硜 惲人。」毛傳: 心謂契契然」○正義曰:《詩・ 其言,無所復 皆 涉」同。 水、深則厲、淺則揭矣。」《後 淺深之宜。 即即 相 ,隨時爲義。」 義也。 類。」戴氏 是「由膝以上」,即是「以衣涉水」,則鄭同包 謂 《説文》: 揭者,揭衣也。 别 「徒信己」,即釋「斯己」二字,言夫子止可自信諸 必以 孫 炎注《爾 鄭注 義,亦得 往,行道難矣。」案: 此法濟 「契契,憂苦也。」《擊鼓》傳:「契闊,勤苦也。」 望《論 0 厲 「砅,履石渡水也。」引《詩》「深則砅」, 注 云: 揭皆視時所宜,無 語 「未知」至「之道」() 雅》云: 也。 通也。 由 以衣涉水爲厲,繇膝以下爲揭 注》云: 言夫子知世 膝以上爲厲。」「由膝以 《詩》毛傳云:「遭 以 大東》云:「契契寤歎 漢書 果,信 衣涉水,濡 朱、戴説皆通。 不可 也。 張衡傳》: 定 ○注「以衣」至 Œ 也。 之,往 而猶爲之,不 義 褌 也。」水 三 三 : 注 ○注 時 深則厲,淺 者」, 也。 「深 云「必 制 0 Ĺ, 「果」與 用 注 宜 此 厲 但 包 哀我 此 繇 第 亦 信 如 如 示 有 以 當 與 用 膝 謂 淺 濡 硜 如

> 以已耳。出處之際,夫子以道爲衡,若但如涉水之厲揭,則 言「天下有道,丘不與易」,是其不能忘天下,正以世亂不可 亦無所難矣。 言,不知己志而輒譏己,是爲果也。 【惈」同。 孫 炎《爾 此正荷蕢不能解夫子之道也。 雅 ※注: 果, 決 之勝 「末,無」,常訓。 也。」夫子 以 荷 夫子 所

丁也。 明,於是乎 篇,誤矣。 亦其文也。《坊記》篇:「高宗云:「三年,其惟不言,言 闇。」」是此《書》文在《説命》篇。《禮記• 何爲梁闇也? 伏生《大傳・説命》篇: 言。』何謂也?」【注】孔曰:「高宗,殷之中興王武 也,若不言,是無所稟令也。」武丁於是作《書》,曰 氏聲《尚書集注音疏 讙。」」鄭注:「高宗,殷王武丁 《尚書 子張曰: 諒,信也。 説命》篇也。 《楚語》白 三年 傳 曰: ·默以 「《書》云:『高宗諒 陰,猶默也。」正義曰:「《書》云」者 》未撿伏傳,遽以此文立《高宗之訓》一 思 公曰:「昔殷 稱高宗者、《説命》,高宗所作 『高宗居凶廬,三年不言,此之謂梁 「《書》曰: 道。 卿 也。 士患之,曰:『王言以 『高宗梁闇,三年不言。 武丁能 名篇 在 喪服四 聳 陰,三年不 尚 其德 書 制 至于 也。 》所 「以 出 引 神 江 在 乃

梁。 之。

奇《禮説》:

「葛洪曰:

於地,

所

横

既葬,則翦去草,以

作「涼」,亦叚借

也。

亮」、作「諒」皆叚借。

也。」誅茅爲屋

,謂之翦

屏 一音。

非

庵 廣

而 雅

何?

庵」讀爲「陰」,

庵

與廬

省

含也。

倚

0 0

南

爲「任」,古今異

名》曰:「草圓屋曰蒲,又謂之庵。

庵,掩也,所以

自

覆

掩

有梁者,所謂柱楣也。」如鄭此説,是伏傳作「梁」用正字,作 王四方,●余恐德之不類,兹故不言。」」如是,而又使以 云:「三年之禮,居倚廬,柱楣。」注《喪服 曰:「以余一人正四方,余恐言之不類也,兹故不言。」」皆 説命》佚文。《書·無逸》云:「其在高宗,時舊勞於外,爰 既葬,泥之,障以蔽風。」愚謂古之闇,今之庵也。 楣謂之梁,闇,讀如「鶉鶴」之「鶴」。 即位諒闇,三年不言。卿大夫恐懼患之。高宗乃言 作其即位,乃或亮陰,三年不言,言乃雍。」此 『横一木長梁于東墉,下著地,以 闇」從「音」,與「陰 又《漢書·五行志》、何休《公羊》注 「人主之言,不可不懼。❷ 短柱拄起長梁,謂之柱楣,楣 賈、唐云: 楣謂之梁,闇 「諒闇 「《書》,《説命》也。」 四 一聲最近。 制》云:「諒,古 ,謂凶廬也。」其 闇謂廬也。 間調廬 高宗,天 惠氏 也。」又 亦 草 《釋 象 被 廬 士 本 倚廬」。 木 内東壁下爲廬。」然則廬是倚木爲之,别以 聲,又不欲居故處,居中門之外,倚木爲廬,質反古也。 之嚴。 練壘之,加堊,既祥,又加黝,總謂之廬。 蓋柱楣倚壁爲一偏,壘墼成屋爲兩下。 也。 廬不塗,既葬塗 以上承所倚之木,即葛洪所謂 曰:「天子七日,公諸侯五日,卿 在門内何? 通 廬爲堊室。 曰:「高宗有親喪、居廬三年。」此之謂也。 而後事行,及身自執 室,何也? 兩旁出入,或以苫蔽其一旁耳。 喪服》篇: 先泥之,次乃飾以白灰。」康成謂「堊室者,壘擊爲之」。 百官備,百物具,不言而事行,非親且貴者乎? 於中門外東牆下户北面,練居堊室,無飾之室。」又 堊猶廬也,焉用毀哉? 曰 戒不虞故也。 非親且貴者不廬。 「所以必居 廬。 塗近乎堊。 事 而 倚廬何? 後行者,故不廬 故《禮 「下著地 《釋名》曰: 大夫三日 廬 既葬,則以 閒傳》曰「父母之喪 然則大夫居廬,士居 ,嚴者也。 孝子哀,不欲聞 」者也。 然則既葬除之,既 而 也。」案:《白 故《尚 唐禮,小祥, **三堊**,亞 木横臥 服成,居 短柱將 不言不笑 孝子於所

作梁。

説命》篇言高宗之事。

鄭注此云:

無逸》注云:

「諒闇

,轉作梁闇。

子也。

書大傳

毁

也,次

日氏春秋·重言》篇:

水四方之賢聖,得傅説。

人之

虎 言 謂 堊

居

不

王」,據《國語》當作「正」。

據《吕氏春秋》當作「慎」。

《孟子・ 嘗言國事, 居喪之禮。 有楣也。 臥 怪之也」。 必 無背叛之心。」由《大傳》言觀之,高宗深悉民情,當時冢宰 時,盡以知天下人民之所好惡,是以雖不言國事也,知 承之以謙也。《大傳》云:「高宗有親喪,居廬三年。 戒,此時勢之異,非得已矣。 服 喪,言而不語,對而不問」,此所言謂喪事。《喪大記》、《喪 言。」此自卿大夫以下與賓客之禮。 不言而事行者,扶而起」, 幽闇之處」,此望文爲義,非 者,鄭注《檀弓》云 「不言」者,不言政事也。 四制》又云: 四 於地之長梁拄起,若爲半 亦能不失民好惡,故能守禮,不亟言也。 制》、《既夕記》並謂父母之喪,「非喪事不言」是 五月者,定公葬時也。 滕文公》篇:文公居定公之喪,「五月居廬,未有命 梁闇以喪廬稱之。《文選・ 則此言「何謂」, 而天下無背叛之心者,何也? 而高宗謂「恐德不類,故不言」者,自辟孝名 「斬衰之喪,唯 「時人君無行三年喪之禮,問 《喪服四制》謂 則 亦是怪而問之,以起夫子之教 古訓 屋 若然,三年不言政事,乃天子 五月未有命戒,則既葬後 謂 而 然。 天子 不對。 也。 則 諸 閒居賦》注以 若《雜記》云「三年之 所謂 「三年」者,喪期 侯居喪皆不言 齊衰之喪,對而 「百官備,百物具 柱楣 子張問 及其爲大子之 者 有 謂 爲「寒涼 此 何 然未 與? 天下 有命 有 也。 謂 矣。 也。 而 不 柱

紀》: 之。 也? 宗 ? 高宗承敝而起,盡涼陰之哀,天下應之也。」是高宗爲殷之 殷道復興。」又《漢書・五行志》云:「劉向以爲殷道既 故《書》載高宗,深美之。「君薨」者,《曲禮》云:「天子死曰 宗之先,殷道稍衰,或不能守不言之禮,至高宗慈良於喪 政。」正義曰:「古之人皆然」,謂皆諒闇三 「冢宰,天官卿,佐王治者。 闇」,解爲「喪廬」,不用其師説也。 此但釋「不言」之義。 此僞孔所本。 注云:「亮,信· 中興王,故《孟子》言「武丁朝諸侯,有天下矣」。 位,而慈良於喪,當此之時,殷衰而復興,禮 諒闇,三年不言」,善之也。 也。 曰:「己,百官。」以聽於家 善之,故載之《書》中 〇注 「帝小乙崩,子帝武丁立。 曰 : 古之人皆然。 高宗者,武丁。 「高宗」至「默也」〇正義曰: 《楚語》言高宗云:「於是乎三年默以思道。 也。 陰,默 其不言在居喪時,故鄭從伏傳作 也。 武丁者,殷之賢 而高之,故謂之高宗。」《殷 君薨, 王者莫不行此禮,何 爲聽於冢宰,信默 宰三年。」【注】孔 武丁修政行德,天下咸 三年喪畢, 百官總己【注】馬 子 曰: 喪 服 年,不言 廢 王 然 四 而復起,故 也。 何 後 制 馬 以 而 》「『高 王 不言。 融《書 繼 獨善之 必 自 曰: 世 衰 一梁 高 聽 本 善 即 宗

天子建天官,先六大,曰大宰。」注:「此蓋

職於王,則稱大。

冢,大之上也,山

頂曰冢。」又《曲禮》云:

殷時

制

也。

則

注

云

「變冢言大,進退異名也。

百官總焉,則謂之冢。

列

掌邦治,亦所以總御衆官,使不失職。」又「大宰,卿一人」,

政」○正義曰:《周官・天官》,《目録》云:「象天所立之官。也。」遠彼而近此,則孝子之道備矣。』」○注「冢宰」至「聽

之隱乎,則孝子三年弗居

矣。

故曰:「義

者彼也,隱者

此

日

無君矣。

不可

日

無君

,猶不可

日無天也。

以孝子

敢服先王之服,履先王之位而

書大傳》:「孔子曰:

『古者君薨,王世子聽于冢宰三年,不《白虎通》止以財用爲言,於義隘矣。

以

民臣之義,則不可

冢,大也。

宰者,官也。

天者,統理萬物。

天子立冢宰,使

稱王以發號令也。」是言喪畢,然後王自聽

政

也

管、蔡所以疑周公者,正因 忍當也。 王統事發號令也。 通 於禮、天子 年之喪,王世子不言,而皆爲冢宰攝 不於堯、舜、禹始崩之時 聽政也。 天官之制、殷、周 初 崩 天,七年,禹崩,三年之喪畢,益 七年,舜崩,三年之喪畢,禹 三年之喪畢,舜避堯之子於南河之南。 周官》釋之矣。「三年喪畢,然後聽政」者,明喪未畢,君 周 朝於廟。 爵》篇: 公攝政,亦是此禮。 《孟子・萬章》篇: 三年除喪,乃即 諸 「《春秋傳》曰『天子三年,然後稱王』者 而成王此 侯在喪皆自 皆同。 《論語 時,尚未能親政 故此 避 位統事,踐阼爲主,南 》曰云云、緣孝子之心、則三年 據《閔子小子》詩序 成 政 稱子, 舜 避舜之子於陽城。 注 王 而 除 避禹之子於箕山之陰。」 但云「冢宰,天官 去,而必俟 相 明子 喪,猶 堯,二十 政 道未 ()故周 也。 聽 舜薦禹於天,十 政 三年之後 有八 終 於周 其 公復攝 則嗣 也。 (後,如 面 禹 載 卿, 公故 朝 薦 ^令白 王 謂 行之。 明明 堯 臣 即 武 益 下 也 崩 木 夫 虎 \pm 不 據

掌邦治,以

佐王均

邦國。」是平時邦治掌於冢宰,而因

一喪攝

宰制國用。」」案:

《周官》云:「乃立天官冢宰,使帥其屬

而

以

為家宰職在制國之用,是以

由之也。

故《王制

∀

「冢

宰」是也。

《白虎

通

爵》篇:「所

以

聽於

家

宰三

年 選

也。」李賢《後漢·

和帝紀》注

百官總己之職事

何?

政

,則凡事皆當聽之。

崩

諸

侯日

一薨。」鄭

注:

白

上顛

壞

 \Box

崩

薨,顛壞之聲。」《説

官」者

衆辭。

總己」,猶言率己。

《説文》云:「總,

聚

束

百百

文》:「薨,公侯猝也。」上得兼下,故此文稱「君薨」也。

履 敢 不 君 敬,故易使。 子以辨上下,定民志。』《春秋繁露 子曰:「上好禮 IE. 義日 則 《易 民 易使 象傳》云:「上天下澤 也。」【注】民 立元神》云: 一夫 莫

四

七五五

須嚴 者皆奉,則民如子弟,不敢自專,邦如父母,不待恩而愛,不 序,修孝悌敬讓,明以教化,感以禮樂,所以奉人本也。 親蠶,墾草殖穀,開闢以足衣食,所以奉地本也。 禰,舉顯孝弟,表異孝行,所以奉天本也。秉耒躬耕,採 棄之者也。 以兼人。 國,其 而使。 化莫大於崇本。 無以兼人,雖峻刑重 患孰甚焉?」又曰: 崇本 一誅而 則 「是故郊祀致敬,共 君 化若 民不從,是所謂 神,不崇 立辟廱庠 本 則 事 國 君 \equiv 桑 祖 而 無

姓,皆本於修己以敬,故曰「君子篤恭而天下平」。 女正位乎内,男正位乎外。」此安人之義也。 百姓」,則治國平天下也。 孔 難也。」正義曰:「君子」,謂在位者也。 以安百姓,堯舜其猶 己以安人。」【注】孔曰:「人,謂朋友九族。」曰: 如斯而已乎?」曰:「修己以安百姓。修己 曰:「故其身。」曰:「如斯而已乎?」曰:「修 「以敬」者、禮》「無不敬」也。 子路問君子。 子曰:「修己以敬。」【注】 《易・家人・彖傳》云:「家人 病諸。」【注】孔曰:「病,猶 「安人」者,齊家也。 「修己」者,修身 凡安人、安百 「安

原壤夷俟。【注】馬曰:「原壤,魯人,孔子故

擊也。 事。 法。 舊。 詁 》: 事長上不恭順也。「無述」者,言無德爲人所稱述也。 名 壤,其母死,夫子助之沐椁。」是原壤爲孔子故舊也。 稱無德焉,辱也,老稱無禮焉,罪也。」與此文略同。 義盡也。《大戴禮·曾子立事》篇:「少稱不弟焉, 恥也 此夷俟,不嫌重責。 乃嚴責之者,母死登木而 原壤母死,登木而歌。夫子若爲弗聞而過之。 【注】賊,謂 玉裁注謂今人「居處」字,古祇作「凥」,今人「蹲居」字,古祇 人」者,以意言之。 「原壤」至「孔子」〇正義曰:《檀弓》云:「孔子之故人曰 不 「蹲跠」連文同義。 ·釋長幼》:「幼,少也。 孫弟,長 所以隱責其不孝也。 非祇以言相責,故惟若弗聞而過之,可全親故 夷,踞 「跠,踞也。」王延壽《魯靈光殿賦》: 脛,脚脛。」正義曰:《説文》:「幼,小也。」《釋 贼害。 ; 俟,待 而 無 《説文》:「居,蹲 「夷踞」者,「夷」與「跠」同。 所云「不孫弟」者,當即 以杖叩其脛。 也。 述焉,老 歌,乃罪惡之大者,當在 一寬之,一嚴之,聖人之仁 言生日少也。」「不孫弟」者,言 踞 待 孔 而 子。二子 也。」「蹲,居 不 【注】孔曰:「叩, 死,是 「却負戴而 指 曰: 登 《廣雅• 及此夷俟 也。」 木 謂 誅 而 也。 云 賊。」 幼 段氏 殛之 案:)) 至 歌 而 原 注 壯 而 之

即此 説亦 壤放恣無禮 即馬義也。 作「竢」。 脛 爲「翱匑」同。 是「踞肆」、「俟」、「肆」音相近。 倨之謂。』《廣雅》云: 其 作 云「脚脛」 體 毀則爲賊。」《荀子 穀梁莊八年傳》:「俟,待也。」此 案:《法言• 作。 脚 居 義。 脛」○正義曰:《説文》無 通。 脛 若蹲 華也。 又謂 《説文》:「脛,胻也。」「胻, 者,謂脛之下近脚者 原壤夷俟」,謂蹲踞而待,不出迎 《爾雅 ,時人或競傚之,將爲世道害也。 注 ,則足底著地 五百》篇: 「如夷俟倨肆。」宋咸注云: 古人跪與坐,皆鄰著於席, 「鞠躬」,雙聲也。 「賊謂 直 • 修身篇》: 而 釋詁》:「竢,待也。」「竢」與 賊害」○ 「蹲、跠、 長,似 而下 物莖 正義曰:《左文十八年傳》: 展、啟、 其雕、聳其 也 「夷俟」猶「跠肆」,與「鞠躬 「叩」字,「铍」下云「擊也」。 「保利非 「夷俟」,疊韵也。」案: 常 也。」脛是人股之名。 脛 訓。 肆,踞 尚也。 《釋名 焦氏 而 義謂之至賊。」原 厀 也。 跪聳其 也。」「夷俟」即 日 ○注「叩擊也 循《補 蹲。 段氏 か體、 俟 其字亦 「皆驕 疏》: 此 釋形 坐下 同。 説 焦 此

與?」子曰:「吾見其居於位也。 將 命者,傳 闕 黨 賓主之語 童 子 將 命。 出 入。」或問之曰:「益 【注】馬 曰 闕 【注】童子 黨之童 者 子 隅

> 府志》: 觀。 深究。 日: 所居。 闕 經 人 坐 命 三者爲一,非 童子」、「厥」、「闕」聲形相近,未知誰是。 北,所謂洙泗之閒也」,是也。 家在魯故城中歸德門內,闕里之中,背洙面泗,矍 之子弟罔不分,有親 求益者也,欲速成者也。」【注】包 益也。」正義曰:《荀子・ 也。 無位,成人乃有位。 北 者,此童子自爲黨 「闕里,孔子舊里也。」闕里即闕黨。 漢高 泗 餘步即 《漢書・ 漢《史晨饗孔廟後碑》: 水》注: 竝 「滋陽 帝以 行,不 也。 靈光殿基。」❶二者與闕 縣 大牢 孔 梅 差在後 東 説 福傳》:「今仲尼之廟,不出 廟東南五 北 本 祠 者取多,孝悌以 人將 宋氏翔鳳《四 孔子,當 里 儒效篇》: 達禮。 見其 命 有 百步 《漢書・古今人表》作「厥 也。 闕 「望見闕觀。」此指孔廟之闕 時 黨。」 與先生並 有 廟 或 欲 「仲尼居於闕 書釋 化之也。」闕黨是 里 疑 此 雙 貌 速 無 爲 石 用 《寰宇記 出 其命名之義,不 成 地辨 涉。 闕, 益者,疑爲求 後 王 曰:「先生,成 人 世 侯 行 即 者 證 閻 闕里。」師 傅 制 靈 也。 氏若璩 相圃之東 黨。 則 》云 孔 也。 光之南 《兖州 非 闕 孔 非 水 求 能 古 黨 混 子

「餘」上,據《水經注》脱「百」字。

0

四七七

成人

雅• 也。 即 云: 猶傳也。 也。 長則肩隨之。」注云:「肩隨者,與之並行差退。」《王制 當爲成人也。年十六以上爲成人。《曲禮記》云:「五年以 故稱先生。 坐也。《檀弓》云:「曾子寢疾病,童子隅坐 鄭以擯相釋之。 不敢以聞,固以請於將命者。」」是賓主紹介皆稱「將命」,故 見,請還贄於將命者。」主人對曰:「敢固辭。」賓對曰:「某 相見禮》,請見用贄,賓主致辭,皆將命者達之。又云:「主 今此童子儼居成人之位,不復面立,與《禮》異也。 事則立主人之南,北面。」□謂童子侍長者,皆立而 人曰: 「曏者,吾子辱使某見,請還贄於將命者。」」注: 「將, 两坐,不與成人並。」疑童子凡坐皆不當位中,與成人異 「命」下有「矣」字。○注「闕黨」至「出人」○正義曰: 童子隅坐無位成人乃有位」○正義曰:「隅坐」, 雁行也。 「父之齒隨行,兄之齒雁行。」並言成人之禮。 釋親》:「男子先生爲兄,後生爲弟。」兄既先己而 注此義亦通。 「居於位」者,居 傳命者,謂擯相也。」又「實對曰:「某也非敢求 若童子,則即五年之長及兄齒皆宜隨行,注所 注以「成人」解之者,正以先生先此 此注「傳賓主之語」,亦兼二者而言。 ○注「先生」至「益 於成人位也。 鄭 注云: 也」〇 而執燭。」注: 「《玉藻》: Ē (童子而 義 謂當隅 「肩隨」, 日: 據《士 不坐。 皇本 ○注 《爾 「無 生 生 處

之禮,故爲欲速成也。云「差在後」也。今此童子與先生並行,不差在後,用

同邑王豫卿 校刊

● 「南北」、據《禮記·玉藻》當互乙。

論語正義卷十八

恭冕述

衛靈公第十五 集解

四十三章。今云「四十九章」、「九」字誤、當作「三」。本與鄭本異也。但皇、邢本祇四十二章、《釋文》亦止外知」章後有「子曰父在觀其志父没觀其行」十字。又小知」章後有「子曰父在觀其志父没觀其行」十字。又小知」章

旅。軍旅,末事。本未立,不可教以末事。」明日遂學也。」【注】鄭曰:「萬二千五百人爲軍,五百人爲矣,【注】孔曰:「俎豆,禮器。」軍旅之事,未之列之法。」孔子對曰:「俎豆之事,則嘗聞之何靈公問陳於孔子。【注】孔曰:「軍陳行

年。 於仲尼。 仰視蜚鴻,故去志益決。 子將西見趙簡子,至於河乃還,而反乎衛,人主蘧伯玉家。 皆軍行陳列之名。❶ 法」〇正義曰:太公《六韜》有天陳、地陳、人陳、雲鳥之陳 之聞也。」退,命駕而行。」與此事略同。 及問陳耳。《左哀十一年傳》:「孔文子之將攻大叔也,訪 孔子。孔子遂行,復如陳。夏,衛靈公卒。」此事在魯哀二 之事,未之學也。」明日,與孔子語,見蜚鴻,仰視之,色不在 他日,靈公問兵陳。 故《春秋》曰:「善爲國者不師。」」《史記·孔子世家》:「孔 之《小學章》,則晉時俗體也。「俎豆」者,朝聘禮 《釋文》作「陣」。 《新序》五:「昔衛靈公問陳,孔子言俎豆,賤兵 孔子去衛,實因靈公問陳之故。 正義曰"《説文》"「臟,列也。」今經典多省作「陳」。 仲尼曰:"「胡簋之事,則嘗學之矣,軍旅之事,未 《顔氏家訓 孔子曰: 「俎豆之事,則嘗聞之,軍旅 春秋時,諸侯多别制 《論語》記夫子去衛之本意 書證》篇謂 其明日,又適遇靈公 ○注「軍陳行列之 陳法,如鄭有 「陣」字始見王 而 所用 重 故但 禮 也。 也

《周官·大司馬》『平列陣如戰之陳』。」陣,乃僞書(愚近有補輯《太公兵法》),不足引,似當引「太公」至「之名」,汪宗沂校:「正義引太公《六弢》三

0

義 曰: 也,謂 麗,魯 馬 日 而 不教民戰,是謂棄之。」《孟子·告子下》孟子曰:「不教民 之,然後可以即戎,故軍旅爲末事也。 養,知尊君親上之義也。 盛醢醬及諸濡物,是皆禮器也。 尺二寸,高一尺。 房。」聶崇義《三禮圖》: 足而已。 梡,夏后氏以嶡,殷以椇,周以房俎。」鄭注:「梡,斷木爲 几,足有二横。 用之,謂之殃民。 《説文》: 序官》文也。」「本末」猶先後。 曲橈之也。 有支離 「萬二千五百人爲軍,五百人爲旅」,邢疏云:「皆《司 嶡之言蹷也,謂中足爲横距之象。 俎 楚有荆尸,類皆是。 一,其下地也。」《明堂位》: ,禮俎也。 漆兩端赤,中央黑。』」案: 房謂足下跗也。 殃民者,不容於堯、舜之世。」 「案:舊圖云: 本立乃教以兵事,則於蒐狩 從半肉在且上。」「且 ○注「萬二」至「末事」○ 0 本 上下兩間,有似 注 《子路》篇子曰: 者謂先教民使得所 「俎長二尺四 俎 豆禮器」〇正 「俎,有虞氏 俎載牲體, 棋之言 薦 也。 寸, ,時習 於堂 l 枳 椇 以 正 豆 廣 四 以 從 義

乏食。」子路愠 又之宋,遭匡 從 者,弟 在陳絶糧 子。 人 興,起 之難。 見,曰:「君子亦有窮乎?」子 ,從者病,莫能興。【注】孔 也。 又之陳,會吴伐陳,陳 孔 子 去 衛 如 曹,曹 亂,故 不 日 容。

非。 學,非爲通也,爲窮而不憂,困而 也。 輕 陳」、「絶糧」兩事,當時簡編相連,未有分别。 外傳》、《説苑・雜言》並 誘注:「「備」當作「憊」。 鄭 糧也」,本《爾雅• 餱糧。」 是糧爲行食。 道曰糧,謂精也。 溢 以「明日遂行」屬此節之首、 「孔子窮於陳、蔡之閒,七日不嘗,藜羹不糁,宰予備矣。」高 火食,藜羹不糂,弟子皆有饑色。」《吕氏春秋・慎人》篇 《荀子・ 曰 君子亦有窮乎」 時 所注《魯論 王公。』《荀子 也。 正義曰:《説文》: 固窮」者,言窮當固守也。 ,則不得合爲一 君子固 君子 宥坐篇》: 》作「粻」義,或爾也。 固亦有窮時,但 者,據天恒 窮,小人窮,斯 釋言》。 止居曰食,謂米也。」《詩 宥 「孔子南適楚,厄於陳、蔡之閒,七 節,而 坐 夫子時在道 「糧,穀也。」《周官 載 略同。 憊,極也。」《莊子・讓王》、《韓詩 陳氏鱣《古訓》謂《古論 此 然以 明 理 事,夫子告子 言,君子 日遂行」必 《尸子》曰:「守道 高注《吕氏春秋》連引 意不衰也, 僞孔注觀之,兩 不 ,故稱糧矣。 如小 皇本作「粮」,係俗體 濫矣。」【注】「濫」, 当蒙 人 屬上節 路 窮 知禍福終始 公劉》:「乃 廩人》注 福 而皇、邢本又 日 : 鄭注云 則 佑,不 事既 》作「糧」, 君 無疑 濫 古 窮,則 行行 溢 日 子 宜 非 矣。 問 爲 而 之 窮 在 不

主司

下。

世

子遷

遭 但

桓 由

則在定十四、十 蔡之閒,楚使人聘孔子。 小人貧必至爲盜,故此注以 《説文》:「起,能立也。」「孔子去衛如曹」云云,據《世家》, ·孔子賢者,所刺者皆中 也。」遭困之時,君子固窮,小人窮則濫德,於是别也。 「興起」至「乏食」○正義曰:「興,起」、《爾雅・釋詁》文。 家》云:「孔子去衛過曹,去曹適宋,與 鄭注云: 惑也。」又云:「故君子 於蔡,三歲,吴伐陳 魋之難,與 鄭至陳,不由蔡地,與 城貞子家。」然則去宋之後,尚有適鄭一 宋司馬桓魋 説文》「孋,過差也」,引此文作「孋」,「孋」、「濫」字異 君子以致命遂志。」致命遂志,此君子所以 困 而 易 不失其所亨,其惟 「濫,竊也。」《坊記》:「小人貧斯約,約斯盜。」 窮」之義。 匡 欲殺 Ŧī. 人無涉。 兩 繋辭傳》:「困,德之辨也。」鄭注: 年。 孔 楚 子,拔其樹。 《易 諸侯之疾。 孔子將往拜禮,陳、 至吴伐 「陳蔡之閒」之文不合。 救陳,軍于城父。 孔注並 「竊」言之、《禮器》注「濫、 博學深 困 君子乎?」《象》曰 陳, • 誤。 謀, 彖》曰 今者久留 孔子 陳 亂, 修身端行,以 《世家》又云:「孔 去,適鄭,至陳 弟子習禮大樹 蔡大夫謀曰 節,注不備耳。 則 聞孔子在陳 困 陳 在 一,剛 哀元年。 蔡之閒 又在 能 揜 澤 俟 亦 困 辨, 也 宋 0 竊 義 窮 无 其 孔子用 當。 0 其時弟子未仕陳、蔡,無上下之交,故致困乏耳。 乎?」又云:「吴志在 云: 子,更非是也。 木 云: 説較確。 諸大夫所設行 也。」《先進》篇亦云: 何 濫 一亂,亦近臆測。 如 ,溢也」,是也。 「濫,氾 린, 於楚,則陳 感楚何如? 據《史記 也。」水 皆 ○注 非 而《世家》更附會爲 不如 氾

注 别 盜 同。 也。 水

也

」是也。

興師迎孔子,然後得免。」是絶糧事在哀公六年。 圍孔子於野,不得已,❶絶糧。 蔡大夫合謀圍孔子,故致絶糧。 之,而以爲在哀元年,不知何本。 世家》,孔子自陳遷于蔡,是爲陳、蔡之閒,在哀四年。」其 「陳事楚,蔡事吴,則讐國矣,安得二國之大夫合 案:《孟子》云:「 然《世家》亦可從,詳《先進 蔡大夫用事危矣。」於是乃 仲尼之意。 「從我於陳、蔡者,皆不及門也。」明 滅陳,楚昭至誓死以救之,陳之仗 而 君子之厄於陳、蔡之閒,無上下之交 敢圍其所用之人乎?」全氏此辨 於是使子貢至楚。 全氏祖望《經史問答》辨 今楚,大國也,來 江氏永《鄉黨圖 》疏 惟 《世家 相 此 與 |考 ||*: 聘 注不 發 楚 》言陳 孔子。 昭 徒 大 之 \pm

時。」即

言

險以說,困

困

心不

孔 子世家》當作「行

「濫溢」

至「爲非」〇正

義曰:《説

陳、

蔡大夫合謀

圍

孔

此注以

濫

則

至

潰

溢。

杜 注

定左

哀

五.

傳 文

|猶言「不

似

子

梁

惠

 \pm

上 小人窮,則濫溢爲非 無恒産,因無 孟子云: 恒 心 恒 也 苟 産 無恒 而 有恒心者,惟士爲能。 心 放辟邪侈、無不爲矣。」」是 若民,則

問 也。 博學於文」,又自言 皆以行事爲教也,亦即忠恕之道也。」今案: 夫子言「君子 不於行事學聖人也。 夫子於曾子則直告之,於子貢則 説》:「貫,行也。 阨於陳、蔡,子貢色作。 待多學而一知之。」正義曰:《史記・孔子世家》言「孔子 途 者與?」對曰:「然。【注】孔曰:「然,謂多學而 審問之,慎思之,明辨之,篤行之」。學問思辨,「多學而識 未之有得」。 故子貢答曰「然」。 識之者與二云云。 識之。」非與?」【注】孔曰"「問今不然。」曰"「非 .難而出之。卒之,告子貢曰:「予一以貫之。」亦謂 而同歸,百慮而一致,知其元則衆善舉矣。 予一以貫之。」【注】善有元、事有會,天下殊 子曰: 是聖門之教,行尤爲要。 「賜 此夫子恐子貢但以多學而識學聖 是此節亦絶糧 然夫子又言「文莫,吾猶人,躬行君子, 默 也! 而識之」,是孔子以多學而識 孔子曰:「賜! 女以予爲多學而 時間 命中 答語。 爾以予爲多學而 庸 阮氏元《一 影云 「博學之 爲貴, 識 人, 而 故 壹是 略 之 貫 不 加

何 ? <u>-</u> 之」也; 説同。 寒暑,其實一 聖人,執一 引記曰: 乎誦經,終乎讀《禮》,其義則始乎爲士,終乎爲聖人。」 學而日參省乎己,則 之,是真一以貫之,以一心而同萬善,所以大也。 同,舍己從人,樂取於 [一貫]語曾子,曾子即發明之,云[忠恕而已矣]。 而 爲「殊途而同歸,百慮而 云"「少則得,多則惑,途雖殊,其歸則同", 何思何慮? 至「知之」〇正義曰: 行之,不外忠恕。 授政使四方,不能達不能 言能行之效也。 萬事畢」,是「執 苟識其要,不在博求,一以貫之,不慮而盡矣。」與 成己以成物也。《孟子》曰: 『大舜有大焉,善與 《易傳》言『同歸而殊途,一致而百慮』,何氏倒其文 篤行,「一 「通于一而萬事畢。」此何、韓之説也。 則 貫也。」四氣者,天與人所同也。 天下同歸而 爲異端。 否則,徒博學而不能行,如誦《詩》三百, 故此章與詔曾子語相發也。 以貫之」也。 一」之謂也,非「一以貫之」也。 知明 焦氏循 人以爲善。」舜於天下之善, 董子云: 專對, 而行無過矣。」又曰:「其 致」,則失乎聖人之恉 殊途, 《補 《荀子 雖多亦奚爲哉? 疏》: 『夫喜怒哀樂之發與 致而百 「《繋辭傳》云:『天下 勸 學篇》:「君子 慮雖百,其 慮。」韓 天與人一貫 ○注「善有 夫『通 至其 孔子 康 、數則 貫 無 忠恕者 莊 小伯注 何晏 所以 則 於 致 不 子 以 皆 博 而 人 始 爲 從

之能皆吾之能,何自多之有?

自

執其多,仍執一矣。」案:

下,是

以貫之也。

以貫之,則天下之知皆吾之知,天下

物

格 而

後致知,故

無不

知。

由

身以達乎家國天

非

徒恃乎一

焦説 亦是

之説不可 中,而不知有當爲我、當兼愛之時也。 可無不可,異端反是。 所不貫,以忠恕之道通天下之志,故無所不知,無所不 者必斥揚,揚己不能貫墨,墨己不能貫揚。 記・禮書》云:「人道經緯萬端,規矩無所不貫。」惟孔子無 已,夫各有所當也。」各有所當何? 之所知所能,而無有異。 日小而害日大矣。「人之有技,若己有之」,保邦之本也。 知所行與己不合者,皆屏而斥之,人主出奴,不恕不仁,道 人與己一貫,故一 嫉忌之心生,則不與 爲不知」,力學之基 「己所不知,人其舍諸」,舉賢之要也。「知之爲知之,不知 聖人之道貫乎爲我、兼愛、執中者也。 執 廢,墨子思爲 己之多學而識 端 而 無權者,異端 貫者忠恕也。 也。 人人同 孟子以揚子爲我,墨子兼愛,子莫執 善與人同,則人之所知所能,皆我 我之説不可 惟事事欲出乎己,則嫉忌之心生, 而 也。 與人異。 也。 忠恕者,絜矩也。 孔子焉不學? 記曰: 「夫言豈一 廢,則恕矣,則 可以 執兩端 爲揚者必斥墨,爲 執一,則人之所 使揚子思兼 端概之。 而 無常師、無 一貫者,聖 絜矩者。 不執 端 **©**史 能 而 愛 墨

> 畢,復曰:「居! 「君子固窮,而子路 或即此「知德」之義,但《荀子》語稍駁耳。 者思不遠,身不佚者志不廣。」「佚」與「逸」同,謂奔竄 王句踐霸心生於會稽,齊桓公小白霸心生於莒,故居不 徳」○正義曰:《荀子·宥坐》載夫子厄於陳、蔡,答子路 中庸之德、民所鮮能、故知德者鮮。 子 曰 : 山 吾語女。 愠 知 見,故 昔者公子重 德者鮮矣。【注】王 謂之少於知德。」正 耳霸心生於曹 ○注 「君子」至 日 「知 隱 越 語 義

日:

身。 於響,於聲,善影者不於影,於形,爲天下者不於天下,於 者先聖王成其身而天下成,治其身而天下治。 之。」是故君子篤恭而天下平。」《吕氏春秋 位 己」,云「共,讀曰恭」。 爲哉? 書・王子侯表》:「下饗共己之治。」顔注引此文亦 人,故無爲而治。 也。 《詩》曰:「淑人君子,其儀不忒。 子曰:「無爲而治者,其舜也與? 《禮·中 恭己正 庸》云: Œ 南 此所見本異也。 義曰:「恭己」者,修己以 面 「《詩》云:『不 而已矣。」【注】言任官得 其儀不忒,正是 正 顯惟德,百辟 南 先己》篇: 故善響者不 面」者,正 敬 也。 作 夫 其 一共 何 四 漢 其 刑 君

國。」言 爲。 不下席 日 民以 與 自 官得人也。 孔子曰:「亡爲而治者,其舜虖!」改正朔,易服色,以順天 所祖不同。 繼其統業,是以垂拱無爲 + 此 佚於得賢。 命 詩 注可 君道 奂 縱弛之意也。 而 , 載, 迺遜于位以禪虞舜。 릲 舜 注以恭己固可 、爲勝於天。」○注「言任官得其人故無爲而治」○正義 無爲之道曰 而 卷阿 恭己正 知不可辟, 補經義。 而天下治。』《新序 而 正 優 其 百官已治矣,萬民已利矣。 諸 游 *\\ \overline{\times} 《大戴禮 餘盡 舜舉衆賢在 身 自 南 也。 其相反,將以捄溢扶衰,所遭之變然也。 休 面 「伴奂爾游矣,優游爾休矣。」鄭箋:「伴奂, **《漢書** • 勝 賢者既 循堯道,何更爲哉?」此即謂舜因堯舊,任 而 息 迺即天子之位,以禹爲相 以德化,然亦因輔佐得人,乃成郅治。 天。」注:「天無爲而化,君能無爲而治, 故反其道 已。」言任賢故逸也。」並 也。 王言》篇: 來,王以才官秩之,各任其職,則得 位,垂衣裳恭己無爲而天下治。」 董仲舒傳》: 雜事三》: 孔子曰:「無爲 而天下治。」」又曰:「三王之道, 堯崩,天下不歸堯子丹朱而歸 而身善矣,行義 「昔者舜左禹而 ❶「故王者勞於求人: 「對策曰:「堯在位七 三者之成也,在於無 丽 與此注 治者, 則 因堯之輔佐. 人善矣, 右皋陶、 其 義 同 舜 故 樂 也

行。 子曰:「言忠信,行篤 敬, 雖 諸紳。 0 文 || 云: 疑,過矣。

愛,人所恃,必免於患矣。」」 恭則免於衆,敬則人愛之,忠則人與之,信則人恃之。 於孔子曰:「何以爲身?」孔子曰: 困四夷,人莫不貴。]又《説苑・ 身篇》:「體恭敬而心忠信 傳》:「子張從 常想見參然在目前。 後行。」【注】包曰:「 見其參於前也,在 五家爲鄰,五鄰爲里。『行乎哉』,言不可行。」立 里,行乎哉?【注】鄭曰:「萬二千五百家爲 蠻貊之邦,行矣。 云。」是此問亦 「蠻,南蠻蛇種。」「貉 【注】孔曰:「紳、大帶。」 「篤」與「竺」同 在絶糧時。 在 陳、 蔡閒, 言不忠信,行不 衡, 輿 在 厚也,謂厚愛人也。 , 術禮義而情愛人, 横行天下, 雖 翟 因 輿, 則 軛 與 ,北方豸種。 氏灏《考 問 敬慎》篇: 見其 也。 此文義同。 則 行。 若倚車軛。」子張 『恭敬忠信 正義曰:《史記 言思念忠信,立, 異》以子 孔子曰 倚 於 孔子曰:「貉之爲 「顔回 篤 衡 蠻 言言 張時 《荀子 敬, 也, 貊 可 將西遊,問 忠 以 年 信』云 夫 爲身。 雖 弟 人所 州 少 然 書 則 州 修 爲 則 子

三」,據 新序》當作「四

張

問

所 疏

金

義 :: 辟者,上下皆辟之。 頸,謂之軛。 百家,五黨是二千五百家。 有「萬」字, 衍也。 爲州」○正義曰:《弟子傳》集解作「二千五百家爲州」,此 増入。又「夫然後行」句末有「也」字。 曰紳有囊,蓋書而貯之。」皇本「參」下有「然」字,此誤依 之末而已。 率下辟。 文》:「書,箸也。」又《序》云:「箸於竹帛謂之書。」趙氏 輿」,謂在軍中 言惡也。」此 衡與車廣等,長六尺四寸」是也。 温故録》::「據《玉藻》言帶之制,天子終辟,大夫辟垂,士 注 云 「二千五百家爲州。」此注 「州,注也,郡國所注仰也。」〇注 反。」《説文》「森 衡之言横也,謂横於車 「大車名箱。」「書諸紳」者,謂書夫子語於紳也。 多,猶 辟讀如字,即襞積之襞。 紳之長三尺,則書諸紳,亦刺文於其上與? 衡軛本二物,注以 森也。 也。 「貉」作「貊」,係别 《周官•大司徒》:「五黨爲州。」一黨 戴氏震《釋車》云: 大夫止辟其垂者,即紳 森森然滿亘於己前也。」《釋文》:「參, 字 注 鄭彼注及《州長》、《内則》注 「讀 前。 亦當同。 「軛」釋「衡」,意尚未晰。 體、《説文》所無也。 若曾參之參。」是「參」、 率即練,謂緶緝 衡兩旁下有曲木叉馬 阮氏元《車 「衡軛」至「車軛」〇 ○注「萬二千五百家 「車式較内謂之輿。」 《釋名 也。 制圖考》説 · 釋州 士辟 也。 其 在 《説 國 皇 或 正 並 Ŧi. 注 垂 終 佑 則仕; 0 無道 理,故附箸之。

並作當「厽」。公之言絫也、言見其積絫於前也。 字。」蓋《西伯线黎》篇「乃罪多參在上」,古字作「厽」。 平議》又以「參」爲「厽」。《玉 於前也。《吕氏春秋·有始》篇「夏至日行近道, 文・厽部》:「厽、絫坺土爲牆壁。 發」,謂直天而發也。」」自注: 故《墨子·經》篇曰:「參,直也」,《論語》「參於前」,謂相 也。」王氏引之《經義述聞》:「家大人曰:「參字可訓 朱子《集注》云:「參,讀如「毋往參焉」之「參」,言與我相 詩》曰:直,相當也。」●二説皆視此注爲長。 上」,謂直入上也。《淮南・説山》篇「越人學遠射,參天 森」音同,然「參」不訓「森」。 一篇》曰 $\overline{ }$ 皇疏所云,未必即 鄘 象形。」《尚書》、《論 風 「厽、《尚書》以 柏 舟》釋文引《韓 俞氏樾《群 其説亦 得 乃 爲 注 參 《説 爲 語 意。 直 而 於 有 經 直

自

行直如矢,言不曲。」君子哉蘧伯玉 一,如矢。【注】孔曰:「衛 子曰:「直哉史魚 邦無道 則 可卷 ! 而 懷之。」【注】包曰: 大夫史鰌,有道無道 邦有道,如矢, ! 邦有道, 邦

云: 云:

當」下,據《釋文》脱「值」字。

屠傳序》亦作「也」。」俞氏樾《群經平 鰌 注 訓 之」作「懷也」。 下篇「懷其寶」,訓同。 見、無道則隱」之義,視史魚爲更賢,故夫子以「君子」許之。 不似史魚之直,人不問有道無道,又其出處,深合「有道則 直人,善廢而不悒悒,蘧伯玉之行也。」是伯玉亦守直道,但 也。 諫 而 矣。」衛君問其故,子以父言對。 肆志,不爲危激行。 人臣,生不能進賢而退不肖,死不當治喪正堂,殯我於室足 詩外傳》: 外傳》云「善廢 我數言蘧伯玉之賢而不能進,彌子瑕不肖而不能 卷 退彌子瑕 可 懷」爲 衛大」至 公食大夫禮 《外傳》又云:「外寬而內直,自設於隱括之中,直己不 而 謂直矣。」此 有 懷 道無道 正 歸」,引《詩 謂 不曲 ,徙殯於正堂,成禮 直者順 不 阮氏元《校勘記》: 而不悒悒」,即此所云「卷而懷之」也。 與 ,行常如矢直不曲也。」此僞孔所本。 》 注 : 相傳史魚直諫之事,可爲《論語》此 O 時 昔者衛大夫史魚病且死,謂其子曰 道 正 政,柔 「卷而懷之」,蓋以物喻。 卷, 而 義 匪風》《皇矣》毛傳爲證,亦通。 行 日 :: 收也。」「懷」與 順 順 鄭 而後去。 理而言,公平無私,不爲 不 君造然召蘧伯玉而貴之, 注云: 「《後漢書·周黄徐姜申 件 議》以 於 人。」 「史魚,衛大夫,名 生以身諫,死以尸 「也」字爲是, 「褱」同,藏 Œ 唐石經 義曰 退。 梁氏 文證 《儀 《韓 也 懷 爲 0 而 安

關 正義 是也。」潘氏德輿 已懍懍 出 道,必已卷而懷之矣。惟其卷而懷之,甯喜亦聽其從 此明哲之知幾也。 雄、意欲收拾人心、藉以爲 七,則孫氏搆禍,伯玉年少而名德既著,物望攸歸。 衛靈將卒之時,事在哀公二年,距襄公之十四年,年六十有 爲此説者,豈通論哉? 有此事,而伯玉爲非。《左氏》,信史也。 謂志壹於直,不計有道無道。 爲喻也。 知何據。 考》亦云:「史魚,朝子。」並謂即《檀弓》之衛大史柳莊,不 人?」是出與 逐其君衎。二十六年,甯喜弑其君剽,蘧伯 系。」而閻氏《四 玉 再出。 也。 一繩《人 日 : 矣。 伯玉之答孫林父曰: 表考》: 《詩·大東》云「其直如矢」,亦以矢行最直,故取 或以伯玉爲無此事,而《左氏》爲誣。或以《左氏 黄氏式三《後案》曰: 顏師古《漢 其答甯喜則 人皆可付之不聞 書釋地又續 「案: 《養 逮夫衎奔剽立,孫甯專國,伯 書 杜 孔子之再主伯玉家也,據《史記 齋集》曰: 貢 曰:『瑗 譜 重。 「君制 禹 》以 矣。 ○注「卷而懷謂不與時政」○ 列 「《左傳》襄公十四年孫林父 傳》注: 卒能進 史鰌 爲史朝之子。 其國, 包子良 不 卷而懷之, 始未仕也 .得 在 如 聞 退 誰 雜 裕 伯玉,賢大夫也 謂 君之出, 人, 敢奸之?」大 矢,言其 玉身遭其變,近 如,全身遠害 其不與 蓋 高 玉當 不 氏《姓 敢 (壹志。) 得 孫氏 聞 近 此 其 其 名 族

獻公無道,乃更不仕,故難作得從近關出也。 賢也。」案: 玉始固未嘗進矣。]又曰: 、夫獻公之暴,所謂邦無道時 是避位而去。若但以爲始未嘗仕,尚未盡然。 黄、潘二説義同。 「未仕」 竊以伯玉年少時已仕,及見 也。 而國之卿大夫訪之, 觀史魚之進伯 「不與時政」, 玉,知 重 其 伯

與

即

照 也。 亦不失言。」夫君子之於言也,所致貴也,雖有夏后之璜、商 不與之言,失人,不可 苟過其任而强牽制,則將昏瞀委滯而遂疑君子,以爲欺我 慮之所至,事足以合其性情之所安,弗過其任而强 弗與之言。」又曰:「故君子之與人言也,使辭足以達其智 言費則身賤,身賤則道輕,道輕則教廢。 貴其言則尊其身,尊其身則重其道,重其道,所以立其教。 帝紀》引亦無「之」字。《中論・貴言》篇:「君子必貴其言。 文》引古本足利本、高麗本「不與」下無「之」字。《後漢・安 失言。」正義曰:皇本、唐石經、宋十行本、岳珂本、《考 可 也; 與言而與之言,失言。 不則曰「吾聞知矣」,●非故也,明偏而示之以 聽寡而告之以微,弗能察也。 子曰:「可與言而不與之言,失人,不 與言而與之言,失言。 知者不失人,亦不 故孔子曰「可與言而 故君子非其人則 知者不失人, 幽,弗 牽制 也。 能

其色,小人能乎哉?」

之、雜稱以廣之、立準以正之、疏煩以理之。 功察而治微。 聲,形乎視聽,著乎顏色,動乎身體,然後可以 性義之極者,必先度其心志,本其器量,視其鋭氣,察其 不亦辱己而傷道乎? 湯之駟,弗與易也。今以施 有争氣者,勿與辨也。1孔子曰:「惟君子然後能貴其言,貴 功無敗而言無弃也。 治水,而君子善導人。導人必因其性,治水必因其勢,是 而勿失,雜而勿給,❷放而勿逸,欲其自得之也。 衰,然後唱焉以觀其和,導焉以觀其隨 於是乎闓張以致之,因來以進之,審 荀卿曰:「禮恭然後可與言道之致。❸ 是以 君子將 諸俗士,以爲志誣 與 人語 隨和之微,發乎音 大本之源 疾 發幽 而弗貴 而勿迫, 故大禹 而步遠 諭以 而 聽 也 以 徐 墮

身以成仁。」【注】孔曰:「無求生以害仁,死 仁,則志士仁人不愛其身也。」正義曰:「志士」者、《孟 子曰:「志士仁人,無求生以害仁,有殺 而後

0

吾」,據《中論》當作「無」。

給」,據《中論》當作「結」。

致」,據《中論》及《荀子》當作「方」。

子 • 苟自愛其身,則禹不胼 民禦大災捍大患,所謂仁 必盡刀鋸鼎鑊也。 以生者也。 者也。」俞氏樾 仁不仁,非謂仁必死也,非謂死則仁也。」 到于今受其賜,是成仁不必殺身。 求生以害仁也。 枯,而水不平,民生不遂,田賦不能成,即是不能成仁,則爲 所謂『得正而斃』者,正此義也。」焦氏循《雕菰樓文集》云: 仁則殺身而不避,蓋其死有重於生故也。 也,君子亦何以異於人哉? 人」,皆從唐石 殺身成仁,解者引比干之諫,夷、齊之餓,固矣。然殺身不 文選》曹植《贈徐幹詩 知」、「仁」並舉。 滕文公》篇:「志士不忘在溝壑。」趙岐注:「志士,守 苟虧其所以生者,則其生也亦何爲哉? 平 經而誤也。 管仲不死 其説亦通。「害仁」,唐石經作「害 議 舜勤衆事而野死,冥勤其官而水死,爲 》謂 胝,顔色不黧黑, 》注、《太平御覽》四 也。 而 「志士」即 張栻《解》:「人莫不重於其 然以害仁則不敢以求生,以 相桓公,霸諸侯,一 以死勤事,即是殺身成仁。 夫聖賢之死不死,審乎 「知士」,與「仁 竅氣不 夫仁者,人之所 百十九亦 塞,足不偏 匡天下,民 人」爲 曾子 引作 成 生 義

先利其器。居是邦也,事其大夫之賢者,友子貢問爲仁。子曰:「工欲善其事,必

器」、《漢書 言之也。」案:皇本「仁者」下有「也」字。 故云「事」"、士賤、故云「友」也。 行之助,可資以砥厲,故宜慎選之也。 選賢人善士託其身焉,以爲己憂。」然則所事所友,皆己德 義,則吾與之聚群。。。。。。
所謂庸人者,不 言下》:「凡行不義,則吾不事,不仁,則吾不長。 其 字訓義略同也。 以賢友爲助。」正義曰:「爲仁」 利」爲《古論》,馮氏登府《異文考證》以 士之仁者。」【注】孔 梅福傳 言「居是邦」,則在夫子周遊時。 》作「厲其器」。 曰: 大夫言「賢」、士言「仁」、互 者,爲,猶行也。 言 惠氏棟《 工 皇疏云:「大夫貴 以 「厲」爲《魯論》,二 利 九經古 器 爲 《曾子 奉 用,人 [義》以 利其 相 知

法以 國。 邦」者,謂繼周而王,以 議法者, 變,病變而藥弗變,嚮之壽民,今爲殤子矣。 見萬物之生,以 「故治國無法則亂,守法 動。 世易時移,變法宜矣。 顔淵問 衆庶也; 變法者因時 爲邦。 爲 以 四 死守者,有司 而 時 何道治邦也。 化。 子曰:「行夏之時、【注】據 之始,取其易知。 譬之若良毉,病萬變, 若 而弗變則 1此論 也; 則無過 悖。 《吕氏春秋·察今》 因 時 悖亂,不可 一務 故凡舉事 變法者,賢 正義曰: 矣。 夫不 藥 以持 必 亦 「爲 主 敢 循 萬

敬 也。 注: 周王 商湯 以十 之時,萬物始牙而白。 皆 也。 三月也。」《周書・周月解》:「夏數得天,百王所同。 環 以平旦爲朔。 季冬月爲正,周以仲冬月爲正。夏以十三月爲正,色尚黑, 爲人正,色尚黑。 注 也。」《吕覽》此言,正顏子問爲邦之意。 十三月之時,萬物始達,孚甲而出,皆黑。 而 微之月也。 文 始重本也。 也。 赤。 未著也。❶ 據見」至 《白虎通•三正》篇:「正朔有三何? 「弟子問政者數矣,而夫子不與言三代損益,以非 П 一質,示不相沿 ,用師于夏,除民之災,順天革命,改正朔,變服殊號**,** 一月爲正,色尚赤,以夜半爲朔。」三正之相承,若順 致伐于商, 孔子承周之弊,行夏之時,知繼十一月正者,當用 赤者,盛陽之氣也,故周爲天正,色尚赤也。 則備言王者之佐,伊尹之人也,故夫子及之焉。」〇 「易知」○正義曰:「見萬物之生」,謂建 殷以十二月爲正,色尚白,以 十一月之時,陽氣始養根株,黄泉之下,萬物 三微者 明王者當奉 改正 《尚書大傳》写:「夏以孟春月爲正 以 異械, 何謂 白者,陰氣,故殷爲地正,色尚白也。 建丑之月爲正,易民之視。 也? 順而成之,故受命各統一正 以 垂三 陽氣始施黄泉,萬物 統。 至于敬授民 干寶《易・ 人得加功,故夏 本天有三統 雞鳴爲 亦越我 朔。 十二月 雜卦 時,巡 寅月 ,殷以 其任 其 動 也 謂 在 周 + 連 發

> 《禮 此。 月。 位》:「鸞車,有虞氏之輅也。 此引申之義。 是「路」爲車名。 軨前横木也。] 段注引應 也。」」正義曰:《釋文》:「輅,本亦作路。」《説文》: 民既便於施 之道。」是春主生物,爲四時始。 月解》:「凡四時成歲,有春夏秋冬,各有孟仲季,以名十二 時萬物始達,雖微而已著,故《白虎通》以 是周亦用夏時。《乾鑿度》云:「天氣三微 守祭享,猶自夏焉,是謂周 天子所乘日路 : 萬物春生夏長,秋收冬藏,天地之正,四 鄉飲酒義》:「春之爲言蠢也,産萬物者,聖也。」《周 又謂「車名、本字自作「路」」。 殷車曰大輅。 功,故易得知之也。 ○注「殷車」至 《爾雅 路亦車 《左傳》曰:『大輅越 心劭説, 釋詁 也。 月,以紀于政。」據《周 「儉也」〇正義曰:《禮 鉤車,夏后氏之輅也。 謂之路者,言行于道路也。」 》舍人注:「路,車 謂 寅月爲孟春,夏時用之。 以 乘 案:《釋名 木 殷之輅、【注】馬 當 爲「人得加功」也 而 胸 成 時之極,不易 以 席, 輓 之大也。」 書》此言: 著。」❷夏 釋 昭 「輅,車 車 明堂 大輅 車 其 者 儉 即

曰

2 0

發」,據《白虎通》當作「微」。

氣」,據《易緯乾鑿度》當作「道」。

殷輅 瑱之設,兼此二 含文嘉》以懸絖 旒,所以蔽明也; 不任視聽也。」《大戴禮・子張問入官》篇:「古者冕而 ○正義曰: 意。 引《左傳》者,桓二年文。 服虔云:「大路,木路。」是據殷 爲先。」如 就,次路五就。」疏云:「殷則有三 質,故亦稱「素車」 之,無他飾。 路 有鸞和也。 而 言之。「越席」者,結草爲席,置大路中以爲藉也,亦尚質之 大路是木路也。 也。」案: 注 備 以 「殷車曰大輅」,即據《明堂位》别之。 也。 服周之冕、【注】包曰:「冕、禮冠。 ,取其黈緩塞耳, 金飾諸末。 《周官・ 乘輅 疏所言,是殷有三路。 注有脱文。 鉤車,有曲輿者也。 至木路 事 周 垂 也。 鄭注《巾車》謂:「玉路,以玉飾諸 巾車》言王五路,木路居末,最質,故知 **黈絖塞耳,所以弇聰也。」盧辯注:** 也。」孔氏廣森《補注》:「《玉篇》曰: 一旒爲閑 象路,以象飾諸末。 輅也。」是歷 則不輓以革,漆之而已。」是木路 《郊特牲》: 當云:「取其垂旒蔽明,黈續塞耳, 不任 姦聲,弇亂色,令不惑視聽 代車 視 大路,木路也。 《論語》此文,當得兼之。 聽。」注 路,其世猶質,故以少質 「大路繁纓一就,先路三 制 革路,輓之以革 不同 鄭彼注云:「鸞車、 「冕禮」至 ,名亦各異。 周之禮文 乘路,玉路 「《 禮 視 末。 鼓 則 前 聽 緯 前 禮 最 金 殷 此 璅 漆

則非 《舞》專指舜樂,則當首及之。 官・ 之。 樂當取法《韶》、《武》也。子於四代之樂,獨於《韶》、《武 莊十年《左傳》經文「以蔡侯獻舞歸」、《穀梁》作「獻武」、皆 絃歌《詩》,以求合《韶》、《武》、《雅》、《頌》之音。」《韶》、《武 列於後。 之後即及《武》,而夏、殷之樂不與焉,可知孔子之有取 盡美之論。 古人「舞」、「武」通用之證。 采備飾,故夫子曰「服周之冕」,以「盡 掌六冕,司服掌六服,設擬等差,各有其序。 之一端也。 今案:「纊」、「絖」一字。 瑱,懸絖之縧謂之紞。 黄色也。 武》矣。 韶》、《舞》。 鄉大夫》「五曰興舞」、《論語 止舜樂明 正義曰:俞氏樾《群經平議》:「舞,當讀爲武。 絖,綿 夏時、殷輅、周冕、皆以時代先後爲次。 且時言夏、輅言殷、冕言周、而《韶》、《舞》不言虞 《宋書 雖盡善未盡善,微有低昂,然尚論古樂。 矣。」案: 也。」以 【注】《韶》,舜樂也。 •禮志》:「周監二代,典制詳密。 綿爲充耳,垂冕兩旁,其下綴 天子玄紞,諸侯黄,大夫青,士素。」 俞説 注言此者,欲言冕制之善,亦文備 「樂則韶舞」者,則之言法也,言 是也。 惟《韶》、《武》非一代之樂,故 八佾》馬注引作「興武」。 《孔子世 美」稱之。」樂 盡善盡美,故 家》言: 周之祭冕,繅 若《韶 派玉謂 之 《韶 「孔子 《周 弁 》有 則 取 於 師

同

也。

又《魯論

》舉《溱

洧》一

以

爲鄭

俗

多淫之證

非

謂

0 0

之鄭聲」,乃《左傳》别

一義。

服 詩

虔《解誼

》據之,不與《魯論

皆以「鄭聲」爲鄭國之聲,與《魯論》説同。

其

「煩手淫

聲

謂

惑於鄭聲,

遠

而

之

者 紀

日 絶

則致

書

民人,山

居

谷汲,

男 女錯 古正也,所以遠鄭聲也。

鄭聲

淫也。」案:《白虎通

聲使淫過矣。

論》説鄭國之俗,有溱、洧之水,男女聚會,謳歌相感,故 淫聲,此獨云「鄭聲」者,亦舉甚言之。 四者,皆淫於色而害於德,是以祭祀弗用也。」是四國皆 濫淫志,宋音燕女溺志,衛音趨數煩志,齊音敖辟喬志。 「鄭聲淫」。《左傳》説煩手淫聲謂之鄭聲者,言煩手躑躅之 • 禮樂志》云:「桑閒、濮上,鄭、衛、宋、趙之聲並 疾損壽,外則亂政傷民。 ,佞人殆。」【注】孔 謹案"《鄭詩》二十一篇,説婦人十九矣,故 「放」者,罷廢之也。 《武》爲 同, 孔子曰「鄭聲淫」何? 》疏。 雜,爲 禮樂》篇: 而 周一 曰:「鄭聲、佞人,亦 庶民以爲利,列國以相閒。」 放鄭聲,遠佞人。 使人淫亂危殆,故 鄭 代之樂、合文、武、 聲 《樂記》云: 「樂尚雅 以 《五經異義》:「《魯 相 悦懌。」又《漢 何? 鄭國土 鄭 雅者, 出,内 當 俱 音 周 鄭 放 能 此 地 云 有 好 公 聲 隔塞其源,戒之極也。」○注「鄭聲」至「遠之」○正義 卯,謂佞道已行,亂國 引荀悦曰: 伯當討之而已。」❷與《白虎通》義合。 書甚佞也。」何注:「孔子曰:「放鄭聲,遠佞人。」罪未成 行,傾覆國 思欲,感條暢之氣,而 放之矣。《白虎通· 官・大司樂》:「凡建國禁其淫聲、過聲、凶聲、慢聲。」注 不莊,樂而不安,慢易以 誤之矣。《樂記》云: 以《序》所云「刺 名,自後遂以《鄭詩》混 鄭詩 論 淫聲,若鄭、衛也。」淫聲爲建國所宜禁,故此言「爲邦」 與 語》曰:「遠佞人。」」《公羊》莊十一年:❶「齊人執鄭詹 (雅樂同,佞 》皆是如 政。 「子曰「遠佞人」、非但不用 《韓詩内傳》曰: 此。 人與賢人同,是其能惑人也。 時刺亂 許 誅伐》篇:「 世亂 滅平和 氏錯 政 犯節 」者,改 人鄭聲,而 也。 會此旨 則 流 之德,是以君子賤之也。」《周 佞道未行,章明遠之而 爲 禮 「孔子爲魯司寇、先誅少 湎以忘本,廣則容姦,狹 慝 佞人當誅何? 刺 謂夫子不當 而樂淫,是 舉 淫」,則 《鄭 《通鑑·孝元帝 而已,乃 詩

遠之。」正義曰:

惑人心,與雅樂、賢人

所作樂名之。

説詳《八

佾

皆

許

之 詩。 被

言 又 淫

取淫

而

悉

以

故

其聲 君

哀

而

則

淫

並言,皆孔子所取

也。

一」,據《公羊傳》當作「七」。

討」,據《公羊傳》注當作「遠」。

已。

爲其

亂

亦

患。 後慮者,謂之困,困則禍不可禦。」又《仲尼篇》:「智者之舉 則禍不生。 安而國家可保也。」《荀子·大略篇》:「先事慮事,先患慮 曰: 事 濟》象辭也。」案:《繫辭》云:「安不忘危,存不忘亡,是以 注 而 也 ,是以百舉而不陷也。」皆言人宜遠慮也。 君子當思患而預防之」○正義曰: 字。 先事慮事謂之接,接則事優成。 「君子當思患而預防之。」正義曰: 皇本「人」下有 子曰:「人無遠 則 張栻《解》:「慮之不遠,其憂即至,故曰近憂。」○ 慮嫌 事至 平, 而後慮者,謂之後,後則事不舉。 則慮險,安則慮危, 慮,必 有 邢疏云: 「此《易・既 先患慮患謂之豫,豫 曲重其豫,猶恐及其 近憂。」【注】王 患至而 身

者也。」正義曰:皇本無「乎」字。 子曰:「已矣乎! 吾未見好德如好色

禽也。知賢而不舉,是爲竊位。」正義曰:《文選·陶徵惠之賢,而不與立也。」【注】孔曰:「柳下惠,展惠之賢,而不與立也。」【注】孔曰:「柳下惠,展子曰:「臧文仲其竊位者與? 知柳下

内傳》。

展禽譏文仲祀爰居。

文仲曰: 『是吾過也,季子

記》: 亦云: 下惠,魯大夫展無駭之子,名獲,字禽。 下惠死,門人將謚之。妻曰:「夫子之謚,宜爲惠乎!」門 壤處,昔爲魯地,後爲齊有也。」惠爲謚者,《列 令有敢去柳下季壟五十步而樵採者,死不赦」。 古人多葬 語》: 士誄 子,亦不知所本。 先生同,疑未必然。 德,因號柳下惠。 於食邑、壟所在即邑所在。 其邑名柳下,謚曰惠。]文小異。 惠。」《太平御覽》四百二引鄭注: 立者,邢疏 生前之號,均 人從以爲謚。」是惠爲謚也。 閻氏若璩《四書釋地》説: 柳下爲邑名者,柳下若桑中、棘下之類,其地今不可 》注引鄭注云: 展禽對臧文仲云「獲聞之」,是其人氏展,名獲,字 「展喜犒齊師,使受命於展禽,正臧孫辰爲政之時,見 「柳下是其號也。」以柳下爲號,與晉陶潛自 云「不 與鄭異義, 一曰柳下邑。」趙岐《孟子・公孫丑 柳下惠爲士師,見下《微子》篇。 稱 「柳下惠,魯大夫展禽,食采柳下,謚曰 至惠之爲謚,明見《列女傳》,而 舉 非也。 與 立 則柳下自當在齊南魯北二國接 高誘《淮南· 於 「《國策》: 又高誘謂柳下惠爲 《左》僖二十六年疏: 朝 「柳下惠,魯士師 廷也」。 家有大柳樹 顔斶言 [秦攻齊 説林訓 方氏 女傳》: 注: 觀 展 無駭 亦以 稱 不 旭《偶 一》篇 行 禽 Ŧi. 也 與 惠

文仲當已爲之,或爲司 其屬官,無容不知。 知柳下惠之證。」李氏惇《群經識小》:「案: 之言不可不法也。」使書之以爲三筴,見《外傳》,並是文仲 知賢而 竊」,言竊居其位,不讓進賢能也 不 舉 是 爲 竊 此 位〇 空 與文子同升事 一而兼司 Œ 義 寇也。 日 : 正作一 竊, 柳下 臧氏世爲司寇, 惠爲士 如 反照。」○注 盗 竊 一師,正 之

與? 厚而 有餘。 義 曰: 天下之大而不容也。 義責難瞻 則得人,自責以義則難爲非,難爲非則行飾,故任天地 責以備謂之明,責人以備謂之惑。」《吕氏春秋 之情,稱人之惡謂之賊,求諸己謂之厚,求諸人謂之薄,自 攻其惡,不攻人之惡,非仁之寬與? 矣。」【注】孔 故君子責人則以人,自責則以義。 薄責於外」,此之謂也。 此之謂仁造人,義造我,何以異乎? 子曰: 《春秋繁露·仁義法》篇: 不肖者則不然,責人則以義,自責則以人。 ,難瞻則失親,自責以人則易爲,易爲則行苟,故 曰:「責己厚,責人薄,所 躬 自 身 取 厚 危,國取亡焉。 且論己見之而人不察,曰 而 薄 「以仁治人,義治我,『躬自 責人以人則易足,易足 責 自攻其惡,非義之全 於 以遠 此桀、紂 故自稱其惡謂 舉難》篇: 則 怨咎。」正 責人以 遠 幽 ||君子 怨 厲 而

> 始筆。 瞆,慮人而不自慮者謂之瞀。 略外,急己而寬人。 之行也。」《中 夫見人而不自見者謂 論 脩本》篇: 故於魯也,小惡必書, 「孔子之制《春 之矇,聞 故明莫大乎自見,聰莫大乎 人而 於衆國也,大惡 不 秋》也,詳 自 聞 者 謂 内 而

自聞,睿莫大乎自慮。」

此以 云: 成」〇正義曰: 之長也?」」「憂長」即審度之義。 通。《荀子•大略篇》:「天子即位,上卿進曰:『如之何 匿病者不得良毉,羞問者聖人去之,以爲遠功而近有災。」 之何也已矣。」【注】孔 行,雖聖人亦無如之何矣。」此以「如之何」爲心自審 「子曰:「人而不曰如之何如之何者,吾莫如之何也矣。」故 成,吾亦無如之何。」正義曰:《春秋繁露 之何者,猶言不曰奈是何。」如之何』者,吾末 「如之何如之何者,熟思而審處之辭也。 「如之何」爲問人之辭,凡稱 子曰:「不曰『如之何、【注】孔曰: 陸賈《新語·辨惑》篇: 曰:「如之何者,言禍 何如 ○注 ❶「故孔子遭君暗 「如之何者言禍難 是 也。 不 朱子《集注 執贄》篇: - 如是而 「不曰 度, 難 B 如 如 憂 亦 妄

❶ 「辨惑」,據《新語》當作「慎微」。

歌,傷 因 亂 無以制其剛。」❶此《論語》家舊説,指世亂言之。 禍難已成」,似 無如之何者,吾末如之何也已矣」。 如之何」爲一句,非如僞孔横分兩句也 |勢而 衆邪 無權力於世。 行。 在 位 不在其位 政 即 道 竊 隔於王家,仁 大化絶 取 者,則 此義。 無以齊其政,不操其柄者, 而不通,道德私 然曰「無如之何」者,亦統兩 一義閉 夫言道因 於公門,故作公陵 而 權而 不用,故曰 僞孔所云 立,德 則 之

年傳》: 本。 不 難矣哉,言終 慧,難矣哉! 【注】鄭 言人群居當以善道相 説文》: 説文》云: 慧 知鄭君定讀已作「慧」也。 》引並作「慧」。 一爲 《文選 子曰: 有才知之稱。 周子有兄而無慧。」杜 「慧,儇也。」《史記索隱》:"「慧,智也。」《左成十八 「慧,音惠。」皇本作「惠」,注同。 》陳琳 「群,輩 無成。」正義曰: 《檄吴將校部曲文》注、《太平御 群居終 ○注 也。」「群居」,謂 切 戴 「小慧謂小小之才知」〇 氏望 磋,不可 曰:「小慧,謂小小 日, 《考文》引古本作 注 注: 云: 言不及義,好 此章是夫子家塾之戒。 以非義 同 蓋 來學共居者也。 小慧,爲 世所謂 此依 小慧相 「惠」,即 小辨 魯 白 覽 Ē 之才 誘引也。 一凝。」則 義 論 行 慧 夫子 Ē: 人事 指皇 知。 也 改 小

> 賢。」注「惠」即「慧」。 惠。]陸機《弔魏武文》:「知惠不能去其惡。」並與「慧」同。」 惠 日。」」案: 注「惠」作「慧」。《列子・穆王》篇: 惠,今從《古》。」則作「慧」者《古論》,《魯論》用假借字, 哀公欲學 也。 馮氏登府《異文考證》:「案《晉語》: 戴説即 小 辨, 以 鄭義。《釋文》引注更云: 觀 於政。 《後漢·孔融傳》: 『將不早惠乎?』 孔 子 Ď: 『秦人逢氏有子少 不 可 · 社 「《魯》讀 「巧文辯 稷 之主 慧爲 惠則

謂之人義。講信修睦謂之人利,争奪相殺謂之人患。 父慈子孝,兄良弟弟,夫義婦聽,長惠幼順,君仁臣忠,十者 人之所以治人七情,修十義。 者,義者,宜也,人行事所宜也。 字。」臧氏琳《經義雜記 翟氏灝《考異》:「《孝經》『三才』章疏引此文無『君子』| 云:「「義以爲質」,一 爲質,謂操行。 出之,信以成之。 子曰:「君子義以爲質,禮以行之,孫 孫以 本作「君子義以爲質」。 出之,謂言語。」正義曰:《釋文 》以有者爲衍, 君子哉! 講 信修 《禮運》云: 【注】鄭曰: 睦 是也。 尚 辭 「何謂 「義以 鄭本 讓 ,去争奪 「義 略 爲質 故聖

❶ 「制其剛」,據《新語》當作「正其時」。

也。 也。 以成之」。 字之誤也。」是凡禮皆以行義也。 義本於心之裁度,而要以制事,故注以「操行」言之。「出 也。」《荀子·臣道》注:「質,體也。」「操」者,持也,守也 以出之」。 舍禮何以治之?」又云:「其居人也曰養。其行之以貨力、 讓、飲食、冠昏、喪祭、射御、朝聘。」注:「「養」,當爲「義 出 《詩》云:「慎爾出話,無不柔嘉。」 諸 ○注 П 「義以」至「言語」○正義曰:《禮器》注:「質,猶性 「信」者,申也。 稱「君子」者,言其人有士大夫之行,可爲法 鄭 以行禮已是孫讓, 言以相申束,使不相違背,故 禮尚辭讓,去争奪,故 故解「孫以出之」爲言語 孫 則

之不己知,患其不能也。」義同。
不病人之不己知。」正義曰:《憲問》篇:子曰:「不患人知也。」【注】包曰:「君子之人,但病無聖人之道,知也。」【注】包曰:「君子病無能焉,不病人之不己子曰:「君子病無能焉,不病人之不己

道不行矣,吾何以自見於後世哉。」以此爲孔子作《春秋》時 世家》:子曰: 亦 安國 病也。正義曰:「没世」,猶没身也。《史記·孔子 子曰:「君子疾没世而名不稱焉。」【注】 舊 説。 「弗乎弗乎! 命中 論 考 君子病没世而名不稱焉。 偽》篇: 「貴名乃所以 貴 實 吾

> 實也。 言·問神》篇:「君子病没世而 名,無勇功」。又以伯夷死名與盜跖死利並言。 子恥之耳。道家以無爲宗,故曰「聖人無名」。又曰「無智 聞廣譽施於身。」令聞廣譽,非名而何? 焉。1聖人以名立教,未嘗惡人之好名也。《孟子》曰:「令 也。」張栻《論語解》:「有是實則有是名。 教之言,儒者所弗道。」〇注「疾猶病也」〇 曰:「君子去仁,惡乎成名。」又曰:「君子疾没世而名不稱 以成名。』《孝經》曰:「立身行道,揚名於後世。」於 也。」錢氏大昕《養新録》:「孔子贊《易》曰:『善不積,不足 終其身而無實之可名,君子疾諸 無名。」 唯聲聞過情 名者,所以命 非謂求 正義曰: 此悖 名 斯 道 於 語 法 君 其 傷

【注】君子責己,小人責人。正義曰:《禮·中庸》云: 謂 物自處也,人自官也,無非自己者。 論・貴驗》篇:「子思曰:『事自名也,聲自呼也,貌自眩也' 人」〇正義曰: 人,則無怨,上不怨天,下不尤人。」鄭注引此文説之。《中 「君子素其位而行,不願乎其外。」又云: 通。 子曰:「君子求諸己,小人求諸 通也知所悔,壅也遂所誤。」〇注「君子責己小人青 「求」訓責,亦引申之義。 故怨人之謂壅,怨己之 《禮 「正己而不求於 大學》云 人。」

昭昭」者也。恕,而即欲喻諸人,故但責人。孟子所謂「今以其昏昏使人恕,而即欲喻諸人,故但責人。孟子所謂「今以其昏昏使人子有諸己而後求諸人」,謂先責諸己也。若小人則藏身不

矣。 比」,言與人以義相親比 至「與比」〇正 覽・重言》注:「矜,嚴也。」「嚴」、「莊」義同。 持,不争,則非絶物矣,群者,油 黨,故君子絶之。 衆,不相私助,義之與比。」正義曰: 矜易於争,群易 莊也。」群而不黨。」【注】孔曰:「黨,助也。 此君子持世之準也。」〇注「矜矜莊也」〇正義曰:《吕 子曰:「君子矜而不争、【注】包曰:「矜,矜 義曰: 劉氏宗周《論語學案》:「矜者,斬 「黨」 也 訓 助者,引申之義。「義之與 油與人,不黨,則 ○注 君子 非 「黨 徇 斬 助 物 雖 自 於

奏以言, 先揚之而後考其德事,乃進用之也。《書·舜典》云: 言。【注】王曰:「不可 進,或以事舉,或以言揚。」「揚 言者不必有德,故不可以 文王世子》云: 子曰:「君子不以言舉人、【注】包曰: 明 試以功,車服以庸。」彼是考績之法,亦在試以 凡語 以 于郊者,必取賢斂才焉,或以 無 言舉人也。」不以人廢 如 **徳而廢善言。**]正 揚 于王廷」之「揚」。 義 \Box 「有 敷 蓋 功 德

> 不然。 皆不以言可知 職之治定愚智。 言勇者試之以軍,言智者試之以官。 之,試於官而事治者則用之。 效,不專尚言。 聽言而不試,故妄言者得用。」觀此,是古舉人之術 故《管子 故勇怯愚智之見也,如白黑之分。 明 法解》云: 故以戰功之事定勇怯,以官 試於軍而有功 明 主之擇賢人也 亂主 者則

此注。 字。○注「言己之所惡勿加施於人」○正義曰:皇本無 稱所箸書若數萬言、數十萬言,及詩體四言、五言、七言,並 教、曰乾、坤、震、巽、坎、離、艮、兑、消、息。」《韓非子・説林 言」,謂一字。《春秋左氏》疏引《易》云:「伏羲作十言之 乎?」子曰:「其恕乎? 以 下》:「齊人曰: 人。」【注】言己之所恶,勿加 字爲一言也。 子貢問曰:「有一言而可以終身行之者 『臣請三言而已。』曰: 「海大魚。」」又古人 皇本「行」下無「之」字,「人」下有「也 己所 施於人。 不欲,勿施 正義曰:「一 於

試以事,不虚譽而已。」斯民也,三代之所以直所譽者,其有所試矣。【注】包曰:「所譽者,輒子曰:「吾之於人也,誰毀誰譽? 如有

謂

語善

宜從長

也。

班

固《景帝贊》曰:

「孔子稱

「斯民三代

0

偏於厚,而

究其磨

礪誘掖之意

,非爲私曲

放

曰「直道」,所

有所譽」,是即直

道也。

直者,無私曲之謂。

如有所譽,似

本三代之法,無虚

加之辭也。」

選録,然後用之。」合此二文,校其語意,則上文所

509

哉?

『其有所試」,謂三代已嘗試之,非謂身試之也。

藝文志》儒家

敘

略

云: 『孔子曰: 「如

有所譽,其

此民直道

而

行,

而

人皆

競

勸

於善,安在今之不可

與

之人,往古之成效可

親也。 揚稍過

而或有所譽,稱

者,以斯人皆可獎進

而

云:

「毀者,稱人之惡而

損

其真。

譽者,揚人之善

而

此

無所阿

私,所以

云『直

道

而行』。」正義曰:

道

而

行也。」【注】馬曰:「三代,夏、殷、周。

用

試」句。

「如」與「而」同。

以,用也。

言我之於人,無

實。」包氏慎言《温

故録》:

班」,據《後漢書》當作「韋」。

四 九七 近厚; 爲先。

鍛鍊之人,持心近薄。

三代之所以

直

漢書

班彪傳》:

●彪上議

曰:「國以簡賢爲

務,賢以

傷

用其私。 書必同文,不知則 謂書字掌於太史,而保氏以教。 爲掌史書之令史,專以正書字爲職,故曰史書、曰史篇,皆 史書、令史。吏民上書,字或不正,輒舉劾。」史書、令史者 以上,乃得爲史。 四方」,❶亦太史之屬。 王時太史,作《大篆》十五篇。 以教門弟子者,與天子諸侯之設官無以異 子之所當教,故孔子言「執御」。又言「正名」,言「雅言」,所 教之六藝,「四曰五馭,五曰六書」。 下有「則」字。朱子《集注》本「矣」誤「已」。 矣。 借人乘之。今亡矣夫。【注】包曰:「古之良史 借人乘習之。孔子自謂及見其人如 於書字有疑則闕之,以待知者。 穿鑿」○正義曰:宋氏翔鳳《發微》云:「《周禮・保氏》: 借,假也。」亦常訓。 言此者,以俗多穿鑿。」正義曰:《毛詩· 子曰: 故孔子曰 「吾猶及史之闕文也。 又以六體試之,課最者以 闕 唐石經「史」下無「之」字。 「吾猶及史之闕文也,今亡矣夫!」蓋 問 漢律:「太史試學童 諸 故 老。 《周禮·内史》『掌達書名 班氏《藝文志》云:『古制 至於衰世,是 御與書同在六藝、皆國 有馬不能調良,則 也。 此,至今無有 ○注「古之」至 爲尚書、 能諷書九千字 史籀爲周 有馬 非無正,人 皇本「今」 抑》傳: 、御史、 者 于 宣

凡 可詭更正文,故書能同文。」案: 會意、轉注、段借。 事,而保氏之所教也。 亂也。」班、許兩家之言,若出一涂。 後人所以識古,故曰「本立而道生」。 學者疑。 非其不知而不問,人用己私,是非無正,巧説衰辭,使天下 文而不穿鑿。孔子曰:「吾猶及史之闕文,今亡矣夫!」蓋 事之成書也。 可人用其私 表,舞交衢,逐禽左。 所數,許氏又云: 『《書》曰「子欲觀古人之象」,言必遵修舊 造不可知之書,以燿於世。」與班氏言衰世之弊同。 見《論語》之史,若漢代史書、史篇之類,而 知蓋闕」 確。 有馬而借人乘習,則皆期於善御, 其 瘦不正。」其引《論語》「史之闕文」,即 其謂 一同義。 蓋文字者,經藝之本,王政之始,前人所以 ,故車能同 有馬借人乘之爲五馭之法」,尤補注義 許氏《説文解字敘》云:「詭更正文,鄉 《志》又言: 闕文者,所不知者也。 乘之者,習此者也。 軌。 五馭之目爲鳴 『《史籀篇》,周官教學童者也。』 六書之目爲指 宋説 故《論語》包注云云。 知天下之至嘖 亦六藝之一,弟子之 「史闕文」之義、至爲 和鑾,逐水曲,過 有一 有 事、象形、諧聲 不必爲紀言、紀 上《子路》篇『不 定之法,非 定之法,非 孔子之 而 垂後 不可 壁虚 《荀 君

0

詳

内 據《周 禮

子• 鑿,不免自以爲是也 乃得教順,此學御之事。 養安也。」注: 禮 論篇》: 倍 「故大路之馬,必倍至教順,然後乘之,所以 至,謂 倍 夫子時,六藝之學將廢,故俗多穿 加 精至也。」則有馬須借人乘之,

之而 忍於惡一人,則將有亂大謀者矣。 然非小不忍之謂也。 謀。」正義曰: 之所割也。」二傳文皆如吴説。 不忍。」《外戚傳》:「夫小不忍則亂大謀,恩之所不能已,義 也。」案:《漢書·李尋傳》: 大事者,不知此狙 注】孔曰: 或曰: 非 者。 子曰:「巧言亂德,小不忍則亂大謀。」 必有忍,其乃有濟,若後世所謂能 巧言亂德,所謂惡佞足以亂義也。 「巧言利 吴氏嘉賓《論語説》:「先王有不忍人之政, 詐之術,雖於聖人之辭若可通,竊以 故曰『惟仁者能愛人,能惡人』。 口 則 「執乾剛之德,勉彊大誼 亂 德義。 聖人之所惡,常在於似 小 不忍 有所忍以 小不忍則亂 則 絶小 苟不 亂 爲非 就 大

「孔子 故 好惡不 【注】王曰: 日 子曰:「衆惡之,必察焉,衆好之,必察 『衆好之,必察焉; 可不察也。」正 「或衆阿黨比周,或其人特立不群, 義曰:《潛夫論 衆惡之,必察焉。」故聖人之施 潛歎》篇云:

譽

子• 衆惡。 以爲傳寫誤倒,或有然也。 《風 狀》、《議貢舉狀》、王臨川《答段縫書》亦先 無罪而 言是從,此政之所以 己有所愛,則因以斷正,不稽於衆,不謀於心,苟眩於愛,惟 義,或舍人取己,故舉無遺 舍也,不必任衆,亦 曰:「或衆阿黨比周」,所以衆好,「或其人特立不群」, 宋葛洪《涉史隨筆》、王氏《論語辨惑》、司 吏失其治 其罪過,毀衆者則罰之。 「善」,亦「衆善」句在前, 殷爲罰也。」」案:《潛夫論》引「衆好」句, 斯信。」即本王注,故亦引《論 俗通義·正失》篇、羅隱《兩同 明法解》: 《梁書· 有罰。」又云: 故 《明法》曰『官之失其治也,是主以譽爲賞,而 「亂主不察臣之功勞,譽衆者則賞之, 劉孝綽傳》:「孤特則積毀 不必專己,必察彼己之所爲,而 敗 「如此,則慤愿之人失其職 亂,而士之所以 即王注疑亦如此。 如此者,則邪臣 失而 〇注 語》説之。 政無廢滅 :書》「真偽」章、「好」均 或衆」至「察也」○正 放供者 也。 無 馬 所歸,比 功而得賞, 俞氏樾《平 在 温 「好」後「惡」。 或 公《論選 也。」又《管 「衆惡」 君 ,而廉潔之 則 周 度之以 不 不 則 所 議 前 作 積 以

以

曰: 子曰: 才大者,道 人 隨 能 大; 弘 才小 道 者,道 非 道 弘 隨 小, 人。」【注】王 故 不 能 弘

意也。 人。」正常 平當說,「衰微之學,興廢在人」,亦引此文,義皆可證。 也,幽、 不免爲衆。《中庸記》所云「苟不至德,至道不凝焉」,即 弘人。故行之不著,習矣不察,終身由之而不知其道, 文、武之功業,周道粲然復興。」下引此文。 才爲大小,故人能自大其道,即可極仁聖之詣,而非道可 人」〇正義曰:皇本不言「王肅曰」,則何晏等義也。 厲不繇也。 《漢書·董仲舒傳》:「夫周道衰於幽、厲,非 義 刊 : 皇本「弘人」下有「也」字。 至於宣王,思昔先王之德,興滯補弊,明 ○注「王曰」至 又《禮樂志》載 則 道 道 弘 亡 此 仍 以 隨

飢

而反言之。《穀梁僖二十年傳》: ❶ 過而不改,又之,是謂 、韓詩外傳》三:孔子曰:「過而改之,是不過也。」當本此文 過而 不改,是謂過矣。」正義曰:

如須臾之所學也。」」略本此文。賈子《新書・修政語上》: 殆」。《大戴禮・勸學》篇:「孔子曰:「吾嘗終日而思矣,不 湯曰: ,無益,不如學也。」正義曰:「思」者,思其所學 然思之不達而一於思,反爲無益,故曰 子曰:「吾嘗終日不 「學聖王之道者,譬其如日, 食,終夜不寢,以 静思而獨居,譬其若 一思 而不學則

> 子貴尚學道,而賤下獨思也。」 火之光於室也。 火。」夫舍學聖之道而静居獨思,譬其若去日之明於庭 然可以小見而不可以大知,是故明 而 而 君 就

之意,則知當時學者以謀食爲亟,而謀道之心或不專矣。 得禄,故趨於異業而習耕者衆。 猶思也,本非所習而思爲之,故曰「念耕」。 貧。」【注】鄭曰:「餒,餓也。言人雖念耕而不學,故 夫子示人以君子當謀之道,學當得禄之理,而耕或不免餒 請,而長沮、桀溺、荷蓧丈人之類,雖隱於耕而皆不免謀食 其業,自非有秀異者,不升於學。春秋時,士之爲學者多不 正義曰:段本《説文》:「餒,飢也。」此常訓。 嘗終日不食」爲一章,當時簡編相聯,未分别也。 曰:《潛夫論·讚學》篇引「耕也餒在其中」三句,連上「吾 其中矣, 學也, 禄在其中矣。 (説文))云「犂也」,謂以牛犂田也。 餓。學則得禄,雖 子曰:「君子謀道不 不耕而不餒。 觀於樊遲以學稼、學圃 · 謀食。 ○注「餒餓」至「人學」○ 君子憂道不 此 勸人 耕 古者四民各習 「念耕」者,念 也, 學。」正 餒 憂 在 爲

⁰ 「二十」,據《穀梁傳》當作「二十二」。

學則 得不憂貧。 豈口腹身家之圖所能易其志哉?」 子所稱,謂君子爾。」誼與鄭同。夫耕原於謀食,謀食即不 矣。 也。 矣。 潛夫論 若夫農務於耕,自習其業,安得概以 鄭 可以 既不學不可得禄,故或遇凶 謂 ·釋難》篇釋此文云:「君子勞心,小人勞力,故孔 得禄,所以誘掖人於學,而凡爲君子者,當自 君子志其大者遠者,但憂謀道之無得於己,而 而不學」,謂士之爲農者,但 歉而不免於餒,是兩失之 「謀食」責之? 務農而 不 爲 學 勉

及民也。 民,即知臨爲大君之宜。案:"「知及之」,謂政令條教足以 之」句不可通。 之,則民不敬。【注】包曰:「不嚴以治之,則民 雖得之,必失之。」知及之,仁能守之,不莊以涖 必失之。【注】包曰:「知能及治其官而仁不能守, 後善。」正義曰:此章十一「之」字,包注指位言,但於「動 之不以禮,未善也。」【注】王曰:「動必以禮,然 敬從其上。」知及之,仁能守之,莊以涖之,動 與 「知及之」配 子曰:「知及之,仁不能守之,雖得之, 「仁不能守之」,謂不能以仁守之。「仁」字置句 毛氏奇齡《賸言補》: 指民言。 儷成文耳。 《大戴禮 武 王踐阼》篇: 知足以 及 不

民也。 寡必不加焉。 制度,所以接下之人。百姓有不理者如豪末,則雖孤 莫不致愛其下,而制之以禮。上之於下,如保赤子。 禮」,謂以禮感動於民,使行之也。 以臨其下,謂之有威儀也。」皆言臨民當莊之義。 觀,作事可 畏而愛之,則而象之,故能有其國家,令聞長世。臣有臣 失其心也。得天下有道,得其民,斯得天下矣。 子·離婁》篇:「桀、紂之失天下也,失其民也。失其民者, 守之,必及其世。二是言凡得民者,皆當以仁守之也。 以不仁得之,以仁守之,其量十世, 君 威儀,其下畏而愛之,故能守其官職,保族宜家。二又 而可畏謂之威,有儀而可象謂之儀。 文》:「埭,臨也。」即「涖」本字。 道,得其心,斯得民矣。」此文「得之」、「失之」,即謂得民、失 故君子在位可畏,施舍可愛,進退可度,周旋可則,容止 莊以涖之」,謂威儀也。《左氏傳》:「北宫文子曰:「有 師尚父曰: 『且臣聞之,以仁得之,以仁守之,其量 臣 上下、貴賤長幼、至于庶人、莫不以是爲隆正。 「莊以涖之」者,涖,臨也。 法,德行可 故下之親上,歡如父母,可 象,聲氣可 皇本作「莅」,又「涖 樂,動作有文,言語 見《毛詩・采芑》傳。 《荀子·王霸篇》:「上 君有君之威儀,其 以不仁得之,以 殺 而 不可 得其民 「動之以 使不 或或 百 有章 政令 日 不仁 世; 順 體 臣

義 難也! 證武仲之失位,由於不順不恕。 順,施而不恕矣。」蓋善其知義,讓其違道也。」下文又云: 至「失之」〇正義曰:《後漢書・劉梁傳》: 内自省 「智及之,仁不能守之,雖得之,必失之」也。」此引《論語 患之所在,非徒在智之不及,又在及而違之者矣。 正合。《易·繫辭傳》:「何以守位? 以 有臧武仲之智,而不容於魯國。 謹於分。」此 助之以 禮爲治之善也。 不順不恕即是不仁,與包 日仁。」 抑有由也,作而不 「孔子曰:「智之 ○注 知 故曰 能 议

我知之也。受,彼所受也。」《淮南子•主術訓 釐之計者,必遺天下之大數,不失小物之選者,惑於大數之 其才,物有其形,有任 大略者,不可責以捷巧,有小智者,不可任以大功。 可以小了知而不可大受也。」正義曰:《集注》云: 道深遠,不可以小了知 人不可大受而可小知也。」【注】王曰:「君子之 了」者,無餘之辭。 ,譬猶狸之不可使搏牛,虎之不可使搏鼠也。」○注 至「受也」〇正義曰:皇本無「王肅曰」,則何晏等義 子曰:「君子不可小知而可大受也,小 君子所知皆深遠之道,不可以小了之 而太重,或任百而 而 可大受。小人之道淺近, 尚 輕。 》:「是故 是故 知, 審豪 人有 也。 王 有

也。小人祇知淺近,故可以小了知。

宋,聞人相食,大驚而哀之,不意之至於此也,是以 秋繁露•竹林》篇論楚子反許宋平事,云:「今子反往 事,值有當行仁者,不復讓 急行,故告以不讓於師之道,恐以 夫子示門人語。 行仁之事,不復讓於師,言行仁急。」正義 當行」至「仁急」〇正義曰:《説文》: 子曰:「當仁,不讓於師。」【注】孔曰: 蓋事師之禮,必請命而後行,獨當仁則 於師 所 展 謂 轉誤 「當,田 聞 人生 斯 相值 行 之」也。 死 曰 : 也。 也。」人於 此 心駭目 章 ○注 視 官 是

動 食,大失其仁,安著其 「當仁不讓」,此之謂也。」彼言子反不讓於君,與此義略同 而違常禮。 禮者,庶於仁文質而成 /禮? 方救 其質,奚恤 體 者也。 其 文? 今使 人相 故 日

故引文説之。

常訓。 婁下》:「大人者,言不必信,行不必果,唯 答子貢曰: 至於賊道。「君子貞而不諒」,正恐其執 不好學,其蔽也賊。」蓋好信不好學,則執一而不知變通,遂 異孫《十 正。 信」,即 諒兼友多聞,多聞由於好學,則不至於賊。]案: 上篇夫子 者,爲其賊道也。」」焦氏循《孟子正義》:「《論語》云:『好信 亮者,非惡乎信,惡乎執也。 曰: 『君子貞而不諒。』 諒者, 信而不通之謂。 注「貞正」至「小信」○正義曰:《易・彖傳》:「貞,正也。」此 「亮」與「諒」同。 諒,信也。 子曰:「君子貞而不諒。」【注】孔曰:「貞、 此注所云「小信」也,亦 君子以義制事,咸合正道,而不必爲小信之行。 經問 「言必信,行必果,硜硜然小人哉!」《孟子·離 對》 孔子曰: [豈若匹夫、匹婦之爲諒也?]又 君子之人,正其道耳,言不必小 「《孟子》曰:『君子不亮,惡乎執?』 故《孟子》又曰:『所惡 即 京諒 也 而蔽於賊也。 義所在。」「言 漢書 君子所以不 \pm 信。」 一貢 執 何 友

> 詭引巢、許爲喻,近此義也。」亦言不必信之證。 傳贊》:「貞而不諒,薛方近之。」顏注云:「薛方志避亂朝,

《禮・表記》云:「子曰:「事君,軍旅不辟難,朝 曰: 臣居位,有不得禄。 當敬其事也。 從之,否則,孰慮而從之,終事而退,臣之厚也。」是言事 處其位而不履其事,則亂也。 讀書志》載蜀石經作「敬其事而後食其禄」,是依注文妄增 獲』之『後』同。」《儒行》曰: 不復敬君之事,則大不可。 「先盡力 子曰:「事君,敬其事 《檀弓》云:「仕而未有禄去。」①可見當時 而 後食禄。」 然祇去位則可,若在位而但計及食禄, 「先勞而後禄。」亦此意。 朱子《集注》云: IE. 故君使其臣,得志則慎 義 日 : 而後其食。【注】孔 「敬」者, 「後」,與「後 自 廷不 1急敕 郡 辭 慮 賤。 也 齋 人 君 而

教之也。 皇疏云:「人乃有貴賤, 曰:《説文》云:「類,種類 見教,無有種 子曰: 教之則善,本 「有教 類。」注「言人所 無類 同 無類。」【注】馬曰:「言人所在 相 宜資教,不可以 也。」《吕氏春 似,唯犬爲甚。」故其字從犬。 在見教 無 其 秋 有 種 種 類庶鄙而不 |類||○ 勸 學》篇 Ē

❶ 「去」,據《禮記》當作「者」。

可 故 其 師之教 (事無不可。) 也,不 争 輕 重、 尊 卑、 貧 富, 而 争 於道。 其人 苟

持 百,始有異同之見,而自以爲是,互相攻擊。 謀者,道之本能,相爲謀者,聖人之用。 不可」,夫子之謂「集大成」,安有所謂「不相謀」 子之學與儒不同,未可厚非也。 儒學亦絀老子。 從其志也」,即 同,則不能相爲謀也。《史記・ 潔其身而已矣。」歸潔其身,道 子》又言:「君子之行不同也。 道。」道者,志之所趨舍,如出處語默之類。 失其旨矣。 有不同,其是非得失,皆自知之,不能相爲謀也。」案: 嘉賓《説》:「《孟子》曰:「伯夷、伊尹、柳下惠,三子者 載之量,亦大昧乎「不相爲謀」之旨。 子曰:「道不同,不相爲謀。」正義曰: 《老莊申韓列傳》: 孟子不同道之説。 「道不同 ,不相爲謀」,豈謂是耶?」亦 也;而遠近、去不去,行各不 「世之學老子者,則 或遠或近,或去或不去,歸 伯夷列傳》引此文云「亦各 若夫「與時偕行」、「無可 顔注以一 後 天道、人道爲言 雖同於爲善而 世儒者 既非聖人覆燾 一哉? 絀儒學, 舉 不相 吴氏 以 · 孟 不 廢 老 無 同

過於實,辭達則足矣,不煩文豔之辭。」注「凡事」至子曰:「辭達而已矣。」【注】孔曰:「凡事莫

辭不貴多,亦不貴少,皆取達意而 而説。 「凡事」得兼舉也 集》據《聘記》解此文,以爲《論語》亦是聘辭: 於實,故但貴辭 之辭」〇 辭多則史,少則不達。 Ĕ 義曰: 達則 辭 足也。 皆言 事,而 後禮 辭苟足以達,義之至也。」是 事 咋 自 聘禮記 有實,不煩文 錢氏大昕《潛研堂文 ,則不若此注言 辭 無常 豔 以 孫 過

内。 儀》云: 當立堂下,故此及階、及席,夫子若爲扶工者,一一詔告之。 案: 《温故録》:「禮,迎客於門,每門必讓。 問 皆坐,子告之曰:「某在斯,某在 注:「爲其不見,意欲知之也。 又告以某某在斯者,令師冕知之,得與爲禮也。 師之道也。」【注】馬曰:「相,導也。」正義曰: 及階,子曰:「階也。」及席,子曰:「席也。」 曰:「歷告以坐中人姓字、所在處。」師冕出,子張 曰:「與師言之道與?」子曰:「然,固 趙説是也。 此師冕見,當先有坐客, 師冕見、【注】孔 「其未有燭而有 但 一師冕 後至者 來見,必亦 曰: 則 師冕見云云。」正瞽無目,恒 「師,樂人盲者,名冕。」 則 第俟諸 以 有扶 在 者告。 階, I 降等之客, 者。 故紀從階始。 斯。」【注】孔 道 人門之後 瞽亦然。 《禮・少 趙 則 於門 氏佑 相

江都錢國珍校刊

論語正義

論語正義卷十九

恭冕述

季氏第十六 集解

凡十四章

主。 曰: 矣、【注】孔曰:「魯七百里之封,颇史爲附庸,在其 【注】孔曰:「冉求爲季氏宰,相其室,爲 來告孔子。」孔子曰:「求! 氏貪其土地,欲滅而取之。 冉有與季路爲季氏臣, 伏羲之後,風姓之國,本魯之附庸,當時臣屬魯。季 孔子獨疑求教之。」夫顓臾,昔者先王 【注】孔 「季氏將有事 季氏將伐顓臾。 曰:「使主祭蒙山。」且在 於顓臾。」【注】孔曰:「顓臾、 冉有、季路見於孔子, 無乃 爾 邦 以 是過與? 之聚斂,故 域之中 爲 東 蒙

鄭作 爲封 封也。 《周禮·大宰》注: 曰: 謂依孔注,「邦」當作「封」,然孔云「七百里之封」,乃釋「邦 音義同。 爾是過與」,是猶寔也。 顓臾之事,不見於經傳,其以夫子之言而 爲,必以告於夫子,則因夫子之言而救止者,宜亦多矣。 者也。」《集注》引洪氏曰:「二子仕於季氏。凡季氏所 以酬來感,宏舉治體,自救時難,斯乃聖賢同符,相爲表裏 告夫子,實欲致大聖之言以救斯獎。 謀者,將有以也。 其謀,因見孔子告之。皇疏引蔡謨曰:「冉有、季路並 季氏,謂康子。《説文》云:「伐,擊也。從人持戈。」《左莊 佐之姿,處彼相之任,豈有不諫季孫以成其惡? 域 二十九年傳》:「凡師有鍾鼓曰伐。」季氏欲伐顓臾,二子知 中。」是社稷之臣 「已屬魯,爲社稷之臣,何用滅之爲?」正義 ,非孔本作「封」,惠氏誤也。 封内」,明此「邦域」亦當爲 封有功於是也。」《釋文》云:「邦,或作封。」蓋二字 《漢書·王莽傳》「封域之中」,即邦域也。 量己揆勢,不能制其悖心於外,順其意以 「邦,疆國之境。」《釋名・釋州國》: 説見王氏《經傳釋詞》。 也。 何 「封域」。 陳氏鱣又謂下文 以 是以夫子發明大義 伐爲?」【注】孔 止也與?」「無乃 然《釋文》於此但 「邦域」者 所以同其 「邦内」 惠氏棟 邦 E: 以 伐 欲 Ŧ.

胡氏渭《禹

》、《論 濟之祀。 稷之臣。」○注

司

獨

取鄟,取鄫,取卞,皆附庸 庸」者,鄭注《王制》云: 人,宿被宋遷,邾與魯世相 大國,未能以其名通也。」案:「庸」與 顓臾爲幸存,非其事大謹職,何能至于今不貳? 何以伐爲」,與 川,土田附庸。」魯屬國之在邦域者多矣,自向爲莒 語》各舉其 貢錐指》: 大皞 者,主 也。 「使主 宿 邦」、「域」義通 注 賈誼傳 專 則不得專臣 也。 伏羲。 須句、顓臾,風姓也,實司大皞與有濟之 顓 之矣。 从口从戈以守 一祭蒙 也。 「蒙山 顓 曳」至「取之」○正 耳。 「小城曰附庸。 「何以文爲」同一句法。 》注:「域,界局也。」是域即所封 與爲魯附庸 四 濟 而不克保,魯之不字小亦甚 仇殺、魯又滅項、取須句、取邿 趙 蒙 在今蒙陰 與東蒙, 國,伏羲之後,故主其祀。」「附 不必 氏佑《温 Щ 也。」是謂 Ĕ 即 ___ 義曰:《左傳》言 東蒙 舍正 顓臾並 墉」同。 故得 縣 故 附庸者,以國事附於 立義 曰: 南 Ш 附庸得 本用 , 地 録 四 稱 在魯東,故 7 《詩》「以 主其祀。 也。 或本矣。 臣。 ·里,西 《左僖二十 皇本作「何 自立國, 詩》云: 域,或 《詩 故曰 顓 臾 南 作 《説 **定** 矣。 云 又 接 司 社 繼 閟 爾 之 異而實同 釋》: 山自 里 費縣西北七十里,蒙山 里,長六十九里,西 魏•志》: 費縣界。 廣大邦國之竟,故 曰 十里,子、男五十 名,故今定正之。 附庸。」解者謂 在新 蒙蒙 也。 山在今山 「新 漢志》: 泰縣

庸」,謂以作

爾

城

「錫之山

雖

稱臣,不

得 庸,

附

「蒙陰縣 有蒙山。」劉芳《徐州 有蒙 Ш 祠, 瀬臾 記》「蒙山 國 在 「蒙 山 下。」《 高 四 後

龜 Ш 縣界。』《元和志》: 也。 東,二山 『蒙山高峰數處, 《齊乘》曰 東蒙山在 也。 連 屬,長 隱 後 没 人惑於 費 「龜 龜 八 縣 俗 + 山 Ш 西 Ш 之 東 北 以 在 在 本 在 今 七 新 +

界也。

从土。』《漢書

文》云:

「或,邦

 \overline{Z}

作

封

以

爲伐也」。

傳》:

任、

祀。」杜

注:

《禹貢》之蒙、《論語》之東蒙,正此蒙山 泰縣東八十八里,費縣西北八十里。 東者爲東蒙,中央者爲雲蒙,在西北爲龜蒙,其 之説,遂誤以龜山當蒙山,蒙山爲東蒙,而 十五里。』是謂蒙與東蒙爲二山 泰,亦非即 邑人公鼐論曰: 東青州府蒙陰縣南八里 北接新泰 龜蒙峰也。」蔣氏 在 廷 錫 西西 《尚 南接 實一 書 地 兖州 Ш 里。」 理 費 今

爲附庸在其域中」〇正義曰:《孟子》云:「公侯百里 即蒙山,蓋統山之群阜言之,與胡氏「蒙陰縣南四 縣界,延袤一百餘里。」今案:蔣説以蒙陰縣南 伯三百里,子二百里,男百里」。 蒙陰今屬沂州府。 此周 里。 《周官 不能 初 之制。 大司徒》言「公方五百里,侯四 五十里,不達於天子,附 其後成王用周公之法 ○注「魯七百里之封 先鄭注以 爲附庸在 八里 7 於諸 諸 里 伯 顓 Щ 内 説 百 侯 臾 爲

良史。 咎於季氏。」孔子曰:「求! 受子地,附 附庸九同; 言錫之也。 子欲之,吾二臣者皆不欲也。」【注】孔 伯、子、男四等之附庸,以 即二十同。 十四,言得兼此四等矣。」賈疏云:「凡有功進地,侯受公地 附庸三同,進則取焉,退則歸焉。 里包有附庸,僞孔此注用 并五五二十五,積四十九。 公之封,地方五百里,加魯以四等之附庸方百里者二十四 勳勞於天下,是以封周公於曲阜,地方七百里。」注云:「上 扶,則將焉用彼 凡諸侯爲牧正帥長及有德者,乃有附庸,爲有禄者當取 鄭則 公無附庸 力就 以 言當陳其才力,度己所任,以就其位,不能 附 庸三同。 伯受侯地,附庸七同,子受伯地,附庸五同, 列,不能者止。』危而 地方七百里者,包附庸,以大言之也。 四角又各百里爲四同故附庸二十四。」魯兼侯、 庸不在其中。 ,侯附庸 魯本五百里四面各加百里,四五二十, 相矣? 九同 開 《明堂位》云: 後鄭義也。 開方之,得七百里。」是魯七百 ,伯附庸七同,子附庸五同 方知之也。 【注】馬曰:「周 魯於周法不得有附庸 周 《大司徒》注又云: 不持,顛 「成王以周公爲 任有言 冉有曰: 任,古 曰:「歸 附 日 而 「夫 庸 男 不 則 之 男 , 故 有 職 : 文 》: 雅 能 當 龜

釋詞》謂此「矣」字與「乎」同義,是也。 其蕃衛也。」案: 持,焉用彼相邪。」正本此文。 將有危顛則須相 也。」「扶,佐也。」《集注》云:「相,瞽者之相也。」此言瞽者 後世必爲子孫憂。』正義曰:「陳力」二句,是周任 檻也,情,匱也。失虎毀玉,豈非典守之過邪?」冉 有曰:「今夫顓臾,固而 玉毀於櫝中,是誰之過與?」【注】馬曰: 出」下、「毁」下無「於」字。《釋文》:「匣,户甲反,本今作 「危而不持」云云,則夫子設譬以曉之。 「止」,謂去位 危」者,行傾側也。「顛」者,失隊也。 固謂城郭完堅,兵甲利也。 止。」包曰: ,何用相爲?」且爾言過矣。 」,謂守龜,龜 「掌囿游之獸禁,牧百獸。」注:「養獸以宴樂視之,禁者 釋獸》:「兕,似牛。」郭注:「一角,青色,重千斤。」《説 如野牛而青。 「言輔 蕃 人掌之。 者扶持之。 」與「藩 相 兕,古文從儿。」《周官 「玉」,謂命圭, 人 同。 者, 「矣」與 《漢書• 費,季氏邑。」今不取 近於費。【注】馬曰: 當 蕃衛」即 能 「虎兕」皆獸名。 邪 虎兕出 陳 持危扶 《説文》:「持,握 球 同。 此 傳》: 瑞掌之。 所云 於押, 王氏《經傳 類,若 面 「柙」也 傾 一种, 危 **爾** 也 語 不 不

地

民之寡少,患

政

理

之不均

有國有家者,不患寡

舍其貪利之説,而更作他

夫。」《路史》注:「商太史。」江氏永《群經 不安。【注】孔曰:「國,諸侯,家,卿大夫。 周任古之良史」〇正義曰:《左》隱六年、昭五年皆引周任 後世必爲子孫憂」、《釋文》本無「後世」字,引或本有之。 女之言。」舍曰欲之而必爲之辭。【注】孔曰: 「掌脩城、郭、溝、池、樹、渠之固。」《序官》注云: 文三王傳》引亦作「匣」。 國曰固,野曰險。」此注兼兵甲言者,引申之 《後漢·臧宫傳》注引亦無 馬此注當別有所本。 古費城六十五 利也」〇正 君子疾夫【注】孔曰:「疾 而患不均,不患貧 從木甲聲。」義本《論語 辭,是所疾也。」丘 樊廷枚命 「柙檻也」〇 平。 義曰:《周官• 里。」是 顓臾與費相 《釋地補》引《兖州府 憂不能 補 「後世」字。 杜預云: 義》疑 顓 Œ 臾 義 安民耳, 视剛《書 近 不患土 ☐ : 近, 一固,國 周 掌 也 而 費 ○注 閻 《説 也。 固 患 聞 0 大 氏 民安 治之德 下 《繁露》引「不患貧而患不均」、《魏書・張普惠傳》同。 子曰: 「君子不盡利以遺民。」故君子仕則不稼,田則不漁, 地 (注)包曰: 露》則依義引之,故不同 爲度而調均之,是以財不匱而上下相安,故易治也。」 者足以示貴而不至于驕,貧者足以養生而不至于憂。 于衆人之情,見亂之所從生,故其制 大貧則憂。憂則爲盜,驕則爲暴,此衆人之情也。 患貧而患不均。」故有所積重,則有所空虚矣。 食時不力珍,大夫不坐羊,士不坐犬。」又云:「孔子曰:「不 者、言班爵、禄制、田里皆均平也。 曰: 皇本「而必」下有「更」字。 服,則脩文德以來之。既來之,則安之。 寡矣, 小大安寧, 不傾危矣。」 夫如是,故遠 由於不均,故下文言「均無貧」。《論語》本錯綜其文,而《繁 和協、民皆思歸也。 圻,列國一同,自是以衰。」《春秋繁露·度制》篇: 則 , 所 國 以 富。」蓋 「政教均 别 征伐 爲 均 平,則 武事 「脩文德」者,脩謂加治之,文德謂 也。「和 無 也。 貧, 不 「寡」者,民多流亡也。 《周 無寡」者,言既均平, 貧矣; 和 《左傳》子産言「天子之 人道而差上下也 語》云: 無 上下和 寡,

文》: 注「固

謂

城郭完堅兵甲

「柙、檻也、臧虎兕

也。

盤庚》遲

任,不

知然否?

○注

所依阻者也。

孔子曰:「求!

馮氏《考證

》謂

説,不言爲史官。

柙。』《漢書

安

無

傾

同,

不

正義

「均」

孔

釋地又續

》謂相距僅七十里。

故

臾

城,

距

「有不祭

則

脩 文 上

則

大富

則

驕

聖

者

則

使富

案:

以

此

蓋

貧

Ŧi.

0

内。 意,有 在 囚 欲 離 服。」《周語》此文,即 不 兵,有征討之備,有威讓之令,有文告之辭。 征 則 夷、徐戎竝興,乃伯禽之時,非哀公也。 而 曰:「蕭之言肅也,牆 之憂,不在 也,相夫子,遠人不服,而不能 召來之也。 安之」者,施以養教之術,使之各遂其生也。 邦域中, 季桓 去日崩,不可會聚日離析。」而謀 至,則又 不享,讓 脩德,序成 加 析,而不能守也。【注】孔曰:「民有異心 【注】孔曰:「干,楯也,戈,戟也。」吾恐季 肅敬焉,是以謂 不 祀 非遠人、當以淮夷、徐戎當之。 增 不貢,告不王。 則 趙岐《孟子章指》引作「懷之」。「懷」亦來 脩 而有不至則 Œ 於德,無勤 顓 言, 義 史, 而 曰 有 謂遠人不服,宜脩文德之事。「來 不 閻 之 謂 享 ?脩刑。 民於遠,是以 氏《釋 蕭牆。 則 屏 在 於是乎 脩 也。 蕭 地 文,有 於是乎有刑不祭,伐不祀 牆之内也。」【注】鄭 又續 有 後季氏 君 刑罰之辟,有攻 不貢 臣 近 來也。 相 考哀公元年冬伐 余亦不謂 動干 無不聽,遠 徐 則 家臣陽 見 布令陳辭 脩 今由 文長 之禮,至屏 名,有 · 戈於 邦分崩 謂 虎,果 曰 與 無 伐 而又 顓 不 也。 分, 孫 邦 求 謂 不 之 Ė 淮 曳

薄。 「蘠屋傾亞。」皆叚 已有隙,一 有 時哀公欲去三桓,季氏實爲隱憂。 諸國卿大夫無有效之僭者,季氏之家安得有此? 以簾,士以 以蕭牆之内爲季氏之家,不知禮天子外屏,諸侯内屏,大夫 石經作「蘠」。下篇「辟諸宮牆」,亦作「蘠」。《脩華嶽碑》: 字、與《釋文》合。下句無「於」字、從包、周本也。」「牆」,漢 室,季氏取二,孟孫、叔孫各一。 以爲遠? 邾,二 本「而在」下亦有「於」字。 經殘字,「而在」下有「於」字,云「盍、毛、包、 人」似即 「封内」。 「不在顓臾」,或作「不在於顓臾」。」馮氏《考證》: 上下相猜,將不能守其邦 人之,以邾子益來。 唐石經亦有「於」字。」 阮氏《校勘記》曰: 費邑,難爲臧紇之防,孫林父之戚,可藉 管仲僭禮旅樹、《禮記》不言自管仲始,可見管仲之後 年 謂邾。 春伐邾,三 曰 : 旦難作 帷,則蕭牆 敵國則遠人矣。」「邦分崩離析」,謂四 或曰: ,即效意如之譎,請囚於費而 年 蘠 八年夏,以吴將伐我, -冬圍 惟 魯擊柝聞於邾,相 爲「牆」。 人君有耳。 陳氏鱣曰: 邾 也。 ,六年冬伐邾 《釋文》: 此時賦用益繁,誅求無藝 方氏觀 又以 卿大夫以 「高麗本上句有「於 出 距僅 旭《偶記》: 「「邦内」,鄭本作 以 七 周 「《隸釋》載漢石 甲 乃 逆 墮 下,但 無「於」」。」宋 七十六里 歸 年 無可 邾子。 都 秋 之後 伐 竊謂 逞 得設帷 邾 俗 分公 「遠 一,何 遂 又 既 斯

之。 之」至 於鉤 異名。 有枝兵也。」「戈,平頭戟 謂 閒謂之舒,或謂之鏔,吴、揚之閒謂之戈,東齊、秦、晉之閒 人君。 也。 田 則 畏 據《説文》則戈亦 「干、瞂、 東或謂之嚴,或謂之干,關西謂之盾。」《廣雅・ 「干,扞也。」孫炎注: 央殿中地震。 也。」案: 臣,所以伐顓臾耳。 勞憊於外,勢不能 :其大者曰鏝胡,其曲者謂之鉤釨鏝胡。」郭注:「釨,取名 顓 常伐吴之故智。 如 東世 若曰季孫非憂顓臾而伐顓臾,實憂魯君疑己而 然則蕭牆之内何人? 武子之取下,以 「桓子」() 《方言》又云: 也 ○注「干楯也戈戟也」○正義曰: 植,盾 方説是也。 爲魯臣,與 鉤釨鏝胡,即今雞鳴鉤釨戟也。」《説文》:「螒, 谷永曰:『地震蕭牆之内。』」是「蕭牆」當指 也。」「楯」 Ĕ 戟 義 使 此 類。 i i 《漢書 此夫子誅奸人之心,而抑其邪 有司 爲 魯特 「戟、楚謂之舒、凡戟而無刃、秦、晉之 「干盾自蔽扞。」《方言》:「盾,自關 後 己有 與 也。」據《方言》,是戈爲戟之異 故此 所爲正 討 説 角 「盾」同。 · 五行志》::「成帝建始三 魯哀公耳。 己以 而 以 文》云: 注 益其 逼 以「戟 不可知,所謂 干戈。 己 彊 蕭 干、盾 惟 」訓「戈」。 有 憂 不敢斥君,故婉 不克,則 艾蒿 《爾雅• 謀伐 在内者攻 瞂、 内 也。」蕭牆義 顓 極,皆 變將 魯師 臾,克之, ○注 釋器 釋言》: 亦逆之謀 邮將爲不 一年,未 温, 寶已 作 「蕭 稱 物 乃 而 者

> 門内。 牆。 《説文》:「牆,垣 無取 年後,鄭氏此言未得其實,宜乎方氏之易其義也 陽虎囚季桓子,在定公八年,而 此 蕭,肅也。 故 鄭訓 蔽也。」屏 蕭」爲 臣將入於此,自 「肅」。 亦短 《釋 垣 肅敬之處也。」亦 名 所 二子 以 釋 障蔽内外 事季 宫 室》: 則 在哀公十 同 故 蕭 鄭 亦 牆 義 在

賜鈇鉞 日: 出。 德,苟 義 :: 樂,則以柷將之。」《詩》曰: 賜者,資暢於天子。」《禮》:『天子賜侯 者賜朱户,能進善者賜納陛,能退惡者賜虎賁,能誅有罪 安民者賜車馬、能富民者賜衣服、能 户、納陛、虎賁、鈇鉞、弓矢、秬鬯,皆隨其德可 者,上伐下也,敵國 子出,天下無道, 四亞之。」又曰: 「諸公奉篋服。」《王制 《白虎通・考黜》篇: 「賜之弓矢,然後專殺。」又曰: 《禮記 無其位,不敢作禮樂焉。」《孟子・ 孔子曰: 「天下有道 能征不義者賜弓矢,孝道 中庸》云: 不 相 則禮樂 征也。」 「禮説九錫,車 「非天子不議禮,不制度, 「君子來朝,何 一則禮樂征伐,皆宜自天子 列則 備 征 「賜圭瓚,然後爲暢。 和 者賜 伐 民者賜樂則 禮 氏 》 三 : 自諸 馬、衣服、樂則 車 秬 盡心下》云: 樂 錫 服 鬯。 征 與之? 「天子賜 行 ,路先設,路 侯 故《王 伐 而 出 雖 民 賜。 自 衆多 雖 諸 有 制 一征 天 朱 未 者 能 正 無 侯 其

下

者也。 少也。 曰: (注)孔 諸 自 或更國 替者必下陵,禮樂征伐,不待天子賜命,而諸 樂征伐,皆黜陟之大權,所以褎賢誅不肖,天子之所獨操之 天子,卑諸侯也。」是諸侯雖有征伐,亦須天子之命。 非天子之命,不得動衆起兵誅不義者。 惟天子有賜,諸侯始得用之,故曰「九命作伯」。 鉞、弓矢、玉瓚,皆與之物,各因其宜也。」按: 以功,車服以庸。」朱户、納陛、虎賁者,皆與之制度,而 與之,路 失政,死於乾侯矣。」自大夫出,五世希不失矣。 有之禮樂及尋常刑賞,施之國中,亦由天子制定爲法,故 禮樂征伐自天子出」。《白虎通・ 侯自作禮樂,專行征伐,始於隱公。 諸 「陪,重也。 四。」陪臣 侯出,蓋十世希不失矣。【注】孔曰:「希, 有 此惟 周 曰: 車 異 -乘馬。 幽 政,僭 治世則然,故曰「天下有道」。 及無道之時,上 「季文子初得政,至桓子五 王爲犬戎所殺,平王東遷,周 執國 上無等,雖 又何與之? 謂家臣陽虎爲季氏家臣,至虎三世 命,三世 極霸 玄衮及黼。』《書 彊,要爲無道之天下. 希不失矣。【注】馬 誅伐》篇:「諸侯之義、 所以 世,爲 至昭 侯輒擅行之。 彊幹弱枝,尊 此謂 》 三 三 : 其諸 始 家臣 公十世 微 九 明 蓋 侯 弱。 矣。 陽 命 禮 日 自 鈇 試

失之。 始也。 篇 》: 以上軍下軍入蔡、書郤缺、而大夫始專矣。 貶 以 則 初,會盟征伐皆國君主之。隱十年,翬帥師會四國伐宋也 者,亦有未及世而失者,運有遲速,終於失之,匪惟人事,抑 也。」案: 何 出 魯自隱公僭禮樂,滅極,至昭公出 成、景、厲、悼、平、昭、頃,而公族復爲彊臣所滅,凡十世 「五世」、「三世 侯,僖、文以下,政在大夫,定、哀以下,政 天道矣。 陳氏專國。 霸,桓公合諸侯,歷孝、昭、懿、惠、頃、靈、莊、景,凡十世,而 而 伐鄭 而 貶 也? 五世希不失」,獨驗於三桓,而齊陳氏、晉三家終於竊國 出 去族,權 而去族。 一奔齊。」 「「自諸侯出,蓋十世希不失」,何也? 而云三世始失,何也? 曰「陪臣執國命」,若南蒯、公山弗擾、陽虎,皆及身 則 曰陳氏、三家,皆異姓公侯之後,其本國亡,故復其 十世、五世、三世、皆約略言之。 馮氏季驊《春秋三變説》: 諱 晉自獻公啟疆, 不書 猶不遽下移也。 正義曰: 桓十一 」不言「蓋」,統上而省文也。 公。 年,柔會宋公、 文二年,垂 云「蓋十世」者 歷 僖十九年,大夫爲翟泉之盟 惠、 曰計其同惡相連,故稱三世 懷、 隴 奔,凡十世。 陳侯、 盟 「隱、桓以 文而代齊霸,襄、靈 蓋 書 故有及世 是大略之辭。 蔡 士: 劉氏逢禄《述 在陪臣。 浸淫至成二年 日齊自僖公小 一穀。 叔 下,政 曰「自大夫 盟 折 而 也,亦 Ŧī. 當其 在 未 下 諸 失 何

伐。」此僞孔所襲。

《周

本紀

幽

E

門之内

矣。」〇 王之後

注

周 平

幽 Ė

云:「亦謂

幽 已

也。

東遷 至 家臣

一雖專

政,無行禮樂征伐之事。

辭信,其義精。

集》:「孔子不言「禮

樂征伐

自陪臣

張,己專其利,

以

危

難之事

陷

而

或

命

不 而

出

境。

陪

臣

執

之云者,猶

公以

與大夫抗

也。 而

大夫出

也。

所以

治陪臣也。 三桓于國

在

詛

鞅有董安于,魯仲孫有公斂

處父。

寅

會,晉直以大夫主盟,而

搴之戰,魯以

四

卿

帥

姒

廢

申

於是

諸

侯

侯

申 欲

侯

怒

目

氏棟高《春秋大事表》:「春秋之中葉,討伐無書公者,政自 虎,以公伐鄭,而實意在惡季孟于鄰國,盟公周社,而 下效,諸侯專天子,大夫專諸侯,家臣專大夫。 之曰盜、充其類以盡其義、諸侯大夫,一言以蔽之耳。」顧 ,鄭罕達有許瑕,齊陳恒有陳豹,衛孔悝有渾良夫,晉趙 定公之初伐齊,反書公者,陪臣執國命,而 蔡氏蒙引仍以禮樂征伐爲國 《春秋》上治諸侯,中治大夫,下治陪臣,至 哀公之世,征伐盟 夫子于定八年,特書「盗竊寶玉大弓」, 師,而三家之勢張。 無君之勢成。 其君 「侯 ,政始微弱 禮樂征伐,必交乎四鄰 而莫狡且彊于季孫之陽 彊 出,而 嬖褒姒 矣」〇正 奴 會 于是物極必反,上行 也。」馮 抗孱 無 襄十六年,溴梁之 日 書公者,大夫復 ~,生伯 『執國 主 命者,非 諸 氏景 宋樂祁有陳 義 第相 侯 曰 服 命」,其 始 《解春 欲段 實意 幽 專 鄭 鬨 也 於 Ŧ. 征 注 義曰: 書• 義。 之。 某。」是諸侯大夫於天子爲陪臣,則 爲陪。」《曲 居乾侯。 乾侯,晉地。 禮樂征伐乃出自諸侯也。 託始隱公,可知平王東遷之始,諸侯猶守王命,至隱公時 公卒,子弗湟立,是爲惠公。」惠公立於平王之世,而 異。」是平王東遷,周 乃即申侯,而 乃與繒、西夷犬戎共攻幽王,遂 欲廢太子。 爲 「奔齊」〇正義曰:《説文》:「陪,重土也。」引申爲凡加 伯。」由桓逆推至五世,知爲文子始專政也。 后,并去太子,用褒姒爲后 魯世家》: 陪 《廣雅・ 自隱後、歷桓、莊、閔、僖、 地 臣 定五年《左傳》:「九月乙亥,陽虎囚季桓子及公父文 理志》: 矣。 三十二年,卒於乾侯。 禮 「魯孝公二十五年,犬戎殺 太子母,申 陽 釋詁》: 昭二十五 共立故幽 虎之先, 「平王東居洛邑。 「列國之大夫,人天子之國,自 始 「磨,臣 年,伐季氏,不克,孫 ·侯女 微弱也。 爲 王太子宜臼,是爲平王也。」《漢 季氏 门以 僞孔以十世失政,專據魯事 而 也。」韋昭 爲后。 文、宣、成、 其子伯服 殺幽 臣 ○注 於是王室之尊,與諸 隱 一,未 諸侯大夫家臣 公名息姑,惠公之子。 王 「季文」至「所囚」() 幽 幽王。二十七年,孝 有 《楚語 驪 爲 王 所 襄、 Ш 太子。 得 證 ○注 於 下。 昭爲十 注: 褒 , 或 齊,

馬

據

論

於 日

稱 亦

陪

臣

臣

之臣 益 「陪重」

言

春

秋

後

晉

Œ

世 如

也

曹國亡。 罪也。」鄭子國曰: 酌焉。 論政 雅 上,臣下奉而行之,所謂 足見晉卿大夫之無學。 法。若曹劌論戰 戮矣。」冉 庶人之微。 道之時,野無遺賢,俊傑在位,王公論道經邦,自不下資於 史胥徒之屬,凡民可以傳語,府史胥徒不當與謀國政,況 倘云私議君上之得失,則庶人傳語,正是先王之制,王者斟 孔 别 日 語 制之由君」〇正義曰: ,政柄未移 ・釋詁》:「議,謀也。」《詩・北山》:「或出入風議。」是謀 曰:「 一人也。 》,以意言之。 事爲議 「制之由君。」天下有道,則 而事行不悖,豈得謂非有道? 無 俱是無道之時,庶人之議 有 《春秋傳》齊定姜曰:『舍大臣 所非 天下有道,則政不在大夫。【注】孔 也。 ,雖禮樂征 一君子 但 事,足見魯卿大夫之已鄙,重人告伯宗, 方氏觀 議。」正義曰:《説文》:「議,語也。」《廣 『國有大命,而有正卿,童子言焉,將爲 注 「陽虎」,「虎」字疑誤,當謂陽虎之先 有遠慮,小人何知?」並言古之正 伐出自諸侯,而考其世運,猶 「君」,統天子、諸侯言之。 旭《偶記》云:「議者,圖議國政。 「君令臣共」者也。 得聞於世者也。」〇 庶人不議。」【注】 蓋庶人有凡民,有府 而與小臣 若夫桓、 人論 政 謀,一 文啟 可 制 政而 稱 注 有 自

有道矣。

年,公薨乾侯。 必出,政在季氏,三 陽虎作難之時,故知爲定公初也。毛氏奇龄《稽求篇》: 下文「政逮大夫四世」,又言「三桓子孫微」,是在定公五 「言此」至「世矣」〇正義曰:鄭知夫子此言在定公初者,以 文》同。又云:「隶,及也。」「隸,及也。」音義並 至哀公皆衰。」正義曰:《爾雅 卿皆出桓公,故曰三桓也。 微矣。」【注】孔曰:「三桓,謂仲孫、叔孫、季孫,三 定公爲五世矣。」政逮於大夫四世矣、【注】孔 之子赤而立宣公,於是政在大夫,爵禄不從君出,至 曰: 曰:「文子、武子、悼子、平子。」故夫三桓之子孫 按《春秋》昭二十五年,叔孫舍如宋。❷ 宋樂祁曰:『魯君 「言此之時,魯定公之初 孔子曰:「禄之去公室五世矣,【注】鄭 史墨對 世 矣; 趙簡子曰:「季友有大功於魯,受 魯君 仲孫 ,魯自東門襄仲殺文 喪政,四公矣。]至三十二 釋訓》:「逮,及也。」《説 氏 改其氏 同。 孟 氏。 公

作「子赤」,是「惡」即「赤」,此

其事

也

之,齊侯許之。 而屬諸襄仲。

冬十月,仲殺惡及視,而

立宣公。」《公羊傳 禄」,謂百官之俸

文公二妃。

敬嬴生宣公。

繁露》此言,與鄭意似異

外,入奪于内,無位之君也。

予盟,命大夫弗爲使。

,亂其群祖以逆先公。

宣

爲上卿。

也。 古

故

此

爵

家》云:「文公卒,襄仲立宣公。

喪,不時奉祭,倒序以不三年,又以喪取,取于大夫以卑宗 公時,文公出侮人奪,固已自啟其釁,故至宣公,禄去公室。 矣。」蓋自文公以來之謂也。」案:董氏以季文子始仕 夫。」則是文公以後爲宣、成、襄、昭、定五世。」案: 毛氏 而《漢·食貨志》云:「魯自文公以後,禄去公室,政 在昭公時,子所言在定公時,多一世也。 也四公矣。」兩人所言四公,上自文薨以後,下及昭終之年, 東門襄仲殺適立庶,魯君於是乎失國政,政在季氏,於此君 、成、襄、昭,絀指四世。其不云五世者,樂祁與史墨言此 ,足以證明鄭義。《春秋繁露・玉林》篇:●「文公不能服 至于文子、武子,世增 仲欲立之,叔仲不可。 是惡惡之徵,不臣之效 小善無一,而大惡四五,故諸侯弗 而實同也。《左文十八年傳》: 敬嬴嬖,而 孔子曰:「政逮于大夫四 魯由此公室卑,三桓彊。』 其業。 私 仲見于齊侯而 事襄仲。 故《史記 魯文公薨,而 也。 宣公長 出 在 侮于 在 魯世 文 世 此 大 政在季氏。季氏者,文子也。」《宣十八年傳》:「欲去三桓 祭之日,一獻,君降立於阼階之南,南鄉 明君爵有德而禄有功,必賜爵禄于太廟 得經書名氏。 曰:「季悼子之卒也,叔孫昭子以再命爲卿。」卿必再命,乃 者,悼子未爲卿而卒,不執魯政,故不數也。《十二年 矣。」杜注:「三世:文子、武子、平子。」孔疏云:「不數悼子 當自文子始。 范也,政令于是平成。」 並指文子。 江氏永《群 以張公室。」《成十六年傳》:「魯之有季、孟,猶晉之有樂 Œ 賞之施也。」今魯政在大夫,爵禄人皆不由君出,則用舍之 注 文子也。 權,俱是大夫主之可知。 右執策命之。 「專政者,東門遂。輔之者,季孫行父。襄仲死,逐子家者 月,「季孫宿卒」,是悼子先武子而卒,平子以孫繼祖 義曰:皇本此注作「鄭曰」。《左氏傳》「言魯文公薨,而 爵禄 觀傳所載虧姑成婦等事,行父亦專横 」連言者,謂 再拜稽首,受書以歸,而舍奠于其廟。 《昭二十五年》,宋樂祁曰:『政在季氏三 七年三月,經書 有爵 ○注「孔曰文子武子悼子平子」○ 而後 叔 有禄也。 孫婼 如 ,所命北面,史由 齊涖 示不敢專 統》云: 盟,

林」,據《春秋繁露》當作「杯」。

經補義

矣,故專政

世

傳

亡

之兆。」

事。 之。 可 是也。 書 叔孫氏也。」然則二家視季氏爲盛衰,舉季氏之世,而 戾曰: 「凡有季氏與無,於我孰利?」皆曰: 「無季氏,是無 不敢,不敢生武叔州仇,與季桓子同時。 叔得臣,得臣生宣伯僑如、 即公子牙之後,季孫即公子友之後。 二子爲介卿。 世爲言。 柄政,此經論三 生僖子貜,貜生懿子何忌,與季桓子同時。 友。」此注所云「仲孫」,即慶父之後,又稱爲孟氏也。 並 此 四世,是季文至桓。 知矣。」 前。 證。 疏 「三桓,魯桓公之子、莊公之弟公子慶父、公子牙、公子 楚元王傳》: 三家微於定、哀之時,至後 孟則慶父之曾孫獻子蔑,蔑生莊子速,速生孝伯羯,羯 甚 ○注「三桓」至「皆衰」○正義曰:《禮 閻氏又引《孔子世家》言「季武子卒,平子代立」,亦 確。 閻氏若璩、 」案: 季氏,孟、叔二家所宗也。 當以文子、武子、平子、 方氏是也。 叔孫穆子指楹曰:「雖惡之,其可去乎?」鬷 桓之子孫而統云「四 「向上封事 、毛氏奇齡、馮氏景、李氏惇、 惟是宣公時,孟、叔二家與季文子共 此注謂至哀公皆衰,則統三家言 穆叔豹 曰:「禄去公室,政逮大夫,危 益 , 豹生昭子婼, 婼生成子 桓子 東京,不 是以傳言季氏爲冢卿, [世]者, 方氏觀旭《偶記》曰: ,爲四 孟與叔並已五 復自振 蓋 叔則牙之孫莊 世。」案: 郊特性 惟就 方氏觀 矣。 **观季氏之** 叔孫 三桓 旭 江 学注 漢 世 説 氏

辯

也。 媚 骗佞。J」此當出《古論》。 問,與多聞相反。 子胥復讎。孔子曰「益者三友」」云云。 多聞者能識政治之要。 「三樂」皆指人君言。 直者能正言極諫, 諒者能忠信不欺 衛。」何休《解詁》: 辟,巧辟人之所忌,以求容媚。」友善柔、【注】馬 體柔,即 者、《集注》云 友諒,友多聞,益矣,友便辟,【注】馬 「便佞」是口柔,即所謂 「善柔」,能爲面 曰:「面柔也。」友便佞,損矣。」【注】鄭 避不諫 也。 〇正義曰: 從言扁聲。《周書》曰:「截截善論言。」《論語》曰: 孔子曰: 所謂 謂佞而辯。」正義曰:《公羊定四年傳》: 也。 「足恭 此義迂曲,於經旨不相 「謂習於威儀」,此但能 柔,與諒 巧辟」者,「辟 人君友此三者,皆有損也。 「益者三友,損者三友。 「君臣言朋友者、闔廬本以朋友之道爲 也。 人君友此三者 相反。 「巧言」也。 「善柔」是面柔,即所謂 ○注 」與 「便辟巧 便佞」,但 避 《説文》:「論,便巧言 應。 爲容媚,與 ,皆有益也。 同 辟人之所忌以 據何注,則「三友」、 ,謂君忌直言, 《釋文》音 能 口 蓋 辯 日: 「令色」也 曰:「便 便 直 非 「朋友相 友 「便辟 2辟」是 相 求 直, 有 便 反。

諱

馬氏是 義曰: 本鄭 夸毗也。」案: 若輩亦非盡無良,以釋此文,未能允也。 損者三友。」此又讀「便辟」爲「便嬖」。《孟子·梁惠王》篇: 之行,則作「便僻」便是渾言無所指稱,宜爲通人所不取 徑寫經注字作 友部》引《論語》亦作「僻」,與《公羊》疏所稱世間之音合,而 麗 爲譬喻,已是便佞,鄭君此義未爲得也。《考文》載一本、高 惠氏云: 者、非鄭氏之意、通人所不取矣。」據此、則讀「辟」爲「譬」, 爲 爲便嬖不足使令于前與。」「便嬖」是近倖小臣,不得稱友,且 |後漢書・佞幸傳贊》:「咎在親便嬖,所任非仁賢,故仲尼箸 無爲夸毗。」傳云: 本經注皆作「便僻」、《後漢・爰延傳》注、《太平御覽・ 氏文弨《考證》曰:「《公羊定四年傳》疏云:「便辟,謂巧 婵 「戚 注。 「喻。」又云:「今世間有一《論語 《爾雅 亦反」, 也。 施面柔,下人以色。」是其義也。 『馬、鄭皆讀 馬融則讀爲「避」,與鄭義異,故皇本注中作「避」。 《公羊》定四年 · 釋訓》: 《爾雅》:「夸毗,體柔也。」《毛詩 謂 「僻」,此直以義妄改。夫善柔、便佞,皆邪僻 注 亦 「夸毗,以 同, 「辟」爲「避」」,誤。」案: 「戚施,面柔也。」鄭箋《詩 是 誤 疏 以 云:「善柔,謂 體柔人也。」鄭此訓 馬 注 一音 讀 ○注 鄭此注云:「善柔・ 「避」爲 「便辟」爲「便僻 П 盧校是也。 面柔也」〇正 柔、 • 「婢亦」矣。 與 面 板》云: 新臺 柔、體 馬 異 也 交 巧

> 媚矣。」是陸、 《釋文》云:「辯佞,如字,本亦作便佞。」疏云: 便便,辨也。」「辨」、「辯」字同。 「《御覽》四百六引此注「便佞也」,文異義同 ○注「便辯也謂佞 柔之屬。」與馬 徐所見本均用鄭義。 鄭 而辯」〇正義 各别。 陳氏 日: 鱣 何 古 宋氏翔鳳輯 休《公羊 《爾雅 訓 疑 解 釋 爲 「辯佞,辯爲 詁 訓 鄭 鄭注校云 義 引 諸 此 非 文 也 諸

羽。 也。 揖之,退則揚之,然後玉鏘鳴 《釋文》云:「佚,本亦作逸。」二字古通用。〇注 賢友,益矣,樂驕樂、[注]孔曰:「恃尊 禮樂、【注】動得禮樂之節。 善也。「賢友」即直、諒、多聞是也。 樂,損矣。」【注】孔曰:「宴樂,沈荒淫瀆。 之節」〇正義曰: 損之道。」正義曰:「道人之善」者,道猶説也,若舜隱惡 恣。」樂佚遊·【注】王曰:「佚遊·出 大戴記 《 禮 記 • 趨以《采薺》,行以《肆夏》,周還中規,折 孔子曰: 保 玉藻》云: 傅》云: 禮得其體,樂得其和,動必由之,有 「益者三樂,損者三樂。 一行 「古之君子必 中鸞和,步 也。」鄭 樂道人之善,樂多 「佚遊」者,佚猶放 注: 中《采茨》,趨 佩 玉,右徵 入不節。」樂 「君子,士已上。」 旋中 「動得 三者,自 -矩,進 角, 貴 樂 以 左 禮 制 也 宴 節 宫 掦 自 節 樂

字。 食若流戒齊景公。古人燕飲,非時不舉,非有故不特殺,不 彼是以禮飲食,與此「宴樂」爲沈荒淫瀆不同。 欲以口 云:「宴,安也。」飲食所以安體,故亦曰宴。《漢書 田,胥是意也。 之連,從獸無厭 晏子對景公云:「從流下而忘反謂之流,從流上而忘反謂 謨》云:「無若丹朱傲,惟慢遊是好。」《孟子・梁惠王下》載 遊出人不節」○正義曰:「出人」,猶言「往反」。《書・皋陶 此其屬太保之任也。」是言在位者有禮樂之節也。 俯仰視瞻無儀,安顧咳唾趨行不得,色不比順,隱琴瑟,凡 夏》,所以 燕 沈 文王不敢盤于遊田」,其戒嗣王,無淫于觀、于逸、于遊、于 不序,聲音不中律,進退節度無禮,升降揖攘無容,周 同。 、歡悦也。」 《史記•樂書》: 「沈酗于酒。」《大雅 《易·象傳》:「君子以飲食宴樂。」鄭注:「宴,享宴也。」 「帝爲太子,其後幸酒樂燕。」「樂宴」作「燕」者,叚借 腹之欲敗乃度也。 《春秋左氏傳》以貪于飲食爲饕餮,而晏子亦以飲 明有 度也。」又云:「天子處位不端,受業不敬 ○注 謂之荒。」是「佚遊」爲非義 「宴樂沈荒淫瀆」〇正 「宋音燕女溺志。」《集解 淫瀆 抑》詩云: 」謂淫於女色,注是推廣言 荒湛 也。 于酒。」「 義曰:《説文》 》引王肅曰: 《書・微子 《無逸》 ○注「 · 成帝 「湛」與 》言 供 旋 言

《考證》曰:「未及言而先自言之,是以己所知者傲人之不 《韓詩外傳》曰:「未可與言而言謂之瞽,可與之言而 《釋名・釋言語》云「 《集注》引尹氏焞曰: 謂之瞽。 《釋文》引注更云:「《魯》讀「躁」爲「傲」,今從《古》。」盧氏 殺則趮。」「趮」 過也」〇正義曰:《爾雅 之言謂之隱。 【注】周曰: 「未見君子顏色所趣向,而便逆先意語 者,猶瞽也。」正義曰: 曰:「隱匿不盡情實。」未見顔色而言謂之瞽。」 您,過也。 ·躁,不安静。」言及之而不言謂之隱,【注】孔 短,過也。」言未及之而言謂之躁,【注】鄭 與言而言謂之傲,可與言而不言謂之隱,不觀顏 也。」此則 「趮,疾也。」「躁 孔子曰:「侍於君子有三愆:【注】孔 君子不傲、不隱、不瞽,謹順其身。」《鹽鐵 **諐**,籀文。」○注 《魯》義,與《古》不同。《荀子・ 君子不瞽言,謹慎其序。」略本《論語 與「遲」對文,亦訓疾。 躁 「時然後言,則無三者之過。」〇注 即 燥也。 「言及之而不言」,皇本無 ·釋言》:「諐,過也。」《說文》: 趮 字。 「躁不安静」〇正 物燥乃動 《考工記》:「羽 人性 而 飛揚也」, 勸學篇》:「未 疾則不安 義曰: 豐 「而」字。 論・ 业 是也 則 曰: 曰:)而言 不 静 文 説 與 孝

可 知

陳氏鱣曰:「《繋辭》傳云:「躁人之辭多。」故鄭從《古》養》篇:「言不及而言者,傲也。」並用《魯論》,作「傲」。

同。 於此 好鬭; 亦隨而異。 有血氣,則役於血氣。 猖狂,壯則彊暴,老則好利。」本此章。」張栻《論語解》:「人 非。」翟氏灝《考異》: 二字義微別,今經典通作「鬭」。《釋文》:「得,或作德, 兩士相對,兵杖在後,象鬥之形。」「鬭,遇也。從鬥斲聲。」 從卅持戈,以戒不虞。」又云:「壯,大也。」《爾雅·釋詁 【注】孔曰:「得,貪得。」正義曰:《説文》云:「孝,警也。 在鬭,及其老也,血氣既衰,戒之在得。」 未定,戒之在色,及其壯也,血氣方剛,戒之 《曲禮》云:「三十曰壯。」「鬭」,猶争也。《説文》:「鬥, 而 孔子曰:「君子有三戒:少之時,血 血氣既 知 夫血氣未定,則動而好色,血氣方剛, 則 衰,則歉而志得。 義理存,義理存,則不爲其所役矣。」 「《淮南·詮言訓》: 『凡人之性,少則 血氣有始終盛衰之不同,則其所役 凡民皆然,爲其所役者也。 則 鋭 氣 而

人、【注】順吉逆凶,天之命也。 大人,即聖人,與天孔子曰:「君子有三畏:畏天命,畏大

得 氏此説,指當時天子諸侯,不必是賢德之君,與鄭微異,均 陳於王前」也。 崇高富貴哉? 位曰天位,事曰天職,則皆天命之所在也 德有未至,無以成己成物,有負於天耳。鄭注:「大人,謂 躬之意。 得位,亦必隱居以求其志。 冀者非,委心任運者亦非也。且得位,則行義以達其道,不 德命、禄命言。 知己之命原於天,則修其德命,而仁義之道 肆,故狎之。不可小知,故侮之。 聖人之言也。小人不知天命而不畏也,狎大 而日導之以非,所謂「是何足與言仁義,則狎之甚」也。」程 故進退必以禮,匡諫必以正,所謂「我非堯、舜之道,不敢以 有天下,建立諸侯,與之分而治之。 君子之畏之者,豈爲其 君。程氏廷祚《説》:「大人,謂當時之天子諸侯也。 天子諸侯爲政教者。」言天子諸侯能爲政教,是爲賢德之 無或失。安於禄命,而吉凶順逆,必脩身以俟之。 地合其德。畏聖人之言。【注】深遠不可易 人,侮聖人之言。」【注】恢疏,故不 通 也 故惟君子能知天命而畏之也。 朱氏彬《經傳考證》: 小人之於大人,效奔走之恭,極逢迎之巧, 此方是天地生人,降厥德于我 「大人,以位言。」引「《禮運 正義曰:「天命」,兼 其畏之者,恐己之 知畏。 直 妄爲希 知 天子 而 測 不

也。 字。」 敬 天殃與 敬 敬,猶主上之不可不謹事。 秋繁露·郊語》篇引此文解之云:「以此見天之不可不 子》曰:「從道必吉,反道必凶,如影如響。」即 當出《古論》。 Ш 孔穎達《書》疏謂慣見而忽之,是謂小人狎侮其君上,不加 秉禮懷刑,必無有干犯其長上者。 則 是式,必無有敢蔑棄先王之典者。 解「大人」,兼及卿大夫,亦鄭義之引伸也。是故「畏天命」, 及其大人。大人患失而惑。」」杜注:「大人,在位者。」」 也。1昭十八年《左傳》:『閔子馬曰:「夫必多有是説,而 「《士相見禮》: 大人世及以爲禮。」鄭 也。 衛 、戒謹恐懼,必致其修己安人、安百姓之學。 「畏大人」,則 又《順命 |案《説文》「侮」下云:「侮,古文從母。」《外戚傳》所引 姬 「積善之家,必 傳》: 《廣雅・ 上 殃來至闇。 罰 所以 》篇説此文云: 「不畏天命,侮聖人言。」師 ○注 釋詁》: 「與大人言,言事君。」鄭注:「大人,卿 别 「順吉」至「其德」〇正義曰: 有餘慶,積不善之家,必有餘殃。」《尸 者, 闇 者不見其端,若自然也。 注 闇 「侮,輕也,傷也。」《漢書・外戚 大人 與 不謹事 「其祭社稷、宗廟、 八顯耳。 謂 鄭注云: 諸 「畏聖人之言」,則古訓 主,其禍來至顯; 孔子同之,俱言可 侯」,可 古曰:「個, 「狎,慣忽也。」 證 此注義。 鄭 Ш 易 由是觀之、 111 説。 鬼神 文言 古 不畏 大夫 又 《春 中 此 引 畏 畏 侮 後

> 畏矣。」故今不從之也。 水土。 唯天乎? 訓 此觀之,可畏者,其唯天命大人乎? 也 行,如日月之代明。」是聖人與天地合德也。 地合其德。」此注所本。 也」,是「大人」即聖人。《易・文言傳》:「夫大人者,與 此注同之。 有哉?」案:董氏言天命,專主禍福,必《論 事畏者也。 而災有簡甚,不可不察也。 傷,鼷鼠食其角,或言食牛,或言食而死,或食而生,或不食 不 而 「大人」爲即聖人者、《孟子》云: 」○正義曰:《繁露・ 自死,或改卜而牛死,或卜而食其角。 以其道 「何解「大人」即聖 辟如天地之無不持載,無不覆 無災無 臣殺君,子殺父,三十有餘,諸其賤者則損。 況不畏大人,大人專誅之君之滅者,❷何日 又董氏解「大人」爲君上,與 害。 至於祭天不享,其 郊語 人,則與下「聖人之言」 《中庸》云:「仲尼上律天時,下 ○注 以此見其可畏。 》篇云: 深遠不可 「有大人者,正己而 「天地神明之心,與人 亡國五十有 幬。 易知 遇有深淺厚薄,❶ 鄭 卜不從,使其 辟 注 語 專誅絕者,其 測 如 同。 家 陳 相 聖 四 氏 複, 餘,皆 舊説, 人之言 此 時 物 **鱣**《古 之錯 注 IE. 4 故 之 以 以 不 口

「遇」,據《春秋繁露》當作「過」。

0

「大人」,據《春秋繁露》爲衍文。

之異。 之所不見者也。 有所知也。 正直,而 賞善,不失毫分也。」案: 天道難測,故於報施有遲速 測,或慮德閣,易獲罪聖言也。 慎?」董氏之旨,亦主禍福。 事成敗之真,固莫之能見也,惟聖人能見之。 魯宣違聖人之言,變古易常而災立至,聖人之言可不 恢疏」至「侮之」○正義曰:「邢疏云:「案: 老子《德經 「天網恢恢,疏而不失。」 言天之網羅,恢恢疏遠 「直而不倨。」杜注:「倨,傲。」意略同。「小知」者,小 小人不明此理,故不畏也。「肆」,倨肆也。 無 所 小人不知聖言,故曰不可小知」。 肆傲於人,故小人狎之。《左襄二十九年 故聖人之言,亦可畏也。」又《順命》篇云: 此 與《繁露》旨意當同。 注則以聖言深遠,難 聖人者,見人 言大人 河知 刑 ○注 顯 習 淫

禮義之事,己 困 其知有淺深也。 矣。」正義曰:「上」、「次」、「又次」,皆言人資質之殊,非謂 曰:「困,謂有所不 之者,次也,困 而知之,及其知之,一也。」鄭注:「困而知之,謂長而見 孔子曰:「生而知之者,上也,學而 臨 之而 《中庸》云:「或生而知之,或學而知之,或 有 而學之,又其次也,【注】孔 通。」困而不學,民 不 足,乃始學 而 知之。」《中 斯 -庸》又 爲 下 知

> 使困 矣。 也。 也。 隔塞也。 雖愚必明,雖柔必彊。」此言困學之事,當百致其功也。 <u>궁</u> ○注「困謂有所不通」○正義曰:「不通」者,言心有 「有弗學、學之弗能、弗措 而不學,則蠢然罔覺,斯爲材質之最下者,不得爲 有弗思,思之弗得,弗措也。 人一能之,己百之,人十能之,己千之。 《廣雅 · 釋詁》: 「困,窮也。」 也。 有弗辨,辨之弗明,弗 有弗問 問問 果 之弗知 能此 道 弗 士類 措

禮 九端。 祐傳》: 「一朝之忿,忘其身以及其親,是謂難也。」案:《後漢•吴 視曰明,聽曰聰。」「從」謂順乎理。 謂顏色,「貌」謂 問,忿思難,見 之謂,誠實則順理可知。 思,思則得之,不思則不得也。」君子嚴於所思,而約之有 指》:「九思,皆思誠者之事。」案:《孟子》云:「心之官 聰,色思温,貌思恭,言思忠, 曾子立事》云:「忿怒思患。」「患」、「難 孔子曰:「君子有九思:視 蓋凡言行,莫能外是矣。《説文》:「聰,察也。」「色 「孝子忿必思難,動不累親。」 禮容。 得 《尚書· 思義。」正 《釋文》: 洪範》: 「難,乃旦反。」皇疏云: 此文言「忠」,忠者誠實 義 與 「貌 曰 日 事 全疏 思 思 孫 恭,言曰 敬, 明, 氏 奇 《大戴 逢 聽 疑 **近** 從 思 思

出,則 然夫子處無道之世,周遊諸侯,栖栖不已。 皆潔己自高,不復求其所志。夫子「未見」之歎,正緣於此 道者也。 而樂堯、舜之道,及湯三聘而行其君臣之義,以達其所守之 及己也。」盧辯 水也。」《孟子》:「冬日則飲湯。」《列子・湯問》篇: 及之意。「探湯」者,以手探熱,易致傷害也。《爾雅 子》云:「文王望道而未之見。」言文王如未之見也,亦如 己所不及也。《文子・上德》篇:「文王見善如不及。」《孟 吾聞其語矣,未見其人也。」正義曰:「如不及」,如 吾見其人矣,吾聞 詁》:「探,取也。」郭注:「探者,摸取也。」《説文》:「湯,熱 喻去惡疾。」隱居以求其志,行義以達其道。 聞其語」,皆謂古語。 則見,無道則隱」,隱者,即此 滄滄凉凉。 孔 曾子立事》云: 子 春秋之末,賢人多隱,故長沮 Ė: 注引此 及日中,如探湯。」亦以 見善 「隱居求志,行義達道」,若伊尹耕莘 文,明 「見善恐不得與焉,見不善者,恐其 其語矣。【注】孔曰:「探湯 如不及, 「探湯」即「恐其及己」之意 「隱居求志」之謂,非如隱 見不善 「探湯」喻熱。 而又言「天下有 如 探 日 《大 湯 釋 不 初 而

> 書• 以 溺。」如其説,則夫子固見其人矣。 所達之道也。 其 難無所避也。」與「去疾」義同。 其道」,行其所求之志也。 義 奏佞讇不當在位,歷年而不去。」顔師古注:「探湯,言其 正 不 志與道,通一無二,故曰士何事? 证同。 失義 義也。 義日: 治病者,故以「探湯」、「去疾」爲却惡之喻。」今案: 逸民列傳序》引此 楚元王傳》:「向上封事曰:「見不善如探湯。」今二府 故士得己焉; 毛氏奇龄《賸言》:「案:《扁鵲傳》「湯液醴灑」,所 程氏瑶田《論學小記》:「「隱居以求其志」,求 當其求時,猶未及行,故謂之志。 『行義以達 達不離 文,李賢注 及其行時,不止於求,故謂 道,故民 或《論語》舊説如此,僞孔 ○注「探湯喻去惡疾」○ 云 日 不失望 「求志,謂 尚 志。」 一焉。」與 案:《後 長 沮、 之道 此

與 ? 焉。【注】孔曰:「千駟,四千匹。」伯夷、叔 首陽之下、【注】馬曰: 亦孔子語。 山 之北,河曲之中。」民 齊景公有馬千駟,死之日,民 【注】王曰: 陳祥道 《禮書 此 所謂 · | | | | | | 到于今稱之,其 「首陽 「諸侯六閑。 以德爲稱。」正義 山 在河東 衛文公之騋牝 無 蒲 斯 坂 德 三 三 : 齊 縣,華 之謂 餓 而 干 稱

果於忘世也。

《孟子》云:「故士窮不失義,達不離道

窮

事。

民

無稱 何敞 又惟狗馬是好,故畜多如是。 共三千四百五十六匹。 國馬之散在民間者也。 續》引郝敬説,並申之云:「千駟,蓋指公馬之畜於官者, 三千,齊景公之有馬千駟。 和其民人。 殖貨財,大修宫室,戚馬千二百匹,奢侈恣欲,游 義。」包氏慎言《温故録》: 櫪」,正與韋昭 良馬十閑,二千一百六十匹,駑馬二閑,千二百九十六匹 而千駟又過之,是皆僭侈而違禮者也。」閻氏若璩《釋地 處自當作「德」。 ·得」,頗乖文義。」今案: 無得稱焉」。 **轂三千乘」,是非此數也。」樊氏廷枚《釋地補》:** 焉。」 上疏諫曰:「諸侯之義,節謙制度,然後能保其 皆所以給公用、備賜予也。 無德 福傳》:「雖有景公之位,伏櫪千駟,臣不貪也。」「伏 依 楚作章華以凶,吴興姑蘇而滅。 而 何敞疏 稱 《國語》注「繫馬,良馬在閑, 王注、邢疏皆以「斯」字即指德言,若改爲 阮氏元《校勘記》云:「「德」、「得」雖通,此 者, 言 ,則「千駟」當指公廐之馬,蓋僭侈之 民 《周禮·校人》:「天子十有二閑。」 降而諸侯六閑,猶千二百九十六 皇疏云:「生時 無所 《後漢書· 三千 至出自民間,則《説苑》所 知 齊景公時,地大於王畿,性 則 其德 近於天子十二 濟南王康傳》: 稱説之也。」皇本 無德 非放牧者」同 景公千駟,民 而 多馬。」又 觀 閑之數, 社稷, 「康多 無 「《漢 度。 作 非 稱 闕疑》: 0 雅邑。 注: 出異 云:

匹。

長

作歌曰云云,遂餓死於首陽山。」此其事也。 之,此指齊景公。」「隱居」二句爲指夷、齊,殊爲穿鑿。 謂「見善矣、又若不及見之也。 周食禄,故致 矣。」案:《漢書•王貢兩龔鮑傳》:「昔武王伐紂,遷 之,未必止食薇也。 如原思辭粟是也。 恥之,義不食周粟,隱於首陽山 也。」●扶而去之。 武王已平殷亂,天下宗周,而伯夷、叔 臣弑君,可謂仁乎?」左右欲兵之。 叔齊叩馬而 昌善養老,盍往歸焉。 「斯」指德,亦是因文解之。 餓 「言多馬 域所改。 伯夷、叔齊薄之,餓于首陽,不食其禄。」亦謂因 「夷、齊不食周粟、非絶粒不食也。 困乏也。」《史記· 諫 而 餓 曰: 「父死不葬,爰及干戈,可謂孝乎? 《説文》云: 無德。」是皇本亦作 也。 餓而食薇者,粟或不足,有時采薇以 《秦記》謂其「食薇三年,顔色不改」, 「其斯之謂與」句 及至,西伯卒。 伯夷列傳》: 蔡節《論語集説》牽合上章, 一餓,飢 見不善矣,猶未免於嘗試 ,采薇而食之。 一德」。 也。」《淮 Ě 武王東伐紂, 太公曰:「此 伯 當有脱 今字作「得」, 古人禄皆以 夷、叔齊聞 錢氏可選《補 南 及餓 文。 説 九 且 伯 Ш 张栻 注 不 鼎 異 西 粟 死 夷、 訓 以 而 仕 於 充 齊 人 伯

異」, 據《史記 伯 夷列傳》當作「義」。

知之」。 引《論 蓋河 是。 子申生 苓》云:「采苓采苓,首陽之巔。」首陽之名,確見此 當其北 地。 鶚《求古録》亦據 故其《詩》言 俗號爲首陽山。」知鄭此文亦有注 南。」司馬彪《郡國志》: (漢・ 論語 舍旃」者,非 序》言: 集説》之傅 論 語 今蒲坂。」是 由 「反」與 而以首陽爲 地理志》:「河 語》此 》鄭康成注: 被誣 故日 壺口 於是重耳奔蒲 「刺晉獻公好聽讒言。」「讒言」即 孔 以死, 之西,循 而於「見善」、「見不善」二句、略而不言、 文並馬注 坂」同。 「舍旃舍旃」,勸公勿信讒言致伐之也。 會矣。 「華山之北,河曲之中」也。 廣森《經學卮言》並 一之辭。 在晉 首陽 (詩》「首陽」,以 驪姬復譖公子重耳、夷吾,曰「二公子皆 「首陽山 山麓南行 東郡蒲反 華山即太華,在 在 都平陽之西 一説之。 「河東郡蒲坂有雷首山。」 注 夷吾奔屈。 蒲 晉語》: 版,即 「首陽」至「之中」〇 ,在河中蒲坂城南,今陽區 首山、 有 至太華乃折而東,雷首山 爲即夷、齊之所居,其 以 「重耳處 堯山、 是 ,則全無所據。 ,與馬義同。《唐詩 雷首 「隱居求 獻公復命寺人披伐蒲 首陽、 蒲坡西南,大河之南。 首 《太平寰宇記 蒲城。」韋昭 有明徵 指驪 雷首,三 Ш 志 祠,雷 ,行義達 姬。 正 矣。 劉昭 揆其意. 名 首 當時 義 詩。 /説誠 重言 實 金 解 注 Ш 則 曰 道 引 山 采 其 氏 太 適 補 在 亦

> 要矣。 矣。 在河濟之間 注 ※: 貞《史記索隱》謂 在隴西、高誘注《吕氏春秋 即 河濟之間。」孔氏釋首陽,即 之間。」又云:「夫二子 由孟津西北至首陽也。 餓而死。」所謂「北至」者、蓋夷、齊自孟津諫武王伐紂後 所在邪? 是 甚 徒以《采苓》是晉 孟 [晉邑,得舉其境内之山 廣,所謂 《大戴記· 津。 「首陽山在蒲 至許慎《説文》謂首陽在遼西,曹大家注《幽通 夷、齊諫武王時居此」。 《莊子・讓王》云:「夷、齊北 「河外 ,因謂「二子先居河濟間,後 曾子制言中》:「昔者伯夷、 在 列 詩 坂、河 岐山 城 首 Ŧī. 陽 者, 之西,皆 《莊子》大略言之,故 曲中,其 者,其 應 ,豈必斤斤於晉都 本馬、 居河 在 有始覽》謂 晉 八地即在 非是 都 此則彊文成義,不可 (南王屋,濟 濟 鄭也。 左 之間。」 古,不 蒲 在 乃隱首 至于首陽之山 金 坂大河之西。 洛陽 氏 孔 叔齊死 左 知 水 祇 右求 亦 獻 氏 陽, 東 所 知平 稱 公 出 北 於溝 河 北 首陽之 時 森 賦 司 陽 故 爲 濟 疆 灣謂 至 遂 馬 間 不 云 補 澮 蒲 域

子。」 【注】馬曰:「以 日 「未也。 鯉 陳亢問 趨 而 於 過 嘗 爲 伯 伯 庭。 獨 魚孔 魚 立。 曰 : 日 子之子,所聞當有異。」 【注】孔 「子亦· 學 《詩》乎?』 曰 有 異 獨 聞 立, 乎 謂 對 對 孔

司馬 則動 日 : 《詩 頃 以上,父子皆異宫,所以别嫌疑,厚尊敬也 進見有時,接遇有禮,不朝夕嘻嘻相 則 不 篇"「孔子曰"『鯉! 也。 遠其子也。」正義曰: 庭 立。』鯉退而學禮。 學 聞 不立。二《説 而 」者,禮,臣行過君前,子行過父前,皆當徐趨,所以 「鯉」者,將述對父之語,若當父前子自稱名也。 斯二者」,伯 「夫教之以《詩》,則 光《家範》引此文,説 禮乎?』對 則無根,無 容貌,斯立威嚴矣。」義與此章相發。 學《詩 過庭」,謂 『未也。』『不學《詩》, 問問 他 學 日,又獨立。 得三,聞《詩》,聞禮,又聞君子之 苑》所 禮 魚白明 根則失理,失理則不忠,不忠則失禮,失禮 東西徑過也。 教以 曰:『未 述, 君子不可以不學,見人不可 所聞 義 出 疑 聞斯二者。」陳亢退而 云 「異聞」者,謂有異教獨聞之也。 方, 所 辭氣,斯遠暴慢矣。 如此 即 王通《中説 「遠者,非 過 也。」「不學禮, 鯉 謂 ,未有異也。 無 庭學 趨 「家人 以 褻狎也。」案古者命士 禮 而 言。」 疏遠之謂也 之訓,而 有 過 立命 《説 嚴 鯉 庭 遠其子」者 君」者,是之 過庭須臾之 苑 約之以 》篇引姚 退 趨 文 以不 · 建 無 較 謂 日 而 爲敬 而過 喜, 節。 本》 詳 禮 以 學 其 義

也。 謂 也 遠」。 」字,「二者」下有一 皇本「不學《詩》,無以言」,「不」上有「曰」字,「言」下 《白虎 通 五行》篇云: 「矣」字。 「君子遠子 近孫。」此 其 義

二年傳》: 禮》: 稱,於本國稱 比於君爲小也。《春秋》書「葬我小君」,是小君即君夫人之 下有「也」字。〇注「小君」至「禮也」〇正義曰:「小君」者 也。」唐石經「稱諸異邦」,「諸」誤 人也。 夫人何? 正義曰:《曲禮》:「天子之妃曰后,諸侯曰夫人。」《公羊隱 時,諸侯嫡妾不正,稱號不審,故孔子正言其禮 人」爲君所稱也。《白虎通·嫁娶》篇: 君,君夫人之稱。 君,異邦人稱之亦 小童,邦人稱之曰 ,於異邦 「夫人自稱於其君曰小童。」注云:「小童,若云未成 邦君之妻,君稱之曰夫人,夫人 自稱小童者,謙也,言己智能寡少,如童蒙也。」《 「女在其國稱女,在塗稱婦,入國稱夫人。」明「夫 白 明當扶進夫人,謂非妾也,國 寡 小 君 君,於異邦 也 對異邦謙,故曰寡 白 日 君夫人,稱諸異 虎 稱寡小君,猶稱其君 君 通》云: 夫人。 「謂」。 《論 「國君之妻,稱 皇本「亦曰君夫人 【注】孔 人尊之,故 1, 語 ≥ ∃ : 君。 邦 於本 自 日 「國君 曰 當 稱君 寡 稱 也。 此 國 小 小 H 之

君

之。 稱言。 拜夫 也。 者。 妻,國 之文,遂指爲夫人自稱。 君。」又《聘禮記》: 夫人自稱,餘皆他人稱謂之辭。 夫人意也。」胡氏培翬《研六室雜箸》:「此節惟「小童」句 正從 致辭之類,非夫人自稱也。 氏奇逢《近指》引郝敬説: 自稱於異邦諸侯,與《論語》言「寡小君」爲邦人所稱異。 君。」注云: 小君」爲邦人謙 邦」爲國人所稱,當是《論語》家舊義。 之國,及臣於他國稱之,謙之辭也。」白虎諸 夫人自稱,審矣。 《雜記》:「夫人薨,赴於他國曰寡小君。」此其確證 《曲禮》謂「夫人自稱於諸侯曰 人聘享辭。」明 夫人自小,則邦人小之,故稱於異邦者不敢夷君,以 來傳注之誤。 人稱 》: 「夫人使下大夫韋弁歸禮。」注云: 君尊之,則邦人尊之,故稱於本國者耦君 之曰君夫人,稱 「謂饗來朝諸侯之時。」彼文以「寡小君」爲夫人 稱 俗解因《曲禮》有「自稱於諸侯曰寡小 也。 「君以社稷故,在寡小君。」注云:「此 李氏光地《劄記》:「下兩句皆以邦人之 「寡小君」是臣下 《曲禮》:「夫人自稱於諸 然則云「寡小君不禄」,亦可爲夫 「稱諸異邦,如大夫士出使 諸 夫人無越國,亦無有自稱 異 邦 「稱諸異邦」,亦是邦人稱 日 寡小君」,誤也。」此説 對他邦人釋辭之稱,非 寡 故僞孔此注亦以 小 君。」謂 「致辭當稱寡 儒以 以 侯 聘 稱 重君 日 問 爲 他 寡 諸 兄 君 也 寡 贊 小 係 順 命 足 君 邦 孫 小 異 弟

> 爲 矣。 本異。 母 馬者稱「君夫人」,及左師受饋,亦改命曰「君夫人」。 公有三夫人,鄭文公有夫人芈氏、江氏,宋平公納其御。 禮不正,多以妾爲夫人。 得稱夫人,妾即娣媵之屬,卑不得稱夫人。 也。」《白虎通・嫁娶》篇:「妾者、接也、以時接見也。」 裸、獻、瑶爵皆贊。」是其 傳辭,亦無夫人對他國君自稱之禮。 饗,夫人亦出,故得自稱。」考之《禮》,饗食,主賓皆 稱之曰君母,稱諸異邦曰寡君之母 妾子爲君,皆繫於子,君稱之曰母,自稱曰先君之妾,邦 名,仲子、成風以天王、太廟、異邦正之,不得稱夫人也。 時妾稱夫人也。劉氏逢禄《述何篇》曰:「《春秋》正適妾之 而 涯。 滋《論語》之誤。」案: 自 而 1稱乎? 云「嫡妾不正」者、《詩・ 른 考古者當據《論語 母 [《]曲 以子貴」、《公羊氏》之駁 禮 》當屬記者之誤。 泛證。 孫氏諸説皆精審,足以 故《左傳》言魯文公有二妃, 》以訂《曲禮》之非,不當因 況《論語》無「自」字,與《記 江 有 ·, 異 汜》釋文:「嫡,正 孔 《内宰》:「凡 邦 疏 言 人稱之亦曰 春秋時, 謂「古者 也 以 證明 一曲 賓客之 有 諸 嫡妾之 夫人 齊桓 一嫡尊 君 是 此 擯 侯 学文 之 則 當 步 注 誊 相

高郵胡汝馴校刊

論語正義卷二十

恭冕述

陽貨第十七 集解

凡二十四章正義曰:漢石經:「凡廿六氏據本也。王注亦見《學而》篇皇疏。

陽貨欲見孔子,孔子不見、【注】孔曰:「陽

篇:「時,何也。」此與《孟子》作「矙」義合。 **矙亡拜之。彼文作「饋」,此作「歸」,二字通用。《釋文》載** 視也。陽貨視孔子亡而饋之者、欲使孔子來答,恐其便答 豈得不見?」趙岐注:「陽貨,魯大夫也。孔子,士也。 孔子蒸豚。孔子亦矙其亡也而往拜之。當是時,陽貨先, 謂孔子不往見,嫌己無禮以致之也。又云:「大夫有賜於 貨,陽虎也,季氏家臣而專魯國之政。 者,毛氏奇龄《四書賸言》:「季氏是司徒,下有大夫二人, 也。」王氏念孫《疏證》引此文,謂 者、《古論》,作「歸」者、《魯論》也。《廣雅·釋詁》:「觀,視 欲見陽貨也。」據《孟子》,則歸豚本由矙亡,故孔子亦受而 拜使人也。 豚非大牲,故用熟饋也。 孔子矙其亡者,心不 篇載此事,云: 塗,道也。於道路與相逢。」正義曰:《孟子·滕文公》 遇諸塗。【注】孔 仕。」歸孔子豚。 士,不得受於其家,則往拜其門。陽貨矙孔子之亡也,而 鄭本作「饋」」,云:「《魯》讀饋爲歸,今從《古》。」則作「饋 曰小宰,一曰小司徒,故邑宰、家臣通稱大夫也。」周氏柄 「陽貨欲見孔子,而惡無禮。」「惡無禮」者, 曰:「欲 孔子時其 使 「時」與「觀」同。《釋言 往謝,故遺孔子豚。 亡也,而 陽貨稱「大夫」 欲見孔子,使 往拜之,

五二七

或謂 中《典 雅 皆 涂,徑、畛、 云: 也。 此 表 》: 故必矙亡而來。」○注「陽貨陽虎也」○正義云:「貨」、「虎」 酒肉之賜,故再拜。1陽貨饋蒸豚,正是酒肉之賜弗再拜者, 也。 言。」曰:「 小 又云:「大夫親賜於士,士拜受,又拜於其室。」孔疏: 曰 相 者也。 注 聲之轉,疑貨是名,虎是字也。 渾舉不分 逢」〇正義曰:《廣雅·釋詁》:「歸,遺也。」《孟子》疏引 「涂,度也,人所由得通度也。」《周官・司險》注:「五 之豚,或謂之豯。 從彖省。 釋詁》: 不期 「陽虎欲以己更孟氏,疑與孟孫同族。」〇注 不可 知 故 「豚,豕之小者。」今此文脱。❶《説文》:「原,小 國 辨 《爾雅 涂、 不 正 而會曰遇。」謂孔子曰:「來! 别 治而 》説 遘 道、路 象形。 懷其 也。 ·釋宮》:「路、旅,塗也。」《釋名·釋道》 注】馬 逢, 不爲 「《 禮 也。」此注 遇也。」「遘、 寶 豚,篆文從肉豕。」《方言》:「豬,其子 吴、揚之閒謂之豬子。」是豚爲豕之 相逢」者, • 曰: 政,是迷邦也。」好從事 ௱ 玉 藻》 「言孔 迷其邦, 「塗」訓「道」,又「道路 <u></u> 云: 訓 、逢、遇、 顧氏棟高《春秋 子 酒 遇 不 肉之賜 選,見 可謂 爲「逢」 仕 ,是 也。」《穀 仁 予與 弗 也。 欲 懷 乎 再 連言 「此非 使 而 其 大事 拜 《爾 ? 爾 呕 寶 梁 豕 至

> 乎? 理。 籍頭乎? 敬 有。 「楚令尹子西曰: 璩《釋地又續》同。 孔子答語祇此,故記者特加「孔子曰」三字以别之。」 以下,纔是高祖語。 有云: 「今陛下能制項籍之死命乎? 孔 往、當急仕。」孔子曰:「諾。 月逝矣,歲不我與。」【注】馬曰:「年老,歲 失 孔子棲棲,好 曰: 時 王之輔相有如顔回者乎? 此如《史記 티 : 「前兩「曰不可」,皆是貨自 「以順辭免。」正義曰:毛氏奇齡《稽求篇》引明 可 未能也。」皆張良自爲問答。 티 : 謂 從 知 未能也。 「王之使使諸 事而 乎? 留侯世家》張良阻 樊氏廷枚《釋地補》 此章至「孔子曰」以下, 數 能封聖人墓,表賢者間,式智者門 不遇 曰 : 侯有 失時, 曰 : 不 爲問答,以斷爲必 可 如子貢 吾將仕矣。」【注】 無有。 立 日: 0 至「漢王 六國後「八不 不得爲有 未能也。 注】孔 ?者乎? 《孔子 王之將 纔是孔子 一輟食吐 曰: 世家》: 知。」日 率有 閻 能 ·可』語 月已 然之 得 「言 語 哺 項 郝

郵》孔注之佚文。
引《論語》恐不可信。」今按"此爲《孟子》疏文,非《論引《孟子疏」至「此文脱」,孫校"「《孟子》疏南宋人僞托,

無不

諾

不

能

用

我

則

無自

道

之

0

栖

引郭 並通。 五十,始衰,得稱老也。 冬叛魯,孔子年五十一。 仕」, 意亦策名委質, 如今時投選報吏部矣。 始仕,必先書其名於策,委死之質於君。」然則夫子言「將 也。《左僖二十三年傳》:「策名委質。」服虔《解誼》:「古者 仕,若己迷惑其邦,不使致治也。「吾將仕」者,言己當就仕 其大寶」,注云:「大寶,身也。」「懷其寶」,謂藏其身。」兩義 也。」「懷其寶」者,懷,藏也。 有。二此亦子西 子路者乎? 人之言而自爲問答者,則加『曰』字以別之。 數訓。 有知」〇正義曰: 孔子初適周反魯,既又適齊反魯,是栖 孟子·告子》篇「爲是其智弗若與? 也。 釋詁》。 敵幾喪吾寶」,注云:「寶,身也。」《吕覽・先己》篇「嗇 象曰: 《少儀》: 《爾雅·釋詁》:「迷,惑也。」《説文》同。 ○注「年老歲月已往」○正義曰:陽虎於定八年 「聖人無心, 仕與不仕, 日: 胡氏紹 自爲問答。」王氏引之《經傳釋詞》: 「亟見曰朝夕。」注: 無有。 勳《拾義》:「或謂身爲 0 王之官尹有如宰予者乎? 此語 用 注 皇疏。「寶,猶道也。」義見《廣 此 以 在未叛魯前, 直 順辭 隨世耳。 「亟,數也。」是 而應者· 免」〇 日: 時孔子年亦 ○注「言孔」至 《論語》 也。 IE. 陽虎勸 寶,如《老子 非然也」,是 義 言懷道 i 曰 : 然免遜 「亟」有 티 : 仕, 有 皇 理 近 不 疏 無

雅

理,亦 在其中也。」

日

此就 自然。 厚薄、清濁、昏明之不齊,各隨所分而形於一,各成其性 《大戴禮記》曰「分於道之謂命,形於一之謂性」。 舉凡既生以後所有之事,所具之能,所全之德,咸以是爲其 何獨至於人而疑之? 然性雖不同,大致以類爲之區別,故 者,分於陰陽五 形氣於父母,即爲分於陰陽五行,人物以類滋生,皆氣化之 以及其流形,不特品物不同 氣化曰陰陽,曰五行,而陰陽五行之成化也,雜糅萬變,是 滋生久矣。然類之區別,千古如是也,循其故而已矣。 本,故《易》曰『成之者,性也』。 性者,分於陰陽 :「君子慎所習。」正義曰: 人與人近言之也。 《中庸》曰「天命之謂性」,以生而限於天,故曰天 子曰:「性 行也。 五行,以爲血 相 言乎分,❶則其限之於始,有 聖人與我同類者。」言同類之相似 《孟子》曰: 近 雖 也, 氣化生人生物以後,各以 氣、 一類之中,又復不同。 戴氏震《孟子字義 習 心知、品物、區 「凡同類者,舉 論語 相 遠 $\stackrel{>}{\exists}$ 也。」【注】孔 「性相近也」 相 以 分於道 疏 偏全、 似 别 證 凡 也 也 焉 命 在

言」上,據《孟子字義疏證》脱「一」字。

故直以 之説 曰「此 有? 禽獸 之也。」又曰: 則 地之性人爲貴」。 不可言與 道變化 殊 非言性之本。 養失養及陷溺梏亡,咸屬於習也。」李氏光地《論語劄記 正見 指斥下愚者,矢口言之,每曰「此無人性」,稍舉 因 之性猶牛之性,牛之性猶人之性與?」明乎其不可混 近,是以謂之善; 也」,則「習相遠」之説 案: 夫子此言,惟孟子能暢其説。 論 異類之不 也。 也。 也。 性而發,故不必直斷以善與? 人無有不善。 猶有人性」。 分别性與習,然後有不善,而不可以不善歸性。 蓋孔、孟所言者、皆人性耳。 性善斷之。 ,各正性命,禽獸草木, 其日 人相 有人性,即 相 問: 孟子 近。 「或 似 明 惟其善,是 是孔子之説無異於孟子 以人性爲善稱, 矣。 相 若不善,與善相反,其遠已縣絕,何 孔子但言善相近,意在於警人慎習,非 孟子之時,因告子諸 ,所言, 相 近者,必 也。 倍 相 故 蓰 近 乃 語 也,善 先儒謂孔子所言者,氣質之性 而 極本 以 告子「生之謂 無算,其所以 其善 無 相 也。 非是者。 窮源之性 近,似未可 無人性,即 者 其曰「性善」,即 若以天地之理言,則 曰: 然。 《論語》言『性 也。 人紛紛各立 性 也。 故 然禽獸之性 陷 言孔、 古今常語 《孝經》曰『天 所謂「人見其 티 : 愚謂 溺 其善端 禽獸之性 其 「然 孟 相近」, 惟 心 相 一異説 二之指 者 凡得 同 則 近之 其 近 凡 則 乾 相 然 則 言 犬

要。 六王 同。 案: 也。 解》: 善。 使之咥人,所知所能 引爲惡。 則人之性善矣。 先民知有母,不知有父,則男女無别也。 不 之,性不外乎耆欲 於耆欲,故 若荀子性惡,是就當時之人性皆不善,此有激之論,不爲 是故惟習相遠,乃知其 獸,禽獸不知也。 人倫矣。 化,則飲食無節也。 以爲堯、舜」。 可 傳》: 諸説皆精審、足以發明孔、 又告子言性無善無不善,或説性 至世碩 及漢後儒者之説,皆多影響,故俱略之。 禽獸之性不能善,亦不能惡, 以 性 言善。 示之以耕耨之法,而民知自食其力矣。 無他,食色而已。 惟其可引,故性善也。 詔 五常 言 티 : 是孟子之説又無異於孔子也。」 所 性 消而邪心作,情亂 以飲食男女言性,而人性善不待煩言自 謂 有 禽獸不知,則禽獸之性不能善。 夫人之性,皆有五常。 ,習即生於耆欲。 善 善 不可 有聖人出,示之以嫁娶之禮,而 者 有惡,與公都子 性相近,若禽獸則習 以 移 其同 也。 飲食男女,人與物同 孟言性之旨。 惟 類 牛之性可以 其性 人能 人之性可 而 善者能 相 利勝 所 可 移 近 茹毛飲 及其少長 言性 以 則可 也 制 爲 不能 其義。 引爲 《漢書 焦氏 敵 其 其 故 有善 善 代他家言: 虎,而 日人 以爲善矣。 血,不 香欲 之。 可 相 以 善, 循 人知之, 有 耳 以 遠也。 此 民 由 知 當 皆 爲 不 亦 知 性 宣 不 示 偂 是 目 習 牽 元 不 可 禽 有 火 其 善 口

言與

(召公之言,

無少

差謬。

又 (案:

韓

文公《原性》篇謂「孔

0

亦命之所有,但今若生子在厥初

生,自貽哲命耳。

孔子之

日

命哲」者,

●言所

命非

愚。

與「愚」相對,哲即智也。

有礙,則更誤

矣。

《尚書・

「三品」之説,雖不似李習之之悖於諸經,然以下愚爲惡,誤 然愚者非惡也,智者善,愚者亦善也。 以聖人慎所與居,而戒慎所習。」」即此注之義。《漢書 或者更欲以性爲至静、至明,幾疑孔子「下愚」之言爲 元《論性篇》:「性中雖有秉彝,而 知不可使爲惡,下愚不可 彪上言曰:「孔子稱「性相近、習相遠」,賈 ,不能無善,猶習與惡人居,不能 時東宫初建,諸王國並開 ○注「君子慎所習」○正義曰:《後 上知與下愚不移。」【注】孔 韓文公《原性》因此孔子之言,爲 有吉必有凶,有智必有愚。 召誥》曰:「今天其命哲。」「哲」 近而習相遠,信矣。」亦謂 然則 而 習 愚亦命之所有,下 才性必有智愚之别。 使彊賢。」正 古人每言才性,即 耐 爲不 **,** 而 善。 **船無惡**」。 官屬未備 善 義 日: 人習 召 誼 惡 刑 愚 公 孟 是 以 殊 智」; 也。 善,則知三品之言非矣。夫子言「生而知之」爲上,即此「上 善,性可以爲善,可以爲不善。 復移易也。」是以上智、下愚爲善惡之分,又以上章及 子曰『惟上智與下愚不移』。 曰 : 善,可與爲惡,是謂中人。」此文略本賈誼 稷、卨與之爲善則行,鮌、灌兜欲與爲惡則 惡 子 爲三品,漢人早有此説,而文公因之。 以上智爲善,下愚爲惡。 謂下愚。 誅,干莘、崇侯與之爲惡則 不可與爲惡,是謂上智。 阮説是也。 而爲善,習惡而 也。 ,性善之説,得 「性相近也,習相遠也。」夫中人之性,在所習焉。 至 「困而學之」爲又次,困即是愚,而爲又次,無不可移 然此正是孔子所謂不移之下愚也 困 齊桓公,管仲相之則霸,豎貂 而不學」,乃云「民斯爲下」,下即此所云「下愚 《漢書·古今人表》: Ŀ. 爲惡也。 而遺下」,蓋文公以子 至於極善極惡, 桀、紂, 《論衡 行。 性有善、不善,聖化賢教,不 孟子已辭而闢之,而斷 可與爲惡,不可與 龍 論性 「傳曰:譬如堯、舜,禹 逢、 比干欲與之爲善則 輔之則亂。 然有性善,有 魚 《新 ,非惡也。」今案: 常篇 非 誅。 楊 復 書 亦

法志》:

「風俗移人,人性相

於俗也。

子曰:「惟

阮氏

曰:「上

子所謂「非才之罪也」。

漢書

班彪傳》:

途 而 爲善,

以云

一相 善

遠也」。

不

者

不

能

制

其

香欲,

食我等爲

可

與爲

善

爲

可 語

與

爲

》篇

師保多缺。

爲

「習與善人居

既」,據《尚 書 召誥》及上文當作「其」。

在習。

故 習

爲

性 此

不

Z 連

孔

7

戴氏 習於惡則惡之事也。 之事也。」案: 不安於心,及欲往見君子,必將正其衣冠焉 野人亦自有智愚,其智者亦知當正其衣冠,而習而安焉,此 無仁義禮智之端。 於犬牛之愚。 物,無不可移也。]程氏瑶田《論學小記》:「人之氣有清濁, 可移」。雖古今不乏下愚,而其精爽幾與物等者,亦究異於 往 愚矣,加之以學,則日進於智矣。 之人,啟其心而憬然覺悟,往往有之。 自絶於學,是以不移。 欲正其衣冠也。 故有智愚。 ,即下愚亦可 在知善而不爲,知不善而爲之者,故曰「不移」,不曰「不 震《孟子字義 然人之智,固不同於犬牛之智,人之愚,亦不同 犬牛之愚,無仁義禮智之端,人之愚,未嘗 如程説,是愚亦可爲善,則愚非惡矣。 移。 其有不然者,則野人之習於鄉俗者也。 疏 是故智者知正其衣冠矣,愚者亦未嘗不 蓋均本孟子「性善」之旨,以發明夫子 證 其愚者見君子之正其衣冠也,亦有所 然苟畏威懷惠,一旦觸於所畏所 生 而 下 ·愚,其 以不移定爲下愚,又往 苟悔而從善,則非下 人難與言禮 ,此習於善則 義 如 然 善 懷 戴 由

游爲武城宰。」夫子莞爾而笑、【注】莞爾,小笑貌。子之武城,聞弦歌之聲。 【注】孔曰:「子

言外之意

翻注: 《詩》詠之也。《毛詩·子衿》傳:「古人教以《詩》樂,誦 費縣。」此注不知爲誰。 瑟也,歌,依詠《詩》也。」「依詠《詩》」者,謂以琴瑟之弦 軫之形。」曹憲《廣雅音》:「凡弓、弩、琴、瑟,弦皆從弓。」皇 不知然否。 包注略同。 時受學者衆,故夫子得聞弦歌之聲也。 《雅》《頌》之音不作。 教者,家有塾,黨有庠。」春秋時,庠塾之教廢,故禮樂崩壞, 歌之,弦之舞之。」夫子於武城得聞之者,《樂記》云:「古之 本此文作「絃」,是别體。《文王世子》:「春誦夏弦。」注: 須 Ш 曰 「莧」,段借作「莞」。 弦謂以絲播《詩》。」《周官・小師》「弦歌」,注:「弦,謂 莧,華版反。 羊細角、羊有善義、故引申爲和 用 : 大道。」正義曰:鄭注云: 「莧,讀若丸。」與「莧」字從卅從見,形最相似。 「莧,悦也。 割 雞 《御覽》卷 「弦歌」者、《説文》:「弦,弓弦也。 本今作莞。」《易・夬》九五: 焉 用 讀如「夫子 莧爾而笑」之「莧」。」案: 《集解》云「小笑貌」,與虞氏 牛刀?二 子游爲武城宰,乃始復庠塾之教,於 宋氏翔鳳《樸學齋札記》謂亦鄭注。 百六十引此文注云:「武城,今在 「武城,魯之下邑。」與前 注 睦之訓。 孔 「莞爾」、《釋文》作 曰: 「莧陸夬夬。」虞 《論 「言 語 從弓,象絲 「莧 治 》正字作 「莧 小 訓 何 耳。」【注】孔

日:「

戲

以

治

小而

用大

道。」正義曰:

笑。」「微」、「小」義同。 敬順《釋文》:「莞,一作 説略本之劉氏毓 笑。」王逸注:「笑,離齗也。」《文選》張衡《東京賦》注: 籀文雞從鳥。」「牛刀」,謂割牛刀也,不言「割」者,家上 《爾雅 ·莞」,皇、邢本同。 《列子·天瑞》篇: 「老韭之爲莞也 亦合。 ○注「莞爾小笑貌」○正義曰: 唐貞觀碑: 「唲爾 釋詁》: •釋言》:「割,裂也。」《説文》:「雞,知時畜 唲爾微笑。」此後出俗字。 《釋文》所見本作「莧」,遂音「華版反」,非 「莧,笑也。」疑 崧,見其所箸《通義堂集》。 《楚辭• 莧。」亦二字 「莞」字小變。 漁父》云:「漁父莞爾 「割雞」謂分割肉節 掍用不 唐貞觀《孔 唐石 别。 也。 也。 子廟 』。」殷 經 鷄, 也。 微 省 廣 此 作 而 雅 云: 孫也。 誠 和 事既畢, 也。」 矣。

訓

道,故愛人也。又云:「禮義立則貴賤等矣,樂文同則上下 讓而治天下者,禮樂之謂也。」則學禮樂,自 貌者,禮樂之事也。」又云: 子」者,謂王公士大夫之子孫也。「小人」者,謂凡庶民之子 「樂者爲同,禮者爲異。 釋詁》:「戲,謔也。」《吕覽·重言》篇注:「戲,不 《尚書大傳》:「新穀已人,櫌鉏已藏,祈樂已人,歲 民知事貴敬上之道,故易爲上所使也。」「戲」者、《爾 餘子皆入學。」是小人亦入學習禮 樂至則 同則相親,異 無 怨,禮 則 知相親、相 樂 相 至則不 敬。 也。 合情 樂記 敬之

《左傳》及《史記・孔子世家》、《漢書・古今人表》皆作「不 徒哉? 姓》:「公山氏,魯公族,姬姓。」「弗擾」,皇本「弗」作「不」。 興周道於東方,故曰東周。正 止,何必公山氏之道?」子曰:「夫召 氏之之也?」【注】孔曰:「之,適也。無 子。」子路不説,曰:「末之也已。 曰:「弗擾爲季氏 公山弗擾以費畔,召,子欲往。 如有用我者,吾其爲東周乎?」【注】 宰,與陽虎共執 義曰《潛夫論· 季桓子, 我者 何必公山 【注】· 可之 而 而 志氏 則 孔

如牛

刀

割雞,不盡

其才。」此深得夫子之意。

子游

對

則

義曰:此戲言也。

莞爾,舒張面目之貌也。」〇注「言治小何須用大道」〇正

皇疏引繆播曰:「惜其不得導千乘之國

愛人,小人學道

則易使也。」」【注】道,謂

禮

昔者偃也聞諸夫子曰: 『君子學道

樂以和人,人和

則易使。

子曰: 二三三子,

曰:「從行者。」偃之言是也,前言戲之

侯而 也。 也。 也。 狃。 用 畔 公九年,陽虎奔于齊。 都爲東周,而 爲王城。 鎬 城 氏。」此不得其解,妄爲説之。「豈徒」者,言不徒召之而 之之也」,「何必」下脱「因」字。 上「之」 謂往,下「之」謂 非真可與有爲也,故卒不往,以 亦名義也,故欲往以明其可也。 室,罪莫大焉。」此 子洩、「洩」與「忕」通、皆貫習之義。」金履祥《通鑑前 論語 公山不狃以費畔季氏,佛肸以中牟畔趙氏,皆家臣畔大夫 季氏 . 曰 稱 「吾其爲」者,「其」與「豈」同,言不爲也。「東周」者,王 翟氏灝《考異》謂: 陪臣以張公室爲名也。 而召孔子,孔子雖卒不往,而云「欲往」者,蓋大夫畔 鎬京焉,天下謂之宗周。 王氏引之《春秋名字解 》作「弗擾」,叚借字也。 周自文王宅豐,武王宅鎬,及後伐紂有天下,遂 「蓋 使人召孔子。 幽王時,犬戎攻滅宗周 周文、武起豐、 稱鎬京爲西周也。 當 時 孔子循道彌久, 是時,孔子年五十。 流俗之言也。 「召,是季氏召。下文「何必公山 鎬,今費雖小, | 計 | " 古音「狃」與「擾」同。 子韓哲曰:「大夫而欲張 迨周公復營東都於郟鄏,是 知其不可也。」案: 金説是 《史記·孔子世家》: ,平王乃遷居東都,遂以 然二人者,皆以己私爲之, 「不,語 抑大夫而欲張公室, 温温 詞。 儻庶幾乎! 無所試 公山不狃 不狃 莫 不狃 狃 編 以 能 定 也 欲 費 東 都 往 季 氏 公 諸 字

傳》: 敬之。 有「復」字。 然考其時,王室已定,不致有爲東周之疑也。 西周,成周爲東周。 十里是也。 頑民,在王城之東。 周 云:「東周,據時成周。」案:《公羊傳》曰:「王城者何? 厲傷之,而猶在魯,故據魯《春秋》而 文、武爲孔子欲復西周,而兼言成湯,此皆《古論》家説。 賢》篇:「孔子曰:「如有用我者,吾其爲東周乎?」 庶 我,其爲東周乎?」然亦卒不行。」據《世家》之文,是 往。 後夫子作《春秋》, 湯、文、武之功,爲百姓除殘去賊,豈貪禄樂位 以費復西周文、武之治,此當出安國故也。 也。 西周,不得不絀東周,故此文亦言不爲東周 子 「季桓子行野, ●及費。 九月乙亥,陽虎囚季桓子。」又《八年傳》: 成周者何? 路不説,止孔子。 王子朝之亂,敬王出居 ○注「弗擾」至「孔子」○正義曰:《左定五 據魯新 鄭云: 胡氏渭《禹貢錐 東周也。」成周者,亦周公所營以 孔子曰: 周 「據時當指 即 子洩爲費宰, 此 意。 大召 成周,當 指 成周。」「爲」當訓 新 必據魯者,周 我豈 以 逆勞於郊,桓 城 時遂以 西周之治。 《鹽鐵 徒哉? 皇本 也。 東西 哉? 「季寤、公 鄭 論 孔子 一用上 王 相 道 注 幾 城 亦 處 如 去 幽 助 其 子 爲 四 殷 西 此 新 據 成 褒 欲 用

0

其

異》: 之,敗 蒲圃 叔仲 年,與《世家》不合。 據此注,謂陽虎囚季桓子,弗擾之畔即在其時,則爲定 敵。 道於東方故曰 爲句,「已」爲止,又作一讀。」今案: 逐之,虎遂並囚桓子。 反議《史記》,並疑《論語》,則過矣。 定九年,可 非此之以費畔 輒率費人襲魯,夫子命申句須、樂頎伐之而後北, 九年,始據邑以叛,然猶 注 、畔季氏,乃八年 、陽虎,陽虎遂逃於讙、陽關以叛,季寤亦逃 斯 極、公山 故《定十二年》「仲由爲季氏宰,將墮費,而不狃及叔 時 志不得志於魯,故五人因陽虎欲去三桓,將享桓子於 而 一之適 諸姑蔑。 近讀從「已」字絶句。 正爲費宰,而 殺之。」桓子以計入於孟氏,孟氏之宰公斂處父率兵 補《左氏》之遺。 不狃,皆不得志於季氏, 也 東周」〇正 無 也。《史記 不狃及輒遂奔齊」。 可 ·以後 之則 且不狃 陰觀成敗於其際,故畔 桓子先亦甚敬不狃 事。 曰「張公室」也,久之而 義曰: 止 趙氏翼《陔餘叢考》信《左傳》而 O 初以仲梁懷不敬己, 孔子世 《左傳》文甚明 案: 正 費在周東,故曰 孔 義 叔 家》載以費叛召孔子在 近讀義勝。 曰云云,是當以「也」字 此則不狃畔魯之事, 若毛氏奇龄《稽求 曰: 孫 輒無 武 斯 類,不 形未 氏 而出。 龍於叔 時 億 東方。 ○注 似 並 露 而欲陽 《經 得 尚 國 與 竊意不 牽混 無釁 孫 「興 魯爲 人追 直 讀 篇 氏 周 考 虎 至 <u>Ŧ</u>i. 而 孫

敗

狃

鉏

言舉事 敏、惠。 傳》注:「生事有漸,故敏則有功。」徐彦疏云:「敏,審也。 文 》: 謂惠。」 凡有所使、皆量其長而不苛所短、予以佚而常體其勞、是之 懷之,民懷其上,故足使之也。」趙氏佑《温故録》: 謂以仁心行仁政也。 於 功。」是言治事當敏疾也 者,人亦敬己也。]〇注 也,此《康誥》「惠不惠」之「惠」。仁者待人,務順乎人情 廢功,信於事則民從事有業。」」即此義 「應事疾,則多成 則得衆,信則人任焉,敏則 「不致人侮慢之言。」即僞孔所本。 任」謂任事也。 左傳》: 天下爲仁矣。」請問之。 「敏,疾也。」《管子 子 ·敏審,則有成功矣。」是「敏」之義爲審。 此義亦通。 「辟不敏 張問仁於孔子。 恭則不侮、【注】孔曰: 《國語 也。」注云: ○注「不見侮慢」○ 功。」惠 《書·皋陶謨》云:「安民則惠, 應事 晉語》: 焦氏循 形勢》云: 則 疾則 「敏,猶審 孔 足 「箕鄭曰:「信於令則 ※補 多 子曰 皇 以 曰 : 有功、【注】孔 成 也。 朝 疏引江熙曰: 疏》:「僖四年《公羊 、功 使人。」正 也。」卅三年《左傳 「不見侮慢。」寬 正 忘其 義 「恭、寬、 0 「惠」者,仁也 回 : Œ 能 僖二十三年 事,夕 義 鄭 行 日 「惠,順 義 注 Ŧi. 曰 云 失 自 黎 時 日 《説 者 其 民 敬 無

當其可之謂時,順時則審當之謂也。」案焦從何義,亦通 周官 『禮成 而 師氏》:「二曰敏德。」注云: 加之以 敏。」注 云 「敏,審 當於 「敏德,仁義順時者也。」 事。」亦 以 敏 爲 審

子之 邑宰,因簡子致伐距之,于晉爲畔 簡子攻范、中行,伐中牟。 作「胇肹」,唐石經作「佛肸」,《古今人表》作「茀肹」。 「佛」、 【注】孔曰:「不入其國。」佛肸以中牟畔,子之往 且聖人神能知幾,范 文》,下隸省。」、《史記・ 也,如之何?」正義曰: 曰:『親於其身爲不善者,君子 「茀」、「胇」三字音近通借。 考異》云: 夏,趙鞅伐衛,范氏之故也,遂圍中牟。」此即簡子伐中牟 趙簡子伐之,故佛肸即據中牟以畔也。 牟爲范、中行邑。 邑宰。」子路曰:「昔者 佛肸召,子欲往。【注】孔曰:「晉大夫趙 然則 佛肸之召孔子,當在哀五年 簡子挾晉侯以 佛肹是范、中行之臣、於時爲中牟宰。 中行滅,則三分晉地之勢成。 孔子世家》:「佛肹爲中牟宰。 佛肹畔,使人召孔子」云云。 《五經文字》云:「肸、肹、上《 攻 阮氏元《校勘記》:「佛肸,皇本 范、中 于 行 由 范、 佛 也 《左哀五年傳 無疑矣。 、中行猶 肸 不入 爲范 聞 諸 爲 中 翟 三分晉 也。 夫 義 行 氏 也 子 是 簡 趙 家 灝

平公問 小哉? 即今直 非所謂竊國者乎? 難以前知之幾爲門弟子語也。 都 臣 府安陽縣,是中牟在當時與五鹿、 理考》:「洪氏亮吉曰:「《管子》云: 道之義,固均未爲失哉? 身爲不善,君子不人」二語而已,而豈知夫子用世之心與行 不欲夫子赴公山、佛肸之召,其謹守師 之故而始欲仕也。 下安得復治? 沿成習,恬不爲怪。若必欲棄之而不與易,則滔滔皆是,天 下失政久矣,諸侯畔天子,大夫畔諸侯,少加長,下凌上,相 而思有以治之,故於公山、佛肸,皆有欲往之意。 案:翟説太深,反失聖意。 地 之勢 :邯鄲,是中牟又在邯鄲之東矣。 城相接也。」五鹿,今直隸大名府元城縣,鄴,今河南彰德 瓚引《汲郡古文》云: 隸廣平 成 趙武曰: 子路見未及此,但知守其常訓。 則 大夫自爲諸 府 故曰「天下有道,丘不與易也 「中牟,三 邯 且以仲弓、子路、冉有皆仕季氏,夫季氏 耶縣, 而何以異於畔乎? 齊 侯之禍 是中牟在 一國之股肱, 邯 中 蓋聖人視斯人之徒,莫非吾與 師 牟者,邑名。 伐 起 趙 故但以 鄴相 當時 《戰國策 東 其 「築五鹿、中 鄙 爲不 接矣。 訓 鄲之肩髀。」邯 子路身仕季氏, 又 聖人雖有見焉,却 堅白恒理答之。 圍 與 則 王氏鎏《四 善 中 邯 固 《韓非子》晉 牟。 較 「昔者 以 鄲 明 ·牟、鄴 且其時天 佛 咫 親 趙 以 肸 尺 於其 趙 時 書 無 孰 矣 Æ 地 道 大 北,不 縣」注 等西 牟,即 秋傳》: 陰縣 間 襲 雖偶有未檢,然殊非 鞅伐衛,圍中牟。」杜預以滎陽中牟爲注,而疑其回 子》、《韓非子》所云「相接」,云「肩髀」,無一字妄設也。 安陽不五十里,去邯 也。 牟,蓋在漢陽西。」漢陽,蓋濮陽之誤,今湯陰縣正 縣。《史記 郭。」是中牟又在衛之北境矣。 而其名實未當見於 駰《集解》又以中牟非自衛適晉之次,不知《春秋傳》之中 山 云: 亂。 衛 ,蓋中牟邑在此 「湯陰縣有牟山。」《戰國策》舊注云: 北,源 張守節《史記 北,爲衛人晉必由之道。 復知其 魏主身披甲 今湯陰中牟也。 衛得是藉也,亦收餘甲 「晉車千乘在中牟,中牟人欲伐之。」《哀五年》: 「趙獻侯自耿徙此。 出縣西牟山、去縣三十五里。」《元豐九域 》: 「佛 (處,而 山 底 肸爲中牟宰。」《索隱》云:「此河北 正 又引臣瓚 經 側。」則中牟在湯陰無疑也。 劍 小失矣。 義》亦云:「湯陰縣西五十八里 鄲、元 城 傳。 晉在衛之西北,今湯陰縣正 o 挑 班 云「中牟當在温水之上」。 趙 若河南之中牟,漢雖立爲縣 固 《左傳 則以鄭之中牟爲趙之中牟 亦 《太平寰宇記》:「湯水在 愐 索戰,邯 | 地 不出一二百里,益信《管 北面,殘剛平,墮中 理 正 志》于 義》以爲中牟在河 鄲之中鶩,河 「中牟在 河 南郡 今湯陰 在 相 遠。 在 濮 州 志》亦 中 滑 有 州 之中 牟 湯 **©**史 Ш **奉** 一趙 裴 牟 縣 去 牟 西 陰 湯 之 之

> 焉能 也。 西南 處者,不食故也。 子邑宰,與彼文不合,其僞顯然。 宰,見《孔子世家》。 是也,謂佛肸也。言佛肸 作「漯水」,疑當爲「湯水」之譌也。」案: 佛肸之叛,地入于衛與? 案:"《定九年》:「衛侯將如五氏,過中牟。」五氏在今邯 記集解》引瓚説,「温水」又作 堅者,磨之而不薄; ○注「晉大夫趙簡子之邑宰」○正 望《經史問答》、莊氏述祖《别記》略同。 晉,至《哀五年》「趙鞅伐衛,圍 不緇。【注】孔曰:「磷,薄也。 子雖 繋而 蓋衛侯自今開州至邯鄲, 不曰堅乎, 在濁亂 不食?【注】匏、瓠也。 , 濁 吾自食物,當東西南 此當出安國舊義。 磨而 亂 至白者,染之於 不能 已畔,己雖往,如彼不善何也? 若臣瓚之説 不磷,不曰白乎, 「漯水」,則又未知 汚。」吾豊 中牟」,則中牟屬 而 義曰: 子曰:「然,有是言 路由 涅 可 「如之何」者,之者 湯 今此孔注以爲趙 洪説甚核。 ,引作「温 佛肸是范、中行 言匏 涅 陰。 以 匏 北,不得如 、染皂。 而 瓜 是 何 瓜得 不 衛矣, 時 水」,或 也 據 黑。 全氏 中 涅 也。」鎏 哉 繋 言 豈 牟 鄲 不 而 至 喻 邑 祖 引 屬 縣 因

「主」, 據《戰國策》當作「王」。

0

君

物

傳》: 賈列 雅 證。 記》: 食之 日 也。」此非 戴 文考證》引漢《費 記》及翟氏灝《考異》、桂氏馥《群經義證》、❶馮氏登 涅 遂忘淄蠹。]以「淄」爲「緇」。」漢《州輔碑》所謂「摩而不粼 鄰 泥 日」字。 涅。」《説文》: 禮 而不緇」者,「摩」與「磨 而不宰。』《校尉熊君碑》: 讀爲磨而不磷之磷。」、「磷」、「甐」、「鄰」並 《書·洪範》疏引《荀子》:「白沙在涅,與之俱黑。」《大 問孔》篇、《文選・座右銘》注亦作 釋詁》: 傳》有云:「皭 鄭注云:「我非匏瓜、焉能繫而不食者、冀往仕 「雖敝不甐。」鄭注云: 「「淄」、「緇」古字通。 物 「賢者泥而 曾子制言》篇「 通 繋 「緇」、《史・世家》作 :經旨。 作 滯 磷 「涅,黑土在水中也。」是涅乃黑土, ○注 ,禣也。」王氏念孫《疏證》:「《考工記 不滓。」與三碑 處。 鳳 《方言》: 别 然泥而 涅 ?碑》: 磷薄也 正 作 義 同,「粼」當「磷」之段借。 《後漢・ 「甐,故書或作鄰。 曰 「埿而 「涅,化也。 泥」,是「涅」、「泥」二字通用 不滓者也。」《後漢書 「泥而不滓穢。」據《史記 涅可 淄 略同,皆是「涅而不 不 不滓。《廷尉仲定 以染阜」〇正義曰 后妃紀》: 「恩隆好合、 日 《新 淄。 堅乎」 燕、朝鮮洌水之間 語 句 阮氏元《校勘 道基》篇、《論 鄭司農 通。」「 上 用以 皇 而 《校勘 緇 一府《異 碑 得 隗 本 云: 《廣 屈 染 鮑 禄 之 異 囂 有

> 也。 《詩》傳又云:「瓠葉苦,不可食也。」陸 注: 讀若裁也。 之説爲非。 者,葉亦甘; 處」〇正義曰:《詩・ 即涅也,其可以染阜,蓋指今之阜礬。」〇注 秦人名爲羽涅也。」神農《本草經》:「礬 之山,其陰多石涅。」郭注云: 緇,則黑于涅。」高誘注云:「涅,礬石也。」《西山經》:「女牀 焦氏循《補疏》:「孔謂「可以染阜」者、《淮南· 引北方農人謂瓠之甘者,次年或變爲苦。 先甘後苦。 文》:「匏,瓠也。」一物二名。 云:「素之質白,染之以涅則黑。」《俶真訓》云: 故《方 《魯語》云: 「涅,污泥丸,❷可以染阜。」以污泥當黑土,辭之誤 言》以 王氏念孫《廣雅疏證 如王之言,是此云「不可食」者,謂 不裁於人,言不可 瓠苦者,葉亦苦。 「苦匏不材於人,共濟而已。」韋 涅 訓 匏有苦葉》傳:「匏,謂之瓠。」《説 化 -0 「即礬石也。 食也」是 甘者可 言 漢 》謂瓠 「匏瓜」者,匏 書 一璣《詩 食,苦者不可 也。 有甘 石,一 敘 以陸氏先甘後苦 楚人名爲涅 傳 匏 苦二 疏 「匏瓠」至「一 名羽程。」碑 瓜 匏瓜之苦者 引 亦瓜 「今以涅 》謂: 以 昭 齊俗訓 種, 此 不食得 \vec{z} 文, 類 瓠 材 匏 石 也 也 顔 又 Ħ 葉

0 0

桂 氏馥」,當爲「武氏億」之誤。 據《漢書》注當作「也」。

人也。」 而言。 可以 繋滯 當志在四 言吾當如可食之物,與匏瓜異 瓜星名,見《史記·天官書》。此義亦通。「吾自食物」者, 有箕,不可簌揚。 即繫以渡水,則已有用於人,於取譬之旨不合矣。 食。」「空懸」即謂懸繫也。 人所用,豈得如匏瓜繫天而不可 臨 川應抑之《天文圖》有匏瓜星,其下注引《論語》,正指星 渡水」,自是釋彼文宜然。 處。 蓋星有匏瓜之名,徒繫於天而不可食。 云: 方也。 「匏瓜,星名也。 Ŧ. 一粲《登 《檀弓》引夫子云:「今丘也,東西南北之 維北有斗,不可挹酒漿」同義。」今案: 樓賦 * 韋 懼匏 言人有材智,宜佐時理務,爲 昭解《魯語》「共濟」,謂 也。 或遂援以解《論語》,謂 食耶?」黄震《日 瓜之空懸,畏井渫之不 當東西 南北」者,言人 正與「維 . 鈔》云: 皇疏 佩匏 繫 匏 又 南

也 曰:「子路起對,故使還坐。」好仁不好學,其蔽 仁 注】六言六 愚 者 子曰:「由 曰"「未也。」「居! 好 知不 不不 蔽 成者,謂 知 好 也 所 學,其蔽也蕩 以 下 裁 六事:仁、知、信、直、勇、 Ż, 女聞六言六蔽矣乎?」 則 愚 吾語女。【注】 湯無 【注】孔 所 適 守。」 日 好 剛 孔

信不 《紀聞》:「大人之所以言不必信者,惟 亦然。 哉?」案: 厚者,則硜硜爲小人。 以心知言,昔者狹小而今者廣大,昔者闇昧而今者明察,是 《荀子·解蔽》注: 【注】孔曰:「狂,妄抵 游俠,輕身殉人,扞文網而犯公義,自聖賢觀之,非 參省乎己,則知明而行無過矣」,即謂學能袪蔽也。 善,而不好學皆有 心知之得其養也,故曰「雖愚必明」。」案: 血氣,非復所飲食之物矣。 陰陽五行者,性 蔽之也。」戴氏震《孟子字義疏證》: 成語,夫子以其義問子路也。 好學,其蔽也亂; 爲隱之輩。」好直不好學,其蔽 苟好信不好學,則惟知 好學,其 以血氣言,昔者弱而今者彊,是血氣之得其養 前篇云「直 也。 所蔽。 蔽 「蔽,言不能 如血 也賊; 而 苟又挾以剛勇之氣,必 無禮則絞」,下章云「君子有勇 好剛 觸 故《荀子・勸學》云「君子博 氣資飲食以養,其化也即 人。」正義曰:「六言六蔽」是 重然諾 心知之資於問學,其自得之也 《廣雅 【注】孔 不好學,其蔽 通明,滯于一隅,如 而 「人之血 • 釋詁》:「蔽,障 曰: 不明事理之是非, 其爲學 也 絞; 「 父 六言皆心知 氣心知,本 如周 而 子 知 好 也 不 漢 管氏 賊 爲我 有 狂 勇 學 知 而 刺 而 所 物 不 相 無 同 乎 何 而

○注 也。 也。 使還坐」○正義曰:凡尊長問己,己將答之,皆起離席以申敬 義爲亂 適守」〇正義曰:仁者不好學,則不知裁度,或至愛無差等 也。」「牴」與「抵」同。 知者不好學,多妄自用,不能據德依仁,故無所適守。 對畢就坐。 「狂妄抵觸人」○正義曰:《説文》:「抵,側擊也。」「觸,]下無「也」字。 「居」上有「曰」字。 此言好直、好勇之蔽同, 若未畢,尊長命之坐,則坐。 剛者性礦直,其言行多抵觸人也。 蓋禮義皆須學以 ○注「子路起對 ○注「仁者」至 成 也 故

故學之可事父事君 經夫婦,成孝敬,厚 序》言:「正得失,動天地,感鬼神,莫近於《詩》。 先王以是 切,其依違諷諫,不指切事情,故言者無罪,聞者足戒。」《詩 正義曰: 衰。」可以群、【注】孔曰:「群居相切磋。」可以 注】孔曰:「邇,近也。」多識於鳥獸草木之名。」 注】孔曰:「怨,刺上政。」邇之事父,遠之事君。 興,引譬連類。」可以觀、【注】鄭曰:「觀風俗之盛 「小子、門人也。」《詩》可以興、【注】孔 子曰:「小子何莫學夫《詩》? 學《詩》可以事父事君者、《荀子》言:「《詩》故而不 也。 人倫,美教化,移風俗。」明《詩 焦氏循《毛詩補疏序》:「夫《詩》, 【注】包 》教有益 曰: 怨。

《毛詩》傳言興百十有六,而不及賦、比,亦此意也。 善事以喻勸之。鄭司農云:「比者,比方於物也。 官 事於物。」」案: 先鄭解「比」、「興」就物言,後鄭就 失,不敢斥言,取比類以言之。 頌。」注: 學,儒者所甚重矣。 貴多識者,人飲食之宜,醫藥之備,必當識別 父之道。余讀《明史》,每歎《詩》教之亡,莫此爲甚。」 甚而假宫闈廟祀儲貳之名,動輒千百人哭於朝門,自 至於傾軋之不已,而忿毒之相尋,以同爲黨,即 不務勝人而務感人。 相 篇釋之,而《神農本草》亦詳言其性之所宜用,可知博物之 知其名,然後能知其形、知其性。 云:「二足而羽謂之禽,四足而毛謂之獸。」鳥獸草木,所 焦説甚通。《説文》:「鳥,長尾禽總名也。」《爾雅・ 孝,以激其君之怨,害及其身,禍於其國,全失乎所以事君 血 温 足也。 氣,激濁揚清,本非謬戾,而言不本於情性 柔敦厚者也。 大師》:「教六詩: 「賦之言鋪,直鋪陳今之政教善惡。 賦」、「 比一之義皆包於 不質直言之而比興言之,不言理而 ○注「興引譬連類」○正義曰: 自理道之説起,人各挾其是非以逞其 日 風, 興,見今之美,嫌於媚諛,取 曰 賦, 曰 《爾雅》於鳥獸草木,皆專 「興」,故夫子止 比,曰 ,匪可妄施 ,則聽者厭倦 比,見今之 以 言「興」。 事言,互 日 興者,託 比 此注言 釋鳥 雅, 言情 爲 案: 鳴忠 故 周 曰 以

不

與?」【注】馬 從,不能 薄嫉忌之習消 引譬 爲, 衰。 和, 日 得 ·引 不 伯 者,意中兼 》。」注: 謂學《詩 焦氏循 世 淑女 召 譬連 爲《周南》、《召南》,其猶 |者,謂 魚 譏 鄭注云: 若吴季札觀樂,最箸也。 亂世之音怨以怒,其政乖, 治亂不同,音亦隨異,故學《詩 如 無怨,孟 南 諫, 曰 : 向 類 者 以 《補疏》:「案:《詩》之教,温柔敦厚。 博 牆 而 怨也。」「諫 岃 譬 配 有 依, 「女爲《周南》、《召 謂 故可以群居 喻於物 「怨,謂刺上政。」此僞孔 不傷於徑直,故言易 而 君 曰: 論 子所謂 賦、 周 廣 立。 世 子。 公、 也。 比 醫喻 「《周南 也。 也。 召 正 Ξ 」、「刺」同。 「親親之義」也。 《詩序》云: 也。」即 公分 《學記》 義 綱 相切磋。」〇注 ○注 日 : 》、《召 之首,王教 郟 ○注「群居相切磋」○ 此「引譬」之義 「觀風俗之盛衰」〇 所 皇 亡國之音哀以思,其 $\stackrel{\sim}{\Xi}$ 得 本「召 凡君 南 :》可以 人 「治世之音安以 南國之詩 正 南 「不學博依,不 而 所本。 牆 親 「怨刺上 過 然必知比、 之 》矣乎? 作 觀 國 有過,諫之不 可 端,故 面而立 風 《廣雅 風》之 邵 改 也。 學之則 也。 俗 政一〇 也 而 言 樂,其 人 興之 不 正 知 E 能 始 也 子 周 而 釋 Œ 其 民 連 主 輕 義 義 安 《關 傳》: 0 言也。 邦。 則 注 義 關 也。 王化成。」是夫婦 周 雎

子反身必先修諸己,而後可刑于寡妻,至于兄弟,以 鄉樂未廢,故夫子令伯魚習之。 爲」也。 國,故 《漢書・ 時 總繫焉。 `或伯魚授室、故夫子特舉「二南」以訓之與? 竊又意二一南 匡衡傳》謂室家之道修,則天下之理得,即 「二南」之時,用 」皆言夫婦之道、爲王化之始、 依 於鄉 其義説 人,用 以 於邦 循 行 之 國 御 于 故 故 當 此 君 稱 時

前,故言「《國風》之始」。 [雎序》云:「《周南》、《召南》,正始之道,王化之基,是 南 至 而立|〇正義曰: 「淑女」謂大姒,「君子」謂文王 二南 亦是《國風》,以列 也。 在

盛 木 政 日

詩

 \Box

之所及,其致治之本則在《關雎》,故舉「淑女配君子」以 》樂得淑女以配君子。」注言此者,見「二南」多言德 「三綱」者,謂君臣、父子、夫婦 也。 《後 漢 荀 爽

父子親,父子親 坤,下經首咸、恒。」《毛詩 臣然後有上下,有上下然後有禮 夫婦,人倫之始,王化之端,故文王作《易》,上經首 「臣聞有夫婦然後有父子,有父子然後有君臣,有 則 君臣敬; • 關雎 君臣敬, 義。 》傳亦云: 禮 則 義 朝 備 廷正; 「夫婦有别,則 則 人知 朝 廷 所 乾 Œ

謂

加

道

詁 義

據 F 文當作「化

爲三

綱

之首,王教之端

也。

向

牆

五四四

梱 立,言 立 漢 内。 者 匡 不 訓 並此意 衡傳》謂福之興,莫不本乎室家,道之衰,莫不始乎 可 正 行 爲 也。 向 孟子 」,與 謂 正 「身不 南 面 之「正_ 行道,不 同同 行 向 於妻 牆 面 子。 之而

此

繆

賄 則發之於 之意難見,則著之於享獻辭受,登降跪拜。 内而爲同,禮以修外 乎哉?」是言禮 也。 禮志》曰 也。 風 云 此 鄭 云乎哉? 鍾 ,美其歡 易 日 玉 鐘 者,酒器。 言陽氣於黄泉之下動養萬物 秋分之音,物 俗,非 帛 :「玉,圭璋之屬; 子曰 鼓云乎哉?」【注】馬曰: 而已,所貴者,乃貴其安上治 詩歌詠 「幣厚 心 樂云樂云,鐘鼓云乎哉?」此禮樂之本也。」案 謂 而不流其聲音。 不重 經傳二文多通用。 鐘 則 禮 言,鐘石筦弦。 鼓 種成。」《白 傷德、財侈則 玉帛 而爲異。 云禮云,玉帛 而 己。」正義 也。 帛,束帛之屬。 虎通 故孔子曰: 《漢 同則和親, 殄禮。」禮云禮云,玉 蓋 書 《荀子· 也。」皇本「鐘 曰:《説文》: 嘉 Ŧi. 其敬 「樂之所 云乎 禮 行》篇: 異則畏敬。 禮 樂志》:「樂以 民。」樂 大略篇》: 和親之説難形 意 言禮非 · 哉 ? 云禮云,玉 而 鐘 不 「鐘,樂鐘 貴者,移 作 及 者,動 云 鍾 但 其財 畏敬 帛 ||《聘 注 樂 治 崇 云 0

Ŧī.

樂顯則 案: 束。 爲制, 尺。二疏云: 聘君,璋以聘夫人,璧琮以享,皆瑞玉也。 之主。 徵,東帛用二丈,取 所以薦玉也。」《聘禮》: 正義曰:《周官·典瑞》云:「瑑圭璋璧琮,以頫聘。」**①**圭以 樂託鍾鼓於求樂,非通乎樂者也。」〇注「玉 履之,禮也。 云「屬」以兼之。 爾以爲必行綴兆,興羽籥,作鐘鼓,然後謂之樂乎? 師 兩,兩五尋。」然則每卷二丈。 播曰:「玉帛、禮之用、非禮之本。 謂 帛亦言「屬」者 玄纁之率,玄居三,纁居二。 敬 合卷爲匹也。」胡氏培翬《正義》謂《雜記》是言昏禮 鍾鼓可遺。 假玉帛以達禮,禮 爾以爲必鋪几筵,升 爲 禮 本, 「制,謂舒之長短。 行而樂之,樂也。」亦與此章義相 《説文》: 和 成數,其 以禮假玉帛於求禮、非 爲 據 樂 《聘禮 「釋幣制玄纁束。」注云: 本 達則玉帛 「帛,繒也。」鄭 也。 他禮幣皆以 降 》,東帛之外,又有 酌 《雜記》云:「納幣 若作制幣者,每卷丈八尺 獻 禮 《朝 酬 可 記 鐘鼓者,樂之器, 酢 忘, 貢 注 禮 然 深乎禮 仲 借 圭」至 丈八尺爲 《尚 注偏舉圭 後謂之禮 尼 鍾 書 ※云: 發。 燕 錦 鼓 「凡物十 一制 者 「治民」〇 居》 紡 以 一束,束 皇 也; 一璋,故 節 顯 乎? <u></u> 鄭 丈八 帛 疏 言 也 此 \Box 以 樂 引 而

0

頫_, 據《周禮 》當作「規」。

但崇此鐘鼓而已,所貴者,貴其移風易俗也。」與馬略同。云:「移風易俗,莫善於樂。」亦馬所本。 鄭注云:「言樂不禮。」此鄭所本。 ○注「樂之」至「而已」○正義曰:《孝經》注意兼有之也。《孝經・廣要道章》:「安上治民,莫善於

有盗 篇: 郭璞《三蒼解詁》云:「門旁小窬也。」」此則鄭本作「實」,陸 窬之盜也與?」【注】孔曰:「爲人如此,猶小人之 也。 者爲窬 故凡物之取於空中者,皆得爲窬。 「窬」下曰:「一曰 亦作「圭竇」,是知「窬」與「竇」通。《説文》:「竇,空也。」 本作「窬」。玉篇引《禮記》及《左傳》並作「圭窬」,今《左傳》 也,穿牆爲之。」《釋文》:「「圭窬」、《説文》云:「穿木户也。」 君《經義説略》: 此誤依孔義改經文作「踰」,陸所見本已然也。 折。」「内折」與「内荏」同義。 「顓孫子莫曰:「去爾外厲。」曾子曰: 心。 謂外自矜 子 曰 : 木方 穿,穿壁,窬,窬牆。」正義曰:《説苑·修文》 版 「色厲 以 「《儒行》「篳門圭寶。」鄭注:「圭寶,門旁窬 属而内柔佞。」 譬諸小人,其猶穿 爲 舟 而 航。」高誘 内在、【注】孔 《釋文》:「穿踰,本又作 曰: 《淮南 一 窬, 空 氾論訓》: 「外厲者必内 曰:「荏,柔 先伯父五河 也, 是 一箭。」 古 也

> 也。 弱也。」○注「穿穿壁窬窬牆」○正義曰:《説文》:「穿,通 橈也。」《詩・巧言》:「荏染柔木。」毛傳:「荏染,柔意也。」 路,是謂姦人。姦人者殺。」」此在軍律尤嚴也。 **偷」,是也。** 亦解「窬」爲空,則與穿壁義複,孔意不如是。 也」〇正義曰:《漢書・翟方進傳》引此文,應劭注:「荏,屈 、説文》:「栠,弱貌。」「栠」與「荏」同。 漢書·胡建傳》: 孟子》「穿窬」亦此解。」 謹案: 一箭」與「 盾」同,孟 踰」之段借。 從牙在穴中。」壁即牆 此「穿窬」猶言穿户,與「踰 孔注本亦是「窬」字,不作 「《黄帝李法》曰:「壁壘已定,穿窬不 康《漢書》注曰 也。 云「窬,窬牆 臧氏庸《拜經日記》略 「東南謂鑿木空中 《廣雅·釋詁》:「恁 「踰」也。 牆」之「踰」不同 者, ○注「在柔 謂 或謂僞孔 如 曹 即即 同 繇 日

此孟 不人我室,我不憾焉者,其惟鄉原乎? 原其趣嚮容媚而合之,言此 至之鄉,輒原其人情,而爲意以待之,是賊亂 《孟子・ 曰: 子 子曰:「鄉原,德之賊也。」【注】周 述所聞 鄉,向也,古字同。 盡心》篇云: 語 較詳。 孟子答萬章問 日 謂 「何如 所 人不 以 ,引孔子曰: 斯 賊 能 可 鄉原,德之賊也。」 **徳也。**」正 剛 謂 ,毅,而 之鄉原矣? 過 日: 見人輒 義日 我門而 德 所 也。

可矣。 論 皆以爲原善所至,亦謂之善人。」是趙訓「原」爲善。 恐其亂朱也,惡鄉原 孔子曰:「惡似而非者: 之,自以爲是,而不可與人堯、舜之道,故曰「德之賊也 狂 古之人! 日: 好,夫子以爲未可,亦是恐如 故足以亂德, 義也,惡利口,恐其亂信也, 也,同乎流俗,合乎污世,居之似忠信,行之似廉潔,衆皆説 人,孔子以爲德之賊,何哉?]曰: 向同 侗 愿」,與趙訓同矣。 一環也。 至「德也」〇 而 『何以是嘐嘐也? 考僞》篇: 不 閹然媚於世也 愿」, 其 解 「萬子曰:一 行何爲踽踽涼涼? 所謂 原 鄭注:「愿,善也。」「原」與「愿」同。 「鄉愿無殺人之罪,而仲尼深惡之。」字直作 正義 」字,並謂原人之情,與《孟子》不合,蓋未 色 日: 者, ,恐其亂德也。」』」趙岐注: 取 鄉皆稱善,而其忠信廉潔皆是假託, 言不顧行,行不顧言 惡莠,恐其亂苗也; 鄉皆稱原 仁 是鄉 注 而 前 惡鄭聲,恐其亂樂也; 鄉原者在其中也。 行 原也。」」此孟子言鄉 讀 生斯世也,爲斯世也, 違 「非之無舉也,刺之無 人焉,無所往 「鄉」如字,後讀「鄉」與 者 也。 子貢問 惡佞, ,則曰古之人. 「萬章言人 而 ○注 恐其亂 鄉 不 原 惡紫, 善斯 前 爲 異 人皆 命中 「所 篇 刺 原 於

子曰:「道聽而塗説,德之棄也。」【注】馬

然也

論議 其德也。」案:注「傳而説之」,即「言説」之「説」。 即爲人傳説,❶必多謬妄,所以爲有德者所棄也。 研精久習,然後乃可爲人傳説耳。 疏 聽塗説也。」〇注「聞之於道 未問則不立,道遠日益矣。」楊倞注:「未曾學問,不敢立爲 道,不知審擇者戒也。 日 塗説」無音,於注「説之」音悦,此不可解。 云: : ,所謂不知爲不知也。 聞 「記問之學,不足以爲人師。 之於道 路 則 《荀子·大略篇》: 傳 而 路則傳一 爲道久遠,自日有所益,不必 説之。」正義 若聽之於道路 而説之」〇正義 師人必當温故 「君子疑則不言、 曰 : 此爲闇 《釋文》於 而知 亦自 道 三 三 : 路 於大 新 棄 乃 道

鄙夫患不得禄位,則有夤緣干進之術。既得而又患失,則哉,本或作無哉。」「得之」、「失之」,之者,是也,謂禄位也。不至者,言其邪媚無所不至矣。」【注】鄭曰:「無之。 苟患失之,無所不至矣。」【注】鄭曰:「無失之。 苟患失之,無所不至矣。」【注】鄭曰:「無失之, 世俗言。既得之,患失之。 于曰:「鄙夫,可與事君也與哉?【注】

❶ 「乃」,皇疏作「仍」。

不可

以

君。」一變「與」言「以」,正與經旨相

合。」〇注

「患得

君也。

顏師古《匡謬正

俗》曰:

也與哉?」」李善注《文選・東京賦》曰: 「《論語》曰:

「鄙夫

鄉愿

,出則爲鄙夫,欺世盜

言不可與事君」〇正義曰:

皆言中不足而外有餘。

之,與鄙夫思固其位之志殊也。

是與鄙夫異也。

内荏;貌爲好學則道聽,而

中

諫:「坐失旨,免爲庶人。還鄉里,人問其不合上意之由, 下亡以益民,皆尸位素餐,孔子所謂「鄙夫,不可與事君,苟 引之《經傳釋詞》解此文云:「與,猶以也。下文「患得」、 曰:「自「色厲而内荏」至「鄙夫」,凡四章,語意大略相同。 失之,君子恥之」,與鄙夫所患同者。 患失之,無所不至。」」正以己無患失之心,遂上疏諫,致罷 患失之、亡所不至」者也。」又《後漢・李法 患失」,皆言鄙夫所以不可事君之故,非謂不可與鄙 《漢書·朱雲傳》:「今朝廷大臣,上不能 蓋貌爲有德則色厲,而陰實小人故 若然、禮·雜記》云「既得之而 名之徒,其害可勝言哉?」〇注 注以「與」爲我與之也。 ·無所守故塗説。 一諫,以 「孔子曰:「鄙夫,可 「鄙夫可與事 先伯父五河君《經義説略 取媚· 君子恥不稱其位而 人 主, [傳》: 君乎哉? 是故居則爲 招權 法 以 匡 納 [夫事 王氏 上 事 主 賄 苟 君 又 失 疏 法傳 義。 《潛夫論·愛日》篇:「孔子病夫未得之也,患不得之。」又 匡 鄙夫之不可與事君, 邪媚無所不爲」○正義曰:《鹽鐵論・語悱》篇: 本必如是,此未達古人立文之法。○注「無所不至者,言其 其生之欲者。」亦此意。 毛氏奇龄《賸言》引《家語》:「患弗得之。」皆以訓 既已得之,又恐失之。是以有終身之憂,無 子·子道篇》:「孔子曰:「小人者,其未得也,則憂不得 云: 傳》:「如勿與而已矣。」何休注云:「如,即不如也,齊人語 之」,以「得」爲「不得」,猶《尚書》以「可」爲「不可」。」焦氏循 之者患不能得之楚俗言」○正 也。」此急讀也。 《補疏》:「古人文法有急緩。 「古人之言多氣急而文簡。 一正,但知保其禄位,故必至邪媚無所不爲 「楚俗語。」孔子魯人,何爲效楚言也?」今案:《荀 韓愈《王承福傳》:「其賢於患不得之,而患失之,以 》注引此注,「邪媚」上多「諂佞」二字。 以「得」爲「不得」,猶以「如」爲「不如」。 患其聽從而無所不至也。」聽從者無所 沈作喆《寓簡》據《王承福傳》,謂 如《論 不顯顯也,此緩讀 義曰: 語》「其 臧 氏琳《經 未得之也, 也。 一日之樂也。」

法未嘗應對。

固問之。

法曰:

也。《公羊

何

義

雜 記

患得

益思固

其禄位,而

不敢

正言直

深病民。

0 語 悱 據《鹽鐵論》當作「論誹」。

《後漢・

❶「君子疾

詁增成

其 濟

此

《孟子·盡心下》言狂者,云:「其志嘐嘐然,曰:「古之人, 案: 古之人!'」夷考其行,而不掩焉者也。」趙岐注: 所爲明禮樂以救之與?」○注「肆極意敢言」○正義曰: 古但爲人疾,而今遂至於死亡。 肆以救狂,有廉以救矜,有直以救愚,是不失爲古之疾 微》云:「狂也、矜也、愚也,皆氣質之偏,古所謂疾也。 貶損也。《釋名》云:「廉,自撿歛也。」「貶」、「廉」義同。」 亦謂之疾。 正義曰:朱子《集注》云:「氣失其平則爲疾,故氣稟之偏者 理多怒。」古之愚也直,今之愚也詐而已矣。」 馬曰:「有廉隅。」今之矜也忿戾,【注】孔曰:「惡 荡,【注】孔曰:「荡無所據。」古之矜也廉,【注】 也 也。 云:「《魯》讀廉爲貶,今從《古》。」陳氏鱣《古訓》曰:「貶,自 大言大者也。 [則失其所謂狂,忿戾則失其所謂矜,詐則失其所謂愚,此 **一肆,【注】包曰:「肆,極意敢言。」今之狂** 陳説固是,然「廉」字義勝,故鄭從《古》。宋氏翔鳳《發 【注】包曰:「言古者民疾與今時異。」古之狂 子曰:「古者民有三疾,今也或是之亡 昔所謂疾,今亦亡之,傷俗之益衰也。」鄭注 重言「古之人」,欲慕之也。」「志大言大」,即 人情日變,風俗日瀉,聖人 「嘐嘐,志 也。 也 有

> 壤者也。 「戾,乖戾也。」乖戾則多違理,故注云「惡理」。 訓「戾」,「多怒」訓「忿」。《説文》:「戾,曲也。」《字林》: 也。]義俱相近。○注「惡理多怒」○正義曰:注以「惡理 「仄」與「側」同。《漢書・賈誼傳》:「廉遠地則堂高。」注: ・廉,側隅也。」《荀子・不苟篇》:「廉而不劌。」注:「廉,稜 據,即 注所云「極意敢言」也。 ○注 「據於德」之「據」。 「有廉隅」〇正義曰:《説文》:「廉,仄也。」 無所據,則自放禮法之外,若原 ○注「蕩無所 據 | | 義 日 :

色。 其亂信也; 原,恐其亂德也。」較此文爲詳,而總之云「惡似而非者」。 言:「惡莠,恐其亂苗也,要佞,❶恐其亂義也,惡利口,恐 正義曰:皇本「者」作「也」。《孟子・盡心下》引孔子此 「利口之人,多言少實,苟能說媚時君,傾覆國 其奪雅樂。」惡利口之覆邦家者。」【注】孔 之亂雅樂也、【注】包曰:「鄭聲、淫聲之哀者、惡 紫,問色之好者,惡其邪好而奪正色。」惡鄭 子曰:「惡紫之奪朱也、【注】孔曰:「朱,正 惡鄭聲,恐其亂樂也,惡紫,恐其亂朱也, 家。

要」,據《孟子》當作「惡」。

切問

,難足以斷俗疑。

然而好説而不倦,諜諜如也。

夫 類 族

辨》篇:「且利口者,心足以見小數,言足以盡巧辭,給足以應

多言少實」,是其言不由中,但務爲説媚而已。《中論·覈

辨物之士者寡,而

愚闇

不達之人者多,孰知其非乎?

此其

殺

趙岐注: 色]〇正義曰:《説文》云:「朱,赤心木。」趙岐《孟子》注亦云 朱,赤也。」《儀禮・士冠禮》注:「凡染絳,一人謂之縓,再人 「似真而非真者,孔子之所惡也。」〇注「朱正」 至一正

色之疵瑕以惑人者也。」是紫爲間色,以黑加赤,稍有 紫爲北方間也。」《釋名・釋采帛》:「紫,疵 南方之正,故爲正色也。紫爲間色者,《鄉黨》皇疏引穎子嚴 記》:畫繢之事,東方青,南方赤,西方白,北方黑,赤是朱,居 云:「北方水,水色黑,水剋火,火色赤。 謂之赬,三人謂之纁,朱則四人與?」朱爲正色者,《考工 以黑加 也,非 赤,故爲紫, 正色也,五 赤、故

若他間色紅緑碧緇之類,皆得用之。 〇注「利口」至「國家」 皆周衰之制也。」江氏永《鄉黨圖考》又引「渾良夫紫衣,僭君 與朱亂也。 服」,是當時好服紫矣。 始。」《管子》云:「齊桓公好服紫衣、齊人尚之,五素易一紫。」 紀聞》:「周衰,諸侯服紫。《玉藻》云:「玄冠紫緌,自魯桓公 〇正義曰: 鄭注云:「疾時利口,多言少實也。」此僞孔所襲。 云「間色之好者」,以時尚紫,知色好也。 夫子以紫奪朱惡之,非謂其間色也, 《困學

> 「巧言亂德。」「惡似而非者也。」」 律,亂名改作者殺之。 所以無用而不見廢也,至賤 而澤者亦殺之。 爲其疑衆惑民 行僻而堅,言僞而辨,記醜而博,順 而不見遺也。 ,而潰亂至道 先王之法,析言 也。 孔子 非

露 誤也。 《古》。 《古》。」鄭以四時行、百物生皆説天,不當作「夫」,故定從 無言。 子之悟也。《詩•日月》:「報我不述。」毛傳:「述,循 於繁。既求道中,不可勝御,是以修本廢言,則天而行化。」 無言,蓋欲明本。舉本統末,而示物於極者也。 言弟子無所遵行也。 案: 夫子本以身教,恐弟子徒以言求之,故欲無言,以 教,將以通性,而弊至於湮, 生焉。天何言哉?」正義曰: 焉?」子曰:「天何言哉? ,冬寒以 四時之副》篇:「天之道,春暖以生,夏暑以養,秋清以 子曰:「予欲無言。」【注】言之爲益少,故 翟氏灝《考異》謂兩句宜有别,上句從《魯論》爲勝 「四時行」者,謂春夏秋冬四時 子貢 藏。 暖 曰:「子如不 暑 清 鄭注云:「《魯》讀「天」爲「夫」,今從 寒,異 寄旨傳辭 氣而 言,則 同 皇疏引王弼曰: 四時 功 相 將 皆 運行也。 以正 天之所以 行焉,百 小 邪, 子 夫立言 《春 而 何 子 也。」 發弟 秋 勢 物 述 繁 至 欲 欲 垂

五四七

恐徒言之則爲益少也 之謂神。 云: ○注「言之爲益少」○正義曰: 循行,望之而可知,儀之而可得,固不必諄諄然有話言矣。 鬼神合其吉凶。 聖人法天,故《大易》咸取爲象,夫子《易傳》特發明之,故曰 成,是天道也; 也,亦以身作則,故有威可畏,有儀可象。 物各得其和以生,各得其養以成,不見其事而見其功,夫是 故無聲無臭也。 《禮・哀公問》篇: 「孔子云: 「無爲而 百物以藏。」是百物之生,隨四時爲興藏也。 也。」又《人副 大人者,與天地合其德,與日月合其明,與四時合其序,與 列星隨旋,日月遞炤,四時代御,陰陽大化,風 「上天之載,無聲無臭。」載者,事也。 皆知其所以成,莫知其無形,夫是之謂天。」案: 天數》篇: 已成而明,是天道也。」《荀子·天論篇》: 先天而天弗違,後天而奉天時」。 春 生夏長, 夫子欲訥於言而敏於行,故 百 物 以 亦如天道之自然 天不言而事 興; 《詩・文王》 雨博施,萬 秋 \殺冬收 其教人 成 物

歌 孔 子不欲見,故辭之以疾。 取瑟 令 孺 將 悲欲見孔子,孔子辭 命 而歌,使之聞之。 者 悟,所 以 令 孺 爲其將命者不知己,故 悲思 【注】孺悲,鲁人也。 以疾。 之。 正義 將命者出 日 : 《釋

> 儀》云: 鼓之,而復倚聲以歌也。 也。 子辭以疾。此義當出鄭注。《御覽》四百二引《韓詩外傳》 文》: 悲,令孺悲自思其失禮而改之也。 其」至「思之」〇正義曰:「不知己」,邢本脱「知」字,「己」誤 命,傳辭者。」此指主人之介,傳主人辭者也。「户」,室 不得階主。」此少者見尊長之禮,當有介紹。 者,非君子之行也。」二注云:「中間,謂 未受學時也。《儀禮·士相見禮》疏謂孺悲不由紹介,故孔 孺悲實親學聖門,而孔子不見之者,此「欲見」是始來見,尚 喪,哀公使孺悲之孔子,學士喪禮,《士喪禮》於是乎書。」是 云:「子路曰:「聞之於夫子,士不中間而見,女無媒 「已」,此從皇本補正。 「君子於其所尊,弗敢質,敬之至也」是也。 古人燕居在室中,即見賓亦然。 孺,字 「聞,始見君子者,辭曰:「某固願 亦 作 磚。」 此 將命者悟, 皇本「辭」下有「之」字。 俗 體。 禮 知 「取瑟 其非疾,必亦告之孺 雜 介紹也。」《禮 聞名於將命 記》 鄭注又云: 而歌」,謂 <u></u> 《聘 義》所 ○注「爲 恤 而 由 謂 少 之

舊穀既没,新穀既升,鑽燧改火,期可已矣。」三年不爲禮,禮必壞,三年不爲樂,樂必崩。宰我問:「三年之喪,期已久矣。 君子

云: 月

一機

也。

同月。

中。

問》及《公羊閔二年傳》。或彼文止據大祥爲再期,未數禫 王肅誤讀「祥而縞、是月禫」之文、以禫亦在二十五月、祥禫 戴德《喪服變除禮》云:「二十五月大祥,二十七月而 五月也, 「是月禫」, 二十七月也, 「徙月樂」, 二十八月也。 喪十三月而大祥,十五月而禫。皆與大祥間隔一月也。 義》:「三年之喪,二十五月而大祥,二十七月而禫,猶期之 大祥,中月而禫,是月也吉祭,猶未配。」注:「中,猶間 之火,夏取棗杏之火,季夏取桑柘之火,秋取柞 《白虎通》云:「二十七月而禫,通祭宗廟,去喪之殺也。」自 《檀弓》曰:「祥而縞,是月禫,徙月樂。」「祥而縞」,謂二十 改火』也。」正義曰:三年喪期,鄭君以爲二十七月,王肅 梁氏玉繩《瞥記》:「《閔二年》:「吉禘于莊公。」傳 、鄭異説,非也。」案:二十五月之説,見《禮 又以《士虞禮》「中月而禫」爲月中而禫,謂在祥月之 始不三年也。』《文二年》: 「公子遂如 「《周書・月令》有更火之文,春取 《儀禮·士虞禮》云: 喪至此,凡二十七月。」胡氏培暈《正 一年之中,鑽火各異木,故 「朞而小祥,又朞而 齊納幣。」傳 榆 三年 楢 禫。」 也。 曰 之 柳 《説文》云:「穀,續也。 也。 同義異。 矣」,謂三年太久。《史記•弟子列傳》作「不已久乎」,可 云:「期,音基,下同。 語,不爲諱隱也。 爲居喪者言。而當時短喪者或據爲口實,故宰我亦直述其 樂,樂必崩」,此亦古成語,謂人久不爲禮樂,則致崩 待斥於夫子。其謂「君子三年不爲禮,禮必壞,三年不 我親聞聖教,又善爲説辭,故舉時人欲定親喪爲期之意,以 閔子騫皆三年喪畢,見於夫子,是聖門之徒皆能行之。 百官皆不欲。」且云:「吾宗國魯先君莫之行,吾先君亦 當時久不行。故滕文公問孟子:「定爲三年之喪,而父兄 處臼卒。」《六年傳》:「秋七月,除景公之喪。」是三年之喪: 作於平王之世。又《公羊哀五年經》:「秋九月癸酉, 之行。」「魯先君」,則文公以來之謂也。 來,義在屈己明 云:「譏喪娶也。」蓋周衰禮廢,三年之喪久已不行。」《論 《詩・素冠序》「刺不能三年 「宰我問三年喪」,疏引繆協謂:「宰我思啟憤於夫子,以戒將 下文「期可已矣」,方讀如基,與「期已久矣」之「期」,文 盧氏文弨《考證》反疑「其」爲「朞」之誤,非 道。」此解極確,與齊宣王欲短喪不同。 「期已久矣」,「期」讀如「其」。《釋 百 本作其。」一本是也。「其已 穀之總名。」「没」,盡 也。」檜爲鄭武公所滅,此詩

與大祥間 一月,自

以爲二十五月。

火,冬取槐檀之火。

【注】馬曰:

語

也。 鄭

然《檀弓》言子夏

代也。 注: 日: 以爲名也。 魏、晉後乎? 代廢絕,引東晉時有以雒陽火渡江者,世世事之,非見絀於 棗杏桑柘,意亦然矣。」徐氏頲《改火解》:「改火之典,昉於 若然,則 則燃」者。 火星飛爆出 揭子宣《璇璣遺述》云:「如榆剛取心一段爲鑽,柳剛取心 即金燧之制,與木燧名同。 注:「燧,取火者。」《禮・内則》事佩有「木燧」、「金燧」。 將復始也。 云: 上古,行於三代,迄於漢,廢於魏、晉以後,復於隋而 方尺爲盤,中鑿眼,鑽頭大,旁開寸許,用繩力牽如車,鑽 《尸子》曰:「燧人上觀星辰,察五木以爲火。」故曰昉於上 「木燧,鑽火也。 「升,成也。」言舊穀已盡 「冬至鑽燧改火。」故曰迄於漢。 「鑒燧之齊。」鄭注:「鑒燧,取水火於日月之器也。」此 周監 漢武帝時 「春取榆柳」者,正用兩木,一爲鑽,一爲燧也。 古人鑽燧之法,意亦如此。]今案: 周氏柄中《典故辨正》:「鑽燧之法,書傳不 「燧」者、《左文十年傳》:「命夙駕 寶,薄煤成火矣。 二代,《周禮》有司權行火之政令,故曰行 隋文從劭請 ,别置火令、丞,❶中興省之,然《續漢 金燧,可 而復之,然其後不見踵行者,蓋 《世本》云:「造火者燧人。」因 新穀已成 此即莊子所謂「木與木 取火於日。」《考工記 隋王劭以改火之義 明期 是周 揭説頗近理。 載燧。」杜 歲, 仍 於三 相摩 天道 志 載 廢。 其 鄭 近 則 輈

> 書》。 易火,所以去兹毒也。」蓋四時之火,各有所宜,若 《爾雅• 人皆見《周書》,則《隋書·經籍志》繁之《汲冢》,謂與《竹 禮 篇。」劉向云:「周時誥誓號令,蓋孔子所論百篇之餘。」《周 書 柳,至夏仍用榆柳便有毒,人易以生疾,故須改火以 爟》云:「四時變國火,以救時疾。」《管子・禁藏》篇: 木。」則「樜」、「柘」通也。 書》並出晉世,誤也。 毒 視爲具文而已,故曰 樜, 柞,櫟也。」櫟,今之阜斗。 ,即是以救 木出 司爟》疏引鄭此注「《周書》曰」云云,與馬注同。❷ 月令》篇今亡。 「柘,桑也。」疑柘是桑之屬。 榆 釋木》:「棫,白桵。」郭注以爲小木叢生。 一發鳩 柳、棗、杏、桑、柘、柞、楢、 疾也。 山。二而 ○注「周書」至「火也」○正義曰: 復於隋而 《漢書·藝文志》: 先鄭《司爟》注引《鄹子》同,亦本《周 常北 此木今不知所指。 Ш 陸璣引《三蒼》: 經 仍 **ĕ**: 廢者也。」 「發鳩之山,其 又《説文》「樜」下 槐、檀」,皆木名。 「《周書》七十 案: 鄭《詩》箋云: 棫,即柞 《周 二説各 上多柘 春 官 <u>.</u> 《周 去 用 鑽 • 説 漢 司 榆 燧

0 0

[「]别置」,孫校乙爲「置别」。

疑即指馬注云云之言。殆未檢孔疏而爲輯本所誤。」「周禮」至「馬注同」,孫校:「《司權》疏但云《論語》注,

火,春,其蟲鱗

文錯誤。

鳞;夏,其蟲羽;秋,其蟲毛;冬,其蟲介。] 蓋冬至後改春 柄中以董子《繁露》證之,木令後當次火,火令後當次土,今 用事,火烟黑,七十二日。」其次土先於金,金先於火。 周氏 二日, 丙子受制,火用事,火烟赤,七十二日, 壬子受制,水 用事,火烟黄,七十二日,庚子受制,金用事,火烟白,七十 柘燧火,冬爨松燧火。」此與《周書》不同。 又《天文訓》云: 冬用槐檀也。」案《淮南・時則訓》:「春爨萁燧火,夏秋爨 黄,季夏是土,土色黄,故季夏用桑柘也。 材。」段氏玉裁《説文》注謂此木堅韌,故剛柔異稱而同 官以爲耎輪。」郭注《中山經》又云:「楢,剛木也。 中車 然。」則以「柞」爲「棫」,近之矣。《説文》:「楢,柔木也。 爨,中央以倮蟲之火爨。」周氏柄中云:「《月令》:「春,其蟲 火爨,夏以毛蟲之火爨,秋以介蟲之火爨,冬以鳞蟲之火 |冬至甲子受制,木用事,火烟青,七十二日,戊子受制,土 棗杏色赤,夏是火,火色赤,故夏用棗杏也。 皇疏云:「榆柳色青,春是木,木色青,故春用榆柳 其説甚確。《管子·幼官》篇又云:「春以羽獸之 ,而時則猶冬也,故曰「冬以鱗獸之火爨」,其 則訓》云: 槐檀色黑,冬是水,水色黑,故 「木不出火,惟 柞楢色白, 秋是 桑柘 機爲 實。 工 色 《儀禮‧喪服傳》言:「居喪既虞,食疏食水飲。 「自天子達於庶人。」予也有三年之愛於其父母 耳。」子曰:「食夫稻,衣夫錦,於女安乎?」 爨」。《月令》以四時之正言,《管子》以改火之始言,故異 實木用事,乃春火也。由此推之,春改夏火,夏,其蟲羽,故 菜果,飯 稌也。」别二名。 北方以稻爲穀之貴者,故居喪不食之也。 罔極,而予也有三年之愛乎?」正義曰:《説文》:「稻, 乎?」【注】孔曰:「言子之於父母,欲報之德,昊天 抱。」夫三年之喪,天下之通喪也、【注】孔 母之懷。 【注】馬曰:「子生未三歲,爲父母所懷 毛獸之火爨」。 秋改冬火,其蟲介,故曰「秋以介蟲之火 曰「春以羽獸之火爨」。夏改秋火,秋,其蟲毛,故曰「夏以 曰:「予之不仁也。子生三年,然後免於父 仁思於親,故再言「女安,則爲之」。」宰我出。子 今女安,則爲之。」【注】孔曰:「旨,美也。 責其無 食旨不甘,聞樂不樂,居處不安,故不爲 曰:「安。」「女安,則爲之。夫君子之居喪, 素食。」練者,小祥之祭。 鄭 彼 注 云:「疏,

是也。

金,金色白,故秋用柞猶也。

異。

然高誘注

淮

南

時

既練,始食

也。

日

醬

縁; 《説文》:「甘,美也。」《詩》多言「旨酒」,此文「食旨」, 平生時食」,謂黍稷也。 云: \overline{Z} : 祥大祥,皆用麻衣。 也。 궁 雖 喪更何忍食? 粱二者 説 也; 年」,而云「庶見素冠素衣」,素冠,練冠 文采之衣,謂凡朝祭服以帛爲之者也。 肉者,先食乾肉。」 飲食言之。《喪大記》云 稻」下、「錦」下有「也」字。 一既練飯 」是未終喪皆服麻衣,無采飾 中 期 「練,練衣,黄裹縓縁。」《閒傳》云:「期而小祥,練冠 又期而大祥,素縞麻衣。」注云:「麻衣,十五升 素 謂之麻者,純用 「錦,文衣也。」《終南》傳: ,據《聘禮》、《公食大夫禮》皆加 月 而大祥,有 猶 疏食者,稷食也,不食稻粱黍也。 素食,亦必不食稻粱,宜止於黍稷也。 故 而禫,禫 也 故夫子斥宰我曰「食夫稻、于女安乎」?」是 謂 則自小祥後,但得食菜果,飯 而 **醯醬**。」有 復 大祥之麻衣配編冠,小祥之麻衣 布無采飾也。」陳氏奂《毛詩 飲 Ψ. 醴酒。 賤者食稷,然豐年亦得食黍。 生 「祥而食肉」,謂大祥也。 時 「汝安則爲之」句上有「曰」字。 醯醬者, 食 始飲酒者,先飲 也。」 ,則不得 「錦衣、采色也。」錦是有 程 明 饌,非平生常食,居 《檜詩》「刺 氏 始 也。《禮・檀 衣錦可知。 瑶 得 素食,鄭 田 醴酒 食 《疏 索食, 肉 疏 《詩 《閒 布深 不 也。 食 云「復 若稻 兼 皇本 能 而 始 配 素 弓》 傳》 小 碩 又 凡 練 衣 縓 醯 食 食

> 御,吉祭而復寢。」復寢在禫後,與《閒傳》在大祥後又稍 傳》合也。 禫而牀。」《喪服傳》言「既虞寢有席」,與《閒傳》言「寢有席 苫枕塊,不説經帶。 祥之前,不與於樂,故《曲禮》云「居喪不言樂」是 者,樂作矣故也。」《檀弓》云: 此哀慽之情也。」「不仁」者,言不愛父母是不仁也。 在中,故形變於外也, 在小祥之後稍異。 小祥、居堊室、寢有席。 處」,謂居常時之處也。 德》篇: 也。」《孝經・喪親章》:「服美不安,聞樂不樂,食旨不甘 以理衡之,當以《大記》爲備也。 不得食旨明矣。 予也有三年之愛於其父母乎」,言無有也。 舍外寢於中門之外,所謂堊室也。」則鄭以《喪服傳》與《閒 食肉必待至大祥之後 「凡不孝,生於不仁愛也,不仁愛,生於喪祭之禮不 又《喪大記》: 《喪大記》: 又《喪服傳》言: 既虞卒哭,柱楣翦屏,节翦不納。 痛疾在心,故口不甘味,身不安美 《閒傳》云: 又期 既 飲 醴 練居堊室, 「祥而外無哭者,禫 而大祥,居復寢。 ❶「祥之日,鼓素琴。」則 酒 **◎**禮 必 「父母之喪,居倚廬, 待 「既練舍外寢。」注 至 問喪》云:「夫悲 既祥 橝 之後, 《大戴 黝堊,禫 中月 而 則 也。 故又曰 禮 内 小 而 自 無 期 祥 而 「居 異 禫 哭 寢 大 後 而

⁰ 檀弓」, 據《禮記》當作「喪服四 制

明。 見三年之喪,亦是思報德也。 報之德昊天罔極」○正義曰:《詩・蓼莪》文。 也。 天子達於庶人」○正義曰:《禮·三年問》引《論語》此文, 抱」○正義曰:《説文》: 也」〇正義曰:《説文》同。 通喪」作「達喪」。注:「達,謂自天子至於庶人。」此孔所 《禮・中庸》云:「父母之喪,無貴賤,一也。」○注「欲 |作「抱」,皆叚借字。《蓼莪詩》云:「父兮生我,母兮鞠 漢石經「於其父母」下無「乎」字,當誤脱。 喪祭之禮,所以教仁愛也。 !我畜我,長我育我。 顧我復我,出入腹我。」○注「自 「褱,俠也。」「袌,褱也。」今字作 ○注「子生未三歲爲父母所 致愛故能致喪祭。」即 注引此者, ○注 旨 此 懷 美 義

理義也。 者乎? 篇:「心之官則思,思則得之,不思則不得也。」「思」者,思 數,小數也。 【注】馬曰:「爲其無所據樂善,生淫欲。」不有博弈 賢 難」者,言難以成德也。《孟子・告子》篇:「今夫弈之爲 」者,勝 子曰:「飽食終日 無所用心,則於理義皆不知思,其不説學可知。 也。 爲之,猶賢乎已。」正義曰:《孟子·告子》 不專心致志,則不得也。」是博弈皆用心也。 「已」者, ΙĖ 也。 無 博弈之人,知用其心,若作 所用 心,難矣哉 !

篇 》: 基。 横,各十七道,合二百八十九道,白黑棊子,各 棋也。』《文選· 即六博也。」王逸注《楚辭》云:「投六箸,行六棊,故 之簙毒,或謂之夗專,或謂之匿璇,或謂之棊。」「簙」與「博 其局同用板平承於下,則皆謂之枰,以其同行於枰,皆謂 枚。」焦氏循《孟子正義》:「博蓋即今之雙陸,弈爲圍棊。 雙魚、彼家獲六籌爲大勝也。」「弈」者、《説文》云: 獲二籌,翻一 魚 十二道,兩頭當中名爲水,用棊十二枚。法六白六黑,又用 符篇》釋文引《六博經》云:「博,二人相對坐向局。 局分爲 陸博、法用六箸,以竹爲之,長六分,或用二箸。」《列子 博。」今之博局,亦二六相對也。 同。《荀子·大略篇》:「六貳之博。」楊倞注:「六貳之博、 局戲也,六箸十二棊也。」《方言》:「簙,謂之蔽,或謂之箘 他事、當亦用心、故視無所用心 秦、晉之間謂之簙,吴、楚之間或謂之蔽,或謂之箭裏,或謂 偷儒憚事」,即無所用心之人也。 一枚,置於水中,其擲采以瓊爲之,二名牽魚,每一 上高而鋭如箭,亦 「偷儒憚事,無廉恥而嗜乎飲食,則可謂惡少者矣。」 魚獲三籌。若已牽兩魚而不勝者,名曰 博弈論》注引邯鄲淳《藝經》曰: 如箸,今雙陸棊俗謂之鎚,尚可 《西京雜記》:「許博 者爲勝 「博」者、《説文》:「簙 也。 《荀 一百 子 基 「弈,圍 ,考見 局 脩身 五 牽 昌 日 以 之 + 縱 翻 魚 説 善 六

賈

例也。 逸則淫,淫則忘善,忘善則惡心生。」 同。 則自生淫欲。 生淫欲」〇正義曰:不用心,則無所據依以樂善,既不樂善, 采,遂稱擲采爲博,博與弈益遠矣。]〇注「爲其無所據樂善 其狀,故有箭箸之名。 如奔,古用二百八十九道,今則用三百六十一道, 蓋弈但行棊,博以擲采而後行棊,後人不行棊而專擲 《魯語》敬姜曰:「夫民勞則思,思則善心生; 今雙陸枰 上亦有· 水門,其法古今有 亦其 不

訕

義 行於國,所誅者亂人也。」又《荀子・榮辱篇》:「爲事利. 之謂盛德。 之於戰勝則 者,天下無事則用之於禮義,天下有事 義 之謂有義,有義之謂勇敢。 而不用之於禮 而 ·義以爲上」者,言以義勇爲上也。 也。 也; 以爲 無義爲盜。」正義曰:「尚」、「上」義同,故二文並用, 所貴於立義者,貴其有行也; 子路曰:「君子尚 故所貴於勇敢者,貴其敢行禮 上。 故聖王之貴勇敢强 無敵,用之於禮義則順治。 義戰勝,而用之於争屬,則謂之亂人。 君子有勇而無義爲亂 故所貴於勇敢者,貴其能 勇乎?」子曰:「 有力如 《 禮 • 所貴於有行者,貴 義也。 此 則用之於戰 外無敵,内順治 也。 聘義》云:「有 故勇敢强 ,小人有 勇敢强 勝。 君子 有 刑罰 有 其 以 力, 勇 此 争 用 力 行 立 行

而

惡。 盗之勇。」二文並可證此章之義。 貨 射 惡稱人之惡者,【注】包曰: 無 子貢曰:「君子亦有惡乎?」子曰: 辭讓,果敢 而 振,猛貪而 戾 作 伸 然 好 惟 利之見 稱 説 是

尼經》音義引亦無「流」字。」馮氏登府《異文考證》云: 是漢以前無「流」字。」陳氏鱣《古訓》云: 儀》疏引此文,雖有「流」字,亦後人所增。 上。」並無 日文學居下而訕上。」《漢書·朱雲傳》:「小臣居下訕 經「惡居下而訕上者」,無「流. 惡,所以爲惡。」惡居下流而 六帖》兩引,俱無「流」字。」案:皇疏云:「又憎惡爲人臣下: 曰:「『子曰有』者,與《檀弓》「曾子曰有」,句法同。」又漢石 上之辭,此句上無所承,自不當有「亦」字。 當因《子張》篇「惡居下流」,涉彼而誤。 (注)馬 問」字。 毁 ,謗毀。」惡 謗 其 曰:「室,室塞 漢石經作「君子有惡乎子曰 君 「流」字,今經文有「流」字,後人據誤本加也。 上者也。」邢 勇 而 無 也。」正義 疏 禮 굸: 字。 者 訕 謂 惠氏棟《九經古義》云: 日 : 人居 惡 上者、【注】孔 I有」。 皇 果 「《四輩經》、《比 《鹽鐵論》:「大夫 蔡邕《楊賜碑》: 下位 敢 本「子貢」下有 陳氏鱣《古訓 案:「亦」是 而 , 而 窒 謗 人之 「有 上。 《少 在

曰

賜

也

亦

有

惡

乎

惡

徼

以

爲

知者、【注】

?

惡性也。』《

論

語

「惡果敢

而窒者。」「窒」與「恎」通

言很

雅

釋詁

「怪,很也。」王氏念孫《疏證》:

「《玉篇》:『侄,

戾

也

馬

融

訓「窒」爲塞,失之。

下文云「痓,惡也」,義與

怪

相

近。」

案:

王

説

亦

備

義。

其

斥

馬

注

爲

失,誤

也

注

當云

室,實

也」,衍

一「窒」字。

《説文》:

「窒,塞

也。

隔

也。」

戴氏

望

注

云:「不

通

恕

道

窒

寒

於

事。」《廣

_。 孔

疏

謂

道

説君之過惡。

○注「窒窒塞

鱼也

 $\bar{\circ}$

正 諫

義

日 較

君子隱惡揚善

故

稱

説

人惡爲

君子惡

也。

○注

訕

故從《

《古》。

注

好

稱

説

人之惡

所以

爲惡」〇正

謗 義

頡

訓

,誹毁也。」《禮

少儀》云:

「爲人臣下者,有

而

0

)正義曰:《説文》:

「訕、謗也。」《一切經音義》五

引

蒼

玄經

「泠竹爲管,室灰爲候。」虞翻注:「室,窒也。」」

「室」、「室」音義俱

近,故《

《魯論

》作「室」。

鄭以

室

二義

史記

》作『室』,皆其證

也。

馬

氏應潮曰:

「室有窒義

。」《太

考證》:

「《説文》:「室,實也。」《集韻》:「室,實也。」義本

「窒」爲「室」,今從《古》。」馮氏登

府

異

文

注

云:

「《魯》讀

我下

流,二三小臣。」

此

自

稱

,爲謙

辭

非

本

論

語

此

文。

通

古二

字

亦

相

假

卯

敦

「孚乎

室。」《

韓

勑

「廧城

庫窒。」《

漢

書 周

功

臣銘

表》有「清

簡家

侵室中

同

遜以 爲從《魯》,殊屬臆測。 考證》:「《禮記隱義》云: 以 卯 爲 之方言。 其能以爲知也。 亦「交」、「敫」二聲旁通之證。 交聲,古音同部,故得通借。」案:《左成十四 急以爲智,不遜以爲勇。」斯乃聖人所惡。」《中 日 發人之陰私。」正義曰:「曰 孔 彼交匪 也」,以此語屬子貢。 絞」,不知何論 古》、《魯》參校之時,不從 絞以爲知」,又云「訐以爲直」。」「絞」、「訐」連文,正 絞急 與鄭本作 此節 「賜也 反。」《中論· 曰: 勇者,惡託以 為勇 爲夫子 傲」、《漢 亦有惡乎」,尤可證。 鄭氏 徼,抄也。 也。 語。 《荀子 北 覈辨》篇: 命中 書 絞 必如 海 毁 人, 論》此文,可 字 爲 抄人之意 五行志》引《左傳》「彼交」作 邢 「惡不遜以爲勇」者,言本無 《隱義》之説 脩身篇 些 其 同 直者。」【注】包曰:「許,謂 疏同。 「齊以相絞訐爲掉磬、論 「孔子曰:「小人毀訾以爲辨, 以 注《三 合古 賜 沅 爲辨」,即 「絞急」者,謂 《釋文》:「徼,鄭 《文選 也 氏 以 禮 補鄭義。 而 亦有惡乎」,皇本「乎 元《校 加惕 爲己有。」惡不 ,亦是《齊論》, 從 多多 悍 魯》也。」案: 齊 西征 勘 許 馮 而 言, 於事急迫, 記 以 年傳 氏 不 賦 \cong 爲 論 故 順 本作絞, 登 注 直」之義 而 》此文,誤 於《齊 勇,叚 府 引 險 匪 馮 引 齊、 語 《 異 敫 孫 賊 鄭 自 君 子 《詩 》言 聲 作 以 炫 絞 責 攻 而 不 以 作 文

五五五五五

不弟焉 注意同。 順 抄人之意以爲己有」○正義曰:《説文》:「徼,循也。」「循 言,而面相攻發,以爲己直也 掠」、《音義》又云:「古文「抄」、「剿」二形。」案:《曲禮》: 義》二引《字書》「抄,掠也」,又引《通俗文》「遮取謂之抄 故注訓抄。 《説文》云:「訐,面相斥。」是訐爲攻發也。 ·毋剿説。」注:「剿,猶肇也,謂取人之説以爲己説。」與此 ·行也。」《漢書》言「中尉徼循京師」,引申爲凡遮取之義. ,則可謂不詳 ○注「訐謂攻發人之陰私」○正義曰:《釋文》引 《説文》:「鈔,叉取也。」無「抄」字。《一切經音 少者矣。」即此文之意。 陰私,人所諱 0 注 徼 抄 也

悔厲,吉。 承家,小人勿用。」「小人」即此篇上章所指「鄉原」、「鄙夫 有家」,言當教之於始也。 已。」即此「難養」之意。《易・家人》九三云:「家人嗃嗃 終。」杜注:「婦女之志,近之則不知止足,遠之則 則不孫,遠之則怨。」正義曰: 言婦人惟酒食之議,故能 婦子嘻嘻,失家節也。」此即「不孫」之象。 故初九云:「閑 一猶待也。 子曰:「唯女子與小人爲難養也。 婦子嘻嘻,終吝。』《象傳》:「家人嗃嗃,未失也。 《左僖二十四年傳》:「女德無極,婦 順以巽也。 六二云「无攸遂,在中饋,貞吉」 此爲有家國者戒也。 《師》上六云:「開國 众忿怨無 近之 怨 無

之屬。皇本「怨」上有「有」字。

子曰:「年四十而見惡焉,其終也已。 不足責。」並言人年至壯老,無所成德,譏論之也。 不足責。」並言人年至壯老,無所成德,譏論之也。 不足責。」並言人年至壯老,無所成德,譏論之也。 不足責。」並言人年至壯老,無所成德,譏論之也。 子曰:「年四十而不以善聞,則無聞矣,七十而無德,雖有問無藝矣,五十而不以善聞,則無聞矣,七十而無德,雖有問無藝矣,五十而不以善聞,則無聞矣,七十而無德,雖有不足責。」並言人年至壯老,無所成德,譏論之也。

合肥蒯光藻校刊

還仕王朝爲卿士。

至此諫紂,俱不聽,微子乃去其位,行遯

於外,箕子以佯狂去位,爲紂奴也。 《史記・宋微子世

論語正義卷二十

家》:「周武王克殷,微子乃持其祭器造於軍門,肉袒

面

縛

恭冕述

微子第十八 集解

凡十四章正義曰:此篇實止十一章,疑

四」爲「一」誤。

稱仁,以其俱在憂亂寧民。正義曰:微、箕皆有封國,「殷有三仁焉。」【注】仁者愛人。三人行異而同之。箕子佯狂爲奴。比干以諫見殺。」孔子曰:庶兄。箕子、比干,紂之諸父。微子見紂無道,早去底別。箕子、大工,與之諸父。微子見紂無道,早去人,箕子爲之奴,比干諫而死。

之,及出,未能自決,乃問于太師、少師。」于是太師、少師乃 微 也,特比干被禍尤烈耳。」〇注「微箕」至「見殺」〇正義曰: 争,則百姓何辜?」乃直言諫紂。」由此觀之,微、箕非不 而自説于民,吾不忍爲也。]乃被髮佯狂而爲奴。]又曰: 曰:「可以去矣。」箕子曰:「人臣諫,不聽而去,是彰君之惡 不有命在天乎? 是何能爲?」于是微子度紂不可諫,欲 伊以西伯昌之修德,滅肌,懼禍至,以告紂。 紂曰:「我 比干之諫之中,特文勢蟬聯而下,使人不覺耳。《宋世家 箕兩賢初無一言之悟主者,不知非也。微、箕之諫,已貫於 妄矣。朱氏彬《經傳考證》: 時説者謂「微子去之」,是去殷如周,與載籍無一合者,抑 不臣。」是二子後皆别封。 國於宋,爲宋公。又《宋世家》言:「武王封箕子於朝鮮 位如故。」復其位者,復其微子之位也。及武庚滅,乃改封 左牽羊,右把茅,膝行而前以告。於是武王乃釋微子,復其 「王子比干見箕子諫不聽而爲奴,則曰:「君有過而不以 勸微子去,遂行。又曰:「紂爲淫泆,箕子諫,不聽。 曰:「紂既立,不明,淫亂於政。微子數諫,紂不聽。及祖 、箕皆殷 以時封 國,孔 氏《書》疏引鄭玄説,以 此仍言微、箕者,從故爵也。 「此章止敘比干之諫,一似微 爲俱在 人或 近圻内 死 生 亦 死 而

五五七

預日: 《春秋莊公二十八年經》書:「冬,築郿。」京相璠曰:「《公羊 也。 也 郡 即比干國。 比干」,疑比干即其名或字也。 歌甚遠,必非箕子所封邑也。 考實》謂今山西隰州蒲縣東北有箕城,當即其地。 十五里,是榆社縣西,亦一邑兩載,皆在圻內,但未知孰是。 Ш 狄于箕。」注:「太原陽邑縣南有箕城。」閻氏《釋地》謂 據 若璩《釋地》謂今潞安府潞城縣東北十五里有微子城。 邑、與壽張毗連、故兩邑皆言有微地、實則壽張是也。 傳》謂之微,東平壽張縣西北三十里有故微鄉,魯邑也。」杜 鄉、微子冢。」《水經・濟水》注:「濟水,又北逕微鄉 又《左傳》:「秦人我河曲,●焚我箕、郜。」江氏永《春秋地理 博州聊城縣有微子城。」博州,今東昌府治,聊城爲附郭首 「君《王制》注「異畿内,謂之子」是也。 《明一統志》,不足信也。《左僖三十三年經》:「晉人敗 西遼州榆社縣東南三十里,而《彙纂》謂在太谷縣東南三 ,孳孳無已也。 ,非在圻内。 杜 「有微子冢,西北去朝歌,尚在圻内。」《寰宇記》云: 一預《春 其説不知何本。 秋釋例 《路史》誤也。 殷爵三等,謂公、侯、伯也。」此得有子者, 》僖 六年: 考比陽於《漢 《白虎通 比干未有封國,孟子稱「王子 《路史》謂唐之比陽有比水 「微,東平 微子名啟,箕子名 爵》篇: -壽張 地志 縣 「子者,孳 西 》屬 然去朝 北 閻氏 南陽 在今 東。」 有微 此

> 説》: 記・ 子》一言。 兄也。」庶兄者,謂微子生時其母未爲后,則微子是帝乙庶 無考。 稱微子曰王子,與比干稱謂同,或其行輩亦同。 微、比皆紂諸父,説比干者無異辭,而微子爲諸父,則 子,即是紂之庶兄,此馬注意亦然也。《孟子·告子》篇: 謂之紂。」《宋世家》:「微子開者,殷帝乙之首子,而紂之庶 子辛,辛母正后,辛爲嗣。、帝乙崩,子辛立,是爲帝辛,天下 母生微子啟與仲衍,其時猶尚爲妾,已而爲妻而生紂。」《史 箕子之下,則彪説亦可信也。《左定九年傳》:❸「陽虎曰: 箕子、胥餘、紀他、申徒狄。」司馬彪注以胥餘爲箕子名 「以紂爲兄之子,且以爲君,而有微子啟、王子比干。」又以 「微子啟,帝乙之元子也。」」《吕氏春秋・仲冬紀》:「紂之 《尸子》亦云:「箕子胥餘,漆身爲厲,被髮佯狂。」胥餘並 殷本紀》:「帝乙長子曰微子啟,啟母賤,不得嗣。 「《牧誓》言「播棄王父母弟不迪」,苟有庶兄,播棄不 《莊子· 翟氏灝《考異》引陸象山説,從《孟子》,則以 大宗師》: 「若孤不偕、❷務光、伯夷、叔齊、 姚氏鼐《經 止《孟 承

0

[「]曲」,據《左傳》當作「縣」。

^{)「}定」,據《左傳》當作「哀」。)「孤」,據《莊子》當作「狐」。

不言

微子去之在何

時。

竊以

去。」此傳先比干,次箕子,與《殷紀》同,與《宋世家 用而言、愚也、殺身以彰君之惡、不忠也。」遂被髮

佯

狂

日,不去,紂囚殺之。」又云:「比干諫而死。

不言,非勇也,見過即諫,不用即死,忠之至也。」遂

箕子,次比干,次微子,與《殷紀》

》敘述不同。

紂作炮烙之刑。

殺王子比干。於是太師、少

師

乃勸微子去,遂行。]則

王子比干見箕子諫不聽而爲奴,乃直言諫紂。

紂怒,

乃

《紀》先敘微子,次比干、箕子,馬此注本之,遂以微子爲早 :注《吕氏春秋・必己》《離謂》《過理》等篇,皆爲紂諸父。 王子比干曰: 『主暴不諫,非忠也, 畏死 箕子懼,乃詳狂爲奴,紂又囚之。」此 微子事當從《宋世家》,以宋人 比干曰:「爲人臣者、 • 主術》爲紂庶兄, 箕子曰:「知 《韓詩外傳》: 而为奴 異, ,微子 諫三 又先 一肅以 有 親 遂 不 而 而 七 是 者,憂 《公羊》莊九年注:「禮,公子無去國道也。」是同 僞也。 去理。 佯狂而後得以没入。 誓》言「奴戮汝 論 理」,以明之也。 篇:「親屬臣諫不相去,何法? 子去之,與箕子、比干同 去之也。 比干不忍去,皆是同姓之臣,有親屬之恩,君雖無道,不忍 或爲奴,或見殺。」《詩・邶・ 紂同姓大臣。 隸之奴也。」是也。 此據漢法以況爲盜賊之罰,其 者、皆不爲奴。」鄭注:「謂坐爲盜賊而爲奴者,輸于罪隸。 男子入于罪隸,女子入于春稾。 所載,必 狂易 智行 君 ,謂狂而易性也。」「爲奴」者、《周官·司属》:「其奴、 然微子實處不得不去之勢,故鄭君復言「同 廣雅 得實也。 亂 然君臣義合,道終不行, 》篇: 也。 微子知紂惡而去之。 也。 釋詁》:「程,癡也。」《後漢 微子介於石 ○注「仁者」至「寧 憂 若箕、比先後,宜闕疑焉。 《御覽》四百十九引鄭注云:「此三人, 亂 箕子是有爵. 先鄭《司厲 寧 民,皆 稱三仁。」 栢舟》疏引鄭注又云:「箕子、 不終 實凡有罪 法木枝葉不相離也。」何休 凡有爵者與七十者與未齔 是愛人, 》 注 雖 雖 日 ,民」〇 _ 案 : 同姓 箕子、比干不忍去,故 有罪,不得爲奴. <u>Z</u> 箕子 ○ 白 皆得 「箕子爲之奴,罪 故 有去之理。 Œ 内 爲 義 虎 陳 佯 難 輸入,故 E E 仁 通 忠傳》注: 狂 而 姓 也 」者,伴, 之臣 一憂 姓 能 Ŧi. 故 īE. 有 故 行 骨甘 中 無 微 去 必

去也。

《宋世家》云:「箕子諫,不聽,乃被髮佯狂

竅。1剖比干,觀其心。

不 數

得 諫

不以

死

争。」迺强

諫紂。

紂怒曰:『吾聞聖人心

傳聞各異,未知孰是。

《殷本紀》云:

「紂愈淫亂不止

不聽,乃與太師、少師謀,遂去。

而

爲紂諸父,與馬此注同。

高誘注

演准

南

戚 以

知

孟子》之言信也。」《宋世家》又云:「箕子者

紂 吾

也。」不言爲何行輩。

服虔、

杜

預以爲紂庶兄,而王

迪,其罪不甚于王父母弟乎?

而

武

王乃不言之乎?

五五九

干以忠愛受奇禍,復從而奪之,亦太近刻。 下之次,殆未然矣。 三子,或如胡炳文《四書通》謂先易者,後難者也。 師、少師之勸,然後去也。 子之去,在箕、比事後,彼見二子及己,諫已不行,故聽太 下,故《春秋》大夫見殺,皆譏其不能以智自免也。」案: 志,比于 諫 而 剖 心 皇本此注作「馬曰」。 君子以微子爲上,箕子次之,比干 以智許之,必非微子所願,而比 然則夫子之次 以爲上 微 爲

耳。」」與此文略同。 惠吏于魯,三黜 事,然不爲枉道,故孟子稱爲「聖之和」,又言「不以三公易 退也。」案:《説文》:「黜,貶下也。」三點仍爲此官,故先言 事人,何必去父母之邦?」正義曰:鄭注云: 官。」二二黜。 爲士師」,明非改官也。 一苟直道以事人,所至之國,俱當復三點。」枉道 直道 「苟與人之異、惡 柳下惠爲士師,【注】孔曰:「士師,典獄之 而事人,焉往而不三黜?【注】孔 《戦國・ 人曰:「子未可以 ൬ 不去。 燕策》燕王喜謝樂毅書曰: ●「昔者柳下 ○注「士師典獄之官」○正義曰: 往而 柳下被黜不去,即是降志辱身之 不黜 或謂之曰: 乎? 猶 「可以去。」柳 且黜 去乎?」曰: 乎,寧于 曰: 下惠 點 故 鄭亦 而 國

不過以中下士爲之,故孟子言「柳下惠不卑小官」也。「士,察也,主察獄訟之事。」此官王朝得有下大夫,若侯國,有此注,孔所襲也。《周官》:「士師,下大夫四人。」鄭注:

問政於孔子。孔子曰:「政在節財。」景公説,欲以 問政孔子。孔子曰: 「君君,臣臣,父父,子子。」他日,又復 四十二歲之前。 能用也。」孔子遂行,反乎魯。」其事在孔子三十五歲之後 待之。齊大夫欲害孔子,孔子聞之。景公曰: 『吾老矣,弗 日,景公止孔子曰: 『奉子以季氏,吾不能。』以季、孟之閒 封孔子。晏嬰進云云。 子」、《史記·孔子世家》作「止孔子」,謂商所以安止之也 閒。」曰:「吾老矣,不能用也。」孔子行。【注】 爲上卿,孟氏爲下卿,不用事。 以季、孟之閒待之。」【注】孔曰:「魯三卿,季氏 以聖道難成、故云「吾老、不能用」。 世家》云:「魯昭公奔於齊,頃之,魯亂。 齊景公待孔子曰:「若季氏則吾不能 景公欲以尼谿封孔子,晏嬰雖沮之,而 後景公敬見孔子,不問其禮。 言待之以二者之 孔子 正義曰:「待孔 適齊,景公 尼 谿 異 \mathbb{H}

0

中軍 猶欲 孔子 孟。 僑如 之,非其 若然,則康公所言叔孫位不若孟者,亦是明其權重,假位 謂 但 斯、叔孫州 空。 義 景公雖欲待孔子,而終不果行,後又託於「吾老而不能 謂將以叔孫氏待孔子,亦無不可。]周氏之言,尤洽經旨 桓之勢,季一 案:《左氏傳》劉康公曰: 又不可使其位卑若魯孟氏、故將待之以季、孟二者之閒。」 時,故《論 公言我待孔子以 、典故辨正》謂:「季、孟之閒,明明在季之下、孟之上。 日 孟氏雖居下卿,而權重於叔氏,故當時多言季、孟。 孟 司 所以去齊而反魯也。 則季氏將左師,孟氏將右師,而叔孫氏自爲軍。 全氏祖望《問答》謂: 待之以季、孟之閒。 不用 昭 徒,上卿也; 實 「魯之有季、孟,猶晉之有樂、范。」二文皆言季、 四年《左傳》季孫爲司徒 語 事」,誤。 仇、仲孫何忌帥師 也。 洲 孟二,不可墨守下卿之説 兩 此文「季、 上卿之位,則不能,以其 日」字别之。 司空,下卿也。 0 注 「叔孫之位,不若季、孟。」又叔 是公意猶 以 孟之閒」,專是言位。 「以權勢稱之,故四分公室。 待孔子與「吾老」之言,非 聖道 伐邾。」此正魯三卿之位 ○注「魯三」至「之閒 難 ,叔孫爲司馬,孟 《哀二年經》書: 成故 未 忘 而輕之。」其説甚 云吾老不能用」〇 有田氏專政故 也。 邢 疏 周 云: **孫爲司** 氏 「季孫 此注 $\overline{\bigcirc}$ 炳 是三 在 用 次 確 也 舍 即 中 説 孫 īE. 景

> 二十五年傳》:「叔 其學,當年不能究其禮。 在 齊,則在景公三十一年後。 十七八年,計其即位時,已二十七八歲。 公,嬖,生景公。」宣伯在齊爲魯成十六年,景公之生當 以 民也。」是晏嬰以聖道難成,故景公聞 有 Œ. 閒。 齊,爲景公三十三年,時年已六十,故稱老。」 義曰:《 「吾老不能用 今孔子盛容飾,繁登降之禮,趨詳之節,累 世家》晏嬰曰: 一辭孔子,亦由 孫 宣伯之在齊也, 若欲用之以移齊俗 「自大賢之息,周 故閻氏若璩《釋地 晏嬰前 言惑沮之也。 而 叔 孫還 止 至孔子因 室既 尼谿之封 納其 非 》謂: 衰, 所 世不 女 以 魯 禮 孔 于 左 亂 其 在 先 能 樂 子 後 適 成 靈 襄 缺 細 殫

【注】桓子,季孫斯也。 及《衛世家》,皆於靈公三十八年書『孔子來,禄之如魯」。 子在位,而聽其行之,則何以爲夫子? 十三年夏,有築蛇淵囿,大蒐比蒲 上書》注並引作「饋」,用鄭本也。 與觀之,廢朝 《世家》,歸女樂,去魯適衛,皆敘於定公十四年,非 ·歸,如字,鄭作饋。]案:《後漢·蔡邕傳》注、《文選· 齊人歸女樂,季桓子受之,三日 禮 三日。 使定公受齊之女樂,君 孔子行。 江氏永《鄉 皆非 考《十二諸侯年表》 時勞民之事。 正義曰:《釋文》: 黨圖考》: 不 也。 臣 使夫 鄒 朝 按 相 定 陽

歌曰: 往觀終 卵。 以 游 乎屯而師己送曰: 「夫子則非罪。」孔子曰: 曰 : 聞 公。」此紀事之誤。 此僞孔所本。 齊 高門外。 而舞《康樂》,文馬三十駟,遺魯君。 地,庸遲乎?」於是,選齊國中女子好者八十人,皆衣 矣。 不拾遺,四方之客至乎邑者,不求有司,皆予之以歸。齊人 家》:「孔子由大司寇行攝相事,於是誅魯大夫亂政者少 世家》爲正。」〇注「桓子」至「三日」〇正義曰:《孔子世 閒。 衛 質告。 (哉,維以卒歲!」師己反,桓子曰:「孔子亦何言?」師 女樂,三日不聽政。 靈三 而懼,曰: 「魯今且郊,如致膰乎大夫,則吾猶可以止。」桓子卒受 與聞國政三月,粥羔豚者弗飾賈,男女行者别於塗,塗 盍致地焉?」犂鉏曰: 『請先嘗沮之, 沮之而不可 去魯實在十三年春。 彼婦之口,可以出走,彼婦之謁,可以死敗。 H, + 季桓子微服往觀再三,將受,乃語魯君爲周道游。 桓子喟然歎曰:"「夫子罪我,以群婢故也夫?」」 八當魯定十三。 怠於政 『孔子爲政必霸,霸則吾地近焉,我之爲先并 《韓 非 又言: 事。 内儲説 郊又不致膰俎於大夫,孔子遂行,宿 子路曰: 「夫子可以行矣。」 孔子 「仲尼諫,不聽,去而之楚。」謂孔 魯郊嘗在春,故經不書,當以《衛 蓋 》言: 女樂事在十二、十三冬春 陳女樂、文馬於魯城南 「齊景公以女樂六遺 『吾歌可 蓋優哉 大? 文衣 則 哀 己 致 Œ 之

> 楚」,亦傳聞各異。 《世家》言「孔子去魯適衛」,而《韓非》及《檀弓》皆言「適 知孔子矣。乃受齊女樂,甘墮齊人術中,而迫孔子以 違其任,孔子甚專。 子於季桓子,有見行可之仕、"世家》亦言行乎季孫,三月 子 公弱私,不利於己,故孔子於女樂之受,雖諫 不行,此當別有隱情。 諫女樂,深合事情,足補《世家》之闕。 至將死,命康子必反孔子,此不得謂 或即惑於公伯繚之愬,以夫子爲 案:《孟子》言孔 亦 不聽也 不得 彊 不 不

鳳兮! 【注】包曰:「下,下車。」正義曰: 止。 孔子下,欲與之言。 言世亂已甚,不 從政者殆而。」【注】孔曰:「已 鳥。鳳鳥待聖君乃見,非孔子周行求 楚人。佯狂而來歌,欲以感切孔 往者不可諫,來者猶可追。 自今已來,可追自止,辟 楚狂接輿歌 何德之衰! 可復治 而過孔子,【注】孔曰" 也。 趨 【注】孔 而辟之,不得與之言。 再言之者,傷之深也。」 亂隱居。 《莊子・人閒 往所 曰: 已 子。」曰: 一而已 ·合,故 已而已而者 行,不可復諫 比 孔 而,今之 子於 世》云 日 鳳 接 衰。」 輿 兮 鳳

確

也。

何

德之衰」,此據邢本

不利 得據

趨。」「畫地」即指封書社之事,明以此見殆,則 政者見疑也。」案:戴説是也。《孔子世家》載子西説,云: 用也。」此當似接輿歌原文、《論語》節引之耳。 曲,無傷吾足。」山木,自寇也,膏火,自煎也。 法,明周召之業,王若用之,則楚安得世世堂堂方數千里 且楚之祖封於周,號爲子男五十里。 於楚,故疑之也。《莊子》云:「殆乎殆乎! 土壤、賢弟子爲佐、非楚之福也。」是子西以夫子得 昭王欲以書社地封孔子,令,尹子西沮之,故言今之從 夫文王在豐,武王在鎬,百里之君卒王天下。 來世不可待,往世不可追也。 言待來世之治猶可追耶? 禍重乎地,莫之知避。 言禍亂相尋,已往不可以禮義正之。 人皆知有用之用,而 方今之時,僅免刑焉。 迷陽迷陽,無傷吾行,吾 門,曰: 與《世 注》據《莊子》解此文云: 「鳳兮鳳 「家》同。 已乎已乎! 今孔丘述三、五之 天下有道,聖 明不可 漢石經: 兮! 殆 「衰」、「追」、 莫知無用之 桂可 追。 訓 畫 今孔 福 臨 何 殆,疑 食,故 作 疑, 人以 一人成 地 行 輕 如 平 何 卻 至 而 志 丘 德 傳之姓字,後人因「孔子下」解爲「下車」,遂謂楚狂與 接輿。 云。 作「已而已而」,又《莊子》亦云「已乎已乎」,知古本爲近 之時也。」此或得《魯》義。 也。 皇本、高麗本作「何德之衰也」。 而 之輿相接而 妻偕隱,變易姓字,莫知所之。」觀此,則接興乃其未隱 王使使者齎金百鎰,願 名,殊不足據。 士接子作證。 帝王》篇「肩吾見狂接輿,狂接輿曰 子•逍遥游》: 又皇本「辟」作 矣,今之從政者殆。」今從《古》。」陳氏鱣《古訓 及皇本、高麗本並有 而德之衰也」,與《莊子》合。 爲属 至「孔子」〇正義 此外,若《荀子・堯問》、《秦策》、《楚辭》、《史記》多 言出處之道,惟其時而已矣。 故馮氏景《解春集 被髮 歌、誤也。 一而陽 皇甫謐《高士傳》: 「避」,「不得與之言」下有 「肩吾問於連 《韓詩外 狂,無益於殷 「也」字。 《秦策》范雎曰: 請 日 傳 治河南。 》謂接是姓,輿是名, 鄭所以必從《古》者,正 》稱: 接輿,楚人,故 如、「 叔曰:「吾聞言於接輿。」《應 鄭注云: 楚。』《史記· 「楚狂接 又「諫」下、「追」下 「陸通,字接輿。」妄 今之從政者殆,是可 接輿笑而不應,乃 一云云。 而」古字通。 「《魯》讀: 「箕子、接 也 興躬 又「接輿曰 稱 字。 鄒陽傳 ₩ El

也。

來,來世也。

往、往世。 已」、「殆」皆

諫,正

也。

韻。

戴氏望《論語

之衰也

「孔子適

楚。

楚狂

接

興游

其

唐

石

經

石

經 及

「期 漢

斯

期

時

伐之;

漆可用,故割之。

德;

殆乎殆乎,畫

地

而趨。

羽,莫之能載; 焉;天下無道

聖

人生焉。

, 輿,

漆

身

夫子

所 其 楚 姓 辨 稱 云 楚

狂

莊 接

注

據

世

家 也。

引齊稷

下

撰

耕

以

與

之從政 益見。 也。 合。 注言「接輿佯狂 之文,及此復從包氏,以爲下車,不免自相矛盾 子 也」〇正義曰: 首。」髡首,如仲雍之斷髮。 曰 拜下」皆不言堂,與此同。《高士傳》前用《莊子》「游其門. 歌而過」,當謂過夫子車前也。 ,在門内,非在車上,故以「下」爲下堂也。 、包異者,鄭以《莊子》言孔子適楚,楚狂接輿游其門,是夫 此即教孔子避亂隱居之意。 陳氏奂《論語 「箕子伴 〇注「下下車」〇正義曰: 殆」義重複、偽 狂,接輿 世。 注以「往者」、「來者」指孔子,與《莊子》不 孔 注辨偽序》云:「已,止也,止所止息 也。」案: 「感切」,猶感動。 避 世。」《 漆身、髡首,皆佯狂之行,故此 陳説是也。 楚 鄭注云: 注以「下」爲下車,則 《訓解》云云,與下句『今 辭 涉 ○注「已往」至「治 江》云: 「下堂、出門 以《魯》讀 前篇「下而飲」、 「接 證之, 前云 也。 輿 髡

爲耦。 耕於田,其一人長而沮洳,一人桀然高大而塗足,因以名 長沮 注鄭 以其物色名之,如荷蕡、晨門、荷蓧丈人之類。 、傑溺,❷名皆從水,子路問津,一 長沮、桀溺 津,濟、 曰:「長 渡處。」正 沮、 耦 桀 溺 而 義 耕。 隱 日: 者也。 金履祥《集注考證》説 使子路問 時何 耜 廣五寸,二耜 自識其姓 蓋二人耦 津 名? 焉。

> 篇謂: 説。 陳、蔡,有渡,有橋,有菴,俱以問津名。」考魚臺爲魯棠邑 問 東通志》又謂: 子路問津處。」《寰宇記 城。」邑西有黄城山,是長沮 義 曰 《世家》云:「孔子以隱者,使子路問 夫子時非去魯,何緣於此 「方城山、水東流、注潕水。 時,則爲哀公六年,孔子年六十四 之。」案:金説亦甚有理。 耜 耜 「且」即「沮」省。《史記・世家》敘此事於孔子去葉反蔡之 相同。 津處。 |作「相」,云 相 ,耒頭鐵也。」京房《易・繋辭 然求意太深,反失事實。 「孔子使子路問津 廣五寸、二耜爲耦」、《考工・匠人》文。《説文 《匠人》注:「古者耜一 其地乃濟水經流之地,有問 「魚臺縣桀溺里 「臿也」。 》略同,未知其説所本。 ,欲觀隱者之操。」 問渡? 漢《婁壽碑》: 臿者,耒之别名。 故《地理志》曰: ○注 王在縣北 傳》 金,兩人併發之。 也。 地 「耜廣」至「渡處」〇正義 注「耜,耒下耓也。」訓 津焉。」《論衡 里 三十里,相 津亭。 《水經• 榮且 書 多 此 難 南 、溺之耦 或 碑 徴 潕水 而 載 《古論 傳爲子路 | 蒼 | 云: 信 流 陽葉,方 近 今之耜 夫子適 一時《山 水,則 注》: 若 知 耕。」 實 此

^{●「}傑」,據金履祥《論語集注考證》當作「桀」。
●「耕」下,據阮元刻《十三經注疏》本脱「孔子過之」四字。

滔

桀溺 魯孔 桀溺曰:「子爲誰?」曰:「爲仲由。」曰:「是 【注】馬曰:「言數周 輿者爲誰 **畖中。」此文下云「耰」爲覆** 問津於長沮,長沮不對,又問桀溺,若並頭共發,不應別 者,天下皆是也,而 廣尺深尺曰畖,長終晦。 爲耦。」「伐」與 二人雖並發一尺之地,未必並頭共發。 津,濟渡處」者,《説文》: 也。」案:《漢書・ 耜併發,則 丘 滔,周流之貌,言當今天下 「自黄河泛舟而渡者,皆爲津也。」長 ,明前後不並可知。 兩金,象古之耦也。」鄭意古耜一金,一人發之,若兩人 丘 與?」曰: 之徒 ?」子路曰:「爲孔丘。」曰:「是魯 謂 「發」同,許所偁 之耦。 與?」對曰"「然。」曰"「滔滔 食貨 「是也。」曰:「是知 《説文》: 流,自知津處。」問於桀溺。 (志》:「后稷始畖 雖有前後,其毗自得一尺,不假要 種,則 誰 「清、水渡也。」《水經・ 晦三毗, 以 亦古制 「耦、耒廣五寸爲伐,二伐 易之?【注】孔 「耦耕」爲播 治亂同,空舍此適 一夫三百町,而播種於 也。 知者,孔子使子路 沮 田,以二耜爲 《匠人》疏云: 曰:「夫執 種 於毗中矣。 津 矣。」 河水》 日 彼, 耦 問 字。 執轡。 法。 故 幽 通

注

並

岐

頭

孔

《古訓》曰:「《後漢書 乎?」亦本此。」洪氏頤煊《讀書叢録》:「【《文選 《世家》作「子孔丘之徒與。」又「滔滔」、《釋文》引鄭本作「悠 悠』,今本作「滔滔」,後人所改。」案:《鹽 論》:「夫悠悠者,既以未效不求。」李善引此文當 悠」、《世家》載此文正作「悠悠」,僞孔注本亦同。 皇疏云:「執輿,猶執轡也。 覆種也。 士,則從辟世之法。」擾 從辟世之士哉?」【注】士有辟人之法,有辟世 云:「『孔子之徒』,一本作『子是』,今作『孔丘之徒與』。 》從《魯論》作 曰誰以易之。」且 孔子云:「悠悠者皆是。」皆同鄭本,當是《古論》。 皇本「誰」下有「子」字,「曰是」上有「對」字。 長沮、桀溺謂 賦 今既下車 日 輟,止也。 「溺招路以從己兮,謂 滔 而往 滔」也。 孔 問 而 覆種不 子爲士,從辟人之法;已之爲 朱穆傳》:「悠悠者皆是,其 津渡,則廢 與其從辟人之士也,豈 而 又《漢書 子路 不 止 一, 輟。【注】鄭 初 轡與孔子也。」漢 在 班 孔氏猶 以津告。」正 車上,即爲御, 固 鐵 《敘傳》: 未可安; 論 曰: 大 《釋文 陳 義 固 作「悠 論 - 耰, 養 可 慆 氏 石 御 日 日 慆 生 鱣 者 稱

皆是。 之耶? 以,與 引孔注亦同。 悠」,又《文選》四十九干令升《晉紀總論》「悠悠風塵」,注所 蕭、幽部,故與「悠」通。「誰以易之」,誰,謂當時諸 萉,避 語 但 弨《釋文考證》:「《史記• 漢石經作「櫌不輟」。 也。」」此引《論語》作「慆」,亦由所見本異。「舀」聲古音在 而 流,疑與《詩》「淇水滺滺 「空舍此適彼」,言彼此皆同,不必以此易彼也。 「耰」乃或體字。○注「滔滔」至「易之」○正義曰:盧氏文 避人之士,謂孔子。 ට : 與下 意不合。 不 》作「滔滔」,采孔注而改之,妄甚。」今案:「悠悠」訓 「櫌,音憂,見《論語》。」《集韻》:「櫌,或從耒。」然則作 萉 也。 也。」師古曰: 注以 此水喻當世之亂同也。 句 兮, 「且而」之「而 F. 易,治也。 卒 兩 ○注 隕 不與易 「從」字爲孔子及沮、溺所從,非謂子路從,於 是《古論》作「悠悠」,鄭、孔皆同。 身乎 耰覆種 「《論語》稱桀溺曰 」義不協 言當時諸侯皆無賢者,孔子得誰與治 世 避世之士,溺自謂也。」「耰而不輟」, 二,謂 《説文》引亦作 既。」 」同,即「浟」之或體,水回旋、周 也 世家》集解引此注「滔滔」作「悠 子路 輟 鄧 止 注云「治亂同」者,連言耳。 也。 ○注「士 也一〇一 展 日 顔師古《敘傳》注 優」。 正義曰: 「慆慆者、天下皆是 有」至 慆 慆 《五經文字 者 一之法 何晏依《 説似 《説文》: 亂 侯 可 貌 Ö 를 : 通 也。 也 魯 流 周 正

同訓。 之後。 吾非斯人之徒與而 己意,而 音之轉。「輟止」者、《爾雅·釋詁》「輟,已也」。「已」、「止 鐵齒鑼錗再徧杷之,漫擲黍穄,勞亦再徧。」「勞」與「耰」,一 之,使種人土,鳥不能啄也。」案:《齊民要術》: 耕而疾耰之」、《孟子》亦曰「弊麥播種而耰之」,是耰在 不可摩,摩則種不固。 合,以覆種也」是也。 者,徐鍇《説文繫傳》云「謂布後以此器摩之,使 今皇、邢本皆有「行」字。 獸居乎?」天下有道,丘不與易也。」【注】言凡 林是同群。吾自當與此天下人同群,安能去人從 曰 天下有道者,丘皆不與易也,己大而 耰 「子路行以告」,漢石經及《史記 摩 問諸北方農人,曰: 田 子路行以告。 器。」 便非己也。 0 是 耰 江氏永《群經補義》:「或疑播種之後 然沮、溺耦耕 本 阮氏元《校勘記》謂因 誰與?【注】孔 曰:「鳥 器名 夫子憮然,【注】爲其不達 播 種 用 之後,以 以 潤 時即耰、《國語》云「深 摩 世家》並無 不可 田 人小故 土 曰:「隱 而 覆 「丈人」章誤 與 「耕荒畢,以 土 此 是, 開 云「覆 「行」字 同 摩 發 於 處復 Œ. 群 而 播 種 鳥 山 亚. 種

0

[「]耰」、《説文解字》作「櫌」。

《三蒼》云:「憮然,失意貌也。」《孟子·滕文公上》:「夷子 道大,彼道小故也。」案:注意謂天下即有道,某亦不以治 意,每致寂然不動,如有所失然也。沮、溺不達己意而妄非 獸不可同群」之言。 文》:「憮,一曰不動。」《爾雅・釋言》云:「憮,撫也。」《廣 憮然。」趙注:「憮然者,猶悵然也。」焦氏循《正義》:「《説 民之大道易彼隱避之小道也。 雖不行於天下,天下有道者,而我道皆不至與彼易之,是我 故當相 是鳥獸所居,人隱居山林,是與鳥獸同群也。 己,故夫子有此容。 久而乃有『命之』之言。」案:焦説與《三蒼》義合。 蓋人失 雅‧釋詁》既訓[撫]爲安,又訓[撫]爲定,安、定皆不動之 有「也」字。 衍,是也。 ·故也」○正義曰: 皇本作「孔注」。 蓋夫子聞子路述沮、溺之言,寂然不動,久而乃有「鳥 人偶 「夫子憮然」,漢石經無「夫」字。 ○注「爲其不達己意而便非己也」○正義曰: 也。 言辟人辟世,法皆非也。 ○注「隱於」至「居乎」○正義曰: 此夷之聞徐辟述孟子之言,寂然不動 其申注云:「言凡我道 又皇本「群」下 ○注「言凡」至 人與人同群, 山林

曰:「丈人,老人也。 子路從而後,遇丈人,以杖荷藤。【注】包 蓧 , 竹器。」子路問曰:「子

於義殊曲,故不從之。

《説文》合。「條」乃「條枚」字,於六書爲叚借。今作「蓧」不 【注】孔曰:「子路反至其家,丈人出行不在。」正義 芸。【注】孔曰:「植,倚也。 見夫子乎?」丈人曰:「四體不勤,五穀不 必先糞種 家,此從程氏瑶田説定之。 枝股肱也。」「五穀」者、禾、黍、稷、稻、麥也。 省,皇本作『篠』,誤。」「四體」者,趙岐《孟子》注:「體者,四 省聲。《論語》曰:以杖荷莜。]是『莜』爲正字、《論語》本與 立。【注】未知所以答。 體,不分植五穀,誰爲夫子而索之耶?」植 分,孰爲夫子?」【注】包曰:「丈人云: 『分或爲糞。』此 也。」宋氏翔鳳《發微》云:「《王制》:「百畝之分。」鄭注: 本又作條,又作莜。」盧氏文弨《考證》:「《説文》:「莜,從條 曰:「從而後」者,謂從夫子行而在後也。《釋文》云:「蓧, 曰:「隱者也。」使子路反見之,至,則行矣。 食之,見其二子焉。 明日,子路行以告。 ,而後五穀可治。」俞氏樾《平議》略同,於義亦通。 「五穀不分」,當讀如《草人》「糞種」之「糞」, 止子路宿,殺雞 鄭注云:「分猶理,謂理治之 除草曰芸。」子 説五穀者 不勤 爲 路 其 黍 拱 杖 勞 子 而 多 而 丽 四

足閒一 也。 手也。」《新 秋 植 朱氏 未 裁《説文》注云:「丈人行來至田,則置杖於地,用莜芸田 而 然則古者「置」、「植 義》云:「《金縢》云: 不警,大庖不盈」,「不戢不難,受福不那」,諸傳爲據,亦是 「不」字,並 玉 案:《商頌·那》詩: 日 能合也。 後 杖者,置杖也。」此從漢石經作「 「芸」,漢石經作「耘」俱隸省。 ,古置字」者,謂古以「植 「植其杖」,漢石經 可芸。 | 彬《經 共立。」 異用》篇所云「孔子置杖」之比。 一寸,端面 語,荷 臣 傳考 書 語 竊以 侍於君垂拱。」垂即微磬之象。 依 蓧 共 芸」本作「縜」、「痣」是或體,俱見 詞。 丈人自 證》: 攝纓,端股整足。 容經》:「固 《詩》箋「植」、「置」本二字。 與 此文作「植」爲正,作 不 拱 勤 植 宋 |字同。]《説文》曰:「植,或作**檟**,從 「置我鞉鼓。」箋云:「置讀曰植。」《正 謂。」其説得之。」《平議》又云: 植 同。 壁乗 勤 吕]作「置」。 也; 本 頤正視,平肩正 」爲「置」, 叚借之義 《檀弓》: 圭。」鄭注云:「植,古置字。」 中《紫薇 不分,分也。」引《詩》「 體不搖肘曰經立,因以 拱」者、《説文》: 置」爲 惠氏棟《九經古義 然用莜芸田,必 「孔子與門人立拱。」 雜 「置」亦是段字,段 説 訓, 子路聞丈人言 背,臂如 Ĭ: 《金縢》 《説文》。 也。 如《吕 拱 段氏 四 抱 拄 注 徒 氏 體 兩 鼓, 歛 今 微 説 杖 春 玉 謂 御 不

禮客也。 注:「《小雅》毛傳曰:『耘,除草也。」《食貨志》云: 以 永《群經補義》:「今人耘田,必扶杖乃能 芸」○正義曰:植者,立也,故有倚訓,謂依 孰爲夫子,以答子路,非以責子路也。」〇 以足蹋草入泥中,名曰脚歰。」是可爲《論語》「以杖荷蓧 從殳。《春秋傳》曰:「發夷藴崇之。」」丁氏杰曰:「今南昌 作「篠」,即本此注誤改。《説文》:「 癹,以足蹋夷草。 其字從草。 尊者,與此荷蓧丈人爲齒尊 吉。」鄭注:「丈之言長,能以法度長於人。」彼稱丈人爲位 訓》注:「丈人,長老之稱。」與此注合。 黏者,其不黏者别名糜 至「之耶」〇正義 人耘田用一具,形如提梁,旁加索,納於足下。手持一杖 知其賢者,禮異之也。 '四體不勤,五穀不分」爲自述其不遑暇逸之義。 植杖而芸」,及《説文》「莜」字、「癸」字之證。 老而杖於人,故稱丈人」,此説不免附會。《易・ 耘 ,猶云拄杖也。」《説文》: ○注「丈人老人也蓧竹器」○正義曰:《淮南・ 此注云「竹器」者,草、竹 日 : 宋氏翔鳳《發 穄。 「爲 黍 用以: 異也。《説文》: 頻 者, 作飯 治黍 除 微》云: 苗 ,蓋食之貴者,所 至《道 爲 閒 類也。 注「植 用 飯 穢 足,則植 詳 也。 倚 也。 「莜、耘田 應訓》注 之也。 倚也 ○注「丈人」 皇本經 師》:「丈人 包意,亦 黍,禾屬 故不能 段 古苗 除草 氏 杖 注 器。 以 生三 江 從 脩 玉 Œ 以 氏 日 以 ダヤ 皆 爲 所 知 務 敬 而 之,亦是冀行其道而已。

道行,而 夫子栖

君臣之倫以盡, 道不行

栖不已,知其不可

而

猶爲

亂」之爲言猶廢也。

宜仕。

仕即是義,亦即是道。

不仕則

無君臣之義、是爲亂

之。」正義曰:「義」者,宜也。

君子成

己所以成物,故

 \pm

必

臣之義,不必自己道得行。

孔子道不見用,自己

知

已知之矣。」 【注】包曰:「言君子之仕,所以

行君

理

也。」君子之仕也,行其義

也。

道之不行,

那?」欲潔其身,而亂大倫。【注】包曰:「倫,道

曰: 可 非知子路復來而避之也。子路曰:【注】鄭曰:「留言 至其家丈人出行不在」〇正義曰:注以丈人偶出行不遇, 農人云:「田宜多芸,不獨除草,且茂苗也。」○注「子路反 草也,亦謂之賴。」今案: 以後,仍有莠及童蓈生乎其閒 能風與旱。」此古者賴耔爲 葉以上,稍耨壠草,因 以 廢 語 「言女知父子相養不可廢,反可廢君臣之義 丈人之ニ子。」「不仕 也。 君臣之義,如之何其廢之?【注】孔 壝其土以附苗根,比成壠 用莜芸草,亦在既成以後。 事 一無義。 ,則又以槈薅之。薅者,披田 也,謂苗 長幼之節,不 初生之始 盡 也 而根 吾 既 深, 鄉 成

《考證》曰:「音以是。」○注「倫道理也」○正義曰:《説 非矣。 己道得行」。明人行之與己同也,此説稍曲。 字皆訓理,其證也。 文》:「倫,一曰道也。」又訓理者,謂文理也。凡「論」、「侖. 何其可廢也」。 節」,謂前見二子有兄弟之節次也。 君,皇皇如也」,明雖知道不行,猶 而君臣之倫終未嘗一日敢廢。 「己知」之「己」爲紀。 「行」下有「也」字。《釋文》:「己音紀,一音以。」 盧氏文弨 漢石經「君臣之禮,如之何其廢之也」,皇本作「如之 「潔」,阮據宋本作「絜」。 ○注「不必」至「知之」○正義曰: 己道不行,則望人行之,故曰「不必 故《孟子》言「孔子三月 注以 不敢忘仕也。 「道之不行」,皇本 「父子相養」言之、 長 注 無

志》注: 惠 怨。」案:下篇「舉逸民」,亦用叚字。 作「佚民」,「佚」正字,「逸」叚借字。 「佚,佚民也。從人失聲。」段氏玉裁注謂 包 叔齊、虞仲、夷逸、朱張、柳下惠、少連。【注】 亦爲士 曰:「此七人皆逸民之賢者。」正義曰:《説文》: 逸民: 「逸民,謂 師,要自其初 【注】逸民者,節行 有德 而隱 ,皆爲民 處者。」此虞仲後 也。 《孟子》曰:「遺 《左僖 顏師古《漢書 超逸也。 《論語》「逸民」,許 Ŧi. 年傳》: 雖爲君 伯 佚 「宮之 律 而 夷 不

故 語 班《志》此文,亦以周有兩虞仲。 于 權。」」師古曰:「虞仲,即仲雍也。」《志》又云:「太伯卒,仲 可 太伯、仲 子太伯,次曰仲雍,少曰公季。 曾孫周章之弟, 説似不同。 紀》以虞仲爲太伯弟,《世家》以仲雍爲太伯弟,虞仲則 弟虞仲於周之北故夏墟,是爲虞仲,列爲諸侯。」案: 伯、仲雍之後,得周章。 公有長子曰太伯,次曰虞仲。」又云:「太伯、虞仲知古公欲 奇 亦作「騶吾」之比,仲雍稱吴仲雍,故或稱虞仲。 亦名虞仲,是虞仲有兩人。 《漢書・地理志》: 「周太王 太伯卒,無子,弟仲雍立,是爲吴仲雍。 立季歷以及昌,乃二人亡如荆蠻,文身斷髮,以讓季歷。」 《吴太伯世家》:「太伯之犇荆蠻,荆蠻義之,立爲吴太伯、 E. 河北,是爲北吴,後世謂之虞。」師古曰:「中,讀曰仲。」 稱周章之弟爲北吴,對周章爲南吴也。 立,至曾孫周章,而武王克殷,因而封之。 謂至惠也已矣。」「謂虞仲、夷逸,隱居放言,身中清, 隱居放言」,即 「太伯、 雍辭行采藥,遂奔荆楚。 虞仲,太王之昭也。」《史記 指逃竄荆蠻之事。 周章已君吴,因而封之。乃封周 吴仁傑《兩漢刊誤補遺 公季有聖子昌,欲傳國焉。 「虞」、「吴」通用,如 故孔子美而 兩虞仲本皆爲吴仲、 周武王克殷,求太 後世稱北吴爲虞 又封周章弟中 周 稱曰:「太伯 本紀》: 《志》引《論 一》謂 騶 廢中 仲雍 仲雍 · 《本 古古 虞 長 章

《過 慎也。 下文論列諸賢,不及朱張,而但存其姓名於逸民之列,蓋其 之列,而曰「我異於是」? 且子弓之即爲朱張,亦 《漢書・古今人表》。《論語》釋文云:「朱張,並如字,衆家 耕於野,不忍被繡入廟而爲犧。」」《禮・雜記》:「孔子曰: 皆逸民之賢者」○正義曰:虞仲,注不知何指。 前矣。○注「逸民者節行超逸也」○正義曰:《後漢書・ 「輈張 據,則王説未可信也。 並言,楊倞注以子弓爲仲弓,則是夫子弟子,豈得厠於古賢 案:《荀子·非相篇》《非十二子篇》《儒效篇》以仲尼、子弓 亦爲人姓名。 東夷之子也。」」此夷逸、少連二人事可考者。 「少連、大連善居喪,三日不怠,三月不解,期悲哀,三年憂 民傳敘》:「蓋録其絶塵不及。」與此注 在夷、齊前,而先夷、齊者,重德也,若《孟子》稱伯夷 亦稱虞者,此又因音同而假之,其本字則爲 者,亦以兩吳不能分别 「夷逸者,夷詭諸之裔。 庭録》: **,驚懼之貌也。」揚雄《國三老箴》:** 又《釋文》引鄭作「侏張」,云「音陟留反」。 「《文選》劉琨 王弼注:「朱張字子弓,荀卿以 竊以朱張行事,當夫子時已失傳,故 或勸其仕,曰: 『吾譬則牛,寧服軛以 ,故取同 《答盧諶書》: 音異字而 一義同。 「自頃 「負乘覆餗、姦宄 爲 輈 「吴」也。 「虞」矣。 ○注「此七人 《尸子》云: 張。」 比 宋氏翔鳳 孔子。」 朱 別無 注 在 張 虞仲 仲 伊 曰 見 尹 雍 (注)包

鄭義不著,或如宋、臧所測。 免患,合於權 中權。【注】馬曰: 思慮,如此而已矣。」謂虞仲、夷逸,「隱居放言, 其斯而已矣」。【注】孔曰:「但能言應倫理,行應 解逸民爲隱逸,不謂 義或與鄭同,要未必得班本旨也。 謂虞仲、夷逸,本此文連言。 人也。」此説當得鄭義。 侏張。」「輈」與「侏」古字通。 下惠、少連,「降志辱身矣。 【注】鄭曰:「言其直己之心,不入庸君之朝。」謂柳 「朱張、朱當作濤。 夷逸、曰朱張、三者品其目、夷、齊、仲、惠、連五者、舉其 "「不降其志,不辱其身,伯夷、叔齊與?」 故鄭「作者七人」、注獨不舉夷逸、朱張。 曰: 於義求之,似爲非 「放,置 也。」正義 《書》「譸張爲幻」,即陽狂 超逸也。 也。 「清,純 臧氏庸《拜經日記》略同。 E : 也。 不復 師古以爲竄於蠻夷而遁逸,其 然夷逸明見《尸子》,柳下豈爲 此鄭本作「侏張」,知非人姓名 潔也。 《孟子·公孫丑》篇:「孟子 此《集解》前後失撿處。 《漢·地志》説仲雍之事,引 言 七人爲逸民之賢者,是 世 言中倫,行中慮 遭世 務。」身中清 亂,自廢棄 也。」曰逸民 郝氏敬 今案: 廢 Ĩ: 子 以 觀。 雖 也。 與惡人言。 者 字。 舉伯夷

陽狂?

 \exists

夷逸」,漢石經作「夷泆」。 仲、逸亞於夷、齊。 放言,於世亦寡所合,但不及夷、齊之行,故述逸民之目 之也。虞仲、夷逸,亦是不降不辱,故能中清中權 許,亦聖人所不爲也。 爲磏仁,又曰「仁磏則其德不厚」,又曰「磏仁雖下,然聖 降、不辱爲優,而夷、齊亦失之過峻。 次論之,而後及虞仲、夷逸也。 不廢者,匡民隱括有在是中者也」。 已。」是即柳下惠降志辱身之事也。 不自失焉,援而止之而止。 者,是亦不屑就已。」」是即伯 塗炭。是故諸侯雖有善其辭命而 曰:「伯夷非其君不事,非其友不友,不立於惡人之朝,不 袒裼裸裎於我側,爾焉能 官,遺佚而不怨,阨窮而不憫。 然中倫中慮,言行如此,實非枉道以殉 「其斯 立於惡人之朝,與惡人言,如以朝衣、朝冠 ,則叔齊可知。 而 已矣」,漢石經 論行事,則夷、齊與惠、連爲最 惠、連降志辱身,出處之際,似 「身中清」、《世家》「身」作「行」。 又云: 援而止之而止者,是亦不屑 浼我哉?」故 夷不降其志,不辱其身之事 「不辱其身」,皇本「身」下有 作 故曰: 「柳下惠不羞汙君,不 至者,不受也。 「其斯以乎」。 是知夷、齊雖 《韓詩外傳》謂夷 論 出處之節,自 「爾爲爾,我爲我 由 人,故夫子 由 然與之偕 「謂虞仲 異,故 不受 聖人 而 坐於 隱 亦 無 以 足 也 相 居 所 去 不 而

○注 不拘 仲 我 擅恣,故俗遂以遁身矯潔放言爲高。」李賢注:「放肆其言, 注"「放、縱也。」又《荀韓鍾陳傳論》"「漢自中世以下, 以容。」即 理 也。 必 熙所云,可 也。」二文並作「發」,與鄭本同。 行 言行有可稱 廢中 孝子慈幼、允德秉義、約貨去怨、蓋柳下惠之行也。」是其 放,置」,見《廣 孟子》以 行 進,亦 事所發見 則 者,訓 」與 《後漢・隗囂傳》:「方望曰: 節 一遭世 逸當 權」、《釋文》引鄭作 異於是 制 不必 柳下惠爲和爲介。 此注義。 「倫」爲「理 也。 補鄭 亂 亂 也。 也。 世 自 當是對 足,惟 《論 義。 雅 廢棄以免患合於權也」〇正 則 皇 無 語》曰 虞仲 《後漢 疏引 注 釋詁 ○注 也。 文, 可 義 「放置也不復 似 所 無 江熙曰: 謂 "「隱居放言。」」此解 「發,云動 但 非 在。」、 居 不 思慮」者,謂心所思 仲 孔融傳》:「跌蕩放言。」李賢 命中 又《大戴 能 位 · 可 。 雍 行 注 庸 當由《齊》、《魯》文異。 至「已矣」〇 「動有功、發中權。」」此 疑 貌」。 晦 道 *\frac{\times}{\times} 亦不必進亦不必 指周章弟、當 言世務」○正 明以 【注】馬 也。 衛將軍文子》篇: 案: 「國無道,其 遠 此 義曰: 安國 害,發動 「貌」,疑 正義曰: 曰: 似 慮於道 勝 舊 紂 注以虞 義 包氏 世 義 亦 閹豎 、默足 退 日 中 作 倫 也。 也 也 江. 不 惟 權 謂

> 乎義。 清,不 子不爲夷、惠也 篇:「或問: 時也。故《易傳》屢言時義也。 子》以孔子爲「聖之時」,此注則以義衡之。 則速。」久,謂久居其國,速, 未適於大道。 或治則進,亂則退,或雖治亦退,或雖亂亦進,行各不同 惠不恭。 之閒。」「可否」即 之閒也。』《後漢・ 云:「孔子可以仕則 義所在1〇正義日 爲惠、連之屈 義苟可進、雖亂亦進、義苟宜退、雖治 隘與不恭,君子不由也。」「君子」即孔子,是謂 李仲元是夷、惠之徒與? 惟夫子本從心之矩,妙隱見之權,進退俱 可與不可 黄瓊傳》: 仕, ,故曰異於是也。」案:《法言 「進」者 可以 也。《孟子》云: 李固引傳曰: 謂 可 止 也; 速 則止,可 鄭 去,此孔子之行也。 注此云:「不爲夷、齊之 退 曰 : 以久則久,可以 者,不 「不夷不惠,可 不夷不惠,可 「伯夷隘 義者,宜 亦退。 可 也。 《孟子 淵 柳 也,即 逸 皆 孔 下 否 否 谏 視 民

適蔡, 章名,各異師。 (注)包 亞,次也。 太師 四飯 曰: 摯適 次 缺 鼓,擊鼓 飯,樂師也。 適秦,【注】包曰:「三飯、 繚、 ~齊,亞 缺 ,皆名也。」鼓方 者。 飯 方 干 擊、干,皆名。」三飯 叔,名。 適楚,【注】孔 叔 入 謂 人 四 居其河 於河 飯,樂 日 繚

夕、日

時。」此通説大夫、

士之禮

飯

與與

殷 中

異

也。

又《

禮

器

日

一禮

三舉。」

則天子

亦三

飯。

又鄭注《鄉

所説殷

制、當爲《論

語》舊義。

《周

適秦。』諸侯三飯

陰之始也。 之始也;

《論語

 $\stackrel{>}{\exists}$

『亞飯干適

食四

一時之功

也。

王

一者平

居

中

央 餔

制

晝食,太陽之始也,

通•

禮

樂》篇:

富積之饒

也。

明天子至尊,非 「王者食,所以

「天子食時舉樂。」王者所以

隱五年傳》

注:

「《魯詩

》傳

飯、三飯

官

着

太師、小師、鼓人、

磬師。

食

瞽矇、眡瞭皆掌播鼗。

與

曰 :

太師擎

等皆殷人,則

太師、

哀

公時

禮,

壞

樂崩,樂

人

皆去。

内。」播鼗

武

人於漢,【注】孔

九 告

飯 飽

則

《典

侑

爲 故 飯

Ŧī. 少 侑

晰

舍

也。」少

師

四飯者、《禮・王制》云:「天子日食舉樂。」《公羊 陽、擊磬襄入於海。 ,卿大夫再飯,尊卑之差也。]案: 日四食者何? 曰: 『天子食日舉樂。』」《白虎 此諸職尊卑同 有樂何? 功不食,非 少師 食,少陰之始 又大司 則 官 楚,三飯 有 曰: 御 黨》云:「不時、 陽、 以 等 周制自天子至士皆二 四四 膳夫》云:「王 樂、 少 官是殷 方。 樂食天下之太平, 德不: 播 【注】孔 襄,皆名。」 爲貴者, 明 繚適蔡 異,未聞 膳 平旦 摇 也; 有四方之物, 飽,故傳曰: 夫皆 制 也。 暮 食, 也。 日 天子 此 四 以 也 非 食、太 少陽 樂 齊 班 飯 Œ 一番 武, ^ 朝 日 侑 周 氏 缺 亞 義 傳》: 義不同 班 師 奔走逃亡,人于河海。』」師 姓。 「《論語》云云。 樂官師瞽抱其器而 何 可 三飯,三侑爲四 覈》,皆援之以釋《論語》,謂初飯不侑,始侑爲亞飯,再 飯」,皆因侑更食之數,與《論語 牢》是大夫禮,有十一 食,諸 云「諸侯」者,追 八人,皆紂時 之,乃更食,凡三侑。 「殷紂斷棄先祖之樂,迺作淫聲,用變亂正聲,以説婦人。」 智人」之列,其次在 氏 陽之屬也。」然則以太師 得更人更爲樂也? 據之明文而別爲新義,未爲得 风承之。 伯 「對策曰: 侯再,大夫、士 夷、 而近之儒者,若黄氏式三《後案》、凌氏曙 太公皆當世賢者 故其著《白虎通義》於亞飯、三 奔走分散而去。」又《禮樂志》云: 飯。 此《志》所云及《古今人表》所敘,皆謂 「至於殷紂 繋其地, 奔散,或適諸侯,或入河海。」師 案: 三。」注 殷末 《儀 飯,故鄭注以 《漢書·古今人表》太師 亞飯諸義、《白虎通》言之最 非 禮 周 古注: 摯等爲殷人,董氏先有此 隱 爲當時 逆天暴物, 前 特 處 》「亞飯」、「三飯」、「四 一謂 理,且三侑 「謂若鼓方叔 牲》 而不爲臣。 顔 已有國 諸 師古注: 告 是士禮 侯十三 飽 殺戮 也。 飯 名。」又《董 不過須臾之頃 自 賢 四 守 有 飯,天子 既 知,殘 「《書》

飯,即

據

殷

播

發武、

義,

而 少 職之人,

賊

百 舒

仲

攀已下

· 序 :

古

注

是

也

摰 師

等

同

在

而其 奴,殷之太師、少師乃持其祭樂器奔周。」《周本紀》又云云。 紀》亦云:「微子與 乃勸微子去。」則 子,殷之太師、少師 紀》「太師疵、少師 日 先朝之稱之比。 齊、蔡、秦、楚皆舊時國名,周人因而名之,如今府州縣多沿 氏 禮 是則太師、 三代之遺聲也。」則齊在夏、殷已先有之。」案: 非子爲附庸,而邑之秦,皆先名其 「太師、少師」。 「疵」、「陽」即「彊」,音皆相近,惟傳聞異 尚 「摯」與「陽」,兩音相 》之亂」,此師擊是魯人,與《人表》所記不同。 》: 「文王諏于蔡原。」注: 「蔡公,殷臣。」《樂記》: 「齊者' 奇齡《稽求篇》辨之,云:「周 説之矣。 書撰 八事則 「太師摯、「摯」字是「疵」字。」其又云「「師摯之始、《關 異》: 少 惟 師 《尚 此《今文尚書》説也。」今案: 齊 《宋世家》於比干死之後、云:『太師、少 爲殷之樂官 顔師古以爲追繫其地,尚未然也。 少 楚、 彊抱其樂器而奔周」、「疵」與「彊」, 、太師、 師 書 乃持其祭樂器奔周」是也。」段氏 近之名。 蔡、 非比干,太師非箕子,甚明。 微子》篇「父師、 秦 少 即 皆 師 《殷本紀 成王 太 謀去,而比干剖心,箕子爲 周 師 時 摯、少 封熊繹于楚蠻 國 地 》亦云「剖比干,囚 名 辭 而後封之者。 少 師 世 則 毛、 師」、《史記 陽也。 多以 載所 如毛説,則 段説是 考《周 爲 孝 如 「摯」即 毛氏又 疑 不 玉 王 《國 也。 作 本 師 裁 即 本 一封 箕 毛

> [《]年 聲。❶ 《春秋歷譜牒》,至周厲王,曰「師摯見之矣」。」鄭或據此文, 據 官 體 注 : 「于」。《説文》:「鞀,鞀遼也。 非人於河。 太師擊爲殷人異也。 以爲目及見之,則 表》注即不取之。 太師,亦其類也。 奔周之前。 章 上 乾 之移寫。 太師摯等自爲殷末人。 章 爾雅 表》所言師摯,即 小師 「遼者,謂 一逸民 儀 藂,鞀或從鼓兆。❷ 禮 · 釋樂》: 》注:「鼗,如鼓而小,持其柄摇之,旁耳還自擊。」 有 皇本作「于」,下同。 伯夷、大公避紂居海濱、後皆適周,而大公仕爲 夷 遼遠必聞 大射 《釋文》: 齊 鄭此注以爲周平王時人,顏師古《古今人 案:《史記·十二諸侯年表》:「太史公讀 「大鼗謂之麻,小者謂之料。」鼗有大小 在厲王後, 爲 儀 《泰伯》篇之師摯,當是魯之樂官,與 且師摯與夫子同 殷 其聲也。」案: 注: 「鼗,亦作鞉。」皇本作 末 竊以太師適 聲,籀文鞀,從殸召。」段 周 初。 歷 從革召聲。 宣、 下 漢石經「人于海」, 如 幽而當平王矣。 章 鼓 此則今本 一齊,少 八 時,以爲平王時,亦 而 士 小, 亦 靴, 鞀 師 周 有 鞀 作 初 柄。」《周 海 人 或 氏 從 亦 不 皆 玉 則 或 即 裁 兆 作 此 知 在 此

- ❶「聲」、《説文》無。
- ② 「鼓」下、《説文》有「从」字。

日 地

襄者自别。

又且

琴

心》説:

子世家》「孔子學琴師襄子」,以爲即「擊磬襄」。 子列傳》,詳載諸賢而不及師摯諸人,此可證矣。 所屬之官,當時親聞樂於夫子,故皆爲受業之徒,與孔氏「哀 適齊、楚,或人河海。」説者以子語魯太師樂,亞飯諸職即 論語》以爲文,而非謂太師諸人皆孔子弟子也。 「掌播鼗、柷、敔、塤、簫、管、絃、歌。」注:「播,謂發揚 「夫子在衛,學琴師襄子,則襄子自爲衛人,與《論語 禮書》云:「仲尼没後,受業之徒,沈淪而不舉,或 「樂章名」者,謂舉食之樂,取於亞飯、三飯 ○注「播摇也」○正義曰:《廣雅·釋言》:「播 注此云:「亞飯、三飯、四飯,皆舉食之樂。」 據,顔師古《禮樂志》注譏其未允,是也。 ○注「魯哀公時禮壞樂崩樂人皆 《説文》:「播,一 不知《禮書》所云「齊、楚」「河海」,乃假 説,以爲次第也。」〇注「三飯 注句首當有 磬,各爲樂師,不得妄有牽合。」 《爾雅·釋言》:「亞,次也。」《説 》「播鼗」,播爲摇,亦小 日 「亞飯」二字、《集 布也。」《周官 閻氏若璩《釋 史公作《弟 又或據《孔 去一〇 鼗 四 四 解 矣。 瞽 其 飯 飯 訓相近。 義。 卿 惠氏棟《九經古義》援以解此文,謂「不施」爲隱其罪。 四年傳》:「乃施邢侯。」《晉語》:「施 諸父昆弟。」則諸父昆弟在始封國時,當 親,則諸父昆弟不怨。』《儀禮・喪服傳》:「始封之君,不 文最當。 多通用、同官・遂 用 讀「施」如字,亦待公族之道,於義得通者也。「大臣」,謂三 施」即「不弛」叚借。 「不施」,漢石經同。 封於魯。施,易也。不以 求備於一人。」【注】孔曰:「魯公,周公之子伯 大臣怨乎不以。 『大臣不親,百姓不寧 廢其族也。」此「施 也。 也。 《禮·中庸》云:「仁者,人也,親親爲大。」又云: 周 「不以」,謂不用其言也。 怨不見聽用。 《泰伯》篇:「君子篤於親。」篤者,厚也,即不弛 公謂魯公曰:「君子不施其親,不 服虔注《左傳》云:「施,猶劾也。」謂 人》注 」亦當讀 《釋文》作「不弛」。 鄭注《坊記》云: ,則忠敬不足, 故舊 大故,謂 「施,讀爲弛 弛,訓 他 無大故,則不棄 人之親易己之親。 **禮** 惡逆 而 廢」,與鄭君 「弛,棄忘也。」以 邢侯氏。」孔、晁 富貴已過也,大臣 可可 「施」、「弛」二字,古 緇衣》云:「子曰 加 之事。」 證

其音。」義皆相近。

史記・

義曰:

孔此説無

公時」之説相爲影響。

摇

也。」與此

注同。

與包義同。 爲章名也。 删之耳。

鄭

樂章名」〇正義曰:

包

原

鄭《禮 ○注

注據小者言之。《論語

「亞次也」〇正義曰:

賈侍中

五七五

也。

此文「不

訓

此

īE.

義

_三 三 :

以,

禽

也

無

使

恩

也。《左昭

臣

劾

其罪

也

此似

「棄忘」之

焉。 家》: 實也。 之同。 也。 故,當存録擇用之,不得遺棄,使失所也。 俊選皆造焉。」此文「故舊」,即謂魯公共學之人。 苟非有大 者,《周官· 賢之人,而以小 大受者不必小知 云:「王太子、王子、群后之太子、卿大夫元士之適子,國之 言《温故録》以爲所見本異,武氏億《群經義證》更謂 志・杜恕傳》引「怨何不以」,以意屬文,未足深據。 治 王之故舊朋友,爲世子時共在學者。」《王制》言大學之制 呵 禮》云: 而 》顏師古注: 」通,今本作「乎」,即 《大傳》云:「聖人南面 「君毋以小謀大,則大臣不怨。」蓋既用爲大臣,當非不 邇 武王破殷,徧封功臣同姓戚者。 此五者爲先,當是聖人初政之治。 曰治親,二曰報功,三曰舉賢,四曰使能,五 故説者咸以此文爲伯 臣 注 比 「備、盡也。」人才知各有所宜,小知者不可大受 大宗伯》: 「魯公」至「之事」○正義曰:《史記・魯周公世 矣。 「士有百行,功過相除,不可求備。」亦此 , 因器 臣間之,則大臣 故 大 「以賓射之禮,親故舊朋友。」注云: 而使,故無求備也。 臣 呼嗟」之義,皆未然也。 不 而聽天下,所且先者五 可 禽就封,周 不 敬 必以不用爲怨矣。 也 封周公旦於少昊之 是 公訓誡之詞 「備」者,鄭注《特 周公此訓,略 《漢書 民 之 表 東方朔 民 也。」 「故舊 包氏慎 「何」與 曰 當 《魏 不 得 與 存 與 義 又

> 此孔所襲。 於義最謬,無足爲之引申。 始得稱魯公耳。「施、易」,亦常訓。 公身仕王朝,未得就封,故猶以王官稱之而曰周公,至伯禽 受封,是爲魯公。」據此文,是周公封魯,即爲魯公,祇以 使其子伯禽代就封於魯。]又云: 王少,周公乃踐祚,代成王攝行政當國。 虚 曲 阜,是爲魯公。 周 公不就 鄭注云:「大故,爲惡逆之事。」 封 留留 「周公卒,子伯 此注似以「親」爲父母 佐 武 於是卒相 玉。 武 王 禽固 成王,而 既 崩 已 , 成 周

傳》: 四 也。 叔 字作「夜」。」《白虎通・ 有叔液鼎,即八士之叔夜也。 夜、夏、隨、騧,皆依韻命名。 夜、叔夏,季隨、季騧。【注】包曰: 八子,皆爲顯仕,故記之爾。」正 「中省」,顔師古注:「曶與忽同。」惠氏棟《九經古義》: 季 時 叔者 也。 用事先後,長幼、兄弟之象也。 「時則有脂夜之妖。」鄭注云:「夜,讀爲液。」是古「液 周有八士"伯達、伯适,仲 少也。 伯 者,長也。 季者,幼也。」「質家所以 伯者子最 姓名》篇: 《漢書・古今人表》「仲忽」作 古文液,或省作夜。 長, 「稱號所以有四何? 故以 義曰: 迫近父也。 時 突、 一周 積 長幼, 達、 於仲何? 時, 适、 仲 號日 《尚書大 仲 忽, 四 突、 乳 伯 叔 質 中 仲 生

周

義 曰: 者親親,故積於仲, 則八士且 達、适、忽,尹氏之子,别居南宫者,猶南宫敬叔本孟氏子, 者命士以上,父子皆異宫,故《禮》曰「有東宫,有西宫」。 臺之財,巨橋之粟。 周八士,皆在虞官。』《漢書·古今人表》載周 時。」《晉語》説:「文王即位,詢于八虞。」賈、唐云:「八虞, 本有此章注義,集解佚之耳。 文》引鄭云「成王 而以所居稱之耳。 之南宫适,即此伯适。 公。」是八士皆尹氏,爲武王時人,有明證也。 文王時。」孔氏廣森《經學卮言》:「《逸周書·和寤 上」,列成叔武、霍叔處之前,二人皆文王子,則班固 「王乃勵翼於尹氏八士。」《武寤》篇曰:「尹氏八士,太師三 《聖賢群輔録》云: 八士、皆在虞官。」《君奭》言文王之臣「有若南宫适」, 「周有八士」云云。 不積於伯季,明其無二也。]〇注 「乳」,猶生也。 逮事文王矣。」案: 時」,劉向、馬 《國語》:「文王詢于八虞。」賈侍中云: 文家尊尊,故積 一周 乃命南宫百達、史佚遷 每生得二子,故四乳得生八子。 又《克殷 不積於叔何? 八士,見《論 盧、 融皆以爲宣王時。 盧氏文弨《釋文考證 》篇曰:「乃命南宫忽振 孔説是也。 於叔。 語》。 周 時」至「之爾」〇正 蓋 即 賈逵以爲文王 以 九鼎三巫。」古 江 如 兩 或疑「十亂」 八士在『中 氏永 是、《論 兩 則 深篇 曰: 西亦以爲 俱 *\frac{1}{2}. 馬、鄭 群 生 《釋 語》 松平 伙 鹿 故 0 雄 補 仕 義》、

此當無疑者也。 引傳説以釋《詩》「多福」之文,則八士在文王時,董義亦然 國子多賢,蕃殖至於駢孕男者四,四 多福者,非謂人事也,事 「《詩》曰:「唯此文王,小心翼翼。 也。 ,當據《晉語》仕爲虞官 今此天之所以興周國 翟氏灏《四 包注雖不言八士在 書考異》略同。 功也,謂天之所福 ,則與董 也,非 《春秋繁露· 、賈説亦合也 昭事上帝,允懷多福 周國之所能 何時,然以 産而得八男,皆君子俊 也。 郊 八士皆爲 爲也。」」董 傳曰:「周 語》篇: 0

也。 曰 :

涇 包 誠 校 刊

郊 語」, 據《春秋繁露》當作「郊祭」。

論語正義卷二十一

恭冕述

子張第十九 集解

凡二十五章

不言「思」者,死生之際,惟義是徇,有不待思而決也。」正義曰:真德秀《四書集編》:「義、敬、哀皆言「思」,致命獨敬,喪思哀,其可已矣。」【注】致命,不愛其身。子張曰:「士見危致命,見得思義,祭思

時容有安於小成,感於異端,故子張譏之。○注「言無所輕子夏所言「小道不能致遠」者也。「篤」者,厚也,固也。當義曰:「執德」,猶言據德。「弘」者,大也。「執德不弘」,即表問:「執德不弘,信道不篤,焉能爲子張曰:「執德不弘,信道不篤,焉能爲

人,亦不足爲重。」 人,亦不足爲重。」 世無此人,則不足爲輕,世有此

非互訾也。 子夏汎交當如子張」〇正義曰:注以二子論交,各有所宜 賢,互辭。「矜」者、《詩·鴻雁》傳「憐也」。○注「友交當如 漢本無「其」字。」「嘉」者、《説文》云「美也」。「嘉善」,猶尊 子張。」正義曰:「距」者,棄絶之意。《荀子・仲尼》注: 距人也?」【注】包曰:「友交當如子夏,汎交當如 所不容? 我之不賢與,人將距我,如之何其 容衆,嘉善而矜不能。我之大賢與,於人何 之。」」子張曰:「異乎吾所聞: 君子尊賢 與人交接之道。」子張曰:「子夏云何?」對 經作「距」,邢疏本、《集注》本皆作「拒」。 曰 漢石經「可者」下「者距」上、凡闕四字、今此閒有五字、疑 距 ·拒,敵也。」《漢書・趙廣漢傳》注引晉灼曰:「距,閉也。」 "「子夏曰: 『可者與之, 其不可 |與「拒 子夏之門人問交於子張。【注】孔曰:「問]同。《論語》釋文云:「距,本今作拒。」案: 鄭注云:「子夏所云,倫黨之交也。子張所云 翟氏灏《考異》: 者 距 而

德也。」子夏之行,抑由所聞而然,固無失矣。 無小人殆。」而商也,其可謂不險也。」」盧辯注:「言其鄰於 戴禮・衛將軍文子》篇:「孔子曰:"《詩》云:「式夷式已, 則 以仁,可無貶也。」蔡邕此言,以二子所聞各得一偏,其正道 則汎愛衆而親仁,故非善不喜,非仁不親,交游以方,會友 也褊,故告之以容衆,各從其行而矯之。若夫仲尼之正道 聞乎夫子。 蔡邕《正交論》: 尊卑之交也。」尊卑亦是汎交,倫黨則與爲同類,是友交矣。 上篇子曰:「毋友不如己者。」並子夏所聞論交之義。 者,吾不與處,無益我者也。 多徇子張之言,以子夏爲失。 汎愛衆,即汎交,親仁,即友交。 「周公旦曰: 「不如吾者,吾不與處,累我者也。 然則其以交誨也:商也寬,故告之以距人, 「子夏之門人問交於子張,而二子各有所 惟賢者必與賢於己者處。」」又 案:《吕氏春秋 義與包、鄭相發矣。 ・觀世 與我齊 《大 師 世

子

今諸子書也。」鄭舉 通。」是以君子不爲也。」正義曰:《周官 有 可 「道多才藝。」此「小道 觀者焉; 子夏曰: 「雖小 致遠 端 故 」亦謂才藝。 恐泥、【注】包曰"「泥 道、【注】小道、謂 云「如」以例之。 鄭注 云: 《漢書・ 異端。 小 大司 道 難 宣元 樂》 , 如 不 必

物怪。 通一〇 「上封事曰: 夫書畫辭賦,才之小者, 己不與人同,其小可知,故小道爲異端也。」〇注「泥難不 氏循《補疏》:「聖人一貫,則其道大,異端執一,則其道 非無其理。」用鄭義也。 諸子書,本漢人舊義,故鄭注同之。 子以爲致遠則泥,君子故當志其大者。」據此,則「小 優大,文武之道,所宜從之。 昔孝宣會諸儒於石渠,章帝集學士於白虎,通經釋義,其 或一言可采,此亦芻蕘狂夫之議也。」《後漢書·蔡邕傳》: 也。」然亦弗滅也。 者流,蓋出於稗官。 道不通,致遠恐泥,皆不足以留意。」」《藝文志》:「小説 辭宜曰: 五經,聖人所制,萬事靡不畢載。夫小辯破義, 將軍王鳳,對曰:「諸子書或反經術,非聖人,或明 通。」與包 孟子以爲大舜有大焉,善與人同 六王傳》: ·曰:「雖小道,必有可觀 正義曰: 《太史公書》有戰國縱橫權譎之謀,不可予。不許 〕義同。 「東平王宇上疏求諸子及《太史公書》,上以 「泥難」二字連 《漢書 間里小知者之所及,亦使綴 街談巷語。 ○注「小道謂異端」○正義 五行志》中之上:「震遂泥。」注 者焉; 若乃小能 讀。 道聽塗説者之所造也。 ,能通天下之志,故大。 致遠恐泥,是以君子弗 鄭 江熙曰: 匡國理政,未有其 注云: 小善,雖 「泥謂滯 「百家競説 而不忘。 有可 鬼 目 道」爲 觀,孔 問 陷 小。 能 焦 爲 孔 不 如 大

夷,長脊而泥。」郭注:「泥,少才力。」亦滯難之義。李奇曰:「泥者,泥溺於水,不能自拔。」《爾雅·釋獸》:「威

疆。 思己所能及之事」〇正義曰: 也。 固 思、明辨、篤行,爲執善固執之功,❶與此章義相發。 不 問 之久而終不忘,所謂「學如不及,猶恐失之」者矣。」 是温故也。」劉氏宗周《學案》:「君子之於道也,日 能 而 正義曰:皇疏云:「日知其所亡,是知 可謂好學也已矣。【注】孔曰:「日知其所未聞。」 廣學而厚識之」〇正義曰: 執是誠之者,誠者,所以行仁也,故曰「仁在其中」。 精,所思者不 及之事。 '者,切問於己所學未悟之事。 厚識之。」切問 其所亡者,既日有知之,則拳拳服膺而弗失之,至積月 (集注) 子夏曰:「博學而篤志、【注】孔曰:「廣學 子夏曰:「日知其所亡,月無忘其所能 汎問所未學,遠思所未達,則於所學者 志」如字,謂篤志 解。 而近思,仁在其中矣。【注】切 正義曰:《中 注以「志」爲識,謂博學而 此從皇本校改,邢本脱「近 好學也。 庸》言博學、審問、 近思者,近思己所 新 也。 亦通。 月無忘所能 ○注 進 ○注 擇善 而 識 近近 慎 之 無

> 同。 之謂,故《大學》又言:「君子無所不用其極。」「極」、「致」義 之「致」。 也,退息必有居學。」」此説亦通 焉,其心安焉,不見異物 對「居肆」省一「居」字,即《國語》稱「士群萃而州處,少而習 道,在明明德,在親民,在止於至善。」止至善,則 好惡,無不知之,故能成其事。」案:「致」如「致知」、「致曲 肆」之「肆」。 氏樾《群經平議》:「《周易·説卦傳》:「巽爲工。」虞翻 凡陳物必有所居之處,故市廛爲貨物所居,亦通名肆。 君子學以致其道。」正義曰:《説文》云:「肆,極陳也。」 以致其道。」【注】包曰:「言百工處其肆則事成,猶 「爲近利市三倍。」子夏曰:「工居肆。」然則此「肆」字即「市 趙氏佑《温故録》: 子夏 致者,極也,盡也。 曰 市中百物俱集,工居於此,則物之良苦,民之 百 「此「學」以地言,乃「學校」之「學」, \perp 而遷」者也。 居 《禮記 肆 以 成 《學記》:『大學之教 大學》云:「大學之 其 事, 君子 「致其道 學 俞

曰:「文飾其過,不言情實。」正義曰:皇本「必」下衍子夏曰:「小人之過也必文。」【注】孔

字,「所」下衍「未」字。

[●] 上「執」字,據下文及《中庸》應作「擇」。

之君子,豈徒順之? 又從爲之辭。」辭即文也。 則謝以質,小人有過則謝以文。」文謂文飾也。《孟子》云: 者然。《史記·孔子世家》:齊群臣對景公曰:「君子有過 改過,故於人之責之也,則爲文飾之言以自解説,若爲 「且古之君子,過則改之,今之君子,過則順之。」又云:「今 則」字。〇注「文飾其過不言情實」〇正義曰: 小人不欲 無過

《詩·澤陂》傳:「儼,矜莊貌。」下篇云:「君子正其衣冠,尊 其瞻視,儼然人望而畏之。」 見之,觀其色也。 正義曰:「望之」,謂遠望之,觀其容也。 之也温 嚴」,邢本作「儼」,二字通用。《爾雅・釋詁》:「儼,敬也。」 子夏曰:「君子有三變:望之儼然,即 ,聽其言也厲。」【注】鄭曰:「厲,嚴 《釋文》:「儼,本或作嚴。」案: 皇本作 「即」,就也,在近就 正。

十五年釋文: 案:《左》昭四年: 言,亦「無欲速」之意。 己也。」【注】王曰: 則以爲厲己也。信而後諫,未信,則以爲謗 子夏曰:「君子信而後勞其民,未信, 厲, 「楚滅賴。」《公羊》作「厲」。 舊音賴。」是「厲」、「賴」字通,音亦同。 「厲,猶病也。」正夏曰: ●子夏此 鄭注云:「厲,讀爲賴,恃賴也。」 又《公羊》僖

德。

然鄭注非全文,恃賴之義,亦頗難 也。」言上勞己,使己病也 ○正義曰:《管子· 度地》: | 厲, 焼也。 害也。」注: ○注「厲 厲, 猶病也 病

法」。 故雖死亡,終弗爲也。 篇:「夫權雖反經,亦必在可以然之域。 焉一人焉,中君也。 可不行權,雖小德不當出人。《荀子・ 云可者,謂反經合權,有不得不出人者也。《繁露·玉英》 矣。」、《荀子》言小節未可出人,即《酒誥》之意。 曰:「大節是也,小節是也,上君也。 也。」「灋」與「法」同。 故曰出入可。」注「閑猶」至「人可」○正義曰:《説文》: 也。」【注】孔曰:「開,猶法也。 閉,闌也。」此訓法者,引申之義。《廣雅 大德無踰閑者,謂 《書·酒誥》云: 子夏曰:「大德 大節非也,小節雖是也,吾 「越小大德,小子惟 注以小德當行權,故云「不能不 故諸侯在不可以然之域者,謂之大 正 經。 不 諸侯在 踰 閑, 小 大節是也,小節 可 德 不在可以然之域 以 王制 則不 小 然之域者,謂之 一。」此 釋詁》: 德 篇》 能 若子夏所 出 無觀其 不 據常經 「閑, 瀍 踰 「孔子 人 法, 可 出 踰 餘

夏」、《經解續編》本作「義」,是

0

也。 不中道相見。 子於郯之間,傾蓋而語終日。 非 德不踰閑,小德出人可也。」」此相傳夫子佚事,於義得證 帛十匹,以贈先生。」子路曰:「昔者,由也聞之於夫子:士 小 也。 亦謂行權,與 德。 邢疏以「大德」、「小德」指人言,方氏觀旭《偶記》亦同, 小 出 女無媒而嫁者,君子不行也。」孔子曰: 「大 人 此注同。 可 也。 權 《韓詩外傳》云:「孔子遭齊程 譎 有間,顧子路曰:「由! 也 尚歸 之以 奉 鉅 經 耳。」 束 者 木 董

本。 除 反,本今作埽。」盧氏文弨《考證》:「《説文》:「灑,汛 何?」【注】包曰:「言子夏弟子,但當對賓客 掃,上色買反,又所綺反,正作灑,經典相承作洒。下素 經作「斿」。稱「小子」者,子游呼而告之也。《釋文》:「洒 儀禮節之事則可,然此但是人之末事耳,不可無其 周禮 洒,滌也。 ,先以水潑地,使塵不揚而後掃之,故洒先於掃。 進退,則可矣,抑末也。本之則無,如之 故云『本之則無,如之何』。」正義曰:「子游」,漢 子游曰:「子夏之門人小子,當洒掃、 隸僕》、《國語 古文以爲灑埽字。」經典中如《毛詩》、《論語 • 晉 語 》皆作「洒掃」,是借用。」凡 ^{||}曲 修威 也。」 淡及 禮 應 報 石

謂

異也。 父母》篇: 進退爲禮儀之末,故譏子夏爲失教法。《大戴禮 儀所當習者。子游習於禮樂,以學道爲本,而以洒掃應對 慎齊。」❸凡摳衣趨隅,與夫正立拱手,中規中矩之節 《説文》作「糟」,云:「以言對也。」今通作「應」。 坐板排之,以葉適己,實帚于箕。」此洒掃之事也。 紀,必由奧始,俯仰罄折,拚毋有徹,拚前而退,聚于户内 有帚,人户而立,其儀不貸,執帚下箕,倚于户側。凡拚之 不及長者,以箕自鄉而扱之。」《弟子職》云:「凡拚之道,實 云: 云:「末,本末之末,字或作未,非也。」○注 云:「父召無諾,先生召無諾,唯而起。」❷又云: 水于槃,攘袂及肘,堂上則播灑,室中握手,執箕膺揲,厥中 對」無別,對文則「應」是唯諾,不必有言,與「對」專主答辭 趨翔周 「凡爲長者糞之禮 《曲禮》云:「在父母之所,有命之,應唯敬對。」 ①又 「曾子曰:「夫禮,大之由也,不與小之自也。」」又 旋,俛仰從 命」爲「未成於弟」,亦此意。 必 加帚 於箕上 以 袂 「但當對賓客修 拘而 散文「應」、 「進退周 退。 曾子 應」 其塵

0

曲 禮, 據《禮 記》當作「内則」。

[「]父召」至「唯而起」, 進退周旋慎齊」,據《禮記》當屬《内則 據《禮記》當屬《曲禮》。

借其名曰

傳日

券。」如毛此

説

則

倦

爲「券」誤,亦得

備

謂

也

券,皆古印契傳信之物。

如教者之與學者,兩相印

契,故

别,即淺深之喻。

今子游所譏

,則欲以君子之道,概傳之門

人,是誣之也。

毛氏奇齡《稽求篇》:

「倦,即古券字。

傳與

爲後而倦教?

皆因弟子學有淺深、故教之亦異。

草

-木 誰 區 當 人所

能學而

後傳之,故

日:

「孰

先傳焉?

孰

後倦

焉?

倦」,即

「誨人不倦」之「倦」。

言誰當爲先而傳之?

曰:「君子之道」,謂禮樂大道,即子游所謂

本也。

此

當視

誣

也?

【注】馬曰:「言大道與小道殊異,譬如

草

言我門

人但

能

洒掃

而已?」有始有卒者,其

惟

聖

乎?」【注】孔

曰:

「終始如一,惟聖人耳。」正義

木,異類區

别。

言學當以次,君子之道,焉可使

誣,

道。」譬諸草木,區

以

别矣。

君子之道,焉

可

者,必先厭倦。

故我門人先教以小事,後將教

以

大

不平之聲也。」包曰:「言先傳

業

【注】孔曰:「噫,心

君子之道

~,孰

先傳焉?

孰

後

倦

焉

?

於義亦 已賅,學其末而本不廢,故能終始如 學》教人之法,雖聖人亦不外此。 云: 即 品 之。 别,喻人學有不同。 加 焦氏循《補疏》謂:「憮,乃誣字叚借。《説文》:「誣,加 詩•巧言》傳: 也,兼 或以功舉,君子之道,焉可憮也?」」注: 之曰: 義 厭倦,非經旨。 「言先」至「大道」○正義曰:注以先傳必先厭倦,後傳 説,從蘇解也。 各異。」此引《論語 い訓別。 與同、 也。 「物有本末、事 ,别也。」疑注有脱文。 本爲大道,末爲小道也。 也。」晉灼曰: 《漢書 通。 「昔孟公綽優于趙、 兼義近。」其説良然。 注以「誣」爲欺誣,言教人以所不能, ○注 薛宣傳》: 「憮,大也。」訓 ○注 晉灼音「憮」爲「誣」,正謂 「終始 有終始, 》作「憮」,當 「憮音誣。」師古曰:「謂行業不同 故注云「大道」、「小道」,則 「言大」至「而已」〇 如一 「宣令薛恭、尹 魏, 凡地域謂之區,區以分 知 惟 大,故有同、兼之義。 《華嚴 而不宜滕 聖 所 漢石經「惟」作 由 然聖道體 先後,則近 人耳」〇 《齊》、《古》異 經音義上》引注 賞换縣,移書 蘇 薛, Ĕ Œ 憮 如一者,一貫之 備,學其本而 義 林曰: 道 義 故 曰 唯」。 曰:《大 即 則 或 矣。」此 指 一誣 文。 别 爲 以 「憮,同 師 草 本 誣 德 故區 也。」 所 云 末 0 古 勞 木 則 《毛 《大 也 也。 顯 言 注 守 勉

詁》: 「

應,當也。」子夏聞之,曰:

噫

言游

過

威

儀禮節之事」〇

Ē

義 曰:

「當對」,

即

應對。

爾

雅

釋

「饒,餘也。」言人從事於所當務,而後及其餘,不泛鶩也,故○注「行有餘力則以學文」○正義曰:《説文》:「優,饒也。」是「仕而優則學」也。學至大成乃仕,是「學而優則仕」也。夫、士年七十致事,則設教於其鄉,大夫爲大師,士爲少師,夫、士年七十致事,則設教於其鄉,大夫爲大師,士爲少師,夫、士年七十致事,則設教於其鄉,大夫爲大師,士爲少師,子夏曰:「仕而優則學,【注】馬曰:「行有

引《學而》文説之,此又一義

者也。 不食醯醬 母之喪,朝一 對,齊衰對而不言,大功言而不議,哀之發於言語者也。 所不能自已者而已矣。是故衰麻免絰之數,哀之發於容服 也,必 與此「而止」文法同。 有餘之意。二案:《問喪》云:「故哭泣辟踊,盡哀而 文飾也。 喪,居倚廬,寢苫枕塊;齊衰之喪,居堊室,哀之發於居處 毁 不滅 也親喪乎? 子游曰:「喪致乎哀而止。」【注】孔曰: 擗踊哭泣之節,哀之發於聲音者也。 楊氏曰:「喪,與其易也,寧戚,不若禮不足而 性。」正義曰:朱子《集注》云:「致極其哀,不尚 溢米,暮一溢米。 功,不飲 先王制禮,非由天降,非自地出,人情之 夏氏之蓉《喪説》:「人未有自致者 酒 醴, 哀之發於飲食者也。父母之 齊衰之喪,不食菜果,大功, 斬衰唯而 止矣。」 父 不 哀

生也。」生也。」生也。」與者之所固然,稱情以立文焉而已矣。」○注「毀不滅性」○知者之所固然,稱情以立文焉而已矣。」○注「毀不滅性」○知者之所固然,稱情以立文焉而已矣。」○注「毀不滅性」○知者之所固然,稱情以立文焉而已矣。」○注「毀不滅性」○知者之所固然,稱情以立文焉而已矣。」○注「毀不滅性」○

也。 子張誠仁,而子游譏其未仁者,以其容儀過盛,難與並 儀之難及」○正義曰:焦氏循《補疏》:「此文但言難能,未 仁,但能成己而不能徧成物,即是未仁。 注。《大戴禮·衛將軍文子》篇: 孔子言子張「不弊百姓」, 難能,即知「難能」指堂堂。 言所以難能者何在,故下連載曾子之言「堂堂」,知堂堂爲 仁。」【注】包曰:「言子張容儀之難及。」注「言子張 「以其仁爲大」。又言其「不伐,不侮可侮,不佚可佚」。 以此見仁道之至難也。 子游曰:「吾友張也爲難能也,然而 此自相發明之例。」案焦説本此 未仁者,未爲仁 未 是 爲 容

慮以下人,而後與人以能親,容人以可受,故可與並爲仁。正義曰:弟子群居,脩德講學,皆是爲仁。但必忠信篤敬,矣。」【注】鄭曰:「言子張容儀盛,而於仁道薄也。」曾子曰:「堂堂乎張也,難與竝爲仁

堂堂,國之光暉。」」字通作「棠」。《魯峻碑》:「棠棠忠惠。」一門、「宣堂,容(大田)」。「正」即謂堂堂,「不能同」即「難與並」之意。○八十九引「仁道薄」下有「勉難進」三字。「容儀」謂容貌之八十九引「仁道薄」下有「勉難進」三字。「容儀」謂容貌之八十九引「仁道薄」下有「勉難進」三字。「容儀」謂容貌之人十九引「仁道薄」下有「勉難進」三字。「容儀」謂容貌之八十九引「仁道薄」下有「勉難進」三字。「容儀」謂容貌之八十九引「仁道薄」下有「勉難進」三字。「容儀」謂容貌之八十九引「仁道薄」下有「勉難進」三字。「常常思」。《

「不忍」哉?注説誤也。

虚卫;原司。 「吾聞諸子」。「人未有自致也」者、《孟子》云「親喪,固所自盡於他事,至於親喪,必自致盡。」正義曰:漢石經作也,必也親喪乎。」【注】馬曰:「言人雖未能自致也,必也親喪乎。」【注】馬曰:「言人雖未能自致者曾子曰:「吾聞諸夫子:人未有自致者

改也。」正義曰:皇本「難」下無「能」字。朱子《集注》云:也。謂在諒陰之中,父臣及父政,雖有不善者,不忍起,其他可能也。其不改父之臣與父之政,也,其他可能也。其不改父之臣與父之政,曾子曰:「吾聞諸夫子:孟莊子之孝

善道,己能守之,便是至孝。若有不善,正當改易,何爲云之中」。諒陰,凶廬,上下通稱。其實三年不改,亦謂其父至「改也」○正義曰:注意以三年不改爲孝,故云「在諒陰故其他孝行雖有可稱,而皆不若此事之爲難。」○注「謂在」「其父獻子,名蔑。獻子有賢德,而莊子能用其臣,守其政。

「上失其道,民散久矣。 稱孟,於理爲順。「問於曾子」者,陽膚問也。曾子曰: 孟氏。 輈經而死。」此鄭所本。《公羊》疏引鄭云:「慶父輈死」,當 《檀弓》疏引鄭注《論語》云:「慶父輈稱死,時人爲之諱,故 之所爲,非民之過。當哀矜之,勿自喜能得其情。」 勿喜。」【注】馬曰:「民之離散,爲輕漂 「稱」字誤衍,二説均有理。考鄭以魯人諱慶父之事,故 即《論語》注文。臧氏以此注「稱」字爲「經」之誤,陳氏鱣 當在此下,臧氏庸從之。《公羊僖元年傳》:「慶父於是 云孟氏。」僞王應麟集本繫於「孟懿子問孝」章,丁氏杰以爲 曰:「陽膚,曾子弟子。 此義未知所出。 孟氏使陽膚爲 杜預謂慶父是莊公長庶兄。庶長 士師,問於曾子。【注】包 士師,典獄之官。」正 如得其情,則哀矜而 犯 法,乃上 義 日

學》: 之。 也。 樂不明,民不見也。《詩》曰「周道如砥,其直如矢」,言其易 惑矣。 措不用也。 文同。 禮 率焉,而 刑 辟 出 民耳晰焉而聞之,使民心晰焉而知之,則道不迷而民志不 知,或有所不得已也。《書•吕刑》云:「哀矜折獄。」與 戮,此所謂「上失其道,民散久矣」。」「情」者,實也,謂 心乎民也,故民心亦涣散而不相屬,以陷於罪戾而蹈 不用其極 正 韓詩外傳》:「昔之君子,道其百姓不使迷,是以威厲而 涕」,哀其不聞禮 罪之實也。 義衰微,所以養之教之者,皆蕩而不存矣。上之人未嘗 義 》篇引此文,説之云:「夫不傷民之不治,而伐己之能 ,猶決其牢 段氏玉裁遂疑「矜」當作「矜」,「矜」讀如憐,恐未是 i i 「君子所履,小人所視」,言其明也。 「無情者不得盡其辭。」「哀矜」者,哀其致刑,矜其 《論衡·雷虚》篇引《論語》作「哀憐」,或是以 《詩》曰:「示我顯德行。」故道義不易,民不由也,禮 後刑罰 放民 張 **杖《解》**: 故形其仁義,謹其教道, 而發以 《周官・小宰》:「以敘聽其情。」《禮 加之,蓋未嘗不致哀矜惻怛也。 心親附其上,服習而不違。 教而 毒 「先王之於民 矢也。 就刑 誅 不亦哀乎?」《鹽鐵 也。 ,使民目晰焉而見之,使 所 夫散其本教而待之刑 以 養之教之者 「睠言顧之,潸 如是而猶 若夫後 論 記 義代 • 民 於 有 無 也 得 後 焉 刑 此 無 大 刑 世 所 不 所

> 散 之。 義 曰: 猶弋 ,謂不自撿束。」 《禮•樂記》云: 者觀鳥獸掛罻 離散 謂 民 流 羅 心 而喜 畔 辟邪 離, 也。」〇注 散。」《荀子・勸學篇》注: 違 經犯道 民之」至「之過」〇 ,故以 「輕漂」形

正 奸

傳》: 書·敘傳》:「班伯以侍中起眡事。 之美,歸之舜、禹、周、孔, 「桀」、「紂」爲謚。《書・戡黎》疏謂「後人見其惡,爲作惡 論 踞肆於朝? 道,至於是虖?」伯對曰:『《書》云 畫 ○注「紂爲」至「於紂」○正義曰:《列子・楊朱》篇:「天下 謚」是也。 受,又字紂。高誘《吕氏春秋·功名》注、蔡邕《獨斷》並 之惡歸之於紂。」正義曰: 紂者,殷王帝乙之子,名辛,字 孔曰:「紂爲不善以喪天下,後世憎甚之,皆以天下 是以君子惡居下流,天下之惡皆歸焉。【注】 紂醉踞妲己作長夜之樂。 「惲書曰:「下流之人,衆毀所歸。」」《後漢書・ 子貢曰:「紂之不善,不如是之甚 憲率 差胡邊雜之師, 皇本「善」下有「也」。 所謂衆惡歸之,不 上因 天下之惡,歸之桀、紂。」《漢 舉 前 漢石經「之甚」作「其甚」。 如 顧 空朔庭 時 「迺用婦人之言」,何 是之甚者也。」《楊 指 乘輿幄坐張畫屏風 畫 而 , 列 問 其 伯:「紂 功 竇 兼茂 (憲傳 也 爲 敞 有 U

之證 南 罪,以告諸侯,曰:「紂爲天下逋逃主,萃淵藪。」」杜注:「天 紂臣有飛廉,《墨子・非樂》有費中、●惡來、崇侯虎,《淮 下逋逃、悉以紂爲淵藪、集而歸之。」《孟子・滕文公》篇言 亦通。《左昭七年傳》:楚 芊尹無字曰:「昔武王數紂之 下惡人皆歸之,是故亡也。」此以「天下之惡」爲惡人,其説 由 也。 君子所甚惡焉。」諸文皆以「天下之惡」爲惡名,此注與之同 於前多矣,而後世莫稱者,章末釁以降其實也。 衆惡之黨。 覽冥訓》有左彊、《道應訓》有屈商,是紂時惡人皆歸 皇疏引蔡謨曰:「聖人之化,由群賢之輔, 言一紂之不善,其亂不得如是之甚。 是以有君無臣,宋襄以敗,衛靈無道,夫奚 身居下流,天 闇主之亂, 是以下流,

日光爲地球所掩,不能耀月,故月食。「人皆仰之」者,言人者、釋天》、「日月虧曰食。稍稍侵虧,如蟲食草木葉也。」不要天》、「日月虧曰食。稍稍侵虧,如蟲食草木葉也。」。」更,改也。」正義曰:皇本「食焉」作「蝕也」。《釋時,故日食。月在天上,日乃在地下,地球居中隔之,為此,故日食。月在天上,日乃在地下,地球居中隔之,不理也,人皆,如日月之食焉。子貢曰:「君子之過也,如日月之食焉。

賢述之。」○注「更改也」○正義曰:《説文》云:「更,改也。」皆仰戴之也。《孟子・公孫丑》篇有此文,當亦古語,而二

此常訓

從學。 學 ? 道,未墜於地,在人。賢者識其大者,不賢者 夫子學皆從周。《中庸》云:「仲尼祖述堯、舜,憲章文、 陳子禽問子貢,蓋涉下章而誤。 侯之子稱公子,公子之子稱公孫。、《史記·弟子傳》此章爲 翟氏灝《考異》説。云「公孫」者、《白虎通・姓名》篇:「諸 凡四人,故《論語》稱「衛」以别之。與「公子荆」書法同。 十七年傳》,鄭子産兄公孫朝,見《列子·楊朱》篇。 成大夫公孫朝,見《昭廿六年傳》,楚武城尹公孫朝,見《哀 道、未墜落於地、賢與不賢、各有所識。 識其小者,莫不有文武之道焉。 於子貢曰:「仲尼焉學?」子貢曰:「文武之 衛公孫朝【注】馬曰:「公孫朝,衛大夫。」問 而亦何常師之有?」【注】孔曰:「文武之 無所不從學,故無常師。」正義曰:春秋時,魯有 「焉學」者,焉所從受學也 夫子無所 夫子焉不 及此 此 不

■ 「非樂」,據《墨子》當作「明鬼下」。

五八七

周。 苟有善言善行足取,皆爲我師。此所以爲集大成也與? 傳言夫子問禮老聃,訪樂萇弘,問官郯子,學琴師襄,其人 道,所以常存,而夫子删定贊修,皆爲有徵之文獻可知。 此與「大受小知」章「君子」、「小人」、皆以才器言也。 引,並作「志」,或出《古論》。」「賢與不賢」,謂孔子同時人。 識其承天治人之大,不賢者識其名物制度之細。文、武之 識。』《漢書・楚元王傳》劉歆引此文、《孟子・尹士》章章指 「不隧如髮。」並與「墜」同。 隧。]漢《西狹頌》「數有顛覆實隧之患。」《前漢・王莽傳》: 此子貢言道,亦稱文、武也。 武。」 憲 馮氏登府《考證》:「《荀子·儒效篇》:「至共頭而 禮作樂,於是大備。故言文王既没,其文在兹。 者,法也。 章者,明 也。 《周官·保章氏》注:「志,古文 漢石經「墜」作「隧」,「識」作 大道之傳, 由 堯、舜遞 賢者 至 書 及 Ш 我

見宗廟之美,百官之富。得其門者或寡矣。何、【注】包曰:「七尺曰何。」不得其門而入,不之牆也及肩,窺見室家之好。夫子之牆數服景伯以告子貢。子貢曰:「譬之宮牆,賜服景伯以告子貢。子貢曰:「譬之宮牆,賜

過》篇: 此文,並作「刃」,當時傳本用叚字也。 文》「仞,一作刃」,魏李仲璇《孔子廟碑》、汲縣《太公碑》用 氏鶚《禮説》謂士、庶人垣牆不周。未必然也。《墨子• 此制上下當同,但高卑廣狹,必有差別,今無文以明之。 者,室四周有牆,凡寢廟皆居其中,牆南面有門,以通出 數仞。」錢氏據「仞爲八尺」之説推之,其義未審。 錢氏站《後録》:「王宫牆高五丈,爲六仞四分仞之一,故曰 文》:「窺,小視也。」「闚,閃也。」義别而音近,故二字通用 宫蘠」,下「賜之蘠 《説文》:「寏,周垣也。」寏當爲宮牆之名。 漢石經作「譬諸 故此及下兩章皆深致贊美。《法言•問明》篇:「仲尼,聖 子》言子貢智足知聖人,又子貢、有若皆言夫子生民未有 尼,可見子買晚年進德修業之功,幾幾乎超賢人聖。 似聖人,子夏疑夫子,而叔孫武叔、陳子禽皆以子貢賢於仲 人肩齊也。「窺」、《釋文》作「闚」,皇本、宋石經同。 「及肩」者,《説文》::「肩,髆也。 人也。或劣諸子貢。子貢辭而精之,然後廓如也。」「宫牆 曰: 夫子殁後,諸子切劘砥礪,以成其學。 夫子之云,不亦 「故聖王作爲宫室。 同。 宜乎?」【注】夫子 皇本作「譬諸」,句末多「也 宫牆之高,足以辨男女之禮。」 肩,俗從户。」言宫牆 錢氏又曰: 謂 故當時以 武 叔。 然《孟 卑與 字。 《説 有 正 若 義

記》: 皆言 文》並 門,及朝廟諸 氏 趙 其宜矣。 則不得見焉。 是士、庶人,故以室家爲言。 如 釋文引《小爾雅 六寸日仞。 《考工記· 正 懿子圍郈。」是知叔孫武叔即州仇也。」○注「七尺曰 云:「案:《世本》:州仇,公子叔牙六世孫叔孫,不敢子也。 云」,無「之」字。 窺之,故於士庶人室家之好能見之,於天子諸侯宗廟百官 廟百官。 「度廣 春秋》定十年:「秋、叔孫州仇帥師圍郈。」《左傳》:「武叔 今朝 瑶田《通藝録》以七尺爲是。 岐 往《孟 *□*: 人伸 日 云:「八尺曰 堂諸 尋。」杜 鄭此注與包同 皇本作「夫夫子之牆」,又「人」下有「者」字,「夫子 有九室,九卿朝焉。』注: 兩手 此其美富 子》、 曹治事處。」百官之富,即指此。」案:及肩之牆 門也。 今但舉所見者稱之,則謂子貢賢於夫子,固 以 廣度》並云: 王 預《左傳》「仞 ○注「魯大夫叔孫州仇」○正義曰: 度物之名。 仞。 逸注 武叔未親聖教,本在門外,而但 惟 匠人》疏引王肅説、《莊子・庚桑楚 應劭注《漢書·食貨志》云: 得其門 ,高誘《吕氏春秋・適威》注 《楚辭》、 數仞之牆指天子諸侯,故有宗 溝 而 「四尺曰仞。」諸家不同。 其説曰:「揚雄《方言》云: 而 洫 樊光注《爾雅》及許 尋爲八尺,仞 「外,路門之表也。 人者見之。 注: 『度深日 門謂 必七尺 仞。二二書 百宫牆 宫 「五尺 氏《説 亦同。 仞() 九室, 者 邢 牆之 程 何 疏

> 也? 之物不能相摩,於是兩手不能全伸而成弧之形。 弦以爲仞,必不能八尺,故七尺曰 以度深,則必上下其左右手而側其身焉。 八尺,伸兩手亦八尺,用 同 伸手度物,而 以 廣深用之,其勢自不得不異。 度廣,其勢全伸而 仞,亦其勢然也。」 身側則身與 不屈,而 弧 而 人長 求 所 用 度

乎? 《校勘記》:「《後漢書·孔融傳》《列女傳》二注引此文,並 猶可 於日月」者,絕棄,即 也。《説文》:「丘,土之高也,非人所爲也。」「陵,大皀 子,以爲他人得賢之也。「無以爲」者,言無以爲毀,禁止 量 也。 也」〇正義曰: 有「如」字。」又皇本「絶」下有「也」字。 高,非人所得踰之也。 雖欲自絶,其何傷於 「猶可踰」者,言於丘陵可過之也。 也。」【注】言人雖 仲尼不可毁也。 適足自見其不 踰 叔 孫武 也。 「絶」,如 仲尼,日 叔 毁 謂毁 皇本「日月」上有「如」字。 知 仲尼。 欲 「晉侯使吕相絶秦」之「絶」。 也。 量也。 自絕棄於日月,其何能 日月乎? 月也,無得 他人之賢者,丘陵 굸 「適足」者、「多」與「祇 子貢曰: 正義曰:「毀」,謂非 「仲尼 ○注「言人」至「量 日月」者,日 而 多見其不 踰 「 無 焉。 阮 以 傷 月 氏 也。 毁 也 同 知 爲 之 至 夫

祇」,云「祇,適也。」此證甚多,不具引。祇」訓適也。《左襄廿九年傳》:「多見疏也。」服本作

恭遜之辭。」與此義同。《釋文》:「爲知,音智,下同。」智者 以夫子道高若天,亦前章以日月爲喻之意。 階。」注: 知人,知人則無失言,故君子於人之一言,就其言之得失, 田,易之也。易之則其言假之何? 爲恭敬以尊崇其師也。《公羊》桓元年:「鄭伯以璧假許 言以爲不知,言不可不慎也。夫子之不可及 賢於子乎?」子貢曰:「君子一言以爲知,一 立,道之則莫不興行,安之則遠者來至,動之則莫不 【注】孔曰:「绥,安也。 其生也榮,其死 立之斯立,道之斯行,綏之斯來,動之斯和 邦家者、【注】孔曰:「謂爲諸侯若卿大夫。」所謂 識其人之智與不智,故言當極慎也。《喪大記》:「虞人設 也,猶天之不可階 陳子禽謂子貢曰:「子爲恭也,仲尼豈 「階,所乘以升屋者。」《説文》::「梯,木階也。」子貢 也 而升也。正義曰:「爲恭」者,言 哀,如之何其 言孔子爲政,其立教 爲恭也。」何休注:「爲 可 夫子之得 及也?」 則 無不

> 「綏安也」〇正義曰:《爾雅・釋詁》文。 世人莫知其聖而或毀之。然至誠必能動物,存神過化,理 天下者也,無百里之地,則無所見其功。」夫子未得大用 集之也。「動之」者,以禮樂興動之也。《荀子・儒效》云: 所謂「達人」也。達者,通也,行也。 「綏之」者,言有仁政安 和 有不忒。夫子仕魯,未幾,政化大行,亦可識其略矣。 天下之善射者也,無弓矢,則無所見其巧。 以禮立之也。「之」指人言,所謂「立人」也。 造父者,天下之善御者也,無輿馬,則無所見其能。 穆。 故能 生則榮 顯, 死則 哀痛。」正 義 大儒者,善調 「道」猶導也 曰:「立」者。 羿者. 〇注 故

上元陳正榕校刊

論語正義卷二十三

《魯》家學者爲之矣。

《子張》止二章也。

此真孔壁之舊,其合併爲一篇,則《齊》、

翟氏灏《考異》以「堯曰」云云爲《論

恭冕述

堯曰第二十

人所撰,兩篇皆更待裒録而末有所得,故《堯曰》止一章, 上,兩篇皆更待裒録而末有所得,故《堯曰》止一章, 上、為國之之言, 一章, 有兩《子張》。」兩《子張》者, 前第一一章, 一篇, 未必是「從政」章。此説似爲得之也。程氏獨注考證》以此篇名《子張問》。金説似爲得之也。程氏獨注考證》以此篇名《子張問》。金説似爲得之也。程氏獨注考證》以此篇名《子張問》。金説似爲得之也。程氏獨決為一篇, 未必是「從政」章。此説似非。蓋《論語》自《微張》一篇, 未必是「從政」章。此説似非。蓋《論語》自《微子》篇, 說夫子之言已訖, 故《子張》篇知《子張》,故云「兩」上一章, 出入。

集解

分此一篇爲二,則《堯曰》凡一章,《子張》凡二章。

凡三章正義曰:翟氏灏《考異》:「《古論語

永,長也。言爲政信執其中,則能窮極四海,天禄所 躬、【注】歷數、謂列次也。 窮,天禄永終。」【注】包曰:「允,信也。困,極也。 以長終。」舜亦以命禹。【注】孔 《魯論》無『不知命』章,則《堯曰》凡二章。」 堯曰:「咨! 爾舜! 允執其中。 天之歷 曰:「舜亦以堯命 數 四 在 海 木 爾

五九一

堯禪位 先王以 露 由 官。」又言:「堯復遂重黎之後,立羲和之官 歷 也。 首齊乎上,中朔正乎下,寒暑順序,四 之行,觀運機之動,原星辰之迭中,寤晷景之長短,於是營 之子,當法天而 耆禪舜,申 儀以准之,立表以測之,下漏以考之,布算以追之,然後元 之歷。』《中論 數。」「歷 天,歷象日月星辰,敬授民時。」「歷象」、「歷數」詞意並 於舜,故歎而後言也。 己 《洪範》五紀:「一曰歲,二曰月,三曰日,四曰星辰,五 聖人慎守日月之數,以察星辰之行,以序四時之順逆,謂 詩 .是觀之,王者所重也。」據《史記》之文,則 ,建立五行,起 之 此 郊祭》篇引此文, ●釋之云: 文王》: 辭 語 憲殺生之萌而詔作事之節也,使萬國不失其業 歷 數」是歲、月、日、星辰運行之法。 戒文祖云: 『天之歷數在爾躬。』舜亦以 數」之義 禹 舜 · 歷數 「咨女殷商。」毛傳: 不陟帝位,故 行 消 正 故堯以 息, 也。 義 》篇: 《書·堯典》云:「乃命羲和,欽若昊 曰 Œ 《史記 一閏餘。 「昔者,聖王之造歷 **爾** 當堯之世,但 天之歷數責之於舜。 雅 「言察身以知天也。」此 於是有天地神 歷書》言: 「咨,嗟也。」堯有所 釋 時不忒。 詁 攝 《曾子天圜 政 「答舜」 明 「黄 也。 數也,察紀律 嗟 時 夫歷數 帝考定 祇 《春秋 Œ 咨 一云云,乃 王 物 度。 鎈 命 者,天 》篇: 重誡 類 日 者 也。 同。 禹 董 年 之 者 歷 繁 星

咸本此 故庸訓品 營窟。 海 行,氾濫於中國。 憂之,舉 繁殖,五穀不登,禽獸偪人,獸蹄鳥跡之道交於中國。 時,天下猶未平,洪水横流 用其中於民。」」執而用中,舜所受堯之道也。 之。《禮・中庸》云:「子曰:「舜其大知也與? 經,故康成據之,實則於義非也。 有符瑞之徵,可先知也。 此 昭事上帝,聿懷多福。」翼翼者,敬也,並皆察身之義也。 云:「王省惟歲。」《詩·大明》云:「唯此文王,小心翼翼 察身者,謂省察其身,當止至善,以承天之事,受天之大福 故天垂象而人主法焉,天示異而人主懼焉。《書·洪範 以 困窮之徵。 注云:「歷數在汝身,謂有圖錄之名。」圖錄者, 在 《書》日 矣。 用也。 訓 舜而敷治焉。」又《滕文公下》:「當堯之時, 察, 四四 中 堯舉舜敷治之,故此咨告之言,當憂恤之也 躬 海困窮」者、《孟子・滕文公上》:「當堯之 「海水警余。」海水者,洪水也。」是堯時 庸之義,自堯發之,其後賢聖論 蛇龍居之、民無所定。 訓 身 也。 其書起於周末, ,氾濫於天下。 在 」之爲察, 「執中」者,謂 下者爲巢,上 見《爾雅 漢世儒 草木暢茂, 用中即 執其 政治學術 者用 執 帝王 釋詁》。 中 、兩端 中 水逆 禽獸 者爲 堯獨 受 以 道 庸 鄭 用 説

0

[「]祭」,據《春秋繁露》當作「語」。

永長

申之爲極盡。 天文,漢禪位于魏册,魏 若漢武帝立子齊王閎策,漢 終矣。」雋不疑謂暴勝之曰: 用此經語。 信」至「長終」○ 之《大禹謨》。 終」是勉辭。 奇龄《稽求篇》: 君子以永終知敝。』《書 四海」之義略 長終」者,言享天禄能終竟之也。 一舜命禹亦言此者,水土 歴,數 匡衡曰: 天子玉 段氏玉裁《説文》注云:「困之本義爲止而不過 書集注音疏 簡 歷,謂 班彪《王命論》云:「福祚流于子孫,天禄其 惟 也。」歷即 蓋四 《論語》「四海困窮」,謂君德充塞宇宙,與「横 ○注 食萬方,有禄食自天予之,故言天也。 魏明帝 同。」段説即 『其道應天,故天禄永終。』」其他封策禪 閻 正 算具 海 義曰: 「歷數謂列次也」○正義曰:《爾雅 潛丘云:「四 當念其困窮,天禄當期其永終也。」江 》疑此節爲《舜典 青龍 是數,故 陳列之也。」「次」亦數也。 使鄭 金縢》: 「允,信」、「永,長」皆《爾雅 包此注意,然非經旨。 初平,民猶艱食鮮 靈帝立皇后詔,吴大帝 「樹功揚名,永終天禄。」《韋賢 年 八沖奉 「歷數」連文。 Ш |海困 册 陽公薨、魏 「惟永終是圖。」漢、魏 易・ 于晉 》佚文,東晉《古文》人 窮」是儆辭、「天禄永 凡引此 歸妹·象傳》: 《禮記 食故 志》注引《獻 0 「天禄所 也。 文 即 注 皆 郊 毛氏 位 天 一, 引 詔 介允 釋 作 永 釋 特 告 人 過。」正 曰 : 天母 孔 罪 臣 敢 有 海 傳 \vdash 帝 傳》 ¨, 無 之位 罪 地 惟 有 罪 ,爲天之子。 Ш 山 陽

被

以

詁》文。

牲 詁

氏聲《尚

其

帝:【注】孔曰:「履,殷湯 絶天之辭,於古義絶不 副昊天之望。」于是皆以「天禄永終」繼 齊、梁、陳,其文一轍,皆曰:「敬禪神器,授帝位于爾 大大君帝謂天帝也。 殷家尚白、未變夏禮、故 困窮,天禄永終。 祚禪位。」是解 擅赦。」帝臣不蔽,簡 曰:「無以萬方,萬方不與也; 「予小子履,敢用玄牡 不敢赦。【注】包曰:「順天奉法,有罪 義 曰: 以萬 過 公昔 陽 方。 「曰予」上當有「湯」字。 不 公深 「永終」爲永絶。 可隱蔽,以 知天命永終於己,深觀 於戲! 湯告天,故謙言「小子」也。 識 萬 天禄 相應。 《墨子》引《湯誓》,其辭 方 用 有 永終之運 王其 在 其簡在天 玄 罪,罪 名。 此 帝 牡。 閻 允執 在魏末晉初, 敢 心。 氏若 此 萬方有罪,我身 皇,大。 稱「小子」者,王者父 禪 厥 困窮」之後,爲却 在 昭 伐 is. 璩、 中, 【注】言桀 歷 位 桀告天之文 告于皇皇 數 朕 故 毛 文皇帝 儀 躬。」【注】 刑 而 后,君也。 氏奇齡 允 鄭 朕 若此。」 前 嗣 在 注 躬, 躬 後 聖 者 典 居 以 説 宋 躬 有 又 此 不 以 四

聽

文爲舜 雅 祭,牲幣各有所尚 也。 鄭 西方以立秋,謂白精之帝, 方之神,莫適用,用皇天大帝之牲。」案:《周官· 飾 主,用玄牡,故夏禮 皇大帝」也。 東方以立春,謂蒼精之帝,禮南方以立夏,謂赤精之帝, 之色。」注云:「此禮天以冬至,謂天皇大帝在北極者也", 南方,以白琥禮西方,以玄璜禮北方。 分王五方爲五帝。❶ 議 祀昊天 上帝, 昭 不言 也。 内 》謂 事上帝。」箋云: 釋獸》: 在天爲上帝,即謂昊天上帝,亦即《大宗伯 Ŧī. 「以蒼璧禮天,以黄琮禮地,以青圭禮東方,以赤璋 鄭本無 南宫朱鳥,權、 鄭注云: 星,五帝坐。」是 中央之帝,以 命 禹 事 舜命禹 履 牡 則服大裘而冕。 則 「皇皇后帝,並謂太微五帝。 ,雄也。」凡大祭,牲用牛,則此玄牡爲黑牛 字。 舜 亦尚玄也。 昭 今此是總祭,故莫適 .總祭五帝,即是受終文祖也。 用玄牡者,爲舜命禹事。 經文不見,故略之也。 本 衡。 或得之。 五帝屬太微,故此注言「太微 不 ,明也。」言明告上帝,不敢 衡,太微,三光之廷。」又言: 名 禮北方以立冬,謂黑精之帝。」 履 《説文》: 「昭告」者、《詩 殊 祀 可 五帝 疑。 皆有牲幣,各放 「牡,畜父也。」《 用。 亦如之。」《大宗 俞 《史記・ 氏 在天爲上 而以 於時總告五 》注所云 樾《群 司 大明》: Ŧī. 有所隱 旲 服》: Ŧī. 天官 天 其器 帝 經 掖 帝 帝 天 爲 分 禮 禮 平. 廣 禮

> 簡 戴禮 伐桀,仍用夏禮爲玄牡也。 《明堂位》: 疑。」案:《潛夫論》、《五行志》亦稱子 名,爲子孫法,本名履也」。 賤皆自稱朕,至秦世始爲天子 皇本亦不重。 萬方」,漢石經「無」作「毋」。 以爲「湯伐桀告天」者異、當 蔽,簡在帝心」爲證。 晉言:「皇天嘉 矣。 是朕未爲尊稱也。 心」承上二句,言所舉黜皆本天心所簡閱也。 「履殷」至 簡,閱也。」是「簡」有閱訓。 師田以簡稽 [閱在天心。] 言天簡閱其善惡也。 如 少閒 鄭之言,「有 「若此」〇正義曰: 「夏后氏牲尚黑,殷白牡。」是殷尚 》篇「商履代興」、《白虎通 《爾雅·釋詁》:「朕,我也。」郭注:「古者貴 鄭 禹, 司 作以 東晉《古文》采此節文人《湯誥》。 罪 農注、《遂大夫》「簡稼 韋 謂 同鄭義, 天下。」 四 《説文》:「皇,大也。」《詩 亦經 又 則湯名天乙,又 孫氏志祖 「帝臣」爲善,「有罪」爲惡,「帝 凶,「帝 尊稱。」 「萬方有罪」下不重 韋 師 而與《白 昭 相 臣 傳 注 《周 案: 履,是 讀書脞録 即 姓名》篇『湯王後 引 有 [虎通 官 《論 謂 此 此訓 禹。 白。 小宰》「二日 器」注 履 名 告天亦 》及包、 語 《周語》王子 履, 爲 也 『》「帝 於時 其 湯 · 楚茨 罪 自 並 「據《大 注 名 稱 無以 孔 굸 無可 臣 굸 也 朕 更 注 注

0

王」,據陳鱣《論語古訓》引鄭注 當作「主」。

其文。 類、造、 朕身。 家之牲也。」與此包、孔注合。《周語》内史過引《湯誓》「余 作僞者之疏可 鬼神示,日 罪,無及萬夫。 誓爲然,雖湯説亦猶是也。 誅得爲王,故先伐,故《論語》曰云云。 先伐,文家先改正朔何? 本《墨子》。 下,有善不敢蔽,有罪不敢赦,簡在帝心。 告于上天后,曰: 故君之也。 説文》: 先祖是皇」,傳 人有皋,無以萬夫,萬夫有辠,在余一人。」是《湯誓》亦 之辭。 仍 用 「湯克夏而 夏 疑伐桀告天及禱雨文略 `攻、説、檜、祭之祝號。」「説」謂以詞自解説也。 朕身有 《墨子》謂之「説」者、《周官》:「大祝掌六祈 「后,繼 牲,故白虎諸儒不 類,曰造,曰檜,曰祭,曰攻,曰説。」又詛祝亦「掌 《墨子· 而云《湯誓》爲伐桀告天之辭,與《墨子》不合, 知。 罪, 萬夫有罪,在余一人。」」然則此語爲因旱 天大旱,湯以身禱于桑林,曰:『余一人 亦云「大也」。 體君 今天大旱,即當朕身履,未知得罪于 《白虎通·三軍》篇: 無及萬方。」《吕氏春秋 兼愛下》:「夫兼相愛,交相利,不惟 也。 質家言天命己,使己誅無道,今 象人之形。」天帝稱后者: 用《墨子》爲説 湯曰:「惟子小子履,敢用 《爾雅 相同。 然禱 此湯伐桀告天,用夏 釋詁 「王者受命,質家 也。 萬方有罪,即 雨 》:「后,君 在 伐 順 克夏後,無 桀所 民》篇 尊之, 以 孔注 玄牡 也。」 以 同 有 Ě 禹 告 有 亦 當 0 家。 事。 詁 学: 十人 敢 賚,大封於廟也。

雨

治,不可得已。 臣,臣諉罪於民,於是以民皆不肖,而視之如仇讐。 在位者皆自引過, 萬方不與也」〇正義 子》不合。 亦郊祭也。 師,必先郊祭以告天,乃敢征伐,行子道也。 天者,《繁露• 「有善不敢蔽。」是「帝臣」謂善臣。 簡閱其善惡也」。 湯反桀之事,遂其賢良」是也。 行事,而興師伐崇。」下俱引《詩 文王之伐崇是也。」又《郊祀》篇: 是也。 費,賜 「 費,賜 又「簡在帝心」,承上 也。 ○注「言桀」至「心故」 也。」《説文》: 注 四 周有大齊,善人是富。 祭》篇: 周 言周家受天大賜,富於善人,有亂 以 此注單承桀言,亦誤。 周 求 日 : 盡乎 至「 「己受命而王,必先祭天,乃 以,與也。 「賜,予 是 治民之道。 也〇 此注以 有罪帝臣言之,故鄭注 □○正義曰:《墨子》云: 也。」《詩 《吕氏春秋· 與,預 棫樸》證之,是此告天 E 0 一義 曰: 「帝臣」爲桀,與《墨 世 是故天子每 也。 ○注「無以 衰 周 文王先郊,乃 【注】周,周 則 爾爾 頌 世之治 簡選》篇言 君 序》云: 雅 欲民之 諉 罪 萬 行 臣 於 方 謂 王

祀」, 據《春秋繁露》當作「祭」。

齊,予

也,言所以錫予善

人也。」鄭注

外

者十有五人,姬姓之國四十人。」」皆是武王大封之事。 下車而封杞、 變舊親,惟仁是親。 大公之辭也。]今案: 封大公於齊,在泰山之陰,故將事泰山 人。」」宋氏翔鳳説: 夏,蠻夷醜貉 泰山 曰:《墨子• 微 説見前疏 侯,餘亦畿内諸侯也。 注舉十亂者,以十亂中若周、召、太公、畢公,皆封國爲諸 曰:「將奈其士衆何?」周公曰:「使各宅其宅,田其田 二十八年《左傳》曰:『昔武王克商,光有天下,其兄弟之國 大封 親 詩 公子,來 》疏云:「《樂記》説武王克殷,未及下車而封薊、祝、 而不賢不忠,則誅之,管、蔡是也。 此注言「周家受天」者,當謂受天命,因大賜也。 有道 武 則 王 曾 伐 丘雖 用之。」百姓 宋。 兼愛中》:「昔者,武王將事泰山隧,傳 紂 孫周 雖 有周 時,封 又言將率之士,使爲諸侯,是大封 有周親,不若仁人。 王有事,大事既獲,仁人尚 「周親」四語,蓋封諸 百姓有過,在予一人。」」「舊親」、《韓詩 《説苑·貴德》篇:「武王克殷,問周 「亂臣」,「臣」字當衍,此後人所 諸 親,不如仁人。【注】孔曰: 臣 有過,在予一人。」正義 有 功 者。」是「大賚」 而稱「仁人尚」,爲 萬方有過,維 侯之辭也。 仁人謂箕子、 作,以 謂 心也。 武 武 子 孔 祇 曰 陳, 王 加 無 公 封 Ŧ 此 昭 氏 商 所

謂

權

量,審法

廢官,四方之政行

焉。【注】

封

以告。 蔡當 也。 篇: 責。 也。 曰 : 《古文》采諸文人《泰誓》。 殷,微子乃造於軍門,肉袒面縛,左牽羊,右把茅,膝行 周親,其封當亦在武王時,是不如 任功,曰予一人。」「分職」,即謂封諸侯也。 者,近也,密也。」「周親 者,至也。 人」,言凡諸國百姓有不虞天性,不迪率典 責也。 箕子於朝鮮 傳 篇: 《論語》曰: 「王者自謂 注不解 所以然者,百姓有過,亦由所封諸侯未得其人,故引以 管、蔡作亂被誅,在成王時。 周親」,與此注 祚 於是武王乃釋微子,復其位如故。」又曰: 「周公、召公以此疑。」高誘注: 《曲禮》云: 舊新」。 見《逸周書 「周」字,而以管、蔡當 度,修 而不臣也。」是箕子、微子來則用之也。 一人者,謙也,欲言己材能當一人耳。」東晉 「雖有周親,不如仁人。」此之謂。」亦以 彼爲 意同。 「君天下曰天子,朝諸 」兼舊新言之。「百姓有過,在 誓衆之辭. 謚 法解》。 ○注 《史記·宋世家》:「周 仁人也。 「周親」,是以 「親而」 注言此者,欲見管、 與 《毛詩 此 「以管、蔡流言、 封 至「用之」〇 諸 《吕氏春秋 者,皆我一人之 侯,分職、授 《白虎通 鹿 侯 略 「周」爲 鳴》傳: 同。 武武王 武王 蔡是 一周 故 IE. 子 周 而 管 號 「親 政 13 克 疑 離

自

608

志》引劉

或

益

漢

角徵羽

也。」❶案: 數,二曰和聲,三曰審度,四曰 亦即《論語》之『法度』矣。 度、修廢官、舉逸民、四方之政行矣。」」據《志》此文、是 法度章焉。 自伏羲畫八卦 數明而 》此文,又云:「元始中,羲和 (志)云「分寸尺丈引也」。 法謂十二律,度 審,篆文從番。」《考工記・弓人》注:「審,猶定也。」成 」云云以下,皆孔子語。 「《虞書》「乃同 也。 權, 《經義駢枝》曰: 文,冠以「孔子曰」。 以 歆 「律,法也。」「量衡」即《論語》之「權量」,則「律度. 定 後萬物可正,故黄鐘爲萬物根本也。「度」 曰:「五聲之本,生於黄鐘之律。 成説是也。 Ŧi 周 秤 商 聲之本,生於黃鐘之律。二二十有二律即 衰官失,孔子陳後王之法曰:「謹權量 由數起,至黄帝、堯、舜而 角 也。 徴羽。 謂 律 量,斗 「律」者,聲之所出。 Ŧī. 度 「法度與權量,相對爲文,當爲二 《漢書》律歷志》引《虞書》及《論 度也。 九 量衡」,所 《説文》云:「宷,悉也,知宋 六相生, 故何休《公羊》昭三十二年 斛。 正 謹審之本,在於正律。 嘉量,五日權 劉歆等言之最詳: 《堯典》: 以 陰陽之應也。」又云: 義 齊遠 曰:《漢 大備。三代稽古 「同律度量 衡。 聲正 近、立民信 九寸爲宫,或 聲者,宫 書 愐 後 故《漢 律 數 一衡。」 日 審 者, 謹 也。 法 備 注 歷 可 商 諦 法 掌之。 0 補 某官掌之。」案: 不 行人,鴻臚掌之。 本起于黄鐘之重。 十丈爲引,而 分,黄鐘之長。 解。 云「聲所以作樂者,職在大樂,太常掌之」。

事。

馬

融注:

語

引此節 權量

包

曰:

也。

氏蓉鏡

二十四銖爲兩,十六兩爲斤,十斤爲鈞,2 權謹矣。」包氏慎言《温故録》:「《漢志 龠爲合,十合爲升,十升爲斗,十斗爲斛, 容,以子穀秬黍中者千有二百實其龠,以井水準其概。 度本起黄鐘之長。 「修廢官」者,意蓋以官即職此權 五度審矣。 一爲一分,十分爲寸,十寸爲尺,十尺爲丈 一龠容千二百黍,重十二銖, 以子穀秬黍中者,一 量本起于黄鐘之龠,用度數審 影 量法度者。 黍之廣,度之九十 耐 四鈞 此文云云,顔 Ŧi. 量嘉矣。 爲 兩之爲 石,而 《志》上 兩 + 其 權 氏 五.

廢官」爲修此數官,故劉氏每 敘權量法度,云:權者,所以 起者,惟修此數官爲急耳。《志》下又引劉歆《鐘律篇》, 云「周衰官失,孔子陳後王之法」,下乃引《論語》,明 度者,所以度長短也。 包説是也。 量者,所以量多少也。 據 敘 稱物平施知 職 成君 在内官,廷尉掌之。 事,而 義 法訓 結 職 輕重 云某職在某官 在太倉,大司 律,當據《志 昔舜一 也。 繼周 職 以 歲 在 四 大 而

上「二」字,據文義及《漢書·律曆志》衍

士上 據《漢 律曆志》脱「三」字。

概」。 異 俗作「秤」。 代皆未廢,至周衰而或失耳。 也。』《公羊僖五年傳》: 下之民歸心焉。 斛」二者以概其餘。 者,聚升之量 也。」又云:「合者,合龠之量也。 以稱物平施。」《左傳》:「地平天成 焉」,謂凡所以治四方者,其政皆舉而行之也。 奸民貿易,積久弊生,古帝王特設專官以審察之。 巡守,皆同 志》云:「權,重也, 無其官,或有官而不舉其職,皆曰廢」是也。「四方之政行 矣」。 稱」下云「銓也」,謂銓量多少也。 權者、銖兩斤鈞石也。」「權衡」皆統名「稱」,故此注以 (義)解此文云: 權」也。 《周官·大行人》:「十有 ○注「權秤也量斗斛」○正義曰:《説文》無「秤」字。 律 《志》又云:「量者,龠合升斗斛也,所以量多少 《廣韵》:「秤,昌孕切。 也。 度量 「國謂諸侯,世謂卿大夫。」《白虎通・封 一衡。 斛者,角斗平多少之量 衡所以任權 興滅國 《月令》: 「滅者,亡國之善辭也。」許氏《五 正義曰:《爾雅 趙氏佑《温故録》「或有職 而均 繼 春秋分,皆 歲,同 升者,登合之量也。 《周易・象傳》:「君子 稱也。」稱所以平物,故 俗「稱」字。」是也。《漢 絶世,舉逸民,天 物平輕重也。」又云: 度量 釋詁 也。」此 同 同 皇本「焉」作 度量, 》::「滅,絶 數器。」蓋 注舉 其官歷 秤 IE. 斗 斗 經 而 權

> 同。 位三爲三公。食舊德,謂食父故禄。《尚書》云: 其故采地。 秋左氏》説: 卿大夫得世禄,不世位,父爲大夫死,子得 夫世,則權并一 之通義也。」《五經異義》:「按:《公羊》、《穀梁》説云: 所以重宗廟,廣聖賢之路也。」又曰: 「夫善善及子孫,古今 凡封國當有此制也。 大享于先王,爾祖其從與享之。」此之謂也。」《韓詩外傳 始受封之人。此之謂「興滅國,繼絶世」。《書》曰:「兹予 孫雖有皋黜,其采地不黜,使其子孫賢者守之,世世 里,七十里諸侯以二十里,五十里諸侯以十五里。 書大傳》:「古者諸侯始受封,則有采地。 絶,重其先人之功,故復立之。 道,妄殺無辜,及嗣子幼弱,爲彊臣 公侯》篇: 興滅國」爲無罪之國。 此言平時立國,不以有皋黜其采地,亦興滅繼絕之義 「王者受命而作, 如有賢才,則復父故位。」❶許慎謹案: 姓,防賢塞路,經譏尹氏、崔氏是也。 漢成帝詔曰:「蓋聞褒功德,繼絶統 若有罪當滅者,亦不興之也。 興滅國, 《論語》 所奪,子孫皆無罪 繼絶世 日云云。」據 百里諸侯以三十 何 ? 爲先王 世 「《易》爻 其後 以祠 古《春 此,是 選爾 囚 《尚 無 而

❶ 「復」下,據《五經異義》脱「升」字。

藝。」是食爲民

命,當重之也。

喪

以哀爲主,祭以敬爲主。

事十有二于邦國都鄙,使以

登

萬民

日

稼穑,二曰樹

辨十有一

一壤之物而知其種

天府,内史、司會、冢宰貳之,以贊王治。」是民爲國之本也。 齒以上,皆書于版,異其男女,歲登下其死生。及三年大 非衆無與守邦。」《孟子・盡心下》:「民爲貴。」又言 世禄。」故周世禄也。」從左氏義,鄭氏無駁,與許同。 勞,予不絕爾善。」■《論語》:「興滅國,繼絶世。」《詩》云: 之寶」有「人民」。《周官・大宰》:「以九兩繫邦國之民。」 也,重食,民之命也,重喪,所以盡哀; 人事之所本。」故八政先食。《周官·大宰》:「以九職任萬 〈大司徒》:「掌人民之數。」《司民》:「掌登萬民之數。 「凡周之士,不顯亦世。」《孟子》云:「文王之治岐也,仕者 敬。」正義曰:東晉《古文》采此文人《武成》。 |至「致敬」○正義曰:《夏書》曰:「衆非元后何戴? 一曰三農,生九穀,二曰 民、食、喪、祭。【注】孔 司寇獻其數于王,王拜受之,登于 食。」伏生傳:「食者,萬物之始, ,以教稼穡樹藝。」又云: 園 圃 ,毓草木。」《大司 曰:「重 民,國 重祭,所 ○注 徒》: 諸侯 頒 之 自生 所 后 本 重 職 以 爲别 之文。 字。 自一手。 俟張請目,然後詳晰言之,與[問仁]章文勢畫一,顯見其録 與上文絶不蒙。 《考異》、阮氏元《校勘記》並疑爲「子張問仁」章誤 之禮廢,則臣子之恩薄,臣子之恩薄,則 本亦有「孔」字。今以「問仁」章亂人《陽貨》之篇,既嫌其 餘其少半連絡于下章也。 無「信則民任焉」句、皇本、足利本、高麗 帝、三王所以 説。【注】孔曰:「言政教公平,則民説 矣。」寬則得衆,信則民任焉,敏則 喪祭者,所以教民反本追孝也。 『子張問仁』一章原在《古論・子張》篇首,而此爲脱亂不 「公則説」,皇本「説」上有「民」字。 《考異》又云: 「按: 蓋古分《堯曰》「子張問」以下別爲一篇,與前《季氏》篇 古書簡盡則止,不以章節分簡,故雖大半脱去,猶 記者所録,稱「孔子」是其大例。 又二十篇中,唯此一 治 與前「論仁」章文、惟「公説」二字殊。 也, 故傳以 下章子張問政,孔子約數以 二章以子答弟子之言加用 示後 《禮 世。」正 記 故「知命」章首、舊 本 經解》云: 背死亡 矣。 亦

比,以萬民之數詔司寇。

書·洪範》:「八政: 一曰

重:

有功,公則

生者

衆

喪

祭

凡此,二

義

日

漢石

經

無。

翟

氏

灝

衍。

又

四

語

民

致

絶」,《 尚 書 盤 |庚》作「掩」。

0

盡

疑

孔

示

得

例不 王爲治之體要也。」○注「言政教公平則民説矣」○正 於上,故説也 和,不長 王之路。」天下非一人之天下也,天下之天下也。 無偏無頗,遵王之義。 公,其失之必以偏。 曰:《吕氏春秋・貴公》篇:「昔先聖王之治天下也,必先 倫。」又云:「恭實寬信敏惠之本,獨舍此句,未足該歷 人。」是言政教宜公平也。 公則天下平矣,平得於公。嘗試觀於上志,其得之以 一類,甘露時雨,不私 而 Щ 佛 肸 故《鴻範》曰: 無或作好,遵王之道。無或作惡,遵 連 類 公平則舉措刑賞皆得其宜,民服 並 載之閒,横隔 一物,萬民之主,不阿 「無偏無黨,王道蕩蕩。 以 此 , 亦 陰陽之 代帝 頗 義 不

斯不亦 謂 美?」子曰:「君子惠而不費,勞而不怨,欲 而 矣。」【注】孔曰:「屏、除也。」子張曰:「何 矣?」子曰:「尊五美,屏四惡,斯 惠 不貪,泰而 而 子張問 惠而不費乎? 不費?」子曰: 於孔子曰:「何如 不驕,威 而 【注】王曰:「利民在政, 因民之所 不猛。」子張 斯 利而利之, 可 可 日: 以 以 謂 從 從 「何 政 政 Ŧī.

水,親之歡如父母,爲之出死斷亡而愉者,無它故焉,忠信 時,事成功立,上下俱富。 農隙講武事,興土功,並是擇而勞之。《荀子・富國 費」,凡諸問辭皆從略也。 皆因子張問而答之,不言子張問者,統於首句「何謂惠而 増。」又皇本「擇」下有「其」字。 所利而利之」。 卦》注、《旅師》疏及《文選·洞簫賦》注引此文,並作「因民 覽·慎大》注: 屏惡。」洪适《隸釋》以「遵」「迸」爲《魯論》異文。《方言》: 漢《平都相蔣君碑》:「遵五迸四。」《後漢・祭遵傳》:「遵 曰:皇本「問」下有「政」字。「尊」者,崇尚之意,或作「遵」。 儼然人望而畏之,斯不亦威而不猛乎?」正義 慢,斯不亦泰而不驕乎? 【注】孔曰:「言君子 得仁,又焉貪? 無 不以寡小而慢也。」君子正其衣冠,尊其 遵,行也。」此義亦通。「貪」者,《説文》云:「欲物也。」《吕 費於財。」擇 「古人使民,夏不宛暍,冬不凍寒,急不傷 「求無厭、是爲貪。」阮氏元《校勘記》: 皇疏兩述經文,皆無上「之」字,疑後人妄 可 勞而勞之, 君子無衆寡,無小大,無敢 勞民,如治溝 而百姓皆愛其上,人歸之如流 案:「擇可勞而勞之」以下, 又誰 洫 怨? 及耕歛之類。 力,緩不後 欲仁 篇 而

時

或

其衣冠者,衣無撥,冠無免也。」《中論・法象》篇:「夫法 忠也。」「利民在政」者,政在養民,故當順民之性,使之各遂 著,盛德著,故可以 也。」〇注「言君子不以寡小而慢也」〇正義曰: 安,不易其利,則是 君子威而不猛,泰而不驕。」《詩》云:「敬爾威儀,惟民之 也。」《廣雅·釋詁 禮也,爲冕服采章以旌之,爲佩玉鳴璜以聲之,欲其 辨之至也。」是言勞民而民不怨也。「欲仁得仁」, 怨。」鄭注: 經意所主,故注别言之。 政無費於財」○正義曰:《左氏傳》云:「上思利民、 除也」○正義曰:《穀梁宣九年傳》:「放,猶 ,即可施行,故易得仁也。 治; 「民居五土,所利不同。 焉 也。」《 利其五 法象者,莫先乎正容貌,慎威儀。 「小大, 爲法象。 可懈慢 惠 情 愛利民 廣雅 性治,故仁義存, 五穀。 「摒,除也。」「摒」與「屏 謂 也? 斯謂之君子矣。 萬民,上及群臣。」《詩 人君因 在 釋言》: **《**書• 政,且 夫容貌者,人之符表 其所 無逸》:「至于小大, 「費,耗也。」「費,損 不費於財也。」《説 山者利其禽獸,渚 皇疏云:「君子 仁義存,故盛 利,使各居 故孔子 寡小,人所 同。 是故先 ○注 其 日 也。 所 德 象 謂 泮 īE. 南 水 》: 今官府之受成; 謂 有司之任耳,非人君之道。」正義曰:「不教 孔 之暴、【注】馬曰: 惰也,一曰 小 殷 事》篇: 改意,無所 曰: 天文訓》注: 不畏 敢慢,斯 致 「暴,虐

則。二〇注

「屏

一种堪曰:「君子處心以虚,接物以敬,不以衆寡異情,大 「無小無大,從公于邁。」皆與此 也。」二義相近。 不驕 也。」 即 子 此注 稱「小大」同。 張 意。 日 -《説 文》 何 皇 謂 疏 引

惡?」子曰:「不教而 「不 宿 殺 戒 謂之虐,不戒視 而 責目前 成,爲 視 成 成。」 謂 四

尊也,欲其莊也,

王之制

立

,所以爲君子。

符表正,故情

性

欲 調

和 均

施仁政於民

期。」猶之與人也,出納之吝,謂之有司。」【注】 慢令致期謂之賊、【注】孔曰: 「謂財物俱當與人,而吝嗇於出 「與民無 納 惜難之,此 信 而 虚 刻

以禮義教民、民犯於法、則以罪殺之、此爲虐也。 「處,殘也。」今從隸省作「虐」。《京房易傳》:「不教而誅 虐。」義本此。《毛詩·終風》傳: 「暴,疾也。」高誘《淮 《説文》: 兹

其生。

邢疏云:

利民

在

者利其魚鹽,中原

「費,散財

用

於民,當先告戒之,而後責成 《儀禮•士冠禮》:「主人戒賓。」注:「戒,警也,告也。」言上 也。」「戒」者、《説文》:「戒、警 功也。 「慢令」者,《新序 也。」

慢」爲惰,凡怠惰則致緩也。 王氏樵《紹聞編》:「視成,如 「緩令急誅,暴也。」「緩令」即「慢令」。 期,如今官 府之立 限。 周公之營洛 《説文》訓 邑

而殺」,謂

未

論

也 又言 教而責成功,虐也。 民,而必刑之,則是賊之而已。」《荀子・ 不依期而 則卒遽無 民。」文皆略同。 而 子訟者,拘之三月,其父請止,孔子舍之。 糧之不備,楨幹之不供,則有某刑,其令之嚴又如此。 而 而 身勝人謂之責。 内。 「甲戌,我惟征徐戎。」 「甲戌,我惟築。」 期會明審如 託法而治謂之暴,不戒致期謂之虐,不教而誅謂之賊,以 並及納。 義。 誅,責也。 不愆于素。 賦 『嫚令謹誅,賊也。 「孔子曰:「不戒責成,害也; 工命 「内,人也。 年 此處皇本、《釋文》本皆作「内」,唯邢本作 一者,俞氏樾《平議 傳》: 漸, 集哉? 役 《史記 君子爲政,避此三者。」」又子貢謂季孫 而 若但日 减 人難於效功矣。《費誓》,魯公之令衆也。 納 「出納」者、《説文》: 勤 責者失身,賊 今也慢其令於先,而刻 誥 者,入辭也。」上句言「與 从门自外而入也。」經傳多段「納」 已此三者,然後刑可即也。」《韓詩 刺客傳》: 治 [吾知責其成而已],而無夙戒之道 今生也有時,飲也 ,戒之如: 因出 者失臣,虐者失政,暴者失 「多人,不能無生得失。」言 此其至 慢令致期,暴也,不 納爲人之恒言,故言出 「納,絲濕納納也。」別 宥坐篇》: 也 季孫不説。 期於後,以 無時,暴也。 然後視其成焉 人」,此 納 「魯有父 此。 言 孔子 誤其 孰 日 《公公 出 不 芻 爲 教 外 敢

> 注: 失而 問,不敢擅易。 也。」亦 亦通。《夏小正》:「 采」、「納吉」、「納徵」、《曲禮》「納女於天子」諸文爲據,其 謂之納。」引《禹貢》「納總」、「納銍」、「納秸」、《昏禮》「納 紹勳《拾義》: 而並言緩也。 也。 通,究非經旨。、〇注「俱當」至「之道」〇正義曰: 注謂令既出,而行之有違,是虚刻 曰:《公食大夫記》:「不宿戒。」注 「謂之有司」也。」案: 坤爲吝嗇。」皇疏云: 荆汝江湘之郊,凡貪 (此,故注廣言之。 「再戒爲宿戒。」○注「與民無信而虚刻期」○正 庫吏雖有官物而 並 言 證。 得 也。 「納亦主與人。 ○注「不宿戒而 此言出納,亦猶是矣。」案: 人君若物與 游 「納卵蒜。」傳云: 俠 夫子言從政之道 不得 而不施,或謂 「有司,謂主典物者也, 傳》: 自 人而吝,即 一緩 凡財物出於己,必入於 由 責目前成爲視成」〇 急, 故 「中戒爲宿。」又《鄉 期,爲 物應出 人之所 之恪。」虞翻 「納者何也? 而 與 無 俞説是也 人君 庫 入者,必 信 時 吏 有也。」言 猶 也。 爲政,亦 無 庫 《方言》: 、異,故 人之 有所 此 吏之屬 飲 人,亦 説 正 胡 日

日: 孔子曰: 命, 謂窮達之分。」不 示 知 命 無 以 知 爲君 禮 無無 子 以 也。 立 (注)

孔

異

别

其

不知言,無以知人也。」【注】馬曰:「聽言而

嘉興錢 啟校刊

辭知其 謂命。 屈。」此孔子「知言」,即知人之學。孟子自許「知言」,云「詖 人之辭寡,躁人之辭多,誣善之人其辭游,失其守者其辭 也。《易·繫辭傳》:「將叛者其辭慙,中心疑者其辭枝,吉 可兼禄命也,説詳前疏。○注「聽言而別其是非」○正 爲君子。』此之謂也。」二文皆言德命,其義極精。 智,安處善,樂循理,謂之君子。 故孔子曰:「不知命,無以 又焉得爲君子乎?」《漢書・董仲舒傳》: 對策曰:「天令之 秉彝,好是懿德。]言民之秉德以則天也。 之小人。」又曰:「《大雅》曰:「天生蒸民,有物有則,民之 善之心。不知天之所以命生,則無仁義禮智順善之心,謂 曰:「不知命,無以爲君子。」言天之所生,皆有仁義禮智 論》無此章,今從《古》。」此亦出鄭注。《韓詩外傳》:「子 子」。唯《集注》本無「孔」字,當是誤脱。《釋文》云:「《魯 是非。」正義曰:《釋文》本、皇、邢本、唐宋石經並作「孔 天地之性人爲貴。」明於天性,知自貴於物,然後知仁 言者心聲。 人受命於天,固超然異於群生,貴於物也。 所 蔽,淫辭 言有是非,故聽而别之,則人之是非 知其所陷,邪辭知其所離,遁辭 不知所以則天, 蓋言德命 知其所 故曰: 一義禮 亦 知 義 順

論語正義卷二十四

恭冕述

論語序

疏也。 行題 原式。 語註 疏 「序解疏」三字。 義曰: 今竟稱「註疏序」,此自作疏時妄題,其後失撿,遂仍 皇疏本作 經卷第幾」,此《序》首行題「論語註疏解經序」,次 《經典釋文》、唐石經標題如此,必是何晏等 「論語集解 **案**: 何晏等作《序》時,止有註,未有 叙」,邢 疏 本則每篇首行題 「論

之也。

話》、「敘、緒也。」孫炎注、「敘、謂端緒也。」《説文》、「敘,等傳之。正義曰、「序」、皇疏本作「敘」。《爾雅·釋夏侯勝、前將軍蕭望之、丞相韋賢及子玄成二十篇,皆孔子弟子記諸善言也。太子太傅字曰:漢中壘校尉劉向言:《魯論語》

尉。 石。 賦,每一書已,向輒條其篇目,撮其指意,録而奏之。 齊人、魯人所傳《論語》始於漢興時也。 氏連言《新序》耳。 言也」,蓋出於彼,故何晏引之。」案:此言出向《别 名更生,成帝即位,更名向。 者,高祖少弟楚元王之後,辟彊之孫,德之子。 屯騎、越騎、胡騎、射聲、虎賁、輕車,皆有校尉,秩皆二千 者,軍所立營壘以爲固也。「校尉」,官名。 域。」顔師古注:「掌北軍壘門之内,而又外掌西域。」案:壘 《漢書•百官公卿表》:「中壘校尉,掌北軍壘門内,外掌西 序者,東西牆之名,蓋假借也。 知之,故謂之「序」。 「《論語》,紀孔子與諸弟子所語之言也。 語》有此篇。 録》、《新序》。此言《魯論語》二十篇,皆孔子弟子記諸 王,王巴蜀漢中,後因以爲有天下之號。 「中壘校尉」者 次第也。」凡紀録一篇訖,述其大義並傳授源 向爲人簡易,專精思於經術。 劉向官終中壘校尉。故此舉爵稱之。 《漢書 「《魯論語》二十篇」者,言魯人所傳《論 《周易傳》有《序卦》,此稱「序」之始 藝文志》: 數上疏言得失,以向爲中壘校 「漢」者,水名。 「漢興,有齊、魯之説。」明 成帝詔 《釋名·釋典藝》: 論, 邢疏云: 若司隸、城門、 校經傳諸子詩 倫也,有倫理 流,令人識 高祖初爲漢 字子政,本 録》,邢 著《别 劉向 而

尼丘

,得孔子。

生

而

首

Ŀ 叔

宋人也,曰

孔防

叔。

防

善言也」者、《説文》:「皆,俱詞也。」言孔子弟子不止 書,實則書成竹簡,編連之,方名篇也。 志》又云:「《論語》,《魯》二十篇,魯王駿《説》二十篇。」是 師、弟子對大夫之問者,皆所以討論文義,故謂之《論語》。」 語》。」此謂夫子及弟子之語,門人論之。 者,孔子應答弟子、時人,及弟子相與言而接聞於夫子之語 無窮,均爲傅會,通人所不取也。《藝文志》云:「《論 如何説,是夫子與弟子時人各有討論之語,非謂夫子、 《史記·孔子世家》云:「孔子生魯昌平鄉陬邑。 當時弟子各有所記,門人相與輯 子自相答問者,又有時人相 「《論語》有弟子記夫子之言者,有夫子答弟子問者, 「篇,謂竹簡也。」竹簡用以寫書,故《説文》訓「篇」爲 列其義。 《漢書・武帝紀》:「著之于篇。」顔 * * * * 生伯 説 「侖,理 此則視《漢志》爲得也。 也。」案:「 其下二途 故因 夏,伯夏生叔 言者,有臣對君問 也。」倫理之訓,實 名曰 而論 則 「皆孔子弟子記 論」、「倫」 何異孫《十一經問 丘 經綸今古,輪轉 篡,故謂之《論 梁紇。 字仲尼,姓 字 紇禱 《藝文 者,有 皆 其先 爲 人 語 從 孔 於 諸 師 至 相國。 言也。 夫。 書》、《論 長信少府,坐議 服,徵爲博士。 子助理萬機,有左右。 《漢書·百官公卿表》:「太子太傅,古官,秩二千石。 者,聖人之至論,王者之大化。」是 者,五經之館轄,六藝之喉衿。」楊泉《物理 之辭。《廣雅・釋言》: 紀也,紀識之也。」言恐有遺忘,故識於策也。 故自稱弟子,若公西華言「弟子不能學」是也。 氏。」此言「孔子」者,弟子稱其師曰 後,或有左右,皆掌兵及四夷。 左右將軍、皆周末官、秦因之、位上卿。 語》、《孝經》,聖人言行之要。」趙岐《孟子 人者,言爲夫子門内受業之人也。 云:「夏侯勝,字長公,東平人。 太子太傅、前將軍、丞相、皆漢官名也。 上 弟子是對兄與父之稱,當時弟子事夫子,比於父兄 知 孝惠、高后置左右丞相。 語 勝 説》,賜 素直,復爲長信少府,遷太子太傅。 宣帝立、太后省政、勝以《尚書》授太后、 廟樂事下獄。 黄金百斤。 高帝即 「善,佳也。」《漢書・匡衡傳》: 位,置一 繫再更冬,會赦,出爲 年 相國、 少好學,爲學精熟,善説 文帝二年復置 九 《釋名·釋典藝》: 「子」,尊者之名,不敢 《論 十卒官, 丞

有弟

弟子之語,門人始論之也。

一十篇爲《魯論

也。

當。

故皇侃序

疏

也。

語

也, 文

敘

己

所

欲

「侖」。

説 敘

龠 首

部

賜冢塋,葬平

受詔

撰《尚

後

有 前 語

》所

言爲

善

題辭》: 論》:

「《論

語 語 也

論 言

「諸」者,不

弟子亦稱門

丞相。

十一年

更 丞

丞

相。」是

相,皆秦官,掌 漢不常置,或

邢疏

引《漢書

傳

遷 大

六〇六

陵。 術苟明,其取青紫如俛拾地芥耳。 載韋賢,不及玄成,然《韋賢傳》言玄成復以明經,位至丞相, 夏侯説》二十 謚曰共侯。 少子玄成,字少翁,復以明經,歷位至丞相 加 爲 見尊重。 進授昭帝《詩》,稍遷光禄大夫。 孺,魯國鄒人也。 之卻食,涕泣,哀動左右。 位,爲弘恭、石顯等所害,飲鴆自殺。 疾,選大臣 大夫,後代丙吉爲御史大夫,左遷爲太子太傅。 倉,又從夏侯勝問《論語》、 蕭望之,字長倩,東海蘭陵人也。 者以爲榮。 遺子黄金滿篇,不 尚書》,以《詩》教授,號稱鄒魯大儒。 加賜第 相 太后賜 Ŧi. 成。 品。 本始三年,代蔡義爲丞相,封扶陽侯。 可屬者,引 始,勝每講授,謂諸 此四人皆傳《魯論》。」案:《漢・藝文志》: 錢 地節三年,以老病乞骸骨,賜黄金百斤,罷歸 丞相致仕自賢始。年八十二薨,謚曰節侯。 三百萬, 篇。」此當即夏侯勝受詔所作《 賢爲人質朴少欲,篤志於學,兼通《禮 如一 至禁中,拜望之爲前 爲勝素 經。」玄成爲相 長子伋嗣爲關内侯。 禮服。 服 生曰:「士病不明 及宣帝即 以射策甲科爲郎,累遷 五 好學《齊詩》,事同 學經不明,不如親 日 天子聞之驚,拊手,爲 七 徵爲博士,給事中, 以 年。 報 位,以 將軍。 師 《説》也 建 鄒 傅 一昭二 先帝 韋賢,字長 年七十餘 及宣帝 經術。 之思。 魯諺曰: 元 :師,甚 年薨 《志 帝即 縣 耕。」 寢 諫 后 經 儒

章句, 亦《序 平、蘭陵、鄒皆屬魯,故《漢・儒林・ 《穀梁》,而劉歆獨好《左氏春秋》也。 卿爲《禮》、《春秋》,而使子孟喜從田王孫受《易》, 然王吉本傳《齊論》,而駿傳《魯論》者,蓋父子異學。 學《易》,❶左曹陳咸薦駿賢父子經明行修,是駿亦經生。 二十篇,師古曰:「王吉子。」據《王吉傳》,吉子駿從梁丘 説,俱各篇兩行,故經二十篇,而傳説之篇,或十九,或二十 傳《魯論語》者所作。 侯勝皆魯人也。 韋玄成説《論語》,故此《序》及陸德明《釋文敘録》並載之。 不載此《序》,皆所遺也。 且. 遺子 也。 》所遺。 至《漢志》復有常山 頗多 經 ,著於時諺,是玄成固傳其父之學。 《齊論 於《魯論》。 又《漢志》:《魯論語》家《傳》十九篇,當 翟氏灏《考異》謂: 語》二十二篇,其二十 又《敘録》復有太子少傅夏侯建 都尉襲奮、 琅邪 瑕丘江公傳》言韋賢 、魯扶卿。 襲奮、魯扶卿、 主 古人釋經,經 卿及膠 又王駿《説 《張禹傳 劉 東 篇 王駿 向受 與傳 若 》言 庸 中 夏 東 孟 臨 是

⁰ 不同。 其子郎中 臨 據《王吉傳 駿上 疏從臨受《易》。」臨乃賀子。 》作「賀」。 《梁丘賀傳》則云:「吉乃使 二文説

論》十篇。

《齊説》即此《序》所

言「章句」也。

説

,以《季氏》篇爲《齊論》,或當是也。

子弑簡公」,不稱「齊」,亦爲《齊論》。

子」,稱「孔子」,爲《齊論》。

盧氏文弨《鍾山

札記》以

則《齊論

》章句容亦增多。

陽是傳《齊論》,餘皆傳《魯論》。

今齊》、《魯》篇第既

句」,專指訓釋之詞:

若下言

「周氏、

包氏章句

」者也。

·綴於本文,故言「二十篇中章句」也。

「《傳》十九篇」,而於《齊論》載「《説》二十九篇」,則多《魯 夏侯勝、王陽、蕭望之、韋玄成,皆説《論語》,篇第或異。」王 者也。」《東觀漢紀》徐防上疏曰:「試《論語》本文章句, 毛詩》有章句,舊題也。《漢書·張禹傳》:「始魯扶 惟不言句數,或久失傳,或但有章,連言句耳。 云:「句者,局也,聯字分疆,所以局 馮椅《論語解》以「子張問仁於孔 洪興祖《論語説》引 竊又疑此文所云「章 《漢志》於《魯論 《説文》云:「句,曲 十,數之終也。」本 是漢經師 「章句」者 二十九篇之 有或異 八 《齊論 章 陳 卿 所 + 今惟 《説 》載 句 或 成 及 傳 但 言 六 考。 中尉 《齊論》。 之名。 也。 王陽即王吉,是 世,而舉皋陶、伊 字子陽,琅邪皋虞人也。 有中尉掌武職。 云: 補若盧右丞,遷雲陽令。 文,不言王卿居何官。 語》家近有琅邪王卿,不審名,蓋卿非王氏名。」據《七略 生,蓋古謂有德者也。」案: 云:「王卿,天漢元年,由 天漢四年,更山陽爲昌 《詩》、《論語》教授。」《張禹傳》: ·天不言,四時行焉,百物生焉」,「舜、湯不用三公九卿 説 魯傳》、《齊説》不箸作者姓氏,明是諸儒 》爲《齊論章句》,則十九篇之《傳》亦爲《魯 《王吉傳》: 「琅邪」,郡名, 「中尉,秦官,掌徼循京師。」又云: 即 邢疏云云,當别有所本。 昌邑國所置之中尉也。 其見於《王吉傳》,若「臣聞高宗諒闇,三年不言」, 庸 初, 成帝綏和元年,令中尉如郡都尉。」此昌邑 尹」,皆《齊 生 「膠東」,國名。 王吉皆以《齊論 吉 又《漢志》及《釋文敘録》亦不詳 邑國, 兼 舉賢良爲昌邑中尉。」此三人皆傳 少好學明經,以郡吏舉孝廉爲郎 濟南太守爲御 翟氏灏《考異》引《七略 通 論》也。 Ŧī. 並見《漢 《漢書 「中尉」者、《百官公卿表 「禹先事王陽 經, 「昌邑」屬山 能 王 》教 「諸侯王掌治 爲 卿 史大夫。 王吉傳》: 相傳之義 《騶 所 地 授於人也。 理 教授,今無 ,後從庸 氏 論 志》。 陽郡,武 春 庸生名 ĕ ⊟: 章 非一人 秋 「王吉 句 其 庸 生。 邢 》矣。 《漢 《論 或 以 可

有之。

章。」漢石經、《釋文敘録

》每篇亦載章數,自

通

度,勿

以

射

策。」

趙

岐《孟

子敘》言:

「《論》四

百

也。」《詩

關雎》疏

言樂竟,故文字每節已終,則謂之章。

文》云:「章,樂竟爲一

章。

從音從十。

生、昌

邑

中

尉 王.

吉,皆

以

教

授。

正

義曰

語

》者,齊人所

傳,與《魯》不同,故多二篇。

生

志 || 云:

貢

録

》同。 (禹、尚

有《魯

[一言可以興邦」」、《橋玄傳》引「《語》曰「三軍可奪帥,匹 就章》「宦學諷誦《孝經》、《論》」、《張禹傳》「欲爲《論》,念張 又有稱「説」者、《前漢書・郊祀志》引「《論語説》曰「子不語 傳》「得古文經傳 不可奪志」」、《崔駰傳》引「《語》曰「不患無位,患所以 露》、趙岐《孟子章句》,凡引《論語》,多直稱「論」。 《後漢書・趙咨傳》引「《記》曰「喪,與其易也,寧戚」」是也 揚雄傳贊》所謂「傳莫大於《論語》」是也。 論」,故有《魯論》、《齊論》及《古論》之名。 ,得《古文論 又有稱「經」者、《漢書・于定國傳》引「《經》曰「萬方 論》, 在朕 此《序》不及宋畸、貢禹、 書令五鹿 傳《齊論》者,昌 也。 亦有單稱 躬し 魯 有《齊論 是也。 充宗、膠東庸 共 語 傳 語」者、《後漢書 王 |邑中尉| 一謂《論 時, 又有稱「傳」者,《漢書 正 **%** 義 嘗 語 生,惟王陽名家。」《釋 日: 五鹿充宗,亦所遺也。 王吉、少 Œ 欲 義 邢 以 • 邳彤傳》引《語》曰 其他見於史者甚多 曰 : 流流云: 孔子宅爲 府 《論 又有稱「記」者 董仲舒《春 宋畸、御史大夫 「《傳》曰: 語》亦 魯共王 史游《急 單 宫, 立 秋繁 文敘 故 夫 稱 《漢書 知。 藏,則異説矣。 經 得 語 至 一年徙王

是也。

文」是也。

有

罪,罪

壞

(王餘,景帝子,程姬所生。

以孝景前二年立爲淮陽王,前

怪

是

之共王者,本以共王始事故也。 壁、發取古文、則古文非共王所得、 子魚也。若《家語》以爲孔騰所藏,今文《書序》以爲孔 求天下之書焚之,書不出則有禍,吾將先藏之以待其求 《孔叢子·獨治》篇: 四百步外,即近靈光,則共王所居之宫與夫子宅相 即靈光殿基,是魯恭王之所 之故宅也。宅大一頃。 子舊宅以廣其宫 弦歌之聲,懼,復封塗,上言武帝。 而子書籍之主,其危矣乎?」子魚曰:『顧有可懼者,必或 「孔廟東南五百步,有雙石闕,即靈光之南闕。 》。」然則恭王始壞孔宅而復封塗,未竟壞也。 無患矣。」」《孔叢》雖僞書,然此言當得其真。 古文經傳。」即謂此《論語》及《孝經》爲傳也。 故欲壞孔子宅以廣其宫也。 泗水》注言:「曲阜武子臺南四里 ·藝文志》引《漢紀 魯,二十八年 《論衡·佚文》篇:「恭王壞孔子宅以爲宮,聞 ,聞鐘磬琴瑟之音,遂不敢 「陳餘謂子魚曰: 『秦將滅先王之籍 · 薨。 所居之堂,後世以爲廟。]又云: 謚 尹 造也。」據此文,夫子宅東· 敏傳 日 《 漢 • 共王。 此《序》以壞宅得《論語 其孔子壁中有經傳 武帝遣吏發取古經 尝云 許,則孔廟,即夫子 藝文志》言: 「孔鮒所藏」。 初好 復壞,於其 治宫室, 武帝乃更毁 北百餘步 酈道元《水 顔 師古 武 南三 (壁中 鮒 連 壞 惠 水水 者 《論 即 孔 可 所

則段 皆用

氏

壁

段説兼有大篆。 形聲相益 俗名之焉。」」又《説文自敘》稱《論語》亦爲古文,此古文,據 文出於壁中,故謂之壁中書,晉人謂之科斗文。 文。」是古文爲倉頡所作。言古者,依後世今文别之也。 與古文或異。 自敘》云:「倉頡之初作書,蓋依類象形,故謂之文。 而得《禮》、《尚書》、《春秋》、《論語》、《孝經》也。」許慎《説 時有六書:一曰古文,孔子壁中書也。 尚書》及《禮記》、《論語》、《孝經》,凡數十篇,皆古字也。」 初年、《漢志》以 十八年,薨當元朔元年,其壞孔子宅事又在其前,則爲武 末,魯恭王壞孔子宅。」案:恭王初封淮陽,後封魯,在位二 「科斗文者,周時古文也。 春秋》、《論語》、《孝經》。時人以不復知有古文,謂之科斗 晉書·衛恒傳》:「漢武時,魯恭王壞孔子宅,得《尚書》、 魏書・江式傳》:「亡新居攝,使大司空甄豐校文字之部, 漢世秘 一中古文也。 謂所説字形、字音、字義皆合《倉頡》、《史籀》, ,即謂之字。 藏,希得見之。」段氏玉裁《説文序》注云:「古 至孔子書六經,左丘明述《春秋傳》,皆以古 爲武帝末,未審也。《志》又云:「得《古文 今其著者,惟「荷臾」字爲古文,其餘所引 翟氏灝 及周宣王大史籀著《大篆》十五篇, ~四 其字頭麤尾細,似科斗之蟲,故 書考異》云:「按: 魯恭王壞孔子宅, 魏正始中, 王隱曰: 其後 非謂 文 帝 多《問 曾刊否也。 王》、《知

傳,而郭忠恕《汗簡》録《古論語》字,如 皆絕口不稱,恐已旋滅之矣。」據此,則《論語》古文久已 書》、《魏史》、《穆天子傳》、《瑣語》數種。 郡人發古冢,得竹 此二篇。分《堯曰》下章「子張問」以爲一篇, 語》,如「弟」作「曼」,「鼗」作「肀」,「媚」作「扅」,「柙」作 有兩《子張》,凡二十一篇。篇次不與《齊》、 王》、《知道》,多於《魯論》二篇。 《説文》爲之,未必及見孔壁古文也。 「常」,「褻」作「蛄」。凡所載古文,疑皆後人依放鐘鼎 「篤」作「竺」、「廄」作「廖」。朱雲《金石韻府續録》:《古論 「氋」,「葸」作「蹇」,「貉」作「鉖」,「乂」作「猌」,「綽」作「鷲」, 「勢」,「甯」作「魯」,「昆」作「象」,「備」作「劑」,「奪」作「蹇」, 立三字石經,嘗倣效孔壁古文,備爲一 「羿」作「诳」,「訒」作「祕」,「舉」作「彥」,「虐」作「慮」,「勃」作 魏所立石、《隋志》僅録其《尚書》、《春秋》,未定《論語》之 汲冢所出群書,隨復散棄,存於後者,惟 册十 餘萬言,其間具 書。 「郁」作「鯚」,「糾 有《論語》。」又云: 《古論》亦無 齊論》有《 其《論語》自 又晉咸寧時, 一六朝 《周 問 汲

《魯論》同。正義曰:《漢·藝文志》: 道》。」如 淳 i i 《問 王》、《知 「《齊》二十二篇 道》,皆篇

若也; 云: 非《問 也。 記》及《御覽》所引:「玉十謂之區,治玉謂之琢,又謂之雕。 逸《禮》,二十九篇之外爲逸《尚書》也。」其《初學記》所 其詮玉之屬特詳。 語》見於《説文》。《初學記》、《文選注》、《太平御覽》等書, 也。」晁公武《郡齋讀書志》: 玉之辭,與《說文》所引逸《論語》 璿、瑾、瑜,美玉也。 瑳,玉色鮮白也。 語》「玉粲之璱兮,其 【《問王》,疑即《問玉》。」 亶其然乎?」案:《説文》引逸《論 爲「玉」,初無大異,因爲「玉」爲「王」耳。 之業。」朱氏彝尊《經義考》斥晁説爲附會,謂:「今逸《論 《問王》爲《春秋》素王之事,備其問答。 璠璵」,魯之寶玉也。 問王》之爲《問玉》,其説信不誣也。 今《家語》亦有《問玉》篇,當是依用《論語 「張禹《魯論》所無,則謂之逸《論語》,如十七篇之外爲 璬,玉佩也。 王》也。 近而視之、瑟若也。 考之篆文,三畫正均者爲「王」,中畫 瑱,充耳也。 瑩,玉色也。 竊疑《齊論》所逸二篇,其一乃《問 璑,三采玉也。 **瑧猛也**。 孔子曰:「美哉璠璵,遠而望之,焕 「詳其名,當是内聖之道,外王 則理 璪,玉飾以水藻也。」凡所詮 》文全不類。 如玉之瑩」。 瑛,玉光也。 勝,一 玲、琤、 宋氏翔鳳《師法 又合《知道》爲發揮 則孚勝。」又《初學 、瑲、瑣、 王伯厚 朱氏不當 段氏玉裁 》篇名。 瓊,赤玉也。 、 理, 玉 近上者 亦 然則 並數 云: 玉》, 》以 引 注 聲

> 《燕傳説》三篇。 《魯》、《河間》九篇。 也。 從政 所云《河 不知何篇。 或多或少,文讚或是或誤。」案:《齊》、《魯》、《河間》九篇 後更隸寫傳誦。」又云:「今時稱《論語》二十篇,又失《齊》: 至昭帝女讀二十一篇,宣帝下太常博士。 古文,得二十一篇,共《齊》、《魯》、《河間》九篇,本三十篇。 題 孔子壁中,有兩《子張》。」蓋《古論》分《堯曰》下章「子張問 則亦逸文之僅存也。 諸家有無不同之説,有「蓋肆乎其肆也」句,不知何篇之文, 孔子世家》:「時魯共王壞孔子舊宅,壁中得古文虞、夏 九篇,出於《漢志》之外,又合《古論》爲三十篇也。 論》、《齊論》已見《前志》,不得別 堯曰》篇之義蕴。 略同,故有兩《子張》。 **《論衡** 」别爲 間 一篇,而題以《子張問》,與第十九篇之《子張 者 翟氏灝《考異》以《藝文志》、《論語》十二家,有 正説》篇:「漢興失亡,至武帝發取孔子壁中 也。 河間趙地、偪近於燕、《燕傳》疑即《論 此 **案**: 本三十篇,分布亡失,或二十一篇,目 《漢志》云:「《論語》古二十一篇,出 曲説,不可從。 翟 如氏注以爲篇名《從政》,殆未然 説 亦 有《齊》、《魯》合《河間》爲 是 存 漢石經 疑,不 時尚稱書難 《論 足 爲 語 《史記 據。 。 末記

敘録 與深辨 得其 本有 云 : 帝女能讀 志》亦言:「 略見《史記 無此章。」則謂《古》、《齊》有此章也。《古》、《齊》、《魯》章句 顧 煩省,與《魯論》不異。」然《學而》篇「未若貧而樂」,《古論 他處未見,恐難據也。 次,不與《齊》、《魯論》同。 第二篇,《雍也》爲第三篇,内倒錯,不可具説。」是《古論》篇 記》、《論語》、《孝經》,凡數十篇。 商、周之書,及傳《論語》、《孝經》,悉還孔氏。」❶《漢・ 論》,爲 樂」下 魯論 「《古》皆無此章。」《堯曰》篇「知 書。」 不同 》引桓譚 也。 衛靈公》篇「子 有「道」字。 則《古文論語》久入孔氏,昭帝女何由 而 世 ,而宣帝 兼 》、《説 武帝末、魯共王壞孔子宅、得古文《尚書》及《禮 所貴。 皇侃《義 新論 隋志》謂其煩省不異,亦大略言之爾。 講《齊 文》並 時博士轉難曉耶? 《鄉黨》篇「車中 》説《古論》云:「文異者四百餘字。」今 疏敘》曰: 正義曰: · 日 : 説 《隋書・經籍志》:「《古論語》章句 鄭 》,善者從之,號 然皇本多爲異域人所改,此等説 注中。 父在觀其志,父没觀其行」,鄭 「安昌」,據《漢 「《古論》篇次,以《鄉黨》爲 孔安國者,孔子後也。 安昌侯張 内顧」、《古論》作「不 命」章,鄭云: 此皆無稽之説,不足 日《張 地 得 禹 「《魯論 讀? 理 本 《經典 志 藝 》屬 受 侯 悉 内 既 文

> 善而從、號曰《張侯論》。」據《敘録》,是禹受《魯論》於夏侯 平二年,薨,謚曰節侯。 安昌侯。 關 數歲,出爲東平内史。 學精習,有師法,可試事。 傅蕭望之問。 習,有徒衆、舉爲郡文學。 汝南郡。 建,而《禹傳》不及建,蓋所遺也。 昌侯張禹受《魯論》於夏侯建,又從庸生、王吉受《齊論》,擇 文。」由是學者多從張氏,餘家寖微。」《釋文敘録》云: 獲所安,最後出而尊貴。 韋玄成皆説《論語》,篇第或異。 士。 沛郡施讐受《易》,琅邪王陽、膠東庸生問《論 「《張論》合《齊》、《魯》兩家之學,特其篇章與 言禹善《論語》。 内侯、給事中、領尚書事。 初元中,立皇太子,而博士鄭寬中以《尚書》授太子,薦 《漢書 爲相六歲。 禹對《易》及《論語》大義,望之善焉,奏禹 詔令禹授太子《論語》,由是遷光禄大夫。 傳》云: 鴻嘉元年,以老病乞骸骨,就第。 成帝即位,徵禹、寬中,皆以師賜 始魯扶卿及夏侯勝、王陽、蕭望之 諸儒爲之語曰:「欲爲《論》,念張 「張禹,字子文,河内軹人也。 奏寝、罷歸故官。 甘露中,諸 河平四年,代王商爲丞相 禹先事王陽,後從庸生,采 宋氏翔鳳《師 儒薦禹,有詔太子 久之,試爲博 《魯論》同,故 語 法表》: 既 皆 爵 建 封 太 從 明

❶ 「時魯」至「孔氏」,實出自僞孔安國《尚書序》。

傳》: 也。 其名,但欲傳之私族,故直 拜郎中,亦以《論語》人授和 經傳有疑,輒遣小黄門就舍即問。 鄉 安,師事博士右師細君,習《魯詩》、《論語》。 戴崇至少府 句》獻之。」意此即二十一篇《説》也。 考《禹傳》云:「初,禹爲師,以上難數對己問經,爲《論語章 多以《張 没其名,但言包氏,連言周氏耳。』《釋文敘録》云: 二十篇、《説》一篇、《志》連經言之,得有二十一篇也。 而《漢志》言禹有二十一篇,説者疑「一」字誤衍,或是《經 《禹傳》云:「禹成就弟子尤著書,淮陽彭宣至大司空,沛郡 (藝文志》: 張氏晚講《齊説》,後遂合而考之,删其繁惑,除 論語》,又爲其章句。 知道》二篇,從《魯論》二十篇爲定。」是《張論》本二十篇 里。 不言名而言氏者,蓋爲章句之時,義在謙退,不欲 包氏、周氏章句 包咸,字子良,會稽 光武即 論》爲《魯論》。 「魯安昌侯《説》二十一篇。」師古曰: 九卿。」當亦傳《論語》之學者, 位 舉 - 孝廉, 拜諫議大夫。 後 出焉。 云氏 曲 除郎 漢熹平石 帝。 呵 行而已。 中。 人 邢 年七十卒於官。❶ 也。 正義曰:《後漢・ [經即 疏云:「周 永平五年,遷大鴻臚 建武中,入授皇太子 《隋書 或 少 日 用 爲諸生,受業長 以何氏諱咸 此《序》未之及 王莽末,去,歸 《張 氏,不詳 法《問 經籍志》: 論》。」 「張禹也。」 「後漢包 子福 儒林 王》、 顯 案: 故 題 又 何

> 《禮》、《春秋》、《孝經》、《論語》,兼綜載籍,窮微闡奧。』都 《論語》西漢時已立。 書》初 《孟子題辭》: 及甲乙試策,❷宜從其家章句,開五十難以試之。 耳。」案: 徐 博 詔 取上第六人、《論語》不宜射策。 類 説,猶立於學官,爲置博士。」時所 子》、《爾雅》皆置博士。」劉歆《移讓太常書》:「孝文時,《尚 咸、 漢 人,不及《論語》。 立石大學,非《張論 也。 防事互爲發明。 士猶講授《論語》,太常博 小郡都尉博士督郵板狀,曰: 書下公卿,皆從防言。」翟氏灝《考異》云: 周氏並爲章句, 出屋壁、《詩》始萌芽。 《唐書 翟氏甚是。 「孝文欲廣遊學之路、《論語》、《孝經 薛放傳 然《後漢·徐防傳》云:「防疏謂: 蓋其時諸經皆兼 立於學官。」宋氏 | 曾 《論語》 至《後漢・百官志》,太常博士凡 立博士也。」 土詎 》惟立博 漢時《論 天下衆書往往 轉 『通《易》、《尚書》、《詩》、 雖所失或久,差可矯 稱傳,即《論語》、《孟 士,故得立石大學。 不講授與? 翔鳳 《論語》,故不復設 _ 案: 語 首 宋 師 頗出,皆諸子傳 立於學官。」 説 「據《 法 似 表 誤。 此 《通典》載 **※**云: Ŧī. Œ 『博士 心》、《孟 專 革。」 經 趙 可 + 子》 各 則 洪 謂 官 與 尉 四 岐

試策」、《後漢書》作「策試」。

0

0

十二下 據《漢 !書》脱

乃考論古今文字,撰衆師

之義,爲《古文論

「魯恭王得壁中書

以歸夫子十一

尚書傳》五十八卷。

其

後

孝

成

帝

詔

劉

向

書。」是《古文論語》爲安國所得也。

論

語》,

而

此《序

》謂安國

爲《古論

》訓解

經》,凡數十篇,皆古字也。

孔安國

書,及傳《論語》、《孝經》,悉還孔氏。」《漢書・藝文志》云: 魯共王壞孔子宅,而得《古文尚書》及《禮記》、《論語》、《孝 》云:「盍氏、毛氏,不知與包、周孰爲先後,又不 「安國爲武帝博士,至臨淮太守。」《世家 士」,未詳其後所居之官耳。 曰:《古論》者,古字《論 士孔 者,孔子後也,悉得 孫,爲 然《漢志》不言安國 古文虞、夏、商 郡 之。 者, 世孫子國。 》之異同。 在於蕭蘠之内」, 語訓》二十 武 安國 校 太 此《序》本 帝博 王肅《家 定 守 語 衆書 《世家》又 业。 馬 爲 士。 宋氏翔 之 融 子國 周之 語 都 **©**史 · 世 《漢 篇 訓 亦 記 後 注 其 《魯論 疑其不類。 傳《尚書傳》、《孝經傳》,往時儒者皆知其僞,而《論語 其他差謬,遠失經旨者甚多。 曹,又之宋之陳, 置之不使名家乎? 雅博,爲世通儒,倘及見典雅正實之安國《古文訓》,豈 别見。』奏上。天子許之,未即論定,而 禄大夫向以爲其 不行於時,然其典雅正實,與世所傳者不 國爲之今文讀而訓 之,略曰:「《古文尚書》、《論語》,世人莫有能言者, 録,名《古文尚書》、《論語 以 淺 是安國之學。今校之孔注,如「在陳絶糧」,敘孔子去衛 從安國問故,其《孔子世家》、《弟子列傳》所載《論語 遂不果立。」案:《漢·藝文志 録》、《論語》則不使名家也。 集解 (徴 爲王 》所采,無敢異議。 典舛誤,疑爲平叔 》傳説皆備載之,而於《古論》不言有孔氏《説》。 肅 所作。 沈氏濤箸《論語孔注辨僞》、《自序》譏其詮義 蓋 時 佛肸爲趙 傳其義。 王 所未施 安國以《今文》讀《古文》,而司馬 肅 所 好 别録》。 近陳氏鱣箸《論語古 作。 與鄭難 行之,故《尚 簡子邑宰,顯 臣竊惜之,臣愚以爲宜皆記 既畢,會值 是此注必非安國所作。 刻 丁 子國孫 氏晏箸 ,故論者以 《論 語 遇 巫 》十二家, 書 衍 《論 帝 同 蠱事起,遂各 與《史記》不合 爲博 》則不 崩,向 日 語 尚 訓》,《自 而 孔 書傳 士, 上 注 語 記 於《齊 又 臣 證 也。 于 》爲 病亡 》因爲

遷

īF.

625

有 劉

向

云:

時魯共王

壞

孔子舊宅,壁中得

家》,故亦祇言「博

但

言

博

士」者,

當是史公就

目

見時

言

記·孔子世家》:

安國,孔子十一

世

孔光傳》言:

爲

之訓

説。

Œ.

義

解

而

世

不

傳。

至

順

帝

時,南

鳳《師

法表

知

爲《齊》爲《魯》。」《古論》唯博

盍、毛、

周

無「於」」,此以諸家校《魯論》

适《隸釋》

》載殘字石經、《堯曰》篇末云「「而

書辨

祖

安

廢 光

《别

區偶》,

序

今所

中 隱於南山,融從其遊學,博通經籍。 季 石。 年 但言注《論語》,而 才高博洽 元 皇帝諱保,安帝之子也。」《地理志》云:「南郡,秦置,高帝 此等説終是不可據 所居之官。 禹傳》、《經典敘録》皆言魯扶卿,是魯爲其姓。 魯人扶卿, 作 論》之學,見《漢· 禮》、《尚書》。 坊記》,豈至安國及扶卿時始有其名? 魯人扶卿」,與《漢志》諸文不同。❶ 從事中郎, 詣 長,扶風茂陵人也。 復故,屬荆州。』《表》云: 年更爲臨江郡,五年 則 景帝中二年,更名太守。』《後漢書・ 丁氏此説,較沈氏爲得。《論衡・ 東觀 此《論 爲 官至荆州刺史,始曰《論語》。 典 《論衡》此言,未知所本。 語 轉 世 校秘 注 年八十八,延熹九年卒於家。」」據《融 武都太守。 通 》必 此《序》以爲《古論》者,以 儒 藝文志》。 也。 書。 亦 注《孝 復故。 有俊才。 出 邢 陽 肅之手,而 嘉二年,拜 疏云:「案:《後漢・ 「郡守,秦官,掌治其郡,秩二千 三遷,桓 經》、《論 不傳《古論》,且《漢志》及《張 景帝二年復爲臨江 初京兆摯恂以儒術教授 永初四年,拜爲校書郎 一帝時 特 議 又荆州刺史似謂 至《論語》之名,早見 語 正説》篇謂安國以授 於《家 郎。 王充於經術頗疏 》、《詩 爲 傳》云:『馬融字 案:扶卿爲《魯 融注他經多爲 南郡太守。 大將軍梁 語 《論衡》獨言 紀》:『孝順 》、《易》、三 序》互 郡,中二 傳》, 扶卿 商 證 融 表 成

> 於玄。 融。 更名大農令,武帝太初元年更名大司農。」司 卿 玄善算,迺召見於樓上。 張恭祖受《周官》、《禮記》、《左氏春秋》、《韓詩》、《古 《京氏易》、《公羊春秋》、《三統歷》、《九章算 玄,字康成,北海高密人也。 志》:「大司農卿一人,中二千石。」《後漢書 成生當靈、獻時,故曰「漢末」。大司農者、《漢書 融亦注《魯論》,似未然。 論》篇章,考之《齊》、《古》,爲之註 正《魯論》,當亦受之融者 古文,故意所注《論語》亦 表》云: 融素驕貴,玄在門下,三年不得見,迺使高業弟 以山東 玄日夜尋誦,未嘗怠倦。 「治粟内史,秦官,掌穀貨,有兩丞。 無 足問 者, 迺西入關, 玄因從質諸疑義 也。 是《古論》。 漢末,大司農 受業師事京兆第五元先,始 皇侃疏、《隋・經籍 會融 因 其 集諸生考論 涿郡 後 康 術》。 問 盧 鄭 成 畢 植 傳》云:「鄭 景帝後 取 馬 正義曰: 玄就《魯 辭 事 又從 彪 古 志 百 扶 歸 子 **百** 論 傳授 文尚 風 東 元 官 謂 聞 康 融 馬 郡 通 官 年 公 馬 校

0

之證。」 不傳 漢書》及兩京石刻多有 至「不同」, 「扶姓, 孫 校: 此稱、《論 漢 案 有 廷尉 魯 爲 地 衡》文不誤。 扶 嘉。」 扶卿 是 爲 姓名。

魯論》者,不

一而足。

其從《齊》讀已不可考,然尋兩家之

通《齊》、《古》,而於《古論》尤多徵信。

故注中從《古》讀

正

者、《隋書·

遂微,鄭學興而《齊》、《古》差見。 於經傳洽孰,稱爲純儒,齊魯間宗之。」「就魯論篇章」云云 存周禮難》,凡百餘萬言。玄質於詞訓,通人頗譏其繁。 議》、❶《六藝論》、《毛詩譜》、《駁許慎五經異議》、《答臨 傳》、《中候》、《乾象歷》,又箸《天文七政篇》、《魯禮禘祫 郡守以下當受業者,縗絰赴會千餘人。凡玄所注《周易》、 云:「周之本,即周氏之出於張侯者。 之本,以《齊》、《古》讀正,凡五十事。」宋氏翔鳳《師 玄茂才,表爲左中郎將,皆不就。 古》而爲注。」《張論》即《魯論》。 尚書》、《毛詩》、《儀禮》、《禮記》、《論語》、《孝經》、《尚書大 ,起,迺與同郡孫嵩等四十餘人俱被禁錮,遂隱修經業,杜 ·然謂門人曰:「鄭生今去,吾道東矣。」玄自遊學,十餘 建安元年,自徐州還高密。 家貧、客耕東萊、學徒相隨已數百千人。 經籍志》:「鄭以《張侯論》爲本,參校《齊》、 時大將軍袁紹總兵冀州,遣使邀玄,舉 迺以病自乞還家。卒年七十四。 是康成雖就《魯侯》,實兼 陸氏《音義》云:「鄭校周 公車徵爲大司農,給安車 玄後嘗疾篤,自慮,以 蓋《張論》出而三家 法表 及黨 至 自 孝 年 者也。 《古文》,故别題《古文論 亡。」蓋阮孝緒所著録,鄭無别注《古文》,其所注《論》,即用 法表》又云:「《隋• 謂鄭從《齊》讀已不可考,是大略言之,未細撿耳。 「《魯論》無此章。」此又從《齊》、《古》校補周本者也。 鄭仍從周本有此章也。又《堯曰》篇「知命」章,鄭云" 行。」」鄭云:「《古》皆無此章。」謂《古論》及《齊論》無此章 三子者之撰」、「撰」,鄭作「僎」,云「僎讀曰詮」。「子貢方 饌」,「饌」,鄭作「餕」。 「無適也」,「適」,鄭作「敵」。 「異 《魯》讀之文。 本,凡五十事。 學,可以得其一二。」案:《音義》謂鄭以《齊》、《古》校正 「《論語》十卷,鄭玄注。 人」,「方」,鄭作「謗」。「朱張」,鄭作「侏 「主」,仍是從《古論》義爲「社主」也。 經典敘録》同。 廢」,鄭作「發」。 又《衛靈公》篇:「子曰: 其「哀公問主」解爲「社主」,雖從 今以鄭氏佚注校之,祇得二十四事,皆 《隋志》又言: 皆與《集解》本異,疑此即 經籍志》: 《論語釋義》十卷,鄭玄注。」《新 語》。」案:《舊唐 「梁有《古文論語》,鄭玄注 **《論語注** 「父在觀其 至如 張」。 》十卷,鄭玄注。」

門不出。

「有酒

食,

生 作

平.

周

本 先

明

周

事 迺 喟

歸鄉

里。

書戒子益恩云云。

乘,所過長吏送迎。

0 議 據《後漢 書 鄭玄傳》當作「義」。

書

經

籍

六一 Ŧi.

宋氏《師

宋氏

據《齊論》校

Œ.

「廢中

志,

父没觀

其

射。 謚 昌人也。 近故也。」《晉書· 皆爲義説。 久佚,至鄭 行,鄭氏盛於人間。」考箸録家説《論語》者, 於國學,而 鄭君《論語篇目弟子》一卷,今略見《史記集解》中。 作「一卷」,其《舊志》云「十卷」者,字之誤也。 卷。」分注與釋義爲二,疑釋義即鄭君《論語 士,皆官名也。 百官公卿表》: 音》。」近故司空陳群、太常王 掌宗廟禮 漢歷魏,置以爲三公。』《漢書・百官公卿表》:「奉常,秦 日 《師法表》云:「《隋志》言:「梁、陳之時,惟鄭玄、何晏立 靖 明 藝 「太常卿 文 帝 侯。」《王朗 太祖 志 即位,進 鄭 氏,大 儀。 氏甚微。 辟 「《論 《魏志• 正義曰: 群爲司空西曹掾屬。 人,中二千石。」本注曰: 「博士,秦官,掌通古今。」是司空、太尉、 職官志》: 抵 封潁陰侯,頃之爲司空。 景帝中 傳 語 佚 鄭 周、 於 $\vec{\Xi}$ 邢疏云: 陳群傳》: 六年,更名太常。」司馬彪《百 Ŧi. 公主十 齊、 「太尉、 朗,東海 季 鄭學獨 之 「年世未遠,人已殁故,是 ~亂, 卷, 「陳群,字長文,潁 司徒、司空,並 蘭陵 肅 又 文帝即位 略 立。 存於 注 掌 博 人。 敘》。 康成以前,俱已 至隋, 青龍四 《論 士周 八何《解 禮儀祭祀。」 又二《志》有 子 語 遷尚 何、 故《新 肅,字子 釋 古官也。 宋氏翔 年, 生烈 義 鄭 書僕 川許 薨 志 博 官 陸 並

常侍。 例也 將軍 平太守。 别 有 子》五卷。 要 案:「逢」、「逸」二字形相近,未知孰是。 逢。」邢疏引《七録》云:「字文逸,本姓 帝《中經簿》。」《經典敘録》「周 生,名烈。 等,亦歷注經傳,頗 也。』」《王朗傳》:「自 傳》:「尚 於學官。」《經典敘録》有王肅《論語注》十卷。《後漢・馮 會同異,爲《尚書》、《詩》、《論語》、三《禮》、《左氏解》,皆列 石顯之屬。」後爲光禄勳,徙爲河南尹,後遷中領 騎黄門侍郎。 雍 論》一 矣。 周 ,年十八,從宋忠讀《太玄》,而 生烈,而 曹爽專權 惟 甘露元年,薨。 今邢 卷,魏侍 書周 公事徵還 冉 是周 何晏《論語集解》有烈《義例》,餘所箸述,見 有退朝」 無周氏。 疏、《集解 太和三年,拜散騎常侍。 ,任用 生豐。」李賢注:「《風 生後官侍中,其説 中周生 傳於世。」裴松之注: ,拜議郎。 何晏、鄧 魏初徵士燉煌周 初 蓋二家之注久爲後人混併,莫可識 注云「君之朝」。 》但 烈 肅好賈、馬之學,而 有 撰。」《 周 颺等。 頃之,爲侍中,遷太常。 生烈」注引《七録》: 氏 更 新 論 無 爲之解。 唐志》儒家 俗 肅曰:「此輩 周 語 《隋志》:「《周 唐, 見於《釋文》所引 生烈,明 生氏 通》曰:「周 正始元年, 「臣按: 即 魏 裴氏 不好 黄 至皇疏 博士 有《 (軍,加 初 帝 此 所 鄭 即 中, 周 侍 時 出 「字文 生, 氏,采 云 弘 又 生子 中。 晉武 姓 散 時大 爲廣 爲 生 董 但 周 遇 散

劭公語 引作 安者 亦以 禄據《書鈔 説 + 見不 鈔》六十六引《論語》:「女爲君子儒 言 也。」案: 解」,謂自古至今,中間包氏、周氏等爲此《論 古,謂之前 不 爾雅 論 即即 餘家,故曰「至于今多矣」。 則 舉 爲 語》,不爲 「君子爲儒,將以明道,小人爲儒,則矜其名。」劉 爲 確 何 -其大略,未爲篤 僞 「, 頗 同, 訓 然《集解》載此注爲孔安國注,《史記·弟子傳 爲周 可 「何曰」矣。 釋言》:「集,會也。」 曰」,何 孔 前 知。 解 》所引爲何休佚注,推 爲 互. 此 世,上教 生 《集 世」當指前 注,亦 義也。 改易,名 有 今集 者,何晏,非 中 解 得失。 間 且小人儒 》所采,是當時 見采録, 下曰傳,下 論 諸 爲 前 也。 漢。 之訓 家之善,記 世 日《 正義曰: 何 則 《後漢• 《藝文志》載有《魯》、《齊》之 傳 通 不必是矜名,其義 休 以其趣舍各異,故得失互 論 非不 作 承上曰受。 解,至于今多矣。 受師 也。 演其義,爲《論語 語 輯 已 ,無爲小人儒。」何 邢疏云:「據今而道 爲訓解 足利本不載 佚不傳矣。 儒林傳》言何休 集 説 其 若劉 解 矣。 一中 姓 雖 **%** 語訓解》,有二 歆 名,有不 淺狹,決 有 間爲 《序》之此 有《輯 正 ^ 姓 述 異 義曰: 北 名,則 何 》集 之訓 休注 氏 堂 注 同, 篇 所 略 非 解 逢 有 往 書 訓

此

顗、尚 《經典敘録》、《隋志》、《唐志》俱云: 自見。 第三,位在金紫將軍下 而 佩 禄大夫加金章紫綬者,品 爲光禄大夫,秩比二千石,無印綬。」《晉書・ 夫、諫大夫,皆無員,多至數十人。 曰:《漢·百官公卿表》: 騎 傳》,合經傳諸文,比其義類,亦名 也。 名」下有 易先儒者也。」案:此語亦見《晉書・ 曰」、「馬曰」,及諸家説下「一 以名其人,非謂名字之名也。 也。 禄大夫關 已,不别 玉 常侍 置 集 邢 邢氏亦本皇 疏 書駙 吏卒羽林。 解」者, 因 中 <u>云</u> 給車 一從其 内 領 馬 注但 服、吏卒 侯 集 軍 義 都 諸 疏, 臣 其以 安鄉亭侯臣 記 四 尉 家 諸 而 其姓, 也。 孫邕、光禄大夫臣 字。 解 關 卿 爲加官者,惟 秩第二,禄賜、 「大夫掌論議,有大中大夫、中 此疏云云,或所見别 《論 集解 上。 内 光禄大夫假銀章青綬者,品 曰」者,皆是何氏自下己 而 『頗爲改易』者,注首不言『包 語 侯 此連言 漢時 》之義。 姓 臣 「集解」,與 太初元年,更名中 名並 「何晏《集解》十卷。」光 鄭沖 曹羲、侍中 所 何 假章經、 名者,以 班 舉 置 晏等上。 傳》。 杜 位、 以以 無定員,多以 職官志》: 此 預 冠幘 本 皇 鄭 注 禄 言 惟 箸 實 疏 賜、 其 沖、 同 春 記 不 本 意, 臣 旨 車 姓 班 大 正 稱 秋 證 其 光 服 荀 散 異 位 名 之 改 所 左

論 語 Œ 義

平.

好道 稱。 郎,又爲勃海太守十餘年,其後爲吏部尚書,又爲侍中。 疏 碑言「侍中」合。 德亭侯爵矣。 尚 氏億跋尾據《盧毓傳》,孫邕代毓爲吏部尚書,與碑言 父列卿光禄大夫建德亭侯。」又歷述其父於魏文帝時爲侍 紀 疏 男之義也。 租多少各有户數爲限。」劉昭注: 用 爲使命之官。 拜 晉《任城太守夫人孫氏碑》云: 大夫者,大約如諸公告老家拜此位 志》,則魏時貴重之臣方拜此 關內侯,承秦賜爵十九等爲關內侯,無土,寄食在所縣,民 云: 》注引《魏書》廢齊王表有光禄大夫關内侯邕,即 加之。」又云:「光禄大夫與 假 云「樂安」者,樂安與濟南同隸青州 案: 術,自以當仙 賵 贈 孫邕,字宗儒 王和 之使及監 而關內侯特名號侯之一,至其後乃獲實封,有 秦都山西,以關内爲王畿,故曰關内侯也。」邢 平 桂 其諸公告老者 事, 氏馥 魏 濟 文帝《典 護 亦見《後漢 跋尾 南 喪 樂安青州 事。 孫邕少事之。」則邕爲 據《管寧 論 職,而 魏 ,皆家拜此位,及在朝顯 「夫人,濟南孫氏之中女也。 卿同秩中二千石。」據《晉 氏 方術 人 「關内侯者,依古畿内子 一光和 孫邕以 已 也。 傳 也。」案: 一來,轉 》,侍 傳 地最 司馬彪《百官志》: 中, 關内侯得爲光禄 中 復優重,不 相 北 典 孫 近,故 海 濟 邕薦 論 南 Ě 志 孫邕也。 兩 人。 和 寧, 職 吏 平. 齊 復 地 王 復 與 武 和 邢 亦 建 部 王 以 並

> 徒。 講《尚 侍 秦官也。 詳其實官,亦不及加官矣。 之後,命賈充、羊祜等分定禮儀、律令,皆先諮于 郎 學,累遷尚書,①出補陳留太守。 史,遂博究儒術及百家之言。 滎陽開封 計終魏世 大夫」不同,疑光禄勳是其實官,光禄大夫則 勳,在曹爽輔政時。 行。」按: 序》時,未爲光禄勳,故但言光禄大夫。 得 爲 常 ,轉散騎常侍、光禄勳。 侍用 常道鄉公即位,拜太保,封壽光侯。 光 人禁中,皆 書》,沖執經親授,與侍中鄭小同俱被 和 曹爽輔政 宦者。 人也。 秦置散騎,又置中常侍,散騎騎從乘興車 時 必已殁矣。 人, 無員, 而邕 魏文帝 起自寒微,卓 在正始之際,沖 惟《傳》言爲 少事之, 亦 **《晉書** 黄 以 嘉平三年,拜司 初 爲 初 加 則 及魏文帝爲太子,命沖 爾 官。 鄭沖 置散騎 「光禄勳 邕亦爲 職官志》: 立操,清恬寡欲, 大將軍 由從 漢 傳》: 東 靈 及陳壽作《傳》,② 時文帝輔 」,與 事 合之于中 曹爽 空。 京 帝 散 中 賞賜。 鄭沖, 初, 加官 或獻帝 此 引爲從 郎 及高貴鄉 騎常侍, 省 《敘 轉 沖,然後 也。 字 後,中 政,平 散 至 俄 耽 同掌規 光光 時人。 文 轉 事 爲 作 光 玩 和 常 本 此 禄 司

尚 書」下 據《晉 書》脱 郎」字。 中

0 0 陳 疑誤《晉書 事 陳壽作。

公無定

晉

以

來,置四

掌

魏宗室曹爽之弟。」《晉志》又云:

安鄉亭 有功。

侯,即

列侯食於安鄉者

也。

邢

疏

를

功大者食縣,小

者食鄉亭,得臣其所

侯國。」本注

鄉,故舉鄉名以表之。 率十里一亭,十亭一

司馬彪《百官志》:

漢建安四年,魏武丞相府自置,及拔漢中,以曹休 曰:「承秦爵二十等,爲徹侯,金印紫綬,以 馬懿奏誅曹爽,亦言其「破壞諸營,盡據禁兵, 殿中宿衛,歷世舊人皆復斥出。」即 「正始三年秋七月乙酉,以 也。」此安鄉亭即是十亭之 **儐贊威儀。」《漢表》注** · 百官公卿表》云: 「秦置侍中,漢因之, 「中領軍 「列侯,所食縣 ,且稱其 曹休爲之, 在三年 亭,民 굸: 中 食吏民。」然 曹 「爽弟羲,爲 養,沛 ·領軍 即中 魏 秋後 一貴寵莫 所 文 將軍 安定 領軍 主 帝 國 領 大 矣。 引 譙 則 賞 爲 軍 Ŧī. 合 應劭 之《曹 選 晏爲吏部尚 所官尚書,即是吏部。 部,主選部事。 以侍中梁鵠爲選部尚書,於此始見曹名。 並令僕二人,謂之八座。 漢光武改常侍曹爲吏部 外國夷狄事。 郡 四 書,本漢承秦置。 騎都尉,賜爵關内侯。 父勳除中郎,擢拜散騎侍郎 日 王表亦有「侍中 公,見《三國志》 論仁孝孰先,見稱 人,魏太尉彧之第六子也。 國事。 掌侍曹,主丞相御史公卿事。 人分爲四曹,通 景福殿 日 逐 傳 「人侍天子,故 其三曰 ·注: 賦 書。』《經典敘録 後成帝又置三公曹, 》注引《典略》云: 注。 凡五曹尚書、二僕射、一令爲八座。」此 臣顗」,即 民 晏爲尚 掌圖書秘記章奏之事,各有其任。 至成帝,又置尚書五人,一人爲僕 於世。」案: 曹,主吏民上 其爲侍中在 《魏志• 難 曰 曹,主選舉 書 尚 鍾 荀 侍中。」《荀 書雖 博學 ,主選舉,其 》亦言 會《易》無 ,累遷侍中。 顗也。 顗爲 傅嘏傳》: 「平叔遷 其 書 洽 有曹名,不以爲號。 其二曰二千石曹,主 「吏部尚書 前 主斷 魏 聞,理 事。 《晉志》又 祠祀事。」又云: 顗 則當 少 互. 傳 帝 心尚書, 其四 體 宿 獄,是爲五曹。 爲魏少帝執 「時曹爽秉政, 及魏改選部 思 執經,指 與之有舊者,多 齊王 又與 周 字 何晏」。 曰 日 密 主選。」裴松 主客曹, 景 時

將軍

蔣濟爲太尉。」則曹羲

之官中

-領軍必

安鄉亭侯」者,安鄉不知所在。《説文》:

亭有樓,從高省,丁聲。』《漢書

鄉、皆秦制

群宫 盛。

要

職、皆置所親。

指曹羲等言。

《齊王紀》:

將軍

不言「將軍」者,辭之省。

《曹爽傳

中

領

軍。」 也。

與武衛將軍訓

散騎常侍彦並列

其後司

魏官 散騎、

也。

中常侍爲散騎常侍也。」《晉

志》又云:

不

典事。」「合之于中」者

,晉灼《漢

表

注

爲中領軍。

文帝

踐阼,始置領軍

將軍,以

人扶

風

王

故 列

廢

射,

而

曹

尚

其 刺

高

貴

倩

III

魏

時 潁

經

拜

武衛等三營。」據《志》此文,則

又《文

六六

曹 帝

後

靈 爲

何

六二〇

耳。 成,當 無考。 親授,與侍中鄭小同 尚主,又好色,故黄初時無所事任。 晏長於宮省,又尚公主,少以才秀知名,好老、莊言,作《道 武帝初置, 奏列邕、沖等名而晏最在後,箸録家見奏末稱「臣何晏等 于今傳焉。」《魏志》言何晏作《道德論》及諸文賦箸述,凡數 義,有不安者,輒改易之,名曰《論語集解》。 顗、何晏共集《論語》諸家訓注之善者,記其姓名,因從其 爲關内侯,而裴注言爲列侯者,蓋晏初封列侯,繼封關内侯 侍中、尚書。 至正始初,曲合於曹爽,亦以才能,故爽用爲散騎侍郎,遷 德論》及諸文賦箸述,凡數十篇。」裴松之注:「晏字平叔 車 亦是祇言「尚書」也。 者,當時不列曹名。 被 ·篇,不言注《論語》。 《拔擢。」言晏主選舉 ,皆爲駙馬。」司馬彪《志》本注曰: 宋氏翔鳳《師法表》云:「《鄭沖傳》: 定自沖手。 《曹真傳》: 秩比二千石。」師古曰: 晏前 今使平叔專其姓氏者,蓋上《論語 以尚主,得賜爵爲列侯。」案: 「晏,何進孫也。 《齊王紀》正始八年,有「尚書何晏奏」, .俱被賞賜,是沖本經生、《論語集解》之 《漢表》云:「奉車都尉,駙馬都尉, 則 而沖在高貴鄉公時,講《尚書》,執 爲吏部 無疑。 及明帝立,頗爲冗官。 母尹氏,爲太祖夫人。 「駙,副馬 「無員,掌駙馬。」魏制 此 「初,沖與孫邕、荀 序》但言 成,奏之魏朝 也。 此《序》晏 非 集解 一尚 正 書 駕 皆 經

> 傳。 居首。 斗。 《通義堂筆記》曰: 顗 甚 運平四時,尚書出納王命,賦政四海。」據此則尚書之權 衷,遠近所禀仰。 爲優重,出納王命,敷奏萬幾。 專《集解》之名也。 晏、曹羲、孫邕没於魏世,惟荀顗 其光禄大夫皆是加官 甚 自注:「晉任愷爲侍中,萬機大小多管綜之。」是侍中職亦 中,漢代爲親近之職,魏、晉選用,稍增華重,而大意不異。」 由定,罪賞之所由正,斯乃文昌天府,衆務淵藪,内外 此《序》未列銜亦是由下逆數,蓋平叔官最顯要,故最居: 上」,遂以《集解》爲晏 重。 重,故荀顗居次。 傳》居後,自不複述。 《沖傳 斗爲天之喉舌,尚書亦爲陛下之喉舌。 《漢表》言: 吏部專掌選 》居前,故詳言與孫邕等共爲 故李固云: 『侍中得入禁中。』《通典》二十一云:**『**侍 「唐、宋時,臣下上表,結銜皆尊者居後。 舉。 考《通典》二十一言: ❶『尚書,至後漢則 中領軍 同 今宋氏據《沖傳》所言,以爲《集解 又晏以國戚尚主,貴莫與比 人所撰, 於開 則掌三營兵,故曹羲又居次。 「陛下之有尚書,猶天之有 散,故鄭沖、孫邕又居次。 蓋政事之所由宣,選舉之所 、鄭沖皆仕晉,故《 相沿至· 《集解》之事。 今也。」劉 斗 斟 **一**晉書 酌 氏 元氣 故晏 毓崧 所 《荀 後 何 北 折

0

[「]一」,據《通典》當作「二」。

姓,而此稱姓者,箸述之體,所以紀實也。 晏集解」。」可見陸氏所見正本,未嘗以《集解》專屬何晏,其 行,《獨斷》所云「左方下附曰某官臣某甲上」也。今連綴 臣亦以帝通《論語》,故撰集訓説以獻之爾。 齊王正始二年,帝講《論語》通,使太子釋奠。」則意當時 殺,上此《集解》則在正始三年後也。《晉書・ 有四名: 一曰章,二曰奏,三曰表,四曰駁議。」此文稱 帝時,是其誤久矣。蔡邕《獨斷》:「凡群臣上書于天子者, 之注《曹真傳》,即稱「何晏《論語集解》」。裴爲此注在宋文 安國」云云。其文兩見,則皆爲後人改題所惑矣。然裴松 兼載「一本」,自是後人改題之誤。故《釋文》云「何晏集孔 題止「集解」二字,在「學而第一」之下。自注:「一本作「何 定自沖手,恐非。」案:劉説是也。《經典釋文》載《論 正始即齊王芳。曹羲、何晏以齊王嘉平元年爲司馬宣王所 序》末,亦後人所合併。 上」,則奏類也。《經典敘録》:「正始中上之,盛行于世。」 結銜當別爲 群臣上書不書 禮 志》: 語》舊 魏 諸

附

録

鄭玄《論語序》逸文正義曰:略本宋氏翔鳳所輯。

子之名,實非止三子所作,故鄭言「等」以明之。《漢書・ 子》:「昔仲尼既没,仲弓之徒追論夫子之言,謂之《論 子游、子夏皆孔子弟子。 邢疏與《音義》同。 接聞於夫子之語也。 文志》:「《論語》者,孔子應答弟子時人,及弟子相與言 語》。」此當本鄭《序》,故數仲弓也。 宋氏翔鳳輯鄭注並采人《敘》,雖由意測,當得之也。 語音義》。 人共撰仲尼微言以當素王。」明標子夏之名。 與輯 仲弓、子游、子夏等撰。 .而論篹,故謂之《論語》。」趙岐《孟子題辭》:「七十 至《敘録》則云仲弓、子夏等所撰定,不及子游。 兩處引文不言鄭《序》。 當時弟子各有所記。 《論語崇爵讖》曰:「子夏六十四 但作《論語》者,雖有三 正義曰:此引見《論 陳氏鱣《古訓》、 夫子既卒,門人 傅休奕《傅 仲弓、 耐 藝

問 閔子。 誰作。 弟子所記也。 篇各一稱冉子。則意書字者爲弟子所記,書子者爲三子之 稱子者,自有子、曾子外,閔子騫皆書字,而《先進 當取後遺前,而反没群賢箸録之功也。 爲出於曾子、有子之門人。其説與象山異,雖亦得通,但不 語》爲出自曾子弟子樂正子春、子思之徒。 其以有子、曾子爲子夏輩所尊,故稱「子」,其説良是。 所尊者,此二人耳。」案: 陸以王肅説與鄭同,不知何本。 考者,如《學而》篇「子曰」次章便載「有若」一章,又「子曰」 録》曰:「鄭康成、王肅謂《論語》爲子游、子夏所編,亦有 源本《崇爵讖》,今其書不傳,莫可詳矣。」陸九淵《象山 括之也。 子之疇,會集夫子所言,以爲《論語》。」二文所言,皆以《論 元《文集・論語辨》以《論語》稱「曾子」,子爲師稱,因以《論 而下載「曾子」一章,皆不名而以「子」稱之。 :》爲聖門群弟子所作,故鄭君既箸其姓名,復言「等」以總 》篇不書姓,且直稱名,疑通篇皆憲所記。 冉伯牛、冉仲弓、冉有皆書字,而《雍也》篇、《子路 翟氏灝《四書考異》曰:「《通志》所録撰人名,恐即 鄭樵《通志・藝文略》有《論語撰人名》一卷,不知 胡寅《論語詳解》、趙順孫《四書纂疏 又考《論語 程子、朱子則 蓋子夏輩平昔 其説 》篇 》弟子之 亦 》謂《憲 柳宗 頗得 稱 語 以 可

記》可

矣。」書以

八寸策。

《鉤

命

決》云:

「《春秋》二

子恐離居以後,各生意見而聖言永滅,●故相與論撰,因輯 門人謂之也。《經典敘録》亦云:"夫子既終,微言已絶,弟 國所題,此誤説也。 爲弟子所題也。 時賢及古明王之語,合成一法,謂之《論語》。」亦以《論語 定,不得無名以稱之,此「論語」二字必亦仲弓等所題。《漢 等裒輯諸弟子所記,勒爲此編,故以爲所撰定也。 制》:「夫是之謂定論。」楊倞注:「定論,謂不易之論。」仲弓 師古注:「譔與撰同。」《説文》:「定,安也。」《荀子・王 書,則由仲弓、子游、子夏首爲商定,故傳《論語》 人扶卿,官至荆州刺史,始曰《論語》。」似《論語》之名爲安 三訓,義皆通也。 禮·坊記》及今《家語·弟子解》,今《家語》不可信,《坊 撰,具也,定也。」凡有所作述,必具衆義,擇善從之。 要之、《論語》之作,不出一人,故語多重見,而編輯成 「門人相 也。 内 鄭君習聞其説,故於《序》標明之也。 則》注:「撰,治擇之名也。」《廣雅 蓋自 《論衡・正説》篇:「初孔子孫安國以教魯 與輯而論篡,故謂之《論語》。」「謂之」者, 《漢書·揚雄傳》:「譔以爲十三卷。」顏 孔氏門人相 翟氏灏《考異》曰:「按:《論語》名見 論纂畢,隨題之爲《論 「撰定」 》者能 · 釋 詁 》: 既經撰 故此 知三 」者, 語 中有二編之形。 云:「大事書之于策,小事簡牘而已。」孔疏申之,以單執 義。 「册,符命也,諸侯進受於王也。

志》云:

尺四寸書之,《孝經》一尺二寸書之。」故知 經之策,皆長二尺四寸。《易》、《書》、《詩》、

理。

子之名。

《禮》、《樂》、《春秋》皆尺二寸,《孝經》謙,半 之。《論語》八寸策者,三分居一,又謙焉

十宗」,乃傳寫之誤。徐氏就而通之,非也。《説文》云: 策之度。「策」者,「册」之叚借。《説文》:「策,馬箠也。」别 正義曰:「書以八寸策」,見《北史・徐遵明傳》,彼文作「八 「書,箸也。」又《序》云:「箸於竹帛謂之書也。」「八寸」者、

册書,故凡書簡編連之,亦曰策。《魯語》云:「遂書以爲三 筴。」「筴」即俗「策」字。鄭注《中庸》云:「策,簡也。」《聘禮 新,古文册從竹。」符命,即天子賜諸 象其札一長一短 侯之

編之如櫛齒相比也。」凡皆異 也。」《説文》:「簡,牒也。」《釋名・釋典藝》:❷「札,櫛也 記》注同。《爾雅・釋器》:「簡謂之畢。」郭注:「今簡 名同物。 杜預《春秋左傳序

意」,據《釋文》當作「異」。

典藝」,據《釋名》當作「書契」。

札爲 尺 數十車。」皆簡編科斗文字,襍寫經史,可見群經皆有策矣。 曾參説孝道 經。」尹注: 此 藝》:「經,徑也。 以二尺四寸 疏引作「尺二寸」,字之誤也。 六經之策,二尺四寸,説見《左傳序》疏。 命決》者,《緯》篇名。 之大小有異,則杜預以策與簡牘分大事小事,亦非也。 今謂之字。 易》,章 書》、《詩》、《禮》、《樂》、《春秋》」者,六經之名。《説文》: 百名以上書于策,不及百名書于方。」鄭注: 四寸簡 :經,故《禮記經解》亦舉六藝也。 説 《君據之得以推測他經,故總言 [知六經之策]也。 [《易》、 束皙傳》:「太康二年,汲縣人盜 簡,連 「經」爲段借, 也。」織 編三絶。」《易 ,寫《堯典》一篇。」又《曹褒傳》言箸《新禮》成,寫 編諸 「四經謂《詩》、《書》、《禮》、《樂》。」是孔子前 方,版也。」用策用方,以字之多少有異,不以事 簡。 因 有文理,故群經取 簡 亦 亦以《新禮 常 爲策, 稱經。 未 典 《鉤命決》止言《春秋》、《孝經》之策 也。 必然也。 炭既 ,分策簡 《孔子 得 如徑路無所不通 》比於經也。 編 《後漢書 爲二, 《管子·戒》篇:「澤其 成 世家》云:「孔子晚好 以爲名。 《孝經》者,孔子爲弟子 策, 非 發魏襄 則 也。 若《儀禮• 周 他 《獨斷》云: 《釋名・ 《聘 磐傳》: 經可 王冢,得 ,可常用 「名,書文也 禮 知。 記 聘禮 <u></u> 釋典 竹書 也。」 《鉤 策 晉 四 讀 已

> 《鹽鐵論· 二字。 皆知説文解語而已,不知《論語》本幾何篇,但周以八寸爲 則金氏鶚《求古録》以爲舉成數,是也。 時 闕文也。」」●所言策「長二尺」者,則以齊尺大於古尺也 簡,以示王僧虔。 之約者,❸懷持之便也。 孔子之言行,勑己之時甚多,❷數十百篇,以八寸爲尺,紀 尺,不知《論 策較之,是爲三分居一 文,以推知六經之策,又據所見《論語》之策八寸,以六經之 王冢,獲竹簡書、 者 簡 八寸尺,不二尺四寸也。」仲任所見《論 律尺與經策同。 也。 《齊書• 其制長一 韶聖》篇云:「二尺四寸之律,古今一也。」是漢 語 》所以獨 王僧虔傳》:「文惠太子鎮雍州,有盜 青絲編。 僧虔曰:「是科斗書《考工記》、《周官》所 若《漢書·杜周傳》所言「不循三尺法」, 尺, 矣。 一尺之意。 短者半之。」「二 以其遺非經傳文,紀識恐忘,故但 簡廣數分,長二尺。 《論衡• 夫《論語》者,弟子共紀 正説》篇: 鄭君據 尺一下 語》之策,與 · 疑脱 《鉤 説 有得十 命 《論 四四 決》之 一發楚 鄭君 寸 餘

0

齊書王僧虔傳」

至

「闕文也」,此段文字見《齊書。

文

者」,據《論衡》當作「省」。

8

⁰ 惠太子傳 》和《南史• 王僧虔傳》。

[「]己」,據《論衡》當作「記」。

志

》諸文不合。

至以《論語》爲安國等所題,尤不可信

先。 矣。 居之地。 也。 史,始曰《論語》。」案:《論衡》以 福傳》:「叔孫先非不忠也。」顏師古注「先猶言先生也. 商刑名於軹張恢先所。」徐廣曰:「先即先生。」《漢書 語 以爲鄭《序》文也。 寸,尺二寸者,三分居二,又謙焉」。 六經之策,爲三分居 扶先」者、「先」是「先生」之省。 《論衡・ 段氏玉裁《説文》「册」字注考正此文,謂「《論 《漢志》敘《魯論》家有魯扶卿、《經典敘録》同。 正義曰:此引見《經典敘録》注。 又以 正説》篇:「安國以教魯人扶卿,官至荆 扶卿爲安國弟子,是 案 : 《漢 《孝經》已爲謙半、《論 書 《史記 扶卿爲人姓名,而 張 禹傳 傳《古論》之學,與《 語 宋氏翔鳳《師 鼂 殊不 》言魯扶 一錯傳》: 憭 語 卿 》則 語 學 説《論 魯 》策 法 則 此 州 又 表 申 扶 所 刺 梅 稱 謙

「三」、《經解續編》本作「二」,據文意作「二」是。

六二五

0

六二六

敘

後

者也。 明,而注家未之能及。至《八佾》、《鄉黨》二 思 没後,弟子始共撰述,未盡然也。 作之者非一人,成之者非 削 時,諸賢親承指授,當已屬稿, 道 萬世,莫易其理,故曰「微言」,非祇謂 喪 也。 ,故言特精善。 、孟子、荀子皆有箸書,於先聖之道多所發 而 多言禮樂制度。漢人注者,惟康成最善 班生有 大義乖。」聖人之言,中正和易,而 「大義」者,微言之義,七十子之所 今其箸者,咸見《論語》。 言:「仲尼没 迨後追録言行,勒爲此編, 一時。 而微言絶,七十子 或經先聖筆 先儒謂孔子 竊以先聖 曾子、子 性與天 天 存 沭 下

失也。 不言。 證。 恩、句容陳丈立始爲約,各治一經,加 梅 子,先君子應省試,與儀徵劉先生文淇、江 初箸《毛詩詳注》、《鄭氏釋經例》,後皆輟業。 時 群 義 所 未遑也。 家説《論語》者,彬彬可觀,而於疏義之作,尚 儒講義,多涉清玄,於宫室、衣服 注,知其所擇善矣。 言禮,又其就《魯論》,兼考《齊》、《古》而 先生植之、涇包先生慎言、丹徒柳先 於《毛氏詩》、鄭氏《禮注》皆思 籍。 ,益無足取。 删佚,而僞孔、王肅之説,反藉以存。 先君子發策得《論語》,自是 繼而授館郡城,多識方聞綴學之士, 宋邢昺又本皇氏,别爲之疏,依文 梁皇侃依《集解》爲疏,所載 先君子少受學於從叔端臨公,研 我朝崇尚實學,經術昌明,諸 魏人《集解》,於鄭 屏 諸禮,闕 有所述録 及道光戊 棄他 魏、 以 生 注 爲之 此 務, 疏 興 都 多 其 而

既而 長編 所闕卷,舉畀恭冕使續成之。 是則先君子之所以爲學,而恭冕之所受於先 求精校,或更得未見書讀之,冀少有裨益 復審校,手自繕録。 恭冕兢兢慎持,懼有遺失。 不及見矣。傷哉! 丙辰後,邑中時有兵警, 君子病足瘇,遂以不起,蓋知此書之將成而 悚,謹事編纂。及咸豐乙卯秋,將卒業,而先 發揮聖道,證明典禮,期於實事求是而已。 爲專己之學,亦不欲分漢、宋門户之見,凡以 專精致思,依焦氏作《孟子正義》之法,先爲 年歲次丙寅春三月,恭冕謹識。 言,補其罅漏,正其迷誤,跂予望之。 同治五 君子者,不敢違也。 而後寫定。述其義例,列於卷首。繼自今但 作宰畿輔,簿書繁瑣,精力亦少就衰,後 ,得數十巨册,次乃薈萃而折衷之。不 世有鴻博碩儒,幸不吝 蓋又十年,及乙丑之秋 暇日亟將此稟重 恭冕承命惶

